



New Testament

Ngiti Language

Ngiti - Bible - New Testament

| | | |
|--------------|-----|--|
| Màtayò | 3 | |
| Mărkò | 80 | |
| Lukà | 128 | |
| Yùwanì | 208 | |
| Kasu | 268 | |
| Pbàromà | 343 | |
| 1 Pbàkòritò | 376 | |
| 2 Pbàkòritò | 409 | |
| Gàlàtiyà | 429 | |
| Èfesò | 440 | |
| Filipì | 451 | |
| Kòlòsayì | 459 | |
| 1 Tèsàlònìkà | 467 | |
| 2 Tèsàlònìkà | 474 | |
| 1 Tìmòtewù | 478 | |
| 2 Tìmòtewù | 487 | |
| Titò | 493 | |
| Fìlimonì | 497 | |
| Pbàèbràniyà | 499 | |
| Yàkòbhò | 523 | |
| 1 Péterù | 532 | |
| 2 Péterù | 541 | |
| 1 Yùwanì | 547 | |
| 2 Yùwanì | 555 | |
| 3 Yùwanì | 556 | |
| Yudhà | 558 | |
| Upfòta | 561 | |
| | | |
| | | |

Ngiti - Bible - New Testament

Màtayò

Màtayò 1

Yěsù t'ábhúna-ovò

(Luk 3.23-38)

- ¹Yàrí ní Yěsù Krístò t'ábhúna-ovò. Yěsù Krístò ní'ì Dàwudì-dhú bvǔ ale, ndirò Dàwudì ní'ì Àbràhamù-dhú bvǔ ale.
- ²Àbràhamù náadhì Ìsakà, Ìsakà náadhì Yàkòbhò, Yàkòbhò náadhì Yudhà mà adóna màná.
- ³Yudhà náadhì Pàrezì mà Zàrà nà. Abádhí-tsánà ní'ì Tàmari. Pàrezì náadhì Èsròmù, Èsròmù náadhì Àramù.
- ⁴Àramù náadhì Àmìnàdabhù, Àmìnàdabhù náadhì Nàsònì, Nàsònì náadhì Sàlmònì,
- ⁵ndirò, Sàlmònì náadhì Bòazà. Bòazà-tsánà ní'ì Ràhabà. Bòazà náadhì Òbedè. Òbedè-tsánà ní'ì Rútà. Òbedè náadhì Yěsè,
- ⁶Yěsè náadhì Ádrùngbă kamà Dàwudì, ndirò, Dàwudì náadhì Sòlòmònì. Sòlòmònì-tsánà ní'ì yà Ùriyà-fó rò Dàwudì akò tsibhále.
- ⁷Sòlòmònì náadhì Rèhòbòhamù, Rèhòbòhamù náadhì Àbiyà, Àbiyà náadhì Asà,
- ⁸Asà náadhì Yòsàfatà, Yòsàfatà náadhì Yòramà, Yòramà náadhì Ùziyà,
- ⁹Ùziyà náadhì Yòtamù, Yòtamù náadhì Àhazì, Àhazì náadhì Zèkíyà,
- ¹⁰Zèkíyà náadhì Mánasì, Mánasì náadhì Àmòsè, Àmòsè náadhì Yòsíyà,
- ¹¹ndirò, Yòsíyà náadhì Yèkòniyà mà adóna màná, yà Pbàìsràyélí ka kumba kowù nà ino tí Bàbelì tó pbìrì ò nínganí.
- ¹²Pbàìsràyélí ka kumbà kowù nà ino tí Bàbelì tó pbìrì ò dhu-dzidò, Yèkòniyà náadhì Sàrtiyelè, Sàrtiyelè náadhì Zèrùbàbelì.
- ¹³Zèrùbàbelì náadhì Àbìhudì, Àbìhudì náadhì Èlìyàkimù, Èlìyàkimù náadhì Àzorò.
- ¹⁴Àzorò náadhì Zàdhokì, Zàdhokì náadhì Àkimù, Àkimù náadhì Èlìhudì,
- ¹⁵Èlìhudì náadhì Èlìyèzerì, Èlìyèzerì náadhì Màtanì, Màtanì náadhì Yàkòbhò,
- ¹⁶Yàkòbhò náadhì Yòzefù, ndì Yòzefù ní'ì Màriyà bhà ale. Ndì Màriyà ní ndì, Yěsù, yà Krístò tí kátina ale nadhì.
- ¹⁷Ní kóró ì rùgànda-bvu ní'ì yà dhu bhèyi: ròpè ndì Àbràhamù rǒ rò, ràrà àhu Dàwudì rǒ, ní'ì atdí kumì dóná ìfo nà rùgànda. Ròpè ndì Dàwudì rǒ rò, ràrà àhu Pbàìsràyélí nùmba ka kí kowù nà ino tí Bàbelì tó pbìrì ò dhu ò, ní'ì atdí kumì dóná ìfo nà rùgànda.

Ndirò ròpè ndi Pbaìsràyélí ka kumbà kowù nà ino tí Babelì tó pbìrì ò dhu rǒ rò, ràrà àhu Yèsù Krístò núgu ka kí dhu ò, ní'ì atdí kumì dóná ifo nà rùgànda.

Yèsù núgu ka kí dhu

(Luk 2.1-7)

¹⁸Yèsù Krístò núgu ka kí dhu ní'ì yà dhu bhěyi: kà-tsánà, Màriyà, ní'ì iwà Yòzefù órì ró. Pbetù, inzà ì àpè 'ùmbà rórò, Màriyà náatù ndi òna nà Ìlǐlǎ-Alafí bhà òbi nǐ.

¹⁹Yòzefù, yà kà mà rǐ 'ùmbà nà ale, ní'ì obhónángatále. Pbetù, kǎzè nzá kà-nyì níwù ndi ndi ibí ale nzínzi ò dhu. Ní kǎzè ndòdhò ka inzà ìndrù núnì rórò.

²⁰Wò dhu níre kà rǐ rórò ní ndi, Kàgàwà bhà màlàyikà náavì ndi onyù-bvù kà tò ndàti: «Yòzefù, Dàwudì-dhú bvù alé, ìnzì onzi Màriyà nídyì nyì nyì pbùkù tsibhále tí dhu-òdò. Obhó tí, kà rǐ'ì nà ari ní Ìlǐlǎ-Alafí bhà òbi nǐ kòdyì.

²¹Kǎguya kpatsibhíngba, nyadù onòna nóvò Yèsù tí, ka ní ndi pbìndà ale nigúya fǐyó nzérenga ò rò nídhunǐ.»

²²Kóró wò dhu náanzì ndi, ndínǐ angyí Kàgàwà núunò pbìndà nabìotù ò dhu náaká tí. Kǎti:

²³«Kànǐ inzà àpè kpatsibhále núnǐ tsibhíngba ní'ìya òna nà. Ndirò kǎguya kpatsibhá ngbángba, kadù onòna nóvò Mánolì tí .» Kà-tì ní: «Kàgàwà rǐ'ì atdíkpá àlě mànà.»

²⁴Idhò ò rò ndi ndivà ndi rò, Yòzefù náanzì yà Ádrùngbǎle Kàgàwà bhà màlàyikà núnòna fǐndà dhu. Ní kadù Màriyà nídyì pbìndà tsibhále tí.

²⁵Pbetù kǎpbá nzá kà-ngbò, ràrà àhu kà rǐ kpatsibhá ngbángba núgu dhu ò. Ní Yòzefù náadù ndi ngbángba-onò nóvò Yèsù tí.

Màtayò 2

Abhò inga núnì ale-akpá rǐwu Yèsù tó ngbángba nándà dhu

(Luk 2.8-20)

¹Yèsù ka kugu Yùdeyà tó pbìrì ò kigò, Bètèlèhemù tí kátina ò, ádrùngbǎ kamà Hèròdè bhà ato ò. Ndi nínganì, òrù-akpà-nyì rǒ rí 'ònzì dhu dǒ inga núnì ale-akpá níwù adyifò náarí ndito inǎ rò, 'iwù ùvò Yèrùsàlemà tó kigò ò.

²Ní abádhí níwù dhu ìndrù-tsù 'àti: «Yà ka kùgù Pbayàhúdì tó ádrùngbǎ kamà rǐ'ì ìngbòró? Mǎ màla kàbhà alalì òrù-akpà-nyì rǒ adyifò arí ndito inǎ rò. Ní mǎ mìwù ka nífu.»

³Wò dhu ì ìrì rò, ádrùngbǎ kamà Hèròdè mà kóró Yèrùsàlemà tó kigò ò bhà mànà níre nga abhò nyú, dòya ràdù ndìnza atdíð.

⁴Ní kùndu pbàkùhání tó ádròdrò ale mà, Músà bhà Uyátá tó màlímó mànà kóró, ndivù Krístò núgu ka kàmbènà ì nga tsùyá.

⁵Ní abádhí náadù ote kà tò 'àti: «Bètèlèhemù, Yùdeyà tó pbìrì ò. Obhó tí, Kàgàwà bhà nabì náandí dhu angyí, ndàti:

⁶«Ndirò inyi Bètèlèhemü, Yudhà bhà pbìrì ð nyi nyí'ì rò, nyi ní nzí pòtsò kigò Yùdeyà ð kigò nzínzì ð. Obhó tí, ùnú rò ní ndì atdí kamà ràhu. Ndi kamà ní ndi Pbàisràyéí, pbàkà ale nundaya .»

⁷Wò dhu-dzidò, kamà Hèròdè náanzi kòkò inga núnì ale-akpá inzà ngùkpà ale núnì rórò, ndivù alali abádhí ala dòtsí òná idho tsùyá.

⁸Ní kädù abádhí nóvì Bètèlèhemù tó kigò ò, ndàdù àtìnà abádhí nì: «Nyòwu nyòme pé awáwù wò ngbángba dǒ. Ndirò ka nyí nyòtù rò, ní nyàdù nyìbho màkürù idù, ndíní ma madù tí àrà kífù átò.»

⁹Ádrùngbǎ kamà Hèròdè bhà òte ì ìrì dhu-dzidò, abádhí náadi dòya 'òwù. Nírò ní ndi yà abádhí álaná adyifò arí ndìto inǎ rò alali náadi angyi abádhí tò, ndàmbe àrà dǒ, ndàrà ide yà ngbángba rǐ'ì òná ngari-dòtsíró.

¹⁰Abádhí nítdègu wò alali nálǎ, ní abádhí-dhè níika ndì atdíðò nyú.

¹¹Ní abádhí náatsù ányì-dza, 'àdù ngbángba mà nála íyànà Màriyà mànà. Ní abádhí núuko ì òtdyùya dǒ, ì rífù ndi ngbángba. Wò dhu-dzidò, abádhí núunga fíyó bhòlo-tsù, 'àdù perè núbho, 'òdhè ka nì. I perè ní'ì: òrò mà, mbèyi aróngu kázù ò ka kòbì ndì rò alindra-tidò mà, ndirò mbèyi aróngu akye-tidò, mànèmanè tí kátina mànà.

¹²Wò dhu-dzidò, Kàgàwà núuno dhu ònyu-bvù abádhí tò, ìnzí ì nadù tí Hèròdè bhà nanǎ. Ní abádhí adù 'àdu fíyó pbìrì ò ngàtsi otu ð.

Yèsù tó ngbángba nà ka kótse Mísri tó pbìrì ò dhu

¹³Kòkò abho inga núnì òrù-akpà-nyì rǒ arí 'ònzì dhu dǒ ale-akpá nádu ì dhu-dzidò, Ádrùngbǎle Kàgàwà bhà màlàyikà náavi ndì Yòzefù tò ònyu-bvù, ndàdù àtìnà kànì: «Ívǎ nyì, nyidyì ngbángba mà íyànà mànà, nyadù òku nà Mísri tó pbìrì ò. Ndirò, nyàdù nyòko ányì ràrà àhu ma mí nyǎví nyǎdu nyí ányì rò dhu ò. Obhó tí, Hèròdè rǐ ngbángba nábhù kambe ònènà dǒ, ndíní ka koho tí.»

¹⁴Ní ndi iku ð tí, Yòzefù níivà ndì idho ò rò, ndidyì ngbángba mà íyànà mànà, ndòkù nà Mísri tò pbìrì ò.

¹⁵Abádhí adù òko ányì, ràrà àhu Hèròdè rǒvè dhu ò. Wòrí dhu náanzi ndì ndíní Ádrùngbǎle Kàgàwà núuno pbìndà nabì-otù ð dhu náaká tí. Kǎti: «Ma mǎnzì idhùdu ràhu Mísri rò .»

Bètèlèhemù tó kigò ð kpabhá nzónzo nókye ka kí dhu

¹⁶Hèròdè nítdègu dhu nósù ùtrǎ tí abho inga núnì òrù-akpà-nyì rǒ arí 'ònzì dhu dǒ ale-akpá rùtrǎ ndì, ní kà-afí-ònga níwa ndì atdíðò. Ní, kǎvì pbìndà pbànowí ròkyè óyǒ ato nà kpabhá nzónzo mà, inzà àpè óyǒ ato nísè kpabhá nzónzo mànà kóró, Bètèlèhemù tó kigò mà, tiná arí'ì kóró pbanga mànà ð rò. Kǎnzì wò dhu àdhàdhì yà ì abho inga núnì ale-akpá nábhù fíndà alali ì ala òná kàsùmì dǒ awáwù rǒ.

¹⁷Nírò ní ndi yà nabì Yèrèmiyà núuno kpangba dhu náaká. Kǎti:

¹⁸«Ale-tù ìrì ndì Ramà tó kigò ò. Ìndrù rǒdzi, ndàdù àmbe ndùhu dǒ atdíðò. Ràkelì ní ndì rí pbìndà inzo nódzi. Kòzè nzá kopè afína mà, iwà ì inzo núve nídhunǐ .»

Yèsù tó ngbángba nà ka kíngò Mísri tó pbìrì ò rò dhu

¹⁹Hèrødè nówè dhu-dzidǒ, Ádrùngbǎle Kàgàwà bhà màlàyikà náavi ndì ɔnyu-bvù Yòzefù tó Mísri tó pbìrì ò.

²⁰Ndì màlàyikà náati Yòzefù nǐ: «Ívǎ nyi, nyidyì ngbángba mà íyànà mànà, nyadu nyadu abádhí nà Ìsráyeli tó pbìrì ò. Obhó tí, yà ndì ngbángba nazè 'òhò ale núve wà.»

²¹Ní, Yòzefù níivǎ ndì, ndìdyì ngbángba mà íyànà mànà, ndàdu ndì nà Ìsráyeli tó pbìrì ò.

²²Pbétù, kítdegù dhu níri Àrkèlawù rǎrǐ ndì àbanà Hèrødè dzidǒ idzi nónyè Yùdeyà tó pbìrì ǒ ádrùngbǎ kamà tí, ní kǎdù ndì pbìrì ò ndì ndàrà àdi dhu-ɔdò nónzi. Kàgàwà ɔvò dhu fǐndà ɔnyu-bvù dhu-dzidǒ, Yòzefù náadù àrà Gálilayà tó pbìrì ò.

²³Kǎdù àrà àdi Nàzàretì tí kátina atdí kigò ò. Ndì dhu náanzi ndì wò dhu bhěyi, ndíní Kàgàwà núuno pbìndà pbànábí-otù ǒ dhu náaká tí. Kǎti: «Ka kanziya ka Nàzàretì ǒ ale tí .»

Màtayò 3

Bàtizò nubhónà Yùwanì rǐ Ídzi Màkǔrù núno ìndrǔ tó dhu

(Mrk 1.1-8; Luk 3.1-18; Yùw 1.19-28)

¹Wò ndì kàsuni ǒ, bàtizò nubhónà Yùwanì níto ndì Yùdeyà tó rùngù ò. Kǎmbénà Kàgàwà bhà Ídzi Màkǔrù núno dǒ ìndrǔ tó, ndàrà àtìna rǒ:

²«Nyùgèrè nyǐ nyǔbhà fùkú nzérenga. Obhó tí, ɔrù-akpà ǒ Ádrùngbǎ kamà bhà idzi-tsù níndù wà ndì.»

³Yùwanì ní ndì, yà nabì Ìsayà núuno dhu dóná ale, ndàti: «Kǎnǐ atdí ale-tù rǐ ndìrì rùngù ò: <Nyòbhòlò Ádrùngbǎle Kàgàwà bhà ngùdhà, nyùtò kǎbhà otu .>»

⁴Ndì Yùwanì rǒ mùdzarù ní'ì ngàmiyà tí kátina ìzǎ-ká nǐ ka kódyù. Ndirò kǐsónà ɔna asé tó kùkyě nǐ. Kǒngónà àdù ndòngù ìndù mà, írì ǒ itì-dha mànà nǐ.

⁵Ní ìndrǔ nóongónà ìwu kà-tí'ò Yèrùsàlemà tó kigò ò rò, Yùdeyà tó pbìrì ò rò kóró, ndirò Yòròdanì tó idha-akpà-bidǒ arí'ì kóró mùlengù ò rò màtí.

⁶Abádhí núunónà fǐyó nzérenga kpanya kóró ale-ònzǐ, Yùwanì ràdù bàtizò núbho fǐyò Yòròdanì tó idha-akpà ò.

⁷Bàtizò nubhónà Yùwanì náala ábhǒ Pbàfàrisáyó mà, Pbàsàdùkáyómànà tina ò rówu ìwu rǒ ndíní ì alú tí bàtizò ró. Ní kǎti abádhí nǐ: «Nyǐ, ámvò tó osu-tsè! Ádhi ndì dhu nóvò fùkù ndíní nyǐ nyotse tí yà rǐrà Kàgàwà bhà nàwí-tsǔ rò?»

⁸Nyònzì iwà nyǐ nyùgèrè nyǐ, nyǔbhà fùkú nzérenga dhu náví rí dhu.

⁹Ndirò, àpé nyìrè nga afíku ò, nyàti: «Àbràhamù ní abhukà! » Ma mí dhu núno kpanya fùkù, Kàgàwà ràdù kǎkàrí odu mà núgèrè ròngò Àbràhamù t'ídhúna tí.

¹⁰Àlǒ ka kǐli wà itsu-pfò rǒ, ndíní ka kǐ'á tí ì itsu-vé nǐ. Ní kóró itsu yà ìnzǐ arí ídzi itsu-kpǒ ní'ò, núkèrě ka kǐ, kǎdù àwànà kàzu ò.

¹¹Ima, ma mí bàtizò núbhò fùkù idha nǎ, ndínǎ iwà nyǎ nyùgèrè nyǎ nyǔbhà fùkù nzéřnga dhu navì tí. Pbéťù, dzidu dǔ rǎrà ale náarayà bàtizò núbho rǔ fùkù Kàgàwà bhà ħǎǎ-Alafí nǎ, ndirò kàzu nǎ. Ndi ale rǎ'í ǔbi nà atdíđò ròsè dùdu nǎ. Ma màkǎ nzá muwà kà-pfò rǔ kàyìtò mà.

¹²Kàlǔ ònyù-ǔnga t'ǎlèta tó kanyà-tidò fóná. Ndirò kà rǎ pbìndà odhó-dǔnga nátsu, ndàdù nganù-kpǔ nípfò kéléna ò rò. Kà rǎ pbìndà nganù-kpǔ-tsù nùndù óngòǎ ò, ndàdù dzéngéléna núbì ìnzǎ aráve ádrùngbǎ kàzu ò.»

Yěsù rǎ bàtizò nálǔ dhu

(Mrk 1.9-11; Luk 3.21-22)

¹³Atdíku, Yěsù níra Gállilayà tó pbìrì ò rò, ndirà àhu Yùwanì-tí'ò, Yòròdanì tó idha-akpà-tsù, ndínǎ kǎbhù tí bàtizò fǎndà.

¹⁴Ní Yùwanì núuvó ndì kà-rǔ, ndàdù àtìna kà nǎ: «Ima ní ndì, ma màmbènà bàtizò nálǔ funú, ní ádhu nyì nyádù ìrà kònzì fudú nǎ?»

¹⁵Pbéťù, Yěsù náadù ǔte àdu kà tò, ndàti: «Ĥnzǎ úvò nyì! Ítsè kà rǎ'í ndì dhu bhěyi. Obhó tí, kòmbí dhu àkǎ àǎ rònzi kóró dhu Kàgàwà nózè ka dhu bhěyi.» Nírò ní ndì Yùwanì náadù Yěsù núnò dhu ná'ù, ndàdù bàtizò nábhu kà tò.

¹⁶Bàtizò ndì ndàlǔ rórò tí, Yěsù rǎhu idha ò rò rò, òrù-akpà-tsù náangbe ndì kà tò. Ní kǎla Kàgàwà bhà ħǎǎ-Alafí ǔrù rò rífo àmbò tó ófò ǔ ró, ndì àmbò ràdù àdi dóná.

¹⁷Ndirò Kàgàwà-tù náadù ndirì òrù-akpà ò rò, ndàti: «Yàrí ní Idhùdu, atdíđò ma mózè, nyìkpódu nòfò dhu ònzi arí ale.»

Màtayò 4

Pfòmvo rǎ Yěsù-afí númvù dhu

(Mrk 1.12-13; Luk 4.1-13)

¹Wò dhu-dzidǔ, Kàgàwà bhà ħǎǎ-Alafí náabhù Yěsù rǎrà rùngù ò, ndínǎ Pfòmvo númvù tí afína.

²Ní Yěsù núutsi ònyù t'ónyuta-tsù ìfò kumì idho tí, ìnzǎ ndàrà ònyù nónyù rǔ adyǎbhengá màtí ndirò kùbhingá màtí. Ní àwù náadù kàlu atdíđò.

³Nírò ní ndì pfòmvo níra àhu kà-tí, ndàdù àtìna kà nǎ: «Nyì nyapé ì'ì Kàgàwà t'Ídhùnà nyú tí, ní áví kàrí odu rùgèrè ì, 'òngò mùgatì tí.»

⁴Ní, Yěsù adù dhu àdu kà tò ndàti: «Kàgàwà bhà Andítá ò ka kándì dhu kati: «Ĥnzǎ ní mùgatì kèǎ ndì ìndrù tò rǎdù ípìrǔnga nábhu, pbéťù Kàgàwà-li'ò rò àhu kóró ǔte ní ndì rǎdù ípìrǔnga nábhu ìndrù tò .»»

⁵Tdíđò, Pfòmvo náara kà nà Yèrùsàlemà, ħǎǎ kigò ò, ndàdù kǎbhù rùpò Kàgàwà bhà idza dò-tsíró ǔrú ngari dò,

⁶ndàdù àtìna kànǎ: «Nyì nyapé ì'ì Kàgàwà t'Ídhùnà nyú tí, ní óbè pé nyì obvò. Obhó tí, Kàgàwà bhà Andítá ò ka kándì dhu kati: «Kàgàwà rǎ dhu náyǎ pbìndà màlàyikà tò okúnù dò rò, ndínǎ nyì nòko tí ǔrú rò ǔtsúna-tsíró, akye odu nóobena pfòm nǎ .»»

⁷Ní Yèsù adù dhu àdu kà tò ndàti: «Kàgàwà bhà Andítá ò ka kándí dhu átò kati: «Dhu-àkã nzá nyumvũ pbùkù Ádrùngbãle Kàgàwà-afí .»»

⁸Wò dhu-dzidõ, Pfòmvo abhù Yèsù rùpò ádzí pbìrì-akpà dò. Kädù kóró yà adzi dõ ádròdrõ kámá tó pbìrì mà, kóró òyá ònzì màná nítè kà tò.

⁹Kädu àtìnà Yèsù nĩ: «Nyí nyapè nyòkò òtdyènu dõ ònzidú nyifu ma, ní kóró kòrí dhu núbhõ ma mí indù.»

¹⁰Ní Yèsù adù àtìnà kà nĩ: «Índrì nyí àwú, Sìtanĩ! Obhó tí, Kàgàwà bhà Andítá ò ka kándí dhu kati: «Dhu àkã nyulë Ádrùngbãle pbùkù Kàgàwà, nyadù kà kèlë nífu atdíró.»»

¹¹Nírò ní ndi Pfòmvo náadù ndivà, ndàrà kà-tí rò. Kàgàwà bhà màlàyíká náadù ìwu Yèsù-tí'ò, àdù àmbe kà kàsũ nónzì dõ.

Yèsù rĩ pbìndà kasu nópè Gàlìlayà tó pbìrì ò rò dhu

(Mrk 1.14-15; Luk 4.14-15)

¹²Yèsù nítdègu bàtizò nubhónà Yùwanì ka kósò imbi ò dhu níri, ní kädù àrà fìndá dhu nĩ Gàlìlayà tó pbìrì ò.

¹³Ányì, kädì nzá Nàzàretì tó kigò õ, pbétù kädù àrà àdì Gàlìlayà tó rèrù-bidõ arí'ì kigò, Kàpèrnàwumù tí kátina ò. Kàpèrnàwumù ní'ì Zàbùlonà mà, Nèftalì màná tó mùlengù õ kigò.

¹⁴Kóró wò dhu náanzì ndì, ndínĩ Kàgàwà núuno pbìndà nabì Ìsayà-otù õ dhu náaká tí. Kàti:

¹⁵«Ò! Zàbùlonà bhà pbìrì mà, Nèftalì bhà pbìrì màná, ádrùngbã rèrù-bidò rárá ngudhà, Yòròdanì tó idha-akpà-adzè nã rò rí'ì pbìrì, Gàlìlayà, yà ìnzì ní Pbàyàhúdì náaróko òná pbìrì!

¹⁶Yà ìnò õ aróko kóró ale nála wà ádrùngbã awáwù. Yà òve-sisì tó ìnò níubvú ndì doná pbìrì õ aróko ale dõnga awáwù náwù wà .»

¹⁷Kàpèrnàwumù ndì ndàrà àhu rò ní ndi, Yèsù apè ndùnò Kàgàwà bhà Ídzì Màkürù, ndàrà àtìnà rõ: «Nyùgèrè nyĩ nyùbhà fùkú nzérenga. Obhó tí, òrù-akpà õ Ádrùngbã kamà bhà idzi-tsù nínù wà ndì.»

Yèsù rĩ ìfò àwèrù núnzi dhu

(Mrk 1.16-20; Luk 5.1-11)

¹⁸Gàlìlayà tó rèrù-bidõ ndì ndúbhi rórò, Yèsù náala atdí ale bhà óyõ inzo. Abádhí ní'ì àwèrù. Atdí-òvò ní'ì Sìmonì. Ngàtsi ndì Sìmonì-òvò ní'ì Péterù. Ndirò kà t'ádònà-òvò ní'ì Àndèreyà. Abádhí ubhínà ìbhè nókyè rõ imbi nĩ rèrù ò.

¹⁹Ní Yèsù ati abádhí nĩ: «Nyìwũ owùdu õ! Ma mí nyùgèrè, nyòngò ìndrù-tsù núndu róngo, ndínĩ owùdu nungu tí ale tí.»

²⁰Ní uró rò tí, abádhí núubhà fiyó ìbhè-mbì, 'àdù òwu kòwù õ.

²¹Tdítdö Yësù náandri itseta ake, ndàdù Zèbèdayò bhà óyö inzo nála. Í inzo ní'ì Yàkòbhò mà adòná Yùwanì màná. Abádhí ní'ì fíyó ibhú ò, àbayà Zèbèdayò màná, fíyó ibhè-mbí nòbhòlo ì í ró. Ní Yësù adù abádhí nánzì.

²²Ní ányìrò rò tí, abádhí adù àbayà núbhà ibhú màná, 'àdù òwu Yësù-owù ò.

Yësù rĭ Kàgàwà bhà Ídzi Màkürù núnò, ndàdù andítále nígu dhu

(Mrk 1.9; Luk 4.44; 6.17-18)

²³Yësù nóongónà ùbhi kóró ngari òná Gàlilayà tó pbìrì ò. Kàránà dhu ùdhe rǒ unduta-dzà ò rò, ndàdù àrà òrù-akpà ò Ádrùngbà kamà bhà idzi tó Ídzi Màkürù núnò rǒ ìndrù tò. Ndirò kàránà kóró andi-tidò nígu rǒ, ndàdù kóró otsu-tidò nígu.

²⁴Ní kòyĭ náaká kóró Sìriyà tó pbìrì ò. Ndirò, ka kowúnà dhèdhèrò andi-tidò nĭ arándi ale nùmbà rǒ kà-fò'ò. Í ale ní'ì yà nzéε-alafí nà arí'ì òyà ale mà, símvotále mà, ndirò ngbòya úve ale màná. Ní Yësù náaránà ì ale nígu rǒ kóró.

²⁵Ábhö ihé-yà nóowúnà ìwu rǒ Gàlilayà tó pbìrì ò rò, Dèkàpolì tó pbìrì ò rò, Yèrùsàlemà tó kigò ò rò, Yùdeyà tó pbìrì ò rò, ndirò Yòròdanì tó idha-akpà-adzè rò màtí, ì rùbhi kòwù ò.

Màtayò 5

Yësù rĭ Ídzi Màkürù núnò ihé-yà tò pbìrì dǒ rò dhu

(Mrk 3.13; Luk 6.12-13)

¹Yësù níitdègu ihé-yà nálă, ní kǔpò pbìrì dò, ndàdù àdi obvò. Ní kàbhà ábhàlĭ náadù ìwu kà-tí'ò.

²Nirò ní ndi kàdù ndòpè ndùdhe dhu abádhí tò, ndàmbe àtìnà dǒ:

Hirò nɔnziya ale

(Luk 6.20-23)

³«Hirò nɔnziya ale ní yà năkù tí arí'ì ale-afí òná rò ale, òrù-akpà ò Ádrùngbà kamà bhà idzi ní abádhí tó nídhunĭ!

⁴Hirò nɔnziya ale ní, yà kòmbí aróko nyìya-dha ò ale, Kàgàwà nóopéya abádhí-afí nídhunĭ!

⁵Hirò nɔnziya ale ní yà iyònga ò aróko ale, abádhí nóokoya yà adzi-kàmă tí nídhunĭ.

⁶Hirò nɔnziya ale ní, yà obhónánga ònzi ì í dhu tó àwù nà arí'ì, àdhàdhì ònyù mà idha màná-atdyú òho ka karí dhu bhěyi ale, Kàgàwà náadùya abádhí ózè dhu nábhū rākà abádhí tò nídhunĭ.

⁷Hirò nɔnziya ale ní izu nábà arí òdhíya dǒ ale, Kàgàwà náabáya izu abádhí dǒ nídhunĭ.

⁸Hirò nɔnziya ale ní afíya òná rò ìlă Kàgàwà-nyìkpó ò ale, abádhí náalaya Kàgàwà-ngbò nídhunĭ.

⁹Hirò nɔnziya ale ní, màrùngà ò arí ìndrù nábhū ròkò ale, Kàgàwà náanziya abádhí pbìndà inzo tí nídhunĭ.

¹⁰Hirò nɔnziya ale ní obhónánga ònzi ì arí dhu-okú dò rò ka karávu ròyá ale, òrù-akpà ò Ádrùngbã kamà bhà idzi ní'íya abádhí tó nídhuní.

¹¹Ndirò, hirò nɔnziya ní nyí, yà nyí nǐ ka karí dhu núno, kavu rùkú, kadù kóró nzére dhu-tidò náwe òkú okúdu dò rò rò.

¹²Ní nyilè nyí, nyädù òko dhèdhe ò, nyí nyabáya ádrùngbã mùkìmbà nyú òrù-akpà ò nídhuní. Wò dhu bhèyi tí ní ndi ka kavù angyi í'í Kàgàwà bhà pbànábí rǒ.»

Yèsù-owù núngǔ arí ale ní yà adzi ò iko mà, awáwù màná dhu

(Mrk 9.50; Luk 14.34-35)

¹³Yèsù adù àtìná tǎtǎ ihé-yà nǐ: «Nyí ní iko yà adzi dǒ ale nzínzi ò. Pbétù, iko-òvù náapé ìku, ní ka kádù kàbhù ròkyè àdhu nǐ tǎtǎ? Kà kàsǔ rǐ mbã àdù í'í tǎtǎ. Kà rǎdù àkǎ koyì iri, kadù àmbe ònánga nótsì dǒ ale-pfò nǐ.

¹⁴Nyí ní ndi awáwù yà adzi dǒ ale nzínzi ò. Pbìrì dǒ ka kòsì kigò náarí nzǐ ndòru.

¹⁵Ndirò, ka kínzǐ àdù tarà nóbì, kadù àtsìnà ìtǎ-tsi. Pbétù, ka kádù kòbì, kadù ìlinà tarà ùlǐ ka karí òná òrú ngari ò. Ndi dhu bhèyi ní ndi kà rǎdù idzá rí'í kóró ale-nyínga náwù.

¹⁶Ní ndi dhu bhèyi tí, dhu àkǎ fùkú awáwù ràwù kóró ale-nyínga, ndíní abádhí ala tí idzi kàsǔku, 'àdù òrù-akpà ò arí'í Àbaku Kàgàwà nífu.»

Yèsù rǐ dhu núdhè Úyátá nífǔ ka kí dhu dǒ dhu

¹⁷Yèsù adù àtìná tǎtǎ: «Àpé nyirè nga ma rírà Músà bhà Úyátá mà, pbànábí núno dhu màná dhu núgolo. Ma mírà nzá abádhí núgolo, pbétù, ma mírà ndíní ma mabhù tí ì Úyátá núnò dhu rònzì ì.

¹⁸Ma mí obhó dhu núno fùkù: òko yà adzi mà òrù-akpà màná nóko rórò, atdí andítá-nyìkpó-tútǎngba mà ì Úyátá ò náawíya nzǐ, ràrà àhu yà adzi ò dhu-tsù rǐ ndòdì dhu ò.

¹⁹Nirò, atdí ale náape atdí akèkpá Úyátá-ngba mà núkò kòrí Úyátá nzínzi ò, ndàdù dhu ùdhe ngǔkpà ale tò ròwù kùkò rǒ átò ndi bhèyi, ní ndi ale ní'íya ndi àkèkpá ale òrù-akpà ò Ádrùngbã kamà bhà idzi ò. Pbétù ì Úyátá nífǔ rǐ, ndàdù dhu ùdhe ngǔkpà ale tò rǐfu ka átò ndi bhèyi ale, ní ndi ale ní'íya ndi òrù-akpà ò Ádrùngbã kamà bhà idzi ò ádrùngbǎle.

²⁰Obhó tí, ma mátina nyí nǐ: nyí nyarónzina obhónánga náapé nzǐ òse Músà bhà Úyátá tó màlímó mà, Pbàfàrisáyó màná tó obhónánga dòná, ní nyí nyotsúya nzǐ òrù-akpà ò Ádrùngbã kamà bhà idzi ò.»

Yèsù rǐ dhu núdhè ìndrǔ rǎkò dhu dǒ dhu

²¹Tǎtǎ Yèsù adù àtìná: «Nyí nyirì wà abhúku tò Kàgàwà uyá dhu ndàti: <Dhu àkǎ nzá nyohò abvo. Abvo nòhò ale náká kòtǎ ànyàna.>²²Pbétù, ma mí dhu òvo fùkù, matì: òdhìnà rǒ àkò ale, náká kòtǎ ànyàna. Ndirò, òdhìnà nàtì kìdhòmà tí ale, náká ádròdrò anya nítǎ arí ale ròtǎ anya dòná. Ndirò, ndi ale ràtì òdhìnà nǐ: <Ínyi ní àrítále! > Ní ndi ale àkǎ, kobvù yà ìnzǐ aráve dhòdhòhónganà kàzù ò.

²³Nyi nyapé ì'ì perè nábhù nyi nyí màzàbahù dǒ rò Kàgàwà tò ró, dhu ràdù ise ùnú ányìǒ rò ìnè nzéere dhu ràrǐ'ì nzínziku ǒ adònu nà,

²⁴ní dhu àkǎ nyubhà ndi perè màzàbahù-ònzǐ, nyadù nyadu, nyòwù ndi nzínziku ǒ rǐ'ì dhu nítò angyi adònu mànà. Wò dhu-dzidǒ ní ndi, nyi nyádù nyadu, nyirà pbùkù perè nábhù Kàgàwà tò.

²⁵Dhu nà nyǐ nyarǐ'ì nà nzínziku ǒ ɔdhìnu náapé àmbe àrà dǒ nyɔbhù, nyǎdù òko nyámbe òwu dǒ atdíkpá ka mànà dhùwanì ò, ní dhu àkǎ nyɔnzì ɔbi, nyǐrǐ nyǐ, nyítò ndi dhu, inzà nyǐ nyàpè òwu ùvò anya t'ítàtá t'ále-ònzǐ rórò. Ìmbǎ kǐ'ì ndi dhu bhèyi rò, kà ràdù nyabhu kòtdì ànyǎnu, kadù nyabhu pùrùsì ròsò nyi imbi ò.

²⁶Ma mí obhó dhu núno indù: nyi nyí nzǐ àdù àhu imbi ò rò inzà nyi nyùbho dùnú ka kòtdì dhu riku kóró rórò.»

Yèsù rǐ dhu núdhě m̀nyòni dǒ dhu

(Mrk 9.43,47-48)

²⁷Wò dhu-dzidǒ, Yèsù adù àtìnà: «Nyǐ nyǐrǐ wà yà ka kuno dhu, kati: <Dhu àkǎ nzà nyɔnzì m̀nyòni.>

²⁸Pbétù ima, ma mátina nyǐ nǐ: atdí kpatsìbhále náapé ngǎtsi ale-ve dò nga nándà, ndàdù kǎtdyú nóhò, ní ndi ale nónzì wà m̀nyòni ndi tsìbhále nà afina ò.

²⁹Ní dhu náapé ì'ì, fangà tó nyìkpónu náarǐ nyabhù nyotsù nzérenga ò dhu tí, ní dhu àkǎ nyítá ka, nyadù itùnà nyobvù itse rùnù rò. Obhó tí, dhu àkǎ wà nyiwǐ atdí ngbõnu-rõngá-ngba, ròsè kóró ngbõnu nóbvù ka kǐ ìnzǐ aráve dhòdhòdhonganà kàzu ò dhu dònǎ.

³⁰Ndirò, dhu náapé ì'ì, fangà tó ɔsúnu náarǐ nyabhù nyotsù nzérenga ò dhu tí, ní dhu àkǎ nyòtdì ka, nyadù òbvùnà itse rùnù rò. Obhó tí, dhu àkǎ wà nyiwǐ atdí ngbõnu-rõngá-ngba, ròsè kóró ngbõnu nóbvù ka kǐ ìnzǐ aráve dhòdhòdhonganà kàzu ò dhu dònǎ.»

Yèsù rǐ dhu núdhě kpatsìbhále mà rǐ 'ùbhǎ pbìndà tsìbhále nà dhu dǒ dhu

(Màt 19.9; Mrk 10.11-12; Luk 16.18)

³¹Tdítdǒ Yèsù adù àtìnà: «Ka kati átò: <Pbìndà tsìbhále nódhò rǐ ale náká ndàndǐ ubhátá tó bhàruwà, ndàdù àbhunà kà-fó.>

³²Pbétù ima, ma mátina nyǐ nǐ: <Atdí ale mà náapé pbìndà tsìbhále nódhò inzà ní m̀nyòni kònzìnà dhu-okú dò rò tí, ní ndi ale nítsu wà pbìndà tsìbhále m̀nyòni ò, ndi tsìbhále mà ràdù òwu 'ùmba ngǎtsi kpatsìbhále nà nídhunǐ. Ndirò, ndi òdhò ka kòdhò tsìbhále nà ì nùmbǎ ale nádù ì'ì iwà m̀nyòni nònzì átò.>»

Yèsù rǐ dhu núdhě dhu t'ótsɔta dǒ dhu

³³Tdítdǒ Yèsù adù àtìnà: «Nyǐ nyǐrǐ wà yà abhúku tò ka kuyá dhu, kati: <Ápé nyùtsò dhu títò dǒ, pbétù dhu àkǎ nyònzì yà Ádrùngbǎle Kàgàwà-ònzǐ nyǐ nyótsò ònzì nyǐ nyónzina dhu tí dhu .>

³⁴Pbétù, ma mátina nyí nǐ: Àpé nyùtsò dhu akεkpá màtí. Àpé nyùtsò dhu òrù-akpà-òvò rǒ màtí, Kàgàwà náaradi dóná tombi ní ndi nídhunǐ.

³⁵Àpé nyùtsò dhu yà adzi-òvò rǒ màtí, Kàgàwà náarí pǔna ùlǐ róngá ní ndi nídhunǐ. Àpé nyùtsò dhu Yèrùsàlemà tó kigò-òvò rǒ màtí, ádrùngbǎ Ádrùngbǎ kamà bhà kigò ní ndi nídhunǐ.

³⁶Ndirò, àpé nyùtsò dhu dùku-òvò rǒ màtí, ìnzǐ nyí nyádù atdí àyí-vé-ngba mà nábhù rǒtì, ndirò ngàtsi nǐ ròpǔò nídhunǐ.

³⁷Obhó dhu tí rǐ'ì dhu náká nyàtì obhó dhu tí. Ndirò, ìnzǐ ní obhó dhu tí rǐ'ì dhu náká nyàtì ìnzǐ ní obhó dhu tí. Wò dhu dǒ ka kísèna ngǔkpà dhu nádù ì'ì nzére ale, Pǔmvo bhà rò ìrà dhu.»

Yèsù rǐ dhu núdhě nzére dhu núbhǒ ka kí nzére dhu nǐ dhu dǒ dhu

(Luk 6.29-30)

³⁸Yèsù adù àtìnà tdítǔ: «Nyí nyíri wà yà ka kuno dhu, kati: «Ale-nyìkpó ale-nyìkpó arì ò, ndirò ale-kù ale-kù arì ò .»

³⁹Pbétù ima, ma mátina nyí nǐ, dhu rǎká nzá nyùbho nzére dhu nzére dhu nǐ. Atdí ale náapé ngàngànù òpbi fangà dóná rò, ní dhu àká nyugèrè ígù dóná ngàngànù kà ròpbi átò.

⁴⁰Atdí ale náapé ndòzè ndàrà nyòbhù dhùwanì ò, ndínǐ ndakò tí rùnù sìmisi, ní dhu àká nyiwà rùnù kotì átò, nyabhù kà tò.

⁴¹Atdí ale náapé nyutǔ òbi nǐ nyanò dóná dhu, nyarà nà atdí kilòmètèrè tí, ní dhu àká nyanò ka, nyarà nà óyǒ kilòmètèrè tí.

⁴²Atdí ale náapé dhu ònzi funù, ní dhu àká nyabhù ndi dhu kà tò. Ndirò, kǎpé dhu ònzi ndùwù funù, ní dhu àká nzá nyuvò nyí ndi dhu rǒ.»

Yèsù rǐ dhu núdhě òmvǔ nózè ka kí dhu dǒ dhu

(Luk 6.27-28,32-36)

⁴³Wò dhu-dzidǒ, Yèsù adù àtìnà: «Nyí nyíri wà yà ka kuno dhu átò, kati: «Dhu àká nyozè òdhìnu, nyadù pbùkù òmvǔ nóndrò.»

⁴⁴Pbétù ima, ma mátina nyí nǐ: Dhu àká nyòzè fùkù òmvǔ, nyádù òwu nyítsò rǒ rùkù arávu ale dǒ.

⁴⁵Ndi dhu bhěyi ní ndi, nyí nyádù òngo òrù-akpà ò arí'ì Àbaku Kàgàwà bhà inzo tí. Obhó tí, ka ní ndi adyifò nábhù arí rìkà nzére dhu ònzi arí ale mà, ídzì dhu ònzi arí ale mànà dǒ. Ndirò kǎrì igye nábhù rìkǒ obhónánga ònzi arí ale dǒ, ìnzǐ arí kònzì ale mànà.

⁴⁶Nyí nyapé yà nyí nózè ale kèlě nózè, ní ádhu Kàgàwà adùya àbhunà fùkù perè tí? Pàratà tó pbàndómbé mà náatí obhó dhu nónzì átò ndi dhu bhěyi tí?

⁴⁷Ndirò adókù-tsù tí nyí nyí mùlèmbè nóngù rò, ádhu ndi ádrùngbǎ dhu tí nyí nyarónzina? Inzá Kàgàwà ná'ù ale mà náatí obhó dhu ònzi ndi dhu bhěyi tí átò?

⁴⁸Ní, dhu àkǎ nyí'ì mbǎ afátá nà ale tí, àdhàdhì òrù-akpà ò arí'ì Àbaku Kàgàwà narí mbǎ afátá nà ale dhu bhěyi.»

Màtayò 6

Yěsù rǐ dhu núdhě perè núbho ka kádù tí dhu dǎ dhu

¹Wò dhu-dzidǎ, Yěsù adù àtìnà: «Nyàndà nga mběyi ìnzì nyǎnzì ídzì dhu tí rí'ì dhu ìndrǔ tò ìndrǔ-nyìkpó ǎ rò, ndínǐ ka kala tí nyí. Ndi dhu bhěyi nyí nyapè kònzì, ní òrù-akpà ò arí'ì Àbaku Kàgàwà rǐ nzì àdù perè núbho fǔkù.

²Ní, perè nábhǔ nyi nyí nyǎnzì ìndrǔ-dzùnà nǐ rò, dhu àkǎ nzá nyabhu ka ikǔ ǎ, àdhàdhì ɔyɔyɔ idàya nà ale náarí kònzì unduta-dzà ǎ rò ndirò ngudhà ǎ rò màtí dhu bhěyi. Abádhí náarí dhu ònzì ndi dhu bhěyi ndínǐ ka kifù tí ì. Ma mí obhó dhu núno fǔkù: abádhí nábà wà fìyó mùkimbà angyangyi.

³Pbétù inyi, perè nábhǔ nyi nyí nyǎnzì ìndrǔ-dzùnà nǐ rò, dhu àkǎ nzá nyabhu ígù tó ɔtsúnù rùni fangà tó ɔtsúnù rǎbhǔna dhu.

⁴Ndi dhu bhěyi ní ndi, nyi nyabhu perè rǎdù àdi òdhǔ ò. Ndirò, Àbanu Kàgàwà, yà òdhǔ ò dhu nálǎ arí ale, ní rǎdù mùkimbà nábhu indù.»

Yěsù rǐ ale nítso ka kádù tí dhu núdhě dhu

(Luk 11.2-4)

⁵Tdítdǎ Yěsù adù àtìnà: «Nyítso nyí nyí rò, dhu àkǎ nzá nyǎnzì nyí ɔyɔyɔ idàya nà ale náarí 'ònzì dhu bhěyi. 'ítso ì í rò, abádhí náarí 'òzè 'ítso ì ɔrú ì ikò rórò unduta-dzà ǎ rò, ndirò otu-yàgá ǎ rò màtí, ndínǐ kóró ale náala tí ì. Ma mí obhó dhu núno fǔkù, abádhí nábà wà fìyó mùkimbà.

⁶Pbétù inyi, nyítso nyi nyí òná kàsùmì ǎ, dhu àkǎ nyotsù pbùkù kàluga ò, nyadyì tsùnù ányì, nyadù nyítso yà ányì rí'ì òdhǔ ò Àbanu Kàgàwà rǎ. Ní, òdhǔ ò nyi nyǎnzìna dhu àlǎ arí ndi Àbanu Kàgàwà, rǎdù perè nábhu indù.

⁷Ní, nyítso nyí nyí rò, dhu àkǎ nzá nyǎnò ìmbǎ tíya nà ɔte abho, yà inzà Kàgàwà ná'ù ale náarónzìna dhu bhěyi. Abádhí náarí inga nírè, abho ì òtè rò nga rǎrǐ ndi Kàgàwà rǎdù ì únɔna dhu níri nǐ.

⁸Ní, dhu àkǎ nzá nyǎnzì nyí abádhí bhěyi. Obhó tí, Àbaku Kàgàwà núni wà àkǎ àkǎ fǔkù dhu, inzà nyí nyàpè ndi dhu ònzì fóná rórò màtí.

⁹Ní, kànǐ nyí nyádù nyítso tí dhu: «Òrù-akpà ò arí'ì Àbakà Kàgàwà, Ábhǔ ɔvònu rilè ndi,

¹⁰ábhǔ idzi ònyu nyi nyí dòkǎ òná idho rǎkǎ, ábhǔ nyi nyòzè dhu róngò ndònzì yà adzi dǎ, òrù-akpà ò arí ndònzì dhu bhěyi.

¹¹Íbhò yà bìlǐngà nyi nyaríbhona ònyù indo fǎkà.

¹²Úbà fàkǎ afátá fǎkà, àdhàdhì mǎ marí dhu núba ɔnzìkǎ dhu nùfǎ ale tò dhu bhěyi.

¹³Ndirò àpé nyabhù pfòmvo rùmvũ afíka, pbétù, ódo mà wò ndi Nzére ale rǒ rò. [Obhó tí, Idzi t'ónyuta mà, ádrùngbãnga tó obi mà, ádrùngbãnga tó awáwù màná náká inyí ná tí dhòdhóhóngá nà. Àmìnà.]

¹⁴Obhó tí, nyí nyapé dhu núbà ɔnzíkú dhu nùfã ale tò, ní òrù-akpà ò arí'ì Àbaku Kàgàwà rǎdù dhu núbà átò fùkù.

¹⁵Pbétù, ìnzí nyí nyapé dhu núbà ɔnzíkú dhu nùfã ale tò, ní Àbaku Kàgàwà rǎ rǎ nǎ adù dhu núbà átò fùkù.»

Yēsù rǎ dhu núdhě ònyù t'ónyuta-tsù nùtsì ka kádù tí dhu dǎ dhu

¹⁶Tdítdǎ Yēsù adù àtìnà: «Ònyù t'ónyuta-tsù nyí nyùtsì rò, dhu àká nzá nyòkò izèku ǎ, ɔyɔyɔ idàya ná ale náaróznina dhu bhěyi. Abádhí náarí nyíya wòyǎ nùgèrè, ndíní kóró ale náala tí ònyù t'ónyuta-tsù ì ùtsì dhu. Ma mí obhó dhu núno fùkù: abádhí nábà wà fíyó mùkimbà angyangyí.

¹⁷Pbétù inyí, ònyù t'ónyuta-tsù nyí nyùtsì rò, dhu-àká nyu'ò nyínu rǐlǎ, nyadù ndrùù róngu akye nútri dùnu rǎ àyǎ ò,

¹⁸akye kóró ale náalana ònyù t'ónyuta-tsù nyí nyùtsì dhu nǎ. Pbétù, Àbanu Kàgàwà yà òdhù ò rí'ì ányì, ní ndi àká ndùni ka. Ndi dhu bhěyi ní ndi Àbanu Kàgàwà, yà òdhù ò nyí nyóznina dhu nálǎ arí, náadùya perè àbhu indù.»

Yēsù rǎ dhu núdhě òrù-akpà ò ka kí ongyéngá-tsù núndù dhu dǎ dhu

(Luk 12.33-34)

¹⁹Tdítdǎ Yēsù adù àtìnà: «Dhu àká nzá nyùndu ongyéngá-tsù fùkù yà adzi dǎ. Ányì, akuku mà kéngézé màná náarí dhu ìnzǎ, ndirò ányì ogbotále náarí idza-tsù núkǎ, 'adù òyá dhu númbà.

²⁰Pbétù, dhu àká nyùndu ongyéngá-tsù fùkù òrù-akpà ò, yà ìnzí akuku mà kéngézé màná náarí dhu ìnzǎ ì, ndirò ìnzí ogbotále náarí idza-tsù núkǎ, 'adù òyá dhu númbà ì.

²¹Obhó tí, pbùkù ongyéngá náarí'ì ì nga ní ndi afínu rǎdù ì'ì nǎ.»

Ale-nyìkpó ní ale-ngbò rǎ tarà dhu

(Luk 11.34-36)

²²Wò dhu-dzidǎ, Yēsù adù àtìnà: «Ale-nyìkpó ní ale-ngbò rǎ tarà. Ní, nyìkpónu náapé ì'ì idzì rǎ rò, ní kóró ngbõnu rǎdù ì'ì awáwù ǎ.

²³Pbétù nyìkpónu náapé ì'ì andi ná, ní kóró ngbõnu rǎdù ì'ì ìno ǎ. Nírò, afínu ò rí'ì awáwù náapé òngo ìno tí, ní ndi ìno-yà tí mbǎ àdù ì'ì ádrùngbǎ nyú?»

Kàgàwà-kàsù mà yà adzi dǎ ònzì-kàsù màná

(Luk 16.13)

²⁴Yēsù adù àtìnà tdítdǎ: «Atdí ale mà rǎ nǎ àdù óyǎ ádròdrǎ ale-kàsù nónzì atdíkpá, atdí kàsùmi ǎ. Kà rǎdù atdí ádrùngbǎle nóndrò, ndàdù ngǎtsi ádrùngbǎle nózè. Ndirò, kà rǎdù ndàpba atdí ale rǎ, ndàdù ngǎtsi ale nídzèlè. Ní ndi dhu bhěyi tí, nyí nyí nǎ àdù Kàgàwà-kàsù nónzì atdíkpá yà adzi dǎ ònzì-kàsù màná.»

Ìnzá dhu àká kitù ale-afí yà adzi ǎ dhu nǎ dhu

(Luk 12.22-31)

²⁵Wò dhu-dzidõ, Yësù adù àtìnà tdítđõ: «Kòńń wò dhu-okú dò rò ní ndi ma mátina nyĩ nĩ: dhu ràkã nzá nyítũ afikũ fũkũ ípìrõnga mà ngbõkũ mànà dhu nàndà dhu nĩ, nyãmbe àtìnà dõ: nyĩ rãrĩ àdhu ònyu, nyĩ rãrĩ àdhu òmvù, ndirò nyĩ rãrĩ àdhu ùfõ rùkũ. Ìndrũ bhà ípìrõnga nòsè tí nzá ònyù dònã? Ndirò, ale-ngbò nòsè tí nzá mberù dònã?

²⁶Nyàndà pé ɔrú arángilì àrè: abádhí arí nzĩ inga nóbhi, ndirò abádhí arí nzĩ ònyù nógu. Abádhí arí nzĩ ònyù-tsù mà núndũ óngòlĩ ò, pbétù ɔrù-akpà ò arí'ì Àbaku Kàgàwà náarí abádhí nóngù. Ní nyĩ, nyĩ nyúdà tí nzá i àrè kóró?

²⁷Ádhi pbá ale ndi nzínzikũ ɔ, wò afína ndi nditũ abhò dhu rãdù idhòna nítrò atdí idho nĩ màtí yà adzi dõ?

²⁸Ndirò, ádhu nyĩ nyarí afikũ nítũ rùkũ nyĩ nyúfõna dhu nĩ ní? Nyàndà pé inga ɔ màuwà náarí inga tí dhu: abádhí arí nzĩ kasu nónzĩ, ndirò abádhí arí nzĩ mberù nódyù.

²⁹Pbétù, ma mátina nyĩ nĩ: kóró pbìndà ònzì-íyà ɔ, ádrùngbã kamà Sòlòmòni nyú mà, náafó nzá fìndá aya ràkã àdhàdhì kòkò màuwà nzínzì ɔ, atdí màuwà tó aya nà màtí atdí mberù mà.

³⁰Írì-bĩ ní indo tí rínga inga ɔ, kadù òbvùnà tsútsã tí kàzu ò dhu. Pbétù, Kàgàwà náarí abádhí ùfõ mbeyi nyú. Ní Kà tí nzĩ àdù nyúfõ mbeyi nyú ròsè i irí-bĩ dònã, nyĩ, ákè a'uta nà alé?

³¹Nirò, dhu àkã nzá nyítũ afikũ nyãti: «Mã mí àdhu ònyu? Mã mí àdhu òmvù? Ndirò ròkã mã mí àdhu ùfõ?»

³²Obhó tí, inzá Kàgàwà ná'ù ale ní i afiyya nítũ arí, àmbe kóró kòkò dhu nóme dõ. Pbétù, ɔrù-akpà ò arí'ì Àbaku Kàgàwà núni wà nyĩ rãrĩ'ì kóró i dhu-atdyú nà.

³³Ní wemberè tí, dhu àkã pé nyòmè ɔrù-akpà ɔ Ádrùngbã kamà Kàgàwà bhà Idzi, fìndá obhónánga mànà. Ndirò ní ndi, Àbaku Kàgàwà rãdù kóró dhu-tsí námà àma tí fũkũ.

³⁴Ndirò, dhu àkã nzá nyítũ afikũ tsútsãnga tó dhu nĩ. Tsútsãnga tó dhu nàndà nga tsútsãnga nà tí, ndirò indonga tó àpbè nákã wà indonga nà tí.»

Màtayò 7

Yësù rĩ dhu núdhě ìndrũ-ànyã t'ítđita dõ dhu

(Luk 6.37-38,41-42)

¹Tdítđõ Yësù adù àtìnà abádhí nĩ: «Dhu àkã nzá nyítđi ngũkpà ale-ànyã, akye Kàgàwà náadùya ànyãkũ ìtđi nĩ.

²Obhó tí, Kàgàwà nítdiyya ànyãkũ àdhàdhì nyĩ nyarí ìndrũ-ànyã nítdi dhu bhèyi. Ndirò kũdhèya dhu fũkũ yà nyĩ nyarí dhu ùdhě ngũkpà ale tò ònã mùgèrè ɔ tí.

³Ádhu nyi nyi ɔdhinu-nyìkpó ò ìtsi kĩkõ-ngba kèlě nálã, ìnzĩ nyadù yà nyìkpónu ò rí'ì ìtsukpó-tsùdó-ngba nyú nínè nĩ?

⁴Nyi nyádù àtìnà ìngbà dhu bhěyi òdhìnu nǎ: «Ítsè midyi wò nyìkpónu ò rí'ì kǐkǒ-ngba», àzèmbè itsukpó-tsùdó-ngba nyú nóongó ì'ì nyìkpónu ò?

⁵Nyi ní ɔyoyɔ idána nà ale. Ípfò pé nyìkpónu ò rí'ì itsukpó-tsùdó-ngba angyi, ndirò ní ndi, nyi nyádù òdhìnu-nyìkpó ò rí'ì kǐkǒ nídyi nyi nyí tí dhu nála mběyi.

⁶Dhu àkǎ nzá nyābhū Kàgàwà tò ka kútri dhu ìtsě tò, ndirò dhu àkǎ nzá nyāwà fùkú yòkpó àdù-ònzǐ, akye abádhí adùna kà-ǎnga òtsì pfɔya nǎ, ndirò akye abádhí adùna 'ùgèrè 'ùka nyí nǎ.»

Dhu ònzi ka kí dhu mà, dhu òne ka kí dhu mà, tsàtsù ìtdǒ ka kí dhu mà

(Luk 11.9-13)

⁷Yěsù adù àtìnà tdítǒ: «Dhu àkǎ nyǒnzì nyí nyí atdyúna nóho dhu, nírò ní ndi ka kádù kàbhū fùkù. Dhu àkǎ nyǒmè nyí nyí atdyúna nóho dhu, nírò nǎ ndi, nyí nyádù kàbà. Ndirò dhu àkǎ nyítdǒ tsàtsù, nírò ní ndi, ka kádù kàpfò fùkù.

⁸Dhu nònzì ale tò ní ndi ka kádù ndi dhu nábhu. Dhu nònè ale ní ndi rǎdù ndi dhu àbà, ndirò tsàtsù nítǒ ale ní ndi, ka kádù kàpfò fíndà.

⁹Ádhi pbá ale ndi nzínziku ǒ rǎdù odu àbhū pbì ingba tò, m̀gatì kònzì fóná rò?

¹⁰Ndirò, ádhi pbá ale ndi ìbhè pbì ingba ònzi fóná rò rǎdù osu àbhū kà tò?

¹¹Nyí nyú, nzére ale tírò, nyí nyarí ídzì dhu núbhǒ fùkú inzo tò. Ní, òrù-akpà ò arí'ì Àbaku Kàgàwà rǎdù àdi ìngbà dhu bhěyi inzà ndi ndàbhū fóná ka kònzì ídzì dhu ì dhu nònzì fóná ale tò rórò?

¹²Dhu àkǎ nyǒnzì ídzì dhu ngǔkpà ale rǒ, àdhàdhì nyí nyòzè abádhí rònzi ka rùkú dhu bhěyi. Wòrí ní ndi Músà bhà Úyátá mà, Kàgàwà bhà pbànbí náandí dhu mànà núuno dhu.»

Yěsù rǒte ndi nípbǒ tsàtsù dǒ dhu

(Luk 13.24)

¹³Wò dhu-dzidǒ, Yěsù adù àtìnà: «Dhu àkǎ nyòtsù ndi nípbǒ tsàtsù ǒ. Obhó tí, yà ìndrù bhà ìpìrǒnga rǎwí dhòdhódhóngà nà ì ka kótsù ònà tsàtsù rí'ì ádrùngbà nyú, ànyì rǎrà otu rǎdù ì'ì ìhù nyú. Ndirò ndi tsàtsù ǒ rótsù, 'àdù òwu ànyì ale náarádù ì'ì ìbí nyú.

¹⁴Pbétù, dhòdhódhóngà tó ìpìrǒnga nábà ka kí ì, ka kótsù ònà tsàtsù narí ndi nípbǒ tsàtsù, ànyì rǎrà otu rǎdù ì'ì àkǔkpá otú-ngba nyú. Ndirò, ndi tsàtsù àlà rí, 'òtsù ònà, 'àdù òwu ndi otu ǒ ale náarádù ì'ì ngúfe nyú.»

Itsu núnì ka karí kpǒna rǒ dhu

(Luk 6.43-44)

¹⁵Tdítǒ Yěsù adù àtìnà: «Nyòdò nyí mběyi tìtò tó pbànbí rǒ rò. Abádhí náarítsù nzínziku ǒ tàmà-ndi ì ùfǒ rǒyá rórò, pbétù afíya ònà rò 'àdù ì'ì òrǒrù tsamangèrè nyú.

¹⁶Nyí nyádù abádhí núnì fíyó nzére mùtso rǒ. Vínyò-kpǒ nópè ka tí àdù òpè okpèna nà itsu dǒ? Ndirò mùtinì-kpǒ nópè ka tí àdù òpè ilé dǒ?

¹⁷Kóró ídzì itsu-tidò náaródhina ní ídzì itsu-kpǒ. Pbétù nzére itsu-tidò náaródhina ní nzére itsu-kpǒ.

¹⁸Íd̀zì itsu-tidò rĩ n̄zĩ àd̀ù nzére itsu-kp̄ò nódhì, ndirò nzére itsu-tidò rĩ n̄zĩ àd̀ù íd̀zì itsu-kp̄ò nódhì.

¹⁹Kóró itsu, yà ìnzĩ arí íd̀zì itsu-kp̄ò nódhì, nùkéré ka karí kawà kàzu ò.

²⁰Ní ndi dhu bhèyi tí, nyĩ nyádù tìtò tò pbànábí nùni fíyó nzére mùtso r̄o.»

Òrù-akpà ǎ Ádrùngbǎ kamà bhà idzi ò otsúya ale

(Luk 13.25-27)

²¹Wò dhu-dzid̄o, Yèsù adù àtìnà: «Ìnzĩ ní kóró ale, yà mitdè arí 'ámbe àtìnà d̄o: Ádrùngbǎle, Ádrùngbǎlé, i òrù-akpà ǎ Ádrùngbǎ kamà bhà idzi ò otsúya, pbétù ányì otsúya ale ní kākà òrù-akpà ò arí'ì Ábadu Kàgàwà ózè dhu nónzi arí ale kèlè.

²²Ndi nínganí, ábh̄o ale nóowuya àtìnà r̄o ma n̄i: «Ádrùngbǎle, Ádrùngbǎlé! Tí obhó mǎ ndi Kàgàwà bhà Íd̀zì Mākūrù mǎ munò ìndr̄ù tò ɔvònu r̄o? Tí obhó mǎ ndi nzére-alafí mǎ mipfo ìndr̄ù ò rò ɔvònu r̄o? Ndirò tí obhó mǎ ndi mǎ manzì ábh̄o wíwì nyú ɔvònu r̄o? »

²³Nirò ní ndi ma maraya dhu ɔvò r̄o k pangba abádhí tò matí: «Ìnzá ma múni nyĩ akekpá matí, nyìndr̄ì nyĩ itse tidú rò, nyĩ nzérenga ɔnzi arí ale tírò.»»

Óyǎ idza-tidò tó mbólí

(Luk 6.47-49)

²⁴Kùtsa ndi ndi dóná rò n̄i, Yèsù adù àtìnà: «Yà ma mùnò dhu níri rí, ndàdù ɔnzìnà ale, ní r̄i ndil̄i nyìkpóna ɔtdyù ale, yà bhalabhala d̄o pbìndà idza narù bhèyi.

²⁵Igye níikó, idha rùtù n̄i. Ní igye-dha náakpà ndi idza-pfò, awe ràdù ɔpili ɔbi nyú nà ndi idza r̄o. Pbétù, ndi idza náadù nzá ndàdrù, bhalabhala d̄o ka karù kà-pfò nídhun̄i.

²⁶Pbétù, yà ma mùnò dhu níri rí ìnzĩ ndàdù ɔnzìnà ale, ní r̄i ndil̄i nyìkpóna ǎ ìwì nà ale, yà ɔsokpó d̄o pbìndà idza nasì bhèyi.

²⁷Igye níikó, idha rùtù n̄i. Ní igye-dha náakpà ndi idza-pfò, awe ràdù ɔpili ɔbi nyú nà ndi idza r̄o. Ní ndi idza náadrù ndi drùù!»

Ídho r̄i ìndr̄ù nùk̄o Yèsù nùdhe dhu tí f̄iyò dhu d̄o dhu

(Mrk 1.22; Luk 4.32)

²⁸Yèsù níitdègu ihé-yà tò ndi ndùbhi ùdhenà r̄o, dhu t'údheta níto, ní ídho nùuk̄o i ihé-yà kà r̄i dhu nùdhè f̄iyò tí dhu d̄o.

²⁹Obhó tí, kàbhà dhu t'údheta ní'ì mbǎ àdhàdhì Músà bhà Úyátá tó màlímó tó dhu t'údheta bhèyi, ndirò kǎránà dhu nùdhe r̄o ádrùngbǎnga tó ɔbi nyú nà.

Màtayò 8

Yèsù r̄i kíkí nà atdí ale nígũ dhu

(Mrk 1.40-45; Luk 5.12-16)

¹Yèsù níitdègu àwũ pbìrì dò rò, ní ihé-yà adù ɔwu k̄wù ǎ.

²Nirò ní ndi kíkí nà atdí ale níto ndi, nditsi ndòkò ɔtdyùna d̄o Yèsù-ònzĩ, ndàdù àtìnà kà n̄i: «Ádrùngbǎlé, nyi nyòzè ka n̄i, dhu ɔfò nga nyigũ ma.»

³Ní Yěsù agba ɔtsúna ndàpbalä kà-ngbò, ndàdù àtìnà kà nǐ: «Ɔwà ma mòzè wò nyi nyùnò dhu. Ní ógù!» Ní ányì rǒ rò tí, wòrí ale-rǒ kíkí náadù ògù.

⁴Wò dhu-dzidǒ, Yěsù àdù àtìnà kà nǐ: «Ɔri dhu mběyi! Àpé nyuno wò dhu atdí ale tò màtí. Pbéù, àrà nyitè nyi nyìlì nyi tí dhu pbàkùhání tò. Ndirò, nyádù nyabhù yà Músà bhà Ɔyátá núuno perè Kàgàwà tò, ndínì iwà nyi nyògù dhu navì tí kóró ale tò.»

Yěsù rǐ pbànowí dǒ ádrùngbǎle bhà kasutále nígǔ dhu

(Luk 7.1-10; Yùw 4.46-54)

⁵Kàpèrnàwumù tò kigò ò Yěsù rǒtsù òná kàsùmì ǒ, Pbarómá tò pbìrì ǒ, atdí miya pbànowí dǒ atdí ádrùngbǎle níra Yěsù-tí'ò. Kǎdù ndítsò kà-rǒ, ndònzì mùdzàná fóná,

⁶ndàti: «Ádrùngbǎlé, pbàkà kasutále rǐ'ì ara dǒ ndì ndàyi idzá ró. Kà-ngbò núve wà, ní kà rǎndì atdí dǒ nyú.»

⁷Ní Yěsù adù àtìnà kà nǐ: «Àrà ma mǎrà pbùkù, madù kìgu.»

⁸Pbéù, wò pbànowí tò ádrùngbǎle náadù dhu àdu Yěsù tò, ndàti: «Ádrùngbǎlé, dhu-àkǎ nzá nyarà àhu pbàkà, inzà ma mìlì ma nyi nyádù òtsù pbì idza ale bhěyi nídhunǐ. Pbéù, òrì atdí dhú-ngba kèlě, ní pbàkà kasutále rǎdù ògù atdí dǒ.

⁹Ima nyú, yà ma mí'ì iró rò, ma mí'ì inè dùdu-tsíró ádròdrǒ ale nà, ndirò ma mí'ì inè ma marúvina pbànowí nà. Ma mapé àtina atdí mùnowì nǐ: «Àrà ndǎlù! », ní kà rǎdù àrà ányì. Ma mapé àtina ngǎtsi mùnowì nǐ: «Ɔrà àzú! » Ní ka rǎdù irà. Ndirò ma mapé àtina pbàkà kasutále nǐ: «Ónzì yà dhu! » Ní kà rǎdù ndì dhu ònzì.»

¹⁰Ní wò pbànowí dǒ ádrùngbǎle núno dhu ndì ndirò rò, idho núuko Yěsù atdí dǒ. Ní kǎdù àtìnà owùna ǒ rúbhi iwu rǒ ale nǐ: «Ma mí obhó dhu núno fùkù. Inzá ma màpè yà dhu bhěyi a'uta-tidò nà ale nálǎ atdí màtí Pbàìsràyélì tò pbìrì ǒ.

¹¹Ní ma mátina kpanjangba nyǐ nǐ, ábhǒ ale nyú níwúya adyifò náarí ndito inǎ rò màtí ndirò adyifò náarótsù inǎ rò màtí, àdù dhu ònyè atdíkpá Àbràhamù mà, Ìsakà mà, Yàkòbhò màná, òrù-akpà ǒ Ádrùngbǎ kamà Kàgàwà bhà idzi ǒ.

¹²Pbéù, wò ndì òrù-akpà ǒ Ádrùngbǎ kamà bhà idzi ǒ àkǎná 'òkò ale nyú ní ka kipfoya, kawà iri inò ò. Ányì ní'iyà ɔdzi mà, ale-kù t'árita màná.»

¹³Wò dhu-dzidǒ, Yěsù àdù àtìnà wò pbànowí dǒ ádrùngbǎle nǐ: «Àrà pbùkù! Wò nyi nyà'ù ndònzì rǎdù dhu tí dhu, náká ndònzì ndì indù.» Ní wò dhu Yěsù núno òná kàsùmì ǒ tí, wò pbànowí dǒ ádrùngbǎle bhà kasutále náadù ògù dòtsí.

Yěsù rǐ ábhǒ ale nígǔ fiyó andi ǒ rò dhu

(Mrk 1.29-34; Luk 4.38-41)

¹⁴Wò dhu-dzidǒ, Yěsù arà Péterù bhà. Ní idza ndì ndòtsù rò, kǎtù Péterù bhà aguna-àyi ara dǒ àyi ró, atdí dǒ andi àbhu kàzà rùtò ndì òna nǎ nídhunǐ.

¹⁵Ní Yěsù apbalá kǒtsú-ngbò, kà rǎdù ògù atdí dǒ. Ní kǎdù ndìvǎ, ndàdù ndòpè ndòbhòlò ònyè Yěsù tò.

¹⁶Pbítsòngánǎ, ka kumba ábhǒ ale yà nzère-alafí nà arí'ì òyà, kiwù nà Yěsù-tí'ò. Ní Yěsù náarànà nzère-alafí nípfò rǒ abádhí ò rò òtèna nǐ tí, ndàdù andi nà ale nígu kóró.

¹⁷Ndi dhu bhëyi ní ndi, yà Kàgàwà bhà nabi Ìsayà núuno dhu náaká. Kàti: «Kítdu àlě tó ivívinga, ndàdù àlě rǒ andi tó itũnga nánò .»

Yësù-owù nòzè 'ùngu ale

(Luk 9.57-62)

¹⁸Yësù níitdègu ihé-yà nálà ngbǒna nàkpòrò ró, ní kǎdù àtìnà pbìndà ábhàlǐ nǐ: «Kàda rèrù-adzè.»

¹⁹Nírò ní ndi Músà bhà Uyátá tó atdí màlimò náandrì Yësù-ti'ò, ndàdù àtìnà kà nǐ: «Màlimò, ma móngo ùbhi owùnu ǒ kóró ngari ǒ nyi nyúbhi i nanǎ.»

²⁰Ní Yësù adù dhu àdu kà tò ndàti: «Ayíwě mà náarí ìnè bhüya nà, ndirò yà orú arángilí àrè mà náarí'ì ìnè idzàya nà. Pbétù, Ìndrù t'ídhùnà rǐ ndòkò, ndìlì dóna obvò rónge mà náarí'ì mbǎ.»

²¹Ndirò, kàbhà ábhàlǐ nzínzì ǒ atdí ale náati kà nǐ: «Ádrùngbǎlé, ítse mara motdú pé àbadu angyi.»

²²Ní Yësù adù dhu àdu kà tò, ndàti: «Írà owù-du ǒ, úbhà kǒkò abvo rùtdù fiyó abvo.»

Yësù rǐ àpùpú nábhü rìdè dhu

(Mrk 4.35-41; Luk 8.22-25)

²³Yësù níitdègu ùpo ibhú ò, ní kàbhà ábhàlǐ náadù ùpo átò kǒwù ǒ.

²⁴Ní kòmbómbí tí, ádrùngbǎ àpùpú náapè ndòpìlì atdídǒ rèrù dǒ, mùkurà ràdù 'òpè 'àwà ì ibhú ò. Pbétù, Yësù náadù ì'ì òdhò ndì ndòdhò ró.

²⁵Ní kàbhà ábhàlǐ náandrì kà-ti'ò, 'inga ka idho ò rò, 'àti: «Ádrùngbǎlé, ígǔ àlě! Kànǐ àlě kúve!»

²⁶Ní Yësù adù dhu àdu abádhí tò, ndàti: «Ádhu nyí nyí odo ònzi nǐ? Nyí ní ákě a'uta nà ale!» Nírò ní ndi Yësù adù ndivà ndidè, ndàdù òte orú tũna nyú nà awe mà, rèrù ǒ idha mà nà nǐ, inga ràdù ìnè bhìi.

²⁷Idho núuko ábhàlǐ atdídǒ, ràdù 'òpè 'òtè nzínzì yà ǒ 'àmbe àtìnà dǒ: «Íngbǎgà ale-tidò yà, awe mà, rèrù ǒ idha mà nà dhu náarí tsuná dhu níri?»

Yësù rǐ nzére-alafí nà arí'ì òyà óyǒ ale nígǔ dhu

(Mrk 5.1-20; Luk 6.26-39)

²⁸Wò dhu-dzidǒ, Yësù níitdègu àrà àhu rèrù-adzè, Pbàgèrasi tó pbirì ò, ní óyǒ ale yà nzére-alafí nà arí'ì òyà, núuvò yà ìndrù ùtdù ka karí òná ngari ò rò, 'iwù Yësù-ti'ò. Í ale ní'ì atdídǒ arí òrù ale, ìnzǐ atdí ale mà ràdù àrà ndòzè rǒ ndùdà ndi ngari ònǎ.

²⁹Ní abádhí adù òkù, 'àti Yësù nǐ: «Ádhu nyi nyòzè mà nà Kàgàwà t'Ídhùnǎ? Nyi nyirà tí iró ndínǐ nyavù tí ròká angyangyi, àdǐ ndi avuta-idhò nádi rórò?»

³⁰Wò ndi kàsùmì ǒ, àdù tó ádrùngbǎ màhò ní'ì itseta abádhí tí rò, ànyù ì ányu ró.

³¹Ní kǒkò ale ò rǐ'ì nzére-alafí nítsò ì Yësù rǒ, 'àti: «Nyi nyapé nyoze nyipfo mà kǎkà ale ò rò, ní óvì mà mǒwù òtsù ndǎkà àdù tó màhò ò.»

³²Ní Yèsù adù àtìnà abádhí nǎ: «Nyòwu ányì.» Ní nzéere-alafí núuvò kǎkò óyǎ ale ò rò, 'àdù òwu òtsù kǎkò àdù ò. Ányìrǒ rò tí, kòrì àdù tó màhò náadrú p̀bìrì ɔngò rǒ rò, ì rùp̀bà ì r̀èr̀ù ò, 'àdù ùve ányì.

³³Ndirò, ì àdù nándà rǒ rúbhi ale náatsè ɔyi nà kigò ò. Ányì abádhí náawe wò ì ǹǹnzì dhu tó màk̀r̀r̀ù, kǎkò nzéere-alafí nà óyǎ ale-rǒ ndì ǹǹnzì dhu mànà kóró.

³⁴Ní kigò ǎ ale níivà ì kóró, ì rìwũ Yèsù-ti'ò. Ní Yèsù ì àla rò, abádhí náadù Yèsù ǹǹnzì rìvà ndì ndàrà f̀ỳó p̀bìrì ǎ rò.

Màtayò 9

Yèsù rǎ ngbǎna ùve ale nígũ dhu

(Mrk 2.1-12; Luk 5.17-26)

¹Yèsù níitdègu ùpo ibhú ò, ní kǎdà r̀èr̀ù-adzè, ndàdù àrà f̀ỳó kigò nyú ò.

²Ní ányì kàrà àhu rò, ka kiwú ngbǎna ùve atdí ale nà kà-ti'ò ótdù dǎ ka kànò rórò. Ní abádhí tó a'uta ndì ndàla rò, Yèsù náati wò ngbǎna ùve ale nǎ: «Ótù afinũ p̀bà̀n̄ngbá! P̀b̀k̀k̀ù nzéenga núbà wà ndì!»

³Nírò ní ndì ányìrǒ ì'ì Músà bhà Ʋyátá tó ngúfe màlímó náatè nzínziya ǎ, 'àti: «Wòrì ale rǎ dhu núno nzéere nyú Kàgàwà nǎ!»

⁴Yèsù níitdègu abádhí tó irèta núnǎ, ní kǐvú dhu abádhí-tsũ, ndàti: «Ádhu nyǎ nyǎ'ì kòrì nzéere irèta nà afíkũ ò ní?

⁵Isó ró'ò dhu ní ìngbǎgà? Tí kati: «P̀b̀k̀k̀ù nzéenga núbà wà ndì», ndirò, tí kati: «Ívà nyi nyubhi? »⁶Ma mòzè nyũni dhu, ìnè Ìndrũ t'ídhùnà r̀àr̀'ì ádr̀ngbǎnga tó ɔbi nà ndùbà ìndrũ bhà nzéenga yàrí adzi dǎ.» Ní Yèsù adù àtìnà wò ngbǎna ùve ale nǎ: «Ívà nyi, nyitdù p̀b̀k̀k̀ù ótdù, nyadù àrà p̀b̀k̀k̀ù.»

⁷Ní wò ale adù ndìvà ndidè, ndàdù àrà p̀b̀ndà.

⁸Ní wòrì dhu ì àla rò, ɔdo níisí uró ì'ì ihé-yà ò. Ní abádhí adù Kàgàwà nífu wò dhu bhèyi ádr̀ngbǎnga tó ɔbi kǐbhò ìndrũ tò nídhunǎ.

Yèsù rǎ Màtayò nánzi dhu

(Mrk 2.13-17; Luk 5.27-32)

⁹Yèsù níitdègu ndìvà wò ndì ndì'ì rórò, ní ùda ndì ndúda rórò, kǎla Màtayò tí kátina atdí ale p̀àratà nífǎ ka karí òná idza ǎ àdi ró. Ní Yèsù adù àtìnà kà nǎ: «Írà owùdu ǎ.» Ní Màtayò adù ndìvà ányìrǒ rò tí, ndàrà kòwù ǎ.

¹⁰Wò dhu lutinǎ, Yèsù adù àrà dhu ònyù Màtayò bhà idza. Ní Yèsù mà p̀b̀ndà ábhàlǎ mànà rǎ ònyù ònyu ányì-dzá rò, ábhǎ ngũkpà ale níiwú dhu ònyù atdíkpà abádhí mànà. Í ale ní'ì p̀àratà t'úfótá tó p̀b̀àndómbé mà, nzéere f̀ỳó mùtsɔ nà ngũkpà ale mànà.

¹¹NíP̀b̀àf̀àr̀isáyó níitdègu wò dhu nǎlǎ, ní abádhí náadù dhu ìvu Yèsù bhà ábhàlǎ-tsũ 'àti: «Ádhu f̀úkú màlímò rǎ dhu ònyu p̀àratà t'úfótá tó p̀b̀àndómbé mànà, ndirò nzéere f̀ỳó mùtsɔ nà ale mànà nǎ?»

¹²Ní wò dhu ndì ndìrì rò, Yèsù adù dhu òvò kpangba abádhí tò ndàti: «Ìmbà rí'ì andi nà ale náarí nzi m̀ngangà-atdyú nóho, pbétù andi nà rí'ì ale kèlě ní ndì m̀ngangà-atdyú nóho arí.

¹³Nyòwu nyòme pé Kàgàwà bhà bhùkù ò ka kandí dhu-tì. Ndi andítá rätina: «Ma mózè dhu ní ìndrù dǒ ka kí izu àbà dhu, ìnzí ní izǎ tó perè núbhò ka kí idù dhu.» Obhó tí, ma mírà nzá obhónángatále ale núnzi, pbétù mà mírà nzérenгатále núnzi.»

Yèsù bhà irèta ònyù t'ònyuta-tsù nùtsi ka kí dhu dǒ

(Mrk 2.18-22; Luk 5.33-39)

¹⁴Wò dhu-dzidǒ, bàtizò nubhónà Yùwanì bhà ábhàlǐ níwú Yèsù-tí'ò, 'àdù dhu ìvu kà-tsù 'àti: «Ádhu mà'i, Pbfàrìsáyó màna, mà marí ònyù t'ònyuta-tsù nùtsi bilíngà, ìnzí pbùkù ábhàlǐ ràdù kùtsi átò nǐ?»

¹⁵Ní Yèsù adù dhu àdu abádhí tò ndàti: «Nyǐ nyìrè tí inga, àdhìngbǎ ka kùndà nǐ m̀hendù ò ìwù ale rǎràdù òko izùya ǒ, àzèmbè ìnè akpa-tsi rí'ì nzínziya ǒ rórò? Ìnzí akèkpá màtí. Pbetù, atdí idhò ní'íya ìnè, yà akpa-tsi nódyì ka kí òná kowù nà abádhí-nzínzi ǒ rò. Ndi idhò-ǒnga ní ndì abádhí adùya ònyù t'ònyuta-tsù nùtsi nǐ.

¹⁶Ìnzí atdí ale mà ràdù ngoyì-òwútá tó kèlèmù nàpba mberù-ayí ǒ. Ndi dhu bhèyi kùpbǎ ka rò, ndi kèlèmù ràdù ndi mberù-ayí-ǒnga ùdha rùfà ndi, ndi ufàta-bhu ràdù àhu ádrùngbǎ nyá.

¹⁷Ndirò, ìnzí ka kádù ònyù-òwútá nùdhò kàmudzè-ayí ò. Ndi dhu bhèyi ka kùdhò ka rò, ndi ònyù-òwútá ràdù ìvù kàmudzè-ayí ò, ràdù ndi kàmudzè-ayí nùfà, ònyù ràdù ndùfù obvò. Ní dhu àkǎ kùdhò ònyù-òwútá kàmudzè-òwútá ò, ìnzí ndi kàmudzè adù tí ndùfà, ònyù ràdù ndùfù obvò.»

Yèsù rǐ atdí tsìbhále nígù ndàdù atdí tsìbhíngba níkye dhu

(Mrk 5.21-43; Luk 8.40-56)

¹⁸Yèsù rǐ dhu nóvo Yùwanì bhà ábhàlǐ tò òná kàsùmì ǒ, Pbfàhùdí nzínzi ǒ atdí ádrùngbǎle níra àhu Yèsù-tí, ndìtsi ndòkò kònzí, ndàdù àtìna kà nǐ: «Màlimò, ma mùbhà ìvǎdù-ngba kòmbí tí afína ìtdě ró. Ní ma mòzè nyìrà, ndíní nyìlì tí òtsùnu kà-dǒ, kà ràdù ìkye.»

¹⁹Ní Yèsù adù ndìvǎ, 'àdù òwu atdíkpá pbìndà ábhàlǐ màna wò ádrùngbǎle-owù ǒ.

²⁰Ní, otu ǒ abádhí rǒwu rórò, atdí tsìbhále náandri olùnǎ rò Yèsù-tí'ò, ndàpbàlǎ kà-rǒ mùdzarù bìdò-ngbò. Ndi tsìbhále ní'ì yà vèbhále tó ògòbhà tó azu náarìrà róná, rǎrà àhu atdí kumì dòná óyǒ nà ato tí.

²¹Obhó tí, ka ní'ì afína ò rǐrà òte rǒ, ndàmbe àtìna dǒ: «Kà-rǒ mùdzarù-ngbò kèlě ma mapbálána gukyè, ní ma mógù ògù.»

²²Ní Yèsù agéré ndì, ndàndà olùnga, ndàla wò tsìbhále, ndàdù dhu òvò kpangba fìndà ndàti: «Ótù afínu pbà nǐ tsìbhíngbá! Pbfàkù a'uta nígù wà nyi.» Ní ànyìrǒ rò tí, wò tsìbhále náadù ògù atdíidǒ.

²³Yèsù níitdègu àrà àhu wò Pbfàhùdí tó ádrùngbǎle bhà, ní kǎtù rùgě ùmì rí ale mà ihé-yà màna atdíidǒ tsìya náva ì ànyì-dzá ró.

²⁴Ní kǎti: «Nyùvò àwú-dza rò! Wò tsìbhíngba nówè nzá, pbétù kàyi àyí tí!» Ní kòrí ale náadù kà rǎnǎna dhu gàyà nónzì ònzì tí.

²⁵Ní kòrí ale ndì ndàbhu rùvò idza rò rò, Yěsù atsù, ndàlǔ tsìbhíngba ɔtsúna rǒ, kà ràdù ìkye.

²⁶Yěsù ònzì dhu-òyí náadù ndùgà kóró wò ndì pbìrì ǒ.

Yěsù rǐ ọyǒ ndùmùndùmú-nyìkpó nǎngbě dhu

(Màt 20.29-34)

²⁷Uró rò Yěsù ìvà ndì rò, ọyǒ ndùmùndùmú adù òko, 'àmbe òwu dǒ kǒwù ǒ. Abádhí owúnà ùkǔ rǒ 'àmbe àtìna dǒ: «Ábà izu dǒkǎ, Dàwudi t'Ídhùnǎ!»

²⁸Ní idza Yěsù àrà àhu rò, kòrí ndùmùndùmú náandrì Yěsù i. Ní Yěsù ivú dhu abádhí-tsǔ, ndàti: «Nyí nyà'ù tí wà dhu ùngbě ma rǎràdù nyìkpókú nǎngbè?» Ní abádhí adù dhu àdu kà tò 'àti: «Ádrùngbǎlé, iwà mǎ mà'ù.»

²⁹Ní Yěsù adù ɔtsúna núli abádhí-nyìkpó dǒ, ndàdù àtìna: «Dhu àkǎ ndì dhu rònzì ndì fǔkù yà nyí nyà'ù ka dhu bhěyi!»

³⁰Ní abádhí-nyìkpó náadù 'ùngbè ányìrǒ rò tí. Yěsù náadù dhu ẹya ɔbi nyú nà abádhí tò, ndàti: «Nyìri yà ma múnǎna dhu mběyi! Atdí ale mà nǎkǎ nzá ndùni wò rùkú ndì nónzì dhu!»

³¹Pbétù, abádhí níitdègu 'ìvà, 'òwù Yěsù-tí rò, ní abádhí adù 'òpè 'òwù yà Yěsù ònzì ròyá dhu náwe rǒ kóró ndì pbìrì ǒ ale tò.

Yěsù rǐ atdí ìnzǐ arí ɔte ale nígǔ dhu

(Màt 12.22-24; Luk 11.14-15)

³²Abádhí rǔvò, àmbe òwu dǒ òná kàsúmì ǒ, ka kiwú atdí ale, yà òná rí'ì nzére-alafí nǔtsì tsúna, ìnzǐ rǒngò ɔte nà Yěsù-tí'ò.

³³Ní Yěsù níitdègu nzére-alafí nípfǒ wò ale ò rò, ní ndì ale náadù ndòpè ndòtè ányìrǒ rò tí. Ní idho núukò ányìrǒ ì'ì ihé-yà atdí dǒ, ràdù àmbe àtìna dǒ: «Ínzá mǎ màpè yà dhu bhěyi dhu-tidò nǎlá atdíku màtí Pbàìsràyélí tó pbìrì ǒ.»

³⁴Pbétù, Pbàfàrisáyó náadù àtìna: «Sìtani, nzére-alafí ǒ ádrùngbǎle ní ndì arí ádrùngbǎnga tó ɔbi nábhǔ kà tò, kà rǎmbe nzére-alafí nódì dǒ nǐ.»

Yěsù rǐ izu àbà ihé-yà dǒ dhu

³⁵Yěsù núubhì kígò òná, ndìrò pbanga òná màtí kóró. Kǎránà dhu núdhe rǒ Pbàyàhúdì tó unduta-dzà ǒ rò. Ndirò kǎránà òrù-akpà ǒ Ádrùngbǎ kamà Kàgàwà bhà idzi tó Ídzi Mǎkǔrù núnò rǒ ìndrǔ tò, ndàdù àrà kóró andi nígu rǒ, ndàdù ale-ngbò tó kóró ivívínga nígu.

³⁶Ní Yěsù níitdègu ihé-yà núli ì tí dhu nǎlá, ní izu uka ka atdí dǒ, abádhí níngyě ì, 'àdù ìfàlǎ, ìmbǎ ùndana rí ale rǐ'ì tàrà bhěyi nídhunǐ.

³⁷Nìrò ní ndì kǎdù àtìna pbìndà ábhàlǐ nǐ: «Ọnyù nó'ò wà, pbétù ndì ònyù-tsù núnđù rí ale rǐ ì ngúfe.

³⁸Ní kìtsò ale inga-àbadhi rǒ ndínĩ kasutále-bvu nitró tí ònyù-tsù t'únduta tò.»

Màtayò 10

Yèsù bhà atdí kumì dòná óyǒ nà uvitatále-ɔvò

(Mrk 3.13-19; Luk 6.12-26)

¹Wò dhu-dzidǒ, Yèsù náanzi pbìndà atdí kumì dòná óyǒ nà ábhàlǐ, ndàdù nzére-alafí nípfo abádhí rádù nǐ ìndrù ɔ̀ rò, 'àdù kóró andi-tidò nígu nǐ kóró ivívinga mànà ádrùngbǎnga tó ɔ̀bi nábhu fǐyò.

²Yàrí ní ndi i atdí kumì dòná óyǒ nà uvitatále-ɔvò. Wemberè tí ní Sìmonì, Péterù tí kátina mà, adònà Àndèreyà mànà. Abádhí dzidǒ ní Zèbèdayò bhà óyǒ inzo, Yàkòbhò mà, adònà Yùwanì mànà,

³Fìlipò mà, Bàrtòlòmayò mànà, ndirò Tùmasì mà, Màtayò mànà. Angyi ndi Màtayò nǐ'ì pàratà t'úfótá tó ndombè. Ngǔkpà uvitatále ní Yàkòbhò, Àlùfayò t'ídhùnà mà, Tàdayò mànà.

⁴Ndirò Sìmonì, yà atdí dǒ ndi ngyénà fǐyó pbìrì dǒ ale mà, Yudhà Ìskàriyotà, yà Yèsù nípfo ndàbhu òmvù-fó mànà.

Yèsù rǐ pbìndà atdí kumì dòná óyǒ nà uvitatále núvǐ dhu

(Mrk 6.7-13; Luk 9.1-60)

⁵Yèsù núuví kǒkò atdí kumì dòná óyǒ uvitatále, ndàdù dhu ùya fǐyò ndàti: «Àpé nyòwu ìnzǐ ní Pbàyàhúdì tó pbìrì ɔ̀, ndirò àpé nyòtsù Sàmàriyà tó pbìrì ɔ̀ atdí kígò ɔ̀ màtí.

⁶Pbétù, nyòwu Ìsràyeli tó pbìrì ɔ̀ bhà, yà ùwùwǐ tàrà bhèyi ì nùlì bvù.

⁷Ányì nyǐ nyòwu rò, nyǐ nyàkǎ nyùnò Kàgàwà bhà Ídzì Mákǎrù ìndrù tò, nyòwù àtìna rǒ: «Òrù-akpà ɔ̀ Ádrùngbǎ kamà bhà idzi-tsù níndù wà ndi.»

⁸Nyǐ nyàkǎ nyòwù anditále nígu rǒ, ndirò nyǐ nyàkǎ nyòwù ùvùve ale níkye rǒ. Nyǐ nyàkǎ nyòwù kíkítále nígu rǒ, ndirò nyǐ nyàkǎ nyòwù nzére-alafí nípfo rǒ ìndrù ɔ̀ rò. Nyǐ nyàbà kǒkò dhu nónzi nyǐ nyǐ nǐ ɔ̀bi tírǒrò, ní nyǐ nyàkǎ nyòwù i dhu nónzi rǒ tírǒrò.

⁹Àpé nyùgu ɔ̀rò mà, fùrangà mànà nyǔfǒ ngbǒku ɔ̀.

¹⁰Àpé nyùgu bhòlò abhi tò, ndirò àpé nyǔfǒ mberù ɔ̀yǒyó rùkú. Ndirò, àpé nyùgu kàyitò mà, mùgǒ mànà. Obhó tí, kasu ònzi rǐ ale nákǎ ndàbà ndi ndónyuna dhu pbìndà kasu ɔ̀ rò.

¹¹Ìngbǎ tí ìlì ndi kígò mà, ndirò ìngbǎ tí ìlì ndi pbanga ɔ̀ màtí nyǐ nyòwu ùvò rò, nyǐ nyowuna nyàkǎ rádù ale-tidò nómè rǒ. Ndi ale àkǎ nyǐ rò, nyǐ nyowuna òko rǒ kàbhà idzá ràrà àhu ányì rǒ rò nyǐ nyúvò, nyòwù dhu ɔ̀.

¹²Atdí ale bhà idza nyǐ nyòtsù rò, nyǐ nyowuna ányì-dzá-bhà nátsè rǒ, nyàti: «Kàgàwà àkǎ ndàso nyǐ.»

¹³Ányì-dzá-bhà náko nyí mběyi rò, Kàgàwà arana abádhí àso rǒ. Pbé̀tù, inzà abádhí àko nyí mběyi rò, Kàgàwà arana nzǐ abádhí náso rǒ.

¹⁴Atdí idza ǒ ale, ndirò atdí kigò ǒ ale mà nóowuna gukyè 'ùvo rǒ inzǐ 'àko nyí, ndirò inzǐ 'irí nyí nyúnona dhu, ní nyí nyowuna òwu rǒ ányìrǒ rò, nyàdù pfǒku-tsítsíró àhù nó'ò ányìrǒ.

¹⁵Ma mí obhó dhu núno fǔkù, Kàgàwà rǐ ìndrǔ-ànyǎ nítǔ nínganí, i kigò ǒ ale dǒ ka kitǔya dhu ròsè yà Sòdomò mà Gòmora màna tó kigò ǒ bhà dǒ ka kítǔina dhu dónǎ.»

Yèsù rǔte ìndrǔ rǒ ka kavùya, rǎdù àpbè àbà dhu dǒ dhu

(Mrk 13.9-13; Luk 21.12-17)

¹⁶Wò dhu-dzidǒ, Yèsù adù àtìna p̀bìndà uvitatále nǐ: «Kòní ma mùvǐ nyí tàmà bhěyi atdí dǒ arórù tsamangèrè nzínzì ò. Ní nyàbhu nyìkpókù ròtdyù osu-nyìkpó ótdyù dhu bhěyi, nyàdù òko yoròwà ǒ àmbò bhěyi.

¹⁷Dhu àkǎ nyǒdò nyí mběyi! Ìndrǔ nóowuya nyìpfo rǒ, 'àdù nyàbhu kitǔ ànyǎku. Ndirò abádhí nóowuya nyǔvǐ rǒ asé nǐ unduta-dzà ǒ rò.

¹⁸Ìndrǔ nóowuya òwu rǒ nyí nà lǐwalì-ònzǐ, ndirò ádròdrǒ kámá màna dhu-ònzǐ okúdu dò rò, ndínǐ nyí nyí'í tí pbàkà ngàm̀bì tí abádhí-ònzǐ, ndirò ngǔkpà ale, yà inzǐ ní P̀b̀yàhúdì-ònzǐ màtí.

¹⁹Nyí nà ka kòwù ùvò ànyǎku nítǔ ka kǐ i rò, àpé nyòwuya afiku nítu rǒ nyí nyúnona dhu nǐ, ndirò nyí nyí kùnò tí dhu nǐ. Nyí nyowuya nyí nyúnona dhu nába rǒ ndí kàsùmì ǒ tí.

²⁰Ìnzǐ ní nyí ndí nyí nyowuya ɔte rǒ, p̀b̀tù Àbakù Kàgàwà bhà Ìlǐlǎ-Alafí náaraya ndí ɔte rǒ ùku nǎ rò.

²¹Ngǎtsi ale náaraya adónà nípfo rǒ ndínǐ ka koho tí. Ndirò nzónzo t'ábána nóowuya dhu ònzǐ rǒ ndí dhu bhěyi tí fǐyó inzo rǒ. Nzónzo níwàya dhu ì nódhì ale rǒ, 'àdù abádhí àbhu kòkyè.

²²Kóró ale nóondróya nyí okúdu dò rò. Pbé̀tù, kǒkò dhu-dzi òndù rí kóró, ràrà àhu kóró dhu-tsù rǐ ndòdì dhu ò ale ní ndí ògù ɔgúya.

²³Yà nyí nyí'ì ònà kigò ǒ ka kòpè kavu rùkù, nyàmbe àpbè àbà dǒ rò, nyí nyowuya òtse rǒ ngǎtsi kigò ò. Ma mí obhó dhu núno fǔkù, nyí nyasòya nzǐ Ìsràyeli tó p̀b̀irì ǒ kigò kóró, inzà Ìndrǔ t'ídhùnà níngò rórò.

²⁴Dhu núdhè ka kǐ fǐndà ale bhà irèta náarí nzǐ òse p̀b̀ìndà màlimò bhà irèta dónǎ, ndirò kasutále bhà ádrùngbǎnga náarí nzǐ òse kasu ònzǐ kà rǐ fǐndà ale bhà ádrùngbǎnga dónǎ.

²⁵Ní, inga nòfò dhu ní, dhu ùdhè ka kǐ fǐndà ale ròngò p̀b̀ìndà màlimò bhěyi. Ndirò inga nòfò dhu ní, kasutále ròngò p̀b̀ìndà kasu tó ádrùngbǎle bhěyi. Ìndrǔ apé idza-àbadhi nyú nánzi Bèlìzèbuli tí, ní kàbhà idzá bhà dǒ abádhí tí nzǐ àdù nzére ɔvo nyú nóvò!»

Ádhi ndí àkǎkǎ kònzì ɔdòna?

(Luk 12.2-7)

²⁶Yēsù adù àtìná tdítđǎ ábhàlǐ nǐ: «Dhu àkǎ nzá nyǒnzì kǒkò dhu bhěyi ale-ɔdò. Kóró dhu-tsí yà ì nuru, núuvòya kpangba. Ndirò kóró dhu-tsí, yà òdhǔ ò aróko, núuviya ì kpangba kóró ale tò.

²⁷Yà ìnò ǒ ma múnò fǔkù dhu náká nyǒwù ìpfonà rǒ awáwù ò, ndirò yà bhèlu ǒ ka kúnona ró nyǐ nyǐrì dhu náká nyǒwù ùnònà rǒ ìkǔ ǒ idza dǒ rò.

²⁸Ní dhu àkǎ nzá nyǒnzì ale-ngbò kèlě nóho rí, ìnzǐ ndàdù ale-afí nóhò átò ale-ɔdò. Pbétù, dhu àkǎ nyǒnzì Kàgàwà-ɔdò, yà ale-ngbò mà, ale-afí màná nábhu rádù rògbè, yà ìnzǐ aráve dhòdhódhóna nà kàzɛ ò.

²⁹Óyǒ àrè-tútǔ-nzo nódzi ka ka tí obhó atdí fùrangà-kpǒ rǒ? Pbétù, atdí abádhí nzínzì ǒ mà náarí nzǐ ìtsì obvò ìnzá Àbaku Kàgàwà nózè rórò.

³⁰Nírò nyǐ, Kàgàwà núnì wà ìfe màtí dùku-ká-vé náarí ì'ì dhu.

³¹Ní dhu àkǎ ìnzá nyǒnzì ɔdò. Obhó tí, nyǐ nyùdà ábhǒ àrě-nzo ìtse nyú.»

Yēsù Krístò bhà ale tí ka kóko dhu mà, kòdho ka kí dhu màná dhu

(Luk 12.8-9)

³²Wò dhu-dzidǒ, Yēsù adù àtìná ábhàlǐ nǐ: «Ndi ale apé dhu òvo kpangba ibí ale-ònzǐ, ndàtì ndi rǎrǐ pbàkà ale, ní òrù-akpà ò arí'ì Àbadu Kàgàwà-ònzǐ màtí, ma madùya dhu núnò átò kpangba mati, ndi ale rǎrǐ pbàkà ale.

³³Pbétù, ndi ale núunoya gukyè dhu kpangba ìndrǔ-ònzǐ, ndàtì ìnzá ndi rúnì ma, ní ma madùya dhu núnò átò kpangba òrù-akpà ò arí'ì Àbadu Kàgàwà-ònzǐ mati, ìnzá ma rúnì ka.»

Ìndrǔ-ǒnga rǐ ndùndò Yēsù bhà ɔte-okú dò rò dhu

(Luk 12.51-53; 14.26-27)

³⁴Tdítđǎ Yēsù adù àtìná ábhàlǐ nǐ: «Àpé nyìrè nga ma rírà yà adzi dǒ ale àbhu ròkò màrùngà ǒ. Ma mírà ìnzá màrùngà nà, pbétù ma mírà nà dhu ní alì.

³⁵Ma mírà ìngba mà ǒnga núndò àbanà nà, tsìbhíngba mà ǒnga núndò íyànà nà, ndirò àdhíngbǎ mà ǒnga núndò pbìndà aguna-àyi nà.

³⁶Ìndrǔ rǒ òmvǔ naraya ì'ì rǒ ndi ale bhà idzá bhà kèlě.

³⁷Atdí ale náapé àbanà mà, ndirò íyànà mà nózè, ròsè dùdunǎ, ní ndi ale náká ìnzá ndàtì ndi owùdu núngu ale tí. Ndirò, atdí ale náapé idhùnà mà, ndirò ivànà mà nózè, ròsè dùdunǎ, ní ndi ale náká ìnzá ndàtì ndi owùdu núngu ale tí.

³⁸Ìnzǐ rí pbìndà mùsàlabhà nánò, ndàdù owùdu ùngu nà ale, náká ìnzá ndàtì ndi owùdu núngu ale tí.

³⁹Pbìndà ípìrǒnga nózè rí ndòdò fíndà ale níwíya ka, pbétù pbìndà ípìrǒnga níwí rí okúdu dò rò ale náadùya kàbà àbà tdítđǎ.»

Yēsù-owù núngu ale nàko ale náabáya perè

(Mrk 9.41)

⁴⁰Wò dhu-dzidõ, Yësù adù àtìnà ábhàlĩ nĩ: «Atdí ale apé nyăkõ, ní iwà ma nàkõ átò. Ndirò, ima nàkõ ale ní iwà ma nivi ale nàkõ.

⁴¹Atdí ale náapé Kàgàwà bhà nabì nàkõ, Kàgàwà bhà nabì tí kà rĩ'ì dhu-okú dò rò, ní ndi ale náabáya Kàgàwà bhà nabì àkã ndàbà perè. Ndirò, atdí ale náapé obhónángatále nàkõ, obhónángatále tí kà rĩ'ì dhu-okú dò rò, ní ndi ale náabáya obhónángatále nàkã ndàbà perè.

⁴²Ma mí obhó dhu núno fũkù: atdí ale náapé ìrìre idha tó kópà-tsí dhu mà nábhũ kàkà owùdu núngu ale nzínzì ò atdí àkyăkyè ale tò, owùdu kùngu dhu-okú dò rò, ní ndi ale náabáya àbà pbìndà perè.»

Màtayò 11

Bàtizò nubhónà Yùwanì rĩ pbìndà ábhàlĩ nóvì rōwu dhu òngù Yësù-tsũ dhu (Luk 7.18-35)

¹Yësù nítdègu yà pbìndà atdí kumì dóná óyõ nà ábhàlĩ tò ndi ndúbhi ùyanà rõ dhu t'úyátá nító, ní kădù ndivà, ndàrà ányirõ rò. Kàrà dhu núdhe ìndrũ tò, ndàdù àrà Kàgàwà bhà Ídzì Mākūrù núno rò abádhí tò Gálilayà tó pbìrì ò kigò òna nă.

²Ndi kàsùmì ò, bàtizò nubhónà Yùwanì ní'ì imbi ò ka kósò ró. Ní imbi ò ndi ndí'ì rórò, kĩrì Krístò rără ònzìnà rõ dhu-òyĩ. Ní kădù pbìndà ábhàlĩ nzínzì ò ngúfe ale nóvì, ròwù dhu ìvu Yësù-tsũ, 'àti:

³«Nyí tí yà mã māròdona ndínì ira tí ale, ndirò mã màkã tí mōdò vurò ale?»

⁴Ní Yësù adù dhu àdu abádhí tò ndàti: «Nyòwu nyèno yà nyĩ nyírìna dhu, ndirò yà nyĩ nyálàna dhu Yùwanì tò.

⁵I dhu ní: ndùmùndúmú-nyìkpó rōwu 'ùngbe rõ, 'adù inga àla. Òtsòtsù ale rōwu ùbhi rõ mbèyi. Kíkí nà ale rārōwu ùgu rõ, ìwĩ rādù inga nírì. Ùvũve ale rōwu ìkye rõ, ndirò nākūtále rōwu Kàgàwà bhà Ídzì Mākūrù nírì rõ.

⁶Hirò nōnziya ale ní nzĩ yà ma múnōna dhu rābhūna ròtsù nzérenga ò ale.»

⁷Yùwanì bhà ábhàlĩ nívà ì, 'àmbe 'adu dõ rò, Yësù adù ndòpè ndàwe dhu ihé-yà tò Yùwanì dõ. Kàpè ndòngù dhu abádhí-tsũ, ndàti: «Ádhu nyĩ nyówù àndànà rùngù ò? Tí awe rĩ ònángà núttyă ìzò?

⁸Ádhi nyú nyĩ nyawù àndànà? Tí atdí dõ áya mùdzarù nùfõ ale? Pbétù, atdí dõ áya mùdzarù nùfõ ale náaróko ádròdrõ kámá-idzà ò.

⁹Ní ádhu nyú nyĩ nyówù àndànà? Tí Kàgàwà bhà nabì? Obhó tí, nyĩ nyówù Kàgàwà bhà nabì nándà. Pbétù ma mátina nyĩ nĩ, iwà kà ròsè Kàgàwà bhà ngũkpà pbànábì dónã màtí.

¹⁰Yùwanì ní ndi, yà Kàgàwà bhà Andítá rĩ dhu ùno kprangba dóná ndàti: «Kòní ma mí pbàkà mùkèngyè nóvì angyi indù, ndínì pbùkù otu nobhòlo tí indù .»

¹¹Ma mí obhó dhu núno fũkù, yà vèbhále úgù yà adzi dõ ale nzínzì ò, Bàtizò nubhónà Yùwanì bhà ádrùngbānga dónã pbìndà ádrùngbānga ósè ale rĩ mbã ì'ì. Pbétù, yà ákè

ale tí ka kálàna òrù-akpà ǎ Ádrùngbǎ kamà Kàgàwà bhà idzi ǎ ale, ní rǎ ádrùngbǎle nyú tí, ròsè Bàtizò ùbhò arí Yùwanì dònǎ.

¹²Ròpè ndì yà ndì Bàtizò ùbhò arí Yùwanì apèna ndònzì pbìndà kasu, rìrà àhu indo nga ò rò, òrù-akpà ǎ Ádrùngbǎ kamà Kàgàwà bhà idzi náarí inè òbi nǎ ka karúgyena ró, ndirò òròrù ale náarí kàpà fíyò òbi nǎ.

¹³Músà bhà Úyátá mà, Kàgàwà bhà pbànábí màná kóró, rìrà àhu Yùwanì ò, náapè ùnò dhu angyangyi òrù-akpà ǎ Ádrùngbǎ kamà Kàgàwà bhà idzi dǎ.

¹⁴Ndirò, ma múnɔna dhu ná'ù nyǎ nyádù nánǎ, ma màmbènà àtina nyǎ nǎ, Yùwanì rǎrǎ ndì Èliya, yà irà rírà dhu tí ka kati.

¹⁵Inga t'íríta tó bǎna nà rí ale níri yà dhu mbèyi!

¹⁶Yà indo arí ale núdhe ma mádu àdhà bhà rǎ? Abádhí ùli ì yà pbanga-tsi dǎ ì nùndu nzónzo bhèyi. Atdídhená ràdù òwu ɔdhíya núnzì rǎ ikù ǎ àti:

¹⁷«Mǎ mùmì mbǎ ɔbé tó adyi rùgè ǎ màtí fùkù, ní nyǎ nyádù inzà òbè. Ndirò mǎ mùyù mbǎ izu tó adyi mà fùkù, ní izu àdù inzà nyǎka.»

¹⁸Obhó tí, Yùwanì níra, ìnzǎ ndàdù àrà dhu ònyu rǎ, ndirò ìnzǎ ndàdù àrà dhu mà nómvù rǎ. Ní ìndrù adù àtinà nzéɛ-alafí rǎrǎ'ì kǎ'ò.

¹⁹Ndì dhu bhèyi tí, Ìndrù t'ídhùnà níra ndàrà dhu ònyu rǎ, ndàdù arà dhu nómvù rǎ. Ní ìndrù arádù kàtì òna óvò ale tí, ndirò atdídǎ arí ndòmvù ale tí. Ndirò abádhí arádù kàtì pàratà tó pbàndómbé mà, yà nzéɛ dhu ònzì arí ale màná ì nózè ale tí. Pbétù, Kàgàwà arí dhu-ɔnga òvò tí dhu tó obhóna náarí ndàvì kpangba kà rǎnzina dhu-nyutsì.»

Yèsù rǎrù yà òyá ale núvò ì ìnzǎ ì a'u tí ndì ndúnɔna dhu kigò dǎ dhu

(Luk 10.13-15)

²⁰Wò dhu-dzidǎ, Yèsù apè ndòrù atdídǎ yà ábhò wíwì nyú ndì ndónzì òyá kigò dǎ, inzà ì kigò ǎ ale nùgèrè ì, 'ùbhà fíyò nzéɛnga dhu-okú dò rò. Kǎti:

²¹«Kòràzinì mà, Bètèsàydà màná tó kigò, yà ùkù ndì nònzì wíwì ní'iyana gukyè Tirò mà, Sìdònà màná tó kigò ǎ ndì nónzì dhu tí, ní ì kigò ǎ ale ní'iyana angyí ì úfǎ gòníyà mberù tí ròyá, 'àdù ohu nùtrò dòya ò, ndínì ì ùgèrè ì, 'ùbhà fíyò nzéɛnga dhu navi tí ró. Ní ndì dhu-okú dò rò, nyǎ nyǎ'ì àpbè ǎ Kòràzinì, ndirò nyǎ nyǎ'ì àpbè ǎ Bètèsàydà.

²²Wò dhu-okú dò rò ní ndì, ma mí dhu òvò kpangba fùkù. Kàgàwà rǎ ìndrù-ànyǎ nítdì nínganì, kǎtdíya dhu dèkù abhàbhó nyú, ròsè Tirò mà, Sìdònà màná tó kigò dǎ ndì ndítìna dhu dònǎ.

²³Ndirò ìnyi, Kàpèrnàwumù tò kigò, yà ùnú ndì nónzì wíwì ní'iyana gukyè Sòdòmò tó kigò ǎ ndì nanzì dhu tí, ní Sòdòmò ní'iyana inè indo màtí. Ní ndì dhu-okú dò rò, ìnyi, Kàpèrnàwumù tò kigò, nyǎ nyà'ù tí dhu, ìdzǎ Kàgàwà rǎràdù nyidzi òrù-akpà ò? Ìnzǎ ràdù nyidzi, akekpá màtí. Pbétù, kà rǎ nyifò obvò, ndàdù nyobvù ìnzǎ aráve dhòdhòdhónganà kàzu ò.

²⁴Ndi dhu-okú dò rò ní ndi ma mí dhu òvɔ kpangba fùkù, Kàpèrnàwumù ǒ bhă, Kàgàwà rî ìndrũ-ànyă nítdì nínganí, kǒtdíya dhu Kàpèrnàwumù tò kigò dǒ abhɔ nyú, ròsè Sòdòmò tò kigò dǒ ndi ndótdina dhu dònă.»

Yësù rî m̀hetù àbhũ afíya r̀ngyě ì ale núnzi tina ò dhu

(Luk 10.21-22)

²⁵Tdítdǒ Yësù adù àtina: «Ǫ, Àba Kàgàwà, òrũ-akpà mà, yà adzi màná ǒ Ádr̀ngbălé, ma m̀fũ nyi atdítdǒ yà inga núnzi dhu tí ka kòzuna ale-rǒ nyi nyarù dhu ní nyi nyábhũ àkyăkyè ale nyú r̀ni nídhunĩ.

²⁶Obhó tí Àbá, nyi nyazè ndi dhu r̀nzì ndi wò dhu bhěyi.»

²⁷Wò dhu-dzidǒ, kădù àtina: «Àbadu níbhɔ wà kóró dhu tó ádr̀ngbănga fudú. Atdí ale mà núnzi nzá Kàgàwà t'ídhùnà, pbétù ka núnzi ní kà t'Ábanà kèlě. Ndirò atdí ale mà núnzi nzá kà t'Ábanà, pbétù ka núnzi ní İma kà t'ídhùnà kèlě, yà ma m̀zè m̀vò ka fíyò ale màná.»

²⁸Tdítdǒ kădù àtina: «Nyìwũ tidu ò, nyĩ kóró yà nyĩ nỳngyě nyĩ, nyădù ì'ì ì nà'è ànò nà d̀kù rò. Ní ma mí asota nábhũ fùkù.

²⁹Nyòsò yà tudú r'ì kòmò átò tukú, ndirò nỳri fùkù ma múyăna dhu. Obhó tí, İma ní ndi ìyò arádi, ndirò yorɔwà tó afina nà ale. Ndirò ní ndi nyĩ nyădù asota nába afíkũ ò.

³⁰Obhó tí, pbàkà kòmò ní isó ró'ɔ kòmò, ndirò pbàkà ànò ní isó inzá ndi nà'è ànò .»

Màtayò 12

Yësù bhà ir̀eta sàbatù-idhò dǒ

(Mrk 2.23-28; Luk 6.1-5)

¹Wò dhu-dzidǒ, sàbatù-idhò ǒ, Yësù mà pb̀ndà ábhàlĩ màná náambénà ùda dǒ nganù tó inga òna nă údà otu ǒ. Ndi kàsũmì ǒ, kàbhà ábhàlĩ ní'ì àwù nà atdítdǒ. Ní ì ábhàlĩ náadù 'òpè, 'òwù otu-igì dǒ r'ì nganù náfa rǒ, 'ùtsèrě kpõna liya ò, 'adù ùkanà.

²NíPbàfàrisáyó nítdègu wò dhu nálă, ní abádhí adù àtina Yësù nĩ: «Ándà pé pb̀kù ábhàlĩ rî inzá àkă k̀nzì sàbatù-idhò ǒ dhu núnzi.»

³Ní Yësù adù dhu àdu abádhí tò ndàti: «Nyĩ nyàpè tí obhó Dàwudì mà, r̀nà ale màná náanzì atdíku àwù nà ì'ì rò dhu nòzù ?

⁴Àbadhi náatsù Kàgàwà bhà idza, ndàdù perè tí ka kùbhɔ Kàgàwà tò mùgatì nùgù, ì r̀nyù r̀nà ale màná. Wò ndi mùgatì ní'ì inzá àkă àbadhi mà, r̀nà ale màná r̀nyù mùgatì. Pbétù, k̀nyù rádù ale ní'ìpbàkùhání kèlě víya dǒ rò .

⁵Ndirò, nyĩ nyòzù tí obhó Músà bhà Úyátá ò ka kándì dhu, kati: «Sàbatù-idhò ǒ arí kasu ònzi Kàgàwà bhà idzá, ìnzì 'ìfũ ndi idhɔ pbàkùhání, ní dǒ ka r̀rĩ nzĩ àdù ndi dhu nòzù afátá tí? »

⁶Pbétù, ma mí dhu òvɔ kpangba fùkù: yà iró r'ì dhu nòsè iwà Kàgàwà bhà idza dònă màtí.

⁷Dhu í'íná gukyè iwà nyí nyúni yà Kàgàwà bhà Andítá rǎnǎna dhu-tì dhu tí, yà ìtí rátina: «Ma mózè dhu ní izu àbà ka kí ìndrǔ dǔ dhu, ìnzǐ ní izǎ tó perè núbhǒ ka kí idù dhu kèlě », ní nyí nyàm̀bènà nzǐ anya nítdì yà ìmbǎ rí'ì afátá nà ale dǔ.

⁸Obhó tí, Ìndrǔ t'ídhùnà ní ndì sàbatù-idhò dǔ Ádrùngbǎle.»

Yèsù rǐ ɔtsúna ótsù ale nígǔ dhu

(Mrk 3.1-6; Luk 6.6-11)

⁹Uró rò Yèsù níivà ndì, ndàrà òtsù fíyó unduta-dzà ò.

¹⁰Ní ɔtsúna ótsù atdí ale ní'ì ányì idza. Ányì rǒ ì'ì ale náazè 'òbhù Yèsù. Ní ndì dhu-okú dò rò, abádhí níivú dhu Yèsù-tsǔ, 'àti: «Àlě tó Ʋyátá návi tí àvì ìndrǔ kígǔ sàbatù-idhò ǔ?»

¹¹Ní Yèsù adù dhu àdu abádhí tò, ndàti: «Nzínziku ǔ atdí ale náapé ì'ì atdí tàrà nà tí, ndì tàrà ràdù ìtsì ádzì ìbhu-akpà ò sàbatù-idhò ǔ, ní ndì ale tí nzǐ àdù òfo ndì ìbhu-akpà ò, ndàrà kìdyì ányì rò?

¹²Ìndrǔ òsè tí nzá tàrà dònǎ! Nírò, Músà bhà Ʋyátá návi wà kǎnzì ìdzìngà ìndrǔ tó sàbatù-idhò ǔ.»

¹³Ní Yèsù adù àtìnà wò ɔtsúna ótsù ale ní: «Ígba ɔtsún.» Ní ndì ale náadù ɔtsúna nígbà, ndì kǔtsú ràdù ògù, rǒngò yà ìdzì rǒ rò rǐ'ì ngàtsì kǔtsú bhěyi.

¹⁴Ní P̀bàfàrisáyó núuvò, 'òwù 'ùndu, ndínì ì ìrì tí ì ìngbǎ dhu bhěyi màtí ì í Yèsù nábhǔ kohò dhu dǔ.

Yèsù ní f̀indà Kàgàwà ɔpì kasutále dhu

¹⁵Yèsù níitdègu wò dhu níri, ní kǎdù ndìv̀à ányì rǒ rò ndàrà. Ní ábhǒ alé-yà náadù òwu kǔwù ǔ, kà ràdù andì nà rí'ì ale nígu kóró.

¹⁶P̀bétù, kǔyá dhu ɔbi nyú nà abádhí tò, ìnzǐ àdhi màtí ndì ndí'ì dhu nuno tí ìndrǔ tò.

¹⁷Wò dhu anzì ndì ndínì yà Kàgàwà núnno p̀b̀indànbì Ìsayà-otù ǔ dhu náaká tí. Kàti:

¹⁸«Kànì ma m̀p̀p̀ì p̀b̀akà ìno-akpà, yà atdí dǔ ma mózè ale, ndìrò afídu arí ìdha nómvù p̀b̀indà dhu dǔ ale. Ma mí k̀rà p̀b̀akà Ìlǎ-Alafí ní, ndìrò kà rǐ obhónánga òvo kóró p̀b̀irì ǔ ale tò.

¹⁹Kà rǐ nzǐ tsùna nálè atdí ale nà màtí, ndìrò kà rǐ nzǐ ɔte ɔrú tǔna nà. Atdí ale mà rǐ nzǐ kà-tù ìrì ngudhà ǔ róte ró.

²⁰Kà rǐ nzǐ ndì nàtdo ìzò núkò, ndìrò kà rǐ nzǐ núnúnú rórù tarà nívé, ràrà àhu mùlèma nábhǔ kà rǐ obhónánga tò dhu ò.

²¹Ní kóró p̀b̀irì ǔ ale náap̀b̀aya afíya kà-rǒ tí .»

Yèsù rǐ ɔte nádù ndì nòbhù ale tò dhu

(Mrk 3.22-30; Luk 11.14-23)

²²Nírò ní ndì ìndrǔ níwù nzére-alafí arí ònà atdí ale nà Yèsù-tì'ò. Ndi ale ní'ì ndùmùndùmù, ndìrò ìnzǐ aróte ale. Ní Yèsù igú ka, ràdù ndòpè ndòtè, ndàdù inga àla.

- ²³Ní idho núuko kóró anyìrò ì'ì ale, abádhí ràdù àtìnà: «Tí nzi Dàwudì t'ídhùnà yà?»
- ²⁴Pbétù, abádhí rùnṅona dhu nìrì Pbàfàrìsáyó náadù àtìnà: «Yàrí ale náarí nzéere-alafí nódì Bèlìzèbulì tí kátina pfòmvo ò kamà bhà ádrùngbãnga tó obi nǎ.»
- ²⁵Pbétù Yèsù núuni abádhí rìrèna dhu, ní kádù àtìnà abádhí nǎ: «Atdí ádrùngbã kamà bhà pbìrì ò ale náapé ambe 'ùgyè dǎ nzínziya ò, ní ndì ádrùngbã kamà bhà idzi-tsù rǎdù ndòdì òdì tí. Atdí kíò ò ale mà, ndìrò atdí òdhi mà náapé ambe anya nónzi dǎ nzínziya ò, ní ì kíò náarí nzi àperè, ndìrò ì ale tó òdhi-tì náarí nzi ide.
- ²⁶Ní pfòmvoSìtani náapé àdù ndòpè ndòdì pfòmvo, ní ka nádù ì'ì ndùgye rí ndìtìrò ale. Ní kàbhà ádrùngbãnga tó idzi rǎdù àperè ìngbã dhu bhèyi?
- ²⁷Ndìrò, ma mapé ì'ì Bèlìzèbulì bhà obi nǎ ma mǎrì nzéere-alafí nódì dhu tí, ní fùkù inzo náaràdù kòdì àdhi bhà obi nǎ? Ndi dhu-okú dò rò ní ndì, abádhí nítìyà ndì ànyǎku.
- ²⁸Pbétù, dhu apé ì'ì Kàgàwà bhà Ìlǎ-Alafí bhà obi nǎ ma mǎrì nzéere-alafí nódì dhu tí, ní òrù-akpà ò Ádrùngbã kamà Kàgàwà bhà idzi nírà wà àhu bvùkù.
- ²⁹Ìnzì atdí ale mà rǎdù òtsù obi nǎ ìdzìdzò ale bhà idza, ndàdù kàbhà idzá dhu númbà, ìnzà ndì ndùtsì ndì ìdzìdzò ale angyi rórò. Pbétù ka ndì ndùtsì dhu-dzidò nga ní ndì kà rǎdù kóró kàbhà idzá dhu númbà nǎ.
- ³⁰Ìmbà rí'ì tidu ònà rò ale ní pbàkà òmvù. Ndìrò ìnzì rí dhu-tsù ùndù atdíkpá ma mànà ale, ní rǎ dhu ìnda ìnda tí rùdú rò.
- ³¹Ndi dhu-okú dò rò ní ndì ma mí kùnò kpangba fùkù: ìndrù náabáya àbà kóró fíyó nzéerega mà, Kàgàwà nǎ ì arí dhu ùnò nzéere dhu mànà dhu tó ubàta. Pbétù, Kàgàwà bhà Ìlǎ-Alafí nǎ rí dhu ùnò nzéere ale, náabáya nzi ubàta akekpa mǎtí.
- ³²Ìndrù t'ídhùnà nǎ rí nzéere dhu ùnò ale náabáya àbà ubàta. Pbétù, Kàgàwà bhà Ìlǎ-Alafí nǎ rí nzéere dhu ùnò ale náabáya nzi ubàta, yà kombí rí'ì kàsùmì ò mǎtí, ndìrò olù rírà kàsùmì ò mǎtí.»

Itsu núnǎ ka karí kpõna rǎ

(Luk 6.43-45)

- ³³Wò dhu-dzidò, Yèsù adù àtìnà: «Atdí itsu náapé ì'ì ìdzì itsu-tidò tí, ní ndì itsu rǎdù ì'ònà ní ìdzì itsu-kpõ-tidò. Ndìrò itsu náapé ì'ì nzéere itsu-tidò tí, ní ndì itsu rǎdù ì'ònà ní nzéere itsu-kpõ-tidò. Obhó tí, itsu núnǎ ka karí kpõna rǎ.
- ³⁴Nyǎ, ámvò tó osu tó rùgànda tírò, ìdzì òte rǎdù àhu ìngbã dhu bhèyi liku ò rò, àzèmbè nyǎ nongó ì'ì nzéere ale nyú? Obhó tí, ale-tsù aròrina dhu ní ale-afí àlè nǎ irèta.
- ³⁵Ìdzì afina nà ale-afí ò rò aráhu dhu ní ìdzì dhu, ndìrò nzéere afina nà ale-afí ò rò aráhu dhu ní nzéere dhu.
- ³⁶Ma mí obhó dhu núno fùkù, Kàgàwà rǎ ìndrù-ànyà ìtìdì nínganì, kǎraya ìndrù návi rǎ ràwe yà ì unò ìmbà tina nà dhu mà kóró.

³⁷Obhó tí, tsùnu-bvu rǒ ní ndi ka kɔzúya nyi obhónángatále tí, ndirò tsùnu-bvu rǒ ní ndi ka kɔtdíya anya dùnú.»

Yēsù àvǐ ka kǐ rǒnzì wìwì dhu

(Mrk 8.11-12; Luk 11.29-32)

³⁸Wò dhu-dzidǒ, Músà bhà Ʋyátá tó ngúfe màlímó mà, ngúfe Pbàfàrisáyó màná náati Yēsù ní: «Màlimǒ, mà mòzè nyɔnzì wìwì ndínǐ mà mala tí.»

³⁹Ní Yēsù adù dhu àdu abádhí tò ndàti: «Indo arí'ì ale narí nzére ale, ndirò abádhí náarí nzǐ Kàgàwà ózè dhu ònzì. Abádhí òzè kɔnzì wìwì kèlě fíyò, ní ka kǐ nzǐ atdí wìwì mà nónzì abádhí tò. Pbétù, abádhí tò ka kávina dhu ní nabì Yǒnà rǒ ndì nanzì wìwì kèlě.

⁴⁰Àdhàdhi nabì Yǒnà náadhò ìbhu idho ádrùngbǎ ìbhě-yà-ba ò dhu bhěyi tí, ní ndi dhu bhěyi tí, Ìndrǔ t'ídhùnà nòodhóya ìbhu idho adzi ò.

⁴¹Nabì Yǒnà rǔnɔna Kàgàwà bhà Ídzi Màkǔrù ì ìrì rò, Nínawè tó kigò ǒ bhà núugèrè ì, 'ùbhà fíyó nzérenga. Ní ndi dhu-okú dò rò, Kàgàwà rǐ ìndrǔ-ànyǎ nítǐ nínaganí, Nínawè ǒ bhà níwàya ì 'ìkò indo arí ale-nyìkpa rǒ, 'adù abádhí-ànyǎ nítǐ. Ndirò yà ɔnzìkú idè ale nòsè wà Yǒnà dònǎ.

⁴²Músùngú dònǎ rò arí'ì Sabà tí kátina pbìrì ǒ tsìbhá ádrùngbǎ kamà níra yà adzi-tsù ódì ndi ì rò, ndìrà yà dhu-ònga t'óvòta nuni ádrùngbǎ kamà Sòlòmòni rǔnɔna ɔte níri. Ní ndi dhu-okú dò rò, Kàgàwà rǐ ìndrǔ-ànyǎ nítǐ nínaganí, íyàdhíyà níwàya ndì, ndidè indo arí ale-nyìkpa rǒ, ndàdù abádhí-ànyǎ nítǐ. Pbétù, yà ɔnzìkú idè ale nòsè wà Sòlòmòni dònǎ màtí.»

Nzére-alafí rǐ ndàdù tdítǐ yà ndì ndáhu ònà rò ale ò dhu

(Luk 11.24-26)

⁴³Yēsù adù àtìna tdítǐ: «Nzére-alafí náapè àhu atdí ale ò rò, ní kà rǎdù àrà, ndùbhi rùngù ònǎ, ndàmbe ndi ndàrà ndàso róngà nómè dǒ, ìnzǐ ndàdù àbànà.

⁴⁴Ní kà rǎdù àtìna afína ò: «Ma mí madù yà ma mahù ònà rò pbàkà idza ò.» Ányì kàdu ndi rò, kà rǐ ndi idza nótù tǐrǒrò, iwà ka kàtsù ònángà, kadù òbhòlònà mběyi nyú ró.

⁴⁵Nírò ní ndi kà rǎdù àrà àrùbhù ngǔkpa nzére-alafí, yà atdí dǒ òrù ròsè dònà nǎ núnzì, 'ìwù òtsù màná atdíkpá ndi ale ò. Ní wò dhu-dzidǒ, ndi ale bhà ófò rǎdù ì'ì nzére nyú ròsè yà angyi ì'ì kàbhà ófò dònǎ. Ní ndi dhu ní'íya ndi dhu bhěyi tí yà indo arí nzére ale tò.»

Yēsù tsánà mà kà t'ádóna màná

(Mrk 3.31-35; Luk 8.19-21)

⁴⁶Yēsù rǐ dhu òvò ìndrǔ tò ònà kàsùmì ǒ, kà-tsánà mà kà t'ádóna màná níwú ùvò kà rǐ'ì ònà idza-lí. Ní abádhí nítsi iko irinǎ rò, 'adù 'òzè ndínǐ ì ɔte tí Yēsù nà.

⁴⁷Ní atdí ale náadù àtìna Yēsù ní: «Íyànù mà adónù màná rǐ'ì irí, ní abádhí òzè 'òtè ìnyi nà.»

⁴⁸Ní Yēsù adù dhu ìvu ndi ale-tsù ndàti: «Íyàdu ní àdhi, ndirò adódu ní àdhi mà?»

⁴⁹Tdítdǒ kǎdù pbìndà ábhàlǐ nítè ɔtsúna nǐ, ndàdù àtìnà: «Kànǐ íyàdu mà, adódu màna.

⁵⁰Obhó tí, adòdu, awèdu, ndirò íyàdu ní yà òrù-akpà ò arí'ì Àbadu Kàgàwà ózè dhu ònzì arí ale.»

Màtayò 13

Ɔnyù-tse òre rí ale tó mbólí

(Mrk 4.1-9; Luk 8.4-8)

¹Ndi nínganí tí, Yèsù náahù idza rò, ndàdù àrà àdi rèrù-bidǒ.

²Ní, ádrùngbǎ ihé-yà nyú núundu ì, ì ràkpòrò kà-ngbò. Ní ndi dhu-okú dò rò, kǎdù ùpo, ndàdi ibhú ò. Ihé-yà náadù òko rèrù-bidǒ.

³Yèsù núuno ábhǒ dhu nyú abádhí tò mbólí ǒ, ndàti: «Atdí ale náahù ndàmbe ɔnyù-tse nórè dǒ.

⁴Ní yà ɔnyù-tse nóre kà rǐ pbìndà inga ǒ òná kàsùmì ǒ, atdídhena itse náawà ì otu-gì dǒ. Ní àrè náadù ìwu, 'ùbhí ì itse otu-gì dǒ rò.

⁵Ngǔkpà-tsí náadù 'àwà ìmbǎ adzi rǐ'ì abho dóná odu-kengerè dǒ. I itse nínga kòmbómbí, ìmbǎ adzi rǐ'ì abho tsiyà nídhunǐ.

⁶Pbétù, adyifò nítdègu ìka, ní kǎdù wò ìngingà ɔnyù-nzo núbì, ràdù òtdyù, inzà ívéya nótsù ádzàdzǐ adzi ò nídhunǐ.

⁷Atdídhena itse náawà ì okpèya nà itsukpó-nzo nzínzì ǒ. I okpèya nà itsukpó-nzo náadù òvi kòmbómbí, 'àdù wò ìngingà idzi ɔnyù nútsì.

⁸Pbétù ngǔkpà itse náawà ì idzi adzi ǒ. Ní ì itse-tsí náa'ò, atdídhena ròdhì atdátdí miyà itse, ngǔkpà ròdhì azàzá kumì itse, ndirò ngǔkpà ràdù ìbhìbhú kumì itse nódhì.»

⁹Yèsù adù àtìnà tdítdǒ ihé-yà nǐ: «Ìnga t'írìta tó bǐna nà rí'ì ale náká ndirì yà ma múnoona dhu mbèyi!»

Ádhu Yèsù náaràná òte rǒ mbólí ǒ ní?

(Mrk 4.10-12; Luk 8.9-10)

¹⁰Wò dhu-dzidǒ ní ndi, Yèsù bhà ábhàlǐ náandrì kà-tí'ò, 'àdù dhu nívu kà-tsù 'àti: «Ádhu nyí nyarí dhu núno ihé-yà tò mbólí ǒ tí nǐ?»

¹¹Ní Yèsù adù dhu àdu abádhí tò, ndàti: «Kàgàwà nábhù wà nyí nyùni òrù-akpà ǒ Ádrùngbǎ kamà bhà idzi-nyutsì ndi nórù dhu, pbétù abádhí nùni nzà ka.

¹²Obhó tí, dhu nà arí'ì ale tò, ka kabhùya dhu abho, ràdù ì'ì dhu nà abho nyú ròsè. Pbétù, akekpa arí'ì dhu nà ale, ní-fó rò ka kakòya ndi ákě fénángba mà kóró.

¹³Ndi dhu-okú dò rò ní ndi ma márì dhu núno abádhí tò mbólí ǒ, ndínǐ abádhí nóowu tí inga nánda rò, ìnzǐ 'àdù dhu nála. Abádhí nóowu tí bǐya níkpèlè rǒ, ìnzǐ 'àdù dhu níri, ndirò ìnzǐ ndi dhu ràdù dòya nálu.

¹⁴Ndi dhu bhëyi ní ndi, nabi Ìsayà núuno dhu ràdù àkǎ. Kǎti: Kàgàwà ràtina: «Nyǎ nyí inga níri ìri mbëyi nyú, pbétù ìnzǎ yà nyǎ nyìri dhu ràdù dǔku àlu akekpa mǎti. Nyǎ nyí inga nándà àndà mbëyi nyú, pbétù ìnzǎ nyádù atdí dhu mà nála.

¹⁵Obhó tí, atdí dhu mà náarí nzǎ kàri ale-afí-ngbò núbèlè. Abádhí núrǎ bǎya, ndirò abádhí núpbi nyìkpóya, akye ì alana nga nǎ, akye ì irina nga nǎ, ndirò akye dhu alána dòya,

'àdù 'ùgèrè 'ùbhà fiyó nzérenga, madù ì nígu nǎ .»

¹⁶Pbétù, nyǎ ní ndi hirò nyǎ nyónzì, yà nyìkpóku náarí inga nálǎ, ndirò bǐku ràdù inga níri rò.

¹⁷Ma mí obhó dhu núno fùkù, ibí pbànábi mà, obhónánga ònzì arí ale màná, náazè 'àla yà kombí nyǎ nyálǎna dhu, pbétù abádhí náadù nzá kàla. Abádhí náazè 'irí yà nyǎ nyírina kòmbí dhu, pbétù abádhí náadù nzá kírì.»

Ònyù-tse òre rí ale tó mbólí-tì

(Mrk 4.13-20; Luk 8.11-15)

¹⁸Yèsù adù àtinà tdítǎ pbìndà ábhǎlǎ nǎ: «Nyìri pé yà ònyù-tse nóre rí ale tó mbólí-tì.

¹⁹Òrù-akpa ò Ádrùngbǎ kamà Kàgàwà rǎ idzi ònyu ìndrù dǎ dhu dǎ ka kúnona dhu níri rí ale, ìnzǎ ndi dhu ràdù dòya àlu, núli ì yà itse náawà ì òyá otu-gì-dò bhëyi. Pfòmvo ràdù irà, ndàdù yà abádhí-afí ò ka kòzò òte núwa abádhí-afí ò rò.

²⁰Ngǔkpa ale núli ì yà itse náawà ì òyá, ìmbǎ ábhǎ adzi nà dóná odu-kengere-dò bhëyi. Abádhí rǎ Kàgàwà bhà òte níri, 'àdù àkónà dhèdhe nyú nà ányirò rò tí.

²¹Abádhí rǎ nzǎ àdù kàbhu ivéna ròdì ndi afíya ò. Pbétù, abádhí ràdù ì àpba ndi òte rò ákè kàsùmì kèlè tí. Ní yà àpbè mà, avuta màná nópè ì Kàgàwà bhà òte-okú dò rò rò, abádhí ràdù fiyó a'uta núbhà ányirò rò tí.

²²Ngǔkpa ale-tsí tdítǎ, núli ì yà itse náawà ì nzínzìya ò okpèya nà itsukpó-nzo bhëyi. Abádhí rǎ Kàgàwà bhà òte níri, pbétù yà adzi ò irèta mà, yà adzi dǎ ònzì náarábhùna tìtò tò dhèdhe màná dhu ràdù ndi òte nùtsì ìnzǎ ròdhì itse.

²³Ndirò, ngǔkpa ale núli ì yà itse náawà ì òná idzi adzi bhëyi. Ì ale náarí Kàgàwà bhà òte níri, 'àdù à'ùnà. Ndirò abádhí ní ì itse òdhì ràdù: atdídhená ròdhì ka atdátí miyà, ngǔkpa ròdhì ka azàzá kumì, ndirò ngǔkpa-tsí ràdù ìbhìbhú kumì nódhì.»

Nganù nzínzì ò ingà nzére irí-tidò tó mbólí

²⁴Wò dhu-dzidǎ, Yèsù náawe ngǎtsi mbólí ihé-yà tò ndàti: «Kǎnǎ òrù-akpa ò Ádrùngbǎ kamà Kàgàwà bhà idzi nófò ndi nà dhu: Atdí ale náazò idzi nganù-tse pbìndà inga ò.

²⁵Ní atdíku kúbhingánǎ, idho ò kóró ale rǎ'ì rórò, òmvù níra, ndòzò nzére irí-tidò tó itse ndi nganù nzínzì ò, ndàdù àrà.

²⁶Wò nganù níitdègu inga, ndòvì, ndàdù nditù, ní wò nzére irí-tidò náadù inga, ndòvì átò.

²⁷Ní wò inga-àbadhi bhà kasutále níiwú kà-ti'ò, 'ivù dhu kà-tsù, 'àti: «Ádrùngbàlé, nyi nyazò inga ò dhu ní'ì tí obhó ídzì nganù-tsè? Olu, wò nzére írí-tidò nádù irà àdhà rò? »

²⁸Wò inga-àbadhi náadù dhu àdu kasutále tò ndàti: «Òmvù ní ndi wò dhu nónzì.» Kòkò kasutále náadù dhu ivu tdítđ kà-tsù 'àti: «Nyi nyòzè tí nzá mowù i nzére írí nòdrù? »

²⁹Ní inga-àbadhi náadù dhu àdu abádhí tò, ndàti: «Inzá ma mòzè nyòwù kòdrù, akye nyí nyadùna nganù nókpò átò kòdrù nyí nyí rò nǐ.

³⁰Nyitse pé abádhí rovi atdíkpá, ràrà àhu nganù nòtsè ka kowuya òná idho ò. Ndi nínganí ní ndi ma matiya nganù nótse rí ale nǐ: Nyòdrù pé wò nzére írí nyùtsi dóna tí, ndínǐ kubì tí kàzu ò. Ndirò, nyàdù nyòtse nganù, nyàdù ùndunà nyùli óngòlǐ ò.»

Hàradalì-kpò tó mbólí

(Mrk 4.30-32; Luk 13.18-19)

³¹Tdítđ, Yèsù adù ngàtsi mbólí náwe ihé-yà tò, ndàti: «Òrù-akpà ò Ádrùngbà kamà Kàgàwà bhà idzi níli ndi pòndà inga ò atdí ale nídyi ndòzò hàradalì-kpò bhèyi.

³²Ndi hàradalì-kpò ní ákèkpá dhu-tútù-ngba nyú kóró itse nzínzì ò. Pbéta kápé inga, ndàdù òvi, ní kàradù òse yà inga ò ka karí òzòna kóró itsukpó dónà. Ndirò, kàradù òngo itsù-yà-ba tí, àrè mà ràdù òwu idzàya nòsì rò òpòbina nzínzì ò.»

Afi tó mbólí

(Luk 13.20-21)

³³Yèsù adù yàrí ngàtsi mbólí náwe tdítđ abádhí tò, ndàti: «Òrù-akpà ò Ádrùngbà kamà Kàgàwà bhà idzi níli ndi yà tsìbhále rìdyina ndàngbò nganù-ra tó óyò kumì dóna imbò nà kilo ò afi bhèyi. Ní ndi dhu ràdù ndi idyi nábhù rìvù kóró.»

Ádhu Yèsù náaràna òte rǒ mbólí ò nǐ?

(Mrk 4.33-34)

³⁴Yèsù náawe kóró kòrí dhu mbólí ò ihé-yà tò. Kàrànà nǐ atdí dhu mà núnò rǒ abádhí tò inzà ndi ndàwe mbólí ò rórò,

³⁵ndínǐ Kàgàwà bhà nabì núuno dhu náaká tí. Kàti: «Ma munoya dhu abádhí tò mbólí ò, ndirò ma maweya yà òdhù ò aróko yà Kàgàwà anzina yà adzi òná idho ò rò kóró dhu abádhí tò.»

Nzére írí-tidò tó mbólí-tì

³⁶Wò dhu-dzidò, Yèsù núubhà wòrí ihé-yà, ndàdù òtsù idza. Ní kàbhà ábhàlǐ náadù òtsù kà-ti'ò, 'adù àtìnà kà nǐ: «Áwě pé wò inga ò inga nzére írí-tidò tó mbólí-tì fàkà.»

³⁷Ní Yèsù adù dhu àdu abádhí tò, ndàti: «Yà ídzì itse òzò rí ale ní Ìndrù t'ídhùnà.

³⁸Itse òzò ka kí òná inga ní yà adzi. Ndi ídzì itse ní òrù-akpà ò Ádrùngbà kamà Kàgàwà rǐ idzi ònyu dòyá ale. Nzére írí-tidò ní Nzére ale, Pfòmvo bhà inzo.

³⁹Yà ndi nzére írí-tidò nòzò òmvù ní Pfòmvo. Nganù nótse ka kí inga ò rò dhu ní yà adzi ò dhu-tsù rǐ ndòdì òná idho. Ndirò, nganù òtse rí ale ní Kàgàwà bhà màlàyíkà.

⁴⁰Ní àdhàdhì ka karí nzére írí núndü inga ǒ rò kùbì kàzù ò dhu bhëyi, ndi dhu ɔnziya ndi ndi dhu bhëyi tí, yà adzi ǒ dhu-tsù rĩtsi ndòdì nínganí.

⁴¹Ní, Ìndrũ t'ídhùnà náavìya pbindà màlàyíkà rìwũ yà ngũkpà ale nábhũ arí rònzi nzérenga ale mà, yà nzérenga nónzi arí ale mànà nípfò pbindà ádrùngbãnga tó idzi ǒ rò.

⁴²I màlàyíkà náadùya abádhí nàwà yà ìnzì aráve dhòdhòdhóngà nà kàzù ò. Ányì ní'íya ɔdzi mà, ale-kù t'átrita mànà.

⁴³Ní, obhónángatále náambèya ùmbilì dǒ adyifò bhëyi òrù-akpà ò arí'ì Àbayà Kàgàwà bhà ádrùngbãnga tó idzi ǒ. Inga t'írìta tó bĩna nà rí'ì ale, náká ndìrì yà ma múnona dhu.»

Inga ǒ ka kórù ábhǒ odzina nà dhu tó mbólí

⁴⁴Tdítdǒ Yèsù ati: «Òrù-akpà ǒ Ádrùngbã kamà Kàgàwà bhà idzi níli ndi inga ò ndi nórù ábhǒ odzina nà dhu bhëyi. Atdí ale náapè kàbà, ní ndi ale rǎdù kìdyì, ndòrù tdítdǒ ndi inga ǒ tí. Wò dhu-dzidǒ, ábhǒ dhèdhe-okú dò rò, kà rǎdù àrà, ndùdzì kóró fóná arí'ì dhu-tsí, ndàdù ìrà ndi inga nódzi fìndà.»

Ábhǒ odzina nà yòkpó tó mbólí

⁴⁵Wò dhu-dzidǒ, Yèsù ati ihé-yà nĩ: «Òrù-akpà ǒ Ádrùngbã kamà Kàgàwà bhà idzi níli ndi ùyũya yòkpó nóme rí ndòdì dhu t'údzítátále bhëyi.

⁴⁶Orú odzina rĩ'ì atdí yòkpó ndi ndàbà rò, ní kà rǎdù àrà, ndùdzì kóró fóná arí'ì dhu, ndàdù ndi yòkpó nódzi.»

Ìbhè-mbì tó mbólí

⁴⁷Yèsù adù àtìnà tdítdǒ abádhí nĩ: «Òrù-akpà ǒ Ádrùngbã kamà Kàgàwà bhà idzi níli ndi rèrù ò ka kùpe ìbhè t'óhota tó imbi bhëyi. Ndi imbi rǎdù kóró ìbhe-tidò nótì.

⁴⁸Kápè àle ìbhè nĩ, ní ka nùpenà ale rǎdù kàdhà, 'ìpfò idha-bidò, 'àdù òko obvò ìbhè-ònga t'óvòta tò. Abádhí rǎdù ìdzi ìbhè núdò fìyó sèngè ò, 'àdù nzére-tsí nàwà.

⁴⁹Dhu ɔnziya ndi ndi dhu bhëyi tí yà adzi ǒ dhu-tsù rĩ ndòdì nínganí. Kàgàwà bhà màlàyíkà níwúya, 'àdù nzérenga ònzi arí ale nípfò obhónángatále nzínzi ǒ rò.

⁵⁰Abádhí náadùya ì nzérengatále nàwà ìnzì aráve dhòdhòdhóngànà kàzù ò. Ányì ní'íya ɔdzi mà, ale-kù t'átrita mànà.»

Dhu-ɔwútá mà, dhu-ayí mànà tó mbólí

⁵¹Wò dhu-dzidǒ, Yèsù adù dhu ìvu pbindà ábhàlì-tsũ, ndàtì: «Yà ma màwe kóró dhu nǎlũ tí wà dũku?» Ní abádhí adù dhu àdu kà tò, 'àtì: «Ɔwà dòka nǎlũ.»

⁵²Ní Yèsù adù atìnà abádhí nĩ: «Ndi dhu-okú dò rò ní ndi, òrù-akpà ò Ádrùngbã kamà Kàgàwà bhà idzi dǒ ka kúdhe dhu fìndà Músà bhà Ɔyátá tó atdí màlimò, rǎdù ndilì atdí idza-àbadhi, yà pbindà ongyéngá nódò ndi ndarí ònà dhu ò rò arí dhu-ɔwútá mà, dhu-ayí mànà nípfò bhëyi.»

Nàzàretì tó kigò ǒ bhà ná'ù nzá Yèsù dhu

(Mrk 6.1-6; Luk 4.16-30)

- ⁵³Yēsù níitdègu kǒkò mbólí t'áweta níto, ní kǎdù ndìvà ndàrà ányìrǒ rò.
- ⁵⁴Kǎdù àrà yà ndì ndavì òná kígò ò. Kǎdù ndòpè ndàrà dhu núdhe rǒ ìndrǔ tò fíyó unduta-dzà ǒ rò. Ní yà kà rǔnǒna dhu níri rí ale idhò núukò atdíǒ. Abádhí náambénà àtìna dǒ: «Wò inga t'únita-tidò mà wíwì t'ónzita tó obi màna ní kǎbà àdhà?»
- ⁵⁵Ka tí obhó sàpàti t'ídhùnà? Kà-tsánà-òvò tí obhó Màriyà? Ndirò, kà t'ádóna tí obhó Yàkòbhò mà, Yòzefù mà, Sìmonì mà, Yudhà màna?
- ⁵⁶Ndirò kóró kà t'áwéna nátí obhó òko iró àlě-nzínzì ǒ? Ní kóró kǒkò dhu kǎbà àdhà?»
- ⁵⁷Ní wò dhu-okú dò rò, abádhí nóowúnà nǔ kà rǔnǒna dhu ná'ù rǒ. Nírò ní ndì Yēsù adù àtìna abádhí nǔ: «Nabì nífǔ ka karí kóró ngari ǒ. Pbétù, ndì nyú ka kadhì òná kígò ǒ, ndirò fǐ-dzá bhà nzínzì ǒ, kǎrí'ì mbǎ ifuta nà.»
- ⁵⁸Ní wò ìmbǎ abádhí rǐ'ì a'uta nà dhu-okú dò rò, Yēsù adù nzá ábhǒ wíwì nónzì ányìrǒ.

Màtayò 14

Bàtizò nubhónà Yùwanì bhà ɔve

(Mrk 6.14-29; Luk 9.7-9)

- ¹Hèròdè ní'ì Gàlilayà tó pbìrì ǒ lèwalì tí òná kàsùmi ǒ, kǐri Yēsù dǒ ka kúnǒna dhu.
- ²Ní kǎdù àtìna pbìndà kasutále nǔ: «Bàtizò nubhónà Yùwanì ní wò ndì nìngbè ɔve-bvù rò. Ndi dhu-okú dò rò ní ndì, kà rǐ'ì wíwì t'ónzita tó obi nà.»
- ³Wò ndì Hèròdè ní ndì uyátá nabhù kosò Yùwanì, kadù ùtsìnà kidò imbi ò. Kǎnzì ndì dhu, adòna Filipò-ve, Hèròdiyà-okú dò rò.
- ⁴Obhó tí, Yùwanì ongónà àtìna ìnzá dhu rǎkǎ Hèròdè rìdyì Hèròdiyà venà tí.
- ⁵Ní wò dhu-okú dò rò, Hèròdè nóongónà ndòzè ndàbhù Yùwanì kohò. Pbétù, kǒngónà ihé-yà ɔdò nónzì, kóró ale núuni dhu Yùwanì rǎrǐ Kàgàwà bhà nabì nídhunǐ.
- ⁶Ní atdíku, Hèròdè rǐ ndì ka kadhì òná idhò nírè nínganí, Hèròdiyà bhà tsìbhíngba náabè yà Hèròdè núnzìna ale-ònzǐ, ndì ɔbé ràdù Hèròdè-nyìkpó nófǒ atdíǒ.
- ⁷Ní ndì dhu-okú dò rò, kǎdù dhu ɔtsò ndàti, ndì rǎrǐ kóró dhu-tsí yà ndì tsìbhíngba rǒnzina-fóná nábhǔ kà tò.
- ⁸Ní íyànà òvò fǐndà dhu-okú dò rò, ndì tsìbhíngba náadù àtìna Hèròdè nǔ: «Íbhò bàtizò ùbhǒ arí Yùwanì-dò fudú iró tsàlìtsalì dǒ!»
- ⁹Ní izu núuka ádrùngbǎ kamà Hèròdè atdíǒ wò dhu-okú dò rò. Pbétù, angyangyi ndì ndòtsòna dhu yà ndì ndúnzìna ale-ònzǐ rò dhu-okú dò rò, kǎdù dhu ùya ndínǐ kabhù tí Yùwanì-dò kà tò.
- ¹⁰Ní kǎdù atdí ale návi rǎrà Yùwanì-dò nókèrè imbi ò rò.
- ¹¹Wò ale adù irà Yùwanì-dò nà tsàlìtsalì dǒ rò, ndàdù àbhùnà wò tsìbhíngba-fó, kà ràdù àrà àbhùnà íyànà-fó.

¹²Yùwanì bhà ábhàlǐ náadù ìwu kǎ-bvò nídyì, 'òwù òtdànà. Abádhí adù òwu wò ndì nònzì dhu óyǐ nà Yèsù tò.

Yèsù rǐ imbò lufù ale nóngù dhu

(Mrk 6.30-44; Luk 9.10-17; Yùw 6.1-14)

¹³Bàtizò nubhónà Yùwanì nówè dhu ndì ndìrì rò, Yèsù níwà ndì uró rò ibhú ǒ, ndàrà atdí rò atdí rùngù tí rǐ'ì ngari ò. Pbéù, kà rǎrà dhu nìrì ihé-yà náadù ùvò fǐyó kigò ǒ rò, 'òwù kòwù ǒ pfǒya dǒ, idha-gì dònǎ.

¹⁴Ibhú ò rò ndì ndàhu rò, Yèsù náala ádrùngbǎ ihé-yà, ndàdù izu nábà atdíidǒ abádhí dǒ. Ní kǎdù ndòpè ndìgǔ abádhí ìwù nà andítále.

¹⁵Pbítsòngǎnǎ, Yèsù bhà ábhàlǐ níwú kà-ti'ò, 'àdù àtìnà kà nǐ: «Inga náti iwà, ndìrò iró nga rǐ'ì igi. Ní áví kǒkò ale ràdu ì pbanga-tsidò, ndínǐ ì udzì tí ònyù fǐyò.»

¹⁶Ní Yèsù adù dhu àdu pbìndà ábhàlǐ tò ndàti: «Inzá dhu àkǎ abádhí ròwù pbanga-tsidò! Nyàbhu ònyù nyǐ-tírò abádhí tò.»

¹⁷Pbéù, abádhí náadù dhu àdu Yèsù tò, 'àti: «Ònyù tí mǎ mí'ì nà iró dhu ní imbò m̀gatì mà, óyǒ ìbhè mànà kèlě.»

¹⁸Yèsù adù àtìnà abádhí nǐ: «Nyìwù ì dhu nà àzú fudu ò.»

¹⁹Nìrò ní ndì Yèsù náadù kòrì alé-yà návi ròkò obvò irí dǒ. Kǎdù kǒkò imbò m̀gatì núgù, óyǒ ìbhè mànà ndùlǔ fóná. Tdítdǒ kǎdù òrù-akpà ò nga nándà, ndàdù Kàgàwà nónzì ràso ì dhu. Wò dhu-dzidǒ, kǎdù m̀gatì-ònga núkò, ndùbho pbìndà ábhàlǐ-fó, abádhí ràdù ùndònà ihé-yà-fó.

²⁰Kóró ale náanyù dhu, ì rùlè nǐ àkǎkǎ dhu-bvǔ. Wò dhu-dzidǒ, Yèsù bhà ábhàlǐ núundu òdòdì ònyù-go-tsù, ì rǐrǎ idre dòná óyǒ nà sǐngè nǐ.

²¹Dhu nanyù ale-bvu nǐ'ì mbèmbè imbò lufù kpabhále, inzà ka kòzè vèbhále mà, nzónzo mànà rórò.

Yèsù rǔbhi rèrè dǒ dhu

(Mrk 6.45-52; Yùw 6.15-21)

²²Ányìrǒ rò tí, Yèsù náavì pbìndà ábhàlǐ rùpò ibhú ò, ndínǐ ada tí angyi fǐndà rèrè-adzè, ihé-yà návì ndì ndí ràdu ì ìbha òna nǎ.

²³Abádhí ndì ndàdu dhu lutǎnǎ, kǎdù ùpo pbìrì dò, ndàrà ndìtsò. Ní inga náti rò, kǎtù ndì atdíró ányì.

²⁴Ibhú náadù ì'ì iwà ndì ndàrà itse nyú idha-bidǒ rò ró. M̀kura núubhínà ndùpbì rǒ ìbhú rǒ, awe rǒpili tumbà tí abádhí-nyìkpa rǒ nídhunǐ.

²⁵Ní à'ù-akpà-òngǒ ǒ, Yèsù adì ndàmbe ìrà dǒ pbìndà ábhàlǐ-ti'ò idha dǒ ndì ndúbhi rórò.

²⁶Ní, idha dǒ kà rǔbhi dhu ì àla rò, òdò níisí atdíidǒ abádhí ò, 'àdù àtìnà: «M̀gìngò ní yà!» Ní abádhí náapè 'àmbe ùkù dǒ òdò rǐ 'ònzì dhu-okú dò rò.

²⁷Nírò ní ndi Yèsù náadù tǔna nápfò abádhí tò ndàti: «Nyòtù afikù! Ima ní yà, ìnzǐ nyònzǐ ɔdò!»

²⁸Ní Péterù adù àtìna kà nǐ: «Ádrùngbǎlé, ìnyi tí kǎpé ì'ì, ní ávì ma marà tinu ò idha dǒ.»

²⁹Ní Yèsù adù àtìna kà nǐ: «Írà nà!» Ní Péterù ifo ibhú ò rò, ndàmbe ùbhi dǒ idha dǒ Yèsù-tí'ò ndi ndàrà rò.

³⁰Pbétù, awe rǒpili ɔbi nà dhu ndi ndàla rò, ɔdò nísí àbadhi ò. Ní idha ò ndi ndòpè ndòsù rò, kǎkù: «Ádrùngbǎlé ígǔ ma!»

³¹Ányìrǒ rò tí, Yèsù adù ɔtsúna nágbà, ndàlǔ ka, ndàdù àtìna kà nǐ: «Ìnyi, ákě a'uta nà ale, ádhu afínu rǔguru nǐ?»

³²Ní abádhí náadù ùpo óyǒ rò kóró ibhú ò, awe ràdù opilita núbhà.

³³Nírò ní ndi ibhú ò ì'ina Yèsù bhà ábhàlǐ núuko ì kònzǐ, ì rifu ka, 'adù àtìna: «Obhó nyú, ìnyi ní Kàgàwà t'ídhùnà.»

Yèsù rǐ Gènèzàretì tó mùlengù ǒ anditále nígǔ dhu

(Mrk 6.53-56)

³⁴Yèsù mà pbìndà ábhàlǐ mànà níitdègu rèrù náda, ní abádhí awù ùvo Gènèzàretì tó pbìrì ò.

³⁵Ndi pbìrì ǒ bhà núuni Yèsù. Ní abádhí náadù ìndrǔ núvi ròwù dhu nóvò kóró kyèròkyèrò rí'ì pbanga òna nǎ. Ní ìndrǔ náadù andi nà rí'ì kóró ale númbà Yèsù-tí'ò.

³⁶Abádhí náadúnà Yèsù nítdè ìtdè tí rùbhà ì anditále rùpbàlǎ róná mùdzarù-bidò-ngbò kèlě. Ní ka nùpbàlǎ ale nóowúnà ùgu rǒ dòtsí.

Màtayò 15

Pbàyàhúdì t'ábhúya nóongónà ùdhenà màndu

(Mrk 7.1-13)

¹Wò dhu-dzidǒ, Pbàfàrisáyó mà Músà bhà Úyátá tó màlímó mànà níiwú Yèrùsalemà tó kigò ò rò, 'iwù ùvò Yèsù-tí'ò, 'adù dhu ìvu kà-tsǔ, 'àti:

²«Ádhu pbùkù ábhàlǐ náarí nzǐ àlě t'ábhúna tó màndu nífǔ nǐ? Obhó tí, abádhí náarí nzǐ ɔtsúya nú'ò tdǔ ì ɔnyu dhu rò.»

³Ní Yèsù adù dhu àdu abádhí tó, ndàti: «Olu nyǐ, ádhu nyǐ nyarí nzǐ Kàgàwà bhà Úyátá nífǔ, pbétù nyàdù abhúkù tó màndu kèlě nífǔ nǐ?»

⁴Obhó tí, Kàgàwà náati: «Ífǔ àbanu mà íyànu mànà.» Ndirò kǎti: «Àbanà nǐ ndirò íyàna nǐ màtí dhu nùnò ale, náká kohò, ròvè.»

⁵Pbétù nyǐ, nyǐ nyarí àtina, atdí ale rapé dhu òvo kpangba àbanà tò, ndirò íyàna tò màtí, ndàti: «Dzùnànu nónzi ma màmbènà nǐ fudú rí'ì dhu, ní ma mùtri wà perè tí Kàgàwà tò.»

⁶Ní ndi ale rĩ mbă àbanà mà íyànà mà̀nà dzè̀nà ònzi ndi ndi dhu-atdyú nà. Ní ndi dhu bhěyi, nyĩ nyóhò wà Kàgàwà bhà Ɔte fùkú mà̀ndu-okú dò rò.

⁷Nyĩ, ɔyɔyɔ idàya nà alé! Nabì Ìsayà núunɔ obhó dhu nyú dùkú, ndàti:

⁸«Kàrí ale náarí mifũ tsùya-kpò dǒ tí, afíya ràdù ì'ì itse nyú rùdú rò.

⁹Yà abádhí arí mulě nĩ ulétá ní kòkórò nga tó. Abádhí náarúdhèna ìndrũ tò ní ìndrũ tó uyátá .»

Ìndrũ nábhũ rádù ròtì Kàgàwà-nyìkpó ǒ dhu

(Mrk 7.14-23)

¹⁰Wò dhu-dzidǒ, Yèsù anzi ihé-yà, ndàdù àtìnà abádhí nĩ: «Nyìri yà ma múnɔna dhu, nyǎdù àlunà mběyi dũku ò.

¹¹Ìnzĩ ní ale-lí òtsù dhu ndi ìndrũ nábhũ rádù ròtì Kàgàwà-nyìkpó ǒ. Pbétù, ìndrũ nábhũ rádù ròtì Kàgàwà-nyìkpó ǒ dhu ní ndi ale-lí'ò rò àhũ dhu.»

¹²Ní Yèsù bhà ábhàlĩ náadù ìndri kà-ti'ò, 'adù àtìnà kà nĩ: «Nyì nyùnì tí wà Pbàfàrisáyó-ǒnga níwà ndi tí, wò nyì nyúnɔna dhu níri ì'ì rò dhu?»

¹³Ní Yèsù adù dhu àdu abádhí tò, ndàti: «Kóró itsukpó, yà inzà òrù-akpà ò arí'ì Àbadu Kàgàwà náazò ní ka kòngbéya kóró ivéya mà̀nà.

¹⁴Nyùbhà abádhí. Ndùmùndùmú ní kǒkò rí ndùmùndùmú núnda. Ndirò, atdí ndùmùndùmú náapé àmbè ngàtsi ndùmùndùmú núnda dǒ, ní abádhí rádù 'àwà óyǒ kóró ibhu ò.»

¹⁵Ní Péterù adù àtìnà kà nĩ: «Áwě pé wòrí mbólí-tì fàkà.»

¹⁶Ní Yèsù adù àtìnà kà nĩ: «Nyĩ nyú mà, kàlũ tí obhó dũku átò?»

¹⁷Nyĩ nyùnì tí nzà dhu kóró dhu-tsí yà ale-lí rótsù, rǎràdù ùda ale ò, ndàdù àhũ ale ò rò ɔtsó dò ka kòwù rò?

¹⁸Pbétù, ale-tsù arórìna dhu ní ale-afí ò rò àhũ dhu. Ndirò ndi dhu ní ndi arádù ìndrũ àbhũ ròtì Kàgàwà-nyìkpó ǒ.

¹⁹Obhó tí, ìndrũ-afí ò rò nga ní ndi nzére dhu náarúvò nĩ. I dhu ní: nzére irèta, abvo òho ka kí dhu, m̀nyò̀nì ònzi ka kí dhu, mà̀kunì ònzi ka kí dhu, ogbo ònzi ka kí dhu, tìtò núɔ ka kí ale t'ódhina dǒ dhu, ndirò ìndrũ nĩ ka kí dhu ùnɔ nzére dhu mà̀nà.

²⁰Kòrí ní ì ìndrũ àbhũ rádù ròtì Kàgàwà-nyìkpó ǒ. Pbétù, ònyù nónyũ ka kí inzà ka kù'ò ale-ɔtsú rórò dhu, ní rĩ nzĩ àdù ìndrũ nábhũ ròtì Kàgàwà-nyìkpó ǒ.»

Atdí ìnzĩ ní M̀yàhudi-àyi rĩ Yèsù ná'u dhu

(Mrk 7.24-30)

²¹Wò dhu-dzidǒ, Yèsù níwà ndi uró rò, ndàrà Tirò mà, Sìdɔnà mà̀nà tó pbìrì ò.

²²Ní ndi pbìrì ǒ arádi Kànanà tó pbìrì ǒ atdí tsibhále níra àhũ Yèsù-ti'ò, ndàdù ndòpè ndùkũ, ndàmbe àtìnà dǒ: «Ádrùngbàlè, Dàwudi t'Ídhunã, àbà izu dudu! Nzére-alafí rǎvu atdí dǒ ivàdú-ngba rǒ.»

²³Pbétù Yèsù adù nzá atdí dhu mà nádu kà tò. Ní Yèsù bhà ábhàlǐ náandrì Yèsù-tí'ò, 'adù àtìná kà nǐ: «Áví wò tsibhále ràdu ndì àlě-owù ǒ rò, ikù nà kà rǔbhi àlě-owù ǒ nídhunǐ.»

²⁴Ní Yèsù adù dhu àdu ábhàlǐ tò, ndàti: «Kàgàwà ívì ma Ìsràyeli tó pbìrì ǒ bhà-okú dò rò, kākà ùwǔwǐ tàrà bhěyi ì nùlì ale.»

²⁵Pbétù, wò tsibhále náadù irà, ndòkò ndì ɔtdyùna dǒ Yèsù-ònzǐ, ndàdù àtìná kà nǐ: «Ádrùngbǎlé, ónzǐ dzàndàdu!»

²⁶Ní Yèsù adù dhu àdu kà tò, ndàti: «Inzá dhu ǒfò nga kidyì nzónzo tó ònyù, kadù òbvùnà ìtsě-nzo tò.»

²⁷Wò tsibhále adù dhu àdu Yèsù tò, ndàti: «Wò nyi nyùnò dhu ní obhó dhu nyú, Ádrùngbǎlé. Pbétù, ìtsě-nzo mà náarí abáya rǐ dhu ònyu dóná rò mizà dǒ rò ì nàwà ònyù-ú'ù nónyu.»

²⁸Nírò ní ndì Yèsù adù dhu àdu kà tò ndàti: «Ìgyò! Yà tsibhálé, pbùkù a'uta rǐ'ì ádrùngbǎ nyú. Wò nyi nyòzè dhu náká ndònzǐ ndì indù yà nyi nyú nyi nyòzè ka dhu bhěyi.» Ní, wò tsibhále t'ívànǎ-ngba náadù ògù ányirǒ rò tí.

Yèsù rǐ ábhǒ ale nígǔ fiyó andì ǒ rò dhu

(Mrk 7.31-37)

²⁹Wò dhu-dzidǒ, Yèsù níivà ndì uró rò, ndàrà Gàlìlayà tó rèrù-bidò. Ní ányì kǎdù ùpo atdí pbìrì dò, ndàdù àdì obvò.

³⁰Nírò ní ndì abhàbhó ale nà òyá ihé níiwú ngbǒya úve kóró ale mà, ndùmùndúmú mà, otsutále mà, ìwǐ mà, ndirò ábhǒ ngǔkpà andítale mà nà 'iwù ùlìnà Yèsù-ònzǐ, kà ràdù abádhí ìgu.

³¹Ní idho núuko ihé-yà atdíidǒ nyú ìwǐ rǒte dhu, ngbǒya úve ale-ngbò rǔgu dhu, otsutále rǔbhi dhu, ndirò ndùmùndúmú mà rǐ inga àlǎ dhu ì àla rò. Ní abádhí náadù 'òpè ì rifu Pbàìsràyélí tó Kàgàwà atdíidǒ nyú.

Yèsù rǐ ìfò lufù ale nóngù dhu

(Mrk 8.1-10)

³²Wò dhu-dzi dǒ, Yèsù náanzi pbìndà ábhàlǐ, ndàdù àtìná abádhí nǐ: «Ma mí kǎkàrí ale-izù ònzǐ atdíidǒ. Kòñǐ mà mòkò ìbhuku abádhí mà nà mbàlìmbàlì, ndirò abádhí rǒnyuna dhu rǐ'ì mbǎ. Ní ma mòzè nzá mabhù abádhí ròwù inzá dhu nònyù rórò, akye sàzì arana abádhí àbhù ràwà ì otu ǒ nǐ.»

³³Ní Yèsù bhà ábhàlǐ náadù dhu ìvu Yèsù-tsǔ, 'àti: «Yàrí rùngù ǒ, àlě kówu yà dhu bvǔ tí ihé-yà nóngù àlě kǐ nǐ ònyù nábà àdhà?»

³⁴Ní Yèsù adù dhu ìvu abádhí-tsǔ, ndàti: «Nyǐ nyí'ì mùgatì nà ìfe?» Ní abádhí adù dhu àdu kà tò 'àti: «Àrùbhù, ndirò ngúfe ìbhè nzo mà nà.»

³⁵Nírò ní ndì Yèsù adù ihé-yà návi ròkò obvò.

³⁶Wò dhu-dzidǒ, kǎdù kǒkò àrùbhù mùgati mà, kǒkò ìbhè màná nùgù ndùlǔ foná, ndàdù òtsò nábhù Kàgàwà tò. Tdítdǒ, kǎdù kǒkò mùgati-ǒnga nùkò, ndùbho pbìndà ábhàlǐ-fó, abádhí ràdù ùndòná ihé-yà tò.

³⁷Kóró ale náanyù dhu 'ùlè nǐ àkǎkǎ dhu bvǔ. Ní Yèsù bhà ábhàlǐ náadù òdòdì ònyù-go-tsù núndu, rùlè àrùbhù sǐngè ǒ.

³⁸Dhu nanyù ale-bvǔ nǐ'ì ìfò lufù kpabhále, inzà ka kòzù vèbhále mà nzónzo màná rórò.

³⁹Kòrí ihé-yà ndì ndàvi ràdu ì ìbha dhu-dzidǒ, Yèsù adù ùpo ìbhú ò, ndàdù àrà Mǎgàdanì tí kátina pbìri ò.

Màtayò 16

Pbàfàrisáyó mà, Pbàsàdùkáyó màná rǐ Yèsù nǎví rònzi wǐwǐ dhu

(Mrk 8.11-13; Luk 12.54-56)

¹Pbàfàrisáyó mà, Pbàsàdùkáyó màná náawù ùvò Yèsù-tǐ'ò. Ní kà-afí ì omvú tí nǐ, abádhí náavì ka rìtè òrù-akpà ò rò ìrà atdí ize fǐyò.

²Pbétù, Yèsù adù dhu àdu abádhí tò ndàti: «Inga rǎti rò, nyǐ nyáróngo àtìná: «Igye rǐ nzi ìkǒ, òrù-akpà-nyì-rǒnga nílilu tí nídhunǐ.»³Ndirò bhòtsungá, nyǐ nyarádù àtìná: «Indo igye rǒgye ògye, òrù-akpà-nyì-rǒnga nítì ìtì tí nídhunǐ.» Nyǐ nyúni dhu ní òrù-akpà-nyì rǒ nyǐ nyàla dhu rǐtèna dhu kèlě, ìnzǐ nyǎdù ìrà rǐrà kàsùmì ǒ rǐ ndònzì dhu núnì.

⁴Indo arí ale ní nzére ale, ndirò abádhí náarí nzi Kàgàwà ózè dhu ònzi. Abádhí ózè kònzì wǐwǐ fǐyò. Pbétù ka kǐ nzi atdí wǐwǐ mà nónzi abádhí tò. Abádhí tò ka kávina dhu ní nabì Yǒnà rǒ ndì nanzi wǐwǐ kèlě.» Wò dhu-dzidǒ, Yèsù adù abádhí nùbhà, ndàdù àrà fǐndá dhu nǐ.

Pbàfàrisáyó mà, Pbàsàdùkáyó màná tó afi

(Mrk 8.14-21)

⁵Yèsù mà, pbìndà ábhàlǐ màná níitdègu ada rèrù-adzè, ní mùgati nídyì ì í dhu náadzò Yèsù bhà ábhàlǐ ònǎ rò.

⁶Ní Yèsù adù àtìná abádhí nǐ: «Ò! Nyàndà nga mběyi! Nyòdò nyǐ Pbàfàrisáyó mà, Pbàsàdùkáyó màná tó afi rǒ rò.»

⁷Ní Yèsù bhà ábhàlǐ náadù 'òpè 'òtè nzínziya ǒ, 'àmbe àtìná dǒ: «Ka rǒte wò dhu bhěyi ìnzà àlě kǐdyì mùgati dhu-okú dò rò.»

⁸Ní Yèsù náasù abádhí rǐnǒna dhu, ndàdù dhu ìvu abádhí-tsǔ ndàti: «Ádhu nyǐ nyátina nzínziku ǒ, ìmbǎ àlě kǐ'ì mùgati nà dhu-okú dò rò dhu rǎrǐ ndì nǐ? Nyǐ ní ákě a'uta nà ale!

⁹Kàpè tí obhó dǔku àlǔ? Nyǐ nyàpè tí nzà ìmbò mùgati-ǒnga ma mukò, ìmbò lufù ale ràdù ònyùnà dhu ìrè? Ndirò nyǐ nyìrè tí ìnzà yà nyǐ nyadù òwunà òdòdì mùgati-go tó sǐngè-bvǔ?

¹⁰Nyĩ nyirè tí inzá àrùbhù mùgatì-ǒnga ma mukɔ, ifo lufù ale rònnyè dhu? Ndirò nyĩ nyirè tí inzá yà nyĩ nyadù òwunà òdòdì mùgatì-go tò sěngè-bvu?

¹¹Íngbà dhu bhěyi dhu, inzá nyĩ nyadù dhu ùni, ìnzĩ rārĩ mùgatì ma móte dóná, yà ma mí dhu òvo fùkù matì, nyĩ ròdo nyĩ Pbàfàrisáyó mà, Pbàsàdùkáyó mà nà tò afi rǒ rǒ rǒ.»

¹²Nirò ní ndi Yēsù bhà ábhàlĩ nádù dhu ùni, Yēsù rǒte dóna dhu rārĩ nzĩ mùgatì nónzi ka karí nĩ afi. Pbétù, kà rǒte dóná dhu rārĩ Pbàfàrisáyó mà Pbàsàdùkáyó mà nà náarúdhěna ìndrũ tò dhu.

Péterù rĩ Yēsù náti Krístò tí dhu

(Mrk 8.27-30; Luk 9.18-21)

¹³Wò dhu-dzidǒ, Yēsù mà pbìndà ábhàlĩ mà nà náawù Kàyìsàriyà-Fìlipì tò kigò-bidǒ rĩ'ì pbìrì ò. Ní kǐvú dhu pbìndà ábhàlĩ-tsǔ, ndàti: «Ádhu ìndrũ náarúnona Ìndrũ t'ídhùnà dǒ?»

¹⁴Ní abádhí adù dhu àdu kà tò, 'àti: «Atdídhená ale náarátina nyi rārĩ Bàtizò nubhónà Yùwanì. Ngǔkpà ale náarádù àtìna nyi rārĩ nabì Èliyà. Ndirò ngǔkpà ale-tsí náarádù àtìna nyi rārĩ nabì Yèrèmiyà, ndirò ngǔtsi nĩ nyi rārĩ Kàgàwà bhà pbànábí nzínzi ǒ atdí nabì.»

¹⁵Ní Yēsù adù dhu ìvu abádhí-tsǔ ndàti: «Olu nyĩ, nyĩ nyarátina ma rārĩ àdhi?»

¹⁶Ní Sìmonì Péterù náadù dhu àdu kà tò, ndàti: «Nyi ní Krístò, ìnzĩ aróvè Kàgàwà t'ídhùnà.»

¹⁷Nirò ní ndi Yēsù adù atìna Péterù nĩ: «Nyi nyònzì wà hirò, Sìmonì, Yùwanì t'ídhùnà! Ìnzĩ ní ìndrũ ndi wò dhu nàbhu nyuni. Pbétù ka nàbhu nyuni ní òrù-akpà ò arí'ì Àbadu Kàgàwà.

¹⁸Ní, ma mátina nyi nĩ: Nyi ní Péterù, bhalabhala tò odu. Ndi bhalabhala tò odu dǒ ní ndi ma mósíya pbàkà Kànìsà. Òve-bvù ka kótsù òná tsàtsù nòonziya nzĩ atdí dhu mà ndi Kànìsà rǒ.

¹⁹Ma mabhùya òrù-akpà ǒ Ádrùngbǎ kamà Kàgàwà bhà idzi ò ka kótsù nĩ fùngulà funú. Kóró dhu-tsí yà adzi dǒ nyi nyùtsì, nóngo ì'ì iwà ndi nùtsì òrù-akpà ò màtí. Ndirò kóró dhu-tsí yà adzi dǒ nyi nyùnga, nóngo ì'ì iwà ndi nùnga òrù-akpà ò màtí.»

²⁰Wò dhu-dzidǒ, Yēsù adù dhu núya pbìndà ábhàlĩ tò ìnzĩ dhu nuno tí atdí ale tò màtí ndi rārĩ Krístò.

Yēsù rĩ ndi ndóvè, kòtdù ndi, ndàdù ndìngbè dhu nóvò dhu

(Mrk 8.31-9.1; Luk 9.22-27)

²¹Ròpè ndi ányirǒ rò, Yēsù apè ndòvò dhu kpangba pbìndà ábhàlĩ tò ndàti, dhu rākǎ wà ndàrà Yèrùsàlemà tò kigò ò, ndínĩ pbàkùrǔ mà, pbàkùhání tò ádròdrǒ ale mà, ndirò Músà bhà Úyátá tò màlímó mà nà náabhù tí ndi ndàbà àpbè abho ányì. Abádhí rārĩ ndàbhũ kohò ndi, kadù ndòtdù, ndirò ìbhu idho dzidǒ, ndi radùya ndìngbè òve-bvù rò.

²²Ní Péterù adù kidyì ndàrà nà igi, ndàdù ndòpè ndòrù kà-dǒ, ndàti: «Ádrùngbǎlé, Kàgàwà àkǎ ndòdò ngbǒnu! Inzá dhu àkǎ wò dhu rònzi ndi rùnù.»

²³Pbétù, Yěsù adù ndàgere, ndàti Péterù nǎ: «Índrǐ nyi itse tidú rò p̄òmvo Sítanǎ! Nyi nyí dhu ònzi nyitsu ma nzérenga ò. Obhó tí, nyi nyí nzǎ inga nírè Kàgàwà náarí inga ìrè dhu bhěyi, pbétù nyi nyí inga nírè ìndrǔ náarí inga ìrè dhu bhěyi.»

²⁴Wò dhu-dzidǒ, Yěsù adù àtìnà pbìndà ábhàlǐ nǎ: «Ndi ale náapé ndòzè ndùbhi owùdu ǒ, ní kàkǎ ndàdzo róná rò, ndàdù ndà'ù ndànò pbìndà mùsàlabhà, ndàdù ùbhi owùdu ǒ.

²⁵Pbìndà ípìrǒnga nòzè ndìgǔ ale níiwíya ka. Pbétù okúdu dò rò rí pbìndà ípìrǒnga níwǐ ale, náadùya kàbà àbà tdítǒ.

²⁶Índrǔ rǐ yà adzi ǒ dhu nóngyè kóró, pbìndà ípìrǒnga ràdù àwǐ dhu tó ídzìnga ní àdhu? Atdí dhu mà tí ìnè, yà ìndrǔ ràdù àbhùnà pbìndà ípìrǒnga nùwè tí?

²⁷Obhó tí, Ìndrǔ t'ídhùnà níraya Àbanà Kàgàwà bhà ádrùngbǎnga tó awáwù ǒ pbìndà màlàyíkà mànà. Nírò ní ndi kǎdùya ìngbàtí ìlì ndi ale mà nùbho ndi ale bhà kasu-bvu rǒ.

²⁸Ma mí obhó dhu núno fùkù: ngǔkpà ale kàkà iró rí'ì ale nzínzi ǒ, nùuvèya nzǎ inzà ì àla Ìndrǔ t'ídhùnà rǐrà pbìndà idzi tó ádrùngbǎnga ǒ dhu rórò.»

Màtayò 17

Yěsù-wòyǒ rǐ ndùgèrè dhu

(Mrk 9.2-13; Luk 9.28-36)

¹Azà idho dzidǒ, Yěsù núugu Péterù mà, Yàkòbhò mà, ndirò Yàkòbhò t'ádònà Yùwanì mànà, 'adù òwu nà lèngèlèngè ádzí pbìrì-akpà dò.

²Ní Yěsù-wòyǒ núugèrè ndi abádhí-nyìkpó ǒ rò. Kà-nyì náadù ndòpè ndùmbilì adyifò bhěyi, kà-rǒ màdzarù ràdù òwu tdyé awáwù bhěyi.

³Nírò ní ndi Músà mà Èlìyà mànà núuto ì, 'adù àmbè òte dǒ Yěsù mànà.

⁴Ní Péterù adù àtìnà Yěsù nǎ: «Ádrùngbǎlé, dhu òfò nga àlě ròkò iró. Ní nyi nyòzè ka nǎ, ma mí ìbhu hemě-dzà núpě iró, atdí ní pbùkù, ngǎtsi ní Músà bhà, ndirò ngǎtsi ní Èlìyà bhà.»

⁵Wò dhu núno Péterù rǐ rórò ní ndi, inga àwù rí ádrùngbǎ àpbù níibvú ndi, ndàtsi abádhí sisìna nǎ. Ndirò ndi àpbù ò rò, atdí ale-tù náadù ndiri, ndàti: «Yàrí ní Idhùdu, atdí dǒ ma móze ale. Kǎrí nyìkpódu nòfò dhu ònzi. Ní, nyìrì kà-tsǔ dhu.»

⁶Yěsù bhà ábhàlǐ níitdègu wòrí ale-tù níri, ní òdo níisí atdí dǒ abádhí ò. Abádhí adù 'awà obvò, ì rùpbǎ nyìya adzikpa nyú rǒ.

⁷Ní Yěsù náandrì abádhí-ti'ò, ndàpbàlǎ abádhí-ngbò, ndàdù àtìnà: «Nyìvà nyǐ, Ìnzǎ nyònzì òdo!»

⁸Ní kǒkò ábhàlǐ níivà ì 'àndà nga, 'adù Yěsù kèlě nála atdí rò.

⁹Pbìrì dò rò abádhí rǎwù òná kàsùmì ǒ, Yěsù adù dhu núya abádhí tò ndàti: «Àpé nyàwe yà nyǐ nyàla dhu atdí ale tò màtí, ràrà àhu Ìndrǔ t'ídhùnà rǐ ndìngbè òve-bvù rò dhu ò.»

¹⁰Wò dhu-dzidõ, Yësù bhà ábhàlǐ náadù dhu ìvu Yësù-tsǔ 'àti: «Ádhu Músà bhà Úyátá tó màlímó náarátina Èliya rākă pé ndìrà angyi nǐ?»

¹¹Ní Yësù adù dhu àdu abádhí tò ndàti: «Obhó tí, Èliya náka wà ndìrà, kóró dhu nyìti ndì ndohú tí.

¹²Pbétù, ma mátina Èliya nìrà wà àhu, ìnzǐ ìndrǔ ràdù Èliya tí kà rǐ'ì dhu núnì. Ndirò abádhí náadù àvu kà-rǒ afíya nózè dhu bhěyi. Ní ndì dhu bhěyi tí, abádhí náavùya Ìndrǔ t'ídhùnà rǒ.»

¹³Nírò ní ndì Yësù bhà ábhàlǐ náadù dhu ùnì, yà Yësù rǔbhi òte rǒ dòná fǐyò ale rǎrǐ Bâtizò nubhónà Yùwanì.

Yësù rǐ sǐmvo nà ngbángba nígǔ dhu

(Mrk 9.14-29; Luk 9.37-43a)

¹⁴Yësù mà, pbìndà ìbhu ábhàlǐ mànà níitdègu ìwu ùvò ihé-yà rǐ'ì ró, ní atdí ale níindri Yësù-tǐ'ò, ndòkò ndì òtdyùna dǒ kònzǐ,

¹⁵ndàdù àtìnà kǎnǐ: «Ádrùngbǎlé, ábà izu idhùdu dǒ. Kà rǐ'ì sǐmvo nà, ndirò kǎrǐ àndì atdí dǒ. Bìlǐngànà kǎrǐ ndàwà kàzu ò, ndirò idha ò màtí.

¹⁶Ma mìrà kà nà ndínǐ pbùkù ábhàlǐ níigú tí, ní abádhí àdù nzá kǐgu.»

¹⁷Ní Yësù adù àtìnà: «Hàkà! Nyǐ, ìmbǎ a'uta nà ale tó rùgànda, ndirò nzére ale! Àlě kokoya nyǐ mànà ife kàsùmì tí? Ndirò fùkú dhu-dzi ma mondúya rǎrà àhu ife idho tí? Nyìwǔ ndì ngbángba nà àzú fudu ò!»

¹⁸Yësù adù òte òrú tǔna nyú nà wò ngbángba ò rǐ'ì nzére-alafí dǒ, ndì nzére-alafí ràdù àhu ndì ngbángba ò rò. Ní ndì ngbángba náadù ògù ányìrǒ rò tí.

¹⁹Ní Yësù bhà ábhàlǐ náadù òndri Yësù-tǐ'ò atdí rǒ kà rǐ'ì rórò, 'adù dhu ìvu kà-tsǔ, 'àti: «Ádhu ìnzá mǎ mǐpfo wò nzére-alafí nǐ?»

²⁰Ní Yësù adù dhu àdu abádhí tò, ndàti: «Nyǐ nyìpfo nzá ka fùkú ákě a'uta-okú dò rò. Ma mí obhó dhu núnò fùkù: fùkú a'uta ní'ínà gukyèhàradalì-kpǒ náarǐ'ì dhu bvùtí màtí, ní nyǐ nyambènà àtina yàrǐ pbìrì nǐ: <Íngbè nyǐ ìró rò nyarà ndǎlù, > ní ndì pbìrì àmbènà àdù ndìngbè ányìrǒ rò. Ndirò, lèmakà nónzi rǐ atdí dhu mà námbènà ì'ì mbǎ. [²¹Pbétù, wòrǐ nzére-alafí-tidò nábhà rádù ràhu dhu ní itsòta mà, ònyù t'ónyuta-tsù t'útsita mànà kèlě.»]

Yësù rǐ ndì ndóvè, kòtdù ndì, ndàdù ndìngbè dhu nóvo tdít dǒ dhu

(Mrk 9.30-32; Luk 9.43b-45)

²²Yësù mà pbìndà ábhàlǐ mànà níitdègu 'òtù atdíkpá Gálilayà tó pbìrì ò, ní Yësù adù dhu òvò abádhí tò, ndàti: «Ka kǐ Ìndrǔ t'ídhùnà nípfǒ, kabhu ìndrǔ-fó.

²³Ní ì ale rǐ kòho, kadù òtdùnà. Pbétù ìbhu idho dzidõ, kǎdùya ndìngbè òve-bvù rò.» Ní wò dhu ì ìrǐ rò, izu náadù Yësù bhà ábhàlǐ núka atdí dǒ.

Yësù mà Péterù nà rǐ Kàgàwà bhà idza-dò tó pàratà núfǒ dhu

²⁴Yēsù mà, pbìndà ábhàlǐ màná níitdègu owu ùvò Kàpèrnàwumù tó kigò ò, ní Kàgàwà bhà idza-dò tó pàratà t'úfótá tó pbàndómbé níindri Péterù-tí'ò, 'àdù dhu ìvu kà-tsǔ, 'àti: «Fùkú màlimò náatí Kàgàwà bhà idza-dò tó pàratà núfò ùfò?»

²⁵Ní Péterù adù dhu àdu abádhí tò, ndàti: «Ùfò arúfòna.» Ní idza Péterù òtsù rò, Yēsù náapè òte angyi, ndìvù dhu kà-tsǔ ndàti: «Ádhu nyi nyirè wò dhu dǒ, Sìmoní? Ádhi ndí yà adzi ò ádròdrò kámá tó pàratà núfò rádù? Ndirò, ádhi ndí ùdzina ndí ndí dhu-dò nátsà rádù abádhí tò? Tí abádhí tó pbìrì ò ale nyú? Ndirò ngàtsi nǐ, tí iwù tí iwù ndí pbìrì ò ale?»

²⁶Ní Péterù adù dhu àdu kà tò, ndàti: «Ìwù tí iwù ndí pbìrì ò ale.» Ní Yēsù adù àtìna kànǐ: «Wòrí ní ití ka kátina, ndí pbìrì ò ale nyú ràrǐ nǐ àdù kùfò.

²⁷Pbétù, dhu àkǎ nzá àlě ràbhù abádhí ròtsù nzérenge ò. Ní, ndí dhu bhěyi kà rǐ'ì rò, árà rèrù ò, nyadù inè nóbvù idha ò. Ní angyi nyi nyíbvùna ìbhè-li'ò nga nyángbě, nyadù fùrangà-kpǒ nídyì lina ò rò. Ndi fùrangà ní ndí nyi nyádù pàratà náfò nǐ àlě tò, óyò kóró.»

Màtayò 18

Ádrùngbǎ ale nyú ròsè ní àdhi?

(Mrk 9.33-37; Luk 9.46-48)

¹Ndi kàsuni ò, Yēsù bhà ábhàlǐ níindri Yēsù-tí'ò, 'àdù dhu ìvu kà-tsǔ, 'àti: «Òrù-akpà ò Ádrùngbǎ kamà Kàgàwà bhà idzi ò, ádrùngbǎ ale nyú ròsè ní àdhi?»

²Ní Yēsù adù atdí ákě ngbángba nánzì, ndìli rìdè abádhí-ònzǐ.

³Kàdù àtìna: «Ma mí obhó dhu núno fùkù: ìnzǐ nyǐ nyapé nyùgèrè, nyùli nyǐ nìní nzónzo bhěyi, ní nyǐ nyotsúya nǐ òrù-akpà ò Ádrùngbǎ kamà Kàgàwà bhà idzi ò akekpa màtí.

⁴Ndi dhu-okú dò rò ní ndí, ndifò rí obvò ndítírò, ndìli ndí yàrí ngbángba bhěyi ale, nǐ'íya ndí òrù-akpà ò Ádrùngbǎ kamà Kàgàwà bhà idzi ò ádrùngbǎ ale.

⁵Ndirò, yà dhu bhěyi ngbángba nákö rí okúdu dò rò ale, ní iwà ima nàko ima nyú tíró ale.»

Ìndrù àbhǔ ka kí ròtsù nzérenge ò dhu-rǒ rò dhu àkǎ kòdò ale dhu

(Mrk 9.42-48; Luk 17.1-2)

⁶Wò dhu-dzidò, Yēsù adù àtìna ábhàlǐ nǐ: «Yà ma ná'ù nzónzo nzínzì ò, atdí ngbángba mà nábhǔ rí ròtsù nzérenge ò ale, ní dhu òfò nga mběyi nyú kosò ádrùngbǎ odu-ba ndí ale-tú, kadù ndí ale nídò ádrùngbǎ rèrù tó lùlù ò.

⁷Àpbè ní ndí yàrí adzi tò, ìndrù àbhǔ kǎrí ròtsù nzérenge ò dhu-okú dò rò. Obhó tí, ìndrù rádù òtsù òtsù nzérenge ò. Pbétù, ìndrù nábhǔ rí ròtsù nzérenge ò ale rǐ'ì àpbè ò.

⁸Dhu apé ì'ì òtsúnù mà, ndirò pfònu mà náarí nyabhǔ nyotsù nzérenge ò dhu tí, ní ótdì ndí òtsúnù mà ndí pfònu màná, nyadù àwàná itse nyú rúnú rò. Dhu òfò nga mběyi nyú, nyotsù atdí òtsúnù nà, ndirò atdí pfònu nà dhòdhóhóngà tó ípìrǒngà ò, ròsè óyò òtsúnù

mà, óyǒ pfǒnu mà nódò nyi nyí indù, kadù nyobvù nà ìnzí aráve dhòdhóhónganà kàzu ò dhu dònǎ.

⁹Ndirò, dhu apé ì'ì nyìkpónu náarí nyabhǔ nyotsù nzérenga ò dhu tí, ní itǎ ka, nyadù iwànà nyobvù itse rùnù rò. Dhu òfò nga mběyi nyú, nyotsù dhòdhóhónganà tó ípìrǒnga ò atdí nyìkpónu nà, ròsè óyǒ nyìkpónu nódò nyi nyí indù, kadù nyobvù ìnzí aráve dhòdhóhónganà kàzu ò dhu dònǎ.»

Àwǎwí, ndàdù ndàbà tàrà tó mbólí

(Luk 15.3-7)

¹⁰Tdítdǒ, Yèsù adù àtìnà ábhàlǐ nǐ: «Nyòdò nyí mběyi, ìnzí nyǒnzí kǎkàrí nzónzo nzínzì ǒ atdí ngbángba mà gàyà. Ma mí obhó dhu núno fǔkù: òrù-akpà ò arí'ì abádhí tó màlàyíká náaróko bìlìnganà, 'ámbe òrù-akpà ò arí'ì Àbadu Kàgàwà-nyìkpa nándà dǒ.

[¹¹Obhó tí, Ìndrù t'ídhùnà níira àwǎwí ale nígu.]

¹²Ní, ádhu nyí nyíreña yà dhu dǒ? Atdí ale náapé ì'ì atdí miyà tàrà nà, atdí ràdù àwí abádhí nzínzì ǒ rò, ní ndí ale tí nzí àdù kǒkò àrùgyètdí kumì dòná àrùgyètdí nà ngǔkpa tàrà nùbhà pbirì dǒ rányu ró, ndàdù àrà yà àwǎwínà tsí nómè?

¹³Kǎpé kàbà, ní ma mátina nyí nǐ: kà ràdù ì'ì ádrùngbǎ dhèdhe nyú nà ndí tàrà-okú dò rò, ròsè yà àrùgyètdí kumì dòná àrùgyètdí nà ngǔkpa tàrà, yà ìnzá ùwínà dònǎ.

¹⁴Ní ndí dhu bhěyi tí, òrù-akpà ò arí'ì Àbaku Kàgàwà nózè nzá atdí ngbángba mà rǎwí kǎkàrí nzónzo nzínzì ǒ rò dhu.»

Dhu nàfǎ nyí nǐ òdhìnu nónzì nyí nyádù tí dhu

¹⁵Yèsù adù àtìnà tdítdǒ ábhàlǐ nǐ: «Òdhìnu náapé dhu àfǎ nyí nǐ, ní dhu àkǎ nyarà kòtù, nyadù kàbhà afátá nóvò kà tò óyǒ rò nyí nyí'ì kà màrà rórò. Kǎpé nyí nyùnò dhu níri, ní nyí nyìgǔ wà ndí òdhìnu.

¹⁶Pbétù, kǎpé ndùvò ìnzí ndírì tsùnù dhu, ní ádù nyidyì atdí ale mà, ndírò ngǎtsi nǐ óyǒ ale mà, nyòwù màrà kà-tí'ò, ndíní óyǒ, ndírò ngǎtsi nǐ ìbhu ngàmbì mà núno dhu-bvu rǒ ka kadù tí ndí dhu nóbhòlò.

¹⁷Pbétù, kǎpé ndùvò ìnzí ndírì abádhí-tsù dhu, ní ádù nyipfo ndí dhu Kàgàwà ná'ù ale tó mùtù nzínzì ò. Ndirò kǎpé ndùvò ìnzí ndírì ì ale mà, ní ádù nyozú ka ìnzá Kàgàwà ná'ù ale tí, ndírò ádù nyozú ka pàratà t'úfótá tó atdí ndombè bhěyi.»

Dhu ùtsi ka kí dhu mà, dhu ùngǎ ka kí dhu màrà

¹⁸Wò dhu-dzidǒ, Yèsù adù àtìnà ábhàlǐ nǐ: «Ma mí obhó dhu núno fǔkù: Kóró dhu-tsí yà adzi dǒ nyí nyùtsì, nóngo ì'ì iwà ndí nùtsì òrù-akpà ò màtí. Ndirò kóró dhu-tsí yà adzi dǒ nyí nyùnga, nóngo ì'ì iwà ndí nùnga òrù-akpà ò màtí.

¹⁹Ma mí obhó dhu núno tdítdǒ fǔkù: nzínziku ǒ óyǒ ale mà náapé 'ìri yà adzi dǒ, 'ònzì yà ì òzè kóró dhu-tsí, ní òrù-akpà ò arí'ì Àbadu Kàgàwà ràdù ndí dhu nábhu àbhù abádhí tò.

²⁰Obhó tí, óyǒ ale mà, ngǎtsi nǐ ìbhu ale mà núndu ì òvòdu rǒ ró, ní ma mí'ì ìnè abádhí nzínzì ǒ.»

Dhu àkǎ kubà dhu ale t'ódhìnà tò dhu

- ²¹Wò dhu-dzidǒ, Péterù náandrì Yěsù-tí'ò ndàdù dhu ìvu kà-tsǔ, ndàtì: «Ádrùngbǎlé, ma mádù dhu ùbà ìfe-gùna dhu nǎfǎ ɔnzidú ɔdhìdu tò? Ma tí àdù dhu ùbà kà tò àrùbhù-gùna?»
- ²²Ní Yěsù adù dhu àdu kà tò, ndàtì: «Ma mí nzǐ atina nyi rǎràdù dhu ùbà kà tò àrùbhù-gùna. Pbétù, dhu àkǎ nyubà dhu kà tò àrùbhù kumì, àrùbhù-rǎdǒ-gùna.
- ²³Wò dhu-okú dò rò ní ndì ma máfina, òrù-akpà ǒ Ádrùngbǎ kamà Kàgàwà bhà idzi ríli ndì atdí ádrùngbǎ kamà yà pbìndà wànzá nà arí'ì pbìndà kasutále nazè rùbho i wànzá bhěyi.
- ²⁴Ní, kítdègu i wànzá nà arí'ì ale-ɔvò nópè ndùnzi, ní ka kiwú atdí kasutále, yà fùrangà tó lufù-tsù tó wànzá nà rí'ì nà kà-tí'ò.
- ²⁵Wò ndì ale rǐ ndì wànzá núbhǒ nǐ atdí dhu mà ní'ì mbǎ kà-fó. Ní kàbhà ádrùngbǎle náadù dhu ùya, ndínǐ ka kudzí tí ndì ale mà, pbìndà tsìbhále mà, pbìndà nzónzo mà, kóró fóná arí'ì dhu mànà, ndínǐ ka kubhò tí ndì wànzá nǐ.
- ²⁶Ní wò kasutále náakò ndì ɔtdyùna dǒ pbìndà ádrùngbǎle-ònzǐ, ndàdù ndìtsò kà-rǒ ndàtì: «Ádrùngbǎlé, ùbà dhu idù, nyadù nga ɔdò ake. Ùbhǒ ma mí wò wànzá núbhǒ kóró indù.»
- ²⁷Ní wò ádrùngbǎle náadù izu àbà atdídǒ kà dǒ, ndàdù àtìnà ìnzǐ kà rǎrǐ atdí dhu mà núbhǒ fǐndà. Ní kǎdù kùbhà rǎrà.
- ²⁸Ní uró rò ndìvǎ ndì rò, wò kasutále náatù yà ì arí kasu ɔnzì mànà ale nzínzi ǒ atdí ale. Ndi ale ní'ì mbèmbè atdí miyà dìnari tó kàbhà wànzá nà. Ní, kǎkò wò ale dàna-tsi rǒ, ndì ripbǒ dàna-tsi, ihèna ròrì, ndàdù àtìnà nǐ: «Ùbhǒ pbàkà wànzá! »
- ²⁹Ní wò kà t'ódhìnà náakò ndì ɔtdyùna dǒ kà-pfò rǒ, ndàdù ndìtsò kà-rǒ, ndàtì: «Ùbà dhu idù, nyadù nga ɔdò ake. Ùbhǒ ma mí pbùkù wànzá núbhǒ.»
- ³⁰Pbétù, wòrì ale náazè nzá ndìrì kà rǔnɔna dhu. Ní, kǎdù kàbhù kosò imbi ɔ, kòdò ndì ndì rùbho pbìndà wànzá dhu ɔna nǎ.
- ³¹Ní, yà abádhí arí kasu nónzi mànà atdíkpá ngǔkpà kà t'ódhína, nítdègu wò ndì nònzì dhu nǎlǎ, ní izu núuka abádhí atdídǒ. Ní abádhí adù òwu wò ndì nònzì dhu náwe kóró fǐyó ádrùngbǎle tò.
- ³²Nírò ní ndì wò ádrùngbǎle náavì kanzi ndì kasutále, ndàdù àtìnà nǐ: «Nyi ní nzére kasutále nyú! Nyi nyìtsò nyi rùdú dhu-okú dò rò, ma màtì ìnzǐ nyi rǎrǐ atdí dhu mà núbhǒ idù.
- ³³Ní nyi nyàmbènà àdù dhu ùbà átò ɔdhìnu tò, àdhàdhì ma mùbà dhu indù dhu bhěyi.»
- ³⁴Ní wò ádrùngbǎle náakò atdídǒ, ndàdù wò kasutále nábhù kosò imbi ɔ, kòdò ndì ndì ndínǐ kóró pbìndà wànzá nubhò tí dhu ɔnǎ.»

³⁵Yēsù adù àtìnà tdítdǒ ábhàlǐ nǐ: «Ndi dhu bhěyi tí ní ndi, òrù-akpà ò arí'ì Àbadu Kàgàwà rǎdù dhu ònzì rùkú, inzà ìngbàtí ìlì ndì ale mà nzínzìkù ǒ núbà dhu atdí afína nyú nà adòná tò rò.»

Màtayò 19

Yēsù rǐ dhu núdhě kpatsìbhále mà rǐ 'ùbhǎ p̀b̀indà tsìbhále nà dhu dǒ dhu

(Mrk 10.1-12)

¹Yēsù níitdègu yà ndì ndúbhi ùdhenà rǒ dhu t'údheta nító, ní kǐvà ndì Gàlìlayà tó p̀b̀irì ò rò, ndàrà Yùdeyà tó p̀b̀irì-alàdò, yà Yòròdanì tó idha-apkà-adzèná rò arí'ì ò.

²Ní abhàbhó ale nà òyá ihé náadù òwu kǒwu ǒ, kà rǎdù abádhí nzínzì ǒ andì nà ale nígu ányì.

³Ní ngúfe P̀b̀àfàrìsáyó níwú Yēsù-tí'ò ndínǐ ì omvú tí kà-afí. Ní, abádhí níwú dhu kà-tsù 'àti: «Àlě tó Úyátá návi tí wà atdí kpatsìbhále mà ròdhò p̀b̀indà tsìbhále ìngbǎ tí ìlì ndì afátá-okú dò rò màtí?»

⁴Ní Yēsù adù dhu àdu abádhí tò, ndàti: «Nyǐ nyàpè tí obhó Kàgàwà bhà Andítá náarúnona kpangba dhu nózù? Kǎrátina: «Mùhàngú ò rò, Kàgàwà náanzì kpatsìbhále mà, tsìbhále nà.»

⁵Ndirò kǎrátina: «Ndi dhu-okú dò rò, kpatsìbhále rǎdù àbanà mà, íyànà màná núbhà, 'àdù 'ùngbò p̀b̀indà tsìbhále nà. Ndirò, abádhí óyǒ rò rǎdù òngò atdí ale-ngbò tí.»

⁶Ní ndì dhu bhěyi tí, abádhí ní nzǐ àdù ì'ì óyǒ ale tdítdǒ, p̀b̀étù abádhí nóngò wà atdí ale-ngbò tí. Ní dhu àkǎ nzá atdí ale mà rùtu Kàgàwà ùngbò ale-ònga.»

⁷Ní P̀b̀àfàrìsáyó adù dhu ìvu tdítdǒ kà-tsù, 'àti: «Olu, ádhu Músà núuyá dhu ndàti, dhu rǎrǎdù àkǎ kandì ùbhátá tó bhàrùwà kabhu tsìbhále-fó, ndì tsìbhále òdì ka kǐ rò nǐ?»

⁸Ní Yēsù adù dhu àdu abádhí tò, ndàti: «Músà náabhù nyǐ nyòngo fùkú vèbhále nódi odú afíkù náaró'ò dhu-okú dò rò. P̀b̀étù mùhàngú ò rò, ndì dhu ní'ì mbǎ wò dhu bhěyi.

⁹Ma mí obhó dhu núno fùkù: atdí kpatsìbhále náapè p̀b̀indà tsìbhále nódhò, ndàdù òdìnà, inzà ní m̀nyòni kèlě nònzì ngàtsi kpatsìbhále nà dhu-okú dò rò rò, ní ngàtsi tsìbhále ndì ndàmbà rò, ka nádù ì'ì iwà m̀nyòni nònzì.»

¹⁰Ní Yēsù bhà ábhàlǐ náadù àtìnà Yēsù nǐ: «Wò dhu bhěyi kpatsìbhále mà nzínzì ǒ dhu rǐ'ì tsìbhále màná rò, ìndrù rǐ 'ùmbǎ dhu tó ídzìnga rǐ'ì mbǎ.»

¹¹Ní Yēsù adù dhu àdu abádhí tò, ndàti: «Ìnzǐ ní kóró ale wòrì Ote náarí dòya àlǔ, p̀b̀étù kǎrì dòya àlǔ ale ní kǎkà Kàgàwà ábhù kà rǎlǔ dòya ale kèlě.

¹²Kpabhále-tsù àtò rǎdù ìnzǐ r̀ambǎ vèbhále dhu-tsù rǐ'ì ibí. Obhó tí, atdídhená kpabhále náarí nzǐ vèbhále ùmbǎ ùdhǐ tí ka kudhí ì àmǎ tírò dhu-okú dò rò. Ngùkpà kpabhále náarí nzǐ vèbhále númbǎ, òbi nǐ ka ka kùgèrè ì, 'òngò àmǎ tí dhu-okú dò rò. Ndirò ngùkpà-tsí náaróko àmǎ bhěyi, ìnzǐ 'ùmbǎ vèbhále òrù-akpà ǒ Ádrùngbǎ kamà Kàgàwà bhà idzi-okú dò rò. Yà ma m̀nò dhu rǐ dònà àlǔ ale nákǎ kà rǎlǔ dònà!»

Yěsù rǐ nìní nżónzo násǒ dhu

(Mrk 10.13-16; Luk 18.15-17)

¹³Wò dhu-dzidǒ, ìndrǔ níwú nìní nżónzo nà Yěsù-tǐ'ò, ndínǐ kǔlǐ tí ɔtsúna dǒyá, ndàdù ndítsò dǒyá. Pbéù, Yěsù bhà ábhàlǐ náadù òko 'àmbè òrù dǒ i ale dǒ.

¹⁴Ní Yěsù adù àtìna pbindà ábhàlǐ nǐ: «Nyùbhà nżónzo rìwǔ tidu ò, ndirò ìnzǐ nyàtò abádhí-tsù, òrù-akpà ǒ Ádrùngbǎ kamà Kàgàwà bhà idzi ní abádhí bhěyi ì nǔlǐ ale tó nǐdhuñǐ.»

¹⁵Ní Yěsù adù ɔtsúna nǔlǐ i nżónzo dǒ, ndi dhu-dzidǒ, ndàdù ndìvà ndàrà ányǐrǒ rò.

Yěsù mà rǒte atdí ònzítále nà dhu

(Mrk 10.17-31; Luk 18.18-30)

¹⁶Wò dhu-dzidǒ, atdí ale níra Yěsù-tǐ'ò, ndàdù dhu ìvu kà-tsǔ ndàti: «Màlimǒ, àdhu ndi idzi dhu tí ma màkǎ mǎnzǐ, ndínǐ ma mabá tí dhòdhódhóngà tó ípìrǒngà?»

¹⁷Ní Yěsù adù dhu ìvu kà-tsǔ, ndàti: «Ádhu nyi nyí dhu ìvǔ tsùdú idzi dhu tí rǐ'ì dhu dǒ nǐ? Atdí ale kèlě ní ndi idzi ale tí rǐ'ì. Nyi nyapé nyoze nyòtsù dhòdhódhóngà tó ípìrǒngà ò, ní dhu àkǎ nyifu Músà bhà Úyátá.»

¹⁸Ní wò ale adù dhu ìvu Yěsù-tsǔ, ndàti: «Íngbǎgà Úyátá i?» Ní Yěsù adù dhu àdu kà tò, ndàti: «Dhu àkǎ nzá nyohò abvo, dhu àkǎ nzá nyonzi múnnyòni, dhu àkǎ nzá nyonzi ogbo, ndirò dhu àkǎ nzá nyunò tító ɔdhìnu dǒ.

¹⁹Dhu àkǎ nyifu àbanu mà íyanu màna, ndirò dhu àkǎ nyoze ɔdhìnu yà nyi nyú nyi nyóze nyi nyi-tírò dhu bhěyi .»

²⁰Ní wòrǐ kpatsìbhíngba náadù àtìna Yěsù nǐ: «Ma mífu wà kǒkòrǐ Úyátá kóró, ní ádhu ndi àkǎkǎ mǎnzǐ tdítǒ?»

²¹Ní Yěsù adù àtìna kà nǐ: «Nyi nyapé nyoze nyi'ì àkǎkǎ ale tí, ní árà, nyadù kóró nyi nyarǐ'ì nà dhu nǔdzi, nyadù i dhu ò rò nyi nyòngyè fùrangà núnò nǎkùtále tò. Ndi dhu bhěyi ní ndi nyi nyadùya ònzǐ nábà òrù-akpà ò. Wò dhu-dzidǒ, nyàdù nyira, nyadù owùdu núnghu.»

²²Pbéù, wò kpatsìbhíngba nítdègu wò ɔte níri, ní kǎdù àrà ányǐrǒ rò atdíǒ izu nùka ndi rórò, atdíǒ ndi ndónzi nǐdhuñǐ.

²³Nirò ní ndi Yěsù adù àtìna pbindà ábhàlǐ nǐ: «Ma mí obhó dhu núnò fǔkù: ònzítále rǒtsù òrù-akpà ǒ Ádrùngbǎ kamà Kàgàwà bhà idzi ò dhu ní odú dhu nyú.

²⁴Ndirò, ma mí obhó dhu núnò fǔkù tdítǒ: ngàmiyà rǒtsù, ndùdà sìndanì-bhu ǒ dhu rǐ'ì isó. Pbéù, ònzítále rǒtsù òrù-akpà ǒ Ádrùngbǎ kamà Kàgàwà bhà idzi ò dhu rǐ'ì odú nyú ròsè.»

²⁵Ní wòrǐ ɔte ì ìrǐ rò, idho núnko Yěsù bhà ábhàlǐ atdíǒ. Ní abádhí ambénà dhu òngù dǒ tsùyá nzínziya ǒ, 'àmbè àtìna dǒ: «Wò dhu bhěyi kà rǐ'ì rò, ádhi pbá ale ndi ògù rádù ògù?»

²⁶Ní Yěsù andà abádhí, ndàdù àtìna abádhí nǐ: «Ìndrǔ tò ndi dhu rǐ nǐ àkǎ, pbéù Kàgàwà tò kà rǐ àkǎ àkǎ.»

²⁷Nírò ní ndi Péterù adù ɔte òpè, ndàti: «Íri, mà múbhà kóró dhu màdù owùnù nángu, ní ádhu ndi mà mabáya?»

²⁸Ní Yēsù adù àtìná abádhí nǐ: «Ma mí obhó dhu núno fùkù: yà adzi dǒ kóró dhu rǐ 'ùwǔ, 'òngò ɔwútána tí rò, Ìndrù t'ídùnà náadiya pbìndà ádrùngbǎnga tó awáwù tó tombi dǒ. Ndi nínganí, nyǐ, yà owùdu nyǐ nyúngu rò, nyǐ nyokoya átò atdí kumì dòná óyǒ nà tombi dǒ, nyámbe atdí kumì dòná óyǒ nà Pbàìsràyélí tó rùgànda-tsù-ànyǎ nítdí dǒ.

²⁹Ndirò ìngbàtí ìlì ndì ale mà, yà okúdu dò rò rí pbìndà idza, adóna, awéna, àbanà, íyànà, pbìndà inzo, ndirò pbìndà ɔnzìbvù mà núbha, náabáya i dhu atdí miyà-gùna ròsè. Ndirò, kǎdùya dhòdhóhóngà tó ípìrǒnga nába.

³⁰Pbétù, ábhǒ ale yà kòmbí arí'ì wemberè tí nóngoya olù ale tí, ndirò yà olù ale tí arí'ì kòmbí ale náadùya òngo wemberè tí.»

Màtayò 20

Vǐnyò tó ìnga ǒ kasu nanzì kasutále tó mbólí

¹Tdítdǒ Yēsù adù àtìná pbìndà ábhàlǐ ní: «Obhó tí, yàrí ní ndi Òrù-akpà ǒ Ádrùngbǎ kamà Kàgàwà bhà idzi nófò ndì nà dhu: Atdí idza-àbadhi náahù bhòtsungánǎ idza rò, ndámbe kasutále nóme dǒ, ndínǐ owu tí kasu ònzì pbìndà vǐnyò tó ìnga ò.

²Abádhí níri i i kasutále màná atdí ònari-kpǒ dǒ atdíku idho tó kasu tó mùkìmbà tí. Kǎdù i ale nóvi ròwù vǐnyò tó pbìndà ìnga-bvù.

³Tdítdǒ, kǎhù ìbhu adyifò-sisì kútsingá nga tó ǒ, ndàdù ngǔkpà ale nála pbanga-tsidǒ róko ìmbǎ kasúna ró.

⁴Ní kǎdù àtìná i ale nǐ: «Nyǐ mà átò, nyòwu nyònzì kasu vǐnyò tó pbàkà ìnga ò, tdù ma màdù fùkù mùkìmbà núbho àkǎkǎ dhu bhèyi.»

⁵Ní i ale náadù òwu ndi vǐnyò tó ìnga ò. Wò idza-àbadhi náahù tdítdǒ azà adyifò-sisì adyíbhengá nga tó ǒ, ndirò àrùgyètdí adyifò-sisì adyídǒ nga tó ǒ, ndàdù dhu ònzì ndi dhu bhèyi tí.

⁶Kà rǐku dòná rò nǐ, kǎhù atdí kumì dòná atdí nà adyifò-sisì pbítsòngǎ nga tó ǒ, ndàdù ngǔkpà ale nála pbanga-tsidǒ òkò, ìnzǐ i i atdí dhu mà nónzì rórò ró. Ní kǎdù dhu ìvu abádhí-tsù, ndàti: «Ádhu, ròpè ndi kútsingánǎ rò rìrà àhu kòmbí, nyǐ nyòkò iró ìnzǐ nyǐ nyǐ atdí dhu mà nónzì rórò nǐ? »

⁷Ní abádhí adù dhu àdu kà tò, 'àti: «Ìnzá ní atdí ale mà nápè mìtsù pbìndà kasu ò.» Ní kǎdù àtìná i ale nǐ: «Olu nyǐ mà átò, nyòwu nà nyònzì kasu pbàkà vǐnyò tó ìnga ò.»

⁸Ní pbítsòngánǎ, wò ìnga-àbadhi náati pbìndà kasutále tó ádrùngbǎle nǐ: «Únzì kasutále, nyadù fíyó mùkìmbà núbho. Nyǐ nyǐ kòpè yà olù kasu nòpè ale rǒ rò, nyadù àrà kùtsà yà angyi kasu nòpèna ale rǒ.»

⁹Ní yà atdí kumì dòná atdí nà adyifò-sisì pbítsòngă nga tó ǒ kasu nòpè ale níwú, kadù ngătsi ale bhà atdí ònari nábhu ndi ale tò.

¹⁰Yà angyi kasu nòpèna ale níwú ùvò átò. Abádhí níirè nga fíyò ka kúbhõna mùkimbà rārõse òse yà olù kasu nòpèna ale tó mùkimbà dòná. Pbétù, abádhí mà átò náadù atdátdí ònari kèlě nábà.

¹¹Ní kàkǒ ì í rò, kǒkò ale náapè 'àmbe ònu dǒ inga-àbadhi nǐ.

¹²Abádhí ati kà nǐ: «Kàkà kasutále níwú ùvò olù, 'adù kasu nónzi atdí adyifò-sisì kèlě tí. Ní nyi nyadù tí mùkimbà núbho abádhí tò àdhàdhì mǎ màna, àzembè mǎ'ì ní ndi bìlì mǎ mònzi kasu, adyifò ràdù mǒbì rò? »

¹³Ní wò ale adù dhu àdu atdí abádhí nzínzi ǒ ale tò, ndàti: «Pbǎlé ma mònzi nzá nyi nzére. Nyi nyà'ùnà tí nzá atdí ònari rǒ nyi nyi kasu nónzi atdí idho ǒ dhu?»

¹⁴Nírò, àkǒ indù mùkimbà, nyadù àrà indù dhu nǐ. Ma mòzè mabhu ka wò olù ìràna ale tò àdhàdhì indù ma màbhu ka dhu bvù tí.

¹⁵Ma màdù pbàkà fùrangà nùndò ma mòzè ka dhu bhěyi. Tí nzǐ obhó? Ndirò yà ma mònzi idzi dhu nyi nyàla tí nzére dhu ma mònzi dhu tí? »

¹⁶Ní Yèsù adù àtina tdítǒ: «Yà kòmbí arí'ì olù ale tí ale nóongoya wemberè tí, ndirò yà kòmbí arí'ì wemberè tí ale náadùya òngo olù ale tí.»

Ìbhu rí kisé nǐ Yèsù rǐ ndì ndóvè kòtdù ndì, ndàdù ndìngbè dhu nóvò dhu

(Mrk 10.32-34; Luk 18.31-34)

¹⁷Yèrùsàlemà tó kigò ò ndì ndúpo rórò, Yèsù náanzi pbìndà atdí kumì dòná óyǒ nà ábhàlǐ igi. Ní otu ǒ ì ówu rórò, kǎdù àtina abádhí nǐ:

¹⁸«Kànǐ àlě kúpo Yèrùsàlemà tó kigò ò, ní ányì ka kí Ìndrù t'ìdhùnà nípǒ kabhu pbàkùhání tó ádròdrǒ ale mà, Músà bhà Úyatá tó màlímó màna fò. Abádhí rǐ anya nótdì kà-dǒ ndínǐ ka koho tí ka,

¹⁹'adù kàbhu ìnzǐ ní Pbàyàhúdì-fó. I ale rǐ kòzù àkyàkyè ale tí, 'adù kùvi asé nǐ. Ndirò abádhí rǐ kùtǒ mùsàlabhà dǒ, ròvè, kadù òtdùnà. Pbétù, ìbhu idho dzidǒ, kǎdùya ndìngbè òve-bvù rò.»

Zèbèdayò bhà ingba-tsánà rǐ ádrùngbǎnga nónzi Yèsù-fó pbìndà óyǒ inzo tò dhu

(Mrk 10.35-45)

²⁰Wò dhu-dzidǒ, Zèbèdayò bhà ingba-tsánà mà, pbìndà óyǒ inzo màna náandrì Yèsù-tí'ò. Ní ndi ingba-tsánà náakò ndì òtdyùna dǒ Yèsù-ònzǐ, ndínǐ ndì ndonzi tí dhu kà-fó.

²¹Ní Yèsù ivú dhu kà-tsǔ ndàti: «Ádhu nyi nyòzè?» Ní kǎdù dhu àdu Yèsù tò, ndàti: «Pbùkù ádrùngbǎnga tó idzi ǒ, ábhǔ kǎkà pbàkà óyǒ inzo ròkò tinú, atdí ràdì indù fangà dòná rò, ngătsi ràdù àdì ígù dòná rò.»

²²Ní Yèsù adù dhu àdu kà tò, ndàti: «Nyǐ nyùnì nzá wò nyǐ nyónzina fudú dhu. Nyǐ tí àdù yà ma mómvùna àpbè tó kópà-tsù nómvù òmvù?» Ní wò ingba-tsánà mà náadù dhu àdu Yèsù tò, àti: «Òmvù mǎ màdù òmvùnà.»

²³Ní Yèsù adù àtìnà abádhí nǎ: «Obhó tí, òmvè nyǎ nyòmuváya ma mómuvàna kópà-tsù. Pbétù ìndrù nǎlǎ ka kí ràdì idú fangà dònǎ rò, ndírò idú ígù dònǎ rò dhu ní nzǎ òtǎdu. I ngari ní yà Àbadu náabhòlò ka fǐyò ale tó.»

²⁴Wò dhu ì ìrì rò, atdí kumì ngǔkpà ábhàlǎ náadù àkò àkò tí kǒkò óyǒ atdí iya bhà ale rǒ.

²⁵Ní Yèsù adù pbìndà ábhàlǎ nánzì tina ò, ndàdù àtìnà abádhí nǎ: «Nyǎ nyúni wà yà ìndrù dǒ ádròdrǒ ale tí ka kátina ale náarádù ì ale nǎlǎ fǐyó ìno tí, ’ámbe avu dǒ ròyá dhu. Ndirò, nyǎ nyúni wà yà ádròdrǒ ale náarádù obìya à’è ìndrù dǒ tí dhu.

²⁶Pbétù, dhu àkǎ nzá ndònzì ndì ndì dhu bhěyi nzínziku ò. Atdí nzínziku ò ale náapé ndòzè ndàdì ádrùngbǎle tí, ní kà ràdù àkǎ ndì’ì fùkú kasutále tí.

²⁷Ndirò atdí nzínziku ò ale náapé ndòzè ndàdì wemberè tí, ní ndì ale ràdù àkǎ ndì’ì fùkú ìno tí.

²⁸Ndì dhu bhěyi ní ndì, Ìndrù t’ídhùnà nírà nzá ndínǎ ka kónzì tí kasu fìndà. Pbétù kírà ndínǎ ndònzì tí kasu ngǔkpà ale tò, ndàdù pbìndà ípìrǒnga nábhù ábhǒ ale nuwà tí.»

Yèsù rǐ óyǒ ndùmùndúmú nǎgǎ dhu

(Mrk 10.46-52; Luk 18.35-43)

²⁹Yèsù mà rǔvò pbìndà ábhàlǎ mànà Yèrikò tó kígò ò rò ònà kàsùmì ò, ábhǒ ihé-yà náadù òwu Yèsù-owù ò.

³⁰Ní yà otu-gì dǒ ì òkò ró ì’ì óyǒ ndùmùndúmú nǎrì Yèsù rǔda dhu. Ní abádhí adù ’òpè ’ùkǔ, ’ámbe àtìnà dǒ: «Ádrùngbǎle, Dàwudì-dhú bvǔ alé, ábà izu dǒkǎ!»

³¹Ihé-yà náadù òko ’ámbe òrù dǒ abádhí dǒ, ’adù abádhí návi rìnè. Pbétù kǒkòrì ndùmùndúmú náadù ùkǔ orù tǔya nyú nà tdítǒ, ’àti: «Ádrùngbǎlé, Dàwudì t’ídhùnǎ, ábà izu dǒkǎ!»

³²Ní Yèsù adù ide, ndànzì abádhí, ndàdù dhu ìvu tsùyá, ndàti: «Ádhu nyǎ nyòzè mǎnzì fùkù?»

³³Ní abádhí adù dhu àdu kà tò, ’àti: «Ádrùngbǎlé, ábhǔ nyǎkpóka ràla ìnga.»

³⁴Ní Yèsù adù izu nába abádhí dǒ, ndàdù abádhí-nyǎkpó-ngbò nǎpbala. Ní ányǎrǒ rò tí, kòrì óyǒ ale náadù ’òpè ’àla ìnga, ’adù òwu Yèsù-owù ò.

Màtayò 21

Yèsù rǒtsù Yèrùsàlemà tó kígò ò dhu

(Mrk 11.1-11; Luk 19.28-40; Yùw 12.12-19)

¹Íkyèrǒ Yèsù mà, pbìndà ábhàlǎ mànà nókò Yèrùsàlemà tó kígò ò ì owu tí ùvò rórò, ní abádhí nǎuto ì Bètèfagè tí kátina pbanga ò. Ndi pbanga ní’ì mìzèyìtunì tí kátina itsu náarì’ì dòná pbìrì-òngò rǒ. Ní Yèsù náavì óyǒ pbìndà ábhàlǎ ròwù angyi,

²ndàdù àtìnà abádhí nǎ: «Nyòwu wò angyi rǐ’ì fùkù pbanga ò. Ní ndì pbanga ò nyǎ nyòtsù rórò, nyǎ nyǎ kayinǒ-yà nótù òsò ka kòsò ró, pbìndà ìngba ràdù ì’ì tiná. Ní, nyùnga ka, nyǎdù ìwu abádhí nà kóró tídu ò.

³Ní atdí ale mà núnona gukyè dhu abádhí dǒ, ní nyí nyadùna àtìna: «Ádrùngbǎle rǐ'ì abádhí-atdyú nà.» Ní ányìrǒ rò tí, ka kadùna abádhí núbhà nyíwù nà.»

⁴Wǒrǐ dhu náanzì ndì ndínǐ angyí nabì Zákàriyà núuno dhu náaká tí. Kǎti:

⁵«Nyàti Sàyunì tó kigò ǒ tsìbhíngba nǐ: «Ándà! Kànǐ pbùkù kamà rǐrà tinu ò! Kà rǐrà ìyònga nyú ǒ, kayinǒ-yà dǒ ndì ndàdì rórò, kayinǒ-yà bhà ingba dǒ ndì ndàdì rórò .»»

⁶Ní ábhàlǐ náawù, 'àdù yà Yèsù àvinà fǐyò dhu nónzì.

⁷Abádhí níiwú kayinǒ-yà nà pbìndà ingba màna, 'àdù ròyá ǒrú mùdzarè núhu dòyá, Yèsù ràdù àdì dòná.

⁸Ábhǒ ihé-yà núuhu ròyá mberù otu ǒ. Ngǔkpà ale náadù itsu-dòkà nókò, 'àdù ùhunà otu ǒ.

⁹Ní yà angyi rówu Yèsù-ònzǐ ale mà, kǒwù ǒ ríwu ale màna náambénà ùkù dǒ, 'àti: «Hòsanà! Ilèta náká kabhu Dàwudì-dhú bvù ale tò! Kàgàwà náká ndàso Ádrùngbǎle-òvò rǒ rǐrà ale! Hòsanà! Ilèta náká kabhu òrù-akpà ò arí'ì Kàgàwà tò!»

¹⁰Ní Yèsù rǒtsù Yèrùsàlemà tó kigò ò rò, kóró ale-tsi náava ndì, 'àmbe àtìna dǒ: «Wǒrǐ ale tí àdhi?»

¹¹Ní ihé-yà noowúnà dhu àdu rǒ abádhí tò, 'àti: «Nabì Yèsù ní yà, Nàzàretì-ale, Gàlilayà tó pbìrì ǒ.»

Yèsù rǐ Kàgàwà bhà idzá rò rǐ dhu nùdzǐ ale nódì dhu

(Mrk 11.15-19; Luk 19.45-48; Yùw 2.13-22)

¹²Wò dhu-dzidǒ, Yèsù náatsù Kàgàwà bhà-dza ò, ndàdù ányì-dzá rò rǐ dhu òdzi ale mà, ányì-dzá rò rǐ dhu ùdzǐ ale màna dhu nódì kóró. Kǎdù fùrangà-ǒnga núwù rǐ ale rǐ fùrangà núwù dòná rò mizà mà, àmbò nùdzǐ rǐ ale nókò dòyá tombi màna dhu nátdì.

¹³Wò dhu-dzidǒ, kǎdù àtìna ì ale nǐ: «Kàgàwà bhà bhùkù ò Andítá rǎtina: «Pbàkà idza ní ka kanziya itsòta-dzà tí, pbétù nyí, nyí nyàdù kùgèrè rǒngò ogbotále náarí 'ùru ònà ngari tí.»»

¹⁴Wò dhu-dzidǒ, ndùmùndúmú mà, otsutále màna níiwú Yèsù-tǐ'ò Kàgàwà bhà idza ǒ, ka ràdù ì nígu.

¹⁵Ní pbàkùhání tó ádròdrǒ ale mà, Músà bhà Uyátá tó màlímó màna náakó yà Yèsù rǒnzina wíwì ì àla rò, ndìrò nzónzo rùkù Kàgàwà bhà idzá dhu ì ìrì rò. Ì nzónzo ambénà àtìna dǒ: «Hòsanà! Ilèta náká kabhu Dàwudì dhú-bvù ale tò.»

¹⁶Abádhí adù dhu ìvu Yèsù-tsǔ, 'àti: «Nyí tí kǒkò nzónzo rǔnona dhu níri ìri?» Ní Yèsù adù dhu àdu abádhí tò, ndàti: «Ìri ma mírina! Nyí nyàpè tí nzá Kàgàwà bhà bhùkù ò ka kándì dhu nózù? Ndì Andítá rǎtina: «Nyí nyábhù nzónzo mà, ndìrò iré-nzo màna dhu ràmbe nyífu dǒ.»»

¹⁷Wò dhu-dzidǒ, Yèsù adù ndìvà pbàkùhání tó ádròdrǒ ale mà, Músà bhà Uyátá tó màlímó màna tí rò, ndàdù àhu kigò ò rò, ndàrà Bètaniyà tí kátina pbanga ò. Ányì ní ndì kǎdù àrà òdhò.

Yěsù rǐ m̀tìnì tí kátìna itsu nófù dhu

(Mrk 11.12-14,20-25)

¹⁸Tsútsǎ nínganì kútsingánǎ Yěsù rǐngo Yèrùsalemà tó kigò ò ònà kàsùmì ǒ, kǐ'ì àwù nà.

¹⁹Ní kǎla m̀tìnì tí kátìna atdí itsu otu-gì dǒ, ndàdù òndri tina ò. Pbétù kǎdù ndì itsu-bǐ kèlě nótù. Ní kǎdù ndì itsu nófù ndàtì: «Ròpè ndì indo, atdí itsu-kpǒ mà nǎkǎ nzá ndò'ò dùnú tdítǒ.» Ní ányìrǒ rò tí wò itsu náadù òtdyù atdíǒ.

²⁰Yěsù bhà ábhàlǐ náala wò dhu, idho ràdù ùkò atdíǒ. Ní abádhí adù dhu ìvu Yěsù-tsǔ, 'àtì: «Wòrǐ m̀tìnì nóttyù atdíǒ kòmbómbí tí ìngbà-dhu bhěyi?»

²¹Ní Yěsù adù dhu àdu abádhí tò, ndàtì: «Ma mí obhó dhu núnò fùkù, nyǐ nyapè ì'ì a'uta nà ìnzǐ affikù ràdù ùguru, ní nyǐ nyǐ nzǐ àdù wò itsu rǒ ma m̀nzì dhu kèlě nónzì. Pbétù, nyǐ nyádù àtìna yà pbìrì nǐ m̀tì: «Íngbè nyǐ uró rò, nyadù àrà ìtsì ádrùngbǎ rèrè ò! » Ní ndì dhu ràdù ndònzǐ yà nyǐ nyùnò ka dhu bhěyi tí.

²²Nyǐ nyapè ì'ì a'uta nà, ní nyǐ nyádù fùkù ìtsòta ǒ nyǐ nyònzì kóró dhu-tsí nábà àbà.»

Yěsù bhà ádrùngbǎnga nǐrà àdhà rò?

(Mrk 11.27-33; Luk 20.1-8)

²³Wò dhu-dzidǒ, Yěsù atsù Kàgàwà bhà idza, ndàdù ndòpè ndùdhe dhu ìndrǔ tò. Ní pbàkùhánì tó ádròdrǒ ale mà, Pbàyàhúdì-bvǔpbàkùrǔ màna náandrì Yěsù-tì'ò, 'adù dhu ìvu kà-tsǔ 'àtì: «Ádhi nyǐ návi nyongò kóró kòrì dhu nónzì? Ádhi ádrùngbǎnga tó òbì nábhu ìndù nyongò ì dhu nónzì nǐ?»

²⁴Ní Yěsù adù dhu àdu abádhí tò, ndàtì: «Ma mí atdí dhu kèlě níwù tsùkù. Nyǐ nyapè ndì dhu nádù idù, ní ma m̀adù ma m̀arì ì dhu nónzì pbìndà òbì nǐ ale núnò fùkù.

²⁵Ádhi Yùwanì nivi rǐrà bàtizò núbho ìndrǔ tò? Tí Kàgàwà, ndìrò ngǎtsì nǐ tí ìndrǔ?» Pbétù abádhí náadù 'òpè 'ìrè nga nzínziya ǒ, 'àmbe àtìna dǒ: «Àlě kapé dhu àdù Kàgàwà rǐrǐ ndì ka nivi, ní kǎdùna dhu ìvu àlě-tsǔ ndàtì: «Olu, ádhu ìnzá nyǐ nyadù Yùwanì núnò dhu ná'ù nǐ? »

²⁶Ndirò àlě kapé àtìna, ìndrǔ rǐrǐ ndì ka nivi, ní àlě kǐ ihé-yà-òdò nónzì, kóró ale náarì Yùwanì nózù Kàgàwà bhà nabì tí nǐdhunǐ.»

²⁷Nìrò ní ndì abádhí adù dhu àdu Yěsù tò, 'àtì: «Ínzá mǎ m̀nì.» Ní Yěsù adù dhu àdu abádhí tò, ndàtì: «Íma nyú mà átò, ma mí nzǐ ì dhu nónzì ma m̀arì nǐ òbì núnò fùkù.»

Atdí àba bhà óyǒ kpabhínzo tó mbólí

²⁸Wò dhu-dzidǒ, Yěsù adù dhu ìvu tdítǒ abádhí-tsǔ, ndàtì: «Ádhu nyǐ nyìrè yà ma m̀awèna mbólí dǒ? Atdí ale ní'ì óyǒ pbìndà kpabhínzo nà. Ní kǔno dhu atdí ìngba tò ndàtì: «Pbànǐngbá, àrà nyonzi kasu vǐnyò tó ìnga ò indo.»

²⁹Wò ìngba náadù dhu àdu àbanà tò, ndàtì: «Ínzǐ ma m̀arà àwólò! » Pbétù olù nyú, kǔgèrè pbìndà ìrèta, ndàdù ndìvà, ndàrà vǐnyò tó ìnga-bvù.

³⁰Tdítǒ wò ale núnò àdhàdhì dhu kèlě ngǎtsì pbìndà ìngba tò. Ní ndì-tsí náadù dhu àdu àbanà tò, ndàtì: «Àrà ma m̀arà àbà.» Pbétù kǎdù nzá àrà ndì ìnga-bvù.»

³¹Ní Yěsù adù dhu ìvu pbàkùhání tó ádròdrǒ ale mà Pbàyàhúdí ǒ pbàkùrǔ mànà-tšǔ ndàtì: «Ádhi ndi kǒkò óyǒ kpabhínzo nzínzi ǒ, àbanà òzè dhu nanzì?» Ní abádhí adù dhu àdu Yěsù tò, 'àtì: «Yà angyi àbanà àvinà ràrà kasu ònzì ingba.» Nírò ní ndi Yěsù adù àtìnà abádhí nǎ: «Ma mí obhó dhu núno fǔkù, pàratà t'úfótá tó pbàndómbé mà, múnnyòni tó vèbhále mànà nóowuya ùvò angyi rùkú Ádrùngbǎ kamà Kàgàwà bhà idzi ò.

³²Obhó tí, bàtizò nubhónà Yùwanì níira bvùkù, ndàdù obhónánga tó otu nítè fǔkù, ní nyǎ nyadù nzá kà rǔnna dhu ná'ù. Pbétù pàratà t'úfótá tó pbàndómbé mà, múnnyòni tó vèbhále mànà ní i kà rǔnna dhu ná'u. Ndirò wò ndi dhu mà nyǎ nyàla rò, nyǎ nyadù nzá nyǔgèrè, nyǔbhà fǔkú nzérenge, nyàdù Yùwanì rǔnna dhu ná'ù.»

Vínyò tó inga ǒ rí kasu ònzì òrǒrù kasutále tó mbólí

(Mrk 12.1-12; Luk 20.9-19)

³³Wò dhu-dzidǒ, Yěsù adù àtìnà pbàkùhání tó ádròdrǒ ale mà Pbàyàhúdí ǒ pbàkùrǔ mànà nǎ: «Nyǎ ngàtsi mbólí. Atdí ale náazò pbìndà vínyò tó inga, ndàdù ngbóna nákpòrò kòròwà nǎ. Kǎdù ndi vínyo-kpǒ náhà ka kóngo òná ibhu nógyè, ndàdù ini nòsì ndi inga ǒ òdótále tò. Wò dhu-dzidǒ, àbadhi mà náadù 'irì ndi inga-kàsǔ nónzi róngo ale mànà, ndínì i owu tí ndi inga ǒ ò'ò dhu-ǒnga núndò rǒ i ale mànà. Wò dhu-dzidǒ, kǎdù ndivà ndàrà abhi ò.

³⁴Ní ndi vínyò-kpǒ nópè ka kí òná kàsùmì ǒ, kǎvì ngúfe ale pbìndà kasutále nzínzi ǒ ròwù fíndà ka kútù vínyò-kpǒ-tsí náko, ndi inga-kàsǔ nónzi arí ale-fó.

³⁵Pbétù, kòrí ale náadù kǒkò ùvì ka kùvì ale núlu ùlù tí. Abádhí náavì atdí, 'adù atdí nóhò, ndirò 'adù ibhu rí kìsè-tsí núbvù odu nǎ.

³⁶Tdítdǒ wò inga-àbadhi náavì ibí ngǔkpà kasutále, ròsè yà angyi í'ì dóna nǎ. Ní kǒkò vínyò tó inga-kàsǔ nónzi arí ale náadù i ale nónzi yà angyi í'ì ale i anzì dhu bhèyi tí.

³⁷Ní kà ríku dóna rò nǎ, wò inga-àbadhi náavì idhùnà nyú ràrà kǒkò pbìndà inga-kàsǔ nónzi arí ale-tí'ò. Kǎdù inga ìrè afína ò ndatì: «Ífǔ abádhí rǐ idhùdu nyú nífǔ.»³⁸Pbétù, wò vínyò tó inga kàsǔ nónzi arí ale níitdègu wò inga-àbadhi t'ídhùnà nálǎ, ní abádhí atè nzínziya ǒ 'àtì: «Kòni, inga-àbadhi tí ongoya olù ale nyú ní wò. Kòwu kòho ka, ndínì inga adù tí àdi àlè tò.»

³⁹Ní abádhí náalú inga àbadhi t'ídhùnà, 'ipfo inga ò rò, 'adù òhònà!»

⁴⁰Ní Yěsù adù dhu ìvu pbàkùhání tó ádròdrǒ ale mà, Pbàyàhúdí ǒ pbàkùrǔ mànà-tšǔ, ndàtì: «Nyǎ nyùnì rò, wò inga-àbadhi rǐrà àhu nínganí, kǒnzìya wò vínyò tó inga-kàsǔ nónzi arí ale ingbà dhu bhèyi?»

⁴¹Ní abádhí adù dhu àdu Yěsù tò, 'àtì: «Kǒkyeya kǒkò nzére ale ìmbǎ izú na, ndàdù ndi vínyò tó inga-kàsǔ nábhù ngǔkpà ale-fó. I ale ní i, kà tò róngo àdù òwu yà kà tò i ùtù vínyò-kpǒ-tsí nábhù rǒ, ndi vínyò-kpǒ i òpè òná kàsùmì ǒ.»

⁴²Tdítdǒ Yěsù adù dhu ìvu abádhí-tšǔ, ndàtì: «Nyǎ nyàpè tí obhó Kàgàwà bhà bhùkù ò ka kándì dhu òzù? Ndi Andítá rǎtina: «Yà odu-dzà nòsì arí ale náabvù igi odu, ní ndi

adù òngo idza-pbidò nódò rí ádrùngbă odu tí. Ádrùngbăle Kàgàwà ní ndi ndi dhu nanzi, ndirò ndi dhu ní idho rí àlě núkǒ nǐ.»

⁴³Ndi dhu-okú dò rò ní ndi, ma mátina nyǐ nǐ: ka kakòya Ádrùngbă kamà Kàgàwà bhà idzi fukú rò, kadù àbhunà yà ndi idzi-ònga nà àkă itse nódhì rádù ale tò.

⁴⁴[Yà ndi òbvù ka kabvù odu dǒ rítsì ale ní ònga níkòya ndi ìkò tí, ndirò ndi odu rítsì dóná ale ní ònga kǐnyiriya ìnyiri tí.»]

⁴⁵Ní, pbàkùhání tó ádròdrǒ ale mà, Pbàfàrisáyó mànà níitdègu kǒkò Yèsù àwe mbólí níri, ní abádhí adù dhu nósù ì rǎrǐ ndi Yèsù rǒte dòyá.

⁴⁶Ní abádhí adù 'òpè 'òmè Yèsù nálǔ ì'í ònà otu. Pbétù, abádhí náadù ihé-yà-òdò nónzi, kóró ale núuni dhu Yèsù rǎrǐ Kàgàwà bhà nabì nídhunǐ.

Màtayò 22

Àdhìngbă ka kùndà nǐ m̀hèndù tó mbólí

(Luk 14.15-24)

¹Wò dhu-dzidǒ, Yèsù náapè ndòvò dhu tdítǒ ihé-yà tò mbólí ǒ, ndàti:

²«Kànǐ òrù-akpà ǒ Ádrùngbă kamà Kàgàwà bhà idzi nófò ndi nà dhu: «Atdí ádrùngbă kamà náahù ndònzì m̀hèndù idhùnà bhà ndrǔ-àyì ka kùndà rò.

³Ní kǔví pbìndà kasutále ròwù ndi m̀hèndù ò iwú tí ndi ndúnzi ale návi rìwǔ. Pbétù, ì ale náadù nzá 'òzè 'iwǔ m̀hèndù ò.»

⁴Ní kǎdù ngǔkpà kasutále núvi tdítǒ ròwù, ndàdù dhu núya fǐyò, ndàti: «Nyàti, yà m̀hèndù ò iwú tí ma múnzi ale nǐ: m̀hèndù tó ònyù níye wà, pbàkà ìkyì-akpá mà, ivu nà ìzǎ mànà ní ka kàzè wà. Kóró dhu-tsí àkă wà, ní nyìwǔ àdhìngbă ka kùndà nǐ m̀hèndù ò.»

⁵Pbétù, wò ka kùnò dhu náatdú nzá kǒkò ùnzi ka kùnzi ale-afí mà. Abádhí adù òwu ì òzè dhu nyú nónzi. Atdí ale náarà pbì inga-bvù, ngàtsi ale adù àrà pbìndà udzítá tó dhu-otù ǒ,

⁶ngǔkpà ale-tsí náadù wò ádrùngbă kamà bhà kasutále núlǔ, ì ràvu ròyá nzéere nyú, 'adù òkyènà.

⁷Ní wò ádrùngbă kamà náakó atdídǒ. Kǎdù pbìndà pbànówí nóvi ròwù kǒkò pbìndà kasutále nòkyè ale nòkyè, ndirò ràdù ì ale tó kigò núbì.

⁸Wò dhu-dzidǒ, kǎdù àtìnà òdòdi kasutále nǐ: «Àdhìngbă ka kùndà nǐ m̀hèndù tó ònyù níye wà. Pbétù, ndi ònyù nɔnyu tí ma múnzi ale náká nzá 'òtsù m̀hèndù-idzà ò.

⁹Ní nyòwu otu-yàgá ònǎ, nyàdù ányì nyǐ nyótùna ale núnzi kóró, rìwǔ m̀hèndù ò.»

¹⁰Ní kǒkò kasutále náawù ádròdrǒ ngudhà ò, ì rùndu kóró ányì ì òtù ale, nzéere dhu ònzi arí ale mà, ìdzìnga ònzi arí ale mànà, m̀hèndù-idzà-ònga ràlè ìndrǔ nǐ.

¹¹Nírò ní ndi ádrùngbă kamà náaròtsù m̀hèndù-dzà ò, ndàhu kǒkò ka kùnzi ale nándà. Ní kǎla atdí ale ìnzá m̀hèndù tó mberù nǎfǒ ró.

¹²Ní kǐvú dhu wò ale-tsǔ ndàti: «Pbǎlé, nyi nyìtsù ìngbǎ dhu bhěyi àzú-dza, ìmbǎ nyi nyí'ì mùhendù tó mùdzarù nà rórò?» Pbétù, wò ale rǎdùna dhu ní'ì mbǎ atdí màtí.

¹³Ní kamà adù àtìnà pbìndà kasutále nǐ: «Nyùtsi wò ale-pfò, kǒtsú mànà, nyǎdù kítùdù, nyòbvù iri ìnò ò. Ányì ní ɔdzi mà, ale-kù t'átrita mànà tó ngari.»

¹⁴Yèsù adù àtìnà tdítǔ ihé-yà nǐ: «Ùnzi ka kúnzi ale rǐ'ì abhò, pbétù òvò ka kòvò ale rǐ'ì ngúfe.»

Ìndrǔ rǐ dhu òngù Yèsù-tsǔ pàratà t'áfótá dǔ dhu

(Mrk 12.13-17; Luk 20.20-26)

¹⁵Wò dhu-dzidǔ, Pbàfàrìsáyó náawù mùhanurà nónzi, 'àdù 'irì ìngbǎ dhu bhěyi 'ì'ì dhu ìvù Yèsù-tsǔ, ndínǐ ì omvù tí kà-afí nǐ dhu dǔ.

¹⁶Ní abádhí adù ngúfe fǐyó ábhàlǐ mà, Hèròdè bhà ale mànà nóvi ròwù àtìnà Yèsù nǐ: «Màlimò, mà múni wà dhu nyi rarí obhó dhu núno. Nyi nyarí obhó dhu núdhè Kàgàwà òzè ìndrǔ ròkò tí dhu dǔ. Ndirò nyi nyarí nǐ ìndrǔ rǎdù ìrèna dhu ɔdò nónzi, ìnzǐ nyi nyarí ìndrǔ bhà ádrùngbǎnga nándà nídhunǐ.

¹⁷Ní, ádù pé dhu fǎkà yà mà mívùna tsùnù dhu dǔ. Àlě tó Úyátá návi tí àvì àlě rùfǔ ádròdrǔ kámá dǔ kamà Kàyìsarà bhà pàratà?»

¹⁸Pbétù Yèsù núuni abádhí rǐrèna nzere dhu angyangyi. Ní kǎdù àtìnà abádhí nǐ: «Nyǐ ɔyɔyɔ idàya nà alé, ádhu nyǐ nyí afídu númvù nǐ?

¹⁹Nyìtè pé ndi pàratà núfǔ ka kárí nǐ fùrangà-kpǔ mandà.» Ní abádhí adù atdí fùrangà-kpǔ nábhu Yèsù-fó.

²⁰Ní Yèsù adù dhu ìvu abádhí-tsǔ, ndàti: «Yà ka kòbhòlò nyina-wòyǔ, kǎdù ɔvòna nándi iró ale ní àdhi?»

²¹Ní abádhí adù dhu àdu kà tò, 'àti: «Ádròdrǔ kámá dǔ kamà Kàyìsarà.» Nírò ní ndi Yèsù adù àtìnà abádhí nǐ: «Nyùbho Kàyìsarà bhà dhu-tsí Kàyìsarà-fó'ò, nyǎdù Kàgàwà bhà dhu-tsí núbho Kàgàwà-fó'ò.»

²²Wò dhu bhěyi Yèsù àdu fǐyò dhu ì irì rò, idhò náadù abádhí núkò atdí. Ní abádhí náadù Yèsù núbhà, àdù òwu fǐyó dhu nǐ.

Pbàsàdùkáyó rǐ dhu òngù Yèsù-tsǔ ùvǔvè ale rǐ 'ùngbè ɔve-bvù rò dhu dǔ

(Mrk 12.18-27; Luk 20.27-40)

²³Ndi nínganí tí ngúfe Pbàsàdùkáyó níwú Yèsù-ti'ò. Abádhí ní ì arátina ìnzǐ ùvǔvè ale rungbeya ì ɔve-bvù rò. Ní abádhí níivú dhu Yèsù-tsǔ, 'àti:

²⁴«Màlimò, Músà náati atdí ale rapé tsìbhále námba, ndàdù òvè ìnzá ì ɔdhi atdí ngbángba mà rórò, ní dhu rǎkǎ ndi ale t'ádòna rùndu yà pbìndà kpatsìbhále óvè tsìbhále-tsù. Ndi dhu bhěyi ní ndi abádhí rǎdù nzónzo nódhì wò àvǎvè adòna-ɔvò dǔ .

²⁵Ní ndi dhu bhěyi tí, fàrǎbvù atdí ale ní'ì kpabhínzo nà àrùbhù. Ní sengba náambà tsìbhále, ndàdù òvè ìnzá ì ɔdhi atdí ngbángba mà rórò. Kǎdù venà núbhà lunatìnǎ adòna-fó.

²⁶Dhu adù ndònzì ndi dhu bhěyi tí kà-dzidõ kà t'ádònà rǒ, ndirò ìbhu rí kìsě kpatsìbhíngba rǒ màtí, ràrà àhu kóró kǒkò àrùbhù kpabhínzo ríku dhu ò.

²⁷Kóró kǒkò kpabhínzo núve dhu lutinǎ, wò ndi tsìbhále náadù òvè átò.

²⁸Ní ùvǔvè ale rǐ 'ùngbě ɔve-bvù rò nínganí, wòrí tsìbhále ní'íya àdhi-ve, kóró kǒkò àrùbhù ale núumbá ka nídhunǐ?»

²⁹Ní Yěsù adù dhu àdu abádhí tò, ndàti: «Nyǐ nyùwǐ itse nyú fùkú irèta ǒ, inzà nyǐ nyùni Kàgàwà bhà Andítá rúnona dhu mà, ndirò Kàgàwà bhà ádrùngbǎnga tó obi mà dhu-okú dò rò.

³⁰Obhó tí, ùvǔvè ale rǐ 'ùngbě ɔve-bvù rò nínganí, kpabhále mà vèbhále màna núumbáya nǐ ì. Pbétù abádhí nókoya Kàgàwà bhà màlàyíkà náaróko òrù-akpà ò dhu bhěyi.

³¹Ndirò, yà ùvǔvè ale rǐ 'ùngbě ɔve-bvù rò dhu dǒ, nyǐ nyàpè tí nzà Kàgàwà núuno kprangba fùkù dhu nózù? Kǎti:

³²«Ima ní Àbràhamù bhà Kàgàwà, Ìsakà bhà Kàgàwà, ndirò Yàkòbhò bhà Kàgàwà.»
Kàgàwà ní ípìròrò arí'ì ale tó Kàgàwà, ìnzǐ ní ùvǔve ale tó Kàgàwà.»

³³Wò Yěsù ùnò dhu ì ìrì rò, ìdho núuko ihé-yà atdíđ kà rǔdhěna dhu dǒ.

Ádrùngbǎ Uyátá ròsè kóró Uyátá dònǎ

(Mrk 12.28-34; Luk 10.25-28)

³⁴Pbàfàrìsáyó nítdègu Yěsù àdu Pbàsàdùkáyó tò dhu nábhù abádhí rìnè dhu ìrì, ní abádhí náadù 'àndu 'òtè.

³⁵Nírò ní ndi abádhí nzínzi ǒ atdí ale, Músà bhà Uyátá tó màlimò, náazè ndòmùvù Yěsù-afí. Ní kǐvú dhu Yěsù-tsǔ ndàti:

³⁶«Màlimò, ádrùngbǎ Uyátá ròsè kóró Músà bhà Uyátá dònǎ nǐ ìngbǎ Uyátá?»

³⁷Ní Yěsù adù dhu àdu kà tò, ndàti: «Dhu àkǎ nyoze pbùkù Ádrùngbǎle Kàgàwà kóró afínu màna, kóró atdyúnu màna, ndirò kóró pbùkù irèta màna.

³⁸Wòrí ní ndi wemberè tó ádrùngbǎ Uyátá ròsè kóró Uyátá dònǎ.

³⁹Ndirò, yàrí ní ndi ɔɔ rí kìsě Uyátá, yà ndi nòfò angyi rí'ì Uyátá nà: Dhu àkǎ nyoze odhìnu yà ìnyi nyú nyi nyóze nyi nyitírò dhu bhěyi.

⁴⁰Kóró Músà bhà Uyátá mà, Kàgàwà bhà pbànábí náarúdhěna kóró dhu màna nípbì ì kǒkò óyǒ Uyátá rǒ.»

Krístò nǎtí Dàwudì t'ídhùnà?

(Mrk 12.35-37; Luk 20.41-44)

⁴¹Pbàfàrìsáyó ní'ì ùndù ì ùndu ì ró. Ní Yěsù níivú dhu abádhí-tsǔ, ndàti:

⁴²«Ádhu Krístò dǒ nyǐ nyàrí ìrèna? Ádhi t'ídhùnà ndi?» Ní abádhí adù dhu àdu kà tò, 'àti: «Krístò ní Dàwudì t'ídhùnà.»

⁴³Ní Yěsù adù àtìnà abádhí nǐ: «Olu ádhu, Kàgàwà bhà Ìlǐlǎ-Alafí rǐ ndùnda rò, Dàwudì náati ka pbìndà Ádrùngbǎle tí nǐ? Ndi Dàwudì ati:

⁴⁴«Ádrùngbǎle Kàgàwà rǎtina pbàkà Ádrùngbǎle nǐ:

írà nyadì idú fangà dònǎ rò, ràrà àhu ma mí pbùkù òmvǔ nábhǔ nyòbè dòya dhu ò .»

⁴⁵Ní Dàwudì rǐ'ì Ádrùngbǎle tí rǐ Krístò nánzi, ní Krístò rǎdù ì'ì ìngbǎ dhu bhěyi kà t'ídhùnà tí?»

⁴⁶Ní Pbàfàrisáyó nzínzi ǒ atdí ale mà náadù nzá atdí dhu mà nádu Yěsù tò. Ndirò ròpè ndì ányǐrò rò, atdí ale mà náadù nzá ndòmǔvù ndòngù dhu Yěsù-tsǔ tǎdǐdǒ.

Màtayò 23

Yěsù rǐ ìndrǔ-nyǐkpó nítǔyǔ Pbàfàrisáyó mà Músà bhà Ʋyátá tó màlímó mànà rǔ rò dhu

(Mrk 12.38-40; Luk 11.39-52; 20.45-47)

¹Wò dhu-dzidǒ, Yěsù náavò dhu ihé-yà mà, pbìndà ábhàlǐ mànà tò, ndàti:

²«Músà bhà Ʋyátá tó màlímó mà, Pbàfàrisáyó mànà ní tó kasu narí 'àwe Músà bhà Ʋyátá-tì ìndrǔ tò.

³Ní dhu àkǎ nyǐrǐ abádhí-tsǔ dhu, nyǎdù abádhí àvi fǔkù kóró dhu ònzi. Pbétù, dhu àkǎ nzá nyǒnzi nyǐ abádhí náarí 'ònzi dhu bhěyi. Obhó tí, abádhí náarí nzǐ àdù yà ì údhèna ìndrǔ tò dhu nónzi.

⁴Abádhí náarí ì nà'ε ànò nǔtsi, 'àdù ùgbanà ìndrǔ-udǒ, pbétù ìnzǐ 'àdù 'òzè 'ùpbàlǎ ì ànò-ngbò ɔtsúya-dò nǐ màtí.

⁵Abádhí náarí kóró fǐyó dhu nónzi ndínǐ ìndrǔ náala tí. Ndi dhu-okú dò rò ní ndi abádhí náarí yà nyǐya-ndrìnǎ màtí, ndirò tsuyatsùnǎ màtí ì arúsòna ísòwǔ-nzo nóbhòlo rǐ'ì íhìhǔ. Ndirò abádhí arádù fǐyó mberù-bidò rǔ bhèlèbhélé nónzi rǐ'ì ádzàdzǐ nyú.

⁶Mùhendù ǒ, abádhí arí 'òzè 'òkò ndàvǐ rǐ ngari ǒ. Ndirò unduta-dzà ǒ, abádhí arí 'òzè 'òkò angyinǎ rò rǐ'ì ifuta tó tombi dǒ.

⁷Pbanga-tsidǒ ìndrǔ arí 'ùndù òyá ngari ǒ, abádhí arádù 'òzè katsè ì ifuta nyú nà, 'àdù 'òzè kanzì ì «Màlímó» tí.

⁸Pbétù, nyǐ nyàkǎ nzá nyǎbhu nyǐ kambe nyǔnzi dǒ «Màlímó» tí. Obhó tí, nyǐ nyǐ'ì Màlimò nà atdí tí, ndirò nyǐ ní atdí àba bhà ale.

⁹Ndirò yà adzi dǒ, dhu àkǎ nzá nyǎnzi atdí ale mà àbaku tí. Obhó tí, nyǐ nyǐ'ì Àbaku nà atdí tí. Ndi Àbaku ní Kàgàwà, yà òrù-akpà ò arí'ì ale.

¹⁰Ndirò dhu àkǎ nzá nyǎbhu nyǐ kambe nyǔnzi dǒ «Ìndrǔ ùnda arí ale» tí. Obhó tí, nyǔnda arí ní atdí ale kèlè. Ndi ale ní Krístò.

¹¹Nzínziku ǒ ádrùngbǎle tí rǐ'ì ale náadiya fùkù kasutále tí.

¹²Ndìdzǐ rǐ ndìtǐrò ɔrú ale, ní Kàgàwà ifoya ifò tí. Ndirò ndifò rǐ ndìtǐrò ale, ní Kàgàwà idzǐya idzǐ tí.»

Yèsù rǒrù ɔyɔyɔ ale-idà-dɔ nà ka kí'ì dhu dǎ dhu

(Mrk 12.40; Luk 11.39-42,47-52; 20.47)

¹³Yèsù adù àtìná tǎtǎdǎ: «Nyǎ nyí'ì àpè è, Músà bhà Ʋyátá tó màlímó mà, Pɔfàrìsáyó màná, nyǎ ní ɔyɔyɔ idàya nà ale dhu-okú dò rò! Nyǎ nyári ɔrù-akpà è Ádrùngbà kamà Kàgàwà bhà idzi è ka kòtsù òná tsàtsù nàpɔ ìndrù rǎ. Nyǎ nyári nzǎ òtsù ányì nyǎ-tírò màtí, ndirò nyǎ nyári nzǎ àdù ányì ì nòzè 'òtsù ale mà nàbhu ròtsù ányì.

¹⁴[Nyǎ nyí'ì àpè è, Músà bhà Ʋyátá tó màlímó mà, Pɔfàrìsáyó màná, nyǎ ní ɔyɔyɔ idàya nà ale dhu-okú dò rò! Nyǎ nyári abvo-ayí-fó dhu núdhà kóró, nyǎdù àmbè nyǎtsò dǎ ádzàdzǎ, ndínǎ kati tí nyǎ idzi ale tí. Ndi dhu-okú dò rò ní ndi ka kòtdíya anya dǎkú ròsè ngǎkpà ale dǎná!]

¹⁵Nyǎ nyí'ì àpè è, Músà bhà Ʋyátá tó màlímó mà, Pɔfàrìsáyó màná, nyǎ ní ɔyɔyɔ idàya nà ale dhu-okú dò rò! Nyǎ nyarúbi kóró ngari è yà adzi dǎ, ndirò rǎrù dǎná màtí, ndínǎ nyǎ nyabá tí atdí ale mà, nyǎgèrè rǎngò fùkú ábhàlǎ tí. Ndi ale nyǎ nyàbà rò, nyǎ nyaràdù kàbhu rǎngò ìnzǎ aráve dhòdhòdhonganà kàzù è ogbeya ale tí ɔyɔ-gùna ròsè dǎkù nǎ.

¹⁶Nyǎ nyí'ì àpè è, yà ndùmùndùmú tǎrò nyǎ nyári ìndrù nùnda rò! Nyǎ nyarátina, atdí ale rapé dhu òtsò Kàgàwà bhà idza-ɔvò rǎ, ní ndi dhu rǎnzina dhu rǎrǎ'ì mbà. Pɔtù, ndi ale rapé dhu òtsò Kàgàwà bhà idzá dhu ka kòbhòlò nǎ ɔrò-ɔvò rǎ, ní dhu rǎràdù àkǎ ndi ale rǎnzì wò ndi ndòtsò dhu okúna dò rò dhu.

¹⁷Nyǎ ní ìmbà dǎya nà ale, ndirò ndùmùndùmú! Ádhu ndi ádrùngbà dhu nyú ròsè? Tí ɔrò, ndirò tí Kàgàwà bhà idza, wò ndi ɔrò nùgèrè rǎngò Kàgàwà-nyǎkpò è ìlǎ dhu tí?

¹⁸Nyǎ nyaràdù àtìná átò, atdí ale rapé dhu òtsò màzàbahù-ɔvò rǎ, ní ndi dhu rǎnzina dhu rǎrǎ'ì mbà. Pɔtù, ndi ale rapé dhu òtsò ndi màzàbahù dǎ rǎ'ì perè tí ka kàbhu Kàgàwà tò dhu-ɔvò rǎ, ní dhu rǎràdù àkǎ ndi ale rǎnzì wò ndi ndòtsò dhu okúna dò rò dhu.

¹⁹Nyǎ ní ndùmùndùmú! Ádhu ndi ádrùngbà dhu nyú ròsè? Tí yà Kàgàwà tò ka kàbhu perè? Ndirò, tí màzàbahù, wò ndi perè nùgèrè rǎngò Kàgàwà-nyǎkpò è ìlǎ dhu tí?

²⁰Atdí ale náapè dhu òtsò màzàbahù-ɔvò rǎ, ní kòtsò wà dhu ndi màzàbahù-ɔvò rǎ, kóró dǎná rǎ'ì dhu màná.

²¹Atdí ale náapè dhu òtsò Kàgàwà bhà idza-ɔvò rǎ, ní kòtsò wà dhu ndi Kàgàwà bhà idza-ɔvò rǎ, ndirò ányì-dzá arádi Kàgàwà-ɔvò rǎ.

²²Atdí ale náapè dhu òtsò ɔrù-akpà-ɔvò rǎ, ní kòtsò wà dhu Kàgàwà bhà tombi-ɔvò rǎ, ndirò kòtsò wà dhu ndi tombi dǎ àdi Kàgàwà-ɔvò rǎ.

²³Nyǎ nyí'ì àpè è, Músà bhà Ʋyátá tó màlímó mà, Pɔfàrìsáyó màná, nyǎ ní ɔyɔyɔ idàya nà ale dhu-okú dò rò! Nyǎ nyári ònyù-dzi nàbhù arí rǎngù mběyi ìrǎ-bǎ-tidò mà, pɔbǎ èbhòlò ka karí nǎ ìrǎ-bǎ-tidò mà, ònyù àbhù arí ròvù mběyi ìrǎ-bǎ-tidò màná tó atdínga idrè dǎ nùbhò perè tí Kàgàwà tò. Pɔtù, nyǎ nyaràdù Músà bhà Ʋyátá nzínzi è ádròdrò Ʋyátá nyú nùbhà ìnzǎ nyǎfù. I Ʋyátá ní: Obhó dhu nónzi ka kí dhu mà, izu àbà

ka kí ìndrũ dǒ, kadù dhu ùbà fíndà dhu mà, ndirò dhu ka kòtsò okúna dò rò dhu ònzi ka kí dhu màná. Kǒkò ní i àkákǎ nyǒnzi dhu, inzà nyí nyùbhà ngǔkpà Ʋyátá nífũ nyí nyí dhu rórò.

²⁴Nyí, ndùmùndúmú tí rò nyí nyáí ìndrũ núnda rò! Nyí nyáí òmvùna nyí nyí dhu núrǒ ùrǒ tí, akye nyungunyungu mà núudàna ònà ní, pbétù nyí nyarádù ngámíyà nyú nótò ùkù!

²⁵Nyí nyí'ì àpbè ǒ, Músà bhà Ʋyátá tó màlímó mà, Pbàfàrisáyó màná, nyí ní ɔyɔyɔ idàya nà ale dhu-okú dò rò! Nyí nyáí kópà mà sǎni màná-ngbò nú'ǒ, pbétù i kópà mà, i sǎni màná ònga ràdù i'ì ùlè tí i ùlè ogbo ǒ nyí nyùwě dhu mà, ìndrũ-fó rò nyí nyùdhà ɔbi ní dhu màná ní.

²⁶Inyi, ndùmùndúmú tó Mùfàrisayǒ, ú'ǒ pé kópà ò nga angyi rìlǎ, ndirò ní ndi kà-ngbò ràdù ìlǎ átò.

²⁷Nyí nyí'ì àpbè ǒ, Músà bhà Ʋyátá tó màlímó mà, Pbàfàrisáyó màná, nyí ní ɔyɔyɔ idàya nà ale dhu-okú dò rò! Nyí nyúli nyí ùtrí ka kùtri ròwù adzi-dò bhěyi. I adzi-dò ràdù ùya atdíǒ iri nǎ rò, pbétù òyà rò 'àdù i'ì ùlè tí i ùlè ùvùve ale-kpa mà, kóró ùmǔmò dhu-tidò màná ní ró.

²⁸Nyí nyú mà átò, nyí nyarólo idzi ale bhěyi nyǎndà rí ale-nyìkpó ǒ. Pbétù afíku ònǎ rò pbání ùlè tí nyí nyùlè ɔyɔyɔ ale-idà mà, nzérenga màná ní rórò.»

²⁹Tdíǒ, Yèsù adù àtìna abádhí ní: «Nyí nyí'ì àpbè ǒ, Músà bhà Ʋyátá tó màlímó mà, Pbàfàrisáyó màná, nyí ní ɔyɔyɔ idàya nà ale dhu-okú dò rò! Nyí nyáí ibhu nógye Kàgàwà bhà pbànábi ka kutú tí òyà, nyǎdù obhónángatále-adzi-dò tǔrò nónzi.

³⁰Ndirò nyí nyarádù àtìna: «Mǎ mi'ina gukyè yà abhúka ní'ì òná kàsúmì ǒ, ní mǎ mǐrìna nzí mǎ abádhí màná mǔfù Kàgàwà bhà pbànábi-azù.»

³¹Wò dhu bhěyi ní ndi, nyí nyà'ù wà dhu nyí-tírò, nyí rǎrǎ yà Kàgàwà bhà pbànábi nakyè ale tó pbàdzukurù.

³²Nírò, nyònzì i abhúku náapè kasu, nyòwù ùtsànà!

³³Nyí ní osu! Atdíǒ aróru àmvò! Nyí nyugùya ìngbǎ dhu bhěyi anya ìtdi ka kí dükú kawà nyí yà ìnzì aráve dhòdhóhonganà kàzù ò dhu ǒ rò?

³⁴Ndi dhu-okú dò rò ní ndi, ma mí Kàgàwà bhà pbànábi mà, dhu-ònga t'òvòta núni ale mà, Músà bhà Ʋyátá tó màlímó màná núvì ròwù bvùkù. Nyí nyòkyeya atdíthená ale abádhí nzínzi ǒ, nyǎdù ngǔkpà nútò mùsàlabhà dǒ. Nyí nyadùya ngǔkpà nòvì asé ní fùkú unduta-dzà ǒ rò, nyǎdù àvu ròyá kóró kígò òna nǎ.

³⁵Ndi dhu bhěyi ní ndi, ka kitdiya yà ìmbǎ afátá na ndi nufu azu-ànyǎ kóró dükú, ròpè ndi Àbèli, obhónángatále-azù rǒ rǒ, rǎrà àhu Zàkàriyà, Bèrèkiyà t'ídhùnà-azù ò. Ndi Zàkàriyà nyí nyahò màzàbahù mà yà «atdíǒ ìlǎ ngari» tí kátina káluga màná nzínzi ǒ rò.

³⁶Ma mí obhó dhu núno fùkù: Kàgàwà nítdiya kóró kòrí ale-azù-ànyǎ kǎkà indo arí'ì ale dǒ!»

Yěsù rǐ dhu òzu Yèrùsàlemà tó kigò dǎ dhu

(Luk 13.34-35)

³⁷Wò dhu-dzidǎ, Yěsù apè òte ndàti: «Yèrùsàlemă, Yèrùsàlemă, Kàgàwà bhà pbànábí nókýe nyi nyarí, nyádù Kàgàwà òvì tìnù ò ale núbvu odu nǐ rò, ma mómvu mandu ùnú aróko ale-tsù ife-gùna, àdhàdhì à'ǔ-yà-ba náarí pbìndà inzo nándù pékéléna-tsi dhu bhěyi. Pbétù nyi nyádù nzá ndi dhu nózè!

³⁸Nírò, kànǐ Kàgàwà rǐ pé yà ùnú arí'ì pbìndà idza núbha ròngò rùngù tí.

³⁹Ma mí dhu ùno fùkù: Ròpè ndi kombí nyǐ nyí nzǐ mală tdítǎ, ràrà àhu nyǐ nyowuya àtìnà ìma nǐ: «Kàgàwà àkă ndàso Ádrùngbăle-òvò rǎ rǐrà ale» dhu ò!»

Màtayò 24

Yěsù rǐ Kàgàwà bhà idza ka kugoloya dhu nóvò dhu

(Mrk 13.1-2; Luk 21.5-6)

¹Yěsù àhu Kàgàwà bhà idza rò ndàmbe àrà dǎ òná kàsùmì ǎ, kàbhàábhàlǐ náandrì kà-ti'ò, 'àdù Kàgàwà bhà idza ka kósì tí dhu nítè kà tò.

²Nírò ní ndi Yěsù adù àtìnà abádhí nǐ: «Nyǐ nyàla tí wà kóró kǎkò dhu? Ma mí obhó dhu núnò fùkù: ngàtsi nínganì atdí odu mà nóodíya nzǐ ngàtsi odu dǎ yà iró ka kòrè odu nzínzì ǎ, inzà ka kùgolo ndi rórò.»

Yěsù rǎte tdǎ ndi ndingo òrù-akpà ò rò rò ìndrù abáya àpbè dǎ dhu

(Mrk 13.3-13; Luk 21.7-19)

³Yěsù àdi Mizèyitunì tí kátina itsu náarí'ì dóná pbìrì dǎ rórò, kàbhà ábhàlǐ náawù òyá kà-ti'ò, 'àdù dhu ìvu kà-tsù 'àti: «'Úno pé wò dhu nóonziya ndi òná kàsùmì fákà. Ndirò, ádhu ndi nyi nyíngò òná, ndirò kóró yà adzi ǎ dhu-tsù rǐ ndòdì òná kàsùmì nitèya fákà?»

⁴Ní Yěsù adù dhu àdu abádhí tò, ndàti: «Nyàndà nga mběyi, ndirò àpé nyàbhù atdí ale mà rùtră nyǐ.

⁵Ábhǎ ale nóowuya ìwu rǎ òvòdu rǎ, 'àdù àtìnà: «Ìma ní Krístò.» Ndirò abádhí núutràya ábhǎ ale nyú.

⁶Nyǐ nyíríya ìla-òyǐ mà, 'ònzì rí ìla-gìrìtǐ màná. Pbétù, àpé nyàbhùya òdo rìsǐ ùkù. Obhó tí, dhu àkă wà kóró kǎkò dhu rònzì ì. Pbétù, wòrì ní'íya nzǐ yà adzi ǎ dhu-tsù rǐ ndòdì kóró dhu.

⁷Atdídhená ale-tidò nóowuya 'ùgyè rǎ ngǔkpà ale-tidò màná. Ndirò atdí ádrùngbă kamàbhà pbìrì ǎ ale mà, nóowuya 'ùgyè rǎ ngàtsi ádrùngbă kamà bhà pbìrì ǎ ale màná. Ágàyì mà mùtìtì màná ní'íya dhèdhèrò ngari òná.

⁸Kóró ndi àpbè ní'íya àdhàdhì yà ari òpè ndàkà ndi òná tsìbhále náarábàna àpbè bhěyi.

⁹Kǎkò dhu rǐ 'ònzì òná kàsùmì ǎ, ìndrù nóowuya nyípfo rǎ ndínǐ ka kavù tí rùkú, kadù nyǎkyè. Kóró ale yà inzà Kàgàwà núnì nóonróya nyǐ okúdu dò rò.

¹⁰Wò ndi kàsùmì ǒ, ábhǒ ale nyú núubhàya fíyó a'uta. Abádhí nóondróya ì nzínzìya ǒ. Ndirò nzínzìya ǒ, abádhí nówuya ì nípfo rǒ, 'ùbho ì òmvǔ-fó.

¹¹Títò tó ábhǒ pbànábíúnyàya ì, 'àdù ábhǒ ale nyú nútra.

¹²Nzérénga nówóya yà adzi dǒ, ràdù ábhǒ ale tó àzè nábhu ràzo.

¹³Pbétù, kǒkò dhu-dzi òndù rí kóró, ràrà àhu kóró dhu-tsù rǐ ndòdì dhu ò ale ní ndi ògù ǒgúya.

¹⁴Ka kúnɔya pé òrù-akpà ǒ Ádrùngbǎ kamà Kàgàwà bhà idzi tó Ídzì Mākǔrù angyi kóró yà adzi ǒ, ndíní kóró ale adù tí ìrìnà. Ndirò ní ndi yà adzi ǒ dhu-tsù náadùya ndòdì.»

Yèsù rǒte ǎdòna rǒ'ɔ ìndrǔ-tse ǎtdì rí dhu dǒ dhu

(Mrk 13.14-23; Luk 21.20-24)

¹⁵Wò dhu-dzidǒ, Yèsù adù àtìnà pbìndà ábhàlǐ nǐ: «Nyǐ nyalaya yà Kàgàwà bhà nabì Dànyelè núuno ǎdòna rǒ'ɔ atdíǒ òndrò ka kóndrò atdíǒ ale» tí ka kátina ale, Kàgàwà bhà idzá ìlǐlǎ ngari ò ìdè ró. Yàrí dhu ǒzù rí ale náakáya ndàlǔ ka mběyi dóna ò!

¹⁶Ní ndi nínganí, Yùdeyà tó pbìrì ǒ ì nòtù ale náakáya ǒtsè pbìrì-akpá dò.

¹⁷Pbì idza dò ka kóbhòlò okota tò ngari ò ndi nòtù ale, náakáya nzǐ ndifò, ndìrà pbì idzá dhu númbà ndòkù nà.

¹⁸Ndirò, inga-bvù ndi nòtù ale náakáya nzǐ ndòngò ìbha, ndàrà róná ɔrú mùdzarù nídyì.

¹⁹Ndi nínganí, ɔya nà rǐ'ì vèbhále mà, ìba nóndo rí nzónzo rǐ'ì foyá vèbhále mànà ní'íya ádrùngbǎ àpbè ǒ!

²⁰Nyìtsò nyǐ Kàgàwà rǒ, ìnzǐ nyǐ nyángìlì dhu ní'íya tí yà igye àmǒ ǒnà ádrùngbǎ gírì nà kàsùmì mà, ndirò sàbatù-idhò mànà ǒ.

²¹Ndi nínganí, ìndrǔ náabáya àpbè abho nyú, ròsè kóró yà ì abà yà Kàgàwà náanzìna yà adzi rò rìrà àhu indo àpbè dónǎ. Ndirò ndi àpbè-tidò ní'íya mbǎ tdítǒ akεkpá màtí.

²²Ìnzǐ Kàgàwà núungòna gukyè wòrí idho-ǒnga, ní atdí ale mà náagùna nzǐ. Pbétù kùngò ndi idho-ǒnga ròngò ídǒ yà fǐndà oko tí ndi ndavò ale-okú dò rò.

²³Atdí ale mà náatiya gukyè nyǐ nǐ: «Nyàndà! Kànǐ Krístò rǐ'ì iró! » ndirò ndàti: «Ndǎnǐ kà rǐ'ì ndòró! », ní àpé nyǎ'uya ka.

²⁴Títò tó Krístò mà, títò tó pbànábí mànà núnyàya ì, 'àmbe ádròdrǒ wíwí mà, ìnzà apèna 'ònzì angyi ìndrǔ-nzínzì ǒ dhu mànà dhu ǒnzì dǒ, ndíní ì utrá tí fǐndà Kàgàwà avò ale mà, àkáká fíyò nǐ.

²⁵Kòní, ma mòvò wà ndi dhu angyangyi fǔkù!

²⁶Ìndrǔ owuya gukyè àtìnà rǒ nyǐ nǐ: «Nyàndà, ndǎnǐ kà rǐ'ì rùngù ò, » ní àpé nyòwuya òwu rǒ ányì. Ndirò, ìndrǔ owuya gukyè àtìnà rǒ: «Kànǐ kà rǐ'ì kàluga ǒ, » ní àpé nyǎ'uya ì ale rǔnɔna dhu.

²⁷Obhó tí, Ìndrù t'ídhùnà rǐrà dhu níliya ndì àdhàdhì ɔvo náarámbilì òrù-akpà rǒ, ndìtò ndì adyifò náarí ndìtò inǎ rò, ndùdà adyifò náarótsù inǎ rò dhu bhèyi.

²⁸Abvo rǐ'ì róngá ní ndì pbàsègè núunduya ì òyá.»

Ìndrù t'ídhùnà rǐngo dhu

(Mrk 13.24-27; Luk 21.25-28)

²⁹Yèsù adù àtìnà tdítǎ òbǎhǎlǐ nǐ: «Wòrí ádrùngbǎ àpbe dzidǎ tí adyifò núutìya, àbǐ ràdù inga t'áwùta núbhà. Alalì náawáya ì òrù-akpà-nyì rǒ rò, ndirò ádròdrǒ ɔbi nà arí'ì òrù-akpà ò dhu-tsí níivìya.

³⁰Nirò ní ndì ka kalaya Ìndrù t'ídhùnà rǐngo dhu ìtè rí dhu òrù-akpà-nyì rǒ. Ní yà adzi ò kóró ale-tidò náambèya 'ùhu dǎ atdídǎ. Abádhí náalaya Ìndrù t'ídhùnà, òrù-akpà ò rò rǐrà ádrùngbǎ àpbù dǎ, ádrùngbǎnga tó ɔbi nà, ndirò ádrùngbǎnga tó awáwù ò ró.

³¹Ádrùngbǎ wàndà nóongóya, Ìndrù t'ídhùnà, ràdù pbìndà màlàyíká núvi ìfò yà adzi-pbidò ònǎ, ndínǐ fǐndà ndì ndavò ale-tsù nundu tí, rǒpè ndì yà adzi náapè ndì ì rò, rǎrà àhu kà-tsù náarà ndòdì ì.»

Mùtìni tí kátina itsu tó mbólí rǎvina dhu

(Mrk 13.28-31; Luk 21.29-33)

³²Wò dhu-dzidǎ, Yèsù adù àtìnà pbìndà òbǎhǎlǐ nǐ: «Nyìrè pé mùtìni-kpa dǎ rǒtè mbólí rǎvina dhu: yà kà-bǐ nípbàná ndì tsànda ò rò, kǒpbi náapè ì'ǎ, bǐna ràdù ndòpè ndàtà, ní nyùni dhu lábhu tó kàsùmì rǐrà wà.

³³Ní ndì dhu bhèyi tí, nyì nyalaya gukyè kǒkòrí dhu rǐ 'ònzì dhu, ní nyì nyuniya dhu Ìndrù t'ídhùnà rǐngo ònǎ kàsùmì rǎkǎ wà, ndirò kà rǎrǐ'ì tsàtsùnǎ.

³⁴Ma mí obhó dhu núno fǔkù, kǎkà kòmí rǐ'ì ale rǐ nzǐ ùve kóró inzǎ kǒkò dhu nónzì ì rǒrò.

³⁵Òrù-akpà mà, yà adzi màná núudàya ùdà, pbétù pbàkà ɔte núudàya nzǐ akekpa màtí.»

Atdí ale mà núni nzá Yèsù ingoya ònǎ idho dhu

(Mrk 13.32-37; Luk 17.26-30,34-36)

³⁶Yèsù adù àtìnà tdítǎ òbǎhǎlǐ nǐ: «Atdí ale mà núni nzá ì dhu nóonziya ì òyá idho mà ndì kàsùmì màná, ìmbǎ rǐ'ì òrù-akpà ò arí'ì màlàyíká màtí, ndirò ìmbǎ rǐ'ì Kàgàwà t'ídhùnà màtí. Pbétù ka núni ní Àba Kàgàwà kèlǎ atdirò.

³⁷Obhó tí, yà Nuwà bhà ato ò ì nanzì dhu nóonziya ì ndì dhu bhèyi tí yà Ìndrù t'ídhùnà rǐngo nínganí.

³⁸Obhó tí, angyinǎ rò, tdù idha núutù ràmbilì kóró yà adzi rò, ìndrù ongónà 'ònyù, 'àdù 'òmvù. Abádhí ongónà 'ùmba, 'àdù fiyó nzónzo nábhu rùmbǎ ì, rǎrà àhu Nuwà rǒtsù sàfinà ò ònǎ idho ò.

³⁹Ìndrù níli nzá afíya atdí dhu dǎ màtí, rǎrà àhu idha rǔtù ràmbilì yà adzi, ràdù ìndrù-tsè nótdì kóró dhu ò. Ní ndì dhu nóonziya ndì ndì dhu bhèyi tí Ìndrù t'ídhùnà rǐngo nínganí.

⁴⁰Ndi nínganí, óyǒ rò ì nòtù inga-bvǔ ale nzínzì ǒ rò, ka kowuya atdí ale nódýì rǒ, kadù ngǎtsi ale núbhà.

⁴¹Ndirò, óyǒ rò ì nòtù dhu ò'ù ì'í odu dǒ ró vèbhále nzínzì ǒ rò, ka kowuya atdí tsìbhále nódýì rǒ, kadù ngǎtsi núbhà.

⁴²Nírò, nyàndà nga mběyi, inzà nyǐ nyùnì fùkú Ádrùngbǎle níraya òná idho nídhunǐ.

⁴³Ndirò, nyàlǔ yà ma múncóna dhu mběyi dùku ò: idza-àbadhi náapè àdù ogbotále rǐrà pbìndà kúbhingá òná kàsùmì núnì angyangyi, ní kà rǎdù àdì ípìrǒ rò, inzǐ ndàdù pbìndà idza-tsù nábhu ogbo rùkò, ndàdù òná dhu ùmbà.

⁴⁴Ní ndì dhu-okú dò rò, nyǐ nyú mà átò, nyǐ nyàkǎ nyòkò ípìrǒ rò. Obhó tí, Ìndrǔ t'ídhùnà níraya yà inzà nyǐ nyìrè kà rǎdù ìrà òná dhu tí kàsùmì ǒ.»

Ídzi kasutále mà nzére kasutále màrà tò mbólí

(Luk 12.41-46)

⁴⁵Wò dhu-dzidǒ Yèsù adù àtìná pbìndà ábhàlǐ nǐ: «Ádhi pbà kasutále yà ndì nífu, ndirò nyìkpóna ótdyù, yà pbìndà kasu tò ádrùngbǎle níli kasutále dǒ ádrùngbǎle tí, ròngò ònyè núbho kasutále tò àkǎkǎ kàsùmì ǒ?

⁴⁶Hirò nǎnziya ní wò ndì kasutále, yà ndàdù ndì ndí rò pbìndà kasu tò ádrùngbǎle rǒtùna fǐndà ka kavì kasu nónzi arí ró ale.

⁴⁷Ma mí obhó dhu núnò fùkù, kàbhà kasu tò ádrùngbǎle níliya ka ádrùngbǎle tí, ròngò kórò pbìndà dhu-tsí nódò!

⁴⁸Pbétù, ndì kasutále ní'íya gukyè nzére ale tí, ndàdù àtìná afína ò: «Pbàkà kasu tò ádrùngbǎle ní nǐ ndì nadùya tsàkàtsàkà, »

⁴⁹ndàdù ndòpè ndòvì ì arí kasu ònzì màrà atdíkpà òdhína, 'àdù òwu dhu ònyè rǒ, 'àdù dhu òmvù atdíkpà òri aróri ale màrà,

⁵⁰ní kàbhà kasu tò ádrùngbǎle rǐ ndàdù inzà kìrèná idho ǒ, ndirò inzà kùnì kàsùmì ǒ nínganí,

⁵¹kòdíya ka kasu ǒ rò, ndàdù ànyàna nótdì àdhàdhì oyoyò idàya nà ale-ànyà nítdì ka karí dhu bhěyi. Ányì ní'íya òdzi mà, ale-kù t'átrita màrà.»

Màtayò 25

Ídrè inzà àpè kpabhále núnǐ vèbhínzo tò mbólí

¹Wò dhu-dzidǒ, Yèsù adù àtìná pbìndà ábhàlǐ nǐ: «Òrù-akpà ǒ Ádrùngbǎ kamà Kàgàwà bhà idzi níliya ndì yà dhu bhěyi: Ídrè inzà àpè kpabhále núnǐ vèbhínzo núugu fǐyó tarà ndínǐ ì owu tí amba-akpà-tsí náko.

²Ní imbò abádhí nzínzì ǒ ní'ì pbàdhómá, ndirò imbò nadù ì'ì nyìkpóya ótdyù.

³Pbàdhómá tò imbò tsí núugu fǐyó tarà, inzǐ 'àdù olù dzùnàya nǎnzina tarà ò idha nídyì.

⁴Pbétù, yà nyìkpóya ótdyù tsí, náadù fíyó tarà nùgù, 'àdù olù dzànàya nanzina tarà ò idha nídyì ngätsi wìtù ǒ.

⁵Ní ìnzì amba-akpà-tsí rìrà tsàkàtsàkà rò, kǒkò idrè vèbhínzo-nyìkpó náapè 'òrì, idho ràdù 'òdyì.

⁶Nírò ní ndi ikù náarà àta iku-alikpa ǒ: «Kànǐ amba-akpà-tsí nìrà wà! Ní nyùvò nyòwù kàkò! »

⁷Ní kǒkò idrè vèbhínzo níivà ì idho ò rò, 'àdù 'òpè 'òbhòlò fíyó tarà.

⁸Ní pbàdhómá tó vèbhínzo náati yà nyìkpóya ótdyù tsí nǐ: «Kànǐ fàkà tarà rǎve, ní nyìbho fùkú tarà ò idha ake fàkà.»

⁹Ní yà nyìkpóya ótdyù tsí náadù dhu àdu abádhí tò 'àti: «Ìnzì fàkà rí'ì idha rǎkǎ àlě tò atdíkpá nyǐ mànà! Ní nyòwu nyòdzi fùkú kùdzì arí ale-fó.»

¹⁰Ní kǒkò pbàdhómá tó vèbhínzo náadù òwu tarà ò idha nódzi. Pbétù, ányì abádhí òwù ró ní ndi, amba-akpà-tsí adù ndìtò. Ní yà imbò vèbhínzo, nyìkpóya ótdyù, yà angyangyi rúbhi kòdò rǒ, náadù òtsù atdíkpá àbadhi mànà amba ka kùndà nǐ mǔhendù ò, kadù tsàtsù nápi atdíǒ.

¹¹Ní olù nyú ní ndi, ngǔkpà imbò vèbhínzo níiwú ùvò. Abádhí níitsi 'òpè 'ùkǔ, 'àmbe àtìnà dǒ: «Ádrùngbǎlé, ádrùngbǎlé, ápfo tsàtsù fàkà! »

¹²Pbétù, amba-akpà-tsí náadù dhu àdu abádhí tò ndati: «Ma mí obhó dhu núno fùkù: Ìnzá ma mǔni nyǐ! »»

¹³Ní Yèsù adù àtìnà tdítǒ pbìndà ábhàlǐ nǐ: «Nyòko nyìkpókù nà, ìnzá nyǐ nyùni ndi idho mà, ndi kàsùmì mànà nídhunǐ.»

Atdí ale bhà ìbhu kasutále tó mbólí

(Luk 19.11-27)

¹⁴Tdítdǒ Yèsù adù àtìnà pbìndà ábhàlǐ nǐ: «Òrù-akpà ǒ Ádrùngbǎ kamà Kàgàwà bhà idzi níli ndì yà dhu bhèyi: Atdí ale náazè ndàrà abhi ò. Ní kǎnzi pbìndà kasutále, ndàdù pbìndà malì núndò foyá.

¹⁵Atdí ale-fó kǎbhù imbò tàlatà , ngǎtsi-fó kǎbhù óyǒ tàlatà, ndirò ìbhu rí kìsě ale-fó kǎbhù atdí tàlatà. Ngǎtsi ale tò kǎránà kǎbhù rǒ ndi ale bhà ádrùngbǎnga tó obi-bvu rǒ. Wò dhu-dzidǒ, kǎdù ndìvà ndàrà abhi ò.

¹⁶Ní ányìrǒ rò tí, yà imbò tàlatà nabà ale náarà mùtùruzì ònzì ndi fùrangà dǒ, ndàdù ngǎtsi imbò tàlatà nóngyè.

¹⁷Yà óyǒ tàlatà nabà ale náanzì dhu ndi dhu bhèyi tí, ndàdù ngǎtsi óyǒ tàlatà nóngyè.

¹⁸Pbétù, yà atdí tàlatà nabà ale náarà ìbhu nógyè, ndàdù pbìndà kasu tó ádrùngbǎle bhà malì nótdù ònà.

¹⁹Ní ábhǒ idho nyú dzidǒ, wò kasu tó ádrùngbǎle náarà ndàdu abhi ò rò. Ní kǎdù pbìndà kasutále núnzì ndínǐ ngǎtsi ale núuno tí ìngbǎ dhu bhèyi màtí ndi ndónzì kasu fóná ka kabhù tàlatà nǐ dhu.

²⁰Ní yà imbò tàlatà ka kabhù fóná ale níra, ndìtè yà ndì ndóngyè ngàtsi imbò tàlatà, ndàdù àtìnà: «Ádrùngbǎlé, nyi nyibho imbò tàlatà fudú, ní kǎnǎ ma móngyè ngàtsi imbò tàlatà.»

²¹Kabhà kasu tó ádrùngbǎle náadù àtìnà kà nǎ: «Ídzi dhu ní wò! Nyi ní ídzi kasutále, ndirò mběyi arí fóná ka kǐlǐ dhu òdò ale. Nyi nyódò yà funú ma mabhù ákěkpá dhu nyú mběyi. Ní ndi dhu-okú dò rò, ma mí nyilǐ nyongò pbàkà ádrùngbǎ malí nyú nódò. Irà àlě rónzi dhèdhe atdíkpá nyi mànà! »²²Wò dhu-dzidò, yà óyò tàlatà nabà ale níra, ndàdù àtìnà: «Ádrùngbǎlé, nyi nyibho óyò tàlatà fudú. Ní kǎnǎ ma móngyè ngàtsi óyò ngǔkpà tàlatà.»

²³Kabhà kasu tó ádrùngbǎle náadù àtìnà kà nǎ: «Ídzi dhu ní wò! Nyi ní ídzi kasutále, ndirò mběyi arí fóná ka kǐlǐ dhu òdò ale. Nyi nyódò yà funú ma mabhù ákěkpá dhu nyú mběyi. Ní ndi dhu-okú dò rò, ma mí nyilǐ nyongò pbàkà ádrùngbǎ malí nyú nódò. Ní irà àlě rónzi dhèdhe atdíkpá nyi mànà.»

²⁴Kà rǐku dóná rò nǎ, yà atdí tàlatà nabà ale níra átò, ndàdù àtìnà: «Ádrùngbǎlé, ma muni dhu nyi rarí atdídò arórù ale. Nyi nyarí dhu ògu inzà nyi nyazò dhu òná inga ò, ndirò nyi nyarí ònyù-tsù núndù inzà nyi nyarè itse òná inga ò.

²⁵Ma mí'ì òdò nà atdídò, ní ndi dhu-okú dò rò, ma marà pbùkù tàlatà nótdù adzi ò. Ní, ákò pbùkù malí fudú rò.»

²⁶Kabhà kasu tó ádrùngbǎle adù dhu àdu kà tò ndàti: «Nyi ní nzére, ndirò ngbǒna áyǐ kasutále! Nyi nyuni wà dhu ma rarí dhu ògu inzà ma mazò dhu òná inga ò, ndirò ma rarí ònyù-tsù ùndù inzà ma marè itse òná inga ò.

²⁷Ní dhu akána tí obhó nyarà pbàkà fùrangà níli yà fùrangà òdò arí ale-fó, ndínǎ ma mí madù nínganí, ma madùya t'ítsi àkòná iwà dóná nìdò rórò.»

²⁸Wò kasu tó ádrùngbǎle náadù àtìnà tdítdò: «Nyàkò wò atdí tàlatà kà-fó rò, nyàdù àbhùnà yà idrè tàlatà nà rí'ì ale tò.

²⁹Obhó tí, dhu nà arí'ì ale tò ka kabhùya dhu, àbadhi ràdù ì'ì dhu nà abho nyú ròsè. Pbétù, ìmbà arí'ì dhu nà ale-fó rò, ka kakòya yà akekpa kǎrǐ'ì nà dhú-ngba mà.

³⁰Ní nyìdyi wò àkyàkyè kasutále, nyòbvù iri ìnò ò. Ányì ní'ìya òdzi mà ale-kù t'átrita mànà.»»

Ìndrù t'ídhùnà ìtdìya ìndrù-ànyǎ tí dhu

³¹Wò dhu-dzidò, Yèsù adù àtìnà pbìndà ábhàlǐ nǎ: «Ìndrù t'ídhùnà mà rǐwu pbìndà ádrùngbǎnga tó awáwù ò kóró pbìndà màlàyíkà mànà nínganí, kǎdìya ádrùngbǎnga tó awáwù tó pbìndà tombi dǒ.

³²Ní kóró yà adzi dǒ ale-tidò núunduya ì kònzǐ, kà ràdù òyánga núndò àdhàdhì tàrà nùnda arí ale náarí tàrà mà nzínzì ònga nútù ìndrì mànà dhu bhěyi.

³³Kǔliya tàrà pbìndà fangà dóná rò, ndàdù ìndrì núlǐ pbìndà ígù dóná rò.

³⁴Nírò ní ndi Ádrùngbă kamà náadùya àtìna pbindà-fangà dònă rò rí'ì ale nǐ: <Nyiwù, nyí yà Àbadu náaso nyí rò, nyòkò yà angyangyi kăbhòlò fùkù yà adzi ndi ndanzì nínganí Ádrùngbă kamà bhà idzi-kàmă tí.

³⁵Obhó tí, ma mi'ì àwù nà, ní nyí nyibho ònyù mɔnyù. Ma mi'ì idha-atdyú nà, ní nyí nyibho idha mɔmvù. Ma mi'ì olo tí, ní nyí nyakò ma mběyi.

³⁶Ma mi'ì tíròrò, ní nyí nyufó ma. Ma mi'ì andi nà, ní nyí nyiwú mandà. Ndirò ma mi'ì imbi ò, ní nyí nyiwú mandà.>

³⁷Nírò ní ndi obhónángatále nóongúya dhu kà-tsǔ, 'àti: <Ádrùngbălé, íngbàngá nga ndi mǎ mala nyi àwù nà nyí'ì ró, mǎdù ònyù nábhu nyɔnyù nǐ? Íngbàngá nga ndi mǎ mala nyi idha-atdyú nà nyi nyí'ì ró, mǎdù idha nábhu nyɔmvù nǐ?

³⁸Íngbàngá nga ndi nyi nyí'ì olo tí, mǎdù nyako mběyi ní? Ndirò, íngbàngá nga ndi mǎ mala nyi tíròrò nyi nyí'ì ró, mǎdù mberù núfò rùnù nǐ?

³⁹Íngbàngá nga ndi, mǎ mala nyi andi nà nyi nyí'ì ró, mǎdù òwu nyandà ní? Ndirò, íngbàngá nga ndi mǎ mala nyi imbi ò nyi nyí'ì ró, mǎdù òwu nyandà nǐ? >

⁴⁰Ní Ádrùngbă kamà, adùya dhu àdu abádhí tò, ndàti: <Ma mí obhó dhu núno fùkù, dhu apé ì'ì iwà nyí nyanzi kǔkò dhu yà ìnzǐ ka karózùna dhu tí adódu nzínzì ò atdí ale rǔ màtí dhu tí, ní nyí nyanzi wà ka rùdú.>

⁴¹Tdítdǔ, Ádrùngbă kamà náadùya àtìna fíndá ígù dònă rò rí'ì ale nǐ: <Nyindri nyí itse tidú rò, yà Àba Kàgàwà afù nyí rò. Nyòwu yà kăbhòlò Pfòmvo mà, pbindà màlàyíkà mànà tò ìnzǐ aráve dhòdhóhónganà kàzà ò!

⁴²Obhó tí, ma mi'ì àwù nà, ní nyí nyibho nzá dhu mɔnyù. Ma mi'ì idha-atdyú nà, ní nyí nyibho nzá idha mɔmvù.

⁴³Ma mira olo tí bvùkù, ní nyí nyakò nzá ma. Ma mi'ì tíròrò, ní nyí nyufó nzá ma. Ma mi'ì andi nà, ndirò ma mi'ì imbi ò ka kósò ma ró, ní nyí nyiwú nzá mandà.>

⁴⁴Ní kǔkò ígù dònă rò ì'ina ale náadùya dhu òngù átò kà-tsǔ, 'àti: <Ádrùngbălé, íngbàngá nga ndi mǎ mala nyi àwù rǐ nyoho ró, idha-atdyú rǐ nyoho ró, olo tí nyi nyirà fàrábvù ró, tíròrò nyi nyí'ì ró, andi nà nyi nyí'ì ró, ndirò imbi ò ka kósò nyi ró, ìnzǐ mǎdù atdí dhu mà nónzì indù nǐ? >

⁴⁵Ní Ádrùngbă kamà náadùya dhu àdu abádhí tò, ndàti: <Ma mí obhó dhu núno fùkù, kǔkò ìnzá nyí nyanzi yà ìnzǐ ka karózùna dhu tí adódu nzínzì ò atdí ale-rǔ màtí dhu, ní nyí nyanzi nzá rùdú.>

⁴⁶Ní abádhí nóowuya dhòdhóhóngà tò àpbè ò, pbétù obhónángatále náadùya òwu dhòdhóhóngà tò ípìrǒnga ò.>

Màtayò 26

Pbàyàhúdí tó ádròdrǔ ale rǐ 'ìri Yèsù ì oho tí dhu

(Mrk 14.1-2; Luk 22.1-2; Yùw 11.45-53)

¹Yësù níítèdègu yà ndì ndúbhi ùdhenà rǒ ìndrǔ tò dhu t'údheta nító kóró, ní kǎdù àtìná p̀bìndà ábhàlǐ nǐ:

²«Nyǐ nyùnì wà dhu Pásìka tó Mùhendù rǎrǐ'ì óyǒ idho dzidǒ. Ní ka kí Ìndrǔ t'ídhùnà nípfǒ, kabhu òmvǔ-fó, ndínǐ ka kutó tí mùsàlabhà dǒ.»

³Wò ndì kàsùmì ǒ ní ndì, p̀bàkùhání tó ádròdrǒ ale mà, P̀bàyàhúdì tó p̀bàkùrǔ mànà, núundu ì Kàyafà bhà ádrùngbǎ idzá-yà-ba ǒ. Kàyafà nǐ'ì p̀bàkùhání dǒ kamà.

⁴Ní, abádhí níri ì ndínǐ ì alú tí Yësù inzà kóró ale núnì rórò, 'àdù àbhunà kohò.

⁵P̀bétù, abádhí náadù àtìná: «Dhu àkǎ nzá àlě rǎlǔ ka mùhendù ǒ rò, akye ìndrǔ nív̀àna dhu nǐ.»

Yësù-dòtsirò nùtrǐ atdí tsìbhále rǐ ndrùù róngu akye nǐ dhu

(Mrk 14.3-9; Yùw 12.1-8)

⁶Yësù ní'ì Bètànìyà tí kátina p̀bangá-ngba ǒ, Sìmonì tí kátina atdí ale bhà idzá. Ndi Sìmonì ní yà kíkí nà ì'ì ale.

⁷Ní atdí tsìbhále náandrì kà-tì'ò. Ndi tsìbhále ní'ì àlbatrò tí kátina odu nǐ ka kóbhòlò tsúpà nà fóná. Ndi tsúpà ò ì'ì dhu ní ndrùù róngu, ndirò orú odzina nà akye. Ní ònyù nónyù Yësù rǐ ònà kàsùmì ǒ, kǎdhò ndì akye Yësù-dòtsírò.

⁸Ní wò dhu ì àla rò, Yësù bhà ábhàlǐ náapè 'ònu nzínziya ǒ, 'àmbe àtìná dǒ: «Hòkò! Ádhu kà rǐ wòrì akye nínzǎ wò dhu bhèyi ní?

⁹Ka kàmbènà tí obhó ndì akye nábhǔ kodzi orú odzi ǒ, kadù ndì f̀ràngà núnò ñàkùtále tò?»

¹⁰Ní Yësù níítèdègu wò abádhí r̀nɔna dhu nósù, ní kǎdù àtìná abádhí nǐ: «Ádhu nyǐ nyèva wò tsìbhále-tsi nǐ? Yà r̀dú kònzì dhu ní ídzì dhu nyú ròsè.

¹¹Obhó tí, nyǐ nyóngo òko ñàkùtále mànà bilìnganà, p̀bétù àlě kí nzǐ ongo òko nyǐ mànà bilìnganà.

¹²Wò akye kòdhò dùdu-tsírò dhu nǐ, kòbhòlò wà ngbòdu angyangyi ɔtdú tò.

¹³Ma mí obhó dhu núnò f̀kù: kóró ngari ǒ, yà Kàgàwà bhà Ídzì M̀kùrù núnò ka kí yà adzi ǒ ìnanà, ka kóngo yà tsìbhále nónzì dhu àwe ìndrǔ tò, kowù kìrè rǒ róná.»

Yudhà rǐ Yësù ònzì ndàbhù òmvǔ-fó dhu

(Mrk 14.10-11; Luk 22.3-6)

¹⁴Wò dhu-dzidǒ, idre dóná óyǒ nà Yësù bhà ábhàlǐ nzínzì ǒ atdí ale, Yudhà Ìskàriyotà tí kátina, náarà p̀bàkùhání tó ádròdrǒ ale-tí 'ò,

¹⁵ndàdù àtìná abádhí nǐ: «Ádhu nyǐ nyòzè nyǐbhò idù ndínǐ ma mipfo tí Yësù mabhù f̀kù?» Ní abádhí náadù P̀bàyàhúdì-bvǔ ìbhù kumì f̀ràngà-kpǒ nózù, 'àbhù kà-fó.

¹⁶Ányìrǒ rò tí, Yudhà náadù Yësù nípfǒ ndì ndì, ndàbhù abádhí-fó nǐ ídzì otu nópè ndònè.

Yësù rǐ Pásìka tó mùhendù tó ònyù návì kòbhòlò dhu

(Mrk 14.12-21; Luk 22.7-14; 6.21-23; Yùw 13.21-30)

¹⁷ Ìmbà ònà afi nà m̀gati ka konyúnà ònà m̀hendù tó wemberè tó idho ǒ, Yèsù bhà ábhàlì náawù dhu ìvu Yèsù-tsu 'àti: «Ádhà nga ndi nyi nyòzè Pásika tó ònyu m̀bhòlò indù ní?»

¹⁸ Ní Yèsù adù àtìnà p̀bìndà ábhàlì ní: «Nyòwu kigò ò atdí ale bhà, nyàdù àtìnà kà ní, M̀limò r̀tina iwà p̀bìndà ɔve tó kàsùmì-tsu r̀ndù ndì. Ní ì r̀rì Pásika tó m̀hendù tó ònyu ònyu atdíkpá p̀bìndà ábhàlì mànà p̀bù idzá rò.»

¹⁹ Ní Yèsù bhà ábhàlì náanzì yà kàvinà f̀yò dhu, 'adù Pásika tó m̀hendù tó ònyu ǹbhòlò.

²⁰ Inga níitdègu àti, ní Yèsù mà náadù òko ònyu-tsunà p̀bìndà atdí kumì dònà óyǒ nà ábhàlì mànà.

²¹ Ní dhu nónyu ì í ònà kàsùmì ǒ, Yèsù náati abádhí ní: «Ma mí obhó dhu núno f̀kù, nzínziku ǒ atdí ale r̀ì mipfò, ndàbhu ma òmvù-fó.»

²² Ní izu núuka Yèsù bhà ábhàlì atdíǒ nyú, 'adù 'òpè 'òngù dhu atdátíra ǒ kà-tsù, 'òwù àtìnà r̀ò: «Tí ima ndi Ádr̀ngbàlé?»

²³ Ní Yèsù adù dhu àdu abádhí tò ndàti: «Yà atdíkpá mà m̀fò ɔtsúka nà kyàwì ò ale ní ndi r̀ì mipfò, ndàbhu ma òmvù-fó.

²⁴ Ìndrù t'ídhùnà r̀vè yà Kàgàwà bhà Andítá r̀nɔna dònà dhu bhèyi. P̀bétù, k̀ipfò r̀ì ndàbhu òmvù-fó ale r̀'ì ádr̀ngbà àp̀bè ǒ! Dhu akána nzì kòdhì ndi ale mà!»

²⁵ Ní Yudhà, yà Yèsù nípfò r̀ì ndàbhu òmvù-fó ale, náakò ɔte, ndìvù dhu kà-tsù, ndàti: «Tí ima ndi M̀limò?» Ní Yèsù adù dhu àdu kà tò, ndàti: «Nyì ní ndi ka nyi nyùnò.»

Ádr̀ngbàlé Yèsù nábhù r̀ì k̀irè ònyù

(Mrk 14.22-26; Luk 22.14-20; 1Kò 11.23-25)

²⁶ Dhu ònyu ì'í ònà kàsùmì ǒ, Yèsù idyi m̀gati, ndàlù f̀onà. Ní ɔtsò ndi ndàbhu Kàgàwà tò dhu-dzidǒ, k̀kò kà-ǒnga, ndàdù ùndònà p̀bìndà ábhàlì-fó, ndàdù àtìnà abádhí ní: «Nyàkò yà dhu, nyàdù ònyùnà. Ngbòdu ní yà.»

²⁷ Tdítdǒ k̀idi ònyu ì'í ònà kópà ndàlù f̀onà. Ní ɔtsò ndi ndàbhu Kàgàwà tò dhu-dzidǒ, k̀dù k̀bhu abádhí tò, ndàdù àtìnà: «Nyí'ì k̀ró, nyòmvù ka.

²⁸ Yàrí ní azùdu, yà ìndrù ǹngbò Kàgàwà mànà azu, ndìrò ábhò ale-okú dò rò ndi ǹfù, ndìní Kàgàwà núubà tí ìndrù tó nzérenga abádhí tò.

²⁹ Ma mátina nyí ní: R̀pè ndi k̀ombí, ma mí nzì yàrí ònyu ònyu ndìvù tdítdǒ, r̀rà àhu ònyu ònyu òwútá nómvù àlè kowuya atdíkpá nyí mànà Àbadu Kàgàwà bhà ádr̀ngbànga tó idzi ǒ dhu ò.»

³⁰ Adyi ì ùyù dhu-dzidǒ, abádhí adù òwu m̀zèyitunì tí k̀tina itsu náarí'ì dònà p̀bìrì dò.

Yèsù r̀ì Péterù r̀ì ndòdho dhu nóvo dhu

(Mrk 14.27-31; Luk 22.31-34; Yùw 13.36-38)

³¹Wò dhu-dzidõ, Yësù adù àtìnà pbìndà ábhàlĩ nĩ: «Indo, yàrí iku õ, nyĩ kóró, nyĩ nyĩ mubha atdíró. Obhó tí, Kàgàwà bhà bhũkù ò ka kándĩ dhu kati: «Ma mohoya tàrà t'úndatátale, tàrà ràdù 'ifàlà kóró ngari ònã .»

³²Pbétù, ma mìngebè ma dhu-dzidõ, ma madùya àrà nyòdò Gàlìlayà tó pbìrì ò rò.»

³³Ní Péterù apè òte, ndàdù àtìnà Yësù nĩ: «Ngũkpà ale mà rĩ mbã nyubha, ní ma mí nzi nyubha akekpa màtí.»

³⁴Ní Yësù adù àtìnà kà nĩ: «Ma mí obhó dhu núno indù: «Indo, yàrí iku õ, inzà à'ũ-akpà nápe òngò rórò, nyi nyi'ina iwà nyi nyàtì ìbhũ-gùna inzà nyi rùni ma ró.»

³⁵Ní Péterù adù dhu àdu kà tò, ndàtì: «Ma mí nzi àtina akekpa màtí inzà ma rùni nyi, ìmbã dhu i'ina atdíkpà àlẽ kúve nyi màrà dhu màtí.» Ndirò kóró ngũkpà ábhàlĩ náadù dhu ùnò ndi dhu bhèyi tí.

Yësù rĩ ndìtsò Gètèsèmanì rò dhu

(Mrk 14.32-42; Luk 22.39-46)

³⁶Tdítdõ, Yësù mà pbìndà ábhàlĩ màrà náawù ùvò Gètèsèmanì tí kátina atdí ngari ò. Ní kàdù àtìnà abádhí nĩ: «Nyòko iró ndàlù ma màrà mìtsò ònã nã.»

³⁷Ní kàdù Péterù mà, Zèbèdayò bhà óyõ inzo màrà núnzì, 'àdù òwu màrà ányì. Ní k'ì ì izu nà atdítdõ, afína ràdù ndòpè ndìnza ndi.

³⁸Nirò ní ndi kàdu àtìnà abádhí nĩ: «Afídu r'ì ábhõ izu nyú nà, akye ma mòvè dhu bhèyi. Ní nyòko iró, ndirò nyòko ípìròrò, yà ma mádi dhu bhèyi.»

³⁹Kàdù àrà itseta ake, ndàdù ndìbvũ obvò, ndàpba nyina adzikpa nyú rõ. Ní kàdù ndìtsò, ndàtì: «Àbá, ndi dhu ràdù ndònzì nánì, índrì wò àpbè tó kópà itse rùdú rò. Pbétù, ndi dhu àkã nzà ndònzì ndi ma mòzè ka dhu bhèyi, kàkã ndònzì ndi yà nyi nyú nyi nyòzè ka dhu bhèyi.»

⁴⁰Ní kàdù ndàdu kòkò ìbhũ ábhàlĩ-tì'ò, ndàdù abádhí nótù iwà ùdhò ró. Ní kàdù dhu ìvu Péterù-tsũ, ndàtì: «Nyĩ nyàdù tí obhó òko ípìrò rò ma màrà atdí adyifò-sisì màtí?»

⁴¹Nyòko ípìròrò, ndirò nyìtsò nyĩ akye nyĩ nyòtsúna umvútá ò nĩ. Alafí nòzè ndònzì ídzì dhu, pbétù ale-ngbò rĩ ndi ì'ì ivívì ì dhu t'ónzita tò.»

⁴²Óyò rí kìsè nĩ, kíndrì ndi itse tdítdõ abádhí-tì rò, ndàdù ndìtsò yà dhu bhèyi: «Àbadú, yàrí àpbè tó kópà náapè ì'ì ìnzì rúda dùdu nã inzà ma mòmvù rórò dhu tí, ní itsè afínu òzè dhu rónzi ndi!»

⁴³Ní, ábhàlĩ-tì'ò ndi ndàdu ndi rò, kàdù abádhí òtù iwà ùdhò ró, atdítdõ idhò r'ì nyìkpóya õ nídhunì.

⁴⁴Yësù níivà ndi, ndìndrì ndi itse tdítdõ abádhí-tì rò. Ní ìbhũ rí kìsè nĩ, kàdù ndìtsò, ndùnò yà angyi ndi ndàrà ùnòrà rõ òte kèlè.

⁴⁵Tdítdõ kàdù ndi ábhàlĩ ì, ndàdù àtìnà abádhí nĩ: «Nyĩ pbánì òko nyĩ nyòko òdhò nyĩ nyòdhò ró! Nyĩ pbánì nyàsò nyĩ? Nyàndà! Kànì Ìndrù t'ídhùnà nábhũ ka kí nzérenгатále-fó nĩ kàsùmì náká wà.

⁴⁶Ní nyìvà nyí, kòwu! Kànř ma àbhũ rí òmvũ-fó ale nírà wà!»

Yēsù nálǎ ka kí kosò dhu
(Mrk 14.43-50; Luk 22.47-53; Yùw 18.3-12)

⁴⁷Yēsù rǒte ònanǎ, Yudhà, atdí kumì dòná óyǒ nà kàbhà ábhàlǐ nzínzì ǒ atdí ale, níto ndì ábhǒ ihé-yà mànà owùna ǒ. I ale-fó ní'ì obhí-akpá mà, mùgǒ mànà. Abádhí nivì ní'ì pbàkùhání tó ádròdrǒ ale mà, Pbàyàhúdì ǒ pbàkùrũ mànà.

⁴⁸Ndì Yudhà yà Yēsù nípfǒ rí ndàbhũ rí òmvũ-fó ale, ní'ì iwà ndì ndònzina Yēsù ka kuni tí róná dhu nùnònà ihé-yà tò. Kǎti abádhí nǐ: «Ma mámbǒna ale ní'ina ndì nyí nyí atdyúna òho ale. Ní nyàlǎ ka dòtsí.»

⁴⁹Ní Yudhà náandri ányìrǒ ró tí Yēsù-tí'ò, ndàdù kàtsè ndàti: «Yǎmbù Mǎlimò!» Kǎdù kàmbò.

⁵⁰Ní Yēsù adù dhu àdu kà tò ndàti: «Odhí, ónzi nyì nyìrà ònzìnà dhu!» Nírò ní ndì ngǔkpà ale náadù ìndri, àlǎ Yēsù, àdù òsònà.

⁵¹Ní Yēsù mà ní'ì mànà ale nzínzì ǒ, atdí ale nídhá pbìndà ìla tó obhi-akpà, ndù'à pbàkùhání tó ádròdrǒ ale dǒ kamà bhà kasutále-bì nǐ.

⁵²Ní Yēsù àdù àtìnà kà nǐ: «Ádù pbàkù obhi fìndá ngari ò. Obhó tí, kóró ale yà obhi ùgu arí ìndrũ tò, núuvèya obhi nǐ tí.

⁵³Nyì nyìrè tí dhu ìnzì ma ràmbènà mùdzùnà nónzi Àbadu Kàgàwà-fó, ràdù atdí kumì dòná óyǒ nà dòná róse ìla t'úgyeta tó pbìndà màlàyíká tó pìkò níbhò idù ányìrǒ rò tí?

⁵⁴Pbétù, ndì dhu bhèyi kǐ'ì rò, yà àndì ka kandí Kàgàwà bhà Andítá ò dhu náakána ìngbǎ dhu bhèyi? Obhó tí, ndì Andítá rǎtina kà rǎkǎ ndònzì ndì ndì dhu bhèyi.»

⁵⁵Ndì kàsùmì ǒ, Yēsù adù àtìnà ihé-yà nǐ: «Ádhu nyí nyíwu ma nálũ fukú obhí-akpá mà, mùgǒ mànà nà, ogbotále nálũ ríwu ale bhèyi nǐ? Bìlǐnganà ma múbhì àdì rò mambe dhu ùdhe dǒ Kàgàwà bhà idza ǒ rò, ìnzì nyàdù ma àlũ.

⁵⁶Pbétù, kóró kǒkò dhu nónzì ì ndíñ Kàgàwà bhà pbànábí náandí dhu náaká tí.» Nírò ní ndì kóró ábhàlǐ núubhà àbadhi, 'àdù òtse.

Yēsù rǐ'ì Pbàyàhúdì-bvũ ádròdrǒ anya nítdì arí ale-ònzì dhu

(Mrk 14.53-65; Luk 22.54-55,63-71; Yùw 18.13-14,19-24)

⁵⁷Yà Yēsù nòsò ale náawù kà nà pbàkùhání tó ádròdrǒ ale dǒ kamà, Kàyafà tí kátina bhà, yà Músà bhà Uyátá tó màlímó mà, pbàkùrũ mànà núndu ì ì.

⁵⁸Péterù adù àdì itseta ndàmbe àrà dǒ Yēsù-owù ǒ, ndàrà àhũ pbàkùhání tó ádròdrǒ ale dǒ kamà bhà idza-li'ò. Ní kǎtsù idza-ngbò ka kákpòrò nǐ kàlì ò, 'àdù òko obvò atdíkpá sàndìrì mànà, ndíñ ndì ndala tí wò dhu rǎrà ìku tí dhu.

⁵⁹Ní pbàkùhání tó ádròdrǒ ale mà, Pbàyàhúdì-bvũ ádròdrǒ anya nítdì arí ngǔkpà ale mànà kóró, náambènà títò dǒ màtí ka kí Yēsù nóbhũ dòná dhu nónè dǒ, ndíñ kadù tí kòhò.

⁶⁰Pbétù, ìmbă tìtò tó ábhǒ ngàmbì mà níwú, 'ùnò tìtò kà-dǒ, ní abádhí náabà nzá atdí dhu mà. Nírò ní ndí óyǒ ale núnòtò ì,

⁶¹'àdù àtìnà: «Wòrí ale átì: ndì ràràdù Kàgàwà bhà idza nùgolo, ndàdù òsìnà tdítdǒ ìbhu idho ǒ.»

⁶²Ní pbàkùhání tó ádròdrǒ ale dǒ kamà níwà ndì, ndìdè, ndàtì Yèsù nǐ: «Nyi tí obhó dhu àdǔ? Ádhu kǒkò ale rúnòna dúnú?»

⁶³Pbétù, Yèsù adù inè inè tí. Ní wò kamà adù àtìnà kà nǐ: «Yà ìnzǐ aróvè Kàgàwà-òvò rǒ, ma mòzè nyòtsò dhu nyú. Nyi tí Krístò, Kàgàwà t'ídhùnà nyú?»

⁶⁴Ní Yèsù adù dhu àdu kà tò, ndàtì: «Ìnyi ní ndì ka nyi nyùnò. Pbétù, ma mí obhó dhu núnò fǔkù: Ròpè ndì kòmbí, nyǐ nyí Ìndrǔ t'ídhùnà nálǎ ádrùngbǎnga tó òbì nà arí'ì Kàgàwà bhà fangà dònǎ rò àdì ró. Ndirò, nyǐ nyalaya ka átò ádrùngbǎ àp̀bù dǒ rírá òr̀-akpà ò rò ró.»

⁶⁵Ní pbàkùhání tó ádròdrǒ ale dǒ kamà núnfa róná mberù-ǒnga, ndàdù àtìnà ihé-yà nǐ: «Kùnò dhu nzére nyú Kàgàwà nǐ! Ìmbă àlě kí'ì ngàmbì-atdyú nà tdítdǒ. Nyǐ nyirì wà kùnò Kàgàwà nǐ dhu.

⁶⁶Ní ádhu nyǐ nyirè kà dǒ?» Ní ihé-yà adù dhu àdu kà tò 'àtì: «Kàkǎ wà ndòvè.»

⁶⁷Wò dhu-dzidǒ, abádhí núnso iso Yèsù-nyìkpó ò, 'àdù kùdù ùngùrǔ ì ùngùrǔ òtsúya nǐ. Ngǔkpà ale nóowúnà kùp̀bì rǒ,

⁶⁸'àdù àtìnà kà nǐ: «Ìnyi Krístǒ, átì pé nyi nòp̀bì ale fǎkà!»

Péterù rǎtina ìnzá ndì rúnì Yèsù dhu

(Mrk 14.66-72; Luk 22.56-62; Yúw 18.15-18,25-27)

⁶⁹Péterù ní'ì irí ndì ndàdì idza-lí ró. Ní kasu tó atdí tsìbhále níndri kà-tí'ò, ndàdù àtìnà kà nǐ: «Ìnyi mà átò, nyǐ nyí'ì atdíkpá Yèsù, Gàlìlayà tó p̀bìrì ǒ ale mànà.»

⁷⁰Pbétù, Péterù adù wò dhu nágò kóró ale-ònzǐ rò, ndàtì: «Ìnzá ma m̀nì wò nyi nyúnòna dhu.»

⁷¹Wò dhu-dzidǒ, Péterù adù ndìvà, ndàrà idza-ngbò ka kákpòrò nǐ kàlì-li'ò. Ní kasu tó ngǎtsi tsìbhále náala ka, ndàdù àtìnà ányìrǒ ì'ì ale nǐ: «Yàrí ale mà ní'ìnà atdíkpá Yèsù, Nàzàretì ale mànà!»

⁷²Ní Péterù adù wò tsìbhále ùnò dhu nágò tdítdǒ, ndàdù dhu nyú òtsò, ndàtì: «Ìnzá ma m̀nì wò ale.»

⁷³Ní ìnzá kàsùmì núdà abho màtì rórò, ányìrǒ ì'ì ale náandrì Péterù-tí'ò, 'àdù àtìnà kà nǐ: «Obhó nyú, nyi ní abádhí nzínzì ǒ atdí ale. Obhó tí, mà m̀nì nyi yà nyi nyóte tí dhu rò.»

⁷⁴Ní Péterù ádù òte nóp̀è, ndàtì abádhí nǐ: «Kàgàwà nákǎ ndòtdì ànyǎdu! Ma mòtsò wà dhu matì, ìnzá ma rúnì wò ale!» Ní ányìrǒ rò tí à'ǔ-akpà náadù òngò.

⁷⁵Nírò ní ndi Péterù adù yà Yèsù núnònà fíndà dhu níre. Kǎti: «Inzá à'ǔ-akpà nápe òngò rórò, nyi nyi'ina iwà nyi nyàti ìbhu-gùna, inzà nyi rúni ma ró.» Ní Péterù adù àhu iri, ndàdù ndòpè ndòdzì ádrùngbǎ izu nyú nà.

Màtayò 27

Yèsù nà ka kówu ùvò Pìlatò-ònzǐ dhu

(Mrk 15.1; Luk 23.1-2; Yùw 18.28-32)

¹Kútsingánǎ nyú, pbàkùhání tó ádròdrǒ ale mà, Pbàyàhúdì òpbàkùrǔ mànà kóró, níri ì atdíkpá, ndínì ì abhù tí Yèsù kohò.

²Ní abádhí náabhù ka kùtsì, 'àdù òwu àbhunà Pìlatò-fó. Ndi Pìlatò ní'ì Pbàróamá tó pbìrì ò líwalì.

Yudhà rǐ ndùtsì dhu

(Kas 1.18-19)

³Yudhà, yà Yèsù nípfò ndàbhu òmvù-fó ale, níitdègu kà-dǒ ka kòtdì anya ndínì ka koho tí dhu níri, ní kǎpè ndìrè nga yà ndì ndònzì dhu dǒ, izu ràdù ndùka atdídǒ. Ní kǐdyi yà ndì ndàkò ìbhu kumì fùrangà-kpǒ, ndàrà àdunà pbàkùhání tó ádròdrǒ ale mà, Pbàyàhúdì ò pbàkùrǔ mànà fò'ò.

⁴Kǎdù àtìnà abádhí nǐ: «Ma mǎfǎ dhu nzére nyú, ìmbǎ afátá nà ale ma mípfò òve tò nídhunǐ.» Pbétù, abádhí adù dhu àdu kà tò 'àti: «Inzá wò dhu àndà mǎ. Òtǎnu ní ndì!»

⁵Ní Yudhà adù wò fùrangà níwò Kàgàwà bhà idzá, ndàdù àhu, ndàrà ndùtsì.

⁶Pbàkùhání tó ádròdrǒ ale núuwá wò fùrangà-kpǒ, 'àdù àtìnà: «Àlě tó Uyátá návi nzá àlě rùlì yàrí fùrangà perè tí ka kùbho Kàgàwà bhà idzá fùrangà nùlì ka karí ònà sàndukù ò. Obhó tí, ndì fùrangà ní ìndrǔ-azù ka kòdzì ròná fùrangà.»

⁷Abádhí níitdègu 'ìri ndì fùrangà dǒ, ní abádhí adù òwu ìtǎ òru arí ale bhà inga nódzi kà-rǒ, ndínì ka kongó tí ìnzǐ ní Pbàyàhúdì nútdu ònà.

⁸Ndi dhu-okú dò rò ní ndi, ndi inga nánzi ka kárí indo màtí «azu tó inga» tí.

⁹Ndi dhu bhèyi ní ndi, yà Kàgàwà bhà nabì Yèrèmiyà núuno dhu náaká. Kǎti: «Abádhí nídyi ìbhu kumì fùrangà-kpǒ yà Pbàìsràyélì níri ì dòná ka ka kodzi tí ròná.

¹⁰Abádhí adù ndì fùrangà nídyì, 'àbhu ìtǎ nóru arí ale bhà inga rǒ, yà Ádrùngbǎle Kàgàwà núuyá idù dhu bhèyi .»

Pìlatò rǐ dhu nóngù Yèsù-tsǔ dhu

(Mrk 15.2-5; Luk 23.3-5; Yùw 18.33-38)

¹¹Wò dhu-dzidǒ, Yèsù níidè líwalì-ònzǐ. Ní líwalì níwú dhu kà-tsǔ ndàti: «Nyi tí Pbàyàhúdì tó Ádrùngbǎ kamà?» Ní Yèsù adù dhu àdu kà tò ndàti: «Inyi ní ndi ka nyi nyùnò.»

¹²Tdítdǒ pbàkùhání tó ádròdrǒ ale mà, pbàkùrǔ mànà náadù kòbhù, pbétù kǎdù nzá atdí dhu mà nádu.

¹³Nírò ní ndi Pìlatò adù àtìnà kà nǐ: «Nyi nyìrì tí nzá wò kóró ka kùnò dùnú dhu?»

¹⁴Pbétù, Yèsù adù nzá atdí dhu mà nádu kà tò, idho ràdù lìwalì náko atdíđ.

Yèsù-ànyă nótđi ka kí ndínř ka koho tí dhu

(Mrk 15.6-15; Luk 23.13-25; Yùw 18.39-19.16)

¹⁵Bìlì, yà Pásika tó m̀hendù-idhò náarírà dhu bhěyi, lìwalì bhà màndu ní'ì ndikòlò atdí ale, yà ihé-yà nózè kikòlò imbi ò rí'ì ale nzínzi ǒ rò.

¹⁶Ní ndi nínganí, yà atdíđ ǒvòna ótò ndi Bàrabà tí kátina atdí ale, ní'ì imbi ò ka kósò ró.

¹⁷Ní ihé-yà nítdègu 'àndũ, ní Pilatò ivú dhu abádhí-tsũ, ndàti: «Ádhi nyř nyòzè mikòlò fũkù? Tí Yèsù Bàrabà? Ndirò tí Yèsù, yà Krístò tí kátina ale?»

¹⁸Pilatò núuni dhu mběyi nyú abádhí rìwũ kà nà fona ò kǎdhà nónzi ì í dhu-okú dò rò.

¹⁹Ní Pilatò àdi anya t'ítđita tó tombi dǒ rórò, kà-ve nívi tũna kà tò, ndàti: «Nzĩtsũ nyř wò ìmbà rí'ì afátá nà ale bhà dhu ò. Obhó tí, indo kúbhingá, ma màbà àpè abho nyú onyu-bvù kòkú dò rò.»

²⁰Pbétù, pbàkùhání tó ádròdrò ale mà, pbàkũrũ mànà níitsu dhu ihé-yà-dò ò, ndínř Bàrabà nonzi tí kikòlò, kadù Yèsù nóhò.

²¹Ní lìwalì náakò ɔte tdítđ, ndivũ dhu abádhí-tsũ ndàti: «Ádhi ndi kǎkà óyǒ ale nzínzi ǒ nyř nyòzè mikòlò fũkù?» Ní abádhí adù dhu àdu kà tò 'àti: «Bàrabà!»

²²Ní lìwalì adù dhu ìvu tdítđ abádhí-tsũ, ndàti: «Olu, ádhu ndi Yèsù Krístò tí ka kátina ale nř ma mónzina?» Ní kóró ale náadù dhu àdu kà tò, 'àti: «Útǒ ka mùsàlabhà dǒ!»

²³Ní Pilatò níivú dhu tdítđ ndàti: «Ádhu nyú ndi kǎfǎ?» Nírò ní ndi abádhí adù idù àrĩ nyú tí, 'àti: «Útǒ ka mùsàlabhà dǒ dhé!»

²⁴Dhu ònzì lèmana dhu mà, ìndrũ-tsi àva ndi tí dhu mànà dhu ndi ndàla rò, Pilatò níidiyì idha, ndù'o ɔtsúna nř ihé-yà-ònzř rò, ndàdù àtinà abádhí ní: «Wò ale-azù àbhũ ka kí rufù ndi dhu ò ma mí mbà ì'ì! Ǫtėku ní ndi.»

²⁵Ní kóró ihé-yà adù dhu àdu kà tò 'àti: «Kǎzù àkǎ ndàdi dòka-tsíró fàkǎ nzónzo mànà.»

²⁶Nírò ní ndi Pilatò adù Bàrabà níkòlò abádhí tò. Kǎdù Yèsù àbhu kuvi asé nř, ndàdù àbhunà kowù ùtonà mùsàlabhà dǒ.

Pbànowí rř Yèsù ìwǎ dhu

(Mrk 15.16-20; Yùw 19.2-3)

²⁷Pilatò bhà pbànowí náawù Yèsù nà lìwalì bhà ádrungbǎ idzá-yà-ba ò, kóró pbànowí tó pikò ràdù 'àndu róná.

²⁸Ní abádhí núuwa kà-rǒ mùdzarù, 'adù òlòlù kanzù náfo kà-rǒ.

²⁹Tdítđ abádhí akpɔɔ okpèna nà itsukpó-nzo tó mùkàkú, 'adù àfona kà-dò rǒ. Abádhí adù ízò nábhũ kà rǎlũ fangà tó ɔtsúna nř. Wò dhu-dzidǒ, abádhí nóowúnà 'ùko rǒ

otdyùya dǎ kònzǐ, 'àdù òwu kìwa rǒ, 'òpbi sàlutì fǐndà, 'àdù àtìnà kànì: «Yǎmbà Pbàyàhúdì tó Ádrùngbǎ kamà!»

³⁰ Abádhí nóowúnà iso núso rǒ kà-dò, 'àdù òwu ízò nídha rǒ kà-fó rò, 'ùtì kà-dòtsirò nǐ.

³¹ Wò dhu bhěyi ì àvu kà-rǒ dhu-dzidǒ, abádhí níwa òlǒlù kanzù kà-rǒ rò, 'àdù kà-rǒ mùdzarù nyú núfò kà-rǒ tǐtǐdǒ. Wò dhu-dzidǒ, abádhí adù òwu kà nà, 'òwu ùtònà mùsàlabhà dǎ.

Yěsù nútǎ ka kǐ mùsàlabhà dǎ dhu

(Mrk 15.21-32; Luk 23.26-43; Yùw 19.17-27)

³² Yèrùsàlemà tó kigò ò rò ì úvò rórò, abádhí náatù ì Kùrenì tó kigò ǒ atdí ale nà. Ndi ale-òvò nǐ'ì Simonì. Nǐ pbànowí adù kùtu rànò Yěsù bhà mùsàlabhà.

³³ Nǐ abádhí awù ùvò atdí ngari Gòlògotà tí kátina ò. Gòlògotà-tì nǐ ale dò-kpa tó ngari.

³⁴ Ányì abádhí náabhù tdyòkpó nà ka kàngbò òvayì ndínì Yěsù òmvú tí. Nǐ ka ndì ndìnè rò, Yěsù adù nzá kòzè ndòmvù.

³⁵ Wò dhu-dzidǒ, abádhí núutó ka mùsàlabhà dǎ, 'àdù kà-rǒ mùdzarù núndò foyá ngalà ǒ ì òvì rórò.

³⁶ Wò dhu-dzidǒ, abádhí adù òko obvò, 'àmbe kà-ngbò nódò dǎ.

³⁷ Kà-dòná, abádhí apbá àndì ka kàndì dhu dòná bháwǎ-ngba. I andítá nǐ'ì kà-ànyǎ ka kòtdì ndínì ka koho tí okúna dò rò afátá nítè rí. Ndi andítá nǐ'ì: «Yàrí nǐ Yěsù, Pbàyàhúdì tó Ádrùngbǎ kamà.»

³⁸ Ndirò ka kutó óyǒ ogbotále mùsàlabhà dǎ kà mànà, atdí ale kà tó fangà dònǎ rò, ndirò ngàtsi ale kàbhà ígù dònǎ rò.

³⁹ Ányìrǒ rúda ale nóowúnà dhu núndò rǒ kà nǐ, 'àdù òwu dòya nóbhì rǒ.

⁴⁰ Abádhí owúnà àtìnà rǒ ka nǐ: «Inyi, yà Kàgàwà bhà idza nyi nyátsù nyugolo, nyadù òsìnà ìbhu idho ǒ rò, ígǔ pé nyi nyi-tírò! Nyi nyapé ì'ì Kàgàwà t'ídhùnà nyú tí, nǐ ífo pé mùsàlabhà dǎ rò.»

⁴¹ Pbàkùhání tó ádròdrǒ ale mà, Músà bhà Úyátá tó màlímó mà, Pbàyàhúdì ǒ pbàkùrǔ mànà núugbò ka ndi dhu bhěyi tí, 'àtì:

⁴² «Kìgǔ ngǔkpà ale, pbétù kà rǐ nzǐ àdù ndìgu ndítirò! Ka ná tí Pbàìsràyélì tó Ádrùngbǎ kamà? Kìfo pé kombí mùsàlabhà dǎ rò, ndirò nǐ ndi mà madùna kà'ù.

⁴³ Kǎ'u Kàgàwà, ndirò kǎtì: «Ima nǐ Kàgàwà t'ídhùnà.» Nǐ kàndà pé Kàgàwà rǐ kìgǔ kombí dhu.»

⁴⁴ Ndirò kǒkò kà-tí ka kùtònà mùsàlabhà dǎ ogbotále núuno dhu kà nǐ ndi dhu bhěyi tí.

Yěsù rǒvè dhu

(Mrk 15.33-41; Luk 23.44-49; Yùw 19.28-30)

⁴⁵ Ròpè ndi azà adyifò-sisì adyíbhengá nga tó ǒ rò, ràrà àhu àrùgyètdí adyifò-sisì adyídǒ nga tó ò, ínǒ-yà nívbú ndi kóró ndi pbìrì ǒ.

⁴⁶Ní mbèmbè ndi àrùgyètdí adyifò-sisì ǒ, Yèsù náakù ɔrú tūna nyú nà, ndàti: «Èloyì, Èloyì, lamà sàbàkàtanì?» Kà-tì ní: «Pbàkà Kàgàwà, pbàkà Kàgàwǎ, ádhu nyi nyùbhà ma ní ?»

⁴⁷Ngúfe ale kǒkò ányì rǒ ì'ì ale nzínzi ǒ níri wò dhu, 'àdù àtìnà: «Kà rǐ Èliyà nánzi.»

⁴⁸Ní abádhí nzínzi ǒ atdí ale náakù, ndidyì sifǒngò, ndàfǒ ògyògyè òvayì ò. Wò dhu-dzidǒ, kǎdù kǐwà ndòtù ízò-tsù dǒ, ndàdù àvanà Yèsù-tsù ndínǐ kǎndú tí ònà rǐ'ì òvayì.

⁴⁹Pbétù, ngǔkpà ale àdù àtìnà: «Kàndà pé Èliyà rǐrà kǐgu dhu.»

⁵⁰Yèsù adù òkù tdítǒ àrǐ nyú tí, afína ràdù itǒ.

⁵¹Ányìrǒ rò tí, Kàgàwà bhà idzá ka kúsò mberù náadù ndífa, ònángà rùtù ndi ɔyɔ, ròpè ndi ɔrè rò, rǎrà àhu obvò. Mùtiti náabhù adzi rivi, bhalabhala tó odu ràdù 'ùfa.

⁵²Ndirò, ìndrù ka kǔtdú òyà ibhu-li'ò náadù 'ùngbe. Ní yà Kàgàwà bhà ale tí ì arǐ'ì rórò uvè ale náadù 'ùngbe.

⁵³Abádhí núuvò ibhu ò rò. Ní Yèsù ìngbè ndi dhu-dzidǒ, abádhí àdù òtsù Yèrùsàlemà ìlǐlǎ kigò ò ábhǒ ale nyú ràdù ì àla ányì.

⁵⁴Pbàrómá tó pbìrì ǒ atdí miyà pbànowí dǒ ádrùngbǎle mà, yà Yèsù-ngbò nóddò rǒ ùbhìnà pbànowí mànà, náala mùtiti nábhù adzi ràmbe ìvi dǒ dhu, kóró ndi ònzi dhu mànà. Ní ɔdɔ níisí atdí dǒ abádhí ò, abádhí ràdù àtìnà: «Obhó nyú, yàrí ale ní'ì Kàgàwà t'ídhùnà.»

⁵⁵Ábhǒ vèbhále ní'ì ányì rò 'àmbe 'ònzì rǐ dhu àndà dǒ itse rò. I vèbhále ní'ì Gàlìlayà tó pbìrì ò rò íwù Yèsù-owù ǒ, 'òwù kà-kàsǔ nónzi rǒ vèbhále.

⁵⁶Abádhí nzínzi ǒ ì'ì ní: Màgàdalà tó kigò ǒ Màriyà mà, Màriyà, Yàkòbhò mà Yòzefù mànà tsánà, ndirò Zèbèdayò bhà inzo tsánà mànà.

Yèsù nótdù ka kǐ dhu

(Mrk 15.42-47; Luk 23.50-56; Yùw 19.38-42)

⁵⁷Pbítsòngǎnǎ, atdí ònzònzì ale níra àhu Pìlatò bhà. Ndi ale ní'ì Àrìmàtayò tí kátina kigò ǒ ale, ndirò kǒvò ní'ì Yòzefù. Ka ní'ì Yèsù bhà ábhàlǐ átò.

⁵⁸Ní kǎrà Pìlatò-tì'ò, ndàdù Yèsù-abvò nónzi. Ní Pìlatò àdù ndi abvo návi kabhu kà-fó.

⁵⁹Ní Yòzefù adù ndi abvo nídyì, ndàkpòrò ngbǒna yà abvo òtdù ka karí ònà mberù-ɔwúta nǐ.

⁶⁰Kǎdù àrà kòtdù yà ndi nyú ka kòtdúya tí ònà ndi ndabhù kogyè bhalabhala ò ibhu ò. Wò dhu-dzidǒ, kǎdù ádrùngbǎ odu-íyà-ba nígèrè ndàpbǐ ndi ibhu-li'ò nǐ, ndàdù àrà.

⁶¹Màgàdalà tó kigò ǒ Màriyà mà, ngǎtsi Màriyà mànà náadù òko ányìrǒ, ibhu-tsùnǎ.

Pbànowí rǐ Yèsù-adzìdɔ-ngbò nódɔ dhu

⁶²Tsútsǎ nínganí, sàbatù-idhò tò ìndrù óbhòlóná ì ònà idhò dzidǒ ùbho ìnga ǒ, pbàkùhání tó ádròdrǒ ale mà, Pbàfàrisáyò mànà náawù atdíkpá Pìlatò bhà.

⁶³ Abádhí adù àtìná kà nǎ: «Ádrùngbǎlé, wò tìtò-ba núuno inzà ndì ndàpè òvè rórò dhu nísè wà òká. Kǎti, ìbhu idho dzidǒ ndì ringbèya ndì òve-bvù rò.

⁶⁴ Ní ndì dhu-okú dò rò, dhu àkǎ nyavi kòdò wò adzido-ngbò rǎrà àhu ìbhu idho ò. Obhó tí, kǎbhà ábhàlǐ rǎdù iwu kǎ-bvò nówè, 'òwù nà, 'adù àtìná ìndrù nǎ iwà kà ringbè ndì òve-bvù rò. Ní wò ndì tìtò nádù ì'ì nzére nyú, ròsè yà angyi ì'ì dònǎ.»

⁶⁵ Ní Pìlatò adù àtìná abádhí nǎ: «Kǎnǐ pbànowí sàndìrì tí oko tí. Ní nyòwu, nyǎdù ndì adzido-ngbò nábhù kòdò mbèyi yà nyǐ nyòzè ka dhu bhèyi.»

⁶⁶ Ní abádhí awù, 'adù ize nǐli ìbhu-tsù ka kàpbǐ nǎ odu rǒ, 'adù pbànowí nǐli ràmbe ndì adzido-ngbò nódo dǒ.

Màtayò 28

Yèsù rǐ ndìngbè dhu

(Mrk 16.1-10; Luk 24.1-12; Yùw 20.1-10)

¹ Tsútsǎ nínganí, sàbatù-idhò dzidǒ rùbho ìnga ǒ, Mǎgàdalà tó kigò ǒ Mǎriyà mà, ngǎtsi Mǎriyà màná náawù màmbì ǒ Yèsù ka kòtdù róngà nándà.

² Ní uró rò tí, ádrùngbǎ mùtìtì nǐsì, Kǎgàwà bhà màlàyikà rǎdù ìfo òrù-akpà ò rò. Kǎdù odu nógèrè igi, ndàdù àdi dòná.

³ Kǐli ndì òvo námbìli dhu tó awáwù bhèyi, kà-rǒ mùdzarù rǎdù òwu tdyé, mbìlkàkù bhèyi.

⁴ Ní ádrùngbǎ òdo nǐsì yà ìbhu-ngbò òdò rǒ rúbhi sàndìrì ò. Abádhí adù 'òpè 'àmbe ìvi dǒ, ndìrò 'adù 'àwà obvò iwà ùve ale bhèyi.

⁵ Ní màlàyikà náapè òte, ndàti vèbhále nǎ: «Ìnzǐ nyònzì òdo. Ma mùni wà dhu nyǐ nyómena ale rǎrǐ Yèsù, yàmùsàlabhà dǒ ka kútǒ ale.

⁶ Kà rǐ mbǎ ì'ì iró, kìngbè wà ndì yà ndì nduno dhu bhèyi. Nyìwù nyàndà pé kǎ-bvò ka kǐli rǎyi róngà.

⁷ Ní nyòwu nyùnò dhu tsàkàtsàkà kǎbhà ábhàlǐ tò nyǎti, ka ringbè wà ndì òve-bvù rò, ndìrò kà rǎrǐ àrà nyòdò kòmbí Gǎlìlayà tó pbìrì ò rò. Ányì nga rǎrǐ ndì nyǐ nyí ndàlǎ nǎ. Kònǐ ma mì'ì nà fǔkù ma muno tí dhu ní wò.»

⁸ Ní abádhí níivà ì, 'òwù tsàkàtsàkà ìbhu-tsùnǎ rò, ùlè tí ì ùlè òdo mà, ábhǒ dhèdhe màná nǎ rórò. Ndirò abádhí adù òtse 'òwù màkǔrù nà Yèsù bhà ábhàlǐ tò.

⁹ Ányìrǒ rò tí, Yèsù ìra, ndìrǎ ndùsò abádhí màná, ndàdù abádhí nátsè, ndàti: «Yǎmbù.» Abádhí adù ìndri kà-tì'ò, 'ùlǔ ì kà-pfò rǒ, 'adù kífù.

¹⁰ Ní Yèsù adù àtìná abádhí nǎ: «Ìnzǐ nyònzì òdo. Nyòwu nyùnò dhu adódu tò, ròwù Gǎlìlayà tó pbìrì ò. Ányì nga ní ndì, abádhí rǐ malǎ nǎ.»

Pbànowí rǒwu Yèsù ìngbè ndì dhu nóvò dhu

¹¹Otu ǒ kǒkò vèbhále rǐ'ì rórò, yà Yěsù adzìdò-ngbò nódò rǒ rúbhi pbàńowí nzínzì ǒ ngúfe ale náadù ì Yèrùsalemà tó kígò ò. Abádhí náawù kǒkò kóró ì nònzì dhu náwe pbàkùhání tó ádròdrǒ ale tò.

¹²Ní ì pbàkùhání tó ádròdrǒ ale mà, Pbàyàhúdí ǒ pbàkùrǔ mànà núundu ì, 'àdù 'ìrì ndínì ì ubhò tí ábhǒ fùrangà nyú pbàńowí tò.

¹³Abádhí adù dhu ùya ì pbàńowí tò 'àtì: «Nyǐ nyowuna dhu ǒvò rǒ kprangba nyǎtì, kàbhà ábhàlǐ rìwǔ kǎ-bvò nówè kúbhingá òdhò nyǐ nyòdhò ró.

¹⁴Ndirò lèwalì nírina gukyè ndi dhu, ní mǎ m̀nì wà mǎ mí kà-afí nábhǔ rùkò ndi tí dhu, ndirò mǎdù nyǐgu ìnzì nyǎbá tí àpbè!»

¹⁵Ní kǒkò Sàndírì náakò fùrangà, 'àdù wò fǐyò ka kùyǎ dhu kèlě nónzì. Ní ndi màkǔrù náadù ndùgà Pbàyàhúdí nzínzì ǒ, rìrà àhu indo màtí.

Yěsù rǐ ndàvǐ pbìndà ábhàlǐ tò dhu

(Mrk 16.14-18; Luk 24.36-49; Yùw 20.19-23; Kas 1.5-8)

¹⁶Yěsù bhà atdí kumì dóná atdí nà ábhàlǐ náawù Gàlìlayà yà kìtènà fǐyò pbìrì dǒ.

¹⁷Ní ábhàlǐ níitdègu Yěsù nálǎ, ní abádhí níifu ka. Pbétù, dhèdhè abádhí nzínzì ǒ ale náa'ù nzá dhu Yěsù nyú ràrǐ ndi.

¹⁸Ní Yěsù adù ìndri abádhí-tì'ò, ndàdù àtìnà abádhí nǐ: «Kàgàwà níibho wà kóró ádrùngbǎnga fudú ǒrù-akpà ò dhu-tsí dǒ, ndirò yà adzì ǒ dhu-tsí dǒ màtí.

¹⁹Nírò, nyòwu kóró pbìrì ǒ ale-bvù, nyàdù abádhí nábhù rùgèrè ì, 'òngò pbàkà ábhàlǐ tí. Ndirò, nyùbho bàtizò abádhí tò, Àba Kàgàwà-ǒvò rò, ka t'ídhùnà-ǒvò rò, ndirò Hǐlǎ-Alafí-ǒvò rǒ.

²⁰Ndirò, nyùdhe dhu abádhí tò rìfu yà kóró ma m̀yá fǔkù dhu. Ndirò, nyèni dhu ma ràrǐ ìnè atdíkpá nyǐ mànà, ràrà àhu kóró yà adzì ǒ dhu-tsù náarayà ndòdì ǒnà idho ò.»

Mărkò

Mărkò 1

Bàtizò nubhónà Yùwanì rĭ Kàgàwà bhà Ídzì Mākūrù núno ìndrű tò dhu

(Măt 3.1-12; Luk 3.1-18; Yùw 1.19-28)

- ¹Yàrí ní Yēsù Krístò, Kàgàwà t'ídhùnà dǒ róte Ídzì Mākūrù náapè ndì tí dhu.
- ²Àdhàdhì nabì Ìsayà náandí dhu pbìndà bhŭkù ò dhu bhěyi, ndàti: «Kàgàwà rătina: «Ma mí pbàkà mùkèngyè nóvi angyi indù. Kà rĭ otu nówè indù .»
- ³Ndì mùkèngyè rĭ dhu òvò ɔrú tŭna nyú nà rùngù ò, ndàti: «Nyòbhòlo ngudhà Ádrùngbăle tò, nyùtò kà rŭbhi ònà otu ! »»
- ⁴Ní Yùwanì nítò ndì rùngù ò, ndàmbe bàtizò núbho dǒ ìndrű tò, ndàdù àrà dhu nóvò rǒ abádhí tò ndàti: «Nyùgèrè nyĭ nyŭbhà fùkú nzérenga, nyàdù bàtizò nálù, ndínĭ Kàgàwà adù tí fùkú nzérenga núbà fùkù.»
- ⁵Yùdeyà tó pbìrì ǒ ábhǒ ale nyú, Yèrùsàlemà tó kigò ǒ ale mànà níwúnà kóró kà tí'ò. Abádhí núunónà fĭyò nzérenga kprangba, Yùwanì ràdù bàtizò núbho fĭyò Yòròdanì tó idha-akpà ò.
- ⁶Yùwanì náafónà ngàmiyà tí kătina ìzà-ká nĭ ka kódyù mùdzarù, ndàdù mvuna'ò níso asé tó kùkyè nĭ. Kǒngúnà ndì indù mà nĭ, irí ǒ ìti-dha mànà.
- ⁷Kăránà dhu núno rǒ ihé-yà tò ndàti: «Olù rĭrà dzidu dǒ ale rĭ'ĭ ádrùngbănga tó ɔbì nà atdí dǒ ròsè dùdună. Ma màkă nzá mǎkò ma munga kàpfò rǒ kàyitò-mbĭ mà.
- ⁸Ima, ma marí bàtizò núbhǒ fŭkù idha nĭ. Pbétù, àbadhi náaraya bàtizò núbho rǒ fŭkù Ĩlĭlă-Alafí nĭ.»

Yēsù rĭ bàtizò nálŭ dhu

(Măt 3.13-4.11; Luk 3.21-22; 4.1-13)

- ⁹Yùwanì arí bàtizò ùbhǒ ònà kàsùmì ǒ, Yēsù níra Galilayà tó pbìrì ǒ atdí kigò, Nàzàretì tí kătina ò rò, ndĭrà àhu Yòròdanì tó idha-akpà ò, Yùwanì ràdù bàtizò nábhu fĭndà.
- ¹⁰Ní idha ò rò Yēsù rǎhu rò, kăla òrù-akpà-li'ò ndĭkpa rĭ ró, Ĩlĭlă-Alafí ràdù ìfo ònà kà-dǒ àmbò tó ófò ǒ.
- ¹¹Ndĭrò, kĭrì atdí ale-tù òrù-akpà ò rò róte ró, ndàti: «ĭnyi ní Idhùdu, yà atdí dǒ ma mǎzè ale, idhèdu náarí ndĭkă okúnù dǒ rò.»
- ¹²Ní ányĭrǒ rò tí, Ĩlĭlă-Alafí núutu Yēsù ràrà rùngù ò.
- ¹³Ní kǎnzì ìfo kumì idho ányì, Sìtanì ràdù àmbe kà-afí númvu dǒ. Kădĭ irí ǒ ìzà náaróko ònà ngari ò, màlàyíkă ràdù àmbe dzùnàna nónzì dǒ.

Yēsù rĭ wemberè tó pbìndà ábhàlĭ núnzi dhu

(Măt 4.12-22; Luk 4.14-15; 5.1-11)

¹⁴Yùwanì ka kósò imbi ò dhu-dzidõ, Yèsù náarà Gàlìlayà tó pbìrì ò, ndàmbe Kàgàwà bhà Ídzi Màkürù núnò dõ ìndrù tò.

¹⁵Kàránà àtìnà rõ: «Kàsùmì nákã wà. Òrù-akpà ò Ádrùngbã kamà Kàgàwà bhà Idzi-tsu nìndù wà ndì. Ní, nyùgèrè nyí nyùbhà fùkú nzérenga, ndìrò nyà'u Ídzi Màkürù.»

¹⁶Gàlìlayà tó rèrù-bidõ ndì ndúbhi rórò, Yèsù náala óyõ àwèrù, Sìmonì mà adònà Àndèreyà nà, ìbhè nóho rí imbi nì rèrù ò ró.

¹⁷Ní Yèsù náati abádhí nì: «Nyìwũ owùdu ò, ma mí nyùgèrè nyõngò ìndrù tó àwèrù tí.»

¹⁸Ní uró rò tí, abádhí núubhà fiyó ìbhè-mbì, 'àdù òwu kówù ò.

¹⁹Tdítdõ, Yèsù náandri itseta ake, ndàdù Zèbèdayò bhà inzo, Yàkòbhò mà Yùwanì nà nála. Abádhí ní'ì fiyó ìbhú ò, fiyó ìbhè-mbì nóbhòlo ì'ì ró.

²⁰Ní ányìrò rò tí, Yèsù náanzi abádhí. Ní, abádhí adù àbayà Zèbèdayò núbhà ìbhú ò kasutále mànà, 'àdù òwu Yèsù-owù ò.

Yèsù rĩ nzére-alafí nà arí'ì atdí ale nígũ dhu

(Luk 4.31-37)

²¹Yèsù mà pbìndà ábhàlĩ mànà náawù ùvò Kàpèrnàwumù tí kátina kígò ò. Ní, Pbàyàhúdì tó asota-dhò ò, Yèsù náatsù unduta-dzà ò, ndàdù ndòpè ndùdhe dhu ányì-dzà ì'ì ale tò.

²²Ní Yèsù rñnõna dhu níri rí ale idhò núuko atdítdõ, kàrĩ dhu núdhè tí dhu dõ. Obhó tí, kàbhà dhu t'údheta ní'ì mbã Músà bhà Uyátá tó màlímó tó dhu t'údheta bhèyi. Ndirò, kàmbénà dhu núdhe dõ ádrùngbãnga tó obi nyú nà.

²³Ní wò kàrĩ dhu núdhè òná kàsùmì ò tí, nzére-alafí nà arí'ì atdí ale náatsù ndì unduta-dzà ò, ndàdù òkù ndàti:

²⁴«Ádhu nyi nyòzè mã nà Yèsù, Nàzàretì tó kígò ò alé? Nyi nyìrà tí tsèka nyi nyòtdí tí? Ma muni wà dhu mbèyi nyú nyi ràrĩ àdhi. Nyi ní Kàgàwà ívì ìlìlã ale.»

²⁵Ní Yèsù náarù wò ale ò rí'ì nzére-alafí dõ, ndàti: «Ínè, áhũ wò ale ò rò!»

²⁶Ní wò ndì nzére-alafí níiyà wò ale-õnga obi nyú nà, ndàdù àhu kà ò rò ádrùngbã ìkũ nyú nà.

²⁷Kóró ale idhò núuko, ràmbe dhu nóngù dõ tsùyá nzínziya ò, 'àmbe àtìnà dõ: «Íngbà dhu-tidò wò? Màkürù-owútá nyú ní yà ádrùngbãnga tó obi nyú nà ka kùnò! Yàrí ale rĩ dhu nýyã nzére-alafí tò màtí, ràdù tsùnà dhu níri!»

²⁸Ní Yèsù rñnzina dhu-òyĩ núugà ndì kòmbómbí kóró Gàlìlayà tó pbìrì ò.

Yèsù rĩ andì nà ábhõ ale nígũ dhu

(Màt 8.14-17; Luk 4.38-41)

²⁹Unduta-dzà ò rò ì 'ùvò dhu-dzidõ, Yèsù mà náadù òwu uró rò tí Sìmonì mà Àndèreyà nà mà t'ídza. Abádhí awù atdíkpá Yàkòbhò mà Yùwanì mànà nà.

³⁰Ní ányì-dzá, Simoni bhà aguna-àyi ní'ì ara dò ndì ndàyi ró, atdíđ kàzu ùtò ndì òna nà nídhuní. Ní, yà Yèsù irà àhu rórò tí, ka kavò íyàdhíyà rándi dhu kà tò.

³¹Ní Yèsù náandri kà i, ndàlũ kòtsú, ndàdù kìvà orù. Ní kà-ò ì'ì kàzu náavè, kà ràdù àdi ndàmbe ònyù ùbho dō abádhí tò.

³²Pbítsòngă, adyifò nótsù dhu-dzidō, ka kowúnà ìwu rō andi nà arí'ì kóró ale nà Yèsù tí'ò, nzéere-alafí nà arí'ì ale mànà.

³³Ní, kigò ò ale núundu ì kóró Yèsù rí'ì ònà idza-lí.

³⁴Ní Yèsù níngú dhèdhèrò andi-tidò ní arándi ábhò ale nyú. Kǎránà nzéere-alafí nípfò rō átò ábhò ale ò rò. Ndirò, kǎránà nzí ì nzéere-alafí núbhà rō ròtè, iwà abádhí núnì Yèsù rǎrǎ àdhi dhu nídhuní.

Yèsù rí Kàgàwà bhà Ídzì Mākūrù núnò Gàlilayà tó pbìrì ò dhu

(Luk 4.42-44)

³⁵Tsútsă nínganí bhòtsungá, inzá inga nápè àwù rórò, Yèsù níivà ndì ndàhu kigò ò rò, ndàrà igi rùngù ò ndàdù ndòpè ndìtsò ndì ányì.

³⁶Ní, Simoni mà ɔdhína mànà náawù kòmè.

³⁷Ní Yèsù ì àla rò, abádhí náati kà ní: «Ádrùngbǎlé, kóró ale rí nyòmè.»

³⁸Pbétù Yèsù adù dhu àdu abádhí tò ndàti: «Kòwu kyèròkyèrò rí'ì ngǔkpà pbanga ò. Ányì, ma màkă munò Kàgàwà bhà Ídzì Mākūrù átò, ndì dhu-okú dò rò ma mira nídhuní.»

³⁹Nírò ní ndì kǎdù ùbhi Gàlilayà ò kóró ngari ò, ndàrà Ídzì Mākūrù núnò rō ndì pbìrì ò unduta-dzà ò rò, ndàdù àrà nzéere-alafí nípfò rō abádhí rí'ì òyà ale ò rò.

Yèsù rí kíkí nà ale nábhù rǐlǎ Kàgàwà-nyìkpó ò dhu

(Màt 8.1-4; Luk 5.12-16; 17.12-19)

⁴⁰Atdíku, kíkí nà atdí ale ní'ira Yèsù ì, ndìtsì ndòkò ɔtdyùna dō kònzí, ndàdù ndìtsò kǎrò ndàti: «Nyì nyòzè ka ní, nyì nyínè nyabhu ma milă Kàgàwà-nyìkpó ò.»

⁴¹Ní Yèsù náabà izu kǎdō, ndàdù ɔtsúna nágba, ndàpbàlǎ kàngbò, ndàdù àtìnà kà ní: «Íwà ma mòzè. Ílǎnà!»

⁴²Ní ányìrò rò tí, kíkí níikù wòrí ale rō rò, kà ràdù ìlǎ.

⁴³Wò dhu-dzidō, Yèsù uyá dhu kà tò ɔbi nyú nà, ndàdù kàvi rǎrà,

⁴⁴ndàti ní: «Ándà nga mběyi, àpé nyùnò wò dhu atdí ale tò màtí. Pbétù àrà nyitè nyì nyògù dhu kùhanì tò, ndìrò nyádù nyabhù yà Músà bhà Uyátá núuyá perè Kàgàwà tò, ndíní nyì nyògù dhu nitè tí kóró ale tò .»

⁴⁵Pbétù wòrí ale níitdègu àrà, náadù ndòpè ndàrà róná ndì nònzì dhu náwe rō atdíđ nyú, ndùgà ndì dhu-òyí kóró ngari ònǎ. Wò ndì dhu-okú dò rò, Yèsù náadúnà nzí àrà òtsù rō kpangba atdí kigò ò màtí, pbétù kǎránà àdi rō lèngèlèngè. Ní, ìndrù owúnà ìwu rō kà-tí'ò kóró ngari ònǎ rò.

Mǎrkò 2

Yěsù rǐ ngbǒna úve ale nígǔ ndàdù pbìndà nzérenga núbà dhu

(Màt 9.1-8; Luk 5.17-26)

¹Ngúfe idho dzidǒ, Yěsù níngo tǎtǎdǒ Kàpèrnàwumù tó kigò ò, kóró ale ràdù dhu ìrì, ìnè kà ràrǐ'ì idzá .

²Ní ábhǒ alé-yà núundu ì Yěsù rǐ'ì ònà idza ǒ, ìmbǎ ale-pfò kafó róngà mà rǐ'ì ndì idzalí màtí. Yěsù náadù àdì ndàmbe Kàgàwà bhà Ɔte núde dǒ abádhí tò.

³Nírò ní ndì ngǔkpà ale níiwú ngbǒna úve ale nà Yěsù-tǐ'ò, ìfo ale nánò ótdù dǒ rórò.

⁴Pbétù, abádhí rǐ ndì ale nítǔ Yěsù-tǐ'ò dhu ní'ì ɔbì tí ihé-yà-okú dò rò. Ní abádhí núungbe idza-dòtsirò yà Yěsù nádi ònà ngari dǒ rò, 'àdù wòrì ale nífo ònà ótdù mànà Yěsù-ònzǐ.

⁵Ní kòrì ale tó a'uta ndì ndàla rò, Yěsù atì wò ngbǒna úve ale nǐ: «Ɖdhí, ma mùbà wà pbùkù nzérenga.»

⁶Ní, yà ányǐrǒ ì òkò ró ì'ì Músà bhà Ɔyátá tó ngúfe màlímó, náambénà inga nírè dǒ afíya ò, 'àmbe àtìnà dǒ:

⁷«Ádhu wò ale rǐ dhu ùno nzére nyú Kàgàwà nǐ nǐ? Ádhi ìndrù bhà nzérenga núbà ràdù, ìnzá ní Kàgàwà kèlě atdírò núbà ka rò?»

⁸Ní uró rò tí, Yěsù núuni abádhí rǐrèna afíya ò dhu, ndàdù dhu ìvu abádhí-tsǔ ndàti: «Ádhu nyǐ nyǐ'ì wòrì ìrèta-tidò nà nǐ?

⁹Katì ngbǒna úve ale nǐ: «Ma mùbà wà pbùkù nzérenga», ndirò katì: «Ívà nyi, ítù indú ótdù, nyadù àrà», ní kòrì óyǒ dhu nzínzì ǒ isó ró'ò dhu ní àdhu?

¹⁰Nírò, ma mòzè nyǔni dhu, ìnè Ìndrù t'ídhùnà ràrǐ'ì ádrùngbǎnga tó ɔbì nà, ndùbà ìndrù bhà nzérenga yà adzi dǒ.» Nírò ní ndì kǎdù àtìnà wò ngbǒna úve ale nǐ:

¹¹«Ma mátina ìnyi nǐ: Ívà nyi, ítù indú ótdù, nyadù àrà pbùkù.»

¹²Ní ányǐrǒ rò tí, wòrì ale níivà ndì kóró ale-nyǐkpó ǒ rò, nditdù fǐndá ótdù, ndàdù àrà pbìndà. Idho nyú núuko uró ì'ì alé-yà kóró atdídǒ, ràdù Kàgàwà nífu 'àti: «Ínzá mà màpè yà dhu bhěyi dhu-tidò nálǎ!»

Yěsù rǐ Lawì nánzi owùna nungu tí dhu

(Màt 9.9-13; Luk 5.27-32)

¹³Wò dhu-dzidǒ, Yěsù náadù ndì Gàlilayà tó rèrù-bidò. Ní, ihé-yà nóowúnà ìwu rǒ kà ì, kà ràdù àmbe dhu ùdhe dǒ fǐyò.

¹⁴Ní ùda ndì ndúda rórò, kǎla Lawì , Àlùfayò t'ídhùnà pàratà t'úfótá-dzà ǒ àdì ró. Ní Yěsù atì kà nǐ: «Frà owùdu ǒ.» Ní, Lawì adù ndivà ndàrà kòwù ǒ.

¹⁵Wò dhu-dzidǒ, Yěsù mà pbìndà ábhǎlǐ mànà náawù dhu nónyè ndì Lawì bhà idza. Ní, pàratà tó ibí pbàndómbé mà, nzérenga tó ngǔkpà ale mànà ní'ì atdíkpa abádhí mànà ndì ònyè-tsunǎ. Obhó tí, ibí ì dhu bhěyi ale-tidò nóongónà ndì ùbhi kòwù ǒ.

¹⁶Ní P̄bàfàrisáyónzínzì ǒ Músà bhà Ʋyátá tó màlímó ní'ì inè ànyìrǒ. Ní abádhí nítdègu Yèsù mà rǐ dhu ònyu i nzérenatále mà, pàratà tó p̄bàndómbé mànà dhu nálá, náati Yèsù bhà ábhàlǐ nǐ: «Ádhu kàrǐ dhu nónyu pàratà tó p̄bàndómbé mà ndìrò nzérenatále mànà ní?»

¹⁷Ní, wò dhu ndì ndìrì rò, Yèsù adù atìnà abádhí nǐ: «Ìmbà rǐ'ì andi nà ale náarí nǐ m̀ngangà-atdyú nóho, p̄bétù m̀ngangà-atdyú òho arí ale ní andi nà rǐ'ì kèlě. Inzá ma mira obhónángatále núnzì, p̄bétù ma mira ùnzìnà ní nzérenatále.»

Yèsù bhà irèta ònyu t'ónyuta-tsù t'útsita dǒ

(Màt 9.14-17; Luk 5.33-39)

¹⁸Bàtizò nubhónà Yùwanì bhà ábhàlǐ mà P̄bàfàrisáyó mànà nóongónà ònyu t'ónyuta-tsù nùtsi. Ní atdíku, ìndrǔ iwú dhu ìvu Yèsù-tsù, 'àti: «Ádhu Yùwanì bhà ábhàlǐ mà P̄bàfàrisáyó tó ábhàlǐ mànà náarí ònyu t'ónyuta-tsù nùtsi, ìnzǐ p̄bùkù ábhàlǐ ràdù kùtsi átò ní?»

¹⁹Ní Yèsù adù dhu àdu abádhí tò mbólí ǒ ndàti: «Nyǐ nyìrè tí nga àdhìngbà ka kùndà nǐ m̀hendù ò ìwù ale r̀ràdù ònyu t'ónyuta-tsù nùtsi, àzembè inè akpa-tsi rǐ'ì nzínziya ǒ r̀rò? Ìnzǐ akèkpá màtí! K̀ró kàsùmì yà inè ì ì'ì ònà atdíkpá akpa-tsi mànà ǒ, abádhí rǐ nǐ àdù ònyu t'ónyuta-tsù nùtsi.

²⁰P̄bétù, atdí idho ní'ìya inè, yà akpa-tsi nódyì ka kí ònà abádhí nzínzì ǒ r̀rò. Ndi idho r̀kà nínganí ní ndi, abádhí nùtsi ònyu t'ónyuta-tsù.

²¹Ndirò, ìnzǐ atdí ale mà ràdù ngoyì-òwútá tó kèlèmù nàpba mberù-ayí ǒ, akye ndi kèlèmù náadùna ndàduru ndi mberù ka kù'o r̀rò, ndàdù ndi mberù-ayí nùfà, ndi ufàta-bhu ràdù àhu ihù nyú tdítǒ nǐ.

²²Ndi dhu bhèyi tí, ka kí nǐ àdù ònyu-òwútá nìsì kàmudzè-ayí ò, akye ndi ònyu-òwútá nìvùna kàmudzè-ayí ò, ràdù ndi kàmudzè nùfà, ndi ònyu-òwútá ràdù ndùfù obvò nǐ. Nìrò dhu-òfò nga kisǐ ònyu-òwútá kàmudzè-òwútá ò.»

Yèsù bhà irèta P̄bàyàhúdí tó sàbatù-idhò dǒ

(Màt 12.1-8; Luk 6.1-5)

²³Atdíku P̄bàyàhúdí tó sàbatù-idhò ǒ, Yèsù mà p̄bìndà ábhàlǐ mànà náambénà òwu dǒ nganù tó inga òna nà údà otu ǒ. Ní, Yèsù bhà ábhàlǐ náadù 'òpè 'òwù otu-igì dǒ rǐ'ì nganù náfà rǒ.

²⁴Ní wò dhu nàla P̄bàfàrisáyó náati Yèsù nǐ: «Ándà pé dhu, ádhu p̄bùkù ábhàlǐ rǐ ìnzá àlě tó Ʋyátá ávi dhu ònzi sàbatù-idhò ǒ ní?»

²⁵Ní Yèsù adù dhu àdu abádhí tò ndàti: «Nyǐ nyàpè tí ìnzá Dàwudì náanzì dhu nózù ? Atdíku, àbadhi mà r̀onà ale mànà ní'ì àwù nà, ìmbà ì ònyu dhu ràdù ì'ì.

²⁶Ní, kàtsù Kàgàwà bhà idza, ndàdù perè tí ka kùbho Kàgàwà tò m̀gatì nídyì ndònyu. Obhó tí, àlě tó Ʋyátá ràtina wò ndi m̀gatì nónyu ràdù r̀rǐ p̄bàkùhání kèlě víya dǒ r̀rò. P̄bétù Dàwudì nídyi ka ndònyu, ndàdù kàbhu átò ì ùbhi mànà p̄bìndà ale tò. Wò ndi dhu náanzì ndi Àbìyàtarì ní'ì p̄bàkùhání tó àdròdrò ale dǒ kamà tí nínganí.»

²⁷Yēsù adù àtìná tdítdõ abádhí nǎ: «Ìndrù ka kanzì nzá sàbatù-idhò tò, pbétù sàbatù-idhò ka kanzì ìndrù tò.

²⁸Ndi dhu-okú dò rò ní ndi, ima Ìndrù t'ídhùnà, ima ní ndi Ádrùngbàlè sàbatù-idhò dõ màtí.»

Mǎrkò 3

Yēsù rǐ ɔtsúna ótsù ale nígũ sàbatù-idhò ǒ dhu

(Mát 12.9-14; Luk 6.6-11)

¹Ngǎtsi nínganí sàbatù-idhò ǒ, Yēsù náatsù tdítdõ unduta-dzà ò. Ní ɔtsúna ótsù atdí ale ní'ì ányì-dza.

²Ányìrǒ ì'ì ngũkpà ale náambénà Yēsù nándà dõ atdyúya nyú nà, ndínǎ 'ala tí, kàrà tí wò ale nígĩgũ sàbatù-idhò ǒ, ndínǎ 'adù tí kòbhù ndi dhu-okú dò rò.

³Ní Yēsù ati wò ndi ɔtsúna ótsù ale nǎ: «Ívǎ nyi, nyidè uró kóró ale nzínzì ǒ.»

⁴Tdítdõ kǎdù dhu nívu yà ányìrǒ ì'ì ale-tsũ ndàtì: «Àlě tó Úyátá návi tí kǎnzì ídzì dhu ìndrù tò, ndirò tí kǎnzì nzére dhu ìndrù tò sàbatù-idhò ǒ? Tí kigũ ìndrù bhà ípìrǒnga, ndirò tí kùbhà ndi ale ròvè?» Pbéttù abádhí adù ìnè ìnè tí.

⁵Ní, Yēsù náandà abádhí-dò nga kóró akótá nyú nà, izu ràdù ndùka atdítdõ abádhí tó odù ale-afí-okú dò rò. Ní kǎdù àtìná ndi ale nǎ: «Ígba ɔtsúnù!» Kà ràdù kigbà. Ní kǒtsú náadù ògù ányìrǒ rò tí.

⁶Ní ányìrǒ rò tí, Pbàfàrìsáyó núuvò unduta-dzà ò rò, 'adù 'unduHèròdè bhà ale mànà, ndínǎ 'iri tí ì ìngbà dhu bhèyi màtí ka kí Yēsù nábhũ kohò dhu dõ.

Ihé-yà rǐwú kóró ngari ònǎ rò Yēsù rǐ'ì ì dhu

(Mát 4.23-25; 12.15-16; Luk 6.17-19)

⁷Wò dhu-dzidõ, Yēsù mà pbìndà ábhàlǐ mànà nídhá ì Gàlìlayà tó rèrù-bidò, ábhõ ale tó ihé-yà ràdù òwu owùya ǒ. I alé-yà níwú Gàlìlayà tó pbìrì ò rò, Yùdeyà tó pbìrì ò rò,

⁸Yèrùsàlemà tó kigò ò rò, Ìdùmeyà tó pbìrì ò rò, Yòròdanì tó idha-akpà-adzèná rò arí'ì pbìrì ò rò. Ndirò abádhí iwú Tirò mà Sìdonà mànà tó kigò tó mùlengù ònǎ rò. I ábhõ ale tó ihé-yà níwú Yēsù ì, kǎrónzina dhu-òyǐ ì ìrì dhu-okú dò rò.

⁹Ní, Yēsù adù pbìndà ábhàlǐ návi rìlì atdí ibhú fǐndà, akye ndi ihé-yà nípbóna ndi nǎ.

¹⁰Obhó tí, ibí ale nígũ kǎrì dhu-okú dò rò, kóró ale andi nà rí'ì nóowúnà 'òdzì rǒ kà rǐ'ì ì, ndínǎ 'apbálá tí kàngbò.

¹¹Ndirò Yēsù ì àla rò, nzére-alafí nóowúnà yà ì arí'ì òyà ale nábhũ rǒ rùkò ì ɔtdyùya dõ Yēsù-ònzǐ, 'adù òwu abádhí ábhũ rǒ rùkũ, 'àmbe àtìná dõ: «Ínyì, nyi ní Kàgàwà t'ídhùnà nyú.»

¹²Pbéttù Yēsù adúnà àrà dhu núya rǒ ì nzére-alafí tò ɔbi nyú nà, ìnzǐ àdhi màtí ndi ndí'ì dhu nuno tí.

Yēsù rǐ atdí kumì dònǎ óyǒ nà ale nóvò ndùlì uvitatále tí dhu

(Mát 10.1-4; Luk 6.12-16)

¹³Wò dhu-dzidõ, Yësù núupò atdí pbìrì dò, ndàdù ndì ndòzè ndùnzi ale núnzi, i ale ràdù iwu tina ò.

¹⁴Kådù atdí kumì dòná óyõ nà ale núli, ndàdù òvòya nóvò «uvitatále» tí. Kǔli abádhí ndíní 'ongó tí oko mànà atdíkpá. Kǔli abádhí, ndíní ndongó tí ùvinà ròwù Kàgàwà bhà Ídzi Màkǔrù núnò ìndrǔ tò,

¹⁵ndirò ndíní i'í tí ádrùngbǎnga tó òbi nà 'òwù nzéere-alafí nípfò rǒ nǐ ìndrǔ ò rò.

¹⁶Yàrí ní ndi yà kǎvò atdí-kumì dòná óyõ nà Uvitatále-òvò: Sìmonì (Yësù adù ngǎtsi kǒvò nóvò Péterù tí),

¹⁷Yàkòbhò mà adònà Yùwanì nà. Abádhí óyõ kóró ní'ì Zèbèdayò bhà inzo. Yësù adù ngǎtsi abádhí-òvò nóvò Bòwànergè tí, kà-tì ní òvò bhà inzo.

¹⁸Àndèryà, Fìlipò, Bàrtòlòmàyò, Màtayò, Tùmasì, Yàkòbhò (Àlùfayò t'ídhùnà), Tàdayò, Sìmonì, yà atdídõ ndì nuggyèna fìyó pbìrì dõ ale,

¹⁹ndirò Yudhà Ìskàriyotà, yà Yësù ìpfò adù àrà ndàbhu òmvǔ-fó ale.

Yësù àtì ka kí dònà ìnza ndì dhu tí ndirò nzéere-alafí rǐ'ì ònà dhu tí dhu

²⁰Wò dhu-dzidõ, Yësù náadù ndì idza. Ní, ihé-yà náadù 'àndu tdítidõ kà-tí, Yësù mà pbìndà ábhàlǐ mànà rǐ ònyù nónyu ònà kàsùmì mà ràdù i'ì mbǎ.

²¹Ní wò dhu ì ìrì rò, kà mà t'ídzá-bhà náadù kàtì iwà dònà ìnza ndì dhu tí. Ní, abádhí adù iwu kòdyì òwùnà.

²²Ndirò, Yèrùsàlemà tó kigò ò rò iwù Yësù-ti'ò Músà bhà Úyátá tó màlímó náambénà àtìnà dõ: «Pfòmvo Bèlizèbulì rǐ'ì kà ò.» Ndirò abádhí ambénà àtìnà dõ: «Wò ndi nzéere-alafí ò ádrùngbǎle ní ndi arí kàbhǔ ròdì kǒkò i nzéere-alafí.»

²³Ní Yësù anzi abádhí, ndàdù dhu ùnò fìyò mbóli ò ndàti: «Nzéere-alafí dõ ádrùngbǎle, Sìtanì, ràdù ndòdì ìngbǎ dhu bhěyi ndítirò?»

²⁴Atdí ádrùngbǎ kamà bhà pbìrì ò ale náapé àmbe 'ùgyè dõ nzínziya ò, ní ndi kamà bhà idzi náarí nzǐ àpere.

²⁵Ndirò, atdí òdhi náapé àmbe anya nónzì dõ nzínziya ò, ní i ale tó òdhi-tì náarí nzǐ ìde.

²⁶Nirò, Sìtanì náapé àdù ndòpè ndùgyè ndì ndítirò, kàbhà idzi-ònga ràdù ndùtu, ní kàbhà ádrùngbǎnga rǐ nzǐ adù àpere, kàbhà idzi-tsù ràdù ndòdì.

²⁷Ìnzǐ atdí ale mà ràdù òtsù òbi nǐ ìdzǐdzò ale bhà idza, ndàdù kàbhà idzá dhu númbà, ìnzá ndì ndàlǔ pé ka ndùtsì angyi rórò. Ka ndì ndàlǔ ndùtsì dhu-lutìnǎ ní ndi, kà ràdù kàbhà idzá dhu númbà.

²⁸Ma mí obhó dhu núnò fǔkù, ìndrǔ náabáya àbà kóró fìyó nzérenga tó ubàta, ndirò abádhí náabáya àbà Kàgàwà nǐ ì arí dhu ùnò nzéere dhu tó ubàta mà.

²⁹Pbétù, Hǐlǎ-Alafí nǐ rí dhu ùnò nzéere ale náabáya nzǐ ubàta akekpa màtí. Obhó tí, kàbhà nzérenga ní dhòdhódhóngà nà rádi nzérenga.»

³⁰Yěsù atè wò dhu bhěyi abádhí nǐ, abádhí àti ndì rǎrǐ'ì nzére-alafí dǒ ádrùngbǎle nà ònà dhu-okú dǒ rò.

Ádhi mà nyú ndi Yěsù-tsánà, kà t'ádóna, kà t'áwéna mànà?

(Màt 12.46-50; Luk 8.19-21)

³¹Tdítdǒ, Yěsù-tsánà mà kà t'ádóna mànà níwú ùvò Yěsù rǐ'ì ònà idza-lí. Abádhí itsi ìko irinǎ rò, 'àdù atdí ale návi rànzi Yěsù idza rò.

³²Ihé-yà ní'ì kà-tí ì òkò, 'àkpòrò kàngbò ró. Ní ka kadù àtìnà kà nǐ: «Kànǐ íyànù mà adónù mà awénu mànà rǐ'ì iri. Abádhí rǐ nyòmε.»

³³Ní Yěsù adù dhu àdu ndàti: «Ádhi ndi íyàdu, ndirò ádhimà ndi adódu?»

³⁴Tdítdǒ kǎdù yà tiná ókò 'àkpòrò ngbǒna ale dǒ nga nándà, ndàdù àtìnà: «Kànǐ íyàdu mà adódu mànà.

³⁵Kàgàwà òzè dhu nónzi rí ale ní ndi, adòdu, awèdu, ndirò íyàdu.»

Mǎrkò 4

Ọnyù-tsè òrè rí ale tó mbólí

(Màt 13.1-9; Luk 8.4-8)

¹Wò dhu-dzidǒ, Yěsù ívà ndì ndàrà Gálilayà tó rèrù-bidò. Ní ányì ndì ndàrà àhù rò, kǎpè ndàmbe dhu ùdhe dǒ tdítǒ ìndrù tò. Ní, ádrùngbǎ ihé-yà nyú núundu ì, 'àkpòrò kàngbò. Ndi dhu-okú dǒ rò, kǎdù ùpo ibhú ò, ndàdi ányì. Ndi ibhú ní'ì rèrù dǒ, ihé-yà ràdù òko rèrù-bidǒ.

²Ní kǎmbénà ábhǒ dhu nyú núdhe dǒ abádhí tò mbólí ǒ. Ndi pbìndà dhu t'údheta ǒ, kǎwε dhu abádhí tò ndàti:

³«Nyìrì pé! Atdíku, atdí ale náahù ndàrà ọnyù-tsè nórè inga ǒ.

⁴Ní yà ọnyù-tsè nónvò kǎrǐ ònà kàsùmì ǒ, atdídhénà itse náawà ì otu ǒ. Ní, àrè adù ìwu, 'ùbhǐ ì itse otu ǒ rò.

⁵Ngǔkpà-tsí náawà ì ìmbǎ adzi rǐ'ì dòná abhò odu-kengere dǒ. Kòrǐ itse náadù inga kòmbómbí, ìmbǎ adzi rǐ'ì dòyá abhò nídhunǐ.

⁶Ní adyifò nítdègu ìka, náadù wò ìngingà ọnyù-nzo nóbì, ràdù òtdyù, ìmbǎ ivéya rǐ'ì ádzàdzǐ nídhunǐ.

⁷Atdídhénà itse náawà ì okpèna nà itsukpó nzínzi ǒ, ì okpèna nà itsu náadù àta, 'àdù òvi, 'àdù wò ìngingà ìdzi ọnyù nùtsì, ìnzǐ ràdù ò'ò.

⁸Pbétù, ngǔkpà itse náawà ì ìdzi adzi ǒ. Ní ì ọnyù níngà, 'òvi, 'àdù ò'ò mběyi nyú. Atdídhénà náadhì itse ìbhù kumì-gùna ròsè, ngǔkpà náadhì azà kumì-gùna ròsè, ndirò ngǔkpàkà-tsí náadù òdhi atdí-miyà-gùna ròsè.»

⁹Ní Yěsù adù àtìnà abádhí nǐ: «Inga t'írìta tó bǐna nà rǐ'ì ale níri ka.»

Yěsù rǐ ọnyù-tsè òrè rí ale tó mbólí-tì náwě dhu

(Màt 13.10-17; Luk 8.9-10)

¹⁰Yēsù níitdègu ndìndrì itse ihé-yà rǒ rò, ní yà kà-tí aróko ale mà, kàbhà atdí-kumì dóná óyò nà àbhàlǐ mànà náavì ka ràwe kǒkò mbólí-tì.

¹¹Ní kǎdù dhu abádhí tò ndàtì: «Fùkù nyú, ka kítè wà òrù-akpà ǒ Ádrùngbǎ kamà Kàgàwà bhà Idzi-nyu-tsì ndì nórù dhu. Pbéù, ngǔkpà ale náarí kóró dhu níri mbólí tó ófò ǒ,

¹²«ndínì ì owu tí inga àndà rǒ, pbéù ìnzì 'àdù atdí dhu mà nála, ndirò 'àdù nga níri, pbéù ìnzì atdí dhu mà ràdù dòya nálu, akye ì owuna 'ùgèrè fíyó nzérenga ǒ rò, Kàgàwà ràdù dhu núbà fíyò nǐ ! »»

¹³Tdítdǒ, Yēsù adù àtìnà abádhí nǐ: «Nyǐ nyùnì tí nzá yàrí mbólí rǎnǒna dhu? Olu, nyǐ nyádù kóró ngǔkpà mbólí rǎnǒna dhu núnì ìngbǎ dhu bhěyi?

¹⁴Yàrí ní ndì ònyù-tsè nóre rí ale tó mbólí-tì: Ònyù-tsè òre rí ale nórè dhu ní Kàgàwà bhà Ɔte.

¹⁵Ngǔkpà ale núli ì yà Kàgàwà bhà Ɔte náwà ì ònà otu bhěyi. Abádhí rǐ ndì Kàgàwà bhà Ɔte níri, ányirǒ rò tí Pǎmvo ràdù ìrà, ndàdù ndì òre ka kòrè Ɔte nípfo abádhí-afí ò rò.

¹⁶Ngǔkpà ale núli ì odu-kengere-dò yà ìmbǎ adzi rǐ'ì dóná abhò bhěyi. Kàgàwà bhà Ɔte ì ìrì rò, abádhí ràdù kà'ù dhèdhe nyú nà ányirǒ rò tí.

¹⁷Pbéù, abádhí rǐ nzì àdù kàbhù ìvéna ròdì ndì afíya ò, 'àdù 'àpba kà-rǒ ákě kàsumì kèlě tí. Ní, yà àpbe mà avuta mànà nópè ì Kàgàwà bhà Ɔte abádhí á'ù dhu-okú dò rò rò, abádhí ràdù 'àwà dòtsí fíyó a'uta ǒ rò.

¹⁸Ngǔkpà ale-tsí núli ì okpèna nà itsu nzínzì ǒ itse náwà ì ònà inga bhěyi. Abádhí náarí Kàgàwà bhà Ɔte níri,

¹⁹pbéù, yà adzi dǒ ka kóko tí dhu tó irèta mà, ònzì náaríbhona utrátá tó dhèdhe mà, ngǔkpà dhu-atdyú mànà ràdù òtsù abádhí-afí ò. Ní, kóró kòrí dhu ràdù ndì Ɔte nùtsì, 'àdù àbhunà ìnzì ròdhì itse.

²⁰Ndirò ngǔkpà ale núli ì idzi adzi ǒ itse náwà ì ònà inga bhěyi. I ale náarí Kàgàwà bhà Ɔte níri, 'àdù à'ùnà. Ndirò, ì ale náaràdù idzi itse nódhì: atdídhená ale ròdhì ka ìbhù kumì-gùna ròsè, ngǔkpà ròdhì ka azà kumì-gùna ròsè, ndirò ngǔkpà-tsí ràdù kòdhì atdí-miyà-gùna ròsè.»

Tarà tó mbólí mà Kàgàwà bhà Ɔte rǐ ìndrù-dò àlǔ dhu tó mbólí mànà

(Luk 8.16-18)

²¹Tdítdǒ, Yēsù ivú dhu abádhí-tsǔ ndàtì: «Ka katí tarà òbòbi, kadù àtsìnà ìtǎ-tsì? Ndirò, ka katí kòbòbi, kadù ìlìnà ara-tsì? Ka katí nzì kòbi kilì orú, mběyi kàrì inga náwù ró?

²²Obhó tí, kóró dhu-tsí yà ndì narù náalaya ndì kpangba, ndirò kóró dhu-tsí yà òdhǔ ò arádi náavìya ndì kpangba awáwù ò.

²³Inga t'írìta tó bǐna nà rí'ì ale náká ndirò ka!»

²⁴Yēsù adù àtìnà tdítđđ abádhí nǐ: «Nyàndà nga mběyi yà nyǐ nyírìna dhu nà. Ka kudhèya dhu fùkù àdhàdhì yà nyǐ nyarí dhu núdhě ìndrù tò òná mùgèrè ǒ, kadù àmàna àma tí.

²⁵Obhó tí, dhu nà arí'ì abhò ale tò, ka kabhùya dhu abhò nyú ròsè. Pbétù, ìmbà dhu arí'ì abhò fóná ale-fó rò, ka kakòya yà ake kǎrì'ì nà dhu mà .»

Viyà dǎ rò rínga itse tó mbólí

²⁶Yēsù adù àtìnà tdítđđ: «Yàrí ní ndi òrù-akpà ǒ Ádrùngbǎ kamà Kàgàwà bhà Idzi nófò ndi nà dhu: Atdí ale níwà ndi ndòrè nganù-tsepbi inga ǒ.

²⁷Ní yà inga náarátì, ndàdù ùbho dhu bhěyi, kǎráyi inga náti rò, ndàdù ndìwà inga núbho rò. Wò ndi kàsùmì ǒ ònyù-tse náaràta, ndàdù inga inzà àbadhi núni ìngbǎ dhu bhěyi màtí kà rínga dhu rórò.

²⁸Adzi rǎdù wòrí nganù ní'ò ndítírò. Wemberè tí kà rǐ kàbhǔ rìngà, ɔyɔ rí kìsě nǐ ndàdù kàbhù ròvi, kà ríku dò ná rò nǐ, ndàdù kàbhù rìtù ndi, rǎdù ǒ'ò.

²⁹Wò nganù nó'ò dhu-dzidǒ ní ndi, wò ale rǎdù kasu nópè pbìndà obhi nǐ, nganù t'ótseta tó kàsùmì náká wà nídhunǐ.»

Hàràdalì-kpǒ-tútǔ-ngba tó mbólí

(Màt 13.31-32,34; Luk 13.18-19)

³⁰Yēsù adù àtìnà tdítđđ: «Ádhu àlě kádù àtìnà òrù-akpà ǒ Ádrùngbǎ kamà Kàgàwà bhà Idzi nófò ndi nà dhu tí? Ndirò, ìngbà mbólí ndi kà dǒ àlě kádù àwenà rìtè ka?

³¹Kǒfò ndi hàràdalì tó itsukpó-tse nà. Adzi ǒ ka kí kòzò òná kàsùmì ǒ, ka ní ákě dhu-tútǔ-ngba nyú ròsè kóró yà adzi ǒ itse dònǎ.

³²Pbétù, yà ní ka kí kòzò adzi ǒ, ní kà ròvi, ndàdù òngo ádrùngbǎ itsukpó tí, ròsè kóró itsukpó-tidò dònǎ. Kǒpbí rǎdù òvi ádzàdzí nyú, àrè mà rǎdù idzàya nòsì kà-bǐ tó sísì ǒ .»

³³Ndi dhu bhěyi tí, Yēsù núunónà Kàgàwà bhà Ɔte kóró ale tò ábhǒ yàrí mbólí-tidò ǒ. Kǔnónà ka àdhàdhì yà ndi ndúnona dhu níri rí ale-dò nálu rǎdù dhu bhěyi.

³⁴Kǒténà nǐ abádhí nà inzà ndi ndùnò mbólí ǒ rórò. Pbétù, ɔyá ì òtù ì pbìndà ábhàlǐ màna òná kàsùmì ǒ, kǒngónà àdù ì mbólí-tì náwe kóró abádhí tò.

Yēsù rǐ àpùpú nábhǔ rìdè dhu

(Màt 8.18,23-27; Luk 8.22-25)

³⁵Ndi nínganí tí pbítsòngǎ, Yēsù náati pbìndà ábhàlǐ nǐ: «Kàda rèrù-adzè.»

³⁶Ní, Yēsù bhà ábhàlǐ núubhà ihé-yà, 'àdù òtsù yà Yēsù rǐ'ì òná ibhú ǒ, 'àdù òwu. Ngǔkpà ibhú náadù ì'ì inè ányìrǒ.

³⁷Nírò ní ndi àpùpú náapè ndòpili obi nyú nà, mùkurà rǎdù 'òpè 'àwà ì ibhú ǒ, ibhú rǎdù àmbe àle dǒ idha nǐ.

³⁸Yěsù náadù ì'ì ibhú tó kòbhé ò ndì ndàyi ndìpbi dóna kùsé rǒ, idho ràdù ndòdyì ró. Ní kàbhà ábhàlǐ nǐnga ka idho ò rò, 'àdù àtìna kà nǐ ìkǔ nyú ǒ: «Màlimǒ, yà àlě kúve dhu nátdù tí obhó afínu akèkpá mǎtí?»

³⁹Ní idho ò rò ndì ndìvà ndì rò, Yěsù náarù awe dǒ, ndàdù àtìna rèrù nǐ: «Ínè! Útsi tsùnù!» Ní awe náadù opilita núbhà, inga ràdù inè bhì.

⁴⁰Ní Yěsù adù àtìna pòndà ábhàlǐ nǐ: «Ádhu nyí nyí ɔdɔ nónzi nǐ? Nyí nyàpè t'óbhó ì'ì a'uta nà?»

⁴¹Ní, ádrùngbǎ ɔdɔ nyú nísí abádhí ò, abádhí ràdù 'òpè 'òtè nzínziya ǒ 'àmbe àtìna dǒ: «Ádhi pbá ale yà, awe mà, rèrù màna dhu náarí tsúná dhu níri?»

Mǎrkò 5

Yěsù rǐ nzére-alafí nà arí'ì ònà ale nígǔ dhu

(Mát 8.28-34; Luk 8.26-39)

¹Wò dhu-dzidǒ, Yěsù mà pòndà ábhàlǐ màna náawù ùvò Gálilaya tó rèrù-adzè, Pbagèrasi tó pòrì ò.

²Ní yà Yěsù ifò ibhú ò rò rórò tí, atdí ale náahù ìndrù ùtdù ka karí ònà ngari ò rò, ndìrà kà-tí'ò. Ndi ale ní'ì nzére-alafí nà arí'ì ònà ale.

³Kǒngónà òdhò ndì ngari ò, ndìrò kà sòwòrò nónzi rí ndùtsì àdrà-mbì nǐ atdí ale mà ní'ì mbǎ.

⁴Obhó tí, bìlǐnganà ka kutsínà kàpfò sǐngà-mbì nǐ, kadù kǒtsú nùtsì àdrà-mbì nǐ. Ní kǒngónà àdù ì àdrà-mbì nátdì, ndàdù sǐngà-mbì nátdì átò. Ndirò, kàlǔ rí ndònzì lèmàna ale ní'ì nà mbǎ atdí mǎtí.

⁵Bìlǐnganà, yà inga náarátì, ndàdù ùbho dhu bhèyi, kítúnà ndì ndàmbe ùbhi dǒ ìndrù nùtdù ka karí inanǎ, ndìrò pòrì dónǎ, ndàmbe ùkǔ dǒ, ndàdù àrà ngbǒna àzè rǒ kpùwǎkpùwǎ odu nǐ.

⁶Ní kǎla Yěsù itse rò, ndàdù òku tina ò. Kǎdù, ndìbvù kònzǐ, ndùko ndì ɔtdyùna dǒ.

⁷Kǎdù òkù àrì nyú tí ndàtì: «Ádhu nyí nyòzè ma nà Yěsù, kóró dhu dǒ arí'ì Kàgàwà t'Ídhùnǎ? Ma mǐtdè nyí ìtdè tí, Kàgàwà-ɔvò rǒ, ìnzǐ àvǔ rùdú.»

⁸Wò dhu kǔnɔ okúna dò rò dhu ní, Yěsù aránà àtìna rǒ kà nǐ: «Nzére-alafí, áhǔ wò ale ò rò!»

⁹Ní Yěsù adúnà àrà dhu ìvu rǒ kà-tsǔ ndàtì: «Ovònu ní àdhi?» Kà ràdù dhu àdu Yěsù tò ndàtì: «Ovòdu ní <Ihé>, ibí rò mǎ mí'ì nídhunǐ.»

¹⁰Ní, kǎdúnà àrà Yěsù nónzi rǒ atdyúna nyú nà, ìnzǐ ì nzére-alafí nabhù tí ròwù itse ndì pòrì ǒ rò.

¹¹Ányìrò, àdù tó ádrùngbǎ màhǒ-yà ní'ì pòrì-ɔngò rǒ ì ányu ró.

¹²Ní ì nzére-alafí náadù Yěsù ìtdè ìtdè tí, 'àtì: «Óvì mǎ mǒwù ndǎkà àdù nzínzi ò, ndínǐ mǎdù tí ùtsù abádhí ò.»

¹³Ní Yèsù adù ndi dhu ná'ù abádhí tò. Nírò ní ndi kǒkò nzéere-alafí núuvò wò ale ò rò, 'àdù òwu òtsù àdù ò. Ní kóró kǒkò àdù tó màhò-yà, mbèmbè óyǒ lufù, náadrú pbìrì-òngò rǒ rò, ì rùpbà ì rèrù ò, tsèya ròtdì ì.

¹⁴Kǒkò àdù núndà rǒ rúbhi ale náatsè, 'òwù óyi nà kigò ò, ndirò igigi rí'ì pbanga òna nà. Ní ìndrù náadù iwu, 'iwù wò ndi nònzì dhu àndà.

¹⁵Abádhí níwú ùvò Yèsù tí, 'àdù wò ndi ibí nzéere-alafí arúbhi ì'ì rǒ ònà ale nála. Ndi ale ní'ì obvò ndi ndàdi, ndùfǒ róná mùdzarù, pbìndà irèta ràdù ndàdu ró. Ní ódó náadù ìsǐ abádhí ò.

¹⁶Yà ndi nònzì dhu nàlanà ale náadù wò nzéere-alafí nà ale mà àdù mànà rǒ ì nònzìnà dhu náwe abádhí tò.

¹⁷Ní abádhí náadù òpè 'ìtdè Yèsù ndíní ndi nivà tí, ndàrà fìyó pbìrì ò rò.

¹⁸Ní yà Yèsù rùpo ibhú ò ònà kàsùmì ò, yà nzéere-alafí núvònà ònà rò ale nítdè Yèsù ndíní 'owu tí mànà atdíkpá.

¹⁹Ní Yèsù náa'u nzá ndi dhu kà tò. Pbétù kǎdù àtìnà ndi ale ní: «Ádù nyi pbùkù, indú ale-ti'ò, nyadù yà indù Ádrùngbǎle ònzì kóró dhu náwe abádhí tò, izu kàbà dùnú dhu mànà.»

²⁰Ní wò ale náadì ònà ndàrà, ndàdù ndòpè ndùnò yà Yèsù nónzì fìndà kóró dhu Dèkàpolì tí kátina pbìrì ò. Ní, yà kà rùnona dhu nìrì ale kóró ní idhò núuko atdídǒ.

Yàhirò bhà tsìbhíngba mà Yèsù rǒ mùdzarù-ngbò napbálá tsìbhále mànà

(Mát 9.18-26; Luk 8.40-56)

²¹Tdítdǒ Yèsù náadà ibhú ò rèrù-adzè. Ní idha-gì dǒ kìdè rórò, ádrùngbǎ ihé-yà náandu ndi ndàkpòrò kà-ngbò.

²²Ní, unduta-dzà ò ádròdrǒ ale nzínzì ò atdí ádrùngbǎle, Yàhirò tí kátina, níra àhu ányìrǒ. Ní Yèsù ndi ndàla rò, kíbvú ndi obvò kà-pfò rǒ.

²³Kǎdù kítde atdyúna nyú nà, ndàti: «Ìvádù-ngba rǐ'ì afína rǒ ka kódonà ró. Ní, írà ótsunu nyi nyuli tí kà-dǒ, ndíní kǒgú tí, ndàdù àdi nyìkpóna nà.»

²⁴Yèsù mà náadù òwu Yàhirò nà, ádrùngbǎ ihé-yà ràdù ndìdhò owùya ò Yèsù ì ìpbǒ nzínziya ò rórò.

²⁵Ì ale nzínzì ò ní'ì atdí tsìbhále, atdí kumì dóná óyǒ nà ató tí azu nóongónà irà róná.

²⁶Kàbà àpbè abhò nyú ibí pbàngángá-bvùnǎ, ndàdù kóró foná ongyéngá-tsè nótdì ányì. Pbétù ndi dhu adúnà nzì àrà kà dzùnà nónzì rǒ, kà rǒ andi ràdù àrà òtrò rǒ atdídǒ.

²⁷Ní, Yèsù dǒ ka kúnona dhu ndi ndírì dhu-okú dò rò, kíra ihé-yà nzínzì ò, ndàpbàlǎ kà-rǒ mùdzarù-ngbò olùnǎ rò.

²⁸Ka ní'ì afína ò rírà òte rǒ ndàmbe àtìnà dǒ: «Ma mapé kà-rǒ mùdzarù-ngbò nàpbàlǎ, ní ma mógù ògù.»

²⁹Ní Yèsù rǒ mùdzarù-ngbò kàpbalǎ rórò tí, yà kà-rǒ arírà azu náadù ide, kà ràdù ndìnè iwà ndì ndògù pbìndà andi ǒ rò ró.

³⁰Wò ndì kàsùmì ǒ tí, Yèsù nínè ndì iwà ìndrù t'ígútá tó pbìndà obi nónzì kasu ró. Ní kǎgéré ndì ihé-yà nzínzì dò, ndìvũ dhu ndàti: «Ádhi rùdú mùdzarù-ngbò nàpbalǎ?»

³¹Ní kàbhà ábhàlǐ adù dhu àdu kà tò 'àti: «Ádrùngbǎlé, nyi nyàla wà ihé-yà nákpòrò ngbõnu 'ìpò nyi tí dhu. Ní, nyi tí àdù dhu ìvu tdítǒ rǎrǐ àdhi ngbõnu nàpbalǎ?»

³²Pbétù Yèsù adù ndàgere ndàndà kóró ihé-yà-dò nga, ndínì ndì ndala tí rǎrǐ àdhi ndì dhu nònzì.

³³Ní ndì tsìbhále adù àdi ndàmbe ìvi dǒ ɔdɔ nǐ, iwà ndì ndùnì róná ndì nònzì dhu nídhunǐ. Ní kǎdù ìrà ndìbvũ ndì Yèsù-pfò-rǒ, ndàdù kóró obhó dhu núnò fǐndà.

³⁴Yèsù adù àtìnà kà nǐ: «Pbà nǐ tsìbhíngbá, pbùkù a'uta nígũ wà nyi. Ní, árà mběyi, nyadù ògù pbùkù àpbe ǒ rò.»

³⁵Wò dhu núnò Yèsù rǐ rórò ní ndì, ɔyi nà ríwu unduta-dzà ǒ ádrùngbǎle Yàhirò bhà rò ale núuto ì, 'adù àtìnà kà nǐ: «Pbùkù tsìbhíngba nówè wà, ní ádhu nyi nyí Màmìdò-tsi àvǎ tdítǒ nǐ?»

³⁶Pbétù Yèsù náadù nzá afína mà níli abádhí rǎnɔna dhu dǒ. Kǎdù àtìnà Yàhirò nǐ: «Ínzǐ ɔnzì ɔdɔ, í'ì a'uta nà tí.»

³⁷Kǎdù nzá atdí ale mà nówè rùndà ndì ányì, pbétù kǎdù ùnzìnà rùndà ndì ní Péterù mà, Yàkòbhò mà, adònà Yùwanì mà nà kèlě.

³⁸Ní abádhí awù ùvò unduta-dzà ǒ ádrùngbǎle bhà. Ní ányì, Yèsù náatù ìndrù tsiya náva ì, 'àmbe òdzi dǒ, 'adù àmbe ùkù dǒ ɔrú tǔya nyú nà ró.

³⁹Ní kǎtsù idza, ndàdù àtìnà abádhí nǐ: «Ádhu wò dhu bhěyi tsikù náva ndì nǐ? Ádhu nyí nyódzi nǐ? Yàrí ngbángba nówè nzá, pbétù kòdhò òdhò tí.»

⁴⁰Pbétù, abádhí náadù Yèsù rǎnɔna dhu-gàyà ɔnzì ɔnzì tí. Ní Yèsù adù abádhí nípfò idza rò kóró, ndàdù ndì ngbángba t'ábanà mà kà-tsánà, ndìrò pbìndà ìbhu ábhàlǐ mà nà kèlě núnzì, 'òtsù mà nà ndì ngbángba-abvò rǐ'ì ɔnà kàluga ò.

⁴¹Ní kǎlú ndì ngbángba ɔtsúna rǒ, ndàdù àtìnà nǐ: «Tàlità kumì.» Kà-tì ní: «Tsìbhíngbá, ma mátina: <Ívǎ nyi, nyidè! >>

⁴²Ní ányìrǒ rò tí, wò tsìbhíngba níivà ndì ndidè, ndàdù ndòpè ndùbhi. Obhó tí, kàbhà atɔ ní'ì iwà áhu atdí kumì dóná ɔyǒ nà atɔ tí. Wò dhu ì àla rò, idhɔ núukɔ ányìrǒ ì'ì kóró ale atdí dǒ nyú.

⁴³Yèsù adù dhu núya abádhí tò atdí dǒ, ìnzǐ ndì dhu nabhù tí atdí ale mà rùnì. Tdítǒ kǎdù àtìnà ndì ngbángba t'ále nǐ: «Nyàbhu ɔnyù ake kà rònnyù!»

Mǎrkò 6

Nàzàretì tó kigò ǒ bhà ná'ù nzá Yèsù dhu

(Màt 13.53-58; Luk 4.16-30)

¹Wò dhu-dzidõ, Yèsù níwà ndì ányìrõ rò, ndàrà ndì ndavì òná kigò ò, pbìndà ábhàlǐ ràdù òwu owùna ǒ ányì.

²Ní sàbatù-idhò ǒ, kǎdì ndàmbe dhu núdhe dǒ ìndrũ tò unduta-dzà ǒ rò. Ní ábhǒ ale yà kà rǔnɔna dhu ìrì rí, ní idhò núukò atdíidǒ. Abádhí ambénà àtìná dǒ: «Kóró wò ɔte-tidò nà kǐrà àdhà rò? Wòrì dhu-ǒnga t'òvòta-tidò mà, ndirò wò wìwì nónzi kǎrì nǐ obi màna dhu kǎbà àdhà?

³Tí obhó ka ndì sàpàti, Màriyà t'ìdhùnà? Ka tí obhó Yàkɔbhò mà, Yǒsè mà, Yudhà mà, Simonì màna t'ádòná? Ndirò kà t'áwéna t'óbhó òko atdíkpá író àlě màna?» Ní wò dhu-okú dò rò, ìndrũ nóowúnà nǐ kà rǔnɔna dhu ná'ù rǒ.

⁴Ní Yèsù adù àtìná abádhí nǐ: «Nabì nífũ ka kǎrì kóró ngari ǒ. Pbétù, yà ndì nyú ka kadhì òná kigò ǒ, ndirò fìndá ale nzínzi ǒ, ndirò pbì idzá-bhà nzínzi ǒ màtí, ka kǎrì nǐ kífũ.»

⁵Yèsù náadù nzá atdí wìwì mà nónzi ányìrõ, pbétù kǎdù ɔtsúna núli ngúfe andítale dǒ tí, i ale ràdù ùgu fìyó andi ǒ rò.

⁶Ní idhò núukò Yèsù atdíidǒ, ìmbǎ fìyó kigò ǒ bhà rǐ'ì a'uta nà dhu-okú dò rò.

Yèsù rǐ pbìndà atdí kumì dòná ɔyǒ nà ábhàlǐ núvì dhu

(Màt 9.35; 10.1,5-14; Luk 9.1-6)

Yèsù náarána ùbhi rǒ kóró kyèròkyèrò rǐ'ì pbanga òná, ndàmbe dhu ùdhe dǒ ìndrũ tò.

⁷Ní kǎnzi pbìndà atdí kumì dòná ɔyǒ nà ábhàlǐ, ndàdù ndòpè ndùvì abádhí ɔyǒyó rò. Kùvì abádhí iwà ndì ndàbhu nzére-alafí nòdì abádhí ràdù nǐ ádrùngbǎnga tó obi fìyó rórò.

⁸Kǎdù dhu núya abádhí tò ndàti: «Àpé nyìdyi atdí dhu mà abhi tò, pbétù nyùgu mùgò kèlě. Àpé nyùgu mùgatì mà, bhòlo mà, fùrangà mà ngbòku ǒ.

⁹Nyùfǒ kàyitò pfòku rǒ, pbétù àpé nyùfǒ mberù ɔyǒyó rùkú.»

¹⁰Ndirò, kǎdù àtìná abádhí nǐ: «Nyǐ ka kàkò atdí idza ǒ rò, nyǐ nyowuna òko rǒ ányì-dzá, rǎrà àhu ányìrõ rò nyǐ nyúvò nyòwù dhu ò.

¹¹Atdí pbanga ǒ ale nóowuna gukyè 'ùvo rǒ ìnzǐ 'àkò nyǐ, ndirò ìnzǐ 'ìrì nyǐ nyúnɔna dhu, ní nyǐ nyowuna òwu rǒ ányìrõ rò, nyǎdù pfòku-tsítsíró àhù nó'ò, ndínǐ abádhí tó afátá nitè tí abádhí tò.»

¹²Ní kǒkò ábhàlǐ náawù Kàgàwà bhà Ídzì Màkǔrù núnò ìndrũ tò, 'òwù àtìná rǒ, dhu ràkǎ abádhí rùgèrè ì 'ùbhà fìyó nzérenga.

¹³Abádhí nóowúnà ábhǒ nzére-alafí nípfo rǒ ìndrũ ò rò, 'adù òwu andi nà ábhǒ ale nútri rǒ akye nǐ, i ale ràdù ùgu.

Bàtizò nubhónà Yùwanì bhà ɔve

(Màt 14.1-12; Luk 9.7-9,19-20)

- ¹⁴Ádrungbă kamà Hèrødè níri Yèsù dǒ ka kúnona dhu, kǒvò nótò ndì kóró ngari ǒ nídhunǐ. Atdídhená ale nóowúnà àtìnà rǒ: «Bàtizò ùbho rǒ arúbhi Yùwanì níngbè wà ndì ɔve-bvù rò. Ndi dhu-okú dò rò ní ndì, kǎbà wíwì t'ónzita tó ɔbi.»
- ¹⁵Pbétù, ngǔkpà ale owúnà àtìnà rǒ: «Èliya ní wò.» Ngǔkpà ràdù àtìnà tditdǒ: «Angyì ì'ì pbànábí nzínzì ǒ atdí nabì bhěyi ale ní wò.»
- ¹⁶Ní wò dhu ndì ndìrì rò, Hèrødè ati: «Bàtizò ùbho rǒ arúbhi Yùwanì ní wò. Ma mábhù kàdò kòtdì, ní ka ní wò wà ndì nìngbè.»
- ¹⁷Wò ndì Hèrødè nyú ndìtírò ní ndì ɔyátá nabhù kosò Yùwanì, ndàdù àbhunà kutsì, kàdù ìlinà imbi-dzà ò. Hèrødè náanzì ndì dhu, adòná Fìlipò-fó rò ndì ndakò tsìbhále nókú dò rò. Ndi tsìbhále-ɔvò ní'ì Hèròdiyà.
- ¹⁸Kǎnzì ndì dhu, Bàtizò nubhónà Yùwanì nóongónà àdù àtìnà kà nǐ, inzà dhu rākă kà rākò adòná-ve nídhunǐ.
- ¹⁹Hèròdiyà náakó atdíđ Yùwanì rǒ, ndàdù kòzè ndàbhù kohò. Pbétù, ndì dhu náadù ì'ì odú kà tò.
- ²⁰Obhó tí, Hèrødè nóongónà Yùwanì-ɔdò nónzì obhónángatále tí, ndìrò Kàgàwà-nyìkpó ǒ ìlǎ ale tí ndì ndùnì ka dhu-okú dò rò. Ní kǒngónà àdù Yùwanì-ngbò nódò atdíđ. Yùwanì rǔnɔna dhu níri ndì ndí rò, Hèrødè bhà irèta nóongónà àdù ndìza atdíđ, pbétù kǒngónà àdù kà rǔnɔna dhu òzè ndìrì atdíđ.
- ²¹Ní atdíku, Hèròdiyà náabà Yùwanì àbhǔ ndì ndí kohò òná otu. Ndi dhu ní'ì yà Hèrødè rǐ ndì ka kadhì òná idho níre òná mǔhendù-idhò ǒ dhu. Ní Hèrødè unzi rìwǔ ndì mǔhendù ò ale ní'ì: yà ì arí kasu ònzi mànà ádròdrǒ ale mà, pbìndà pbànowí tó ádròdrǒ ale mà, ndìrò Gàlìlayà tó pbìrì ǒ pbangá-nzo òná arí'ì ifuta nà atdíđ ale mànà.
- ²²Ní Hèròdiyà bhà tsìbhíngba náatsù mǔhendǔ-dzà ò, ndàdù òbè atdíđ. Ndi ɔbé náafò Hèrødè-nyìkpó atdíđ yà ndì ndùnzinà ale mànà. Ní ádrungbă kamà Hèrødè adù àtìnà wò tsìbhíngba-ɔwú nǐ: «Ónzi afínɔ òzè dhu fudú, ní ma mí ndì dhu àbhǔ àbhǔ indù.»
- ²³Kǎdù dhu nótò ndì tsìbhíngba-ònzǐ ndàti: «Ma mòtsò wà dhu ndínǐ ma mabhù tí nyì nyónzina dhu indù, ìmbă ì'ina yà idzi ma mónyè dóná pbìrì tó atdíngà óyǒ dǒ mà nábhǔ ma mí indù dhu màtí.»
- ²⁴Ní wò tsìbhíngba náahù àwú-dza rò, ndàdù dhu nívu íyànà-tsǔ ndàti: «Ádhu ndì ma màkă monzì?» Ní kà-tsánà adù dhu àdu ndàti: «Bàtizò núbhò arí Yùwanì-dò.»
- ²⁵Ní tsìbhíngba náangbó ndì kòmbómbí ádrungbă kamà-tí'ò, ndàdù dhu ònzi fóná ndàti: «Ma mòzè nyìbhò Bàtizò ùbhò arí Yùwanì-dò kòmbí fudú tsàlìtsalì dǒ rò.»
- ²⁶Ní izu núuka ádrungbă kamà atdíđ nyú. Pbétù, kà rǐ ndùvò Yùwanì-dò rǒ dhu ní'ì ɔbi tí, yà ndì ndùnzinà ale-ònzǐ rò ndì ndòtsòná dhu dhu-okú dò rò.
- ²⁷Ní ányìrǒ rò tí, kǎdù ngbǒna nódò arí pbànowí nzínzì ǒ atdí mùnowì nóvì, ndùyă dhu fǐndà ndínì ira tí Yùwanì-dò nà fóná. Ní wò mùnowì níwà ndì ndàrà imbi-dzà ò, ndìtsì Yùwanì-dò nókèrè.

²⁸Wò dhu-dzidõ, kädù ìrà ndi ale-dò nà tsàlìtsalì dõ rò, ndàdù àbhùnà wò tsìbhíngba-fó, ndi tsìbhíngba ràdù àbhùnà íyànà-fó.

²⁹Ní Yùwanì bhà ábhàlǐ níitdègu wò dhu níri, ní abádhí adù ìwu, 'adù kǎ-bvò nídyì 'òwù òtdùnà.

Yèsù rǐ imbò lufù ale nóngù dhu

(Màt 14.13-21; Luk 9.10-17; Yùw 6.1-14)

³⁰Yèsù bhà uvitatále náandu ì kà-tí, 'adù yà ì ònzì kóró dhu mà, ndirò yà ì ùdhe ìndrù tò kóró dhu mà nà dhu náwε kà tò.

³¹Wò ndi kàsùmì ǒ, abádhí-tí'ò ríwu ale mà, abádhí tí ò rò rí 'adù ale mà nà ní'ì abho nyú, ònyù nónyu abádhí rǐ òná kàsùmì mà ràdù ì'ì mbǎ. Ní Yèsù adù àtìnà pbìndà uvitatále nǐ: «Nyìwũ rùngù tí rí'ì atdí ngari ò, ndínǐ nyǐ nyaso tí nyǐ ake.»

³²Ní abádhí náadù òwu vǐyà dõ rò ìbhú ǒ rùngù tí rí'ì atdí ngari ò.

³³Pbétù, ábhǒ ale nyú náala abádhí rǒwu dhu, 'adù abádhí rǒwu ì nga núni. Ní ìndrù náadù 'ìvǎ kóró kígò ònǎ rò, 'òwù tsákàtsàkà nyú pfǒya dõ ányì, 'adù òwu ùvò angyi abádhí rǒ.

³⁴Ní Yèsù náhu ìbhú ò rò rò, kǎla wò ádrùngbǎ ihé-yà, abádhí-izù ràdù ndàlu atdíidõ, ìmbǎ ùndana rí ale rǐ'ì tàrà tó màhò bhèyi abádhí núli ì nídhunǐ. Yèsù adù àdi ndámbe ábhǒ dhu nyú núdhe dõ abádhí tò.

³⁵Inga rǎti dhu níitdègu ndìndù, ní kàbhà ábhàlǐ níindri kà-tí'ò, 'adù àtìnà kà nǐ: «Írò nga rǐ'ì rùngù tí, ndirò inga náti wà.»

³⁶Ní, ávì kǒkò ale rǒwù inga nóbhì ka karí òyà ngari ò, ndirò kyèròkyèrò rí'ì pbanga ò, ndínǐ ònyù nudzì tí fǐyò.

³⁷Yèsù adù ɔte nádu abádhí tò ndàti: «Nyàbhu ònyù abádhí tò nyǐ-tírò!» Ní ábhàlǐ náadù dhu nívu Yèsù-tsǔ 'àti: «Nyì nyòzè tí mǒwù mùgatì nódzì óyǒ miyà dìnari rǒ, ndínǐ mǎ mabhù tí abádhí rònyù?»

³⁸Ní Yèsù adù dhu nívu abádhí-tsǔ, ndàti: «Ífe mùgatì nyǐ nyí'ì nà? Nyàndà pé ka.» Ní kǎ-bvu ì ùni rò, abádhí adù dhu nádu kà tò àti: «Mǎ mí'ì imbò mùgatì nà, ndirò óyǒ ìbhè nà.»

³⁹Wò dhu-dzidõ, Yèsù avì pbìndà ábhàlǐ ràbhu kóró ale ròkò tsùna rǒ obvò ìrì dõ.

⁴⁰Abádhí adù òko tsùna tí: atdídhená ngari ǒ atdátdí miyà ale, ndirò ngǔkpà ngari ǒ ìmbìmbó kumì ale.

⁴¹Nírò ní ndi Yèsù núugu kǒkò imbò mùgatì, óyǒ ìbhè mà nà ndùlǔ foná. Ní, òrù-akpà ò nga àndà ndi ndí rórò, kädù òtsò nábhu Kàgàwà tò. Kädù mùgatì-ǒnga núkò, ndùbho pbìndà ábhàlǐ-fó, ndínǐ abádhí núundo tí ìndrù tò. Kädù kǒkò óyǒ ìbhè núndò átò abádhí-fó kóró.

⁴²Ányìrǒ ì'ì kóró ale náanyù dhu 'ùlè nǐ.

⁴³Yěsù bhà ábhàlǐ náadù òdì òdì mùgatì-go-tsù núndu, ìbhè-go mànà, 'àdù atdí kumì dóná óyǒ nà sěngè níra nǐ.

⁴⁴Ndì mùgatì nanyù ale nzínzì ǒ, kpabhále ní'ì imbò lufù tí.

Yěsù rǔbhi idha dǒ dhu

(Màt 14.22-33; Yùw 6.16-21)

⁴⁵Wò dhu-dzidǒ tí, Yěsù náabhù pbìndà ábhàlǐ rùpò ibhú ò, ndínǐ ada tí angyi fǐndà rèrù-adzè, Bètèsàyidà tó kigò inǎ rò, yà ndì nyú tírò ndì ndí ihé-yà nǎví ròwù ìbha ònanǎ.

⁴⁶Ihé-yà nà ì ùbhǎ ì dhu-dzidǒ, kǎdù àrà pbìrì dò, ndàrà ndìtsò.

⁴⁷Inga náti rò, ibhú ní'ì rèrù-alíkpa ò ábhàlǐ nà, Yěsù ràdù ndùbhà atdíró olù idha-adzè.

⁴⁸Ní Yěsù ala ɔbi tí ibhú t'ótùta rǐ'ì pbìndà ábhàlǐ tò dhu, tùm̀bà tí awe rǒpili abádhí-nyíkpa rǒ nídhunǐ. Ní à'ù-akpà-òngǒ ǒ, kǎrà pbìndà ábhàlǐ-tí'ò, ndámbe ùbhi dǒ idha dǒ. Kǎdù dhu ònzì angyi ndúda abádhí tò dhu bhěyi.

⁴⁹Ní, kà rǔbhi idha dǒ dhu ì àla rò, abádhí náadù kàti mìgìngò tí, 'àdù 'òpè 'ùkǔ,

⁵⁰ábhǒ ɔdò nyú nà kàlǎ rí kóró ale ní'ì nídhunǐ. Pbétù uró rò tí, Yěsù adù tǔna àpfò abádhí tò ndàti: «Nyòtù afíkù, ima ní yà! Ìnzì nyònzì ɔdò!»

⁵¹Tdítdǒ, kǎdù ùpo ibhú ò abádhí-tí'ò, awe ràdù opilita nùbhà atdírdǒ. Ní idhò nùuko abádhí atdírdǒ nyú.

⁵²Obhó tí, Yěsù ònzì wíwì, ndìtrǒ mùgatì dhu náalú nzá abádhí-dò: abádhí tó irèta rǐ ndì dhu-tì nǎlǔ dhu ní'ì odú.

Yěsù rǐ Gènèzàretì tó pbìrì ǒ andítále nígǔ dhu

(Màt 14.34-36; Yùw 6.22-25)

⁵³Yěsù mà pbìndà ábhàlǐ mànà níitdègu rèrù náda, ní abádhí náasò fiyó ibhú kìfukù ǒ, 'àdù òtsù Gènèzàretì tó pbìrì ò.

⁵⁴Ní ibhú ò rò abádhí núvò rórò tí, ìndrǔ náadù Yěsù núnì.

⁵⁵Ní abádhí náadù àngìli kóró ndì pbìrì ònǎ, 'àdù 'òpè 'ùmbà andítále, 'òwù òwu rǒ nà ótdù dǒ, Yěsù-bvu ka kò'ì òyà kóró ngari òna nǎ.

⁵⁶Ndirò, kóró ngari ǒ Yěsù rǔbhi inanǎ, pbanga ònǎ, kigò ònǎ, ndirò inga nóbhì ka karí inǎ màtí, ìndrǔ nóowúnà ìwu rǒ andítále nà, 'ùlì pbanga-tsidǒ ìndrǔ náarí 'ùndǔ òyá ngari ǒ. Abádhí adúnà òwu Yěsù nónzì rǒ rùbhà ì ale rùpbàlǎ róná mùdzarù-bidò-ngbò kèlě. Ní ìngbàtí ìlì ndì ale mà yà kàbhà mùdzarù-bidò-ngbò nàpbàlǎ, náaránà ògù rǒ dòtsí.

Mǎrkò 7

Pbàyàhúdì tó màndu

(Màt 15.1-9; Luk 11.37-41)

¹Pbàfàrisáyó mà Yèrùsàlemà tó kigò ò rò iwũ Músà bhà Uyátá tó ngúfe màlímó màna núundu ì Yèsù tí.

²Ní, abádhí náala Yèsù bhà ábhàlǐ nzínzì ǒ ngǔkpà ale, òtòtì ɔtsúya nǐ rówu dhu nónyù rǒ, kà-tì ní inzá ì ù'o ɔtsúya yà fiyó sòmà tó màndu nónzì ka dhu bhěyi rórò.

³Pbàfàrisáyó mà, kóró ngǔkpà Pbàyàhúdì màna níifu abhúya tó màndu atdíǒ. Ní, abádhí nóonyúnà nǐ ònyù inzá ì ù'o ɔtsúya mběyi nyú rórò.

⁴Ndirò kòbì ò rò ì ìngò rò, abádhí nóonyúnà nǐ dhu inzá ì ù'o ì rórò. Abádhí níifu yà í abà ábhǒ ngǔkpà màndu átò. I màndu nǐ'ì: kópà nú'ò ka kǐ mběyi nyú dhu, ìtǎ mà, suma nǐ ka kóbhòlò ìtǎ mà, dǒyá ka karóyì dhu màna nú'ò ka kǐ mběyi nyú dhu màna.

⁵Ní, Pbàfàrisáyó mà Músà bhà Uyátá tó màlímó màna níivú dhu Yèsù-tsǔ 'àti: «Ádhu inzá pbùkù ábhàlǐ nífu àlě t'ábhúna tó màndu, 'àdù àmbe dhu nónyù dǒ òtòtì ɔtsúya nǐ ní?»

⁶Ní, Yèsù adù dhu àdu abádhí tò ndàti: «Nabì Ìsayà núuno obhó dhu nyú dükú. Nyǐ ní ɔyɔyɔ afiya nà ale yà kǎndí dhu bhěyi tí, ndàti: «Kàgàwà rǎtina: kàrí ale náarí mífù tsùya ǒ tí, afiya ràdù ì itse nyú rùdú rò.

⁷Abádhí náarí mulě kòkórò. Abádhí arúdhěna ìndrǔ tò dhu ní ìndrǔ tó uyátá kèlě .»

⁸Yèsù adù àtìna tdítǒ: «Nyǐ nyárí Kàgàwà bhà Uyátá núbha igi, nyǎdù nyǎpba ìndrǔ óvò fùkù dhu rǒ tí.

⁹Nyǐ nyárí Kàgàwà bhà Uyátá nódho, nyǎdù afiku nǎpba fùkù màndu rǒ tí.

¹⁰Obhó tí, Músà núuyá dhu fùkù ndàti: nyǐ rǎkǎ nyifu àbanu mà íyànu màna, ndirò àbanà mà íyànà màna nǐ dhu nùnò ale rǎkǎ kohò òho tí.

¹¹Pbétù nyǐ nyú, nyǐ nyárí dhu òvò ìndrǔ tò nyǎti: ndi ale rapé dhu ùno kprangba àbanà tò, ndirò íyànà tò màtí ndàti: «Dzùnànu nónzì ma màmbènà nǐ fudú rí'ì dhu ní Kòrbanì, kà-tì ní: Kàgàwà tò ka kùtri perè.»

¹²Ní ndi ale rǐ mbǎ àbanà mà, ndirò íyànà mà dzùnà nónzì ndi ndí dhu-atdyú nà. Ní nyǐ nyaràdù ndi dhu kèlě ná'ù ndi ale tò.

¹³Ní ndi dhu nǐ, nyǐ nyárí Kàgàwà bhà ɔte-òvũ níto, yà nyǐ nyarúdhěna fùkù nzínziku ǒ fùkù màndu nǐ. Ndirò, nyǐ nyarí ndi dhu bhěyi dhu-tidò nónzì abho nyú.»

Ìndrǔ nábhu rádù ròtì Kàgàhà-nyìkpó ǒ dhu

(Màt 15.10-20)

¹⁴Wò dhu-dzidǒ, Yèsù náanzi ihé-yà tdítǒ, ndàdù àtìna nǐ: «Nyǐ kóró, nyǐri yà ma múnɔna fùkù dhu, ndirò nyàlǔ ka dükù ò.

¹⁵Ìnzǐ iri rò rótsù ìndrǔ ò atdí dhu mà, rǎdù ìndrǔ nábhu ròtì Kàgàwà-nyìkpó ǒ. Pbétù, ìndrǔ-afí ò rò àhu dhu ní ndi kàbhu rádù ròtì Kàgàwà-nyìkpó ǒ.

¹⁶[Inga t'írìta tó bǐna nà rí'ì ale, nǎkǎ ndirò wò ma mùnò dhu .»]

¹⁷Yěsù nítidègu ihé-yà núbha ndàdù òtsù idza, ní kàbhà ábhàlǐ náadù wò ndi mbólí-tì nívu kà-tsǔ.

¹⁸Ní Yěsù adù àtìna abádhí nǐ: «Nyǐ nyú mà, kàlǔ t'óbhó dùku átò? Nyǐ nyùni t'óbhó dhu, ìnzǐ iri rò rótsù ìndrǔ ò atdí dhu mà ràràdù ìndrǔ nábhu ròtì Kàgàwà-nyìkpó ǔ?

¹⁹Obhó tí, ndi dhu nótsù nzá ndi ale-afí ò, pbétù kòtsù ndi ale-fi-tsù ò, ndàdù àhu kà-ò rò ɔtsó dò ndi ale àrà rò.» Wò ndi ndùnò ɔte ǔ, Yěsù náavò dhu kpanjangba ònyu ka ràràdù kóró ònyù-tidò nónyù.

²⁰Ní kǎdù àtìna tǎtǎdò: «Ìndrǔ-afí ò rò àhu dhu ní ndi rádù ìndrǔ nábhu ròtì Kàgàwà-nyìkpó ǔ.

²¹Obhó tí, ìndrǔ-afí ò rò arúvò nzére irèta náarí ndi ìndrǔ nábhu rònzi nzére dhu. I nzére dhu ní: m̀nyòni t'ónzita, ogbo t'ónzita, abvo t'òhota,

²²m̀kunì t'ónzita, ngǎtsi ale-fó rí'ì dhu dǔ ka kí ale-afí ìlǐ dhu, òrù ka kórù dhu, ìndrǔ t'útrátá, ìnzǐ ka kí uyátá-ɔdò nónzi dhu, adha t'ónzita, ìndrǔ nǐ ka kí dhu ùno nzére dhu, ale òyò ka kí dhu, àrǐ bhěyi ka kí ale ònzi dhu.

²³Kóró kòrí nzére dhu náarúvò ìndrǔ-afí ò rò, ràdù ìndrǔ nábhu ròtì Kàgàwà-nyìkpó ǔ.»

Ìnzǐ ní M̀yàhudì-àyi rǐ Yěsù ná'u dhu

(M̀t 15.21-28)

²⁴Urò rò, Yěsù ivà ndi ndàrà Tirò tí kátina kigò tó mùlengù ò. Ní kǎtsù atdí idza ò, ìnzǐ ndàdù atdí ale mà nózè r̀ni ànyìrǔ ndi ndí'ì dhu. Pbétù, kà rǐ ndòru dhu ní'ì odú.

²⁵Obhó tí, atdí tsìbhále yà nzére-alafí náarúvu pbìndà tsìbhíngba rǔ, níri Yěsù dǔ ka káwěna dhu. Ní ànyìrǔ rò tí, íyàdhíyà náadù irà Yěsù-ti'ò, ndàdù ndìbvù obvò kàpfò rǔ.

²⁶Ndi tsìbhále ní'ì ìnzǐ ní M̀yàhudì-àyi, pbétù ka ní'ì Sìrò-Fòyìnìkì tó pbìrì ǔ ale. Ní kǎtsò ndi Yěsù rǔ, ndíni nzére-alafí nìpfo tí pbìndà tsìbhíngba ò rò.

²⁷Pbétù, Yěsù adù àtìna kà nǐ: «Úbhà pé nzónzo r̀nyù dhu 'ùlè nǐ angyi. Obhó tí, dhu òfò nzá nga kidyì nzónzo tó ònyù, kǎdù òbvùnà ìtsě-nzo tò.»

²⁸Íyàdhíyà náadù dhu àdu kà tò ndàti: «Obhó Ádr̀ngbǎle, pbétù mizà tsinǎ rí'ì ìtsě mà náarí nzónzo-fó rò ì nàwà ònyù-ú'ù-nzo mà nónyù.»

²⁹Nirò ní ndi Yěsù adù àtìna kà nǐ: «Wò nyi nyàdu ɔte-okú dò rò, ádùnà nyi pb̀kù, iwà nzére-alafí náhu pb̀kù tsìbhíngba ò rò.»

³⁰Ní kǎdù ndi pbìndà, ndàdù pbì ingba nótù ara dǔ àyi ró, iwà nzére-alafí náhu ònà rò ró.

Yěsù rǐ ìnzǐ arí inga ìri ndirò ìnzǐ ndàdù òte atdí ale nígù dhu

(M̀t 15.29-31)

³¹Wò dhu-dzidǔ, Yěsù ivà ndi tǎtǎdò Tirò tó mùlengù ǔ rò, ndùdà Sidonà tó kigò ònǎ, ndàdù ingo Gàlilayà tó r̀r̀-òbidò, Dèkàpoli tó pbìrì ònǎ ndi ndùdà r̀ró.

³²Ní, ka kiwú ìnzí bǐna arí nga ìri, ndirò ìnzí aróte mběyi atdí ale ná Yěsù tí 'ò. Ka kadù kítè ìtè tí, ndíní ọtsúna nílí tí ndí ale dǒ.

³³Ní Yěsù náadù kídíyì atdíró ndàràna lèngèlèngè ihé-yà ǒ rò. Kádù ọtsúna-kpò núfò wò ale-bì ò, ndàdù iso nísò ọtsúna-kpò rǒ, ndàpbalá kídà-dò-ngbò nǐ.

³⁴Tdítdǒ, Yěsù andà òrù-akpà ò nga, ndàdha ihèna, ndàdù àtìna wò ale nǐ: «Èfatà!» Kà-tì ní «Ángbě nyí!»

³⁵Ní uró rò tí, wòrí ale-bì núungbe ì, idàna ràdù ò'ò isó ọte tò, ndàdù ndòpè ndòtè mběyi.

³⁶Yěsù adù kóró ale nísò ìnzí ndí dhu núnò tí atdí ale tò màtí, pbétù yà kàrí abádhí nósò dhu náarána ìndrù názi rǒ àzǐ tí ràmbe ọte dǒ ndí dhu dǒ.

³⁷Ní idho náadù abádhí núkò atdí dǒ nyú ròsè, 'ámbe àtìna dǒ: «Kà rǒnzina dhu ní kóró ídzi dhu nyú. Ndirò, kà rǎrà bǐya úrǐ ale-bì mà núngbe rǒ, ndàdù ìnzí aróte ale mà nábhù ròtè.»

Mǎrkò 8

Yěsù rǐ ìfò lufù ale nóngù dhu

(Màt 15.32-39; Mrk 6.30-44)

¹Ndí nínganí, ádrùngbǎ ihé-yà náandu ì tdítdǒ. Ní ìmbǎ abádhí rǐ'ì ònyuna ì í dhu ná nídhunǐ, Yěsù anzi pbìndà ábhàlǐ ndàdù àtìna abádhí nǐ:

²«Ma mí'ì izu ná atdí dǒ kǎkà ale dǒ. Mǎ mòkò wà abádhí mànà ìbhuku mbàlimbàlì, ndirò abádhí rǐ mbǎ ì'ì ònyuna ì í dhu ná.

³Ma mapé abádhí àvǐ ròwù àwù ná fíràbvù, ní sàzì rǎrà abádhí nábhù ràwà ì otu ǒ. Obhó tí, abádhí nzínzì ǒ atdí dhená ale níwù itse rò nyú.»

⁴Ní, kàbhà ábhàlǐ náadù dhu àdu kà tò 'àti: «Ka kówu abádhí nóngù ka kí nǐ ònyù nótù àdhà yàrí rùngù ǒ?»

⁵Ní Yěsù adù dhu ìvu abádhí-tšǔ ndàti: «Nyǐ nyí'ì mùgatì ná ife?» Ní abádhí adù dhu àdu 'àti: «Mǎ mí'ì mùgatì ná àrùbhù.»

⁶Ní Yěsù avì ihé-yà ròkò obvò. Kádù kǒkòrí àrùbhù mùgatì nùgù ndùlǔ fóná, ndàdù ọtsò nábhù Kàgàwà tò. Wò dhu-dzidǒ, kádù ì mùgatì-ǒnga núkò ndùbho pbìndà ábhàlǐ-fó, ndíní abádhí undo tí ihé-yà tò. Ní ì ábhàlǐ náadù ì mùgatì nùndò ì ale tò.

⁷Abádhí ní'ì ngúfe ìbhě-nzo ná átò. Ní Yěsù adù ọtsò nábhù Kàgàwà tò kǒkòrí ìbhè dǒ, ndàdù pbìndà ábhàlǐ návi rùndò ì ìbhě-nzo átò.

⁸Kóró ale náanyù dhu 'ùlè nǐ àkǎkǎ dhu bhěyi. Ní ábhàlǐ náadù òdòdì mùgatì-go-tšù nùndu, rùlè àrùbhù sèngè ǒ.

⁹Ányìrǒ, ìndrù ní'ì mbèmbè ìfò lufù ráhu dhu bvǔ. Wò dhu-dzidǒ, Yěsù adù abádhí àvi ròwù.

¹⁰Ányìrǒ rò tí, Yěsù mà pbìndà ábhàlǐ mànà núupò ibhú ò, 'àdù òwu Dàlmànutà tí kátina pbirì ò.

Pbàfàrisáyó rǐ Yěsù àvǐ rǒnzì wǐwì dhu

(Màt 16.1-4; 12.38-39)

¹¹Atdíku, Pbàfàrisáyó níiwú ùvò Yěsù-tí'ò, 'àdù 'òpè 'àgò ì kà nà kǎfí ì omvú tí. Ní, abádhí náavì ka rǒnzì atdí wǐwì, ndínǐ Kàgàwà bhà rò kàbhà ádrùngbǎnga tó òbì nírà dhu navì tí.

¹²Ní ndì dhu adù ìnze Yěsù rǒ atdíǒ, ndàdù àtìna: «Heè! Ádhu indo arí'ì ale nózè wǐwì kèlě 'àla nǐ? Ma mí obhó dhu núno fùkù: ka kí nzǐ atdí wǐwì mà nǒnzì abádhí tò.»

¹³Wò dhu-dzidǒ, Yěsù ivà ndì abádhí-tí rò, 'àdù ùpo ibhú ò pbìndà ábhàlǐ mànà, 'àdù àda rèrù-adzè.

Pbàfàrisáyó tó afi mà, Hèròdè bhà afi mànà

(Màt 16.5-12)

¹⁴Mùgatì nídyì ì í àkākā dhu bvùtí dhu náadzò Yěsù bhà ábhàlǐ ònǎ rò, abádhí ràdù 'òtù atdí mùgatì kèlě nà foyá ibhú ò.

¹⁵Ní Yěsù núuyá dhu abádhí tò ndàti: «Nyàndà nga mběyi, nyòdo nyǐ Pbàfàrisáyó tó afi mà, Hèròdè bhà afi mànà dhu rǒ rò.»

¹⁶Ní, Yěsù bhà ábhàlǐ náatè nzínzìya ǒ, 'àmbe àtìna dǒ ìmbǎ ì rǎrǐ'ì mùgatì nà.

¹⁷Ní Yěsù náasù abádhí rǔnǒna dhu, ndàdù dhu ìvu abádhí-tsù ndàti: «Ádhu nyǐ nyátina, ìmbǎ nyǐ rǎrǐ'ì mùgatì nà nǐ? Ndì dhu àpè t'óbhó dùku àlǔ? Nyǐ nyàpè tí nzá ndì dhu àlǔ dùku ò? Fùkù irèta dònǎ dhu òsè t'òse tí?

¹⁸Nyìkpóku rìnè, ní nyǐ t'óbhó inga nálǎ? Bǐku rìnè, ní nyǐ t'óbhó inga níri ? Nyǐ nyirè t'óbhó

¹⁹Ìfe sǔngè ǒ màtí nyǐ nyundu òdòdì mùgatì-go-tsù rùlè dhu, yà ìmbò mùgatì-ǒnga ma mùko ìmbò lufù ale tò nínganí?» Abádhí adù dhu àdu 'àti: «Atdí-kumì dòná óyǒ nà sǔngè ǒ.»

²⁰Ndirò Yěsù adù dhu ìvu tdítǒ ndàti: «Yà àrùbhù mùgatì-ǒnga ma mùko ìfò lufù ale tò nínganí, nyǐ nyundu òdòdì mùgatì-go-tsù rùlè ìfe sǔngè ǒ?» Ní abádhí adù dhu àdu, 'àti: «Àrùbhù sǔngè ǒ.»

²¹Nirò ní ndì Yěsù adù àtìna abádhí nǐ: «Ní ndì dhu àpè tí nzá dùku àlǔ kòmbí màtí?»

Yěsù rǐ atdí ndùmùndúmú nígǔ dhu

(Yìw 9.1-11)

²²Wò dhu-dzidǒ, Yěsù mà pbìndà ábhàlǐ mànà náawù ùvò Bètèsàyidà tí kátina pbanga ò. Ní ányì, ìndrù níiwú atdí ndùmùndúmú nà Yěsù-tí'ò, 'àdù 'ìtsò Yěsù rǒ ndínǐ kà-ngbò napbálá tí.

²³Ní Yèsù náalú wòrí ndùmùndúmú ɔtsúna rǒ, 'ùvò nà pbanga ò rò. Tdítdǒ kǎdù iso nísò kànyìkpó rǒ, ndàdù ɔtsúna núli kà dǒ. Ndirò Yèsù adù dhu nívu kà-tsǔ ndàti: «Nyi tí atdí dhu mà nálǎ àlà?»

²⁴Ní wò ndùmùndúmú náangbe nyìkpóna, ndàdù àtìna: «Ma mí ìndrǔ nálǎ itsu bhěyi rólo ró, pbétù abádhí rǔbhi ùbhí.»

²⁵Yèsù adù ɔtsúna núli tdítǒ kànyìkpó dǒ, kà ràdù inga nála kpanjangba. Ndirò, kǎdù ògù atdítdǒ, ndàdù kóró dhu àla mběyi nyú.

²⁶Ní Yèsù adù kàvi ràdu ndì pbìndà, ndàdù àtìna: «Àpé nyotsú wò pbanga ò.»

Péterù rǐ Yèsù náti Krístò tí dhu

(Màt 16.13-20; Luk 9.18-21; Yùw 6.67-71)

²⁷Wò dhu-dzidǒ, Yèsù mà pbìndà ábhàlǐ mànà náawù Kàyìsàriyà-Filipì tó kigò tí rǐ'ì pbangá-nzo ò. Ní otu ǒ, kǐvú dhu abádhí-tsǔ ndàti: «Ìndrǔ arátina ma ràrǐ àdhi?»

²⁸Abádhí adù dhu àdu kà tò 'àti: «Atdíthená ale náarátina nyi ràrǐ bàtizò nubhónà Yùwanì. Ngǔkpà ale náarádù àtìna nyi ràrǐ Èliyà . Ndirò, ngǔkpà ale-tsí náarádù àtìna nyi ràrǐ angyí i'ì ngǔkpà pbànábi nzínzi ǒ atdí ale.»

²⁹Yèsù adù dhu ìvu abádhí-tsǔ ndàti: «Olu nyí, nyí nyarátina ma ràrǐ àdhi?» Ní Péterù adù dhu àdu kà tò ndàti: «Ínyi, nyi ní Krístò.»

³⁰Nirò ní ndì Yèsù adù abádhí nísò ìnzǐ wò dhu n̄no tí atdí ale tò màtí.

Yèsù rǐ ndì ndóvè kǎtdù ndì, ndàdù ndìngbè dhu n̄no dhu

(Màt 16.21-28; Luk 9.22-27)

³¹Wò dhu-dzidǒ, Yèsù náadì ndàmbe dhu núde dǒ pbìndà ábhàlǐ tò. Kǎti: «Dhu àkǎ Ìndrǔ t'ídhùnà ràbà àpbè atdítdǒ. Pbanga ǒpbàkùrǔ mà, pbàkùhání tó ádròdrǒ ale mà, Músà bhà Úyátá tó màlímó mànà nódhoya ka. Ndirò, ka kohoya ka, kǎdù ɔtdùnà. Pbétù ìbhu idho dzidǒ kǎdùya ndìngbè.»

³²Kǎno wò dhu abádhí tò kpanjangba nyú. Ní Péterù adù kidyì ndàrà nà igi, ndàdù ndòpè ndòrù dónà.

³³Ní Yèsù agéré ndì ndàndà pbìndà ábhàlǐ, ndàdù òrù Péterù dǒ ndàti: «Ìndrǐ nyi itse tidú rò Pfòmvo Sitanǐ! Nyi nyí nzǐ inga nírè Kàgàwà náarí inga ìrè dhu bhěyi nídhunǐ, pbétù nyi nyí inga nírè ìndrǔ bhěyi.»

³⁴Tdítdǒ, Yèsù náanzi ihé-yà pbìndà ábhàlǐ mànà, ndàdù àtìna abádhí nǐ: «Ndi ale náapé ndòzè ndùbhi owùdu ǒ, ní ndì ale àkǎ ndàdzo róná rò, ndàdù ndà'ù ndànò pbìndà mùsàlabhà , ndàdù ùbhi owùdu ǒ.

³⁵Obhó tí, pbìndà ípìrǒnga nòzè ndòdò fǐndà ale níwíya ka. Pbétù, okúdu dò rò, ndirò Kàgàwà bhà Ídzi Mākǔrǔ-okú dò rò rǐ pbìndà ípìrǒnga níwǐ ale, nígúya ka.

³⁶Ndirò, ìndrǔ rǐ yà adzi ǒ ònzì nábà, ndàdù pbìndà ípìrǒnga níwi dhu tó ídzìnga ní àdhu?

³⁷Ìndrǔ ràdù àbhunà pbìndà ípìrǒnga nduwù tí nǐ atdí dhu mà tí'ì ìnè?

³⁸Indo arí'ì ale ní nzéřenga ònzi arí ale, ndirò ìnzí arí 'òdo Kàgàwà tò ale. Ní ndi ale-nyì náapè ìwù okúdu dò rò, ndirò pbàkà òte-okú dò rò kòrí ì ale nzínzi ò, ní Ìndrű t'ídhùnà-nyì níwùya átò kòkú dò rò ì ítsi ìwu ìlílà màlàyíkà mànà Àbanà bhà ádrùngbānga tó awáwù ò nínganí.»

Mărkò 9

¹Yèsù adù àtìnà tdídǒ abádhí nǐ: «Ma mí obhó dhu núno fűkù: yà iró rí'ì ale nzínzi ò, ngűkpà ale núwèya nǐ inzà ì àla òrù-akpà ò Ádrùngbā kamà Kàgàwà bhà Idzi rǐrà ádrùngbānga tó òbì nà dhu rórò.»

Yèsù-wòyǒ rǐ ndùgèrè dhu

(Màt 17.1-13; Luk 9.28-36)

²Azà idhò dzidǒ, Yèsù náanzi Péterù mà, Yàkòbhò mà, Yùwanì mànà, 'adù ùpo mànà ádzì pbìrì-akpà dò. Ányì abádhí náatù ì òyá. Ní Yèsù-wòyǒ núugèrè ndi abádhí-nyìkpò ò rò.

³Kà-rǒ mùdzarù náapè ndùmbìlì atdídǒ, ràdù òwù tdyé, ìnzí yàrí adzi dǒ atdí ale mà ràdù dhu òbhòlò ròwù dhu bhèyi.

⁴Tdídǒ, nabì Èliya mà Músà mànà núuto ì abádhí tí, 'adù àmbe òte dǒ Yèsù mànà.

⁵Nirò ní ndi Péterù náati Yèsù nǐ: «Màlimò, dhu òfò nga àlě ròkò iró. Mă mí ìbhu hemě-dzà núpè, atdí indù, atdí Músà tò, ndirò atdí Èliya tò.»

⁶Péterù núuni nzà àdhu mà núno ndi ndí dhu. Obhó tí, àbadhi mà ngűkpà ábhàlǐ mànà ní'ì òdo nà atdídǒ.

⁷Ní ádrùngbā àpbù níibvú ndi, ndàtsì abádhí sisìna nǐ. Ndirò atdí ale-tù náadù ndirò wò àpbù ò rò, ndàti: «Yàrí ní Idhùdu, atdídǒ ma mòzè ale. Nyìri kà-tsű dhu.»

⁸Ányìrǒ rò tí, kòkòrí ábhàlǐ náandà tiyá nga, pbétù ìnzí àdù atdí ale mà nála. Yèsù kèlě náadù ì atdíro abádhí-tí.

⁹Pbìrì dò rò abádhí rǎwù ònà kàsùmì ò, Yèsù núuyá dhu abádhí tò ndàti: «Àpé nyàwe yà nyǐ nyàla dhu atdí ale tò màtí, rǎrà àhu ìma, Ìndrű t'ídhùnà, ma mí mǐngbè dhu ò.»

¹⁰Ní abádhí náalú wò fǐyò ka kùyànà dhu dòya ò, àzembè ì í dhu òngù tsùyá nzínziya ò rórò, 'àmbe àtìnà dǒ: «Ìndrű rǐ ndìngbè òve-bvù rò dhu-tì ní àdhu?»

¹¹Wò dhu-dzidǒ, abádhí níivú dhu Yèsù-tsű 'àti: «Ádhu Músà bhà Úyátá tó màlímó náarátina, Èliya rǎkǎ pé ndirò angyi nǐ?»

¹²Ní Yèsù adù dhu abádhí tò ndàti: «Obhó tí, Èliya náká wà ndàdu ndi angyi, ndirò kórò dhu-nyitì nóhù. Pbétù, ádhu Kàgàwà bhà Andítá náarátina átò ìndrű t'ídhùnà rabáya àpbè abhò, kadù ìtsìna nónzì nǐ?»

¹³Pbétù, ma mí dhu òvo fűkù: Èliya bhèyi atdí ale níra wà àhu, ìndrű ràdù àvu ròná ì òzè dhu bhèyi, àdhàdhì Andítá nóvò kà dǒ dhu bhèyi.

Yèsù rǐ nzéře-alafí ìpfò ìnzí aróte, ìnzí ndàdù ìnga ìrì ngbángba ò rò dhu

(Màt 17.14-21; Luk 9.37-43a)

¹⁴Yēsù mà kǒkò ìbhu ábhàlǐ mànà níwú ùvò ngǔkpà ábhàlǐ-tí. Ní abádhí náala ádrungbà ihé-yà i ábhàlǐ-ngbò nàkpòrò ró. Ndirò Músà bhà Uyátá tó màlímó náadù òko 'àmbe 'àgò dǒ abádhí mànà.

¹⁵Ní, ìndrù níitdègu Yēsù nálà, ní idho núukò abádhí atdíǒ, 'adù òtse 'òwù Yēsù nátsè.

¹⁶Yēsù adù dhu ìvu pbìndà ábhàlǐ-tsù ndàti: «Ádhu abádhí mànà nyí nyí nyǎgò dóná?»

¹⁷Ní ihé-yà nzínzì ǒ atdí ale náadù dhu àdu kà tò ndàti: «Màlimò, ma mìrà idhùdu nà funu ò. Nzére-alafí yà kàbhù arí ìnzǐ ràmbe òte dǒ ní rǐ'ì kà ò.

¹⁸Kóró ngari ǒ, ndi nzére-alafí níwà dhu kà rǒ ró, kǎrí kà-ǒnga níbvù obvò, isó-yà rùpbò ndi liná, ràdù àmbe kùna nátri dǒ, kàngbò ràdù ndifiri ndidzò. Ní ma màvi pbùkù ábhàlǐ rípfo ndi nzére-alafí kà ò rò, pbétù abádhí nádù nzá kà-lèmà nónzì.»

¹⁹Ní Yēsù adù dhu núnò abádhí tò kpangba ndàti: «Hàkà! Nyí ìmbà a'uta nà alé! Àlě kokoya nyí mànà ife kàsùmí tí tdítdǒ? Ma mí fùkú dhu-dzi nòndù ràrà àhu ife idho tí? Nyìwù ndi ngbángba nà tidu ò.»

²⁰Ní ka kadù ìwu kà nà Yēsù-tí'ò. Uró rò tí, wò nzére-alafí níitdègu Yēsù nálà, ní kǐyà ndi ngbángba-ǒnga ɔbi nyú nà, ràdù ìtsì obvò, ràmbe ndùbolo dǒ adzi ǒ, isó-yà ràdù ndùpbò liná.

²¹Yēsù adù dhu ìvu kà t'ábanà-tsù ndàti: «Wò dhu ópè ndi ìngbàtíngá kà rǒ?» Kà t'ábanà náadù dhu àdu ndàti: «Àdǐ kàdi ngbángba nyú tí rórò.

²²Ndirò ibí-gùna nyú, nzére-alafí náarí kàbhù ràwà ndi kàzu ò màtí, ndirò idha ò màtí, ndínǐ ɔvé tí. Ní, ìmbà màtí dhu ì'ì, ndi dhu ònzì nyí nyádù nánǐ, ábà izu dòkà nyonzi dzùnàka.»

²³Yēsù adù dhu àdu kà tò ndàti: «Nyí pbání àtina, ndi dhu ònzì nyí nyádù nánǐ? Kóró dhu ràdù àkǎ a'uta nà rǐ'ì ale tò.»

²⁴Ní ányìrǒ rò tí, wò ngbángba t'ábanà náafà ndi ndàti: «Ìnè ma mí'ì a'uta nà! Ní ónzi dzùnàdu nyìrǒ ka!»

²⁵Wò dhu-dzidǒ, Yēsù ala ihé-yà tǐya ò rítse ró. Ní kǎdù òrù ndi nzére-alafí dǒ, ndàti kà nǐ: «Yà ngbángba nábhù arí ìnzǐ ràmbe òte dǒ, ndirò ìnzǐ ràmbe nga níri dǒ nzére-alafí, ma mátina nyí nǐ: «Áhù yà ngbángba ò rò, ndirò àpé nyadù nyí tdítdǒ kà ò.»»

²⁶Ní wòrí nzére-alafí náakù, ndiyà wò ngbángba-ǒnga ɔbi nyú nà, ndàdù àhu kà ò rò. Wò ngbángba níli ndi iwà òvè ale bhèyi, ányìrǒ ì'ì ábhǒ ale ràdù àmbe àtina dǒ: «Íwà òvè.»

²⁷Pbétù, Yēsù náadù kàlu ɔsúna rǒ, ndìvà, rìdè.

²⁸Yēsù níitdègu ndàdù idza, kàbhà ábhàlǐ ràdù 'òtù ɔyá kà mànà, ní abádhí adù dhu ìvu kà-tsù 'àti: «Ádhu ìnzá mǎ mìpfo wò nzére-alafí nǐ?»

²⁹Ní Yēsù adù dhu àdu abádhí tò ndàti: «Ìnzǐ vurò dhu ràdù wòrí nzére-alafí-tidò nípfo. Pbétù kípfo ràdù ní ìtsòta kèlě.»

Yēsù rǐ ndì ndóvè kòtdù ndì, ndàdù ndìngbè dhu nóvò tdítđǒ dhu

(Màt 17.22-23; Luk 9.43b-45)

³⁰Wò dhu-dzidǒ, Yēsù mà pbìndà ábhàlǐ mànà níwà ì ányìrǒ rò, 'àdù ùda Gàlìlayà tó pbìrì òna nǎ. Kǎzè nzá kuni ìngbòró màtí ì í'ì pbìndà ábhàlǐ mànà dhu.

³¹Obhó tí, kǎmbénà dhu ùdhe dǒ abádhí tò, ndàmbe àtìna dǒ abádhí nǐ: «Ka kí mipfǒ, ìma Ìndrǔ t'Ídhùnà, kabhu ma ìndrǔ-fó. Ní ì ale rǐ mohò, kadù mǎtdù. Ndirò ìbhu ìdho dzidǒ, ma mádù mìngbè ìngbè.»

³²Pbétù, wòrì òte náalú ìnzá kǒkò ábhàlǐ-dò, ndirò abádhí adù kà-tsù ì í dhu òngù dhu-òdò nónzì ònzì tí.

Ábhàlǐ nzínzì ǒ ádrùngbǎle nyú ròsè ní àdhi?

(Màt 18.1-5; Luk 9.46-48)

³³Yēsù mà pbìndà ábhàlǐ mànà náawù ùvò Kàpèrnàwumù tí kátina kígò ò. Ní, ìdzá ì í'ì rórò, Yēsù níwù dhu pbìndà ábhàlǐ-tsù ndàtì: «Ádhu nyí nyúbhi nyǎgò rǒ dóná otu ǒ?»

³⁴Pbétù abádhí náadù ìnè ìnè tí. Obhó tí, otu ǒ, abádhí ubhínà 'àgò rǒ nzínziya ǒ, ndíní ì uni tí ádrùngbǎle ròsè nzínziya ǒ rǎrǐ àdhi.

³⁵Ní Yēsù adì obvò, ndàdù atdí kumì dóná óyǒ nà ábhàlǐ núnzì, ndàdù àtìna abádhí nǐ: «Ndi ale náapè ndòzè ndì'ì wemberè t'ále tí, ní ndi ale àkǎ ndì'ì kóró ale tò arádi olù ale tí, ndàdù ì'ì kóró ale tò arí kasu ònzì ale tí.»

³⁶Tdítđǒ, kǎdù ákě ngbángba nídyì, ndìli rìdè abádhí-ònzì. Kídyi ndi ngbángba ndàtdù, ndàdù àtìna pbìndà ábhàlǐ nǐ:

³⁷«Yàrì ngbángba bhèyi atdí ngbángba nàkò okúdu dò rò ale, nádù ì'ì iwà ìma nàkò ale. Ndirò ìma nàkò ale nákò ìnzá ìma kèlě, pbétù kàkò ìma níwì ale átò.»

Ìmbǎ rǐ'ì àlě tó òmvù tí ale ní àlě-tì'òná rò rǐ'ì ale

(Luk 9.49-50)

³⁸Yùwanì náati Yēsù nǐ: «Màlimǒ, mà màla atdí ale nzére-alafí nípfǒ rí ìndrǔ ò rò òvònu rǒ ró. Ní mà màtsù mǐsǒ ndi dhu kà tò, ìnzì ndi ale náarúbhi atdíkpá àlě mànà nídhuní.»

³⁹Pbétù, Yēsù adù dhu àdu ndàtì: «Ìnzì nyisǒ ndi dhu kà tò, ìnzì ìndrǔ rǎdù wíwì nónzì òvòdu rǒ, ndàdù òte nzére ìma nǐ kòmbómbí tí nídhuní.

⁴⁰Ìnzì ndi ale náapè ì'ì àlě tó òmvù tí, ní ka ní àlě-tì'òná rò rǐ'ì ale.

⁴¹Obhó tí, ma mí obhó dhu núno fǔkù: ìdha mà nábhǔ rí nyǒmvù Krístò bhà ale tí nyí nyí'ì dhu-okú dò rò ale, náadiya nzì ìnzá ndi ndàbà pbìndà perè rórò.»

Nzérenga rǒrò dhu àkǎ kòdò ale dhu

(Màt 18.6-9; Luk 17.1-2)

⁴²Yēsù adù àtìna tdítđǒ: «Yà ma ná'ù nzónzo nzínzì ǒ atdí ngbángba mà nábhǔ rí ròtsù nzérenga ò ale-tú, dhu òfò nga mbèyi nyú kosò dhu ò'ù ka karí dóná odu-ba, kadù ndi ale nídò ádrùngbǎ rèrù ò.

⁴³Dhu apé ì'ì ɔtsúnɔ náarí nyabhǔ nyotsù nzérenɔ ò dhu tí, ní ɔtdí ka. Dhu ɔfò nga atdí dǔ indǔ, nyotsù atdí ɔtsúnɔ ná dhòdhóhónɔ tó ípírǔnɔ ò, ròsè ɔyǔ ɔtsúnɔ ná nyí nyárà ìnzǐ aráve dhòdhóhónɔ kàzɔ ò dhu dónǎ.

⁴⁴[Ányì, ale-ngbò nónyɔ rí rìpba ndì asa náarí nzǐ ùve, ndirò ányì kàzɔ náarí nzǐ àve akèkpá màtí.]⁴⁵Dhu apé ì'ì pǔnɔ náarí nyabhǔ nyòtsù nzérenɔ ò dhu tí, ní ɔtdí ka. Dhu ɔfò nga nyotsù atdí pǔnɔ ná dhòdhóhónɔ tó ípírǔnɔ ò, ròsè ɔyǔ pǔnɔ ná ka kí nyobvù ìnzǐ aráve dhòdhóhónɔ kàzɔ ò dhu dónǎ.

⁴⁶[Ányì ale-ngbò nónyɔ rí rìpba ndì asa náarí nzǐ ùve, ndirò ányì kàzɔ náarí nzǐ àve akèkpá màtí.]

⁴⁷Ndirò, dhu apé ì'ì atdí nyìkpónɔ náarí nyabhǔ nyotsù nzérenɔ ò dhu tí, ní ítù ka nyobvù. Dhu ɔfò nga nyotsù ɔrù-akpà ǔ Ádrùngbǎ kamà Kàgàwà bhà idzi ò atdí nyìkpónɔ ná, ròsè ɔyǔ nyìkpónɔ ná ka kí nyobvù ìnzǐ aráve dhòdhóhónɔ kàzɔ ò dhu dónǎ.

⁴⁸Ányì ale-ngbò nónyɔ arí rìpba ndì asa náarí nzǐ ùve, ndirò ányì kàzɔ náarí nzǐ àve akèkpá màtí .

⁴⁹Obhó tí, Kàgàwà nú'oya kóró ale kàzɔ nǐ rìlǎ nyìkpónǎ ǔ, àdhàdhì ka karí perè tí ka kùbhóna kà tò dhu nú'ò iko nǐ rìlǎ kà-nyìkpó ǔ dhu bhěyi .

⁵⁰Iko ní idzi dhu nyú. Pbetù, iko-òvù náapé ìku, ní ka kádù kàbhɔ ròkyè àdhu nǐ tdít dǔ? Nyàbhɔ òvùku rì'ì iko nǐ ka kòsì dhu-òvù náarí'ì dhu bhěyi, nyòkò màrùngà ǔ nzínzìku ǔ.»

Mǎrkò 10

Yèsù rǐ dhu ùdhě kpatsìbhále mà rǐ 'ùbhǎ pbìndà tsìbhále ná dhu dǔ dhu

(Màt 19.1-12; Luk 16.18)

¹Wò dhu-dzidǔ, Yèsù níivà ndì Kàpèrnàwumù rò, ndàrà Yùdeyà tó pbìrì ò, ndàdù àda Yòròdanì tí kátina idha-akpà-adzè. Ní, ábhǔ ihé-yà náadù 'ùndu kàtí tdít dǔ, kà ràdù dhu ɔpè ndùdhe tdít dǔ fǐyò yà bìlǐngà ndì ndarónzina dhu bhěyi.

²Ní ngúfe Pbàfàrisáyó níiwú kà ì ndínǐ ì omvú tí kǎfí. Abádhí níivú dhu Yèsù-tsǔ àtì: «Músà bhà Úyátá návi tí wà kpatsìbhále ròdhò pbìndà tsìbhále ndàdù òdìnà?»

³Ní Yèsù adù dhu ìvu abádhí-tsǔ ndàtì: «Ádhu músà bhà Úyátá núunò fǔkù ndì dhu dǔ?»

⁴Abádhí adù àtìnà: «Músà náati, kpatsìbhále ràràdù ùbhátá tó bhàrɔwà náandi, ndàbhɔ ndì pbìndà tsìbhále-fó, ndàdù kòdì .»

⁵Ní Yèsù adù àtìnà abádhí nǐ: «Músà náandí wòrì Úyátá fǔkù odú afìku náaró'ò dhu-okú dò rò.

⁶Pbetù màhàngú ò rò, Kàgàwà náanzì kóró dhu nínganí, kǎnzì kpatsìbhále mà tsìbhále ná .

⁷Ní ndi dhu-okú dò rò, kpatsibhále rǎdù àbanà mà íyànà mànà núbhà, 'àdù òwu 'ùngbò atdíkpá pbìndà tsibhále mànà,

⁸abádhí óyǒ rò rǎdù òngò atdí ale tí. Ndi dhu bhěyi ní ndi, abádhí ní nzí óyǒ ale tdítǒ, pbétù abádhí nóngò iwà atdí ale tí.

⁹Nírò, dhu àkǎ nzá atdí ale mà rùtu Kàgàwà úngbò ale-ǒnga.»

¹⁰Wò dhu-dzidǒ, Yèsù mà pbìndà ábhàlǐ mànà níitdègu 'àdù idza, ní kàbhà ábhàlǐ náadù dhu òngù kà-tsǔ tdítǒ ndi dhu dǒ.

¹¹Ní, Yèsù adù àtìnà abádhí nǐ: «Atdí kpatsibhále náapé pbìndà tsibhále nódho, ndàdù ngǎtsi tsibhále nídyì, ní ndi kpatsibhále nónzì wà m̀nyòni, ndàdù dhu àfa angyì pbìndà tsibhále-ònzì.

¹²Ndi dhu bhěyi tí, atdí tsibhále náapé pbìndà kpatsibhále núbha, ndàdù ndòkù ngǎtsi kpatsibhále tò, ní ndi tsibhále nónzì wà m̀nyòni.»

Yèsù rǐ nìní nzónzo násǒ dhu

(Màt 19.13-15; Luk 18.15-17)

¹³Atdíku, ìndrù níiwú nzónzo nà Yèsù-ti'ò, ndínǐ kǔlì tí ɔtsúna d̀yá, ndàdù àsonà. Ní Yèsù bhà ábhàlǐ náadù òrù òrù tí i ale dǒ.

¹⁴Ní, wò dhu ndi ndàla rò, Yèsù-ǒnga náadù ndiwà pbìndà ábhàlǐ rǒ, ndàdù àtìnà abádhí nǐ: «Nyùbhà nzónzo rìwù tídu ò, ìnzì nyùtò abádhí-tsù. Obhó tí, òrù-akpà ǒ Ádrùngbǎ kamà Kàgàwà bhà Idzi ní abádhí bhěyi ì nùlì ale tó.

¹⁵Ma mí obhó dhu núnò fùkù: ìnzì rí òrù-akpà ǒ Ádrùngbǎ kamà Kàgàwà bhà Idzi nǎkǒ ngbángba náarí dhu àkǒ dhu bhěyi ale, náadùya nzí ɔtsù ányì akèkpá màtí.»

¹⁶Wò dhu-dzidǒ, kǎdù nzónzo nùmbò, nd̀lì ɔtsúna d̀yá, ndàdù abádhí násò.

Yèsù mà rǒte atdí ònzitále nà dhu

(Màt 19.16-30; Luk 18.18-30)

¹⁷Yèsù níitdègu ìsǐ otu ǒ ndàmbe àrà dǒ, ní atdí ale níiku ɔngu tí kà-ti'ò. Kǐtsi ndòkò ɔtdyèna dǒ Yèsù-ònzì, ndàdù dhu ìvu kà-tsǔ ndàtì: «Ídzì M̀limǒ, ádhu ndi àkǎ m̀onzi ndínǐ ma mabá tí dhòdhóhóna tó ìpìr̀ngà?»

¹⁸Ní Yèsù adù àtìnà kà nǐ: «Ádhu nyì nyí manzi ídzì ale tí nǐ? Ìmbǎ ídzì ale rǐ'ì atdí màtí, pbétù Kàgàwà kèlě atdíró.

¹⁹Nyì nỳni wà Kàgàwà bhà Úyátá: «dhu àkǎ nzá nyohò abvo, dhu àkǎ nzá nyonzi m̀nyòni, ndirò dhu àkǎ nzá nyonzi ogbo. Dhu àkǎ nzá nyadi tìtò tó ngàm̀bì tí ɔdhìnu rǒ, ndirò dhu àkǎ nzá nyugù ngǔkpà ale tó dhu utrátá ǒ. Dhu àkǎ nyifù àbànù mà íyànù nà.»»

²⁰Wò ale náadù dhu àdu Yèsù tò ndàtì: «M̀limǒ, ma mífù kǒkòrí Úyátá kóró ròpè ndi idú ngbángba ò rò.»

²¹Ní Yèsù adù kàndà àzè nyú nà, ndàdù àtìnà kà nǐ: «Atdí dhu ní ndi rùnù ndi nùbhà: Àrà, nyadù kóró nyì nyarí'ì nà dhu nùdzi, nyadù nyì nyòngyè fùrangà nùndò nǎkùtále

tò, ndi dhu bhëyi ní ndi nyi nyabáya ònzì òrù-akpà ò. Wò dhu-dzidõ, ádù nyira, nyadè owùdu núngu.»

²²Pbétù wò ale níitdègu wò òte níri, ní kànyì-õnga náadù ìfà ìfà tí, ndàdù àrà izu nyú nà, ábhõ ònzì nyú nà ndi ndí'ì dhu-okú dò rò.

²³Ní, Yèsù náandà tiná nga, ndàdù àtìnà pbìndà ábhàlì nǎ: «Ònzítàle ròtsù Kàgàwà bhà Idzi ò dhu ní odú dhu nyú!»

²⁴Ní, idho núuko ábhàlì atdíidõ nyú wò dhu ì ìrì rò. Pbétù, Yèsù adù àtìnà tdíidõ abádhí nǎ: «Pbànǎnzó, òrù-akpà ò Ádrùngbã kamà Kàgàwà bhà Idzi ò ka kòtsù dhu ní odú dhu nyú.

²⁵Ngàmìyà ròtsù ndèdà sìndanì-bhu ònã dhu rǎ'ì isó nyú. Pbétù ònzítàle ròtsù òrù-akpà ò Ádrùngbã kamà Kàgàwà bhà Idzi ò dhu rǎ'ì odú nyú ròsè.»

²⁶Idho náadù ábhàlì núko atdíidõ nyú ròsè angyi ì'ìnà dònã, abádhí ràdù 'òpè 'òngù dhu tsùyá nzínziya ò, 'àmbe àtìnà dõ: «Olu, ádhi nyú ndi ògù ràdù ògù?»

²⁷Ní, Yèsù andà pbìndà ábhàlì, ndàdù àtìnà abádhí nǎ: «Ìndrù tò ndi dhu rǎ nǎ àdù àkã, pbétù Kàgàwà tò kà ràdù àkã àkã. Obhó tí, Kàgàwà tò kóró dhu náarí àkã àkã.»

²⁸Nírò ní ndi Péterù apè òte ndàtì kà nǎ: «Íri, mã múbhà kóró dhu, mãdù owùnu núngu.»

²⁹Ní, Yèsù adù dhu àdu kà tò ndàtì: «Ma mí obhó dhu núno fùkù: atdí ale mã náapè pbìndà idza, adóna, awéna, íyànà, àbanà, pbìndà nzónzo mã, pbìndà ònzìbvu mãnà núbha okúdu dò rò, ndirò Kàgàwà bhà Ídzi Màkùrù-okú dò rò,

³⁰ní yà kòmbí àlè kí'ì ònà kàsùmì ò, kábáya idza, adóna, awéna, ayína, inzo, ònzìbvu mãnà atdí miyà-gùna ròsè, kadù àvu róná átò. Ndirò olù rǎrà kàsùmì ò, kádùya dhòdhòdhóngà tó ìpìrõnga nábà.

³¹Pbétù, ábhõ ale yà kòmbí arí'ì wemberè tí, nóokoya olù ale tí. Ndirò yà olù ale tí arí'ì kòmbí ale nóokoya wemberè t'ále tí.»

Ìbhu rí kìsè nǎ, Yèsù rǎ ndi ndóvè, kòtdù ndi, ndàdù ndìngbè dhu nóvo dhu

(Màt 20.17-19; Luk 18.31-34)

³²Ndi kàsùmì ò, Yèsù mã pbìndà ábhàlì mãnà ní'ì Yèrùsàlemà ì úpo ònà otu ò. Ní, Yèsù náadì ndàmbe àrà dõ angyi abádhí tò. Ní idho núuko kàbhà ábhàlì atdíidõ, ndirò kà-dzidõ ríwu ale náadù ì'ì òdò nà. Ní Yèsù náanzi atdí-kumì dòná óyõ nà ábhàlì tina ò tdíidõ, ndàdù ndòpè ndàwe róná rí ndònzì inzá òtrò kàsùmì ò dhu fǎyò.

³³Kàtì abádhí nǎ: «Nyèrì dhu, kànì àlè kúpo Yèrùsàlemà. Ní anyì, ka kí Ìndrù t'Ídhùnà nábhù pbàkùhání tó ádròdrò ale mã, Músà bhà Úyátá tó màlímó mãnà-fó. Abádhí rǎ anya òtdì kà-dõ ndínì ka koho tí, ndirò abádhí rǎ kàbhù ìnzì ní Pbàyàhúdì-fó.

³⁴I ale rǎ kà gàyà nónzi, ì rùso iso kà-dò, 'ùvi ka asé nǎ, 'adù kòhò, kadù kòtdù. Ndirò, ìbhu idho dzidõ, kádùya ndìngbè.»

Yàkòbhò mã Yùwanì nà rǎ ádrùngbãnga nónzi Yèsù-fó dhu

(Màt 20.20-28)

³⁵Wò dhu-dzidõ, Zèbèdayò bhà inzo, Yàkòbhò mà Yùwanì nà níwú Yèsù-tí'ò, àdù àtìnà kà nǐ: «Mǎ mòzè nyɔnzì funú mǎ mónzina dhu fǎkà.»

³⁶Ní Yèsù adù àtìnà abádhí nǐ: «Ádhu nyǐ nyòzè mɔnzì fùkù?»

³⁷Ní, abádhí adù dhu àdu kà tò àtì: «Pbùkù Idzi tó ádrùngbǎnga tó awáwù ò nyi nyótsù nínganí, nyi nyabhùya mǎ mòkò tinú, atdí ale ràdì indú fangà dònǎ rò, ngǎtsi ale ràdù àdì ígù dònǎ rò.»

³⁸Pbétù Yèsù adù àtìnà abádhí nǐ: «Nyǐ nyùni nzá wò nyǐ nyònzì dhu. Nyǐ tí àdù yà ma mómvùna àpbè tó kópà-tsù nómvù òmvù? Ndirò nyǐ tí àdù yà ma málǎna àpbè tó bàtizò nálu àlǎ?»

³⁹Ní abádhí adù dhu àdu kà tò àtì: «Ònzì mǎ mǎdù lèmana nónzì.» Ní Yèsù adù àtìnà abádhí nǐ: «Obhó tí, òmvù nyǐ nyɔmvúya ma mómvùna àpbè tó kópà-tsù, nyádù ma málǎna àpbè tó bàtizò nálu.»

⁴⁰Pbétù, ìndrù nílǐ ka kǐ ràdì idú fangà dònǎ rò, ndirò idú ígù dònǎ rò dhu ní nzǐ òtèdu. I ngari ní Kàgàwà náabhòlò ka fǐyò ale tó.»

⁴¹Wò dhu ì ìrì rò, atdí-kumì ngǔkpà ábhàlǐ náadù àkò àkò tí Yàkòbhò mà Yùwanì nà rǒ.

⁴²Ní Yèsù adù abádhí nánzì kóró, ndàdù àtìnà abádhí nǐ: «Nyǐ nyùni wà yà ìndrù ùnda rí dhu tí ka kátina ale náaràdù 'à'è yà ì ùndana ale dǒ tí dhu. Ndirò, nyǐ nyùni wà ìndrù dǒ ádròdrǒ ale tí ka kátina ale náaràdù òko 'àmbe ɔbìya kèlè nívi dǒ ìndrù tò dhu.»

⁴³Pbétù, dhu àkǎ nzá ndònzì ndì wò ndì bhèyi nzínziku ò. Atdí nzínziku ò ale náapè ndòzè ndì'ì ádrùngbǎle tí, ní kàkǎ ndì'ì fùkù kasutále tí.

⁴⁴Ndirò, atdí nzínziku ò ale náapè ndòzè ndì'ì wemberè t'ále tí, ní kàkǎ ndì'ì kóró ale tó ìno tí.

⁴⁵Obhó tí, ima Ìndrù t'ídhùnà, ma mira nzá ndínǐ ma mabhù tí ìndrù rònzì kasu idù, pbétù ma mira ìndrù-kàsù ma mɔnzì tí, madù pbàkà ípìrǒnga nábhù kóró ale nɔwù tí.»

Yèsù rǐ Bàràtìmàyò tí kátina ndùmùndúmú nígù dhu

(Màt 20.29-34; Luk 18.35-43)

⁴⁶Wò dhu-dzidõ, Yèsù mà pbìndà ábhàlǐ mànà níwú ùvò Yèrikò tí kátina kigò ò. Ní ndì kigò ò rò abádhí rǔvò pbìndà ábhàlǐ mànà, ndirò ádrùngbǎ ihé-yà mànà òná kàsùmì ò, atdí ndùmùndúmú Bàràtìmàyò tí kátina, Tìmayò t'ídhùnà, náadì otu-igì dǒ ndàmbe dhu núnzì dǒ ìndrù-fó.

⁴⁷Ní, kǐtdègu dhu níri Yèsù, Nàzàretì ò ale ràrǐ wò rírà, ní kǎpè ndùkù, ndàmbe àtìnà dǒ: «Yèsù, Dàwudì t'Ídhùnà, ábà izu dùdú!»

⁴⁸Ábhò ale náambénà òrù dǒ kàdǒ ndínǐ kǐnè tí. Pbétù, kǎdù àdì ndàmbe ùkù dǒ àrǐ nyú tí tdítdǒ, ndàmbe àtìnà dǒ: «Dàwudì t'Ídhùnàèè, ábà izu dùdú!»

⁴⁹Ní Yèsù adù ide, ndàdù àtìnà: «Nyànzi pé ka!» Ní abádhí náadù wò ndùmùndúmú nánzì, 'àdù àtìnà nǐ: «Ótù afínù! Ívǎ nyi, kǎnǐ kà rǐ nyanzi!»

⁵⁰Ní kǎbvù pbìndà ɔrú mùdzarù, ndàdù ndìbè ndìdè, ndàdù àrà Yèsù-ti'ò.

⁵¹Ní Yèsù níivú dhu kà-tsǔ ndàti: «Ádhu nyi nyòzè mɔnzì indù?» Ní wò ndùmùndúmú náadù ɔte kà tò ndàti: «Màlimò, ma mòzè mala nga tdítǔ.»

⁵²Ní Yèsù adù àtìna kà nǐ: «Árà, iwà pbùkù a'uta nígǔ nyi.» Ní ányìrǒ rò tí kǎdù nga nópè ndàla, 'àdù òwu atdí otu ǒ Yèsù mànà.

Mǎrkò 11

Yèsù rǒtsù Ádrùngbǎ kamà bhèyi Yèrùsàlemà tó kigò ò dhu

(Màt 21.1-11; Luk 19.28-40; Yùw 12.12-19)

¹Yèsù mà pbìndà ábhàlǐ mànà rǐ Yèrùsàlemà tó kigò níndù ònà kàsùmì ǒ, abádhí náawù ùvò íkyèrǒ Bètèfagè mà Bètànìyà mànà tí kátina pbangá nzo tí. I pbangá nzo ní'ì Mizèyìtunì tó pbìrì-ɔngò rǒ. Ní Yèsù avì pbìndà ábhàlǐ nzínzì ǒ óyǒ ale,

²ndàdù àtìna abádhí nǐ: «Nyòwu wò angyi rǐ'ì fǔkù pbanga ò. Ní ányì nyǐ nyótsù rórò tí, nyǐ nyǐ atdí kayinǒ-ngba nótù òsò ka kòsò ró, yà inzà atdí ale mà nápè ùbhi dòná angyi. Ní nyùnga ka, nyàdù iwu nà iró.

³Ndirò, atdí ale mà níivúna gukyè dhu tsàkú ndàti: «Ádhu nyǐ nyǐ wò dhu ònzì okúna dò rò? » Ní nyǐ nyadùna àtìna ndì ale nǐ: «Ádrùngbǎle rǐ kǎtdyú nóho, ndirò kà rǐ kǎdù kòmbí tí.» »

⁴Ní abádhí náadù òwu, àdù kayinǒ-ngba nótù irí, tsàtsù tí ka kòsò ngudhà-bidǒ ró. Ní abádhí adù kùnga.

⁵Ngúfe ale, wò ányìrǒ ì'ì ale nzínzì ǒ, níivú dhu abádhí-tsǔ 'àti: «Ádhu wò nyǐ nyóznina? Ádhu nyǐ nyǐ wò kayinǒ-ngba núngǎ nǐ?»

⁶Ní kǒkò óyǒ ábhàlǐ náadù yà Yèsù òvòna fǐyò ɔte kèlè nádu abádhí tò, kadù abádhí nùbhà ròwù.

⁷Abádhí níiwú wò kayinǒ-ngba nà Yèsù-ti'ò. Abádhí adù ròyá ɔrú mùdzarù núwà, 'ùhu ndì kayinǒ-ngba dǒ, Yèsù ràdù àdì dòná.

⁸Ibí ale náadù ròyá ɔrú mùdzarù núwà, 'ùhu otu ǒ. Ndirò ngǔkpà ale náadù yà inga ǒ ì à'á àwǎ-dòká núhu otu ǒ.

⁹Ní, yà angyi rówu Yèsù-ònzì ale mà, kǒwù ǒ ríwu ale mànà náambénà ùkù dǒ 'àti: «Hòsanà ! Ádrùngbǎle Kàgàwà nǎkǎ ndàso ɔvòna rǒ rǐrà ale!

¹⁰Kàgàwà nǎkǎ ndàso yà rǐrà àlè t'ábanà, ádrùngbǎ kamà Dàwudì bhà Idzi! Hòsanà òrù-akpà ò arí'ì Kàgàwà tò !»

¹¹Ní Yèsù náarà àhu Yèrùsàlemà tó kigò ò, ndàdù òtsù Kàgàwà bhà idza. Ní, tiná rǐ'ì kórò dhu ndì ndàndà dhu-dzidǒ, abádhí náadù ùvò 'òwù pbìndà atdí-kumì dòná óyǒ nà ábhàlǐ mànà Bètànìyà tí kátina pbanga ò, inga rǐrà ndínǐ ndatì tí nídhunǐ.

Yèsù rǐ inzǐ ar'ò mùtìni tí katina itsu nófù dhu

(Màt 21.18-19)

¹²Tsútsă nínganí, Yěsù mà pbindà ábhàlǐ mànà rǔvò Bètàniyà rò òná kàsùmì ǒ, Yěsù nǐ'ì àwù nà.

¹³Ní itse rò, kǎla mùtìní tí kátina itsu atdíǒ bǐna nùkǔ ró. Ní kǎdù àrà ndi itsu dò nga nándà, ndínǐ ndotú tí itsu-kpǒ kàdò. Ní íkyèrǒ ndi ndàrà àhù ndi itsu-tí rò, kǎtù kà-bǐ kèlě, ndi kàsùmì nǐ'ì ìnzǐ ndi itsu-tidò náaró'ò òná nídhunǐ.

¹⁴Ní Yěsù atè wò itsu nǐ ndàti: «Dhu àkǎ nzá atdí ale mà ròtò dùnú ró'ò itsu-kpǒ ìngbàngá màtí!» Kàbhà ábhàlǐ náadù wò kùnò dhu níri.

Yěsù rǐ Kàgàwà bhà idzá rò rí dhu núdǐ ale nòdì dhu

(Màt 21.12-17; Luk 19.45-48; Yùw 2.13-22)

¹⁵Yěsù mà pbindà ábhàlǐ mànà náawù ùvò tdítǒ Yèrùsàlemà tó kigò ò. Ní kǎtsù Kàgàwà bhà idza, ndàdù ndòpè ndòdì ányì-dzá rò rí dhu núdǐ ale. Kǎránà fùrangà-ònga nùwǔ ka kí dòná rò mizà nótdì rǒ, ndàdù àmbò núdǐ rí ale nókò dòyá kitì náwà.

¹⁶Ndirò kǎránà nzǐ atdí ale mà nábhù rǒ rànò dhu dòná, ndùdà nà Kàgàwà bhà idza òna nǎ.

¹⁷Ní kǎdù dhu ùdhe abádhí tò ndàti: «Hǐlǎ Andítá ò, Kàgàwà rǎtina: «Pbàkà idza ka katiya itsòta-dzà tí kóró pbìrì ǒ ale tò .» Pbétù nyǐ, nyǐ nyádù kùgèrè róngò ogbotále náarí 'òtù òná ngari tí .»

¹⁸Ní Pbàkùhání tó ádròdrǒ ale mà Uyátá tó màlímó mànà níri wò ndi nònzi dhu. Ní abádhí adù 'òpè 'ònè Yěsù nábhǔ ì í kohò òná otu. Obhó tí, abádhí ambénà kǒdò ònzì dǒ, kóró ale nùkò rǒ idhò rǎrà kà rǔdhèna dhu dǒ dhu-okú dò rò.

¹⁹Inga rǎti dhu-tsù dǒ, Yěsù mà pbindà ábhàlǐ mànà náadù ùvò 'òwù Yèrùsàlemà rò.

Yěsù rǐ dhu ùdhě a'uta mà dhu t'úbàta mànà dǒ dhu

(Màt 21.20-22)

²⁰Tsútsă nínganí kútsingánǎ, otu ǒ 'úda rórò, Yěsù mà pbindà ábhàlǐ mànà náala yà Yěsù òfùnà mùtìní tí kátina itsu iwà òtdyù ivéna mànà ró.

²¹Ní Péterù adù yà Yěsù únòná ndi itsu nǐ dhu níre, ndàdù àtìna kànǐ: «Màlimò, ándà pé yà nyǐ nyófùnà mùtìní nótdyù wà atdíǒ dhu.»

²²Ní Yěsù adù àtìna pbindà ábhàlǐ nǐ: «Nyà'u Kàgàwà.

²³Ma mí obhó dhu núnò fǔkù, atdí ale náapè atina yàrí pbìrì nǐ: «Íngbè nyǐ uró rò, nyadù àrà itsì ádrèngbǎ rèrè ò». Ní, ìnzǐ kǎfí náapè ùguru, pbétù kà ràdù yà ndi ndùnò dhu rǐ ndònzi dhu ná'ù, ní ndi dhu rǎdù ndònzi ndi dhu bhěyi tí kà tò.

²⁴Ndi dhu-okú dò rò ní ndi ma mátina nyǐ nǐ, Kàgàwà-fó nyǐ nyónzina itsòta ǒ kóró dhu, náká nyǎ'ù iwà nyǐ rǎbà ndi dhu. Ní kà rǎdù ndi dhu nábhù fǔkù.

²⁵Ndirò, nyǐ nyìkò nyǎmbe nyǐtsò dǒ Kàgàwà rǒ òná kàsùmì ǒ, nyǐ nyapè ì ìnè dhu nà afìkù ò òdhìkù dǒ, ní dhu àkǎ nyǔbà ndi dhu kà tò, ndínǐ òrù-akpà ò arí'ì Àbaku náadù tí fùkù afátá núbà fǔkù. [²⁶Pbétù, ìnzǐ nyǐ nyapè dhu núbà ngǔkpà ale tò, ní òrù-akpà ò arí'ì Àbaku rǐ nzǐ àdù fùkù afátá núbà fǔkù akekpà màtí.]»

Yěsù arí pbìndà kasu ònzì àdhi bhà ádrùngbǎnga tó ɔbi nǐ?

(Màt 21.23-27; Luk 20.1-8)

²⁷Yěsù mà pbìndà ábhàlǐ mànà náadù ì tdítđǎ Yèrùsàlemà tó kigò ò. Ní Kàgàwà bhà idzá Yěsù rùbhi òná kàsùmì ǎ, pbàkùhání tó ádròdrǎ ale mà, Músà bhà Úyátá tó màlímó mà, Pbàyàhúdì tó pbàkùrǔ mànà níiwú kà ì.

²⁸Ní abádhí níivú dhu kà-tsǔ 'àti: «Kǒkòrí dhu nónzì nyí nyárí àdhi-tù rǎ? Ádhi ádrùngbǎnga tó ɔbi nábhu indù nyongò ì dhu nónzì nǐ?»

²⁹Ní Yěsù adù dhu àdu abádhí tò ndàti: «Ma mí atdí dhu kèlě níivú tsùkú. Nyí nyapè ndi dhu nádù idù, ní ma mádù yà ma marí ì dhu nónzì pbìndà ádrùngbǎnga tó ɔbi nǐ ale núnò fǔkù.

³⁰Ádhi Yùwanì níivì rǐrà bàtizò núbho ìndrǔ tò? Tí Kàgàwà, ndirò tí ìndrǔ? Nyàdu pé ka idù.»

³¹Pbétù abádhí náapè 'irè inga nzínziya ǎ, 'àmbe àtìna dǎ: «Àlě kapé dhu àdù: «Kàgàwà ní ndi ka níivì», ní kǎdùna dhu ìvu àlě-tsǔ, ndàti: «Olu, ádhu inzà nyí nyádù Yùwanì núnò dhu ná'ù nǐ?»

³²Ndirò, àlě kapé àtìna: «Ìndrǔ ní ndi ka níivì...» Abádhí náambénà ihé-yà-òdò nónzì dǎ, kóró ale núnò dhu Yùwanì rǎrǎ Kàgàwà bhà obhóná nabì nyú nídhunǐ.

³³Ní abádhí adù dhu àdu Yěsù tò 'àti: «Inzá mà mǎni.» Ní Yěsù adù dhu àdu ndàti: «Nírò, ima mà átò, ma mí nzǐ ì dhu nónzì ma marí nǐ ɔbi núnò fǔkù.»

Mǎrkò 12

Vǐnyò tó inga ǎ rí kasu ònzì òrǒrù kasutále tó mbólí

(Màt 21.33-46; Luk 20.9-19)

¹Tdítđǎ, Yěsù náapè ndàwe ɔte mbólí ǎ abádhí tò ndàti: «Atdí ale náazò vǐnyò tó inga, ndàdù ngbǒna nákpòrò kòròwà nǐ. Kǎdù ndi vǐnyò-kpǎ náhà ka kóngò òná ibhu nóbhòlò, ndàdù ini nòsì ɔdótále tò. Wò dhu-dzidǎ, kǎdù ndi inga núbhà kasu ònzì róngo kà ǎ ale-fó, ndàdù àrà abhi ò.

²Ní ndi vǐnyò-kpǎ nópè ka kí òná kàsùmì náká rò, kǎvì atdí pbìndà kasutále ràrà fǐndà ka kútù vǐnyò-kpǎ-tsí náko ndi inga-kàsǔ nónzì arí ale-fó.

³Pbétù, abádhí náalú wò ka kìvìna ale 'òngbù, 'àdù àdunà róngò ɔtsúna-kpa nà.

⁴Ní, inga-àbadhi náavì ngǎtsi kasutále ràrà abádhí-tì'ò. Ní abádhí núnòvì ndi ale-dò-tsirò, 'àdù dhu ùnò nǐ.

⁵Inga-àbadhi náavì ngǎtsi ale tdítđǎ ányì, abádhí ràdù ndi-tsí nóhò. Ndirò, kǎvì ibi ngǔkpà kasutále ányì, ní abádhí náavì atdídhéná-tsí, 'àdù ngǔkpàkà nókyè.

⁶Ní, wò inga-àbadhi-fó arà òdì ní atdí kà t'ídhùnà yà atdíđǎ kòzè kèlě. Ní kà rǐku dónà rò nǐ, kǎvì ndi idhùnà abádhí ì, ndàdù inga nírè afína ò ndàti: «Ìfǔ abádhí rǐ idhùdu nífǔ.»

⁷Pbétù, wò vīnyò tó inga-kàsù nónzi arí ale náadù òte nzínziya ò 'àti: «Kòní inga-àbadhi tí ongoya olù ale ní wò. Kòwu kòho ka, ndíní ndi inga náadiya tí àlě tò.»

⁸Ní abádhí náalù kà t'ídhùnà 'òhò, 'àdù abvòna nóbvù itse ndi inga ò rò.»

⁹Ní Yēsù adù dhu ìvu ndàti: «Ádhu nyú wò inga-àbadhi rǎdù ònzìnà? Kà rǎdù irà, ndòkyè wò inga-kàsù nónzi arí ale, ndàdù ndi vīnyò tó inga nábhu ngǔkpà ale-fó.

¹⁰Nyí nyózù tí nzá yà Kàgàwà bhà Andítá ò ka kándi dhu: «Yà odu-dzà nòsì arí ale náabvù igi odu , náadù òngo idza-pbidò nódò arí odu tí.

¹¹Kòní Ádrùngbǎle Kàgàwà náanzì dhu, ndirò ndi dhu ní idhò rǐ ìndrù ùkò nǐ atdíđò dhu .»»

¹²Ní Pbàyàhúdì ò kámá náasù dhu ì rǎrǐ ndi Yēsù rǐ ì ùnò mbólí ò. Ní abádhí apè 'òmè Yēsù nálù ì í òná otu, pbétù abádhí adù ihé-yà-òdò nónzi. Ní abádhí adù kùbhà, 'àdù òwu fiyó dhu nǐ.

Ìndrù rǐ dhu òngù Yēsù-tsù pàratà t'úfótá đò dhu

(Màt 22.15-22; Luk 20.20-26)

¹³Pbàyàhúdì ò kámá náavi ngúfe Pbàfàrisáyó mà Hèròdè bhà ale màná Yēsù-ti'ò, ndíní kà-ida-đò nidyi tí otěna ò.

¹⁴Ní abádhí náawù, 'àdù àtìnà kà nǐ: «Màlimò, mà múni wà dhu nyi rǎrǐ obhó dhu núnò, ndirò nyi rǎrǐ nǐ atdí ale-òdò mà nónzi. Obhó tí, nyi nyarí nǐ ìndrù-nyì-kpa nándà, pbétù nyi nyarí Kàgàwà bhà otu núdhè ìndrù tò obhóngà đò. Ní, àlě tó Úyátá návi tí àvì àlě rǔfò Rómà tó pbìrì ò kámá đò ádrùngbǎ kamà bhà pàratà? Ndirò, kǐsò tí ka ìsò? Àlě tí àdù kùfò ùfò, ndirò àlě tí nǐ àdù kùfò?»

¹⁵Pbétù, òru tí abádhí òrù yà ì írèna afíya ò dhu dhu ndi ndèni rò, Yēsù adù àtìnà abádhí nǐ: «Ádhu nyí nyí afídu númvù nǐ? Nyìbho pé atdí fùrangà-kpò fudu ò, ndíní mandá tí.»

¹⁶Ní abádhí náadù ìwu fùrangà-kpò nà atdí Yēsù-fò ò. Yēsù adù dhu ìvu abádhí-tsù ndàti: «Yà ka kòbhòlò nyìna-wòyò, kadù òvòna náandi ale ní àdhi?» Ní abádhí adù dhu àdu kà tò 'àti: «Kámá đò ádrùngbǎ kamà Kàyìsarà.»

¹⁷Ní Yēsù adù dhu àdu abádhí tò ndàti: «Ndi dhu bhèyi kà rǐ'ì rò, nyùbho kámá đò ádrùngbǎ kamà Kàyìsarà bhà dhu-tsí Kàyìsarà tò, nyǎdù Kàgàwà bhà dhu-tsí núbho Kàgàwà tò.» Wò dhu bhèyi Yēsù àdu dhu náadù abádhí àbhu idhò rùkò atdíđò.

Pbàsàdùkáyó rǐ dhu òngù Yēsù-tsù ùvùvè ale núungbeya ì dhu đò dhu

(Màt 22.23-33; Luk 20.27-40)

¹⁸Wò dhu-dzidò, ngúfe Pbàsàdùkáyó níwú Yēsù-ti'ò. Abádhí ní ndi arátina ìnzì ùvùvè ale rungbeya ì òve-bvù rò. Ní abádhí níwú dhu Yēsù-tsù 'àti:

¹⁹«Màlimò, Músà náandí dhu yà dhu bhèyi fǎkà: «Atdí ale t'ádòná náapè òvè, ndàdù tsìbhále núbhà ìmbà atdí ngbángba nà màtí fóná, ní dhu àkà ndi ale rùndu adòná ùbhà abvo-àyi-tsù, 'àdù nzónzo nódhì nà yà òvòvè adòná-òvò đò .»

²⁰Ní, atdí ale ní'ì kpabhínzo nà àrùbhù. Ní sengba náambà tsìbhále, ndàdù òvè ìnzì ndùbhà atdí ngbángba mà.

²¹Ní kà lutìná kpatsìbhíngba náadù wò abvo-àyi-tsù núndu, ndàdù òvè átò ìnzì ndùbhà atdí ngbángba mà. Ndí dhu náanzì ndì ndi dhu bhěyi tí ìbhu rí kìsè kpatsìbhíngba rǒ.

²²Ní kóró kǒkò àrùbhù kpabhínzo wò tsìbhále númbà ndì fíyò, núuvè kóró ìnzì 'ùbhà atdí ngbángba mà. Abádhí núvè kóró dhu-dzidǒ, wò tsìbhále náadù òvè átò.

²³Ní kòmbí, kóró ùvǔvè ale rǐ 'ùngbě ɔvɛ-bvù rò nínganí, wòrì tsìbhále ní'íya àdhi bhà? Obhó tí kóró kòrì àrùbhù kpabhínzo núumbá wà ì ndi tsìbhále nà.»

²⁴Ní, Yèsù adù dhu àdu abádhí tò ndàti: «Nyǐ nyùwǐ wà fùkú irèta ǒ: nyǐ nyùni nzá Kàgàwà bhà Andítá núno dhu mà, ndirò nyǐ nyùni nzá Kàgàwà bhà ádrùngbǎnga tó obi mà.

²⁵Obhó tí, ùvǔvè ale rǐ 'ùngbě ɔvɛ-bvù rò nínganí, kpabhále mà vèbhále màna núumbáya nǐ ì, pbétù abádhí nóokoya Kàgàwà bhà màlàyíkà náaróko òrù-akpà ò dhu bhěyi.

²⁶Ndirò, yà ùvǔvè ale rǐ 'ùngbě ɔvɛ-bvù rò dhu dǒ, nyǐ nyàpè tí nzá atdí ngari nózù Músà bhà Andítá ò, yà kàzu rǒrù róná ìnzì rógbe rórò kǐdzùmbà dǒ? Ányìǒ nga ní ndi Kàgàwà ati Músà nǐ: «Ima, Ima ní Àbràhamù bhà Kàgàwà, Ìsakà bhà Kàgàwà, ndirò Yàkòbhò bhà Kàgàwà .»

²⁷Yèsù adù àtìna tditdǒ: «Kàgàwà ní nǐ ùvǔvè ale tó Kàgàwà, pbétù ka ní ípìrǒ rò arí'ì ale tó Kàgàwà. Ní nyǐ, nyǐ nyùwǐ atdí dǒ nyú fùkú irèta ǒ.»

Ádrùngbǎ Uyátá ròsè kóró Uyátá dònǎ

(Màt 22.34-40; Luk 10.25-28)

²⁸Músà bhà Uyátá tó màlímó nǐnzì ǒ atdí màlimò níri Yèsù mà rǐ 'àgò Pbàsàdùkáyó màna dhu. Kǎla Yèsù nádu dhu mběyi nyú Pbàsàdùkáyó tò dhu. Ní kǎndrì Yèsù ì, ndàdù dhu ìvu tsùnà ndàti: «Íngbà Uyátá ndi kóró Uyátá dònǎ ósè?»

²⁹Ní Yèsù adù dhu àdu kà tò ndàti: «Kànǐ kóró Uyátá dònǎ ósè Uyátá: «Íri dhu Ìsràyeli, àlè tó Ádrùngbǎle Kàgàwà ní ndi atdí rǒ Ádrùngbǎle.

³⁰Dhu àkǎ nyoze pbùkù Ádrùngbǎle Kàgàwà kóró afínu nà, kóró atdyúnu nà, kóró pbùkù irèta nà, ndirò kóró obìnu màna .»

³¹Ndirò kànǐ ɔyɔ rí kìsè Uyátá: «Dhu àkǎ nyoze ɔdhínu yà nyi nyú nyi nyoze nyi nyi-tírò dhu bhěyi.» Kǒkòrì ɔyǒ Uyátá dònǎ róse ngǎtsi uyátá rǐ'ì mbǎ .»

³²Ní Músà bhà Uyátá tó màlímò náadù àtìna Yèsù nǐ: «Nyǐ nyòtè mběyi nyú Màlimò. Nyǐ nyùnò dhu ní obhó dhu: Ádrùngbǎle Kàgàwà ní ndi atdí rǒ Ádrùngbǎle, ndirò ngǎtsi kà bhěyi Kàgàwà rǐ'ì mbǎ.

³³Ní dhu àkǎ ìndrù ròzè Kàgàwà kóró afína nyú nà, kóró pbìndà irèta nyú nà, ndirò kóró obìna nyú màna. Ndirò dhu àkǎ kà ròzè ɔdhìna yà ndi nyú ndi ndòzè ndi nditírò dhu bhěyi. Wòrì ní ndi ídzì dhu nyú ròsè Kàgàwà tò ka kǐ ìzǎ tó perè núbi màzàbahù dǒ, kadù kóró perè-tidò núbho kà tò dhu dònǎ.»

³⁴Yèsù náala wò Músà bhà Ƴyátá tó màlímò nádu dhu fíndà mběyi nyú ndírò ídzi irèta nyú nà dhu. Ní kǎdù àtìnà kà nǐ: «Ìmbǎ nyi nyí'ì itse òrù-akpà ǎ Ádrùngbǎ kamà Kàgàwà bhà Idzi rǎ rò.» Wò dhu-dzidǎ, atdí ale mà náamvù nzá ndivù dhu tǎítǎ Yèsù-tsǔ.

Krístò ná tí Dàwudì t'ídhùnà nyú?

(Màt 22.41-46; Luk 20.41-44)

³⁵Yèsù rǐ dhu núdhě ìndrù tò Kàgàwà bhà idzá rò ònà kàsùmì ǎ, kǐvù dhu ndàti: «Músà bhà Ƴyátá tó màlímó náarátina ìngbǎ dhu bhěyi Krístò rǎrǐ Dàwudì t'ídhùnà?

³⁶Ìlǎ-Alafí rǐ ndùnda rò, ádrùngbǎ kamà Dàwudì nyú ndítírò náati: «Ádrùngbǎle Kàgàwà náati pbàkà Ádrùngbǎle nǐ:

írà nyadi idú fangà dònǎ rò, rǎrà àhu ma mí pbùkù òmvù nábhǔ nyòbè dòya dhu ò .»

³⁷Dàwudì nyú ndítírò rǐ kànzi Ádrùngbǎle tí. Ní kà rǎdù ì'ì ìngbǎ dhu bhěyi átò Dàwudì t'ídhùnà tí?»

Yèsù rǐ ihé-yà nǎví ròdò ì Músà bhà Ƴyátá tó màlímó rǎ rò dhu

(Màt 23.1-36; Luk 20.45-47)

Ábhǒ ihé-yà núubhínà Yèsù rǎnǎna dhu níri rǎ atdyúya nyú nà.

³⁸Yà ndí ndúdhěna ìndrù tò dhu ǎ, Yèsù ubhínà àtìnà rǎ ì ale nǐ: «Nyòdò nyí Músà bhà Ƴyátá tó màlímó rǎ rò. Abádhí arózèna dhu ní 'ùbhi ádzàdzí kanzù ì ùfǎ rórò, 'àdù ìndrù nózè rǎtsè ì ifuta nyú nà ìndrù arí 'ùndù óyá ngari ǎ.

³⁹Unduta-dzà ǎ, abádhí arí 'òzè 'òkò ádròdrǎ ale tò ka kòbhòlò ngari ǎ, ndírò mǔhendù ǎ, 'àdù òzè 'òkò ifuta tó ngari ǎ.

⁴⁰Abádhí arí abvo-ayí-idzá ǎ dhu òvo kóró, àzembè ì'ì 'ìtsò ádzàdzí ndínǐ ka kati tí ì ídzi ale tí rórò. Wò dhu-okú dò rò, ka kǐtǐya anya abádhí dǎ òbi nyú nà.»

Nǎkù tó abvo-ayi rǐ perè nábhǔ Kàgàwà tò dhu

(Luk 21.1-4)

⁴¹Wò dhu-dzidǎ, Yèsù náadi Kàgàwà bhà idzá, Kàgàwà tò ka karí perè núdǎ ònà sàndukù-tí. Ní kǎdì ndámbe ìndrù rǐ fùrangà núdǎ ndí sàndukù ò tí dhu nándà dǎ. Ònzì tó ibí ale núudo fùrangà abhàbhó.

⁴²Ní nǎkù tó atdí abvo-ayi níra, ndàdù ìnzǐ rǐ ábhǒ kasu mà nónzi óyǎ fùrangà-kpǎ-nzo kèlě nídò wò sàndukù ò.

⁴³Ní Yèsù anzi pbìndà ábhàlǐ, ndàdù àtìnà abádhí nǐ: «Ma mí obhó dhu núno fǔkù: Wòrǐ nǎkù tó abvo-ayi nídò fùrangà sàndukù ò ròsè kóró ale dònǎ.

⁴⁴Kóró kǎkò ngǔkpà ale núbho ìmbǎ rǐ'ì kasu nà fǐyò fùrangà kèlě foyá rǐ'ì fùrangà dǎ rò. Pbetù pbìndà nǎkù ǎ, wò abvo-ayi núbho dzùnàna nónzi àmbènà pbìndà ípìrǎnga ǎ fóná rǐ'ì fùrangà kóró.»

Mǎrkò 13

Yèsù rǐ Kàgàwà bhà idza ka kugoloya dhu nóvo dhu

(Mât 24.1-2; Luk 21.5-6)

¹Yēsù rǎhu Kàgàwà bhà idza rò òná kàsùmì ǒ, kàbhà ábhàlǐ nzínzì ǒ atdí ale náati kà nǐ: «Màlimò, ándà pé! Íngbàtí ùya odu kǎkà! Íngbàtí ka kasì ǒsí-tidò yà!»

²Ní, Yēsù adù dhu àdu kà tò ndàti: «Nyi nyàla tí wà kǎkà ǒsí-abábá? Kàrí ǒsí-abábá ka kósì nǐ odu nzínzì ǒ, atdí odu mà rǐ nǐ ndùbha ngàtsi odu dǒ. Ka kí abádhí nùgòlò kóró.»

Yēsù rǒte yà adzi ǒ dhu-tsù rǐ ndòndì òná idho nitèya ize dǒ dhu

(Mât 24.3-14; Luk 21.7-19)

³Wò dhu-dzidǒ, Yēsù adì Mizèyìtunì tó pbìrì dǒ, ndàmbe Kàgàwàbhà idza nándà dǒ nyìna-kpa tí. Ní òyá ì òtù ì Yēsù mànà rò, Péterù mà, Yàkòbhò mà, Yùwanì mà, Àndèreyà mànà níivú dhu Yēsù-tsù 'àti:

⁴«Úno pé ìngbà kàsùmì ǒ màtí wò nyì nyùnò dhu nòonziya ndì dhu fǎkà? Ndirò, ìngbà ize ndì kóró kǒkò dhu rǐ 'ònzì òná kàsùmì nitèya?»

⁵Ní Yēsù adù dhu òvò abádhí tò ndàti: «Nyàndà nga mbèyi, ìnzì nyàbhu nyǐ atdí ale mà rùtrǎ nyǐ.

⁶Ábhǒ ale nóowuya iwu rǒ ǒvòdu rǒ, 'òwù àtìnà rǒ: «Ima ní Krístò». Ndirò abádhí nùutràya ábhǒ ale nyú.

⁷Ndirò, nyǐ nyòpèya gukyè nyǐrì ila rǐ ndònzì dhu mà, ila dǒ ka kúnona dhu mànà, ní àpé nyònzìya ǒdo. Dhu àkǎ wà kǒkò dhu rònzì ì, pbétù wò dhu ní'íya nǐ iwà yàrì adzi ǒ dhu-tsù nódì ndì dhu.

⁸Atdí pbìrì ǒ ale núugyeya ì ngàtsi pbìrì ǒ ale mànà. Ndirò atdí ádrùngbǎ kamà bhà pbìrì ǒ ale núugyeya ì ngàtsi ádrùngbǎ kamà bhà pbìrì ǒ ale mànà. Ndi kàsùmì ǒ, mùtìtì náabhùya dhèdhèrò pbìrì rìvi, ndirò àgǎyì níitsiya yà adzi ǒ. Ndi dhu ní'íya àdhàdhì ari rǐ ndòpè ndàkà ndì uguta tò dhu bhèyi.

⁹Pbétù nyǐ, nyàndà nga mbèyi. Ka kowuya nyàbhu rǒ anya ùno arí ale rìtdì ànyǎku. Ka kowuya nyàbhu rǒ kùvì nyǐ unduta-dzà ǒ rò. Ka kowuya nyàbhu rǒ nyònzì mùsambà lǐwálì-ònzì rǒ, ndirò ádròdrǒ kámá-ònzì rò okúdu dò rò, ndínǐ nyǐ nyǐ'í tí pbàkà ngàmbì tí abádhí-ònzì.

¹⁰Obhó tí, dhu àkǎ pé kùnò Kàgàwà bhà Ídzì Mākūrù angyinǎ rò kóró pbìrì ǒ ale tò.

¹¹Ndirò, nyǐ nà abádhí òwù ànyǎku ka kitdì tí rò, àpé nyòwuya afiku nítu rǒ angyangyi nyǐ nyúnona dhu nǐ. Pbétù, dhu akáya nyòwù tsùku dǒ isǐ ǒte kèlè núnò rǒ ndì kàsùmì ǒ. Obhó tí, ì ǒte nóowuya nǐ ùvò rǒ ùkù rò, pbétù Ìlǐlǎ-Alafí náaraya ndì kǐlì rǒ tsùku dǒ.

¹²Índrù náaraya adòná nípfò rǒ ndàbhu kohò, ndirò ìngba t'ábanà náaraya dhu ònzì rǒ ndì dhu bhèyi tí pbì ìngba rǒ. Nzónzo níivàya dhu ì nódhì ale rǒ, 'adù abádhí àbhu kòkyè.

¹³Kóró ale nòonróya nyǐ okúdu dò rò. Pbétù Kàgàwà níigúya ale ní kǒkò dhu-dzi nóndù rǐ kóró ràrà àhu ì dhu rǐku dhu ò ale.»

Yēsù rǔte ádrùngbǎ àpbè dǔ dhu

(Màt 24.15-28; Luk 21.20-24)

¹⁴Yēsù adù àtìna tǔtǔdǔ: «Nyǐ nyalaya gukyè <òdòna rǔ'ò atdídǔ òndrò ka kóndrò atdídǔ ale> tí ka kátina ale, yà inzà ndì ndàkǎnà ndidè òná ngari ǔ idè ró (Yàrí dhu òzù rí ale náká ndàlǔ ka mběyi dóna ò), ní Yùdeyà ǔ ì nòtù ale náakáya 'òtsè pbìri-akpá dò.

¹⁵Pbì idza dò ka kóbhòlò okota tò ngari ò ndì nòtù ale, náakáya nzǐ ndifò, ndirò ìnzǐ ndòtsù ndàhù atdí dhu mà nídyì idza rò.

¹⁶Ndirò, onzi-bvù ndì nòtù ale náakáya nzǐ ndòngò ibha, ndàrà róná orú màdzarè nídyì.

¹⁷I idho ǔ, òya nà rǐ'ì vèbhále mà, iba òndo rí nzónzo rǐ'ì foyá vèbhále màna ní'íya àpbè ǔ.

¹⁸Nyìtsò nyǐ Kàgàwà rǔ, ìnzǐ kǔkò dhu nóonziya tí ì ádrùngbǎ gírì tó kàsùmì ǔ.

¹⁹Obhó tí ì idho ǔ, ìndrǔ náabáya àpbè abho, ròsè yà Kàgàwà anzina yàrí adzi rò, rǐrà àhù indo ì arí àbàna àpbè dónǎ. Ndirò ì àpbè-tidò ní'íya ìmbǎ akekpá màtí tǔtǔdǔ.

²⁰Ìnzǐ Ádrùngbǎle Kàgàwà náadùna gukyè wòrí idho-ǔnga, ní atdí ale mà náagùna nzǐ. Pbétù kǎdù ndì idho-ǔnga ròdì ídǔ, fǐndà ndì ndóvò pbìkì ale-okú dò rò.

²¹Atdí ale mà náatiya gukyè nyǐ nǐ: <Nyàndà, kǎnǐ Krístò rǐ'ì iró! > Ndirò ngǎtsi nǐ, <nyàndà, ndǎnǐ kà rǐ'ì ndoró! > Ní àpé nyǎ'uya ka!

²²Obhó tí, tìtò tó krístò mà, tìtò tó pbànábí màna núunyàya ì ùnyà. Abádhí náambèya wíwí mà, idho rǐ ìndrǔ ùkǔ nǐ dhu màna nónzì dǔ, ndínǐ 'utrá tí yà Kàgàwà óvò fǐndà ale nǐ, àká ka rǎdù àká fǐyò nǐ.

²³Ní nyǐ, nyàndà nga mběyi! Ma mòvò wà kóró dhu fǔkù angyangyi.»

Ìndrǔ t'ídhùnà rǐngo dhu

(Màt 24.29-31; Luk 21.25-28)

²⁴Kǎdù àtìna tǔtǔdǔ: «Pbétù ì idho ǔ, wò àpbè tó kàsùmì dzidǔ, adyifò núutiya, àbì rǎdù inga t'áwùta núbhà.

²⁵Alalí náawáya ì òrù-akpà-nyì rǔ rò, ndirò ádròdrǔ obi nà arǐ'ì òrù-akpà ò dhu níivìya .

²⁶Nirò ní ndì ka kalaya ìndrǔ t'Ídhùnà òrù-akpà ò rò rǐrà ádrùngbǎ àpbù ǔ, ádrùngbǎnga tó obi nà, ndirò ádrùngbǎnga tó awáwù ǔ ró.

²⁷Ní kǔvìya pbìndà màlàyíká ifò yà adzi-pbidò òná, rùndu yà ndì ndavò fǐndà pbìndà ale-tsù, ròpè ndì yà adzi-tsù náapè ndì ì rò, ràrà àhù kà-tsù arà ndòdì ì .»

Mùtinì tí kátina itsu tó mbólí rǐtèna àlě tò dhu

(Màt 24.32-35; Luk 21.29-33)

²⁸Tǔtǔdǔ kǎdù àtìna: «Nyìrè pé mùtinì tí kátina itsu tó mbólí rǔvona dhu: kǔpbí náapè ì'ǎ, kà-bǐ rǎdù ndòpè ndàtà, ní nyǐ nyùnì wà dhu adyifò tó kàsùmì rǎrǐ'ì ìkyèrò.

²⁹Ní ndì dhu bhěyi tí, nyǐ mà átò, nyǐ nyalaya gukyè kǔkòrí dhu rǐ 'ònzì dhu, ní nyǐ nyuniya dhu kà rǐngo dhu rǎrǐ'ì ìkyèrò, ndirò kà rǎrǐ'ì tsàtsùnǎ.

³⁰Ma mí obhó dhu náno fùkù, yà kòmbí rí'ì rùgànda rí nzi ùda inzà kóró kòkò dhu nónzi ì rórò.

³¹Òrù-akpà mà yà adzi mànà núudàya ùdà, pbétù pbàkà òte núudàya nzi akèkpà màtí.»

Kàgàwà kèlě atdíró nùni ndi Yèsù ingoya òná idho dhu

(Màt 24.36-44)

³²Kădù àtìnà tdítđ: «Ma míngo òná idho mà, ndi kàsùmì mànà dhu nàndà dhu nř, atdí ale mà nùni inzà ka, ìmbă rí'ì òrù-akpà ò rí'ì màlàyíkà màtí, ìmbă rí'ì Kàgàwà t'ídhùnà màtí. Pbétù ka nùni ní Àba Kàgàwà kèlě atdíró.

³³Nyàndà nga mběyi, nyòko nyìkpòku nà, inzà nyř nyùnì ndi kàsùmì nídhunř.

³⁴Ndi dhu níliya ndi àdhàdhì abhi ò rárà ale náarí dhu ònzi dhu bhěyi: kà rãhu pbì idza rò, ndùbhà ndi idza kasutále-fó. Kà rí ì ale nzínzi ò ngătsi ale rñnzina kasu nitè ndi ale tò, ndàdù dhu núya idza-li'ò nódò rí sàndìrì tò ràdi nyìkpóna nà.

³⁵Nírò, nyòko nyìkpòku nà, inzà nyř nyùnì idza-àbadhi ríngo òná kàsùmì nídhunř. Nyř nyùnì nzà dhu kà ràtí ndàdù pbítsòngănă, ngătsi nř iku-alìkpa ò, ngătsi nř à'ũ-akpà-òngö ò, ndirò ngătsi nř kútsingănă.

³⁶Kítò ndi inzà nyř nyìrè kàsùmì ò nř, dhu àkă nzà kà ròtù nyř òdhò nyř nyódhò ró.

³⁷Yà fùkù ma mènò dhu ní ma mènò wà kóró ale tò. Nyòko nyìkpòku nà!»

Mărkò 14

Pbàyàhúdì ò ádròdrö ale rř 'ìrì Yèsù nálě ka kí, kadù òhònà dhu dđ dhu

(Màt 26.1-5; Luk 22.1-2; Yùw 11.45-53)

¹Pbàyàhúdì tó Pásika tó mùhendù mà, Ìmbă ònà afi nà mùgatì tó mùhendù mànà ní'ì ɔɔ idhòya nódì ró. Ní Pbàkùhání tó ádròdrö ale mà, Músà bhà Uyatá tó màlímó mànà náapè ònè Yèsù nálě ì'ì inzà kóró ale ùni rórò òná otu, ndínř 'adù tí àbhùnà kohò.

²Obhó tí, abádhí owúnà àtìnà rř nzínziya ò: «Dhu àkă nzà àlě râlě ka mùhendù ò rò, akye ìndrř níivàna dhu nř.»

Atdí tsìbhále rř ndrùù róngu akye nódhò Yèsù-dòtsíró dhu

(Màt 26.6-16; Luk 7.36-50; 22.3-6; Yùw 12.1-8)

³Yèsù ní'ì Bètaniya tí kátina pbanga ò, Sìmonì tí kátina ale bhà idzá. Ndi ale ní'ì kíkì nà angyină rò. Ní ònyù nónyu Yèsù rř òná kàsùmì ò, atdí tsìbhále náatsù àlbatrò tí kátina odu nř ka kóbhòlò tsúpà nà fónà. Ndi tsúpà ò ì'ì dhu ní ɔɔ odzina nà ndrùù róngu akye. Ndirò ndi akye ní'ì nardò tí kátina ìrì-vì nř ka kóbhòlò akye. Ní íyàdhíyà núukò ndi tsúpà-tsù, ndàdù ndi akye nódhò Yèsù-dòtsíró.

⁴Ní ányìrö ì'ì ale nzínzi ò, dhèdhè ale náakó, 'adù àmbè òte dđ nzínziya ò àti: «Ádhu kârř wòrì akye nínză wò dhu bhěyi nř?

⁵Ka kambènà tí obhó kàbhě kodzì ìbhù miyà dònă róse fùrangà-kpö rř, kadù ndi fùrangà núndò năkùtále tò!» Abádhí náadù àkò atdíđ nyú wòrì tsìbhále rř.

⁶Pbétù, Yèsù adù àtìná abádhí nǐ: «Nyùbhà wò tsìbhále ràdí. Ádhu nyǐ nyùva kà-tsi nǐ? Yà rùdú kònzì dhu ní ídzì dhu nyú.

⁷Obhó tí, nyǐ nyóngo òko nǎkùtále mànà bìlìnganà. Ndirò, nyǐ nyòzè ka òná kóró kàsùmì ǒ, nyǐ nyóngo adù abádhí-dzùnà nónzì ònzì. Pbétù ima, àlě kínzì ongo òko nyǐ mànà bìlìnganà.

⁸Íyàdhíyà ònzì dhu ní lèmana nónzì ndì ndí dhu: kùtri wà ngbòdu, ndòbhòlò angyangyi ɔtú tò.

⁹Ma mí obhó dhu núno fùkù: Kàgàwà bhà Ídzì Màkürù núno ka kí yà adzi ǒ kóró ngari ǒ inaná, ka kóngo yà tsìbhále nónzì dhu náwe ìndrù tò átò, kadù òwu kìrè rǒ róná.»

Yudhà rǐ Yèsù ònzì ndípfo, ndàbhù pbàkùhání ǒ ádròdrǒ ale-fó dhu

(Mát 26.14-16; Luk 22.3-6)

¹⁰Yèsù bhà idre dóná óyǒ nà ábhàlǐ nzínzì ǒ atdí ale, Yudhà Ìskàriyotà tí kátina, náarà pbàkùhání tó ádròdrǒ ale-tí'ò, ndínǐ ndì ndípfo tí Yèsù ndàbhù abádhí-fó.

¹¹Ní, Yudhà ùnò dhu ì ìrì rò, abádhí-dhè níika ndì atdíǒ. Abádhí adù àtìná ì rǎrǐ fùrangà nábhù kà tò. Ní Yudhà náadù ndòpè ndòmè Yèsù ìpfǒ ndì ndí ndàbhù abádhí-fó òná ídzì kàsùmì.

Yèsù mà rǐ Pásìka tó mùhendù tó ònyù nónyù pbìndà ábhàlǐ mànà dhu

(Mát 26.17-25; Luk 22.7-14,21-23; Yùw 13.21-30)

¹²Ìmbà òná afi nà mùgatì tó mùhendù tó wemberè tó idho, yà tàrà-akpá-nzo-zǎ ka kubínà òná ǒ, Yèsù bhà ábhàlǐ níivú dhu kà-tsǔ 'àti: «Ádhànga ndì nyǐ nyòzè mǒwù Pbàyàhúdí tó Pásìka tó ònyù nóbhòlò òná indù?»

¹³Ní, Yèsù adù pbìndà ábhàlǐ nzínzì ǒ óyǒ ale nóvi, ndàdù àtìná abádhí nǐ: «Nyòwu kígò ǒ, ní nyǐ nyǐ atdí ale nótù idha nàno andu ǒ ró. Ní nyàdù nyòwu kǒwù ǒ.

¹⁴Ní kà rǎrà òtsù idza ró, nyǐ nyatìna ndì idza-àbadhi nǐ: «Màlimò níivú dhu ndàti: Mǎ míPbàyàhúdí tó Pásìka tó ònyù nónyù òná rò pbàkà ábhàlǐ mànà kàluga rǐ'ì ngboró? »

¹⁵Ní, kǎdùna ɔrùnǎ rò rǐ'ì ádrùngbǎ kàluga nítè fùkù, yà angyangyi ka kòbhòlò kóró dhu òná. Ányì nga ní ndì, nyǐ nyòbhòlona ònyù àlě tò nǐ.»

¹⁶Ní, kǒkò óyǒ ábhàlǐ níivà ì 'òwù kígò ǒ. Abádhí náadù kóró dhu nótù yà Yèsù núnòná ka fǐyò dhu bhèyi tí, 'àdùPásìka tó ònyù nóbhòlò.

¹⁷Pbítsòngánǎ, Yèsù mà pbìndà atdí kumì dóná óyǒ nà ábhàlǐ mànà náawù ùvò wò ka kòbhòlónà ngari ǒ.

¹⁸Ní, yà abádhí òkò 'àmbe dhu ònyù dǒ mizà dǒ rò òná kàsùmì ǒ, Yèsù atì: «Ma mí obhó dhu núno fùkù, nzínziku ǒ atdí ale rǐ ima nípfǒ ndàbhù ma òmvù-fó. Ndi ale ní yà atdíkpá mǎ mí dhu ònyù mànà ale.»

¹⁹Ní, izu núuka kǒkò ábhàlǐ atdíǒ nyú, ràdù 'òpè 'òngù dhu atdátí-rà ǒ kà-tsǔ, 'òwù àtìná rǒ: «Tí ima ndì?»

²⁰Yēsù adù dhu àdu abádhí tò ndàti: «Ndì ale ní nzínzìkù ǒ atdí ale, yà atdí kumì dóná óyǒ nà nyí nyí'ì rò, yà atdíkpá mà mí ǒtsúka ǔfǒ mànà sǎnì ò ale.

²¹Obhó tí, ìndrù t'Ídhùnà rǒvè yàKàgàwà bhà Andítá núnò dóná dhu bhěyi. Pbétù, ìndrù t'Ídhùnà nípfǒ rí ndàbhù òmvù-fó ale rǐ'ì àpbè ǒ! Dhu akána nzǐ kǒdhì ndì ale mà!»

Ádrùngbǎle Yēsù nábhù rí kirè ònyù
(Màt 26.26-35; Luk 22.7-20; 1Kò 10.16-17; 11.23-26)

²²Yēsù mà pbìndà ábhàlǐ mànà rǐ dhu ònyù òná kàsúmì ǒ, Yēsù níidyì m̀gati ndàlǔ fóná. Ní ǒtsò ndì ndàbhù Kàgàwà tò dhu-dzidǒ, kǔkò kà-ǒnga, ndàdù ̀ndòndà pbìndà ábhàlǐ-fó, ndàdù àtìnà abádhí nǐ: «Nyàkò yà dhu, ngbǒdu ní yà.»

²³Tdítdǒ kǐdyì ònyù rǐ'ì òná kópà ndàlǔ fóná. Ní ǒtsò ndì ndàbhù Kàgàwà tò dhu-dzidǒ, kǎdù kàbhù abádhí tò, abádhí kóró ràdù òmvùnà.

²⁴Yēsù adù àtìnà abádhí nǐ: «Yàrí ní azùdu, yà ìndrù nùngbò Kàgàwà mànà azu, ndìrò yà ábhǒ ale-okú dò rò ndì nùfù.

²⁵Ma mí obhó dhu núnò fùkù, ma mí nzǐ ònyù nóm̀vù tdítdǒ akekpa màtí, ràrà àhu ònyù-ǒwátá nóm̀vù ma maraya ̀rù-akpa ǒ Ádrùngbǎ kamà Kàgàwà bhà Idzi ǒ òná idhò ò.»

²⁶Adyì ì ̀yù dhu-dzidǒ, abádhí náadù òwu Mizèyìtunì tò pbìrì dò.

Yēsù rǐ Péterù rǐ ndòdhò dhu nǒvò dhu
(Màt 26.31-35; Luk 22.31-34; Yùw 13.36-38)

²⁷Yēsù atì pbìndà ábhàlǐ nǐ: «Nyí kóró, nyí nyí mubha ̀bha. Obhó tí, Kàgàwà bhà Andítá ò ka kándì dhu kati: «Ma mohoya tàrà t'̀ndatátale, tàrà ràdù 'ìfàlà kóró ngari òná.»

²⁸Pbétù, ma m̀ngbè ma dhu-dzidǒ, ma madùya àrà nyǒdò Gàlìlayà tò pbìrì ò rò.»

²⁹Pbétù, Péterù adù àtìnà kà nǐ: «Ngǔkpà ale mà rǐ mbǎ nyubha, ní ima, ma mí nzǐ nyubha.»

³⁰Ní Yēsù adù dhu àdu kà tò ndàti: «Ma mí obhó dhu núnò ìndù, ìndo yàrí iku ǒ tí, ìnzá à'̀-akpa nǎpè òngò ̀yò-gùna rórò, nyí nyí'ina iwà nyí nyàtì ìbhù-gùna ìnzá nyí rùnì ima ró.»

³¹Pbétù, Péterù adù àtìnà tdítdǒ ̀bi nyù nà: «Ma matina nzǐ akekpa màtí ìnzá ma rùnì nyí, ìmbǎ dhu ì'ina atdíkpá àlǐ kùve dhu màtí.» Ndirò kóró ngǔkpà ábhàlǐ náadù dhu ùnò ndì dhu bhěyi tí átò.

Yēsù rǐ ndìtsò Gètèsèmanì tí kátina ìnga ò rò dhu
(Màt 26.36-46; Luk 22.39-46)

³²Wò dhu-dzidǒ, Yēsù mà pbìndà ábhàlǐ mànà náawù ̀vò atdí ngari Gètèsèmanì tí kátina ò. Ní Yēsù adù àtìnà pbìndà ábhàlǐ nǐ: «Nyòko ìró mitsò ma m̀rà ònanǎ.»

³³Nìrò ní ndì kǎdù Péterù mà, Yàkòbhò mà, Yùwanì mànà nùgù 'òwù mànà. Ní, kǎpè ndì'ì ádrùngbǎ ̀dò nà, ndàdù ì'ì ábhǒ ìzu nà.

³⁴Ní kǎdù àtìná abádhí nǐ: «Afídu rǐ'ì ábhǒ izu nyú nà, akye ma mǒvè dhu bhěyi. Ní, nyòko iró, ndírò nyòko ípìrǒ rò.»

³⁵Kǎdù àrà itseta ake, ndàdù ndibvu obvò. Ní kǎdù ndítsò Kàgàwà rǒ, ndínǐ kǎkǎ nǐ, ndi àpè tò kàsùmì núudà tí dǒna nǎ.

³⁶Ní kǎmbénà àtìná dǒ: «Òò Ábá, lèmanu ònzi rí dhu náarí'ì mbǎ. Ní índrǐ wò àpè tò kópà itse rùdú rò. Pbétù ndi dhu àkǎ nzá ndònzì ndi ma mòzè ka dhu bhěyi, kǎkǎ ndònzì ndi nyi nyú nyi nyòzè dhu bhěyi.»

³⁷Wò dhu-dzidǒ, kǎdù ndàdu kǒkò ìbhu ábhàlǐ-ti'ò, ndàdù abádhí nótù iwà ùdho ró. Ní kǎdù àtìná Péterù nǐ: «Sìmonì, nyi tí òdhò òdhò tí? Nyi nyàdù tí obhó àdi ípìrǒ rò atdí adyi màtí?

³⁸Nyòko ípìrǒrò, ndírò nyítsò nyǐ, akye nyǐ nyotsúna umvútá ò nǐ. Alafí nózè wà kǒnzì ídzì dhu, pbétù ale-ngbò rǐ'ì ivíví.»

³⁹Tdítdǒ, Yèsù índrǐ ndi abádhí tí rò, ndàdù ndítsò ndùnò yà angyi ndi ndùnòná ote kèlè.

⁴⁰Wò dhu-dzidǒ, kǎdù ndàdu pbìndà ábhàlǐ-ti'ò, ndàdù abádhí nótù iwà ùdho ró, atdídǒ ìdho rǐ'ì nyìkpóya ò nídhunǐ. Ní abádhí náadù nzá kà tò ì ádùna dhu núni.

⁴¹Ìbhu rí kìsě nǐ, Yèsù adù ndi pbìndà ábhàlǐ-ti'ò, ndàdù àtìná abádhí nǐ: «Nyǐ nyòko tí òko òdhò nyǐ nyódhò ró? Nyǐ tí nyàsò nyǐ nyí ró? Iwà àkǎ wò dhu-bvùtí! Kàsùmì náká wà! Nyàndà, kànǐ ka kí Ìndrǐ t'ìdhùnà nípfǒ kabhu nzérenatále-fó.

⁴²Nyivà nyǐ, kòwu! Kànǐ ma nípfǒ rí ndàbhu ma òmvù-fó ale nírà wà àhu íkyèrǒ!»

Yèsù nòsò ka kí dhu

(Màt 26.47-56; Luk 22.47-53; Yùw 18.3-12)

⁴³Ní ányìrǒ rò tí, yà Yèsù rǒte ònanǎ, Yudhà, yà idre dóná óyǒ nà ábhàlǐ nzínzì ò atdí ale, níto ndi ihé-yà mànà owùna ò. I ale-fó ní'ì obhi-akpá, mùgǒ mànà. Abádhí nivi ní'ì pbàkùhání tò ádròdrǒ ale mà, Músà bhà Úyátá tò màlímó mà, pbàkùrǔ mànà.

⁴⁴Yudhà, yà Yèsù nípfǒ rí ndàbhu òmvù-fó ale, ní'ì iwà ndi ndònzina Yèsù ka kuni tí róná dhu nùnòná ihé-yà tò. Kǎti: «Ma mámbǒna ale ní'ina ndi yà nyǐ nyí atdyúna nóho ale. Ní nyǐ nyalúna ka, nyàdù òwu nà mběyi nyǐ nyódona rórò.»

⁴⁵Yudhà níitdègu ndìto, ní kǎndrǐ Yèsù-ti'ò, ndàdù àtìná kà nǐ: «Màlímò!» Wò dhu-dzidǒ, kǎdù kàmbo.

⁴⁶Ngǔkpà ale náadù Yèsù nálǔ, 'àdù òsònà.

⁴⁷Ní, ányìrǒ ì'ì ale nzínzì ò atdí ale nídhá pbì obhi-akpà, ndítsà pbàkùhání tò ádròdrǒ ale dǒ kamà bhà kasutále-bì nǐ.

⁴⁸Yèsù adù àtìná abádhí nǐ: «Ìma àlǔ nyǐ nyíwu rò, nyǐ nyàdù tí ìwu fukú obhi-akpá nà mùgǒ mànà, ogbotále nálǔ ríwu ale bhěyi?

⁴⁹Bìlǐnganà ma múbhi àdi rǒ tikú, madù àmbe dhu núdhe dǒ Kàgàwà bhà idza ò rò, ìnzǐ nyàdù malǔ. Pbétù, wò dhu rǐ ndònzì ndínǐ Andítá únò dhu náaká tí.»

⁵⁰Nirò ní ndi ábhàlǐ núubhà àbadhi, 'àdù òtse kóró.

⁵¹Atdí kpatsìbhíngba náadì ndàmbe àrà dǒ Yèsù-owù ǒ, atsìta tó mberù kèlě ndi ndòbvù róná rórò. Ní ka kadù àbadhi nálù.

⁵²Pbétù, kádù ndi mberù nángolò róná rò, ndàdù òku nzínzì rò.

Yèsù rǐì Pbàyàhúdì-bvǔ ádròdrǒ anya nítdì arí ale-ònzǐ dhu

(Màt 26.57-68; Luk 22.54-55,63-71; Yùw 18.13-14,19-24)

⁵³Yà Yèsù nòsò ale náawù kà nà pbàkùhání tó ádròdrǒ ale dǒ kamà bhà, yà kóró pbàkùhání tó ádròdrǒ ale mà, pbàkùrǔ mà, Músà bhà Úyátá tó màlímó mànà núndu ì ì.

⁵⁴Péterù adù àdi itseta, ndàmbe àrà dǒ Yèsù-owù ǒ, ndàrà òtsù pbàkùhání tó ádròdrǒ ale dǒ kamà bhà idza-ngbò ka kákporò nǐ kàlì ò. Ní anyì, abádhí náadù òko atdíkpá sàndírì mànà, 'àmbe kàzù nówò dǒ.

⁵⁵Pbàkùhání tó ádròdrǒ ale mà, kóró ngǔkpà ale yà Pbàyàhúdì bvǔ ádròdrǒ anya nítdì arí mànà, náambénà Yèsù nóbhu ka kí dóná dhu nónè dǒ, ndíní 'adù tí ànyàna nótdì kohò. Pbétù, abádhí náabà nzá atdí dhu mà.

⁵⁶Obhó tí, ábhǒ ale nóowúnà iwu rǒ, 'adù Yèsù nóbhù títò dǒ, pbétù abádhí-òtě nóowúnà nzǐ 'àsò rǒ.

⁵⁷Ngúfe ale níivà ì, 'òbhù ka títò dǒ, 'àti:

⁵⁸«Mǎ mírì kà rǎtina: «Ma mí yà ìndrǔ asì ǒtsúya nǐ Kàgàwà bhà idza nùgòlò, madù ngǎtsi-tsí, yà ìnzǐ ìndrǔ rǐ kàsǔna nónzi ǒtsúya nǐ nòsì ìbhu idho ǒ.»»

⁵⁹Ní wò ndi òbhuta dǒ màtí, abádhí-òtě náasò nzá ì.

⁶⁰Ní pbàkùhání tó ádròdrǒ ale dǒ kamà níivà ndi ndidè kóró ale-ònzǐ, ndàdù dhu ìvu Yèsù-tsǔ ndàti: «Nyi t'óbhó dhu àdù kǒkò ale rǎnɔna dùnú dhu dǒ?»

⁶¹Pbétù, Yèsù adúnà àrà ìnè rò ìnè tí, ìnzǐ ndàdu atdí dhu mà. Ní pbàkùhání tó ádròdrǒ ale dǒ kamà níivú dhu tdítǒ kà-tsǔ ndàti: «Nyi tí Krístò, yà mǎ mǎrí ìfǔna Kàgàwà t'Ídhùnà?»

⁶²Ní, Yèsù adù dhu àdu ndàti: «Obhó, ima ní ndi. Ndirò nyǐ kóró, nyǐ nyalaya Ìndrǔ t'ídhùnà ádrùngbǎnga tó ɔbi nà arí'ì Kàgàwà bhà fangà dònǎ rò àdi ró. Ndirò, nyǐ nyalaya ka átò òrù-akpà-nyì rǒ àpbù ǒ rǐrà ró.»

⁶³Ní wò dhu ndi ndirò rò, pbàkùhání tó ádròdrǒ ale dǒ kamà núufà róná mberù-ǒnga nàwí-okú dò rò, ndàdù àtìnà: «Ádhu tó ngàmbì àlě kí'ì atdyúna nà tdítǒ!»

⁶⁴Nyǐ nyìrì wà kùnò dhu nzére nyú Kàgàwà nǐ dhu. Ní, ádhu nyǐ nyìrè kà dǒ?» Ní, kóró ale adù anya òtdì kà-dǒ, 'àti kà rǎkǎ kohò.

⁶⁵Abádhí nzínzì ǒ atdídhená ale náape 'ùso iso Yèsù dǒ. Abádhí owúnà kà-nyì nátsì rǒ, 'adù kùdù ǒtsúya nǐ. Ndirò abádhí owúnà àtìnà rǒ kà nǐ: «Nyi nyùnì rò, átì pé nyì nòpbi ale fǎkà.» Ndirò sàndírì náalú Yèsù, 'adù ùpbinà ǒtsúya nǐ.

Péterù rätina inzä ndi rüni Yësù dhu

(Mät 26.69-75; Luk 22.56-62; Yüw 18.15-18,25-27)

⁶⁶Péterù ädi pbàkùhání tó ádròdrö ale dö kamà bhà idza-lí òná kàsùmì ö, ndi kamà bhà kasu tó vèbhále nzínzì ö atdí tsìbhále nítò ndi.

⁶⁷Ní, kála Péterù kàzu nóvo rí ró, ndàdù nyìkróna nódi róná, ndàdù àtìnà nǐ: «Inyi átò, nyi nyì'ì atdíkpá Yësù yà Nàzàretì ö ale màna.»

⁶⁸Pbétù, Péterù adù wò kùnò dhu nágò ndàti: «Inzá ma mùnì, ndirò inzä dùdu àlě wò nyi nyùnò dhu.» Ní, Péterù adù ndìvà ndi idza-lí rò, ndàrà idza-ngbò ka kákròrò nǐ kàlì-li'ò, [à'ù-akpà ràdù òngò.]

⁶⁹Pbétù, wò kasu tó tsìbhále náala àbadhi, ndàdù ndòpè ndùnò dhu tdítđö ányìrö ì'ì ale tò ndàti: «Yàrí ale ní abádhí nzínzì ö atdí ale!»

⁷⁰Péterù adù ndi dhu nágò àgò tí tdítđö. Ní ákě kàsùmì dzidö, ányìrö ì'ì ale náati Péterù nǐ tdítđö: «Obhó nyú, nyi ní abádhí nzínzì ö atdí ale, nyi ní Gàlìlayà tó pbìrì ö ale átò nídhunǐ.»

⁷¹Ní, Péterù adù öte òpè ndàti: «Dhu apé ì tìtò núno ma mí dhu tí, ní Kàgàwà àkà ndòtdì ànyädu. Ma mòtsò wà dhu nyú, inzä ma mùnì wò nyì nyúnòna ale.»

⁷²Wò ndi kàsùmì ö tí, à'ù-akpà náadù òngò öyo rí kìsě nǐ. Ní, Péterù adù yà Yësù ùnòná fíndà dhu nírè: «Inzá à'ù-akpà nápe òngò öyo-gùna rórò, nyi nyì'ina iwà nyi nyàti ìbhu-gùna inzä nyi rüni ma ró.» Nírò ní ndi Péterù adù ndòpè ndòdzì.

Märkò 15

Yësù rǐ'ì Lìwalì Pìlatò-ònzǐ dhu

(Mät 27.1-2,11-14; Luk 23.1-5; Yüw 18.28-38)

¹Kútsingá nyú, Pbàkùhání tó ádròdrö ale mà núundu ì pbàkürü mà, Músà bhà Uyátá tó màlímó mà, kóró ngùkpà ale yà Pbàyàhúdì bvü ádròdrö anya nítđì arí màna, ndínì ì iri tí ì Yësù dö. Ní, abádhí adù Yësù àbhu kutsì, 'àdù òwu nà 'òwù àbhunà Pìlatò-fò ò.

²Ní Pìlatò ivú dhu Yësù-tsü ndàti: «Inyi, nyi tí Pbàyàhúdì tó ádrùngbä kamà?» Ní Yësù adù dhu àdu kà tò ndàti: «Inyi ní ndi ka nyùnò.»

³Pbàkùhání tó ádròdrö ale náambénà Yësù nóbhù dö ibí otu ö.

⁴Ní Pìlatò adù dhu nívu kà-tsü tdítđö ndàti: «Nyi nyàdu tí nzá atdí dhu mà? Nyi nyìrì wà abádhí rǐ nyòbhu dóná kóró dhu!»

⁵Pbétù, Yësù adù nzá atdí dhu mà nádu, idhò ràdù Pìlatò núko atdíđö nyú.

Yësù-ànyä nótdì ka kí, ndínì ka koho tí dhu

(Mät 27.15-26; Luk 23.13-25; Yüw 18.39-19.16)

⁶Yà Pbàyàhúdì tó Pásìka tó mùhendù-idhò náarírà dhu bhëyi, Pìlatò nóongónà atdí ale níkòlò yà imbi ò rí'ì ale nzínzì ö rò. Ndi ale nongónà ì'ì yà ihé-yà nózè kíkòlò fǐyò ale.

⁷Ní, Bàrabà tí kátina atdí ale ní'ì imbi ò ka kósò ró. Ka kusó abádhí atdíkpá yà abvo nòhò ale mànà. I ale náahò ndi abvo yà dhu ì ìvà ìnzì àmbe kamà-tsù dhu níri dǒ òná kasumì ǒ.

⁸Ní, ihé-yà níivà ì 'òwù Pilatò bhà, 'àdù kàvi rìkòlò atdí ale fíyò, yà bìlì ndi ndarónzina Pásika tó m̀hèndù ǒ dhu bhěyi.

⁹Pilatò adù dhu àdu abádhí tó ndàti: «Nyí nyòzè tí mikòlò Pbàyàhúdí tó ádr̀ngbǎ kamà f̀kù?»

¹⁰Obhó tí, k̀ni dhu mběyi nyú, pbàkùhání tó ádr̀drǒ ale rìwù Yèsù nà fona ò kǎdhà ònzì ì'í dhu-okú dò rò.

¹¹Pbétù, pbàkùhání tó ádr̀drǒ ale níitsu dhu ihé-yà-dò ò, ndíni Bàrabà kèlě nonzi tí kíkòlò fíyò.

¹²Ní, Pilatò níivú dhu tdítǒ ihé-yà-tsù ndàti: «Ádhu nyú nyí nyòzè m̀nzì yà Pbàyàhúdí tó ádr̀ngbǎ kamà tí nyí nyarí ànzina ale ní?»

¹³Ní, abádhí adù dhu àdu kà tó ikù nyú ǒ àti: «Útǒ ka mùsàlabhà dǒ!»

¹⁴Ní, Pilatò adù dhu nívu abádhí-tsù, ndàti: «Ádhu nyú ndi k̀nzì nzére dhu tí?» Ní, abádhí adù idù àrì nyú tí 'àti: «Útǒ ka mùsàlabhà dǒ!»

¹⁵Pilatò náazè nd̀nzì ihé-yà-dhè níká rí dhu. Ní kǎdù Bàrabà níkòlò abádhí tó. Wò dhu-dzidǒ, kǎdù Yèsù nábhu k̀vi asé ní, ndàdù àbhunà kowù ùtonà mùsàlabhà dǒ.

Pbànowí rǐ Yèsù ikpǒ dhu

(Màt 27.27-31; Yùw 19.2-3)

¹⁶Pbànowí náawù Yèsù nà l̀walì bhà ádr̀ngbǎ idzá-yà-ba-ngbò ka kákpòrò ní kàlì ò. Abádhí adù kóró pbànowí tó píkò núnzì rìwù ányìrǒ.

¹⁷Ní, abádhí náafó òlòlù orú mùdzarù Yèsù rǒ, 'àdù okpèna nà itsu-dòká tó mùkàkù nákpòrò, 'áfǒ kà-dò rǒ.

¹⁸Wò dhu-dzidǒ, abádhí náapè 'àtsè Yèsù 'òwù àtìnà rǒ: «Yǎmbù, Pbàyàhúdí tó ádr̀ngbǎ kamà!»

¹⁹Abádhí nóowúnà kà-dòtsirò nòvì rǒ ízò ní, 'àdù iso núso kà-dò. Ndirò, abádhí adúnà òwu 'ùkò rǒ otdyùya dǒ, 'àgù ì obvò nyú k̀nzì.

²⁰Ka ì ikpǒ dhu-lutinǎ, abádhí níwa òlòlù orú mùdzarù kàrǒ rò, 'àdù kàrǒ mùdzarù núfó kàrǒ tdítǒ. Wò dhu-dzidǒ, abádhí adù ùvò kànà iri, 'àdù òwu k̀tò mùsàlabhà dǒ.

Yèsù nútǒ ka kí mùsàlabhà dǒ dhu

(Màt 27.32-44; Luk 23.26-43; Yùw 19.17-27)

²¹Kùrenì tó kígò ǒ atdí ale, Sìmonì tí kátina, núubhínà ùda rǒ ányìrǒ inga bvù rò ndi ndírà rórò. Ndi ale ní'ì Àlìsandurù mà Rufù nà mà t'ábanà. Ní pbànowí nútù ka rànò Yèsù bhà mùsàlabhà.

²²Abádhí náawù Yèsù nà, 'òwù ùvò nà Gòlògotà tí kátina ngari ò. Gòlògotà-tì ní «ale-dò-kpa tó ngari.»

- ²³ Abádhí náatsú 'àbhùmanèmanè tí kátina itsu-dha nà ka kàngbõ òvayì Yèsù tò. Pbéù, Yèsù adù nzá kòmù.
- ²⁴ Wò dhu-dzidõ, abádhí náadù kùtò mùsàlabhà dõ. Abádhí adù kàrõ mùdzarè nùndò foyá, ngàlà ò ì òvì rórò. Abádhí avì ngàlà ndínì ì unì tí ngàtsi ale ràrì ngbàgà-tsí nábà.
- ²⁵ Ka kutó ka mùsàlabhà dõ ìbhu adyifò-sisì kútsingá nga tó ò.
- ²⁶ Kòho ka kí okúna dò rò dhu ka kùtè ònà andítá náati: «Pbàyàhúdí tó ádrùngbã kamà.»
- ²⁷ Ndirò, abádhí nùutó óyõ ogbotále átò mùsàlabhà dõ Yèsù tí: atdí ale ka kutó, kòdì Yèsù bhà fangà dònà rò, kadù ngàtsi ale nùtò, kòdì Yèsù bhà ígù dònà rò.
- ²⁸ [Ndi dhu bhèyi ní ndì, yà Kàgàwà bhà Andítá ò ka kandí dhu náaká. Ndi Andítá rätina: «Ka kazù ka nzéngatále nzínzì ò .»]
- ²⁹ Ní, ányìrõ rúda ale nóowúnà dòya nóbhì rõ, 'adù dhu ùnò kà nì, 'ati: «Òhõ! Ìnyi, yà nyì nyátsù nyugolo Kàgàwà bhà idza, nyadù tí òsìnà ìbhu idho ò rò,
- ³⁰ ígù pé nyì nyì-tírò, nyadù ìfo mùsàlabhà dõ rò!»
- ³¹ Ndi dhu bhèyi tí, pbàkùhání tó ádròdrõ ale mà, Músà bhà Úyátá tó màlímó mànà nùngbó Yèsù, 'adù òwu àtìnà rõ nzínzìya ò: «Kígú ngùkpà ale, pbétù kàrì nzi àdù ndìgù ndítìrò!
- ³² Dhu àkãKristolò, Pbàìsràyélí tó ádrùngbã kamà, rìfò kòmbí mùsàlabhà dõ rò, ndínì mà mala tí, màdù kà'ù.» Yà Yèsù tí ka kùtònà mùsàlabhà dõ ale, náambénà dhu ùnò dõ átò kà nì.

Yèsù rǒvè dhu

(Màt 27.45-56; Luk 23.44-49; Yùw 19.28-30)

- ³³ Adyìbhengá nga tó azà adyifò-sisì ò, ìnõ-yà níubvú ndì kóró ndì pbìrì ò, ràrà àhu adyidõ nga tó àrùgyètdí adyifò-sisì ò.
- ³⁴ Ní adyidõ nga tó àrùgyètdí adyifò-sisì ò, Yèsù náakù òrú tùna nyú nà ndàti: «Èloyì, Èloyì, lamà sàbàkàtani.» Kàtì ní: «pbàkà Kàgàwà, pbàkà Kàgàwà, ádhu nyì nyùbhà ma ní?»
- ³⁵ Ányìrõ ì'ì ale nzínzì ò, wò dhu nìrì atdídhená ale náadù àtìnà: «Nyìrì pé, kà rì nabì Èliyà nánzi!»
- ³⁶ Atdí ale abádhí nzínzì ò náakù ndìdyì sifongò, ndàfõ ògyògyè òvayì ò. Kàdù kìwà ndòtù ízò-tsù-dõ, ndàbhu ndínì Yèsù andú tí ònà rí'ì òvayì ndòtò. Kàdù àtìnà: «Nyitse pé! Kàndà pé Èliyà ràtì kifo ìfõ mùsàlabhà dõ rò!»
- ³⁷ Ní Yèsù adù òkù àrì nyú tí, afína ràdù ìtdě.
- ³⁸ Kàgàwà bhà idza ò ka kúsò ádrùngbã mberù-õnga náadù ndìfa ònángà rùtù ndì òyo, ròpè ndì òrù rò rìsì obvò.
- ³⁹ Pbàrómá tó pbìrì ò atdí miyà pbànowí dõ ádrùngbã ale ní'ì Yèsù-ònzì ndì ndidè ró. Ní Yèsù òvè tí dhu ndì ndàla rò, kàtì: «Yàrí ale ní'ì obhó nyú Kàgàwà t'Ídhùnà!»

⁴⁰Ngúfe vèbhále ní'ì átò ányírò, 'àmbe dhu àndà dǒ itse rò. Abádhí nzínzì ǒ i'ì ní, Mågàdalà tó pbanga ǒ Màriyà mà, Màriyà, Yàkòbhò-ngba mà Yǒsè màná-tsánà mà, Sòlomì màná.

⁴¹Abádhí núubhì Yèsù-owù ǒ, 'àdù òwu kà-kàsù ònzì rǒ Gàlilayà tó pbìrì ò kí'ì rò. Ibí ngǔkpà vèbhále yà kà màná upò atdíkpá 'òwù Yèrùsàlemà tó kigò ò ní'ì inè átò ányírò.

Yèsù nótdù ka kí dhu

(Màt 27.57-61; Luk 23.50-56; Yùw 19.38-42)

⁴²Inga ràti dhu-tsù dǒ, yà tsútsá nínganí Sàbatù ní'ì ina rórò ìndrù rǐ ì òbhòlo òná idho ǒ,

⁴³Yòzefù níra àhu. Ka ní'ì Àrìmàtayò tí kátina pbanga ǒ ale. Ndirò, ka ní'ì atdíǒ ka kífu Pbàyàhúdí-bvù ádròdrǒ anya nítdì arí ale nzínzì ǒ atdí ale. Ndirò, ka ní'ì átò arí òrù-akpà ǒ Ádrùngbǎ kamà Kàgàwà bhà Idzi rǐrà dhu nódo atdyúna nà ale. Ní, kàrà ìmbà òná odóna Pilatò bhà, ndàdù Yèsù-abvò nónzì kǎfó.

⁴⁴Pbétù, idho núuko Pilatò atdíǒ iwà Yèsù òvè dhu ndì ndirò. Ní kǎdù Pbàróma tó pbìrì ǒ atdí miyà pbànowí dǒ ádrùngbǎle návi kanzi, ndàdù angyí màtí Yèsù nóvèna dhu nívu tsúná.

⁴⁵Ní wò pbànowí dǒ ádrùngbǎle nádu fíndà dhu ndì ndirò, kǎdù Yòzefù návi rìdyi Yèsù-abvò.

⁴⁶Yòzefù náadù abvo t'òtdùta tó mberùndzì. Kǎdù Yèsù-abvò nífo mùsàlabhà dǒ rò, ndàkpòrò ndì mberù ò. Kǎdù àrà ndì abvo nà, ndàrà òtdùnà, ndìli bhalabhala ò ka kòbhì ròtsù ibhu ò. Wò dhu-dzidǒ, kǎdù ádrùngbǎ odu-íyà-ba nígèrè, ndàpbi ndì ibhu-lí'ò nǐ.

⁴⁷Mågàdalà tó pbanga ǒ Màriyà mà, Màriyà Yǒsè-tsánà màná, náadù òko 'àmbe kòtdù ka kí ró nga nándà dǒ.

Màrkò 16

Yèsù rǐ ndìngbè òvè-bvù rò dhu

(Màt 28.1-8; Luk 24.1-12; Yùw 20.1-10)

¹Sàbatù-idhò nùdà dhu-dzidǒ, Mågàdalà tó pbanga ǒ Màriyà mà, Màriyà, Yàkòbhò-tsánà mà, Sòlomì màná nùudzì ndrùù róngu akye, ndíní 'owu tí Yèsù-abvò-ngbò nùtri nǐ.

²Ní kútsingá nyú, Sàbatùdzidǒ rúbho nga ǒ, adyifò rǐ ndìto rórò, abádhí náawù Yèsù ka kòtdù ì.

³Ní otu ǒ, abádhí owúnà dhu òngù rǒ tsùyá nzínziya ǒ, 'àmbe àtìna dǒ: «Ádhi wò odu-íyà-ba nógere rí àlètò ibhu-lí rò?»

⁴Pbétù, yà ì ùbè nga 'àndà rò, abádhí ala wò odu iwà ka kògèrè igi ró. Obhó tí, ndì odu ì'ì ádrùngbǎ nyú.

⁵Ní abádhí atsù ibhu ò, 'àdù òwòwù kanzù nàfò kpatsìbhíngba nála fangà dòná rò àdì ànyì ró. Ní ɔdɔ náadù isì atdí dɔ abádhí ò.

⁶Ní, wò kpatsìbhíngba adù àtìna abádhí nǐ: «Ínzǐ nyònzì ɔdɔ, nyǐ nyónena ní Yèsù, Nàzàretì ɔ ale, yà mùsàlabhà dɔ ka kútɔ. Kìngbè wà ndì, ní kàrǐ ìmbǎ iró. Nyàndà, kànǐ kǎ-bvò ka kili ràyi ró nga.

⁷Nyòwu nyùnɔ dhu Péterù mà tò, ngǔkpà ábhàlǐ mànà nyǎti, kà rǎrǐ àrà nyòdò Gàlilayà tó pbìrì ò rò. Ányì ní ndì nyǐ nyí kàlǎ, yà fǔkù kǔnɔ ka dhu bhèyi.»

⁸Ní abádhí núuvò ibhu ò rò, 'àdù òtse itse nyú ndì ibhu tí rò. Obhó tí, abádhí ambénà ìvi dɔ, idhɔ ràdù 'ùkɔ atdí dɔ. Ndirò abádhí núunɔ nzá atdí dhu mà atdí ale tò màtí, ɔdɔ nà ì í'ì dhu-okú dò rò.

Yèsù rǐ ndàvǐ Màngàdalà tó kigò ɔ Mǎriyà tò dhu

(Màt 28.9-10; Yùw 20.11-18)

⁹[Yèsù níitdègu ndìngbè, ní sàbatù-idhò dzidɔ wemberè tó idhɔ ɔ, kǎvì ndì angyi Màngàdalà tó pbanga ɔ Mǎriyà tò. Ndi Mǎriyà ní ndì àrùbhù nzére-alafí kípfo ònà rò.

¹⁰Íyàdhiyà adù àrà ndì dhu núunò yà Yèsù mà ní'ì mànà ale tò. I ale ní'ì izu nà, 'àdù àmbe ɔdzi dɔ.

¹¹Pbétù, abádhí níitdègu Mǎriyà rǎtina Yèsù rìngbè wà ndì, ndirò iwà ndì ràla ka dhu níri, ní abádhí náadù nzá kà rǔnɔna dhu ná'ù.

Yèsù rǐ ndàvǐ pbìndà ábhàlǐ nzínzì ɔ óyɔ ábhàlǐ tò dhu

(Luk 24.13-35)

¹²Wò dhu-dzidɔ, Yèsù náavì ndì pbìndà ábhàlǐ nzínzì ɔ óyɔ ale tò. Kǎvì ndì abádhí tò ìnzǐ abádhí rǐ ndùnǐ ònà vurò woyò ɔ. I ábhàlǐ núubhínà òwu rɔ atdí pbanga ò.

¹³Ní ì ábhàlǐ náadù 'àdu, 'òwù ndì dhu nóvò ngǔkpà ábhàlǐ tò. Pbétù ì ábhàlǐ náadù nzá abádhí rǔnɔna dhu ná'ù.

Yèsù rǐ ndàvǐ pbìndà idre dòná atdí nà ábhàlǐ tò dhu

(Màt 28.16-20; Luk 24.36-49; Yùw 20.19-23; Kas 1.6-8)

¹⁴Kà rǐku dòná rò nǐ, Yèsù náavì ndì pbìndà idre dòná atdí nà ábhàlǐ tò, ònyù nónyu abádhí rǐ ònà kàsúmì ɔ. Ní Yèsù apè ndòrù abádhí dɔ ndàti: «Nyǐ nyí'ì mbǎ a'uta nà, ndirò afíkù rǐ'ì odú nyú, ìnzá nyǐ nyà'ù yà ma mǐngbè ma dhu nála ale rǔnɔna dhu dhu-okú dò rò.»

¹⁵Wò dhu-dzidɔ, kǎdù àtìna abádhí nǐ: «Nyòwu yà adzi ɔ kóró ngari ònǎ, nyǎdù Kàgàwà bhà Ídzì Mǎkǔrù núunò kóró ale tò.

¹⁶Nyǐ nyúnɔna dhu ná'u rí, ndàdù bàtizò nálu ale nóógúya ògù. Pbétù ìnzǐ rí nyǐ nyúnɔna dhu ná'u ale dɔ ka kotdiya anya.

¹⁷Kàrǐ ní ì yà nyǐ nyúnɔna dhu ná'ù ale núnì rɔ ka kowuya ròyá ize: abádhí nóowuya nzére-alafí nípfò rɔ ìndrù ò rò ɔvòdu rɔ. Abádhí nóowuya òte rɔ yà ìnzá ì apè ùnǐna angyangyi aláva ɔ.

¹⁸Abádhí nóowuya mbă osu mà núlu rǎ ɔtsúya nǎ, 'àdù ìndrǔ òho rǎ itsu mà nómvà, ní atdí nzéɛ dhu mà náaraya nzǎ ndònzì rǎ abádhí rǎ. Abádhí nóowuya ɔtsúya núli rǎ andítale dǎ, i ale ràdù ùgɛ.»

Yěsù rǎ ndàdǔ Kàgàwà i òrù-akpà ò dhu

(Luk 24.50-53; Kas 1.9-11)

¹⁹Wò dhu bhěyi Ádrùngbǎle Yěsù nóvò dhu pbìndà ábhàlǎ tò dhu-dzidǎ, Kàgàwà náadù kòdyì tina ò òrù-akpà ò, kà ràdù àdi Kàgàwà bhà fangà dònǎ rò.

²⁰Ní Yěsù bhà ábhàlǎ adù òwu Kàgàwà bhà Ídzì Mākǔrù núnò kóró ngari ònǎ. Ádrùngbǎle Kàgàwà náarànà abádhí-dzùnà nónzì rǎ ndi kasu ǎ, ndàdù àrà abádhí rǎnɔna ɔte tó obhónɡa nábhɛ rǎ ràvi ndi wiwì-otù ǎ .]

Lukà

Lukà 1

Yàrí bhùkù Lukà andí okúna dò rò dhu

(Kas 1.1-3)

¹Ádrùngbàle Tòfilò, ábhõ ale nyú nómvù wà ì rándí dhu yà àlě nzínzì ò ndì nónzì dhu dõ.

²Abádhí nándí ì dhu àdhàdhì, yà ì dhu rĩ 'òpè 'ònzì ì dhu nala nyìkpóya nyú nĩ ale náawé àlě tò dhu bhěyi. I ale ní ì adù 'òpè 'ùnò ndì ɔte indrũ tò.

³Ní ima mà átò, ma mádù kóró ì dhu tó obhóngá nónè munì mběyi nyú, ròpè ndì yà ì dhu náapè ì rórò. Ní ádrùngbàle Tòfilò, ndì dhu-okú dò rò ní ndì, ma mòzè mandí yà ma mónè munì fíndá obhóngá dhu indù,

⁴ndíní nyi nyuni tí dhu, yà indù ka kúdhe dhu ràrĩ obhó dhu nyú.

Bàtizò nubhónà Yùwanì nùgu ka kí dhu tó màkürù

(Zo z 13.12; 1Sà 1.1)

⁵Hèròdè ní'ì Yùdeyà tó pbìrì ò ádrùngbà kamà tí òná kàsùmì ò, Zàkàriyà ní'ì kùhanì. Ndi Zàkàriyà ní'ì atdí kùhanì yà Àbiyà bhà pbàdzukuru tí ì'ì pbàkùhání nzínzì ò. Kàbhà tsìbhále-ɔvò ní'ì Èlizàbetì, Àrõni-dhú bvũ tsìbhíngba. Ndirò, ndì Àrõni ní'ì pbàkùhání tó ádròdrò ale dõ kamà.

⁶Ní Zàkàriyà mà Èlizàbetì màná óyõ kóró ní'ì obhónángatále Kàgàwà-ònzì, ndirò Ádrùngbàle Kàgàwà bhà Uyatá nífũ arí atdí dõ ale.

⁷Pbétù abádhí ní'ì ìmbà atdí ngbángba nà màtí, Èlizàbetì ní'ì ìngò-àyi nídhuní. Ndirò abádhí óyõ kóró ní'ì ìwà óngò mùlà tí ale.

⁸Ní atdíku, yà Zàkàriyà mà náarí kasu ònzì màná atdíkpá pbàkùhání tó rùwu ò, Zàkàriyà adì ndàmbe pbìndà kasu nónzì dõ Kàgàwà-ònzì.

⁹Ní, yà pbàkùhání tó màndu núnò dhu bhěyi, ɔdhína náavò Zàkàriyà ngàlà nĩ, ndíní otsú tí yà pbàkùhání kèlě víyà dõ rò nóotsúnà òná Ádrùngbàle Kàgàwà bhà idzá kàluga ò. Kàhù ndrùù aróngu alindra-tidò nóbì perè tí màzàbahù dõ.

¹⁰Wò ndì kàsùmì ò, kóró ngũkpà ale náadù òko àmbe 'ìtsò dõ irinã rò.

¹¹Nirò ní ndì Ádrùngbàle Kàgàwà bhà màlàyikà níto ndì Zàkàriyà tí, ndàdù ìde alindra núbì kà rĩ dóná rò màzàbahù tó fangà dónã rò.

¹²Ní wò màlàyikà ndì ndàla rò, Zàkàriyà-afí náabè ndì atdí dõ, ɔdò ràdù isĩ òná.

¹³Pbétù màlàyikà adù àtìnà kà nĩ: «Zàkàriyã, nzi ɔnzi ɔdò, Kàgàwà níri wà pbùkù ìtsòta nídhuní. Pbùkù tsìbhále Èlizàbetì rĩ kpatsìbhá ngbángba nùgu indù, nyadù ɔvòna nóvò Yùwanì tí.

¹⁴Ní kòkú dò rò, idhènu níikaya ndì, nyadù àdì ádrùngbà dhèdhe nyú ò. Ndirò, ibí ale nyú nóokoya dhèdhe ò, ka kùgù ka dhu-okú dò rò.»

¹⁵Ndi ngbángba ni'íya ádrùngbǎle Kàgàwà-nyìkpó ǒ. Kǒmvúya nzǐ òwáyì mà, ndirò kǒmvúya nzǐ ale òrì rádù atdí iwa-tidò mà. Kàgàwà niiráyà ka pbìndà Ìlǐlǎ-Alafí nǐ, àdàdi íyànà-fitsù ò rórò.

¹⁶Ndirò, ka ní ndi Pbàìsràyélí nzínzì ǒ ibí ale nabhùya rìngò fìyó Ádrùngbǎle Kàgàwà-tí'ò.

¹⁷Kàgàwà-ònzǐ kùbhìya nà ale-afí-tidò, ndirò ádrùngbǎnga tó òbi-tidò ni'íya yà Kàgàwà bhà nabì Èliyà ní'ì nà ale-afí mà, ádrùngbǎnga tó òbi mànà-tidò. Kǎbhùya inzo mà rùngbò ì abáyà mànà, ndàdù inzǐ arí Kàgàwà ózè dhu ònzì ale nábhu rùgèrè ì, 'òngò obhónángatále tí. Ndi dhu bhèyi ní ndi, kǒbhòlòya ìndrù angyangyi Ádrùngbǎle Kàgàwà tò.

¹⁸Zàkàriyà níivú dhu màlàyikà-tsù, ndàti: «Wò nyi nyùnò dhu tó obhónga núnǐ ma mí àdhu rǒ? Obhó tí, ima ní mùlà-akpà nyú, ndirò pbàkà tsìbhále bhà atò mà nàrà wà ádzì nyú átò.»

¹⁹Ní wò màlàyikà adù dhu àdu kà tò ndàti: «Ima ní Gàbrìyeli, yà bìlì ma marí ide Kàgàwà-ònzǐ, mambe kǎbhà kasu ònzì dǒ ale. Ní Kàgàwà ìvì ma tinu ò, mirà wòrì ídzì màkürù nóvò indù.

²⁰Pbétù yà inzá nyi nyà'ù yà ma mùnò indù dhu rǐ 'ònzì fìyó kàsùmì ǒ dhu dhu-okú dò rò, nyi nyóngo ìwǐ tí, inzǐ nyongò òte, ràrà àhu ì dhu nóowuya 'ònzì òyá idho ò.»

²¹Wò Zàkàriyà mà rǒte màlàyikà mànà ònà kàsùmì ǒ, ihé-yà náadù òko 'àmbe Zàkàriyà nóvò dǒ irí rò. Ní, inzǐ kà rǎhu sese Kàgàwà bhà idzá kàluga ò rò rò, idho núuko abádhí atdídǒ.

²²Ní Zàkàriyà níitdègu àrà àhu ànyì rò, ní kǎdù nzá òte ìndrù mànà. Pbétù kǎdù àdi ndàmbe inga núdhò dǒ òtsúna-kpò nǐ, inzǐ ndi ndóte rórò. Ní ìndrù adù dhu òsù, iwa Kàgàwà ràvi ndi Zàkàriyà tò onyu rǒdzì kà-dò dhu bhèyi dhu tó ófò ǒ ndi kàluga ǒ.

²³Zàkàriyà mà tó rùwu níitdègu ìku, ní kǎdù ndi ndàrà àhu pbìndà.

²⁴Ní ngúfe idho dzidǒ, Èlìzàbetì, kǎbhà tsìbhále náangò òna tí. Kǎdù ndòrù, ràrà àhu imbò àbì tí. Kǒngónà àtìnà afína ò:

²⁵«Kànǐ Ádrùngbǎle Kàgàwà ònzì idù dhu. Àbadhi nípfò wà ma yà nyìdu àbhù arí ràmbe ìwu dǒ ìndrù nzínzì ǒ dhu-íyà ǒ rò.»

Yèsù núgu ka kí dhu tó màkürù

(Mát 1.18-23; Ìsa 7.14)

²⁶Atdíku, azà àbì tó òna nà Èlìzàbetì rǐ'ì rórò, Kàgàwà náavi pbìndà màlàyikà Gàbrìyeli ràrà Gàlìlayà tó pbìrì ò, Nàzàretì tí kátina atdí pbanga ò.

²⁷Ányì kǎrà atdí tsìbhíngba, inzá àpè kpatsìbhále núnǐ tí'ò. Ndi tsìbhíngba ní'ì iwa Dàwudì-dhú bvù ale, Yòzefù òrì. Kǒvò ní'ì Màriyà.

²⁸Màriyà tí ndi ndàrà àhu rò, wò màlàyikà náatse ka, ndàti: «Ìlè nyi Màriyà, iwa nyi nyàbà Ádrùngbǎle Kàgàwà bhà ídzìngà, ndirò inè Kàgàwà rǐ'ì nyi nà.»

²⁹Wò ɔte ndi ndiri rò, Màriyà-afí náabè ndi atdíđ. Kĩrè nga afína ò ndàti: «Yàrí mùlèmbè-tì nyú ní àdhu?»

³⁰Ní màlàyikà adù àtìnà kà nĩ: «Ìnzí ɔnzi ɔdo Màriyá, Kàgàwà bhà ídzinga nyi nyàbà wà nídhuní.

³¹Kòní nyi nyóngo ùnu tí, ndirò nyi nyuguya kpatsibhá ngbángba, nyadù ɔvòna nóvò Yèsù tí.

³²Ka ni'íya ádrùngbàlè, ndirò ka kanziya ka kóró dhu dǒ arí'í Kàgàwà t'ídhùnà tí. Ndirò, Ádrùngbàlè Kàgàwà náadùya kili ràdi abhunà, kamà Dàwudì bhà tombi dǒ.

³³Kònyuya idzi Yàkòbhò-dhú dǒ, ndirò kàbhà idzi ni'íya dhòdhóhóngà tó.»

³⁴Ní, Màriyà níivú dhu màlàyikà-tsù, ndàti: «Wò dhu rākă ìngbă dhu bhěyi idù, yà ìnzá ma màpè kpatsibhále núní rò?»

³⁵Ní, màlàyikà náadù dhu àdu kà tò ndàti: «Hlǎ-Alafí rifo dènú, ndirò kóró dhu dǒ arí Kàgàwà rǐ nyatsi pbìndà ádrùngbànga tó ɔbi nĩ sísí bhěyi. Ní ndi dhu-okú dò rò, nyi nyúguna ngbángba ni'íya Kàgàwà ɔpì fìndà, ndirò ka kanziya ka Kàgàwà t'ídhùnà tí.

³⁶Kòní, a'ènu Èlizàbeti rǐ'í azà àbì tó òna nà, àzèmbè iwà ka kati ndi ìngò-àyi tí rórò. Kà rǐ kpatsibhíngba núgu mùlà dǒ rò,

³⁷ìmbă Kàgàwà lèma nónzi rí dhu náarí'í nídhuní.»

³⁸Nirò ní ndi Màriyà náadù àtìnà màlàyikà nĩ: «Ma ní Ádrùngbàlè Kàgàwà bhà ìno-àyi. Ní, ítse ndi dhu rɔnzi ndi yà nyi nyùnò ka dhu bhěyi.» Wò dhu-dzidǒ, màlàyikà náadù ndivà ndàrà kà-tí rò.

Màriyà rǎrà Èlizàbeti nándà dhu

³⁹Wò ndi kàsùmì ǒ tí, Màriyà náadù ndivà ndàrà kòmbómbí, yà Yùdhà bhà pbìrì ǒ arí pbìrì-akpá nzínzi ǒ atdí kigò ò.

⁴⁰Ní ànyì, kǎtsù Zàkàriyà bhà idza, ndàdù kàbhà tsìbhále Èlizàbeti nátsè.

⁴¹Èlizàbeti níitdègu Màriyà nátsè ndi dhu níri, ní kà-fitsù ò rí'í ngbángba náadù ndòpè ndùbè nga kà'ò. Ndirò, Kàgàwà náadù Èlizàbeti níra Hlǎ-Afína nĩ.

⁴²Ní, Èlizàbeti náadù ndòpè ndòtè ɔrú tǔna nyú nà, ndàti Màriyà nĩ: «Kàgàwà náso wà nyi atdíđ ròsè kóró vèbhále dòná. Ndirò, kàsò wà finu-tsù ò rí'í ngbángba átò.

⁴³Íngbà dhu-bvùtí dhu yà, pbàkà Ádrùngbàlè Kàgàwà-tsánà nyú náarírà mandà nĩ?

⁴⁴Ándà, nyi nyàtsè ma dhu níitdègu isǐ bídu ò, ní ànyìrǒ rò tí, yà fidu-tsù ò rí'í ngbángba nádù ndòpè ndùbè nga fidu-tsù ò, ádrùngbà dhèdhe-okú dò rò.

⁴⁵Inyi, nyi nyònzì wà hirò, yà Ádrùngbàlè Kàgàwà núnò indù dhu rǐ ndònzì ònzi dhu nyi nyà'ù dhu-okú dò rò.»

Màriyà rǐ Kàgàwà nílè dhu

(1Sà 2.1-10; Zàb 113)

- ⁴⁶Nírò ní ndi Màriyà ati: «Ma mí Ádrùngbǎle Kàgàwà nílè atdyúdu nyú nà,
- ⁴⁷ndirò afídu rǐ'ì ádrùngbǎ dhèdhe nyú ǒ, Kàgàwà pbàkà Ǫgùba ò.
- ⁴⁸Kàgàwà nírè ma, yà ìnzǐ ìndrǔ rǎdù òzùnà dhu tí pbìndà ìno-àyi. Obhó tí, ròpè ndi kombí, kóró ale rǒngo matì hirò nónzì tsìbhíngba tí.
- ⁴⁹Kóró dhu dǒ arí'ì ɔbi nà Kàgàwà nónzì ádròdrǒ dhu nyú idù. Kǒvò ní ìlǐlǎ ɔvo.
- ⁵⁰Ndirò, yà ɔdòna ònzi arí ale dǒ kǎrí izu nábà bilínganà.
- ⁵¹Kǎvi ɔbìna nyú, ndòpfolò yà idzítá tó afíya nà arí'ì ale-ǒnga.
- ⁵²Kífo ádròdrǒ kámá fíyó ádròdrǒnga tó tombi dǒ rò, ndàdù yà ìnzǐ ka karózùna dhu tí ale nídzì, ndùli ádròdrǒ ngari ǒ.
- ⁵³Kǎbhu ìmbǎ dhu arí'ì foyá ale rónzì atdíǒ, ndàdù ònzònzì ale nítu, ndòdì ròwù ɔtsúya-kpa nà.
- ⁵⁴Kònzì pbìndà ìno, Pbàìsràyélí dzùnà, ndàdù pbìndà izu nírè dǒyá,
- ⁵⁵àdhàdhi yà angyangyi ndi ndavò àlě t'ábána, Àbràhamù mà, pbìndà pbàdzukuru mà nà tò, bilínganà ndi ndongó tí ònzìna dhu bhěyi.»
- ⁵⁶Ní Màriyà mà náadù òko atdíkpá Èlìzàbeti mà nà, ràrà àhu mbèmbè ìbhu àbì tí. Wò dhu-dzidǒ, kǎdù ndivà, ndàdu ndi pbìndà.

Bàtizò nubhónà Yùwanì nùgu ka kí dhu

(Luk 1.13-17; 3.4-9)

- ⁵⁷Èlìzàbeti rǐ ndùgu òná kàsùmì níitdègu àkǎ, ní kǎdù kpatsìbhá ngbángba nùgù.
- ⁵⁸Ní, Èlìzàbeti mà aróko mà nà atdíkpá pbanga ǒ ale mà, kà mà t'ídzá-bhà mà nà níitdègu Ádrùngbǎle Kàgàwà nábà izu Èlìzàbeti dǒ, rùgù ngbángba dhu tó màkùrù níri, ní abádhí-idhè níka ndi atdíkpá Èlìzàbeti mà nà.
- ⁵⁹Ní, wò ngbángba nónzì atdí yengè rò, abádhí iwú, kadù kònzǐnga nóbhòlò. Ndirò, abádhí azè kili àbanà Zàkàriyà-ɔvò kà-dǒ.
- ⁶⁰Pbétù, wò ngbángba-tsánà Èlìzàbeti náadù àtìna: «Ìnzǐ ní wò dhu bhěyi. Kàkǎ kòvò ɔvòna Yùwanì tí.»
- ⁶¹Ní, kǒkò Èlìzàbeti mà rǐ'ì mà nà ale náadù àtìna kà nǐ: «Ìmbǎ Yùwanì tí kátina ɔvo náarí ì'ì pbùkù idzá-bhà nzínzì ǒ ale dǒ.»
- ⁶²Ní, abádhí adù dhu ivu kà t'ábanà-tsù ɔtsúya nǐ, ndínǐ ì ɔni tí kà ròzè kòvò pbìndà ìngba-ɔvò àdhi tí.
- ⁶³Ní, Zàkàriyà adù dhu àndì karí dòná odu-afǎ-ngba nónzì ɔtsúna nǐ kiwù nà, ndàdù yàrí dhu àndì dòná: «Kǒvò ní Yùwanì.» Ní idho adù kòrí ale nùko kóró.
- ⁶⁴Ní ànyirǒ rò tí Zàkàriyà-tsù náadù ndàngbe, Zàkàriyà rǎdù ndòpè ndòtè, ndàmbe Kàgàwà nílè dǒ ɔrú tǔna nyú nà.

⁶⁵Ɔdò nńsí kóró ányírò arí'ì kyèròkyèrò pbanga ǒ ale ò. Ndirò, Yùdeyà tó pbìrì ǒ arí'ì pbìrì-akpá nzínzì ǒ pbanga ǒ, ìndrũ nówúnà wò ndì nònzì kóró dhu tó màkürù kèlè náwè rǒ.

⁶⁶Ní, kǒkò ì nònzì kóró dhu dǒ ka kúnɔna dhu nìrì ale náadò ì dhu afiya ò, 'àdù àmbe àtìnà dǒ: «Yàrí ngbángba nń'íya ìngbà dhu bhěyi ngbángba-tidò?» Obhó tí, Ádrùngbàle Kàgàwà bhà ádrùngbànga tó ɔbi nń'ì ndì ngbángba nà.

Zàkàriyà rǐ Kàgàwà nílè, Kàgàwà bhà nabì bhěyi dhu

⁶⁷Wò dhu-dzidǒ, Kàgàwà nńrá Zàkàriyà, wòrí ngbángba t'ábanà, Ìlǐlǎ-Alafí nń. Ní, Zàkàriyà adù ndòpè ndòtè Kàgàwà bhà nabì bhěyi, ndàti:

⁶⁸«Ìlèta náká kabhu Ádrùngbàle, Pbàisràyélí tó Kàgàwà tò, kírà pbìndà ale nánda, ndàdù ùwunà nídhunǐ.

⁶⁹Kàdù obhónánga tó uwuta níbhò àlè tò, pbìndà ìnɔ-akpà Dàwudi bhà idzá-bhà tírò.

⁷⁰Kàgàwà náavò dhu angyí nyú pbìndà ìlǐlǎ pbànábí-otù ǒ, ndàti:

⁷¹Ndì rigúya àlè àlè tó òmvũ-fó rò, ndirò ndì rigúya àlè kóró ale yà àlè nóndrò-fó rò.

⁷²Ndì dhu bhěyi ní ndì kítè pbìndà izu àlè t'ábána tò, ndàdù abádhí tò ndì ndanzì pbìndà ìlǐlǎ ungbòta tó làká nírè.

⁷³Kànzì ndì dhu àdhàdhì yà àlè t'ábanà Àbràhamù tò ndì ndatsò dhu bhěyi.

⁷⁴Kàti, ndì rigúya àlè àlè tó òmvũ-fó rò, ndínǐ àlè kongó tí kàsũna nónzì ìnzì àlè kí ɔdò ònzì rórò.

⁷⁵Ndì dhu bhěyi ní ndì, àlè kokoya ìlǐlǎ ale tí Kàgàwà-nyìkpó ǒ, ndirò obhónángatále tí, kóró kàsùmì yà òko àlè kòko àlè-nyìkpó nà òná ǒ.

⁷⁶Ndirò ìnyi pbàńgbá, ìnyi nń'íya kóró dhu dǒ arí'ì Kàgàwà bhà nabì. Obhó tí, nyí nyadìya angyí Ádrùngbàle tò, otu nyí nyɔbhòlo tí kà tò.

⁷⁷Ndirò, nyí nyadùya dhu òvò kàbhà ale tò, ndínǐ abádhí unì tí dhu, kà rǎrǐ ìrà ì nígu, ndàdù fíyó nzérenga núbà fíyò.

⁷⁸Obhó tí, àlè tó Kàgàwà ní atdíǒ arí ìndrũ-izù nálǎ Kàgàwà: kàbhùya òrù-akpà ǒ awáwù ràwù àlè-dǒnga, àdhàdhì ndìto rí adyifò náarí ale-dǒnga náwù dhu bhěyi.

⁷⁹Kàbhùya yà ìnò ǒ aróko, yà ɔve-sisì níibvú ndì dòyá ale-nyínga ràwù. Ndì dhu adùya àlè àbhu àlè rùngu màrùngà tó otu.»

⁸⁰Wòrí ngbángba náambénà òvi dǒ, afína ràdù àmbe ɔbi òtsì dǒ. Kǒngónà àdi rùngù ò, ràrà àhu Pbàisràyélí-ònzì ndì ndaraya ndàvi kprangba òná idhò ò.

Lukà 2

Màriyà rǐ Yèsù núgu dhu

(Màt 1.18-25; 5.1-2; Ìsa 9.5)

¹Ndi idho ǒ, ádròdrǒ kámá dǒ kamà Kàyìsarà Ògústò náabhù uyátá ndàti, pbìndà pbìrì ǒ aróko kóró ale rākă kandī fīsi ǒ.

²Wò ndi wemberè tó andítá náanzì ndì yà Kùrèniyò ní'ì līwalì tí Sīriyà tó pbìrì dǒ nínganí.

³Kóró ale náawù ì àndi, ngătsi ale rārà ndàndi fiyó pbanga nyú ǒ.

⁴Ní, Yòzefù níivà ndì átò, ndùpò Gálilayà tó pbìrì ǒ pbanga, Nàzàretì tí kátina ǒ rò, ndàrà Yùdeyà tó pbìrì ǒ, ndàrà àhu Bètèlèhemù, ádrùngbă kamà Dàwudì ka kugu òná pbanga ǒ. Kārà ányì Dàwudì-dhú bvǔ ale tí ndì ndí'ì nídhunǐ.

⁵Àbadhi mà náawù ányì yà ndì ndórì pbìndà tsìbhále Màriyà nà, òna nà rí'ì rórò, ndínǐ ka kandí tí ì fīsi ǒ.

⁶Ní ányì ì òwù ùvò rò, Màriyà rǐ ndùgu òná idho náaká.

⁷Ní, kǔgu pbìndà sengba tó kpatsìbhá ngbángba, ndàdù ngbǒna nákpòrò mberù nǐ. Kǎdù ndi ngbángba níli ràyi ìzǎ arí dhu ònyu òná kìwalì ǒ, ìmbă ngari rǐ'ì olo-dzà ǒ abádhí tò nídhunǐ.

Màlàyíká rǐ 'àvǐ mùtungà t'úndatátále tò dhu

(Mát 2.1-15; Ísa 41.27)

⁸Ndi pbìrì ǒ, mùtungà t'úndatátále ní'ì fiyó tàrà tó màhò nódo ì'ì kúbhingá írì ǒ ró.

⁹Ní, Ádrùngbăle Kàgàwà bhà màlàyíkà níto ndì abádhí tí, Ádrùngbăle Kàgàwà bhà ádrùngbănga tó awáwù ràdù ndàtsì abádhí dǒ. Ní ɔdo nísi abádhí-afí ǒ atídíǒ.

¹⁰Pbétù, màlàyíkà náadù àtìnà abádhí nǐ: «Ínzǐ nyònzì ɔdo, ma mìrà kóró ale-idhè rǐ ndikă nǐ ìdzì màkǔrù nà fǔkù nídhunǐ.

¹¹Indo yàrí iku ǒ, ka kùgù Ógùba fǔkù, Dàwudì bhà kigò ǒ. Ndi Ógùba ní Krístò Ádrùngbăle.

¹²Ndirò, kànǐ kùnǐ nyǐ nyǐ róná dhu: nyǐ nyǐ iré-ngba nótu mberù ǒ ka kàkpòrò ngbǒna, kadù ìlìnà ràyi ìzǎ náarí dhu ònyu òná kìwalì ǒ ró.»

¹³Ányirǒ rò tí ní ndi, òrù-akpà ǒ màlàyíká tó ihé-yà náandu ì wòrí màlàyíkà rǒ, ì rilè Kàgàwà, àti:

¹⁴«Ilèta náká kabhu òrù-akpà ǒ arí'ì Kàgàwà tò! Ndirò, màrùngà náká ndi'ì yà adzi dǒ ìdzì afiya nà ale tò!»

Mùtungà t'úndatátále rǒwu Bètèlèhemù dhu

¹⁵Màlàyíká níivà ì tiyá rò, 'adu ì òrù-akpà ǒ rò, mùtungà t'úndatátále náatè nzínziya ǒ 'àti: «Kòwu Bètèlèhemù, ndínǐ àlě kala tí ányì ndì nònzi dhu, yà Ádrùngbăle Kàgàwà núnò àlě tò dhu.»

¹⁶Ní, abádhí náawù ányì tsàkàtsàkà, 'adù Màriyà mà nótu Yòzefù mànà, ndirò ngbángba ràdù ì'ì ìzǎ arí dhu ònyu òná kìwalì ǒ ndì ndàyi ró.

¹⁷Ndi ngbángba ì àla rò, abádhí náawe yà màlàyíkà núnònà fiyò kà-dǒ dhu.

¹⁸Ní kóró ale, yà mùtungà t'úndatátále rŭnɔna dhu nìrì ní idho núuko wò abádhí rŭnɔna dhu dǒ.

¹⁹Pbétù, Màriyà náadò wò dhu kóró afína ò, ndàdù àmbe inga nírè dǒ dóná atdíǒ.

²⁰Wò dhu-dzidǒ, mùtungà t'úndatátále náadù ì Kàgàwà nífũ ì'í, 'àdù àmbe ilèná dǒ rórò, kóró dhu-tsí yà ì ìrì, 'àdù àlanà nónzì ì yà abádhí tò màlàyikà núnòná dhu bhěyi tí nídhuní.

Yèsù tó ngbángba-ɔvò nɔvɔ ka kí dhu

²¹Atdí yengè níitdègu àkǎ wò ngbángba ka kùgù dhu-dzidǒ, ní ka kadù kònzŭnga nóbhòlò. Ka kadù ndì ngbángba-ɔvò nɔvɔ Yèsù tí, àdhàdhì yà màlàyikà núuno inzà kà-tsánà àpè òngò òná tí rórò dhu bhěyi.

Yèsù tó ngbángba nítè ka kówu Kàgàwà tò Kàgàwà bhà idzá rò dhu

(Law 12)

²²Yòzefù mà, Màriyà nà rǐ 'ù'ò 'ìlǎ Kàgàwà-nyìkpó ǒ òná idho náaká àdhàdhì Músà bhà Uyátá núnò ka dhu bhěyi. Ní abádhí idyi Yèsù tó ngbángba 'òwù nà Yèrùsàlemà tó kigò ò, 'òwù ìtènà Ádrùngbǎle Kàgàwà tò.

²³Obhó tí, Ádrùngbǎle Kàgàwà bhà Uyátá ò ka kandí dhu kati, sengba tí ka kùgù kpatsìbhíngba nòpì ka rǎrǒngò Ádrùngbǎle Kàgàwà tò.

²⁴Ní abádhí náadù yà Ádrùngbǎle Kàgàwà bhà Uyátá núnò perè núbho átò. I perè ní'ì óyǒ aliri, ngǎtsi ní óyǒ àmbǒ-nzo.

²⁵Wò ndì kàsùmì ǒ, atdí ale, Sìmìyonì tí kátina ní'ì inè Yèrùsàlemà tó kigò ò. Ndi ale ní'ì idzi ale nyú. Ka ní'ì obhónángatále, ndirò Kàgàwà nífũ arí atdíǒ ale. Ndirò, kǒngónà Pbàìsràyélí ndì ndigú tí rírà ale nódò. Ní Kàgàwà níirá ka pbìndà Ìlǎ-Alafí nǐ,

²⁶ndì Ìlǎ-Alafí ràdù dhu ɔvò angyangyi kà tò ndàti: ìnzǐ kà rǒvéya inzà ndì ndàla Ádrùngbǎle Kàgàwà rǐvina Krístò rórò.

²⁷Ní, Ìlǎ-Alafí rǐ ndùnda rò, kǎrà òtsù Kàgàwà bhà idza. Nírò ní ndì Màriyà mà, Yòzefù nà níwú Yèsù tó ngbángba nà, ndíní yà Uyátá núnò dhu náaká tí.

²⁸Ní, Sìmìyonì náakò ngbángba ndàtdù, ndàdù òtsò nábhu Kàgàwà tò, ndàti:

²⁹«Ádrùngbǎle Kàgàwǎ, kòmbí nyi nyí mbǎ pbùkù inɔ-akpà núbha rǒvè, àdhàdhì yà angyangyi nyi nyavò idù dhu bhěyi.

³⁰Obhó tí, ma màla wà pbùkù rò ìrà ògù nyìkpódu nyú nǐ.

³¹Ndi ògù ní yà nyi nyú nyi nyabhòlò kóró ale tò.

³²Ka ní yà inzà àpè nyunǐ kóró yà adzi ǒ ale-nyŭnga nǎwù rí awáwù. Ndirò ka ní ádrùngbǎnga tó awáwù pbùkù ale Pbàìsràyélí tò .»

Sìmìyonì rǐ Yèsù ɔnzíya dhu nɔvɔ angyangyi, Kàgàwà bhà nabì bhěyi dhu

³³Yēsù t'ábanà mà, kà-tsánà màná idho núuko atdíđ, wò Sìmiyonì rǎnna Yēsù tó ngbángba nǐ dhu níri ì'í rò.

³⁴Sìmiyonì náaso abádhí, ndàdù àtína kà-tsánà Màriyà nǐ: «Yàrí ngbángba rǐ Pbàìsràyélí nzínzì ǒ ábhǒ ale nábhǔ rǎwà ì, ndàdù ábhǒ ale níđì. Ndirò, ka ní ize yà ìndrǔ àbhǔ rǐ ràgò ì nzínzìya ǒ,

³⁵ndínǐ yà ábhǒ ale núuru afiyya ǒ irèta núuvì tí ì kparngba. Ndirò ìnyì Màriyǎ, pbùkù àpbè rǐ ndìlǐ ìla tó obhi-akpà ka kòdù, ròsù afina ale bhà àpbè bhèyi.»

Tsìbhá nabì Anà rǒte Yēsù tó ngbángba dǎ dhu

³⁶Wò ndì kàsùmì ǒ tí, Kàgàwà bhà atdí tsìbhá nabì, Anà tí kátina, ní'ì ìnè átò. Anà ní'ì Àserì-dhú-bvǔ ale, Fànoli t'ívànà. Ka ní'ì mùlà-àyì-ngba nyú. Abádhí náakò yà tsìbhíngba tí rò ì umbá ì nà ale nà àrùbhù ato kèlě tí, ndì ale ràdù òvè.

³⁷Ní, kǎdù àdì abvo-àyi tí, rǎrà àhu àrù kumì dòná ìfò nà ato nónzì ndì ndí dhu ǒ. Kǒngónà nǐ àhu ìri Kàgàwà bhà idzá rò. Pbétù, kǒngónà Kàgàwà bhà idzá kasu kèlě nónzì adyíbhengá màtí ndirò kùbhíngá màtí. Kǒngónà àdù ònyù t'ónyuta-tsù nùtsì, ndàdù àmbe ndìtsò dǎ.

³⁸Ní, ndì tsìbhá nabì Anà níto ndì wò Sìmiyonì rǒte òná kàsùmì ǒ, ndàdù ndòpè ndàbhu òtsò Kàgàwà tò. Ndirò, kǎdù ndòpè ndàwe dhu Yēsù tó ngbángba dǎ, yà Kàgàwà rǐ Yèrùsàlemà núwǔ dhu nódò arí kóró ale tò.

Yēsù tó ngbángba nà ka kóngo Nàzàretì dhu

³⁹Yēsù t'ábanà mà, kà-tsánà màná níitdègu kóró dhu nónzì yà Ádrùngbǎle Kàgàwà bhà Uyátá núnò ka dhu bhèyi, ní abádhí adù 'àdu Yēsù tó ngbángba nà Gàlìlayà tó pbìrì ǒ fìyó kigò, Nàzàretì tí kátina ǒ.

⁴⁰Ní, Yēsù tó ngbángba adù àdì ndàmbe ovi dǎ, ndàdù àmbe obi àbà dǎ. Kàgàwà nírá ka dhu-ǒnga t'òvòta tó irèta nǐ, kóró kà rǒnzina dhu ràdù Kàgàwà-nyìkpó nófò atdíđ.

Yēsù rǐ'ì Kàgàwà bhà idzá, atdí kumì dòná óyǒ nà ato nà dhu

(Luk 2.41; 1Sà 1.3,7,21-28)

⁴¹Yà ato náaríra dhu bhèyi, Yēsù t'ábanà mà kà-tsánà màná nóongónà òwu Yèrùsàlemà tó kigò ǒ, Pásika tó mùhendù ǒ.

⁴²Ní, Yēsù níitdègu atdí kumì dòná óyǒ nà ato nísè, ní abádhí náawù atdíkpá Yēsù tó ngbángba màná àdhàdhì yà angyì ì arónzina dhu bhèyi.

⁴³Ní, mùhendù ìku rò, Yēsù t'ábanà mà, kà-tsánà màná náadù ì, 'òngò ìbha. Pbétù, Yēsù tó ngbángba náadù àdì Yèrùsàlemà tó kigò ǒ, ìnzà àbanà mà, ìyànà màná núnì rórò.

⁴⁴Abádhí adù Yēsù àtì ìnè rǐ'ì òdhína màná ì úbhi atdíkpá ró dhu tí. Nírò ní ndì iwà ì ùbhi, ròpè ndì kútsingánǎ, rǎrà àhu pbítsòngǎ rórò, abádhí apè 'òmè Yēsù, fìyó ale mà, òdhíya màná nzínzì ǒ.

⁴⁵Pbétù, abádhí náadù nzá kàla. Ní, ndì dhu-okú dò rò, abádhí náadù ì tdítdǎ Yèrùsàlemà tó kigò ǒ, 'òwù kòmè.

⁴⁶Ní, ìbhu idho dzidõ ní ndi, abádhí náawù kòtù Kàgàwà bhà idzá àdi Úyátá tó màlímó nzínzì ò rò. Kàmbéna Úyátá tó màlímó rùnna dhu níri dõ, ndàdù àrà dhu òngù rõ abádhí-tsù.

⁴⁷Kóró ale, yà kà rùnna dhu níri rí núkò rõ idho aránà atdíidõ, kàbhà inga t'únita mà, kà ràrà tsùnà ka kìvù dhu nádu rõ tí dhu màna dhu dõ.

⁴⁸Ní, kà t'ábanà mà kà-tsánà màna nítdègu kàlà, ní idho núkò atdíidõ. Ní, kà-tsánà adù àtìna kà nì: «Pbàńgbá, ádhu wò nyi nyònzì ròká? Ándà pé, ima, àbanu màna, mà mònè nyi ádrungbã izu nyú nà.»

⁴⁹Ní, Yèsù adù dhu àdu abádhí tò ndàti: «Ádhu nyi nyúbhi mòmè rõ fíndà? Nyi nyùni tí nzá dhu ma rari'ì Àbadu bhà idzá ma mónzina kasu nà?»

⁵⁰Pbétù, wò Yèsù núnò dhu náadù nzá kà t'ábanà mà, kà-tsánà màna-dò nálu.

⁵¹Ní, Yèsù mà náadù ì àdu abádhí màna 'òwù Nàzàreti. Kõngónà abádhí-tsù dhu níri atdíidõ, ndirò kà-tsánà ongónà àdù kòkò dhu nódò kóró afina ò tí.

⁵²Ndirò, Yèsù tó ngbángba náadì ndàmbe òvi dõ ngbõna ò rò, dhu-õnga t'òvòta tó pbìndà irèta ràdù àmbe ndise dõ. Kõngónà àdù Kàgàwà-nyìkpó nófò rí dhu nónzì, ndàdù ìndrù-nyìkpó nófò rí dhu nónzì átò.

Lukà 3

Bàtizò nubhónà ìndrù tò Yùwanì núncò Ídzì Mākūrù

(Màt 3.1-12; Mrk 1.1-8; Yùw 1.6-8,19-28)

¹Tìbèriyò Kàyisàrà ní'ì Pbàrómá tó pbìrì ò kámá dõ ádrungbã kamà. Ní, atdí kumì dóná imbò nà atò tí kònyè idzi ró atò náhu rórò, Pòtiyò Pìlatò ní'ì Yùdeyà tó pbìrì ò lèwalì. Ndirò, Hèròdè ní'ì Gálìlayà tó pbìrì ò ádrungbã kamà, Hèròdè t'ádòna, Filipò ràdù ì'ì Itùriyò mà, Tràkònitì màna tó pbìrì ò ádrungbã kamà. Ndirò, Lisàniyà ní'ì Àbilenì tó pbìrì ò ádrungbã kamà.

²Wò ndi kàsùmi ò, Anà mà Kàyafà màna ní'ì pbàkùhání tó ádròdrõ ale dõ kámá. Ní, rùngù ò Zàkàriyà t'ídhùnà Yùwanì rí'ì rórò, Kàgàwà náavò pbìndà òte kà tò.

³Wò dhu-dzidõ, Yùwanì náadù ndòpè ndùbhi Yòròdanì tó idha-akpà-bidõ arí'ì kóró pbìrì òna nã. Kàránà ìndrù núnzì rõ bàtizò tò, ndàrà àtìna rõ: «Nyùgèrè nyi nyùbhà fùkú nzérenga, nyàdù bàtizò nálu. Ní, Kàgàwà ràdù fùkú nzérenga núbà fùkù.»

⁴Wò dhu bhèyi ní ndi, nabì Ìsayà náandí pbìndà bhùkù ò dhu náaká. Kàti: «Kòń atdí ale-tù rí ndiri rùngù ò: «Nyòbhòlo Àdrungbãle Kàgàwà bhà ngudhà, nyùtò kà rùbhi òná otu.

⁵Ìbhù rí'ì òyá ngari náká nyùtro adzi òyá rùlè, nyàdù pbìrì-akpá mà pbìrì-nzo màna núgolo, nyòhù ròngò kyèngyèrù tí. Ì nútuya otu náká nyùtò rìkò túrátúrú, ndirò, kulukulu arí'ì òyá ngari náká nyòhù mbèyi.

⁶Ndirò ní ndi, kóró ale rí Kàgàwà rí ìndrù nígù tí dhu nálá.»

⁷Ní, ihé-yà nóowúnà ìwu rǒ Yùwanì-tí'ò, ndíní Yùwanì núubhò tí bàtizò fǐyò. Ní, Yùwanì aránà àtìnà rǒ abádhí nǐ: «Nyǐ ní ámvò tó osu-tsè! Ádhi ndi dhu nóvò fùkù ndàti, nyǐ rǎrǐ ùgu yà rírà Kàgàwà bhà anya t'ítàtá ǒ rò?»

⁸Nyònzì iwà nyǐ nyùgèrè nyǐ, nyùbhà fùkù nzére m̀tsò dhu návì rí dhu. Ndirò, àpé nyìrè nga afíku ò nyámbe àtìnà dǒ: «Àbràhamù ní abhukà.» Ma mí dhu núno fùkù: Kàgàwà rǎdù kàrí odu mà núgèrè r̀ngò Àbràhamù t'ídhúna tí.

⁹Àlǒ ka kiyà wà kili itsu-pfò rǒ. Ní kóró itsu, yà ìnzì arí ídzì itsu-kpǒ ní'ǒ, núkèrè ka kí, kadù àwàná kàzù ò.»

¹⁰Ní ihé-yà níivú dhu Yùwanì-tsù 'àti: «Mǎ mí dhu ònzì ìngbǎ tí?»

¹¹Ní, kǎdù dhu àdu abádhí tò, ndàti: «Oyò rí'ì m̀dzarè nà ale, náká ndàbhu ka atdí yà ìmbǎ rí'ì kà nà ale tò. Ndirò, ònyù rí'ì fóná ale náká ndùndò ka ìmbǎ rí'ì kà nà ale tò.»

¹²Pàratà tó pbàndómbé níiwú átò, ndíní ì alú tí bàtizò. Ní abádhí níivú dhu Yùwanì-tsù, 'àti: «M̀limò, mǎ mí dhu ònzì ìngbàtí?»

¹³Ní, kǎdù dhu àdu abádhí tò, ndàti: «Àpé nyòwu pàratà t'úfótá tó f̀rangà-bvu nótdì rǒ orú nyú, ròsè yà uyátá ò ka kótdì ka tí dhu dònǎ.»

¹⁴Ndirò, pbànowí níivú dhu átò Yùwanì-tsù 'àti: «Olu mǎ'í na, mǎ mí dhu ònzì ìngbàtí?» Ní, Yùwanì adù dhu àdu abádhí tò, ndàti: «Àpé nyòwu atdí ale-fó f̀rangà mà nídha rǒ òbi nǐ. Ndirò, àpé nyòwu ìndrù nóbhù rǒ títò dǒ, nyádù fóná f̀rangà náko. Pbétù, nyòwu yà àbì dǒ ka karí nyùbhò nǐ fùkù mùkìmbà kèlè nóddò rǒ nyǎlǎ.»

¹⁵Uró ì'ì ale kóró náambénà ndònzì rí dhu nóddò dǒ atdyúya nyú nà, ndíní ì ala tí. Ndirò abádhí kóró náambénà nga níre dǒ afíya ò ngàtsi nǐ Yùwanì rǎrǐ ndi Krístò.

¹⁶Ní, Yùwanì adù àtìnà kóró ì ale nǐ: «Ìma, ma mí bàtizò núbhò fùkù ìdha nǐ. Pbétù, dzidu dǒ rírà ale rí'ì òbi nà ròsè dùdu nǎ. Ma màká nzá munga kàpfò rǒ kàyitò-mbì mà. Ndi ale náaraya bàtizò núbho rǒ fùkù ìlǎ-Alafí nǐ, ndirò kàzù nǐ.

¹⁷Kàlǎ ònyù-ònga t'ìlèta tó kanyà-tidò fóná, ndíní ndipfo tí nganù-kpǒ nǐ kéléna ò rò. Ní, k̀nduya nganù-kpǒ-tsù pbìndà óngòlǐ ò, ndàdù dzéngéléna núbì ìnzì aráve ádr̀ngbǎ kàzù ò.»

¹⁸Wò dhu bhèyi ní ndi, Yùwanì náaràná Ídzì M̀kùrù núno rǒ ìndrù tò. Kàránà ìndrù àká 'òkò tí dhu nóvò rǒ ìndrù tò.

¹⁹Nirò ní ndi Yùwanì adù liwalì Hèròdè bhà nzérenga nóvò kà tò, adòná-ve Hèròdiyà kǎko dhu-okú dò rò, ndirò abho kǔfǎ ng̀kpa dhu-okú dò rò.

²⁰Ní, Hèròdè adù dhu àfa tdítǒ atdí dǒ nyú ròsè, ndàbhu Yùwanì kosò imbi ò.

Yèsù rǐ bàtizò nálǎ dhu

(M̀t 3.13-17; Mrk 1.9-11; Yùw 1.32-34)

²¹Kóró ale níitdègu bàtizò nálǎ, ní Yèsù adù bàtizò nálǎ átò. Ní, Yèsù rǐ ndìtsò òná kàsùmì ǒ, òr̀-akpà-tsù náangbe ndi,

²² Hīlā-Alafī rādù ifo orù rò, àmbò tó ófò ǒ, ndàdi kàdǒ. Ndirò, ale-tù náadù ndiri òrù-akpà ò rò, ndàti: «Nyí ní Idhùdu, atdíǒ ma mózè, nyìkpódu nòfò dhu ònzì arí ale.»

Yēsù t'ábhúna-ǎvò

(*Opt 5; 11.10-27; Mát 1.1-17*)

²³ Yēsù rǐ pbìndà kasu nópè òná kàsùmì ǒ, kàbhà ato ní'ì mbèmbè ìbhu kumì tí ndì ndáhu ró. Ní ìndrù ongónà dhu ìrè Yēsù rǎrǐ Yòzefù t'ídhùnà. Yòzefù ní'ì Helì t'ídhùnà.

²⁴ Helì ní'ì Mátatì t'ídhùnà. Mátatì ní'ì Lawì t'ídhùnà. Lawì ní'ì Mèlekì t'ídhùnà. Mèlekì ní'ì Yanà t'ídhùnà. Yanà ní'ì Yòzefù t'ídhùnà.

²⁵ Yòzefù ní'ì Mátàtiyà t'ídhùnà. Mátàtiyà ní'ì Àmòsè t'ídhùnà. Àmòsè ní'ì Nàhumù t'ídhùnà. Nàhumù ní'ì Èsili t'ídhùnà. Èsili ní'ì Nàgayì t'ídhùnà.

²⁶ Nàgayì ní'ì Matì t'ídhùnà. Matì ní'ì Mátàtiyà t'ídhùnà. Mátàtiyà ní'ì Sìmeyì t'ídhùnà. Sìmeyì ní'ì Yòsè t'ídhùnà. Yòsè ní'ì Yudhà t'ídhùnà.

²⁷ Yudhà ní'ì Yòwanà t'ídhùnà. Yòwanà ní'ì Resà t'ídhùnà. Resà ní'ì Zèrùbàbelì t'ídhùnà. Zèrùbàbelì ní'ì Sàrtiyelè t'ídhùnà. Sàrtiyelè ní'ì Nerì t'ídhùnà.

²⁸ Nerì ní'ì Mèlekì t'ídhùnà. Mèlekì ní'ì Adì t'ídhùnà. Adì ní'ì Kòsamà t'ídhùnà. Kòsamà ní'ì Èlìmàdamù t'ídhùnà. Èlìmàdamù ní'ì Eri t'ídhùnà.

²⁹ Eri ní'ì Yèsuwà t'ídhùnà. Yèsuwà ní'ì Èliyèzerì t'ídhùnà. Èliyèzerì ní'ì Yòrimù t'ídhùnà. Yòrimù ní'ì Mátatà t'ídhùnà. Mátatì ní'ì Lawì t'ídhùnà.

³⁰ Lawì ní'ì Sìmiyonì t'ídhùnà. Sìmiyonì ní'ì Yudhà t'ídhùnà. Yudhà ní'ì Yòzefù t'ídhùnà. Yòzefù ní'ì Yònamà t'ídhùnà. Yònamà ní'ì Èliyàkimù t'ídhùnà.

³¹ Èliyàkimù ní'ì Mèleyà t'ídhùnà. Mèleyà ní'ì Ménà t'ídhùnà. Ménà ní'ì Mátatà t'ídhùnà. Mátatà ní'ì Nàtanà t'ídhùnà. Nàtanà ní'ì Dàwudi t'ídhùnà.

³² Dàwudi ní'ì Yèsè t'ídhùnà. Yèsè ní'ì Òbedè t'ídhùnà. Òbedè ní'ì Bòazà t'ídhùnà. Bòazà ní'ì Sàlmònì t'ídhùnà. Sàlmònì ní'ì Nàsònì t'ídhùnà.

³³ Nàsònì ní'ì Àmìnàdabhù t'ídhùnà. Àmìnàdabhù ní'ì Àdìminì t'ídhùnà. Àdìminì ní'ì Arnì t'ídhùnà. Arnì ní'ì Hèsròmì t'ídhùnà. Hèsròmì ní'ì Pàrezì t'ídhùnà. Pàrezì ní'ì Yudhà t'ídhùnà.

³⁴ Yudhà ní'ì Yàkòbhò t'ídhùnà. Yàkòbhò ní'ì Ìsakà t'ídhùnà. Ìsakà ní'ì Àbràhamù t'ídhùnà. Àbràhamù ní'ì Terà t'ídhùnà. Terà ní'ì Nàhorì t'ídhùnà.

³⁵ Nàhorì ní'ì Sèrugù t'ídhùnà. Sèrugù ní'ì Rewù t'ídhùnà. Rewù ní'ì Pèlegì t'ídhùnà. Pèlegì ní'ì Èberì t'ídhùnà. Èberì ní'ì Selà t'ídhùnà.

³⁶ Selà ní'ì Kàyinanà t'ídhùnà. Kàyinanà ní'ì Àrùfàsadi t'ídhùnà. Àrùfàsadi ní'ì Semù t'ídhùnà. Semù ní'ì Nuwà t'ídhùnà. Nuwà ní'ì Lámekì t'ídhùnà.

³⁷ Lámekì ní'ì Mètùsilà t'ídhùnà. Mètùsilà ní'ì Ènòkà t'ídhùnà. Ènòkà ní'ì Yèredè t'ídhùnà. Yèredè ní'ì Mähèlèlì t'ídhùnà. Mähèlèlì ní'ì Kàyinanà t'ídhùnà.

³⁸Kàyìnanà nì'ì Ènosà t'ídhùnà. Ènosà nì'ì Setì t'ídhùnà. Setì nì'ì Àdamù t'ídhùnà. Àdamù nabhòlò nì'ì Kàgàwà.

Lukà 4

Pfòmvo rĭ Yēsù-afí númvũ dhu

(*Opt 3.1-6; Mát 4.1-11; Mrk 1.12-13*)

¹Īlĭlĭ-Alafí níră ndì rórò, Yēsù náadù ndì Yòròdanì tó idha-akpà ò rò, ndì Īlĭlĭ-Alafí ràdù ndùndà ndàrà rùngù ò.

²Ní ányì, Pfòmvo númvũ kà-afí ìfò kumì idho tí. Kǒkòrí idhó-yà núudà ìnzĭ kà rònyù atdí dhu mà, àwù ràdù kàlũ atdíđ.

³Ní ndì kàsùmì ǒ, Pfòmvo náati Yēsù nĭ: «Nyì nyapé ì'ì Kàgàwà t'ídhùnà tí, ní úgèrè pé wòrí odu ròngò mùgatì tí.»

⁴Ní, Yēsù adù dhu àdu kà tò, ndàti: «Kàgàwà bhà Andítá rătina: «Īnzĭ ní mùgatì kèlĕ ndì ìndrũ bhà ípìrǒnga òdò rádù.»»

⁵Pfòmvo náadù kàbhũ ràrà ǒrú nyú ndì nángbè ngari ò, ndàdù kàbhũ ràndà yà adzi dǒ ádròdrǒ kámá tó pbìrì kóró ákĕ kàsùmì ǒ tí.

⁶Kădù àtìnà Yēsù nĭ: «Ma mí nyabhũ nyonyù idzi kóró kăkàrí pbìrì dǒ, nyadù àdi ì pbìrì tó ádròdrǒnga mà, òyá ònzì mànà dǒ kóró. Ka kibho wà ka idù, ní ma màdù kàbhũ ma mòzè alĕ tò.

⁷Nírò, nyì nyapé nyokò ǒnzidú, nyìfu ìma, ní ma mí kǒkòrí dhu núbhǒ kóró ìndù.»

⁸Ní Yēsù adù ǒte àdu kà tò, ndàti: «Andítá rătina: «Dhu àkă nyìfu Ádrùngbăle, pbùkù Kàgàwà, nyadù kà kèlĕ núlĕ atdíró.»»

⁹Tdítdǒ, Pfòmvo adù Yēsù àbhũ ràrà Yèrùsàlemà tó kigò ò, ràrà àhũ Kàgàwà bhà idza tó mùnarà dò. Kădù àtìnà Yēsù nĭ: «Nyì nyapé ì'ì Kàgàwà t'ídhùnà tí, ní óbè nyì ìró rò nyisĭ obvò.

¹⁰Andítá rătina: «Kàgàwà rádù pbìndà màlàyikà návi ròdò ngbǒnũ.»

¹¹Ndirò, ndì Andítá rătina tdítdǒ: «Abádhí rĭ nyítdu ǒtsúya-tsíró, akye odu abhùna pfǒnũ ràvo nĭ .»»

¹²Ní, Yēsù adù dhu àdu Pfòmvo tò, ndàti: «Kàgàwà bhà Andítá rătina: «Īnzá dhu àkă nyumvũ Ádrùngbăle pbùkù Kàgàwà-afí .»»

¹³Ní Pfòmvo níitdègu Yēsù-afí númvũ kóró otu ǒ, ní kădù àrà ìtse Yēsù-tí rò, ràrà àhũ ngătsi kàsùmì náaraya ndìbhò dhu ò.

Yēsù rĭ ndòpè ndùdhe dhu ìndrũ tò Gălìlayà tó pbìrì ǒ dhu

(*Ìsa 61.1-3; Mát 4.12-17; Mrk 1.1-15*)

¹⁴Wò dhu-dzidǒ, Yēsù náadù ndì Gălìlayà tó pbìrì ò, iwà Īlĭlĭ-Alafí níră ndì pbìndà ádrùngbănga tó ǒbi nĭ rórò. Ní kà rǒnzina dhu-òyĭ núugà ndì kóró ndì pbìrì ǒ.

¹⁵Kàránà dhu núdhe rǒ ìndrǔ tò Pbàyàhúdí tó unduta-dzà ǒ rò, kóró ale ràdù òwu ndì kèlě nífu rǒ.

Nàzàretì ǒ bhà rǐ 'ùvǒ ìnzǐ 'a'u tí Yèsù dhu

(Màt 13.53-58; Mrk 6.1-6)

¹⁶Wò dhu-dzidǒ, Yèsù náarà Nàzàretì tó pbanga yà ndì nyú ndì ndavì òná ò. Ní, sàbatù-idhò ǒ, kǎtsù unduta-dzà ò, yà bìlǐ ndì ndarí ònzina dhu bhěyi. Ní, kǐvà ndì ndidè, ndínǐ ndì ndozú tí Kàgàwà bhà Andítá.

¹⁷Ní, ka kadù nabì Ìsayà náandí bhùkù nábhù kà-fó. Ní, kǎngbe ndì bhùkù, ndàdù isǐ yà dhu bhěyi ka kándí dhu òná ngari dǒ:

¹⁸«Ádrùngbǎle bhà Hǐlǎ-Alafí rǐ'ì dùdú. Kǔtri ìma, ndínǐ ma mǎno tí pbìndà Ídzì Mǎkǔrù nǎkùtǎle tò. Kǐvì ìma, ndínǐ ma mǎno tí imbi ò ka kúsò ale nùkòlǒ ka kí dhu ì ale tò, madù ndùmùndúmú-nyìkpó rǐ ì nùngbě dhu nóvò ì ndùmùndúmú tò. Kǐvì ìma, ndínǐ ma mǎkòlo tí yà rǒyá ka karávu ale, ìno-kàsù ǒ rò,

¹⁹madù ndì, Ádrùngbǎle Kàgàwà rǐ pbìndà ídzìnga návì ìndrǔ tò òná ato nóvò ìndrǔ tò .»

²⁰Wò dhu-dzidǒ, Yèsù adù wòrì Andítá nǎpbi, ndàdù àdunà unduta-dzà ǒ arí kasu ònzi ale-fò ò, ndàdù àdì obvò. Ní wò unduta-dzà ǒ ì'ì kóró ale náadù nyìkpóya núdì Yèsù rǒ tí.

²¹Nírò ní ndì Yèsù adù ote òpè, ndàtì abádhí nǐ: «Wò nyǐ nyǐrì ma mózùna ró Andítá nákǎ wà indo.»

²²Ní kóró ale náa'u wò Yèsù rǔnɔna dhu, idhò ràdù ì ùko kà-li'ò rò ráhu ídzì ote níri ì'ì rò. Abádhí ambénà àtìna dǒ: «Tí obhó Yòzefù t'ídhùnà nyú wò?»

²³Ní, Yèsù adù àtìna abádhí nǐ: «Obhó tí, nyǐ nyínè ì'ì nyǔnò yàrì mbàyì idù, nyàtì: «Mùngangǎ, ígǔ pé nyì nyì-tírò.» Ndirò, nyǐ nyínè ì'ì nyàtì ìma nǐ átò: «Mǎ mírì wà Kàpèrǎwumù tó kigò ǒ nyì nyónzì kóró dhu. Nírò, ónzi pé ì dhu átò yà fùkù kigò ǒ.»

²⁴Wò dhu-dzidǒ, kǎdù àtìna: «Ma mí kùnɔ kpangba fùkù, obhó dhu nyú ní ndì: Kàgàwà bhà atdí nabì mà nǎkǒ ka karí nzǐ mběyi yà ndì nyú ka kùgù òná pbanga ǒ.

²⁵Ma mí obhó dhu núnɔ fùkù: Nabì Èliyà bhà ato ǒ, abvo-ayí ní'ì ìnè ibí nyú Pbàìsràyélí tó pbìrì ǒ. Ndì ato ǒ, igye náadì ìnzǐ ndìkǒ ìbhù ato dóná azà àbǐ nà tí, ádrùngbǎ àgǎyì ràdù ìtsì kóró ndì pbìrì ǒ.

²⁶Ní, Kàgàwà náavì nzá nabì Èliyà ràrà kóró ì abvo-ayí-bvù. Pbétù, kǎdù kòvì ràrà pbìndà ní Sidónà tó pbìrì ǒ Sàrèpatà tí kátina kigò ǒ atdí abvo-ayi kèlě.

²⁷Ndirò, Kàgàwà bhà nabì Èlisà bhà ato ǒ, kíkítǎle ní'ì ìnè ibí nyú Pbàìsràyélí tó pbìrì ǒ. Ní, abádhí nzínzì ǒ atdí ale mà rǒ kíkí náagù nzá. Pbétù, róná kíkí náagù ní Siriyà tó pbìrì ǒ atdí ale, Nàmanì tí kátina kèlě .»

²⁸Ní, wò Yèsù ùnò dhu ì ìrì rò, kóró wò Pbàyàhúdí tó unduta-dzà ǒ ì'ì ale náakó atdíidǒ.

²⁹Ní abádhí adù 'ìvà, 'àdhà Yēsù, 'ìpfo kigò ò rò. Ndi dhu-dzidõ abádhí adù ùpo kà nà ndi kigò ka kósi dóná pbìrì dò-tsirò ò, ndíní 'idzi tí ka ròbòlò pbìrì-ongò rò, ràrà ìtsì pbìrì-pfò ò.

³⁰Pbétù, Yēsù adù ndàwìli abádhí nzínzi ò rò, ndàdù àrà fìndá dhu nǎ.

Yēsù rǎ nzéere-alafí náarávu róná ale nígǔ dhu

(Mát 4.13-16; 8.14-18; Mrk 1.21-39)

³¹Wò dhu-dzidõ, Yēsù náarà Kàpèrnàwumù tó kigò ò, Gàlìlayà tó pbìrì ò. Ní ànyì kǎdì, ndàmbe dhu núdhe dõ ìndrù tò sàbatù-idhò ò.

³²Ní kóró ale idhò núukò atdíð, kà rǎ dhu núdhe ádrùngbǎle bhèyi nídhunǎ.

³³Ndirò, nzéere-alafí náarávu róná atdí ale ní'ì unduta-dzà ò. Ní, ndi ale akù àrǐ nyú tí ndàti:

³⁴«Áà! Ádhu nyi nyòzè mǎ nà Yēsù, Nàzàretì tó kigò ò alé? Nyi nyìrà tí tsèka nyi nyotdí tí? Ma m̀ni wà dhu mbèyi nyú nyi rǎrǎ àdhi. Nyi ní Kàgàwà bhà fìlǎ ale.»

³⁵Ní, Yēsù náarù orú tǔna nyú nà wò ale ò rǐ'ì nzéere-alafí dõ, ndàti: «Ínè! Áhǔ wò ale ò rò!» Ní wò nzéere-alafí níbvú wò ale-ònga kóró ale-ònzǎ, ndàdù àhu kà-ò rò ìnzá ndi ndònzì atdí nzéere dhu mà kà-rõ rórò.

³⁶Ní, kóró ale idhò núukò atdíð, 'àdù àmbe òte dõ nzínziya ò, 'àmbe àtìnà dõ: «Íngbà dhu bhèyi òte-tidò wò? Wò ale rǎ dhu nuyǎ nzéere-alafí tò ádrùngbǎle bhèyi, ndirò ádrùngbǎnga tó òbi nyú nà, ì nzéere-alafí ràdù ùvò ìndrù ò rò!»

³⁷Ní, Yēsù-òyǐ náadù ndùgà kóró Gàlìlayà tó pbìrì ò.

Yēsù rǎ ábhǒ ale nígǔ fiyó andi ò rò dhu

(Mát 8.14-17; Mrk 1.29-34)

³⁸Wò dhu-dzidõ, Yēsù náahù unduta-dzà ò rò, ndàdù àrà Sìmonì bhà idza. Ányì idzá, Sìmonì bhà aguna-àyi ní'ì atdíð kàzu ùtò ndi òna nǎ ró. Ní, ka kadù Yēsù návi, ndíní ka nígú tí.

³⁹Ní, ànyì-dza ndi ndòtsù rò, Yēsù náagú ndi aguna-àyi dõ, ndàdù òrù orú tǔna nyú nà kàbhà andi dõ, ndi andi ràdù ògù. Ní, wò aguna-àyi adù ndivà ànyìrõ rò tí ndòyè ònyè ìndrù tò.

⁴⁰Adyifò ròtsù rórò, yà dhèdhèrò andi-tidò nà ale nà rǐ'ì idzàya ònǎ kóró ale, níwú ì anditále nà Yēsù-tí'ò. Ní, Yēsù núuli otsúna ì anditále dõ, ì ale ràdù ùgu.

⁴¹Nzéere-alafí náadù ùvò átò ibí anditále ò rò, 'àdù òwu ùkǔ rǒ, 'àmbe àtìnà dõ: «Nyi ní Kàgàwà t'ídhùnà!» Pbétù, Yēsù náarànà òrù rǒ ì nzéere-alafí dõ, ìnzǎ ndàdù abádhí à'ù ròtè, iwà abádhí núnì ndi rǎrǎ Krístò nídhunǎ!

Yēsù rǎ Kàgàwà bhà Ídzi Màkǔrù núno Yùdeya tó pbìrì ò dhu

(Mát 4.23; Mrk 1.35-39)

⁴²Ínga níitdègu ubho, ní Yēsù ahù Kàpèrnàwumù tó kigò ò rò, ndàdù àrà atdí ngari lèngèlèngè rǐ'ì ò. Ní, ihé-yà adù 'òpè òmè ka. Abádhí níitdègu owu kòtù, ní abádhí adù 'ùvo kàrò ìnzǎ ara tí nzínziya ò rò.

⁴³Pbétù, Yèsù adù àtìná abádhí nǎ: «Ma ka kivi, ndíní ma muno tí òrù-akpà ǎ Ádrùngbǎ kamà Kàgàwà bhà idzi tó Ídzi Màkürù kóró kigò òná. Ní ndi dhu-okú dò rò, dhu àkǎ marà kùnò átò ngǎkpà kigò ò.»

⁴⁴Ní kǎdù ndòpè ndùnò ka Yùdeyà tó pbìrì ǎ unduta-dzà òná.

Lukà 5

Yèsù rǎ pbìndà ábhàlǎ nópè ndùnzi dhu

(Màt 4.18-22; Mrk 1.16-20; Yùw 1.35-51; 21.1-11)

¹Atdíku, Yèsù idè Gènzàretì tó rèrù-bidǎ. Ní, ihé-yà adù 'àndu íkyèrǎ nyú kàtí, ndíní ì iri tí kà rùnna Kàgàwà bhà Ote.

²Ní, Yèsù ala óyǎ ibhú rèrù-bidǎ. I ibhú ò ì'ì àwèrù náadù ifo, 'àmbe fíyó ìbhè-mbǐ nú'o dǎ.

³Ní, Yèsù adù ùpo ì ibhú nzínzi ǎ atdí ibhú ò. Ndi ibhú ní'ì Sìmonì bhà ibhú. Ní kǎdù Sìmonì àvi ròtù ibhu rèrù-bidǎ rò, ròndrì ake idha ò. Wò dhu-dzidǎ, Yèsù adù àdi ibhú ò, ndàdù ndòpè ndùdhe dhu ihé-yà tò.

⁴Ní, Yèsù itdègu ndi ndúbhi ùdhenà rǎ dhu nító, ní kǎdù àtìná Sìmonì nǎ: «Ótù ibhú, ròndrì ádzí idha rǎ'ì ró.» Wò dhu-dzidǎ, nyàdù nyùpe fùkú ìbhè-mbǐ idha ò.

⁵Ní, Sìmonì adù àtìná Yèsù nǎ: «Ádrùngbǎlé, mà mònzi kasu kurà, ìnzǐ màbà atdí dhu mà. Pbétù, nyi nyàvi ka dhu bhèyi, ma mí kùpè ùpè.»

⁶Ní, ìbhè-mbǐ ì ùpe rò, Sìmonì mà òdhína màná náadù ábhǎ ìbhè-íyà nyú nótsì, abádhí tó ìbhè-mbǐ ràdù 'òpè 'ùdru ì ìbhè à'è ndi dhu nǎ.

⁷Sìmonì mà adù ngǎtsi ibhú ò ì'ì òdhíya nánzi, rìwù dzùnàya ònzi. Ní, ì abádhí t'òdhíya níwú, 'àdù kǎkò óyǎ ibhú níra ìbhè nǎ. I ibhú náadù 'òpè 'àmbe usu dǎ idha ò, ìbhè ná'è ì atdí dǎ òyà nídhunǎ.

⁸Sìmonì Péterù níitdègu wò dhu àlǎ, ní kǎdù ndòkò òtdyùna dǎ Yèsù-ònzǐ, ndàdù àtìná kà nǎ: «Índrì nyi itse tidú rò, Ádrùngbǎlé, ima ní nzérenгатále nídhunǎ.»

⁹Obhó tí, òdo níisí atdí dǎ nyú Sìmonì mà, yà atdíkpá ì ì'ì màná kóró òdhína màná ò yà abho nyú ì òkyè ìbhè dhu-okú dò rò.

¹⁰Sìmonì t'òdhína: Yàkòbhò mà, Yùwanì màná ò òdo níisí ndi dhu bhèyi tí. I kà t'òdhína ní'ì Zèbèdayò bhà inzo. Pbétù, Yèsù adù àtìná Sìmonì nǎ: «Ínzǐ onzi òdo, Sìmonì! Ròpè ndi indo, nyi nyóngo ìndrù tó àwèrù tí.»

¹¹Nirò ní ndi abádhí náawù fíyó ibhú nà inga-kpa dò, 'àdù kóró foyá ì'ì dhu núbhà ányirǎ, ndi dhu-dzidǎ 'àdù Yèsù-owù nángu.

Yèsù rǎ kíkí nà atdí ale nígǎ dhu

(Màt 8.1-4; Mrk 1.40-45; Luk 17.12-19)

¹²Atdíku, Yèsù ní'ì Gàlilayà tó pbìrì ǎ atdí kigò ò. Ní, kíkí álǎ ngbòna kóró atdí ale nító ndi, ndàdù Yèsù nála. Ní kǎra, ndìtsì ndìbvù Yèsù-ònzǐ, ndàpbǎ nyina adzikpa

nyú rǒ, ndàdù ndìtsò Yèsù rǒ ndàti: «Ádrùngbǎlé, nyi nyòzè ka nǐ, dhu òfò nga nyigǔ ma.»

¹³Ní Yèsù agba ɔtsúna, ndàpbalǎ kàngbò, ndàdù àtìna kà nǐ: «Íwà ma mòzè ka. Ní ógù nà!» Ní ànyìrǒ rò tí, wòrí ale rǒ kíkí náadù ndàwu.

¹⁴Wò dhu-dzidǒ Yèsù adù dhu ùya wò ale tò, ndàti: «Àpé nyuno wò dhu atdí ale tò màtí. Pbétù, àrà nyitè nyi nyògù dhu kùhanì tò, nyadù yà Músà bhà Úyátá núuno perè nábhu Kàgàwà tò, ndíní iwà nyi nyògù dhu navì tí kóró ale tò.»

¹⁵Wò Yèsù ònzì dhu-òyǐ núugà ndì atdíǒ. Ní, ihé-yà náadù àndu Yèsù tí, ndíní ì ìrì tí kà rǔnɔna dhu, ndirò ndíní kǐgú tí nyuyatsì rǐ'ì andì.

¹⁶Pbétù, Yèsù adúnà àrà ndìvǎ rǒ, ndàrà àdi lèngèlèngè rǐ'ì ngari ò, ndàdù àmbe ndìtsò dǒ ànyì.

Yèsù rǐ ngbǒna úve ale nígǔ dhu

(Zàb 103.3; Mát 9.1-8; Mrk 2.1-12)

¹⁷Atdíku Yèsù adì ndàmbe dhu núdhe dǒ ìndrǔ tò. Ní, Pbàfàrisáyó mà, Úyátá tó màlímó mànà níwú, 'òkò Yèsù tí. Abádhí níwú Gálilayà mà Yùdeyà mànà tó pbìrì ǒ kóró pbanga ònǎ rò, ndirò Yèrùsàlemà tó kigò ònǎ rò màtí. Ndirò, yà Yèsù rǐ'ì nà Kàgàwà bhà ádrùngbǎnga tó ɔbi náaràna kàbhu rǒ rìgǔ andì nà ale fíyó andì ǒ rò.

¹⁸Nírò ní ndì ìndrǔ níwú ngbǒna úve atdí ale nà ótdù dǒ ì ànò rórò. Abádhí ambénà dhu ònzì dǒ idza ì itsu tí ka, 'adù ìlinà Yèsù-ònzǐ.

¹⁹Pbétù, abádhí rǐ kítsù tí ànyì-dza dhu ní'ì ɔbi tí, ihé-yà-okú dò rò. Ní, abádhí núupò kà nà idza dò, 'adù idza dò-tsirò núngbe, 'ifo wò ale pbìndà ótdù mànà imbi rǒ ònǎ, 'adù ìlinà ihé-yà nzínzì ǒ Yèsù-ònzǐ.

²⁰Ní, Yèsù itdègu kòrí ale rǐ'ì nà a'uta nálǎ, ní kǎdù àtìna wò ngbǒna úve ale nǐ: «Yà alé, pbùkù nzérenga núbà wà ndì.»

²¹Ní, Úyátá tó màlímó mà, Pbàfàrisáyó mànà náadù òko 'àmbe ìnga níre dǒ afíya ò, 'àmbe àtìna dǒ: «Ádhi pbá ale wò wò dhu bhěyi rí dhu ùno nzere nyú Kàgàwà nǐ? Ádhi ndì ìndrǔ tó nzérenga núbà rádù inzá ní Kàgàwà kèlě atdíró núbà ka rò?»

²²Ní, Yèsù asù abádhí tó irèta, ndàdù dhu ìvu abádhí-tsǔ, ndàti: «Ádhu nyǐ nyǐ'ì wòrí irèta-tidò nà afíku ò ní?»

²³Ádhu ndì isó ró'ɔ ùnɔna ka kǐ rò? Tí katì: «Pbùkù nzérenga núbà wà ndì», ndirò tí katì: «Ívǎ nyǐ, nyubhi?»

²⁴Pbétù ma mòzè nyǔni dhu inè Ìndrǔ t'ídùnà rǎrǐ'ì ádrùngbǎnga tó ɔbi nà yà adzi dǒ, ndùbà ìndrǔ tó nzérenga.» Nírò ní ndì kǎdù àtìna wò ngbǒna úve ale nǐ: «Ma màtina ìnyì nǐ: «Ívǎ nyǐ, nyitdù indú ótdù, nyadù àrà pbùkù! »»

²⁵Ní ànyìrǒ rò tí, wòrí ale nívǎ ndì ndidè, kóró ale-ònzǐ, ndàdù yà ndì ka kànònà dòná ótdù nídyì, ndàdù àràna pbìndà Kàgàwà nílè rǒ ndì ndàrà rórò.

²⁶Ní kóró ale idho núuko atdíǒ. Abádhí ambénà Kàgàwà nílè dǒ atdíǒ, ùlè tí ì ùlè ɔdo nǐ rórò, 'adù àmbe àtìna dǒ: «Ìndo mǎ màla dhu ní idho rǐ ìndrǔ ùkǒ nǐ dhu!»

Yěsù rĭ Lawì nánzi dhu

(Màt 9.9-13; Mrk 2.13-22)

²⁷Wò dhu-dzidǒ, Yěsù ahù idza rò, ndàdù pàratà tó atdí ndòmbè, Lawì tí kátina nála pàratà t'úfótá tó bìrò ǒ àdi ró. Ní, Yěsù adù àtìna kà nĭ: «Īrà owùdu ǒ.»

²⁸Ní Lawì adù ndìvà, ndùbhà kóró fóná ì'ì dhu-tsí, ndàdù àrà kòwù ǒ.

²⁹Wò dhu-dzidǒ, Lawì adù ádrùngbà mùhendù nónzi Yěsù tò pbìndà dzá. Ányì-dzá, abádhí ní'ì ònyù-tsùnǎ atdíkpá pàratà t'úfótá tó ibí pbàndómbé mànà, ndìrò ngùkpá ale mànà.

³⁰Ní, Pbàfàrisáyó mà, fìyó Uyátá tó màlímó mànà náambénà ònu dǒ nzínziya ǒ. Ní, abádhí ivú dhu Yěsù bhà ábhàlĭ-tsù 'àti: «Ádhu nyĭ nyĭ dhu ònyu, nyǎdù dhu òmvù atdíkpá pàratà t'úfótá tó pbàndómbé mà, ndìrò nzérenгатále mànà nĭ?»

³¹Ní, Yěsù adù dhu àdu abádhí tò, ndàti: «Īmbà rĭ'ì andi nà ale náarí nzĭ mùngangà-atdyú nóho. Pbétù kǎtdyú òho arí ní andi nà rĭ'ì ale kèlĕ.

³²Ma mĭrà nzá idzi ale núnzi. Pbétù, ma mĭrà ùnzìnà ní nzérenгатále, ndínĭ ì nugèrè tí 'ùbhà fìyó nzérenга.»

Yěsù bhà irèta ònyù t'ónyuta-tsù t'útsita dǒ

(Màt 9.14-17; Mrk 2.18-22)

³³Wò dhu-dzidǒ, Pbàfàrisáyó mà, nzínziya ǒ Uyátá tó màlímó mànà náati Yěsù nĭ: «Bàtizò núbhò arí Yùwanì bhà ábhàlĭ mà, fáká ábhàlĭ mànà náarí ònyù t'ónyuta-tsù nùtsi, 'àdù àmbe 'ìtsò dǒ àpàpì. Pbétù, pbùkù ábhàlĭ kèlĕ náaràdù òko 'àmbe dhu ònyù dǒ, 'àdù àmbe dhu òmvù dǒ.»

³⁴Ní, Yěsù adù dhu àdu abádhí tò, ndàti: «Nyĭ nyĭrè tí dhu nyĭ rǎràdù àdhìngbà ka kùndà nĭ mùhendù ò iwù ale nágo òbi nĭ ìnzĭ ònyù nonyu tí, àzèmbè ìnè ì ní'ì atdíkpá akpa-tsi mànà òná kàsùmì ǒ?

³⁵Pbétù, idho ní'iyà ìnè, yà akpa-tsi nívà ka kí abádhí nzínzi ǒ rò òná. I idho ǒ ní ndi, abádhí nùutsiya ònyù t'ónyuta-tsù.»

³⁶Yěsù adù yàrí mbóli náwe átò abádhí tò. Kǎti: «Īnzĭ atdí ale mà rǎdù kèlèmù tí ndi ndílĭna dhu nífa mberù-òwútá ǒ rò, ndàdù àpbanà mberù-ayí ǒ. Kǎpe kònzĭ ndi dhu bhěyi, ní rǎdù ndi mberù-òwútá nínza ìnzĭ tí. Ndirò, ndi kèlèmù mà rĭ nzĭ àdù ì àko mberù-ayí nà.

³⁷Ndirò, ìnzĭ ka kádù ònyù-òwútá nùdho andu-ayí ò, akye ndi ònyù-òwútá nínvùna ì andu-ayí ò, rǎdù ì andu nótrè, ndi ònyù-òwútá rǎdù ndùfù obvò nĭ.

³⁸Nirò, dhu òfò nga kudho ònyù-òwútá andu-òwútá ò.

³⁹Ndirò, ìnzĭ ònyù-òwútá nòmvù ale rǎdù ndòzè ndòmvù ònyù-òwútá tdítǒ, kà rǎdù àtìna ònyù-òwútá rǎrĭ ndi òvòvù nídhunĭ.»

Lukà 6

Yěsù bhà irèta sàbatù-idhò dǒ

(Màt 12.1-14; Mrk 2.23-3.6; Luk 13.10-17; 14.1-6)

¹Atdíku, sàbatù-idhò ǒ, Yèsù mà pbìndà ábhàlǐ màná náakò 'àmbe owu dǒ nganù tó inga òna nǎ údà otu ǒ. Ní kàbhà ábhàlǐ náadù 'òpè 'òwù otu-igì dǒ rí'ì nganù náfà rǒ, 'àdù òwu ìnyìnà rǒ ɔtsúya-tsíró, 'àdù kpǒna núka.

²Ní, ngúfe Pbàfàrisáyó náadù dhu ìvu Yèsù bhà ábhàlǐ-tsǔ 'àti: «Ádhu nyǐ nyǐ ìnzá àlě tó Uyátá návi kǒnzì sàbatù-idhò ǒ dhu nónzì ní?»

³Ní, Yèsù adù dhu ìvu abádhí-tsǔ, ndàti: «Nyǐ nyàpè tí obhó Dàwudì anzì atdíku, àwù nà ì í'ì róná ale màná rò dhu nózù?»

⁴Àbadhi náatsù Kàgàwà bhà idza, ndàdù perè tí ka kùbho Kàgàwà tò mùgati nùgù ndònyù. Kǎdù kùbhà átò róná ale tò, àzèmbè àlě tó Uyátá nóongó àtìnà ndì mùgati ònyù rádù rǎrǐ pbàkùhání kèlě víya dǒ rò?»

⁵Yèsù adù àtìnà tdítǒ abádhí nǐ: «Ìndrǔ t'ídhùnà, ní sàbatù-idhò dǒ ádrùngbǎle.»

Yèsù rǐ ɔtsúna ótsù ale nígǔ dhu

(Màt 12.9-14; Mrk 3.1-6)

⁶Ngǎtsi nínganí sàbatù-idhò ǒ, Yèsù náatsù unduta-dzà ò, ndàdù ndòpè ndùdhe dhu ìndrǔ tò. Ní, atdí ale, fangà tó ɔtsúna ótsù ní'ì ányì-dzá.

⁷Ní Músà bhà Uyátá tó màlímó mà, Pbàfàrisáyó màná náambénà Yèsù nándà dǒ atdyúya nyú nà, ndíní ì ala tí kàrà tí àdù wò ale nígǔ ìgǔ sàbatù-idhò ǒ. Obhó tí, abádhí azè 'àbà kòbhù ì àdù dòná dhu.

⁸Pbétù, Yèsù núuni abádhí rǐrèna dhu. Ní, kǎdù àtìnà wò ɔtsúna ótsù ale nǐ: «Ívǎ nyi, nyidè ndoró kóró ale-ònzǐ.» Ní, wò ale adù ndìvǎ, ndidè wò Yèsù itè ró.

⁹Wò dhu-dzidǒ, Yèsù adù àtìnà abádhí nǐ: «Ma mí dhu nívǔ tsùkú: àlě tó Uyátá návi tí àvǐ kǒnzì ídzì dhu mà, ndirò ngǎtsi nǐ kǒnzì nzére dhu mà ìndrǔ tò? Ndirò, kǎvi tí àvǐ kigǔ ìndrǔ bhà ípìrǒnga, ndirò ngǎtsi nǐ, kùbhà ndì ale ròvè?»

¹⁰Wò dhu-dzidǒ, Yèsù andà kóró kòrí ale dò nga, ndàdù àtìnà wò ɔtsúna ótsù ale nǐ: «Ígba ɔtsúnu!» Wò ale náadù ɔtsúna nígbà: ndì ɔtsúna rádù ndàto, ndògù.

¹¹Pbétù, abádhí náakó atdíǒ, 'àdù 'òpè 'àgò ì nzínzìya ǒ, àdhu mà àkǎ ì rónzì Yèsù-rǒ dhu dǒ.

Yèsù rǐ pbìndà atdí kumì dòná óyǒ nà uvitatále nóvò dhu

(Màt 10.1-4; Mrk 3.13-19; Kas 1.13)

¹²Atdíku Yèsù núupò pbìrì dò, ndàrà ndìtsò. Ní, kǎdì ányì, ndìtsò ndì kurà Kàgàwà rò.

¹³Ní inga nùbho rò, Yèsù núunzi pbìndà ábhàlǐ, ndàdù atdí kumì dòná óyǒ nà ale nóvò nzínzìya ǒ rò. Kǎdù abádhí ɔvò nóvò uvitatále tí. Yàrí ní ndì ì ale-ɔvò:

¹⁴Sìmonì, yà Yèsù adù ɔvòna nóvò átò Péterù tí mà, adònà Àndèreyà màná. Yàkòbhò mà Yùwanì nà. Filipò mà Bàrtòlòmàyò nà.

¹⁵Màtayò mà, Tùmasì nà. Yàkòbhò, Àlùfayò t'ídhùnà mà, Sìmonì, yà atdíǒ ndì ngyénà fìyó pbìrì dǒ ale màná.

¹⁶Yudhà, Yàkòbhò t'ídhùnà mà, Yudhà Ìskàriyotà, yà Yèsù nipfo ndàbhu òmvũ-fó màrà.

Yèsù rǐ dhu núdhě, ndàdù àrà andì nà ale nígu rǒ dhu

(Màt 4.23-25; 5.2-12; Mrk 3.7-13)

¹⁷Wò dhu-dzidǒ, Yèsù mà, pbindà atdí kumì dòná óyǒ nà uvitatále màrà náawú pbirì dǒ rò, 'iwũ ùvò kyèngyèrù dǒ, yà ábhǒ ngǔkpà pbindà ábhàlǐ rǐ'ì ró. Ányìrǒ, ábhǒ ihé-yà ní'ì átò. I ale níiwú Yùdeyà tó pbirì ò rò, Yèrùsàlemà tó kigò ò rò, ndirò ádrùngbǎ rèrù-bidǒ arí'ì kigò, Tirò mà Sidonà nà tí kátina ò rò.

¹⁸Abádhí níiwú, ndínǐ ì iri tí Yèsù rǎnǒna dhu, ndirò, ndínǐ kǐgú tí nzínziya ǒ rǐ'ì andì nà ale. Ní Yèsù adù abádhí nzínzi ǒ nzére-alafí náaràvu ròyá ale nígu.

¹⁹Kóró ale, yà andì nà rǐ'ì, nóowúnà 'òzè rǒ 'àpbalǎ Yèsù-ngbò. Obhó tí, kà-nyutsì rò ráhu ádrùngbǎnga tó ǒbi náaràna kóró ale nígu rǒ fiyó andì ǒ rò.

Hirò nǒnziya ale mà, àpbè ǒ okoya ale màrà

(Màt 5.1-12)

²⁰Wò dhu-dzidǒ, Yèsù adù pbindà ábhàlǐ dǒ nga àndà, ndàdù àtìna ì ábhàlǐ nǐ: «Nyǐ nyònzì wà hirò yà nǎkù tí nyǐ nyǐ'ì rò, Kàgàwà nǒonyaya idzi dǎkú nídhunǐ.

²¹Nyǐ nyònzì wà hirò yà àwù nà nyǐ nyarí'ì kòmbí rò, nyǐ nyulèya ònyù nǐ nídhunǐ. Nyǐ nyònzì wà hirò yà nyǐ nyarí ǒdzi kòmbí rò, nyǐ nyokoya ugbótá ǒ nídhunǐ.

²²Nyǐ nyònzì wà hirò yà ìndrǔ nóndrò nyǐ, 'àdù nyǐtu nzínziya ǒ rò, 'àdù òwu dhu ùnò rǒ nyǐ nǐ, ndirò 'àdù òwu nyǒzù rǒ nzére ale tí Ìndrǔ t'ídhùnà-okú dǒ rò rò.

²³Nyàbhu idhèku rǐka ndì, ndirò nyòbhè nyǐ dhèdhe-okú dǒ rò, fùkú perè ní'íya ádrùngbǎ nyú ǒrù-akpà ò nídhunǐ. Obhó tí wò dhu bhèyi tí abádhí t'ábáya náavù pbànábí rǒ.

²⁴Pbétù, nyǐ nyǐ'ì àpbè ǒ, nyǐ ònzítale tí rò, nyǐ nyábà wà nyàbhǔ rǐ nyònzì hirò dhu nídhunǐ.

²⁵Nyǐ nyǐ'ì àpbè ǒ yà kòmbí nyǐ nyarí'ì ònyù nà abhàbhó rò, nyǐ nyokoya àwù nà nídhunǐ. Nyǐ nyǐ'ì àpbè ǒ, yà kòmbí nyǐ nyarí òko ugbótá ǒ rò, nyǐ nyokoya izu ǒ, ndirò nyàdù àmbe ǒdzi dǒ nídhunǐ.

²⁶Nyǐ nyǐ'ì àpbè ǒ yà kóró ale náarí nyǐlè rò, ndì dhu bhèyi tí, abádhí t'ábhúya níilè tìtò tó pbànábí nídhunǐ.»

Yèsù rǐ dhu núdhě òmvũ nózè ka kǐ dhu dǒ dhu

(Màt 5.38-48; 7.12a)

²⁷«Pbétù, nyǐ yà nyǐ nyǐ ma múnǒna dhu níri rò, ma mátina nyǐ nǐ: Nyòzè fùkú òmvũ. Nyònzì ídzinga yà nyǐ nóndrò ale tò.

²⁸Nyàso nyǒfù arí ale. Ndirò, nyǐtsò nyǐ nyǔdhǔ arí ale dǒ.

²⁹Atdí ale náapè atdídhená binu-bhu nópbi, ní ágèrě ngàtsi kà ròpbi átò. Ndirò, atdí ale náapè pbùkù ǒrú mùdzarù nídyì, ní àpè nyúvò nyǐ ìnzǐ kà rìdyì pbùkù sìmisì átò.

³⁰Dhu nònzi fúnú ale tò dhu àkǎ nyarà ndi dhu àbhu rǒ. Ndirò, atdí ale náapé indú dhu nídyì, ní dhu àkǎ nzá nyudyǒ ka.

³¹Ónzi dhu ngǔkpà ale tò àdhàdhì nyi nyózè abádhí rònzi ka indù dhu bhěyi.

³²Nyǐ nyapé yà nyǐ nózè ale kèlě nózè, ní nyǐ nyìrè tí nga nyǐ ràràdù ídzìnga nábà àbà? Nzérenatále mà nózè yà ì nózè ale átò!

³³Ndirò nyǐ nyapé ídzìnga nónzi yà fǔkù arí kònzi ale tò tí, ní nyǐ nyìrè tí nga nyǐ ràràdù ídzìnga nábà àbà? Nzérenatále mà náarí dhu ònzi átò ndi dhu bhěyi tí!

³⁴Nyǐ nyapé dhu ùwǔ yà nyǐ nyà'ù ndi dhu àdu rádù fǔkù ale tò tí, ní nyǐ nyìrè tí nga nyǐ ràràdù ídzìnga nábà àbà? Nzérenatále mà átò náarí dhu ùwǔwǔ yà fǐyò rádù kàdu ale tò!

³⁵Pbétù nyǐ, nyòzè fùkú òmvǔ, nyádù ídzìnga nónzi fǐyò. Ndirò, nyádù nyùwu dhu ìndrǔ tò, inzà nyǐ nyìrè nga abádhí rǎdùna fǔkù dhu dǒ rórò. Ndi dhu bhěyi ní ndi, nyǐ nyabáya ádrùngbǎ perè. Ndirò Kàgàwà, yà kóró dhu dǒ arí'ì ale náanziya nyǐ pbìndà inzo tí. Obhó tí, kǎrí ídzìnga nónzi yà ìnzǐ arí fǐyò ka kònzi dhu tó ídzìnga núnǐ ale tò, ndirò nzére dhu ònzi arí ale tò màtí átò.

³⁶Nyàvi fùkú ídzìnga ìndrǔ tò, àdhàdhì Àbakù Kàgàwà náarí kàvì dhu bhěyi.»

Yèsù rǐ dhu núdhě ìndrǔ-ànyǎ t'ítǎtǎ dǒ dhu

(Màt 7.1-5)

³⁷«Dhu àkǎ nzá nyǔnò ìndrǔ-ànyǎ, akye Kàgàwà náaraya ànyǎku ùnò nǐ. Dhu àkǎ nzá nyǐtǎ anyà ìndrǔ dǒ, akye Kàgàwà náaraya anyà ìtǎ dǔkú nǐ. Dhu àkǎ nyǔbà dhu ìndrǔ tò, ndínǐ Kàgàwà náadùya tí dhu ùbà fǔkù.

³⁸Dhu àkǎ nyǎbhu fùkú rǐ'ì dhu ìndrǔ tò, ndínǐ Kàgàwà adùya tí dhu àbhu fǔkù. Ka kǐtròya dhu fùkú ísòwǔ ò ídzì mùgèrè ǒ, rǎlè, ròyì ndi, kadù òsònà, kape, kadù ìranà mběyi nyú. Obhó tí, ka kudhèya dhu fǔkù àdhàdhì yà nyǐ nyarí dhu núdhě ngǔkpà ale tò ònà mùgèrè ǒ.»

³⁹Yèsù adù yàrí mbólí ùnò átò abádhí tò, ndàtí: «Atdí ndùmùndùmú t'ádù ngǎtsi ndùmùndùmú núnà ùnda? Ìnzǐ akekpa màtí: abádhí rǎdù 'àwà óyǒ kóró ibhu ò.

⁴⁰Ìnzǐ atdí ábhàlǐ bhà irèta mà náaróse pbìndà màlimò bhà irèta dònǎ. Pbétù, mběyi ka kùdhe dhu fǐndà ábhàlǐ bhà irèta rǎdù àkǎkǎ pbìndà màlimò bhà irèta nà.

⁴¹Ádhu nyǐ nyádù nyozè nyala òdhìnu-nyìkpó ò ìtsì kǐkǒ-ngba kèlě, ìnzǐ nyádù nyìkpónu ò ìtsì itsukpó-tsùdó-ngba nyú nínè nǐ?

⁴²Nyi nyádù àtìnà ìngbà dhu bhěyi òdhìnu nǐ: «Odhi, ítsè midyi nyìkpónu ò rǐ'ì kǐkò, » àzèmbè nyǐ nyongó ì'ì ìnzǐ nyǐ nyǐ nyìkpónu ò rǐ'ì itsukpó-tsùdó-ngba nyú nínè ró? Ìnyi, ɔyɔyɔ idàna nà alé, ídyì pé nyìkpónu ò rǐ'ì itsukpó-tsùdó-ngba angyi, ndirò ní ndi nyǐ nyádù òdhìnu-nyìkpó ò rǐ'ì kǐkò nídyì nyǐ nyǐ tí dhu nála mběyi.»

Yèsù rǐ dhu núdhě itsu núnǐ ka karí kpǎna rǒ dhu dǒ dhu

(Màt 7.16-20; 12.33-35)

⁴³Wò dhu-dzidõ, Yësù adù àtìnà: «Ìnzì ídzì itsu-tidò rǎdù nzére itsu-kpõ ní'ò. Ndirò, ìnzì nzére itsu-tidò rǎdù ídzì itsu-kpõ ní'ò.

⁴⁴Kóró itsu-tidò núnì ka karí kpõna nyú rǒ. Ìnzì ka kádù mùtini-kpõ nópè ilé dǒ, ndirò ìnzì ka kádù vinyò-kpõ nópè okpèna nà itsu dǒ.

⁴⁵Ídzì afína nà ale náafí ò rò aráhu dhu ní ídzì dhu. Ndirò, nzére afína nà ale náafí ò rò aráhu dhu ní nzére dhu. Ale-tsù náarí òrina dhu ní ale-afí rǔbhi ìrèna rǒ atdíð dhu.»

Óyǒ idza-tidò tó mbólí

(Mát 7.24-27)

⁴⁶«Ádhu nyí nyárí mǐtdè, nyámbe àtìnà dǒ: «Ádrùngbǎle! Ádrùngbǎlé», ìnzì nyádù ma múnona fǔkù dhu ònzì ní?

⁴⁷Ma mí pé tidu ò rǐrà ale, ndirò ma múnona dhu, ndàdù ndi dhu ònzì, ní rǎdù ndòfò nà ale nítè fǔkù.

⁴⁸Ndi ale níli ndì yà pbìndà idza napè ndòsì ale bhèyi. Kǎgyè pbìndà idza-bhu mbèyi nyú ndàrà ìsì bhalabhala dǒ, ndàdù idza-pfò nórù ndi bhalabhala dǒ. Ní, igye níkǒ, idha rùtù nǐ rò, idha náakpà ndi idza-pfò, ìnzì ngbõna mà rǎdù ndàyà, mbèyi nyú ka kasì ndi idza nídhunì.

⁴⁹Pbétù, ma múnona dhu níri rí, ìnzì ndàdù ndi dhu nónzì ale, níli ndì yà adzi-ví ò pbìndà idza nasì ìnzà ndi ndògyè bhùna rórò ale bhèyi. Igye níkǒ, idha rùtù nǐ rò, idha náakpà ndi idza-pfò, rǎdù ndùgòlò ányìrǒ rò tí, rǎdrù ndi atdíð.»

Lukà 7

Yësù rǐ pbànowí tó ádrùngbǎle bhà kasutále nígù dhu

(Mát 8.5-13; Yùw 4.46-54)

¹Yësù níitdègu yà ndì ndúbhi ùnònà rǒ ìndrù tò dhu t'únòta nító, ní kǎdù àrà Kàpèrnàwumù tó kigò ò.

²Ányì, Pbàróma tó pbìrì ò atdí miyà pbànowí dǒ ádrùngbǎle bhà kasutále ní'ì afína rǒ ka kóðona ró. Ndirò ndi kasutále ní'ì atdíð kǒzè.

³Ní wò ádrùngbǎle níitdègu Yësù dǒ ka kúnona dhu níri, ní kǎvì Pbàyàhúdì nzínzì ò ngúfe pbàkùrǔ ròwù Yësù nánzì, ndínì ira tí pbìndà kasutále nígu.

⁴Kǒkò pbàkùrǔ náawù ùvò Yësù-tí'ò, 'àdù 'òpè 'ìtsò ò atdíð Yësù rǒ, 'àti: «Yà mà nivì tinu ò ádrùngbǎle náká wà nyonzi dzènanà.

⁵Àbadhi nózè tikàdò atdíð. Ndirò, ka ní ndi fàká unduta-dzà nábhu kòsì.»

⁶Ní, Yësù mà náadù òwu atdíkpá kǒkò pbàkùrǔ mànà. Ní, íkyèrǒ abádhí òkò wò pbànowí dǒ ádrùngbǎle bhà idza-lí'ò ò owu tí ùvò rórò, ndi ádrùngbǎle náadù òdhina nóvì ròwù dhu ùnò Yësù tò, 'àti: «Pbànowí dǒ ádrùngbǎle rǎtina nyì nǐ: «Ádrùngbǎlé, nzítù afinu! Ìnzà ma mìli ma nyì nyádù òtsù pbìndà idza ale bhèyi.»

⁷Ndi dhu-okú dò rò átò ní ndi, ma màdinà ìnzì marà ma-tírò tinu ò. Pbétù, òrì atdí dhu kèlè, ní pbàkà kasutále rǎdù ògù ògù.

⁸Ima nyú, yà ma mí'ì rò, ma mí'ì inè dùdu-tsíró ádròdrò ale nà. Ndirò, ma mí'ì inè ma marúvina pbànowí nà. Ma mapé àtina atdí múnòwì nǎ <Árà! > Ní kà rǎdù àrà. Ndirò ma mapé àtina ngǎtsi nǎ <Írà! >, ní ndí tsí rǎdù ìrà. Ndirò, ma mapé àtina pbàkà kasutále nǎ <Ōnzi yà dhu! >, ní kà rǎdù kònzì.»

⁹Ní Yèsù níitdègu wò pbànowí dǎ ádrùngbǎle núnò dhu ìri, ní idho núukò atdíidǎ. Ní, Yèsù adù ndàgere ndàtí yà owùna ǎ rúbhi ìwu rǎ ihé-yà nǎ: «Ma mátina nyí nǎ: inzà ma mapé yà dhu bhèyi a'uta-tidò nà ale nálǎ Pbàìsràyélí tó pbìrì ǎ màtí.»

¹⁰Kǒkò pbànowí dǎ ádrùngbǎle nóvìnà Yèsù-tí'ò ǎdhína níitdègu 'àdù, 'ìwù ùvò idza, ní abádhí náatù wò andí nà ì'ìnà kasutále iwà ògù ró.

Yèsù rǎ atdí abvo-àyi bhà ingba níkyě dhu

¹¹Wò dhu-dzidǎ, Yèsù náarà Nàyinà tí kátina pbanga ò. Kàbhà ábhàlǎ, ábhǎ ihé-yà mànà náadù kùndà ányì.

¹²Ní, pbanga ò kótsù ró kàrà àhù rò ní ndí, ka kubhínà òwu rǎ atdí abvo nà, ndíní ka kowu tí ǎtdùnà. Ndi abvo ní'ì atdí tí arí'ì atdí abvo-àyi-fó ngbángba-abvò. Ndi pbanga ǎ ábhǎ ale nyú ní'ì atdíkpá ì ówu ndí abvo-àyi mànà kàbhùlì ò ró.

¹³Ní ka ndí ndàla rò, Ádrùngbǎle Yèsù náabà izu atdíidǎ kàdǎ, ndàdù àtìnà kà nǎ: «Nzǒdzi iyá!»

¹⁴Ní kǎdù ìndri ndàlǎ ótdù-ngbò, ka nàno ale rǎdù ìko. Ní Yèsù adù àtìnà: «Mǔlǎ-ngbá, ma mátina nyí nǎ: ívǎ nyí.»

¹⁵Ní wò òvòvènà ale níivà ndí, ndàdì sùnátù dǎ, ndàdù ǎte nópè. Ní Yèsù adù kàdu íyànà-fò ò.

¹⁶Wò dhu-dzidǎ, ǎdò níisí kóró ale ò. Ní, abádhí níilè Kàgàwà, 'àdù àtìnà: «Kàgàwà bhà ádrùngbǎ Nabì náhù wà àlǎ-nzínzì ǎ, ndirò Kàgàwà nírà iwà pbìndà ale-kùmbà nónzì.»

¹⁷Wò Yèsù ònzì dhu-òyí náadù àkǎ kóró Yùdeyà tó pbìrì ǎ, tiná arí'ì ngǔkpà pbanga mànà.

Bàtizò nubhónà Yùwanì bhà ábhàlǎ ròwù dhu ìvu Yèsù-tsǎ dhu

(Màt 11.2-19)

¹⁸Wò dhu-dzidǎ, Yùwanì bhà ábhàlǎ náadù wò Yèsù ònzì dhu náwe kóró fíyó màlimò tò. Ní, Yùwanì náanzi óyǎ ale abádhí nzínzì ǎ,

¹⁹ndàdù òvìnà ròwù dhu ìvu Ádrùngbǎle Yèsù-tsǎ 'àtì: «Nyí tí yà mǎ marí òdona, ndíní ira tí ale? Ndirò mǎ màkǎ tí mǒdò vurò ale?»

²⁰Kǒkò Yùwanì níivì ale níitdègu ìwu ùvò Yèsù-tí'ò, ní abádhí níivú dhu Yèsù-tsǎ 'àtì: «Bàtizò núbhǎ arí Yùwanì níivì mǎ míwù dhu ìvu tsùnù, nyí ràtí yà mǎ marí òdona, ndíní ira tí ale, ndirò mǎ rǎkǎ tí mǒdò vurò ale?»

²¹Wò ndi kàsúmì ǒ tí, Yěsù níngú ibí ale nyú fíyó andi mà, nzéere arí ì ònzì dhu màná ǒ rò. Kǎránà nzéere-alafí nípfò rǒ ìndrù ò rò, ndàdù ibí ndùmùndùmú-nyìkpó nábhù rùngbe ì.

²²Nírò ní ndi kǎdù dhu àdu Yùwanì ìvinà ale tò, ndàti: «Nyòwu nyàwe yà nyí nyálàna dhu mà, yà nyí nyírìna dhu màná Yùwanì tò. Kà tò nyí nyáwěna dhu ní: ndùmùndùmú-nyìkpó rǎròwu 'ùngbe rǒ, 'àdù inga àla. Òtsótsù ale rǎròwu ùgu rǒ, 'àdù ùbhi mběyi. Kíkí nà ale rǎròwu ùgǔ rǒ, ìwí ràdù òwu inga níri rǒ. Ʋvùve ale rǎròwu ìkye rǒ, ùtǔ ka kùtǔ ale ràdù 'ùngbe. Ndirò, nǎkùtále rǎròwu Ídzì Mǎkǎrù níri rǒ.

²³Hirò nǎnzìya ale ní yà ìnzì rí 'àwà okúdu dò rò ale.»

²⁴Kǒkò Yùwanì ìvinà ale níitdègu 'ìvǎ 'òwù, ní Yěsù adù ndòpè ndàwe dhu ihé-yà tò Yùwanì dǒ. Kǎpè ndòngù dhu abádhí-tsǔ, ndàti: «Ádhi nyí nyawù àndànà rùngù ò? Tí awe rí ònángà nútǔyǎ ízò?

²⁵Ádhi nyú nyí nyawù àndànà? Tí ǎrú odzìya nà mùdzarù nǎfǒ ale? Pbétù, ǎrú odzìya nà mùdzarù nǎfǒ ale, 'àdù òko ònzì ǒ, nótù nyí nyádù ádròdrǒ kámá-idzà ǒ.

²⁶Ní ádhi nyú nyí nyawù àndànà olu? Tí Kàgàwà bhà nabì? Obhó tí, nyí nyawù Kàgàwà bhà nabì nándà. Pbétù ma mátina nyí nǐ, iwà kà ròsè nabì dǎnǎ màtí.

²⁷Kǒkú dò rò nga ní ndi ka kandí dhu kati: «Kòñǎ ma mòvì pbàkà mùkèngyè angyi ìndù, ndíñǎ nyí nyúbhi ònǎ otu nǎbhòlo tí .»

²⁸Ma mátina nyí nǐ, yà tsìbhále nyú núugu yà adzi dǒ ale nzínzi ǒ, Yùwanì dǎnǎ òsè ale rǐ'ì mbǎ. Pbétù, yà ákě ale tí ka kálàna òrù-akpà ǒ Ádrùngbǎ kamà Kàgàwà bhà idzi ǒ ale, nòsè wà Yùwanì dǎnǎ.

²⁹Yùwanì rǎnǎna dhu níri kóró ale, pàratà tó pbàndómbé màná, nǎa'u Kàgàwà ózè ì rǎnzì dhu, 'àdù bàtizò àlǔ Yùwanì-fó.

³⁰Pbétù, Pbàfàrisáyó mà, Ʋyátá tó màlímó màná nǎadhò Kàgàwà ózè 'ònzì dhu. Ní ndi dhu-okú dò rò, abádhí nǎadù nzá 'òzè 'àlǔ bàtizò Yùwanì-fó.

³¹Yà indo arí ale nyú núde ma mǎdù àdhà bhà rǒ? Abádhí núli ì àdhà bhà bhěyi?

³²Abádhí núli ì yà pbanga-tsidǒ ì nùndu nzónzo bhěyi. Atdídhená ràdù òwu ǎdhíya núnzi rǒ ìkǔ ǒ, 'àti: «Mǎ mùmì mbǎ ǎbé tó adyi rùgě ǒ màtí fǔkù, ní nyí nyàdù nzá òbè. Ndirò, mǎ mùyù mbǎ làngáyí tó adyi mà fǔkù, ní nyí nyàdù nzá òdzi.»

³³Obhó tí, bàtizò nubhónà Yùwanì níra, ìnzì ndàrà ònyù nónyù rǒ, ìnzì ndàdù dhu mà nómù. Ní, nyí nyàdù àtìnà, nzéere-alafí rǎrǐ'ì kà-ò.

³⁴Ndi dhu bhěyi tí, Ìndrù t'ídhùnà níra, ndàrà dhu ònyù rǒ, ndàdù dhu òmù. Ní, nyí nyaràdù kàtì ònǎ óvò ale, ndirò atdídǒ arí ndómù ale tí. Ndirò, nyí nyaràdù kàtì pàratà tó pbàndómbé mà nzérengatále màná ì nózè ale tí.

³⁵Pbétù, dhu-ǎnga t'òvòta tó obhóna nǎarí ndàvǐ kà-nyutsì rò àhu dhu-otù ǒ.»

Yěsù rǐ dhu núbà nzérenga tó tsìbhále tò dhu

(Mát 26.6-13; Mrk 14.3-9; Yùw 12.1-8)

³⁶Atdí Mùfàrisayò náanzi Yèsù 'òwù dhu ònyù mànà pbindà. Ní, Yèsù arà, ndòtsù kàbhà idza, ndàdù àdì ndàmbe dhu ònyù dǒ.

³⁷Ní kòmbómbí tí, ndi kigò ǒ nzérenge tó atdí tsibhále níri Yèsù rǐ dhu ònyu Mùfàrisayò bhà idzá rò dhu. Ní kǎdù irà àlùbatrò tí kátina odu nǐ ka kóbhòlò tsúpà nà fóná Yèsù-tí'ò. Ndi tsúpà ò ì'ì dhu ní ndrùù róngu akye.

³⁸Ní, kǐtsi ìde Yèsù tí olù nǎ rò, ndàdù ndòpè ndòdzì. Ní òdzi ndi ndòdzi rórò, kǎdù ndàgu ndàmbe Yèsù-pfò-ngbò nímo dǒ nyina-dha nǐ, ndàdù ùndonà dóna-ká nǐ. Tdítdǒ, kǎdù Yèsù-pfò námbo, ndàdù ndrùù róngu akye núdho dǒyá.

³⁹Ní wò Yèsù nànzinà ònyù tò Mùfàrisayò nítdègu wò dhu nálǎ, náadù ndòpè ndàmbe àtìnà dǒ afina ò: «Yàrí ale í'íná gukye Kàgàwà bhà nabì nyú tí, ní kàmbènà pé wò ngbóna núlǔ rí tsibhále rǎrǐ àdhi dhu núnǐ. Kàmbènà pé dhu núnǐ íyàdhíyà rǎrǐ nzérenge tó tsibhále.»

⁴⁰Ní, Yèsù apè òte ndàti wò Mùfàrisayò nǐ: «Sìmonǐ, ma mòzè munò atdí dhu indù.» Ní Sìmonì adù àtìnà: «Màlimǒ, úno nà ndi dhu.»

⁴¹Ní Yèsù adù àtìnà: «Atdí ale náabhù fùrangà óyǒ ale rùwu fóná: atdí ale tò kǎbhù imbò miyà fùrangà-kpǒ, ndirò ngǎtsi ale tò kǎbhù imbò kumì fùrangà-kpǒ.

⁴²Ní ìmbǎ kǒkò óyǒ ale rǐ'ì kóró, wò ì uwù fùrangà nádù ì'í nǐ fangà nà rò, wò ale náadù dhu ùbà óyǒ kóró abádhí tò, ìnzǐ rùbho fíyó wànzá. Ní, ádhi ndi nyi nyùnì rò, kǒkò óyǒ ale nzínzì ǒ atdítdǒ rádù wò fùrangà nuwù fǐndà ale nózè?»

⁴³Sìmonì adù dhu àdu Yèsù tò, ndàti: «Ma mùnì rò, atdítdǒ rádù wò ale òzè ale ní yà ábhǒ fùrangà tó wànzá ka kùbà fǐndà ale.» Ní, Yèsù adù àtìnà Sìmonì nǐ: «Nyi nyùnò wà obhó dhu nyú.»

⁴⁴Wò dhu-dzidǒ, Yèsù adù ndàgere, ndàndà wò tsibhále, ndàdù àtìnà Sìmonì nǐ: «Nyi nyàla tí wà wò tsibhále, Sìmonǐ? Àndà, ma mìtsù pbùkù idza, ní nyi nyìbhò nzá ale-pfò tó idha mà idù. Pbétù, wò tsibhále nú'ò pfòdu nyina-dha nyú nǐ, ndàdù ngbóna núndo dóna-ká nyú nǐ.

⁴⁵Nyi nyàmbònà nzá ima, nyi nyí makǒ rò. Pbétù, yà pbùkù idza ma mìtsùnà rò, íyàdhíyà rǐ'ì ìnè pfòdu námbo rǒ ndi ndàrà ró.

⁴⁶Nyi nyìtdènà nzá akye mà dùdu-tsí ró. Pbétù, íyàdhíyà núdho ndrùù róngu akye nyú pfòdu dǒ.

⁴⁷Ndi dhu-okú dò rò ní ndi, ma mí dhu nóvo kpanjangba indù. Wò tsibhále návi ádrùngbǎ àzè nyú idù. Ní, ndi dhu-okú dò rò, ma mùbà wà kàbhà nzérenge kóró. Pbétù, akekpa dhu ka kùbà fǐndà ale bhà àzè narí ákě kèlě yà fǐndà dhu mùbà ale tò.»

⁴⁸Yèsù adù àtìnà wò tsibhále nǐ: «Ma mùbà wà pbùkù nzérenge.»

⁴⁹Ní kǒkò Yèsù mà rùbhi dhu ònyù rǒ mànà ale náadù 'òpè 'àmbe àtìnà dǒ afíya ò: «Íngbà ale-tidò yà ìndrù bhà nzérenge mà núbà rádù ìndrù tò?»

⁵⁰Pbétù, Yèsù adù àtìnà wò tsibhále nǐ: «Pbùkù a'uta nígǔ wà nyi. Ní árà mběyi.»

Lukà 8

Yësù-owù ǒ ubhì vèbhále

¹Wò dhu-dzidǒ, Yësù núubhì kigò ònǎ, ndirò pbanga ònǎ màtí. Kǎránà Ídzi Màkǔrù núnò rǒ, ndàdù àrà òrù-akpà ǒ Ádrùngbǎ kamà Kàgàwà bhà idzi tó màkǔrù nòvò rǒ ìndrǔ tò. Ní, atdí kumì dóná óyǒ nà kàbhà ábhàlǐ mà,

²yà kípfo nzére-alafí òyà rò, ndirò yà kǐgú fiyó andi ǒ rò ngúfe vèbhále mànà, nóowúnà ùbhi rǒ atdíkpà kà mànà. Yàrí ní i vèbhále-òvò: Màgàdalà tó kigò ǒ Màriyà, yà àrùbhù nzére-alafí Yësù ipfo ònà rò,

³Zǎnì, Kuzà bhà ingba-tsánà. Ndi Kuzà ní'ì Hèròdè bhà malì nòdónà ale. Ndirò ní'ì Sùzanà mà, ibí ngǔkpà vèbhále mànà. I vèbhále ní yà Yësù mà pbìndà ábhàlǐ mànà ní dzùnà ònzì rǒ owúnà foyá dhu nǐ vèbhále.

ǒnyù-tsè òre rí ale tó mbólí

(Màt 13.1-9; Mrk 4.1-9)

⁴Atdíku, ìndrǔ níiwú Yësù-tì'ò dhèdhèrò pbanga ònǎ rò. Ní, ádrùngbǎ ihé-yà náandu ì'ì Yësù-tí. Nírò ní ndi kǎdù yàrí mbólí náwe abádhí tò, ndàtì:

⁵«Atdí ale níivà ndì, ndàrà ònyù-tsè nóre pbìndà inga ǒ. Ní yà ònyù-tsè nóre kà rǐ inga ǒ ònǎ kàsùmì ǒ, atdídhená itse náawà ì ndi inga-gìná údà otu ǒ, ìndrǔ ràdù òyánga nòtsì pǒyá nǐ. Ndirò, àrè adù ìwu, 'ùbhì i itse otu ǒ rò.

⁶Ngǔkpà-tsí náawà ì ìmbǎ adzi rǐ'ì dóná abho odu-kengere dǒ. Ní, i tsí níinga, adyifò ràdù ìtdyunà, ìmbǎ òdòdù adzi rǐ'ì abho dòyá dhu-okú dò rò.

⁷Ndirò, ngǔkpà itse náawà ì okpèya nà itsukpó-vé rǐ'ì ònǎ adzi ǒ. Ní, i okpèya nà itsukpó náadù àta, 'òvì atdíkpà kò ìngìngà ònyù mànà, 'adù ì òvì róvì ònyù nútì ìnzì ràdù ò'ò.

⁸Pbétù, ngǔkpà itse náawà ì ìdzi adzi ǒ. Ní, i tsí níinga, 'òvì, 'adù ò'ò, ngǎtsi ràrà atdí miyà itse nòdhì rǒ.» Yësù adù àtìnà ihé-yà nǐ tdítdǒ: «Ìnga t'írìta tó bǐkù nà nyǐ nyapé ì'ì, ní nyèrì nga mběyi!»

Ádhu Yësù náaránà òte rǒ mbólí ǒ nǐ?

(Màt 13.10-17; Mrk 4.10-12)

⁹Ní wòrí mbólí ì ìrì dhu-lutinǎ, Yësù bhà ábhàlǐ níiwú ndi mbólí-tì kà-tsǔ.

¹⁰Ní, Yësù adù dhu àdu abádhí tò ndàtì: «Nyǐ nyú, nyǐ nyúni wà òrù-akpà ǒ Ádrùngbǎ kamà Kàgàwà bhà idzi-nyutsì ndi nóru dhu. Pbétù, ngǔkpà ale tò ka karí kàwě mbólí tó ófò ǒ, ndínǐ abádhí owu tí inga àndà rǒ, pbétù ìnzì 'adù atdí dhu mà nála,

'adù òwu inga níri rǒ, pbétù ìnzì atdí dhu mà ràdù dòya nálu.»

Yësù rǐ ònyù-tsè tó mbólí-tì náwě dhu

(Màt 13.18-23; Mrk 4.13-20)

¹¹«Yàrí ní ndi wòrí mbólí-tì: Ònyù-tsè ní Kàgàwà bhà ǒte.

¹²Atdíddená ale núli ì yà itse náawà ì òná otu bhěyi. Kàgàwà bhà ɔte abádhí ìrì rò, P̄f̄om̄v̄o rādù ìrà, ndípfo ndi ɔte abádhí-afí ò rò, ìnzǐ abádhí a’u tí dhu, ’adù ùgu.

¹³Ngùkpà ale núli ì yà ìmbǎ adzi rǐ’ì dóná abh̄o odu-kengere-d̄o bhěyi. Kàgàwà bhà ɔte ì ìrì rò, abádhí rǐ kà’u dhèdhe nyú nà. Pbétù, abádhí rǐ ’àpǎ ákě kàsùmì kèlě tí Kàgàwà bhà ɔte rǒ, ìnzǐ ’adù kàbh̄u ivéna ròdì ndi afíya ò. Ní, ale-afí ùmv̄ù rí dhu-tidò nópè ndi rò, abádhí rādù f̄iyó a’uta núbhà atdíđ.

¹⁴Okpèna nà itsu-vé nà adzi bhěyi ì núli ale ní, yà Kàgàwà bhà ɔte níri arí, ìnzǐ yà ì ìrìnà ɔte rādù itse nódhì. Obhó tí, yà adzi ǒ dhu-tsí tó ìrèta mà, yà adzi dǒ ònzì mà, ndirò yà adzi dǒ ka kóko dhu tó dhèdhe màna, náarādù abádhí-afí nùtsì.

¹⁵Ídzì adzi bhěyi ì núli ale ní, yà Kàgàwà bhà ɔte níri arí atdí afíya nyú nà, ’adù òdòna afíya ò, ’adù ’àpba róná ale.»

Tarà tó mbólí

(Mrk 4.21-25)

¹⁶Wò dhu-dzidǒ, Yèsù adù àtìnà: «Atdí ale mà rǐ nzǐ àdù tarà nóbì, ndàdù àtsì nà ìtǎ-tsì. Ndirò, kà rǐ nzǐ àdù kòbì, ndàdù ìlinà ara-tsì. Pbétù, ka kádù kòbì kilì ɔrú, ndíní idza rítsù ale-nyǐnga nawù tí.

¹⁷Kóró dhu tsí, yà ùru ì nuru núuv̄iya ì kpangba. Ndirò, kóró dhu-tsí yà òdhǔ ò aróko, ní ka kuniya kóró, rādù ’ùvi kpangba awáwù ò.

¹⁸Nyàndà nga mběyi yà fǔkù ka kún̄ona dhu níri nyǐ nyáí tí dhu nà. Obhó tí, dhu nà arí’ì abh̄o ale náabáya dhu abh̄o nyú ròsè. Ndirò, ìmbǎ arí’ì kà nà ale-fó rò ka kakòya yà kǎrí ìrèna ndi ndí’ì nà dhu tí dhu mà.»

Yèsù-tsánà mà Yèsù t’ádóna màna

(Màt 12.46-50; Mrk 3.31-35)

¹⁹Wò dhu-dzidǒ, Yèsù-tsánà mà, kà t’ádóna màna níiwú Yèsù rǐ’ì ì. Pbétù, abádhí ròwu ùvò kà-tí dhu ní’ì obi tí ihé-yà-okú dò rò.

²⁰Ní, ka kadù dhu òvò Yèsù tò, kati: «Íyàn̄u mà adón̄u màna níkò irí. Ní, abádhí òzè ’àla ngb̄õn̄u.»

²¹Pbétù, Yèsù adù àtìnà yà tìná ì’ì kóró ale nǐ: «Íyàdu mà, adódu màna ní yà Kàgàwà bhà ɔte níri arí, ’adù kùnò dhu ònzì ale.»

Yèsù rǐ àpùpú nábhǔ rìdè dhu

(Màt 8.18,23-27; Mrk 4.35-41)

²²Atdíku, Yèsù mà, pbìndà ábhàlǐ màna núupò atdí ibhú ò. Ní, kǎti abádhí nǐ: «Kàda rèrù-adzè.» Ní, abádhí adù abhi òpè ’òwù ányì.

²³Ní idha dǒ ì ówu rórò, Yèsù náayì, idh̄o ròdyì ndi. Ní, kòmbómbí tí àpùpú náapè ndòpìlì rèrù dǒ, idha rādù ndòpè ndòtsù ibhú ò. Ní, ibhú ì’ì íkyèr̄ò ndíní ndi ndabì tí abádhí nà idha ò.

²⁴Nírò ní ndi ábhàlǐ náandrì Yěsù-tí'ò, 'ìnga ka idhò ò rò, 'àdù àtìnà: «Ádrùngbǎlé, Ádrùngbǎlé, àě kìku wà!» Ní, Yěsù níwà ndì, ndisò awe mà, mùkurà màrà rìkò. Ányìrò rò tí, awe núubhà opilita, idha ràdù ìnè bhìi.

²⁵Nírò ní ndi kǎdù àtìnà p̀b̀ìndà ábhàlǐ nǐ: «Nyǐ nyàpè tí obhó ì'ì a'uta nà?» Ní ọ̀dọ̀ níisí abádhí ò, idhò ràdù 'ùkò. Abádhí ambénà òtè dǔ nzínzìya ǔ, 'àmbe àtìnà dǔ: «Íngbà dhu bhěyi ale-tidò yà? Kǎrótè awe mà, idha màrà dhu dǔ, ràdù tsuná dhu ìrì!»

Yěsù rǐ nzére-alafí náarí àvu ròná atdí ale nígǔ dhu

(Màt 8.28-34; Mrk 5.1-20)

²⁶Yěsù mà, p̀b̀ìndà ábhàlǐ màrà náawù ùvò P̀b̀àgèrasì tó p̀b̀ìrì ò. Ndi p̀b̀ìrì ní'ì Gàlìlayà tó r̀èr̀ù-adzèná rò.

²⁷Ní, ibhú ò rò Yěsù ìfò, ndàhu idha-bidò rò, kigò ǔ atdí ale níra àhu kònzǐ. Ndi ale ní'ì ibí nzére-alafí náarí'ì ònà. Ndirò, kǐ'ì mbǎ mberù nà ròná ábhò idhò nyú tí. Kǒngónà nzǐ àdi atdí idza ǔ màtí. P̀b̀étù, kǒngónà àdi kàbhùlì ò.

²⁸Ní, Yěsù ndì ndàla rò, kǎkù, ndàdù ìrà ndìbvù obvò Yěsù-ònzǐ. Ndirò, kǎdù dhu òvò Yěsù tó ọ̀r̀ù-tùna nyú nà, ndàtì: «Hí! Àdhu àě nzínzì ǔ rǐ'ì Yěsù, yà kóró dhu dǔ arí'ì Kàgàwà t'Ídhùnǎ? Ma mìtsò ma ìtsò tí nyú r̀ǹú, nzǐ àvù r̀d̀ú.»

²⁹Obhó tí, Yěsù adù àdi ndàmbe dhu núya dǔ wò ale ò rǐ'ì nzére-alafí tò, ndíní àhu tí kà ò rò. Ndirò, ibí-gùna ndi nzére-alafí ongónà dhu ìvà kà rǔ. Ní, ka kongónà àdù ndi ale nódò àdrà-mbǐ nǐ ka kùtsì rórò, ndirò s̀ìngà-mbǐ nǐ ka kùtsì p̀f̀ona mà rórò. P̀b̀étù, kǒngónà kǔkò ndì ka kùtsì nǐ imbi nátdì kóró. Ndirò, kà'ò rǐ'ì nzére-alafí nóongónà àdù k̀ìdzì r̀àrà ìmbǎ ìndr̀ù arí'ì ì nanǎ.

³⁰Ní, Yěsù níivú dhu wò ale-tsù, ndàtì: «Ọ̀vònu ní àdhi?» Ní, kǎdù dhu àdu Yěsù tò, ndàtì: «Ọ̀vòdu ní Ìhé-yà.» Obhó tí, ibí nzére-alafí nyú náatsù kà ò.

³¹Ndirò, ì nzére-alafí nítsò ì Yěsù rǔ, ìnzǐ dhu nuyá tí fǐyò 'òwù òyì ò.

³²Wò ndi kàsùmì ǔ, àdù tó màhò ní'ì ìnè ányìrò ì ányu p̀b̀ìrì-ọ̀ngò rǔ ró. Ní, kǔkò nzére-alafí náadù 'ìtsò Yěsù rǔ, ndíní rusà nufà tí fǐyò, 'òwù òtsù ì àdù ò. Ní, kǎdù ndi rusà ùfà abádhí tò.

³³Kǔkò nzére-alafí náadù 'ùnyà wò ì í'ì ònà ale ò rò, 'àdù òwu òtsù àdù ò. Nírò ní ndi ì àdù tó màhò náadù àdr̀ù p̀b̀ìrì-ọ̀ngò rǔ rò, 'òwù 'ùpbà ndi p̀b̀ìrì-p̀f̀ò ò rǐ'ì r̀èr̀ù ò, tsěya ròtdì ì.

³⁴Wò ndi nònzì dhu ì àla rò, kǔkò àdù núndà rǔ r̀ùbhi ale náatsè kóró, 'àdù ndi dhu òyǐ nùgà kigò ǔ bhà tò, ndirò p̀b̀anga ònǎ màtí.

³⁵Ìndr̀ù náawù wò ndi nònzì dhu nándà. Ní abádhí adù òwu Yěsù-tí'ò, 'àdù wò nzére-alafí núvò ònà rò ale nótù kà-tí nyú àdi ròná mberù màrà, ndirò ìdzì rǔ rò nyú ró. Ní, ọ̀dọ̀ náadù ìsì atdídǔ abádhí ò.

³⁶Wò ì nònzì kóró dhu nàla ale náawe wò nzére-alafí náarí àvu ròná ale nógù tí dhu kǔkò ìwù ìwù ale tò.

³⁷Ní Pbagèrasì tó pbirì ò ale kóró náadù Yèsù nónzì rìvà ndì firábvǔ rò, atdíð ì'í odo nónzì nídhunǐ. Wò dhu-dzidò, Yèsù adù ùpo ibhú ò, ndàdù ndàdu abádhí-bvù rò.

³⁸Wò nzére-alafí núvòná òná rò ale nítsò ndì, ndínì ì owu tí atdíkpá Yèsù mànà. Pbetù, Yèsù àdù ndùvo ùvò tí kàrò, ndàti:

³⁹«Ádù nyi pbùkù nyadù Kàgàwà ònzì rùnù kóró dhu náwε.» Nírò ní ndì wò ale náadù àrà, ndàdù àmbe Yèsù ònzì fíndà dhu náwε dǒ ìndrǔ tò kíò ò kóró ngari ò.

Yèsù rǐ Yàhirò bhà tsìbhíngba mà atdí tsìbhále mànà níǵù dhu

(Màt 9.18-26; Mrk 5.21-43)

⁴⁰Yèsù níitdègu ndàdù, ndàdà rèrù-adzè, ní ànyì ihé-yà nyú náadù kàkò, angyangyi ì úbhi kòdò rǒ nídhunǐ.

⁴¹Ní kombómbí tí, Yàhirò tí kátina atdí ale níra àhu ànyìrò. Ka ni'ì Pbagàhúdì tó unduta-dzà ò ádrùngbàle. Ní, kíbvú ndì Yèsù-ònzì, ndàdù nditsò kàrò, ndínì ara tí pbindà.

⁴²Kítsò ndì ndì dhu bhèyi, yà atdí tí arí'ì fóná tsìbhíngba rǐ'ì afína rǒ ka kòdona ró dhu-okú dò rò. Wò ndì tsìbhíngba ì'ì mbembè atdí kumì dónà óyò ná ato ná. Ní, Yàhirò bhà Yèsù rǎrà òná kàsùmì ò, ihé-yà nyú níibòlò ì kà-rò, 'ìpbò ka átsì.

⁴³Ndirò, atdí tsìbhále, yà vèbhále tó ogóbhà tó azu náarí ìrà róná, rǎrà àhu atdí kumì dónà óyò ná ato tí, ní'ì ìnè abádhí nzínzì ò. Ka ni'ì iwà fóná ongyéngá-tse nótdì pbàngángá dónà ndì ndarí ùbhi ró. Pbetù, atdí mùngàngà mà náadù nzá kígu.

⁴⁴Ní, wò tsìbhále náawè ndì Yèsù-dzidò ná rò, ndàpbàlǎ kàrò mùdzarù-bidò-ngbò. Ní ànyìrò rò tí wò tsìbhále rǒ arí ìrà azu náadù ide.

⁴⁵Ní, Yèsù ivú dhu ihé-yà-tsǔ ndàti: «Ádhi ngbòdu nàpbàlǎ?» Ní kóró ale adù 'àgò àgò tí. Pbetù, Péterù adù dhu òvò Yèsù tò ndàti: «Hòkò Màlimò, ihé-yà nyú ní ndì ngbònu nàkpòrò, 'ìpbò nyi átsì!»

⁴⁶Ní Yèsù adù àtìná kà nǐ: «Íwà atdí ale nàpbàlǎ ngbòdu! Ma m̀ni wà dhu mbèyi nyú, atdí òbi rǎhu wà nyudutsì rò.»

⁴⁷Ní, wò tsìbhále níitdègu iwà Yèsù nòsù wò ndì ndònzì dhu dhu nálǎ, nǐ kǎdù ìrà ìvì ndì ndívi rórò, ndìbvù ndì Yèsù-ònzì: Ní, kóró ale-ònzì rò, kǎdù Yèsù rǒ mùdzarù-bidò-ngbò ndì ndàpbàlǎ okúna dò rò dhu mà, ndirò ndì ndògù ànyìrò rò tí dhu mànà dhu náwε.

⁴⁸Ní Yèsù ádù àtìná íyàdhíyà nǐ: «Pbà nǐ tsìbhíngbá, iwà pbùkù a'uta níǵù nyi! Ní àrà màrùngà ò.»

⁴⁹Àzembè Yèsù rǒte òná kàsùmì ò, atdí ale níra Pbagàhúdì tó unduta-dzà ò atdí ádrùngbàle, Yàhirò tí kátina bhà rò. Ní, kítsi àtìná ndì Yàhirò nǐ: «Ádrùngbàlé, ivànú-ngba nóvè wà! Ní nzǐ àvǎ Màlimò-tsì.»

⁵⁰Pbetù, Yèsù níitdègu wò Yàhirò tò ka kùnò dhu níri, ní kǎdù àtìná ndì Yàhirò nǐ: «Nzǐ ònzì odo! Í'ì a'uta ná tí! Ní pbùkù tsìbhíngba rǒgù ògù.»

⁵¹Ní Yàhirò bhà ndì ndàrà àhù rò, Yěsù náa'ù nzá atdí ale mà ròtsù idza owùna ǎ. Pbéù, kǎ'ù ní Péterù mà, Yùwanì mà, Yàkòbhò mà, wò ngbángba t'ábanà mà, kà-tsánà mà nà kèlè.

⁵²Ányìrò ì'ì kóró ale náambénà òdzi dǎ, izu ràdù 'ùka atdí dǎ wò ngbángba bhà òve-okú dǎ rò. Pbéù, Yěsù adù àtìná abádhí nǎ: «Ìnzǎ nyòdzi, inzá wò ngbángba nóvè! Kòdhò òdhò tí.»

⁵³Ní ìndrù adù Yěsù rǎnǎna dhu ùgbò ùgbǎ tí, ì ùni dhu iwà wò tsìbhíngba ròvè nídhunǎ.

⁵⁴Pbéù, Yěsù adù wò tsìbhíngba nálu ǎtsúna rǎ, ndàdù dhu òvò fǐndà ǎrú tǔna nyú nà, ndàtì: «Pbàńgbá, ívà nyí!»

⁵⁵Ní, kà-afí náadù ìngo, ndàdù ndìvà ndì kàsúmì ǎ tí. Ní Yěsù adù ònyù àvi kabhu kà tò.

⁵⁶Ní wò tsìbhíngba t'ábanà mà, kà-tsánà mà nà núkò idho adù atdí dǎ. Ndirò, Yěsù adù abádhí nísò ìnzǎ wò ndì nònzǎ dhu nòvò tí atdí ale tò màtí.

Lukà 9

Yěsù rǎ atdí kumì dòná ǎyǎ nà pbìndà ábhàlǎ núvì dhu

(Màt 10.5-15; Mrk 6.7-13)

¹Yěsù andu atdí kumì dòná ǎyǎ nà pbìndà ábhàlǎ-tsù, ndàbhù ádrùngbǎnga tó ǎbi fíyò. Ndi ǎbi nǎ'ì kóró nzére-alafí nípfò abádhí ràdù nǎ ìndrù ò rò, 'àdù dhèdhèrò andi-tidò nà ale nígu nǎ ádrùngbǎnga tó ǎbi.

²Ní, kǔvì abádhí ròwù ǎrù-akpà ǎ Ádrùngbǎ kamà Kàgàwà bhà idzi tó màkǔrù núnò ìndrù tò, 'àdù andi nà ale nígu.

³Kǎyá dhu abádhí tò ndàtì: «Àpé nyìdyi atdí dhu mà abhi tò. Àpé nyùgu mùgò mà, bhòlò mà, mùgatì mà, ndirò fùrangà mà nà. Ndirò, àpé nyùgu mberù ǎyǎyó.

⁴Nyí ka kàkò òná idza ǎ, nyí nyowuna òko rǎ, ràrà àhù ányìrò rò nyí nyí nyí và nyòwù dhu ò.

⁵Ndirò, inzá ka kàkò nyí òná kigò ǎ rò, nyí nyowuna ùvò rǎ, nyàdù pfòku-tsítsírò àhù nó'ò ányìrò, ndí nǎ abádhí tó afátá nitè tí abádhí tò.»

⁶Ní kǎkò ábhàlǎ nívà ì 'òwù, ì rùbhi dhèdhèrò pbanga òna nǎ, 'àmbe Ídzi Màkǔrù núnò dǎ, 'àdù òwu ìndrù nígu rǎ kóró ngari ònǎ.

Hèròdè-dò rǎ ndìnzǎ Yěsù rǎnzina dhu ìrì ndì ndí rò dhu

(Màt 14.1-12; Mrk 6.14-29)

⁷Ádrùngbǎ kamà Hèròdè níri Yěsù rǎnzina dhu-ǎyí. Ní ndi dhu adù kàdò àbhù rìnza ndi atdí dǎ. Atdí dhená ale nóowúnà àtìná rǎ, bàtizò ùbho rǎ arùbhi Yùwanì rìngbè wà ndi.

⁸Ngǔkpà ale adúnà òwu àtìná rǎ, Èliyà rǎrǎ wò ndi nitò. Ndirò ngǔkpà-tsí náadúnà òwu àtìná rǎ, yà angyí ǎvè pbànábí nzínzì ǎ atdí ale rǎrǎ wò ndi nìngbè.

⁹Pbétù, Hèròdè adù àtìnà: «Ma mávi wà bàtizò ùbho rǒ arúbhi Yùwanì-do kòkèrè. Nírò, ádhi pbá ale nyú wò ma márà ònzina rí dhu-òyí nírì rǒ?» Nírò ní ndi Hèròdè adù ndòzè ndàla Yèsù.

Yèsù rǐ imbò lufù ale nóngù dhu

(Màt 14.13-21; Mrk 6.30-44; Yùw 6.1-15)

¹⁰Yèsù bhà uvitatále níitdègu 'adù, ní abádhí adù ì ònzì dhu àwe Yèsù tò kórò. Ní, Yèsù mà, ì ábhàlǐ mànà adù ùvò atdíkpá, 'òwù lèngèlèngè rǐ'ì ngari ò, Bètèsàydà tí kátina kigò-tí'ò.

¹¹Pbétù ihé-yà níitdègu abádhí òwù ndi ngari ò dhu ìri, ní ihé-yà adù òwu ányì átò. Ní, ányì ì òwù ùvò rò, Yèsù adù abádhí àkò, ndàdù òte òpè ndàwe fǐyò òrù-akpà ò Ádrùngbà kamà Kàgàwà bhà Idzi dǒ. Ndirò, kǎdù ì nòzè ndìgǔ ì ale nígu átò.

¹²Ní inga níitdègu ndòpè ndàti, ní Yèsù bhà ábhàlǐ náadù ìwu kà-tí'ò. Ní abádhí adù dhu òvò kà tò, 'àti: «Író àlě kǐ'ì rùngù ò. Ní, óvì ihé-yà ròwù kyèròkyèrò rǐ'ì pbanga mà, inga òbhì ka karí òyá ngari mànà ònǎ. Ányì nga ní ndi abádhí rǐ ònyù mà, idho tó ngari mànà dhu nábà nǐ.»

¹³Pbétù, Yèsù adù àtìnà abádhí nǐ: «Nyàbhu ònyù abádhí tò nyǐ-tírò!» Ní, ábhàlǐ adù dhu àdu kà tò 'àti: «Mǎ mí imbò mùgatì mà óyǒ ìbhè kèlě mànà nà. Ní, nyì nyòzè tí mòwù ònyù ùdzi mǎ-tírò kǒkò alé-yà tò kórò!»

¹⁴Ányìrǒ kpabhále ì'ì mbèmbè imbò lufù tí. Ní, Yèsù adù pbìndà ábhàlǐ àvi ràbhu kǒkò ale, ròkò obvò, imbìmbó kumì rò tsùna tí.

¹⁵Ì ábhàlǐ adù dhu ònzì ndi dhu bhèyi tí, 'àbhu kórò ale ròkò obvò.

¹⁶Wò dhu-dzidǒ, Yèsù ugu kǒkò imbò mùgatì mà, óyǒ ìbhè mànà, ndùlǔ fóná. Ní, kǎdù òrù-akpà-ònga àndà, ndàdù wòrì ònyù náso. Tdítdǒ, kǎdù mùgatì-ònga núkò, ndùbho pbìndà ábhàlǐ-fó, ndíñ abádhí núundò tí ihé-yà tò.

¹⁷Ní, kórò ale náadù dhu ònyù 'ùlè nǐ. Yèsù bhà ábhàlǐ náadù òdòdì mùgatì-go mà, ìbhè-go mànà-tsù núndu, 'adù atdí kumì dóná óyǒ nà sǐngè níra nǐ.

Péterù rǐ Yèsù náti Kàgàwà bhà Krístò tí dhu

(Màt 16.13-19; Mrk 8.27-30; Yùw 6.66-71)

¹⁸Atdíku, Yèsù núubhínà ndìtsò rǒ atdíró, ìnè pbìndà ábhàlǐ rǐ'ì tiná rórò. Ní, kǐvú dhu abádhí-tsǔ, ndàti: «Yà ìndrǔ rǒte dùdú rò, abádhí náaróngo àtìnà ma rǎrǐ àdhi?»

¹⁹Ní abádhí náadù òte kà tò 'àti: «Atdídhéná ale náarátina nyì rǎrǐ yà bàtizò nubhónà Yùwanì. Ngǔkpà ale náarátina nyì rǎrǐ Èliyà. Ndirò, ngǔkpà ale-tsí náarádù àtìnà nyì rǎrǐ angyí ùvè pbànábí nzínzì ò rò ndi níngbè atdí ale.»

²⁰Ní, kǎdù dhu ìvu abádhí-tsǔ, ndàti: «Olu, nyǐ nyú, nyǐ nyarátina ma rǎrǐ àdhi?» Ní, Péterù adù dhu àdu, ndàti: «Nyì ní Kàgàwà bhà Krístò.»

Yèsù rǐ ndì ndòvéya kòtdù ndì, ndàdù ndìngbè dhu nóvò dhu

(Màt 16.20-28)

²¹Yèsù adù abádhí níso òbi nyú nà ìnzì ndi dhu nuno tí atdí ale tò màti.

²²Kadù àtìnà p̀b̀ìndà ábhàlì n̄ t̀d̀ít̀d̀: «Dhu àkã Ìndrũ t'ídhùnà ràbà àp̀b̀è at̀d̀ít̀d̀. P̀b̀anga ǔ p̀b̀àk̀urũ mà, p̀b̀àk̀uhání tó ádròdrǔ ale mà, Ƴyátá tó màlímó mà̀nà dhu nódhɔya ka. Ka kohoya ka, kadù ǔtdùnà. Ndirò, ìbhu idho ǔ, kádùya ndingbè.»

Yèsù-owù núngù ka kí tí dhu

(Mrk 8.30–9.1)

²³T̀d̀ít̀d̀, Yèsù adù àtìnà ányìrǔ ì'ì kóró ale n̄: «Ndì nòzè ndùbhi owùdu ǔ ale náká ndàdzo róná rò, ndàdù ndà'ù ndànò p̀b̀ìndà mùsàlabhà kóró kàsùmì ǔ, ndàdù owùdu núngu.

²⁴P̀b̀ìndà íp̀ìrǔngà nòzè ndòdò f̀ìndà ale níwíya ka. P̀b̀étù, okúdu dò rò rí p̀b̀ìndà íp̀ìrǔngà níwì ale, nígúya ka.

²⁵Ìndrũ r̄ yà adzi ǔ kóró ònzì nábà, p̀b̀ìndà íp̀ìrǔngà ràdù ndìnza, ngàtsi n̄ ndì nyù ndàdù àwì dhu tó ídzìngà ní àdhu?

²⁶Ìndrũ-nyì náapè iwu okúdu dò rò, ndirò p̀b̀àkà ɔte-okú dò rò màtí, ní Ìndrũ t'ídhùnà-nyì níwuya átò kókú dò rò ndì ndítsi ìrà p̀b̀ìndà ádr̀ungbãnga tó awáwù mà Àbanà bhà awáwù mà ndirò ìl̄l̄l̄ màlàyíká tó ádr̀ungbãnga tó awáwù mà̀nà ǔ nínganí.

²⁷Ma mí obhó dhu núno f̀ũk̀ù: ngũkpà ale, yà iró r̄'ì ale nzínzì ǔ, núuvèya nzì inzà ì àla Kàgàwà r̄ idzi nónyu ìndrũ dǔ dhu rórò.»

Yèsù-wòyǔ r̄ ndùgèrè dhu

(Màt 17.1-9; Mrk 9.2-10)

²⁸M̀b̀èmbè àrù idho dzidǔ, wò dhu ndì ndótè rórò, Yèsù náanzi Péterù mà, Yùwanì mà, Yàkòbhò mà̀nà, 'àdù ùpo nà p̀b̀ìrì dò, ndínì ì itsò tí ì.

²⁹Ní, Yèsù r̄ ndítsò ònà kàsùmì ǔ, kà-nyì-wòyǔ núugèrè ndì, kà-rǔ mùdzarù ràdù òwu, ndàmbe ùmbilì dǔ ale-nyìkpó nóho rí dhu bhèyi.

³⁰Ní ányìrǔ, óyǔ ale núuto ì, 'àmbe ɔte dǔ Yèsù mà̀nà. I ale ní'ì Músà mà Èlìyà nà.

³¹Ní ádr̀ungbãnga tó awáwù ǔ ì ùtò ì rò, abádhí náambénà ɔte dǔ Yèrùsàlemà Yèsù r̀rà p̀b̀ìndà kasu nùtsà n̄ abhi dǔ.

³²Péterù mà, ɔdhína mà̀nà ní'ì iwà idho nùdà nà at̀d̀ít̀d̀ ró. Ní, idho ǔ rò ì ìvà ì rò, abádhí náala Yèsù bhà ádr̀ungbãnga tó awáwù, kǔkò tiná ikò óyǔ ale mà̀nà.

³³Ní, kǔkòrì ale r̄ Yèsù núbha ònà kàsùmì ǔ, Péterù náadù àtìnà Yèsù n̄: «Màlimò, dhu òfò nga àlè ròkò iró. Kùdì ìbhu hemè-dzà, at̀d̀í indù, ngàtsi Músà tò, ndirò ngàtsi Èlìyà tò.» (Péterù núuni inzà àdhu mà núno ndì ndí dhu.)

³⁴Wò dhu nóte kà r̄ rórò ní ndì, ádr̀ungbã àp̀b̀ù níubvù ndì, ndàtsi abádhí sisìna n̄. Ní ɔdo híisí Yèsù bhà ábhàlì ǔ, wò àp̀b̀ù r̄ ndàtsi d̀yá dhu ì àla rò.

³⁵Wò àp̀b̀ù ǔ rò, at̀d̀í ale-tù níirì ndì, ndàtì: «Yàrí ní Idhùdu, idù ma m̀p̀rì ale. Ní, nyèrì kà-tsù dhu.»

³⁶Wò dhu-dzidǔ, Yèsù náadù ndòtù at̀d̀í r̄ tí ányìrǔ. Kàbhà ábhàlì náadù wò ì àla dhu nódo afíya ǔ tí, ìnzì àdù at̀d̀í dhu mà núno ìndrũ tò.

Yěsù rí nzéere-alafí náarávu róná ngbángba nígǔ dhu

(Màt 17.14-21; Mrk 9.14-29)

³⁷Tsútsǎ nínganí, Yěsù mà, kǒkò ìbhu pbìndà ábhàlǐ mànà náawú pbìrì dò rò. Ní, ihé-yà náadù iwu Yěsù tí ò.

³⁸Ní, ì ihé-yà nzínzì ò atdí ale náavò dhu orú tǔna nyú nà Yěsù tò, ndàti: «Màlimò, ma mìtsò mà ìtsò tí nyú rùnù, ágèrě pé nyi nyàndà idhùdu. Obhó tí àbadhi arí'ì atdíró tí fudú.

³⁹Nzéere-alafí òtsù kà ò rò, ní ányirò rò tí kǎròkù, ndi nzéere-alafí ràdù ònángà níyà obi nyú nà, isó-yà ràdù ndùpbò liná. Ndi nzéere-alafí náarí àrà kùbhà pbǎ ngbòró rò, iwà ndi ndàbhu ka rìngyě ndi, ndùvě kpàna atdíđ nyú rórò.

⁴⁰Ní, ma mìtsò ma pbùkù ábhàlǐ rǒ, ndínǐ wò nzéere-alafí nipfo tí kà ò rò. Pbétù, abádhí adù nzá kà-lèmà ònzì.»

⁴¹Ní, Yěsù adù àtìnà: «Hàkà! Nyí indo arí'ì ale tí rò, nyí ní ìmbǎ arí'ì a'uta nà ale! Ndirò, nyí ní nzéere ale! Àlě kokoya atdíkpá nyí mànà ife kàsùmì tí? Ndirò, ma mondúya fùkù dhu-dzi ràrà àhu ife idho tí?» Nírò ní ndi Yěsù adù àtìnà wò ngbángba t'ábanà nǐ: «Írà ndi idhùnù nà iró!»

⁴²Ní, Yěsù-tí'ò ndi ngbángba rǒndri ònà kàsùmì ò, nzéere-alafí níibvú kà-ǒnga obvò, ndàdù kà-ǒnga níyà obi nyú nà. Pbétù, Yěsù náadù òrù wò nzéere-alafí dǒ, wò ngbángba ràdù ògù. Wò dhu-dzidǒ, kǎdù ndi ngbángba nádu àbanà-fò ò.

⁴³Ní, idho núuko uró ì'ì kóró ale atdíđ, Kàgàwà bhà ádrùngbǎnga tó obi ì àla rò.

Yěsù rǐ ndì ndóvè, kǒtdù ndì, ndàdù ndìngbè dhu nóvò tdítđ dhu

(Màt 17.22-23; Mrk 9.30-32)

Òko ìndrù òko idho rǐ 'ùkǒ Yěsù ònzì dhu dǒ rórò, ní kǎdù dhu òvò pbìndà ábhàlǐ tò.

⁴⁴Kǎtí: «Nyùdǐ bǐku nyíri yà fùkù ma múnɔna ɔte mběyi: Obhó tí, ka kǐ Ìndrù t'ìdhùnà nípfò kabhu ìndrù-yà-fó.»

⁴⁵Pbétù, wò ɔte náadù nzá abádhí-dò àlu. Obhó tí, ndi ɔte-tì náarù ndi òru tí abádhí rǒ ìnzǐ abádhí unì tí. Ndirò, abádhí adù Yěsù-tsù ì'ì ndi ɔte-tì nívvù dhu-ɔdò nónzì ònzì tí.

Ádrùngbǎle nyú ròsè ní àdhi

(Màt 18.1-5; Mrk 9.33-37)

⁴⁶Ì ábhàlǐ náadù 'òpè 'àgò ì nzínzìya ò. Abádhí ambénà dhu òngù dǒ tsùyá nzínzìya ò, 'àmbe àtìnà dǒ: «Àlě nzínzì ò ádrùngbǎle nyú ròsè ní àdhi?»

⁴⁷Pbétù, Yěsù núuni abádhí tó irèta angyangyi. Ní, kǎdù ákě ngbángba nídyì ndìli ridè tiná nyú,

⁴⁸ndàdù dhu òvò pbìndà ábhàlǐ tò, ndàti: «Yàrí ngbángba nàko ɔvòdu rǒ ale nàko wà ma. Ndirò, ìma nàko ale nàko wà yà ìma nívi ale. Obhó tí, nzínzìku ò kóró, ákě ale tí rǐ'ì ale ní ndi ádrùngbǎle.»

Ìnzǐ ndi ale náapé ì'ì àlě tó òmvù tí, ní ndi ale ní àlě nzínzì ò ale

(Mrk 9.38-41)

⁴⁹Yùwanì adù dhu òvò Yèsù tò, ndàti: «Màlimö, mã màla atdí ale òvònu rě rě nzére-alafí nípfö ìndrű ò rò ró. Ní mã mìsö ka ìnzí kãrì ùbhi atdíkpá mã mànà owùnu ǒ dhu-okú dò rò.»

⁵⁰Pbétù, Yèsù adù dhu òvò kà tò, ndàti: «Ìnzí nyisö ndi dhu kà tò. Obhó tí, ìnzí ndi ale náapé ì'ì àlě tó òmvű tí, ní ndi ale ní àlě nzínzì ò ale.»

Sàmàriyà ǒ bhà rě 'ùvö ìnzí 'àko Yèsù dhu

⁵¹Yèsù rǒdzì yà adzi ǒ rò, ndàrà òrù-akpà ò òná idho ní'ì iwà ndi ndìndù ndi ró. Ní ndi dhu-okú dò rò, káká ndàrà Yèrùsàlemà tó kigò ò.

⁵²Ní, kǎdù pbìndà mùkèngyè nóvì ròwù angyi fíndà. Ní i ale uvò 'òwù, 'òwù òtsù Pbàsàmàriyá tó atdí pbanga ò, ndíní ì òbhòlò tí kàkǒ ka kí tí dhu.

⁵³Pbétù, ndi pbanga ǒ bhà adù nzá Yèsù àko fíràbvű, Yèrùsàlemà tó kigò ò kà rǎrà dhu-okú dò rò.

⁵⁴Ní, Yèsù bhà ábhàlǐ, Yàkòbhò mà Yùwanì mànà nítdègu wò dhu àlǎ, ní abádhí adù dhu òvò Yèsù tò, 'àti: «Ádrùngbǎlé, nyi nyòzè tí wà mǒnzi kàzụ rìfò òrù-akpà ò rò, ròtdì kǒkò ale-tsè?»

⁵⁵Pbétù, Yèsù adù ndàgere ndàndà abádhí dò nga, ndàdù òrù abádhí dǒ.

⁵⁶Wò dhu-dzidǒ, Yèsù mà pbìndà ábhàlǐ mànà náadù ùvò, 'òwù ngǎtsi pbanga ò.

Yèsù-owù nòzè 'ùngu ale

(Màt 8.19-22)

⁵⁷Otu ǒ kǒkò ale ròwu rórò, atdí ale náavò dhu Yèsù tò ndàti: «Ádrùngbǎlé, ma mǒngo ùbhi owùnu ǒ, kóró ngari ǒ nyi nyúbhi i nanǎ.»

⁵⁸Ní, Yèsù adù dhu àdu kà tò ndàti: «Ayíwě mà náarí'ì ìnè bhüya nà. Ndirò, yà ǒrú arángìlì àrè mà náarí'ì ìnè idzàya nà. Pbétù, Ìndrű t'ídùnà, rě ndòkò, ndìlì dònà obvò rónge mà náarí'ì ìmbǎ.»

⁵⁹Ndirò, Yèsù adù àtìnà ngǎtsi ale nǐ: «Írà owùdu ǒ!» Pbétù, ndi ale adù dhu àdu kà tò, ndàti: «Ádrùngbǎlé, úfà rusà idù, marà pé àbadu òtdù angyi.»

⁶⁰Ní, Yèsù adù dhu òvò kà tò, ndàti: «Úbhà kǒkò abvo rùtdű fíyó abvo. Pbétù, árà nyuno òrù-akpà ǒ Ádrùngbǎ kamà Kàgàwà bhà Idzi tó Mákürù ìndrű tò.»

⁶¹Ngǎtsi ale náati tdítǒ Yèsù nǐ: «Ádrùngbǎlé, ma mòzè mungu owùnu. Pbétù, úfà pé rusà angyi idù, marà pbàkà idzá-bhà nóvì.»

⁶²Ní, Yèsù adù dhu àdu kà tò, ndàti: «Íwà inga nòpè ndòbhì ale náapé olùnga àndà, ní ndi ale àkǎ nzá ndònzì kasu òrù-akpà ǒ Ádrùngbǎ kamà Kàgàwà bhà Idzi ǒ.»

Lukà 10

Yèsù rě pbìndà àrùbhù kumì dòná óyǒ nà ábhàlǐ núvì ǒyòyó rò dhu

(Màt 10.7-16)

¹Wò dhu-dzidǒ, Ádrùngbǎle Yěsù náavò àrùbhù kumì dòná óyǒ nà ngǔkpà ale. Kǎdù ì ale núvi oyòyó rò ròwù angyi fíndà, yà ndì nyú ndítírò ndì ndàkànà ndàrà óyà kóró kigò mà, kóró ngari màrà ò.

²Tdǔ abádhí òwu rò, kǎdù dhu òvò abádhí tò, ndàtí: «Ònyù t'óguta-kàsù rǐ'ì abho nyú, pbétù ndì ònyù ògu rí ale rǐ'ì ngúfe. Ní nyìtsò nyǐ inga-àbadhi rǒ, ndíni ònyù t'óguta-kàsù t'ále-bvu nitró tí.

³Nírò, nyòwu: Kòni ma mùvǐ nyǐ tàrà bhěyi tsamangèrě nzínzì ò.

⁴Àpé nyùgu ísòwǔ mà, bhòlo màrà. Ndirò, àpé nyùgu kàyitò. Àpé nyòwu ìko rǒ ìko tí otu ǒ, atdí ale mà nátse nyǐ nyí rò.

⁵Atdí idza ò nyǐ nyòtsù rò, nyǐ nyowuna ányì idzá-bhà àtsè rǒ angyi nyàtí: «Màrùngà àkǎ ndì'ì àzú-dzá.»

⁶Màrùngà nòzè atdí ale mà ní'ì ányì-dzá rò, ní wò nyǐ nyòzè rǐ'ì ányì-dzá màrùngà náarana ì'ì rǒ ndì ale tò. Pbétù, ìmbǎ nyǎkǒ rǐ màrùngà ǒ ale ní'ì rò, ndì màrùngà arana ndàdu rǒ fùkù ò.

⁷Nyǐ ka kàkò ònà idza ǒ, nyǐ nyowuna òko rǒ ányì-dzá tí. Ndirò nyǐ nyowuna fùkù ka kàbhu dhu kèlě nónyù rǒ, nyǎdù fùkù ka kàbhu dhu kèlě nómvù. Obhó tí kasutále náká ndàbà pbìndà màkimbà. Àpé nyòwu ùda rǒ atdí idza ò rò ngàtsi idza ò.

⁸Atdí kigò ò nyǐ nyòtsù, kadù nyǎkò rò, nyǐ nyowuna fùkù ka kàbhu dhu nónyù rǒ ònyu.

⁹Nyǐ nyowuna ndì kigò ǒ andi nà ale nígu rǒ, nyǎdù àtìnà ndì kigò ǒ bhà ní: «Kàgàwà rǐ idzi ònyu dükú ònà kàsùmì níndù wà ndì.»

¹⁰Pbétù, atdí kigò ò nyǐ nyòtsù, ìnzǐ kadù nyǎkò rò, nyǐ nyowuna ùvò rǒ ndì kigò-tsidǒ ngudhà ò, nyǎdù àtìnà ndì kigò ǒ bhà ní:

¹¹«Kànǐ, mà mò'ò wà pfǒka-tsítsíró ì nùpbǎ fùkú kigò ǒ àhù ròngò dükù. Pbétù nyùni dhu, Kàgàwà rǐ idzi nónyu ìndrù dǒ ònà kàsùmì rìndù wà ndì.»

¹²Ma mí dhu òvò fùkù: Kàgàwà rǐ ìndrù-ànyǎ nítdì nínganí, wòrǐ kigò dǒ kǒtdíya anya, ròsè Sòdòmò tó kigò dǒ ndì ndatdì anya dònǎ.»

ǒyá ale núvò ì ìnzǐ 'a'u tí Yěsù dhu

(Màt 11.20-24)

¹³Tdítdǒ, Yěsù adù àtìnà: «Nyǐ nyǐ'ì àpbè ǒ Kòràzinì tó kigò, ndirò nyǐ nyǐ'ì àpbè ǒ Bètèsàyidà tó kigò! Obhó tí, yà ùkú ì nònzì wíwì ní'iyana gukyè Tirò mà, Sìdònà màrà tó kigò ǒ ì nònzì dhu tí, ní ì kigò ǒ ale ní'iyana angyí nyú ì ugèrè ì, 'ùbhà fiyó nzére mùtsò ró. Abádhí ì'iyana iwà ì ufó gònnyà mberù tí ròyá, 'adù ohu nùtró dòya ò ró.

¹⁴Nírò, Kàgàwà rǐ ìndrù-ànyǎ nítdì nínganí, kǐtdíya dhu dükú abhàbhó nyú, ròsè Tirò mà Sìdònà màrà tó kigò dǒ ndì nditdì dhu dònǎ.

¹⁵Ndirò ìnyì Kàpèrnàwumǔ, nyǐ nyà'ù tí dhu idzǐ Kàgàwà rǎràdù nyidzi òrù-akpà ò? Pbétù kà rǐ nyifò obvò, ndàdù nyabhu nyarà àhu òve-bvù.

¹⁶Tsùkú dhu nírì ale nírì wà tsùdú dhu. Ndirò, inzà nyí nàkò ale nákò nzá ima átò. Ndirò, inzà ima nàkò ale nákò nzá yà ima nívi ale.»

Àrùbhù kumì dòná óyò nà ábhàlì rǐ ì àdù dhu

¹⁷Kòkò Yèsù ùvinà àrùbhù kumì dòná óyò nà pbìndà ábhàlì náadù ì atdíđò nyú idhèya níka ì rórò. Ní, abádhí adù àtìnà Yèsù nǐ: «Ádrùngbálé, nzére-alafí mà nírì tsùká dhu, òvònu rǒ mà mòdì ì rò!»

¹⁸Ní Yèsù adù àtìnà abádhí nǐ: «Ma màla àlǎ Sìtani òrù-akpà ò rò rítsì, ràm̀bìli òvo bhèyi ró.

¹⁹Kòní ma màbhu wà ádrùngbànga tó òbi fùkù, ndíní nyí nyòbé tí osu mà áwìya nǐ arí ìndrù ùbǐ àwù-tidò màná-ònga nǐ. Ndirò ma màbhu wà òbi fùkù ndíní nyí nyònzì tí wò òmvù bhà kóró òbi lè mà nǐ. Ndirò, nyònzì rí nzére atdí dhu mà rǐ ì ìmbǎ.

²⁰Pbétù, dhu àkǎ nzá idhèku rìka ndì nzére-alafí rǒwu tsùkú dhu ìrì rǒ dhu-okú dò rò. Dhu àkǎ kà rìka ndì iwà ka kúndì òvòku òrù-akpà ò dhu-okú dò rò.»

Yèsù-idhè rǐ ndìkǎ dhu

(Màt 11.25-27; 13.1-17)

²¹Wò ndì kàsùmì ò tí, Kàgàwà bhà Ìlǐlǎ-Alafí náabhù Yèsù idhèna rìka ndì atdíđò. Ní kǎtì: «Òo Àba Kàgàwà, òrù-akpà mà yà adzi màná ò Ádrùngbálé, mà mìlè nyí atdíđò nyú, yà inga núnì, 'àdù dhu-ònga t'òvòta núnì ale rǒ nyí nyarù dhu ní nyí nyábhù ìnzǐ ka kádù òzùnà dhu tí ale nyú rùnì dhu-okú dò rò. Obhó tí Àbá, wò dhu bhèyi ní ndì nyí nyazè ndì dhu rònzì ndì.

²²Àbadu níibho wà kóró dhu fudú, ndirò atdí ale mà núnì nzá àdhi mà rǎrǐ Kàgàwà t'ìdhùnà, pbétù ka núnì ní kà t'Ábanà kèlě. Ndirò, atdí ale mà núnì nzá Àba rǎrǐ àdhi mà dhu, pbétù ka núnì ní kà t'ìdhùnà kèlě, ndirò yà kòzè ndìtè ka fǐyò ale màná.»

²³Wò dhu-dzidò, Yèsù agéré ndì pbìndà ábhàlì dò, ndàdù dhu òvò fǐyò tí òyá, ndàtì: «Hirò nònzì ale ní yà nyí nyálǎna dhu àlǎ rí ale.

²⁴Obhó tí, mà mǎtina nyí nǐ: ábhò pbànábì nyú, ábhò ádròdrò pbàkámá màná ní'ì dhu-atdyú nà 'àla yà nyí nyálǎna dhu, pbétù abádhí adù nzá ì dhu nála. Ndirò, abádhí ì'ì dhu-atdyú nà 'ìrì yà nyí nyírìna dhu, pbétù abádhí adù nzá ì dhu nírì.»

Ídzì afina nà Mùsàmàrìyà tó mbólì

(Màt 22.34-40; Mrk 12.28-34)

²⁵Uyátá tó atdí màlimò níivà ndì ndìvù dhu Yèsù-tsù kà-afí ndì ndomvú tí nǐ, ndàtì: «Màlimò, ádhu ndì àkǎkǎ mǎnzì, ndíní mà mabá tí dhòdhódhóngà tó ípìrònga?»

²⁶Ní, Yèsù adù dhu àdu kà tò, ndàtì: «Ádhu àlě tó Uyátá ò ka kándì? Ádhu kà ò nyí nyarí òzùna?»

²⁷Wò ale náadù dhu àdu ndàtì: «Dhu àkǎ nyoze pbùkù Ádrùngbálé Kàgàwà kóró afinu nyú nà, kóró atdyúnù nà, kóró òbìnu nà, ndirò kóró pbùkù ìrèta màná. Ndirò, dhu àkǎ nyoze òdhìnu yà nyí nyú nyí nyóze nyí nyí-tírò dhu bhèyi.»

²⁸Ní Yěsù adù dhu àdu kà tò ndàti: «Nyì nyòtè mběyi nyú. Ónzi ka, ní nyi nyádù ípìrǒnga nábà.»

²⁹Pbétù, wò Uyátá tó màlimò náazè ndòlè dhu fíndà. Ní kǎdù dhu ìvu Yěsù-tsǔ, ndàti: «Odhìdu ní àdhi?»

³⁰Nírò ní ndì Yěsù adù yàrí mbólí náwe. Kǎti: «Atdí ale núubhínà àwǔ rǒ Yèrùsàlemà tó kígò ò rò, ndámbe àrà dǒ Yèrikò tó kígò ò. Ní otu ǒ, ogbotále náakèrè ka, 'adù kòngbù, 'adù kàrǒ mùdzarù nùdha, 'adù òwu fíyó dhu nǐ, 'ùbhà àbadhi iwà òve-ngbò nòfò ró.

³¹Ní pbǎ ngbòró rò, atdí kùhanìnúubhínà ùda rǒ wò otu ǒ. Ní ndì ale ndì ndàla rò, wò kùhanì nùudà otu-igì dǒ, ndàdù àrà fíndá dhu nǐ.

³²Ndirò, atdí Mùlawì níra àhu ányìrǒ ndì dhu bhěyi tí. Ní, kǎndrì ndàla wòrí ale, ndàdù pbìndà otu nága igi, ndàdù àrà.

³³Pbétù, Sàmàriyà tó pbìrì ǒ atdí ale, wò ndì otu ǒ rárà, náarà àhu wò ngbǒna àvo ale tí. Ní ka ndì ndàla rò, àbadhi náadù izu àbà atdí dǒ kǎdǒ.

³⁴Ní, kǎdù òndri tdít dǒ íkyèrǒ nyú kà-ti'ò, ndì rùdho akye, dìvayì mànà kà-rǒ otú dǒ, ndàdù ndì otú nùtsì. Tdít dǒ, kǎdù kít dù ndìli pbìndà kayinò dǒ, ndàdù àrà nà olo-dzà ò. Ányì, kǎdù kàngbò nódò mběyi nyú.

³⁵Tsútsǎ nínganí, kǐdyi óyǒ fùrangà-kpǒ ndàbhù olo-dzà-àbadhi-fó, ndàdù àtìnà kà nǐ: «Ódò yàrí ale mběyi. Tdít dǒ ma múda iró rò, ma mítsi kǒkú dǒ rò nyì nyìwǐ tdít dǒ dhu nùbho indù ma-tírò.»

³⁶Wòrí mbólí dzidǒ, Yěsù adù dhu ìvu ndàti: «Ádhi ndì kǒkò ìbhù ale nzínzi ǒ ndì nàvi nyìkpónu ǒ wò ogbotále angbù ale t'ódhìnà tí?»

³⁷Ní, Uyátá tó màlimò náadù dhu àdu, ndàti: «Yà ídzìnga nònzi kà tò ale.» Ní Yěsù adù àtìnà kà nǐ: «Nyì nyú mà átò, àrà, nyadù dhu ònzi ndì dhu bhěyi.»

Yěsù rǐ'ì Màrità mà, Màriyà mànà mà t'ídzá dhu

³⁸Yěsù mà, pbìndà ábhàlǐ mànà rǐ'ì abhi ǒ rò, ní abádhí awù òtsù atdí pbanga ò. Ndí pbanga ǒ, Màrità tí kátina atdí tsìbhále náakò abádhí pbì idzá.

³⁹Ndí Màrità ní'ì inè Màriyà tí kátina awènà nà. Ní, ndì Màriyà náadì Ádrùngbǎle Yěsù tí íkyèrǒ nyú, ndámbe kà rùnǒna dhu níri dǒ.

⁴⁰Pbétù, Màrità adù ì'ì atdí dǒ idzá ábhǒ kasu náva tsina ró. Ní, íyàdhíyà arà Yěsù-ti'ò ndì dhu-okú dǒ rò. Kǎti: «Ádrùngbǎlé, wò awèdu ùbhà ima, mambe kasu ònzi dǒ atdí rò dhu nònzi tí nzá atdí dhu mà rùnù? Nírò, áví ka rìrà dzùnàdu ònzi.»

⁴¹Ní, Ádrùngbǎle Yěsù adù dhu àdu kà tò, ndàti: «Màrità! Màrità! Nyì nyí inga irè abho, tsinu ràdù ndàva ábhǒ dhu-okú dǒ rò.

⁴²Atdí dhu kèlè ní ndì àkǎkǎ dhu tí rǐ'ì. Màriyà òvò ídzi dhu nyú, yà ònzi atdí ale mà ràdù àkòná fóná rò.»

Lukà 11

Yësù rǐ ale ìtsò ka kádù tí dhu núdhě pbìndà ábhàlǐ tò dhu

(Màt 6.9-13; 7.7-11)

¹Atdíku Yësù náadì ndàmbe ndìtsò dǒ atdí ngari ǒ rò. Ní kǐtděgu ìtsòta nító, ní kàbhà ábhàlǐ nzínzi ǒ atdí ale náati kà nǐ: «Ádrùngbǎlé, údhě mǎ màkǎ mǒngò mǐtsò tí dhu fǎkà, àdhàdhì Bàtizò nubhónà Yùwanì núudhè ka pbìndà ábhàlǐ tò dhu bhěyi.»

²Ní Yësù adù dhu àdu abádhí tò ndàti: «Nyǐtsò nyǐ nyí rò, nyòngò àtìna: «Ábakǎ, ɔvɔnu àkǎ kuni Ìlǐlǎ Ɔvo tí. Ábhǔ dǒkǎ nyí nyí idzi ònyu ònǎ idho rǎkǎ.

³Óngò mǎ'ì nǎ rǎkǎ ònyù nǐbhò fǎkǎ bìlǐnganà.

⁴Úbà fǎkǎ nzérenga fǎkǎ, átò mǎ marí dhu ùba ɔnzíkǎ dhu nùfǎ ale tò nǐdhunǐ. Ndirò, àpé nyabhù mǎ mǒtsù umvútá ò.»

⁵Tdítdǒ, kádù àtìna abádhí nǐ: «Atdí nzínziku ǒ ale rǐ'ì ɔdhìnà nà, ndàdù ndìvǎ ndàrà iku-alikpa ǒ ndi ɔdhìnà bhà, ndìtsì àtìna kà nǐ: «Ɔdhí, ìbhò pé ìbhu mùgati mɔwɔ funú,

⁶atdí ɔdhìdu nǐrà àhu pbàkǎ, abhi ònǎ rò, ní ma mábhǔna kà rònyù dhu rǐ'ì ìmbǎ akèkpá màtí fudú.»

⁷Ní, idza nǎ rò wò ale náapé àdù dhu àdu ndàti: «Ìnzǐ ávǎ tsìdu. Tsǎtsù ka kàpbǐ wà. Mǎ mòyì wà pbàkǎ inzo mànà. Ní, ma mí nzǐ mivǎ marà mùgati àbhu indù.»

⁸Ní ma mí dhu ɔvo kpangba fǔkù: wò ale rǐ mbǎ àdù àdi ìnzǐ ndìvǎ ndì, ndìrà mùgati àbhu kà tò ɔdhìnà tí kà rǐ dhu-okú dò rò, pbétù kà rǎdù ndìvǎ, ndàdù kóró dhu yà kà rǐ atdyúna òho nábhu kà tò dhu ní, ìnzǐ ndì ndì ndìngyě rǒrò kà rǔbhi kònzì rǒ dhu.

⁹Nírò, ma mátina nyǐ nǐ: dhu àkǎ nyǒnzì dhu, ndirò ní ndi ka kádù kàbhu fǔkù. Dhu àkǎ nyǒnè dhu, ní ndi nyǐ nyádù kàbà. Ndirò dhu àkǎ nyǐtdǒ tsǎtsù, ní ka kádù kàpfò fǔkù.

¹⁰Obhó tí, dhu nònzì ale tò ka kádù dhu àbhu. Dhu nònè ale, rǎdù dhu àbà. Ndirò, tsǎtsù nǐtdǒ ale ní tò ka kádù tsǎtsù àpfò.

¹¹Ádhi pbá ale t'ábanà ndi idhùnà nónzi ìbhè fóná rò rǎdù osu nábhu kà tò?

¹²Ndirò ngǎtsi nǐ, idhùnà nónzi à'ǔ-bhǐ fóná rò, kà t'ádù áwìna nǐ arí ìndrǔ ùbǐ àwǔ-tidò nábhu àbhǔ kà tò?

¹³Nírò nyǐ nyú ngà, nzére ale tírò nyǐ nyárí ídzi dhu núbhò fùkú nzónzo tò rò, òrù-akpá ò arí'ì Ábaku rǎdù àdi ìngbà dhu bhěyi ìnzǐ ndàbhu Ìlǐlǎ-Alafí ka nònzì fóná ale tò?»

Yësù rǐ ɔte nádù ndì nòbhù ale tò dhu

(Màt 12.22-30; Mrk 3.22-27)

¹⁴Atdíku Yësù adì ndàmbe atdí ale nábhu ròngò iwǐ tí nzére-alafí nípfo dǒ ndi ale ò rò. Ní nzére-alafí nǐtděgu àhu, ní ndi ale adù ndòpè ndòtè, idho rǎdù ihé-yà núko atdítdǒ.

¹⁵Pbétù, ngúfe ale adù àtìna: «Kàrǐ nzére-alafí nódì Bèlìzèbulì tí kátina nzére-alafí dǒ ádrùngbǎle bhà ɔbi nǐ.»

¹⁶Ngǔkpākà-tsí náazè 'òmvù Yēsù-afí. Ní, abádhí náavì ka rònzì atdí wíwì, ndíní òrù-akpà ò rò kàbhà òbi írà dhu navì tí.

¹⁷Pbétù Yēsù núunì abádhí rǐrèna dhu angyangyi. Ní kǎdù àtìnà abádhí nǐ: «Atdí ádrùngbǎ kamà bhà pbìrì ǒ ale-ǒnga náapè àdù ndùndò, ní ndì ádrùngbǎ kamà bhà idzi-tsù rǎdù ndòdì òdì tí, ònà idza rǎdù 'ùgolo, atdídhená idza ràdrù ì ngǔkpà idza dǒ.

¹⁸Ní Pfòmvo náapè àmbe ndùgyè dǒ ndítírò, ní kàbhà idzi rǎdù àdì ìngbà dhu bhèyi ìnzì tsùna ròdì ndì, wò nyǐ nyátina Bèlìzèbulì bhà òbi nǐ ma rarí nzére-alafí nòdì rò?

¹⁹Ndirò, dhu apé ì'ì Bèlìzèbulì bhà òbi nǐ ma marí nzére-alafí nòdì dhu tí, ní fùkú ale náarádù kòdì àdhi bhà òbi nǐ? Ndi dhu-okú dò rò ní ndì, ì fùkú ale núunoyà ndì ànyǎkù.

²⁰Pbétù, dhu apé ì'ì ma marí nzére-alafí nípfò modì ìndrù ò rò Kàgàwà bhà ádrùngbǎnga tó òbi nǐ dhu tí, ní nyùnì dhu Kàgàwà rǐ idzi ònyu dùkú ònà idho nákwà wà.

²¹Òbi nà atdí ale, ndàdù ì'ì kóró fíndá mǎtsùmù nà, náapè àmbe pbìndà pbanga-ngbò nòdò dǒ, ní kàbhà dhu-tsí rǎdù òko mbèyi, ìnzì kìnza.

²²Pbétù ngǎtsi ale yà idzǐdzò ròsè kà dònǎ náapè àdù írà àhu, ndàdù kà lèmà nónzì, ndùdhǎ yà kǎrì ndòyò ròyá kóró kà-fó mǎtsùmù, ní ndì ale rǎdù kà-fó rò ndì ndùdhǎ dhu núndò òdhína tò.

²³Ìmbǎ rí'ì tidu ònǎ rò ale ní pbàkà òmvù, ndirò ìnzì rí dhu-tsù ùndù atdíkpá ìma mànà ale ní rǐ dhu ìnda ìnda tí.»

Nzére-alafí rǎdù ndàdu ndì ndahù ònà rò ale-ò tdítǎdǒ dhu

(Màt 12.43-45)

²⁴Yēsù adù àtìnà tdítǎdǒ: «Nzére-alafí náapè àhu atdí ale ò rò, ní ndì nzére-alafí náarí àrà, ndùbhi rùngù ònǎ mǎtí ndàmbe ndì ndàrà ndàso róngà nómè dǒ. Ní ìnzà ndì ndàbà ka rò, kà rǎdù àtìnà: «Ma mí madù yà ma mahù ònà rò pbà idza ò.»

²⁵Ányì ndì ndàrà àhu rò, kà rǐ ányì-dzá nga nótù iwà ka kǎtsù, kadù nyìnati òhù mbèyi nyú ró.

²⁶Nírò ní ndì kà rǎdù àrà àrùbhù ngǔkpà nzére-alafí, atdídǒ fíyó nzérenga-òbì ósè pbìndà òbi dònà nǎ núnzì, 'iwù òko mànà atdíkpá ndì ale ò. Ní wò dhu-dzidǒ, ndì ale bhà ófò rǎdù ì'ì nzére nyú ròsè yà angyi ì'ì kàbhà ófò dònǎ mǎtí.»

Hirò nǎnzìya ale

²⁷Wò dhu bhèyi Yēsù rǒte ònà kàsùmì ǒ, atdí tsìbhále náati kà nǐ ihé-yà nzínzì ò rò: «Índú ari ayò finatsù ò, nyadù ìbàna òndò tsìbhále nónzì wà hirò.»

²⁸Pbétù, Yēsù adù dhu àdu ndàti: «Hirò nyú nónzì ale ní yà Kàgàwà bhà Ote níri arí, 'adù ndì Ote rǎnǎna dhu nónzì ale.»

Yēsù rǒte ihé-yà nózè kǎnzì wíwì fíyò dhu dǒ dhu

(Màt 12.38-42)

²⁹Ihé-yà níitdègu 'òpè 'àndu ì Yèsù tí, ní Yèsù adù ọte òpè ndàti: «Indo arí'ì ale nari'ì nzéere ale nyú. Abádhí nózè kǎnzì wiwì kèlě fiyò. Pbéù, ka kí nzì atdí ngàtsi wiwì mà nítè abádhí tò, inzà ní Yǎnà rǎ ndì nanzì dhu kèlě nádi wiwì tí abádhí tò rò.

³⁰Àdhàdhì yà nabì Yǎnà rǎ ndì nanzì dhu ní'ì wiwì tí Nínawè ǒ bhà tò dhu bhěyi, Ìndrù t'ídhùnà rǎ rí ndǎnzì dhu ní'ìya wiwì tí kǎkà indo arí'ì ale tò.

³¹Ndirò ìndrù-ànyǎ nítdì ka kí nínganí, Sabà tó pbirì ǒ ádrùngbǎ tsìbhá kamà níivàya ndì, ndidè indo arí ale-nyìkpa rǎ, ndàdù abádhí-ànyǎ nítdì. Obhó tí, kǐra yà adzi-tsù adì ndì ì rò, ndìrà dhu-ǎnga t'òvòta nuni ádrùngbǎ kamà Sòlòmǎnì rǎnǎna dhu níri. Ndirò nyùni dhu, yà ǎnzìkú idè ale nósè wà Sòlòmǎnì dǎnǎ màtí.

³²Ndirò, ìndrù-ànyǎ nítdì ka kí nínganí, Nínawè ǒ bhà níivàya ì, 'ìkò kǎkà indo arí ale-nyìkpa rǎ, 'àdù abádhí-ànyǎ nítdì. Obhó tí, Nínawè ǒ bhà núugèrè ì, 'ùbhà fiyó nzéere mùtso Yǎnà rǎnǎna dhu ì ìrì rò. Ndirò nyùni dhu iró rí'ì ale rùdà wà Yǎnà dǎnǎ màtí.»

Ale-nyìkpó ní ale-ngbò rǎ tarà

(Màt 5.15; 6.22-23)

³³Tdítdǎ Yèsù adù ọte ise ndàti: «Atdí ale mà rǎ nzì àdù tarà nóbì, ndàdù ìlinà ndì nórù ngari ǒ, ngàtsi nǐ ndàdù àtsìnà itǎ-tsi. Pbéù kà rǎdù kòbì, ndàdù àgùrùnà ọrú, ndíni idza rítsù ale-nyǐnga nawù tí.

³⁴Nyìkpónu rǐ'ì àdhàdhì ngbǎnu nǎwù rí tarà bhěyi. Nyìkpónu náapé ì'ì idzì rǎ rò, ní kóró ngbǎnu rǎdù ì'ì awáwù ǒ. Pbéù nyìkpónu náapé ì'ì mbǎ idzì rǎ rò, ní kóró ngbǎnu rǎdù ì'ì ìnò ǒ.

³⁵Ní dhu ǒfò nga nyòdò afínu ǒ rí'ì awáwù mběyi, ìnzì ongo tí ìnò tí.

³⁶Ndirò kóró ngbǎnu náapé àwù, ìmbǎ rùnù atdí ngari mà rǐ'ì ìnò ǒ, ní kóró ngbǎnu rǎdù àwù, àdhàdhì yà atdítdǎ ráwù tarà nátdyi ngbǎnu dhu bhěyi.»

Yèsù rǎrù Pbàfàrisáyó mà, Uyátá tó màlímó mànà dǎ dhu

(Màt 23.1-36; Mrk 12.38-40; Luk 20.45-47)

³⁷Wò Yèsù rǎte ǎnǎ kàsùmì ǒ ní ndì, atdí Mùfàrisayò náanzi ka rǎrà ǎnyù nónyù pbìndà. Ní, Yèsù atsù kǎbhà idza, ndàdi ǎnyù-tsùnǎ.

³⁸Ní, idho núukò wò Mùfàrisayò atdítdǎ nyú yà Yèsù rǐ ǎnyù nópè ndǎnyù inzà ndì ndù'ò ọtsúnà rórò dhu ndì ndàla rò.

³⁹Pbéù, Ádrùngbǎle Yèsù adù àtìnà kǎnǐ: «Nyǐ, Pbàfàrisáyó tírò, Nyǐ nyárí kópà mà sǎnì mànà ngbò kèlě nú'ǒ, pbéù afíku ǎnǎ rò nyádù ì'ì ùlè tí nyǐ nyùlè ogbo t'ǎnzita mà, nzérenga t'ǎnzita mànà-atdyú nǐ ró.

⁴⁰Nyǐ ní ìmbǎ dǎya nà ale. Kàgàwà, yà ale-ngbò nanzì, náanzi tí obhó ale-afí átò?

⁴¹Ní dhu àkǎ nyùbho afíku nyú ǒ rò àhu dhu perè tí Kàgàwà tò. Ndi dhu bhěyi ní ndì nyǐ nyádù ìlǎ Kàgàwà-nyìkpó ǒ.

⁴²Nyǐ Pbàfàrisáyó tírò, nyǐ nyí'ì àpbè ǒ! Nyǐ nyárí ǎnyù nábhù arí ròvù ìrì-bǐ-tidò mà, kóró itò-tidò mànà tó atdínga idre dǎ núbhò perè tí Kàgàwà tò, nyádù àdzo obhónánga

ònzì nyí nyí dhu mà, Kàgàwà òzè nyí nyí dhu màná dhu rǒ rò. Kǒkò ní i àkǎkǎnà nyǒnzì dhu, inzà nyí nyàdzo kǒkò angyangyi nyí nyarónzina ngǔkpà dhu rǒ rò rórò.

⁴³Nyí Pbfàrìsáyó tírò, nyí nyí'ì àpbè ǒ! Pbfàhúdì tó unduta-dzà ǒ, nyí nyáí nyòzè nyòkò angyinǎ rò rí'ì tombi dǒ, ndírò ìndrǔ arí 'ùndǔ òyá ngari ǒ, nyí nyáí nyòzè kowù nyàtsè rǒ ifuta nyú nà!

⁴⁴Nyí nyí'ì àpbè ǒ! Nyí nyúli nyí inzǐ arí 'àlǎ adzido, yà ìndrǔ arúbhi dòyá inzà i ùni rórò bhěyi.»

⁴⁵Tdítdǒ, Úyátá tó atdí màlimò náati Yèsù nǐ: «Màlimò, wò nyí nyótèna ɔte ǒ, nyí nyùnò wà dhu mà nǐ átò.»

⁴⁶Ní Yèsù adù dhu àdu kà tò ndàti: «Nyí, Úyátá tó màlímó tírò, nyí nyí'ì àpbè ǒ átò! Obhó tí, nyí nyáí odú rǒ'ò ànòna ka kí rò ànò núgbǎ ìndrǔ dǒ, inzǐ nyàdù nyòzè nyǎpbàlǎ i ànò-ngbò ɔtsúku-dò nǐ màtí.

⁴⁷Nyí nyí'ì àpbè ǒ! Nyí nyáí Kàgàwà bhà pbànábi-adzido nórù, àzèmbè pbání abáku kèlě náakyè abádhí rórò!

⁴⁸Wò dhu bhěyi ní ndi nyí nyítè dhu kpangba iwà nyí rà'ù abáku anzì dhu. Obhó tí, abádhí náakyè Kàgàwà bhà pbànábi, ndírò nyí nyarádù i pbànábi-adzido nórù.

⁴⁹Wò dhu-okú dò rò ní ndi, Kàgàwà náavò dhu kpangba dhu-ǒnga t'òvòta tó pbìndà irèta nǐ ndàti: «Ma mí pbàkà pbànábi mà, pbàkà uvitatále màná núvì abádhí nzínzì ò. Ní abádhí nókkyeya kǒkò ma mòvì ale nzínzì ǒ atdídhéná ale, 'àdù àvu ngǔkpà-tsí rǒ.»

⁵⁰Ndi dhu bhěyi ní ndi, Kàgàwà nítdi ya yà indo arí'ì ale-ànyǎ, yà yà adzi Kàgàwà anzina rò ndi nufu Kàgàwà bhà pbànábi-azù-okú dò rò,

⁵¹ròpè ndi Àbèli-azù rǒ rò, rǎrà àhu Zàkàriyà-azù ò. Ndi Zàkàriyà ka kahò Kàgàwà bhà idzá màzàbahù mà atdítdǒ ìlǎ ngari màná nzínzì ǒ rò. Obhó tí, ma mí kùnò kpangba fùkù, Kàgàwà nítdi ya yà àkye ka kakyè ale-abvò-ànyǎ yà indo arí'ì ale dǒ.

⁵²Nyí, Úyátá tó màlímó tírò, nyí nyí'ì àpbè ǒ! Nyí nyíwà inga t'ùnita tó tsàtsù tó fùngulà, inzǐ nyàdù nyòzè nyòtsù nyí-tírò ndi tsàtsù ǒ, ndírò nyàdù nyúvo i nòzè 'òtsù kà ǒ ale rǒ inzǐ ròtsù!»

⁵³Yèsù nítdègu ndivà uró rò, ní Úyátá tó màlímó mà, Pbfàrìsáyó màná náakó atdítdǒ kà rǒ, 'àdù 'òpè 'òngù ábhǒ dhu nyú kà-tsù.

⁵⁴Abádhí nówúnà kà-afí nómvù rǒ ɔte nǐ ndínǐ i idyi tí kà-idà-dò 'àdù kòbhù dóná.

Lukà 12

Yèsù rǐ pbìndà ábhàlǐ-nyìkpó nítdyù dhu

(Màt 10.26-27)

¹Wò ndi kàsùmi ǒ, ábhǒ ihé-ya náandu i Yèsù tí, 'àkpòrò kà-ngbò, ale-pfò kafó rónge mà ràwí. Nírò ní ndi Yèsù apè ndòtè pbìndà ábhàlǐ tò angyi, ndàti: «Nyòdò nyí mběyi Pbfàrìsáyó tó afi rǒ rò. Ndi afi ní abádhí tó ɔyoyò ale-idà.

²Kóró dhu-tsí yà ì nuru núuniya ì kpangba. Ndirò kóró dhu-tsí yà òdhǔ ǔ aróko núuniya ì kpangba.

³Ndi dhu-okú dò rò ní ndi, yà ìnò ǔ rò nyǐ nyòtè kúbhingá dhu náaraya ndiri rǔ kpangba awáwù ǔ. Ndirò, yà bhèlu ǔ nyǐ nyòtè kàluga ǔ rò dhu núku rǔ ka kowuya ìkǔ ǔ idza dǔ rò.»

Ádhi ndi àkǎkǎ kǔnzì ɔdòna?

(Màt 10.28-31)

⁴Yèsù adù àtìna tǔtǔdǔ: «Odhídǔ, ma mí yà dhu núno fǔkù: dhu àkǎ nzá nyǔnzì yà ngbǔku kèlǔ nóho rí, ndi dhu-dzidǔ ìmbǎ 'àdù ì'ì rǔkǔ ì ónzina ngǎtsi dhu nà ale-ɔdò.

⁵Ma mí ɔdòna àkǎ nyǔnzì ale nítè fǔkù. Nyǐ nyàkǎ nyǔnzì ɔdòna ale ní Kàgàwà, yà ìndrǔ ndi ndòhò rò rádù ì'ì ádrùngbǎnga tó ɔbi nà ndòbvù ndi ale ìnzǐ aráve dhòdhóhonganà kǎzu ò ale. Obhó tí, ma mátna nyǐ nǐ: ndi ale ní ndi nyǐ nyàkǎ nyǔnzì ɔdòna.

⁶Imbò àrè-tútǔ-nzo nódzi ka ka tí obhó óyǔ fùrangà-kpǔ-nzo rǔ tí? Pbétù, atdí kǔkò àrè-tútǔ-nzo nzínzì ǔ mà náarí nzǐ àdzo Kàgàwà ònǎ rò ìnzǐ kà ròdò ngbǔna.

⁷Ndirò Kàgàwà úni wà dùku-ká-vé-bvu mà kóró. Ní ìnzǐ nyònzì ɔdò! Obhó tí, fùkú ìpìrǔnga nósè wà ábhǔ àrè-tútǔ-nzo tó ìpìrǔnga dònǎ màtí.»

Yèsù bhà ale tí ka kóko dhu mà, kòdhò ka kí dhu màna

(Màt 10.32-33; 12.32)

⁸Tǔtǔdǔ kǎdù àtìna: «Ma mátna nyǐ nǐ: ndi ale náapè dhu ùno kpangba ábhǔ ale-ònzǐ ndàtì ndi rǎrǐ pbàkà ale, ní Ìndrǔ t'ídhùnà náadùya àtìna átò Kàgàwà bhà màlàyíká-ònzǐ, ndi ale rǎrǐ pbìndà ale.

⁹Pbétù, mǔdhò rí ìndrǔ-ònzǐ ale ní ma mǔdhoya átò Kàgàwà bhà màlàyíká-ònzǐ.

¹⁰Ndirò, Ìndrǔ t'ídhùnà nǐ rí dhu ùno nzére ale, náabáya àbà pbìndà nzérenga tó ubàta. Pbétù Kàgàwà bhà Ìlǎ-Alafí nǐ rí dhu ùno nzére ale, náabáya nzǐ ubàta akekpá màtí.

¹¹Nyǐ nà ka kówu ànyǎku kítǔ tǐ unduta-dzà ǔ rò màtí, pbàkámá-ònzǐ rò màtí, ndirò ngǎtsi nǐ pbanga ǔ ádròdrǔ ale-ònzǐ rò màtí rò, ní àpé nyòwuya afíkù nítu rǔ nyǐ nyǐ rǔkǔ dhu nísǔ tǐ dhu mà, ndirò nyǐ nyúnɔna dhu mà nǐ.

¹²Obhó tí, Ìlǎ-Alafí náaraya ndi nyǐ nyúnɔna ndi kàsùmì ǔ dhu núdhe rǔ fǔkù.»

Kpóna ǔ ìwǐ nà ònzítále tó mbólí

¹³Ihé-yà nzínzì ǔ rò, atdí ale náati Yèsù nǐ: «Màlimǔ, áví adòdu rùndò yà àbadu núubhà òvè ndi ndóvè rò dhu-ǔnga fóká.»

¹⁴Ní Yèsù adù dhu àdu kà tò ndàtì: «Ádhi ndi ìma níli ndínǐ mongó tǐ ànyǎku núno, madù fùkú dhu núndò fukú?»

¹⁵Tǔtǔdǔ, Yèsù adù àtìna kóró ale nǐ: «Nyàndà nga mbèyi! Nyòdò nyǐ ábhǔ ongyéngá-atdyú òho nyǐ nyǐ nyàbà dhu rǔ rò. Obhó tí, ìnzǐ ní ábhǔ ongyéngá ndi ìndrǔ tò rádù ìpìrǔnga nábhu.»

¹⁶Nírò ní ndi Yësù náadù yàrí mbóli náwe ihé-yà tò. Kǎti: «Ònzõnzì atdí ale bhà inga ò ònyù náanzì, ndàdù ò'ò mběyi nyú.

¹⁷Ní kǎdù ndòpè ndirè nga afína ò, ndàti: «Ádhu ndi àkǎ àkǎ mǎnzì yà ìmbǎ ma mí'ì pbàkà ònyù-tsè-tsù nùndù ma mí òná ngari nà rò?

¹⁸Kǎnǐ ma mǎnzina dhu: ma mí pbàkà óngòlǐ nùgòlò, madù ádròdrò ngǔkpà-tsí nùsi. Wò dhu-dzidò, ma mí kóró pbàkà ònyù-tsè mà, kóró pbàkà ngǔkpà ongyéngá mà nà nùndù mǎli i óngòlǐ ò.

¹⁹Nírò ní ndi ma mí inga ìrè afídu ò mati: nyi nyí'ì inè nyòdo rí ibí ato nyú tí ábhò dhu-tsí-yà nà. Ní ásò nyi, ónyu nyi, ómvù nyi, ndirò ónzi mǎhendù.»²⁰Pbétù, Kàgàwà náadù àtìna kǎnǐ: «Nyí, nyìkpóna ò ìwǐ nà alé, indo yàrí iku ò, nyi nyí yàrí adzi núbha! Ní, yà nyi nyúndu nyòdù dhú-yà núbhà nyi nyí àdhi tò? »

²¹Wò dhu bhěyi tí ní ndi ndi dhu rǐ'ì yà dhu-tsù ùndù arí fǐndà, ìmbǎ ndàdù ì'ì ònzitále tí Kàgàwà-nyìkpó ò ale tò.»

Kàgàwà arí pbìndà ale dzùnà ònzi tí dhu

(Màt 6.25-34)

²²Tdítdò Yësù adù àtìna pbìndà ábhàlǐ nǐ: «Kòñǐ, wò dhu-okú dò rò ní ndi ma mátina nyǐ nǐ: dhu ràkǎ nzá nyítù afíku fùkú ípìrõnga-okú dò rò, ndirò ngbòku-okú dò rò nyàti, nyǐ rǎrǐ àdhu nónyu, ndirò nyǐ rǎrǐ àdhu náfò rùkú.

²³Obhó tí, ìndrù bhà ípìrõnga nòsè wà ònyù dònǎ, ndirò ale-ngbò nòsè wà mǎdzarù dònǎ.

²⁴Nyàndà pé àkǔrù! Abádhí náarí nzǐ dhu òzò, ndirò abádhí náarí nzǐ ònyù ògu ònzi-bvù rò. Ndirò abádhí-fó, ònyù òdo ka karí òyà àrò mà, óngòlǐ mà nà náarí'ì mbǎ. Pbétù Kàgàwà náarí ndi abádhí nóngù! Nírò, fùkú ípìrõnga nòsè wà atdítdò kòkòrí àrè tó ípìrõnga dònǎ!

²⁵Ádhi-pbá ale ndi nzínziku ò, wò afína ndi dìtù ndámbe ìrèna dǒ dhu bhěyi, rádù idhòna nítrò yà adzi ò atdí idhò nǐ màtí?

²⁶Ní, dhu rǐ'ì ìnzǐ nyǐ nyádù kòkò isó ró'ò dhu bhěyi rólo dhu sòwòrò nónzì dhu tí, ní ádhu nyǐ nyádù afíku nítu ngǔkpà dhu-tsí nǐ ní?

²⁷Nyàndà pé kòkò inga ò arí inga dhu-tsí náarípò tí dhu. Abádhí náarí nzǐ kasu nónzì, ndirò abádhí náarí nzǐ mberù nódyù. Pbétù ma mí obhó dhu núnò fùkù: ádràngbǎ kamà Sòlòmòni nyú mà, kóró pbìndà ònzì-íyà ò, náafó nzá kòrí itsu-opfò nzínzì ò atdí itsu-opfò tó aya dònǎ màtí fǐndá aya rǔda mǎdzarù.

²⁸Írì-bǐ ní indo tí rí ndàlǎ inga ò, tsútsǎ ràdù òtdyù, kǎdù òbvùnà kàzù ò dhu. Pbétù Kàgàwà náarádù abádhí ùfò mběyi nyú. Ní kà tí nzǐ àdù nyǔfò mběyi nyú ròsè i írì-bǐ dònǎ màtí, nyǐ ákě a'uta nà alé?

²⁹Ní nyǐ, dhu àkǎ nzá nyítù afíku, nyámbe nyǐ nyónyuna dhu mà, nyǐ nyómvùna dhu mà nà dhu nóne dǒ.

³⁰Obhó tí, kóró kǎkò dhu nóne arí ìnzí ì'í ìngyě rórò ale ní yà adzi ǒ ale, yà inzà Kàgàwà ná'ù. Pbé̀tù nyí, Àbaku Kàgàwà núnì wà dhu nyí rǎrǎ'í i dhu-atdyú nà.

³¹Nírò, nyòme pé Kàgàwà bhà idzi angyi, ndirò ní ndi kà rǎdù kǎkò nyí nyí atdyúya òho dhu námà àma tí fùkù.

³²Ìnzí nyònzì ọ̀dọ̀, wò ákě tàmà tó màhò-ngba bhèyi nyí nyí'í ngúfe rò! Obhó tí, Àbaku-nyìkpó dhu ọ̀fò wà, ndàbhu p̀bìndà Idzi fùkù.»

Òrù-akpà ò ka kí ongyéngá-tsù nùndù dhu

(Màt 6.19-21)

³³Kǎdù àtìnà tdítǎ: «Nyùdzí fùkù arí'í dhu-tsí, nyǎdù nyí nyòngyè fùrangà núbho perè tí nǎkùtále tò. Nyòbhòlò ìnzí rǎdù 'ìnza ísòwǎ, nyǎdù fùkù ongyéngá-tsù nùndù òrù-akpà ò. Ányì, kà rǎ nǎ àdù ndi ìnza, ogbotále mà rǎ nǎ àdù òwu ùvò ányì, ndirò akuku mà rǎ nǎ àdù dhu òbhè ányì.

³⁴Obhó tí, p̀bùkù ongyéngá rǎ'í i nga ní ndi afinu rǎdù ì'í ònà átò.»

Kasù tó Ádrùngbǎle rǐngò dhu nǎkǎ kòdò tí dhu

(Màt 24.36-44; 25.1-30; Mrk 13.33-37)

³⁵Tdítǎ Yèsù adù àtìnà p̀bìndà ábhàlǐ nǐ: «Nyòko kengè dǎ, nyǎdù mvuku'ò nísò kùkyè nǐ, fùkù tarà rǎdù òko òrù i órù rórò.

³⁶Ndirò, dhu àkǎ nyùlì nyí átò yà fìyó kasù tó ádrùngbǎle nódo rí rìngò àdhìngbǎ ka kùndà nǐ m̀hèndù ò rò kasutále bhèyi. Ní, kìrà àhu, ndìsì tsàtsù nítǎ rò, abádhí rǎdù tsàtsù nǎpfò kà tò ányìrò rò tí.

³⁷Ní, hirò nǎnziya kasutále ní yà fìyó ádrùngbǎle rǐrà àhu dhu nóotúya ípìrò rò ale. Ma mí obhó dhu núnò fùkù, wò kasù tó ádrùngbǎle rǐrà àhu rò, kǎfóya kasù tó p̀bìndà mberù róná. Wò dhu-dzidǎ, kǎdùya p̀bìndà kasutále nóhù, ròkò ònyù-tsùnǎ, ndàdù ònyù nábhu abádhí rònyù.

³⁸Iku-alikpa ǒ màtí, ngǎtsi nǐ à'ù-akpà-òngǎ ǒ màtí kìrà àhu rò, hirò nǎnziya ní yà ípìrò rò kà ròtùna ale.

³⁹Nyàlǎ yà ma múnona dhu mbèyi dùku ò. Idza-àbadhi náapè àdù ogbotále rǐrà ònà kàsùmì núnì, ní rǎ nǎ àdù p̀bìndà idza-tsù nábhu ogbotále rùkò.

⁴⁰Ní, nyí nyú mà átò, nyòko nyìkpóku nà, Ìndrù t'ídhùnà níraya inzà nyí nyìrènà ndi ndádù ìrà ònà dhu tí kàsùmì ǒ nídhunǐ.»

Ndì nífu kasutále tó mbólí

(Màt 24.45-51)

⁴¹Péterù adù dhu ìvu kà-tsù ndàtì: «Ádrùngbǎlé, nyi tí wòrì mbólí nǎwě fǎkà tí, ndirò nyi tí kǎwě kóró ale tò?»

⁴²Ní, Ádrùngbǎle adù dhu àdu ndàtì: «Ádhi-pbá kasutále nyìkpóna ótdyù, yà fìndà ka kàvinà dhu ònzì arí? Ndi ale ní ndi yà p̀bìndà kasù tó ádrùngbǎle náadùya ìlìnà p̀bìndà ale dǎ ádrùngbǎle tí, rǎrà ònyù nùndò rǎ abádhí tò àkǎkǎ kàsùmì ǒ.

⁴³Ní hirò nɔnzɪya kasutále ní yà pbìndà ádrùngbǎle ríngò rò kà ròtùna yà fíndà ka kavi kasu nɔnzɪ arí ró ale.

⁴⁴Ma mí obhó dhu núno fùkù, kabhà kasu tó ádrùngbǎle níliya ka kóró pbìndà dhu-tsí dǒ ádrùngbǎle tí.

⁴⁵Pbétù, wò kasutále náapé àdù inga nírè afína ò ndàti: pbàkà kasu tó ádrùngbǎle ní dhu úmbè wà, ndàdù ndòpè ndòvì yà ì arí kasu ònzì mànà atdíkpá kpabhále mà, vèbhále mànà, ndàdù àrà ndònyù rǒ, ndàdù ndòmù, ndòrì,

⁴⁶ní kabhà kasu tó ádrùngbǎle rǐ ndàdù inzà kìrènà idho ǒ, ndirò inzà kùnìnà kàsùmì ǒ rò, ndì ádrùngbǎle náabhùya atdíǒ órù màlìpò kà tò , ndàdù kòbvù yà ìnzì arí fǐyò ka kavi dhu ònzì ale nzínzì ò.

⁴⁷Ndì kasutále, yà iwà ndì ndúni pbìndà kasu tó ádrùngbǎle-afí nózè dhu rórò rádi ìnzì ndòbhòlò ndì, ìnzì ndàdù pbìndà ádrùngbǎle ózè dhu ònzì, náabáya mùgò abhò nyú ròsè.

⁴⁸Pbétù inzà ndì ndúni pbìndà kasu tó ádrùngbǎle-afí ózè dhu dhu-okú dò rò rí dhu àfǎ ale, ndì afátá ràdù kòzè kùvì, ní ndì ale náabáya mùgò ngúfe tí. Abhò ka kubhò dhu fóná ale-fó ka konziya dhu abhò, ndirò abhò nyú ròsè ka kubhà dhu fóná ale-fó ka kadùya dhu ònzì abhò nyú ròsè.»

Ìndrǔ-ǒnga rǐ ndùndò Yèsù-okú dò rò dhu

(Màt 10.34-36)

⁴⁹«Ma mírà kàzù ma mìvó tí yà adzi dǒ, ní ma mòzè wà ndì kàzù rǐrǐ.

⁵⁰Ma mí atdí bàtizò nà ma màlǔna. Ní, ìtǔ kà rǒ'ò rùdù dhu bhèyi, kàkǎ wà ndònzì ndì.»

⁵¹«Nyǐ nyìrè tí nga ma rǐrà màrùngà níbhò yà adzi ǒ? Ìnzì ní ndì dhu bhèyi, akekpa màtí. Pbétù ma mírà ìndrǔ-ǒnga nábhù rùndò ì.

⁵²Obhó tí, ròpè ndì kòmbí, imbo rò aróko atdí idza ǒ ale-ǒnga náarana ndùtù rǒ ɔyɔ, ìbhù ale ròndrò óyǒ ale, ndirò óyǒ ale ràdù ìbhù ale nóndrò.

⁵³Àbanà náaraya idhùnà nóndrò rǒ, idhùnà ràdù àbanà nóndrò. Íyànà náaraya ivànà òndrò rǒ, ivànà ràdù íyànà nóndrò. Aguna-àyi náaraya pbìndà àdhìngbǎ nóndrò rǒ, àdhìngbǎ ràdù pbìndà aguna-àyi nóndrò.»

Kombí ràdù ndònzì dhu núnǐ ka kí-dhu

(Màt 16.2-3)

⁵⁴Yèsù adù àtìnà átò ihé-yà nǐ: «Nyǐ nyapé àpbù nǎlǎ adyifò arótsù inǎ rò rǐrà ró, ní nyǐ nyarí àdù àtìnà ànyìrǒ rò tí ìkǒ igye rǎrǐ ìkǒ, ndì dhu ràdù ndònzì ndì dhu bhèyi tí.

⁵⁵Ndirò, nyǐ nyapé awe àlǎ mùsùngú dònǎ rò rǐrà ró, ní nyǐ nyarí àdù àtìnà ìka adyifò rǎrǐ ìka, ndì dhu ràdù ndònzì ndì dhu bhèyi tí.

⁵⁶Nyǐ ní ɔyɔ-ɔyɔ idàya nà ale. Nyǐ nyarí yà adzi dǒ rí 'ònzì dhu mà, òrù-akpà-nyì rǒ rí 'ònzì dhu mànà dhu núnǐ mbèyi nyú. Ní, ádhu ìnzì nyǐ nyarí àdù yà kòmbí rǐ'ì kàsùmì ǒ rí 'ònzì dhu rǎnɔna fùkù dhu núnǐ ní?»

Ìndrũ mà rĩ 'ìrì ndì nòbhù ale nà dhu

(Màt 5.25-26)

⁵⁷ «Ádhu ìnzì nyĩ nyárí dhu-ǒnga òvò nyĩ-tírò, ndínĩ nyĩ nyuni tí obhónánga tó dhu tí rí'ì dhu nĩ?

⁵⁸ Dhùwani ò nyĩ nyówu nyi nòbhù ale mànà rò, dhu àkǎ nyonzi obi nyĩrì nyĩ ndi ale nà, nyĩtò ndi dhu òko nyĩ nyòko otu ǒ rórò. Inzá nyi nyonzi ka ndi dhu bhěyi rò, kà ràdù àrà nyabhù anya t'ítàtá t'ále-fó, i ale ràdù nyabhù pùrùsi-fó, ndi pùrùsi ràdù nyosò imbi ò.

⁵⁹ Ma mí obhó dhu núno indù: nyi nyí nzi àdù àhu imbi ò rò inzá nyi nyùbho dùnú ka kòtdì dhu, riku kóró rórò.»

Lukà 13

Ìndrũ rĩ 'ùgèrè 'ùbhà fiyó nzére m̀tsò dhu

¹ Ndi kàsuni ǒ, ngúfe ale níwú Gálilayà tó pbìrì ǒ bhà rǒ ndi nònzi dhu náwe Yèsù tò. Abádhí ati, Pilatò ràbhù i ale kòkyè, azùya rùngbò ndi yà abádhí rùbhòna perè tí ìzà-azù mànà.

² Ní Yèsù adù àtìnà abádhí nĩ: «Nyĩ nyìrè tí dhu kǒkò i Gálilayà ǒ bhà rí'ì i nzérenatále ròsè Gálilayà tó pbìrì ǒ kóró ngǔkpà ale dònǎ, wò dhu bhěyi ka kakyè abádhí dhu-okú dò rò?

³ Ma mátina nyĩ nĩ, ìmbǎ kà rí'ì ndi dhu bhěyi. Pbétù, ìnzì nyĩ nyapè nyùgèrè, nyùbhà fùkú nzére m̀tsò, ní nyĩ nyúve kóró átò!

⁴ Ndirò, atdí kumì dònǎ àrù nà ale, yà Silòamù tó m̀narà núgòlò ndi d̀yá ràve, ní nyĩ nyìrè tí dhu abádhí rí'ì nzérenatále ròsè Yèrùsàlemà tó kígò ǒ kóró ngǔkpà ale dònǎ?

⁵ Ìnzì akekpa màtí. Pbétù, ìnzì nyĩ nyapè nyùgèrè, nyùbhà fùkú nzére m̀tsò, ní nyĩ nyuvèya kóró ndi dhu bhěyi.»

Ìnzì arí ò'ò m̀tinì-kpa tó mbóli

⁶ Tdítdǒ Yèsù adù yàrí mbóli náwe átò ndàtì: «Atdí ale ní'ì m̀tinì-kpa nà pbìndà vinyò tó inga ǒ. Ní k̀ra ndínĩ ndopé tí itsu-kpǒ ndi m̀tinì-kpa dǒ, pbétù kǎdù nzá atdí dhu mà nótù kà dǒ.

⁷ Ní kǎdù àtìnà ndi vinyò tó inga kàsù nónzi arí ale nĩ: «Ándà pé! Kànĩ ato náhu wà ìbhù nyú yà ma marí ìrà m̀tinì-kpǒ ma m̀pé tí yàrí m̀tinì-kpa dǒ ró, ní ma marí nzi atdí dhu mà nótù kà dǒ. Ní ókèrè ka, inga-ǒnga ní'ì kǎrí kòkórò dhu-okú dò rò.»

⁸ Wòrí kasutále náadù dhu àdu kà tò ndàtì: «Ádrùngbǎlé, ítsè kà radì pé yàrí ato ǒ tí. Ma mí kà-pfò-rǒnga nóbhì, madù ìkyì-zì nútò ròná.

⁹ Ní ngǎtsi nĩ, kǎdùya ò'ò ò'ò tdítdǒ rírá ato ǒ. Ndirò inzá kò'ò rò ní ndi nyi nyadùya kàbhù kòkèrè.»

Yèsù rĩ òtsòtsù tsìbhále nígũ dhu

- ¹⁰ Atdíku, sàbatù-idhò ǒ, Yěsù adì ndàmbe dhu núdhe dǒ unduta-dzà ǒ rò.
- ¹¹ Ní atdí tsìbhále ní'ì inè ányì idzá. Ndi tsìbhále ní'ì yà ònà arí'ì nzére-alafí ábhu adzína-kpa ràtdò ndì, ìnzì róngò ndàto ake màtí, ràrà àhu atdí kumì dòná àrù nà ato tí.
- ¹² Ní Yěsù itdègu wò tsìbhále àlà, ní kǎnzi íyàdhíyà, ndàdù àtìnà nǐ: «Tsìbhálé, nyí nyògù wà pbùkù andì ǒ rò.»
- ¹³ Ní Yěsù adù otsúna núlì wòrì tsìbhále dǒ, ányìrǒ rò tí kǎdzí-kpa ràdù ndàto, íyàdhíyà ràdù ndòpè ndífu Kàgàwà.
- ¹⁴ Ní unduta-dzà ǒ ádrùngbǎle nítdègu Yěsù ìgǔ wòrì tsìbhále sàbatù-idhò ǒ dhu nǎlà, náakó atdíidǒ. Ní wòrì ádrùngbǎle náati ihé-yà nǐ: «Ìndrǔ ràdù kasu nónzì òyá idho náarí'ì aza. Ní nyòngò ìwu nyí nà kigǔ nyí ì aza idho ǒ, ìnzì ní sàbatù-idhò ǒ!»
- ¹⁵ Ádrùngbǎle Yěsù adù dhu àdu kà tò ndàti: «Nyí ní ɔyɔyɔ idàya nà ale! Sàbatù-idhò ǒ tí, nyí kóró, nyí nyatí nzì fùkú ìkyì-akpá mà, fùkú kayinò mànà núngà kìwalì ǒ rò rí dhu ònyu rórò, nyàdù ùndànà ròwù idha nómuvù?»
- ¹⁶ Ní yàrí tsìbhále ní Àbràhamù-dhù-bvǔ tsìbhíngba, ndìrò Sìtanì núutsi ka ràrà àhu atdí kumì dòná àrù nà ato nyú tí. Ní dhu àmbènà tí obhó àkǎ kíkòlò ka Sìtanì bhà imbi ǒ rò sàbatù-idhò ǒ?»
- ¹⁷ Wò dhu bhěyi Yěsù ìvǔ dhu rò, yà kà-rǒ òmvǔ tí rí'ì kóró ale-nyí náadù ìwu atdíidǒ. Pbétù, ihé-yà-idhè náadù ndìka atdíidǒ, yà Yěsù rǎrà ònzìnà rǒ idho rǐ ìndrǔ ùkǒ nǐ kóró dhu-okú dò rò.

Hàràdalì-tsè tó mbólí

(Màt 13.31-32; Mrk 4.30-32)

- ¹⁸ Yěsù adù àtìnà tdítǒ: «Ádhu ndì òrù-akpá ǒ Ádrùngbǎ kamà Kàgàwà bhà idzi nófò ndì nà? Ma mádù kùdhe àdhu rǒ?»
- ¹⁹ Kìlì ndì yà atdí ale níidiyi ndòzò pbìndà inga ǒ hàràdalì-kpǒ bhěyi. Ndi hàràdalì-kpǒ níngà, ndòvì, ndàdù òngò itsukpó tí, àrè ràdù idzàya nòsì sòbìna nzínzì ǒ.»

Afi tó mbólí

(Màt 13.33)

- ²⁰ Yěsù adù dhu ìvu tdítǒ, ndàti: «Ádhu ndì ma mádù Kàgàwà bhà idzi núdhe róná?»
- ²¹ Yàrí ní ndì kǒfò ndì nà dhu: Kìlì ndì yà atdí tsìbhále níidiyi, ndàngbǒ mbèmbè óyǒ kumì dòná imbò nà kìlo nganù-ra tó ò afi bhěyi, ndì dhu ràdù ndì idyi nábhu rìvè kóró.»

Yěsù rǒte ndì nípbǒ tsǎtsù dǒ dhu

(Màt 7.13-14, 21-23)

- ²² Yěsù adì ndàmbe àrà dǒ Yèrùsàlemà tó kigò ò. Ní kǎránà dhu núdhe rǒ ìndrǔ tò yà ndì ndúda òyanǎ kigò mà pbanga mànà ònǎ.
- ²³ Ní atdí ale níivú dhu kà-tsǔ ndàti: «Ádrùngbǎlé, tí ngúfe ale kèlě ì ùgǔgùya?» Ní Yěsù adù dhu àdu abádhí tò, ndàti:

²⁴«Nyònzì òbí nyòtsù ndì nípò tsàtsù ǎ. Obhó tí, ma mátna nyí nǎ: ábhò ale nyá nòowuya 'òmvù rǎ 'òtsù, pbétù ndì dhu náaraya nzǎ àkǎ rǎ abádhí tò.

²⁵Atdíku, idza-àbadhi níwàya ndì, ndàdù tsàtsù nàpbi idza nǎ rò. Ní iri nyí nyòtdì nyí rò, nyí nyokoya gukyè nyámbe tsàtsù ǎtdò dǎ, nyòwù àtìnà rǎ: «Ádrùngbǎlé, ápfò tsàtsù fǎkà, » ní idza-àbadhi náaraya dhu àdu rǎ fùkù ndàtì: «Ínzá ma m̀̀ni nyí nyìwù àdhà rò màtí dhu! »

²⁶Nírò ní ndì nyí nyowuya àtìnà rǎ kànǎ: «Mǎ manyù tí obhó dhu, mǎdù dhu òmvù ǎnzínú rò? Ndirò nyí nyaràna tí obhó dhu nùdhe rǎ fǎkà fǎkà pbanga-tsidǎ ngùdhà ǎ rò? »

²⁷Ní àbadhi adùya àtìnà nyí nǎ tdítdǎ: «Ínzá ma m̀̀ni àdhà rò màtí nyí nyìwù dhu. Ní nyìndrǎ nyí itse nyú tidú rò, nyí kóró, yà nzére dhu ǎnzì nyí nyarí rò! »

²⁸Àbràhamù mà, Ísakà mà, Yàkòbhò mà kóró pbànábí màna nyí nyàla ǎrù-akpà ǎ Ádrùngbǎ kamà Kàgàwà bhà idzi ǎ òkò ró, kadù nyòdì iri ányìrò rò ní ndì, nyí nyambèya ǎdzi dǎ, nyàdù àmbe kùku nátri dǎ.

²⁹Ní ìndrǎ níwúya ìfò yà adzi-pbidò ǎnǎ rǎ, 'àdù dhu ǎnyù atdíkpá ndì ǎrù-akpà ǎ Ádrùngbǎ kamà Kàgàwà bhà idzi ǎ.

³⁰Ní yà kòmbí arí'ì olù ale tí ale, nòokoya wemberè tí, ndirò yà wemberè tí arí kombí ale, nòokoya olù ale tí.»

Yèsù rǎ dhu òzu Yèrùsàlemà tó kígò dò dhu

(Màt 23.37-39)

³¹Wò ndì kàsùmì ǎ tí, ngúfe Pbàfàrìsáyó níwú dhu ǎvò Yèsù tò, 'àtì: «Ívǎ nyí nyarà irò rò, Hèròdè rǎ dhu ǎnzì ndínǎ ndabhù tí nyí kohò nídhunǎ.»

³²Ní kǎdù àtìnà abádhí nǎ: «Nyòwu nyàtì wò ayíwè nǎ: Ròpè ndì indo, ràrà àhu tsútsǎ, ma rǎrǎ nzére-alafí nípò, modì ìndrǎ ǎ rò, ndirò ma rǎrǎ andì nà ale nígù. Ndirò ibho ma radùya pbàkà kasu nítò.

³³Pbétù ròpè ndì indo, tsútsǎ, ràrà àhu ibho, dhu àkǎ modì dùdu, mambe àrà dǎ. Obhó tí, dhu àkànà nzá nabì ràrà ǎvè igi Yèrùsàlemà tó kígò rǎ rò.»

³⁴«Yèrùsàlemà, Yèrùsàlemǎ, nyí nyarí pbànábí nòkye nyàdù Kàgàwà òvì tinu ǎ ale nùbvù odu nǎ. Abhò-gùna nyú ma mómuvù mandu ǎnú aróko ale-tsù àdhàdhì à'ǎ-yà-ba náarí pbìndà inzo-tsù nándù pékéléna-tsì dhu bhèyi! Pbétù nyí nyàdù nzá ndì dhu nózè.

³⁵Nírò kònnǎ, ka kí pé fùkù idza nùbha fùkù. Ma mí obhó dhu núnò fùkù: nyí nyí nzǎ ma àlǎ tdítdǎ, ràrà àhu nyí nyowuya àtìnà: Kàgàwà rǎkǎ ndàso Ádrùngbǎlé-ǎvò rǎ rǎrà ale ǎná idho ǎ.»

Lukà 14

Yèsù rǎ atdí ale nígù tdítdǎ sàbatù-idhò ǎ dhu

¹Atdíku sàbatù-idhò ǒ, Yěsù ira dhu ònyù Pbàfàrìsáyó nzínzì ǒ atdí ádrùngbàle bhà idzá. Ní ìndrù adù nyìkpóya núdì, 'àmbe kàndà dǒ atdyúya nyú nà.

²Ní, òna ádhà ndì atdí ale ní'ì Yěsù-ònzì.

³Ní Yěsù, ivú dhu Úyátá tó màlímó mà Pbàfàrìsáyó mànà-tsù, ndàti: «Àlě tó Úyátá ná'ù tí wà ìndrù ìgu ka kádù sàbatù-idhò ǒ dhu? Ndirò ngàtsi nǐ, kǎti tí ìnzì ka ràràdù kìgu?»

⁴Pbétù abádhí náadù ìnè, ìnzì 'àdu ɔte. Ní Yěsù idyi wòrí ale ndìgù, ndàdù àvinà ràrà.

⁵Tdítdǒ Yěsù adù àtìnà abádhí nǐ: «Ádhi pbá ale nzínziku ǒ, pbìndà ìngba mà, ndirò pbìndà ìkyì mà nítì dzìwò ǒ rò, ìnzì rǎdù kìpfo ányìrǒ rò tí ndì dzìwò ǒ rò sàbatù-idhò ǒ?»

⁶Ní abádhí rǎdùna wòrí ɔte dǒ dhu náadù abádhí-lèmà nónzì ònzì tí.

Mùhendù ǒ ka kóko òná ngari dǒ róte mbólí

⁷Yěsù níitdègu yà ì ka kùnzìnà mànà ònyù tó ale nówò angyinǎ rò rí'ì tombi, 'àdù òko dǒyá dhu nálǎ, ní kádù yàrí mbólí náwe ì ale tó ndàti:

⁸«Atdí ale nánzì nyì àdhìngbǎ ka kùndà nǐ mùhendù tó ònyù tó rò, dhu àkǎ nzá nyitsì àdì angyinǎ rò rí'ì tombi dǒ. Obhó tí, ngàtsi nǐ wòrí ale nádù ì'ì iwà ànzìnà pbùkù ifuta dǒnǎ pbìndà ifuta ósè ngàtsi ale átò.

⁹Ní wò ngàtsi ale nítò ndì rò, wò nyì nùnzìnà óyǒ kóró ale rǎdù àrà àtìnà nyì nǐ: «Ívǎ nyì, nyubhà ngari wò ale tó.» Ní nyì nyí nyivà, nyarà àdì olù rí'ì tombi dǒ dhu rǎdù nyìnù nábhu rìwù atdítdǒ.

¹⁰Ní, nyì ka kànzì mùhendù ǒ ònyù tó rò, dhu òfò nga nyitsì àdì olùnǎ rò rí'ì tombi dǒ, ndínǐ yà nyì nànzìnà ale nítù rò, kítì tí ndì àtìnà nyì nǐ: «Odhí, údà nyadi angyinǎ rò.» Ní, ndì dhu nádù ì'ì ádrùngbǎ ifuta nyú tí ìndù yà atdíkpá nyì nyí dhu ònyù mànà kóró ale-ònzì.

¹¹Obhó tí, ndìdzì rí ndìtírò ɔrú ale ní ka kifoya. Ndirò, ndìfò rí ndìtírò ale ní ka kídziya.»

Mùhendù ǒ rǎdù àkǎ kunzì ale-tidò

¹²Tdítdǒ Yěsù adù àtìnà wò ndì nànzìnà ònyù tó ale nǐ: «Kútsingá nga tó ònyù, ndirò ngàtsi nǐ adyìbhengá nga tó ònyù nyì nyòbhòlò ìndrù tó rò, dhu àkǎ nzá nyunzì ɔdhínù mà, adónù mà, fùkù idzá-bhà mà, ndirò ònzònzì ɔdhínù mànà. Obhó tí, abádhí rǎdù òwu nyanzì átò fìyó mùhendù ǒ, nyadù yà abádhí tó nyì nyanzì dhu-arì ǒ nábà abádhí-fó.

¹³Pbétù, díní nyì nyònzì rò, dhu òfò nga nyunzì ale ní: nǎkùtále mà, òtsòtsù ale mà, ùkele arúkele ale mà, ndùmùndùmú mànà.

¹⁴Nírò ní ndì nyì nyádù hirò ònzì, ìmbǎ abádhí rǐ'ì ìndù ì ádùna dhu nà dhu-okú dò rò. Obhó tí, Kàgàwà náadùya ndì yà nyì nyanzì dhu-arì ǒ nádu ìndù, yà Kàgàwà rǐ obhónángatále nábhù rùngbe ì ɔve-bvù rò nínganí.»

Ádrùngbǎ m̀hèndù tó mbólí

(Màt 22.1-14)

¹⁵Wò Yèsù ùnò dhu ndì ndírì rò, kà mà rùbhi dhu ònyù rǒ màná atdíkpá ale nzínzi ǒ atdí ale náati Yèsù nǐ: «Hirò nǎziya ale ní, òrù-akpá ǒ Ádrùngbǎ kamà Kàgàwà bhà idzi ǒ dhu nǎnyaya ale!»

¹⁶Ní Yèsù adù dhu àdu kà tò ndàti: «Atdí ale náanzi ádrùngbǎ ònì ndàdù ábhǒ ale nyú núnzi ònà.

¹⁷Ní, ndì ònì tó kàsùmì àkǎ rò, kǎvì pbìndà kasutále rǎrà dhu ùnò yà ndì ndúnzi ale tò, ndàti: «Kóró dhu-tsí ka kòbhòlò wà, ní nyìwù kòmbí.»

¹⁸Pbétù, kóró kòrí ale náapè 'òwù ubàta nónzi rǒ atdátírà ǒ. Wemberè t'ále ati wò kasutále nǐ: «Ma módzi atdí inga, ní dhu àkǎ marà ndì inga nándà. Ní, ma mìtsò ma rùnù atdíǒ, úbà dhu idù.»

¹⁹Ngǎtsi ale náati: «Ma módzi inga t'òbhìta tó ìkyì-akpá idre, ní ma mí abádhí nǐ ma mǒngo kasu ònzi tí dhu nómvu. Nírò, ma mìtsò ma atdíǒ rùnù, úbà dhu idù.»

²⁰Ndirò, ngǎtsi ale adù àtìnà kà nǐ: «Mǎ múmbǎ mǎ pbàkà tsìbhále nà ró idho nápe nzá òtro. Ní, ma mí nǐ àrà àwólò.»

²¹Ní wò kasutále náadù ndì pbìndà ádrùngbǎle i, ndàdù kǒkò ale rǒwu àdunà rǒ fìndà dhu náwe kóró àbadhi tò. Ní wòrí idza-àbadhi náakó atdíǒ, ndàdù àtìnà pbìndà kasutále nǐ: «Árà tsàkàtsàkà kigò ǒ ngudhà ònǎ, ndírò otu ònǎ màtí, nyundu nǎkùtále mà, òtsòtsù ale mà, ndùmùndùmú mà, ndírò ùkele arúkele ale màná, nyirà nà iró.»

²²Ní, ányirò ndì ndìngò rò, kítsi àtìnà: «Ádrùngbǎlé, ma m̀nzi wà yà nyi nyàvi dhu, pbétù ngari nódì òdì tditǒ idzá.»

²³Ní wò kasu tó ádrùngbǎle náadù àtìnà pbìndà kasutále nǐ: «Áhù, nyarà igigi pbanga ò rǒwu otu ònǎ, inga-ngbò ka kùkpòrò nǐ kòròwà ònǎ màtí, nyadù ìndrù nútù rìtsù, ndínì idzá nga nùupílí tí ndì ìndrù nǐ.

²⁴Obhó tí, ma màtina nyǐ nǐ: atdí ale mà yà ka kùnzinà ale nzínzi ǒ núnèya nǐ pbàkà ònì ǒ ònyù-dzi mà.»»

Yèsù bhà ábhàlǐ tí ndì nòzè ndàti ale náká ndònzì dhu

(Màt 10.37-38)

²⁵Wò dhu-dzidǒ, ábhǒ ihé-yà nùubhìna òwu rǒ atdíkpá Yèsù màná. Ní Yèsù agéré ndì abádhí dò, ndàdù àtìnà abádhí nǐ:

²⁶«Owùdu ǒ ndì nòzè ndùbhi ale náapè nǐ àbanà mà, íyànà mà, pbìndà tsìbhále mà, pbìndà nzózo mà, adóna mà, awéna mà, ndírò pbìndà ípìrǒnga nyú mà nòndrò, ní nǐ nǐ àdù àdì pbàkà ábhàlǐ tí.

²⁷Ndirò, ìnzì ndì ale náapè pbìndà mùsàlabhà nánò, ndàdù ùbhi owùdu ǒ, ní rǐ nǐ àdù àdì pbàkà ábhàlǐ tí.

²⁸Ádhi pbá ale, nzínziku ǒ, idzá-yà-ba ndi ndòzè ndòsì rò, ìnzì rádù àdì, ndùpí pé ìfe màtí ndi idza t'ósita kàsù rádù fùrangà nónzì dhu angyi, ndàdù dhu àndà yà fóná rí'ì fùrangà ràtí ndi kasu nító ito?

²⁹Pbétù kápé àdù ndi idza-pfò kèlě nòsì, ndi idza-kàsù rádù àkpa, ní kóró ale wòrí dhu nàla rádù 'òpè 'ùgbǒ ndi ale, 'òwù àtìnà rǒ:

³⁰«Yàrí ale náapè ndòsì yà idzá-yà-ba, pbétù kà-kàsù nító kà rí dhu nádù wà kà-lèmà nónzì.»

³¹Ndi dhu bhěyi tí, ádhi pbá ádrùngbǎ kamà, ìla ùgyè ndi ndàrà ngàtsi ádrùngbǎ kamà nà rò, ìnzì rádù àdì, ndàndà fóná rí'ì pbànowí-bvụ, ndíní ndùni tí dhu, pbìndà atdí kumì lufù pbànowí ràtí àdù 'ùgyè ùgye kǒkò pbìndà òmvù rǐrà nà óyǒ kumì lufù pbànowí mànà?

³²Kápé ndi dhu àlǎ odú fǐndà, ní kà rádù pbìndà mùkèngyè núvi ròwù wòrí ngàtsi kamà bhà, àdì kàdì itse rórò, ròwù màrùngà ǒ ì óko nǐ otu nómè.

³³Ní ndi dhu bhěyi tí, atdí ale mà nzínziku ǒ, ìnzà fóná arí'ì kóró dhu nùbhà, ní rǐ nzǐ àdù àdì pbàkà ábhàlǐ tí.»

Ìmbǎ ònà okyeta nà iko tó mbólí

(Màt 5.13; Mrk 9.50)

³⁴Kǎdù àtìnà tdítǒ: «Iko ní ídzì dhu nyú, pbétù iko ò okyeta náapè ìku, ní ka kádù kàbhụ ròkyè àdhu nǐ tdítǒ?

³⁵Kà-kàsù rǐ mbǎ àdù ì'ì akèkpá màtí inga tò màtí, ndirò inga ǒ ka kútrǒna ìkyí-zì tò màtí. Ní ka kádù kòyi irí ò. Inga t'írìta tó bǐna nà rí'ì ale nákǎ ndirò dhu!»

Lukà 15

Àwǎwí ndàdù ndàbà tàmà tó mbólí

(Màt 18.11-14)

¹Àlità bhà fùrangà-tsù núndù arí pbàndómbé mà, nzére fǐyó mùtsò nà ale mànà níiwú kóró Yèsù tí ò, ndíní ì iri tí kà rǐnǒna dhu.

²Ní, Pbàfàrisáyó mà, Uyatá tó màlímó mànà náambénà ònu dǒ nzínziya ǒ, 'àmbe àtìnà dǒ: «Wò ale náarí nzére fǐyó mùtsò nà ale nákǒ, 'àdù àmbe dhu nónyù dǒ mànà.»

³Ní, Yèsù adù yàrí mbólí náwe abádhí tò:

⁴«Atdí ale nzínziku ǒ náapè àdù ì'ì atdí miyà tàmà nà, atdí rádù àwí nzínziya ǒ rǒ. Ní, ndi ale tí nzǐ àdù kǒkò àrùgyètdí kumì dóná àrùgyètdí nà ngǔkpà tàmà nùbhà ànyǔ rányu ró, ndàdù àrà àwǎwìnà-tsí nónè, ràrà àhụ kàbà ndi ndàrà dhu ò?

⁵Ndirò ka ndi ndàbà rò, kà rádù kìdyì ndìlì una dǒ, atdí dǒ idhèna ìka ndi rórò,

⁶ndàdu ndi nà ìbha. Kà rádù òdhína núnzì, tiná aróko ale mànà, ndàdù àtìnà nǐ: «Nyàbhụ idhèku rika ndi ma mànà atdíkpá, ma màbà wà àwǎwìnà pbàkà tàmà nìdhunǐ.»

⁷Ndi dhu bhëyi tí, ma mátina nyí nǐ: ádrùngbǎ dhèdhe nyú rǎdù ì'ì òrù-akpà ò, atdí nzérenгатále nùgèrè ndì ndùbhà pbindà nzérenga dhu-okú dò rò, ròsè àrùgyètdí kumì dòná àrùgyètdí nà idzi ale, yà ìmbǎ rí'ì ì í 'ùgèrè 'ùbhà fiyó nzérenga dhu-atdyú nà dònǎ.»

Àwǎwǐ rǎdù ndàbà fùrangà-kpǒ tó mbólí

⁸«Ndirò, ádhi pbá tsibhále, idre fùrangà-kpǒ nà ndì ndì'ì, atdí rǎdù àwǐ nzínziya ò rò rò, ìnzǐ rǎdù tarà nóbì, ndàtsù idzá nga, ndàdù nga nónè mbëyi nyú, rǎrà àhu kàbà ndì ndàrà dhu ò?»

⁹Ndirò, ka ndì ndàbà rò, íyàdhíyà rǎdù òdhína núnzi, tiná aróko ale mànà, ndàdù àtìnà nǐ: «Nyàbhu idhèku rika ndì ma mànà atdíkpá, ma màbà wà fudú rò àwǐ idú fùrangà-kpǒ nídhunǐ.»

¹⁰Ndi dhu bhëyi tí, ma mí kùnò fùkù, Kàgàwà bhà màlàyíkà-idhè rǎdù ndìka atdídǒ, atdí nzérenгатále kèlè nùgèrè ndì, ndùbhà pbindà nzérenga rò.»

Àwǎwǐ ndàdù àrà ìngo kpatsìbhíngba tó mbólí

(Màt 7.7-8; 1Yù 3.1)

¹¹Yèsù adù àtìnà tdítǒ: «Atdí ale ní'ì kpabhínzo nà ɔyɔ.

¹²Ní olù ìngba náati àbanà nǐ: «Àbá, íbhò yà pbùkù ongyéngá ò rò ákǎ kibhò dzàkà dhu-tsí fudu ò.» Ní abádhí t'ábanà núundò pbindà ongyéngá-ǒnga pbindà inzo-fó.

¹³Ní, ngúfe idhò dzidǒ, olù ìngba núudzí fǐndà ka kùbho dhu-tsí, ndàdù àrà pbindà fùrangà nà itse nyú ngàtsi pbìrì ò. Ányì, kǎtdì fóná dhu-tsè kóró, yà adzi dǒ dhèdhe-okú dò rò.

¹⁴Kǐtdègu fóná fùrangà nínzǎ kóró, ní àgǎyì nísi wò ndì pbìrì ò, àbadhi-ngbò rǎdù ndòtdì atdídǒ.

¹⁵Ní, àbadhi náarà òtsù ndì pbìrì ò atdí ale bhà kasu ò. Ndi ale náadù kòvì rǎrà pbindà àdù nóngù ìnga ò.

¹⁶Kǎránà ndòzè rǒ ndòngù ndì àdù rǒnyuna itsu-kpǒ nǐ, ndirò kà tò rí atdí dhu mà nábhù ale náaránà ì'ì rǒ mbǎ.

¹⁷Ní, kǎpè ndirè nga afína ò, ndàdù àtìnà: «Ífe kasutále nyú àbadu tò arí kasu nónzi, 'àdù dhu ònyù 'ulè nǐ gòna mà ròdì, madù àmbè òvè dǒ iró àwù nǐ!

¹⁸Ma mí mivà madu ma àbadu bhà. Ní ma mítsi àtìnà àbadu nǐ: Àbá, ma máfǎ dhu òrù-akpà-ònzǐ, madù dhu àfa ɔnzínú.

¹⁹Ní ma màkǎ nzá kanzì ma tdítǒ pbùkù ìngba tí. Ítsè madì pbùkù kasutále nzínzi ò atdí ale màtí.»

²⁰Uró rò, kǎdù ndìvǎ, ndàdu ndì àbanà bhà. Ní àdì kǎdì itseta nyú rórò, kà t'ábanà náala ka, ndàdù izu nábà atdídǒ kàdǒ. Ní kà t'ábanà náakù kà ì, ndìtsì ndìbvù kàdǒ, ndàdù kàmbo.

- ²¹Ní kà t'ídhùnà náadù àtìnà kà nǐ: «Ábá, ma mǎfǎ dhu òrù-akpà ònzì, madù dhu àfa onzìnú. Ní, ma màkǎ nzá kanzì ma pbùkù ingba tí.»
- ²²Pbétù, kà t'ábanà náadù àtìnà pbìndà ino nǐ: «Nyònzì dhu tsákàtsàkà nyídyì atdíđò àya kanzù nyǎfǒ kà-rǒ. Ndirò nyídyì petè nyǎfǒ kǒtsù-kpò rǒ, nyàdù kàyitò núfò kà-pfò rǒ.
- ²³Nyìwù òyǒyò ìkyì-akpǎ-ngba nà nyòdù, àlě ràdù ádrùngbǎ mùhendù nónzì.
- ²⁴Obhó tí, yàrí pbàkà ingba náavè, ní kìkyè wà. Ndirò kǎwí, ní kàrà wà ndàdu.» Ní, ànyirǒ rò, abádhí adù ádrùngbǎ mùhendù nópè ì rònzì.
- ²⁵Wò dhu rǐ ndònzì rò, wò ale bhà ádrùngbǎ ingba ní'ì inga bvù ndì ndàràrà rǒ. Ní, ànyirò ndì ndàrà ìngo rò, ìkyèrǒ ndì ndòdì idza-li'ò ndìto tí ndì rórò, kǐrì adyi mà, óbè màrà tò wògò.
- ²⁶Ní kǎnzì àbanà bhà kasutále atdí, ndìvù wò rí ndònzì dhu-tì tsùnà.
- ²⁷Ní ndì kasutále náadù dhu àdu kà tò ndàtì: «Adònu nírà wà àhu. Ní, ídzì rǒ rò kàrà ìngo dhu-okú dò rò, àbanu àdù òyǒyò ìkyì-akpǎ-ngba nábhu kodù.»
- ²⁸Ní, ádrùngbǎ ingba náadù àkò, ndàdù ndùvo ìnzì ndotsú tí idza. Kà t'ábanà náadù àhu idza rò, ndàdù kà-afí nópè ndínì otsú tí idza.
- ²⁹Ní, kǎdù dhu àdu àbanà tò ndàtì: «Yà ato-akpá-tsù náarí ndòvì dhu bhěyi, ma marí kasu ònzì indù ino bhěyi. Ndirò, ma màpè nzá mòbè òtènu dònǎ atdíku màtí. Ní, nyì nyapèna nzá ìndrǐ-ngba-tsí dhu mà níbhò mozè, mǒnzì mùhendù nǐ òdhídu màrà!
- ³⁰Pbétù, wò pbùkù ingba, funù dhu-tsè natdì kóró m̀nyònnì ò nàrà ìngo rò ní ndì, nyì nyàdù òyǒyò ìkyì-akpǎ-ngba nábhu kodù kà tò.»
- ³¹Kà t'ábanà náadù àtìnà kà nǐ: «Pbànǐngbá, àlě karóko nyì nà bìlǐnganà, ndirò yà kóró fudú rí'ì dhu ní pbùkù átò.
- ³²Pbétù, dhu àkànà àlě rònzì mùhendù, àlě-idhè ràdù ndìka. Obhó tí, yàrí àvǎvè adònu níkyè wà. Ndirò kǎwí, ní kàla wà ndì.»»

Lukà 16

Nyìkpóna ótdyù kasutále tó mbólí

(Màt 6.24; 1Tì 6.17-19; 1Pé' 5.2)

- ¹Yèsù adù yàrí dhu náwe átò pbìndà ábhàlǐ tò: «Atdí ònzítále ní'ì atdí pbìndà kasutále nà. Ndì kasutále kǐlì rǐ'ì kóró pbìndà dhu-tsí dǒ ádrùngbǎle tí. Ní ka kadù ndì kasutále nóbhù kati, kà rarí pbìndà ádrùngbǎle bhà dhu-tsí nínzǎ.
- ²Ní wòrí ádrùngbǎle náanzi ka, ndàdù dhu ìvu tsùnà ndàtì: «Ádhu wò ma mǎrà ìrìnà rǒ dùnú ka kúnona ró? Ítè pé pbàkà dhu-tsí nódo nyì nyàrí tí dhu idù. Ròpè ndì kòmbí, nyì nzì adi tdítđò pbàkà dhu-tsí dǒ ádrùngbǎle tí.»
- ³Ní wòrí ale níhè nga afína ò, ndàtì: «Ma mí dhu ònzì ìngbǎ dhu bhěyi yà pbàkà ádrùngbǎle rǐ ima nípfò pbìndà dhu-tsí t'òdota-kàsù ò rò rò? Tí mongò inga nóbhì?

Wòrí tò ma mí'ì ìmbă obi nà. Tí mongò dhu núnzi ìndrũ-fó? Wòrí nǐ nyìdu rǎdù iwu tí iwu.

⁴Iwà ma m̀ni ma m̀nzina dhu, ndíń ìndrũ ongó tí makò mběyi fírǎbvù nǎ, mipfò ka kí kasu ò rò rò.›

⁵Nírò ní ndi kǎpè nd̀nzì pb̀ndà kasu tó ádr̀ngbǎle bhà wǎnzá nà arí'ì ale atdátdírà ǒ. Angyi ndi ǹtò ale-tsũ kívú dhu, ndàti: «Ífe dhu nyi nyí'ì nà pb̀kà ádr̀ngbǎle bhà wǎnzá tí? › Ní wò ale adù dhu àdu kà tò ndàti:

⁶«Atdí miyà kàtinì akye tó.› Ní wòrí kasutále adù dhu àdu kà tò ndàti: «Kǎń bhàrwà. Ádǐ obvò nyadù imbò kumì kàtinì akye tó nándi kà dǒ tsàkàtsàkà.›

⁷Tdítdǒ kívú dhu ngǎtsi ale-tsũ, ndàti: «Olu inyi, pb̀kù ní ife? › Ní wò ale adù dhu àdu ndàti: «Ma mí'ì atdí miyà gòńyà nganù-kpǒ tó nà.› Ní wò kasutále náadù àtinà kà nǐ: «Kǎń pb̀kù bhàrwà. Ándǐ àrù kumì.›

⁸Ní, ádr̀ngbǎle níilè wò ìmbă obhónánga nà pb̀ndà kasutále atdítdǒ, àbadhi ònzì dhu nyìkpóna ótdyù ale bhěyi dhu-okú dò rò. Obhó tí, yà adzi ǒ ale-nyìkpó nótdyù atdítdǒ nyú. Abádhí náarí nzínziya ǒ dhu nóbhòlò màgèzi nà, ròsè yà awáwù ǒ arúbhi ale dònǎ.

⁹Nírò, ma mátina nyǐ nǐ: nyùfě olo yà ìmbă fíndá obhónánga nà otu ǒ nyǐ nyábà ongyéngá nǐ. Ndi dhu bhěyi ní ndi, dhu ìtsinà ndòtdi rùkú nínganí, i olo náadùya tí ndi nyǎkò yà dhòdhódhóna nà nyǐ nyóngo òko òyá idza ò.

¹⁰Obhónánga dǒ arí akekpa dhú-ngba nódo ale, ní ndi rádù ádr̀ngbǎ dhu nódo átò obhónánga dǒ. Ndirò, ìnzǐ arí ákekpa dhu nódo obhónánga dǒ ale, ní rǐ nzǐ àdù ádr̀ngbǎ dhu mà nódo átò obhónánga dǒ.

¹¹Nírò, ìnzǐ nyǐ nyapé àdù yà fùkú arí'ì yà adzi dǒ ongyéngá nódo obhóna dǒ, ní ádhi ndi idzi ongyéngá-tidò nábhù adùya fùkù?

¹²Ndirò ìnzá nyǐ nyòdo fùkú ka kàbhù ngǎtsi ale bhà dhu mà mběyi rò, ádhi ndi fùkù adùya fùkù ongyéngá nyú nábhù?

¹³Ìnzǐ atdí kasutále mà rǎdù óyǒ ádr̀drǒ ale-kàsũ nónzì atdí kàsùmì ǒ tí. Obhó tí, kà rǎdù atdí ádr̀ngbǎle nóndrò, ndàdù ngǎtsi nózè. Ndirò ngǎtsi nǐ, kà rǎdù ndàpba atdí rǒ, ndàdù ngǎtsi nídzèlè. Ìnzǐ nyǐ nyádù Kàgàwà-kàsũ nónzì atdíkpá fùrangà-kàsũ mànà.»

Yèsù rǐ dhèdhèrò dhu-tidò núdhè dhu

(Màt 11.12-13; 5.31-32; Mrk 10.11-12)

¹⁴Pbàfàrisáyó, abhò ì ózè fùrangà dhu-okú dò rò, núubhínà Yèsù rǎnɔna dhu níri rǒ, 'àdù òko 'àmbe ndi dhu núgbò dǒ.

¹⁵Ní Yèsù adù àtinà abádhí nǐ: «Nyǐ, nyǐ ní obhónángatále tí arí 'àbhũ ìndrũ ròzù ì ale. Pbétù, Kàgàwà úni wà afiku ò nyǐ nyířèna dhu. Obhó tí, yà ìndrũ rǒzùna ádr̀ngbǎ dhu tí dhu ní ndi Kàgàwà óndrò atdítdǒ dhu.»

¹⁶Músà bhà Uyátá mà, pbànábí màná tó kàsúmì-tsù náará ìku bàtizò nubhónà Yùwanì rǒ. Ndirò, rǒpè ndì ndì Yùwanì bhà kàsúmì ò rò, ka kárúnona ní òrù-akpà ǒ Ádrùngbǎ kamà Kàgàwà bhà idzi tó Ídzì Màkürù. Ní, ngǎtsi ale náará ǒbi ònzi fíndà ndínì ndì ndotsú tí ndì idzi ò.

¹⁷Yà adzi mà, òrù-akpà màná rǎdù ùda ùda isó nyú, pbétù yàrí Uyátá ǒ atdí andítá-tútùngba mà náawíya nǎ.

¹⁸«Atdí kpatsibhále mà náapé pbìndà tsìbhále nódho, ndàdù ngǎtsi tsìbhále nókù, ní ndì ale nónzì wà m̀nyòni. Ndirò atdí kpatsibhále mà náapé àdù pbìndà kpatsibhále ódhò tsìbhále nókù, ní ndì ale ònzi wà m̀nyòni.»

Ònzítále mà Làzarù nà tó mbólí

(Zàb 49.17-21; 73.4-5,19; Luk 6.20-21,24-25)

¹⁹«Atdí ale ní'ì ònzítále. Ndì ale nóongónà atdíǎ ùya ǒrú odziya nà mberù nífò. Bìlìnganà kǒngónà àdì dhèdhe ǒ tí, ndàdù ídzì ònyù-tidò kèlè nónyù dǒ.

²⁰Ndirò, Làzarù tí kátina ale ní'ì nǎkùtále. Ka ní'ì otú ípbà ngbǒna kóró ale. Ní, kǒngónà àyi wò ònzítále bhà idza-lí.

²¹Kǒngónà àdù ndòzè ndòngù ndì ònzítále rǐ dhu ònyu dóná rò mizà dǒ rò rí 'àwà obvò ònyù-ú'ù-nzo nǐ. Ndirò itsè nóongónà àdù iwu, 'àmbe kà rǒ otú dǒngà nútá dǒ.

²²Ní atdíku wòrí nǎkùtále náavè, Kàgàwà bhà màlàyíká rǎdù afína nódyi, 'òwù nà òrù-akpà ò, Àbràhamù-ti'ò. Ngǎtsi idho ǒ, wò ònzítále náadù òvè átò, kadú òtdùnà.

²³Ní ǒve-bvù, àzembè ndì ndì àpbè nábà abho nyú rórò, wò ònzítále náangbe dóna, ndàndà nga, ndàdù Àbràhamù nála itse rò, Làzarù àdì tiná ró.

²⁴Ní wò ònzítále náafà ndì ndàti: «Àbadu Àbràhamù, ábà izu dùdú! Áví Làzarù ròdù ǒtsúna-kpò-dò idha ò, ndàdù ìrà nà idàdu-dò ma midú tí nǐ. Obhó tí, ma mí'ì ábhǒ àpbè nyú ǒ yàrí kàzu ò.»

²⁵Pbétù Àbràhamù adù àtìná kà nǐ: «Pbànǎngbá, írè pé dhu: nyi nyábà ábhǒ ídzìnga nyi pbùkù ípìrǒnga ǒ, pbétù Làzarù í'ì àpbè ǒ pbìndà ípìrǒnga ǒ. Ní kòmbí Làzarù rǐ'ì ídzìnga ǒ, ndirò nyi nyí'ì àpbè ǒ.

²⁶Ndirò ròsè kóró dhu dóná, àlè-nzínzì ǒ nyí màná rí'ì dhu ní ádzì íbhu-akpà. Ní àzú dhená rò ìndrù rǎda tiku ò nǐ fangà rǐ'ì ìmbá, ndirò tiku ònǎ rò màtí ìndrù rǎda tika ò nǐ fangà rǐ'ì ìmbá átò.»

²⁷Wò ònzítále adù àtìná tdítǎ: «Ma mìtdè nyi atdíǎ àbadú. Áví Làzarù rǎrà àba bhà pbanga ò.

²⁸Obhó tí, ma mí'ì ìnè ìmbò adódu nà. Ní, dhu àkǎ Làzarù rǎrà dhu òvò abádhí tò ngàm̀bì bhèyi, akye abádhí nóowuya iwu átò yàrí àpbè tó ngari ò nǐ.»

²⁹Ní Àbràhamù adù dhu àdu kà tò, ndàti: «Músà mà pbànábí màná náandí dhu rǐ'ì ìnè àwú. Ní ì adónu àkǎ ì rìrì ì Andítá rǎnona dhu! »³⁰Tdítdǎ wò ònzítále adù àtìná: «Inzá wò dhu àkǎ wò dhu bhèyi, àbadu Àbràhamù. ǒve-bvù rò ndì nìngbè atdí ale nyú náapé àrà dhu òvò abádhí tò, ní abádhí rǎdù 'ùgèrè ùgèrè, 'ùbhà fíyó nzére mùtsò.»³¹Pbétù

Àbràhamù adù àtìná àbadhi nǎ: «Ìnzǎ abádhí náapé Músà mà, pbànábí màná rǎnǎna dhu níri, ní abádhí rǎ nzǎ ibhu ò rò ndí níngbè ale rǎnǎna dhu mà níri.»»

Lukà 17

Ìndrǔ àbhǔ rádù ròtsù nzérénga ò dhu

(Màt 18.6-9,21-22; Mrk 9.22-28,42; 1Kò 8.9-13; 10.32)

¹Yèsù ati pbìndà ábhàlǎ nǎ: «Ìndrǔ rǎdi ìmbǎ ndí'í ndàbhǔ rí ndòtsù nzérénga ò dhu nà dhu rǎ'í odú nyú. Pbétù òdhìná nábhǔ rí ròtsù nzérénga ò ale rǎ'í àpbè ǎ.

²Dhu òfò nga mběyi nyú, kosò ádrùngbǎ odu-ba ndí ale-tú, kadù ndí ale nídò ádrùngbǎ rèrù ò, kǐ'í kàrí nzónzo nzínzì ǎ atdí ngbángba mà nábhǔ rí ròtsù nzérénga ò ale tí rò.

³Nírò, nyòdo nyǎ mběyi nyǎ-tírò!

Dhu t'úbàta

(Màt 18.15,21-22)

Òdhìnu náapé dhu àfǎ ɔnzínú, ní dhu àkǎ nyɔvò kàbhà afátá kà tò. Kǎpé ndùgèrè ndùbhà pbìndà nzérénga, ní dhu àkǎ nyubà dhu kà tò.

⁴Ndirò kǎpé dhu àfǎ ɔnzínú àrùbhù-gùna atdí adyi ǎ, ndàdù ndàdu àrùbhù-gùna ndìrà àtìná nyǎ nǎ: «Ma mùgèrè wà ma mubhà pbàkà nzére mùtsɔ.» Ní dhu àkǎ nyarà dhu ùbà rǎ kà tò.»

Yèsù rǎ dhu núdhě pbìndà ábhàlǎ tò a'uta dǎ dhu

(Màt 17.19-20)

⁵Wò dhu-dzidǎ, pbìndà uvitatále náadù àtìná Ádrùngbǎle Yèsù nǎ: «Ádrùngbǎlé, ítrǎ fàkà a'uta.»

⁶Ní Ádrùngbǎle Yèsù adù dhu àdu abádhí tò ndàti: «Fùkú a'uta ní'íná gukyè hàràdalǎ tí kátina itsu-kpǎ bvǔ màtí, ní nyǎ nyàmbèná àtina yàrí itsu nǎ: «Íngbè nyǎ ivènu màná, nyarà nyòdi ádrùngbǎ rèrù ò», ní kàmbèná àdù tsùkú dhu níri ìri.»

Yèsù rǎ dhu núdhě yà fǐndà ka kàvi dhu kèlě nònzì kasutále dǎ dhu

⁷«Ádhi pbá ale nzínziku ǎ ndí, yà ìnga bvù rò ríngo, ngǎtsi nǎ tàrà ndí ndùndà ì rò ríngo pbìndà kasutále nǎ rádù àtìná: «Ìrà tsàkàtsàkà, ònyù nyǎ nyɔnyu tí! »

⁸Pbétù kà tí nzǎ àdù àtìná kà nǎ: «Óyè ònyù idù. Ndirò nyádù nyufò nyǎ mběyi, nyadù ònyù níbhò idù. Dhu ma mònyù madù dhu òmvù dhu-dzidǎ ní ndí, nyǎ nyadùna dhu ònyù, nyadù dhu òmvù átò.»

⁹Wò ádrùngbǎle t'ádù òtsò àbhǔ àbhǔ ndí pbìndà kasutále tò yà kà tò ndí ndàvinà dhu kònzì dhu-okú dò rò?

¹⁰Ní ndí dhu bhěyi tí, nyǎ nyú mà átò, nyǎ nyapé yà fùkú ka kàvinà dhu ònzì kóró, ní nyǎ nyàkǎ nyàti: «Mǎ ní ìmbǎ tǎya nà kasutále, mǎ mònzì yà àkǎ àkǎnà mònzì fàkà kasu kèlě.»»

Yèsù rǎ idrè kíkítále nígǔ dhu

(Màt 8.2-4; Luk 5.12-14)

- ¹¹Yèrùsàlemà tó kigò ò ndì ndàrà rórò, Yèsù núudà Sàmàriyà tó pbìrì mà Gàlìlayà tó pbìrì mà nà nzínzì ò ifo òna nă.
- ¹²Ní atdí pbanga ò kà ròtsù ró, idrè kíkítále náatù ì kà mà nà. Ní, itseta ì ìkò rórò,
- ¹³abádhí apè 'ùkù, 'àmbè àtìnà dǒ: «Yèsù, Màlimö, ábà izu dǒkál!»
- ¹⁴Ní, abádhí ndì ndàla rò, Yèsù atí abádhí nǐ: «Nyòwu nyìtè nyí pbàkùhání tò.» Ní ànyì ì ówu rórò, abádhí náala ì iwà ì ùgu ró.
- ¹⁵Ní abádhí nzínzì ò atdí ale níitdègu ndì ndògù dhu nálá, náadù ndì owùna-lú, Kàgàwà nífù ndì ndí òrú tūna nyú nà rórò.
- ¹⁶Ní, kǐtsi ndìbvù Yèsù-pfò rǒ, ndàpbă nyìna adzikpa nyú rǒ, ndàdù òtsò nábhu Yèsù tò. Wò ndì ale nǐ'ì Sàmàriyà tó pbìrì ò ale.
- ¹⁷Ní, Yèsù ivú dhu ndàtì: «Nǐ'ì tí obhó idrè ale ì ùgù ùgu kóró? Ní àrùgyètdí ngǔkpà ale rǐ'ì àdhà?»
- ¹⁸Tí yà vurò pbìrì ò atdí ale kèlě ndì ndì nàdu ndìrà Kàgàwà nífu?»
- ¹⁹Tdítdǒ kǎdù àtìnà wò ndì ale nǐ: «Ívà nyi, nyadù àrà. Íwà pbùkù a'uta nígù nyi.»

Kàgàwà bhà idzi-dhò ìndù ndì dhu ní tètè rí dhu

(Màt 24.23-42)

- ²⁰Pbàfàrisáyó níwù Kàgàwà rǐ idzi nónyu ìndrù dǒ ònà idho Yèsù-tsù rò, kǎdù dhu àdu abádhí tò ndàtì: «Kàgàwà rǐ idzi nónyu ìndrù dǒ ònà idho rǐ nǐ'ì irà ale-nyìkpó nǐ kǎdù àlanà ófò ò.
- ²¹Ka kǐ nǐ'ì àdù àtìnà: «Nyàndà, kà rǐ'ì iró! » Ndirò ngàtsi nǐ: «Kà rǐ'ì ndoró! » Obhó tí, òrù-akpà ò Ádrùngbă kamà Kàgàwà bhà idzi ní rǐ'ì inè nzínzikù ò.»
- ²²Tdítdǒ Yèsù adù àtìnà ábhàlǐ nǐ: «Ídho ní'ìya inè yà Ìndrù t'ídhùnà bhà idho nózè nyí nyí nyàla atdí màtí ònà, pbétù nyí nyadùya nǐ kàla.
- ²³Ka kowuya àtìnà rǒ nyí nǐ: «Kà rǐ'ì ndálù! » ngàtsi nǐ: «Kà rǐ'ì iró! » Ní, àpé nyòwuya òwu rǒ ànyì, ndirò àpé nyòwuya òtse rǒ ànyì.
- ²⁴Obhó tí, àdhàdhì ɔvɔ náarámbìlì òrù-akpà-nyì rǒ, atdídhená adzi-igì ònà rò, ndùdà ngàtsi adzi-igì ò dhu bhěyi, Ìndrù t'ídhùnà bhà idho ò dhu ní'ìya ndì dhu bhěyi tí.
- ²⁵Pbétù, dhu àkă pé kà ràbà àpbè abho nyú angyi, ndirò yà indo arí'ì ale ràdù kòdhò.
- ²⁶Nwà bhà kàsùmì ò ndì nanzì dhu-tidò nóonziya ndì ndì dhu bhěyi tí Ìndrù t'ídhùnà bhà idho ò.
- ²⁷Ndì kàsùmì ò, ìndrù nóongónà 'ònyù, 'àdù 'òmvù. Abádhí ongónà 'ùmba, 'àdù fíyó nzónzo nábhu rùmbă ì, ràrà àhu Nwà ròtsù sàfinà ò ònà idho ò. Wò dhu-dzidǒ ní ndì, ádrùngbă igye níkó, idha ràdù yà adzi dǒ kóró dhu-tsí àmbili, ndàdù ìndrù-tsè nótdì kóró.
- ²⁸Ndirò kǒnziya ndì átò, yà Lotì bhà kàsùmì ò ndì nanzì dhu bhěyi. Ndì kàsùmì ò, ìndrù nóongónà 'ònyù, 'àdù 'òmvù. Abádhí ongónà ɔdhíya-fó dhu nùdzi, 'àdù òwu

fɔyá dhu núbho rǒ ɔdhiya rùdzí átò. Abádhí ongónà itse núzo inga ǒ, 'àdù òwu idza núsi rǒ.

²⁹Pbétù Lotì àhu Sòdòmò tó kigò ǒ rò nínganí, Kàgàwà náabhù òrù rórù odu tó kàzà rìpbà ndì òrù-akpà ò rò, ròtdì Sòdòmò ǒ bhà-tsè kóró.

³⁰Ní, dhu nóonziya ndì ndì dhu bhěyi tí Ìndrù t'ídhùnà rǐ ndàvǐ ìndrù tò nínganí.

³¹Ndì nínganí, pbìndà idza dò ka kóbhòlò okota tò ngari ò ndì nòtù ale, pbìndà dhu-tsí ràdù ì'ì idza, náakáya nzǐ ndifò, ndàhu ì dhu-tsí nùgù. Ndì dhu bhěyi tí, inga bvù ndì nòtù ale náakáya nzǐ ndàdu ndì ìbha.

³²Nyìrè pé Lotì-ve rǒ ndì nanzì dhu.

³³Pbìndà ípìrǒnga nòzè ndìgǔ ale níwíya ka. Pbétù pbìndà ípìrǒnga níwǐ rí ale náadùya kòdò òdò.

³⁴Ma mí kùnò fǔkù, ndì iku ǒ, óyǒ rò ì nòtù atdí ara dǒ ale nzínzì ǒ rò ka kowuya atdí ale nódyì rǒ, kadù ngǎtsi ale núbhà.

³⁵Óyǒ rò rí dhu ò'ù atdíkpá odu dǒ ró ì nòtù vèbhále nzínzì ǒ rò, ka kowuya atdí nódyì rǒ, kadù ngǎtsi núbhà.

³⁶[Óyǒ rò ì nòtù inga-bvù kpabhále nzínzì ǒ rò, ka kowuya atdí ale nódyì rǒ, kadù ngǎtsi ale núbhà.»]

³⁷Ní Yèsù bhà ábhàlǐ náadù dhu ìvu kà-tsù 'àti: «Wòrí dhu onziya ndì àdhà Ádrùngbàlé?» Ní Yèsù adù dhu àdu abádhí tò ndàti: «Abvo rǐ'ì róngà ní ndì pbàsègè núunduya ì nǐ.»

Lukà 18

Abvo-àyi mà, anya t'ítàtá t'ále màrà tò mbólí

¹Yèsù awe atdí mbólí pbìndà ábhàlǐ tò, ndínǐ itè tí dhu abádhí ràkǎ 'òngò 'ìtsò bìlǐngà ìnzǐ ì ì ingyě rórò.

²Kǎti: «Atdí kigò ǒ, anya t'ítàtá tó atdí ale ní'ì ìnè. Ndì ale ní'ì ìnzǐ arí Kàgàwà ɔdò nónzi, ndìrò ìnzǐ arí atdí ale mà nífǔ ale.

³Ndìrò, ndì kigò ǒ, atdí abvo-àyi ní'ì ìnè átò. Ní ndì abvo-àyi ongónà ìrà anya t'ítàtá t'ále-tí'ò, ndàdù ndìtsò kà-rǒ, ndàti: «Éno ànyǎka pbàkà anyatále màrà.»

⁴Ní ábhǒ idho nyú tí, wò anya t'ítàtá t'ále náazè nzá ndùnò ndì anya. Nírò ní ndì atdíku kǐrè nga, ndàti: «Ma mí mbǎ ìnzǐ ma marí Kàgàwà ɔdò nónzi dhu màtí, ndìrò ìnzǐ ma marí atdí ale mà nífǔ dhu màtí,

⁵ní, bìlǐ kǎrí tsìdu àvǎ dhu-okú dò rò, dhu àkǎ wà munò abádhí-ànyǎ pbìndà anyatále màrà, akye kǒngóna ìrà dùdu-ǒnga ùkpà nǐ.»

⁶Ádrùngbàlé Yèsù adù àtìnà tdítǒ: «Nyìrè pé wò ìmbǎ obhóngà nà anya t'ítàtá t'ále núunò dhu!

⁷Ní, Kàgàwà tí nǎ àdù yà adyíbhengá nga mà, kùbhingá nga màná ǎ arí 'ítsò róná fíndà ndì ndavò ale rǎ dhu nùtsè? Kà tí àdù inè inè abádhí rǎ?

⁸Ma mátina nyí nǎ: kà ràràdù abádhí-rǎ dhu nùtsè tsàkàtsàkà nyú. Pbétù, Ìndrù t'ídhùnà ríngò nínganí, kótúya tí tdǔ a'uta nà ale yà adzi dǎ?»

Mùfàrìsayò mà pàratà tó ndombè màná tó mbólí

(Mbà 28.13; 30.12-13; Yàk 4.6,9; 1Pé' 5.5-6)

⁹Tdítdǎ, Yèsù awe yàrí mbólí yà obhónángatále tí arí 'òzù, 'àdù ngǔkpà ale-gàyà nónzì ale tó.

¹⁰Kàtí: «Óyǎ ale náatsù Kàgàwà bhà idza, ndíní 'ítsò tí ì. Atdí abádhí nzínzì ǎ ale ní'ì Mùfàrìsayò, ndirò ngàtsi ale ní'ì pàratà tó ndombè.

¹¹Ní, Mùfàrìsayò níidè, ndàmbe ndítsò dǎ afína ò, ndàtí: «Òo Kàgàwǎ, ma màbhù òtsò nyú indù, ìmbǎ ma marí'ì ngǔkpà ale-tsí bhèyi nídhunǎ. I ale ní kǎkǎ ogbo ònzì arí ale, kǎkǎ ìnzǎ ní obhónángatále, ndirò kǎkǎ m̀nyòni ònzì arí ale. Ndirò ma ní nǎ pàratà tó yàrí ndombè bhèyi ale.

¹²Ma marí ònyù t'ónyuta-tsù nùtsi ɔyɔ-gùna atdí yengè rǎ. Ndirò ma marí pbàkà kóró ongyéngá tó atdíngá idrè dǎ nùbhǎ perè tí indù.»

¹³Pbétù, wò pàratà tó ndombè níidè itseta, ìnzǎ ndòzè ndàngbe dóna, ndàndà ɔrù nga mà. Pbétù, kǎdì ndàmbe odrùna-dò nùpbì dǎ izu nà, ndàdù àmbe àtìna dǎ: «Òo Kàgàwǎ, ábà izu dùdù, ima nzérengatále tírò.»

¹⁴Ma mátina nyí nǎ: wòrí pàratà tó ndombè náadù ndì pbìndà iwà Kàgàwà nózù ndì idzì ale tí rórò. Obhó tí, ndìdzǎ rí ndítírò ɔrù ale ní ka kifoya obvò. Ndirò, ndífò rí obvò ndítírò ale ní ka kidzìya ɔrù.»

Yèsù rǎ níní nzónzo násò dhu

(Màt 18.1-4; 19.13-15; Mrk 10.13-16)

¹⁵Ìndrù nóowúnà ìwu rǎ ìba-tsùnǎ nzónzo nà Yèsù-tí'ò, ndíní kǎlì tí ɔtsúna dòyá. Pbétù, wò dhu ì àla rò, ábhàlǎ adù ɔrù ɔrù tí ì ale dǎ.

¹⁶Ní Yèsù adù ì nzónzo nónzì kiwù nà tina ò, ndàdù àtìna pbìndà ábhàlǎ nǎ: «Nyùbhà nzónzo rìwù tídu ò, ìnzǎ nyàtò tsùya. Obhó tí, Kàgàwà bhà idzì ní abádhí bhèyi ì nùlì ale tó.

¹⁷Ma mí obhó dhu núnò fǔkù: ìnzǎ rí Kàgàwà bhà idzì nǎkǎ ákǎ ngbángba bhèyi ale, nóotsúya nǎ akekpa màtí kà ò.»

Yèsù mà rǎte ònzítále nà dhu

(Màt 19.16-30; Mrk 10.17-31)

¹⁸Atdí ádrùngbǎle níivú dhu Yèsù-tsù, ndàtí: «Ídzì màlimò, ádhu ndì àkǎ àkǎ m̀nzì, ndíní ma mabá tí dhòdhóhóngá tó ípìrǎnga?»

¹⁹Ní Yèsù adù dhu ìwu kà-tsù ndàtí: «Ádhu nyí nyí ma ànzì idzì ale tí nǎ? Ìmbǎ idzì ale rǎ'ì atdí màtí. Kàgàwà kèlǎ atdíró ní ndì idzì ale.

²⁰Nyi nyúni wà Úyátá: «Dhu àkǎ nzá nyonzi m̀nyòni, dhu àkǎ nzá nyohò abvo, dhu àkǎ nzá nyonzi ogbo, dhu àkǎ nzá nyunò t̀tò ɔdhinu dǔ. Ndirò, dhu àkǎ nyifu àbanu mà íyànna.»»

²¹Ní wò ale náadù dhu àdu Yèsù tò ndàti: «Ma mífu kǔkòrí Úyátá kóró, r̀pè ndi idu ngbàngba ò r̀ò.»»

²²Ní wò dhu ndi ndiri r̀ò, Yèsù adù àtina kà nǐ: «Atdí dhu ní ndi ndi nùbhà tdítǔ indù: dhu àkǎ nyudzí funú arí'ì dhu kóró, nyadù kà ò r̀ò nyi nyongyè f̀rangà nundò nàkùtále tò, ní nyi nyádù ì'ì ònzi nà òr̀u-akpà ò. Wò dhu-dzidǔ, nyádù nyira, nyadù owùdu nungu.»»

²³Ní wò dhu ndi ndiri r̀ò, izu nùka ka atdíǔ, abho ndi ndonzi dhu-okú dò r̀ò.

²⁴Yèsù níitdègu izu nùka ka atdíǔ dhu nálǎ, náadù àtina kà nǐ: «Ònzi t'ále r̀otsù Kàgàwà bhà idzi ò dhu rǐ'ì ɔbi nyú tí.

²⁵Obhó tí, dhu rǐ'ì isó nyú ngamiyà r̀otsù ndùdà sindani-bhu ònǎ, ròsè ònzitale r̀otsù Kàgàwà bhà idzi ò dhu dònǎ.»

²⁶Ní, wò Yèsù r̀nɔna dhu niri ale níivú dhu kà-tsǔ, 'àti: «Olu, ádhi nyú ndi ògù rádù ògù?»»

²⁷Ní Yèsù adù dhu àdu abádhí tò ndàti: «Ìndr̀-lemà nonzi dhu rǐ nzi àdù Kàgàwà-lemà nonzi.»»

²⁸Nirò ní ndi Péterù adù àtina Yèsù nǐ: «Kànǐ, mà múbhà f̀ká dhu, màdù owunu nungu.»»

²⁹Ní Yèsù adù dhu àdu abádhí tò, ndàti: «Ma mí obhó dhu nuno f̀kù: Ìndr̀ náapé pbìndà idza mà, pbìndà ingba-tsánà mà, adóna mà, àbanà mà, íyànà mà, pbìndà inzo mà nà nùbha òr̀u-akpà ǔ Ádr̀ngbǎ kamà Kàgàwà bhà idzi-okú dò r̀ò,

³⁰ní, yà kòmbí rǐ'ì kàsùmì ǔ, kà rǐ dhu nábà abho nyú ròsè. Ndirò, olù r̀rà kàsùmì ǔ, kǎd̀ya dhòdhòdhóna tó ípìr̀nga nábà.»»

Yèsù rǐ ndi ndóvè kòtdù ndi, ndàdù ndingbè dhu nóvò dhu

(Màt 20.17-19; Mrk 10.32-34; Luk 9.22,44-45)

³¹Yèsù núgu pbìndà atdí kumì doná óyǔ nà ábhàlǐ tina ò, ndàdù àtina nǐ: «Kànǐ àlè kúpo Yèr̀usalemà. Ní kóró dhu, yà pbànábi náandí Ìndr̀ t'ídhùnà dǔ, ní r̀akǎ anyi.»

³²Obhó tí, ka kí àbadhi nípfǔ, kabhu yà ìnzǐ ní Pbàyàhúdì-fó. Ndirò ka kí kùgbǔ kadù àvu r̀oná, kadù iso núso kà dò.

³³Ndirò, asé nǐ ka kùvi ka dhu-dzidǔ, ka kàd̀ya kòhò, kadù òtdùnà. Ní ìbhu idho dzidǔ, kàd̀ya ndingbè.»»

³⁴Pbétù wò Yèsù ùnò dhu náadù nzá abádhí-dò nálù akekpá màtí. Ndi ɔte-tì náarù ndi òru tí abádhí r̀ò, ìnzǐ abádhí ràdù àdhu dǔ màtí Yèsù r̀te dhu nuni.

Yèsù rǐ atdí ndùmùndùmú nígǔ Yèrikò dhu

(Màt 20.29-34; Mrk 10.46-52)

³⁵Yēsù níitdègu Yèrikò tó kigò nínù, ní kätù atdí ndùmùndúmú otu-igì dǒ àdi, ndàmbe dhu núnzi dǒ ìndrũ-fó ró.

³⁶Ní, wò ndùmùndúmú níiri ihé-yà rǔda dhu, ndàdù dhu ìvu, àdhu mà rǐ ndònzì dhu ndì ndunì tí.

³⁷Ní ka kadù dhu òvò kà tò kati: Yēsù, Nàzàretì ǒ ale rǎrǐ wò rúda.

³⁸Ní kǎkù, ndàti: «Yēsù, Dàwudì nǎngbá, ábà izu dùdú!»

³⁹Ní yà angyi òkò 'àmbe òwu dǒ ale náarù kà dǒ, àdù kàvi rìnè. Pbétù kǎdù òkù tǎitǎ òrǐ nyú tí, ndàti: «Dàwudì nǎngbá, ábà izu dùdú!»

⁴⁰Ní Yēsù adù ide ndàdù kàvi kiwũ nà tina ò. Ní, íkyèrǒ kǐrà àhu tiná rò, Yēsù ivú dhu kà-tsũ ndàti:

⁴¹«Ádhu nyi nyòzè mǎnzì indù?» Ní kǎdù dhu àdu ndàti: «Ádrùngbǎlé, ma mòzè mala nga.»

⁴²Ní Yēsù adù àtinà kà ní: «Álǎ nà inga! Iwà pbùkù a'uta nígũ nyi!»

⁴³Ní ányìrǒ rò tí, wò ndùmùndúmú-nyìkpó náadù ndòpè ndàla nga, àbadhi ràdù àrà Yēsù-owù ǒ, Kàgàwà-òvò nílè ndì ndí rórò. Ndirò kóró ale, wò ndì nònzì dhu nàla, náadù Kàgàwà-òvò nílè átò.

Lukà 19

Zàkayò rǐ Yēsù nózè ndàla dhu

(Luk 5.32)

¹Yèrikò tó kigò ò ndì ndòtsù rò, Yēsù náadi ndàmbe ùda dǒ ndì kigò òna nǎ.

²Ní atdí ale Zàkayò tí kátina ní'ì inè ányì. Ndi Zàkayò ní'ì pàratà tó pbàndómbé dǒ ádrùngbǎlé, ndirò ka ní'ì ònzitále.

³Ní kǎzè ndàla Yēsù rǎrǐ àdhi. Pbétù, kà rǐ Yēsù nálǎ ihé-yà nzínzì ǒ dhu ní'ì odú, ídǒ ndì ndí'ì dhu-okú dò rò.

⁴Ní kǎkù angyi, ndàdù ùpomùkuyù tí kátina itsu dò, ndínǎ ndì ndala tí Yēsù, ányìrǒ kà rǔda dhu-okú dò rò.

⁵Ní, Yēsù níitdègu ìrà àhu ányìrǒ, ní kǎndà ɔrù nga, ndàdù àtinà Zàkayò ní: «Zàkayò, ífo tsàkàtsàkà. Indo dhu àkǎ mǎdhò pbùkù idzá.»

⁶Ní Zàkayò adù ífo tsàkàtsàkà, ndàdù kàkò dhèdhe nyú nà.

⁷Ní wò dhu nàla kóró ale náanù afíya ò, 'àmbe àtinà dǒ: «Kàrà òdhò nzérengatále bhà nyú!»

⁸Pbétù Zàkayò níivà ndì ndidè, ndàdù àtinà Ádrùngbǎlé Yēsù ní: «Ádrùngbǎlé, kànǎ ma màbhu pbàkà ongyéngá tó atdínga óyǒ dǒ nǎkùtále tò. Ndirò dhu í'ina gukyè ìndrũ bhà dhu ma makò tìtò dǒ dhu tí, ní ma mí ndì dhu nádù ífo-rà-dǒ ndì ale tò.»

⁹Ní Yěsù adù àtìnà kà nǐ: «Indo ògù nírà wà àhù àzú-dzá, yàrí ale ní Àbràhamù t'ídhùnà átò nídhunǐ.

¹⁰Obhó tí, Ìndrǔ t'ídhùnà írà ùwǔwí ale nónè, ndínǐ ndadù tí ìgunà.»

Idrè fùrangà tó mbólí

(Màt 25.14-30)

¹¹Yà ndì ndúnɔna dhu ìrì rí ale tò, Yěsù adù yàrí mbólí náwe tdítdǒ. Obhó tí, yà íkyèrǒ Yěsù rǐ'ì Yèrùsàlemà tó kígò ò ndì ndotsú tí dhu-okú dò rò, ìndrǔ náambénà inga nírè dǒ afíya ò, kòmbí nga rǎrǐ ndì òrù-akpà ǒ Ádrùngbǎ kamà Kàgàwà bhà idzi rǐ ndòpè nǐ.

¹²Ní kǎtì: «Atdí ale nǐ'ì kamà-tidò. Ní ndì ale níwà ndì fíyó pbìrì ǒ rò, ndàrà itse nyú vurò pbìrì ò, ndínǐ ka kúdo tí ndì ádrùngbǎ kamà tí, ndì dhu-dzidǒ, ndàdù ìngo fíyó pbìrì ò.

¹³Ní, kǔnzi idrè ale pbìndà kasutále nzínzi ǒ rò, ndàbhù idrè fùrangà foyá. Ndirò, kǎdù dhu ùya abádhí tò, ndàtì: «Nyònzì mùtùruzì wò fùrangà dǒ, rǎrà àhù ma míngo dhu ò.»

¹⁴Pbétù, kà mà tó pbìrì ǒ ale náandrò ka atdíđǒ. Ní abádhí adù ìndrǔ òvì ròwù kǒwù ǒ, ròwù àtìnà: «Mǎ mòzè nzá wò ale rònyù idzi dǒkǎ.»

¹⁵Ní, ádrùngbǎ kamà tí ka kúdo ndì dhu-dzidǒ, ndì ndìngò fíyó pbìrì ò rò, kǎvì kúnzi kǒkò fùrangà ndì ndundo foyá pbìndà kasutále, ndínǐ ndì nduni tí ìngbǎ dhu bhěyi màtí abádhí nónzì kasu ndì fùrangà nǐ dhu.

¹⁶Ní, wemberè tó ale níra, ndàtì kà nǐ: «Ádrùngbǎlé, pbùkù fùrangà nísě ndì atdí kumì fùrangà nǐ.»

¹⁷Ní ádrùngbǎle adù àtìnà kà nǐ: «Ídzi dhu ní wò! Nyi ní idzi kasutále. Nyi nyódò yà funú ma mabhù ákěkpá dhú-ngba nyú mběyi. Ní ndì dhu-okú dò rò, ma mí nyilí nyadi ádrùngbǎle tí idrè kígò dǒ.»

¹⁸Ọyọ rí kìsě kasutále níra ndàdù àtìnà: «Ádrùngbǎlé, pbùkù fùrangà nísě ndì imbò fùrangà nǐ.»

¹⁹Ní ádrùngbǎle adù àtìnà kà nǐ: «Inyi nyú mà átò, nyi nyádi imbò kígò dǒ ádrùngbǎle tí.»

²⁰Ngǎtsi kasutále níra, ndàdù àtìnà: «Ádrùngbǎle, kǎnǐ pbùkù fùrangà. Ma makpɔɔ ka mberù ò, madù òrùnà.

²¹Obhó tí, ma marúbhi ɔdònu nónzì rǒ, inyi ní atdíđǒ arórù ale nídhunǐ. Nyi nyárí dhu idyi inzá nyi nyilí dhu ró, ndirò nyi nyárí ònyù ògu inzá nyi nyazò dhu ró.»

²²Ní ádrùngbǎle adù àtìnà kà nǐ: «Ma mí anya ɔtdì dúnú tsùnù-bvù rǒ. Inyi ní nzére kasutále. Nyi nyuni wà dhu ma rǎrǐ òrù arórù ale, ma rarí dhu idyi inzá ma mìlì dhu ró, ndirò ma rarí ònyù ògu inzá ma mazò dhu ró.

²³Nírò, ádhu inzá nyi nyadù àrà idú fùrangà níli bǎkì ò nǐ, ndínǐ ma mírà àhù nínganí, ma madùya tí àkɔnà iwà dóná nídò rórò? »

²⁴Wò dhu-dzidǒ, kǎdù àtìnà ányìrǒ ì'ì ale nǐ: «Nyàkò wò kà-fó rí'ì fùrangà, nyǎdù àbhùnà yà idre rí'ì kà nà ale tò.»

²⁵Ní ì ale adù àtìnà kà nǐ: «Ádrùngbǎlé, kà rǐ'ì inè idrè fùrangà nyú nà.»

²⁶Ma mátina nyǐ nǐ, ka kabhùya dhu inè dhu rǐ'ì foná ale tò. Pbétù yà ìmbǎ rí'ì dhu nà ale-fó rò, ka kakòya yà kà-fó rí'ì dhu mà.

²⁷Ndirò nyìwǔ pé yà inzà ma nazè mǎnyù idzi dòyá pbàkà òmvǔ-tsí nà iró, nyǎdù àzèná ɔnzidú rò.»

Yēsù rǎrà Yèrùsàlemà tó kigò ò dhu

(Zàk 9.9; Mát 21.1-11; Mrk 11.1-11; Yùw 12.12-19)

²⁸Wò dhu bhèyi ndì ndòtè dhu-dzidǒ, Yēsù àdù ùda ndàdi angyi ihé-yà tò, ndàdù ùpo ndàrà Yèrùsàlemà tó kigò ò.

²⁹Ní kǐtdègu Bètèfagè mà Bètàniyà màná tó pbanga níndù, Mizèyìtunì tó pbìrì inǎ rò, ní kǎvì óyǒ ale pbìndà ábhàlǐ nzínzì ǒ rò ròwù angyi,

³⁰ndàdù àtìnà nǐ: «Nyòwu wò angyi rí'ì pbanga ò. Ní, ányì nyǐ nyówu ùvò rò, nyǐ nyǐ inzà atdí ale mà nǎpè ùbhi dóná angyi kayinǒ-ngba nótù òsò ka kòsò ró. Ní nyǎdù nyǎnga ka, nyǎdù ìwu nà iró.

³¹Ndirò atdí ale mà níivúna gukyè dhu tsùkú ndàti: «Ádhu nyǐ nyǐ kùngǎ nǐ? » Ní nyǐ nyadùna dhu àdu kà tò nyǎti ádrùngbǎle rǎrǐ'ì kǎtdyú nà.»

³²Ní kǒkò Yēsù òvì ale náawù, 'àdù kóró dhu-tsí nótù yà Yēsù núnònà fǐyò dhu bhèyi tí.

³³Ní abádhí rǐ kayinǒ-ngba núnǎ rò ní ndì, ndì kayinǒ-ngba-abádhí níivú dhu abádhí-tsǔ, 'àti: «Ádhu nyǐ nyǐ kayinǒ-ngba núnǎ nǐ?»

³⁴Ní abádhí adù dhu àdu 'àti: «Ádrùngbǎle rǐ'ì kǎtdyú nà.»

³⁵Abádhí náadù òwu wòrì kayinǒ-ngba nà Yēsù-tí'ò, 'àdù ròyá ɔrú mùdzarù núwà, 'ùhu dóná, 'àdù Yēsù àbhu rùpò ndàdi ndì kayinǒ-ngba dǒ.

³⁶Ní yà Yēsù rǎrà angyi dhu bhèyi, ìndrǔ nóowúnà ròyá mùdzarù núwà rǒ, 'ùhu otu ǒ.

³⁷Ní Yēsù itdègu Yèrùsàlemà tó kigò níndù, yà Mizèyìtunì tó pbìrì dò rò ráwǔ otu ǒ, ní kǒwu ǒ ríwu ábhàlǐ tó ihé-yà náadù 'òpè 'ilè Kàgàwà ɔrú tǔya nyú nà, yà Yēsù rǎnzina kóró wíwì ì àla dhu-okú dǒ rò.

³⁸Abádhí ambénà àtìnà dǒ: «Asota náká yà Ádrùngbǎle Kàgàwà-ɔvò rǒ rǐrà ádrùngbǎ kamà nà. Màrùngà àká ndì'ì òrù-akpà ò, ndirò, ilèta náká ndì'ì òrù-akpà ǒ ɔrú ngari ò .»

³⁹Ní ihé-yà nzínzì ǒ ì'ì ngúfe Pbàfàrisáyó náati Yēsù nǐ: «Màlimǒ, ísǒ pbùkù ábhàlǐ rìnè.»

⁴⁰Ní Yēsù adù dhu àdu abádhí tò ndàti: «Ma mátina nyǐ nǐ: abádhí nínèna gukyè, ní odu rǐ ndì ùkǔ.»

Yěsù rǒdzi Yèrùsàlemà tó kigò dǎ dhu

- ⁴¹Yěsù itdègu ìrà àhu íkyèrǒ Yèrùsàlemà tó kigò tí ndàdù kàla, ní kǎpè ndòdzì kà dǎ,
⁴²ndàmbe àtìna dǎ: «Yàrí idho ǎ, nyi nyú mà átò nyi nyúníyana gukyè màrùngà nábà nyi nyádù tí dhu! Pbétù kombí ndi dhu òrù wà ndì rùnù.
⁴³Obhó tí, idho ní'íya inè, yà pbùkù òmvù rǐ nyòkèrè, ì rǎkpòrò ngbõnu ònà odu tó kàlì nǐ, ì rǐlì nyi átsí, 'àdù 'òpè 'ùgyè nyi kóró ngari ònǎ rò.
⁴⁴Abádhí rǐ nyugòlò, ì ròbè ùnúnga, inyi, kóró ùnú aróko ale màna. Ndirò, abádhí rǐ nzǐ inyi ka kasì nǐ atdí odu mà núbha ràdì ngàtsi odu dǎ, inzà nyi nyuni òrù-akpà ò rò mùdzànà ìrà indù ònà kàsùmì nǐdahunǐ.»

Yěsù rǐ Kàgàwà bhà idzá rò rí dhu ùdzǐ ale nòdì dhu

(Màt 21.12-17; Mrk 11.15-17; Yùw 2.13-17)

- ⁴⁵Kàgàwà bhà idza ndì ndòtsù rò, Yěsù adù ndòpè ndòdì ányì idzá rò rí dhu ùdzǐ ale.
⁴⁶Kǎmbénà àtìna dǎ abádhí nǐ: «Andítá áti: «Pbàkà idza ní'íya itsòta-dzà», pbétù nyǐ, nyǐ nyádù kùgèrè ròngò ogbotále náarí ì nùru ònà ngari tí .»
⁴⁷Wò dhu-dzidǎ, Yěsù adù àdì ndàrà dhu ùdhe rǎ ìndrǐ tò bìlǐnganà Kàgàwà bhà idzá rò. Ní pbàkùhání tó ádròdrǎ ale mà, Úyátá tó màlímó mà, ndirò Pbàyàhúdì nzínzì ǎ ádròdrǎ ale màna náadù 'òpè 'òmè kábhu ì ádù kohò ònà otu.
⁴⁸Pbétù abádhí núnì inzà ì ádù ònzìnà dhu, kóró ale rǒwu Yěsù rǎnɔna dhu níri rǎ atdyúya nyú nà nǐdahunǐ.

Lukà 20

Yěsù arí pbìndà kasu ònzi àdhi bhà ádrùngbǎnga tó ɔbi nǐ?

(Màt 21.23-27; Mrk 11.27-33)

- ¹Kǒkòrí idho nzínzì ǎ, atdíku Yěsù adì ndàmbe dhu ùdhe dǎ, ndàdù àmbe Ídzì Mákǔrù núnò dǎ ìndrǐ tò Kàgàwà bhà idzá rò. Ní pbàkùhání tó ádròdrǎ ale mà, Úyátá tó màlímó mà, ndirò Pbàyàhúdì ǎ pbàkùrǔ màna náadù 'ùtò ányìrǎ.
²Ní abádhí ivú dhu Yěsù-tsǔ 'àti: «Úno pé àdhi bhà ádrùngbǎnga tó ɔbi nǐ màtí nyi nyárí kǒkòrí dhu nónzi dhu fǎkà. Ndirò, ádhi nyú ndi wò ádrùngbǎnga tó ɔbi nábhu indù?»
³Ní Yěsù adù dhu àdu abádhí tò ndàti: «Ima nyú mà átò, ma mí atdí dhu nívǔ tsùkú: Nyàdu pé dhu idù.
⁴Yùwanì bhà bàtizò ní'ì tí òrù-akpà ò rò ìrà? Ka ní'ì tí ìndrǐ-bvǔ rò áhu bàtizò?»
⁵Pbétù abádhí adù 'òpè 'ìrè nga nzínziya ǎ, 'àmbe àtìna dǎ: «Àlě kapé dhu àdù òrù-akpà ò rò kà rǐrà, ní kǎdùna àtìna: «Olu ádhu inzà nyǐ nyadù Yùwanì rǎnɔna dhu ná'ù nǐ? »
⁶Ndirò, àlě kapé dhu àdù ìndrǐ-bvǔ rò kà ráhu, ní kóró ale adùna àlě núbvu odu nǐ, iwà kóró ale ná'ù dhu Yùwanì rǐ'ì Kàgàwà bhà nabì nǐdahunǐ.»

⁷Ní, abádhí adù dhu àdu, inzà ì rúnì àdhà rò màtí ndì bàtizò írà dhu.

⁸Ní Yèsù adù àtìnà abádhí nǎ: «Íma nyú mà átò, ma mí nzǎ àdhi bhà ádrùngbǎnga tó obì nǎ màtí ma marí ì dhu ònzi dhu núno fǔkù.»

Vǐnyò tó inga ǎ arí kasu ònzi òrǒrù kasutále tó mbólí

(Mát 21.33-46; Mrk 12.1-12)

⁹Wò dhu-dzidǒ, Yèsù adù ndòpè ndàwe yàrí mbólí ihé-yà tò ndàtì: «Atdí ale náazò vǐnyò tó inga, 'adù 'irì ndì inga-kàsǔ nónzi róngo ale mànà. Wò dhu-lutinǎ, kǎdù ndìvà ndàrà abhi ò ábhǒ idho nyú tí.

¹⁰Ní vǐnyò-kpǒ t'ópèta tó kàsùmì nǎkǎ rò, wòrí inga-àbadhi náavì atdí pbìndà kasutále rǎrà fǐndà ka kùtù vǐnyò-kpǒ nǎkò ndì inga-kàsǔ nónzi arí ale-fó. Pbétù ì kasutále náadù kòngbù, 'adù kàdu róngò ɔtsúna-kpa nà.

¹¹Wòrí inga-àbadhi náavì ngǎtsi kasutále tdítǒ rǎrà ányì. Pbétù vǐnyò tó inga-kàsǔ nónzi arí ale náangbù ndì ale átò, 'ùnò dhu nǎ, 'adù àdunà róngò ɔtsúna-kpa nà.

¹²Tdítǒ kǎvì ìbhu rí kǐsǎ kasutále rǎrà ányì. Ní abádhí náavì ndì tsí átò, ngbǒna rùngbilì ndì otú tí, 'adù òdìnà.

¹³Ní wò inga-àbadhi náati: «Ma mí dhu ònzi ìngbǎ tí? Ɔtsò! Ma mí idhùdu nyú, afídu-mbi nóvì ányì. Ngǎtsi nǎ abádhí rǐ kifǔ ifǔ.»

¹⁴Pbétù, kǒkòrí kasutále níitdègu wòrí kà t'ìdhùnà nǎlǎ, ní abádhí náadù òte nzínziya ǎ 'àtì: «Kòñǎ inga-àbadhi tí adìya ngǎtsi nínanganí ale nyú ní wò. Ní kòho ka, ndínǎ inga adùya tí àdì àlǎ tò.» ¹⁵Ní abádhí adù kòdì inga ò rò, 'adù òhònà. Ní, ádhu nyú ndì wòrí inga-àbadhi rǎdù ònzìnà kǒkòrí kasutále nǎ?

¹⁶Kà rǎdù ìrà, ndàbhu abádhí kǒkyè, ndàdù ndì inga-kàsǔ nábhu ngǔkpa ale-fó.» Ní ìndrǔ níitdègu wò Yèsù ùnò dhu ìrì, náadù àtìnà: «Ínzà wòrí dhu àkǎ ndònzì ndì wò nyí nyúnɔna dhu bhèyi.»

¹⁷Ní, Yèsù andà abádhí dò nga, ndàdù dhu ìvu abádhí-tsǔ ndàtì: «Yà Kàgàwà bhà Andítá núno dhu-tì ní àdhu? Ndi Andítá átì: «Yà odu-dzà nòsì arí ale náabvù igi odu, ní ndì adù òngo idza-pbidò nódò rǎdù àkǎkǎ odu tí .»

¹⁸Ndi odu dǒ rítsì ale níkòya ndì ìkò tí kà dǒ. Ndirò kà rítsì dòná ale ní ǒnga kǐnyiriya ìnyiri tí.»

Ìndrǔ rǐ dhu òngù Yèsù-tsǔ pàratà t'úfótá dǒ dhu

¹⁹Wò ndì kàsùmì ǎ tí, Ɔyátá tó màlímó mà, pbàkùhání tó ádròdrǒ ale mànà náatsú 'àlǔ Yèsù, pbétù abádhí náadù ihé-yà-òdò nónzi. Abádhí nǎ'ì iwà dhu nòsù ì rǎrǐ ndì Yèsù rǔbhi òte rǒ dòyá mbólí ǎ.

²⁰Ní abádhí náapè 'àmbe Yèsù rǔnɔna dhu mà kà rǒnzina dhu mànà nándà dǒ kóró, 'adù abhábho núlì ròkò Yèsù tí ídzi ale bhèyi. I abhábho akò kà-tí ndínǎ 'adù tí kàlu nzéere ale tí tsùna-bvu rǒ, 'adù kípfo 'àbhu anya t'ítàtì t'ále mà, lìwalì mànà-fó.

²¹Ní i abhábhò níivú dhu Yěsù-tsǔ, ì ràti: «Màlimö, mã mání wà dhu nyi nyáí ùnna dhu mà, nyi nyáí ùdhèna ìndrù tò dhu màná rǎrǎ obhó dhu nyú. Ndirò, nyi nyáí ìnzǎ ìndrù-öngà nóvò, pbétù nyi nyáí Kàgàwà ózè ìndrù ròkò tí dhu núdhè obhóngà dǎ.

²²Nírò, àlě tó uyátá návi tí àvǐ àlě rǔfǒ Kàyìsarà bhà pàratà?»

²³Pbétù, abádhí rǎrǎna dóná dhu ndì ndòsù rò, Yěsù adù àtìnà abádhí nǎ: «Nyìbho pé atdí òinarì fudu ò.

²⁴Ádhi yà, nyina-wòyǒ mà pbìndà andítá màná rǎrǎ kà dǎ?» Ní abádhí adù dhu àdu 'àti: «Kàyìsarà ní ndì.»

²⁵Ní Yěsù adù àtìnà abádhí nǎ: «Nyùbho Kàyìsarà bhà dhu-tsí Kàyìsarà tò, nyǎdè Kàgàwà bhà-tsí núbho Kàgàwà tò.»

²⁶Ní abádhí rǎ kòzè nzére ale tí wò kùnò ìndrù tò dhu-okú dò rò dhu náadù abádhí lè mà nónzì ònzì tí. Pbétù, idho núko ì atdí dǎ fǎyò kàdu òte nǎ rò, abádhí adù ìnè ìnè tí.

Pbàsàdùkáyó rǎ dhu òngù ùvǔvè ale rǎ ùngbè dhu dǎ dhu

(Màt 22.23-33; Mrk 12.18-27; 1Kò 15)

²⁷Wò dhu-dzidǎ, Pbàsàdùkáyó nzínzì ò ngúfe ale níiwú Yěsù-tǎ'ò. Abádhí ní'ì ìnzá á'ù yà ùvǔvè kutdǎ ì ale rǎdù 'ùngbè òve-bvù rò dhu ale. Ní abádhí níivú dhu Yěsù-tsǔ 'àti:

²⁸«Màlimö, yàrí ní Músà náandí fǎkà Uyátá: Atdí ale náapé òvè, ndùbhà pbìndà tsìbhále ìmbǎ atdí ngbángba nà màtí, ní dhu àkǎ kà t'ádòná rùndu ndì abvo-àyi-tsù, 'adù nzónzo òdhì màná yà àvǎvè adòná-òvò dǎ .

²⁹Nírò, atdí ale ní'ì àrùbhù kpabhínzo nà. Ní ádrùngbǎ ìngba náakù tsìbhále, ndàdù òvè ìnzǎ ndùbhà atdí ngbángba mà.

³⁰Ní kà-lutìnǎ kpatsìbhíngba mà,

³¹ìbhu rǎ kǐsè màná núundu wòrí abvo-àyi-tsù, 'adù ùve. Ndi dhu anzì ndì wò dhu bhèyi tí kǒkòrí àrùbhù kpabhínzo rǎ, rǎve kóró ìnzǎ 'ùbhà atdí ngbángba mà.

³²Abádhí úve kóró dhu-dzidǎ, ndì tsìbhále náadù òvè átò.

³³Ní, ùngbeta-idhò ò, wòrí tsìbhále ní'ìya àdhi bhà, yà kóró kǒkòrí àrùbhù kpabhínzo tò kǎ'ì tsìbhále tí rò?»

³⁴Ní Yěsù adù dhu àdu abádhí tò ndàti: «Yà kòmbí rǎ'ì adzi ò, kpabhále mà vèbhále màná náarí 'ùmbǔmbǎ.

³⁵Pbétù yà Kàgàwà ózè àkǎkǎnà 'òkò yà olù rǎrǎ adzi ò dhu tí ale, kà-tì ní yà 'ùngbè rǎ ùvǔvè ale nzínzì ò rò vèbhále mà kpabhále màná, nóokoya ìnzǎ 'ùmbǎ ì.

³⁶Ndirò abádhí núuvèya nǎ tǎtǎdǎ akekpá màtí, màlàyíká bhèyi abádhí núuliya ì nídhunǎ. Ndirò, abádhí ní'ìya Kàgàwà bhà ìnzò iwà abádhí ùngbè ì nídhunǎ.

³⁷Músà avò dhu k pangba ùngbè ùvùvè ale rungbeya ì. Pbindà andítá ò, yà kàzu rǒrò róná kǐdzùmbà dǒ rǒte ngari ǒ, kǎnzi Ádrùngbǎle Kàgàwà Àbràhamù bhà Kàgàwà, Ìsakà bhà Kàgàwà, ndirò Yàkòbhò bhà Kàgàwà tí.

³⁸Nírò, Kàgàwà ní nǐ ùvùve ale tó Kàgàwà, pbétù ka ní ípìrǒ rò arí'ì ale tó Kàgàwà. Obhó tí, Kàgàwà tò kóró ale rǐ'ì inè ípìrǒ rò.»

³⁹Ní, Uyatá tó ngúfe màlímó náakò ɔte 'àti Yèsù nǐ: «Màlimò, nyi nyòtè mbèyi nyú.»

⁴⁰Abádhí náadù nzá 'òmvù 'ìvù atdí dhu mà tǐtǐdǒ Yèsù-tsǔ.

Krístò nǎtí Dàwudì t'ídhùnà?
(Yè`r 23.5-6; Mát 22.41-46; Mrk 12.35-37)

⁴¹Tǐtǐdǒ Yèsù adù dhu ìvu abádhí-tsǔ ndàti: «Ka kádù àtìna ìngbǎ dhu bhèyi Krístò rǎrǐ Dàwudì t'ídhùnà?

⁴²Dàwudì nyú ndítírò rǎtina Zàburì tó bhùkù ò: «Ádrùngbǎle Kàgàwà rǎtina pbàkà Ádrùngbǎle nǐ: Ádǐ idú fangà dònǎ rò,

⁴³ràrà àhu ma mí pbùkù òmvù nábhǔ nyòbè dòya dhu ò.»

⁴⁴Ní, Dàwudì rǐ'ì Ádrùngbǎle tí rí kǎnzi, ní kà rǎdù ì'ì ìngbǎ dhu bhèyi Dàwudì t'ídhùnà tí?»

Yèsù rǐ pbindà ábhàlǐ nǎvǐ ròdò ì Uyatá tó màlímó rǒ rò dhu
(Mát 23.1-36; Mrk 12.37-40)

⁴⁵Àzèmbè ihé-yà nókò 'àmbe ndì ndúnɔna dhu ìrì dǒ rǒrò, Yèsù adù àtìna pbindà ábhàlǐ nǐ:

⁴⁶«Nyòdo nyí Uyatá tó màlímó rǒ rò. Abádhí arózèna dhu ní 'ùbhi ádzàdzǐ kanzù ì ùfǒ rǒrò, 'àdù ìndrǔ nózè rǎtsè ì ìfuta nyú nà yà ìndrǔ arí 'ùndu òyá ngari ǒ. Abádhí arí 'òzè 'òkò 'ávǐ rí tombi dǒ unduta-dzà ǒ, 'àdù 'òzè 'òkò angyinǎ rò rǐ'ì ngari ǒ mǔhendù ǒ.

⁴⁷Abádhí arí abvo-ayí-fó dhu òvo kóró, 'àdù àmbe 'ìtsò dǒ ádzàdzǐ, ndínǐ ka kati tí ì idzi ale tí. Ní Kàgàwà itdǐya anya abádhí dǒ ɔbi nyú nà.»

Lukà 21

Nǎkù tó abvo-ayi rǐ perè nábhǔ Kàgàwà tò dhu
(Mrk 12.41-44)

¹Yèsù angbe ndì ndàndà nga, ndàdù ònzítale nála perè tí ì úbhǒna Kàgàwà tò fùrangà nùdǒ rí sàndukù ò ró.

²Kǎdù atdí nǎkù tó abvo-ayi nála átò rǐ óyǒ fùrangà-kpǒ-nzo nídò ndì sàndukù ò ró.

³Ní Yèsù adù àtìna ányì idzá ì'ì ale nǐ: «Ma mí obhó dhu núno fǔkù. Wòrǐ nǎkù tó abvo-ayi nídò fùrangà abho nyú ròsè kóró ale dònǎ.

⁴Obhó tí, kóró kǒkòrí ngǔkpà ale núbho perè tí fùrangà ní yà ìmbà rí'ì kasu nà fíyò kèlě. Pbé̀tù íyàdhíyà, pb̀ìndà nǎkù ǒ, nǎdù kóró fóná rí'ì fùrangà yà dz̀ùnàna ònzì àmbènà nídò perè tí Kàgàwà tò.»

Yèsù rǐ Kàgàwà bhà idza nùgòlò ka kí dhu nóvò dhu

(Màt 24.1-2; Mrk 13.1-2)

⁵Ngúfe ale náakò 'àmbe òte dǒ Kàgàwà bhà idza dǒ. Abádhí ambènà àtìnà dǒ ka rósì ka ùỳỳya odu mà, Kàgàwà tò ka kúbho perè tí dhu mànà nǐ. Ní, Yèsù adù àtìnà:

⁶«Ídho ní'íya inè, yà ìnzì atdí odu mà nùubhàya ndì ngàtsi odu dǒ ìnzá ka kùgòlò rórò òyá, kǒkò nyí nyálǎna dhu nzínzì ǒ.»

Yèsù rǐte tdǔ ndì ndingo rò ì nǒnziya dhu dǒ dhu

(Màt 24.3-14; Mrk 13.3-13)

⁷Tdítdǒ ì ale náadù dhu ìvu Yèsù-tsù, 'àti: «Màlimò, íngbà t́ngá nga ndì kǒkòrí dhu nǒnziya ì nǐ? Ádhu ndì ì dhu rǐ 'ònzì òná kàsùmì àkǎ dhu nitèya fǎkà?»

⁸Ní Yèsù adù dhu àdu ndàti: «Nyàndà nga mbèyi, ìnzì nyàbhu nyí atdí ale mà rùtrǎ nyí. Obhó tí, ábhǒ ale níiwúya ɔ̀vòdu rǒ, ngàtsi ale ràrà àtìnà rǒ: «Íma ní Krístò.» Ndirò: «Yà adzi dǒ dhu-tsù rǐ ndòdì òná kàsùmì-tsù nínù wà ndì.» Ní, àpé nyòwu òwu rǒ ì ale-owù ǒ.

⁹Nyí nyowuya gukyè ìla-òyí nírì rǒ, nyàdù ìndrù ìvà dhu ìnzì 'àmbe fíyò kámá-tsù dhu ìrì dǒ dhu-òyí nírì rǒ, ní àpé nyòwuya ɔ̀dò nábhu rǒ rìsì ùkù. Obhó tí, dhu akáya kǒkòrí dhu r̀onzi ì angyi, pb̀étù ì dhu náaviya nǐ dhu yà adzi ǒ dhu-tsù rǐ ndòdì kòmbí tí.»

¹⁰Tdítdǒ Yèsù adù àtìnà: «Atdídhená ale-tidò nóowuya 'ùgyè rǒ ngǔkpà ale-tidò mànà, ndirò atdí ádr̀ungbǎ kamà bhà pb̀ìrì ǒ ale nóowuya 'ùgyè rǒ ngàtsi ádr̀ungbǎ kamà bhà pb̀ìrì ǒ ale mànà.

¹¹Ádr̀òdrǒ mùtìtì náabhàya adzi rivi, ndirò ozokpa mà àgǎyì mànà ràdù ì'ì dhèdhèrò ngari òná. ɔ̀dò àbhù rí rìsì ìndrù ò dhu nǒnziya ì, idho rǐ ìndrù ùkǒ nǐ ádr̀òdrǒ dhu ràdù 'ònzì òr̀ù-akpà-nyí rǒ.

¹²Pbé̀tù, tdǔ kǒkò dhu nǒnzi ì kórò rò, ka kulúya pé nyí, kadù àvu rùkù. Ka kubhòya nyí unduta-dzà ǒ ádr̀òdrǒ ale-fó ndínì ka kitdì tí ànyàku. Ka kusóya nyí imbi ò, ndirò ka kowuya nyí nà ádr̀òdrǒ kámá mà, lìwálí mànà ònzì, ɔ̀vòdu-okú dò rò.

¹³Ndì kàsùmì-ònga ní ndì nyí nyowuya dùdú nyí nyúnì dhu náwe rǒ abádhí tò nǐ.

¹⁴Ní, nyí nyàkǎ nyùnì dhu, ìnzá dhu ràkànà nyítù afiku, nyí nyí mùsambà ònzì tí dhu nǐ.

¹⁵Obhó tí, ìma ní ndì ma maraya nyí nyúnona dhu mà, àkǎ àkǎ dhu-ònga t'òvòta tó ìrèta mànà dhu nábhu fùkù. Ní fùkù òmvù nóowuya nǐ ìko rǒ nyíku-kpa rǒ, 'àgò nyí nyúnona dhu.

¹⁶Abáku mà, ayíku mà, adóku mà, fùkù idzá-bhà mà, ɔ̀dhíku mànà nóowuya nyípfo rǒ, 'ùbho nyí òmvù-fó, 'àdù nzínzìkù ǒ ábhǒ ale nyú núbho kǒkyè.

¹⁷Kórò ale nǒnziyà nyí okúdu dò rò.

¹⁸Pbétù, dùku rǒ atdí àyǐ-ngba mà náawíya nǐ.

¹⁹Nyǐ nyí dhu-dzi òndù tí dhu náabhùya ndi nyǒdò fùkú ípìrǒnga.»

Yèsù rǐ Yèrùsàlemà tó kigò rǐ ndùkǒ dhu nóvo dhu

(Màt 24.15-21; Mrk 13.14-19)

²⁰«Nyǐ nyalaya gukyè Yèrùsàlemà tó kigò iwà òmvù tó pbànowí àkpòrò ngbǒna ró, ní nyǐ nyuniya dhu ndi kigò rǐ ndùkǒ òná kàsùmì-tsù rìndù wà ndi.

²¹Ní, Yùdeyà tó pbìrì ǒ ì nòtù ale, náakáya 'òtsè pbìrì-akpá dò. Yèrùsàlemà ì nòtù ale náakáya 'ùvò ányìrò, àdù òtse. Ndirò ngǔkpà pbanga òná ì nòtù ale náakáya nǐ 'òtsù Yèrùsàlemà tó kigò ò.

²²Obhó tí, ì idhò ní'íya dhu t'útsèta tó idhò, ndínǐ yà Andítá náarúnona kóró dhu náaká tí.

²³Ndi níniganí, òya nà rí 'òtù vèbhále mà, ìba òndo rí nzónzo rǐ 'òtù foyá vèbhále mà, ní'íya àpbè ǒ. Obhó tí, Pbàìsràyélí tó pbìrì ǒ bhà náabáya àpbè abhò nyú, ndirò Kàgàwà bhà nàwí náadùya ndàvi kpanya abádhí dǒ.

²⁴Abádhí nzínzi ǒ atdídená ale-tsè ka kòtdíya obhi nǐ, kadù ngǔkpàkà núso kumbà kóró ngǔkpà pbìrì òná. Ndirò, ì ngǔkpà pbìrì ǒ ale nóobéya Yèrùsàlemà tó kigò-dò, ràrà àhà fíyó pbìrì òná ì í 'àdù òná kàsùmì rāká dhu ò.»

Ìndrǔ t'ídhùnà rǐngo dhu

(Màt 24.29-31; Mrk 13.24-27)

²⁵«Nyǐ nyalaya ize adyifò rǒ, àbǐ rǒ, ndirò alali rǒ màtí. Ndirò, yà adzi dǒ kóró pbìrì ǒ ale ní'íya ádrùngbǎ izu ǒ, ádrùngbǎ rèrù mà, mùkurà mà nǒnzina wògò níri ì í, inzǐ 'àdù àdhu mà nónzi ì í dhu núnì rò.

²⁶Ìndrǔ núuvèya ùvè tí ǒdò nǐ, yà adzi rǒ rí ndònzì dhu nódo ì í rò. Obhó tí, ádròdrǒnga tó ǒbì nà arí'ì òrù-akpà-nyì rǒ dhu-tsí níivìya kóró.

²⁷Nirò ní ndi ka kalaya Ìndrǔ t'ídhùnà òrù-akpà ò rò ríra ró. Kíraya ádrùngbǎ àpbù nzínzi ǒ, ábhǒ ádrùngbǎnga tó ǒbì nà, ndirò ábhǒ ádrùngbǎnga tó awáwù nà.

²⁸Ní, kóró kǒkòrí dhu nóopéya gukyè 'ònzì ì, ní nyǐ nyikòya mbèyi, nyǎngbe dùku, iwà nyǔkòlǒ ka kí àpbè ǒ rò òná idhò nínù ndi nídhunǐ.»

Mùtinì tí kátina itsu mà, kóró ngǔkpà itsu-tidò mà nà tó mbóli rǎvina dhu

(Màt 24.32-35; Mrk 13.28-31)

²⁹Yèsù adù yàrí mbóli náwe tdítǒ abádhí tò ndàtì: «Nyàndà pé mùtinì tí kátina itsu mà, kóró ngǔkpà itsu mà nà.

³⁰Nyǐ nyapè abádhí-bǐ nálǎ iwà ì nòpè 'àtà ró, ní ka nyǐ nyàndà rò, nyǐ nyarí dhu núnǐ nyǐ-tírò tí iwà lábhu tó kàsùmì rìndù ndi.

³¹Ní ndi dhu bhèyi tí, nyǐ mà átò, nyǐ nyalaya gukyè kǒkòrí dhu rǐ 'ònzì dhu, ní nyǐ nyuniya dhu Kàgàwà rǐ idzi ònyu ìndrǔ dǒ òná idhò-tsù rìndù wà ndi.

³²Ma mí obhó dhu núno fùkù: yà kòmbí rí'ì rùgànda rǐ nǐ ùda inzà kǒkòrí dhu nónzì ì rórò.

³³Òrù-akpà mà, yàrí adzi mànà núudàya ùdà, pbétù pbàkà ɔte núudàya nǐ akekpa màtí.»

Yèsù rǐ ìndrǔ nǎvǐ rǎndà nga mběyi, 'àdù àmbɛ 'ìtsò dǔ bìlǐngà dhu

³⁴«Nyàndà nga mběyi, akye ɔnyú mà, iwa t'órìta mà, ndirò yà adzi ǔ dhu t'írèta mànà náatdúna afíkù nǐ. Ndirò, nyàndà nga mběyi, akye ndi idho náaraya ìsǐ dǔkù inzà nyǐ nyùni rórò nǐ.

³⁵Àdhàdhì àdà náarí ìsǐ ìzǎ dǔ dhu bhěyi, ndi idho nǐsǐya ndi dhu bhěyi tí kóró yà adzi ǔ ale dǔ.

³⁶Nirò, nyòko nyìkpókù nà, nyàdù òwu nyǐtsò rǔ kóró kàsùmì ǔ. Ndi dhu bhěyi ní ndi, nyǐ nyadùya yà rǐrà kóró dhu ǔ rò nyǐ nyúgu nǐ, ndirò Ìndrǔ t'ìdhùnà-ònzǐ nyǐ nyíko nǐ ɔbi nábà.»

³⁷Adyíbhengá, Yèsù aránà dhu núdhe rǔ ìndrǔ tò Kàgàwà bhà idzá rò, ndirò kúbhingá ndàdù àrà àhù rǔ, ndàrà àyi Mìzèyìtunì tí kátina pbìrì dò.

³⁸Ndirò bhòtsungánà nyú, kóró ale nóowúnà 'ìvǎ rǔ, 'òwù Kàgàwà bhà idza, Yèsù-tí'ò, ndínǐ ì ìrì tí kà rǔdhèna dhu.

Lukà 22

Pbàyàhúdì tó ádròdrǔ ale rǐ 'ìrì ndínǐ 'abhù tí Yèsù kohò dhu

(Màt 26.1-5; Mrk 14.1-2; Yùw 11.45-53)

¹Yà ìmbǎ òná afì nà Mùgatì tó mùhendù, Pásìka tí kátina, ní'ì iwà idhòna nǐndù ndi ró.

²Ní, pbàkùhánì tó ádròdrǔ ale mà, Úyátá tó màlímó mànà náambénà Yèsù nábhu ì ádù kohò òná otu nónè dǔ, ihé-yà-ɔdò nónzì ì ì nǐdhunǐ.

Yudhà rǐ Yèsù ìpfò ndàbhù Pbàyàhúdì tó ádròdrǔ ale-fó dhu

(Màt 26.14-16; Mrk 14.10-11)

³Nirò ní ndi Sitanì náatsù Yudhà, Ìskàriyòtá tí kátina ale-afí ò. Ndi Yudhà ní'ì atdí kumì dòná óyǔ nà Yèsù bhà ábhàlǐ nzínzì ǔ atdí ale.

⁴Ní kǎrà, òwù 'ìrì pbàkùhánì tó ádròdrǔ ale mà, Kàgàwà bhà idza-ngbò òdò arí sàndìrì tó ádròdrǔ ale mànà, Yèsù nǐpfò ndi ndí ndàbhù abádhí-fó tí dhu dǔ.

⁵Ní, abádhí-idhè níika ndi atdí dǔ, 'àdù 'ìrì fùrangà ì abhù tí Yudhà tò.

⁶Ní Yudhà náadù ndi dhu ná'ù, ndàdù ndòpè ndònè Yèsù nǐpfò ndi ndí ndàbhù abádhí-fó òná otu, inzà ihé-yà núnì rórò.

Yèsù rǐ Pásìka tó ònyè nǎvǐ kòbhòlò dhu

(Màt 26.17-25; Mrk 14.12-21; Yùw 13.21-30)

⁷Yà ìmbă òná afi nà Mùgatì tó m̀hèndù-idhò náaká. Ndi idhò ní'ì yà tàmbă-nzo náze ka kí Pásìka tó ònyù tí òná idhò.

⁸Ní, Yèsù avì Péterù mà Yùwanì nà ndàtì nǐ: «Nyòwu nyòbhòlò Pásìka tó ònyù ndíńí àlě konyu tí.»

⁹Ní, abádhí ivú dhu kà-tsù 'àtì: «Ádhà nga ndi nyi nyòzè m̀wù ndi ònyù òbhòlò òná?»

¹⁰Ní Yèsù adù dhu àdu abádhí tó ndàtì: «Kigò ò nyí nyótsù rò, nyí nyí nyàsò idha nàndò andu ǒ atdí ale nà. Ní, nyòwu kòwù ǒ tí, nyòwù òtsù kà rǎrà òtsù òná idza ò.

¹¹Ní nyí nyadùna àtìná ndi idza-àbadhi nǐ: «M̀límò nívwù dhu tsùnù ndàtì: Mǎ mí Pásìka tó ònyù nónyu òná rò pbàkà ábhàlǐ mànà kàluga rǐ'ì àdhà? »

¹²Ní kǎdùna ɔrùnǎ rò rǐ'ì ádrùngbǎ kàluga, yà kóró dhu ka kòbhòlò òná nítè fùkù. Ányì nga ní ndi nyí nyòbhòlona ònyù àlě tó nǐ.»

¹³Ní abádhí náawù kigò ò, 'àdù kóró dhu nótu yà Yèsù ùnòná ka fíyò dhu bhěyi tí, 'àdù Pásìka tó m̀hèndù tó ònyù nòbhòlò.

Yèsù nábhù rí kirè ònyù

(M̀t 26.26-30; Mrk 14.22-26; 1Kò 11.23-25)

¹⁴Ònyù tó kàsùmì nítdègu àkǎ, ní Yèsù mà náakò 'àmbe dhu ònyù dǒ pbìndà uvitatále mànà.

¹⁵Ní Yèsù atì abádhí nǐ: «Atdyúdu ì'ìnà atdíđǒ àlě rònyù yàrí Pásìka tó ònyù atdíkpá nyí mànà tdǐ ma mabá àpbè rò.

¹⁶Obhó tí, ma mátina nyí nǐ, ma rǎrǐ nzǐ kònyu tdítđǒ, rǎrà àhu ɔrù-akpà ǒ Ádrùngbǎ kamà Kàgàwà bhà idzi ǒ kǎraya àkǎ dhu ò.»

¹⁷Ní, Yèsù idyi ònyù rǐ'ì òná kópà, ndàdù òtsò àbhù Kàgàwà tó, ndàdù àtìná: «Nyàkò yàrí kópà, nyùdà nzínzìkù ǒ, nyòm̀vù òná rǐ'ì ònyù.

¹⁸Obhó tí, ma mátina nyí nǐ, ma rǎrǐ nzǐ ònyù òmvù tdítđǒ, rǎrà àhu Kàgàwà rǐ idzi nónyu ìndrǐ dǒ dhu ò.»

¹⁹Tdítdǒ kǎdù mùgatì nídyì, ní òtsò ndi ndàbhù Kàgàwà tó dhu-dzidǒ, kùkò ndi mùgatì-ònga, ndàdù àbhùnà pbìndà uvitatále-fó, ndàdù àtìná: yàrí ní ngbòdu, okúkù dò rò ma m̀bhù. Nyòngò dhu ònzì ndi dhu bhěyi, nyàmbe mìrè dǒ róná.

²⁰Ònyù dzidǒ, kǎdù ònyù rǐ'ì òná kópà nábhù ndi dhu bhěyi tí abádhí tó, ndàdù àtìná: «Yàrí kópà ní ɔwátána tí rí nyùngbò Kàgàwà nà, yà okúkù dò rò rí ndùfu azùdu-otù ǒ.

²¹Pbétù, kànǐ ima nípfò rí ndàbhù ma òmvù-fó ale rǐ ìnè atdíkpá ima mànà ònyù-tsùnǎ.

²²Obhó tí, Ìndrǐ t'ídhùnà rǎrà fìndá dhu nǐ yà dòná ka kudhé dhu bhěyi. Pbétù ka nìpfo ndàbhù òmvù-fó ale rǐ'ì àpbè ǒ.»

²³Ní, Yèsù bhà uvitatále náadù 'òpè 'òngù dhu tsùyá nzínzìya ǒ 'àmbe àtìná dǒ, rǎrǐ àdhi pbá ale nzínzìya ǒ, wò dhu bhěyi dhu ònzì rádù.

Ádrùngbǎle nyú ròsè ní àdhi?

(Màt 18.1-4; Mrk 10.35-45; Yùw 13.2-17)

²⁴Wò dhu-dzidõ, Yèsù bhà ábhàlĩ náakò 'àmbe 'àgò dõ nzínziya ò obi nyú nà. Abádhí ambénà dhu òngù dõ tsùyá, rárĩ àdhi nyú ndi ádrùngbǎle nzínziya ò ròsè.

²⁵Ní Yèsù adù àtìnà abádhí nĩ: «Yà adzi ò pbìrì dõ ádròdrò kámá náarí i pbìrì-dò nónyu obi nyú nà. Ndirò i pbìrì dõ rí'ì obi nà ale náarádù 'òzè kanzi ì ídzìnga ònzi arí ale tí.

²⁶Ní, fùkù kà rí'ì mbǎ ndi dhu bhěyi. Pbétù, ádrùngbǎle tí rí'ì nzínziku ò ale náká ndi'ì ákěkpá ale bhěyi, ndirò ìndrũ ùnda rí ale náká ndi'ì ìndrũ-kàsũ ònzi rí ale bhěyi.

²⁷Nirò, ádrùngbǎle nyú ní àdhi? Tí yà mizà dõ rò rí ònyù nónyu ale? Ngátsi nĩ, tí yà ònyù nùli mizà dõ ale? Tí obhó yà ònyù nónyu rí mizà dõ rò ale kèlě ndi ádrùngbǎle? Pbétù ma mí'ì nzínziku ò àdhàdhì yà ònyù nùlĩ rí mizà dõ ale bhěyi.

²⁸Nyĩ, nyĩ'ì ní ndi nyĩ nyádzi nyĩ, nyòndù àpbè-dzi atdíkpá ima mànà ale.

²⁹Ní ndi dhu-okú dò rò ní ndi, ma mútri nyĩ ádrùngbǎ òrù-akpà ò Ádrùngbǎ kamà Kàgàwà bhà idzi tò, àdhàdhì Àbadu Kàgàwà núutri ma kà tò dhu bhěyi.

³⁰Ndi dhu bhěyi ní ndi, nyĩ nyònyuya dhu, nyǎdù dhu òmvù atdíkpá ima mànà pbàkà idzi ò. Ndirò nyĩ nyadùya òko kamà tó tombi dõ, nyámbe atdí kumì dòná óyò nà Pbàìsràyélí tó rùgànda-tsù-ànyǎ núnò dõ.»

Yèsù rĩ Péterù rĩ ndòdhò dhu nóvò dhu

(Màt 26.31-35; Mrk 14.27-31; Yùw 13.37-38)

³¹Wò dhu-dzidõ, Yèsù adù àtìnà Péterù nĩ: «Simonì, Simonĩ, íri pé! Sìtanì nónzi nyĩ, ndínĩ ndilè tí ùkúnga, àdhàdhì nganù-ònga nílè ka karí dhu bhěyi.

³²Pbétù ma mìtsò ma okúnù dò rò ìnzì pbùkù a'uta nóongo tí olù. Ní, nyi nyapé ìngo tídu ò, ní dhu àká nyabhu obi adónù-afí tò.»

³³Ní Péterù adù àtìnà kà nĩ: «Ádrùngbǎlé, ma mà'ù wà dhu kusò àlě atdíkpá imbi ò, ndirò àlě ràdù ùve atdíkpá nyi mànà.»

³⁴Ní Yèsù adù dhu àdu kà tò ndàti: «Péterũ, ma mátina nyi nĩ: indo, à'ũ-akpà rĩ nzĩ òngò ìnzá nyi nyòdhò ma ìbhu-gùna nyati, ìnzá nyi rúni ma rórò.»

Yèsù rĩ pbìndà uvitatále návĩ rùgù ísòwũ mà, bhòlò mà, ìla tó obhi-akpá mànà dhu

³⁵Tdítdõ, Yèsù ivú dhu pbìndà ábhàlĩ-tsũ ndàti: «Yà ma muví nyĩ nyòwù ìmbǎ ísòwũ mà, ìmbǎ bhòlò mà, ndirò ìmbǎ kàyitò na rò, ní atdí dhu mà náawí tí àwĩ rùkú?» Ní abádhí adù dhu àdu 'àti: «Ìnzá atdí dhu mà náawí ròká.»

³⁶Ní Yèsù adù àtìnà abádhí nĩ: «Pbétù kòmbí, ísòwũ nà rí'ì ale náká ndidyì ka, bhòlò nà ale ràdù pbìndà bhòlò nídyì. Ndirò, ìmbǎ rí'ì ìla tó obhi-akpà nà ale náká ndàbhu ròná mùdzarù kodzì, ndínĩ ndadù tí ìla tó obhi-akpà nódzì ndi fùrangà rǒ.

³⁷Obhó tí, ma mátina nyĩ nĩ: yà Andítá núnò dùdú dhu náká wà rònzi ndi. Ndi Andítá ràtina: «Ka kazù àbadhi nzére ale nzínzi ò.» Ní obhó tí, ima nàndà dhu ní rĩ ndònzì ònzi.»

³⁸Ní, abádhí adù àtìnà: «Ádrùngbálé, kànř óyř ila tó obhi-akpá.» Ní kǎdù àtìnà: «Iwà àkǎ.»

Yěsù rř ndìtsò Mizèyìtunì tó pbìrì dǎ rò dhu

(Màt 26.36-46; Mrk 14.32-42; Yùw 18.1-2)

³⁹Yěsù náahù idza rò, ndàdù àrà Mizèyìtunì tó pbìrì dò, yà bìlì ndì ndarí ònzìna dhu bhěyi. Kàbhà uvitatále náadù òwu kǒwù ǒ ányì.

⁴⁰Ní ányì ndì ndàrà àhu rò, kǎti pbìndà ábhàlř nř: «Nyìtsò nyř, akye nyř nyotsúna umvútá ò nř.»

⁴¹Tdítdǎ, kǐndrì ndì itseta abádhí tí rò, mbèmbè òbvù ka kòbvù odu námbènà ìtsì róngá adzí tí, ndàdù ndòkò ǒtdyùna dǎ, ndìtsò ndì,

⁴²ndàti: «Ábá, nyi nyòzè ka nř, índrì pé yàrì kópà itse rùdú rò. Pbétù, àpé kì'ì ma mòzè dhu rř ndònzì dhu tí, kǎkǎ ndì'ì ndì nyi nyòzè dhu tí.»

⁴³[Nírò ní ndì màlàyikà nítò ndì òrù-akpà ònǎ rò, ndìrà ǒbi nábhu kà tò.

⁴⁴Ádrùngbǎ izu núka ndì dhu-okú dò rò, kǎránà ndìtsò rǎ ádrùngbǎ ǒbi nyé nà tdítǎ, róná rò rùtdě adyò ràdù ndìlì azu rùtdě òbvò dhu bhěyi.]

⁴⁵Itsòta dzidǎ, kǐvǎ ndì, ndàdù ndàdu pbìndà ábhàlř-tì'ò, ndàdù abádhí òtù iwà ùdho ró, atdítdǎ izu núka ì nídhunř.

⁴⁶Ní kǎdù àtìnà abádhí nř: «Ádhu nyř nyódhò nř? Nyìvǎ nyř, ndìrò nyìtsò nyř, akye nyř nyotsúna umvútá ò nř.»

Yěsù nòsò ka kǐ dhu

(Màt 26.47-56; Mrk 14.43-50; Yùw 18.3-11)

⁴⁷Àzèmbè Yěsù rǒte rórò ní ndì, ihé-yà núunya ì, Yudhà tí kátina ale ràdù àdi fiyó pìkò dò-tsírò. Ndì Yudhà nř'ì Yěsù bhà atdí kumì dòná óyř nà ábhàlř nzínzì ǒ atdí ale. Ní kǐndrì Yěsù-tì'ò, ndínř ndì ndambó tí ka.

⁴⁸Ní Yěsù adù àtìnà kà nř: «Yudhǎ, tí ambótá-òtù ǒ nga ndì nyi nyì Ìndrù t'ídhùnà nábhǎ òmvǔ-fó nř?»

⁴⁹Kǎkǎ Yěsù mànà ì'inà ale níitdègu wò rí ndàpà ndònzì ndì dhu nálǎ, níivú dhu Yěsù-tsǔ, 'àti: «Ádrùngbálé, dhu àkǎ tí mǔ'a ìndrǔ ila tó obhi-akpá nř?»

⁵⁰Ní, abádhí nzínzì ǒ atdí ale núu'a pbàkùhání tó ádròdrǎ ale dǎ kamà bhà kasutále, ndìtsà fangà dònǎ bǐna.

⁵¹Pbétù, Yěsù adù àtìnà: «Ìnzě, úbhà! Iwà àkǎ wò dhu bvùtí!» Wò dhu-dzidǎ, Yěsù adù ndì ale-bì-ngbò nǎpbala, ràdù ògù.

⁵²Ní, Yěsù adù àtìnà kǒkò róná ìwǔ pbàkùhání tó ádròdrǎ ale mà, Kàgàwà bhà idza-ngbò òdò arí sàndìrì tó ádròdrǎ ale mà, pbàkùrǔ mànà nř: «Nyř nyàdù tí ìwu fùkú ila tó obhi-akpá nà, ndìrò fùkú mùgò mànà ogbotále nòsò ríwu ale bhěyi?

⁵³Àlě kùbhì ì'ì rǎ nyř mànà bìlìngànà Kàgàwà bhà idzá, ìnzř nyàdù malu. Pbétù kòmbí rí kàsùmì ní fùkú, yà ìnò ǒ arí kasu ònzì ǒbi mànà.»

Péterù rätina inzä ndì rùni Yèsù dhu

(Màt 26.57-58,69-75; Mrk 14.53-54,66-72; Yùw 18.12-18,25-27)

⁵⁴Yèsù ì àlě dhu-dzidě, abádhí náadù òwu kà nà pbàkùhání tó ádròdrě ale dě kamà bhà. Péterù adù àdi olùnà rò, ndàmbe àrà dě abádhí-owù ǒ.

⁵⁵Kǒkòrí ale núuto kàzu rùwugà dě, 'àdù òko tsùna nǎ. Péterù adù ìrà, ndàdi átò abádhí nzínzì ǒ.

⁵⁶Ní, kasu tó atdí tsìbhále náala Péterù kàzu-tsùnà àdi ró. Ní kǎdi nyìkpóna kà rě, ndàdù àtìnà: «Yàrí ale mà ní'ìnà átò kà mànà.»

⁵⁷Pbétù, Péterù adù kà-tsù dhu nágò, ndàti: «Yà tsìbhálé, inzä ma m̀ni wò ale!»

⁵⁸Ákě kàsùmì dzidě tí, ngǎtsi ale náala ka tdítđ, ndàdù àtìnà kà nǎ: «Ìnyi nyú mà átò, nyi ní atdí abádhí nzínzì ǒ ale.» Pbétù Péterù adù àtìnà wò ale nǎ: «Ìnzì ní ma abádhí nzínzì ǒ ale.»

⁵⁹Tdítdě, mbèmbè iwà atdí adyifě-sisì nyú núdà rórò, ngǎtsi ale náavò dhu ɔbi nyú nà ndàti: «Obhó nyú, yàrí ale mà ní'ì atdíkpá kà mànà, ka ní Galìlayà tó pbìrì ǒ ale nídhunǎ.»

⁶⁰Ní, Péterù adù dhu àdu kà tò ndàti: «Ìnzä ma m̀ni wò nyi nyòzè nyunò dhu.» Wò ndì kàsùmì ǒ tí, àzèmbè Péterù rǒte rórò ní ndì, à'ǔ-akpà náadù òngò.

⁶¹Ní, Ádrùngbǎle Yèsù náagéré ndì, ndàndà Péterù. Nírò ní ndì Péterù adù yà Ádrùngbǎle Yèsù núnònà fíndà dhu nírè. Kǎti: «Ìndo, inzä à'ǔ-akpà nǎpè òngò rórò, nyi nyi'ina iwà nyi nyòdhò ma ìbhu-ràdě ró.»

⁶²Ní Péterù adù àhu iri, ndàdù òdzi ádrùngbǎ izu nyú nà.

Yèsù nǎ ka kí dhu núno, kadù àmbè òvìnà dě dhu

(Màt 26.57-68; Mrk 14.65; Yùw 18.12-24)

⁶³Yà Yèsù rǎ'ì foyá ale náambénà kùgbò dě, 'àdù àmbè kòvì dě.

⁶⁴Abádhí owúnà kà-nyì àtsì rě, 'àdù dhu ìvu kà-tsù, 'àti: «Áti pé nyi nùtì ale fǎkà?»

⁶⁵Ndirò abádhí náadù ábhě ngǔkpà nzére dhu nyú núno kà nǎ.

Yèsù nà ka kówu ùvò Pbàyàhúdì bvě ádròdrě anya nítđì arí ale-ònzǎ dhu

(Màt 26.59-66; Mrk 14.55-64; Yùw 18.19-24)

⁶⁶Inga níitdègu ùbho, ní Pbàyàhúdì tó pbàkùrě mà, pbàkùhání tó ádròdrě ale mà, Uyátá tó màlímó mànà, núundu ì, 'àdù Yèsù nábhu kowù nà fìrǎbvě ádròdrě anya nítđì arí ale-ònzǎ.

⁶⁷Ní, abádhí níivú dhu Yèsù-tsù 'àti: «Nyi nyapé ì'ì Krístò tí, ní únò pé ka fǎkà.» Ní Yèsù adù dhu àdu abádhí tò ndàti: «Ma mapé kùnò fǔkù, ní nyǎ nyí nzǎ kà'u.

⁶⁸Ndirò, ma mapé dhu ìvù tsùkú, ní nyǎ nyí nzǎ dhu àdu idù.

⁶⁹Pbétù ròpè ndì kombí, Ìndrù t'ídhùnà rǎrà àdi Kàgàwà bhà ádrùngbǎnga tó ɔbi tó fangà dònǎ rò.»

⁷⁰Ní, kóró ale adù dhu ìvu kà-tsù 'àti: «Olu nyi tí ndi Kàgàwà t'ídhùnà?» Ní kǎdù dhu àdu abádhí tò ndàti: «Nyí ní ndi nyí nyàti, ima rǎrǎ ndi.»

⁷¹Ní abádhí adù àtìnà: «Àlě tí'ì inè ngàmbì-atdyú nà tdítđđ? Àlě kírì wà kùnò dhu àlě-bì nyú nǎ.»

Lukà 23

Yěsù rǎ m̀sambà ònzì Pìlatò-ònzǎ dhu

¹Abádhí níwà ì kóró atdíkpá, 'òwù Yěsù nà, 'òwù ùvò nà Pìlatò-ònzǎ.

²Ní abádhí apè 'òbhù ka, 'àmbe àtìnà dđ: «Mǎ m̀tù yàrí ale àlě tó pbìrì ǒ ale-do ìdzǎ rí, ndínǎ dhu níwà tí ró. Kà rǎrà ìndrù-tsù nátò rǒ ìnzǎ Kàyìsarà bhà pàratà nufó tí. Ndirò kà rǎrà ndàti rǒ ndítìrò Krístò, ádr̀ngbǎ kamà tí.»

³Ní Pìlatò ivú dhu Yěsù-tsù ndàti: «Inyi, nyi tí Pbàyàhúdì tó ádr̀ngbǎ kamà?» Ní Yěsù adù dhu àdu kà tò ndàti: «Inyi ní ndi ka nyi nyùnò.»

⁴Ní Pìlatò adù àtìnà pbàkùhání tó ádr̀drǒ ale mà, ihé-yà mànà nǎ: «Inzá ma màla atdí afátá mà yàrí ale dđ ka kádù anya òtdì okúna dò rò.»

⁵Pbétù abádhí náadù dhu nútù atdíđđ, 'adù àtìnà: «Kà rǘdhěna dhu náarí ìndrù-do nídžǎ. Kǒpè ka Gàlìlayà tó pbìrì ò rò, ndùdà nà kóró Yùdeyà tó pbìrì ònǎ, ndìrà àhu nà iró.»

Yěsù rǎ'ì ádr̀ngbǎ kamà Hèròdè-ònzǎ dhu

⁶Pìlatò nítdègu wò dhu ìrì, náadù dhu ìvu wò ndi ale ràtí Gàlìlayà tó pbìrì ǒ ale.

⁷Ní, ádr̀ngbǎ kamà Hèròdè bhà pbìrì ǒ ale tí kà rǎ'ì dhu ndi ndìrì rò, Pìlatò adù kàbhu kowù nà Hèròdè-fò ò. Wò ndi kàsùmì ǒ, Hèròdè náadù ndòtù Yèrùsàlemà tó kigò ò ndi ndìrà átò ró.

⁸Ní Yěsù ndi ndàla rò, Hèròdè-idhè níika ndi atdíđđ. Obhó ka ní'ì angyangyi tí ubhínà ndòzè rǒ ndàla Yěsù-ngbò, yà kà dđ ka kúnona dhu níri ndi ndarí dhu-okú dò rò. Ndirò, kǎzè ndàla kà rǒnzina atdí wíwì mà.

⁹Ní Hèròdè náangù dhu ádzíta nyú Yěsù-tsù, pbétù kádù nzá atdí dhu mà nádu kà tò.

¹⁰Pbàkùhání tó ádr̀drǒ ale mà, Úyátá tó màlímó mànà ní'ì ànyìrǒ. Ní abádhí adù Yěsù òbhù obi nyú nà.

¹¹Nírò ní ndi Hèròdè mà, yà ngbǒna òdò rí pbànowí mànà, náambénà kùnò dđ itsi dđ. Ní ka ndi ndùgbǒ, ndàdù àyàya mberù náfò kà-rǒ dhu-dzidđ, kádù Yěsù àdu kowù nà tdítđđ Pìlatò-fò ò.

¹²Ndi nínganí tí, Hèròdè mà Pìlatò nà, náadù 'òzè òzè tí, àzèmbè òmvù tí ì árúbhi ì'ì rǒ angyinǎ rò rórò.

Yěsù-ànyǎ nótđì ka kǐ ndínǎ ka koho tí dhu

¹³Pilatò náandu pbàkùhání tó ádròdrò ale mà, Pbàyàhúdì tó ádròdrò ale mà, ngǔkpà ale màna.

¹⁴Ní kǎdù àtìna abádhí nǐ: «Nyǐ nyìwù yàrí ale nà fudu ò, nyǎdù àtìna kà rarí ìndrù-dò nídzi ndínì dhu nivà tí. Nírò, kànǐ ma mòngù dhu kà-tsù nyìkpòku ò rò. Ní ma màla nzá atdí afátá mà kà-dǒ ka kí anya nótdì okúna dò rò. Ndirò, atdí dhu mà rǐ'ì ìmbà yà nyǐ nyòbhù ka dóná.

¹⁵Hèròdè nyú mà nála nzá atdí afátá mà kà dǒ, kǎdù kàdu tdítǒ àlě-fò ò nídhunǐ. Ní, yà kǒnzì dhu ò, atdí dhu mà rǐ'ì mbà, yà kàbhù rádù kohò.

¹⁶Ní, ma mí kíkòlò iwà ma màbhù ka kǎvi rórò.»

¹⁷[Yà Pásìka tó mǎhendù-idhò náarírà dhu bhèyi, ka kongónà atdí ale níkòlò imbi ò rò abádhí tò.]¹⁸Ní, abádhí kórò náapè 'ùkù atdíkpá, 'àmbe àtìna dǒ: «Ábhù wò ale kohò, nyadù Bàrabà níkòlò fàkà.»

¹⁹Ndi Bàrabà ka kasò imbi ò, kigò ò ndì nónzì wògò-okú dò rò, ndirò ìndrù kǒhò dhu-okú dò rò.

²⁰Pilatò abhù tǔna tdítǒ ihé-yà tò, Yèsù ndì ndòzè ndìkòlò nídhunǐ.

²¹Pbétù, abádhí adù idù: «Útǒ ka mùsàlabhà dǒ! Útǒ ka mùsàlabhà dǒ!»

²²Ìbhù rí kìsè nǐ, kǎti abádhí nǐ: «Ádhu nyú ndì kǎfà? Inzá ma màla atdí afátá mà, yà kǎkǎ kohò okúna dò rò. Ní ma mí kàbhù kǎvi, madù ìkòlòna ràrà.»

²³Pbétù, abádhí náadù dhu útù, 'àmbe ùkù dǒ àrì nyú tí, ndínì ka kutó tí ka mùsàlabhà dǒ. Ní abádhí tó ìkù-òbì òsè dóna nǎ rò,

²⁴Pilatò adù abádhí-afí òzè dhu nónzì.

²⁵Ní kíkòlò yà imbi ò ka kósò kigò ò ndì nónzì wògò-okú dò rò, ndirò abvo nóhò dhu-okú dò rò ale. Ndi ale ní'ì yà abádhí rǔbhi ònzìna rǒ kíkòlò ale. Nírò ní ndì kǎdù Yèsù nàbhù abádhí-fó, ndínì abádhí onzì tí afíya nózè dhu bhèyi.

Yèsù nútǒ ka kí mùsàlabhà dǒ dhu

²⁶Yèsù nà ì ówu òná kàsùmì ò, abádhí náalú Sìmonì tí kátina atdí ale inga bvù rò rírà rórò. Ndi ale ní'ì Kùrenì tó kigò ò ale. Ní abádhí náadù mùsàlabhà nágba kà-dǒ, ndínì kánó tí, ndàmbe àrà dǒ nà Yèsù-owù ò.

²⁷Ábhò ihé-yà mà, vèbhále màna náambénà òwu dǒ Yèsù owù ò. I vèbhále náambénà odrùya-dò nùpbì dǒ izu-okú dò rò, 'adù àmbe Yèsù òdzì dǒ.

²⁸Ní Yèsù agéré ndì ndàndà abádhí, ndàdù àtìna: «Yèrùsàlemà ò vèbhínzó, ìnzì nyòdzì ma! Pbétù, nyòdzì nyǐ nyǐ-tírò, ndirò nyòdzì fùkú nzónzo.

²⁹Obhó tí, idhò rǐ'ì ìnè yà òyá ka kowuya àtìna rǒ: «Hirò nónzì ní ìngò-ayí, ndirò hirò nónzì ní ìnzá ì nugu vèbhále, yà ìnzá inzo apèna ìbàya-tsù nǐndù vèbhále.»

³⁰Ndi nínganí, ìndrù owuya àtìna rǒ pbìrì-akpá nǐ: «Nyàgbù nyǐ dòká! » Ndirò abádhí owuya àtìna rǒ pbìrì nǐ: «Nyàtsì nyǐ dòká! »

- ³¹Obhó tí, yà dhu bhëyi ka kí dhu ònzí kázũ itsu rǒ rò, òtdyòtdyù itsu rǒ ka kónzina dhu nóloya ìngbã dhu bhëyi?»
- ³²Wò ndí kàsúmì ǒ tí, ka kambénà òwu dǒ átò nzére dhu ònzí arí óyǒ ale nà, ndíní ka kòkye tí atdíkpá Yèsù màrà.
- ³³Ní, «Ale-dò-kpa» tí kátina ngari ò ì òwù ùvò rò, abádhí núutó Yèsù mùsàlabhà dǒ ányìrǒ, kǒkò nzére dhu ònzí arí óyǒ ale màrà. Atdí ale ka kutó Yèsù bhà fangà dònã rò, kadù ngàtsi nútò kàbhà ígù dònã rò.
- ³⁴[Ní, Yèsù ambénà àtìnà dǒ: «Àbá, ùbà dhu abádhí tò, inzà abádhí ùni ì ónzina dhu nídhuní.»] Abádhí náadù Yèsù rǒ mùdzarù núndò foyá, ngàlà ǒ ì òvì rórò.
- ³⁵Ìndrũ náadù ìko ányìrǒ, 'àmbe ndònzí rí dhu nándà dǒ. Pbétù, pbàyàhúdí tó ádròdrǒ ale náadù òko 'àmbe Yèsù núgbo dǒ, 'àmbe àtìnà dǒ: «Kǐgũ ngũkpà ale, ní kǐgũ pé ndí ndítírò, kápé ì'ì Krístò, Kàgàwà ópì fíndà ale tí!»
- ³⁶Pbànowí náambénà kùgbo dǒ átò, 'adù òwu ògyògyè òvayì náva rǒ kà-tsũ.
- ³⁷Abádhí adúnà òwu àtìnà rǒ: «Nyi nyapé ì'ì Pbàyàhúdí tó ádrùngbã kamà tí, ní ígũ pé nyi nyi-tírò.»
- ³⁸Kà-dònã ka kadù dhu àndi yà dhu bhëyi: «Yàrí ale ní Pbàyàhúdí tó ádrùngbã kamà.»
- ³⁹Yà Yèsù tí ka kùtǒ mùsàlabhà dǒ ale nzínzì ǒ atdí ale núunò dhu kà nǐ ndàtì: «Nyi tí obhó Krístò? Ígũ pé nyi nyi-tírò, nyadù mà nígu!»
- ⁴⁰Pbétù ngàtsi kà t'òdhìnà náadù òrù kà dǒ ndàtì: «Nyi tí obhó Kàgàwà-òdò mà nónzi, àzembè nyi nyongó ì'ì ndí àpbè-tidò kèlě nábà nyi nyí?»
- ⁴¹Àlě kí àpbè nábà obhónánga dǒ, àlě tó afátá-okú dò rò àlě kí kàbà nídhuní. Pbétù yàrí ale náfã nzà atdí dhu mà.»
- ⁴²Tdítdǒ, kǎdù àtìnà: «Yèsù, ìrè nyírè ma pbùkù idzi ò nyi nyótsù rò.»
- ⁴³Ní Yèsù adù dhu àdu kà tò ndàtì: «Ma mí obhó dhu núunò indù: àlě kótsù nyi màrà indo tí pàràdisò ò.»

Yèsù rǒvè dhu

- ⁴⁴Mbèmbè azà adyifò-sisì adyíbhengá nga tó ǒ, ínǒ-yà níbvú ndí kóró ndí pbìrì ǒ, ràrà àhu àrùgyètdí adyifò-sisì adyídǒ nga tó ò.
- ⁴⁵Adyifò náavè, Kàgàwà bhà idza ǒ ka kúsò ádrùngbã mberù pàziyàtí kátina-ǒnga ràdù ndifa átsì rò.
- ⁴⁶Ní Yèsù akù orú tũna nyú nà ndàtì: «Àbá, ma màbhu afidu funú.» Wò dhu ndí ndòrì dhu-dzidǒ ní ndí, kà-afí náadù ìtdě dòtsí.
- ⁴⁷Wò ndí nònzì dhu ndí ndàla rò, Pbàrómá tó pbìrì ǒ atdí miyà pbànowí dǒ ádrùngbãle níilè Kàgàwà ndàtì: «Obhó nyú, yàrí ale ní'ì obhónángatále!»
- ⁴⁸Kóró alé-yà, yà ibí rò iwũnà dhu àndà, náala wò ndí nònzì dhu. Ní abádhí náadù ì ányìrǒ rò dòya-tsirò ùlũ izu nyú nà rórò.

⁴⁹Yà Yěsù núnì kóró ale, Gàlìlayà tó pbìrì ò rò ka nándà vèbhále mànà, níikò itseta, 'àmbe ùda rúda dhu nándà dǎ.

Yěsù nótdù ka kí dhu

⁵⁰Pbàyàhúdì-bvǔ ádròdrǒ anya nítdì arí ale nzínzì ǒ, Yòzefù tí kátina atdí ale ní'ì inè. Ndi ale ní'ì ídzì ale, ndirò ka ní'ì obhónángatále.

⁵¹Kátsù nzá yà Yěsù dǎ rí 'iri ale tó ɔte ò màtí, ndirò abádhí rǒnzina dhu ò màtí. Wò ndi Yòzefù ní'ì Àrimàtayò tí kátina Pbàyàhúdì-bvǔ atdí kígò ǒ ale. Ndirò kǒngónà Kàgàwà rǐ idzi ònyu ìndrǔ dǎ ònà idho nóddò.

⁵²Ní kǎrà Pilatò bhà, ndàrà Yěsù-abvò nónzì kà-fó.

⁵³Kǎdù Yěsù-abvò nífo mùsàlabhà dǎ rò, ndàdù ngbǒna nákpòrò mberù ò. Kǎdù àrà ndi abvo nótdù bhalabhala ò ka kóbhì ibhu ò. Ndi ibhu ní'ì inzà ka kàpè atdí ale mà nótdù ònà angyi.

⁵⁴Wò dhu anzì ndi yà ìndrǔ rǐ 'òbhòlò ndínǐ sàbatù adù tí ndòpè ònà idho ǒ.

⁵⁵Yà Gàlìlayà tó pbìrì ò rò Yěsù nándà vèbhále, náadù òwu atdíkpá Yòzefù mànà. Abádhí náala Yěsù-abvò nótdù ka kí ònà ibhu, 'àdù Yěsù ka kílì ibhu ò tí dhu nála.

⁵⁶Wò dhu-dzidǎ, abádhí náadù 'àdu fíràbvù, 'òwù andròkò mà, ndrùù róngu akye mànà nòbhòlò. Sàbatù-idhò ǒ, abádhí náadù 'àsò yà Ƴyátá nónzì dhu bhěyi.

Lukà 24

Yěsù rǐ ndìngbè dhu

(Màt 28.1-10; Mrk 16.1-8; Yùw 20.1-13)

¹Sàbatù-idhò dzidǎ rúbho nga ǒ, vèbhále náawù kútsingá nyú kàbhùlì ò. Abádhí awù ányì yà angyangyi ì óbhòlò mběyi róngu akye mànà foyá.

²Ní, abádhí adù odu nótdù iwà ka kògèrè ibhu-lí rò ró.

³Ní abádhí atsù ndi ibhu ò, pbétù abádhí adù nzá Ádrùngbàle Yěsù-abvò nótdù.

⁴Ní atdíddǎ idho núkò abádhí ndi dhu dǎ rórò ní ndi, óyǎ ale núuto ì abádhí tí, atdíddǎ rúmbilì mùdzarù nà ròyá.

⁵Ní atdíddǎ ɔdò nísǐ òyà dhu-okú dè rò, abádhí adù dòya nútdò obvò. Pbétù, kòrí ale adù dhu ìvu abádhí-tsǔ 'àti: «Ádhu nyí nyí inè rí'ì nyìkpóna nà ale nóme ùvǔve ale nzínzì ǒ ní?»

⁶Kà rǐ'ì mbǎ iró, kìngbè wà ndi ɔve-bvù rò. Nyìrè pé yà fùkù kǔnò àdì ndi ndàdì Gàlìlayà tó pbìrì ò rórò dhu.

⁷Kǎti: «Dhu àkǎ kipfo Ìndrǔ t'ídhùnà kabhu nzérenгатále-fó, kadù ùtonà mùsàlabhà dǎ, ndirò ibhu idho dzidǎ, kà ràdù ndìngbè.»

⁸Nírò ní ndi abádhí náadù yà Yěsù uno ɔte nírè.

⁹Ní abádhí adù ì ibhu-tí'ò rò, 'òwù yà ì àla kóró dhu nánò atdí kumì dóná atdí nà ábhàlǐ tò, kóró ngǔkpà ale mànà.

¹⁰Í vèbhále ní'ì Màngàdalà tó kigò ǒ Màriyà mà, Zànì mà, Yàkòbhò-tsánà, Màriyà mànà. Ndirò, yà abádhí ì'ìnà mànà ngǔkpà vèbhále, náadù dhu àwε ndi dhu bhèyi tí Yèsù bhà uvitatále tò.

¹¹Pbétù, kǒkò vèbhále ùnò fǐyò dhu nàtì uvitatále adù zèze tí. Ní abádhí adù nzá ndi dhu ná'ù.

¹²Pbétù Péterù náadù ndivà, ndòkù kàbhùlì ò. Ní, ndi ndàgǔ ndi ndàndà ibhu-ònga rò, kàla mberù-mbélémbèlè kèlě ányì. Wò dhu-dzidǒ, kǎdù ndàdu ndàrà pbìndà atdíǒ idhò núkò ndi wò ndi nònzì dhu dǒ rórò.

Yèsù rǐ ndàvǐ ǒyǒ ábhàlǐ tò Èmawù rárà otu ǒ dhu

(Mrk 16.12-13)

¹³Ndi nínganì tí, Yèsù bhà ábhàlǐ nzínzì ǒ ǒyǒ ale náakò 'àmbe òwu dǒ Èmawù tí kátina pbanga ò. Ndi pbanga ní'ì atdí kumì dóná atdí nà kilòmèterè tí Yèrùsàlemà tó kigò rǒ rò.

¹⁴Abádhí ambénà òte dǒ yà ì nònzì kóró dhu-tsí dǒ.

¹⁵Ní wò abádhí rǒte, 'adù àmbe 'àgò dǒ ònà kàsùmì ǒ, Yèsù nyú nditirò náandri abádhí tí ò, 'adù àmbe òwu dǒ atdíkpá abádhí mànà.

¹⁶Pbétù, dhu adù abádhí-nyǐnga níti ìnzǐ rùni Yèsù.

¹⁷Ní Yèsù ivú dhu abádhí-tsǔ, ndàti: «Ádhu nyǐ nyǐ nyǎgò dóná, àzèmbè nyǐ nyongó òwu?» Ní kòrí ábhàlǐ náadù ìko, izu ràdù 'ùka atdíǒ.

¹⁸Atdí abádhí nzínzì ǒ ale, Kiliyòpà tí kátina, náadù dhu ìvu kà-tsǔ ndàti: «Nyǐ tí ndi atdí rǒ Yèrùsàlemà tó kigò ǒ bhà nzínzì ǒ ìnzá nyǐ nyùnì kàrí idhò nzínzì ǒ ndi nònzì dhu?»

¹⁹Kǎdù àtìnà abádhí nǐ: «Ádhu ndi?» Ní abádhí adù dhu àdu kà tò 'àti: «Yà Yèsù, Nàzàretì tó kigò ǒ ale rǒ ndi nónzì dhu. Ndi ale ní'ì ádrùngbǎ ǒbi nà nabì. Kǎrà ndi pbìndà ǒbi návi rǒ kàsùna ǒ, ndirò òtèna ǒ màtí, Kàgàwà-ònzǐ ndirò kóró ale-ònzǐ màtí.

²⁰Ní fàkà pbàkùhání tó ádròdrǒ ale mà, fàkà ádròdrǒ ale mànà nípfò ka, 'àbhu kotdì anyà dóná ndínì ka kohò tí, 'adù kàbhu kutǒ mùsàlabhà dǒ.

²¹Mǎ nyú, mǎ múbhì dhu ìrè rǒ ka rǎrǐ ndi Pbàìsràyélí núwǔ rí ìnò-kàsǔ ǒ rò. Pbétù ròsè kóró dhu dóná, ìndo kóró kòrí dhu ònzì ì ró idhò náhu wà ìbhu.

²²Ní obhó tí, nzínzìka ǒ ngúfe vèbhále nábhu idhò rùkò mǎ atdíǒ. Abádhí òwùnà bhòtsungá kàbhùlì ò.

²³Ní ìnzá ì òtù Yèsù-abvò rò, abádhí àdù ìngo, 'adù àtìnà màlàyíkà ràvi ì fǐyò. Ní, ì màlàyíkà ràti ìnè Yèsù rǎrǐ'ì nyǐkpóna nà.

²⁴Yà mǎ mǐ'ì mànà atdíkpá ale nzínzì ǒ, ngúfe ale nádù òwu átò kàbhùlì ò, 'àdù ndì dhu nótù àdhàdhì yà vèbhále náwenà dhu bhěyi tí. Pbétù abádhí àdù nzá ndì Yěsù-ngbò nyú nála.»

²⁵Ní Yěsù adù àtìnà abádhí nǐ: «Nyǐ ní ìmbǎ irèta nà ale! Ndirò nyǐ ní ìnzǐ arí pbànábí núnò kóró dhu ná'u tsàkàtsàkà ale!

²⁶Dhu aká tí obhó Krístò ràbà àpè ndì dhu bhěyi tdǔ ndì ndotsú pbìndà ádrùngbǎnga tó awáwù ò rò?»

²⁷Wò dhu-dzidǒ, kǎdù dòná ka kandí Kàgàwà bhà Andítá ò kóró dhu-tì nópè ndàwe abádhí tò, ròpè ndì Músà bhà Andítá ò rò, ràrà àhù kóró pbànábí náandí dhu ò.

²⁸Abádhí nítèdègu yà ì úbhi òwu rǒ ònà pbanga nínù, ní Yěsù adù dhu ònzì itse rárà ale bhěyi.

²⁹Pbétù abádhí adù Yěsù àgo 'àti: «Ádǐ atdíkpá mǎ mànà. Obhó tí, adyifò àrà wà, ndirò inga rǎti kòmbí tí.» Ní Yěsù adù òtsù, 'òkò atdíkpá abádhí mànà.

³⁰Ní ònyù-tsùnǎ ì òkò atdíkpá abádhí mànà rórò, Yěsù nídyi m̀gati ndàlǔ fóná, ndàdù òtsò nábhù Kàgàwà tò. Wò dhu-dzidǒ, kǎdù m̀gati-ǒnga nùkò ndùndò abádhí-fó.

³¹Nírò ní ndì abádhí-nyǐnga náarà ndùtù, 'àdù Yěsù núnì. Pbétù Yěsù náadù àwǐ dòtsí abádhí-nyǐkpó ǒ rò.

³²Ní abádhí adù 'òpè 'òtè nzínziya ǒ, 'àmbe àtìnà dǒ: «Àlě-afí nígbènà tí obhó àlě ò, yà otu ǒ kà rùbhi Kàgàwà bhà Andítá-tì náwe rǒ àlě tò rò?»

³³Abádhí adù 'ìvǎ ányìrǒ rò tí, 'àdu ì Yèrùsàlemà tó kigò ò. Ní ányì abádhí atù kǒkò atdí kumì dòná atdí nà uvitatále òdhiya mànà ì nàndu ró.

³⁴Ní ì uvitatále náadù àtìnà abádhí nǐ: «Obhó nyú, Ádrùngbǎle Yěsù níngbè wà ndì. Kàvi wà ndì Sìmonì tò.»

³⁵Ní kòrí óyǒ ábhàlǐ náadù ròyá ndì ònzì otu ǒ dhu mà, ìngbǎ dhu bhěyi màtí ì òwù Yěsù núnì m̀gati-ǒnga nùkǒ rí ró dhu mànà dhu náwe abádhí tò.

Yěsù rǐ ndàvǐ pbìndà atdí kumì dòná atdí nà ábhàlǐ tò dhu

(Màt 28.16-20; Mrk 16.14-18; Yìw 20.19-23; Kas 1.1-8)

³⁶Yà Èmawù rò ìwǔ ale rǒte ngǔkpà ábhàlǐ mànà ònà kàsùmì ǒ tí ní ndì, Yěsù nyú ndítirò náavì ndì abádhí nzínzì ǒ, ndàdù àtìnà abádhí nǐ: «Kàgàwà àkǎ ndàbhù nyǐ nyǒkò màrùngà ǒ.»

³⁷Ní atdídǒ ádrùngbǎ ǒdò nísǐ òyà dhu-okú dò rò, abádhí adù dhu àtì ale-mùlì ì àla dhu tí.

³⁸Pbétù Yěsù adù dhu nívu abádhí-tsǔ ndàti: «Ádhu fùkú irèta nìnzà? Ndirò ádhu wòrì irèta-tidò rǐ'ì afíku ò nǐ?

³⁹Nyàndà pé ǒtsúdu mà pfǒdu mànà! Ìma nyú ní yà! Nyàpbàlǎ pé ngbǒdu, ndirò nyàndà pé, ale-mùlì náarí'ì ìmbǎ ìzǎ nà ròná, ndirò kà-kpa mà náarí'ì ìmbǎ yà rùdú nyǐ nyálǎna dhu bhěyi.»

- ⁴⁰Wò dhu ùnɔ ndì ndí rò, kǎdù ɔtsúna mà, pǎɔna màna nítè abádhí tò.
- ⁴¹Pbétù wò ì í'ì nà ádrùngbǎ dhèdhe ǒ, abádhí rǐ nzǐ ndì ndúnɔna dhu ná'u, ndirò atdíđǒ idhɔ àdù abádhí núkɔ dhu-okú dò rò, Yèsù adù dhu ìvu abádhí-tsǔ ndàtí: «Nyǐ tí'ì inè ònyùnà ka kǎdù dhu nà fukú iró?»
- ⁴²Ní abádhí adù ìkùrù ìkuru ìbhè-rɔrɔ-ngba nábhu kà tò.
- ⁴³Kǎdù ndì ìbhè nákwɔ, ndàdù à'ànà àzèmbè abádhí rǎlǎna rórò.
- ⁴⁴Wò dhu-dzidǒ, kǎdù àtìnà abádhí nǐ: «Kòñǐ yà fǔkù ma mongónà ùnònà òko ale kòko atdíkpá rórò dhu ní wò. Dhu aká yà kóró ka kandí dùdú Músà bhà Úyátá ò màtí, Kàgàwà bhà pbànábí tó Andítá ò màtí, ndirò Zàburì ò màtí dhu rònzì ì kóró.»
- ⁴⁵Nírò ní ndì kǎdù abádhí tó irèta núngbe, ndínǐ abádhí alú tí Kàgàwà bhà Andítá rúnɔna dhu dòya ò.
- ⁴⁶Tdítdǒ kǎdù àtìnà abádhí nǐ: «Kàgàwà bhà Andítá ò ka kandí dhu katí: Krístò àkǎ ndàbà àpbè, kǎkǎ ndòvè, ìbhu rí kǐsè idhɔ ǒ ndàdù ndìngbè.
- ⁴⁷Ndirò kǔvò rǒ, dhu àkǎ kùnò ìndrù rǐ 'ùgèrè, 'ùbhà fǐyó nzérenga, Kàgàwà ràdù dhu ùbà fǐyò dhu kóró pbìrì ǒ ale tò, ròpè ndì Yèrùsàlemà rò.
- ⁴⁸Nyǐ ní ndì dhu tó ngàmbì.
- ⁴⁹Ndirò kòñǐ ma mí yà Àbadu náakò fǐndá làkǎ fǔkù dhu nívi fǔkù. Ní nyǐ nyàkǎ nyòkò yàrì kǐgò ǒ tí, rǎrà àhu òrù-akpà ò rò rǐrà ádrùngbǎnga tó ɔbì nábà nyǐ nyí dhu ò.»

Yèsù rǐ ndàdù òrù-akpà ò Kàgàwà ì dhu

(Mrk 16.19; Kas 1.9-11)

- ⁵⁰Yèsù adù àrà pbìndà ábhàlǐ nà Bètàniyà tí kátina pbanga-tí'ò. Ní, kǎngbe ɔtsúna ndàso abádhí nǐ.
- ⁵¹Ní yà abádhí násò ndì ndí ònà kàsúmì ǒ, àbadhi mà núubhá ì pbìndà ábhàlǐ màna, ndàdù òdzì, ndàrà òrù-akpà ò.
- ⁵²Ní Yèsù ì ìfu dhu-lutinǎ, abádhí náadù 'àdu ádrùngbǎ dhèdhe nyú nà Yèrùsàlemà tó kǐgò ò.
- ⁵³Abádhí nóongónà 'ùndu bilínganà Kàgàwà bhà idzá, 'àmbe Kàgàwà-òvò nílè dǒ.

Yùwanì 1

Yùwanì 1

Kàgàwà t'Ídhùnà Yèsù núugèrè ndì ndòngò ìndrù tí dhu

(1Yù 1.1-3; 5.20)

¹Òpè tí kóró dhu rĩ ndòpè rò, Òte tí ka kátina ale ní'ì ìnè. Ndi Òte tí ka kátina ale mà ní'ì atdíkpá Kàgàwà màna. Ndirò ndi Òte ní'ì Kàgàwà.

²Òpè tí kóró dhu rĩ ndòpè rò, kǐ'ì Kàgàwà-ti'ò.

³Kàgàwà náanzì kóró dhu kòtù ǒ. Ndirò Kàgàwà náanzì nzá atdí dhu mà inzà ndi ndònzì kòtù ǒ rórò.

⁴Ndi Òte-nyutsi i'ì dhu ní'ì ípìrǒnga, ndi ípìrǒnga ràdù i'ì awáwù ìndrù tò.

⁵Ndi awáwù nátdyi nga ínò ǒ rò, ínò náadù nzá ndi awáwù náko.

⁶Nírò ní ndi Kàgàwà nívi atdí ale níto ndi. Ndi ale-òvò ní'ì Yùwanì.

⁷Kǐra ndíní ndi ndadì tí ngàmbì tí ndi awáwù tò, ndíní kóró ale náadù tí ndi awáwù ná'ù kà rǔnǒna ndi awáwù dǒ dhu-okú dò rò.

⁸Ndi Yùwanì nyú ndítirò ní'ì nzǐ awáwù, pbétù kǐra ndíní ndadì tí ngàmbì tí ndi awáwù tò.

⁹Ndi Òte ní'ì obhóná awáwù nyú, yà kóró ale-nyǐnga náwù ràdù yà adzi ǒ ndi ndìrà àhu rò awáwù.

¹⁰Kǐ'ì ìnè yà adzi ǒ. Ndirò Kàgàwà náanzì yà adzi kòtù ǒ, pbétù yà adzi ǒ ale náadù nzá kùni.

¹¹Kǐra àhu fǐyó pbìrì ǒ ale nyú nzínzì ǒ, pbétù i ale náadù nzá kàko.

¹²Pbétù kóró ale, yà ka nakò 'àdù kà'ù tò, kǎdù ádrùngbǎnga tó obi nábhà rùgèrè ì 'òngò Kàgàwà bhà inzo nyú tí.

¹³Abádhí nóngò Kàgàwà bhà inzo tí, ìnzǐ ní ale-ngbò tó ófò ǒ, ndirò ìnzǐ ní ìndrù-afí nózè ka dhu bhěyi ka kugu ì dhu-okú dò rò. Pbétù abádhí nóngò kà bhà inzo tí Kàgàwà ózè ka rǐ'ì ndi dhu bhěyi dhu-okú dò rò.

¹⁴Òte tí ka kátina ale núugèrè ndi, ndòngò ìndrù tí, ndàdù ìrà àdi àlě nzínzì ǒ, àlè tí ndi ndàlè ídzìnga mà, obhóna màna ní rórò. Àlě kala kàbhà ádrùngbǎnga tó awáwù. Ndi awáwù ní, yà Àbanà Kàgàwà-fó ndi atdí tí arí i'ì kàbhà ingba náabà.

¹⁵Kà dǒ ndi ndi dhu àwě rò, bàtizò nubhónà Yùwanì náavò dhu àrǐ nyú tí, ndàti: «Yàrǐ ní ndi yà ma muno ale, matì: «Dzidu dǒ rǐrà ale rǐrǐ Ádrùngbǎle nyú, ròsè dùdunǎ. Kǐ'ì ìnè angyangyi inzà ka kàpè mugu rórò nídhunǐ.»»

¹⁶Pbìndà ádrùngbǎ ídzìnga-okú dò rò, kǎso àlě, àlě ràbà ídzìnga, ídzìnga dò.

¹⁷Kàgàwà níbhò pbìndà Uyatá àlě tò, Músà-otù ǒ. Pbétù kǎdù pbìndà ídzìnga mà, pbìndà obhóna màna níbhò àlě tò Yèsù Krístò-otù ǒ.

¹⁸ Atdí ale mà nápè nzá Kàgàwà àlă akekpá màtí. Pbétù ka nábhù àlě rùni ní yà atdí tí arí'ì kà t'Ídhùnà. Ndi kà t'Ídhùnà ní ndi Àbanà tí arádi, ndirò ka ní Kàgàwà.

Bàtizò nubhónà Yùwanì náawε ndìtírò dòná dhu

(Mât 3.1-12; Mrk 1.1-8; Luk 3.1-18; Yùw 5.33-36)

¹⁹ Atdíku Yèrùsàlemà rò, Pbàyàhúdí tó ádròdrò ale náavi pbàkùhání mà, pbàláví màna ròwù dhu ìvu Bàtizò nubhónà Yùwanì-tsù ka rărĭ àdhi. Ní, yàrí ní ndi Yùwanì adù àdunà dhu.

²⁰ Inzá ndi ndàgò ndi rórò, kǎvò dhu kpangba ndàti: «Ìma, ma ní nzi Krístò.»

²¹ Ní, abádhí adù dhu ìvu tdítđ kà-tsù 'àti: «Olu, inyi ní àdhi? Nyi tí Èliyà?» Ní kǎdù dhu àdu, ndàti: «Ìnzĭ ní ma Èliyà.» Abádhí níivú dhu tdítđ: «Nyi tí Kàgàwà bhà nabì yà mà mǎròdona?» Yùwanì náadù dhu àdu: «Ìnzĭ ní ma Kàgàwà bhà Nabì.»

²² Ní abádhí adù dhu ìvu kà-tsù, 'àti: «Olu, nyi ní àdhi, ndínĭ mà madù tí òwu nyi nyádùna fǎkà dhu òvò yà mà nìvìnà ale tò? Ádhu nyi nyú nyi nyùnò nyi-tírò dònú?»

²³ Ní, Yùwanì adù yà Kàgàwà bhà nabì Ìsayà náandí dhu nádu abádhí tò, ndàti: «Ìma ní yà rùngù ò rò rúkù, tǔna ràmbe ndiri dǒ ale: «Nyùtò Ádrùngbǎle bhà otu .»»

²⁴ Kǒkò ka kìvìnà ale ní'ì Pbàfàrisáyó.

²⁵ Ní abádhí níivú dhu tdítđ Yùwanì-tsù, 'àti: «Olu, inzi ní nyi Krístò mà, ndirò Èliyà mà, ndirò inzi ní nyi yà mà marí òdona Kàgàwà bhà nabì mà rò, ádhu nyi nyárí bàtizò núbhò ìndrù tò nĭ?»

²⁶ Ní Yùwanì adù dhu àdu abádhí tò ndàti: «Ìma, ma mǎrí bàtizò núbhò ìndrù tò idha nĭ. Pbétù nzínzikù ò atdí ale rĭ'ì inè. Ndi ale ní inzá nyĭ nyúni ale.

²⁷ Kà rĭrà dzidu dǒ, pbétù ma màkǎ nzá mǎkò ma, munga kà-pfò rǒ kàyitò-mbí mà.»

²⁸ Wò dhu náanzi ndi Bètàniyà tí kátina pbanga ò, yà Yùwanì ongónà bàtizò núbho ìndrù tò òná rò, Yòròdanì tí kátina idha-akpà-adzèná rò.

Yèsù ní Kàgàwà bhà Tàmǎ-ngba dhu

²⁹ Tsútsǎ nínganí, Yùwanì náala Yèsù tina ò rĭrà ró, ndàdù àtìnà: «Kànĭ Kàgàwà bhà Tàmǎ-ngba, yà adzi ò ale tó nzérenga nú'ò rí.

³⁰ Ka ní ndi yà ma muno dhu okúna dò rò, mati: «Dzidu dǒ rĭrà ale rărĭ Ádrùngbǎle nyú ròsè dùdunǎ, kí'ì inè angyangyi, inzá ka kàpè mugu rórò nídhunĭ.»

³¹ Ìma nyú mà ma muni nzá ka. Pbétù, ma mǎrà bàtizò núbho ìndrù tò idha nĭ, ndínĭ Ìsràyeli ò bhà nabhù tí rùni ka.»

³² Ní kǎdù dhu òvò tdítđ, ndàti: «Ma mala Kàgàwà bhà Īlĭlǎ-Alafí òrù-akpà ò rò rĭfo àmbò tó ófò ò, ndàdi kà-dǒ ró.

³³ Ndirò ìma nyú mà, ma muni nzá ka. Pbétù Kàgàwà, yà ìma nivi mǎrà bàtizò núbho ìndrù tò idha nĭ, náati ìma nĭ: «Nyi nyálǎna Īlĭlǎ-Alafí rĭfo, ndàdù àdi dòná ale ní ndi Īlĭlǎ-Alafí nĭ rí bàtizò núbho ìndrù tò ale.»

³⁴Nírò, ma mála wà ndi dhu, ndirò ma mí dhu òvò k pangba, àbadhi rari ndi Kàgàwà t'ídhùnà.»

Yèsù rí wemberè tó p̀b̀indà ábhàlì núnzi dhu

(Mát 4.18-22; Mrk 1.16-20; Luk 5.1-11)

³⁵Tsútsă nínganí tđítđǒ, b̀atizò nubhónà Yùwanì mà ní'ì yà inzì ì í'íná òná ngari ǒ tí, p̀b̀indà óyǒ ábhàlì màná.

³⁶Ní, Yèsù ndi ndàla ùda rúda ró rò, k̀ati p̀b̀indà ábhàlì ní: «Kòní Kàgàwà bhà Tamã-ngba.»

³⁷Ní k̀òkò óyǒ ábhàlì níri wò Yùwanì ùnò dhu, 'àdù 'ìvà, 'òwù Yèsù-owù ǒ.

³⁸Ní, àrà ndi ndàrà rórò, Yèsù náagéré ndi ndàndà olùnga, ndàdù k̀òkò ábhàlì nála owùna ǒ ríwu ró. Ní k̀adù dhu ìvu abádhí-tsǔ, ndàti: «Ádhu nyí nyónena?» Ní abádhí adù dhu ìvu Yèsù-tsǔ, 'àti: «Rabí, nyi nyarádi ìngb̀oró?» Rabì-tì ní M̀alimò.

³⁹Ní Yèsù adù dhu àdu abádhí tò ndàti: «Nyìwũ, ndíní nyí nyala tí ka.» Ní abádhí adù òwu, 'àdù k̀arádi ró nga àla. Abádhí adù òko atdíkpá kà màná ndi nínganí. Ndi dhu ní'ì mbèmbè idrè adyifò-sisì adyidò nga tó ǒ dhu.

⁴⁰K̀òkò Yùwanì r̀ǹona dhu ǹrinà, 'àdù òwu Yèsù-owù ǒ ale nzínzi ǒ atdí ale-òvò ní'ì Àndèreyà. Ndi Àndèreyà ní'ì Sìmonì Péterù t'ádòná.

⁴¹Ní Yèsù-tí rò ì ìvà ì rò, Àndèreyà náadù àrà angyi adòná Sìmonì r̀'ì ì, ndàdù àtìna k̀anì: «Mă màla M̀asiyà.» M̀asiyà-tì ní Krístò.

⁴²K̀adù wò ndi adòná, Sìmonì, ǹundà 'òwù nà Yèsù r̀'ì ì. Ní ànyì abádhí òwù ùvò rò, Yèsù udí nyìkpóna ndàndà Sìmonì, ndàdù àtìna ní: «Ínyi, nyi ní Sìmonì, Yùwanì t'ídhùnà. Ní ròpè ndi k̀ombí, ka k̀óngo nyanzi Kefà tí.» K̀à-tì ní Péterù.

Yèsù rí Fìlipò mà Nàtanelì màná núnzi owùna nungu tí dhu

⁴³Tsútsă nínganí, Yèsù azè ndàrà Gálilayà tó p̀b̀irì ò. Ní ànyì ndi ndàrà rórò, k̀atù Fìlipò, ndàdù àtìna ní: «Fìlipò, írà owùdu ǒ.»

⁴⁴Wò ndi Fìlipò ní'ì Àndèreyà mà Péterù màná mà tó p̀banga, Bètèsàyidà tí k̀atìna ǒ ale.

⁴⁵Ní Fìlipò arà, ndàrà àhũ Nàtanelì-tí, nditsì àtìna k̀anì: «Mă màla wà yà p̀b̀indà Úyátá ò Músà avò dhu okúna dò rò, ndirò yà fìyó andítá ò Kàgàwà bhà p̀b̀anábí náavò dhu okúna dò rò ale . Ndi ale ní Yèsù, Nàzàretì tó k̀igò ǒ ale, Yòzefù t'ídhùnà.»

⁴⁶Ní, Nàtanelì adù dhu ìvu Fìlipò-tsǔ, ndàti: «Ídzì dhu nyú t'ádù àhũ àhũ Nàzàretì rò dhèè?» Ní, Fìlipò adù àtìna kà ní: «Írà pé ndíní nyi nyala tí ka.»

⁴⁷Ní, Yèsù itdègu Nàtanelì àlă tìna ò r̀rà ró, ní k̀adù dhu òvò k̀ókú dò rò, ndàti: «K̀anì P̀b̀àsràyélì tó p̀b̀irì ǒ ale nyú ní yà, ìmbă utrátá r̀'ì nyunatsì.»

⁴⁸Ní Nàtanelì adù dhu ìvu Yèsù-tsǔ, ndàti: «Nyì nyùnì ma ìngb̀a dhu bhèyi?» Ní Yèsù adù dhu àdu k̀atò, ndàti: «Ínzá Fìlipò àpè nyanzi rórò, ma màlanà nyi mùtìni-kpa-tsìnà nyi nyidè ró.»

⁴⁹Ní Nàtànèlì adù àtìnà Yěsù nǐ: «Màlimö, inyi ní Kàgàwà t'ídhùnà, ndirò nyi ní Pbàìsràyélí tó Ádrùngbã Kamà!»

⁵⁰Yěsù adù dhu àdu kàtò, ndàti: «Nyi nyà'ù tí dhu, yà ma màti, ma ràlanà nyi mùtini-kpa-tsinã nyi nyidè ró dhu-okú dò rò? Pbétù, nyi nyí wò dhu dònã róse ádròdrò dhu nyú nálã!»

⁵¹Yěsù adù àtìnà tdítđ: «Ma mí obhó dhu núno fűkù. Nyí nyí òrù-akpà-tsù nálã ndi nàngbe, Kàgàwà bhà màlàyíkà ràdù òwu ùpo ró òrù, 'àdù ifo obvò Ìndrű t'ídhùnà dō ró .»

Yùwanì 2

Yěsù rǐ wemberè tó pbìndà wìwì nónzi dhu

¹Ìbhu ráhu idho ǒ, ka kanzì àdhìngbã ka kùndà nǐ m̀hèndù Kanà tí kátina pbanga ǒ, Gàlilayà tó pbìrì ò. Yěsù tsánà, Màriyà, ní'ì inè ndi m̀hèndù ǒ.

²Ndirò ka kadù Yěsù mà, pbìndà ábhàlǐ mànà núnzi átò rìwũ ndi m̀hèndù ò.

³Ní, yà òmvùna ka kí òmvayì níku rò, Yěsù tsánà náati Yěsù nǐ: «Kàrí ale ròm̀vùna òmvayì rǐ'ì mbã.»

⁴Ní Yěsù adù dhu àdu kàtò, ndàti: «Iyá, ádhu ndi nyi nyòzè m̀onzi? Inzá pbàkà kàsùmì nápè àkã.»

⁵Ní kà-tsánà adù àtìnà kasutále nǐ: «Ònzi nyònzi kà rávina nyònzi kóró dhu.»

⁶Ányirò, yà odu nǐ ka kóbhòlò andu-abábá ní'ì inè aza. I andu ní'ì yà Pbàyàhúdì náarí 'ù'ò 'ìlã Kàgàwà-nyìkpó ǒ nǐ idha núdhò ka karí òyà andu. Ndirò, i andu ní'ì mbèmbè atdí miyà lítrè mà ràdù òtsù atdí ò nǐ dhu bvùtí andu.

⁷Ní Yěsù ati kòkò kasutále nǐ: «Nyùtdyò idha, nyírã kòrí andu nǐ kóró.» Ní abádhí adù i andu níra idha nǐ rùlè liyá.

⁸Tdítđ, Yěsù adù àtìnà abádhí nǐ: «Nyùtdyo pé ka ake, nyòwù nà m̀hèndù tó ádrùngbãle rìnè.» Ní abádhí adù òwu kà nà ndi ádrùngbãle rìnè.

⁹Wò m̀hèndù tó ádrùngbãle níinè yà òmvayì tí Yěsù ùgèrè ròngò idha, ìnzǐ ndàdù àdha rò màtí ka kìwũ ndi òmvayì nà dhu núnì. Pbétù yà ndi idha nùtdyòná kasutále kèlě ní i iwà ka núnì. Ní wò m̀hèndù tó ádrùngbãle náanzi akpatsi, ndàdù dhu ìvu tsuná, ndàti:

¹⁰«Ìgyò! Kóró ale náarí atdíđ òvù òmvayì nábhũ kòpè òmvù róná rò angyi, kadù yà ìnzá òvù mbèyi-tsí níbhò olù, iwà ìndrű òmvù i 'òrì rórò. Ní, nyi nyàdù tí atdíđ òvù òmvayì nyú nódò rìrà àhu kòmbínga ò màtí?»

¹¹Wòrí ní ndi Yěsù anzi pbìndà wemberè tó wìwì. Kànzì ka Kanà tí kátina Gàlilayà tó pbìrì ǒ atdí pbanga ò. Ndi dhu adù kàbhà ádrùngbãnga tó awáwù nítè, kàbhà ábhàlǐ ràdù kà'ù.

¹²Wò dhu-dzidò, Yěsù mà náadù òwu Kàpèrnàwumù tí kátina pbanga ò atdíkpá, íyànà mà, adóna mà, ndirò pbìndà ábhàlǐ mànà. Abádhí náadù òko ányì ngúfe idho kèlě tí.

Yěsù rǐ Kàgàwà bhà idzá rò rǐ dhu ùdzǐ ale nódì dhu

(Màt 21.12-13; Mrk 11.15-17; Luk 19.45-46)

¹³ Atdíku, Pbhàhúdí tó Pásika tó m̀hendù-idhò ní'ì iwà ndì ndindù ndì ró. Ní Yěsù iwà ndì, ndàrà Yèrùsalemà tó kigò ò.

¹⁴ Ní ányì, kàtsù Kàgàwà bhà idza, ndàdù ìkyì-akpá mà, tà mà mà, àmbò mà nábhù rí kudzǐ ale mà nótù obvò òkò ró. Ndirò ányì-dza kàtù ngǔkpà ale ní'ì fùrangà ò nga nábhù rí k̀ẁẁ ale.

¹⁵ Ní, Yěsù akyè imbi asé bhèyi, ndàdù kòrí ale nódì nǐ kóró, ndìpfo Kàgàwà bhà idza rò, f̀yó tà mà mà, ndirò f̀yó ìkyì-akpá mà nà. Kǎdù yà f̀rangà-ònga nábhù rǐ rúbhi k̀ẁẁ ale tó f̀rangà-ònga núvò obvò, ndàdù abádhí tó mizà nátdi ràwà ì adzǐya dǒ.

¹⁶ Ndirò, kǎdù àtìnà àmbò nábhù rǐ rúbhi kudzǐ ale nǐ: «Nyìpfo kǒkò dhu iró rò. Ìnzǐ nyǐ nyádù Àbadu bhà idza núgèrè r̀ngò dhu t'ùdzítá-idzà tí.»

¹⁷ Nírò ní ndì Yěsù bhà ábhàlǐ náadù yà Kàgàwà bhà Andítá ò ka kandí dhu nírè. Ndi andítá ràtina: «Pb̀k̀k̀ idza ma mózè nǐ àzè náarí m̀b̀b̀ àdzò bhèyi.»

¹⁸ Ní Pbhàhúdí tó ádròdrǒ ale náadù dhu ìvu Yěsù-tsù, 'àti: «Íngbàgà wìwì nyì nyávina fǎkà wò nyì nyònzì dhu-okú dò rò?»

¹⁹ Ní Yěsù adù dhu àdu abádhí tò, ndàti: «Nyùgolo pé wòrí Kàgàwà bhà idza, ní ma mí kòsì r̀dè ìbhù idhò ò.»

²⁰ Ní, kòrí Pbhàhúdí tó ádròdrǒ ale náadù àtìnà Yěsù nǐ: «Hòkò! Wòrí idza ka kasì ràrà àhù ìfò kumì dóná azà nà atò nyú tí, ní nyì tí àdù kòsì òsì ìbhù idhò ò?»

²¹ Pbétù, Yěsù ipbé ndàmbe àtìnà dǒ idza tí dhu ní'ì ngb̀na nyú ndì ndítirò.

²² Ní, yà ndì ndónè, kòtdù ndì dhu-dzidǒ, Yěsù nítdègu ndìngbè ìbhù ò rò, nírò ní ndì kàbhà ábhàlǐ náadù yà k̀ǹ dhu nírè. Ní abádhí adù yà Kàgàwà bhà Andítá mà, Yěsù unò f̀yò òte mà nà dhu ná'ù.

Yěsù arí ale-afí ò dhu núnǐ kóró dhu

²³ Pbhàhúdí tó Pásika tó m̀hendù nítdègu Yěsù òtù Yèrùsalemà tó kigò ò, ní ábhò ale nyú náa'u ka yà kà ràrà ònzìnà rǒ wìwì-okú dò rò.

²⁴ Pbétù, Yěsù nyú ndítirò náa'u nzà iwà abádhí ná'ù ndì dhu, k̀ǹ abádhí kóró nídhùnǐ.

²⁵ Ndirò, kǎránà mbǎ ì'ì rǒ ngàm̀-atdyú nà ìndrù bhà dhu-okú dò rò, iwà ndì ndùnì ndì ale-afí ò dhu kóró angyangyì nídhùnǐ.

Yùwanì 3

Nìkòdemù mà rǒte Yěsù nà dhu

(Màt 18.3; Yùw 1.12-13; 2Kò 5.17; Zèk 36.26)

¹ Nìkòdemù tí kátina atdí ale ní'ì Pbhàfàrisáyó núnzì ò. Ndi ale ní'ì Pbhàhúdí tó atdí àdr̀ngbàle.

²Ní atdíku, kǐvǎ ndì ndìrà àhù kúbhìngánǎ Yēsù-tí'ò, ndàdù àtìnà kǎnǐ: «Màlimò, mà múni wà dhu nyi rǎrǎ Kàgàwà ívì rìrà dhu ùdhe fǎkà ale. Obhó tí, atdí ale mà rǐ nzǐ àdù kǒkò nyi nyarónzina wíwí-tidò nónzì ìmbǎ Kàgàwà ì'ì atdíkpá ndì nà rò.»

³Ní Yēsù adù àtìnà kǎnǐ: «Ma mí obhó dhu núno ìndù. Atdí ale mà rǐ nzǐ àdù òtsù òrù-akpà ǒ Ádrùngbǎ kamà Kàgàwà bhà idzi ò ìnzá ka kùgù ndì ɔwútána tó uguta nǐ rórò .»

⁴Ní, Nìkòdemù adù dhu ìvu Yēsù-tsǎ, ndàti: «Ìwà óngò mùlǎ tí ale núgù ka kádù ìngbà dhu bhěyi tǎtǎdǒ? Ndì ale tí àdù ndàdu tǎtǎdǒ íyànà-fitsù ò, kadù ndùgù ɔyo rí kǐsě uguta nǐ?»

⁵Ní Yēsù adù dhu àdu Nìkòdemù tò, ndàti: «Ma mí obhó dhu núno ìndù: ìnzǐ ndì ale náapě ndàbhě kùgù ndì idha mà Ìlǐlǎ-Alafí mànà-otù ǒ, ní ndì ale rǐ nzǐ àdù òtsù òrù-akpà ǒ Ádrùngbǎ kamà Kàgàwà bhà idzi ò .

⁶Ìndrǔ òdhi arí ngbǒna ònǎ rò ní ìndrǔ. Ndirò ìndrǔ òdhi arí afína ònǎ rò ní Kàgàwà bhà Ìlǐlǎ-Alafí.

⁷Ní, dhu àkǎ nzá idho rùkò nyi yà ma mátina dhu rǎkǎ kùgù nyǐ ɔwútána tó uguta nǐ dhu-okú dò rò.

⁸Awe náarópili, ndàmbe àrà dǒ afína òzè i, nyadù àmbe tǔna nírì dǒ. Pbétù, nyi nyǐ nzǐ àdù àdhà rò màtí ka rǐrà dhu, ndirò àdhà màtí kà rǎrà dhu núni. Ní ndì dhu rǐ'ì ndì dhu bhěyi tí, Kàgàwà bhà Ìlǐlǎ-Alafí-otù ǒ ndì núgù ale tò.»

⁹Ní, Nìkòdemù adù dhu ìvu Yēsù-tsǎ, ndàti: «Wòrí dhu rǎdù ndònzì ìngbà dhu bhěyi?»

¹⁰Ní Yēsù adù dhu àdu kà tò, ndàti: «Ìnyi ní atdídǒ ndì núni Pbàìsràyélí tó pbìrì ǒ màlimò nyú, ní nyi nyúni tí ìnzá wò dhu?

¹¹Ma mí obhó dhu núno ìndù. Mǎ marúnona dhu ní ùnǐ mǎ múni dhu. Ndirò mǎ maróko fǐndá ngàmbì tí dhu ní nyìkpóka nǐ mǎ mála dhu, pbétù nyǐ nyárí nzǐ àdù mǎ múnna dhu ná'ù.

¹²Yà ìnzǐ nyǐ nyárí fǔkù ma múnna yà adzi dǒ arí 'ònzì dhu ná'u rò, ní nyǐ nyádù fǔkù ma múnna òrù-akpà ò arí 'ònzì dhu ná'ù ìngbà dhu bhěyi?

¹³Atdí ale mà núpò nzá ányì. Pbétù ányì úpò ní Ìndrǔ t'ídhùnà kèlě, yà ányìrò ifo ale.

¹⁴Ní àdhàdhi Músà nídì osu-wòyǒ itsu dǒ rò ɔrú rùngù ǒ dhu bhěyi , dhu-àkǎ kidì Ìndrǔ t'ídhùnà ɔrú,

¹⁵ndínǐ ka ná'ù ìngbà tí ìlì ndì ale mà náadùya tí dhòdhóhónǎ tó ípìrǒnga nába.

¹⁶Obhó tí, Kàgàwà náazè yà adzi ǒ ale atdídǒ. Ní kǐbho yà atdí tí arí'ì Idhùnà yà adzi ǒ, ndínǐ ka ná'ù ìngbà tí ìlì ndì ale mà náadùya tí nzǐ àwǐ, pbétù ndì ale adùya tí dhòdhóhónǎ tó ípìrǒnga nába.

¹⁷Obhó tí, Kàgàwà níivi nzá Idhùnà rǐrà yà adzi ǒ ale-ànyǎ nítǎ, pbétù kǐvi ka rǐrà ndínǐ yà adzi ǒ ale núgù tí otùna ǒ.

¹⁸Ndi ale náapé kà'u, ní ndi ale dǒ Kàgàwà adùya nǚ anya òtdì. Pbéù, inzà ka ná'ù ale dǒ kǒtdì wà anya angyangyi, inzà kǎ'ù Idhùnà dhu-okú dǒ rò.

¹⁹Yàrí ní ndi Kàgàwà níitdiya anya ìndrǔ dǒ okúna dǒ rò dhu. Awáwù níra àhu yà adzi ǒ, pbéù ìndrǔ náadù ìnò ǒ ì óko dhu nózè atdídǒ, ròsè ndi awáwù dònǎ, nzére dhu ònzi ì arí dhu-okú dǒ rò.

²⁰Obhó tí, nzérenga ònzi arí ale náarí awáwù òndrò òndrò tí, ìnzǐ ndàdù ndòzè ndàhu awáwù ò, akye ndi ndarónzina nzére dhu náadùna àrà ndàla rǒ kpangba nǚ.

²¹Pbéù, obhó dhu ònzi arí ale náarí ndòzè ndùbhi awáwù ǒ, ndínǐ ndi ndarónzina dhu náala tí ndi Kàgàwà ózè dhu bhěyi ndi ndarónzina dhu tí.»

Yēsù ní Àdrùngbǎle ròsè Yùwanì dònǎ

(Yùw 1.19-24)

²²Wò dhu-dzidǒ, Yēsù mà pbìndà ábhàlǐ màna náawù Yùdeyà tó pbìrì ò. Ní ànyì, abádhí náakò ngúfe idhò tí, 'adù òwu bàtizò núbho rǒ ìndrǔ tò.

²³Yùwanì náaranà bàtizò núbho rǒ átò ìndrǔ tò Sàlimù tí kátina pbanga tí arí'ì ngàtsi pbanga, Àyìnonì tí kátina ǒ. Obhó tí, ndi pbanga ǒ idha ní'ì abho nyú. Ní ìndrǔ nòowúnà ìwu rǒ Yùwanì rǐ'ì i, kà ràdù bàtizò núbho fǐyò.

²⁴Wò ndi kàsùmì ǒ, Yùwanì ní'ì inzà ka kàpè òsòna imbi ò ró.

²⁵Nírò ní ndi Yùwanì bhà ábhàlǐ mà atdí Mùyàhudì màna náakò 'àmbe 'àgò dǒ ìndrǔ rǐ ndù'ò ndilǎ Kàgàwà-nyìkpó ǒ tí dhu dǒ.

²⁶Ní, ì ábhàlǐ níwú Yùwanì-tí'ò, 'adù àtìna kànì: «Màlimò, yà Yòròdanì tó idha-akpà-adzè nyǐ nyí'ì màna atdíkpá ale, yà nyí nyú tírò nyí nyóvò dhu dòná fǎkà ale, ní rǐ'ì bàtizò ùbhò ndi ndí ìndrǔ tò ró. Ndirò kóró ale rǒwu òwu rǒ kà-tí'ò.»

²⁷Ní Yùwanì adù dhu àdu abádhí tò, ndàti: «Ìndrǔ ràdù àbànà dhu ní òrù-akpà ò rò ka kìbhò fìndà dhu kèlǐ.

²⁸Nyǐ nyú nyǐ-tírò, nyǐ ní yà ma munò dhu tó ngàmbì. Ma máti ima rǎrǐ nǚ Krístò, pbéù ma rǎrǐ Kàgàwà ívì angyinǎ rǒ kà tò ale.

²⁹Àdhìngbǎ-òwútá nà rǐ'ì ale ní ndi ndi àdhìngbǎ bhà ale. Pbéù ndi kà bhà ale t'ódhìnà, yà kà-tí idè ndàmbe kà rǔnɔna dhu ìrì dǒ, níidhè ràdù ndìka atdídǒ kà-tù ìrì ndi ndí rò. Ndi dhu bhěyi ní ndi, ma mí'ì dhèdhe nà, ndirò ndi dhèdhe náká wà atdídǒ nyú kòmbí.

³⁰Ní dhu àká wà Yēsù-òvò ràmbe ndòtò dǒ, òvòdu ràdù àmbe àwí dǒ.»

Yùwanì rǐ Yēsù àti òrù-akpà ò rò írà ale tí dhu

³¹Wò dhu-dzidǒ, Yùwanì náadù dhu-òvò tdítǒ, ndàti: «Òrù-akpà ò rò írà ale ní ndi rǐ'ì kóró ale dǒ. Pbéù, yà adzi ǒ ka kúgù ale ní yà adzi ǒ ale kèlǐ, ndirò kà ràdù òte yà adzi ǒ dhu dǒ tí. Òrù-akpà ò rò írà ale rǐ'ì kóró ale dǒ.

³²Kǎrúnɔna dhu ní nyìkpóna nyú nǚ ndi ndàla dhu, ndirò ní bǐna nyú nǚ ndi ndírì dhu. Pbéù, ìndrǔ arí nǚ àdù kà rǔnɔna dhu ná'ù.

³³Kà rǎnɔna dhu nà'ù ale návi dhu kpanjangba Kàgàwà rǎrǎ obhó dhu ùno arí ale.

³⁴Obhó tí, Kàgàwà ívi ale náarí Kàgàwà bhà ɔte núno, atdíđđ kǎrǎ ndi pbìndà Ìlǎ-
Alafí nǎ dhu-okú dò rò.

³⁵Kàgàwà ózè Idhùna atdíđđ. Ní ndi dhu-okú dò rò, kǎdù kóró dhu tó ádrùngbǎnga
nábhu kà-fó.

³⁶Kàgàwà t'ídhùna nà'ù ale, ní rǎdù dhòdhódhóngá tó ípìrǒnga nábà. Pbéttù, ndi nùvò
ìnzǎ ndirí kà t'Ídhùna-tsǔ dhu ale, náabáyá nzǎ dhòdhódhóngá tó ípìrǒnga, pbéttù
Kàgàwà bhà nàwí rǒngo àdi dhòdhódhónganà ndi ale dǔ.»

Yùwanì 4

Yèsù mà rǔte Sàmàriyà tó pbìrì ǔ atdí tsìbhále nà dhu

(Ìsa 55.1; Yùw 7.37-39; Kas 8.25)

¹Wò ndi kàsùmì ǔ, Yùdeyà tó pbìrì ǔ Pbàfàrisáyó níri ìndrǔ rǎnɔna Yèsù dǔ dhu.
Abádhí ambénà àtìna dǔ, Yèsù rǎrǎ àrà ibí ale nyú nùgèrè rǔ rǒngò pbìndà ábhàlǎ tí,
ndàdù àrà bàtizò núbho rǔ ábhǔ ale nyú tò, ròsè yà Yùwanì arí kònzǎ tí dhu dǒnǎ.

²Pbéttù, Yèsù nyú nditírò náarànà nzǎ bàtizò núbho rǔ ìndrǔ tò, kùbho rǔ owúnà ní
kàbhà ábhàlǎ.

³Ní, Yèsù adù ndivà Yùdeyà tó pbìrì ò rò, ndàdu ndi Gǎlilayà tó pbìrì ò.

⁴Ní ányì ndi ndàrà rò, kǎkǎ ndùdà Sàmàriyà tó pbìrì òna nǎ.

⁵Ní kǎrà àhu Sàmàriyà tó pbìrì ǔ atdí pbanga, Sǐkarì tí kátina ò. Ndi pbanga ní'ì
kyèròkyèrò yà idhùna Yòzefù tó Yàkòbhò náabhù adzi tí.

⁶Ndirò, Yàkòbhò bhà dzìwò ní'ì ányìrǔ. Ní, Yèsù itsi àdi wòrǎ dzìwò-bidǔ atdíđđ ndi
ndingyě ndi abhi nǎ dhu-okú dò rò. Ndi dhu ní'ì mbèmbè azà adyifò-sisì adyíbhengá
nga tó ǔ dhu.

⁷Ní, Sàmàriyà tó pbìrì ǔ atdí tsìbhále níra idha nítdyò. Ní Yèsù adù àtìna kà nǎ: «Íbho
pé idha mòmuvù.»

⁸Wò ndi kàsùmì ǔ, Yèsù bhà ábhàlǎ náadù ì'ì kigò ò ì òwù ònyù nùdzi ndínì ì ɔnyu tí
ró.

⁹Ní, wò Sàmàriyà tó pbìrì ǔ tsìbhále náadù dhu àdu Yèsù tò, ndàti: «Hòkò! Íngbà dhu
bhěyi dhu, ìnyì Mùyàhudì tí rò, nyì nyì idha nónzi fudú ndínì nyì nyòmuvù tí, àzèmbè
ìma nongó ì'ì Mùsàmàriyà-àyi?» Obhó tí, iríta ní'ì ìmbǎ Pbàyàhúdì mà nzínzì ǔ
Sàmàriyà ǔ bhà mànà.

¹⁰Ní, Yèsù adù dhu àdu kàtò ndàti: «Nyì nyì'ìná gukyè Kàgàwà arábhùna ìndrǔ tó dhu
núni ale tí, nyadù yà funú rí idha nónzi ndòmuvù ale rǎrǎ àdhi dhu núni, ní nyì
nyàmbènà ndi idha nónzi kà-fó, kà rǎdù ípìrǒnga àbhǔ rí ìndrǔ tó idha nábhu ìndù.»

¹¹Ní wò tsìbhále adù dhu ìvu Yèsù-tsǔ, ndàti: «Ádrùngbǎlé, idha itdyò nyì nyádù nǎ
ngemekù mà rǎ'ì mbǎ funú, ndirò yàrǎ dzìwò rǎ'ì ádzì nyú. Ní nyì nyì wò ndi ípìrǒnga
àbhǔ rí idha nábà àdhà?»

¹²Abhukà Yàkòbhò ní ndi yàrí dzìwò nùbhà fàkà. Ka nyú ndìtírò, kàbhà inzo mà, kà bhà mùtungà màná, nùumvú kà ǒ idha átò. Ní inyi, nyi tí ndi adrùngbàle ròsè ndi abhukà Yàkòbhò dònǎ?»

¹³Ní Yèsù àdù dhu àdu kàtò, ndàti: «Ìngbàtí ìli ndi ale mà yàrí dzìwò ǒ idha nòmù, nóhò idha-atdyú rǎdù òho tdítǎ.»

¹⁴Pbétù, yà ìma nyú ma mábhùna idha nómvù rí ale, nóhò idha-atdyú rǎ nzi àdù tdítǎ akekpa màtí. Obhó tí, ma mábhùna ndi ale tò idha rǎdù òngo dhòdhóhóngà tó ípìrǒngà nábhù rí ìndrù tò idha rǒngò ìtu ònà rò idha-dòti tí.»

¹⁵Ní wò tsìbhále adù àtìnà Yèsù nǎ: «Ádrùngbǎlé, íbhò wòrí idha idù, ìnzǎ idha-atdyú nóongó tí mohò, ndirò ìnzǎ ma mongó tí ìrà idha nítidyò iró tdítǎ.»

¹⁶Ní Yèsù adù àtìnà kà nǎ: «Árà nyanzi pbùkù kpatsìbhále, nyádù ìwu màná iró.»

¹⁷Ní wò tsìbhále adù dhu àdu Yèsù tò, ndàti: «Ìmbǎ ma mí'ì kpatsìbhále nà.» Ní Yèsù adù àtìnà kà nǎ: «Nyi nyàdu dhu mběyi nyú nyati, ìmbǎ nyi rǎrǎ'ì kpatsìbhále nà.

¹⁸Obhó tí, nyi nyúmbǎ nyi ìmbò kpabhále nyú tò. Ní, yà kombí nyǎ nyí'ì nà kpatsìbhále ní nzi pbùkù ale. Ní, wò nyi nyùnò dhu ní obhó dhu nyú.»

¹⁹Ní, wò tsìbhále adù dhu àdu Yèsù tò, ndàti: «Ádrùngbǎlé, iwà ma m̀ni dhu nyi rǎrǎ Kàgàwà bhà nabì nyú.

²⁰Abhúka nóongónà Kàgàwà núle yàrí pbìrì dǒ rò, pbétù nyǎ Pbàyàhúdì-tírò, nyǎ nyarádù àtìnà, Yèrùsalemà tó kigò rǎrǎ ndi Kàgàwà núle ka kádù òwu ònà rò kigò.»

²¹Ní, Yèsù adù àtìnà kà nǎ: «Yàrí tsìbhálé, á'u yà ma m̀nɔna ìndù dhu. Atdí kàsùmì ní'ìya ìnè, yà ìnzǎ nyǎ nyuléya àlè t'Ábanà Kàgàwà yàrí pbìrì dǒ rò màtí, ndirò Yèrùsalemà tó kigò ǒ rò màtí ònà.

²²Nyǎ, Sàmàriyà tó pbìrì ǒ bhà tírò, nyǎ nyárí Kàgàwà núlè ìnzá nyi nyúni mběyi rórò. Pbétù mà, Pbàyàhúdì tírò, mà mǎrí kùlè iwà mà m̀ni mběyi nyú rórò. Obhó tí, Kàgàwà rǐbhona ìndrù tò ògù rǎhu Pbàyàhúdì nzínzi-bvǔ rò .

²³Pbétù, kàsùmì níndù wà ndi, ndirò ndi kàsùmì náká wà. Wò ndi kàsùmì ní, yà Kàgàwà-nyìkpó nòfò dhu bhěyi arí Kàgàwà ùlè ale rǎ 'òpè 'ùlè ka afíya ò, ndirò obhóngà nyú dǒ ònà kàsùmì. Obhó tí, àlè t'Ábanà Kàgàwà arónena ní ndi dhu bhěyi rǎ ndùlè ale-tidò.

²⁴Kàgàwà ní Alafí. Ní dhu àká kùlè rí ale rùlè ka afíya ò, ndirò obhóngà nyú dǒ.»

²⁵Ní wò tsìbhále adù àtìnà Yèsù nǎ: «Ma m̀ni wà dhu Màsiyà, Krístò tí kátina ale ríraya ìrà. Ní, kà rǎrà nínganí, kǎweya kóró dhu fàkà.»

²⁶Ní Yèsù adù dhu àdu kàtò, ndàti: «Ìma ní ndi Krístò, yà inyi nà ma móte.»

²⁷Wò ndi kàsùmì ǒ ní ndi, Yèsù bhà ábhàlǎ náadù 'ùtò ányìrǒ. Ní idho núukò abádhí atdí, ì àla Yèsù mà rǒte atdí tsìbhále nà dhu-okú dǒ rò. Pbétù, atdí ale mà abádhí nzínzi ǒ náadù nzá ndòmù ndivù dhu Yèsù-tsǔ, rǎrǎ àdhu Yèsù rǎ'ì atdyúna nà, ndirò rǎrǎ àdhu abádhí rǒte dònà wòrí tsìbhále màná.

²⁸Nírò ní ndi wò tsibhále núubhà foná idha-andù uró, ndàdù òngò ndàrà kigò ò. Kǎdù àtìná ànyì ndì ndòtù ale nǐ:

²⁹«Nyìwũ nyàndà pé yà kóró ma marónzina dhu nàwe idù ale! Ngǎtsi nǐ, pbǎ ìnzǐ Krístò ndi.»

³⁰Ní kòrí ale náadù 'ìvǎ, 'òwù Yèsù rǐ'ì i.

³¹Wò ndi kàsùmì ǒ, pbìndà ábhàlǐ núutu Yèsù 'àti: «Màlimǒ, ónyu dhu ake.»

³²Ní, Yèsù adù dhu àdu abádhí tò ndàti: «Ma mí'ì inè ma mónyuna ònyù nà. Ndi ònyù ní ìnzǎ nyǐ nyùnì ònyù.»

³³Ní i ábhàlǐ náadù 'òpè 'òngù dhu tsùyá nzínziya ǒ 'àmbe àtìná dǒ: «Atdí ale mà nírà tí ìrà ònyù nà kàtò?»

³⁴Ní Yèsù adù àtìná abádhí nǐ: «Pbàkà ònyù ní mǎnzì yà ma nívi ale-afí òzè dhu, madù yà kíbhò ndínǐ ma mǎnzì tí kasu nónzì mìtò.

³⁵Tí obhó nyǐ ndi nyǐ nyarí àtina: «Inga ǒ ró'ò ònyù nógu ka kí òná àbǐ núbhà ndi ìfò àbǐ tí.» Pbéttù ìma, ma mátina nyǐ nǐ, nyǐ rǎngbe pé dũku nyàndà inga. Ònyù nó'ò wà inga ǒ, ndirò kàkǎ wà oguta nà!

³⁶Ònyù-tsù nùndu inga ǒ rò ale náarí pbìndà m̀kimbà nábà. Ndirò kǎrí ònyù-tsù nùndù dhòdhòdhóngà tó ìpìrǒngà tò. Ndi dhu bhěyi ní ndi, yà ònyù-tsè nazò inga ǒ ale mà, kà-tsù nùndu adù inga ǒ rò ale màná-idhè rǎdù ndika atdíkpá.

³⁷Obhó tí, yàrí mbóli núnò dhu ní obhó dhu nyú: «Atdí ale náarí ònyù-tsè nózò inga ǒ, ngǎtsi ale rǎdù ndi ònyù nógù inga ǒ rò.»

³⁸Ní ìma, ma m̀vì nyǐ nyòwù ònyù ògù ìnzǎ nyǐ nyazò dhu òná inga ǒ. Ngũkpà ale náanzì ndi kasu kà ǒ angyinǎ rò, nyǎdù ìdzìngà nábà abádhí tó kasu-nyu-tsì.»

³⁹Ní, wòrí kigò ǒ aróko Sàmàriyà ǒ ábhǒ ale nyú náa'u Yèsù, wòrí tsibhále náwenà fíyò dhu-okú dò rò. Kǎti: «Kàwe ma m̀nzì dhu kóró idù.»

⁴⁰Ní, Sàmàriyà ǒ ale níitdègu iwu ùvò Yèsù-tí'ò, ní abádhí adù kònzì ndínǐ adì tí ì màná firábvũ. Ní Yèsù mà náadù òko abádhí màná óyǒ idhò tí.

⁴¹Ní, ábhǒ ngũkpà ale nyú náadù Yèsù ná'ù, yà kà r̀nɔna ndi nyú tírò ɔte-okú dò rò.

⁴²Abádhí owúnà àtìná rǒ wò tsibhále nǐ: «Mǎ mà'ù Yèsù, ìnzǐ ní nyǐ nyùnò dhu-okú dò rò tí, pbétù mǎ mà'ù ka yà bíka nyú nǐ mǎ mìrì kà r̀nɔna dhu dhu-okú dò rò. Ndirò, mǎ m̀ni wà dhu ka nyú rǎrǐ ndi yà adzi ǒ ale tó Ògùba.»

Yèsù rǐ Gálilayà tó pbìrì ǒ atdí ádr̀ngbǎle bhà ìngba nígũ dhu

(Màt 8.5-13; Luk 7.1-10)

⁴³Óyǒ idhò ndi ndònzì Sàmàriyà dhu-dzidǒ, Yèsù ìvǎ ndi ndàrà Gálilayà.

⁴⁴Obhó tí, ka ní'ì iwà átì ndi nyú tírò, ìnzǐ ka rarí nabì nífũ pbìndà pbìrì nyú ǒ .

⁴⁵Pbéttù, Gálilayà tó pbìrì ò Yèsù àrà àhu rò, ànyì bhà náakò ka mběyi nyú, iwà ì awù átò Yèrùsalemà, Pásika tó m̀hendù-idhò ǒ, 'àdù kà r̀nzina kóró dhu àla nídhunǐ.

⁴⁶Nírò ní ndi Yěsù adù àrà tdítdǒ Kanà tí kátina atdí pbanga ò, Gálilayà tó pbìrì ò. Ndi pbanga ní ndi kǔgèrè idha rǒngò òvayì tí òná. Gálilayà, Kàpèrnàwumù tí kátina pbanga ǒ, àlità bhà kasu tó atdí ádrùngbǎle ní'ì inè. Ndi ale t'ídhùnà ní'ì andi nà.

⁴⁷Ní, Yěsù ìrà Yùdeyà rò ndìrà àhu Gálilayà dhu ndi ndìrì rò, wò ádrùngbǎle náara Yěsù-ti'ò. Kǎdù ndìtsò Yěsù rǒ ndíni awú tí, ndàrà idhùnà nígu Kàpèrnàwumù. Ndi kà t'ídhùnà ní'ì afina rǒ ka kódonà ró.

⁴⁸Ní Yěsù adù àtìna kànì: «Nyí nyí nzǐ dhu à'u, inzà nyí nyàla wíwì mà, inzà apèna 'ònzì angyi ìndrù nzínzì ǒ dhu màna dhu rò!»

⁴⁹Ní wò ádrùngbǎle adù àtìna Yěsù ní: «Ádrùngbǎlé, ìrà nyawú pbàkà inzà pbàkà ingba-afí nǎpè itdǐ rórò.»

⁵⁰Ní Yěsù adù àtìna kà ní: «Árà ìbha! Ìnè idhùnù rǐ'ì nyìkpóna nà.» Ní wò ádrùngbǎle náa'u Yěsù ùnò fíndà dhu, ndàdù ndìvà, ndàrà.

⁵¹Ní ìbha ndi ndóngo rórò, abádhí núusò ì otu ǒ pbìndà kasutále màna, ì ale ràdù àtìna iwà kà t'ídhùnà rògù.

⁵²Ní wò ale adù dhu ìvu abádhí-tsǔ, ndàti: «Kǒgùnà ìfe adyifò-sisì ǒ?» Ní, abádhí adù dhu àdu kàtò 'àti: «Kǒgùnà inzì, àrùbhù adyifò-sisì adyìbhengá nga tó ǒ.»

⁵³Ní wò ngbángba t'ábanà adù dhu òsù ányirǒ rò tí, wò ndi kàsùmì ǒ tí Yěsù rátiná ndi ní: iwà pbìndà ingba rògù. Ní àbadhi mà, kóró pbìndà idzá-bhà màna náadù Yěsù ná'u atdítdǒ.

⁵⁴Wò dhu bhěyi ní ndi, Yěsù anzì oyo rí kìsě pbìndà wíwì, Yùdeyà rò ndi ndìrà àhu Gálilayà rò.

Yùwanì 5

Yěsù rǐ ngbǒna ùve atdí ale nígǔ dhu

¹Wò dhu-dzidǒ, yà Pbàyàhúdì rǐ fìyó sòmà tó atdí mùhendù nónzì òná kàsùmì ǒ, Yěsù iwà ndi ndàrà Yèrùsalemà tó kigò ò.

²Ndi kigò ò ka kótsù òná atdí tsǎtsù-òvò ní'ì «Tàmà tó Tsǎtsù.» Ní, ùye ka kúyè idha ní'ì ndi tsǎtsù tí. Pbàyàhúdì t'ávàna ǒ, ndi idha-òvò ní'ì Bètèsàydà. Ndirò, kigì rǒ ka kasì imbò mbàrazà.

³Ní, dhèdhèrò andi-tidò nà ale nóongónà òyì ì mbàrazà tsinǎ. Ì ale ní'ì ndùmùndúmù mà, òtsòtsù ale mà, ndirò ngbǒya ùve ale màna.

[⁴Ní, abádhí ongónà òyì ányirǒ, 'àmbe Kàgàwà bhà màlàyikà rǐ ndi idha-ǒnga nángbò dhu òdò dǒ. Obhó tí, atdí kàsùmì ǒ, Kàgàwà bhà màlàyikà nóongónà ìfo òrù-akpà ò rò, ndòtsù ndi idha ò, ndàdù ònánga àngbo. Ní, wemberè tí òtsù ndi idha ò ale nóongónà àdù ògù dòtsì pbìndà andi ǒ rò.]

⁵Ní, ányirǒ ì'ì atdí ale ní'ì iwà andi alú ndi ró ato árà àhu ìbhu kumì dóná àrù nà ato tí ale.

⁶Ní, wò ale ndi ndàla àyayi ró, ndàdù dhu ùni iwà ka rónzi ábhò idho nyú andi nà rò, Yèsù ivú dhu kà-tsù, ndàti: «Nyi nyòzè tí iwà nyògù?»

⁷Ní wò ale adù dhu àdu Yèsù tò ndàti: «Ádrùngbálé, idha-ǵnga màlàyikà àngbò rò, ma marí mbà àdù ì'ì mitdu rí, ndàfò ma ndi idha ò ale nà. Ndirò, yà ma mí momvù ndíni ma mofò tí idha ò rò, ngàtsi ale kèlè náarádù òfo angyi rùdú ndi idha ò.»

⁸Ní Yèsù adù àtìnà wò ale nǐ: «Ívà nyi, nyitdù indú ara, nyadù àrà.»

⁹Ní ányirò rò tí, wò ale náagù, ndàdù pbìndà ara nítdu ndàrà nà. Wò dhu rǐ ndònzì ònà idho ní'ì sàbatù-idhò.

¹⁰Ní Pbàyàhúdì tó ádròdrò ale náadù àtìnà wò ògògù ale nǐ: «Indo rí'ì ní sàbatù-idhò! Ní dhu àkǎ nzá nyanò pbùkù ara nyambe ùbhi dǒ nà.»

¹¹Ní, wò ale adù dhu àdu abádhí tò ndàti: «Íma nìgù ale ní ndi àti ima nǐ, ma ritdu pbàkà ara, madù àrà nà.»

¹²Ní kǒkò Pbàyàhúdì tó ádròdrò ale adù dhu ivu kà-tsù 'àti: «Ádhi pbá ale ndi nyi nǐ àti, nyi ritdu pbùkù ara, nyadù àrà nà?»

¹³Pbétù, wò ka kìgù ale náadù nzá àdhi mà ùnòná ndi dhu dhu núni. Obhó tí, wò ndi kàsùmi ò, Yèsù adù ì'ì iwà ndi ndàwìlì ndi, ndàrà ányirò ì'ì ihé-yà nzínzi ò rò ró.

¹⁴Wò dhu-dzidǒ, Yèsù adù àrà wò ale nótù Kàgàwà bhà idzá, ndàdù àtìnà kà nǐ: «Kòni nyi nyògù wà. Ní àpé nyònzì nzérenga tdítǒ, akye nzére dhu nyú ròsè wòrì dònà náarana nyabà tdítǒ nǐ.»

¹⁵Ní wò ale náadù àrà, nditsi àtìnà Pbàyàhúdì tó ádròdrò ale nǐ, Yèsù rǎrǐ ndi ndi nìgùná.

¹⁶Ndi dhu-okú dò rò ní ndi, ì ádròdrò ale náadù 'òpè 'ònè Yèsù, ndíni ì abhù tí kohò, sàbatù-idhò ò kà rǎrà indrù igu rǒ nídhunǐ.

¹⁷Pbétù, Yèsù adù àtìnà abádhí nǐ: «Àbadu Kàgàwà rǐ'ì inè kòmbí màtí ndi ndi kasu ònzì ró, ní ima mà átò, ma mí'ì kasu ònzì ma mí ró.»

¹⁸Ndi dhu-okú dò rò ní ndi, Pbàyàhúdì tó ádròdrò ale náadù 'òpè 'ònè Yèsù tdítǒ atdyúya nyú nà, ndíni ì abhù tí kohò. Abádhí ambénà kònè dǒ, ìnzì ní inzá kǐfu sàbatù-idhò dhu-okú dò rò tí, pbétù kǎradù Kàgàwà àti àbanà nyú tí, ndi dhu ràdù ndàbhù ì'ì àdhàdhì Kàgàwà nà dhu-okú dò rò.

Kàgàwà t'ídhùnà, Yèsù bhà ádrùngbǎnga

¹⁹Wò dhu-dzidǒ, Yèsù adù àtìnà Pbàyàhúdì tó ádròdrò ale nǐ: «Ma mí obhó dhu núno fùkù: Kàgàwà t'Ídhùnà rǐ nzǐ àdù atdí dhu mà nónzì dònà rǒ, pbétù kà ràdù ònzìnà dhu ní yà Àbanà rǒnzìna ró ndi ndálàna dhu kèlè. Obhó tí, Àbanà arónzìna dhu nónzì kà t'Ídhùnà ràdù átò.

²⁰Obhó tí, Àbanà ózè Idhùnà, ndàdù ndi ndarónzìna kórò dhu núvi kà tò. Kàrǐ yà ndi ndónzì dhu dònà róse ádròdrò dhu núvi tdítǒ ndi Idhùnà tò, ndíni idho adù tí nyùkò nǐ atdíǒ.

²¹Àdhàdhì Àbadu náarí ùvǔve ale nábhǔ rǔngbe ì ɔve-bvù rò, ndàdù ípìrǒnga ùbho fǔyò dhu bhěyi tí, ní ka t'Ídhùnà rǎdù ípìrǒnga núbho yà ndì ndòzè ndùbho ka fǔyò ale tò.

²²Ndirò, Àbadu náarí nzǐ ìndrǔ-ànyǎ nítdì, pbétù kǐbhò anya t'ítàtá tó ádrǔngbǎnga tó ɔbì kóró Idhùnà-fó,

²³ndínǐ kóró ale nífù tí Idhùnà, àdhàdhì ì arí Àbanà nífù dhu bhěyi. Ní, ìnzǐ arí Kàgàwà t'Ídhùnà nífù ale, nífù nzá yà ka nívi Àbanà.

²⁴Ma mí obhó dhu núno fǔkù: Yà ma múnoa dhu níri rí ale, ndàdù yà ima nívi ale ná'ù, nába wà dhòdhóhónga tó ípìrǒnga. Ndirò, ka kotdíya nzǐ anya kà dǒ, pbétù kǎdà wà ɔve òna nǎ, ndàdù òtsù ípìrǒnga ò.

²⁵Ma mí obhó dhu núno fǔkù: kàsúmì níndù wà ndì, ndirò ndì kàsúmì àkǎ wà. Ndi kàsúmì ní yà ùvǔve kutdǔ ì ale rǐ Kàgàwà t'Ídhùnà-tù níri òná, ndirò kà-tù ìri rí ale rǎdù ípìrǒnga nába.

²⁶Obhó tí, àdhàdhì Àba Kàgàwà náarí'ì ípìrǒnga nà nyunatsì dhu bhěyi, ní kǎbhu Idhùnà rǐ'ì ípìrǒnga nà átò nyunatsì.

²⁷Ndirò, kǎdù ìndrǔ-ànyǎ t'ítàtá tó ádrǔngbǎnga tó ɔbì nábhù Idhùnà tò, Ìndrǔ t'ídhùnà ní ka dhu-okú dò rò.

²⁸Ní, àpé nyǎbhù idho rǔkò nyǐ ndì dhu dǒ. Obhó tí, kàsúmì níndù wà ndì, yà kóró ale kǎkà ùvǔve kutdǔ ì rǐ tǔdu ìri òná,

²⁹'àdù 'ùngbe ɔve-bvù rò. Ní yà ídzì nga ònzì ì arí rórò uvè ale núungbeya ì, 'àdù dhòdhóhónga tó ípìrǒnga nába. Pbétù, yà nzénga ònzì ì arí rórò uvè ale, núungbeya ì, kǎdù anya nítdì dòyá .»

Yèsù rǐ pbìndà ádrǔngbǎnga návì rí ìndrǔ tò dhu nóvò dhu

³⁰Tdítdǒ Yèsù adù dhu òvò Pbàyàhúdì tó ádròdrǒ ale tò, ndàtì: «Ima nyú, ma mí nzǐ àdù atdí dhu mà nónzì dùdu rǒ, pbétù ma mǎdù ìndrǔ-ànyǎ nótdì Àbadu Kàgàwà nóvò ka idù dhu bhěyi. Ndirò ndì anya nótdì ma mǎdù obhónánga dǒ. Obhó tí, ma marí nzǐ ma mòzè dhu nónzì, pbétù ma marónzina dhu ní yà ima nívi ale nózè dhu kèlě.

³¹Ma mapé àdù àdì pbàkà ngàmbì tí ma-tírò, ní ma múnoa dhu ní nzǐ àdù ì'ì obhó dhu.

³²Pbétù, ngǎtsì ale ní ndì pbàkà ngàmbì, ndirò ma mùni wà dhu, kà rǔnoa dùdú dhu rǎrǐ obhó dhu.

³³Nyǐ nyóvi ìndrǔ ròwù dhu òngù bàtizò núbhǒ arí Yùwanì-tsǔ, ní kǎdù obhó dhu tí rǐ'ì dhu núno fǔkù ì ale dǒ.

³⁴Ima nyú, ma mózè nzá ìndrǔ rǎdì pbàkà ngàmbì tí dhu, pbétù ma mí yàrí dhu núno fǔkù ndínǐ nyǐ nyugù tí.

³⁵Yùwanì ì'ì nzínziku ò àdhàdhì ɔbì ka kòbì rǎmbe ìnga náwù dǒ tarà bhěyi. Ndirò, nyǐ nyádù idhèku nábhù rǐka ndì ákě kàsúmì kèlě tí kà rǔnoa fǔkù dhu tó awáwù ò.

³⁶Ní ima nyú, ma mí'ì ìnè Yùwanì uno dhu dònǎ òsè ngǎtsi dhu nà. Obhó tí, ndi dhu ní yà Àbadu Kàgàwà íbhò ndíní ma mǎnzi tí rǎkǎ kasu, yà ìnè rí'ì ònzi ma mǎnzina ró. Ní i kasu arí ndi dhu àvǐ, Àbadu Kàgàwà rǎrǐ ndi ima nívi.

³⁷Yà ma nívi Àbadu ní átò pbàkà ngàmbì. Ní, nyǐ nyàpè nzá kà-tù níri akèkpá màtí, ndirò nyǐ nyàpè nzá kà-nyì-kpa nálǎ.

³⁸Ndirò, nyǐ nyǐ'ì mbǎ kǎbhà òte nà afíkù ò, inzǎ nyǐ nyǎ'ù yà kǐvì ale dhu-okú dò rò.

³⁹Nyǐ nyózè nyögyè Kàgàwà bhà Andítá-ònga, nyǐ nyǎrí inga ìrè kǒtù ò nyǐ rǎràdù dhòdhódhóngà tó ípìrǒnga nábà dhu-okú dò rò. Ní, i Andítá ní i pbàkà ngàmbì.

⁴⁰Pbétù, nyǐ nyózè nzá nyǐwù tidu ò, ndíní nyǐ nyabá tí obhóná ípìrǒnga.

⁴¹Ma mózè nzá ìndrǔ rǐ milè dhu.

⁴²Pbétù, ma múni wà nyǐ: nyǐ nyózè nzá Kàgàwà.

⁴³Ima, ma mírǎ Àbadu Kàgàwà-òvò rǒ, ní nyǐ nyádù nzá makò. Pbétù, ngǎtsi ale náapè àdù ìrà òvòna nyú rǒ, ní nyǐ nyádù ndi ale àkò akye.

⁴⁴Nyǐ nyádù dhu à'ù ìngbà dhu bhěyi, yà nyǐ nyózè nyǐfù nyǐ nyǐ-tírò nzínzíkù ò, ìnzǐ nyǎdù Kàgàwà atdíró rǐ nyǐfǔ dhu ònè rò?

⁴⁵Àpé nyìrè nga ima rǎrǐ ndi ma mí nyöbhu Àbadu-fó. Pbétù nyöbhu rí ní Músà, yà atdíðǒ nyǐ nyǎ'ù tsúná dhu ale .

⁴⁶Obhó tí, nyǐ nyǎ'ùyana gukyè Músà náandí dhu, ní nyǐ nyádùyana ma múnǎna dhu à'ù átò, okúdu dò rò kǎndí i dhu nídhunǐ.

⁴⁷Ní yà inzǎ nyǐ nyǎ'ù kǎndí dhu rò, nyǐ nyádù ma múnǎna òte ná'ù ìngbà dhu bhěyi ?»

Yùwanì 6

Yēsù rǐ imbò lufù ale nóngù dhu

(Mát 14.13-21; Mrk 6.30-44; Luk 9.10-17)

¹Wò dhu-dzidǒ, Yēsù adà Gàlilayà tó rèrù-adzè. Ndi rèrù ka kanzínà átò Tìbèriyà tí.

²Ní ádrùngbǎ ihé-yà náadù òwu kǒwù ò, andi nà ale rǒ ka rǎrà ònzínà rǒ wǐwǐ nála rǒ i ówu nídhunǐ.

³Ní Yēsù núupò pbìrì dò, 'àdù òko obvò ányì pbìndà ábhǎlǐ mànà.

⁴Wò ndi kàsùmì ò, Pbàyàhúdí tó mùhèndù, Pásìka tí kátina-idhò ní'ì iwà ndìndù ndi ró.

⁵Ní Yēsù ubè nga ndàndà, ndàdù ihé-yà nála tina ò ríwu ró. Ní kǎdù dhu ìvu Filipò-tsǔ, ndàtì: «Àlě kówu mùgatì òdzì àdhà ndíní kǎkà ale ònyu tí?»

⁶Kǐvú wò dhu Filipò-tsǔ, àbadhi-afí kèlě ndi ndomvú tí nǐ. Obhó tí, kǔni wà ndi ndádù ònzínà dhu.

⁷Ní Fìlipò adù dhu àdu kàtò, ndàti: «Àlě kí mbă m̀gati nódzi óyǒ miyà f̀rangà-kpǒ rǒ m̀tí, kǎdù ùndònà níní m̀tí k̀rì ale-fǒ, ní rǐ nǐ òkǎ abádhí rǒ.»

⁸Yèsù bhà ábhàlǐ nzínzì ǒ, Àndèreyà tí kátina atdí ale, Sìmonì Péterù t'ádònà, náadù àtìnà Yèsù nǐ:

⁹«Atdí kpatsìbhíngba rǐ'ì inè iró sàyirì tí kátina nganù-ra nǐ ka kóbhòlò imbò m̀gati nà, dòná óyǒ ìbhè nà. Pbétù wò ndí dhu mà rǒnzina yà dhu bvù tí ale rǒ dhu ní àdhu?»

¹⁰Ní Yèsù adù àtìnà pbìndà ábhàlǐ nǐ: «Nyàvi ìndrù ròkò obvò.» Ányìrǒ irí ní'ì inè abhò. Ní ihé-yà adù òko obvò ndí irí dǒ. I ale-bvu ní'ì mbèmbè imbò lufù kpabhále.

¹¹Ní Yèsù ugu kǒkò imbò m̀gati ndùlǔ fóná. Ní òtsò ndí ndàbhu Kàgàwà tò dhu-dzidǒ, kǎdù ì m̀gati àbhu kundò uró ì'ì ale tò. Ndirò, kǎdù ìbhè nábhu átò kundò abádhí tò, abádhí nà rákǎ dhu bhèyi.

¹²Ihé-yà níitdègu dhu ònyu 'ùlè nǐ, ní Yèsù adù àtìnà pbìndà ábhàlǐ nǐ: «Nyùndu òdòdì m̀gati-go-tsù, akye ndí ninzana kǒkòrò nǐ.»

¹³Ní Yèsù bhà ábhàlǐ náadù kǒkò ònyu ka kònyù imbò m̀gati ò rò òdì m̀gati-go-tsù núndu, rùlè atdí kumì dòná óyǒ nà sèngè ǒ.

¹⁴Ní wò Yèsù ònzì wíwí ì àla rò, ihé-yà adù òte òpè nzínziya ǒ, 'àmbe àtìnà dǒ: «Obhó nyú, yàrí ale ní yà ka kuno irà iraya yà adzi ǒ dhu tí Kàgàwà bhà nabì nyú.»

¹⁵Ní Yèsù itdègu abádhí rǐ dhu ònzì ndínǐ ì alá tí ndí, 'ùdò ndí fíyó ádrùngbǎ kamà tí dhu ùnǐ, ní kǎdù ndíidha abádhí nzínzì ǒ rò, ndàdù àrà atdíró pbìrì dò.

Yèsù rùbhi r̀r̀r̀ dǒ dhu

(M̀t 14.22-33; Mrk 6.45-52)

¹⁶Inga níitdègu àtì, ní Yèsù bhà ábhàlǐ náawú pbìrì dò rò, ìwù ùvò r̀r̀r̀-ìtsù.

¹⁷Ní abádhí núupò atdí ìbhú ò, 'adù abhi òpè 'àmbe òwu dǒ r̀r̀r̀-ìdžè, Kàpèrnàwumù tó pbanga ò. Inga ní'ì iwà ndí ndàti ró, Yèsù ràdù ì'ì ìnzá ndí ndàpè irà àhu abádhí ì ró.

¹⁸Ndirò idha adù ì'ì atdídǒ tsina àva ndí awe r̀pili òbi nyú nà dhu-okú dò rò ró.

¹⁹Ní Yèsù bhà ábhàlǐ ní'ì iwà ì òtù ìbhú r̀rà mbèmbè imbò k̀lòmètèrè tí, ndirò ngàtsi nǐ mbèmbè azà k̀lòmètèrè tí r̀r̀r̀-ìlìkpa ò ró. Nírò ní ndí abádhí náala Yèsù idha dǒ rùbhi p̀fǒna dǒ, ndàmbe irà dǒ ìbhú ì ró. Ní òdò ǹsì atdídǒ abádhí ò.

²⁰Pbétù, Yèsù adù àtìnà abádhí nǐ: «Ìnzǐ nyònzì òdò! Ima ní yà.»

²¹Ní abádhí náatsù 'àbhu Yèsù r̀pò ìbhú ò, ní k̀mbómbí tí ìbhú náadù àrà àhu adžèñà idha-bidò, yà abádhí rùbhi àda rǒ ìnǎ rò.

Ihé-yà rǐ Yèsù ònè ndínǐ ì ala tí dhu

(M̀t 14.34-36; Mrk 6.53-56)

²²Tsútsǎ nínganí, r̀r̀r̀-ìdžè ì nùbhàná ihé-yà níirè dhu atdí tí ìbhú rǐ'ìná idha-tsùnǎ. Ndirò, abádhí irè dhu Yèsù r̀pòná nzá ndí ìbhú ò, 'adà atdíkpá pbìndà ábhàlǐ mànà, pbétù ì ábhàlǐ r̀wùnǎ òyá.

²³Ní, ngǔkpà ibhú náadù ìwu Tìbèriyà tó kigò ònà rò, ìwù ùvò ìkyèrò yà òtsò ndì ndàbhù Kàgàwà tò dhu-dzidò, Yèsù ábhuná m̀gati ihé-yà r̀nyè ró.

²⁴Ní ihé-yà níitdègu dhu àlǎ, ìmbǎ Yèsù mà, p̀bìndà ábhàlǐ mànà r̀arǐ'ì ǹzìnzìya ò, ní abádhí adù ùpo Tìbèriyà rò ìwù ibhú ò, 'òwù Yèsù ònè Kàpèr̀nàwumù tó kigò ò.

Yèsù rǐ ndàtì ípìr̀ngà nábhu rádù ìndr̀ù tò m̀gati tí dhu

²⁵Kòkò ihé-yà náawù ùvò r̀èr̀ù-adzè, 'adù Yèsù òtù ányì. Ní abádhí níwù dhu kà-tsù 'àtì: «M̀lìmò! Nyì nyìrà àhù ìngbǎ tí ngá àzù?»

²⁶Ní Yèsù adù dhu àdu abádhí tò, ndàtì: «Ma mí obhó dhu núnò f̀k̀k̀: nyì nyì m̀one dhu ní m̀gati nyì nyónyùnà nyùlè nǐ dhu, ìnzǐ ní yà ma m̀ar̀onzìna wìwì nyì nyála, nyàdù à'ùnà dhu.

²⁷Ní, dhu àkǎ nzá nyònzì kasu ndìnzà rádù ònyè-okú dò rò. P̀bètù, dhu àkǎ nyònzì kasu dhòdhòdhóngà tó ípìr̀ngà nábhu rádù f̀k̀k̀ ònyè-okú dò rò. Ndi ònyè àbhù rádù f̀k̀k̀ ní Ìndr̀ù t'ídùnà. Obhó tí, ka ní ndi Àbanà Kàgàwà níli p̀bìndà ádr̀ungbànga tó ize r̀onà ale, ndínǐ ndi ndìvì ndi ka dhu navì tí.»

²⁸Ní kòkò ihé-yà adù dhu ìvu Yèsù-tsù 'àtì: «Ádhu ndi àkǎkǎ m̀onzì, ndínǐ mà m̀onzi tí Kàgàwà bhà kasu?»

²⁹Ní Yèsù adù dhu àdu abádhí tò, ndàtì: «Kàgàwà bhà kasu ní, nyà'ù yà ndi nyú tíró ndi ndìvì ale.»

³⁰Abádhí adù dhu ìvu t̀dítò kà-tsù 'àtì: «Íngbà wìwì nyì nyónzìna m̀ala, ndínǐ m̀a madù tí nya'ù? Ádhu ndi nyì nyónzìna?»

³¹Abhúka náanyè manà tí kátìna m̀gati r̀ungù ò, àdhàdhì yà Kàgàwà bhà Andítá r̀ǹona dhu bhèyi. Ndi Andítá r̀tìna: «Kàgàwà náabhù òr̀ù-akpà ò rò ìrà m̀gati abádhí r̀nyè .»

³²Ní Yèsù adù dhu àdu abádhí tò, ndàtì: «Ma mí obhó dhu núnò f̀k̀k̀: ìnzǐ ní Músà ndi òr̀ù-akpà ò rò ìrà m̀gati nabhù f̀k̀k̀. P̀bètù, Àbadu Kàgàwà ní ndi òr̀ù-akpà ò rò ìrà obhónà m̀gati nábhu rǐ f̀k̀k̀.

³³Obhó tí, Kàgàwà bhà m̀gati ní òr̀ù-akpà ò rò ìrà m̀gati. Ndirò, ndi m̀gati ní dhòdhòdhóngà tó ípìr̀ngà nábhu rǐ yà adzi ò ale tò m̀gati.»

³⁴Ní, ihé-yà adù àtìna Yèsù nǐ: «Ádr̀ungbǎlé, óngò wòr̀ì m̀gati níbhò f̀k̀k̀ bìlìngànà.»

³⁵Ní Yèsù adù dhu òvò abádhí tò kpangba, ndàtì: «Íma ní ndi yà ípìr̀ngà nábhu rádù ìndr̀ù tò m̀gati. Ndi ale náapé ìrà tídu ò, ní rǐ nzǐ àdù àwù nínè akekpa m̀atì. Ndirò, ndi ale náapé ma'u, ní rǐ nzǐ àdù òmv̀una ndi ndi dhu-atdyú nóhò akekpa m̀atì.

³⁶Kònǐ ma m̀unò wà ì dhu f̀k̀k̀. Nyì nyála wà ma, p̀bètù nyì nyàpè nzá ma'u.

³⁷Àba Kàgàwà níbhò idù ale nákǎ 'ìwù kórò tídu ò. Ndirò, tídu ò ìrà ale nódi ma mí nzǐ àdù ìri.

³⁸Obhó tí, ma m̀ìrà òr̀ù-akpà ò rò, ndínǐ ma m̀onzi tí yà ma nívì ale-afí ózè dhu. P̀bètù, ma m̀ìrà nzá ndínǐ ma m̀onzi tí afídu ózè dhu.

- ³⁹Yàrí ní ndi yà ma nívi Àbadu-afí ózè dhu: «Dhu àkă nzá mabhù yà fudú kǐbhò ale nzínzi ǒ atdí ale mà ràwí. Pbéù, yà adzi ǒ dhu-tsù rǐtsi ndòdì nínganí, dhu akáya mabhù abádhí rùngbè ì.»»
- ⁴⁰Tdítdǒ Yēsù adù àtìnà: «Yàrí ní ndi Àbadu ózè dhu: kóró ale yà Idhùnà àlǎ rí, 'adù à'ùnà, rǎdù dhòdhódhóngà tó ípìrǒngà nábà. Ndirò, ma madùya abádhí nábhu rùngbè ì yà adzi ǒ dhu-tsù rǐtsi ndòdì nínganí.»
- ⁴¹Ní wò dhu ì ìrì rò, Pbayàhúdì tó ádròdrǒ ale náapè 'àmbe ònu dǒ nzínziya ǒ Yēsù-okú dò rò. Abádhí anù wò Yēsù àtì, ndi rǎrǐ òrù-akpà ò rò írà mùgatì nídhunǐ.
- ⁴²Ní, abádhí ambénà àtìnà dǒ nzínziya ǒ: «Tí obhó Yēsù, Yòzefù t'ídhùnà nyú yà? Àlě kúni wà kà t'ábanà mà, kà-tsánà mà. Ní, kà rǎdù àtìnà ìngbǎ dhu bhěyi ndi rǐrà òrù-akpà ò rò ?»
- ⁴³Ní, Yēsù adù dhu àdu abádhí tò, ndàtì: «Ìnzǐ nyònu nzínziku ǒ.
- ⁴⁴Ìnzǐ atdí ale mà rǎdù ìrà tidu ò, ìnzǐ ní yà ima nívi Àbadu Kàgàwà kèlě nábhu ndi ndirà tidu ò rò. Ndi ale ní ndi ma madùya àbhùnà rùngbè ndi, yà adzi ǒ dhu-tsù rǐtsi ndòdì nínganí.
- ⁴⁵Kàgàwà bhà pbànábí náandí dhu 'àtì: «Kàgàwà nyú nditírò núudhèya dhu kóró ale tò .» Àbadu Kàgàwà rǎnǒna dhu ìrì, ndàdù à'ùnà ale ní ndi rǎdù ìrà tidu ò.
- ⁴⁶Atdí ale mà nápe nzá Àbadu àlǎ. Pbéù, ka nála ní yà Kàgàwà-tì'ò rò írà ale kèlě atdí.
- ⁴⁷Ma mí obhó dhu núno fǔkù: Yēsù nà'ù ale ní rǐ'ì dhòdhódhóngà tó ípìrǒngà nà.
- ⁴⁸Ima ní ndi dhòdhódhóngà tó ípìrǒngà nábhu arí ìndrù tò mùgatì.
- ⁴⁹Abhùku náanyù manà tí kátina mùgatì rùngù ò, ní abádhí adù wà ùve.
- ⁵⁰Pbéù, yàrí ní ndi òrù-akpà ò rò írà mùgatì. Ndi mùgatì nònyù ale rǐ nzǐ àdù òvè.
- ⁵¹Ima ní ndi ípìrǒngà tó ndi mùgatì, yà òrù-akpà ò rò írà. Ndi ale apé ndi mùgatì nónyu, ní ndi ale adùya dhòdhódhóngà tó ípìrǒngà nábà. Ma mábhùna ndi ale rònyù mùgatì tí dhu ní ngbòdu. Ma mí ndi ngbòdu nábhu, ndíní yà adzi ǒ ale náabá tí ípìrǒngà otùna ǒ.»
- ⁵²Wò dhu ì ìrì rò, Pbayàhúdì adù 'òpè 'àgò ì òbi nyú nà nzínziya ǒ. Abádhí ambénà dhu òngù dǒ tsùyá, 'àmbe àtìnà dǒ: «Hòkò! Yàrí ale rǎdù ngbòna níbhò ìngbǎ dhu bhěyi àlě rònyù?»
- ⁵³Ní Yēsù adù àtìnà abádhí ní: «Ma mí obhó dhu núno fǔkù: Ìnzǐ nyǐ nyapé Ìndrù t'ídhùnà-ngbò nónyu, ìnzǐ nyàdù kǎzù nómvù, ní nyǐ nyǐ nzǐ àdù dhòdhódhóngà tó ípìrǒngà nábà.
- ⁵⁴Ndi ale apé ngbòdu nónyu, ndàdù azùdu òmvù, ní ndi ale rǎdù dhòdhódhóngà tó ípìrǒngà nábà, ndirò ma madùya ndi ale àbhù rùngbè ndi yà adzi ǒ dhu-tsù rǐtsi ndòdì nínganí.
- ⁵⁵Obhó tí, ngbòdu ní obhóná ònyù, ndirò azùdu ní obhóná òmvù.

⁵⁶Ní ndi ale apé ngbõdu nónyu, ndàdù azùdu òmvù, ní ma mí'ì inè ndi ale-nyutsi, ndirò ndi ale rí'ì inè nyudutsi.

⁵⁷Ima nívi Àbadu Kàgàwà náari'ì inè ípìrõnga nà, ndirò ma mári'ì inè ípìrõnga nà kòkú dò rò. Ní ndi dhu bhëyi tí, ngbõdu nónyu ale ní rãdù ì'ì ípìrõnga nà otùdu ð.

⁵⁸Yàri ní ndi òrù-akpà ò rò ífò m̀gati. Ndi m̀gati rí'ì mbã yà abhúku náanyù m̀gati bhëyi. Ndi m̀gati ì ònyù dhu-dzidõ, abádhí náadù wà ùve. Pbétù, ndi ale náapè yàri m̀gati nónyu, ní rí nzí àdù òvè ìngbã tí ngá màtí.»

⁵⁹Wòrí ní ndi Yèsù unò dhu, yà Kàpèrnàwumù tó pbanga ð unduta-dzà ð rò ndi ndi dhu núdhè ìndrù tò òná kàsùmì ð.

Dhòdhóhóngà tó ípìrõnga nábhù rí ìndrù tò òte

(*E`br 4.12-13*)

⁶⁰Wò Yèsù unò dhu ì ìri rò, kàbhà ábhàlì nzínzì ð ábhõ ale nyú náadù 'òpè 'ámbe àtìna dõ: «Yàri ale rùdhèna ìndrù tò dhu nídzò ìdzo tí. Ní ádhi pbá ale ndi kèrì rãdù?»

⁶¹Yèsù itdègu kòkò ale rõnu nzínziya ð yà ndi ndùdhe fíyò dhu-okú dò rò dhu núni, ní kãdù dhu ìvu abádhí-tsù, ndàti: «Wò ma m̀nò dhu nábhù tí nyí nyòtsù nzérenga ò?»

⁶²Olu, nyí nyáláyana gukyè Ìndrù t'ídhùnà òrù-akpà ò rúpo yà angyi ndi ndi'ì ì ró, ní ádhu nyí nyúnòyana?

⁶³Ìlìlã-Alafí ní ndi dhòdhóhóngà tó ípìrõnga nábhù arí ìndrù tò ale. Pbétù, ìndrù nyú rãdù ònzìnà dhu rí'ì ìmbã. Yà fùkù ma m̀nò òte ní Ìlìlã-Alafí ìbhò m̀nò fùkù òte. Ndirò, ndi òte ní dhòdhóhóngà tó ípìrõnga nábhù rí ìndrù tò òte.

⁶⁴Pbétù, nzínzìku ð ngùkpà ale ná'ù nzá ndi òte.» Obhó tí, angyangyi nyú, Yèsù núuni wà abádhí nzínzì ð ìnzá ndi ná'ù ale mà, ndi nìpfoya ndàbhù ndi òmvù-fó ale màna.

⁶⁵Ní kãdù àtìna tdítð abádhí nì: «Kòní wò dhu-okú dò rò nga ní ndi, ma m̀vò dhu fùkù mati: ìnzí atdí ale mà rãrãdù ìrà tídu ò, ìnzá Àba Kàgàwà kèlè nábhù ndi ndirà rò.»

⁶⁶Ní ròpè ndi uró rò, Yèsù bhà ábhàlì nzínzì ð ábhõ ale nyú núudhá ì olù, 'àdù 'òpè ìnzí 'òwù ùbhi rõ kòwù ð tdítð.

⁶⁷Ní wò dhu ndi ndàla rò, Yèsù adù dhu ìvu pbìndà atdí kumì dòná óyõ nà ábhàlì-tsù, ndàti: «Nyí nyú mà nyí nyòzè tí nyòwù átò?»

⁶⁸Ní Sìmonì Péterù adù dhu àdu kà tò, ndàti: «Ádrùngbálé, mà m̀wu àdhi bhà? Nyí nyarúnona òte ní dhòdhóhóngà tó ípìrõnga nábhù rãdù ìndrù tò òte.

⁶⁹Ní kòmbí mà'í na, mà mà'ù wà nyi. Ndirò mà m̀ni wà dhu nyi rãrì Kàgàwà bhà rò ìrà Ìlìlã ale.»

⁷⁰Ní Yèsù adù dhu àdu abádhí tò, ndàti: «Yà atdí kumì dòná óyõ nà nyí nyí'ì rò, tí obhó ima ndi ma mavò nyí? Pbétù nzínzìku ð rí'ì atdí ale ní Pfòmvo nyú!»

⁷¹Yēsù ambénà òte dǒ dóná ní Yudhà, Sìmoni Ìskàriyotà t'ídhùnà. Obhó tí, ndi Yudhà ní'ì ndi Yēsù ìpfǒ rí ndàbhu òmvũ-fó ale, àzèmbè ndi ndongó ì'ì kàbhà atdí kumì dóná óyǒ nà ábhàlǐ nzínzì ǒ atdí ale.

Yùwanì 7

Yēsù t'ádóna rǐ 'ùvǒ ìnzì à'ù ka dhu

¹Wò dhu-dzidǒ, Yēsù ubhì Gàlìlayà tó pbìrì ònǎ. Obhó tí, kǎzè nzá ndùbhi Yùdeyà tó pbìrì ònǎ, Pbàyàhúdì tó ádròdrǒ ale rǒwu ndòné rǒ, ndínǐ ì abhù tí ndi kohò ndi dhu-okú dò rò.

²Wò ndi kàsùmì ǒ, Pbàyàhúdì tó hemě-dzà tó mùhendù-idhò ní'ì iwà ndindù ndi ró.

³Ní Yēsù t'ádóna náati kà nǐ: «Ívǎ nyi iró rò, nyarà Yùdeyà tó pbìrì ò, ndínǐ pbùkù ábhàlǐ náala tí nyi nyarónzina dhu átò.

⁴Ìnzì ndi nòzè kuni ndi ale rǎdù ndi ndarónzina dhu nùrù ùru tí. Ní kǒkò nyi nyarónzina dhu àkǎ nyarà ònzìnà rǒ kóró ale rǎdù àlanà.»

⁵Obhó tí, ì Yēsù t'ádóna nyú mà ìtírò náa'u nzá kàbhà dhu.

⁶Ní Yēsù adù àtìnà abádhí nǐ: «Idù ídzi kàsùmì nǎpè nzá àkǎ. Pbétù, fùkù kóró kàsùmì ní ídzi kàsùmì.

⁷Yà adzi ǒ ale rǐ nzǐ àdù nyǒndrò. Pbétù, ìma abádhí óndrò atdíǒ, yà ma mǎrǎdù dhu ùnò k pangba mati: abádhí arónzina dhu rǎrǐ nzére dhu dhu-okú dò rò.

⁸Ní nyǐ, nyòwu mùhendù ò. Ìmá na, ma mí nzǐ àrà wò mùhendù ò, ìnzá ányì ma mǎrà nǐ pbàkà kàsùmì àpè àkǎ nídhunǐ.»

⁹Wò dhu ndi ndùnò abádhí tò rò, Yēsù adù àdi Gàlìlayà tó pbìrì ò.

Yēsù rǐ dhu ùdhě hemě-dzà tó mùhendù ǒ dhu

(Law 23.34)

¹⁰Yēsù t'ádóna níitdègu òwu mùhendù ò, ní kǎdù ndìvǎ ndàrà átò ányì. Kǎrà ányì ìnzì nditè ndi k pangba ìndrǐ tò.

¹¹Ní, Pbàyàhúdì tó ádròdrǒ ale náambénà kònè dǒ wò ndi mùhendù ǒ. Abádhí owúnà dhu òngù rǒ 'àmbè àtìnà dǒ: «Ka nyú rǐ'ì ìngbǒró?»

¹²Wò ndi kàsùmì ǒ, ihé-yà náambénà 'àgò dǒ atdíǒ nyú nzínziya ǒ Yēsù nàndà dhu dǒ. Atdídhénà ale nóowúnà àtìnà rǒ: «Wòrì ale ní ídzi ale nyú.» Ngǔkpà ale rǎdù òwu àtìnà rǒ: «Ìnzì ní wò dhu bhěyi! Wòrì ale náarì ìndrǐ nùtrǎ atdíǒ.»

¹³Pbétù, abádhí nzínzì ǒ atdí ale mà náaránà nzǐ ndi ndòzè ndùnò Yēsù dǒ dhu nówò rǒ k pangba, Pbàyàhúdì tó ádròdrǒ ale-òdò nónzi ì'í dhu-okú dò rò.

¹⁴Ní, iwà mùhendù-ǒnga nǎlì ndi rórò ní ndi, Yēsù atsù Kàgàwà bhà idza ò, ndàdù ndòpè ndùdhe dhu ìndrǐ tò.

¹⁵Ní idhò nùukò Pbàyàhúdì atdíǒ nyú. Abádhí adù 'òpè 'òngù dhu tsùyá, 'àmbè àtìnà dǒ: «Yàrì ale nyú núnì Andítá ìngbǎ dhu bhěyi, àzèmbè ìnzá ndi ndózè dhu rórò?»

¹⁶Ní Yèsù adù dhu àdu abádhí tò, ndàti: «Yà ma marúdhëna ìndrũ tò dhu ní nzi dùdu ò rò àhu dhu, pbétù ndi dhu aráhu yà ma nívi Àbadu Kàgàwà-dò ò rò.

¹⁷Kàgàwà ózè dhu nòzè ndònzì ale ní ndi rádù dhu ùni, yà ma marúdhëna dhu ràtí Kàgàwà údhe idù dhu, ndirò ngàtsi ní, yà ma marúnona òte ràtí dùdu ò rò àhu òte.

¹⁸Dòna ò rò àhu dhu dǒ tí arí ndòzè ndidè ale ní ndi nòzè kifù ndi ale. Pbétù, yà ndi nívi ale nòzè kifù ale rádù obhó dhu núnò. Ndirò, nzére dhu mà rí nzi àdù àhu kà-ò rò.

¹⁹Músà núubhà tí nzá Uyátá fùkù? Pbétù, atdí ale mà nzínziku ò náarí nzi àdù ndi Uyátá nífu. Ní ádhu nyí nyárí mone ndíní nyí nyabhù tí ma kohò ní?»

²⁰Ní ihé-yà adù dhu àdu Yèsù tò, 'àti: «Nyí nyí'ì nzére-alafí nà ùnù! Ádhi ndi nyone rí ndíní ndi ndabhù tí nyí kohò?»

²¹Ní, Yèsù adù dhu àdu abádhí tò, ndàti: «Ma mónzì atdí dhu kèlě sàbatù-idhò ò, idho rádù nyũkò kóró.

²²Músà núuyá dhu fùkù nyòngò fùkù kpabhínzo-ònzínga nóbhòlò. (Pbétù ndi dhu nyú napè ní nzi músà. Ka napè ní abhúku). Ní, nyí nyarádù kpabhínzo-ònzínga nóbhòlò sàbatù-idhò ò màtí.

²³Nyí nyárí fùkù kpabhínzo-ònzínga nóbhòlò sàbatù-idhò ò màtí, ìnzí ndi dhu rádù nyábhù nyũkò músà bhà Uyátá. Ní ádhu ìndrũ-ngbùlù nyú ma mìgũ sàbatù-idhò ò rò nyí nyádù àkò rùdú ní?

²⁴Ìnzí nyòngò ìndrũ-ànyá nítdí yà nyìkpóku ò nyí nyálàna dhu-okú dò rò tí. Pbétù, nyòngò ìndrũ-ànyá nítdí obhónánga dǒ.»

Ìndrũ rí dhu òngù Yèsù ràtí yà Kàgàwà unò ìrřraya dhu tí Ògùba dhu

²⁵Wò Yèsù ùnò dhu ì ìrì rò, Yèrùsalemà tó kígo ò atdídhená ale náapè 'òngù dǒ tsùyá, 'ámbe àtìná dǒ: «Hòkò! Tí obhó yà ka kúbhi ònènà rǒ ndíní kabhù tí kohò ale nyú wò?

²⁶Nyàndà pé kà rǒte kpangba, ìnzí kadù atdí dhu mà nónzì róná! Àlě tó ádròdrǒ ale nyú núnì tí nzá wà dhu, yàrí ale rǎrř obhó nyú Krístò?

²⁷Pbétù, àlě kùni wà àdhà rò màtí yàrí ale nírà dhu. Krístò rřrà nínganí, atdí ale mà núuniya ìnzí àdhà rò màtí kìrà dhu.»

²⁸Nirò ní ndi Kàgàwà bhà idza ò rò ndi ndi dhu ùdhě ìndrũ tò rórò, Yèsù atè orú tũna nyú nà, ndàti: «Nyí nyùni wà ma, ndirò nyí nyùni wà àdhà ale màtí ma mí'ì dhu. Pbétù, ma mírà nzá òvòdu dǒ ma-tírò. Ima nívi ale ní àkǎ àkǎ nyá'ù ale, ndirò ndi ale ní ìnzá nyí nyùni ale.

²⁹Pbétù, ma múni wà àbadhi. Obhó tí, ma mírà kà bhà rò, ndirò Ka ní ndi ima nívi ale.»

³⁰Ní, abádhí adù dhu ònzì ndíní ì alú tí Yèsù, pbétù atdí ale mà náadù nzá òtsúna níli kà-rǒ, ìnzá kà bhà kàsùmì nàpè àkǎ nídhuní.

³¹Pbétù, ihé-yà nzínzì ð ábhǒ ale nyú náadù Yèsù à'ù. I ale nóowúnà àtìná rǒ: «Krístò rǐrà nínganí, kǒnziya tí ònzi idhǒ rǐ ìndrǔ ùkǒ nǐ dhu ròsè yàrí ale rǎrà ònzìnà rǒ dhu dǒnǎ?»

³²Pbàfàrìsáyó nítdègu kǒkò ihé-yà rǔnǒna obvò tǔyá na Yèsù dǒ dhu níri, ní pbàkùhání tó ádrǒdrǒ ale mà, Pbàfàrìsáyó mànà, náavi Kàgàwà bhà idza-ngbò nódo arí sàndírì, ròwù Yèsù nósò.

³³Ní abádhí níwǔ ùvò tìná rò Yèsù atí: «Àlě kòko òko atdíkpá nyǐ mànà ákě kàsùmì tí tdítdǒ. Ndi dhu-dzidǒ, ma mí madǔ yà ima nivì ale-tí'ò.

³⁴Ní, nyǐ nyowuya ima nǒmè rǒ, ìnzǐ nyádù mala. Obhó tí, yà ma mǎrà ì nga ní ìnzǐ nyǐ nyádù òwu ùvò ì nga.»

³⁵Ní, Pbàyàhúdì tó ádrǒdrǒ ale náadù 'òpè 'òngù dhu tsùyá nzínziya ð, 'àmbe àtìná dǒ: «Hòkò! Kà rǐ ndìvà ndàrà àdhà, ìnzǐ àlě kadù tí ndàla? Kà tí àrà yà Pbàgìrìkì-bvùnǎ ì nífàlà Pbàyàhúdì-bvù? Kà tí àrà dhu ùdhe Pbàgìrìkì tò?

³⁶Nyàndà pé kàti, àlě rǎrǐ ndòne ìnzǐ àlě ràdù ndàla, ndirò ndì ndàrà ì nga rǎrǐ ìnzǐ àlě ka kádù òwu ùvò ònà ngari. Ní wò dhu-tì ní àdhu?»

Yèsù rǒte dhòdhóhóngà tó ípìrǒnga àbhǔ rí idha dǒ dhu

³⁷Hemě-dzà tó mǔhendù rǐku òná idhǒ ní'ì ndì ádrǔngbǎ idhǒ nyú. Ní, ndì nínganí, Yèsù ivà ndì ndidè ihé-yà-ònzǐ, ndàdù dhu òvò abádhí tò ǒrú tǔna nyú nà, ndàti: «Idha-atdyú nà rí'ì ale náká ndìrà tidu ò, ndínǐ ndadù tí idha nómǔvù.

³⁸Àdhàdhì yà Kàgàwà bhà Andítá rǔnǒna dhu bhěyi tí, ima nà'ù ale-afí ò rò dhòdhóhóngà tó ípìrǒnga nábhǔ rí ìndrǔ tò idha rǎdù àhu, rǐlì ndì yà bhùna ð rókù idha-akpà ð idha bhěyi.»

³⁹Yèsù ǔnǒ wò dhu, yà Kàgàwà rǎdù ndì nà'ù ale ìra nǐ ìlǐlǎ-Alafí-okú dò rò. Wò ndì kàsùmì ð, Kàgàwà ní'ì ìnzá ndì ndàpè pbìndà ìlǐlǎ-Alafí nivì rǐrà yà adzi dǒ ró. Obhó tí, Kàgàwà ní'ì ìnzá ndì ndàpè Yèsù idzǐ, ndìlì pbìndà ádrǔngbǎnga tó awáwù ð ró.

⁴⁰Ní wò Yèsù ùnò dhu ì ìrì rò, ihé-yà nzínzì ð atdídhená ale náati Yèsù nǐ: «Yàrí ale ní obhó nyú Kàgàwà bhà nabì nyú.»

⁴¹Ngǔkpà ale adù àtìná: «Yàrí ale ní Krístò.» Ndirò, ngǔkpà-tsí náadù àtìná: «Hǒyì! Krístò tí àdù ìrà ìrà Gàlìlayà tó pbìrì ò rò?

⁴²Kàgàwà bhà Andítá nátì obhó àtìna Krístò rahùya Dàwudì-dhú bvǔ rò? Ndirò, kǎtì obhó àtìna àbadhi rahùya Bètèlèhemù, yà Dàwudì adì òná pbanga ð rò?»

⁴³Nirò ní ndì ihé-yà-ònga náadù ndùndò Yèsù-okú dò rò.

⁴⁴Ní atdídhená abádhí nzínzì ð ale náatsú 'òsò Yèsù, pbétù atdí ale mà náadù nzá ǒtsúna nílì kà-rǒ.

Pbàyàhúdì tó ádrǒdrǒ ale rǐ 'ùvǒ ìnzǐ 'à'ù Yèsù dhu

⁴⁵Wò dhu-dzidõ, yà pbàkùhání tó ádròdrõ ale mà, Pbàfàrisáyó mànà nòvìnà ròwù Yèsù òsò sàndìrì níitdègu 'àdù, ní i ale níivú dhu i sàndìrì-tsù, 'àti: «Ádhu inzà nyí nyìwù Yèsù nà nǐ?»

⁴⁶Ní kǒkò sàndìrì náadù dhu àdu 'àti: «Inzá atdí ale mà nápè òte angyi wòrí ale rǎrà òte rǒ dhu bhěyi!»

⁴⁷Pbàfàrisáyó adù dhu ìvu abádhí-tsù 'àti: «Nyí nyú mà, nyí nyùbhà tí nyí kà rùtrá nyí átò?»

⁴⁸Nyí nyála tí àlà àlě tó ádròdrõ ale nzínzì ò atdí ale mà, ndirò Pbàfàrisáyó nzínzì ò atdí ale mà ka ná'ù ró?

⁴⁹Pbétù, kǒkò ka ná'ù ihé-yà ní inzà àlě tó Uyátá núnì ale. Ndirò, i ale ní òfù tí ka kófù ale.»

⁵⁰Wò ndì kàsùmì ò, Nìkòdemù, yà kùbhingánǎ arà àhu Yèsù-tí'ò ale ní'ì inè i Pbàfàrisáyó nzínzì ò. Ní kǎdù dhu ìvu abádhí-tsù, ndàti:

⁵¹«Àlě tó Uyátá návi tí àvì kòtdì anya ìndrù dõ, inzà ka kírì ndì ale rùnna dhu mà, ndirò inzà ka kùnì ndì ale ónzì dhu mà rórò?»

⁵²Ní abádhí adù dhu àdu Nìkòdemù tò 'àti: «Nyí nátí átò Gàlìlayà tó pbìrì ò ale? Óne pé Kàgàwà bhà Andítá ò nga mběyi! Ní nyí nyí dhu àlà, inzà Kàgàwà bhà nabì ràpè àhu atdí màtí Gàlìlayà tó pbìrì ò rò.» [⁵³Wò dhu-dzidõ, ngàtsi ale adù ndìvà ndòdì dóna, ndàrà pbìndà.

Yùwanì 8

Mùnyòní tó tsìbhále nà ka kíwu ùvò Yèsù-tí'ò dhu

(Zàb 50.18)

¹Wò dhu-dzidõ, Yèsù ivà ndì ndàrà mìzèyìtunì tí kátina itsu náarí'ì dóná pbìrì dò.

²Ní, tsútsánínganì kútsingá nyú, kǎdù ndì tdítð Kàgàwà bhà idza, kóró ale ràdù 'àndu tiná. Ní kǎdì obvò, ndàdù ndòpè ndùdhe dhu ìndrù tò.

³Nírò ní ndì Músà bhà Uyátá tó màlímó mà, Pbàfàrisáyó mànà, níiwú atdí tsìbhále nà Yèsù-tí'ò, 'àdù àbhunà rìdè kóró ale-ònzì. Ndi tsìbhále ní'ì mùnyòní ònzì rí ró ka kòtdì.

⁴Ní abádhí atí Yèsù nǐ: «Màlimõ, yàrí tsìbhále mà ka kòtdì mùnyòní ònzì rí ró.

⁵Músà núuyá dhu fǎkà ndàti, i dhu bhěyi vèbhále núbvu mã ròngò odu nǐ, rùve. Ní nyí nyú, nyí nyátina ìngbà dhu bhěyi yàrí tsìbhále nǐ?»

⁶Abádhí níivú wò dhu Yèsù-tsù, 'òmvù kà-afí nǐ, ndínǐ ì idyi tí kǎ-dà-dò, 'àdù kòbhè okúna dò rò. Pbétù, Yèsù adù ndàgu obvò, ndàdù àdì ndàmbe dhu àndi dõ òtsúna-kpò nǐ adzikpa dõ.

⁷Ní Músà bhà Uyátá tó màlímó mà, Pbàfàrisáyó mànà nútù dhu, 'àmbe dhu òngù dõ tsúná tí rò, Yèsù angbe ndì, ndàdù àtìnà abádhí nǐ: «Nzínzikè ò, inzà àpè dhu àfǎ atdíku màtí ale náká ndì ndòpè ndùbvù ka wemberè tí odu nǐ.»

⁸Yēsù adù ndàgu tdítđǒ, ndàmbe dhu àndi dǒ adzikpa dǒ.

⁹Ní abádhí níitdègu wò kùnò dhu níri, ní abádhí adù 'òpè 'ùwě ì atdátđírà ǒ ányìǒ rò, ròpè ndì kǎkà iwà atòya ówù angyi ale rǒ rò. Yēsù mà náadù 'ùbhà óyǒ rò tí wò ndì onzínà ìdèna tsibhále màna.

¹⁰Nírò ní ndì kǎngbe ndì tdítđǒ, ndàdù àtìnà wò tsibhále nǐ: «Hòkò! Kǒkò nyobhù rǒ rúbhi ale rǐ'ì ìngbòró? Atdí ale mà nótđì tí obhó anya dùnù?»

¹¹Ní wò tsibhále adù dhu àdu kà tò, ndàti: «Ádrùngbǎlé, inzà atdí ale mà nótđì anya dùdù.» Ní Yēsù adù àtìnà kà nǐ: «Ma nyú mà, ma mí nǐ anya òtdì dùnù. Ní árà, ndirò àpé nyonzi nzérenga tdítđǒ.»]

Yēsù rǐ ndàti yà adzi ǒ ale-nyǐnga àwù rí awáwù tí dhu

(Yùw 1.4-5; 12.46)

¹²Wò dhu-dzidǒ, Yēsù adù dhu òvò tdítđǒ ihé-yà tò ndàti: «Ìma ní ndì yà adzi ǒ ale-nyǐnga àwù rí awáwù. Ndi ale náapé owùdu núngǔ, ní rǐ nǐ àdù ùbhi ìnò ǒ akekpa màtí, pbétù, kà rǎdù ì'ì ìpìrǒnga nábhǔ rí awáwù nà.»

¹³Ní, Pbàfàrìsáyó adù àtìnà Yēsù nǐ: «Nyì nyarádi nyì-tírò nyì nyarónzina dhu tó ngàm̀bì tí. Ní, nyì nyarúnona dhu ní nǐ obhó dhu.»

¹⁴Ní, Yēsù adù àtìnà abádhí nǐ: «Ìmbǎ dhu rǐ'ì ma marádi pbàkà ngàm̀bì tí ma-tírò dhu màtí, ní ma marúnona dhu ní obhó dhu. Obhó tí, ma múni wà àdhà rò màtí ma mǐrà dhu, ndirò ma múni wà àdhà màtí ma mǐrà dhu. Pbétù, nyǐ nyúni nzà àdhà rò màtí ma mǐrà dhu, ndirò nyǐ nyúni nzà àdhà màtí ma mǐrà dhu.

¹⁵Nyǐ nyári ìndrǔ-ànyǎ nítđì yà adzi ǒ ale náarí ìndrǔ-ànyǎ nítđì ònà ófò ǒ. Pbétù, ma marí nǐ atdí ale-ànyǎ mà nótđì.

¹⁶Ndirò, ma mapé àdù ìndrǔ-ànyǎ nótđì, ní ma mǎdù kòtdì obhónge dǒ. Obhó tí, ma mí'ì mbǎ atdíró ndì anya t'ítđìta ǒ, pbétù mǎ mí'ì yà ìma nívi Àbadu màna.

¹⁷Fùkú Úyátà ò ka kándì dhu kati, óyǒ ale rapé òko atdí dhu tó ngàm̀bì tí, ní ì ale ùnò dhu rǎrǎdù ì'ì obhó dhu.

¹⁸Ní ma marádi pbàkà ngàm̀bì tí ma-tírò, ndirò yà ma nívi Àbadu ní átò pbàkà ngàm̀bì.»

¹⁹Ní Pbàfàrìsáyó adù dhu ìvu Yēsù-tsǔ 'àti: «Ndi Àbanu rǐ'ì àdhà?» Ní Yēsù adù dhu àdu, ndàti: «Nyǐ nyúni nzà ma, ndirò nyǐ nyúni nzà Àbadu. Nyǐ nyúnìyana gukyè ìma, ní nyǐ nyúnìyana ùnǐ Àbadu átò.»

²⁰Yēsù ambénà wò dhu ùnò dǒ Kàgàwà bhà idzá ndì ndàdi ndàmbe dhu ùdhe dǒ ìndrǔ tò rórò. Kǎdi yà perè tí ka kùbhona Kàgàwà tò fùrangà nùdǒ ka kári ònà sàndukù tí. Pbétù, atdí ale mà náadù nzà kòsò, inzà kàbhà kàsùmì nǎpè àkǎ nídhunǐ.

Yēsù rǎtina ìndrǔ rǎrǐ nǐ àdù òwu ndì ndàrà ì dhu

²¹Tdítđǒ, Yēsù adù àtìnà Pbàyàhúdì nǐ: «Kànǐ ma màrà wà, ní nyǐ nyí nyǒpè nyǒnè ma, pbétù, nyǐ nyúve ùvè tí fùkú nzérenga ǒ. Ma mǎrà ì nyǐ nyí nǐ àdù òwu ùvò.»

²²Ní, Pbàyàhúdí adù 'òpè 'òngù dhu tsùyá nzínziya ǒ, 'àmbe àtìna dǒ: «Kà tí ndòho òho tí, wò kà ràtina ìnzí àlě rārādù òwu ùvò ndì ndàrà í rò?»

²³Ní Yēsù adù àtìna abádhí nǐ: «Nyí ní obvò bhà, pbétù ima ní ǒrù ale. Nyí ní yà adzi ǒ bhà, pbétù ima ní nzí yà adzi ǒ ale.

²⁴Ndí dhu-okú dǒ rò ní ndì ma mǎti, ùvě tí nyí rārǔve fùkú nzérenga ǒ nǐ. Obhó tí, ìnzí nyí nyapé dhu à'u ima rārǐ ndì yà í'í arí'í ale, ní nyí nyúve ùvě tí fùkú nzérenga ǒ.»

²⁵Pbàyàhúdí adù dhu ìvu Yēsù-tsǔ 'àti: «Nyí nyú, nyí ní àdhi?» Ní Yēsù adù dhu àdu abádhí tò, ndàti: «Ima ní yà mùhàngú ò rò ndì napèna rò ma marúnona fùkù ale.

²⁶Ma mí'í ábhǒ dhu nyú nà okúku dǒ rò ma múnona. Ndirò, ma mí'í dükú ma mǎdè anya ìtdì okúya dǒ rò dhu nà abho nyú. Pbétù, yà ima nívi ale náarúnona dhu ní obhó dhu. Ndirò, ma mǎrādù òvòna yà adzi ǒ ale tò dhu ní kà-tsǔ ma míri dhu.»

²⁷Ní Pbàyàhúdí náadù nzá dhu ùni Àbanà Kàgàwà-okú dǒ rò kà rārǔbhi òte rǒ fǐyò.

²⁸Ní Yēsù adù àtìna abádhí nǐ: «Ìndrǔ t'ídhùnà nútǒ nyí nyí mùsàlabhà dǒ nínganí ní ndì nyí nyuniya dhu ma rārǐ ndì yà í'í arí'í ale. Ndirò, nyí nyadùya dhu ùni, ìnzí ma rarí atdí dhu mà nónzi ma mòzè ka dhu bhěyi, pbétù, ma marúnona dhu rārǐ Àbadu Kàgàwà núudhè idù dhu kèlě.

²⁹Yà ima nívi Àbadu náarí'í ìnè atdíkpá ma màna. Kùbhà nzá ma atdíró, yà ma mǎrónzina bìlìnganà dhu ní kà-nyìkpó nófò dhu kèlě nídhunǐ.»

³⁰Nírò ní ndì wò dhu bhěyi Yēsù òtè rò, ábhǒ ale nyú náadù kà'ù.

Àbràhamù bhà pbàdzukuru nyú ní àdhi mà?

(Ròm 6.14; Gàl 3.7,29; 1Yù 3.8-10)

³¹Wò dhu-dzidǒ, Yēsù adù àtìna yà ndì nà'ù Pbàyàhúdí nǐ: «Nyí nyapé yà ma mùnò fùkù dhu nífù, ní nyí ní'ina obhó nyú pbàkà ábhàlǐ.

³²Nyí nyí obhóna núnǐ, ndì obhóna ràdù nyǎbhu nyí'í dükú nyí-tírò.»

³³Ní kǒkò Pbàyàhúdí náadù dhu ìvu Yēsù-tsǔ, 'àti: «Mǎ ní Àbràhamù bhà pbàdzukuru. Ndirò, mǎ mapèna nzá òko atdí ale bhà ìno mà tí. Ní ádhu nyí nyátina, mǎ rārǐ mǔgèrè mí'í dòkà mǎ-tírò nǐ?»

³⁴Ní Yēsù adù dhu àdu abádhí tò, ndàti: «Ma mí obhó dhu núnò fùkù: Ndí ale náapé àmbe nzérenga nónzi dǒ, ní ndì ale ní nzérenga tó ìno.

³⁵Ìno ní ìnzí rádù àdì idzá ale nyú tí bìlìnganà ale. Pbétù, ale t'ídhùnà nyú náaràdì idzá ale tí bìlìnganà.

³⁶Nírò, Kàgàwà t'ídhùnà nyú náapé àdù nyìpfo ìno-kàsǔ ò rò, ní nyí nyádù í'í obhó tí dükú nyí-tírò.

³⁷Ma múnì wà dhu nyí rārǐ Àbràhamù bhà pbàdzukuru. Pbétù, nyí nyarádù mǎnè, ndínǐ nyǎbhù tí ma kohò, ìnzí yà ma múnona dhu náarádù ngari àbà afìku ò dhu-okú dǒ rò.

³⁸Ma marúnona dhu ní Àbadu Kàgàwà bhà ma mála dhu. Pbétù, nyí nyarónzina dhu ní yà àbaku núno fùkù dhu.»

³⁹Ní Pbàyàhúdí adù dhu àdu Yèsù tò 'àti: «Àbakà ní'ì Àbràhamù.» Ní kǎdù àtìnà abádhí nǐ: «Nyí nyí'iyana gukyè Àbràhamù bhà inzo nyú tí, ní nyí nyóngòyana Àbràhamù anzi kasu nónzì.

⁴⁰Ma múnò yà Kàgàwà níitè idu obhó dhu fùkù. Pbétù, nyí nyarádù mone ndíní nyí nyàbhù tí ma kohò. Àbràhamù náanzì nzá dhu wò nyí nyarónzina dhu bhèyi.

⁴¹Nyí nyarónzina dhu ní àbaku arónzina dhu.» Ní abádhí adù àtìnà Yèsù nǐ: «Mǎ ní nzǐ múnnyòni ò ka kódhì nzónzo. Àbakà rǐ'ì atdí tí. Ndi Àbakà ní Kàgàwà.»

⁴²Ní Yèsù adù àtìnà abádhí nǐ: «Kàgàwà í'iyana gukyè Àbaku tí, ní nyí nyózèyana ma òzè, Àbadhi-tí'ò rò ma mírà, ndirò kǐvì ndi ima nídhunǐ. Ma mírà nzá òvòdu dǒ matírò, pbétù ima nívi nǐ Àbadhi ndítírò.

⁴³Ní ádhu ìnzǐ ma múnona dhu náarí dǔku àlǔ nǐ? Obhó tí, kǎrí nzǐ dǔku àlǔ, ìnzǐ nyí nyádù fùkù ma múnona dhu ìrì dhu-okú dò rò.

⁴⁴Nyí ní àbaku Pfòmvo bhà inzo. Ndirò, nyí nyarózèna nyǒnzì dhu ní ndi àbaku ózè dhu kèlǐ. Mùhàngú ò rò, àbadhi ní'ì ìndrǔ-tsè òtdǐ arí ale. Kǎpèna nzá obhó dhu núno akekpa mǎtí, ìmbǎ obhóna náarí'ì kà ò nídhunǐ. Títò ùno ndi ndí rò, kǎrónzina dhu ní pbìndà mǎndu nyú. Obhó tí, àbadhi ní títò ùno arí ale, ndirò ka ní títò t'ábanà.

⁴⁵Pbétù ima, ma marúnona dhu ní obhó dhu. Ní, ndi dhu-okú dò rò nyí nyáarí nzǐ àdù ma múnona dhu ná'ù.

⁴⁶Ádhi pbá ale ndi nzínziku ò rádù pbàkà nzérenga níte? Ádhu obhó dhu núno ma mí fùkù rò, nyí nyáarí nzǐ àdù ma múnona dhu ná'ù nǐ?

⁴⁷Kàgàwà bhà inzo rádù kàbhà òte ìrì. Pbétù, nyí nyáarí nzǐ kàbhà òte ìrì, nyí ní nzǐ kàbhà inzo dhu-okú dò rò.»

Yèsù rǐ ndàti ádrùngbǎle tí Àbràhamù rǐ dhu

⁴⁸Wò dhu-dzidǒ, Pbàyàhúdí náadù dhu àdu Yèsù tò 'àti: «Mǎ múnò obhó dhu nyú, yà mǎ mǎtí nyí rǎrǐ Sàmàriyà tó pbìrì ò ale, ndirò nzére-alafí rǎrǐ'ì ùnù rò.»

⁴⁹Ní Yèsù adù dhu àdu abádhí tò ndàti: «Nzére-alafí rǐ'ì mbǎ ùdù. Ma mǎrǐ Àbadu Kàgàwà nífǔ, pbétù nyí nyáarí nzǐ àdù mifu.

⁵⁰Ma mǎrǐ nzǐ ìndrǔ rǐ mífǔ dhu nóne. Pbétù, ìndrǔ rǐ mífǔ dhu nóne arí, ndàdù ìndrǔ-ànyǎ ìtdǐ atdí ale rǐ'ì ìnè.

⁵¹Ma mí obhó dhu núno fùkù. Ndi ale náapé ma múnona dhu nífǔ, ní ndi ale náalaya nzǐ òve-ngbò akekpa mǎtí.»

⁵²Ní Pbàyàhúdí adù àtìnà Yèsù nǐ: «Òtsò! Kòmbí nga ní ndi mǎ mǎ'ù dhu ìnè nzére-alafí rǎrǐ'ì ùnù nǐ. Àbràhamù náavè wà, ndirò Kàgàwà bhà pbànábí mǎ núuvè wà átò. Ní nyí nyádù àtìnà ìngbǎ dhu bhèyi nyí nyúnona dhu nífǔ rí ale ralaya nzǐ òve-ngbò akekpa mǎtí?

⁵³Nyi tí ádrùngbàlè nyú, ròsè yà àvávè abhukà Àbràhamù dònǎ? Ndirò, Kàgàwà bhà pbànábí mà núuvè wà átò. Ní nyi nyú, nyi nyózù nyi àdhi tí?»

⁵⁴Ní, Yèsù adù dhu àdu abádhí tò, ndàtì: «Dhu í'iyana gukyè ma-tírò ma mání mifũ dhu tí, ní ndi ifuta ní'iyana mbã tĩna nà. Pbétù, mifũ arí ní Àbadu Kàgàwà, yà nyĩ nyarátina fùkú Kàgàwà tí.

⁵⁵Nyĩ nyúni nzá Àbadhi, pbétù ma múni wà ka. Ma mapé adù àtìnà inzà ma rúni ka, ní ma nádù ì'ì iwà ma mòngò tìtòtálè tí átò nyĩ bhèyi. Pbétù ma múni wà ka, ndirò ma mání kà bhà òtè nífũ.

⁵⁶Abhuku Àbràhamù núuni dhu, àhũ ndi raraya àhu ma mírà yà adzi ǒ òná idhò ò. Ní ndi idhò ndi ndàla pbìndà a'uta ǒ rò, kídhè níka ndi atdíǒ.»

⁵⁷Ní Pbàyàhúdì adù dhu ìvu Yèsù-tsũ 'àtì: «Nyi nyú, nyi nyàpè nzá imbò kumì ato mà nísè. Ní, nyi nyala tí àlǎ Àbràhamù?»

⁵⁸Ní Yèsù adù àtìnà abádhí nǎ: «Ma mí obhó dhu núno fùkú: Inzá ka kàpè Àbràhamù núgu rórò, ma mi'ì inè.»

⁵⁹Níró ní ndi, Pbàyàhúdì náadù 'òpè 'ùwǎ odu, ndínǎ ì ubvú tí ka nǎ. Pbétù, kǎdù ndòrù dòtsí, ndàdù àhu Kàgàwà bhà idza ò rò.

Yùwanì 9

Yèsù rǎ ndùmùndúmú tíró ka kugù atdí ale nígũ sàbatù-idhò ǒ dhu

(*Mrk 8.22-25; 10.46-52*)

¹Otu ǒ ì ówu pbìndà ábhàlǎ mànà rórò, Yèsù ala ndùmùndúmú tíró ka kugù atdí ale.

²Ní kàbhà ábhàlǎ náadù dhu ìvu kà-tsũ 'àtì: «Màlimò, ádhi nzérenga nanzì ndínǎ wòrí ale nabhù tí kugù ndùmùndúmú tíró? Tí ka nyú ndi nditírò nzérenga nanzì? Ndirò ngàtsi nǎ, tí kà t'ábanà mà kà-tsánà mànà ì nzérenga nanzì?»

³Ní, Yèsù adù dhu àdu abádhí tò, ndàtì: «Inzǎ ní àbadhi bhà nzérenga mà ndi, ndirò inzǎ ní kà t'ábanà mà kà-tsánà mànà tó nzérenga mà ndi. Pbétù, wòrí dhu anzì ndi kà-rǒ ndínǎ Kàgàwà bhà ádrùngbànga tó obi náavi tí ndi kà-nyutsì.

⁴Ní, dhu àkǎ àlǎ rònzì yà ma nívi ale bhà kasu àdì inga àdì adyíbhengá nga tí ró. Kòní inga rǎrà ndínǎ ndatì tí, yà inzǎ atdí ale mà rǎdù kasu ònzì iku ǒ nǎ.

⁵Yà àdì ma màdì yà adzi dǒ òná kàsùmì ǒ, ima ní ndi yà adzi ǒ awáwù.»

⁶Wò dhu bhèyi ndi ndòtè dhu-dzidǒ, Yèsù isò isò obvò, ndàdù ǒtǒ nóbhòlò ndi isò nǎ. Tdítdǒ, kǎdù ndi ǒtǒ nídyì ndàbòlò, ndàdù àtrinà wò ndùmùndúmú-nyìkpó rǒ.

⁷Kǎdù àtìnà kà nǎ: «Árà nyu'ò nyìkpónu Silòamù tí kátina ùye ka kúyè idha ò.» (Silòamù-tì ní: ìvi tí ka kívi ale.) Ní wò ndùmùndúmú arà idha ò, ndàdù nyìkpóna nú'ò. Ní, ányìrò kà rǎ ndàdù rò, kǎdù ndòpè ndàla inga mbèyi.

⁸Ní, yà atdíkpá abádhí aróko mànà ale mà, yà kàlǎ arí dhu ùnzǎ rí ìndrũ-fó ró ale mànà, náapè 'òngù dhu tsùyá, 'àmbe àtìnà dǒ: «Tí obhó yà obvò arádi, ndàmbe dhu ùnzi dǒ ìndrũ-fó ale yà?»

⁹Atdídhena ale náambénà àtìnà dǒ: «Ka nyú ní yà, » ngǔkpà ràdù àtìnà: «Títò! Ìnzǐ ní ka wò! Kà mà ófò ì nà ale ní wò.» Pbéù, wò ndùmùndùmú náadù dhu à'ù ndítírò, ndàti: «Ìma nyú ní yà.»

¹⁰Ní kòrí ale adù dhu ìvu kà-tsǔ 'àti: «Olu, nyìkpónu nyú núngbe ì ìngbà dhu bhěyi?»

¹¹Ní kǎdù dhu àdu abádhí tò, ndàti: «Yěsù tí kátina ale ní ndi ɔtdɔ nàbòlò, ndàtri nyìkpódu rǒ, ndàdù àtìnà ma nǐ, ma ràra maru'ò nyìkpódu Silòamù ò. Ní ma màrà ányì, mu'ò nyìkpódu, madù mǎpè mala ìnga dòtsí.»

¹²Kòrí ale adù dhu ìvu tdítǒ kà-tsǔ 'àti: «Wò ndi ale rǐ'ì ìngbòró?» Ní kǎdù dhu àdu, ndàti: «Ìnzá ma m̀ni.»

Pbàfàrisáyó rǐ dhu òngù nyìkpóna ùngbe ndì ndùmùndùmú-tsǔ dhu

¹³Wò dhu-dzidǒ, ka kǎdù òwu wòrí ale nà, kowù ùvònàPbàfàrisáyó-ònzǐ.

¹⁴Obhó tí, wò Yěsù àbòlò ɔtdɔ, ndùngbe ndùmùndùmú-nyìkpó nǐ òná idhò ní'ì sàbatù-idhò.

¹⁵Ní ndi dhu-okú dò rò ní ndi, Pbàfàrisáyó mà átò níivú dhu wòrí ale-tsǔ 'àti: «Nyìkpónu nyú núngbe-ndi ìngbà dhu bhěyi?» Ní kǎdù dhu àdu abádhí tò, ndàti: «Yěsù idyi ɔtdɔ ɔtsúna-kpò rǒ, ndàtri nyìkpódu rǒ, madù àrà nyìkpódu nú'ò idha ò. Ní, kòmbí ma mí ìnga nálǎ àlǎ.»

¹⁶Ní Pbàfàrisáyó nzínzì ò atdídhena ale náadù àtìnà: «Wòrí dhu nònzì ale nírà nzá Kàgàwà bhà rò, ìnzá kífù sàbatù-idhò nídhunǐ.» Pbéù, ngǔkpà-tsí náadù àtìnà: «Nzéréngatále ràdù wòrí wiwì-tidò nónzì ìngbà dhu bhěyi ?» Wò dhu adù abádhí-ònga nábhu rùndò ndi ùndò tí.

¹⁷Ní Pbàfàrisáyó adù dhu ìvu tdítǒ wò ìgǔ Yěsù ìgǔ ndùmùndùmú-tsǔ, 'àti: «Olu ìnyi nyú, nyi nyátina ìngbà tí wò nyìkpónu nábhu rùngbe ì ale nǐ?» Ní kǎdù dhu àdu abádhí tò ndàti. «Wòrí ale ní Kàgàwà bhà nabì.»

¹⁸Pbéù, ì Pbàyàhúdì tó ádròdrǒ ale núuvó ì dòtsí ìnzǐ à'ù dhu, wòrí ale rǐ'ì ndùmùndùmú, ní kà rǎpè wà ndàla nga kòmbí. Ndi dhu-okú dò rò ní ndi, abádhí núunzi kà t'ábanà mà, kàtsánà màrà rìwǔ.

¹⁹Ní abádhí ìwǔ ùvò rò, ì ádròdrǒ ale níivú dhu, 'àti: «Tí yà ndùmùndùmú tírò ka kugu dhu tí nyǐ nyarátina idhùku nyú yà? Olu kǎdù ndòpè ndàla nga ìngbà dhu bhěyi kòmbí?»

²⁰Ní wò ndùmùndùmú t'ábanà mà, kàtsánà màrà náadù dhu àdu abádhí tò 'àti: «Mǎ nyú, mǎ m̀ni dhu ní, yàrí ní idhùkà nyú. Ndirò, mǎ mugu ka ndùmùndùmú tírò.

²¹Pbéù, kǎdù ndòpè ndàla nga ìngbà dhu bhěyi màtí kòmbí dhu ní mǎ m̀ni nzá. Ndirò, àdhi mà nábhu kà-nyìkpó rùngbe ì dhu mǎ m̀ni nzá. Àbadhi ní iwà óvi ale. Ní nyivǔ dhu kà-tsǔ, ndínǐ kǎdù tí róná dhu àwe ndítírò.»

²²Kà t'ábanà mà, kàtsánà màrà náadù dhu wò dhu bhěyi Pbàyàhúdì tó ádròdrǒ ale tò, abádhí-ɔdò nónzì ì ì dhu-okú dò rò. Obhó tí, ì Pbàyàhúdì tó ádròdrǒ ale ní'ì iwà ì níri

angyangyi ndíní ì ongó tí Yěsù nàtì Krístò tí ìngbàtí ìlì ndì ale mà nípfo, 'òdì unduta-dzà ò rò, ìnzí kadù òzùnà Mùyàhudì tí tdítǎ.

²³Ndì dhu-okú dò rò ní ndì, wò ndùmùndúmú t'ábanà mà, kà-tsánà mà nà náadù àtìna Pbàyàhúdì tó ádròdrǒ ale nǐ: «Ábadhi ní iwà óvì ale, ní nyìvũ dhu kà-tsǔ nyú.»

²⁴Ní ɔyɔ rí kǐsě nǐ, Pbàyàhúdì tó ádròdrǒ ale náanzi wò ndùmùndúmú tí arúbhi ì'ì rò ale, 'àdù dhu òvò fǐndà 'àti: «Ótso pé dhu Kàgàwà-ònzí, nyi rǎrǐ obhó dhu nyú núno. Mǎ nyú, mǎ múnì wà dhu wòrì ale rǎrǐ nzérenгатále.»

²⁵Ní wòrì ale adù àtìna abádhí nǐ: «Nzérenгатále mà tí kà rǐ'ì dhu ma múnì nzá. Pbétù, ùnǐ tí ma múnì atdí dhu ní, ìma nǐ'ì ndùmùndúmú, ní kòmbí ma mí ìnga nálǎ àlǎ.»

²⁶Ní abádhí adù dhu ìvu wòrì ale-tsǔ 'àti: «Ádhu nyú wòrì ale nónzì ìndù? Kàbhu nyìkpónu rùngbe ndì ìngbǎ dhu bhěyi?»

²⁷Ní kǎdù dhu àdu abádhí tó, ndàti: «Ma màwe wà wò dhu fǔkù, pbétù nyǐ nyàdù nzá ma múnona dhu ìrì. Ní ádhu nyǐ nyòzè mawe nyǐrì tdítǎ? Nyǐ nyòzè tí nzá wà nyòngò átò kàbhà ábhàlǐ tí?»

²⁸Nírò ní ndì Pbàyàhúdì tó ádròdrǒ ale núno dhu wòrì ale nǐ 'àti: «Ìnyi nyú, nyi ní ndì kàbhà ábhàlǐ. Pbétù mǎ, mǎ'ì ní Músà bhà ábhàlǐ.

²⁹Mǎ nyú, mǎ múnì wà dhu Kàgàwà mà ratè Músà nà. Pbétù, àdhà rò màtí wòrì alé ìrà dhu mǎ múnì nzá.»

³⁰Ní wò ale adù àtìna kǒkò Pbàyàhúdì tó ádròdrǒ ale nǐ: «Hòkò! Kònzì ìdho rǐ ìndrũ ùkò nǐ dhu nyú ní ndì wò, wò nyǐ nyátìna ìnzá nyǐ rùnì àdhà rò màtí kǐrà dhu. Pbétù nyìkpódũ na kùngbe wà!

³¹Mǎ múnì iwà dhu, Kàgàwà rǎrǐ nzǐ àdù nzérenгатále tó ìtsòta nírì. Pbétù, ka rǎdù pbìndà ìtsòta nírì ale ní, pbìndà Uyátá nífũ arí, ndàdù ndì ndózè dhu ònzì ale.

³²Yà mùhàngú ò rò ndì napèna rò, ka kapèna nzá dhu ìrì atdí ale mà rùngbe yà àdhi tí ka kadhì ndùmùndúmú tírò ale-nyìkpó.

³³Ìnzí dhu í'íná gukyè Kàgàwà bhà rò wòrì ale ìrà dhu tí, ní kàmbènà nzǐ atdí dhu mà nónzì.»

³⁴Nírò ní ndì Pbàyàhúdì tó ádròdrǒ ale adù dhu ìvu wòrì ale-tsǔ, 'àti: «Ìnyi nyú, ìnyi ka kadhì òdhi tí ngbùlũnu nyú mà nà pbùkù nzérenга ò. Ní nyi tí ndì àdù dhu ùdhe fǎkà?» Wò dhu-dzidǒ, abádhí adù kípfo, rǎhu unduta-idzà ò rò.

Ìnzá Yěsù ná'ù ale ní ndùmùndúmú afina ònǎ rò

(Luk 10.21; 2Kò 4.3-6)

³⁵Yěsù itdègu Pbàyàhúdì tó ádròdrǒ ale nípfo wòrì ale ìrì unduta-idzà ò rò dhu nírì, ní kǎrà ndì ale-tí'ò, ndàdù ìtsi àtìna kà nǐ: «Ìnyi nyú, nyi nyá'ù tí wà Ìndrũ t'ídhùnà?»

³⁶Ní, kǎdù dhu ìvu Yěsù-tsǔ, ndàti: «Màlimò, ádhi pbá ale ndì, ndíní ma madù tí à'ùnà?»

³⁷Ní Yēsù adù dhu kàtò, ndàti: «Nyí nyàla wà ka! Ndirò ka ní yà nyí nyóte nà kòmbí ale.»

³⁸Ní, wò ale adù dhu òvò k pangba Yēsù tò, ndàti: «Ádrùngbálé, iwà ma mà'ù nyí.» Kādù ndòkò ot dyùna dō Yēsù-ònzí, ndífu ka.

³⁹Wò dhu-dzidō, Yēsù adù àtìnà: «Ma mírà yà adzi ǒ, ndíní ma muno tí yà adzi ǒ ale-ànyá. Ma mírà, ndíní yà adzi ǒ ndùmùndùmú nòwé tí 'àla nga, yà inga àlǎ arí ale ràdù 'ùgèrè 'òngò ndùmùndùmú tí.»

⁴⁰Nírò ní ndi yà Yēsù mà ì'ì mànà atdíkpá ngúfe Pbàfàrisáyónáadù dhu ìvu kà-tsǔ, 'àti: «Mǎ nyú mà, mǎ nǎtí ndùmùndùmú átò?»

⁴¹Ní Yēsù adù dhu àdu abádhí tò, ndàti: «Nyí nyúníyana gukyè dhu nyí rǎrǐ ndùmùndùmú, ní ka kàmbènà nzí àtina nyí rǎrǐ'ì nzérenga nà. Pbétù kòmbí nyí nyarádù àtìnà àlǎ nyí rǎrǐ inga àlǎ. Ní ka kùni wà dhu, fùkú nzérenga rǎrǐ'ì otùna nyú ǒ.»

Yùwanì 10

Tàmà t'úndatatále tó mbólí

(Zàb 23; Zèk 34.1-4; 1Pé' 2.24-25; 5.1-4)

¹Wò dhu-dzidō, Yēsù adù àtìnà tdítdō kǒkò Pbàfàrisáyó nǐ: «Ma mí obhó dhu núno fùkù. Ínzí arótsù kàlì-lí, tàrà tó kàlì ò ale, pbétù yà kàlì dònǎ arúpo ndòyò ndi kàlì ò ale ní ogbotále, ndirò ka ní obi nǐ arí dhu ùdhǎ ìndrǔ-fó rò ale.

²Pbétù, yà kàlì-lí arótsù ale ní ndi tàrà ùnda arí ale.

³Kà tò nga ní ndi kàlì-li'ò òdò arí ale ràdù kàlì-átù ùngbe kà ròtsù ònǎ kàlì ò, tàrà ràdù kùni tǔna rǒ nǐ. Ní, kà ràdù pbìndà tàrà nyú núnzi òvòya rǒ, ndàdù ìpfonà rùvò kàlì ò rò.

⁴Ní kóró ndi ndipfo pbìndà tàrà, rùvò kàlì ò rò dhu-dzidō, kà ràdù àdi ndàmbe àrà dō angyi abádhí dō-tsíró, abádhí ràdù 'òdhò owùna ǒ, kà-tù ì ùni dhu-okú dō rò.

⁵Tàrà rǐ nzí àdù òwu olo tí rí'ì ale-owù ǒ, pbétù abádhí ràdù òtse òtse tí kà-tsǔ rò, ìnzá ì ùni kà-tù nídhuní.»

⁶Yēsù unò wòrí mbólí Pbàfàrisáyó tò, pbétù wò kùnò abádhí tò dhu náadù nzá abádhí-dò nálǔ.

Yēsù ní ídzi undataba

⁷Yēsù adù àtìnà tdítdō abádhí nǐ: «Ma mí obhó dhu núno fùkù, ìma ní ndi tàrà tó kàlì tó tsátsù.

⁸Kóró ale yà angyinǎ rò íwù idù ní'ì ogbotále, ndirò obi nǐ arí dhu ùdhǎ ìndrǔ-fó rò ale. Pbétù, tàrà ádù nzá abádhí-tù núní.

⁹Ní, ìma ní ndi kàlì tó tsátsù. Ndi ale náapé ìtsù ùdunǎ, ní ràdù ògù ògù. Kà ràdù òtsù kàlì ò, ndàdù àhu kàlì ò rò. Ndirò kà ràdù ònyù nábà àbà.

¹⁰Ogbotále náarírà dhu kèlě ndì nduwé tí. Ndirò kǎrí ìrà, ndíně ndì ndokye tí dhu, ndàdù dhu ìnza. Pbéùtù ìma nyú, ma mírà ndíně ìndrù abá tí ípìrǒnga, ndirò ndíně abádhí abá tí ka abhò nyú ròsè.

¹¹Ìma ní ídzi ùndataba. Ídzi ùndataba náarí pbìndà ípìrǒnga nádzi òve tò pbìndà tàrà-òkú dò rò.

¹²Tàrà ùnda arí ndíně ka kubhò tí ndì ale ní nzì tàrà-àbadhi. Kǎpé nyàmàsò rǐrà dhu nǎlǎ, ní kà rǎdù òku tí òku, ndàdù tàrà ùbhà vǐyà dǒ rò. Ní, nyàmàsò rǎdù atdídhénà tàrà ùmbà ndàrà nà, ndàdù ngǔkpà-ǒnga nífàlǎ.

¹³Obhó tí, fùrangà-òkú dò rò rí kasu ònzi ale, náafí àtdu tàrà rǔve dhu rǐ nzì àdù.

¹⁴Ìma ní ndì ídzi ùndataba. Ma múni wà pbàkà tàrà, ndirò pbàkà tàrà núnì wà ma.

¹⁵Àdhàdhì Àbadu núnì ma, madù Àbadu núnì dhu bhěyi, ma mǎdzi wà pbàkà ípìrǒnga òve tò pbàkà tàrà-òkú dò rò.

¹⁶Ndirò, ma mí'ì ìnè ngǔkpà pbàkà tàrà nà, kǎkà ìmbǎ rǐ'ì yàrí kǎlì ò. Ní, ma màkǎ marà ì tsí nídi átò madu kǎlì ò. Abádhí rǎdù tǔdu ìrì ìrì. Ndi dhu bhěyi ní ndì, tàrà tò màhò rǎdù ì'ì atdí tí, ùndana rí ale rǎdù ì'ì atdí tí átò.

¹⁷Àbadu ózè ma, pbàkà ípìrǒnga ma mǎdzi òve tò, ndíně madùya tí àbàrà tdítdǒ dhu-òkú dò rò.

¹⁸Pbàkà ípìrǒnga nódyì rí atdí ale mà rǐ'ì mbǎ, pbéùtù, ma mí pbàkà ípìrǒnga nádzi matírò òve tò. Ma mí'ì ìnè ádrùngbǎnga tò òbi nà madzi pbàkà ípìrǒnga òve tò, ndirò ma mí'ì ìnè òbi nà mabà ndì ípìrǒnga tdítdǒ. Wǒrì ní ndì Àbadu núnǎ idù dhu.»

¹⁹Ní wò Yēsù ùnò òte-òkú dò rò, Pbàyàhúdì-ǒnga náadù ndùndò ùndò tí tdítdǒ.

²⁰Abádhí nzínzi ò, ábhò ale nyú náambénà àtìnà dǒ: «Ìnè pfòmvo rǐ'ì yàrí ale ò. Àrì rǐ'ì kà dǒ. Ní ádhu nyǐ nyí kà-tsǔ dhu ìrì nǐ?»

²¹Pbéùtù ngǔkpà-tsí ambénà àtìnà dǒ: «Ìnzì pfòmvo rǐ'ì ònà ale rǎdù òte wò dhu bhěyi. Pfòmvo tí àdù ndùmùndúmù-nyìkpó ùngbe ùngbě?»

Ìndrù rǐ Yēsù àpà 'ùbvǔ odu nǐ dhu

²²Yèrùsalemà tò kigò ò, Pbàyàhúdì náambénà yà Kàgàwà bhà idza ka kitsu tdítdǒ dhu nírè ka kongónà nǐ mǔhendù nónzi dǒ. Ndi kàsùmì ní'ì ádrùngbǎ gírì tò kàsùmì.

²³Ní ndì idhò ò, Yēsù ambénà ùbhi dǒ Kàgàwà bhà idza-lí, «Sòlòmònì bhà mbàrazà» tí kátina mbàrazà-tsìnǎ.

²⁴Ní ngúfe Pbàyàhúdì andu ì, 'àkpòrò kà-ngbò, 'adù dhu ìvu kà-tsǔ, 'àti: «Nyí nyú, nyí nyabhùya afíka rǎgùrù ndì rǎrà àhù ife idhò tí? Nyí nyapé ì'ì Krístò nyú tí, ní óvo pé ndì dhu kpangba fǎkà.»

²⁵Ní Yēsù adù dhu àdu abádhí tò, ndàti: «Ma mónvò wà wò dhu fǔkù, pbéùtù nyǐ nyá'ù nzá ndì dhu. Yà Àba Kàgàwà-òvò rǒ ma mǎrónzina wíwì, náarí ndì àdhi-pbá ale màtì ma mí'ì dhu nítè.

²⁶Pbétù, nyí nyárí nǝ ndi dhu ná'u, ìnzǝ nárí nyí pbàkà tàrà nǝnzì ò tàrà dhu-okú dò rò.

²⁷Pbàkà tàrà náarí tǝdu ìri ìri. Ma múni wà abádhí, ndirò abádhí náarádù owùdu núngu.

²⁸Ndirò, ma mí dhòdhòdhónga tó ípìrònga nábhǝ owùdu núngu ale tò. Ní abádhí núuwíya nǝ akèkpá màtí afíya ònǝ rò. Ndirò, atdí ale mà núudháya nǝ abádhí fudú rò.

²⁹Àba Kàgàwà yà abádhí nibho fudú, ní ádrùngbǝle ròsè kóró ale dònǝ. Ndirò, atdí ale mà rǝ'ì ìmbǝ òbi nà ndidhǝ atdí dhu mà Àbadu-fó rò.

³⁰Ima, Àbadu Kàgàwà màrà, mà'ì ní atdí ale nyú.»

³¹Ní, Pbàyàhúdí náadù odu ùwa tdítǝ, ndínǝ ì ubvú tí Yèsù nǝ.

³²Pbétù, Yèsù adù àtìnà abádhí nǝ: «Ma mábhǝ nyí nyǝla ábhǝ ídzì dhu nyú yà Àba Kàgàwà íbhò idù òbi nǝ. Ní, ádhu ndi kǝkǝ ì dhu nǝnzì ò, nyí nyí mapà nyǝbvǝ ma odu nǝ okúna dò rò?»

³³Ní Pbàyàhúdí adù dhu àdu Yèsù tò, 'àtí: «Ìnzǝ ní ídzì dhu-okú dò rò nga ndi mà mí màpà mǝbvǝ nyi nǝ. Pbétù, mà mòzè mǝbvǝ nyi okúna dò rò dhu ní, nyi nyùnò dhu nzére nyú Kàgàwà nǝ dhu. Ìnyi ní ìndrǝ-tsí dhu, ní nyi nyádù àtìnà ìngbǝ dhu bhǝyi, nyi rǝrǝ Kàgàwà!»

³⁴Yèsù adù dhu àdu tdítǝ abádhí tò, ndàtí: «Fùkú Uyátá ò ka kándí tí nzá dhu, kati: «Ìma Kàgàwà, mà màtí nyí nǝ, nyí rǝrǝ mǝngǝ-nzo?»³⁵ Àlǝ kúni wà dhu atdí ale mà rǝrǝ nǝ àdù Kàgàwà bhà Andítá-tí núgere. Kàgàwà átí pbìndà òte ka kùnò fíyò ale-òvò mǝngǝ-nzo tí.

³⁶Ní, Àba Kàgàwà ópì ndi ima, ndivì ma yà adzi ò. Ní, yà mà màtina, ima rǝrǝ kà t'Ídhùnà rò, nyí nyádù àtìnà ìngbǝ dhu bhǝyi mà rùnò dhu nzére nyú kà nǝ?

³⁷Dhu apé ì'ì ìnzǝ mà màrí Àbadu bhà kasu ònzi dhu tí, ní dhu àkǝ nzá nyǝ'ù mà.

³⁸Pbétù, dhu apé ì'ì ònzi mà màrí kàbhà kasu ònzi dhu tí, ní ìnzá màtí nyí nyǝ'ù ima nyú rò, dhu àkǝ nyǝ'ù yà mà màrónzina kasu. Mà mùnò wà dhu, ndínǝ ndi dhu alú tí dǝku, nyádù dhu ùni mbǝyi nyú Àbadu rǝrǝ'ì nyudutsì, ndirò mà rǝrǝ'ì kà-nyutsì.»

³⁹Ní, Pbàyàhúdí tó ádròdrò ale náadù dhu ònzi tdítǝ ndínǝ ì alú tí Yèsù 'òsò. Pbétù, Yèsù adù ndàwìli abádhí-fó rò, ndàrà.

⁴⁰Ní Yèsù adù ndàdu, ndàrà tdítǝ Yòròdanì tó idha-akpà-adzè, yà Yùwanì úbhì bàtizò ùbho rǝ angyinǝ rò ìndrǝ tò ì, ndòngò àdi ányì.

⁴¹Ní ányì, ábhǝ ale nyú nóowúnà ìwu rǝ kà ì, 'àdù òwu àtìnà rǝ nǝnzìya ò: «Obhó tí, Yùwanì nónzì nzá atdí wìwì mà. Pbétù, yàrí ale dǝ kǝrà àwenà rǝ kóró dhu ní'ì obhó dhu nyú.»

⁴²Ní ábhǝ ale nyú náadù Yèsù à'ù ányì.

Yùwanì 11

Làzarù bhà ɔve

(Yùw 5.21; 6.40)

- ¹Làzarù tí kátina atdí ale ní'ì andì nà. Ndi ale nóongónà àdi Bètàniyà tí kátina pbanga ɔ. Ndirò, Bètàniyà ní'ì Màriyà mà, awènà Màrità mà, mà tó pbanga.
- ²Ndi Màriyà ní ndi, yà Ádrùngbàle Yèsù-pfò dɔ adù àrà ndrùù róngu akye nódhò, ndàdù kà-pfò-ngbò núndo dóna-ká nǐ. Ndirò, ka ní'ì ndi wò andì nà i'ì Làzarù t'áwènà.
- ³Ní, Làzarù t'áwéna náavì indrù ràrà dhu ɔvò Yèsù tò, ndàti: «Ádrùngbàlé, kànǐ yà atdí dɔ nyi nyòzè ale, Làzarù rǐ'ì andì nà.»
- ⁴Ní wò dhu ndi ndirò, Yèsù adù àtìnà wò ale nǐ: «Wò Làzarù rǎndi nǐ andi rǐ nǐ kàbhǐ ròvè dòtsí. Pbétù, ndi andi àlǔ ka ndinǐ Kàgàwà bhà ádrùngbànga tó obi nitè tí, ndàdù kà t'Ídhùnà bhà ádrùngbànga tó obi nitè átò.»
- ⁵Yèsù azè Màrità mà, awènà Màriyà mà, ndàdù Làzarù nózè átò.
- ⁶Ní, Làzarù rǎndi dhu ndi ndirò, Yèsù adù ɔyɔ idho nyú nónzì, yà ndi andi tó màkǔrù ótù ndi ònà ngari ɔ.
- ⁷Wò dhu-dzidɔ, kǎdù àtìnà pbìndà ábhàlǐ nǐ: «Kàdu àlǔ Yùdeyà tó pbirì ɔ.»
- ⁸Ní, ábhàlǐ adù dhu ìvu kà-tsǔ 'àti: «Hòkò Màlimò! Kòmbí tí ní Pbàyàhúdì nàpà 'ùbvù nyi odu nǐ. Ní nyi nyòzè tí nyadu nyi ànyì tdítdɔ?»
- ⁹Ní Yèsù adù dhu ìvu abádhí-tsǔ, ndàti: «Adyíbhengá nga ɔ, adyifò-sisì náatí obhó ongo i'ì atdí kumì dóná ɔyɔ nà? Ní indrù apé àmbe ùbhi dɔ adyíbhengá, ní ndi ale rǐ nǐ àdù ndàgìli nditsì, yà adzi dɔ awáwù nǎlǎ ndi ndí dhu-okú dò rò.
- ¹⁰Pbétù, kǎpé àmbe ùbhi dɔ kùbhingá, ní kà rǎdù àrà ndàgìli rɔ nditsì, ìnzǐ ndi ndí inga nǎlǎ dhu-okú dò rò.»
- ¹¹Wò dhu ndi ndùnò dhu-dzidɔ, Yèsù adù àtìnà pbìndà ábhàlǐ nǐ: «Àlǔ t'òdhìnà Làzarù nódhò ɔdhò tí. Pbétù, ma mǎrà ndinǐ ma mitsi tí kìnga idho ɔ rò.»
- ¹²Ní, Yèsù bhà ábhàlǐ adù dhu àdu 'àti: «Ádrùngbàlé, kǎpé i'ì ɔdhò tí ɔdhò dhu tí, ní kà rǔgù ɔgù.»
- ¹³Obhó tí, Yèsù azè ndùnò dhu ní'ì, iwà Làzarù ròvè. Pbétù, kàbhà ábhàlǐ adù dhu ìrè idho nyú dɔ kà rǎrɔte.
- ¹⁴Ní, Yèsù adù dhu ɔvò kpanya abádhí tò, ndàti: «Làzarù ɔvè wà.
- ¹⁵Ndirò, idhèdu nika okúku dò rò dhu ní, ìmbǎ ma mì'ì ànyì dhu. Ní, wò ndi dhu ònzì ndi, ndinǐ nyí nyadù tí ma à'ù. Ní, kòwu pé ndi Làzarù ɔvè i.»
- ¹⁶Nirò ní ndi Yèsù bhà ábhàlǐ nzínzì ɔ atdí ale, Tùmasì tí kátina, yà ka kongónà àdù ànzìnà átò Dìdimò tí, náadù àtìnà ngǔkpà ábhàlǐ nǐ: «Kòwu átò ànyì, ndinǐ àlǔ kǎvè tí atdíkpà Màlimò mà.»

Yèsù ní indrù àbhu rádù rìngbè ndi, ndirò ìpìrɔnga àbhu rádù indrù tò ale dhu

- ¹⁷Yěsù itdègu àrà àhù Bètàniyà, ní kǎtù Làzarù iwà ka kótdù ka ró idho àhù ifo ró.
- ¹⁸Ndi Bètàniyà tó pbanga ní'ì mbèmbè ìbhu kilòmètèrè tí Yèrùsàlemà tó kigò rǒ rò.
- ¹⁹Ní, Pbàyàhúdí nzínzì ǒ ábhǒ ale nyú níwú Màrità mà Màriyà mànà-tí'ò, ndíní ì opé tí abádhí-afí adòyà Làzarù bhà ɔve-okú dǒ rò.
- ²⁰Ní, Màrità níitdègu Yěsù rǐrà dhu ìrì, ní kǎdù ndìvà, ndàrà kàkɔ otu ò rò. Pbétù, Màriyà adù àdì idza.
- ²¹Ní, Màrità itsi àtìnà Yěsù nǐ: «Ádrùngbǎlé, nyi nyí'iyana gukyè iró, ní adòdu óvèyana nzǐ.
- ²²Pbétù, ma m̀̀ni wà dhu, kòmbí màtí Kàgàwà rǎrǐ fóná nyi nyónzina kóró dhu nábhǔ àbhǔ ìndù.»
- ²³Ní, Yěsù adù àtìnà Màrità nǐ: «Adònu rǐ ndìngbè ìngbè ìbhu ò rò.»
- ²⁴Ní, Màrità adù àtìnà kà nǐ: «Ma m̀̀ni wà dhu, yà adzi ǒ dhu-tsù rǐ ndòdì nínganí, yà ùv̀̀vè ale kóró rǐ 'ùngbè rò, àbadhi rìngbèyà ndì ìngbè átò.»
- ²⁵Ní, Yěsù adù àtìnà kà nǐ: «Ìma ní ndì ìndrǔ àbhu rádù rìngbè ndì, ndàdù ípìrǒnga nábhù ìndrǔ tò ale. Ní, òvè tí màtí ìma ná'ù ale náapè òvè, ní rádù ípìrǒnga nába àbà.
- ²⁶Ndirò, ìnè rǐ'ì pbìndà ípìrǒnga nà, ndàdù ma'ù ale, ní rǐ nzǐ àdù òvè akekpá màtí. Nyi nyà'ù tí wà yà ma m̀̀nò dhu?»
- ²⁷Ní, Màrità adù dhu àdu Yěsù tò, ndàtì: «Ìwà ma mà'ù ndì dhu Ádrùngbǎlé. Ma mà'ù wà dhu ìnyi rǎrǐ ndì Krístò, Kàgàwà t'íd̀̀hùnà, yà yàrí adzi ǒ rǐrà dhu tí ka kati ale.»

Yěsù rǐ Làzarù òdzi dhu

- ²⁸Wò dhu bhèyi ndì ndàdu dhu Yěsù tò dhu-dzidǒ, Màrità náadù àrà awènà Màriyà nánzì. Ní, idza ndì ndòtsù Màriyà ì rò, Màrità náadù dhu òvò kàtò bhèlu ǒ, ndàtì: «M̀̀limò ìrà wà. Ní kà rǐ nyanzi.»
- ²⁹Ní wò Màrità ùnò dhu ndì ndìrì rò, Màriyà adù àhù àrǐ nyú tí, ndàrà Yěsù rǐ'ì ì.
- ³⁰Wò ndì kàsùmì ǒ, Yěsù ì'ì ìnzá ndì ndàpè ìtsù pbanga ò ró. Pbétù, kǎdù ì'ì àdì ndì ndàdì yà Màrità mànà ì òtùnà ì ònà ngari ǒ ró.
- ³¹Pbàyàhúdí ní'ì atdíkpá Màriyà mànà idzá, 'àdù àmbe kà-afí nópè dǒ. Ní, Màriyà ìvà ndì, ndàhù àrǐ nyú tí dhu ì àla rò, abádhí adù 'ìvà átò, 'òwù kòwù ǒ. Abádhí ati ka yà Làzarù ka kótdù ì rǎrà, ndàrà òdzi ányìrò dhu tí.
- ³²Ní, yà Yěsù rǐ'ì ró ndì ndàrà àhù rò, Màriyà níitdègu Yěsù àlǎ, ní kǎdù ndìbvu obvò kà-pfò rǒ, ndàdù àtìnà kà nǐ: «Ádrùngbǎlé, nyi nyí'iyana gukyè iró, ní adòdu óvèyana nzǐ.»
- ³³Ní Màriyà mà, yà owùna ǒ ìwù Pbàyàhúdí mànà rǒdzi dhu ndì ndàla rò, ìzù nùuka Yěsù atdídǒ, afina ràmbe ìnga ìrè dǒ.
- ³⁴Nírò ní ndì Yěsù adù dhu ìvu abádhí-tsù, ndàtì: «Nyǐ nyótdù ka ìngbòrò?» Ní abádhí adù dhu àdu kà tò 'àtì: «Ádrùngbǎlé, ìrà ndíní nyi nyala tí ányìrò nga.»

³⁵Nírò ní ndi Yěsù adù òdži.

³⁶Ní, Pbhàhúdí adù òko 'àmbe àtìna dǒ: «Ìgyò! Nyàndà pé kǒzè Làzarù tí dhu!»

³⁷Pbétù, abádhí nzínzì ǒ atdídená ale náadù àtìna: «Hòkò! Wò ale nyú ní ndi ndùmùndùmú-nyìkpó nábhù rùngbè ndi. Ní kǎbhùyana tí obhó Làzarù ìnzì rǒvè?»

Yěsù rǐ Làzarù nábhù rùngbè ndi ɔvè-bvù rò dhu

³⁸Kǒkò Pbhàhúdí rǎnɔna dhu ndi ndìrì rò, izu náadù Yěsù ùka atdíǒ nyú. Ní, abádhí adù òwu Làzarù ka kótǒdù i. Ka katǒdù ka ònà ibhu ní'ì bhalabhala ò ka kógyè, kadù lina'ò nápbì odu-íyà-ba nǐ ibhu.

³⁹Ní, ányì ì òwù ùvò rò, Yěsù atì yà tiná ì'ì ale nǐ: «Nyògere wò odu ibhu-lí rò.» Ní Làzarù-bvù t'áwèná Màrità náadù Yěsù isò, ndàti: «Ìnzè Ádrùngbǎlé! Wò abvo nópè wà ndòngù atdíǒ. Kònzì wà ifò idhò nyú ibhu ò.»

⁴⁰Pbétù, Yěsù adù dhu àdu Màrità tò, ndàti: «Ma màtìna tí obhó nyi nǐ, nyi rapé ima ná'u, ní nyi rǎrǐ àdù Kàgàwà bhà ádrùngbǎnga tó awáwù nála?»

⁴¹Ní, ka kadù odu nógèrè ibhu-lí rò. Wò dhu-dzidǒ, Yěsù adù nyìkpóna náva ndàndà ɔrù nga, ndàdù ndìtsò, ndàti: «Àba Kàgàwà, ma màbhù òtsò indù, tsùdú dhu nyi nyìrì nídhunǐ.

⁴²Obhó tí, ma m̀nì wà dhu ìrì nyi raróngo tsùdú dhu ìrì bìlìnganà. Pbétù, ma mìtsò ma wò dhu bhèyi dhu ní, ndínǐ kǎkà ngbòdu nàkpòrò iró ale náa'u tí dhu ìnyì rǎrǐ ndi nyi nyívi ma.»

⁴³Wò dhu ndi ndòrì dhu-dzidǒ, Yěsù adù Làzarù nánzì ɔrù tǔna nyú nà, ndàti: «Làzarù, áhù wòrì ibhu ò rò.»

⁴⁴Ní, Làzarù adù àhù ibhu ò rò, ɔtsúna mà, pǎna màná ka kùndìlǐ abvo ùtǒdù ka karì òná mberù nǐ, kadù nyina níso mbèrèse nǐ rǒrò. Wò dhu-dzidǒ, Yěsù adù àtìna ihé-yà nǐ: «Nyùnga Làzarù, nyàdù ùbhànà rǎrà ibha.»

Yěsù òne ka kí ndínǐ ka koho tí dhu

(Zàb 71.10; Mát 26.1-5; Mrk 14.1-2; Luk 22.1-2)

⁴⁵Yà Màriyà màrǎbvù ìwùná, 'adù Yěsù ònzì Làzarù rǒ dhu àla Pbhàhúdí nzínzì ǒ, ábhǒ ale nyú náadù Yěsù à'ù.

⁴⁶Pbétù, abádhí nzínzì ǒ atdídená ale náadù òwu Pbhàfàrìsáyó-ti'ò, 'adù yà Yěsù ònzì dhu àwè abádhí tò.

⁴⁷Ní, ndi dhu ì ìrì rò, pbàkùhání tó ádròdrǒ ale mà, Pbhàfàrìsáyó màná, náadù yà Pbhàhúdí-bvù ádròdrǒ anya nítdì arí ale-tsù núndu. Nírò ní ndi abádhí náadù 'òpè 'òngù dhu tsùyá nzínziya ǒ, 'àmbe àtìna dǒ: «Wòrì ale rǎrà ábhǒ wiwì nyú nónzì rǒ. Ní ádhu ndi àkǎ àkǎ àlě rònzì?»

⁴⁸Àlě kapé kùbha ràmbe ndi dhu ònzì dǒ, ní kóró ale rǐ kà'u. Ndirò Pbhàrómá tó pbìrì ǒ ádròdrǒ ale náadùya ìwu, 'ùgolo àlě tó Sòmǎ-dzà, 'adù àlě tó pbìrì nínza.»

⁴⁹Kòkò ì P̀b̀ỳà̀h̀ú̀d̀í-b̀v̀ù̀ á̀d̀r̀ò̀d̀r̀ò̀ anyá nítí arí ale nzínzì ǒ, atdí ale-òvò ní'ì K̀ỳà̀f̀à̀. Ní ndí atò ǒ, ka ní'ì ndí p̀b̀à̀k̀ù̀h̀á̀ǹí tó á̀d̀r̀ò̀d̀r̀ò̀ ale dǒ kamà. Ní, k̀á̀t̀í ǒd̀h̀í̀nà nǐ: «Nyǐ nyú nyǐ nyùnì nzá atdí dhu mà wò dhu ò.

⁵⁰Nyǐ nyùnì tí obhó dhu, dhu r̀à̀k̀à̀nà atdí ale k̀è̀l̀ě̀ r̀ò̀v̀è̀ k̀ó̀r̀ó ale tó ngari ǒ, ìnzǐ àlě tó p̀b̀ì̀r̀ì ǒ k̀ó̀r̀ó ale-tsè náadù tí ndòtdí?»

⁵¹K̀ǔ̀ǹò nzá wòrì dhu òna nyú ò rò àhù r̀ó̀r̀ò. P̀b̀é̀t̀ù̀, wò ndí atò ǒ ndí ndí'ì ndí p̀b̀à̀k̀ù̀h̀á̀ǹí tó á̀d̀r̀ò̀d̀r̀ò̀ ale dǒ kamà tí dhu-okú dò rò, k̀á̀v̀ò dhu angyangyi, K̀à̀g̀à̀wà bhà Nabì bhěyi, ndàti: Yèsù r̀à̀k̀à̀ ndòvè P̀b̀ỳà̀h̀ú̀d̀í tó ngari ǒ.

⁵²Ndirò, k̀á̀t̀í átò kà r̀à̀r̀í nǐ òvè P̀b̀ỳà̀h̀ú̀d̀í tó ngari ǒ tí, p̀b̀é̀t̀ù̀ kà r̀à̀k̀à̀ ndòvè ndínǐ ndí ndundu tí yà adzi ǒ ì nifàl̀à K̀à̀g̀à̀wà bhà inzo-tsù, ròkò atdíkpá.

⁵³Ní, ròpè ndí ndí idhò ǒ rò, P̀b̀ỳà̀h̀ú̀d̀í-b̀v̀ù̀ á̀d̀r̀ò̀d̀r̀ò̀ ale náapè 'ònè Yèsù ndínǐ ì adù tí àbhunà kohò.

⁵⁴Wò dhu-okú dò rò ní ndí, Yèsù adù ndòpè ìnzǐ ndàrà ùbhi rǒ k̀p̀ang̀ba P̀b̀ỳà̀h̀ú̀d̀í nzínzì ǒ. P̀b̀é̀t̀ù̀ àbadhi mà, p̀b̀ì̀ndà ábhàlǐ mànà, náadù 'ìv̀à 'òwù yà r̀ù̀ng̀ù-tí'ò arí'ì mùlengù ǒ atdí p̀b̀angà Èf̀ù̀r̀à̀ỳìm̀ù tí kátina ò, 'adù òko ányì.

⁵⁵Wò ndí k̀à̀s̀um̀ì ǒ, P̀b̀ỳà̀h̀ú̀d̀í tó P̀ás̀ìkà tó mùhèndù-idhò ní'ì iwà ndí ndìndù ndí ró. Ní, ábhò ale nyú níwú f̀ìỳó p̀b̀angà ònà rò, 'ìwù ùvò angyinà rò P̀ás̀ìkà tó Yèr̀ù̀sàlèmà tó kigò ò, ndínǐ ì u'ò tí ì, 'ìl̀à K̀à̀g̀à̀wà-nyìkpó ǒ .

⁵⁶Ní, Yèr̀ù̀sàlèmà ì òwù ùvò rò, abádhí ambénà Yèsù ònè dǒ. Ní K̀à̀g̀à̀wà bhà-dzá ì í'ì r̀ó̀r̀ò, abádhí ambénà dhu òngù dǒ tsùyá nzínzìya ǒ, 'àmbe àtìnà dǒ: «Ádhu nyǐ nyìrè kà-dǒ? Tí ìnzǐ kà r̀à̀r̀í ìrà mùhèndù ò?»

⁵⁷P̀b̀à̀k̀ù̀h̀á̀ǹí tó á̀d̀r̀ò̀d̀r̀ò̀ ale mà, P̀b̀à̀f̀à̀r̀ìsàyó mànà náadù dhu ùya ìndrù tó 'àti: «Atdí ale mà náapè Yèsù r̀í'ì ró nga núnǐ, nàkà nditè ka ndínǐ kadù tí òwu kòsò.»

Yùwanì 12

Màriyà r̀í Yèsù-pfò nùtrì ndrùù r̀óngu akye nǐ dhu

(Màt 26.6-13; Mrk 14.3-9; Luk 7.36-50)

¹Azà idhò tí P̀ás̀ìkà tó mùhèndù-idhò nùbhà ndí r̀ó̀r̀ò, Yèsù ivà ndí ndàrà Bè̀t̀à̀nìyà tí kátina p̀b̀angà ò. Ndi p̀b̀angà ní'ì yà k̀à̀bh̀ù̀ r̀ìng̀b̀è̀ ndí òvè-bvù rò L̀à̀zàr̀ù mà tó p̀b̀angà.

²Ní ányì, ka kabhù ònyù kà tò. Màrità náambénà ònyù nùndò dǒ abádhí tò, L̀à̀zàr̀ù ràdù ì'ì átò ndí ònyù ònyu rí atdíkpá Yèsù mànà ale nzínzì ǒ.

³Nírò ní ndí Màriyà níidi ndrùù r̀óngu akye tó atdí lítrè-ǒnga ka k̀ù̀ndò ọyò tó atdínga, ndòdhò Yèsù-pfò dǒ. Ndi akye ní'ì nardò tí kátina irí-ví nǐ ka k̀ó̀b̀h̀ò̀l̀ò, odzìna ràdù ì'ì ọrú nyú akye. Wò dhu-dzidǒ, Màriyà adù Yèsù-pfò-ngbò nùndo òna-ká nǐ, ndí akye-dzi ràdù nditu, ndàkà k̀ó̀r̀ó ányì-dzá.

⁴Ní wò dhu ndí ndàl̀à rò, Yèsù bhà ábhàlǐ nzínzì ǒ atdí ale, Yudhà Ìskàriyotà tí kátina, yà Yèsù ipfo arana ndàbhù òmvù-fó ale, níwù dhu, ndàti:

⁵«Ádhu inzá ka kàbhũ wòrí akye kodzi ìbhũ miyà ònàrà rǒ, kadù ndi fùrangà nùndò nàkùtále tò nǐ?»

⁶Kũno nzá wò dhu nàkùtále-izù ndi ndàla dhu-okú dò rò. Pbéù, kũno ka ogbotále tí ndi ndí'ì dhu-okú dò rò. Obhó tí, kǒngónà ndi fùrangà tó ìsòwũ nódò, ndàdù àrà ndi fùrangà núwe rǒ afina òzè dhu bhěyi.

⁷Ní, Yèsù adù dhu àdu Yudhà tò, ndàti: «Ébhà Màriyà radì! Ítsè ka rǒdò wòrí akye ima ka kòtdúya ònà idhò tò.

⁸Nyǐ nyóngo òko nàkùtále mànà bìlìngànà, pbéù àlě, àlě kí nzǐ ongo òko nyǐ mànà bìlìngànà.»

Pbàkùhání tó ádròdrǒ ale rǐ 'ìrì, ndínǐ ì abhù tí Làzarù kohò dhu

⁹Pbàyàhúdì tó ihé-yà nítdègu Yèsù rǐ'ì Bètàniyà dhu ìrì, ní abádhí adù òwu ányì. Abádhí awù nzá ányì Yèsù-okú dò rò tí, pbéù abádhí awù ányì ndínǐ ì adù tí yà Yèsù ábhũ rìngbè ndi òve-bvù rò Làzarù-ngbò mà nála átò.

¹⁰Nírò ní ndi pbàkùhání tó ádròdrǒ ale náadù 'ìrì ndínǐ ì abhù tí Làzarù kohò átò.

¹¹Obhó tí, ábhǒ Pbàyàhúdì nyú nóowúnà ùvò rǒ abádhí nzínzì ǒ rò, 'adù Yèsù ná'ù kǒkú dò rò.

Yèsù rǒtsù Yèrùsàlemà tó kigò ò dhu

(Màt 21.1-11; Mrk 11.1-11; Luk 19.28-40)

¹²Tsútsà nínganí, yà Pásika tó m̀hendù ò íwũ Yèrùsàlemà tó kigò ò ihé-yà níri dhu, Yèsù rǐ'ì otu ǒ ndi ndírà átò Yèrùsàlemà tó kigò ò ró.

¹³Ní, abádhí adù ngazì-kpa-dòká nókò, 'ùvò nà, 'òwù Yèsù àkò nà otu ò rò. Ní, Yèsù ì àla rò, abádhí apè 'ùkũ, 'àmbe àtìnà dǒ: «Hòsanà ! Ilèta náká kabhũ yà Ádrùngbǎle Kàgàwà-òvò rǒ rǐrà Pbàisràyéì tó Ádrùngbǎ Kamà tò!»

¹⁴Nírò ní ndi Yèsù abà kayinǒ-ngba, ndàdù ùpo, ndàdi dònà, yà Kàgàwà bhà Andítá ò ka kandí dhu bhěyi. † Andítá rǐtina:

¹⁵«Nyǐ Sàyunì tó kigò ǒ bhǎ, ìnzǐ nyònzì ǒdò. Kònzǐ fùkú Ádrùngbǎ Kamà rǐrà, kayinǒ-ngba dǒ ndi ndàdi rǒrò.»

¹⁶Wò dhu náalú nzá Yèsù bhà ábhǎlǐ-dò. Pbéù, Yèsù ódzì òrù-akpà ò pbìndà Ádrùngbǎnga tó awáwù ǒ dhu-dzidǒ ní ndi, abádhí awù dhu ìrè, yà Kàgàwà bhà Andítá ò ka kandí dhu, ka randí Yèsù-okú dò rò. Ndirò, ka rádù ndi dhu ònzì kà-rǒ ndi dhu bhěyi tí.

¹⁷Ábhǒ ale nyú, yà Yèsù rǐ Làzarù ànzì rìngbè ndi òve-bvù rò ró ì'ì, náadù òko 'àmbe Yèsù ònzì dhu àwe dǒ ìndrù tò.

¹⁸Ní, kǎrì wíwì ònzì dhu ì ìrì dhu-okú dò rò, ihé-yà náadù òwu Yèsù àkò otu ò rò.

¹⁹Nírò ní ndi Pbàfàrisáyó náadù 'òpè 'òtè nzínzìya ǒ, 'àmbe àtìnà dǒ: «Nyǐ nyàla tí wà! Nyǐ nyǐ nzǐ yà dhu lèmà ònzì. Kóró ale òkò wà 'àmbe òwu dǒ kǒwù ǒ tí.»

Ngúfe Pbàgìríkì rǐ Yèsù òne ndínǐ ì ala tí dhu

²⁰Yà Pásika tó m̀hèndù ò íwù Yèrùsàlemà tó kigò ò, 'iwù Kàgàwà ùle ale nzínzì ò, ngúfe Pbàgìríkí ní'ì inè átò.

²¹Ní, í Pbàgìríkí níndri Filipò tí kátina ábhàlǐ-tí'ò. Ndi Filipò ní'ì Gàlìlayà tó pbìrì ò atdí pbanga, Bètèsàyidà tí kátina ò ale. Ní, abádhí avò dhu Filipò tò, 'àti: «Ádr̀ngbàlé, mǎ mòzè mǎla Yèsù-ngbò.»

²²Ní Filipò adù àrà wò dhu òvò Àndèreyà tí kátina ngǎtsi ábhàlǐ tò. Wò dhu-dzidò, abádhí adù 'ivà 'òwù wò dhu òvò atdíkpá Yèsù tò.

²³Ní, Yèsù adù àtìna uró ì'ì ale ní: «Àba Kàgàwà rǐ Ìndr̀-ť'ídhùnà-òvò nábhǔ rìlè ndì òná kàsùmì nírà wà.

²⁴Ma mí obhó dhu núno f̀kù: ìnzǐ nganù-kpò náapé ìtsì adzi ò, ndàdù òmò, ní ndì nganù-kpò rǎdù àdì atdíró tí. Pbétù kǎpé òmò, ndàdù ìnga, ní ndì rǎdù ábhò itse nyú nódhì.

²⁵Pbìndà ípìr̀ngà nózè rí ndòdò f̀ndà ale níwíya ka. Pbétù, pbìndà ípìr̀ngà nózè rí ndìwí okúdu dò rò yà adzi ò ale, náadùya kòdò dhòdhóhóngà tó ípìr̀ngà tò.

²⁶Ndi ale náapé ndòzè ndònzì kàsùdu, ní ndì ale àkǎ nd̀ngw owùdu. Ndirò, ma mí'ì ró, pbàkà kasutále rǎdù ì'ì átò. Ndi ale náapé kàsùdu ònzì, ní Àba Kàgàwà rǎdù ndì ale ífa.»

Yèsù rǎte ndì ndòvè dhu dǎ dhu

²⁷Wò dhu-dzidò, Yèsù adù àtìna: «Afídu rǐ ìnga ìrè atdídò kòmbí. Ní, ma mátina ìngbà tí? Ma tí àtina: Àba Kàgàwǎ, ígǔ ma yà yàrí kàsùmì ò rí ndàpà ndònzì ndì rùdú dhu ò rò? Pbétù, ma mírà wò ndì kòmbí rí ndàpà ndònzì ndì dhu-okú dò rò.

²⁸Ní Àbá, ábhǔ òvònu rìlè ndì.» Nírò ní ndì atdí ale-tù náadù ndìrì òr̀-akpà ò rò, ndàti: «Ma màbhù wà òvòdu rìlè ndì, ndirò ma mí kàbhǔ àbhǔ rìlè ndì tdítđ.»

²⁹Ní, ányìr̀ ì ìkò ró ì'ì ihé-yà níri wò dhu, 'adù àtìna: «Ìgyò! Òvo nyú ní wò àtà!» Ngǔkpà ale adù àtìna: «Hòkò! Kàgàwà-bhà mǎlàyikà ní wò dhu nùnò kà tò.»

³⁰Pbétù, Yèsù adù àtìna abádhí ní: «Wò nyǐ nyìrì ale-tù núno nzá dhu idù, pbétù kùnò ka f̀kù.

³¹Kòmbí rǐrà kàsùmì ní yà Kàgàwà rǐ yà adzi ò ale-ànyǎ nítdì òná kàsùmì. Ndirò, ndì kàsùmì ní ndì Kàgàwà rǐ Pfòmvo, yà adzi ò ádr̀ngbàlé, nípfò òná, ndòdì yà adzi ò rò.

³²Pbétù ima, yà adzi ò rò ka kí modyì marà òr̀ rò, ma madùya kóró ale-tsù nándu tidu ò.»

³³Wò ndì ndùnò dhu ò, Yèsù azè ndìtè dhu ní ìngbà dhu bhèyi òve-tidò ní màtí ndì ndòvè dhu.

³⁴Ní ihé-yà adù dhu ìvu Yèsù-tsǔ, 'àti: «Mǎ mójè dhu Músà bhà Uyátá ò, Krístò radíya dhòdhóhónganà. Ní, ádhu nyi nyádù àtìna Ìndr̀ t'ídhùnà rǎkǎ pé ndàrà òr̀-akpà ò ní? Ndirò, ndì Ìndr̀ t'ídhùnà nyú ní àdhi?»

³⁵Ní, Yěsù adù dhu àdu abádhí tò, ndàti: «Awáwù rǐ'ì inè nzínziku ǒ ákě kàsùmì kèlě tí. Ní, dhu àkǎ nyǔbhi yà inè nyǐ nyí'ì ndì awáwù nà ró, akye ínò adùna tsùku ùtò nǐ. Obhó tí, ínò ǒ rúbhi ale rǐ nǐ àdù àdhà màtí ndì ndàrà dhu núnì.

³⁶Ní dhu àkǎ nyǎ'ù ndì awáwù, yà òko nyǐ nyòko atdíkpá kà mànà ònà kàsùmì ǒ, ndínǐ nyǐ nyadùya tí òko awáwù ǒ nzónzo tí.» Wò dhu ndì ndùnò dhu-dzidǒ, Yěsù adù àrà ndòrù itse ihé-yà rǒ rò.

Pbàyàhúdì rǐ 'ùvǒ ìnzǐ 'à'ù Yěsù dhu

³⁷Yěsù anzì mbǎ ábhǒ wíwì mà Pbàyàhúdì-ònzǐ, ní abádhí adù nzá kà à'ù.

³⁸Wò ndì dhu anzì ndì ndínǐ yà Kàgàwà bhà nabì Ìsayà núuno dhu náaká tí. Kǎti: «Ádrùngbǎle Kàgàwǎ, ádhi tsùká dhu na'u? Ndirò, ádhi ndì Ádrùngbǎle Kàgàwà nítè pbìndà ɔbi fǐndà ?»

³⁹Ndirò, ndì Ìsayà kèlě núuno ìnzá Pbàyàhúdì náa'u dhu okúna dò rò dhu. Kǎti:

⁴⁰«Kàgàwà níiti abádhí-nyǐnga ròngò ndùmùndúmú tí, ìnzǐ ìnga nala tí. Ndirò, kǎdù abádhí-afí nábhù rò'ò odú, akye dhu alána dòya, ràdù 'ùgèrè 'ùbhà fǐyó nzérénga, ndínǐ ndadù tí abádhí nígu nǐ.»

⁴¹Nabì Ìsayà núuno wòrì dhu Yěsù bhà ádrùngbǎnga tó awáwù ndì ndala angyangyi, ndàdù ɔte kà dǒ dhu-okú dò rò.

⁴²Pbétù, nabì Ìsayà núuno mbǎ wò dhu mà, ní Pbàyàhúdì tó ádròdrǒ ale nzínzi ǒ màtí, ábhǒ ale nyú náa'u Yěsù. Ní, abádhí adúnà nǐ òwu ndì dhu àvi rǒ kpanya, Pbàfàrisáyó-ɔdò nónzi ì ì dhu-okú dò rò, akye ka kadùna òwu 'ipfo, kodì ì unduta-idzá ǒ rò nídhunǐ.

⁴³Abádhí náazè ìndrǔ rǐ 'ifǔ dhu, ròsè Kàgàwà rǐ 'ifǔ dhu dònǎ.

Kàgàwà nítdià ìndrǔ-ànyǎ Yěsù bhà ɔte-bvù rǒ dhu

⁴⁴Wò dhu-dzidǒ, Yěsù apè ɔte ɔrú tǔna nyú nà, ndàti: «Ndi ale náapè ima ná'u, ní kà'ù nzá ima kèlě, pbétù kà'ù wà yà ima nivi mirà yà adzi ǒ ale mà átò.

⁴⁵Ndirò, ndì ale apè ima àlǎ, nála wà yà ima nivi yà adzi ǒ ale mà átò.

⁴⁶Ima, yà adzi ǒ awáwù tírò, ma mirà ndínǐ ìnzǐ ima nà'ù ale náadù tí àdi ínò ǒ.

⁴⁷Ndi ale náapè ma múno dhu ìri, ìnzǐ ndàdù ndì dhu níli afina ò, ní ndì ale-dǒ ràdù anya ɔtdì ní nǐ ima. Obhó tí, ma mirà nzá ndínǐ mitdì tí anya yà adzi ǒ ale dǒ, pbétù ma mirà ndínǐ ma migú tí yà adzi ǒ ale ìgǔ tí.

⁴⁸Ndi ale apè ima nódhò, ìnzǐ ndàdù ma múno dhu ná'ù, ní ndì ale nába wà ànyàna ɔtdì rí dhu. Yà ma múnò ɔte ní ndì kà-ànyǎ nòtdià yà adzi ǒ dhu-tsù rǐ ndòdì nínganì.

⁴⁹Obhó tí, yà ma marúnona dhu núno ma marí nǐ ràhu ùdù rò ma-tírò. Pbétù kǎráhu Àbadu Kàgàwà, yà ima nivi mirà yà adzi ǒ ale bhà rò. Ka nyú ndítirò ní ndì dhu nuyá idù ma màkǎ múnò dhu mà, ma màkǎ múnò ìndrǔ tò dhu mànà dhu dǒ.

⁵⁰Ndirò, ma m̀ni wà dhu yà kǎyǎ dhu rǎrǐ ndi dhòdhòdhóngá tó ípìrǒngá níbhò rádù ìndrǔ tò dhu. Ní, yà ma m̀nɔna dhu núnɔ ma mí àdhàdhì Àbadu Kàgàwà núnǎ ka idù dhu bhěyi.»

Yùwanì 13

Yěsù rǐ pb̀ndà ábhàlǐ-pfò nú'ò dhu

¹Tsútsǎ nínganí Pb̀yàhúdí tó Pásika tó m̀hendù ní'ina rórò, Yěsù unì dhu, yà adzi ǒ rò ndi ndí ndìvǎ, ndàrà Àbanà Kàgàwà bhà òná kàsúmì rǎkǎ wà. Ní Yěsù, yà atdíđǒ yà adzi ǒ arǐ'ì pb̀ndà ale nazè, náadù abádhí òzè tdítđǒ ìnzǐ rádù ìku àzè nǐ.

²Ní pb̀tsòngǎnǎ, Yěsù mà ní'ì ònyù-tsùnǎ pb̀ndà ábhàlǐ mànà. Nírò ní ndi Pfòmvo níitsu dhu Yudhà, Sìmonì Ìskàrìyotà t'ídhùnà-afí ò, ndínì Yěsù nìpfo tí ndàbhu òmvǔ-fó.

³Pbétù, Yěsù nyú núnì dhu, iwà Àbanà Kàgàwà ribho kóró dhu đǒ ádrùngbǎngá tó ɔbì fóná. Ndirò, kǔni wà dhu, ndi nyú ndi rírà Àbanà Kàgàwà-tí'ò rò, ní ndi rǎrǐ ndàdù Àbanà-tí'ò.

⁴Ní, Yěsù ivà ndi ònyù-tsùnǎ rò, ndìwà róná ɔrú mùdzarù, ndìli igi. Wò dhu-dzidǒ, kǎdù bĕrĕsĕ nídyì ndisǒ mvuna 'ò nǐ.

⁵Tdítdǒ, kǎdù idha ìdyì ndòdhò ádrùngbǎ sǎnì ǒ, ndàdù ndòpè ndù'o pb̀ndà ábhàlǐ-pfò nǐ, ndàdù àrà ùndonà rǒ yà mvuna 'ò ndi ndisòná nǐ bĕrĕsĕ nǐ.

⁶Ní, Yěsù níitdĕgu àrà àhu Sìmonì Péterù tí, ní Péterù adù dhu ìvu kà-tsǔ, ndàti: «Ínyi nyú pb̀kà Ádrùngbǎlé tírò, nyi nyòzè tí nyu'o pfǒdu?»

⁷Ní, Yěsù adù dhu àdu kàtò, ndàti: «Yà ma m̀onzina dhu núnǐ nyi nyí nzǐ kòmbí, pbétù, nyi nyaraya kùnì olù.»

⁸Ní, Péterù adù àtìnà Yěsù nǐ: «Nyi nyí nzǐ pfǒdu ù'ò akekpá màtí.» Ní, Yěsù adù dhu àdu kàtò, ndàti: «Ínzǐ ma mapé pfǒnu nú'ò, ní àlĕ kí'ì ìmbǎ ìrita nà ìnyi mànà.»

⁹Ní, Sìmonì Péterù adù dhu àdu Yěsù tò, ndàti: «Ádrùngbǎlé, wò dhu bhěyi kà rǐ'ì rò, nyi nyí nzǐ pfǒdu kĕlĕ nú'ò, pbétù, nyi nyí ɔtsádu mà, dùdu mànà nú'ò átò!»

¹⁰Ní, Yěsù adù àtìnà kǎnǐ: «Íwà ndi nù'o ale rǐ'ì mbǎ ndi ndi ndù'ò tdítđǒ dhu-atdyú nà. Pbétù kà rádù àkǎ ndù'o pfǒna kĕlĕ, iwà ndi ndilǎ kóró otu ǒ nídhunǐ. Nyǐ nyú, nyǐ nyilǎ wà Kàgàwà-nyìkpó ǒ. Pbétù, nyǐ kóró nyǐ nyilǎ nzá kà-nyìkpó ǒ.»

¹¹Obhó tí, Yěsù núnì ndìpfò rí ndàbhu ndi òmvǔ-fó ale angyangyi. Ndi dhu-okú dò rò ní ndi kǎti pb̀ndà ábhàlǐ nǐ: «Nyǐ kóró, nyǐ nyilǎ nzá Kàgàwà-nyìkpó ǒ.»

¹²Pb̀ndà ábhàlǐ-pfò ndi ndù'o dhu lutìnǎ, Yěsù adù yà róná rò ndi ndìwànà mùdzarù nídyì ndáfǒ róná, ndàdù ndàdu ònyù-tsù. Nírò ní ndi kǐvú dhu pb̀ndà ábhàlǐ-tsǔ, ndàti: «Nyǐ nyùnì tí ùnǐ yà ma m̀onzì rùkú dhu-tì?»

¹³Nyǐ nyárí ima nánzi M̀limò tí, ndirò Ádrùngbǎle tí. Ní ndi dhu ní obhó dhu. Obhó tí, ima ní ndi M̀limò. Ndirò, ima ní ndi Ádrùngbǎle.

¹⁴Nírò ima, fùkú Màmimò tírò nyú, ndírò fùkú Ádrùngbǎle tírò nyú, ma mù'ò pfõku rò, dhu àkǎ nyõngò pfõku ù'ò nzínziku ð átò.

¹⁵Obhó tí, yà fùkù ma mìtè dhu ní ófò, ndíní nyí nyongó tí dhu ònzì átò òdhíku rǒ yà rùkú ma mònzì dhu bhèyi.

¹⁶Ma mí obhó dhu núno fùkù: Kasutále bhà ádrùngbǎnga nósè nzá pbìndà kasu tó ádrùngbǎle bhà ádrùngbǎnga dònǎ. Ndirò, òvi ka kòvi ale bhà ádrùngbǎnga nósè nzá yà ndì nòvi ale bhà ádrùngbǎnga dònǎ.

¹⁷Kòní, kòmbí nyí nyèni wà kǒkò dhu. Ní, nyí nyádù hirò ònzì i dhu nyí nyònzì ní.»

¹⁸Tdítdǒ Yèsù adù àtìna pbìndà ábhàlǐ ní: «Ma mùnò nzá wò dhu okúku dò rò kóró. Ma mùni wà ima nyú ma mónvò nzínziku ð ale. Pbétù, Kàgàwà bhà Andítá arúnona dhu nákǎ rònzì ndì. Ndì Andítá arátina: «Yà atdíkpá mã marí dhu ònyu mànà ale, nóngò wà rùdú òmvù tí.»

¹⁹Ma mòvò wò dhu angyangyi fùkù, inzà ndì dhu àpè ndònzì rórò. Ndì dhu bhèyi ní ndì, ndì dhu rítsi ndònzì nínganí, nyí nya'uya dhu, ima rǎrǐ «Í'í arí'í ale.»

²⁰Ma mí obhó dhu núno fùkù: ma mòvò ale náko ale, náko wà ima átò. Ndirò, ima náko ale náko wà yà ima nivi mirà yà adzi ð ale átò.»

Yèsù rǐ Yudhà rǐ ndìpfò, ndàbhù ndì òmvù-fó dhu nóvò dhu

(Mát 26.20-25; Mrk 14.17-21; Luk 22.21-23)

²¹Wò dhu bhèyi ndì ndòtè dhu-dzidǒ, Yèsù-afí náadù àdi ndàmbe inga níre dǒ atdítdǒ. Ní, kǎdù dhu òvò kpangba pbìndà ábhàlǐ tò, ndàti: «Ma mí obhó dhu núno fùkù. Nzínziku ð atdí ale rǐ ndì mipfò, ndàbhù ma òmvù-fó.»

²²Ní, Yèsù bhà ábhàlǐ adù òko, 'àmbe 'àndà dǒ nzínzìya ð, inzǐ 'àdù àdhi dǒ màtí kà rǒte dhu núni.

²³Wò ndì kàsùmì ð, yà atdítdǒ Yèsù ózè pbìndà ábhàlǐ nzínzì ð atdí ábhàlǐ ní'í Yèsù-tí ndì ndàdi ònyù-tsùnǎ ró.

²⁴Ní, Sìmonì Péterù adù kàvi ìwina ð rìvù dhu Yèsù-tsǔ, rǎrǐ àdhi ndì kà rǔbhi òte rǒ dòná.

²⁵Ní, wò ábhàlǐ adù ndìlò Yèsù dò, ndàdù dhu ìvu kà-tsǔ, ndàti: «Ádrùngbǎlé, ádhi ndì?»

²⁶Ní, Yèsù adù dhu àdu kà tò, ndàti: «Ndì ale ní yà ma mí mùgatì-afà nídyì modù supù ò, madù àbhunà fìndà ale.» Nírò ní ndì Yèsù adù mùgatì-afà nídyì, ndòdù supù ò, ndàdù àbhunà Yudhà, Sìmonì Ìskàriyotà t'ídhunà tò.

²⁷Yudhà níitdègu wò mùgatì-afà àkǒ, ní Sitanì adù òtsù kà-afí ò. Ní Yèsù adù àtìna Yudhà ní: «Wò nyi nyòzè nyonzi dhu, nákǎ nyonzi tsàkàtsàkà.»

²⁸Kǒkò uró ì'í ale nzínzì ð, atdí ale mà núni nzá àdhu-okú dò rò màtí Yèsù rǐ wò dhu núno kà tò dhu.

²⁹Yà fùrangà tó ísòwǎ nódò Yudhà arí dhu-okú dò rò, abádhí nzínzì ò atdídhená ale náadù dhu àtì, Yèsù àvi ka rùdzì m̀hèndù tò àkǎ kudzì dhu dhu tí. Ndirò ngǎtsi nǎ, abádhí adù dhu àtì Yèsù àvi ka rùndò fùrangà nǎkùtále tò dhu tí.

³⁰Pbétù, m̀gatì-afà ndì ndàkò Yèsù-fó rò, ndàdù ònyùnà dhu-dzidò, Yudhà náadù àhu dòtsí ndàrà. Wò ndì kàsùmì ò, inga náadù ì'ì iwà ndì ndàtì ró.

Uyátá-owútá

³¹Yudhà àhu idza rò dhu-dzidò, Yèsù adù àtìná pbìndà ábhàlì nǎ: «Kòmbí nga ní ndì Ìndrù t'ídhùnà-òvò ilè ndì nǎ. Ndirò, kòmbí nga ní ndì Kàgàwà-òvò ilè ndì kà-nyutsì nǎ.

³²Kàgàwà-òvò náapé ndilè kà-nyutsì, ní Kàgàwà adùya kòvò àbhu rilè ndì átò nyùnatsì, ndirò kàrǎ ndì kòvò àbhù rilè ndì kòmbí tí.

³³Pbànǎnzó, àlè kí'ì atdíkpá nyí mànà ákè kàsùmì kèlè tí. Nyí nyí m̀one òne. Ní àdhàdhì yà ma m̀nò Pbàyàhúdì tò dhu bhèyi tí, ma m̀tina nyí nǎ átò, yà ma m̀rà ì nyí rǎrǎ nzì adù òwu ùvò.

³⁴Ní, kànì fùkù ma m̀bhà uyátá owútá: nyòzè nyí nzínziku ò. Àdhàdhì yà ima nyú ma mòzè nyí dhu bhèyi, dhu àkǎ nyòzè nyí átò nzínziku ò.

³⁵Nyí nyapé nyòzè nzínziku ò, nírò ní ndì kóró ale rǎdù dhu ùnì, nyí rǎrǎ pbàkà ábhàlì nyú.»

Yèsù rǎ Péterù rǎ ndòdho dhu nòvò dhu

(Mát 26.31-35; Mrk 14.27-31; Luk 22.31-34)

³⁶Wò dhu-dzidò, Sìmonì Péterù adù dhu ìvu Yèsù-tsù, ndàtì: «Ádrùngbǎlé, nyí nyàrà àdhà?» Ní, Yèsù adù dhu àdu kàtò, ndàtì: «Nyí nyí nzì ìrà owùdu ò kòmbí, yà ma m̀rà ì. Pbétù, nyí nyaraya ìrà owùdu ò olù.»

³⁷Ní Péterù adù dhu ìvu tdítò kà-tsù, ndàtì: «Ádrùngbǎlé, ádhu ìnzì ma m̀rà kòmbí owùnù ò okúna dò rò? Ma mòzè wà miwí pbàkà ìpìrǎnga okùnù dò rò.»

³⁸Ní, Yèsù adù dhu ìvu kà-tsù, ndàtì: «Ìnyì nyú nyí nyòzè tí wà nyiwí pbùkù ìpìrǎnga okúdu dò rò? Ma mí obhó dhu núnò ìndù, ìnzá à'ù-akpà nǎpè òngò rórò, nyí nyí'ina iwà nyí nyòdho ma ìbhu-gùna, nyàtì ìnzá nyí rúnì ma ró.»

Yùwanì 14

Yèsù ní Kàgàwà-tí'ò rǎ ìndrù àbhù rǎrà àhu otu dhu

¹Yèsù adù àtìná tdítò pbìndà ábhàlì nǎ: «Ìnzì nyàbhu afíku rìrè inga abho. Nyí nyàkǎ nyá'ù Àba Kàgàwà, ndirò nyí nyàkǎ nyá'ù ma átò.

²Àba Kàgàwà bhà idzá, òyá ka kóko ngari rǎ'ì abho. Ìmbǎ kà rǎ'ì ndì dhu bhèyi nánì, ma m̀mbènà nzì àtina ma rǎrà wà ngari òbhòlò fùkù.

³Ndirò, ma m̀rà, madù ngari òbhòlò fùkù rò, ma mí madù àdù mirà nyùgù, ndínì ma m̀rà àdì ró, nyí nyadùya tí òwu òko átò.

⁴Ndirò, yà ma m̀rà ì rǎrà otu nyí nyúnì wà.»

⁵Ní, Tùmasì adù àtìnà Yěsù nǐ: «Ádrùngbǎlé, mǎ m̀̀ni nzá nyi nyára i nga. Olu, mǎ mǎdù ányì rǎrà otu núni ìngbà dhu bhěyi?»

⁶Ní, Yěsù adù dhu àdu kà tò, ndàti: «Ìma ní ndi otu, obhóna, ndirò ípìróna. Atdí ale mà rǐ nzǐ àdù àrà àhu Àbadu Kàgàwà i, inzá ndi ndùdà otùdu ònǎ rórò.

⁷Dhu apé ì'ì iwà nyǐ nyúni ma dhu tí, ní nyǐ nyúni wà Àbadu átò. Ní, ròpè ndi kòmbí, nyǐ nyúni wà ka, ndirò nyǐ nyàla wà ka.»

⁸Ní, Fìlipò adù àtìnà Yěsù nǐ: «Ádrùngbǎlé, itè pé ndi Àbanu mǎ rǎla, wòrí kèlě ní ndi àkǎ àkǎ fǎkà dhu.»

⁹Ní, Yěsù adù dhu àdu Fìlipò tò, ndàti: «Hòkò, Fìlipò! Àlě kókò wà nyǐ mànà ábhò idhò nyú tí, ní nyi nyàpè tí nzá m̀̀ni? Ìma nála ale, nála wà Àbadu átò. Ní ìngbà dhu bhěyi dhu nyi nyádù àtìnà, ma ritè pé Àbadu nyala nǐ?

¹⁰Nyi nyà'ù tí nzá dhu, ma rǎrǐ'ì Àbadu-nyutsi, ndirò Àbadu rǎrǐ'ì nyudutsi? Yà ma maráwěna fùkù dhu ní nzǐ ùdù rò àhu dhu. Pbétù, yà nyudutsi arádi Àbadu ní ndi arí pbìndà kasu ònzi.

¹¹Nyà'u ima, yà ma mátina nyǐ nǐ, ima rǎrǐ'ì Àbadu-nyutsi, ndirò Àbadu rǎrǐ'ì nyudutsi rò. Ìmbǎ kǐ'ì ndi dhu bhěyi rò, nyà'u ima yà nyudutsinǎ rò rí ndònzì kasu-okú dò rò.

¹²Ma mí obhó dhu núno fùkù: ndi ale apé ima ná'u, ní yà ma márónzina kasu nónzì ndi ale rǎdù ònzi átò. Ndirò, kà rǎdù kònzì abhò nyú ròsè yà ma márónzina-tsí dònǎ, Àbadu bhà ma mǎrà nídhunǐ.

¹³Òvòdu rǒ nyǐ nyònzì kóró dhu-tsí, nónzì ma móngo ònzi, ndínǐ Àbadu-òvò náadù tí ndilè Idhùnà-nyutsi.

¹⁴Nyǐ nyapé óngo dhu nónzì fudú òvòdu rǒ, nónzì ma móngo ònzi fùkù.»

Yěsù rǐ Kàgàwà rǐ Ìlǎ-Alafí níbhò dhu nóvo dhu

(Yùw 16.5-15)

¹⁵Tdítdǒ, Yěsù adù àtìnà pbìndà ábhàlǐ nǐ: «Nyǐ nyapé ì'ì ima nyǐ nyóze dhu tí, ní nyǐ nyàkǎ nyǐfu pbàkà uyátá.

¹⁶Ìma, ma mí Àbadu Kàgàwà nónzì rìbhò ngǎtsi Mùdzùnàba fùkù, ndínǐ nyǐ nyongó tí òko mànà dhòdhóhónganà.

¹⁷Ka ní obhóna núdhě arí ìndrù tò Ìlǎ-Alafí. Obhó tí, yà adzi ǒ ale rǐ nzǐ àdù kàkò, ìnzǐ ì í kàlǎ, ndirò ìnzá ì úni ka dhu-okú dò rò. Pbétù nyǐ, nyǐ nyúni wà ka, atdíkpá nyǐ nyaróko ka mànà, ndirò afìku ò kǎrádi dhu-okú dò rò.

¹⁸Ma mí nzǐ nyǔbha ìzù tí, ma míngo ìngo tikù ò tdítdǒ.

¹⁹Ìnzá òtrò idhò ǒ, yà adzi ǒ ale rǐ nzǐ malǎ tdítdǒ. Pbétù nyǐ, nyǐ nyí malǎ àlǎ, inè ma mi'iyà nyǐkpódu nà, ndirò inè nyǐ nyí'iyà nyǐkpóku nà átò dhu-okú dò rò.

²⁰Ndi idhò rǎkǎ nínganí ní ndi, nyǐ nyuniya dhu, ima rǎrǐ'ì inè Àbadu-nyutsi, nyǐ rǎrǐ'ì inè nyudutsi, ndirò ma rǎrǐ'ì inè nyukutsi.

²¹Pbàkà ɛyátá nà'ù, ndàdù ifunà ale, ní ndi ma nózè ale. Ima nózè ale, nózè Àbadu rādù átò. Ndirò, ma mādù kòzè átò, madù mitè fīndà.»

²²Nírò ní ndi Yudhà, ìnzì ní Yudhà Ìskàriyotà, níivú dhu Yēsù-tsù, ndàti: «Ádrùngbǎlé, ádhu ndi nyi nyádù nyitè fákà tí, ìnzì nyadù nyitè yà adzi ǒ ngǔkpà ale tò nǐ?»

²³Ní, Yēsù adù dhu àdu kàtò, ndàti: «Ndi ale náapé ima nózè, ní ndi ale rādù ma múnona dhu nífu. Àbadu rādù ndi ale nózè átò. Ndirò, mǎ mādù iwu Àbadu mànà ndi ale bhà, mādù mǎ móko róngà nóbhòlò kàbhà.

²⁴Pbétù, ìnzì ndi ale náapé mozè, ní rǐ nzì àdù ma múnona dhu nífu. Yà nyǐ nyírina ma múnona ró dhu ní rǐ nzì àhu ùdù rò. Pbétù, kà rǎhu yà ma nívi Àbadu ò rò.

²⁵Kòní, ma múnò ndi dhu fùkù, àdì ma màdì nzínzìkù ǒ rórò.

²⁶Ní, Àbadu rǐvina ɔvòdu rǒ Mùdzùnàba, Hǐlǎ-Alafí, rǒngo kóró dhu núdhe fùkù, ndàdù àrà yà fùkù ma múnò kóró dhu nábhu rǒ nyǐrè.

²⁷Ma mǔbhà màrùngà fùkù, ma màbhù pbàkà màrùngà nyú fùkù. Ndirò, ma màbhù nzá ka fùkù àdhàdhì yà adzi ǒ ale náará kàbhù ìndrù tò òná ófò ǒ. Ní, afìkù àkǎ nzá ndirè nga abhò, ndirò nyǐ nyàkǎ nzá nyǒnzì ɔdò.

²⁸Nyǐ nyírì wà yà fùkù ma múnò dhu, mati: «Ma màrà wà, ndirò ma mí madù àdù tíkù ò.» Ní nyǐ nyí'íná gukyè ima nyǐ nyózè dhu tí, ní idhèkù àmbènà ndìkǎ ìkǎ tí Àbadu ì ma márà rò. Obhó tí, ndi Àbadu bhà ádrùngbǎnga nósè wà pbàkà ádrùngbǎnga dònǎ.

²⁹Kòní, ma múnò wà ka fùkù kòmbí ìnzá ndi dhu àpè ndònzì rórò, ndínǐ ndi dhu rǐ ndònzì nínganí, nyǐ nyadùya tí dhu à'ù.

³⁰Ma mí nzì òte abhò nyǐ mànà tdítǒ. Obhó tí, kòní yà adzi ǒ kamà Pfòmvo rǐrà. Pbétù, rùdú kà rǒnzina atdí dhu mà rǐ'ì mbǎ.

³¹Pbétù, kà rǐrà, ndínǐ yà adzi ǒ ale núuni tí dhu iwà ma rózè Àbadu, ndirò ma rarí dhu ònzì kǔyǎ idù dhu bhèyi. Nírò, nyìvǎ nyǐ, kòwu iró rò.»

Yùwanì 15

Yēsù rǐ ndàti vǐnyò-kpa nyú tí dhu

¹Wò dhu-dzidǒ, Yēsù adù àtìnà pbìndà ábhàlǐ nǐ: «Ima ní ndi vǐnyò-kpa nyú . Ndirò, Àbadu Kàgàwà ní ndi vǐnyò-kpa-ngbò òbhòlò arí ale.

²Ní kóró ɔpbídu, yà ìnzì arí itsu-kpǒ ì'ǒ, nú'a kà rādù ù'ǎ tí rùdú rò. Ndirò, yà mbèyi arí itsu-kpǒ ì'ǒ ɔpbídu-ngbò núwa kà rādù, ndínǐ adù tí itsu-kpǒ ì'ò abhò nyú tdítǒ.

³Ní nyǐ, ɔpbídu tírò, nyǐ nyílǎ wà Àbadu-nyìkpó ǒ, yà fùkù ma móvò ɔte-okú dò rò.

⁴Nírò, dhu àkǎ nyòkò nyudutsì, àdhàdhì ma marádi nyukutsì dhu bhèyi. Vǐnyò-ɔpbí rǐ nzì àdù ò'ò, ìmbǎ ndi ndí'ì ndi vǐnyò-kpa rǒ rórò. Ní, ndi dhu bhèyi tí, nyǐ nyí nzì àdù atdí dhu mà nónzì ìnzá nyǐ nyòkò nyudutsì rò.

⁵Ima ní ndi vinyò-kpa, ndirò nyí ní vinyò-ɔpbí. Ní, nyudutsi rádi, madù àdi nyunatsi ale, rǎdù itse nódhì abhò nyú. Obhó tí, inzá nyí nyòkò nyudutsi rò, nyí nyí nzǐ àdù atdí dhu mà nónzì.

⁶Inzá àdi nyudutsi ale, nóbvù ka kádù igi, àdhàdhì yà inzǐ arí itsu-kpǒ ì'ǒ vinyò-ɔpbí nù'á ka karí, kadù òbvùnà igi dhu bhěyi. Kà rǎdù ɔtdyù, kadù àndunà kawà kàzɛ ò, rǎdù ògbe.

⁷Pbétù, nyí nyapé òko nyudutsi, nyǎdù pbàkà ɔte nódò afíkɛ ò, ní nyònzì nyí nyòzè kóró dhu Àbadu-fó, ní ka rǎdù ndi dhu àbhɛ fǔkù.

⁸Nyí nyapé ídzì kasu tó itse nódhì abhò, nyǎdù dhu itè nyí rǎrǐ pbàkà ábhàlǐ nyú, ní Àbadu-ɔvò rǎdù ndilè.

⁹Àdhàdhì Àbadu ózè ma dhu bhěyi, ma móze nyí átò. Ní dhu àkǎ nyòkò ndi ma móze nyí nǐ àzè ǒ.

¹⁰Nyí nyapé pbàkà uyátá nífù, ní nyí nyǎdù òko nyí ma móze nǐ àzè ǒ, àdhàdhì ma mífɛ Àbadu bhà uyátá, madù àdi kóze ma nǐ àzè ǒ dhu bhěyi.

¹¹Ma múnò wò dhu fǔkù ndínǐ nyí nabhù tí nyí'ì pbàkà dhèdhe nà, ndi fǔkù dhèdhe rǎdù àkǎ.

¹²Yàrí ní ndi pbàkà uyátá fǔkù: «Nyòzè nyí nzínziku ǒ, àdhàdhì ma móze nyí dhu bhěyi.»

¹³Ìndrù rǐ ndàdzì ndòvè ɔdhína tó ngari ǒ nǐ àzè dònǎ róse ngǎtsi àzè rǐ'ì mbǎ.

¹⁴Nyí nyǎdù òko ɔdhídu tí, yà fǔkù ma mùyǎ dhu nyí nyífɛ rò.

¹⁵Ma mí nzǐ nyǎnzì tdítǒ pbàkà kasutále tí, inzǐ kasutále rǎdù pbìndà kasu tó ádrùngbǎle rǎnzina dhu núnì nídhunǐ. Pbétù, ma mǎrǐ nyǎnzì ɔdhídu tí, Àbadu-tsù ma mìrǐ dhu ní ma móvò wà kóró fǔkù nídhunǐ.

¹⁶Ìnzǐ ní nyí ndi nyí nyóvò ma, pbétù ima ní ndi ma móvò nyí. Ní, ma mòvì nyí nyòwù, ndínǐ nyí nyòdhi tí dhòdhódhonganà róngo àdi itse. Ndi dhu bhěyi ní ndi, Àbadu rǎdù fóná nyí nyònzì ɔvòdu rǒ kóró dhu-tsí nábhu fǔkù.

¹⁷Nírò, fǔkù ma mùyǎ dhu ní, nyí rǎkǎ nyòzè nyí nzínziku ǒ.»

Yà adzi ǒ ale rǐ Yèsù mà pbìndà ábhàlǐ mà nà nóndrò dhu

(Mát 10.22-33; Yùw 16.1-3,33)

¹⁸Tdítǒ Yèsù àdù àtìnà pbìndà ábhàlǐ nǐ: «Yà adzi ǒ ale náapé nyòndrò, ní nyùnì dhu abádhí róndrò wà ima átò angyinǎ rò fǔkù.

¹⁹Nyí nyí'iyana gukyè yà adzi ǒ ale tí, ní abádhí áduyana nyòzè òzè tí, fǐyó ale ní nyí nídhunǐ. Pbétù ima, ma móvò nyí abádhí nzínzì ǒ rò, mulì nyí igi. Ní nyí ní nzǐ yà adzi ǒ ale tdítǒ. Ní ndi dhu-okú dò rò ní ndi abádhí óndrò nyí.

²⁰Nyirè pé yà fǔkù ma múnò dhu, mati: Kasutále bhà ádrùngbǎnga rósè nzá pbìndà kasu tó ádrùngbǎle bhà ádrùngbǎnga dònǎ. Ní, dhu apé ì'ì abádhí ávu rùdú dhu tí, ní

abádhí rávu àvũ rùkú átò. Ndirò, dhu apé ì'ì abádhí ífũ ma múdhe fíyò dhu dhu tí, ní abádhí rĩ nyĩ nyúdhèna fíyò dhu nífũ ífũ átò.

²¹Obhó tí, abádhí rǒngo kórò kǒkò dhu ònzì rùkú okúdu dò rò, inzà ì ùni ima nívi mirà yà adzi ǒ ale dhu-okú dò rò.

²²Inzá ma mirà yà adzi ǒ, madù dhu òvò abádhí tò nánĩ, abádhí únìyana nzĩ nzérenga nà ì í'ì dhu. Pbétù, kòmbí abádhí dǒ ka kí izu àbà kubà fíyò nzérenga tí dhu rĩ'ì mbà.

²³Ima nòndrò ale nòndrò wà Àbadu átò.

²⁴Inzá ma mónzì yà inzà atdí ale mà nápè ònzina dhu abádhí nzínzì ǒ nánĩ, abádhí únìyana nzĩ nzérenga nà ì í'ì dhu. Pbétù, kòmbí abádhí àla wà ma mónzì dhu. Ní iwà ì àla ì dhu rórò màtí, abádhí òko òko ima ì óndrò, 'adù Àbadu nòndrò átò ró.

²⁵Abádhí ónzì kòrí dhu kórò, ndínĩ fíyò uyátá ò ka kuno dhu náaká tí. Ndi uyátá ò ka katì: «Abádhí óndrò ima ìmbà tĩná na .»

²⁶Tdítdǒ Yèsù adù àtìna pbìndà ábhàlĩ nĩ: «Àbadu Kàgàwà-tí'ò rò, ma mí Mùdzùnàba nívi ìvi fùkù. Ndi Mùdzùnàba ní kà bhà rò rìrà obhóna tó ìlĩlǎ-Alafí. Ní kà rìrà àhu rò, ka ní'íya ndi pbàkà ngàmbì.

²⁷Ndirò, nyĩ nyú mà átò, nyĩ ní'íya pbàkà ngàmbì, yà ndi napèna rò, àlě karí'ì inè atdíkpá nyĩ màna dhu-okú dò rò.»

Yùwanì 16

¹Tdítdǒ, Yèsù adù àtìna pbìndà ábhàlĩ nĩ: «Ma mòvò wò dhu angyangyi fùkù, akye nyĩ nyowuya nyàwà fùkú a'uta ǒ rò nĩ.

²Ka kowuya nyípfo rǒ, kodì nyĩ unduta-dzà ǒ rò. Ndirò, yà rìrà kàsùmì ǒ, nyǒkye rí ale nóowuya dhu ùni rǒ Kàgàwà rǎrĩ yà ì ùlěna.

³Ndirò, abádhí owuya ndi dhu ònzì rǒ inzà ì ùni Àbadu Kàgàwà mà, ndirò inzà ì ùni ima mà dhu-okú dò rò.

⁴Nírò, ma mòvò wò dhu angyangyi fùkù, ndínĩ ndi kàsùmì rǎkǎ rò, nyĩ nyirèya tí dhu, iwà ma ravò ka fùkù.»

Kàgàwà bhà ìlĩlǎ-Alafí-kàsũ

Yèsù adù àtìna tdítdǒ pbìndà ábhàlĩ nĩ: «Ma mòvò nzà wò dhu angyangyi fùkù, òko àlě kòko atdíkpá nyĩ màna dhu-okú dò rò.

⁵Nírò, kànĩ kòmbí ma màdu wà ma yà ma nívi mirà yà adzi ǒ ale-tí'ò. Ndirò, nzínziku ǒ atdí ale mà nívũ nzà dhu tsùdú, ndàtì: «Nyĩ nyàrà àdhà? »

⁶Obhó tí, wò dhu bhèyi mà mòvò fùkù dhu nábhũ wà nyĩ izu rùka nyĩ atdítdǒ!

⁷Nírò, kànĩ ma mí obhó dhu nóvò fùkù kòmbí: ídzì dhu tí àkǎ atdítdǒ fùkù dhu ní marà Àbadu Kàgàwà-tí'ò. Obhó tí, inzà ma màrà kà-tí'ò rò, kàbhà rò àmbènà ìrà Mùdzùnàba rĩ nzĩ àdù ìrà tiku ò. Pbétù, ma mapé àrà, ní ma màdù ndi Mùdzùnàba nívi ìvi rìrà tiku ò.

⁸Ní kà rǐrà àhu rò, kà rǒngo yà adzi ǒ ale tó nzérenge nítè abádhí tò, ndàdù abádhí àkàná 'ùbhi òná obhónánga tó otu nítè abádhí tò. Ndirò, kà rǒngo àdù Kàgàwà nítèdìya anya ìndrù-dǒ tí dhu nítè átò abádhí tò.

⁹Kà rǒngo ìnzá abádhí ná'ù ima dhu tó nzérenge nítè abádhí tò.

¹⁰Kà rǒngo obhónánga nítè fùkù, ma mí madù Àbadu-ti'ò, ìnzǐ nyàdù òwu ma àla rǒ tdítǒ nídhunǐ.

¹¹Ndirò, kà rǒngo Kàgàwà rǐ anya ìtdì ìndrù dǒ tí dhu nítè, iwà kǎtdì anya angyangyi yà adzi ǒ ádràngbǎle Pfòmvo dǒ dhu-okú dò rò.

¹²Ma mí'ì ìnè fùkù ma múnɔna tdítǒ ábhǒ dhu nyú ná. Pbétù, i dhu rǐ nzǐ àdù dùku àlu kòmbí.

¹³Ndi Ìlǐlǎ-Alafí, yà obhónge nítè rí ìndrù tò rǐrà àhu rò, kà rǒngo nyǎndà kóró obhónge tó otu ǒ. Obhó tí, kà rǐ nzǐ ongo òná rò nyú àhu dhu núnò ìndrù tò. Pbétù, kà rǒngo ùnòná fùkù dhu ní Àbadu-tsǔ ndì ndírina dhu. Ndirò, kà rǒngo òvòná fùkù dhu ní ì nɔnzìya dhu.

¹⁴Kǎraya ɔvòdu nábhɔ rǒ rìlè ndì, ma maraya dhu náwe rǒ kà tò, kà ràdù ùdàná fùkù dhu-okú dò rò.

¹⁵Àbadu-fó rí'ì kóró dhu ní pbàkà dhu. Ndi dhu-okú dò rò ní ndì ma màti nyǐ nǐ, obhónge tó ndì Ìlǐlǎ-Alafí raraya ma màwe fǐndà dhu nùdà rǒ fùkù.»

Yèsù bhà ábhàlǐ tó izu rǐ ndùgèrè ndòngò dhèdhe tí dhu

¹⁶Tdítǒ, Yèsù adù àtinà pbìndà ábhàlǐ nǐ: «Ngúfe idho ǒ, nyǐ nyí nzǐ malá. Ndirò, ngúfe idho dzidǒ, nyǐ nyí malá àlǎ tdítǒ.»

¹⁷Ní, kàbhà ábhàlǐ nzínzì ǒ atdídhená ale náadù 'òpè 'òngù dhu tsùyá nzínzìya ǒ, 'àmbe àtinà dǒ: «Wò kà ráwèna àlè tò dhu-tì ní àdhu? Kà rǎtina: «Ngúfe idho dzidǒ, nyǐ nyí nzǐ malá, ndirò ngúfe idho dzidǒ, nyǐ nyí malá àlǎ tdítǒ.» Ndirò, kà rǎtina átò: «Ma mǎrà Àbadu Kàgàwà-ti'ò.»»

¹⁸Abádhí adù òko, 'àmbe dhu òngù dǒ tsùyá tdítǒ, 'àmbe àtinà dǒ: «Wò kà rǎnɔna ngúfe idho-tì nyú ní àdhu?» Ní, abádhí adúnà òwu dhu àdu rǒ ìtírò tí, 'àti: «Ìnzá àlè kùni wò kà rǎnɔna dhu-tì.»

¹⁹Ní, Yèsù unì dhu abádhí rǎrǐ dhu ònzi ndínǐ ì ivú tí dhu tsúná. Ní kǎdù dhu ìvu abádhí-tsǔ, ndàti: «Nyǐ nyátí dhu òngù tsùkú nzínzìku ǒ, yà ma mùnò dhu dǒ? Ma màti, ngúfe idho dzidǒ nyǐ rǎrǐ nzǐ malá, ndirò, ngúfe idho dzidǒ, nyǐ rǎrǐ malá àlǎ tdítǒ.

²⁰Ma mí obhó dhu núnɔ fùkù: Nyǐ nyɔdzìya, izu ràdù nyùka atdídǒ fùkù àpbè-okú dò rò. Pbétù, ndi dhu adùya yà adzi ǒ ale-idhè nábhɔ rǐka ndì ìkǎ tí. Ndirò, nyǐ nyokoya izùku ǒ, pbétù fùkù izu náadùya ndùgèrè, ndòngò dhèdhe tí.

²¹Òna rǐ ndàkà tsìbhále, náaróngo ì'ì izu ǒ, ndì ndí ndùgu òná kàsùmì nínù wà ndì nídhunǐ. Pbétù ndì ndùgù ndì rò, kà rǐ nzǐ àdù yà ndì ndàbàná àpbè nírè tdítǒ, ngbángba ndì ndùgù yà adzi ǒ dhu ìka idhèna dhu-okú dò rò.

²²Nírò, nyí nyú mà átò, nyí nyí'ì izu nà kòmbí. Pbéù, ma mí nyǎǎ àlǎ tdítdǒ. Nírò ní ndi idhèku níikaya ndi, ìnzí atdí ale mà ràdù ndi fùkú dhèdhe nótdì.

²³Ndi idho rírà nínganí, nyí nyowuya nzí atdí dhu mà nívu rǒ tsùdú. Ma mí obhó dhu núno fùkú: òvòdu rǒ nyí nyònzì kóró dhu, nábhù Àbadu Kàgàwà rǒngò àbhù fùkú.

²⁴Rírà àhu kòmbíngà ò, nyí nyàpè nzá atdí dhu mà nónzi kà-fó òvòdu rǒ. Nírò, nyòngò dhu ònzì kà-fó, ní kà rǒngò àdù ndi dhu nábhù àbhù fùkú, ndíní idhèku náadù tí ndíka atdítdǒ.»

Yèsù ràtina iwà ndi rǒnzì yà adzi lè mà dhu

²⁵Yèsù adù àtìnà tdítdǒ pbìndà ábhàlǐ nǐ: «Ma múnò kǒkò dhu fùkú mbólí ǒ. Pbéù, kàsùmì rírà ìrà, yà ìnzí ma mǒngò dhu òvò òná fùkú mbólí ǒ. Ndi kàsùmì ǒ, ma mǒngò Àbadu Kàgàwà dǒ dhu nóvò kpangba fùkú.

²⁶Ndirò, ndi kàsùmì ǒ, nyí nyóngò dhu ònzì òvòdu rǒ Àbadu-fó. Ma màti nzá nyí nǐ, ma rǎrǐ ndi òngò mitsò Àbadu rǒ okúku dò rò.

²⁷Obhó tí, Àbadu nyú ndítirò nózè wà nyí, nyí nyóze ima, nyàdù dhu à'ù, ma rírà Kàgàwà-tí'ò rò dhu-okú dò rò.

²⁸Ima nyú, ma mirà Àbadu-tí'ò rò, mirà àhu yà adzi ǒ. Ní kòmbí, ma mí mivà yà adzi ǒ rò, madu ma kà i.»

²⁹Ní, Yèsù bhà ábhàlǐ àdù àtìnà kà nǐ: «Kòñí, kòmbí nga ní ndi nyi nyòtè kpangba fàkà, ìnzí nyùnò atdí dhu mà mbólí ǒ nǐ.

³⁰Ndirò kòmbí mà múnì wà dhu, nyi rúnì wà kóró dhu, ndirò nyi rǎrǐ ìndrù rǐrèna ndíní ndi ndivú tí dhu núñ angyangyi. Ndi dhu-okú dò rò ní ndi, mà mà'ù wà dhu nyi rírà Kàgàwà-tí'ò rò.»

³¹Ní, Yèsù àdù dhu ìvu abádhí-tsù, ndàti: «Nyí nyà'ù tí wà dhu kòmbí?

³²Kàní kàsùmì rírà, ndirò, ndi kàsùmì nyú náká wà. Ní, nyí nyí nyíndà rùdú rò, ngàtsi ale ròdyi otùna, nyàdù mubhà atdírdò. Pbéù, ma mí nzí mubha atdírdò, ìnè Àbadu rǐ'ì atdíkpá ima màná nídhunǐ.

³³Ma mòvò wò dhu fùkú ndíní nyí nyabá tí màrùngà nyudutsì. Obhó tí, yà adzi ǒ nyí nyí àpè nába àbà. Pbéù, àpé nyònzì odo, ma mònzì wà yà adzi-lè mà nídhunǐ.»

Yùwanì 17

Yèsù rǐ ndítsò Àbanà rǒ pbìndà ábhàlǐ-okú dò rò dhu

(Ròm 8.34; È`br 7.24-25)

¹Wò dhu bhèyi ndi ndòtè dhu-dzidǒ, Yèsù agéré ndi, ndàndà òrù-akpà ò nga, ndàdù ndítsò, ndàti: «Àba Kàgàwà, kàsùmì náká wà. Ní, ábhù Idhùnù-òvò rìlè ndi, ndíní Idhùnù adù tí òvònu àbhù rìlè ndi átò.

²Nyi nyábhù ka rǐ'ì ádrùngbǎnga tó òbi nà kóró ale dǒ. Ndi dhu bhèyi ní ndi, kà rǒngò dhòdhóhóngà tó ìpìrǒngà nábhù fóná nyi nyábhù kóró ale tò.

³Ndi dhòdhòdhóngá tó ípìrǒngá ní: abádhí rùni inyi kèlě atdíró rǎrǎ ndi obhóná Kàgàwà, ndirò abádhí rùni Yèsù Krístò, yà nyívi rǎrà yà adzi ǒ ale.

⁴Ma mábhu wà ɔvònu rilè ndi yà adzi dǒ, madù yà fudú nyi nyibho ndíní ma mǎnzi tí kasu nónzi mítò.

⁵Ní kòmbí, inyi Àbá, ábhù ɔvòdu rilè ndi tinú ò, àdhàdhì yà inzà nyi nyàpè yà adzi òbhòlo rórò, ɔvòdu nílè ndi tinú ò dhu bhěyi.

⁶Ma mábhu wà ɔvònu, yà adzi ǒ ale nzínzi ǒ rò nyi nyóvò, nyibhò fudú ale rùni. Abádhí ní'ì pbùkù ale, ní nyi nyádù abádhí níbhò fudú. Ndirò, abádhí nódò wà pbùkù ɔte affiya ò.

⁷Ní kòmbí, abádhí nùni wà dhu, yà fudú nyi nyíbhò kóró dhu ráhu funú rò.

⁸Obhó nyú, ma múdà wà yà abádhí tò ma múdà tí nyi nyíbhò fudú ɔte abádhí tò, abádhí ràdù àkòná mběyi nyú. Abádhí únì wà dhu, obhó tí ma rǎrà tinu ò rò, 'àdù dhu à'ù átò nyi rívi ndi ima.

⁹Abádhí-dǒ nga ní ndi ma mí mitsò ní. Ma mí nzí mitsò yà adzi ǒ ngǔkpà ale-dǒ. Pbétù, ma mí mitsò yà fudú nyi nyíbhò ale dǒ, pbùkù ale tí abádhí rǎ'ì dhu-okú dò rò.

¹⁰Kóró ale, yà fudú rǎ'ì ní pbùkù ale, ndirò yà funú rǎ'ì kóró ale ní pbàkà ale. Ndirò ɔvòdu náarí ndilè abádhí-nyutsi.

¹¹Àbá, ma mí nzí àdi tdítdǒ yà adzi ǒ. Pbétù, abádhí nóko òko yà adzi ǒ. Ndirò kòmbí ma mǎrà tinu ò. Ní Hǐlǎ Àba Kàgàwà, ódo abádhí yà dùdú nyi nyóvò ɔvònu-òbì ní. Ndi dhu bhěyi ní ndi, abádhí ràdù òko atdí ale tí, àdhàdhì àlě ní atdí ale inyi mǎnà dhu bhěyi.

¹²Yà abádhí mǎnà mǎ mí'ì atdíkpà òná kàsùmì ǒ, ma mòdò abádhí, yà dùdú nyi nyavò ɔvònu-òbì ní. Ndirò, ma mòdò abádhí mběyi nyú, inzí atdí ale mà rǎwǐ nzínziya ǒ rò. Pbétù, abádhí nzínzi ǒ rò àwǐ atdí ale ní, yà pbùkù Andítá ò ka kandí dhu dóná, àwǎwǐya dhu tí ale kèlě, ndíní ndi Andítá náadù tí àkǎ.

¹³Òo! Àba Kàgàwà, kǎnǐ kòmbí ma mí madù tinu ò. Ní ma móte wò dhu bhěyi, àdi ma màdì yà adzi ǒ rórò, ndíní pbàkà dhèdhe nírá tí abádhí.

¹⁴Ima, ma móvò pbùkù ɔte abádhí tò, ní yà adzi ǒ ale nádù abádhí òndrò òndrò tí. I ale óndrò abádhí, abádhí ní nzí yà adzi ǒ ale, àdhàdhì ima mà átò, ima ní nzí yà adzi ǒ ale dhu bhěyi dhu-okú dò rò.

¹⁵Àbá, ma mí nzí mitsò rùnù, ndíní nyi nyugu tí abádhí yà adzi ǒ rò. Pbétù, ma mí mitsò rùnù, ndíní nyi nyodo tí abádhí Nzére ale, Pfòmvo rǒ rò.

¹⁶Obhó tí Àbá, abádhí ní nzí yà adzi ǒ ale, àdhàdhì ima mà átò, ima ní nzí yà adzi ǒ ale dhu bhěyi.

¹⁷Ní, útrǐ abádhí ròkò pbùkù ale tí obhóngá-otù ǒ. Ndi obhóngá ní pbùkù ɔte.

¹⁸Nyi nyívi ma mìrà yà adzi ǒ. Ní ndi dhu bhěyi tí, ma mòvì abádhí átò ròwù yà adzi ǒ ale nzínzi ò.

¹⁹Abádhí-okú dò rò ní ndi, ma mábhu ma kóró ima nyú tíró indù, ndíní abádhí adù tí 'àbhu átò indù obhónga-otù ǔ.

Yēsù rǐ ndìtsò olù ndì na'uya ngǔkpà ábhàlǐ dǔ dhu

²⁰Àbá, ma mí nǐ mitsò yà fudú nyi nyíbhò ale-okú dò rò tí. Pbéù, ma mí mitsò átò yà abádhí rǔvona pbùkù obhónga tó ɔte níri rí, 'àdù ma'ù ale-okú dò rò màtí.

²¹Ma mí mitsò átò, ndíní abádhí kóró ní'í tí atdí ale tí, àdhàdhì inyi Àbá, nyi nyarí'í nyudutsì, madù í'í nyunutsì dhu bhěyi. Ma mí mitsò átò ndíní abádhí í'í tí atdí ale tí àlě-nyutsì, ndíní yà adzi ǔ ale náa'u tí dhu, nyi rívi ndi ima, mirà yà adzi ǔ.

²²Ma mábhu wà abádhí-ɔvò rìlè ndi, àdhàdhì nyi nyábhù ɔvòdu rìlè ndi dhu bhěyi, ndíní abádhí í'í tí atdí ale tí, àdhàdhì àlě karí'í atdí ale tí inyi mànà dhu bhěyi.

²³Ma mí'í abádhí-nyutsì, nyadù í'í nyudutsì, ndíní abádhí oko tí kóró atdí ale nyú tí, yà adzi ǔ ale ràdù dhu ùni nyi rívi ndi ima yà adzi ǔ. Ndirò, abádhí ràdù dhu ùni nyi róze ì, àdhàdhì nyi nyóze ima dhu bhěyi.

²⁴Ndirò Àba Kàgàwǎ, nyi nyíbhò ndi abádhí fudú. Ní, ma mòzè mǔwù òko atdíkpá abádhí mànà yà tinú ma mǎrà àdi ró, ndíní abádhí ala tí pbàkà ádrùngbǎnga tó awáwù. Ndi ádrùngbǎnga tó awáwù nyi nyibho idù, nyi nyazè ma inzà nyi nyàpè yà adzi òbhòlò rórò dhu-okú dò rò.

²⁵Obhónánga tó Àba Kàgàwǎ, yà adzi ǔ ábhǔ ale mà nókò mbǎ inzǐ 'ùni nyi, ní ima, ma múni wà nyi. Ndirò, yà fudú nyi nyíbhò ale núnì wà dhu nyi rívi ndi ma, mirà yà adzi ǔ.

²⁶Ma mábhu wà ɔvònu abádhí rùnì. Ndirò, ma mí kàbhǔ àbhǔ olù ríwu ngǔkpà ale mà rùnì átò. Ma mí wò dhu ònzi, ndíní yà nyi nyóze ma ní àzè-tidò náadù tí àdi abádhí-afí ò, ndirò madù àdi abádhí-afí ò átò.»

Yùwanì 18

Yēsù nálǔ ka kí kosò dhu

(Màt 26.47-56; Mrk 14.43-50; Luk 22.47-53)

¹Wò dhu bhěyi ndi ndìtsò ndi dhu-dzidǔ, Yēsù mà pbìndà ábhàlǐ mànà núuvò, 'àdù àda Kìdròni tí kátina idhá-ngba-adzè. Ní ányì, atdí inga ní'í inè. Ní, abádhí adù òtsù ndi inga ò.

²Yudhà, yà Yēsù ìpfò rí ndàbhu òmvǔ-fó ábhàlǐ, ní'í iwà ányìrǔ nga núnì átò. Obhó tí, Yēsù mà pbìndà ábhàlǐ mànà, nóongónà òwu 'ùndu bilínganà ányìrǔ.

³Ní, Yudhà idè fìndá pikò-dòtsíró ale níiwú ùvò ndi inga ǔ. Ndi pikò ǔ ní'í pbànowí mà, yà pbàkùhání tó ádròdrǔ ale mà Pbàfàrisáyó mànà nívi sàndìrì mànà. Abádhí-fó ní'í, òrù rórù tarà mà, mùle rǔ kàzu mà, màtsǔmù mànà.

⁴Ní Yēsù, yà angyangyi róná rí ndònzì kóró dhu nùnì, náandrì abádhí tí ò, ndàdù dhu ìvu tsùyá, ndàti: «Ádhi nyǐ nyónena?»

⁵Ní, abádhí àdù dhu àdu kà tò 'àti: «Mă mónena ní Yësù, Nàzàretì tó kigò ǒ ale.» Ní, Yësù àdù àtìna abádhí nǐ: «Ìma ní ndì.» Ndì kàsùmì ǒ, Yudhà yà Yësù ìpfò rí ndàbhu òmvù-fó ale, ní'ì inè átò abádhí nzínzì ǒ.

⁶Ní, Yësù itdègu nditè abádhí tò, ndàti: «Ìma ní ndì.» Ní abádhí adù 'àdu dziyà-dò nǐ olù, 'adù 'àwà obvò.

⁷Yësù ivú dhu tdítǒ abádhí-tsǔ, ndàti: «Ádhi nyǐ nyónena?» Ní, abádhí adù dhu àdu Yësù tò 'àti: «Mă mónena ní Yësù, Nàzàretì tó kigò ǒ ale.»

⁸Ní, Yësù àdù dhu àdu abádhí tò, ndàti: «Ma mènò wà dhu fǔkù mati, ima rǎrǐ ndì. Ní, dhu apé ì'ì ima nóne nyǐ nyí dhu tí, ní nyùbhà kǎkà ngǔkpà ale ròwù.»

⁹Yësù atè wò dhu bhěyi, ndínǐ yà angyinǎrò ndì ndùnònà dhu náaká tí. Kǎti: «Àba Kàgàwà, yà fudú nyi nyíbhò ale nzínzì ǒ rò, ma mábhu nzá atdí ale mà rǎwǐ .»

¹⁰Simonì Péterù ní'ì pbìndà obhi-akpà nà. Ní, kǐdhá ka òdhǔna ò rò, ndù'à pbàkùhání tó ádròdrǒ ale dǒ kamà bhà kasutále nǐ, nditsà fangà dònǎ bǐna. Ndì kasutále-òvò ní'ì Malkò.

¹¹Pbétù, Yësù adù àtìna Péterù nǐ: «Péterǔ, ádù pbùkù obhi-akpà òdhǔna ò! Nyi nyòzè tí obhó yà Àba Kàgàwà ìbhò ndínǐ ma mòmúvú tí àpbè tó kópà-tsù mòmúvù?»

¹²Nírò ní ndì pbànowí tó pìkò, òyá ádrùngbǎle mà, Pbàyàhúdì tó sàndìrì màna, náalú Yësù 'òsò, 'adù òtsúna núsì.

Yësù nà ka kówu ùvò pbàkùhání tó ádròdrǒ ale dǒ kamà, Anà-ònzǐ dhu

(Mát 26.57-58; Mrk 14.53-54; Luk 22.54)

¹³Wò dhu-dzidǒ, kǒkò Yësù nòsò ale náawù kà nà wemberè tí Anà bhà. Ndì Anà ní'ì Kàyafà bhà aguna-akpà. Ndirò, wò dhu rǐ ndònzì òná ato ǒ, Kàyafà ní'ì ndì pbàkùhání tó ádròdrǒ ale dǒ kamà.

¹⁴Wò ndì Kàyafà ní ndì dhu navò Pbàyàhúdì tó ádròdrǒ ale tò, ndàti: «Dhu àkǎ atdí ale kèlě ròvè àlě tó pbìrì ǒ kóró ale tó ngari ǒ.»

Péterù rǎtina inzà ndì rúni Yësù dhu

(Mát 26.69-70; Mrk 14.66-68; Luk 22.55-57)

¹⁵Yësù nà ka kówu Anà bhà òná kàsùmì ǒ, Simonì Péterù mà, Yësù bhà ngǎtsi ábhàlǐ màna, náambénà òwu dǒ átò Yësù-owù ǒ ányǐ. Wò ndì ngǎtsi ábhàlǐ ní'ì iwà ndì pbàkùhání tó ádròdrǒ ale dǒ kamà úni angyangyi. Ní, ndì ábhàlǐ adù òtsù Yësù-owù ǒ, ndì pbàkùhání tó ádròdrǒ ale dǒ kamà bhà idza-ngbò ka kákpòrò nǐ kàlì ò.

¹⁶Péterù adù ndùbhà irinǎ rò tsàtsùnǎ. Ní, wò Yësù-owù ǒ òtsù ngǎtsi ábhàlǐ, yà iwà pbàkùhání tó ádròdrǒ ale dǒ kamà úni angyangyi náahù iri, 'iwù òte yà tsàtsù-ngbò òdò rí tsìbhá sàndìrì nà. Ndì sàndìrì adù Péterù àvi ròtsù kàlì ò.

¹⁷Ní, kàlì ò Péterù òtsù rò, wòrǐ tsìbhá sàndìrì níivú dhu kà-tsǔ, ndàti: «Nyi nyú, nyi tí nzǐ átò wò ale bhà ábhàlǐ nzínzì ǒ atdí ale?» Ní, Péterù adù dhu àdu kàtò, ndàti: «Hòò! Ìnzǐ ní ma kàbhà ábhàlǐ.»

¹⁸Wò ndi kàsùmì ǒ, gírì ambénà ò'ò dǒ atdíǒ. Ní, pbàkùhání tó ádròdrǒ ale dǒ kamà bhà kasutále mà, Kàgàwà bhà idza-ngbò òdò arí sàndírì màná, náadù òko 'àmbe yà ì ùto kàzù òvò dǒ. Ní, Péterù adù àdi átò, ndàmbe kàzù òvò dǒ atdíkpá abádhí màná.

Anà rǐ dhu òngù Yēsù-tsǔ dhu

(Màt 26.59-66; Mrk 14.55-64; Luk 22.66-71)

¹⁹Wò Péterù mà rǐ kàzù òvo òná kàsùmì ǒ, Anà, pbàkùhání dǒ ádrùngbǎ kamà, náadù ndòpè ndòngù dhu Yēsù-tsǔ, kàbhà ábhàlǐ mà, ndirò yà ìndrù tò kàrúdhèna dhu màná dhu dǒ.

²⁰Ní, Yēsù adù dhu àdu kàtò, ndàti: «Ma mǎrà dhu òvò rǒ kpangba kóró ale tò. Ndirò, ma mǎrà dhu ùdhe rǒ bìlǐngà Pbhàhúdì tò, yà abádhí núndu ì fǐyò unduta-dzà ǒ màtí, ndirò, Kàgàwà bhà idza ǒ màtí òná kàsùmì ǒ, ìnzǐ madù àrà atdí dhu mà nórù rǒ abádhí rǒ.

²¹Ní, ádhu nyi nyí dhu òngù tsùdú nǐ? Nyi nyákǎ nyongù yà tsùdú abádhí ìrì fǐyò ma múnona ró dhu abádhí-tsǔ. Abádhí únì ndi fǐyò ma múnò dhu mběyi.»

²²Ní, wò dhu ùno Yēsù rǐ òná kàsùmì ǒ ní ndi, ányirǒ ì'ì atdí sàndírì níndri Yēsù-tí'ò, ndòpbi kà-bi-bhù, ndàdù dhu ìvu tsúná, ndàti: «Nyi tí àdù ɔte àdu wò dhu bhěyi pbàkùhání tó ádrùngbǎ kamà tò?»

²³Ní, Yēsù adù dhu àdu kàtò, ndàti: «Ma mapé ì'ì nzéere ma mòtè dhu tí, ní ìtè pé ndi nzéere ma múnò dhu. Ndirò, dhu apé ì'ì mběyi ma màdu dhu kàtò dhu tí, ní ádhu nyi nyí ìma núpbi okúna dò rò?»

²⁴Wò dhu-dzidǒ, Anà náadù Yēsù ábhù kowù nà ùtsi ka kùtsi ɔtsúna rórò pbàkùhání tó ádròdrǒ ale dǒ kamà Kàyafà bhà.

Péterù ràtina tdítdǒ ìnzá ndì rúnì Yēsù dhu

(Màt 26.71-75; Mrk 14.69-72; Luk 22.58-62)

²⁵Wò ndi Yēsù nà ka kówu Kàyafà bhà òná kàsùmì ǒ, Sìmonì Péterù adì kàzù-tsúnǎ tí, ndàmbe kàzù òvò dǒ. Ní, ka kívú dhu kà-tsǔ, kati: «Nyi tí nzǐ átò wò ka kówu nà ale bhà ábhàlǐ nzínzì ǒ atdí ale?» Ní, Péterù adù ndàgò, ndàti: «Hòò! Ìnzǐ ní ma wò ale bhà ábhàlǐ.»

²⁶Ní, Anà bhà kasutále nzínzì ǒ atdí ale náadù dhu ìvu Péterù-tsǔ, ndàti: «Hòkò! Ma màlanà tí obhó nyí atdíkpá wò ale màná ìnga ǒ?» Wò ndi ale ní'ì, yà Péterù ù'ànà, ndìtsà bǐna ale mà t'ídzá ale.

²⁷Ní, Péterù adù ndàgò àgò tí tdítdǒ, ányirǒ rò tí, à'ù-akpà ràdù òngò.

Pbàrómá tó pbìrì ǒ Lìwalì rǐ dhu òngù Yēsù-tsǔ dhu

(Màt 27.1-2,11-14; Mrk 15.1-5; Luk 23.1-5)

²⁸Wò dhu-dzidǒ, ka kuvò Yēsù nà kútsingá nyú Kàyafà bhà rò, kowù nà Lìwalì Pìlatò bhà idzá-yà-ba ò. Pbéù, kǒkò Yēsù nà òwù ányì Pbhàhúdì náadù 'ùvo ùvò tí, ìnzǐ 'òtsù Pìlatò bhà idza-ngbò ka kákpòrò nǐ kàlì ò. Abádhí anzì ndi dhu, akye ì owuna òtì Kàgàwà-nyìkpó ǒ, ìnzǐ 'àdù Pásìka tó mùhendù tó ònyù nónyù nǐ.

²⁹Ní, Pìlatò náadù àhù ndàrà abádhí-tí'ò, ndàdù dhu ìvu abádhí-tsù, ndàti: «Ádhu nyí nyòbhù yà ale okúna dò rò?»

³⁰Ní, abádhí adù dhu àdu Pìlatò tò, 'àti: «Ìnzí kí'íná gukyè nzére dhu ònzi arí ale tí, ní mà mambènà nzí kòsò mīwū nà funu ò.»

³¹Ní, Pìlatò adù àtìnà abádhí nǐ: «Nyìdyi ka nyòtdì ànyàna nyí nyú tírò yà fùkú uyátá núnò ka dhu bhěyi.» Ní, kòkò Yēsù nà òwù ányì Pbàyàhúdí náadù àtìnà Pìlatò nǐ: «Ìmbà mà mí'ì ìndrū-ànyá nótdì mà mí, ndíní ka koho tí nǐ rusà nà.»

³²Wò dhu anzì ndì, ndíní yà Yēsù avò angyangyi ìngbà dhu bhěyi òve-tidò nǐ màtí ndì ndòvéya dhu náaká tí .

³³Wò dhu-dzidò, Pìlatò adù ndàdu pbìndà idzá-yà-ba ò, ndàdù Yēsù ànzì ndivù dhu tsuná, ndàti: «Nyí nyú, nyí tí Pbàyàhúdí tó ádrùngbà kamà?»

³⁴Ní, Yēsù adù dhu ìvu kà-tsù, ndàti: «Nyí nyú, nyí tí wò dhu ìvù afínu nyú ò rò àhù rórò? Ndirò ngàtsi nǐ nyí tí kìvù ngùkpà ale náwe ndì dhu ìndù dùdú dhu-okú dò rò?»

³⁵Pìlatò ivú dhu tdítđò Yēsù-tsù, ndàti: «Ìma tí Mùyàhudì? Fùkú pbìrì ò ale nyú mà, pbàkùhání tó ádròdrò ale mànà nípfo ndì nyí 'ìbhò nyí fudú. Ní ádhu nyú nyí nyáfá?»

³⁶Ní, Yēsù adù dhu àdu kàtò, ndàti: «Pbàkà idzi ní nzí yà adzi ò idzi-tidò. Pbàkà idzi í'íná gukyè yà adzi ò idzi-tidò tí, ní pbàkà ale àmbènà 'ùgye ùgye dùdú ìnzí ka kipfo tí ima, kabhu ma Pbàyàhúdí tó ádròdrò ale-fó. Pbétù, kòmbí pbàkà idzi ní nzí yà adzi ò idzi-tidò.»

³⁷Pìlatò adù dhu ìvu Yēsù-tsù tdítđò, ndàti: «Olu inyi, nyí tí ádrùngbà kamà?» Ní Yēsù adù dhu àdu kà tò, ndàti: «Ìnyi ní ndì nyí nyátina ima rǎrǎ ádrùngbà kamà. Ìma ka kùgù yà adzi ò, madù ìrà ndíní ma mongó tí obhóngà nítè ìndrū tò. Obhóngà nózè 'ùni ale rǎdù túdu níri ìri.»

³⁸Ní, Pìlatò adù dhu ìvu Yēsù-tsù, ndàti: «Obhóngà nyú ní àdhu?»

Yēsù-ànyá nótdì ka kí ndíní ka koho tí dhu

(Màt 27.15-31; Mrk 15.6-20; Luk 23.13-25)

Wò dhu bhěyi ndì ndivù dhu Yēsù-tsù dhu-dzidò, Pìlatò adù àhù tdítđò kàlì ò rò, ndàrà Pbàyàhúdí-tí'ò. Ní kǎdù dhu òvò abádhí tò, ndàti: «Ma màla nzá wò ale đđ ka kí anya nótdì okúna dò rò atdí dhu mà.

³⁹Pbétù, yà fùkú màndu núnò ka dhu bhěyi, ma marí imbi ò ka kòsò atdí ale níkòlò bílìnganà fùkù yà Pásìka tó mùhendù náarí ìrà dhu bhěyi. Ní, nyí nyòzè tí mìkòlò Pbàyàhúdí tó ádrùngbà kamà fùkù?»

⁴⁰Ní, abádhí adù dhu àdu ìkù nyú ò Pìlatò tò, 'àti: «Ìnzí ní wò ale ndì mà mòzè kíkòlò! Pbétù, mà mòzè kíkòlò ale ní Bàrabà!» Wò ndì Bàrabà ní'ì àrì ònzi arí ale .

Yùwanì 19

¹Wò dhu bhěyi ihé-yà nádu dhu fìndà dhu-dzidò, lìwalì Pìlatò náadù Yēsù àvi kalù, kùvi asé nǐ.

- ²Nírò ní ndi pbànowí náadù okpèna nà itsu-dòká tó mùkàkú nákpòrò, 'áfò Yèsù-dò rǒ, 'àdù òlòlù kanzù náfò kà-rǒ.
- ³Abádhí nóowúnà ìwu rǒ Yèsù-tí'ò, 'àdù kàtsè, 'àti: «Yǎmbù, Pbàyàhúdí tó ádrùngbǎ kamà!» Ndirò, abádhí adúnà òwu kà-bi-bhù nópbi rǒ átò.
- ⁴Pìlatò náahù tdítdǒ kàlì ò rò, ndàrà ihé-yà i, ndàdù àtìnà abádhí nǐ: «Kòñí, ma mí wò ale nǎví kuvò nà kàlì ò rò, ndíní nyí nyuni tí dhu inzà ma rǎla kà-dǒ ka kí anya òtdí okúna dò rò atdí dhu mà.»
- ⁵Nírò ní ndi Yèsù adù àhu kàlì ò rò dóna rǒ okpèna nà itsu-dòká tó mùkàkú nà, ndirò róná òlòlù kanzù nà. Ní, Pìlatò àdù àtìnà ihé-yà nǐ: «Kàní ndi fùkú ale!»
- ⁶Ní, pbàkùhání tó ádròdrǒ ale mà, Kàgàwà bhà idza-ngbò òdò arí sàndírì mànà nítdègu Yèsù àlǎ, ní abádhí náadù 'òpè 'ùkù, 'àmbe àtìnà dǒ Pìlatò nǐ: «Ábhù kutǒ mùsàlabhà dǒ! Ábhù kutǒ mùsàlabhà dǒ!» Pìlatò adù àtìnà abádhí nǐ: «Nyìdyi ka nyǔtǒ nyí-tírò ndi mùsàlabhà dǒ. Obhó tí, ima nyú, ma màla nzà kà-dǒ ka kí anya nótdí okúna dò rò atdí dhu mà.»
- ⁷Ní, Pbàyàhúdí náadù dhu àdu Pìlatò tò, 'àti: «Mǎ mí'ì inè atdí uyátá nà. Ndi uyátá rǎtina kà rǎkǎ ndòvè, Kàgàwà t'Ídhùnà tí kǎrí ndàti ndítírò dhu-okú dò rò.»
- ⁸Pìlatò itdègu wò òte ìri, ní òdò adù isí kà-ò atdítdǒ ròsè yà angyinǎrò kí'ìnà nà dónǎ màtí.
- ⁹Ní, pbìndà idzá-yà-ba ò ndi ndàdu ndi tdítdǒ rò, Pìlatò àdù dhu ìvu Yèsù-tsǔ, ndàti: «Nyí ní àdhà ale?» Pbétù, Yèsù adù nzà atdí dhu mà nádu kà tò.
- ¹⁰Pìlatò adù dhu ìvu tdítdǒ kà-tsǔ, ndàti: «Nyí nyòzè tí obhó nyadu òte idù? Nyí nyùnì tí obhó dhu, ma rǎrǐ'ì inè ádrùngbǎnga tó òbi nà mìkòlò nyí? Ndirò, nyí nyùnì tí obhó dhu, ma rǎrǐ'ì inè ádrùngbǎnga tó òbi nà mabhù nyí kutǒ nyí mùsàlabhà dǒ?»
- ¹¹Ní, Yèsù adù dhu àdu Pìlatò tò, ndàti: «Hòkò! Ìmbǎ nyí nyí'ì atdí ádrùngbǎnga tó òbi nà màtí dùdú, inzà Kàgàwà kèlè nábhu ka indù òrù-akpà ò rò rò. Ndi dhu-okú dò rò, ma màtina nyí nǐ: Yà ma nìpfo ndàbhù ma fúnú ale bhà nzérénga nósè wà pbùkù nzérénga dónǎ màtí.»
- ¹²Ní, ròpè ndi uró rò, Pìlatò adù ndòpè ndòné Yèsù ìkòlò ndi ndi òná otu. Pbétù, Pbàyàhúdí tó ihé-yà náadù 'òpè 'ùkù, 'àmbe àtìnà dǒ Pìlatò nǐ: «Nyí nyú nyí nyapé wòrí ale ìkòlò, ní nyí ní'ina inzà nyí nyózè Pbàrómá tó pbìrì ò kámá dǒ ádrùngbǎ kamà ale. Ndi ale apé ndàti ndítírò ádrùngbǎ kamà tí, ní ndi ale ní ndi kámá dǒ ádrùngbǎ kamà nà arí ndùgye ale.»
- ¹³Ní, kǒkò ale ùnò dhu ndi ndirò rò, Pìlatò adù Yèsù àvi kuvò nà iri, ndàdù àdi odu nǐ ka kórù, rìvǎ ndi orú ngari ò. Pbàyàhúdí t'ávàna ò, ka kí kànzi Gàbatá tí.
- ¹⁴Wò dhu rǐ ndònzì òná idhò ní'ì yà Pásika tó mùhendù tò ìndrù rǐ 'òbhòlò òná idhò. Ndirò, ndi dhu anzì ndi mbèmbè azà adyifò-sisì adyíbhengá nga tó ò. Ní, Pìlatò ati Pbàyàhúdí tó ihé-yà nǐ: «Kòñí fùkù ádrùngbǎ kamà!»

¹⁵Pbétù, kòrí ihé-yà náadù 'òpè 'ùkù, 'àmbe àtìnà dǒ Pilatò nǐ: «Kàkǎ ndòvè! Kàkǎ ndòvè! Ábhǔ ka kutǒ mùsàlabhà dǒ!» Pilatò àdù dhu ìvu abádhí-tsǔ, ndàtì: «Nyǐ nyòzè tí mabhù fùkù ádrùngbǎ kamà kutǒ mùsàlabhà dǒ?» Nǐ, pbàkùhání tó ádròdrǒ ale náadù dhu àdu Pilatò tò, 'àtì: «Ìmbǎ mǎ mí'ì ngǎtsi ádrùngbǎ kamà nà! Fàkǎ ádrùngbǎ kamà ní kámá dǒ ádrùngbǎ kamà kèlě.»

¹⁶Nírò ní ndì Pilatò adù Yèsù àbhù abádhí-fó, ndínǐ ka kowu tí ùtonà mùsàlabhà dǒ.

Yèsù nútǒ ka kí mùsàlabhà dǒ dhu

(Màt 27.32-44; Mrk 15.21-32; Luk 23.26-43)

Pilatò àvi ì dhu-okú dò rò, Ihé-yà adù Yèsù idyi 'òwùnà kigò ǒ rò, ndínǐ ì owu tí ùtonà mùsàlabhà dǒ.

¹⁷Nǐ, kigò ǒ rò ì ùvò rò, Yèsù anò ndùtǒ ka kí dòná mùsàlabhà ndítírò, ndàmbe àrà dǒ nà ale-dò-kpa tó ngari tí ka kátina ngari ǒ. Pbàyàhúdì t'ávàna ǒ, ka kí kànzi Gòlògótátì.

¹⁸Ányì ní ndì pbànowí nútǒ Yèsù mùsàlabhà dǒ. Ka kutó abádhí dhèdhèrò mùsàlabhà dǒ óyǒ ngǔkpa ale mànà. Ka kutó atdí ale, kòdì Yèsù bhà fangà dònǎ rò, kadù ngǎtsi ale nútǒ, kòdì Yèsù bhà ígù dònǎ rò.

¹⁹Pilatò adù dhu àvi kandì, kapbǎ mùsàlabhà dǒ kà-dònǎ. Ndi andítá ní'ì: «YÀRÍ NÍ YÈSÙ, NÀZÀRETÌ TÓ KIGÒ ǒ ALE, PBÀYÀHÚDÌ TÓ ÁDRÛNGBǎ KAMÀ.»

²⁰Nǐ, ábhǒ Pbàyàhúdì nyú nóowúna wò dhu òzù rǒ. Obhó tí, yà Yèsù ka kutǒ mùsàlabhà dǒ róngá ní'ì íkyèrǒ kigò tí. Ndirò ndì dhu ka kandì Pbàyàhúdì t'ávàna mà, Pbàró má t'ávàna mà, ndirò Pbàgìríkì t'ávàna mànà ǒ.

²¹Nǐ, pbàkùhání tó ádròdrǒ ale náadù òwu Pilatò iso, 'atì: «Nzǎndì dhu ka rǎrǐ Pbàyàhúdì tó ádrùngbǎ kamà. Pbétù, ándì dhu nyati: Àbadhi rátì ndì, ndì rǎrǐ Pbàyàhúdì tó ádrùngbǎ kamà.»

²²Pbétù, Pilatò adù dhu àdu abádhí tò, ndàtì: «Yà ma màndì dhu ní ma màndì wà!»

²³Yèsù ì ùtǒ mùsàlabhà dǒ dhu-dzidǒ, pbànowí adù kà-rǒ mùdzarù nùgù, 'ùndò oyánga ìfò àdhàdhì, 'adù ùndònà foyá, ngǎtsi ale ridyi atdínga ìfò dǒ fíndà. Úró adù ndùbhà ní kà-rǒ kanzù kèlě. Ndi kanzù ní'ì inzà ka kùpbǎ ùpbǎ tí. Pbétù, ka ní'ì atdí-nyina kèlě tí ka kódyù, ròpè ndì tǔna ǒ rò, ràrà àhu pǎna ǒ.

²⁴Nǐ, kǒkò pbànowí adù òte nzínziya ǒ, 'atì: «Apé kùfa wò kanzù-ǒnga ùfǎ tí, pbétù, kàkǎ àlě ròvì ngàlà ǒ, ndínǐ àlě kala tí kà rǎdì fíndà ale.» Wò dhu anzì ndì, ndínǐ Kàgàwà bhà Andítá ǒ ka kandì dhu náaká tí. Ndi Andítá rǎtina: «Abádhí ùndò rùdú mùdzarù foyá,

'adù rùdú kanzù nóvì ngàlà ǒ .» Wòrí ní ndì pbànowí anzì Yèsù rǒ dhu.

²⁵Yà Yèsù ka kutǒ dòná mùsàlabhà tí ikò íkyèrǒ ní: Màriyà, Yèsù-tsánà mà, ndì kà-tsánà t'ávènà nà, ndirò ní Màriyà, Kìliyopà bhà ingba-tsánà mà, Màgàdalà tó kigò ǒ Màriyà mànà.

²⁶Nǐ Yèsù itdègu íyànà nálǎ, ndàdù yà atdídǒ ndì ndózè pbìndà ábhàlǐ nála kà-tí ìdè átò ró, ní kǎdù àtìnà íyànà nǐ: «Iyá, kònǐ idhùnu.»

²⁷Tdítdǒ, kǎdù àtìná wò ábhàlǐ nǐ: «Pbǎlé, kònǐ íyànũ.» Ní, ròpè ndì uró rò, wò ábhàlǐ náadù Yèsù-tsánà nídyì ndàrà nà pbìndà.

Yèsù rǒvè dhu

(Màt 27.45-56; Mrk 15.33-41; Luk 23.44-49)

²⁸Wò dhu-dzidǒ, Yèsù unì dhu, yà ndì ndìra ònzìnà yà adzi ǒ kasu rǎkǎ wà kóró. Ní, ndínǐ Kàgàwà bhà Andítá ò ka kandí dhu náaká tí, kǎdù àtìná: «Ma mí'ì idha-atdyú nà .»

²⁹Wò ndì kàsùmì ǒ, òdyògyè òdìvayì rǐ'ì ònà atdí andu ní'ì ìnè ányìrǒ. Ní, pbànowí adùsifǒngò nídyì, 'òdù ndì òdìvayì ò, 'àdù ndì sifǒngò òtù hìsǒpò tí kátìna itsukpó-tsù-dǒ, 'àva Yèsù-tsǔ.

³⁰Ní, Yèsù itdègu ndì òdìvayì àndǔ ndòtò, ní kǎdù àtìná: «Kóró dhu àkǎ wà.» Wò dhu-dzidǒ, kǎdù dóna ìyù, afína ràdù itdǔ dòtsí.

Atdí múnòwì rǐ Yèsù-ǒngò-kpa òdù àlǐ nǐ dhu

³¹Wò dhu anzi ndì ònà idho ní'ì, sàbatù tò ìndrǔ rǐ 'òbhòlo ònà idho. Obhó tí, ndì sàbatù-idhò ní'ì ádrèngbǎ idho nyú Pbàyàhúdì tò. Ní, Pbàyàhúdì tó ádròdrǒ ale náaze nzá abvo rǒko mùsàlabhà dǒ ndì idho ǒ dhu. Ní, ndì dhu-okú dò rò, abádhí náawù Pilatò bhà, 'òwù ì abvo nónzi, ndínǐ ka kùko tí agàya-kpa, kǎdù ifonà mùsàlabhà dǒ rò.

³²Ní pbànowí náawù, 'àdù ìtsi mùsàlabhà dǒ ì'ì Yèsù mànà ale-agà-kpa núko. Abádhí núko wemberè t'ále-agà-kpa, 'àdù ɔyo rí kisé ale-agà-kpa núko átò.

³³Pbétù, Yèsù-tí ì iwù ùvò rò, abádhí adù kòtù iwà afína itdǔ ró, ìnzǐ 'àdù agàna-kpa núko.

³⁴Ní, kǒkò pbànowí nzínzi ǒ atdí múnòwì náadù Yèsù-ǒngò-kpa àlǐ nǐ. Ányìrǒ rò tí, azu mà idha mànà ràdù 'isòlò ndì kǒngò-kpa ò rò.

³⁵Wòrí dhu rǐ ndònzì dhu nala nyìkpóna nyú nǐ ale náawe ka kpangba. Ndirò kùni dhu, ndì ràwe obhó dhu nyú, ndínǐ nyǐ nyú mà nyǐ nya'u tí ka átò.

³⁶Obhó tí, wò Yèsù-rǒ ndì nanzì dhu náanzì ndì, ndínǐ yà Kàgàwà bhà Andítá ò ka kandí dhu náaká tí. Ndi Andítá ràtìna: «Kà-kpa nzínzi ǒ atdí ale-kpa mà ka kùkòya nzǐ .»

³⁷Ndirò, ngàtsi ngari ǒ, ndì Andítá ràtìna tdítǒ: «Abádhí agéréya pé ì, 'àndà yà ǒngòna-kpa ì udù àlǐ nǐ ale.»

Yèsù nótdù ka kí dhu

(Màt 27.57-61; Mrk 15.42-47; Luk 23.50-56)

³⁸Wò dhu-dzidǒ, Yòzefù yà Àrìmàtayò tí kátìna kígo ǒ ale, náarà Pilatò bhà, ndàdù Yèsù-abvò nónzi kà-fó, ndínǐ ka kifo tí mùsàlabhà dǒ rò. Ndi Yòzefù ní'ì átò Yèsù bhà ábhàlǐ. Pbétù, kǎbhù nzá kùni ndì Yèsù bhà ábhàlǐ tí, Pbàyàhúdì tó ádròdrǒ ale-òdò nónzi ndì ndarí dhu-okú dò rò. Ní, Pilatò nítdègu wò Yòzefù ùnò dhu ná'u, ní kǎdù àrà, ndàdù Yèsù-abvò nífo mùsàlabhà dǒ rò.

³⁹Wò ndi kàsùmì ǒ, Nìkòdemù, yà atdíku arà àhu Yèsù-tí kúbhingá aɛ, náadù irà àhu átò Yòzefù-tí. Kíra yà mběyi aróngu akye-tidò tó mbembè ìbhu kumì kilo nà fóná. Ndi akye ní'ì mánèmanè tí kátina itsu-dha mà, kàdzagulé-dha mà nà ka kángbǒ atdíkpá.

⁴⁰Ní, Yòzefù mà Nìkòdemù nà níitdu Yèsù-abvò, 'àkpòrò ngbǒna wò ndi ndrùù róngu akye ì ùdho dóná mberù nǐ. Abádhí anzì ndi dhu àdhàdhì yà fíyó màndu ǒ Pbàyàhúdì náarónzina abvo òtdù ì í rò dhu bhěyi.

⁴¹Wò ndi Yèsù ka kùtǒnà mùsàlabhà dǒ ró, atdí inga ní'ì inè. Ndirò, ndi inga ǒ, atdí ìbhu-ɔwútá yà inzà ka kàpè ìndrù òtdù angyi ònà náadù ì'ì inè átò.

⁴²Ní, sàbatù tò Pbàyàhúdì rǐ 'òbhòlo dhu-okú dò rò, ndirò íkyèrǒ ndi ìbhu nótù ndi dhu-okú dò rò, Yòzefù mà Nìkòdemù nà náadù ùvò Yèsù òtdù ndi ìbhu ò.

Yùwanì 20

Yèsù rǐ ndìngbè dhu

(Màt 28.1-8; Mrk 16.1-8; Luk 24.1-12)

¹Yengè-idhò ǒ bhǒtsungá, inzà inga àpè ùbho mběyi rórò, Màgàdalà tó kigò ǒ Màriyà níivà ndi, ndàrà Yèsù ka kótdù i. Ní, kǎtù ìbhu lí'ò ka kápbi nǐ odu-íyà-ba iwà ka kògèrè igi ró.

²Ní, kǎngbó ndi owùna-lú, ndòkù wò dhu àwe Sìmonì Péterù mà, ngàtsi ábhàlǐ yà atdídǒ Yèsù azè mà nà tò, ndàti: «Íwà ka kitdù àlě tó Ádrùngbǎle-abvò ìbhu ò rò, kowù nà. Ní, àlě kùni nzà ka kòwù kílì ró-nga!»

³Ní Péterù mà, wò ndi ngàtsi ábhàlǐ mà nà, náadù òwu Yèsù ka kótdù i.

⁴Abádhí ambénà òtse dǒ óyǒ rò atdíkpá. Pbétù, wò ngàtsi ábhàlǐ náadù òku, ndùbhà Péterù olù, ndàdù arà àhu angyi yà Yèsù ka kótdù i.

⁵Ní, kǐtsi ndàgu, ndàndà ìbhu-ònga, ndàdù yà Yèsù-abvò-ngbò ka kákpòrò nǐ mberù kèlě nála ányì. Pbétù kǎdù nzà òtsù ányì.

⁶Tdítdǒ, yà olù ndi nùbhànà Sìmonì Péterù, níra àhu ányìrǒ, ndàdù òtsù ìbhu ò. Ní, kǎdu yà Yèsù-abvò-ngbò ka kákpòrò nǐ mberù mà,

⁷yà kà-dò ka kátsi nǐ bǐrèse mà nà kèlě nótù ndi ìbhu ò. Ndi bǐrèse mà ní'ì mbǎ atdíkpá abvo-ngbò ka kákpòrò nǐ mberù mà nà, pbétù kí'ì atdíró ka kòkò kílì ró.

⁸Nírò ní ndi yà angyi arànà àhu ábhàlǐ náadù òtsù ìbhu ò átò. Ní kǎla wò dhu, ndàdù dhu à'ù iwà Yèsù rìngbè ndi.

⁹Obhó tí, Kàgàwà bhà Andítá ò ka kúnò Yèsù dǒ dhu ní'ì inzà ndi ndàpè kàbhà ábhàlǐ-dò àlǔ ró. Ndi Andítá rǎtina: Ìngbè kà rìngbèya ndi ɔve-bvù rò .

¹⁰Wò dhu-dzidǒ, kǒkò óyǒ ábhàlǐ náadù 'àdu, 'òwù firábvù.

Yèsù rǐ ndàvì Màgàdalà tó kigò ǒ Màriyà tò dhu

(Màt 28.9-10; Mrk 16.9-11)

¹¹Kǒkò ábhàlǐ òwù dhu-dzidǒ, Māgàdalà tó kigò ǒ Māriyà nńira àhu átò Yēsù ka kótdù ró, ndàdù itsi ide ndi ibhu tí ndàmbe òdzi dǒ. Ní, òdzi ndi ndódzi rórò, kǎgú ndi, ndàndà ibhu-ònga.

¹²Kǎdù Kàgàwà bhà óyǒ màlàyíkà nála ányì òkò ró. I màlàyíkà núufó òwǒwù mberù, 'àdù òko yà Yēsù-abvò ka kilì ràyi ró. Atdí màlàyikà náadì kà-dò ka kilì ràyi inǎ rò, ngǎtsi ràdù àdì kà-pfò inǎ rò.

¹³Ní i màlàyíkà níivú dhu Māriyà-tsǔ, 'àti: «Iyá, ádhu nyi nyódzi nń?» Ní, Māriyà àdù dhu àdu abádhí tò, ndàti: «Ka kǐtdù wà pbàkà Ádrùngbǎle-abvò ibhu ò rò kòwù nà. Ní ma m̀ni nzá àdhà màtí ka kòwù kilì dhu.»

¹⁴Ní wò dhu ndi ndùnò rò, Māriyà agéré ndi, ndàndà olù nga, ndàdù Yēsù nála ìdìdè ró. Pbétù, kǔni nzá dhu Yēsù ràrǐ ndi.

¹⁵Ní, Yēsù ivú dhu kà-tsǔ ndàti: «Iyá, ádhu nyi nyódzi nń? Ádhi nyi nyónena?» Ní wò Yēsù ka kótdù òná inga-àbadhi tí ndi ndí Yēsù àti rò, Māriyà adù àtìnà kànǐ: «Pbǎlé, dhu apé i'í nyi nyǐtdù ndi pbàkà Ádrùngbǎle-abvò, nyarà nà dhu tí, ní itè nyi nyàrà kilì ró nga idù, ndínǐ ma madù tí àrà kǐdyì.»

¹⁶Ní, Yēsù adù kànzi òvòna rǒ, ndàti: «Māriyà!» Nírò ní ndi Māriyà náagéré ndi, ndàdù àtìnà kà nń Pbàyàhúdì t'ávàna ǒ: «Ràbuni!» Kà-tì ní: «Màlimò.»

¹⁷Ní, Yēsù adù àtìnà kà nń: «Inzǐ ùtò tsùdu! Obhó tí ma màpè nzá madù Àbadu-ti'ò. Pbétù, àrà nyovo dhu adódu tò nyati, ma ràrǐ àrà Àbadu-ti'ò. Ndi Àbadu ní Àbaku átò. Ka ní pbàkà Kàgàwà, ndirò ka ní fùkú Kàgàwà átò.»

¹⁸Ní, Māgàdalà tó kigò ǒ Māriyà náadù àrà dhu òvò Yēsù bhà ábhàlǐ tò, ndàti: «Ma màla Ádrùngbǎle!» Kǎdù yà Yēsù àvinà ndùnò abádhí tò dhu náwe abádhí tò.

Yēsù rǐ ndávǐ pbìndà ábhàlǐ tò dhu

(Màt 28.16-20; Mrk 16.14-18; Luk 24.36-49)

¹⁹Ndi yengè-idhò ǒ tí, pbítsòngǎ, Yēsù bhà ábhàlǐ náandu ì atdí idza ǒ, 'àdù tsǎtsù ùpbi idzanǎ rò, Pbàyàhúdì tó ádròdrǒ ale-òdò nónzi ì í dhu-okú dò rò. Nírò ní ndi Yēsù ito ndi, ndidè abádhí nzínziya ǒ, ndàdù àtìnà abádhí nń: «Nyòko màrùngà ǒ!»

²⁰Wò dhu ndi ndòrì dhu-dzidǒ, Yēsù adù ɔtsúna-tsirò mà, ɔngòna-kpa mànà nítè pbìndà ábhàlǐ tò. Ní i ábhàlǐ-idhè náadù ndìka atdí, fǐyó Ádrùngbǎle ì àla nídhunǐ.

²¹Yēsù adù àtìnà tǎtdǒ abádhí nń: «Nyòko màrùngà ǒ. Àdhàdhi yà Àba Kàgàwà níivi ma mirà yà adzi ǒ dhu bhěyi, ma mòvì nyǐ átò.»

²²Wò dhu ndi ndòrì dhu-dzidǒ, kǐvò ihèna abádhí dò, ndàdù àtìnà: «Nyàkò Kàgàwà bhà Hǐlǎ-Alafí!

²³Fǐyó nzérenga nyǐ nyùbà fǐyò ale tò, Kàgàwà rǒngo dhu ùbà átò. Ndirò, inzà nyǐ nyùbà fǐyó nzérenga fǐyò ale tò, kà rǐ nzǐ ongo adù dhu ùbà átò.»

Yēsù rǐ ndávǐ Tùmasì tò dhu

²⁴Wò Yèsù rǐ ndàvǐ idzá pbìndà ábhàlǐ tò òná kàsùmì ǒ, kàbhà atdí kumì dòná óyǒ nà ábhàlǐ nzínzì ǒ atdí ale, Tùmasì tí kátina ní'ì ìmbǎ. Ngǎtsi ndì Tùmasì-òvò ní'ì Dìdimò .

²⁵Ní, Tùmasì ìrà àhu nzínziya ǒ rò, kǒkò ábhàlǐ adù àtìná kà nǐ: «Mǎ màla wà àlě tó Ádrùngbǎle!» Pbéù, Tùmasì adù àtìná abádhí nǐ: «Ínzá ma màla kǒtsú-tsíró mùsùmali-bhu, madù ɔtsúdu-kpò nótù ndì mùsùmali-bhu ò, ndirò kǒngò-kpa rǒ àlǐ-bhu ò rò, ma mí nǐ wò dhu ná'u akekpa màtí!»

²⁶Ní atdí yengè dzidǒ, Yèsù bhà ábhàlǐ náandu tsùya tdítǒ idzá, Tùmasì ràdù ì'ì átò nzínziya ǒ. Ní, àzèmbè inè tsàtsù rǐ'ì idzanǎ rò ka kàpbi ró rórò, abádhí ala Yèsù iwà idè nzínziya ǒ ró. Ní Yèsù adù àtìná abádhí nǐ: «Nyòko màrùngà ǒ!»

²⁷Tdítǒ, kǎdù àtìná Tùmasì nǐ: «Írà ɔtsúnù-kpò nà iró, ndirò, ándà pé ɔtsúdu-tsíró nga. Ígba ɔtsúnù, nyadù ɔtsúnù-kpò nótù ɔngòdu rǒ àlǐ-bhu ò. Nzǎbhǔ afínù rùgùrù, dhu àkǎ nya'ù dhu à'u tí.»

²⁸Ní, Tùmasì adù àtìná Yèsù nǐ: «Ínyi ní pbàkà Ádrùngbǎle, pbàkà Kàgàwà.»

²⁹Yèsù adù àtìná kànǐ: «Nyì nyà'ù tí ma nyìkpónù nyú nǐ nyì nyàla ma dhu-okú dò rò? Hirò nónzì ale ní, yà inzà ì àla dhu rórò arí dhu à'u ale!»

Yùwanì andí pbìndà bhùkù okúna dò rò dhu

³⁰Yèsù anzì ábhǒ ngǔkpà wíwì nyú pbìndà ábhàlǐ-ònzǐ. Ní, ì wíwì àndì ka kadù nzá yàrí bhùkù ò.

³¹Pbéù, yàrí bhùkù ò ka kandí wíwì-tsí, ní ka kandí, ndínǐ ìndrù náa'u tí dhu, Yèsù ràrǐ Krístò, Kàgàwà t'ídhùnà. Ndirò ka kandí ka ndínǐ ka ná'ù ale, náadù tí ípìrǒnga nábà kǒvò rǒ.

Yùwanì 21

Yèsù rǐ ndàvǐ pbìndà àrùbhù ábhàlǐ tò dhu

(Màt 4.18-22; Mrk 1.16-20; Luk 5.1-11)

¹Wò dhu-dzidǒ, Yèsù avì ndì tdítǒ àrùbhù pbìndà ábhàlǐ tò, Tìbèriyà tí kátina rèrù-bidǒ . Yàrí ní ndì, kǎvì ndì abádhí tò tí dhu.

²Wò ndì kàsùmì ǒ, Sìmonì Péterù mà, Tùmasì Dìdimò tí kátina mà, Nàtànèlì, Gàlìlayà tó pbìrì ǒ atdí pbanga, Kanà tí kátina ǒ ale mà, Zèbèdayò bhà inzo mà, ndirò Yèsù bhà óyǒ ngǔkpà ábhàlǐ màná, ní'ì atdíkpá.

³Ní pbítsòngǎ, Sìmonì Péterù atì ɔdhína nǐ: «Ma màrà wà ìbhè ùpe.» Ní, ì kà t'ódhína adù àtìná kà nǐ: «Mǎ'ì mà átò, mǎ mówu atdíkpá nyì màná.» Ní ányìrǒ rò tí, abádhí adù 'ìvǎ 'òwù, 'àdù ùpò ìbhú ò. Pbéù, ndì iku ǒ, abádhí abà nzá atdí dhu mà.

⁴Nirò ní ndì màmbì òzè ndì rò, Yèsù idè rèrù-bidǒ. Ní, ka ì àla rò, ábhàlǐ adù nzá dhu ùnì Yèsù ràrǐ ndì.

⁵Ní, Yèsù adù dhu ìvu abádhí-tsǔ, ndàtì: «Nzónzò, nyì tí'ì inè ònyù nà ake màtí?» Ní, abádhí adù dhu adu kàtò, 'àtì: «Ìmbǎ!»

⁶Ní Yěsù adù àtìná abádhí nǎ: «Nyàpe pé imbi fangà dònǎ rò ibhú tò, ní nyí nyí dhu nábà àbà.» Ní, abádhí adù imbi nápe yà Yěsù itè ró, ndi imbi idha abádhí rǎ dhu ràdù abádhí lè mà nónzì ònzì tí, abho ìbhè rǎ rǎ kà ò dhu-okú dò rò.

⁷Ní, wò dhu ndi ndàla rò, yà atdíđ Yěsù ózè pbìndà ábhàlǐ náadù àtìná Péterù nǎ: «Hàkà! Ádrùngbǎle Yěsù ní wò!» Ní, Péterù itdègu fiyó Ádrùngbǎle tí kà rǎ rǎ dhu níri, náadù mberù àfò róná, ìwa ndi ndiwà róná rò ró ndi mùdzarù ì rǎ nídhunǐ. Wò dhu-dzidǎ, kǎdù ndibvu idha ò.

⁸Ngǔkpà ábhàlǐ náadù òko 'àmbe iwu dǎ ibhú ǎ, ìbhè-mbǐ àdha ì ì rórò. Ndi imbi ní rǎ abho nyú ìbhè nòtsì, ndàlè nǎ. Ndirò, ì ábhàlǐ ní rǎ mbǎ itseta nyú idha-bidǎ rò. Abádhí ì rǎ mbèmbè atdí miyà mètèrè kèlè tí idha-bidǎ rò.

⁹Ní, ibhú ò rò ì ifò 'ùdà idha-bidǎ rò, abádhí ala kàzu-li ìbhè ka kùli ràmbe ìbi dǎ dòná, ndirò mùgatì ràdù ì rǎ átò tiná ró.

¹⁰Ní, Yěsù adù àtìná abádhí nǎ: «Nyìwǔ pé kǎkò nyí nyòkyè ìbhè-rǎrò nà.»

¹¹Ní, Sìmonì Péterù adù ùpo tdíđ ibhú ò, 'adù imbi ìpfo ibhú ò rò áyà-bvadò. Ndi imbi ní rǎ ìwa ndi ndàlè atdí miyà, imbò kumì dòná ìbhu nà ádròdrǎ ìbhè nǎ ró. Pbéù, ìmbà dhu ì rǎ wò dhu bvùtì mǎtì ìbhè àlè kà 'ò dhu tí, ní ndi imbi náadù nzá ndùdrù.

¹²Ní, ìbhè níbi dhu-dzidǎ, Yěsù adù pbìndà ábhàlǐ nánzì, ndàti: «Nyìwǔ nyònyu dhu!» Wò ndi kàsùmì ǎ, ábhàlǐ nánzì ǎ atdí ale mà náadù nzá dhu ìvu Yěsù-tsǔ ndàti, kà rǎ rǎ àdhi. Obhó tí, abádhí núuni wà dhu fiyó Ádrùngbǎle rǎ rǎ ndi.

¹³Ní, Yěsù adù ìndri abádhí-tì'ò, ndidyì mùgatì, ndàdù ùndònà abádhí-fó. Kǎdù ìbhè nùgù átò, ndùndò abádhí-fó.

¹⁴Wòrí ní rǎ ìbhu rǎ kǐsè nǎ Yěsù rǎ ndàvǐ pbìndà ábhàlǐ tò, òve-bvù rò ndi ndíngbè ndi dhu-dzidǎ dhu.

Yěsù rǎ Péterù ìlǎ ràdì pbìndà tà mà t'úndatátàle tí dhu

¹⁵Ònyù pbìndà ábhàlǐ ònyù dhu-dzidǎ, Yěsù adù dhu ìvu Sìmonì Péterù-tsǔ, ndàti: «Sìmonì, Yùwanì t'ídhùnǎ, nyí nyú, nyí nyóze tí wà ma, ròsè kóró kǎkà ngǔkpà òdhínu nóze ìma tí dhu dònǎ?» Ní, Péterù adù dhu àdu kà tò, ndàti: «Ìwà Ádrùngbǎlé! Nyí nyú, nyí nyùnì wà dhu ìwà ma róze atdíđ.» Ní, Yěsù adù àtìná kà nǎ: «Óngù pbàkà tà mà.»

¹⁶Òyo rǎ kǐsè nǎ, Yěsù ivú dhu Sìmonì-tsǔ, ndàti: «Sìmonì, Yùwanì t'ídhùnǎ, nyí nyóze tí wà ma?» Ní, Sìmonì adù dhu àdu kà tò, ndàti: «Ìwà Ádrùngbǎlé! Nyí nyùnì wà dhu ìwà ma róze nyí.» Ní, Yěsù adù àtìná kà nǎ: «Ádǐ pbàkà tà mà t'úndatátàle tí.»

¹⁷Ìbhu rǎ kǐsè nǎ, Yěsù ivú dhu Sìmonì-tsǔ, ndàti: «Sìmonì, Yùwanì t'ídhùnǎ, ìnyi nyú nyí nyóze tí wà ma?» Ní, wò dhu ndi ndirò, ìzu náadù Sìmonì ùka atdíđ, ìbhu-gùna Yěsù ìvù dhu tsùná, ndàti: «Nyí nyóze tí wà ma?» dhu-okú dò rò. Ní, Sìmonì adù dhu àdu Yěsù tò, ndàti: «Ádrùngbǎlé, ìnyi nyú nyí nyùnì wà kóró dhu. Ní, nyí nyùnì wà dhu ìwà ma róze nyí.» Ní, Yěsù adù àtìná kà nǎ: «Óngù pbàkà tà mà.»

¹⁸Ma mí obhó dhu núno indù. Ìndrù-owú tí nyi nyi'ì òná kàsuni ǒ, nyi nyongónà rùnù dhu iso nyi-tírò, nyadù àrà afinu òzè i. Pbétù, mùlà tí nyi nyóngo rò, nyi nyóngo okunu nýyi , ngátsi ale ràdù ndi rùnù dhu iso, ndàdù dùnu òtdì, ndàrà nyi nà inzà afinu òzè i.»

¹⁹Yèsù avò dhu wò dhu bhěyi Péterù tò, ndíni ìngbà dhu bhěyi ɔve-tidò nǐ mǎtí Péterù ɔvéya dhu nitè tí, ndi kàbhà ɔve ràdù Kàgàwà-ɔvò àbhu rilè ndi. Wò dhu ndi ndùnò dhu-dzidǒ, Yèsù adù àtìnà Péterù nǐ: «Éngǔ owùdu.»

Yèsù rǐ dhu àwě Péterù tò yà atdíǒ ndi ndózè pbìndà ábhàlǐ dǒ dhu

²⁰Ní, òwu ì ówu rórò, Péterù agéré ndi, ndàndà olunga, ndàdù yà atdíǒ Yèsù ózè pbìndà ábhàlǐ nála owùya ǒ rírà ró. Wò ndi ábhàlǐ ní ndi yà ònyù-tsùnà ì í'ì rórò ndi nilo Yèsù-dò, ndivù dhu kà-tsǔ, ndàti: ràrǐ àdhi ndi kípǒ rí ndàbhu òmvù-fó.

²¹Ní, Péterù itdègu wò ábhàlǐ àlà, ní kǎdù dhu ìvu Yèsù-tsǔ, ndàti: «Olu Ádrùngbǎlé, ádhu ndi wò atdíǒ nyi nyóze pbùkù ábhàlǐ rǒ ndi nonziya?»

²²Ní, Yèsù àdù dhu àdu Péterù tò, ndàti: «Ma mapé kòzè ràdi, ìnzǐ rǒvè, ràrà àhu òrù-akpà ò rò ma míngo tdítǒ yà adzi ǒ òná idho ò, ní ndi dhu àndà tí inyi? Pbétù, ma mǎtina nyi nǐ: «Éngǔ owùdu! »»

²³Wò dhu bhěyi Yèsù ùnò dhu-òyǐ náadù ndùgà ka ná'ù ale nzínzi ǒ, i ale ràdù àmbe àtìnà dǒ, ìnzǐ wò atdíǒ kòzè ábhàlǐ rǒvéya. Obhó nyú, Yèsù ati nzá ìnzǐ kà rǒvéya, pbétù, kǎti Simoni nǐ: ndi rapé ndi ábhàlǐ nózè ìnzǐ rǒvè, ràrà àhu òrù-akpà ò rò ndi ndíngo tdítǒ yà adzi ǒ òná idho ò, ní ndi dhu ràndà tí ka.

²⁴Kòrí dhu nawe, ndàdù àndinà ale ní yà atdíǒ Yèsù azè ábhàlǐ. Ndirò, mǎ mà'ù wà dhu kǎndí dhu ràrǐ obhó dhu nyú.

²⁵Yèsù anzǐ ábhǒ ngǔkpà dhu nyú. Ní, ka kandíyana gukyè ì dhu atdátdírà ǒ, ní kóró ì dhu ka kǎndí òyà bhǔkù náakána nǐ yà adzi ǒ.

Kasɔ 1

Kasɔ 1

Yēsù rǐ dhu ùyǎ p̀b̀ìndà uvitatále tò tdǔ ndì ndòdzì òr̀ù-akpà ò rò dhu

¹Tòfilò pbǎlé, yà angyi ma mándí indù bhǔkù ò, ma máwe Yēsù anzi kóró dhu, kǔdhè ìndrǔ tò dhu mànà, ròpè ndì d̀ona-kpa ò rò,

²ràrà àhu kà r̀dzì òr̀ù-akpà ò òná idho ò. Tdǔ ndì ndòdzì rò, kǔyá dhu Kàgàwà bhà Ìlǐlǎ-Alafí bhà òbì nǐ, yà f̀ìndà ndì ndòvò uvitatále tò abádhí r̀ngò ònzìnà dhu dǔ.

³Ndì ndòvè kotdù ndì, ndàdù ndìngbè òve-bvù rò dhu-dzidǔ, Yēsù itè ndì ibí otu nyú ò p̀b̀ìndà uvitatále tò, ifò kumì idho nzínzì ò. Kǎnzì wò dhu ndínǐ ìnè ndì ndí'ì ípìrǔ rò nyìkp̀ona nà dhu tó obhóngà nitè tí abádhí tò. Kǎránà dhu òvò rǔ abádhí tò òr̀ù-akpà ò Ádr̀ngbǎ kamà Kàgàwà bhà idzi dǔ.

⁴Ní atdíku, atdíkpá Yēsù mà rǐ'ì ònyù-tsùnǎ p̀b̀ìndà uvitatále mànà r̀órò, kǔyá dhu abádhí tò, ndàti: «Àpé nyìvà nyí Yèr̀usalemà tó kigò ò rò. P̀b̀étù, nyòdo yà f̀ùkù ma m̀òvò Àbadu Kàgàwà náakò f̀ùkù làká.

⁵Obhó tí, bàtizò nubhónà Yùwanì núubhónà bàtizò ìndrǔ tò idha nǐ. P̀b̀étù ngúfe idho dzidǔ, nyí, nyí nyí Ìlǐlǎ-Alafí tó bàtizò nálǔ.»

Yēsù r̀dzì òr̀ù-akpà ò dhu

(Màt 28.18-20; Mrk 16.15-19; Luk 1.1-4; 24.33-51; È'fè 4.8-10)

⁶Yēsù-tí ì ǹndu kàbhà uvitatále níivú dhu kà-tsǔ, 'àti: «Ádr̀ngbǎlé, tí kòmbí nga ndì nyí nyí P̀b̀àìsr̀ayélí tó idzi nádù abádhí-fò ò nǐ?»

⁷Ní, Yēsù adù dhu àdu abádhí tò, ndàti: «Ìnzǐ ní òtǔku ndì nyùni ndì idho mà, ndì kàsùmì mànà. Àbadu náatdì ka atdíró p̀b̀ìndà ádr̀ngbǎnga tó òbì-bvù rǔ.

⁸P̀b̀étù, nyí nyabáya ádr̀ngbǎnga tó òbì Ìlǐlǎ-Alafí r̀ifo d̀ùkù nínganí. Ní, nyí nyadùya òngo pbàkà ngàm̀bì tí Yèr̀usalemà tó kigò ò, Yùdeyà tó p̀b̀ìrì ò, ndìrò Sàmàrìyà tó p̀b̀ìrì ò, ràrà àhu yà adzi-tsù náadì ndì ì.»

⁹Wò dhu ndì ndòtè dhu-dzidǔ ní ndì Yēsù náapè ndòdzì òr̀ù-akpà ò, àzèmbè abádhí r̀andàna r̀órò, àp̀b̀ù ràrà ndìwi abádhí-nyìkp̀ó ò rò .

¹⁰Ní, òko abádhí òko nyìkp̀óya ì ùdǐ 'àmbe Yēsù àràrà òr̀ù-akpà ò ì nga nándà dǔ r̀órò ní ndì, òwòwù mùdzarù ǹf̀ò ròyá óyò ale núuto ì abádhí-tí,

¹¹'adù àtìnà abádhí nǐ: «Gàlìlayà ò bhǎ, ádhu nyí nyòkò uró, nyámbe òr̀ù-akpà ònga nándà dǔ ní? Wò Yēsù, nzínziku ò rò ndì nìvà ndòdzì òr̀ù-akpà ò ale, náadùya ndì ányìrò àdhàdhì wò nyí nyàla kà r̀àrà ányì dhu bhèyi tí.»

Màtìyà nóvò ka kí r̀èwù Yudhà Ìskàrìyotà dhu

(Zàb 133; Luk 24.52-53)

¹²Wò dhu-dzidǔ, Yēsù bhà uvitatále náadù ì p̀b̀ìrì d̀ò rò, 'òwù Yèr̀usalemà tó kigò ò. Ndì p̀b̀ìrì-òvò nǐ'ì Mìzèyìtunì, ndìrò ndì p̀b̀ìrì ì'ì íkyèrǔ Yèr̀usalemà tó kigò tíró mbèmbè atdí kilòmètèrè tí .

¹³Ní, abádhí níitdègu òwu ùvò Yèrùsàlemà tó kigò ò, ní abádhí atsù idza, 'àdù ùpo orunà rò ka kóbhòlò ányìdzá kàluga ò. Ndi kàluga ní'ì angyinàrò màtí abádhí arí 'ùndù òná bìlìnganà kàluga. I uvitatále ní'ì Péterù, Yùwanì, Yàkòbhò, Àndèreyà, Filipò, Tùmasì, Bàrtòlòmàyò, Màtayò, Yàkòbhò, Àlùfayò t'ìdhùnà, Sìmonì, yà atdíđ ò ndi ngyénà fìyò p̀bìrì đ ò ale, ndirò Yudhà, Yàkòbhò t'ìdhùnà.

¹⁴Abádhí andu ì atdíkpá, 'òngò 'ìtsò bìlìnganà atdyúya nyú nà. Ndirò, abádhí nzínzì ò ì'ì átò ní'ì Màriyà, Yèsù tsánà mà, ngùkpà vèbhàle mà, ndirò Yèsù t'ádóna mà.

¹⁵Ní atdíku, kòrí ale núundu ì mbèmbè atdí miyà dóná óyò kumì nà ale tí rò. Ní ndi nínganì, Péterù ivà ndi ndidè abádhí nzínzì ò, ndàdù àtìnà:

¹⁶«Àbanžzó, dhu àkà wà yà ħĭĭĭ-Ālafí náavò ħĭĭĭ Andítá ò dhu rākā. Ádrùngbā kamà Dàwudì-otù ò, kāvò dhu angyangyi Yudhà-okú đò rò . Ndi Yudhà ní ndi yà Yèsù òsò rówu ale tó p̀kò-đòtsíró idè ale.

¹⁷Ka ní'ì àĕ nzínzì ò ale nyú, ndirò kà-kàsù ní'ì inè.

¹⁸Kādzì atdí inga inzá àkà otu ò ndi ndóngyè fùrangà rō. P̀bétù, ndi inga ò k̀tsi, nyina-ndri r̀p̀b̀ì ndi wemberè tí adzi rō, òna r̀k̀p̀à ndi, tsùna m̀aràm̀arà r̀ad̀ù nd̀v̀ò adzi-bvĕ.

¹⁹Ní Yèrùsàlemà ò bhà kóró níri kà-rō ndi nònzì dhu, 'àdù ndi inga-òvò nóvò Àkèldamà tí ávaya ò. Àkèldamà-tì ní: «Azu tó inga.»

²⁰Zàburì tó bhùkù ò ka kándì dhu, kati: «Kàbhà pbanga r̀òngò r̀ùng̀ù tí, inžì atdí ale mà r̀ùbhà ndi òná .» Ndirò kà r̀at̀ina átò: «Kàbhà kasu àbhĕ ka kí ngãtsi ale tò .»

²¹Yà Yèsù-owù ò àĕ kùbhì ùbhi rō màná atdíkpá ale r̀ì'ì inè,

²²r̀òp̀è ndi ndi Yèsù r̀ì b̀atizò àĕ Yùwanì-fò dhu ò rò, r̀arà àhu kà r̀òdzì òr̀ù-akpà ò òná idhò ò. Ní, dhu àkà wà àĕ r̀òvò abádhí nzínzì ò atdí ale, ndinĭ àĕ koko tí màná Yèsù íngbè ndi dhu tó ngàm̀b̀ì tí.»

²³Ní, abádhí adù óyò ale-òvò nípfò: Yòzefù mà Màtíyà nà. Yòzefù ka kanzínà átò Bàrisabà tí, ndirò itdèta tó kòvò ní'ì Yèsitò.

²⁴Wò dhu-dzidò, Péterù mà náadù 'ìtsò ì r̀at̀ì: «Ádrùngbàle Kàgàwã, nyi nyúni kóró ale-afí ò dhu. Ní, itè pé kākà óyò ale nzínzì ò nyi nyú nyi nyòvò ale,

²⁵ndinĭ uvitatále tó kasu nònzì tí yà Yudhà úbhà ngari ò, ndàdù àrà yà p̀b̀ìndà dhu tí ndi ndúni ngari ò.»

²⁶Nirò ní ndi Péterù mà òdhina màná náadù ngàlà nóvì. Ndi ngàlà adù Màtíyà àĕ, Màtíyà r̀ad̀ù k̀k̀ò atdí kumì dóná atdí nà ì nùbhà Yèsù bhà uvitatále-bvĕ níse.

Kasu 2

Kàgàwà bhà ħĭĭĭ-Ālafí r̀ifo P̀èndèkòtè-idhò ò dhu

¹P̀èndèkòtè-idhò níitdègu àkà, ní Yèsù ná'ù ale ní'ì atdíkpá ì andu tsùya atdí ngari ò ró.

²Ní kòmbómbí, awe röpili obi nyú nà dhu bhëyi ró'ò dhu tó wògò níri ndi òrù-akpà ò rò rífo ró, ndi dhu ràdù abádhí òkò òná idza níra.

³Nírò ní ndi abádhí ala kàzu-idà-dò bhëyi rólo dhu-idà-dò ányidzá, ònánga ràdù ndùndò ròkò abádhí-dòtsíró.

⁴Ní Kàgàwà bhà Ìlǎ-Alafí níra abádhí kóró, abádhí ràdù 'òpè 'òtè dhèdhèrò ale t'ávàna-tidò àdhàdhì Ìlǎ-Alafí nítè ka fíyò dhu bhëyi.

⁵Wò dhu rí ndònzì òná idho ò, yà adzi ò kóró pòrì òná rò íwù, Kàgàwà rǒ afíya nápbà Pàyàhúdí, ní'ì inè átò Yèrùsàlemà tó kigò ò.

⁶Ní, wòrì wògò ì ìrì rò, ìndrù náandu ì Yèsù ná'ù ale rí'ì ró, idho ràdù 'ùkò atdíðò ngàtsi ale rí abádhí ìri ávàna nyú nóte rí ró dhu-okú dò rò.

⁷Ní, idho núuko abádhí atdíðò, 'àdù àmbe àtìna dǒ: «Hòkò! Kǒkò róte ale kóró tí obhó Gàlilayà ò bhà nyú?»

⁸Ní, ádhu ngàtsi ale rí abádhí ìri ávàna nyú nóte rí ró nǐ?

⁹Kǎkà àlě nzínzì ò rí'ì atdíðenà ale níwù Pàpartè tó pòrì ò rò, Pàmedì mà Pàèlamù màna tó pòrì ò rò. Ndirò, ngǔkpà ale níwù Mèzòpòtamiyà mà, Yùdeyà mà, ndirò Kàpàdòkiyà màna tó pòrì ò rò. Ngǔkpà-tsí níwù Pòtò mà Àziyà màna tó mùlengù ò rò,

¹⁰ngǔkpà ràdù iwu Fùrùgiyà rò, Pàfùliyà rò, Mísri rò, ndirò kyèròkyèrò Lìbiyà tó pòrì ò atdí pbinga Kùrenì tí kátina ò rò. Ndirò, ngǔkpà ale íwù Rómà tó kigò mà, Krètè tó pòrì mà, Àràbiyà tó pòrì màna ò rò.

¹¹Atdíðenà ale ní Pàyàhúdí nyú, ndirò ngǔkpàkà ní ùgèrè tí ì nùgèrè, 'òngò Pàyàhúdí tó sòmà tó Úyátá nífu ale. Pbéù, àlě kí abádhí ìri Kàgàwà anzi ádròdrò dhu tó màkǔrù àwě rí àlě t'ávàna nyú ò ró.»

¹²Ní, idho núuko kòrì ale, fíyó irèta riku. Abádhí ambénà dhu òngù dǒ tsùyá nzínziyà ò, 'àmbè àtìna dǒ: «Wò dhu-tì nyú ní àdhu?»

¹³Pbéù, ngǔkpà ale-tsí náambénà Yèsù ná'ù ale rùnna dhu gàyà nónzi dǒ ònzi tí, 'àdù àmbè àtìna dǒ: «Fwà kǒkò ale òrì atdíðò.»

Péterù rí dhu òvo ihé-yà tò dhu

¹⁴Nírò ní ndi Yèsù bhà uvitatále tírò ì ikò atdíkpà atdí kumì dónà atdí nà ngǔkpà òdhina màna rórò, Péterù apè ndòvò dhu orú tǔna nyú nà ihé-yà tò. Kǎti: «Nyí Pàyàhúdí tírò, ndirò nyí kóró Yèrùsàlemà tó kigò ò nyí nyí'ì rò, nyìkpèlè bíku nyíri yà ma múnna dhu mbëyi.

¹⁵Kòrì ale nòrì nzá wò nyí nyírèna dhu bhëyi, àlě kòko òko ìbhu adyifò-sisì kútsingá nga tó ò tí nídhunǐ.

¹⁶Pbéù, wò rí ndònzì dhu ní yà Kàgàwà bhà nabì Yòwelè náavò ìndrù tò dhu. Kǎti:

- ¹⁷ «Kàgàwà ràtina: yà adzi ǒ dhu-tsù rǐ ndòdì nínganí, ma miráya kóró ale Afídu nǐ. Ní fùkú kpabhínzo mà vèbhínzo màná nóongoya pbànábí tí, Fùkú zàdhà náalaya dhu ɔnyu bhèyi ródzì dòyà dhu tó ǒfò ǒ, Fùkú mùlà-akpá tò, madù dhu ɔvò ɔnyù ǒ.
- ¹⁸ Obhó tí, ndi nínganí, ma miráya pbàkà inɔ-akpá mà, pbàkà inɔ-ayí màná Afídu nǐ, ràdù ɔngo pbànábí tí.
- ¹⁹ Ma mɔnziya yà inzà apèna 'ònzì angyi indrù-nzínzì ǒ dhu ɔrù-akpà-nyí rǒ, madù wíwí ɔnzì yà adzi dǒ. I dhu nǐ'íya azu mà, kàzɔ mà, ndirò àpbù bhèyi ùtì ikɔ màná.
- ²⁰ Tdù wò ndi Ádrùngbàle Kàgàwà bhà idhɔ náaká rò, adyifò núugèrèya ndi ndòngò ínó tí, ndirò àbǐ núugèrèya ndi ndòlù azu bhèyi. Ndi idhɔ nǐ'íya ádrùngbǎ idhɔ nyú. Ndirò, ndi idhɔ nǐ'íya Kàgàwà bhà ádrùngbǎnga tó awáwù rǐ ndàvì kpangba ɔná idhɔ.
- ²¹ Nírò ní ndi Kàgàwà araya ɔvòna nànzì ìngbàtí ìli ndi ale mà nígu rǒ .»
- ²² Nyí Pbàìsràyélí tó pbìrì ǒ bhǎ, nyìrì yà ma múnɔna fùkú dhu. Kàgàwà nítè wà dhu ndi rópì ndi Yèsù, yà Nàzàretì tó kigò ǒ ale. Obhó tí, kòtù ǒ, Kàgàwà ɔnzì wà wíwí mà, yà inzà apèna 'ònzì angyi indrù-nzínzì ǒ dhu màná, ndàdù ize nítè nzínzìkɔ ǒ. Ní nyí nyúni i dhu mbèyi nyú.
- ²³ Wò ndi ale ka kipfo kabhu fùkú, àdhàdhì yà angyangyi Kàgàwà udhé, ndirò angyangyi kùpí dhu bhèyi. Ní, nyí nyípfo ka, nyǎbhɔ inzà àpè Kàgàwà ùnǐ ale ròhò, 'ùtǒ mùsàlabhà dǒ.
- ²⁴ Ka kótdù ka, pbétù Kàgàwà ádù kàbhɔ rìngbè ndi ɔve-bvù rò, ndi dhu ràdù kàbhɔ ràhu ɔve tó àpbè ǒ rò, ìmbǎ ɔve ní'ì ɔbi nà kà dǒ nídhunǐ.
- ²⁵ Obhó tí, ádrùngbǎ kamà Dàwudì náavò dhu kòkú dò rò, ndàtì: «Ma mongónà Ádrùngbàle Kàgàwà àla ɔnzìdú bìlìnganà. Kà rǐ'ì inè idú fangà dònǎ rò, ní ùdúnga rǐ nzǐ ìvì ɔdò nǐ.
- ²⁶ Kòñǐ wò dhu-okú dò rò ní ndi afídu rǐ'ì dhèdhe nà, dhèdhe tó ɔte ràdù ì'ì idàdu dǒ. Ndirò ma mùni wà dhu, ɔve-bvù màtí ngbòdu ràdìya inga t'òdɔta nà tí.
- ²⁷ Obhó tí, nyí nyubhàya nzǐ afídu ràdì ɔve-bvù. Ndirò, nyí nyadùya nzǐ ima, pbùkù ìlǐlǎ ale-abvò nyú núbhà ròmò ibhu ɔ.
- ²⁸ Nyí nyítè wà ípìrǒnga tó otu idù, ndirò, ɔnzìnú ma mí motù nínganí, idhèdu níikaya ndi atdíǒ nyú .»
- ²⁹ Tdítdǒ Péterù adù àtìná ihé-yà nǐ: «Odhídù, ma mòzè mɔvò dhu kpangba fùkú àlè t'ábhunà-nzínzì, ádrùngbǎ kamà Dàwudì-okú dò rò: kǎvè, kadù ndòtdù. Ndirò indo màtí, kǎ-dzìdò rǐ'ì inè àlè-rábvǎ.
- ³⁰ Pbétù ka ní'ì Kàgàwà bhà nabì. Ní, kùni dhu angyangyi Kàgàwà ratsò dhu ndàtì, ndi rìliya kàbhà pbàdzukuru nzínzì ǒ atdí ale ràdì kǎrì dǒ ádrùngbǎ kamà tí.
- ³¹ Ádrùngbǎ kamà Dàwudì náala ndi nɔnziya dhu angyangyi. Ní ndi dhu bhèyi ní ndi kǎvò dhu angyangyi Krístò níngbèya ndi ɔve-bvù rò dhu dǒ. Kǎtì: «Kàgàwà núubhàya nzǐ ka ɔve-bvù. Ndirò, kǎ-bvò nóòmóya nzǐ ibhu ɔ .»

³²Kàgàwà abhù wà wò ndi Yèsù rìngbè ndi òvè-bvù rò. Ní àlě'í kóró, àlě ní ndi dhu tó ngàmbì.

³³Nírò, Kàgàwà ábhu wà ka ròdzì òrù-akpà ò, ràdù àdi fìndá fangà dònǎ rò. Ndirò, kǎko wà yà Àbanà akò fìndá làká Ìlǎ-Alafí. Ní, kírǎ wà mà kà nǎ. Wò ndi Ìlǎ-Alafí rǎnzina dhu ní ndi wò nyí nyálǎna nyǎdù àmbe ìrìnà dǎ kòmbí.

³⁴Ádrùngbǎ kamà Dàwudì núupò nzá òrù-akpà ò, pbétù kǎti: «Ádrùngbǎle Kàgàwà náati pbàkà Ádrùngbǎle nǎ: Ádǎ pbàkà fangà dònǎ rò,

³⁵ràrà àhu ma mí pbùkù òmvù nábhù nyòbè dòya dhu ò .»³⁶Nírò, kóró Pbàìsràyélí tó pbìrì ò bhà náká ì rùnì dhu mběyi nyú, Yèsù wò nyí nyábhu kutò mùsàlabhà dǎ ale, ní Kàgàwà rábhu wà róngò Ádrùngbǎle tí, ndirò Màsiyà tí.»

³⁷Ní, wò Péterù òvò fíyò dhu ì ìrì rò, ndi dhu náasù ihé-yà atdíð. Ní abádhí adù dhu ìvu Péterù mà ngǔkpà uvitatále mànà-tsù, 'àti: «Àbanǎnzó, mà màkǎ mǎnzì dhu ìngbàtí?»

³⁸Ní Péterù adù dhu àdu abádhí tò ndàti: «Nyùgèrè nyí nyùbhà fùkù nzérenga. Ndirò nyàlǎ bàtizò Yèsù Krístò-òvò rǎ, ndínì Kàgàwà ubà tí fùkù nzérenga, nyǎdù kǎbhà Ìlǎ-Alafí tó perè náko.

³⁹Obhó tí, Ádrùngbǎle Kàgàwà náakò ndi làká fùkù fùkù nzónzo mànà. Ndirò kǎkò ka átò yà ndi ndúnzina kóró ale, yà ìtse arí'ì rùkù rò tò.»

⁴⁰Péterù uno ábhò ngǔkpà dhu nyú tdíð abádhí tò, ndínì abádhí nabhù tí rà'ù ndi ndùnò dhu, ndirò ndínì abádhí-afí nabhù tí ròtsì òbì. Kǎvò dhu abádhí tò, ndàti: «Nyábhu nyí Kàgàwà rìgù nyí, ìnzì nyí nyabá tí kǎkò nzére ale tó ófò.»

⁴¹Wò Péterù ùnò dhu ná'ù ale kóró náadù bàtizò à'ù kubho fíyò. Ní ndi nínganí, Yèsù ná'ù ale-bvu níisè ndi mbèmbè ìbhu lufù ale nǎ.

⁴²Ní ì ale náapbá afíya atdíð, 'òngò Yèsù bhà uvitatále rùdhèna fíyò dhu ìrì. Abádhí andu tsùya, 'òngò òko atdíkpá, 'òngò dhu ònyù atdíkpá, ndirò 'òngò 'ìtsò atdíkpá.

Yèsù ná'ù ale nóongónà òko tí dhu

⁴³Òdò ongónà ìsǎ kóró ale ò, yà Yèsù bhà uvitatále rǎnzina yà ìnzá apèna 'ònzì angyi ìndrù-nzínzì ò dhu mà, abádhí rǎnzina wìwì mànà dhu àlǎ ì í rò.

⁴⁴Kóró ale, yà Yèsù ná'ù, nóongónà òko atdíkpá. Ndirò, abádhí ongónà foyá dhu ùlì atdíkpá kàsùya nǎnzì tí.

⁴⁵Abádhí ongónà foyá dhu-tsí mà foyá ongyéngá mànà núdzi, 'àdù ì òngyè fùrangà nùndò foyá, ngàtsi ale ràbà ka dzùnàna nyú ònzì ràdù dhu-bvùtí.

⁴⁶Abádhí ongónà tsùya àndu kóró idho ò Kàgàwà bhà idzá. Ndirò, abádhí ongónà idzàya ònǎ ònyù nónyù atdíkpá dhèdhe nyú nà, ndirò atdí afíya nyú nà.

⁴⁷Abádhí ongónà Kàgàwà ìlè, kóró ale ràdù abádhí ìfu. Ndirò, yà ìnga náarúbho dhu bhěyi, Ádrùngbǎle Kàgàwà nóongónà àrà abádhí-bvu níisè rǎ yà òwátàna tí ndi ná'ù ale nǎ.

Kas 3

Péterù mà Yùwanì nà rǐ atdí òtsòtsù ale níǵù dhu

(Kas 4.9-22; 9.32-35; 14.8-10)

- ¹Atdíku, Péterù mà Yùwanì nà náava ì ndíní ì owu tí 'ìtsò Kàgàwà bhà idza ǒ rò, arùgyètdí adyifò-sisì adyídǒ nga tó ǒ.
- ²Ní, Kàgàwà bhà idza ka kòtsù òná tsàtsù-tí, abádhí atù òtsòtsù rórò ka kugù atdí ale. Wò ndi tsàtsù-òvò ní'ì «Àyàya Tsàtsù.» Bìlìnganà ka kongónà ndi ale nítdù, kiwù ìlinà ràdi ndi tsàtsù-tí, ràmbe mùdzùnà núnzi dǒ ànyì dza ròtsù ale-fó.
- ³Ní, wò ale itdègu Péterù mà Yùwanì nà nálǎ Kàgàwà bhà idza ròtsù ró, ní kǎdù ndòpè ndàmbe dhu ùnzi dǒ abádhí-fó.
- ⁴Ní, Péterù mà Yùwanì nà núudí nyìkpóya wò ale rǒ, Péterù ràdù àtìnà kà nǐ: «Ándà pé dòkà nga.»
- ⁵Ní wò ale adù abádhí dò nga nándà atdyúna nyù nà, dhu òdò ndi ndi ndíní ndi ndabá tí abádhí-fó dhu-okú dò rò.
- ⁶Pbétù, Péterù adù àtìnà kà nǐ: «Ma mí'ì ìmbǎ ɔrò mà, ndirò fùrangà tí kátina sùma mà nà màtí. Indù ma mábhùna ní fudú rí'ì dhu kèlě. Ní ma mátina inyì nǐ: «Nàzàreti ǒ ale Yèsù Krístò-òvò rǒ, ívǎ nyì nyidè, nyadù ùbhi.»»
- ⁷Wò dhu-dzidǒ, Péterù adù wò ale àlu fangà tó ɔtsúna rǒ, ndivǎ ɔrù. Ní uró rò tí, kà-pfò mà kà-pfò-kìlità mànà náadù ɔbi nábà.
- ⁸Ní wò ale ìbe ndi ndidè pfǒna dǒ, ndàdù abhi ɔpè. Àbadhi mà náadù ɔtsù atdíkpá Kàgàwà bhà idza, Péterù mà Yùwanì mànà nà. Ní àrà ndi ndàrà rórò, wò ale ambénà ndòbhè dǒ ɔbhè tí, Kàgàwà nílè ndi ndi rórò.
- ⁹Kàgàwà bhà idzá ì'ì kóró ale náala ka ùbhì rúbhi ndàdù àmbe Kàgàwà ilè dǒ ró.
- ¹⁰Ní, abádhí itdègu kùnǐ yà Kàgàwà bhà idza tó «Àyàya Tsàtsù» tí kátina tsàtsù-tí arádi ndàmbe mùdzùnà ùnzi dǒ ìndrù-fó ale tí, ní ɔdò nísí abádhí ɔ, idhò ràdù abádhí ùkò atdí dǒ wò ale rǒ ndi nònzì dhu-okú dò rò.

Péterù rǐ dhu òvò ihé-yà tò dhu

(Kas 2.22-36; 4.5-12; 5.30-32)

- ¹¹Wò ale náapbá ndi atdí dǒ Péterù mà Yùwanì mànà rǒ. Ní abádhí adù òwu atdíkpá, 'òwù òko Kàgàwà bhà idza tó mbàrazà-tsinǎ. Ndi mbàrazà-òvò ní'ì «Ádrùngbǎ kamà Sòlòmònì bhà mbàrazà.» Nírò ní ndi ìndrù náadù ìtse, ì rǎndu ì abádhí-tí, idhò ùkò ì atdí dǒ dhu-okú dò rò.
- ¹²Ní, Péterù itdègu wò dhu àlǎ, náadù dhu ìvu abádhí-tsù ndàtì: «Nyǐ, Pbàìsràyélí tó pbìrì ǒ bhà tírò, ádhu nyǐ nyàbhù nyǐ idhò rùkò nyǐ wò ale ɔgù dhu-okú dò rò nǐ? Ndirò, ádhu nyǐ nyùdǐ nyìkpókù ròkǎ, nyàmbe màndà dǒ fàkǎ ádrùngbǎnga tó ɔbi nǐ mà màbhù ka rògù dhu bhèyi nǐ? Ndirò ngǎtsi nǐ, Kàgàwà ózè dhu ònzi mà marí dhu-okú dò rò mà màbhù ka ròpè ndùbhi dhu bhèyi nǐ?

¹³Àlě t'ábhúna Àbràhamù, Ìsakà, Yàkòbhò mà tó Kàgàwà ní ndi p̀b̀indà ino-akpà Yěsù Krístò, yà nyí nyípfo nyábhù òmvù-fó ale nòvò nàbhù rìlè ndi. Nyí nyuvó nyí l̀iwalì Pilatò rò inzi ka nìkòlò tí imbi ò rò, àzèmbè iwà àbadhi òtdì kà-ànyà ndíni ndi ndikòlò tí rórò.

¹⁴Nyí nyadhò yà Kàgàwà-nyìkpó ǒ ìlǎ ale nyú, ndirò obhónángatále nyú, nyádù abvo òkye arí ale nyú nàbhù kìkòlò imbi ò rò.

¹⁵Ní ndi dhu-otù ǒ, nyí nyábhù kohò ale ní yà ípìrǒnga nàbhù arí ìndrù tò ale nyú. P̀b̀étù, Kàgàwà ábhù wà ka rìngbè ndi ɔve-bvù rò. Ní mǎ ní ndi dhu tó ngàmbì.

¹⁶Wò nyí nyálǎna ale nyí nyúni wà mběyi nyú. Ní ka nàbhù r̀ab̀à ɔbi dhu ní yà mǎ má'ù Yěsù-ɔvò bhà ádr̀ungb̀anga tó ɔbi. Yěsù ná'u ka kí dhu nàbhù ndi ka r̀òg̀è atdídò wò nyí nyálǎna dhu bhěyi.

¹⁷Ní àbanĩnzó, kòmbí mǎ m̀ǹni wà dhu wò nyí nyónzi f̀ùk̀ú ádr̀òdr̀ò ale mànà Yěsù rò dhu, ní nyí r̀ónzi inzá nyí nỳni nga dhu-okú dò rò.

¹⁸P̀b̀étù, wò Kàgàwà ádù ònzìnà kà-rò dhu ní yà angyangyi ndi ndavò kóró p̀b̀indà p̀b̀anábí-otù ǒ dhu. Kǎti p̀b̀indà M̀siyà rabáya àpbè .

¹⁹Nirò, nyùgèrè nyí nyùbhà f̀ùk̀ú nzérenga, nyádù ingo Kàgàwà-ti'ò, ndíni kǎdù tí f̀ùk̀ú nzérenga níndò.

²⁰Ndi dhu bhěyi ní ndi Ádr̀ungb̀ale Kàgàwà rí nyí nyí nyàsò ònà kàsuni nàbhù r̀ak̀à, ndàdù Yěsù, yà angyangyi ndi ndapì M̀siyà nívi r̀r̀à f̀ùk̀ú.

²¹Kòmbí dhu àkǎ kà ràdi òr̀-akpà ò, r̀àrà àhu Kàgàwà rí kóró dhu-tsí nùgèrè r̀ongò ɔwútána tí ònà idho ò. Kàgàwà avò wà ndi dhu angyangyi nyú p̀b̀indà ìl̀l̀à p̀b̀anábí-otù ǒ .

²²Obhó tí, Músà ati: «Ádr̀ungb̀ale f̀ùk̀ú Kàgàwà níipfoya ima bhěyi atdí p̀b̀indà nabì f̀ùk̀ú nzínzìkù ǒ rò. Ní dhu akáya nyòngò kà r̀ǹona f̀ùk̀ú kóró dhu níri.

²³Ìnzì r̀ongò ndi nabì r̀ǹona dhu ìr̀i ale-tsè nòtdì Kàgàwà r̀ongò àdù kóró p̀b̀indà ale nzínzì ǒ rò .»

²⁴P̀éterù adù dhu ìse átò ihé-yà tò, ndati: «Kàgàwà bhà p̀b̀anábí kóró, r̀òpè ndi Sàmolè rò rò, r̀àrà àhu dzina dǒ uvò kóró ng̀kpà p̀b̀anábí ò, náavò dhu átò ì idho ǒ ì ǹonziya dhu dǒ.

²⁵Nyí ní p̀b̀anábí tó inzo. Ní kòkò p̀b̀indà p̀b̀anábí-otù ǒ Kàgàwà anzi làkǎ ní kǎnzi f̀ùk̀ú. Ndirò nyí nỳngb̀ò wà nyí Kàgàwà nà yà abhùku mànà Kàgàwà mà núngb̀ò ì dhu-otù ǒ. Obhó tí, Kàgàwà ati Àbràhamù ní: «P̀b̀ùk̀ù p̀b̀adzukuru-otù ǒ, ma masoya yà adzi ǒ r̀g̀anda-tsù kóró.»

²⁶Ndi dhu bhěyi ní ndi Kàgàwà ìvi p̀b̀indà ino-akpà Yěsù Krístò f̀ùk̀ú wemberè tí, ndíni nyí naso tí ndàbhù nyí nyùgèrè nyí nyùbhà f̀ùk̀ú nzérenga.»

Kasu 4

P̀éterù mà Ỳwanì nà núsò ka kí, kǎdù dhu òngù tsùyá dhu

- ¹Wò Péterù mà Yùwanì nà rǐ dhu òvo ihé-yà tò òná kàsuni ǒ ní ndipbàkùhání mà, Kàgàwà bhà idza-ngbò òdo arí sàndirì tó ádrùngbàle ale mà, Pbàsàdùkáyó mà nà nùuto ì ànyìrǒ.
- ²Ní, abádhí-idhè níka nzá ndì wò Péterù mà Yùwanì nà rǐ dhu ùdhè ihé-yà tò Yèsù ingbè ndì òve-bvù rò dhu dǒ rò. Ndi dhu rǐtèna dhu ní ìkye ùvùve ale rǎdù ìkye dhu, ndirò ùngbè ùvùve kutdù ì ale rǎdù ùngbe òve-bvù rò dhu.
- ³Ní, abádhí adù Péterù mà Yùwanì nà nùso. Ní inga rǎti nídhunǐ, abádhí adù Péterù mà Yùwanì nà nùli imbi ò, rǎrà àhu tsútsǎ nínganì nga ò.
- ⁴Pbétù, ihé-yà nzínzì ǒ ábhǒ ale nyú, kǒkò óyǒ ábhǎlǐ rǔdhèna ìndrù tò dhu nìrì, náa'u Yèsù, ndi dhu rǎdù Yèsù ná'ù ale-bvù nábhù risè ndì, rǎhu mbèmbè imbò lufù ale tí.
- ⁵Tsútsǎ nínganì, Pbàyàhúdì tó ádròdrǒ ale mà, pbàkùrǔ mà, Músà bhà Úyátá tó màlímó mà nà náandu ì Yèrùsàlemà tó kigò ǒ.
- ⁶Abádhí náandu ì atdíkpá pbàkùhání tó ádròdrǒ ale dǒ kamà Anà mà, Kàyafà mà, Yùwanì mà, Àlìsandurù mà, ndirò pbàkùhání tó ádròdrǒ ale dǒ kámá-idzà ǒ bhà mà nà.
- ⁷Ní, kǒkò ì nàndu ale náavi Péterù mà Yùwanì nà kiwù nà nzínzìya ò, 'àdù dhu òpè 'òngù tsùyá. Abádhí ati: «Nyǐ nyú, nyǐ nyígù wò òtsòtsù ale àdhi bhà ádrùngbǎnga tó òbi nǐ, ndirò àdhi-òvò rǒ?»
- ⁸Ní, Kàgàwà bhà Ìlǐlǎ-Alafí nírá Péterù, rǎdù dhu àdu abádhí tò, ndàti: «Nyǐ ádròdrǒ ale mà, pbàkùrǔ mà nà tírò,
- ⁹kòní indo nyǐ nyí dhu òngù tsùkǎ wò òtsòtsù ale rǒ mà mónzì ídzìnga mǐgù ka dhu-okú dò rò.
- ¹⁰Nyǐ nyàkǎ nyǔni, nyǐ kóró Pbàìsràyélì tó pbìrì ǒ bhà mà nà dhu ní, nyǐ nyábhu Yèsù Krístò, Nàzàretì tó pbanga ǒ ale, kutǒ mùsàlabhà dǒ dhu. Ní, Kàgàwà ádù wà kàbhù rìngbè ndì òve-bvù rò. Kǒvò-okú dò rò nga ní ndi wò ale idè ònzìkù ídzì rǒ rò nǐ.
- ¹¹Ndi Yèsù ní ndi Kàgàwà bhà Andítá nòvò dhu okúna dò rò ndàti: «Yà nyǐ nyabvù igi odu, nyǐ, idza òru arí ale tírò, ní ndi òngò idza-pbidò nódò rǎdù odu tí .»
- ¹²Ògù rǎdù ndàbà kǒtù ǒ tí atdíró, ìmbǎ ngǎtsi ale-òvò rǐ'ì yà adzi ǒ atdí màtí, yà Kàgàwà ìbhò ndínǐ ìndrù ugù tí otùna ǒ nídhunǐ.»
- ¹³Ní wò dhu bhèyi Péterù mà Yùwanì nà àdu dhu fǐyò ìmbǎ óyá odó na dhu náadù Pbàyàhúdì-bvù ádròdrǒ anya ìtdì arí ale àbhù idho rùkò atdíidǒ. Ndirò, abádhí asù dhu Péterù mà Yùwanì nà rǎrǐ inzà inga nùni ndirò inzà dhu nòzù ale. Ndirò abádhí asù dhu átò Yèsù mà nà arúbhi ùbhi rǒ atdíkpá ale rǎrǐ ì.
- ¹⁴Pbétù, wò ògògù òtsòtsù ale nálá ì í nzínzìya ǒ idè ró rò, abádhí rǔnɔna dhu náadù àwǐ àwǐ tí.
- ¹⁵Ní, abádhí adù Péterù mà Yùwanì nà návi rùvò dhùwanǐ-dzà ò rò, 'àdù 'òpè 'àgò ì nzínzìya ǒ.

¹⁶Abádhí ambénà àtìnà dǒ nzínzìya ǒ: «Àlě kí kòrí ale ònzì ìngbà dhu bhěyi? Obhó tí, Yèrùsàlemà tó kíǒ ǒ bhà kóró núnì wà wò abádhí ònzì wíwì mběyi nyú. Ní, àlě kí nzí àdù ndì dhu àǒ.

¹⁷Pbétù, dhu àkǎ nzá ndì dhu-òyí rùgà ndì kóró ale nzínzì ǒ. Àlě kàkǎ àlě risǒ abádhí ìnzí Yèsù-òvò nati tí tdítǒ atdí ale-bì ǒ màtí.»

¹⁸Ní wò dhu-dzidǒ, kǒkò ádròdrǒ ale adù Péterù mà návi rìtsù tdítǒ tìya ǒ. Abádhí adù dhu ìsò Péterù mà tò ìnzí Yèsù-òvò nati tí akekpá màtí, ndirò ìnzí dhu nudhè tí tdítǒ ìndrù tò Yèsù-òvò rǒ.

¹⁹Pbétù, Péterù mà Yùwanì nà náadù dhu àdu abádhí tò, 'àtí: «Nyòtdì pé yà anya nyí nyú tírò. Ádhu Kàgàwà-nyìkpó nǒfò: tí kíri tsùkú dhu, ndirò, tí kíri tsùnà dhu?

²⁰Mǎ'í na ní ndì, ìnzí mǎ mádù iwà mǎ màla dhu mà, ndirò iwà mǎ mìrì dhu mà nóvo mǎ mí ìndrù tò dhu núbhà.»

²¹Ní, abádhí dǒ ì òrù tdítǒ dhu-dzidǒ, kǒkò Pbàyàhúdì tó ádròdrǒ-anya ìtdì arí ale náadù abádhí ùkòlò ròwù. Í ádròdrǒ ale ala nzá abádhí dǒ ì í anya òtdì okúna dò rò atdí dhu mà. Obhó tí, kóró ale adù òko 'àmbe Kàgàwà ilè dǒ wò ndì nònzì dhu-okú dò rò.

²²Wò ndì Péterù mà Yùwanì nà náanzì wíwì ròná 'ìgǔ ale ní'í iwà pbìndà ató isě ndì ròsè ifò kumì ató dònǎ ale.

Yèsù ná'ù ale rǐ 'ìtsò Kàgàwà rǒ dhu

²³Í ka kùkòlò dhu-dzidǒ, Péterù mà Yùwanì nà náadù òwu òdhiya rǐ'í í, 'adù yà pbàkùhání tó ádròdrǒ ale mà, pbàkùrǔ mànà nóvò fǐyò dhu náwe abádhí tò.

²⁴Ní wò dhu ì ìrì rò, kǒkò Yèsù ná'ù ale náadù 'ìtsò Kàgàwà rǒ, 'àtí: «Òò Ádrùngbǎlé, nyí nyanzi ndì òrù-akpà mà, yà adzi mà, ádròdrǒ rèrù-abábá mànà òyá arí'í kóró dhu mànà.

²⁵Pbùkù Ìlìlǎ-Alafí nǐ nyí nyabhù pbùkù ìnò-akpà, abhukà, ádrùngbǎ kamà Dàwudì ròvò dhu ìndrù tò. Kǎtí: «Ádhu wò dhu bhěyi ìnzá Kàgàwà núnì ale-tsi àva ndì nǐ? Ndirò, ádhu ìndrù òko 'àmbe ìmbǎ tìya nà dhu ùdhe dǒ ndínì ì ònzì tí nǐ?

²⁶Yà adzi ǒ ádròdrǒ ale nóbhòlò wà ì ila t'úgyeta tò. Ndirò, kámá nádù wà 'ìrì atdíkpá, ndínì ì ugye tí ì Ádrùngbǎlé Kàgàwà nà, pbìndà Màsiyà mànà .»

²⁷Obhó tí, ádrùngbǎ kamà Hèròdè mà, lìwalì Pòtìyò Pilatò mà, ìnzí ní Pbàyàhúdì mà, Ìsràyeli tó pbìrì ǒ bhà mànà núndu wà ì yàrí kíǒ ǒ. Abádhí ùndu ì, ndínì ì ugye tí Yèsù, pbùkù Ìlìlǎ ìnò-akpà, yà nyí nyú nyí nyútri ale.

²⁸Ndì dhu bhěyi ní ndì abádhí ònzì pbùkù ádrùngbǎnga tó òbì nǐ yà nyí nyú nyí nyudhè ndirò nyí nyazè rònzì ndì angyangyi dhu.

²⁹Nírò kòmbí Ádrùngbǎlé Kàgàwǎ, ándà pé kǒkò ale rǎpàna 'ònzì ròká dhu. Ábhù pbùkù ìnò ròwù pbùkù òte òvò rǒ ìndrù tò ìmbǎ òyá òdó na.

³⁰Ígba òtsúnù, ndínì ìndrù níǒú tí, ràdù wíwì mà, yà ìnzá apèna 'ònzì angyi ìndrù-nzínzì ǒ dhu mànà nónzì pbùkù Ìlìlǎ ìnò-akpà Yèsù-òvò rǒ.»

³¹Ní Yèsù ná'ù kǒkò ale níitdègu itsòta nító, ní yà abádhí ì'ì ì àndu ì ró nga náadù ndòpè ndivi, Kàgàwà ràdù abádhí ìra pbìndà Ìlílá-Alafí nǐ. Ní, abádhí adù 'òpè 'ùnò Kàgàwà bhà Ote ìmbà òyá odó na.

Yèsù ná'ù ale rǐ foyá dhu núlǐ atdíkpá ròngò dzùnàya ònzì dhu

(Luk 12.33; Kas 2.44-47; 2Kò 8.13-15; 1Yù 3.16-19)

³²Yèsù ná'ù ale ní'ì atdí ale bhěyi afíya mà, atdyúya màná ò rò. Atdí ale mà abádhí nzínzì ò nóongónà nǐ fóná dhu àtì pbìndà dhu nyú tí. Pbétù, abádhí ongónà kóró foyá dhu núlǐ atdíkpá.

³³Abádhí ongónà àdù Ádrùngbǎle Yèsù ingbè ndì òve-bvù rò dhu tó màkǔrù nóvò ìndrù tò ádrùngbǎ òbi nyú nà. Ndirò Kàgàwà ongónà àdù abádhí àso kóró atdídǒ.

³⁴Dhu òtdì ndì róná ale ní'ìnà mbǎ abádhí nzínzì ò atdí màtí. Obhó tí, inga nà ale mà kóró, idza nà ale màná kóró, nóongónà ì dhu-tsí nǔdzi, 'àdù ìwu ì òngyè fùrangà nà,

³⁵'ùbho Yèsù bhà uvitatále-fó. I uvitatále ongónà àdù ndì fùrangà nǔndò kóró ale tò, ngǎtsi ale ràbà ka dzùnàna ònzì ràdù dhu-bvùtí.

³⁶Ndì dhu bhěyi tí, Yòzefù tí kátina atdí Mùlawì ní'ì inga nà. Ka ní'ì Kìpurò tí kátina pbìrì ò ka kugu ale. Yèsù bhà uvitatále ongónà àdù kànzi átò Bàrnabà tí. Bàrnabà-tì ní ìndrù-afí òpè arí ale.

³⁷Ní kǎbhù pbìndà inga kodzì, ndàdù ìrà ndì fùrangà nà, ndìrà àbhù nà Yèsù bhà uvitatále-fó.

Kasù 5

Ànàniyà mà pbìndà tsìbhále Sàfirà nà rǐ ndì nanzì dhu

(Tò r 23.21-23; 2Ká 5.20-27; Kas 4.35-37)

¹Pbétù, Ànàniyà tí kátina ale mà níri ì pbìndà tsìbhále Sàfirà nà 'àbhù fíyó inga kodzì.

²Ní, Ànàniyà idyi ndì inga ka kodzì róná fùrangà-ròrò fíndà, iwà pbìndà tsìbhále ùnì átò rórò. Wò dhu-dzidǒ, kǎdù àrà ndì fùrangà-go àbhù Yèsù bhà uvitatále-fó.

³Ní Péterù ivú dhu Ànàniyà-tsù, ndàti: «Ànàniyǎ, ádhu nyi nyàbhù pfòmvo Sítanìrǎ afínù nǐ? Nyi nyètrǎ Kàgàwà bhà Ìlílá-Alafí, nyadù inga nyi nyàbhù kodzì rò nyi nyàbà fùrangà-ròrò nídyi ìndù.

⁴Inzá nyi nyàpè ndì inga àbhù kodzì rò, ka ní'ì t'òbhó pbùkù? Ndirò, iwà màtí nyi nyàbhù ka kodzì rò, nyi nyòngyè fùrangà ní'ì t'òbhó pbùkù kèlǐ? Ní, ádhu nyú nyi nàbhù nyonzì dhu wò dhu bhěyi? Nyi nyùnò nzá titò ìndrù tò, pbétù nyi nyùnò ka Kàgàwà tò.»

⁵Ní wò Péterù ùnò dhu ndì ndìrì rórò tí, Ànàniyà nítsi obvò, ndàdù òvè dòtsí. Ní kóró ale, wò Ànàniyà rǐ ndì nònzì dhu nìrì ò odo isí atdídǒ.

⁶Wò dhu-dzidǒ, kpabhínzo adù ìwu, 'àkpòrò Ànàniyà-abvò-ngbò mberù ò, 'àdù òwu òtdùnà.

⁷Mbembè ìbhù adyifò-sisì tí Ànàniyà òvènà ró adyifò-sisì ùdà rórò ní ndi, kàbhà tsìbhále, Sàfirà náatsù tdítdǒ Péterù mà-tí'ò. Kǔni nzá pbìndà ale rǒ ndi nònzì dhu.

⁸Ní, Péterù ivú dhu kà-tsǔ, ndàti: «Úno pé! Tí nyǐ nyàbhù inga kodzì róná fùrangà-bvu yà?» Ní, Sàfirà adù dhu àdu ndàti: «Hì! Ka ní wò.»

⁹Ní Péterù adù àtìnà Sàfirà nǐ: «Nyǐ nyàdù nyǐrì ingbà dhu bhěyi pbùkù ale nà, nyòwù Kàgàwà bhà ǐlǐlǎ-Alafí nyú nútra? Àndà! Kòní pbùkù ale òtdù òwù kpabhínzo rǐtsù kòkò dǒ. Ní, abádhí rǐ abvònu itdu átò, 'òwù òtdùnà.»

¹⁰Uró rò tí, Sàfirà nǐtsi gbùù obvò Péterù-ònzǐ, ndàdù òvè dòtsí. Ní, idza ì ìtsù rò, kpabhínzo adù Sàfirà òtù iwà òvè ró, 'adù kǎ-bvò itdù, 'òwù òtdùnà átò yà kàbhà ale ì òtdùnà ró.

¹¹Ní, odo nǐsì atdítdǒ kànisa ò, wò Ànàniyà mà Sàfirà nà rǒ ndi nònzì dhu ì ìrì rò.

Yèsù bhà uvitatále rǐ andi nà ibí ale nígǔ dhu

¹²Yèsù bhà uvitatále náanzì ábhǒ wiwì mà, yà inzà apèna 'ònzì angyi ìndrù-nzínzì ò ábhǒ dhu mànà ìndrù nzínzì ò. Ndirò, Yèsù ná'ù ale kóró nóongónà 'àndu bìlìnganà. Abádhí ongónà òko atdíkpá «Ádrùngbǎ kamà Sòlòmònì bhà mbàrazà» tí kátina mbàrazà-tsìnǎ.

¹³Ndirò, yà inzà Yèsù ná'ù ale nzínzì ò, atdí ale mà nóongónà nǐ ndòmuvù ndàngbò ndi abádhí nzínzì ò. Pbétù, ìndrù ongónà àdù àmbe Yèsù ná'ù ale ilè dǒ atdítdǒ.

¹⁴Ábhǒ kpabhále mà vèbhále mànà nóowúnà Ádrùngbǎle Yèsù à'ù rǒ, ndi dhu ràdù àrà ka ná'ù ale-bvu àbhù rǒ risè ndi atdítdǒ.

¹⁵Ní, ìndrù nóowúnà andi nà ale númbà rǒ 'iwù nà ngudhà ò. Abádhí owúnà ì ale núlì rǒ ròyì fìyó ara mà fìyó ótdù mànà dǒ, ndíní Péterù rǐda ányirǒ òná kàsùmì ò, àbadhisì nyú mà náara tí ndìbvù rǒ atdí ale dǒ màtí.

¹⁶Ábhǒ ale nyú nóowúnà iwù rǒ andi nà ale nà, nzére-alafí náarávu ròyá ale mànà yà kyèròkyèrò rǐ'ì Yèrùsàlemà tó kigò-tí pbanga ònǎ rò. Ní ì ale owúnà ùgu rǒ kóró.

Yèsù bhà uvitatále núsò ka kǐ, kadù dhu òngù tsùyá dhu

(Ìsa 65.13; Kas 4.5-12; 12.3-11; 18.20)

¹⁷Wò dhu-dzidǒ, pbàkùhání tó ádròdrǒ ale dǒ kamà, yà ì ì'ì mànà atdíkpá Pbàsàdùkáyó tó mùtù nzínzì ò ale mànà, náambénà Yèsù bhà uvitatále rǒnzina dhu-adhà ònzì dǒ atdítdǒ.

¹⁸Ní abádhí adù Yèsù bhà uvitatále àbhù kusò, kudò kóró ale tó imbi-dzà ò.

¹⁹Pbétù kùbhingá nǎ, Ádrùngbǎle Kàgàwà bhà atdí màlàyikà náadù ìrà imbi-dzà-tsù núpǒ, ndàdù Yèsù bhà uvitatále àbhù rùvò iri. Ndirò, ndi màlàyikà adù àtìnà abádhí nǐ:

²⁰«Nyòwu nyìkò Kàgàwà bhà idzá, nyàdù ípìrǒnga-òwútá dǒ róte kóró màkǔrù nóvò ìndrù tǒ.»

²¹Ní, Yěsù bhà uvitatále adù 'ìvà bhòtsungá nyú, 'òwù Kàgàwà bhà idza ò, 'àdù 'òpè ùdhe dhu ìndrù tò. Pbàkùhání tó ádròdrǒ ale dǒ kamà mà, yà ì ì'ì mànà atdíkpá ale mànà níwù ùvò rò, abádhí adù Pbàyàhúdí-bvǔ ádròdrǒ-anya itǔ arí pbàkùrǔ-tsù àndu. Ndirò, abádhí adù sàndìrì àvi ròwù Yěsù bhà uvitatále ùgù, 'ìwù nà imbi ò rò.

²²Ní imbi-dzà ò ì ìwù ùvò rò, kǒkò sàndìrì adù nzá ì uvitatále òtù abádhí ka kúdo ònà káluga ò. Ní abádhí adù 'àdu anya t'ítǔtá t'ále-tí'ò, 'àdù dhu òvò fíyò, 'àti:

²³«Mǎ mǒwù ùvò imbi-dzà-li'ò, ní mǎ mòtù ndi imbi-dzà-tsù mběyi nyú ka kùpbí ró. Ndirò, sàndìrì ní'ì inè fíyò ngari ǒ tí ì ikò ró. Pbétù, mǎ mìtdègu tsátsù ùpfo, ní mǎ màdù nzá atdí ale mà nótù káluga ò.»

²⁴Ní wò Kàgàwà bhà idza-ngbò òdo arí sàndìrì tó ádrùngbǎle mà, pbàkùhání tó ádròdrǒ ale mànà níitdègu wò dhu ìri, ní abádhí-do ò nga adù ikǔ tí iku. Ní abádhí adù 'òpè 'òngù dhu tsùyá nzínziya ǒ, 'àmbe àtinà dǒ: «Ádhu nyú wò ndi nònzì kǒkò ale-rǒ?»

²⁵Nírò ní ndi atdí ale ito ndi, nditsi àtinà kǒkò ádròdrǒ ale ní: «Nyìri dhu! Kǒkò nyí nyábhù kusò, kúdo imbi ò ale rǔ'ì Kàgàwà bhà idzá ì ikò, 'àmbe dhu ùdhe dǒ ìndrù tò ró.»

²⁶Ní, sàndìrì tó ádrùngbǎle mà, róná ngǔkpà sàndìrì mànà náawù Kàgàwà bhà idza, ndínì ì ugu tí Yěsù bhà uvitatále 'ìwù nà anya t'ítǔtá t'ále-ònzǐ. Pbétù, abádhí núulù nzá ì uvitatále òbi ní ìwù nà, ìndrù rǎdù 'ùbvù odu ní dhu-òdò ònzì ì 'í dhu-okú dò rò.

²⁷Wò dhu-dzidǒ, sàndìrì abhù Yěsù bhà uvitatále rìwù ùvò ádròdrǒ anya itǔ arí ale-ònzǐ. Ní, pbàkùhání tó ádròdrǒ ale dǒ kamà náadù ndòpè ndòngù dhu abádhí-tsǔ, ndàti:

²⁸«Mǎ mǐsǒ wà nyí ìnzǐ nyí nyowu tí dhu ùdhe rǒ wò ale-òvò rǒ. Ní, nyàndà pé nyí nyònzì dhu: Yèrùsàlemà tó kigò ǒ bhà nùlè wà ùlè tí fíyò nyí nyúdhèna wò ale dǒ dhu ní. Ndirò nyí nyòzè nyífo wò ale-azù dòká átò!»

²⁹Ní Péterù mà ngǔkpà uvitatále mànà náadù dhu àdu kà tò, 'àti: «Àkǎkǎ dhu tí kifù Kàgàwà ùnò dhu, ndirò tí kifù ìndrù ùnò dhu?»

³⁰Nyí ní ndi nyí nyabhù Yěsù kutǒ mùsàlabhà dǒ ròvè, kadù òtdùnà. Pbétù, abhúka tó Kàgàwà nábhù wà ka rìngbè ndi òve-bvù rò.

³¹Ndirò, Kàgàwà ábhù wà ka ròdzì òrù-akpà ò, ndàdù àbhùnà ràdi fǐndá fangà dònǎ rò. Kǎbhù ka ràdi Kamà tí ndirò Ògùba tí, ndínì otu nabhù tí Pbàìsràyélí tò rùgèrè ì, 'ùbhà fíyò nzérenga, ràdù ùbàta tó otu àbà.

³²Mǎ ní ì ì nónzì dhu tó ngàm̀bì. Ndirò, Kàgàwà ùnò dhu ifǔ arí ale nírá kǎrí ní pbìndà Ìlǐlǎ-Alafí ní ì dhu tó ngàm̀bì átò.»

³³Ní wòrì òte ì ìrì rò, ádròdrǒ anya itǔ arí ale náakó atdídǒ, 'àdù dhu òzè ndínì ì abhù tí Yěsù bhà uvitatále kǒkyè.

³⁴Pbétù, abádhí nzínzì ǒ Gàm̀liyelì tí kátina atdí Mùfàrisayò ní'ì inè. Ndi ale ní'ì Mùsà bhà Uyátá tó màlimò, ndirò ka ní'ì atdídǒ kóró ale arífùna ale. Ní, kǐvà ndi ndidè òrù ádròdrǒ anya itǔ arí ale nzínzì ǒ, ndàdù Yěsù bhà uvitatále àvi kipfo iri ákě kàsùmì tí.

³⁵Ní kǒkò uvitatále ùvò iri dhu-dzidǒ, kǎdù dhu òvò ádròdrǒ anya ìtdì arí ale tò, ndàti: «Nyí Pbàìsràyélí tó pbìrì ǒ bhǎ, nyàndà nga mběyi kǒkò ale rǒ nyí nyápàna nyǒnzì dhu nà.

³⁶Kòní, tdèku tí Tèwudhà nívà ndì, ndàrà ndàti rǒ ádrùngbǎle tí, mbèmbè ìfò miyà ale ràdù 'òdhò owùna ǒ. Ní ka kóhò ka, yà kà-tsǔ dhu ná'ù ale ràdù 'ìfàlà, wò abádhí ìtsǒ dhu ràdù ìnè.

³⁷Tèwudhà-dzidǒ, Gàlìlayà tó pbìrì ǒ atdí ale, Yudhà tí kátina nívà ndì ndì dhu bhěyi tí yà ìndrǔ òzù ka kí òná kàsùmì ǒ, ihé-yà ràdù 'òdhò owùna ǒ. Pbétù, ka kòhò ka rò, yà kà-tsǔ dhu ná'ù ale nádù 'ìfàlà átò.

³⁸Ní kòmbí ma mátina nyí nǐ: «Nyùvò kǒkò ale tó dhu ò rò. Nyùbhà abádhí ròwù. Wò abádhí ùdhe ì onzì tí dhu mà, wò abádhí rǒnzina dhu màrà nǐ'ina gukyè ìndrǔ ò rò àhu dhu tí, ní ì dhu rǐnè ìtírò.

³⁹Pbétù, ì dhu apé ì'ì Kàgàwà nyú ùdhě ndì ndonzi tí dhu tí, ní nyí nyí nzì ì dhu àbhǔ rǐnè. Nyàndà nga mběyi! Akye nyí nyowuna nyòtù Kàgàwà nà nyí nyí nyūgye ró.» Ní kǒkò ádròdrǒ anya ìtdì arí ale náadù wò Gàràliyelì òvò fǐyò dhu irì.

⁴⁰Abádhí adù uvitatále àvi rìtsù tiya ò. Ní idza abádhí ìtsù rò, ì ádròdrǒ ale adù abádhí àbhù kùvi, 'àdù dhu ìsò fǐyò ìnzì Yèsù-òvò nati tí tdítǒ ìndrǔ nzínzì ǒ. Wò dhu-dzidǒ, ì ale adù abádhí ùkòlò, ròwù.

⁴¹Ní Yèsù bhà uvitatále uvò kòrì ale-ònzì rò dhèdhe nyú nà, ì ka kòzù iwà àkǎ 'àbà àpbè Yèsù-òvò-okú dò rò ale tí nídhunǐ.

⁴²Ndirò, Kàgàwà bhà idza ǒ màtí, idzàya ònǎ màtí, abádhí ubhà nzá kóró idho ǒ ì 'í dhu ùdhě ìndrǔ tò dhu. Ndirò abádhí ubhà nzá Yèsù rǎrǐ Màsiyà dhu tó Ídzì Màkǔrù nóvò ì 'í ìndrǔ tò dhu.

Kasù 6

Yèsù bhà uvitatále dzùnà ònzì róngo àrùbhù ale nóvò ka kí dhu

(Uvt 18.13-26; 1Tì 3.8-13)

¹Kǒkò ì idho ǒ, Yèsù bhà ábhàlǐ-bvu náadì ndàrà ndìse rǒ. Ní yà Pbagìríkí t'ávàna òte arí Pbayàhúdì náadù 'òpè 'ònu yà ávaya nyú nóte arí Pbayàhúdì nǐ, fǐyò abvo-ayí ròwu ùdzò tí ùdzo rǒ bìlìnganà ònyù ùndo ka kí ìndrǔ tò òná kàsùmì ǒ dhu-okú dò rò.

²Ní, atdí kumì dòná óyǒ nà Yèsù bhà uvitatále náandu Yèsù bhà ábhàlǐ-tsù kóró, 'àdù àtìnà nǐ: «Ínzá dhu àkǎ àlě rùbhà Kàgàwà bhà Ote ùno àlě kí ìndrǔ tò dhu ònyù-okú dò rò.

³Nírò àbanǐnzó, dhu àkǎ nyòvò àrùbhù ale nzínziku ǒ, ndínǐ mà madù tí ndì kasù àbhù foyá. Ì ale àkǎ ì'ì ídzì mùtsò nà ale tí, Kàgàwà bhà Hǐlǎ-Alafí írǎ ale tí, ndirò dhu-ònga t'òvòta núnì ale tí.

⁴Ndì dhu bhěyi ní ndì kàsùka nádù ì'ì ìndrǔ dǒ mà mí mǐtsò dhu mà, Kàgàwà bhà Ídzì Màkǔrù ùno mà mí ìndrǔ tò dhu màrà dhu kèlě.»

⁵Ní, wò dhu adù Yësù bhà ábhàlǐ-nyìkpó nófò kóró. Ní, abádhí avò Stìfanù ádrùngbã a'uta nà ale, ndirò Kàgàwà bhà Ĩlǎ-Alafí írã ale mà, Fìlipò mà, Pòròkòrò mà, Nìkànòrà mà, Tìmonì mà, Pàramìnà mà, Nìkùla mà. Nìkùla ní'ì Àtiyòkiyà tó kigò ò ale , yà Pbàyàhúdí tó sòmà ò ndì nùgèrè ale.

⁶Wò dhu-dzidò, abádhí adù kòkò ì òvò ale nítè Yësù bhà uvitatále tò. Nírò ní ndi Yësù bhà uvitatále adù 'ìtsò òtsúya ì ùlì abádhí dò-tsírò rórò.

⁷Wò ndi kàsùmì ò, Kàgàwà bhà Ote adù ndànga atdíðò ìndrũ nzínzì ò. Ndirò, Yësù bhà ábhàlǐ-bvũ náadù àdi ndàrà ndìse rò atdíðò Yèrùsàlemà tó kigò ò, ibí pbàkùhání mà ràdù Yësù ná'ù átò.

Stìfanù òsò ka kí dhu

⁸Kàgàwà nírá Stìfanù pbìndà ídzìnga mà, pbìndà ádrùngbãnga tó òbì mà. Ní, kàránà yà inzà apèna 'ònzì angyi ìndrũ-nzínzì ò dhu mà, wìwì-abábá mà. nónzì rò ìndrũ nzínzì ò.

⁹Ní ngúfe ale, yà «Īno-kàsũ ò rò ka kúkòlo ale» tí kátina unduta-dzà ò ale nzínzì ò, náadù 'òpè 'àgò ì kà nà. I ale ní'ì Kùrenì tó kigò ò Pbàyàhúdí, Àlìsàndùriyà tó kigò ò Pbàyàhúdí, Kilìkiyà tó kigò ò Pbàyàhúdí, ndirò Àziyà tó mùlengù ò Pbàyàhúdí.

¹⁰Pbétù, abádhí anzì nzà Stìfanù lèmà, kǐ'ì dhu-ònga t'òvòta tó màgèzì nà, ndirò Kàgàwà bhà Ĩlǎ-Alafí ambènà kùndà dǒ kà ròte rò nídhuní.

¹¹Nírò ní ndi abádhí adù ìndrũ nódzì fùrangà rò ndíní ì ale òvò tí dhu 'àti: «Mǎ mírì wò ale nzére nyú rí dhu ùno Músà nǐ ndirò Kàgàwà nǐ ró.»

¹²Abádhí adù dhu ìtsu ihé-yà mà, pbàkùrũ mà, Músà bhà Uyátá tó màlímó mà. ndò-ò, ndíní dhu nivà tí Stìfanù rò. Nírò ní ndi abádhí alú ka 'òsò, 'adù òwu nà, 'òwù ùvò nà ádròdrò anya ìtdì arí ale-ònzí.

¹³Abádhí adù òwu títò dǒ rí Stìfanù òbhu ale nà átò ányì, ndíní ka nòbhu tí 'àti: «Īnzí ndì ndí ndìngyè rórò, wò ale náarí dhu ùno nzére nyú àlè tó Kàgàwà bhà Ĩlǎ idza nǐ, ndirò Músà bhà Uyátá nǐ.

¹⁴Mǎ mírì wà ka ìtí rátina: Yësù, Nàzàretì tó kigò ò ale rǎrǎ Kàgàwà bhà idza nùgòlò, ndàdù yà Músà ubhà àlè tò àlè tó màndu nùgere.»

¹⁵Ní, wò anya t'ítàtà-idzà ò ì'ì ale kórò nùudí nyìkpóya Stìfanù rò, 'adù kà-nyì àla Kàgàwà bhà màlàyikà-nyì bhèyi rólo ró.

Kasù 7

Stìfanù rǐ dhu òvò ìndrũ tò anya t'ítàtà-idzà ò rò dhu

¹Wò dhu-dzidò, pbàkùhání tó ádròdrò ale dǒ kamà níivú dhu Stìfanù-tsũ, ndàti: «Wò dùnù ka kùnò dhu tí obhó dhu?»

²Ní Stìfanù adù òte òpè, ndàti: «Abádũ ndirò adódũ, nyìri yà ma mùnòna fùkù dhu. Ádrùngbãnga tó awáwù nà arí'ì Kàgàwà náavì ndì àlè t'ábhunà Àbràhamù tò Mèzòpòtamiyà tó pbìrì ò kà rǐ'ì rórò, tdũ kàrà àdi Hàranì tó pbìrì ò rò.

³Ní, kǎti Àbràhamù nǐ: «Ívǎ nyi fùkú pbìrì ǒ rò, ndirò fǐ-dzá-bhà nzínzì ǒ rò, nyarà yà indù ma mítèna pbìrì ǒ.»

⁴Ní Àbràhamù ivà ndi Kàlìdeyà tí kátina pbìrì ǒ rò, ndàrà àdi Hàranì. Àbràhamù t'ábanà óvè dhu-dzidǒ, Kàgàwà adù Àbràhamù àbhu rìvǎ ndi Hàranì rò, ràrà àdi yà kòmbí nyí nyí'ì òná pbìrì ǒ.

⁵Ní ndi pbìrì ǒ, kǎbhù nzá atdí adzi mà, ndirò pfǒna-owù kǐlì róngá bvùtí ngarí-ngba mà kà tò. Pbétù, kǎkò wà làkǎ Àbràhamù tò ndàtì, àbhù ndi rabhùya ndi pbìrì kà tò pbìndà pbàdzukuru màná. Kǎnǒ wò dhu ìmbǎ Àbràhamù arí'ì atdí ngbángba nà màtí rórò.

⁶Kàgàwà atì yà dhu bhèyi: «Pbùkù pbàdzukuru nóowuya òko ngùkpà ale tò pbìrì ǒ. Ànyì, ka kabhùya abádhí ròngò ìnǒ tí, kadù àvu ròyá, ràrà àhu ifò miyà ato tí.»

⁷Kàgàwà atì átò: «Ma mìtdiya ndi anya nyǎbhù óyá ale rǐ nyǒngò ìnǒ tí pbìrì ǒ ale-dǒ. Ndi dhu-dzidǒ ní ndi, ma mabhùya abádhí rùvò ndi pbìrì ǒ rò, rìwù òko, 'òngò ìma núle yàrì ngarì ǒ rò.»⁸Wò dhu-dzidǒ, Kàgàwà adù kpabhínzo-ònzǐnga òbhòlò ka kǐ dhu nídi ize tí ndínǐ Àbràhamù màná ì ùngbò ì dhu nitè tí. Ndi dhu bhèyi ní ndi, Ìsakà ka kùgù rò, Àbràhamù abhù kònzǐnga kòbhòlò àrù rí idho isè idho ǒ. Ìsakà anzì dhu ndi dhu bhèyi tí idhùnà Yàkòbhò-rǒ, Yàkòbhò ràdù kònzì ndi dhu bhèyi tí atdí kumì dòná óyǒ nà idhúna, àlě t'ábhúna-nzínzì rǒ.

⁹Adòyà Yòzefù-adhà ònzì ì arí dhu-okú dò rò, ì àlě t'ábhúna-nzínzì náabhù ka Mísri tò pbìrì ǒ bhà ròdzì. Pbétù, Kàgàwà ì'ì ìnè atdíkpá kà nà.

¹⁰Ní, kǎdù kǎbhu ràrà ùda rǒ ndi ndábàna kóró àpbè òná. Ndirò, Kàgàwà abhù ka ràbà ídzìnga Mísri tò pbìrì ǒ ádrùngbǎ kamà Fàrawù-ònzǐ, ndàdù dhu-ònga t'óvòta tò màgèzì àbhu kà tò. Ní, Fàrawù adù Yòzefù ìlì Mísri tò pbìrì ǒ lèwalì tí. Ndirò, kǎdù kǐlì ádrùngbǎle tí pbìndà idzá kóró dhu-dǒ.

¹¹Wò dhu-dzidǒ, àgǎyì níisí Mísri tò pbìrì ǒ ndirò Kànanà tò pbìrì ǒ màtí. Ndi dhu ni'ì ádrùngbǎ àpbè nyú. Ndirò, àlě t'ábhúna rǐ ì ónyuna dhu mà àbà ró nga mà ní'ì ìmbǎ.

¹²Ní, Yàkòbhò itdègu ìnè ònyù rǐ'ì Mísri dhu ìrì, náadù àlě t'ábhúna nóvì, ròwù wemberè tò abhi nǐ ànyì .

¹³Ọyò rí abádhí tò abhi níisè ànyì abhi ǒ, Yòzefù adù nditè abádhí tò abádhí t'ádònà nyú tí. Nírò ní ndi ádrùngbǎ kamà Fàrawù adù Yòzefù mà-dzá-bhà núnì átò.

¹⁴Wò dhu-dzidǒ, Yòzefù adù àbanà Yàkòbhò mà, kóró fǐ-dzá-bhà màná návi rìwù òko Mísri tò pbìrì ǒ. I ale-bvu kóró ni'ì àrùbhù kumì dòná ìmbò nà ale.

¹⁵Ní, Yàkòbhò adù òtse Mísri. Àbadhi mà, pbì inzo àlě t'ábhúna màná náawù uvè ànyì.

¹⁶Ka kadúnà òwu abádhí-abvò númbà rǒ, kiwù ùtdunà Sikemù tò pbìrì ǒ, yà àlě t'ábhunà Àbràhamù náadzì fùrangà rǒ Hèmorà bhà inzo-fó ibhu ǒ.

¹⁷Ní, yà Àbràhamù tò Kàgàwà akò làkǎ rǎkǎ òná kàsùmì nítdègu ndindù, ní àlě tò ale-bvu níisè ndi ndòtrò atdídǒ Mísri tò pbìrì ǒ.

- ¹⁸Nírò ní ndi yà inzá Yòzefù nùni ádrùngbă kamà náanyù idzi Mísri tó pbìrì dǒ.
- ¹⁹Ní ndi ádrùngbă kamà núutrá àlě tó ale, ndàdù àvu àlě t'ábhúna rǒ. Kădù abádhí ùtu átò rùbhă foyá nzónzo ndíní uvè tí.
- ²⁰Wò ndi kàsùmì ǒ ní ndi, ka kugù Músà. Músà ní'ì atdíđǒ áya, ndàdù Kàgàwà-nyìkpó ǒfò ngbángba. Ní ka kadò ndi Músà tó ngbángba ìbhu àbì tí àbanà bhà idzá.
- ²¹Íyànà itdègu Músà tó ngbángba ùbha, ní ádrùngbă kamà Fàrawù t'ívànà adù kìdyì, ndàrà ìvinà pbìndà ngbángba nyú bhěyi.
- ²²Ní ànyì-dzá, ka kudhè Mísri ǒ bhà tò ka karúdhèna dhu-tsí-tidò kóró Músà tò, àbadhi ràdù ì'ì ádrùngbănga tó ɔbi nyú nà ɔtèna ǒ, ndirò kàsùna ǒ màtí.
- ²³Ní atdiku, ìfò kumì atò nà ndi ndí'ì rórò, Músà núudhé dhu ndi rākă ndàrà adóna Pbàisràyélí nándà.
- ²⁴Ní, kătù abádhí nzínzì ǒ atdí ale róná Mísri ǒ atdí ale rávu ró. Ní, kăzè ndisǒ kà-rǒ dhu. Ní, adónà-rǒ dhu ndi ndutsè tí, kădù wò Mísri ǒ ale nóhò òho tí.
- ²⁵Kăti dhu ùnì adóna Pbàisràyélí rǐ dhu ùnì, Kàgàwà rívi ndi ndi, ndíní ndi nduwù tí ì ino-kàsù ǒ rò dhu tí. Pbétù abádhí adù nzá ndi dhu ùnì.
- ²⁶Tsútsă nínganí, Músà atù óyǒ Pbàisràyélí 'òngbu rí ró. Ní kăzè ndùkòlò abádhí-ǒnga ròkò màrùngà ǒ. Ní, kăti abádhí nǐ: «Àbanǐnzó, nyí ní atdí ɔdhi! Ní ádhu nyí nyávu rùkú nyí-tírò nǐ? »
- ²⁷Pbétù, yà ɔdhìnà rǒ rúbhi àvu rǒ ale níidzi Músà, ndàdù àtìnà nǐ: «Ádhi ndi inyi níli dǒká kamà tí? Ndirò ádhi ndi nyi níli ndíní nyi nyongó tí ànyăka ùnò?»
- ²⁸Nyi nyòzè tí nyohò ma yà inzì nyi nyóhóná Mísri tó pbìrì ǒ ale dhu bhěyi? »
- ²⁹Ní, wò dhu ndi ndirì rò, Músà akù dòtsí, ndàrà àdi Pbàmidiyani tó pbìrì ò. Ányì kădhì kpabhá nzónzo ɔyɔ.
- ³⁰Ìfò kumì atò dzidǒ, Kàgàwà bhà màlàyikà náavi ndi kà tò Sìnayì tí kátina pbìrì-akpà tí arí'ì rùngù ǒ, kazu rǒrù róná ìnzì rógbe rórò kìdzùmbà ǒ.
- ³¹Ní idhò núukò Músà atdíđǒ wò dhu ndi ndàla rò. Pbétù, yà ndi ndóndri ndíní ndi ndandá tí dhu mběyi rò, Músà iri Ádrùngbăle Kàgàwà-tù wò kazu ò rò róte ró.
- ³²Kăti: «Ima ní abhúnù tó Kàgàwà. Ima ní Àbràhamù mà, Ìsakà mà, Yàkòbhò mànà tó Kàgàwà.» Ní, ɔdò nǐ ndi ndívi dhu-okú dò rò, Músà adù nzá ndòm̀vù ndàndà ndi kazu-dònga mà tdítđǒ.
- ³³Wò dhu-dzidǒ, Ádrùngbăle Kàgàwà adù àtìnà kànì: «Úwa pfǒnù rǒ kàyitò, wò nyi nyidè ró nga ní ìlǐlǐ ngari nídhunì.
- ³⁴Obhó tí, ma màla wà pbàkà ale rǎbàna Mísri tó pbìrì ǒ bhà fò àpbè! Ndirò, ma mìrì wà abádhí rǐ 'ùhù tí dhu. Ní, ma mìfò wà ɔrù-akpà ò rò, ndíní ma mipfo tí abádhí ndi àpbè ǒ rò. Ní, írà! Kòmbí ma mí nyovì Mísri.»»

³⁵Stìfanù adù dhu òvo tdítdõ, ndàti: «Wò ndi Músà Pbàìsràyélí adhò angyinà rò. Abádhí atí kàní: «Ádhi ndi inyi níli dóká kamà tí? Ndirò ádhi ndi nyi níli ndíní nyi nyongó tí ànyàka ùnò? » Ndi Músà kèlè ní ndi Kàgàwà adù òvinà ràrà kamà tí, ndirò Pbàìsràyélí ùkòlò rí ino-kàsù ò rò ale tí. Kítè ndi kà tò pbìndà màlàyikà-otù ò, yà ìnzì rógbe rórò kàzu rǒrù róná kídžumbà ò.

³⁶Ndi Músà ní ndi, Pbàìsràyélí nípfo Mísri rò, yà ìnzà apèna 'ònzì angyi ìndrù-nzínzì ò dhu mà, ize màrà nónzì ndi ndi dhu-otù ò. Kànzì i dhu Mísri tò pbìrì ò «Òlòlù ádrùngbà rèrù» tí kátina ádrùngbà rèrù ò, ndirò rùngù ò ifo kumì atò ò.

³⁷Ndi Músà kèlè ní ndi dhu navò Pbàìsràyélí tò ndàti: «Kàgàwà nípfoya ima bhèyi atdí pbìndà nabì fùkù nzínziku ò rò.»

³⁸Pbàìsràyélí àndu tsùya rùngù ò rò, kǒngónà ndi ide àlè t'ábhúna mà nzínzì ò yà Sinayi tò pbìrì dò rò rí dhu òvo fíndà Kàgàwà bhà màlàyikà màrà. Kàkò ndi ípìrǒnga tò òte, ndàdù ùdàrà àlè tò.

³⁹Pbétù, àlè t'ábhúna náazè nzà 'ifu Músà rǔnǒna dhu. Abádhí ongónà kà-tsù dhu àsà àsa tí, atdyúya ràdù 'ì ndíní ò adù tí ò Mísri tò pbìrì ò.

⁴⁰Ní atdíku, abádhí atí Àrǒnì ní: «Mă m̀nì nzà yà Mísri rò mă nábhũ m̀vò Músà rǒ ndi nìpè yà kàrà i dhu. Ní, óbhòlò m̀ngũ-nzo-wòyǒ fàkà, ndíní ka kongó tí ànòrà kambe òwu dǒ nà angyi fàkà.»⁴¹Ní abádhí abhòlò ìkyì-ngba-wòyǒ, 'adù ìzà tò perè ùbì ndi sànamũ-ngba-ònzì. Ndirò abádhí anzì m̀hendù dhèdhe nyú nà ndi ìtíró ò óbhòlò dhu-okú dò rò.

⁴²Ní, Kàgàwà ugèrè dzinà-dò abádhí tò, ndùbhà rǒngò àmbe òrù-akpà-nyì rǒ dhu núle dǒ, Kàgàwà bhà pbànábí tò bhùkù ò ka kandí dhu bhèyi. Ndi andítá átí: «Ìsràyeli ò bhà, yà rùngù ò nyì nyónzì ifo kumì atò ò, nyì nyúbì tí ùbì ìzà tò perè onzidú? Ndirò, nyì nyúbho tí ùbhò ngùkpà dhu-tsí tò perè idù?

⁴³Ìnzà akèkpá màtí! Pbétù nyì nyúbhì Mòlokì bhà hemè nánò rǒ, nyàdù òwu fùkú m̀ngũ-ngba Rèfanì bhà alali-wòyǒ nánò rǒ. I dhu-wòyǒ nyì nyabhòlò ndíní nyì nyongó tí ùlènà. Ní, ndi dhu-okú dò rò ní ndi ma mí nyàbhũ kumbà nyì, karù nyì nà àrù tí Babelì tò pbìrì ònà .»

⁴⁴Rùngù ò ò ò nínganí, àlè t'ábhúna ní'ì ìnè Kàgàwà rǐ'ì nzínzìya ò dhu ìtè rí hemè-dzà nà. Ndi idza ka kupe àdhàdhì yà Kàgàwà nyú níitè ka Músà tò ònà ófò ò.

⁴⁵Olùnà rò, abáya adù ndi hemè-dzà ùdà àlè t'ábhúna-fò'ò. Ndirò, Yèsuwà arí 'ùnda ònà kàsùmì ò, àlè t'ábhúna náadù kidyì 'ìwũ nà yà òyá ale Kàgàwà ábhũ 'òdì pbìrì ò. Ndi hemè-dzà náadì abádhí nzínzì ò, ràrà àhu ádrùngbà kamà Dàwudì bhà kàsùmì ò.

⁴⁶Dàwudì tò Kàgàwà itè pbìndà ídzìnga atdítdõ. Ní Dàwudì adù rusà ònzì ndíní ndi ndòbhòlò tí adíta tò ngari àlè t'ábhunà Yàkòbhò bhà Kàgàwà tò .

⁴⁷Pbétù, idza òsì adù Kàgàwà tò ale ní Sòlòmònì .

⁴⁸Pbétùngatí, yà kóró dhu dǒ arí'ì Kàgàwà náarí nzì àdì ìndrù-òtsú asì idza ò. Wòrì ní ndi Kàgàwà bhà nabì núunò dhu, ndàti:

⁴⁹«Òrù-akpà ní pbàkà tombi, ndirò yà adzi ní pfõdu ùlì ma marí dòná dhu. Ní íngbà tí ìlì ndì idza ndì idù nyí nyósìna? Ndirò íngbà tí ìlì ndì ngari ndì ma mádù maso òná?»

⁵⁰Tí obhó ɔtsúdu ndì i dhu nabhòlò kóró ? »»

⁵¹Stìfanù adù àtìnà tdítđ: «Nyí atdídđ dòya ídzò alé, ndirò afíya mà b́ya mànà nùtsì Kàgàwà rǒ alé, bìlìnganà nyí nyarí nzǐ Kàgàwà bhà ħlǐlǎ-Alafí rǒvona fùkù dhu ìri. Nyí nyí dhu ònzi abhúku bhěyi!

⁵²Ádhi pbá ale ndì Kàgàwà bhà pbànábí nzínzi ǒ inzá abhúku ávu róná? Abádhí akyè yà angyangyi dhu navò Obhónángatále rǐrà dhu dǒ ale. Nyí ní ndì nyí nyípfo ndì Obhónángatále nyábhu òmvǔ-fó. Ní kòmbí, nyí nyòngò wà ka nahò ale tí.

⁵³Ndirò, nyí nyábà Kàgàwà bhà Ʋyátá kàbhà máláyíká-otù ǒ, pbétù, nyí nyádù nzá ndì Ʋyátá nífù.»

Stìfanù ùbvǔ ka kí odu nǐ rǒvè dhu

⁵⁴Anya t'ítđita-idzà ǒ ì'ì ale nítdègu wò Stìfanù ùnò dhu ìri, ní abádhí akó atdídđ, 'àdù kǔya àtri Stìfanù-okú dò rò, nàwí rǐ 'òri nídhunǐ.

⁵⁵Pbétù, Kàgàwà bhà ħlǐlǎ-Alafí ìrà ndì dhu-okú dò rò, Stìfanù adù òrù-akpà ò nga àndà. Ní ányì, kǎla Kàgàwà bhà ádrùngbǎnga tó awáwù, ndàdù Yèsù àla Kàgàwà bhà fangà dònǎ rò idè ró.

⁵⁶Ní, Stìfanù adù àtìnà: «Ma mí òrù-akpà-li'ò àlǎ ndì nàngbe ró. Ndirò, ma mí Ìndrǔ t'ídhùnà nǎlǎ Kàgàwà bhà fangà dònǎ rò idè ró.»

⁵⁷Ní, wò dhu nìrì ale níidù ìkǔ nà kóró, 'àdù ɔtsúya-kpò núfò b́ya-bhu ò akyè ì ìrina kà rǔnona dhu tdítđ nǐ. Abádhí nǎalà ì atdíkpá kàdò, 'òdì ì kà-dǒ,

⁵⁸'àdhà ka 'ípfo ìri kígò ò rò, 'àdù kòpè 'ùbvǔ odu nǐ ndínǐ ɔvé tí. Wò dhu tó ngàmbì tí ì'ì ale, núuwa rǒyá mùdzarù 'ùlì Sávùlò tí kátina kpatsìbhíngba-pfò tí.

⁵⁹Yà odu nǐ ka kí ndùbvǔ òná kàsùmì ǒ, Stìfanù ambénà ndìtsò dǒ, ndàti yà dhu bhěyi: «Ádrùngbǎle Yèsù, ákǒ afídu!»

⁶⁰Wò dhu-dzidǒ, kǎdù ndòkò ɔtdyèna dǒ, ndàdù òkù ɔrú tǔna nyú nà ndàti: «Ádrùngbǎlé, àpé nyɔzú wòrì nzérenga abádhí dǒ.» Wò dhu ndì ndòrì rórò ní ndì, kà-afí nǎadù ìtdě atdídđ.

Kas 8

¹Sávùlò adù dhu òlè òlè tí kǒkò Stìfanù nòhò ale tò.

Sávùlò rǎvu Kànìsà rǒ dhu

(Yùw 6.70; Kas 11.21; Fìl 1.12)

Wò Stìfanù ka kòhò òná idhò ǒ tí, ka kapè kavu atdídđ kànìsà rǒ Yèrùsàlemà tó kígò ǒ. Ní, Yèsù ná'ù ale uvò Yèrùsàlemà rò, 'ìfàlǎ ì Yùdèyà tó pbìrì mà Sàmàriyà mànà òná. Pbétù, Yèsù bhà uvitatále kèlě nǎadù 'ùbhà v́ya dǒ rò Yèrùsàlemà tó kígò ǒ.

²Kàgàwà bhà Uyátá ifũ arí ngũkpà ale náadù Stìfanù-abvò idyi 'òwù òtdùnà, 'àdù kòdzì atdíđ.

³Pbétù, wò ndi kàsùmì ǒ tí, Sáwúlò náazè ndùgolo kànìsà. Ní ndi dhu-okú dò rò, kálú idza tsùnà rǒ ndàrà ùtsù rǒ òyà, ndàdù ànyì-dzá ndi ndòtù Yèsù ná'ù kpabhále mà vèbhále màrà nípfo ɔbi nǐ, ndàrà àwànà imbi-dzà ò.

⁴Kigò ǒ rò ì nífàlà ale núubhì dhèdhèrò ngari ònǎ, 'àmbe Kàgàwà bhà Ídzì Mākūrù núnò dǒ ìndrù tò.

Fìlipò rǐ Kàgàwà bhà Ídzì Mākūrù núnò Sàmàriyà tó pbìrì ǒ dhu

⁵Ndi dhu bhèyi ní ndi, Fìlipò náawú Sàmàriyà tó pbìrì ǒ atdí kigò ò, ndàrà dhu òvò ìndrù tò Màsiyà dǒ.

⁶Ní, ihé-yà náapbá afíya atdíkpá Fìlipò rǎnna dhu rǒ, kà rǎrà ònzìnà rǒ wíwì-òyí ì ìrì, 'àdù ì dhu nála nyìkpóya nyú nǐ dhu-okú dò rò.

⁷Obhó tí, nzére-alafí nóowúnà ùvò rǒ ádrùngbǎ ìkũ nà yà ì arávu ròyá ábhǒ ale nyú ò rò. Ndirò, ábhǒ ale kǎkà ngbǒya úve, ndirò òtsótsù, nóowúnà ùgũ rǒ.

⁸Ní, ndi dhu abhù ìndrù-idhè rika ndi atdíđ ndi kigò ǒ.

⁹Wò ndi kigò ǒ, Sìmonì tí kátina atdí ale ní'ì ìnè. Ndi ale ní'ì màzítále. Kǒngónà Sàmàriyà ǒ bhà àbhu idho rùko atdíđ. Ndirò, kǒngónà àdù ndàtì nditirò ádrùngbǎle tí.

¹⁰Ní kóró ale, nzónzo mà, ádròdrǒ ale màrà nóongónà afíya àpba atdíđ kà rǎnna dhu rǒ. Abádhí adúnà òwu àtìnà rǒ: «Yàrí ale ní Kàgàwà bhà ádrùngbǎnga tó ɔbi, yà «Ádrùngbǎ ɔbi» tí ka karátina.»

¹¹Abádhí apbá afíya kà rǒ dhu ní, angyíta tí kǒpè ndi, ndàrà ìndrù àbhu rǒ idho rùko atdíđ pbìndà màzì ǒ ndi ndónzina dhu-okú dò rò dhu.

¹²Pbétù, ìndrù níitdègu Fìlipò rǎnna fíyò òrù-akpà ǒ Ádrùngbǎ kamà Kàgàwà bhà idzi tó Ídzì Mākūrù mà, Yèsù Krístò dǒ Ídzì Mākūrù màrà ná'u, ní abádhí àdù bàtizò àlu Fìlipò-fó. I ale ní'ì kpabhále mà vèbhále màrà.

¹³Ní, Sìmonì náa'u dhu átò, ndàdù bàtizò àlu. Wò dhu-dzidǒ, kǎdù ndàpba atdíđ Fìlipò rǒ. Ndirò, wíwì mà, ìnzá apèna 'ònzì angyì dhu màrà dhu ndi ndàla rò, idho adúnà àrà kùko rǒ atdíđ nyú.

¹⁴Ní, Yèrùsàlemà tó kigò ǒ ì nòtù Yèsù bhà uvitatále níitdègu iwà Sàmàriyà ǒ bhà níri Kàgàwà bhà ɔte 'àdù à'unà dhu ùnǐ, ní abádhí adù Péterù mà Yùwanì nà nóvì ròwù ànyì.

¹⁵Ní, kǒkò óyǒ uvitatále nówù ùvò Sàmàriyà tó pbìrì ò rò, abádhí ìtsò ì ndi pbìrì ǒ Yèsù ná'ù ale dǒ ndínǐ Kàgàwà bhà ħlǎ-Alafí nabá tí.

¹⁶Obhó tí, abádhí ì'ì bàtizò kèlè ì álǔ Ádrùngbǎle Yèsù-òvò rǒ, 'àdù ì'ì ìnzá Kàgàwà bhà ħlǎ-Alafí apè ifo nzínziya ǒ atdí ale dǒ màtí ró.

¹⁷Ní, Péterù mà Yùwanì nà núulì ɔtsúya abádhí dǒ, ràdù Kàgàwà bhà ħlǎ-Alafí àbà.

¹⁸Ní, Sìmonì itdègu ìndrù àbà Kàgàwà bhà Ìlǎ-Àláfí kǎkò óyǒ uvitatále ùlì ɔtsúya dǒyá rò dhu náǎ, ní kǎdù fùrangà àbhu Péterù mà Yùwanì mànà tò.

¹⁹Kǎdù àtìnà abádhí nǎ: «Nyìbho wò nyí nyí'ì nà ádrùngbǎnga tó ɔbi-tidò átò idù, ndínì ɔtsúdu ma mìlì dòná ale nóongó tí Ìlǎ-Àláfí nábà átò.»

²⁰Pbétù, Péterù adù dhu àdu kà tò, ndàti: «Nyí nyákǎ tsèku ròtdì ì kóró wò pbùkù fùrangà mànà, nyi nyàtì dhu fùrangà rǒ ka kǎdù yà tírǒrò Kàgàwà arábhùna dhu òdzì dhu tí nídhunǎ.

²¹Nyi nyí'ì ìmbǎ nyi nyábàna ndirò nyi nyónzina yà mà mónzina dhu ò dhu nà, ìmbǎ afínu rǎ'ì tùm̀bà tí Kàgàwà-ònzǎ nídhunǎ.

²²Nírò, úgèrè nyi nyubhà wò pbùkù nzére irèta. Ndirò, ítsò nyi Ádrùngbǎle Kàgàwà rǒ, ndínì kùbà tí wò afínu ò rǎ'ì nzére irèta indù, àkǎkǎ nǎ.

²³Obhó tí, ma màla wà afínu ògyè tí dhu, ndirò ma màla wà nzérenga ùtsì afínu tí dhu.»

²⁴Ní, Sìmonì adù àtìnà Péterù mà Yùwanì mànà nǎ: «Nyìtsò nyí nyí-tírò dùdú Ádrùngbǎle Kàgàwà rǒ, ìnzǎ wò nyí nyúnona dhu nóonzi tí ndì rùdú.»

²⁵Ádrùngbǎle Kàgàwà bhà Ɔte tó obhóngà ì itè, 'àdù òvònà ìndrù tò dhu-dzidǒ, Péterù mà Yùwanì mànà náadù òwu Yèrùsàlemà tó kigò ò. Abádhí adúnà òwu Kàgàwà bhà Ídzì Mǎkǎrù núnò rǒ ìndrù tò yà ì úda òna nǎ Sàmàriyà tó pbìrì ǒ ibí pbanga ònǎ.

Fìlipò mà rǎ 'òtù Ètìyòpiyà tó pbìrì ǒ atdí ádrùngbǎle nà dhu

²⁶Wò dhu-dzidǒ, Ádrùngbǎle Kàgàwà bhà màlàyikà náavò dhu Fìlipò tò, ndàti: «Ívǎ nyi irò rò, nyarà mùsùngú dǒ, yà Yèrùsàlemà tó kigò ò rò ráwù ndàrà Gǎzà tí kátina kigò ò otu ò. Ndi otu ǒ ìndrù arí nzǎ ùbhi gbòkǎ.»

²⁷Ní ányìrǒ rò tí, Fìlipò ivà ndì ndàrà ányì. Ní otu ǒ, kǎtù Ètìyòpiyà tó pbìrì ǒ atdí ale. Ndi ale ní'ì àmǎ , ndirò ka ní'ì Ètìyòpiyà tó pbìrì ǒ tsìbhá ádrùngbǎ kamà, Kàndakè tí kátina bhà kóró malì dǒ ádrùngbǎle. Ní, kùbhínà ndàdu rǒ Yèrùsàlemà tó kigò ò ndì ndàrà Kàgàwà ùle inǎ rò,

²⁸ndámbe àrà dǒ pbìndà, yà mùhàgù arádhana gèrègèrè-tidò ǒ. Ndi gèrègèrè ò kǎdì, ndàdù àmbe yà Kàgàwà bhà nabi Ìsayà náandí dhu òzù dǒ.

²⁹Ní wò ndì kàsùmì ǒ ní ndì, Kàgàwà bhà Ìlǎ-Àláfí ati Fìlipò nǎ: «Índrì nyi íkyèrǒ nyú wò gèrègèrè-tí.»

³⁰Ní, Fìlipò adù òku tsàkàtsàkà, ndàrà àhu wò gèrègèrè-tí, ndàdù wò Ètìyòpiyà tó pbìrì ǒ ale ìrì Kàgàwà bhà nabi Ìsayà andí dhu òzù rí ró. Ní, Fìlipò ivú dhu kà-tsǔ, ndàti: «Wò nyi nyózzuna dhu àlǔ tí àlǔ dùnu?»

³¹Ní, wò ale adù dhu àdu Fìlipò tò, ndàti: «Ìmbǎ ndì dhu-tì àwě rí idù ale ì'ì rò, kà rǎdù dùdu àlu ìngbà dhu bhěyi?» Wò dhu-dzidǒ, kǎdù Fìlipò àvi rùpò ràdì tiná gèrègèrè ò.

³²Wò ndi kǎmbénà òzùnà dǒ Andítá ò ngari ní yà dhu bhěyi rátina: «Kǐli ndi yà òzènà ka kowu tí ka kówu nà tàrà bhěyi. Àdhàdhì ikána àze ka kí tàrà-ngba náarínè ìnzǐ ndàpfò tsùna mà dhu bhěyi, kǐnè ìnzǐ ndàpfò tsùna mà.

³³Ka kazè nzá ka dhu tí, ndirò ka katdì nzá kà-ànyà ndi anya nyú àkǎnà kòtdì dhu bhěyi. Ádhi pbá ale ndi, kǎbhà pbàdzukuru dǒ dhu naweya, iwà ka kadù kǎbhà ípìrǒnga níwi yà adzi ǒ rò nídhunǐ?»

³⁴Ní wò Ètìyòpiyà ǒ ale adù dhu ìvu Fìlipò-tsǔ, ndàti: «Ma mìtdè nyi ìtdè tí! Ádhi nyú ndi wò Kàgàwà bhà nabì rǐ dhu àwě dóná? Kà t'óte dóná ndítirò, ndirò kà t'óte vurò ale dǒ?»

³⁵Ní Fìlipò adù ɔte ɔpè, ndòvò Yèsù dǒ Ídzì Mǎkǔrù kà tò wò ndi Andítá tó ngari ǒ rò tí.

³⁶Ní otu ǒ ì ówu rórò, abádhí awù ùvò idha rǐ'ì òná ngari ǒ. Ní, wò Ètìyòpiyà ǒ ale adù dhu ìvu Fìlipò-tsǔ ndàti: «Kǎnǐ idha rǐ'ì inè iró! Ní ádhu ndi ndùvo rádù rùdú ìnzǐ ma malú tí bàtizò funú?»

³⁷[Ní Fìlipò adù dhu àdu kà tò, ndàti: «Nyi nyapé Yèsù à'u atdí afínu nyú nà, ní nyi nyádù bàtizò àlù àlǔ.» Ní wò ale adù àtina Fìlipò nǐ: «Ma mà'ù wà dhu Yèsù Krístò rǎrǐ Kàgàwà t'Ídhùnà.»]

³⁸Wò dhu-dzidǒ, kǎdù gèrègèrè àvi kòdì rí ale rǎlǔ ridè. Ní, abádhí adù òfo idha ò óyǒ rò Fìlipò màrà, Fìlipò rádù bàtizò àbhù kà tò.

³⁹Ní, idha ò rò ì ùvò rò, Ádrùngbǎle Kàgàwà bhà Ìlǐlǎ-Alafí adù Fìlipò òdyi ndàrà nà, ìnzǐ Ètìyòpiyà ǒ ale rádù àlanà tdítǒ. Pbétù, wò ndi Ètìyòpiyà ǒ ale náadù fíndá otu ùngu, ndàmbe àrà dǒ ádrùngbǎ dhèdhe nyú nà.

⁴⁰Wò dhu-dzidǒ, Fìlipò adù àrà ndòtù Àzotò tí kátina kigò ò. Kǎdù àdi ndàrà Kàgàwà bhà Ídzì Mǎkǔrù núnò rǒ ìndrù tò yà ndi ndúda ònanǎ kigò ǒ, ndàrà àhu nà Kàyìsàriyà tó kigò ò.

Kasù 9

Yèsù rǐ Sǎwúlò ànzì owùna nungu tí dhu

(Kas 22.6-16; 26.12-18)

¹Wò ndi kàsùmì ǒ, Sǎwúlò tí kátina ale azè dhu ní ndàvu Ádrùngbǎle Yèsù bhà ábhàlǐ rǒ, ndínǐ uvè tí. Ní kǐvǎ ndi, ndàrà pbàkùhání tó ádròdrǒ ale dǒ kamà bhà.

²Kǎrà bhàruwà àko kà-fó, ndínǐ ndi ndarana tí ìtènà rǒ Dàmàsikì tó kigò ǒ unduta-dzà ǒ ádròdrǒ ale tò. I bhàruwà nǐ'ì rusà nífà rǐ kà tò rùsǒ ndi kigò ǒ kà rǒtùna Ádrùngbǎle Yèsù bhà otu nungǔ arí ró kpabhále mà vèbhále màrà, ndùmbà, ndàrà nà àdrà-mbì dǒ ka kùsǒ rórò Yèrùsàlemà tó kigò ò.

³Ní, otu ǒ kà rǎrà rórò, íkyèrǒ kòdì Dàmàsikì ndi ndotsú tí rórò ní ndi, awáwù níisí òrù-akpà ò rò, ndàtɔyi ka atdí.

⁴Ní, Sǎwúlò itsi obvò, ndàdù atdí ale-tù ìrì, ràti: «Sǎwúlò, Sǎwúlò, ádhu nyi nyávu rùdú nǐ?»

⁵Ní, Sávùlò adù dhu ìvu kà-tsù, ndàtì: «Ádrùngbǎlé, ìnyi nyú ní àdhi?» Ní wò ale-tù adù dhu àdu kà tò, ndàtì: «Ìma ní Yèsù, wò nyi nyávu rùdú rò.

⁶Ní, ìvǎ nyi nyotsù kigò ò. Ányì nga ní ndi ka kí nyi nyákǎ nyonzi dhu nóvò indù nǎ.»

⁷Kǒkò Sávùlò mà rùbhi òwu rǒ màná atdíkpá kà t'ódhína níikò, idho rùko ì, ìnzǐ 'àdù tsùya mà nápfò. Abádhí ambénà ale-tù kèlě níri dǒ, pbétù ìnzǐ 'àdù ndi ale mà nála.

⁸Ní, Sávùlò ìvǎ ndi obvò rò, ndidè. Kǎngbe nyìkpóna, ìnzǐ ndàdù inga àla akekpa màtí. Ní, kà t'ódhína adù kàlu otsúna rǒ 'òwùna, 'òwù otsúnà Dàmàsìkì tó kigò ò.

⁹Ányì, kǎnzì ìbhù idho ìnzǐ ndi ndi inga àlǎ rórò. Ndirò kǎnyù nzá dhu mà, ìnzǐ ndàdù dhu mà nómvù.

¹⁰Wò ndi Dàmàsìkì tó kigò ò, Yèsù bhà atdí ábhàlǐ, Ànànyà tí kátina ale ní'ì ìnè. Ní, Ádrùngbǎlé Yèsù àvì ndi kà tò onyu rǒdzì kàdò dhu bhèyi dhu tó ófò ò, ndànzi ka ndàtì: «Ànànyà!» Ní Ànànyà adù dhu àdu ndàtì: «Ádrùngbǎlé, kǎnǐ ìma iró.»

¹¹Ní, Ádrùngbǎlé Yèsù adù àtìna kǎnǐ: «Ìvǎ nyi nyarà yà <Túrútúrú idè ngudhà> tí kátina ngudhà ò, nyadù òtsù Yudhà tí kátina atdí ale bhà idza. Ndirò nyádù nyivù Sávùlò, Társò tó kigò ò ale ányì-dzá-bhà-tsù. Obhó tí, ndi ale rǐ'ì ìnè ndìtsò ndi ndi ró.

¹²Ndirò, kà tò ma mòvò wà dhu onyu bhèyi rǒdzì kàdò ófò ò, mati: Ànànyà tí kátina ale rǎròtsù ányì idza, ndàdù otsúna ùlì kà-dǒ, ndínǐ kǎdù tí ndòpè ndàla nga tdítdǒ.»

¹³Ànànyà adù dhu àdu kà tò, ndàtì: «Ádrùngbǎlé, ma míri wà ábhǒ ale nyú wò ale bhà dhu àwě rí ró. Ndirò ma míri wà Yèrùsàlemà tó kigò ò kǒnzì ìnyi ná'ù ale rǒ kóró nzére dhu.

¹⁴Ndirò, iró kírà nà ádrùngbǎnga tó obi ní pbàkùhání tó ádròdrǒ ale àbhù kà tò, ndínǐ kùsò tí onvònu rǒ rí 'ìtsò ale.»

¹⁵Pbétù, Ádrùngbǎlé Yèsù adù àtìna Ànànyà nǎ: «Árà yà ma mòvì nyi ì. Mà mòvò wà wòrí ale kàsùdu nonzi tí: kà rǐ onvòdu àbhù ròtò ndi kóró ìnzǐ ní Pbàyàhúdì mà, kóró ádròdrǒ kámá mà, kóró Pbàìsràyélì màná nzínzi ò.

¹⁶Ndirò ìma nyú, ma mí okúdu dò rò kà rǎbàna àpbè nítè kóró kà tò.»

¹⁷Ní, Ànànyà adù ndivà, ndàrà Yudhà bhà idza. Ní ányì, kǎlì otsúna Sávùlò dǒ, ndàdù àtìna nǎ: «Àbanǎngba Sávùlò, Ádrùngbǎlé Yèsù àvì ndi indù otu ò àzú nyi nyíra rórò. Ní kìvì ma tinu ò ndínǐ nyi nyala tí inga tdítdǒ, Kàgàwà bhà Ìlǐlǎ-Alafí ràdù nyíra.»

¹⁸Ní uró rò tí, ìbhè-kélé bhèyi ì nùlì dhu náadù 'ùpbà Sávùlò-nyìkpó ò rò, Sávùlò ràdù ndòpè ndàla nga tdítdǒ. Wò dhu-dzidǒ, kǎdù àrà bàtizò àlu.

¹⁹Níró ní ndi kǎnyù dhu, ndàdù obi àbà tdítdǒ.

Sávùlò rǐ Kàgàwà bhà Ídzi Mǎkùrù núnò ìndrù tò Dàmàsìkì tó kigò ò dhu

¹⁹_bSávùlò mà náadù òko ngúfe idho tí atdíkpá ábhàlǐ màná Dàmàsìkì tó kigò ò.

²⁰Ní ányìrǒ rò tí, kǎdù ndòpè ndàrà dhu òvò rǒ ìndrǔ tò unduta-dzà ǒ rò, ndàrà àtìnà rǒ, Yēsù rǎrǎ Kàgàwà t'Ídhùnà.

²¹Ní, wò dhu ìrì ale kóró núkò rǒ idhò aránà atdíđ. Abádhí adúnà òwu àtìnà rǒ: «Hòkò! Tí obhó yàrí ale nyú yà Yēsù-òvò rǒ ì nìtsò ale rǒ arúbhi àvu rǒ Yèrùsàlemà tó kigò ǒ? Ndirò kìrà àzú okúna dò rò dhu tí obhó ndíní ndì ndusó tí ì ale, ndàrà nà pbàkùhání tó ádròdrǒ ale-fò ò?»

²²Pbétù, Sávùlò adúnà àrà dhu òvò rǒ abádhí tò ɔbi nyú nà. Ní, Dàmàsikì tó kigò ǒ ì nòtù Pbàyàhúdì rǎdùna kà tò dhu adúnà àrà àwí rǒ àwí tí yà Sávùlò rǎ dhu ìtè kprangba Yēsù rǎrǎ Màsiyà rò.

²³Ní, ábhǒ idhò nyú dzidǒ, Pbàyàhúdì adù 'ìrì ndíní ì oho tí Sávùlò.

²⁴Pbétù, Sávùlò adù abádhí ìrì ì dóná dhu ùni angyangyi. I Pbàyàhúdì ambénà kigò tó tsàtsù òdò dǒ adyíbhengá nǎ ndirò kúbhingánǎ màtí, ndíní Sávùlò rǎhu rò, 'adù tí kòhò.

²⁵Ní, wò dhu ì ìrì rò, Sávùlò bhà ábhàlǐ adù àbadhi ìdyì kúbhingá, 'ipfo iri póló ǒ, imbi rǒ ka kòsò sǎngě-yà-ba ǒ rò, rǎwǔ kigò-ngbò ka kákpòrò nǎ kǎlì-kutì rǒ.

Sávùlò rǎ ndàdù Yèrùsàlemà tó kigò ò dhu

²⁶Sávùlò itdègu àrà àhu Yèrùsàlemà tó kigò ò, ní kǎmvù ndì ndòtsù Yēsù bhà ábhàlǐ nzínzì ò. Pbétù, ì ábhàlǐ adù kǒdò ònzì ònzì tí, ìnzá ì à'ù dhu, iwà kà rùgèrè ndì, ndòngò Yēsù bhà ábhàlǐ nyú tí dhu-okú dò rò.

²⁷Ní, Bàrnabà tí kátina atdí ábhàlǐ náadù Sávùlò ìdyì, 'òwùnà atdíkpá Yēsù bhà uvitatále-ti'ò. Ní, kǎdù ìngbà dhu bhěyi màtí Sávùlò ála Ádrùngbǎle Yēsù, Dàmàsikì rǎrà otu ǒ dhu mà, ndirò àdhu mà ndì Ádrùngbǎle Yēsù òvò kà tò dhu mà nà dhu àwe abádhí tò. Ndirò, Bàrnabà adù ìngbà dhu bhěyi màtí Sávùlò ùnò Yēsù-òvò rǒ, ìmbà òná ɔdó na Dàmàsikì tó kigò ǒ bhà tò dhu àwe átò kóró abádhí tò.

²⁸Ányìrǒ rò tí ní ndì, Sávùlò mà náadù òko atdíkpá Yēsù bhà uvitatále mà nà, 'adù òwu ùbhi rǒ kóró ngari ònǎ Yèrùsàlemà tó kigò ǒ. Kǎdùnà àrà dhu òvò rǒ Ádrùngbǎle Yēsù-òvò rǒ ìmbà òná ɔdó na.

²⁹Sávùlò mà adúnà òwu 'òtù rǒ átò yà Pbàgìrìkì t'ávàna òte arí Pbàyàhúdì mà nà, 'adù àmbe 'àgò dǒ abádhí mà nà. Pbétù, kǒkò ì Pbàyàhúdì adúnà òwu dhu ònzì rǒ, ndíní ì oho tí ka.

³⁰Ní, wò dhu ì ìrì rò, Yēsù ná'ù ale adù kùndà, rǎrà Kàyìsàriyà tó kigò ò. Ányìrǒ rò, abádhí adù kàbhu rǎrà Tǎrsò tí kátina kigò ò.

³¹Wò ndì kàsùmì ǒ, Kànìsà ongónà òko màrùngà ǒ Yùdeyà tó pbìrì mà, Gàlìlayà tó pbìrì mà, Sàmàriyà tó pbìrì mà nà ǒ. Abádhí adù òko, 'àmbe ɔbi àbà dǒ afíya ònǎ rò, 'adù àmbe Ádrùngbǎle Kàgàwà bhà Uyátá nífu dǒ mběyi nyú. Ndirò abádhí-bvu ongónà adù àmbe ndise dǒ, Kàgàwà bhà Hǐlǎ-Alafí rǎrà dzùnàya ònzì rǒ dhu-okú dò rò.

Péterù rǎ Àyìneyà tí kátina ale nígǔ dhu

³²Wò ndi kàsùmì ǒ, Péterù adì ndàrà ùbhi rǒ kóró pbanga ònǎ. Ní atdíku, kǎrà ùbhi átò Ludà tí kátina pbanga ǒ arí'ì Yěsù ná'ù ale-bvù.

³³Ní ányì, kǎtù Àyìneyà tí kátina atdí ale iwà ara dǒ ndì ndaráyi ró ato árà àhu àrù ato nyú tí ró.

³⁴Ní kǎti wò ale nǐ: «Àyìneyǎ, Yěsù Krístò ìgǔ wà nyi. Ní, ívǎ nyi ara dǒ rò, nyadù ndi ara núhu nyi-tírò.» Ní ányìrǒ rò tí, wòrí ale iwà ndì ndidè ǒrú.

³⁵Ní Ludà ǒ bhà mà Sàronì tó kyèngyèrù ǒ arí'ì pbanga ǒ bhà mànà náala wò dhu, 'àdù 'ùgèrè kóró, 'à'ù Ádrùngbǎle Yěsù.

Péterù rǐ Tàbítà ìkyě dhu

³⁶Yěsù ná'ù atdí tsìbhále ní'ì inè Yǒpà tí kátina kigò ǒ. Ndi tsìbhále-ǒvò ní'ì Tàbítà . Ndirò, ndi ǒvò-tì ní «Ìsà». Kǒngónà ídzi dhu ònzì abho nyú ìndrù tò, ndàdù àrà nǎkùtále dzùnà ònzì rǒ.

³⁷Ní atdíku, andi alú ka, ràdù òvè dòtsí. Ní ka kadù kǎ-bvò ù'o, kufǒ, kadù ìtdùnà kupò nà, kowù ìlìnà ràyi ǒrùnǎ rò rí'ì kàluga ò.

³⁸Ludà tó pbanga ní'ì ìkyèrǒ Yǒpà tó kigò-tí rò. Ní Yǒpà rí'ì Yěsù bhà ábhàlǐ níitdègu dhu ìri Péterù rǎrǐ'ì ndi pbanga ǒ, ní abádhí adù óyǒ ale nòvì ròwù Péterù ànzì, 'àti: «Mǎ mìtdè nyi ìtdè tí nyú. Írà kòwu atdíkpá tsàkàtsàkà fàrábvù.»

³⁹Ní ányìrǒ rò tí, Péterù mà adù òwu atdíkpá abádhí mànà. Ní, Yǒpà Péterù àrà àhu rò, ka kunda ka rùpò ndàrà àhu yà Tàbítà-abvò ka kìlì ònà kàluga ò. Kóró abvo-ayí náadù 'àndu Péterù-tí, 'àmbe òdzi dǒ. Abádhí adúnà òwu yà àdì ndì ndàdì nyìkpóna nà rórò Tàbítà óbhòlò mberù mà ǒrú mùdzarù mànà nítè rǒ Péterù tò.

⁴⁰Nírò ní ndi Péterù avì kóró ale rùvò kàluga ò rò. Kǎdù ndòkò ǒtdyùna dǒ, ndàmbe ndítsò dǒ Kàgàwà rǒ. Wò dhu-dzidǒ, kǎdù ndàgere abvo dò, ndàdù àtìnà: «Tàbítà, ívǎ nyi.» Ní, íyàdhíyà náadù nyìkpóna àngbe. Ní Péterù ndì ndàla rò, kǎdù ndàngbe, ndàdì sùnátù dǒ.

⁴¹Péterù adù ǒtsùna nǎgbà, ndàlǔ Tàbítà nǐ, ndìvǎ ǒrù. Tdítdǒ, kǎdù Yěsù ná'ù ale mà abvo-ayí mànà núnzì rìwǔ, ndàdù Tàbítà nítè fǐyò iwà ìkyè rórò.

⁴²Ní Yǒpà tó kigò ǒ, kóró ale níri wò dhu-òyǐ, ábhǒ ale nyú ràdù Ádrùngbǎle Yěsù ná'ù.

⁴³Wò dhu-dzidǒ, Péterù adù ábhǒ idho nyú nónzì Yǒpà tó kigò ǒ, yà ǒròhò nǒnyínà Sìmonì tí kátina ale bhà idzá.

Kasù 10

Kòrnòliyò dò dhu rǒdzì ǒnyu tó ǒfò ǒ dhu

¹Kàyìsàriyà tó kigò ǒ, Kòrnòliyò tí kátina atdí ale ní'ì inè. Ka ní'ì «Ìtáliyà tó pbìrì ǒ pbànowí tó pìkò» tí kátina pbànowí dǒ ádrùngbǎle.

²Àbadhi mà pbì idzá-bhà màná kóró nóongónà Kàgàwà ùle, 'àdù Kòdò ònzì. Kǒngónà ábhǒ mùdzùná nyú nónzì Pbàyàhúdì nzinzi ǒ nǎkùtále tò, ndàdù àrà ndìtsò rǒ Kàgàwà rǒ kóró kàsùmì ǒ.

³Ní atdíku, àrùgyètdí adyifò-sisì adyídǒ nga tó ǒ, dhu adzì kà dò ɔnyu tó ǒfò ǒ. Ní, kǎla Kàgàwà bhà màlàyikà pbì idza rítsù ró, ràdù kànzi, ndàti: «Kòrnòliyò!»

⁴Ní, Kòrnòliyò adù nyìkpóna òdì wò màlàyikà rǒ ɔdò ònzì ndì ndì rórò, ndàdù dhu ìvu tsùnà, ndàti: «Ádrùngbǎlé, ádhu nyì nyí ima ànzi nǐ?» Ní, màlàyikà adù dhu àdu kà tò, ndàti: «Kàgàwà ìrì wà pbùkù ìtsòta. Ndirò, nyì nyarùbhòna nǎkùtále tò perè návi wà ndì kpangba Kàgàwà-ònzì. Ní, ndì dhu-okú dò rò, Kàgàwà àdzo nzá rùnù rò.

⁵Ní kòmbí, óvì ìndrù ròwù Yɔpà, ròwù Simonì tí kátina ale ànzi. Ngǎtsi ndì Simonì-òvò ní Péterù.

⁶Ndi ale rǐ'ì yà ǒròhò ònyi arí Simonì bhà idzá, ndì idza ràdù ì'ì ádrùngbǎ rèrù-bidǒ.»

⁷Ní, wò Kòrnòliyò mà rùbhi òte rǒ nà màlàyikà nítdègu àwì kà-nyìkpó ǒ rò, ní kǎdù pbìndà kasu tó ǒyǒ ale mà, atdí pbìndà mùnowì màná núnzi. Ndi mùnowì nǐ'ì Kàgàwà bhà Úyátá nífù arí ale, ndàdù Kòrnòliyò-tsù dhu ìrì atdíǒ.

⁸Ní, Kòrnòliyò awe wò ndì nònzi dhu kóró abádhí tò, ndàdù abádhí òvì ròwù Yɔpà.

Péterù dò dhu rǒdzì ɔnyu tó ǒfò ǒ dhu

⁹Tsútsǎ nínganí, kǒkò Kòrnòliyò óvínà ale ní'ì abhi nà tí. Ní, azà adyifò-sisì adyìbhengá nga tó ǒ, abádhí ì'ì ìkyèrǒ ndínì ì otsú tí Yɔpà tó kíǒ ò. Nírò ní ndì Péterù upò ndàrà ndìtsò idza-dòtsirò ò ka kóbhòlò asota tò ngari ò rò .

¹⁰Ní àwù alú ka atdíǒ, ràdù ndòzè ndònyù dhu. Ní ɔnyù òyè ka kí kà tò òná kàsùmì ǒ ní ndì, dhu adzì kà-dò ɔnyu bhèyi.

¹¹Ní kǎla òrù-akpà-li'ò ndì nàngbe ró, ádrùngbǎ mberù bhèyi ndì nìli atdí dhu ràdù àmbe ìfo dǒ òrù-akpà ò rò ìfo pbìndà rǒ ka kùlǔ ndì rórò, rìrà àhu yà adzi dǒ.

¹²Wò ndì ádrùngbǎ mberù ò ì'ì dhu ní: ìfo pfǒya dǒ arùbhi ìzǎ-tidò mà kóró, òya dǒ arí 'àdha yà adzi dǒ ìzǎ-tidò mà, ɔrú arángìli àrè-tidò màná kóró.

¹³Ní, Péterù ìrì atdí ale-tù dhu òvo rí fǐndà ró, ndàti: «Péterù, ívǎ nyì nyazè kòrí ìzǎ, nyadù à'ànà.»

¹⁴Ní, Péterù adù dhu àdu, ndàti: «Ìnzì ní wò dhu bhèyi Ádrùngbǎlé! Ìnzá ma mapèna yà Kàgàwà isó ìnzì ka kongó tí à'ànà ìzǎ-tidò ná'a. Ndirò, ma màpè nzá Kàgàwà-nyìkpó ǒ òtì ìzǎ-tidò ná'a.»

¹⁵Ɔyò rí kìsè nǐ, Péterù ìrì wò ale-tù ràti: «Péterù, iwà Kàgàwà ú'ò rìlǎ nyìkpóna ǒ dhu nǎkǎ nzá nyatì òtòtì dhu tí.»

¹⁶Wò dhu adù ndì ndònzì ndì ìbhu-gùna. Ìbhu ka nìsè dhu-dzidǒ, ka kǎdù wòrì ádrùngbǎ mberù ìdha ànyìrǒ rò tí ròdzì òrù-akpà ò.

¹⁷Péterù adì ndàmbe inga ìrè dǒ wò ndì ndàla dhu dǒ. Nírò ní ndì kǒkò Kòrnòliyò ívíná ale níiwú, ìtsì ìko Péterù rǐ'ì òná idza-ngbò ka kákpòrò nǐ kàlì-lí, iwà ì òngù dhu kóró ngari òná, óròhò ònyi arí Sìmonì bhà idza ràrǐ'ì ngbòró rórò.

¹⁸Ní, abádhí anzi dhu, 'àdù dhu ìvu ányì-dzá-bhà-tsǔ, 'àti: «Sìmonì Péterù tí kátina ale nátí àdì àzú-dzá?»

¹⁹Wò ndì kàsùmì ǒ, Péterù ní'ì ìnè wò ndì ndàlanà dhu dǒ tí ndì ndí inga ìrè tǐtǐdǒ ró. Nírò ní ndì Kàgàwà bhà Ìlǐlǎ-Alafí adù dhu òvò kà tò, ndàti: «Péterù, kòñì ìbhù ale rǐ nyǒme.

²⁰Ní ívà nyì nyawǔ tsàkàtsàkà, nyǎdù òwu abádhí mànà atdíkpá ìnzǐ afínù rǔguru rórò, ìma nyú ma mìvì ndì abádhí nídhunǐ.»

²¹Ní Péterù ìfò, ndìrà àhu kòrí ale-tí'ò rò, kǎti: «Ìma ní ndì yà nyǐ nyómena ale. Ní, ádhu nyǐ nyìwǔ ìró okúna dò rò?»

²²Ní, abádhí adù dhu àdu, 'àti: «Mǎ nìvì ní Kòrnòliyò, pbànowí dǒ ádrùngbǎle. Ndí ale ní obhónángatále, ndìrò ka ní Kàgàwà-òdò ònzì arí ale. Ndirò, kóró Pbàyàhúdì arí ídzì dhu kèlě àwě kà-dǒ. Ní Kàgàwà bhà màlàyikà návi ndì kà tò, ndàdù kàvi rànzi ìnyi pbìndà, ndínì ndìrì tí nyì nyáwěna fǐndà dhu.»

²³Nírò ní ndì Péterù adù kòrí ale náko ròtsù idza, ndàdù abádhí àbhù ròyì mběyi nyú.

Péterù rǐ'ì Kòrnòliyò bhà idzá dhu

Tsútsǎ nínganì, Péterù mà kǒkò Kòrnòliyò ívì ale mà, Yòpà tó kigò ǒ Yèsù ná'ù ale nzínzì ǒ ngúfe ale mànà níivà ì Yòpà rò, 'òwù Kòrnòliyò bhà Kàyìsàriyà tó kigò ò.

²⁴Ní tsútsǎnínganì tǐtǐdǒ, Péterù arà àhu Kàyìsàriyà tó kigò ò. Ní ányì, Kòrnòliyò í'ì abádhí òdò ndì ndí ró, atdíkpá yà ndì ndùnzìnà kóró fǐ-dzá bhà mà, atdídǒ ndì ndóze òdhína mànà.

²⁵Ní, idza Péterù ròtsù òná kàsùmì ǒ, Kòrnòliyò ahù kàko. Ní kàkò ndì ǒtǔyùna dǒ, ndìbvǔ ndì kònzì-tsù ǒ, ndùlě ka.

²⁶Pbétù, Péterù adù kàlu ndìvǎ ǒrù, ndàdù àtìnà kà nǐ: «Ívǎ nyì ǒrù. Ìma mà átò ní ìnyi bhěyi ale kèlě.»

²⁷Ní, idza ì ótsù àzembè ì óte Kòrnòliyò nà rórò rò, Péterù atù ábhǒ ale nyú idzá ì nàndu ró.

²⁸Ní, kǎdù dhu òvò kǔngba abádhí tò, ndàti: «Nyǐ, nyǐ nyùnì wà dhu mběyi nyú Úyátá rísǒ dhu atdídǒ, Mùyàhudì rǎkǎ nzá ndì'ì ìnzǐ ní Mùyàhudì t'ódhìnà tí, ndìrò kà rǎkànà nzá ndòtsù ìnzǐ ní Mùyàhudì bhà idza. Pbétù, Kàgàwà nyú ndítírò nówò dhu idù, ndàti: Ìnzá ma rǎkǎ mǔzù atdí ale mà ìnzá ìlǎ nyìkpóna ǒ ale tí, ndìrò ìnzá àkà kokò mànà atdíkpá ale tí.

²⁹Nírò, kòñì ndì dhu-okú dò rò nga ní ndì, yà nyǐ nyòvì ìndrǔ ròwù manzì rò, ma mìvǎ ma mìrà àzú ìnzǐ pǔǒdu rǔguru rórò. Ní kòmbí, ma mòzè muni àdhu-okú dò rò màtí nyǐ nyànzi ma mìrà àzú dhu.»

³⁰Ní Kòrnòliyò adù dhu àdu Péterù tò, ndàti: «Indo idho àhu wà ifo, yà mbèmbè yàrí kàsùmì ò tí ma mádi mambe mitsò dǒ òná pbà idzá rò àrùgyètdí adyifò-sisì adyídǒ nga tó ò. Ní ànyirǒ rò tí, ma mála atdí ale iwà idè ɔnzidú, ùmbilì rùmbilì mùdzarù ndì ndùfǒ róná rórò.

³¹Ní ndì ale áti ima nǐ: «Kòrnòliyò, Kàgàwà ìrì wà pbùkù itsòta. Ndirò, kàla wà nākùtále tò nyi nyarúbhõna perè.

³²Nírò, óvì ìndrù ròwù Yɔpà, ròwù Sìmonì tí kátina ale ànzì. Ngàtsi ndì Sìmonì-ɔvò ní Péterù. Ndi ale rǐ'ì yà óròhò ònyi arí Sìmonì bhà idzá, ndì idza ràdù ì'ì ádrùngbǎ rèrù-bidǒ.»

³³Ní ànyirǒ rò tí, ma mòvì ìndrù pbùkù ròwù nyanzì. Ní, nyi nyàdù dhu ònzì mbèyi màtì nyirà. Nírò, kànǐ àlě kí'ì kóró kòmbí Kàgàwà-ònzǐ, ndínǐ mǎ miri tí Ádrùngbǎle Kàgàwà óvò indù ndínǐ nyi nyawe tí fǎkà dhu kóró.»

Péterù rǎte Kòrnòliyò bhà idzá rò dhu

³⁴Ní, Péterù apè ɔte, ndàti: «Kòmbí ma m̀ni wà dhu obhó tí, ìnzǐ Kàgàwà rarí ìndrù-ònga òvò.

³⁵Ndirò kóró pbìrì ò, Kàgàwà ará'una ale ní yà ɔdòna ònzì arí ndàdù obhónánga ònzì ale.

³⁶Kàgàwà íbhò pbìndà ɔte Pbàisràyélí tò. Ndi ɔte ní, màrùngà tó Ídzì M̀kürù Yèsù Krístò-otù ò. Ndirò, ndì Yèsù Krístò ní ndì kóró ale tó Ádrùngbǎle.

³⁷Nyǐ, nyǐ nyùnì wà kóró Yùdeyà tó pbìrì ò ndì nónzì dhu, ròpè ndì Gàlìlayà tó mùlengù ò rò, yà Yùwanì óvò ìndrù tò bàtizò dzidǒ.

³⁸Ndirò, nyǐ nyùnì wà ìngbà dhu bhèyi màtì Kàgàwà írà Yèsù, Nàzàretì tó kígò ò ale pbìndà Hìlǎ-Alafí bhà ádrùngbǎnga tó ɔbi nǐ dhu. Ndi Yèsù úbhi kóró ngari òná, ndàrà ídzì dhu ònzì rǒ ìndrù tò, ndàdù àrà Pfòmvo arávu ròyá kóró ale nígu rǒ, Kàgàwà ì'ì ndì mànà nídhunǐ.

³⁹Mǎ'ì ní yà Yèsù ónzì Pbàyàhúdì tó pbìrì mà, Yèrùsàlemà tó kígò mànà ò kóró dhu tó ngàm̀bì. Ka kóhò ndì Yèsù, kutǒ mùsàlabhà dǒ, kadù òtdùnà.

⁴⁰Pbétù íbhu rí kìsè idho ò, Kàgàwà ádù kàbhu rìngbè ndì íbhu ò rò, ndàdù kàbhu rìtè ndì kpangba.

⁴¹Kítè nzá ndì kóró ale tò. Pbétù, kítè ndì fǎkà yà Kàgàwà avò mǎ mǐ'ì pbìndà ngàm̀bì tí ale tírò. Kàbhà ìngbèta dzidǒ, mǎ mónyù dhu, mǎdù dhu òmvù atdíkpá kà mànà.

⁴²Ndirò, kǎdù dhu ùya fǎkà, ndínǐ mǎ m̀ovo tí dhu ìndrù tò, mǎdù dhu ìtè kpangba, ndì rǎrǐ ndì Kàgàwà avò ndì ndínǐ ndì ndítǒyà tí ùvùvè ale mà, ìpìròrò rǐ'ì ale mànà-ànyǎ.

⁴³Ndirò, Kàgàwà bhà pbànábì náavò dhu kòkú dò rò, 'àti: «Yèsù-ɔvò rǒ, Kàgàwà arí Yèsù nà'ù ìngbátì ìlì ndì ale mà ní bhà nzérenga nùbà kóró ndì ale tò.»»

Kàgàwà bhà Hìlǎ-Alafí rǐfo ìnzǐ ní Pbàyàhúdì dǒ dhu

⁴⁴Wò Péterù rǒte òná kàsùmì ǒ, Kàgàwà bhà ħlǎ-Alafí níifo kǒkò Péterù rǎnǒna fíyò dhu ìrì rǒ rúbhi kóró ale dǒ.

⁴⁵Ní, kǒkò Péterù mà níwù mànà atdíkpá Yèsù ná'ù Pbàyàhúdí idho núuko atdíǒ, ìnzǐ ní Pbàyàhúdí tò Kàgàwà àbhu pbìndà ħlǎ-Alafí tó perè átò dhu-okú dò rò.

⁴⁶Obhó tí, ì Pbàyàhúdí níri kǒkò ì ale ìnzá ì apèna ìrina angyi aláwà-tidò òte rí, 'àdù àmbè Kàgàwà bhà ádrùngbǎnga ilè dǒ ró. Ní, Péterù adù dhu ìvu Pbàyàhúdí-tsǔ, ndàti:

⁴⁷«Kòmbí, kǎkà ale nába wà Kàgàwà bhà ħlǎ-Alafí átò àlě bhěyi. Ní ádhu ndi ndùvo rádù abádhí rǒ ìnzǐ bàtizò nalú tí?»

⁴⁸Nírò ní ndi Péterù adù bàtizò àvi kubho kǒkò ìnzǐ ní Pbàyàhúdí tò Yèsù Krístò-òvò rǒ. Wò dhu-dzidǒ, kǒkò bàtizò nálǔ ale náadù Péterù àgo, 'òkò mànà atdíkpá ngúfe idho tí.

Kasù 11

Yèrùsàlemà tó kigò ǒ Péterù rǐ ndì nónzì dhu àwě dhu

¹Yùdeyà tó pbìrì ǒ ì nòtù uvitatále mà, Yèsù ná'ù ngǔkpà ale mànà níri dhu yà ìnzǐ ní Pbàyàhúdí mà ní rǐrǐ wà Kàgàwà bhà Ote átò.

²Ní, Péterù itdègu ndàdù Yèrùsàlemà tó kigò ò, ní Yèsù ná'ù ndi kigò ǒ Pbàyàhúdí náadù 'òpè 'àmbè òrù dǒ kà-dǒ, 'àti:

³«Nyi nyàrà òtsù ìngbà dhu bhěyi ìnzǐ ní Pbàyàhúdí nzínzì ò, nyàdù dhu ònyù atdíkpá abádhí mànà?»

⁴Nírò ní ndi Péterù adù ndì nónzì dhu òpè ndàwe tsùnàrǒ abádhí tò. Kǎti:

⁵«Ma mí'ì Yǒpà, ní ma mádi mambe mitsò dǒ adyídǒ, dhu rádù òdzi dùdù onyu bhěyi. Ní, ma mála ádrùngbǎ mberù bhěyi ndì nǐli atdí dhu òrù-akpà ò rò rífo, ndàmbe àwù dǒ dùdù ìfo pbìndà rǒ ka kùlǔ ndì rórò.

⁶Ní, yà ma mùdǐ nyìkpódu mambe wò dhu àndà dǒ rò, ma mála yà adzi dǒ arúbhi ìfo pfǒya dǒ ìzǎ mà, ìrì ǒ ìzǎ mà, òya dǒ arí 'àdha ìzǎ mà, orú arángili àrè mànà.

⁷Wò dhu-dzidǒ, ma mírì atdí ale-tù dhu òvo rí idù ró, ndàti: «Péterǔ, ívà nyi nyazè kòrì ìzǎ, nyadù à'ànà.»

⁸Ní, ma mádù dhu àdu, mati: «Ìnzǐ ní wò dhu bhěyi Ádrùngbǎlé! Ìnzá ma mapèna yà Kàgàwà isó ìnzǐ ka kongó tí à'ànà ìzǎ-tidò à'a. Ndirò ma màpè nzá Kàgàwà-nyìkpó ǒ òtì ìzǎ-tidò ná'a.»⁹Oyo rí kìsě nǐ, ma mírì wò ale-tù òrù-akpà ò rò róte ró, ndàti: «Péterǔ, ívà Kàgàwà ú'o rǐlǎ nyìkpóna ǒ dhu náká nzá nyati òtòtì dhu tí.»

¹⁰Wò dhu nádù ndì ndònzì ndì ìbhu-gùna. Ìbhu ka nìsě dhu-dzidǒ, ka kádù wòrì ádrùngbǎ mberù idha ányìrǒ rò tí ròdzì òrù-akpà ò.

¹¹Wò ndi kàsùmì ǒ tí ní ndi, rùdú ka kivi Kàyìsàriyà tó kigò ò rò ìbhu ale nádù 'ùtò yà ma mí'ì òná idza-lí.

¹²Ní, Kàgàwà bhà Ìlílà-Alafí ádù dhu òvò idù ndàti, mà ròwu atdíkpá abádhí mànà ìnzí afídu rùguru rórò. Kákà nyí nyálàna író azà òdhídu nádù munda ànyí Kàyisàriyà, màdù itsi òtsù yà ìma nànzì Kòrnòliyò bhà idza.

¹³Nírò ní ndì Kòrnòliyò ádù ìngbà dhu bhěyi màtí Kàgàwà bhà màlàyikà àvi ndì fíndà pbìndà idzá dhu náwε fākà. Màlàyikà áti kà nǐ: «Óvì ìndrù ròwù Yòpà, ròwù Sìmonì tí kátina ale nánzì. Ngàtsi ndì Sìmonì-òvò ní Péterù.

¹⁴Ndì ale rǐ ndì ìnyí mà, kórò pbùkù idzá-bhà mànà rǔgu nǐ òte náwě indù.»

¹⁵Ní, òte ma mòpè mawε ndì Kòrnòliyò bhà idzá-bhà tò dhu-dzidǒ, Kàgàwà bhà Ìlílà-Alafí nádù ìfo abádhí dǒ, àdhàdhì yà wemberè tí ndì ndífo àlě dǒ dhu bhěyi.

¹⁶Ní, ndì dhu ádù mabhù mirè yà Ádrùngbàle Yèsù unò àlě tò dhu. Kátì: «Bàtizò nubhónà Yùwanì núubhò bàtizò ìndrù tò idha nǐ. Pbétù nyí, nyí nyí Ìlílà-Alafí tò bàtizò àlǔ.»

¹⁷Kàgàwà úbho yà Ádrùngbàle Yèsù Krístò àlě ka'ù nínganí ndì ndubhò àlě tò perè átò abádhí tò. Ní, ìma ní'iyana àdhi ndínǐ ma muvó tí ma Kàgàwà rǒ ìnzí rǒnzì pbìndà kasu?»

¹⁸Wò òte ì ìrì rò, kǒkò Péterù mà rùbhi 'àgò rǒ mànà ale náadù afíya òtù, 'àdù 'òpè 'ilè Kàgàwà, 'àmbe àtinà dǒ: «Hàkà! Kàgàwà pbání àbhù rádù ìnzí ní Pbàyàhúdì mà nábhù rùgèrè fíyò mùtsò, rádù obhóná ípìrǒnga nábà átò!»

Kànìsà rǐ ndòpè Àtìyòkiyà tò kigò ǒ dhu

¹⁹Stìfanù ka kòhò dhu-dzidǒ, ndì nòpè Yèsù ná'ù ale rǒ avuta náabhù ì ale rífàlà ì dhèdhèrò kigò ònǎ. Atdídhéná ale náatsè Fòyìnìkè, ngǔkpà ale náatsè Kìpurò, ndìrò ngǔkpà-tsí náadù òtse Àtìyòkiyà. Abádhí owúnà Kàgàwà bhà Ídzì Mākùrù núnò rǒ Pbàyàhúdì tò tí.

²⁰Pbétù, yà abádhí nǐnzì ǒ ì nòtù Kùrenì ǒ ngúfe ale mà, Kìpurò ǒ ngúfe ale mànà náawù ùvò Àtìyòkiyà, 'àdù 'òpè 'ùnò Ádrùngbàle Yèsù dǒ rǒte Ídzì Mākùrù ìnzí ní Pbàyàhúdì tò.

²¹Ádrùngbàle Kàgàwà náabhù òbi atdíđǒ abádhí tò, ndì dhu rádù àrà yà abádhí rǐ dhu òvò fíyò ábhǒ ale nyú nábhù rǒ rùgèrè ì, 'àdù Ádrùngbàle Yèsù ná'ù.

²²Wò abádhí rǒnzina dhu-òyí níitdègu àrà òtsi Yèrùsàlemà tò kigò ǒ kànìsà ǒ bhà-bì ò, ní ì ale adù Bàrnabà nòvì ràrà Àtìyòkiyà.

²³Bàrnabà níitdègu àrà àhù ànyì, ndàdù Kàgàwà àso Yèsù ná'ù ale dhu nótù, ní kǐdhè adù ndìka atdíđǒ. Kàdù ì ale-afí àbhù ròtsi òbi ndínǐ ì nàpá tí atdíđǒ Ádrùngbàle Yèsù rǒ tí.

²⁴Ndì Bàrnabà nǐ'ì ídzì ale, atdíđǒ Ìlílà-Alafí írà ale, ndìrò ádrùngbà a'uta nà ale. Ndì dhu bhěyi ní ndì, ábhǒ ihé-yà nyú náadù Ádrùngbàle Yèsù ná'ù.

²⁵Wò dhu-dzidǒ, Bàrnabà adù àrà Sávùlò nómè Tàrsò tí kátina kigò ò.

²⁶Ní ka ndi ndàla rò, kǎdù kìdyì iwù mànà atdíkpá, iwù ùvò nà Àtiyòkiyà. Ndi Àtiyòkiyà tó kigò ǎ kànìsà ǎ, abádhí anzì atdí atò nyú. Ndirò ndi kànìsà ǎ, abádhí udhè dhu ábhǎ ale nyú tò. Wò ndi Àtiyòkiyà tó kigò ǎ nga ní ndi wemberè tí ka kapè kunzi Yèsù bhà ábhàlǐ pbàkristò tí nǐ.

²⁷Ndi kàsùmì ǎ, Kàgàwà bhà pbànábí núuvò Yèrùsàlemà tó kigò ǎ rò, 'òwù Àtiyòkiyà.

²⁸Abádhí nzínzì ǎ atdí ale-ovò ní'ì Àgabù. Ní, Kàgàwà bhà Īlǎ-Alafí unda ka ròvò dhu ndàti, ádrùngbǎ àgǎyì rǎrǐ isǐ yà adzi dǎ kóró pbìrì ǎ. Obhó tí, ndi àgǎyì adù isǐ yà Klòdiyò ní'ì kámá dǎ ádrùngbǎ kamà tí òná kàsùmì ǎ .

²⁹Wò ndi kàsùmì ǎ tí ní ndi, Yèsù bhà ábhàlǐ adù 'ìrì, 'ìtsà foyá dhu, ngǎtsi ale rǎrà kìbhò rǎ fóná ndi nàbà dhu-bvu rǎ, ndínǐ ì onzi tí odhíya dzùnà nǐ Yùdeyà tó pbìrì ǎ.

³⁰Perè ì ìtsà dhu-dzidǎ, abádhí adù kàbhu Bàrnabà mà, Sávùlò mànà ròwù àbhunà Yèrùsàlemà tó kigò ǎ kànìsà ǎpbàkùrǔ -fó Yèrùsàlemà tó kigò ǎ.

Kasu 12

Yàkòbhò òho ka kǐ, kadù Péterù òsò dhu

¹Wò ndi kàsùmì ǎ, ádrùngbǎ kamà Hèròdè apè ndàvu Kànìsà ǎ bhà nzínzì ǎ atdíthená ale rǎ.

²Ní, kàbhu Yàkòbhò, Yùwanì t'ádòná kòkèrè dóna ìla tó obhi-akpà nǐ, ròvè.

³Kítèdègu wò ndi ndàbhu kònzì dhu àlǎ Pbàyàhúdì-nyìkpó nòfò ró, ní kǎdù Péterù àvi kosò. Wò ndi dhu anzì ndi yà ìmbǎ òná afi nà mùgatì tó mùhendù tó kàsùmì ǎ.

⁴Ní, Péterù ka kòsò dhu-dzidǎ, Hèròdè adù kàbhu kídò imbi-dzà ǎ. Kǎdù ififó pbànówí tó ifò mùtù núlì, ròdò kà-ngbò ányì-dzá. Kùdhè dhu ní, Pásìka tó mùhendù-idhò rǎda rò ndi ndi kàbhu kòtdì ànyàna ibí ale nzínzì ǎ rò dhu.

⁵Ní, ka kambénà Péterù-ngbò òdò dǎ imbi-dzà ǎ, pbétù Kànìsà ǎ bhà adù òko, 'àmbe 'ìtsò dǎ Kàgàwà rǎ kòkú dò rò ìnzì ì ì òná nga òtdì rórò.

Kàgàwà bhà màlàyikà rǐ Péterù ìkòlò imbi ǎ rò dhu

⁶Yà tsútsǎ nínganì Hèròdè rǐ dhu ònzì ndi ndàbhu tí Péterù kòtdì ànyàna òná idho tó iku ǎ, Péterù ì'ì óyǎ pbànówí nzínzì ǎ ndi ndàyi ró, ɔtsúna ràdù ì'ì óyǎ àdrà-mbì nǐ ka kùtsì ró. Ndirò, sàndìrì adù ì'ì tsàtsù-ngbò òdò ì ì ró.

⁷Ní kòmbómbí tí, ìnzá kǎkò ale ùni kàsùmì ǎ, Ádrùngbǎle Kàgàwà bhà màlàyikà níto ndi, awáwù ràdù Péterù mà rǐ'ì òná kàlugá-ngba ǎ nga àtdyi, ràwù hwé. Ní, wò màlàyikà náaya Péterù-ngbò ɔngòna rǎ rò, ndìnga idho ǎ rò, ndàdù àtìna nǐ: «Ívǎ nyi tsàkàtsàkà.» Ní, Péterù-ɔtsú rǎ ì'ì àdrà-mbì náadù 'ìtdì ìtírò, 'àwà ì obvò.

⁸Wò màlàyikà adù àtìna tdítdǎ kà nǐ: «Ísò mvunu ǎ, nyadù pfǒnu rǎ kàyitò-mbì ìso mbèyi.» Ní, Péterù adù wò màlàyikà àvi fǐndà dhu ònzì. Wò dhu-dzidǎ, màlàyikà adù àtìna tdítdǎ kà nǐ: «Áfǎ rùnù ɔrú mùdzarù, nyadù ìrà owùdu ǎ.»

⁹Ní, Péterù adù àhu, ndàrà kōwù ǒ. Kǎni nzá dhu, wò màlàyikà rǎnzina dhu rǎrǐ obhó dhu. Pbéù, kǎmbénà dhu àti dǒ ɔnyu rǐ ndònyu dhu tí.

¹⁰Ní, abádhí udà wemberè tó sàndírì tó mùtù tí. Tdítdǒ abádhí udà ɔyo rí kǐsè sàndírì tó mùtù tí. Wò dhu-dzidǒ ní ndi, abádhí awù ùvò yà dòtsí ka kúvò nǐ kigò ò tsumà tó tsátsù-tí. Ní ndi tsátsù adù ndàpfò ndítírò abádhí tò, abádhí ràdù ùvò iri, 'adù òko àmbe òwu dǒ ngudhà ǒ. Ní kòmbómbí tí, wò màlàyikà adù àwí Péterù-tí rò.

¹¹Nírò ní ndi wò róná ndi nònzi dhu arà Péterù-dò àlu. Ní kǎti: «Kòmbí, ma m̀ni wà dhu Ádrùngbǎle Kàgàwà nyú ní yà pb̀ndà màlàyikà nìbhò rìrà mikòlò Hèròdè-fó rò, ràdù mabhu mǎgù yà Pb̀yàhúdì rùbhi àpàrà rǒ rùdú ì ɔnzi tí kóró dhu ǒ rò.»

¹²Wò dhu àlù dóna rò ní ndi, kǎdù àrà Màriyà, Yùwanì-tsánà bhà. Ngǎtsi ndi Yùwanì-ɔvò ní'ì Mǎrkò. Ní ndi Màriyà bhà idzá, ibí ale nyú ní'ì ì àndu ì, 'àmbe 'ìtsò dǒ ró.

¹³Ní, Péterù itsi tsátsù ìtdo irinǎ rò, Ròdhà, kasu tó atdí tsìbhíngba ràdù òndri íkyèrǒ tsátsù tí.

¹⁴Ní, Péterù ndi nd̀ni t̀na rǒ rò, kǐdhè ìka ndi atdítdǒ. Ní, inzà ndi ndàpfò tsátsù mà kà tó rórò, kǎdù ndàngbo, ndòkù Péterù rǐ'ì tsátsùnǎ dhu ɔvò idza rǐ'ì ale tò.

¹⁵Ní ì ale adù dhu àdu Ròdhà tò, 'àti: «Tí àrǐ dùnú rǐ'ì dhé?» Pbéù, Ròdhà adù àdi ndàmbe inè Péterù rǐ'ì obhó tí tsátsùnǎ dhu kèlè nòvò dǒ abádhí tò. Ní abádhí adù àtina wò tsìbhíngba nǐ: «Péterù-mùlǐ ní wò.»

¹⁶Pbéù, Péterù adù àdi, ndàmbe tsátsù kèlè nótdǒ dǒ. Nírò ní ndi ka kawù tsátsù àpfò, kà ràdù ɔtsù idza. Ní, ka ì àla rò, idho adù idza ì'ì ale ùko atdítdǒ.

¹⁷Ní, Péterù adù abádhí nágo ɔtsúna nǐ ìnzǐ ɔte tí. Kǎdù ndòpè ndàwe ìngbà dhu bhèyi màtí Ádrùngbǎle Kàgàwà àbhu ndi ndàhu imbi ò rò dhu abádhí tò. Tdítdǒ, kǎdù àtina abádhí nǐ: «Nyòwu nyàwe wò rùdú ndi nònzi dhu Yàkòbhò mà tò, ngǔkpà àlè t'òdhina màna.» Wò dhu-dzidǒ, kǎdù àhu idza rò, ndàdù àrà ngǎtsi ngari ò.

¹⁸Ní ìnga ùbho rò, pb̀anówí-tsì ava ndi atdítdǒ, 'àmbe dhu ɔngù dǒ tsùyá nzínziya ǒ, 'àti: «Péterù nyú àrà àdhà?»

¹⁹Ádrùngbǎ kamà Hèròdè adù kàvi kòmè kóró ngari ɔnǎ, pbétù ka kadù nzá kàbà. Nírò ní ndi kǎdù dhu àvi kɔngù Péterù-ngbò ɔdò rǒ rùbhi sàndírì-tsù, ndàdù àbhunà kǎkyè kóró. Wò dhu-dzidǒ, Hèròdè adù ndìvǎ Yùdèyà tó pb̀irì ò rò, ndàrà Kàyisàriyà tó kigò ò, ndàrà àdi ányì ákè kàsùmì tí.

Ádrùngbǎ kamà Hèròdè rǒvè dhu

²⁰Ádrùngbǎ kamà Hèròdè náakó atdítdǒ Tirò mà Sidónà màna tó kigò ǒ bhà rǒ. Ní, atdíku, abádhí iri ì ndínǐ ì oví tí ìndrù ɔvòya rǒ Kàyisàriyà tó kigò ò, ròwù ɔte Hèròdè nà. Ní, ndínǐ ndi dhu aká tí f̀yò, abádhí adù 'irì Blǎstò tí kátina ale nà. Ndi ale ní'ì ádrùngbǎ kamà bhà idho tó kàluga ǒ dhu dǒ ádrùngbǎle. Ní abádhí awù 'ònzì ndínǐ ì oko tí màrùngà ǒ Hèròdè màna, abádhí tó pb̀irì ǒ bhà ɔngù rǐ ɔnyù ɔngónà ìrà ádrùngbǎ kamà Hèròdè bhà pb̀irì ò rò nídhunǐ.

²¹Ní, yà abádhí ìrì ì ndíní ì ɔte tí ádrùngbǎ kamà mànà òná idho ǒ, ndi kamà núufó ndi pbìndà ádrùngbǎnga tó mùdzarù nǐ, ndàdù àdi pbìndà ádrùngbǎ kamà tó tombi dǒ. Wò dhu-dzidǒ, kǎdù ɔte òpè, ndàmbe dhu òvò dǒ ihé-yà tò.

²²Ní wò kà rǒte òná kàsùmì ǒ, ihé-yà adù idù 'àti: «Ìgyò! Ìnzǐ ní ìndrù nyú yà rǒte dhemǎ! Mǎngǔ-ngba nyú ní yà rǒte!»

²³Ní ányìrǒ rò tí, Ádrùngbǎle Kàgàwà bhà màlàyìkà náapbì Hèròdè, inzà kàbhù ifuta Kàgàwà tò dhu-okú dò rò, asa ràdù àkanà, rǒvè dòtsí.

²⁴Pbétù wò ndi kàsùmì ǒ, Kàgàwà bhà Ɔte adù àdi ndàmbe ndànga dǒ, ndàdù àmbe ndùndò dǒ kóró ngari òná.

²⁵Bàrnabà mà Sávùlò mànà nítidègu fǐyò ka kavi 'òwù ònzìnà Yèrùsàlemà tó kigò ǒ kasu nító, ní abádhí adù 'ìvǎ, 'àdu ì Àtìyòkiyà. Ányì abádhí adù òwu atdíkpá Yùwanì tí kátina atdí ale mànà. Ngǎtsi ndi Yùwanì-òvò ní'ì Mǎrkò.

Kasu 13

Kàgàwà bhà Ìlǎ-Àlafí rǐ Bàrnabà mà Sávùlò mànà nóvò Kàgàwà bhà kasu tò dhu

(Gàl 2.7-9; 2Tì 3.8-9)

¹Àtìyòkiyà tó kigò ǒ kànìsà ǒ ale nzínzì ǒ, Kàgàwà bhà pbànábí mà, ìndrù tò arí dhu ùdhè ale mànà ní'ì ìnè. I ale ní'ì Bàrnabà, Nìgerì tí kátina Simiyonì, Lùkiyò, Kùrenì tó kigò ǒ ale, Mànàyenì, yà atdíkpá avì ádrùngbǎ kamà Hèròdè mànà ale, ndirò Sávùlò.

²Ní atdíku, yà abádhí rǐ Ádrùngbǎle Kàgàwà ùlě, 'àdù ònyù t'ònyuta-tsù nútsì òná kàsùmì ǒ, Kàgàwà bhà Ìlǎ-Àlafí atì abádhí nǐ: «Nyòpì Bàrnabà mà Sávùlò nà idù, nyǎlì igi, ndíní yà ma munzi ì fǐyò kasu nonzi tí.»

³Ní, ònyù t'ònyuta-tsù ì ùtsì, 'àdù àmbe 'ìtsò dǒ átò dhu-dzidǒ, abádhí adù ɔsúya núlì Bàrnabà mà dǒ Sávùlò nà, 'àdù ùbhànà ròwù.

Bàrnabà mà Sávùlò nà ròwu Kàgàwà bhà Ídzì Mǎkǔrù ùnò Kìpurò tó sòngà ǒ bhà tò dhu

⁴Wò Kàgàwà bhà Ìlǎ-Àlafí nóvì ì ì ì ówu rò, Bàrnabà mà Sávùlò nà náawù ùvò Sèlèkiyà tó kigò ò. Ní ányìrǒ rò, abádhí adù òtsù ádrùngbǎ ibhú ò, 'òwù Kìpurò tí kátina sòngà dò.

⁵Ní, Sàlaminò tí kátina kigò ò ì òwù ùvò rò, abádhí apè 'ùnò Kàgàwà bhà Ɔte ìndrù tò Pbàyàhúdì tó unduta-dzà ǒ rò. Yùwanì ní'ì ìnè átò atdíkpá abádhí mànà, ndàdù arà abádhí dzùnà ònzì rǒ.

⁶Ní iwà ì ùdà Kìpurò tó sòngà òná kóró rórò, abádhí awù ùvò ndi sòngà ǒ kigò, Pafò tí kátina ò. Ní, ndi kigò ǒ, abádhí atù Bǎrà-Yèsù tí kátina màzítale. Àbadhi ní'ì átò Pbàyàhúdì nzínzì ǒ tìtò tó nabì.

⁷Abádhí ongónà òko atdíkpá Kipurò tó sòngà ǒ lìwalì, Sèrgiyò Pòlò tí kátina ale, yà atdíđǒ inga núnì mànà. Ní, ndì lìwalì avì Bàrnabà mà Sáwúlò nà kunzì, rìwũ tina ò, Kàgàwà bhà Ɔte ndì ndòzè atdíđǒ ndìrì nídhunǎ.

⁸Pbétù wò màzítale, Èlemà, wòrì ní ndì kǒvò-tì Pbàgìríkí t'ávàna ǒ, náadù àdì, ndàmbe ndàgò dǒ abádhí mànà. Kǎdù dhu ònzì ndìní ndugéré tí lìwalì-afí, ìnzì dhu na'u tí.

⁹Nírò ní ndì Kàgàwà bhà Hìlǎ-Alafí ìrà ndì rò, Sáwúlò, yà Pòlò tí kátina átò núudí nyìkpóna wò màzítale Èlemà rǒ,

¹⁰ndàdù àtìnà nǎ: «Nyì nyarí'ì nzére màgèzì nà abho. Ndirò nyì nyarí ìndrũ ùtrǎ abho. Inyì ní Pǎmvo t'ídhùnà nyú, ndirò inyì ní obhónánga rǒ òmvũ. Nyì nyubhàya tí obhó Ádrungbǎle Kàgàwà bhà túrútúrú ídè otu t'útdyata?»

¹¹Ní Kòmbí, Ádrungbǎle Kàgàwà-otsú isì wà dùnú. Nyì nyóngo ndùmùndúmú tí, ìnzì nyala adyifò-nyìkpó atdí kàsùmì ǒ màtí.» Ní uró rò tí, Èlemà-nyínga núutì mbìì, ìnǒ-yà rìbvũ ndì dóná. Ní, kǎdù ndòpè ndòrì ndì, ndàmbe ndùnda rí ale ònè dǒ.

¹²Ní, lìwalì itdègu wò ndì nònzì dhu àlǎ, náadù Yèsù à'ù, Ádrungbǎle Yèsù bhà Ídzì Mǎkǎrù ùdhè ka kí dhu òsù ndì atdíđǒ nídhunǎ.

Pòlò mà Bàrnabà nà rǒwu ùvò Àtìyòkiyà tí kátina atdí pbanga ò dhu

(Kas 7.1-50; 10.36-43)

¹³Wò dhu-dzidǒ, Pòlò mà ɔdhína mànà núupò ibhú ò Pafò rò, 'òwù, 'òwù ùvò Pèrgà tí kátina Pàfùliyà tó pbìrì ǒ atdí pbanga ò. Ányìrǒ ní ndì, Yùwanì náadù abádhí núbhà, ndàdù ndàdu, ndàrà Yèrùsàlemà tó kigò ò.

¹⁴Ní, abádhí adù abhi ɔpè Pèrgà rò, 'òwù, 'òwù ùvò Pìsìdiyà tó pbìrì ǒ atdí pbanga, Àtìyòkiyà tí kátina ò. Ní sàbatù-ìdhò ǒ, Pòlò mà ɔdhína mànà náatsù unduta-dzà ò, 'adù òko obvò.

¹⁵Nírò ní ndì ka kazè Músà bhà Uyatá tó bhǔkù ò ka kandí dhu mà, Kàgàwà bhà pbànábí náandí dhu mànà. Wò dhu-dzidǒ, unduta-dzà ǒ ádròdrǒ ale náadù ìndrũ òvì, ròwù dhu ùnò abádhí tò, 'àtì: «Àbanǎzó, nyì nyapè ì'ì ìndrũ tò nyì nyóvona abádhí-afí nyì nyopé tí nǎ ɔte nà, ní nyòvò ka kòmbí.»

¹⁶Ní, Pòlò ivà ndì ndidè, ndàdù ìndrũ àpe ɔtsúna nǎ, rìnè. Nírò ní ndì kǎpè ɔte ndàtì: «Ìsràyeli tó pbìrì ǒ bhǎ, ndirò nyì yà Kàgàwà-ɔdò ònzì nyì nyarí rò, nyìrì yà ma múnona dhu.

¹⁷Àlě, Pbàìsràyélí tírò, àlě tó Kàgàwà náavò ndì àlě t'ábhúna. Ní, Mísrì tó pbìrì ò abádhí aróko òná kàsùmì ǒ, kǎdù abádhí àbhũ ròtrò, ròngò ábhǒ alé-yà nyú tí. Wò dhu-dzidǒ, kǎdù abádhí ìpfo, rùvò ányìrò pbìndà ɔbi nyú nǎ.

¹⁸Kǎdù abádhí-ngbò nódò rùngù ǒ, ràrà àhu mbèmbè ìfò kumì ato tí.

¹⁹Ndirò, kǎdù àrùbhù dhèdhèrò ale-tidò-tsù tó rùgànda-tsè nótđì Kànanà tó pbìrì ǒ rò, ndàdù ndì pbìrì àbhũ àlě t'ábhúna tò.

²⁰Kóró kǒkò dhu anzi ì, ràrà àhu mbèmbè ìfo miyà dóná imbò kumì nà ato tí. Wò dhu-dzidǒ, Kàgàwà adù àlě t'ábhúna-ànyǎ nítdì róngo ale núli abádhí nzínzi ǒ, ràrà àhu pbìndà nabì Sàmòlè nídi ndì ndaraya abádhí nzínzi ǒ òná kàsúmì ò.

²¹Ndirò, ròpè ndì uró rò, àlě t'ábhúna náadù kamà ònzì Kàgàwà-fó. Nírò ní ndì Kàgàwà adù Sàwulò nídi abádhí dǒ kamà tí, rònyù idzi abádhí dǒ, ràrà àhu ìfo kumì ato tí. Ndì Sàwulò ní'ì Kisì t'ídhùnà. Ndirò Kisì ní'ì Bènyàminì-dhú-bvù ale.

²²Kàgàwà nítdègu Sàwulò nífo ádrùngbǎ kamà tó tombi dǒ rò, ní kǎdù Dàwudì nídi tdítdǒ abádhí dǒ ádrùngbǎ kamà tí. Kǎdù dhu òvò átò Dàwudì-okú dò rò, ndàti: «Ma màbà wà Dàwudì, Yěsè t'ídhùnà, atdíđǒ afidu ózè ale. Ka ní ndì ma mòzè dhu ònzì róngo kóró ale.»

²³Dàwudì bhà pbàdzukuru nzínzi ǒ rò ní ndì, Kàgàwà ipfo Yěsù, ndìdi Pbàisràyéli tó Ògùba tí, àdhàdhì yà angyangyi ndì ndakò fíndá làká dhu bhèyi.

²⁴Tdù Yěsù ira rò, bàtizò nubhónà Yùwanì náavò dhu Ìsràyeli tó pbìrì ǒ bhà tò kóró, ndínì ì nùgèrè tí, 'ùbhà fiyó nzérenga, 'àdù bàtizò àlu.

²⁵Ní, pbìndà kasu-tsù àmbènà àrà ndòdì òná kàsúmì ǒ ní ndì, Yùwanì ivú dhu Pbàisràyéli-tsù, ndàti: «Nyí nyári inga ìrè ima rǎrì àdhi? Ima ní nzì wò nyí nyaródona ndínì ira tí ale. Pbétù, kǎnì dzidu dǒ rírá ale ní inzà ma màkǎ munga pǒna rǒ kàyitò-mbì mà ale.»

²⁶Nírò nyí adódu, yà Àbràhamù bhà pbàdzukuru tí nyí nyí'ì rò, ndirò nyí, yà Kàgàwà-òdò ònzì nyí nyarì rò, àlě tò nga ní ndì Kàgàwà ìbhò yàrí ògù tò òte nǐ.

²⁷Obhó tí, Yèrùsàlemà tó kigò ǒ bhà mà fiyó ádròdrǒ ale màná núuni nzá dhu Yěsù rǎrì àdhi. Ndirò, yà bìlì ka karózùna sàbatù-idhò ǒ, yà Kàgàwà bhà pbànbí unò dhu mà náadù nzá abádhí-dò nálu. Pbétù, abádhí adù ì dhu àbhu rǎkǎ, yà Yěsù-dǒ ì abhù kòtdì anya ndínì ka koho tí dhu-otù ǒ.

²⁸Ní, inzà ì àbà atdí dhu mà, yà Yěsù-ànyǎ òtdì ka kǎdù okúna dò rò rórò, abádhí anzi ka Pìlatò-fó, ndínì ka nabhù tí kohò.

²⁹Ní kǒkú dò rò ka kandì kóró dhu ì àbhu rònzì ì dhu-dzidǒ, abádhí náabhù kǎ-bvò kifo mùsàlabhà dǒ rò, 'àdù òtdùnà.

³⁰Pbétù, Kàgàwà adù àbadhi àbhu rìngbè ndì òve-bvù rò.

³¹Wò dhu-dzidǒ, kǎdù ndàvi ibí idhò nyú ǒ yà Gàlìlayà rò ì iwú màná atdíkpá, 'iwù ùvò Yèrùsàlemà tó kigò ò ale tò. Kòmbì ì ale ní ì kǎbhà ngàmbì Pbàisràyéli-ònzì.

³²Mǎ nyú mà, mà móvona dhu ní ndì Ídzi Màkùrù, yà àlě t'ábhúna tò Kàgàwà náakò fíndá làká.

³³Ní, Kàgàwà náabhù wà ndì làká rǎkǎ àlě tò, abádhí tó pbàdzukuru tírò. Kǎbhù Yěsù rìngbè ndì òve-bvù rò, àdhàdhì yà Zàburì tó bhùkù ò ka kandì òyò rí kìsè kà tó ngari ǒ dhu bhèyi. Ndì andítá rǎtina: «Inyi, inyi ní Idhùdu. Ndirò indo ndì nòpè rò, ima ní Àbanu.»

³⁴Ndirò, Yèsù nábhù ndì ndí rìngbè ndì òve-bvù rò ìnzì abvòna rò mò dhu kǎvò angyangyi. Kǎti: «Ma mí nyasò nǐ asota ní ìlǐlǎ, ndirò kóró ale rá'una, yà angyangyi ma makò fíndá làkà Dàwudì tò asota .»

³⁵Ndi dhu-okú dò rò ní ndi kà rǎtina átò Zàburì tò ngǎtsi ngari ǒ: «Nyì nyabhùya nǐ p̀b̀k̀k̀ Ìlǐlǎ-Ale-abvò rò mò ibhu ò.»

³⁶Obhó tí, p̀b̀ìndà idzi ǒ, ádrùngbǎ kamà Dàwudì náanzì Kàgàwà ózè dhu. Ní, kǎvè, kadù ndòtdù abhúna ka kutdú ró, abvòna ràdù ò mò.

³⁷Pbétù, yà Kàgàwà àbhu rìngbè ndi ibhu ò rò Yèsù-abvò nómò nzá.

³⁸Nírò adódù, nyèni dhu kòtù ǒ nga rǎrǎ ndi ìndrù tò nzérenga rǐ ndùba dhu rǐ ndòvo f̀k̀k̀ nǐ. Ndirò, Músà bhà Úyátá mà náabhù nzá nyǐ kòzè nyǐ obhónángatále tí.

³⁹Yèsù-otù ǒ nga ní ndi ìngbàtí ìlì ndi ale mà yà ka nà'ù, nòzù ka kádù obhónángatále tí nǐ.

⁴⁰Nírò, nyàndà nga mbèyi adódù, akye yà Kàgàwà bhà p̀b̀anábí uno dhu nòonzina ndi r̀k̀k̀ nǐ. Abádhí ati:

⁴¹«Nyàndà dhu, nyǐ, ìndrù-tsì ònzi nyǐ nyarí rò. Nyàbhu nyǐ idhò r̀k̀k̀ nyǐ, ndirò nyàbhu nyǐ tsèku ròtdì ndi. Obhó tí, mà mí atdí dhu ònzi, yà ìnè nyǐ nyǐ'ì nyǐkpóku nà òná kàsùmì ǒ. Ndi dhu ní ìnzì nyǐ nyádù à'unà ngǎtsi ale náwe f̀k̀k̀ rò dhu .»»

⁴²Wò dhu-dzidò, Pòlò mà Bàrnabà mànà níitdègu ùvò unduta-dzà ò rò, ní iyé-yà náadù abádhí ònzì ndíni iwúya tí tdítò rǐ'ì sàbatù-idhò ǒ, 'iwù wò ote kèlè nádu 'àwe tdítò f̀ỳò.

⁴³Wò unduta-dzidò, ábhò P̀b̀yàhúdì mà ábhò ng̀k̀p̀a ale yà P̀b̀yàhúdì tò d̀nì ò ì nùgèrè 'òngò Kàgàwà ùle mànà, náadù ùvò, 'òwù Pòlò mà Bàrnabà mànà-owù ǒ. Nírò ní ndi kòkò óyò ale adù dhu òvò abádhí tò 'òpè abádhí-afí nǐ, ndíni ì napbá tí 'òngò òko pòtsó Kàgàwà bhà ìdzìnga tò otu ǒ tí.

P̀b̀yàhúdì rǐ Pòlò mà Bàrnabà mànà r̀v̀ona f̀ỳò ote nódhò dhu

⁴⁴Tdítò ì'ì sàbatù-idhò ǒ, mbèmbè Àtìyòkiyà tò pbanga ǒ kóró ale núundu ì ndíni ì ìri tí Ádrùngbǎle Kàgàwà bhà Ote.

⁴⁵Ní P̀b̀yàhúdì níitdègu wò ihé-yà àlǎ, ní adha tò ale-afí mà agòta mànà náadù abádhí ìra, ràdù 'òpè 'àgò Pòlò r̀v̀ona f̀ỳò dhu, ndirò 'àmbe dhu ùnò dǒ nzère kà nǐ.

⁴⁶Ní Pòlò mà Bàrnabà mànà náadù dhu òvò abádhí tò ìmbǎ óyá odó na, 'àti: «F̀k̀k̀ nga ní ndi Kàgàwà bhà yàrí Ote náká kùnò wemberè tí nǐ. Pbétù, nyǐ nyòdhò ka, nyádù nyòzè nyǐ-tírò ìnzá àkǎ 'àbà dhòdhóhóngà tò ìp̀ìr̀ngà ale tí dhu-okú dò rò, mà mí m̀g̀èrè kòmbí m̀ẁù kùnò rǒ ìnzì ní P̀b̀yàhúdì tò.

⁴⁷Obhó tí, Ádrùngbǎle Kàgàwà uyá wà ka ndi dhu bhèyi tí f̀k̀k̀. Kǎti: «Ma míli nyǐ kóró p̀b̀ìr̀ì ǒ ale tò awáwù tí, ndíni nyǐ nyǐ'ì tí ògù tò Ídzì M̀k̀r̀ù òvo rǐ kóró ale tò ale tí, r̀àrà àhu yà adzi-tsù náadì ndi ì.»»

⁴⁸Ní, ìnzǐ ní P̀b̀ỳà̀h̀ú̀dí ǹíit̀d̀è̀gu ẁò ɔ̀tɛ ìr̀ì, ní ab̀á̀d̀h̀í-ìd̀h̀è náad̀ù nd̀ìka at̀d̀í̀d̀ò, 'àd̀ù 'òp̀è 'ìlè Ádr̀ung̀b̀á̀lè K̀àg̀àẁà bhà Ɔ̀tɛ. Ndir̀ò k̀óró ale, yà K̀àg̀àẁà ap̀ì dh̀òdh̀óh̀óngà tó íp̀ìr̀óngà nab̀áya tí, náad̀ù K̀àg̀àẁà à'ù.

⁴⁹Ádr̀ung̀b̀á̀lè K̀àg̀àẁà bhà Ɔ̀tɛ ad̀ù nd̀ùnd̀ò k̀óró ndi P̀ìs̀ìd̀iyà tó p̀b̀ìr̀ì ǒ.

⁵⁰P̀b̀ét̀ù, P̀b̀ỳà̀h̀ú̀dí ad̀ù dhu ìtsu K̀àg̀àẁà ̀ùl̀è ar̀ì ì návi vèbh̀ále mà, kigò ǒ ádr̀òdr̀ò ale mànà d̀ò ̀, ndíní dhu nìv̀à tí P̀òlò mà B̀àrnab̀à mànà r̀ò. Ní, ab̀á̀d̀h̀í ad̀ù 'òp̀è 'àvu P̀òlò mà B̀àrnab̀à mànà r̀ò, 'ad̀ù ip̀fonà 'òdì f̀iyó p̀b̀ìr̀ì ǒ r̀ò.

⁵¹P̀b̀ét̀ù, k̀òkò óyò ábh̀àl̀ì náad̀ù p̀f̀óya-tsítsíró àh̀ù nó'ò ab̀á̀d̀h̀í-okú d̀ò r̀ò. Wò dhu-dzidò, ab̀á̀d̀h̀í ad̀ù 'ìv̀à, 'òwù Ìk̀òniyò tó kigò ̀.

⁵²Ndir̀ò Ỳèsù-owù ǹungu ale-ìd̀h̀è náad̀ù nd̀ìka at̀d̀í̀d̀ò, K̀àg̀àẁà bhà Ìl̀l̀á-Alafí ràd̀ù 'ìra.

Kasù 14

P̀òlò mà B̀àrnab̀à nà r̀ì K̀àg̀àẁà bhà Íd̀zi M̀àk̀ür̀ù ǹúnò Ìk̀òniyò tó kigò ̀ dhu

¹Ìk̀òniyò tó kigò ̀ ì òwù ùvò r̀ò, P̀òlò mà B̀àrnab̀à nà náatsù átò P̀b̀ỳà̀h̀ú̀dí tó unduta-dzà ̀. Ní ányidzá, ab̀á̀d̀h̀í únò K̀àg̀àẁà bhà Íd̀zi M̀àk̀ür̀ù, ndi dhu ràd̀ù P̀b̀ỳà̀h̀ú̀dí mà P̀b̀àg̀ìr̀íkí mànà tó ábhò ihé-yà nyú nábhù rà'ù Ỳèsù.

²P̀b̀ét̀ù, yà ì nùvò ìnzǐ 'à'ù Ỳèsù P̀b̀ỳà̀h̀ú̀dí náad̀ù dhu ìtsu ìnzǐ ní P̀b̀ỳà̀h̀ú̀dí-d̀ò ̀, 'àbhù afíya r̀inza ì ndíní dhu nìv̀à tí k̀òkò Ỳèsù ná'ù adóya r̀ò.

³Ní, àzèmbè wò dhu r̀ì ndònzì r̀órò tí, P̀òlò mà B̀àrnab̀à nà náad̀ù òko ábhò idhò nyú tí Ìk̀òniyò tó kigò ̀. Ab̀á̀d̀h̀í adúnà òwu Ádr̀ung̀b̀á̀lè K̀àg̀àẁà bhà Íd̀zi M̀àk̀ür̀ù ǹúnò r̀ò k̀pangba, ìmbà óyá ɔ̀dó na, kà-r̀ò ì ip̀b̀ì ì nídhuní. Ndir̀ò, Ádr̀ung̀b̀á̀lè K̀àg̀àẁà adúnà àrà yà ab̀á̀d̀h̀í r̀üǹona p̀b̀ìndà ídzìngà d̀ò dhu tó obhóngà nábhù r̀ò ràvi ndi k̀pangba, yà ab̀á̀d̀h̀í r̀önzina wìwì mà yà ìnzá ap̀èna 'ònzì angyi ìndr̀ù-nzínzì ǒ dhu mànà dhu-otù ǒ.

⁴Ní wòrì kigò ǒ ale-ǒngà ǹúundò ndi ɔ̀yò, at̀d̀í̀d̀hena ale ròlè ì P̀b̀ỳà̀h̀ú̀dí-ti'òná r̀ò, ngùkpà ale ràd̀ù 'òlè Ỳèsù bhà uvitatále-ti'òná r̀ò.

⁵Wò dhu-dzidò, P̀b̀ỳà̀h̀ú̀dí mà ìnzǐ ní P̀b̀ỳà̀h̀ú̀dí mànà, óyá ádr̀òdr̀ò ale mànà náad̀ù 'ìr̀ì ndíní ì ɔ̀p̀é tí 'àvu P̀òlò mà B̀àrnab̀à mànà r̀ò, 'ad̀ù ab̀á̀d̀h̀í àbhù kubvù odu nì r̀àvè.

⁶Ní, P̀òlò mà B̀àrnab̀à mànà ǹíit̀d̀è̀gu wò dhu ̀s̀ù, ní ab̀á̀d̀h̀í uvò Ìk̀òniyò ǒ r̀ò, 'òtsè Lik̀à̀d̀niyà tó p̀b̀ìr̀ì ǒ p̀banga, Lístrà mà D̀èrbè mànà, tiyá ar̀ì'ì kyèr̀òkyèr̀ò p̀b̀ìr̀ì mànà ̀.

⁷Ányì ab̀á̀d̀h̀í ad̀ù òko 'òwù K̀àg̀àẁà bhà Íd̀zi M̀àk̀ür̀ù ǹúnò r̀ò ìndr̀ù tò.

P̀òlò mà B̀àrnab̀à nà r̀ì Lístrà tó kigò ǒ dhu

⁸Lístrà tó kigò ǒ, ìnzǐ ar̀ìde p̀f̀óna d̀ò at̀d̀í ale ní'ì ìnè. Ndi ale ní'ì ̀d̀h̀ì tí ka kadhì ̀tsòtsù r̀órò ale. Ndir̀ò ka ní'ì ìnzá ap̀èna ùbhi yà ka kadhina ndi rò ale.

⁹Ní, at̀d̀íku kàdì ndàmbe P̀òlò r̀üǹona dhu ìr̀ì d̀ò. Ní P̀òlò udì nyìkpóna kà-r̀ò, kà'ù dhu ̀g̀ù ndi r̀àmbènà ̀g̀ù dhu ndi ndàla r̀ò.

¹⁰Ní, Pólò adù dhu òvò kà tò orú tūna nyú nà, ndàti: «Ívà nyi, nyidè túrútúrú pfõnu dõ.» Ní wò ale níibe ndì ndidè, ndàdù ndòpè ndùbhi.

¹¹Ní wò Pólò ònzì dhu ì àla rò, ihé-yà náapè 'òtè orú tūya nyú nà Likàòniyà ð bhà t'ávàna ð, 'àmbe àtìna dõ: «Mũngũ-nzo ùgèrè wà ì 'òngò indrũ tí, 'ìtsù àlě nzínzì ò.»

¹²Abádhí adù Bàrnabà nàtì Zěwù tí, 'adù Pólò nàtì Hérmè tí. Obhó tí, Pólò ní ndì aránà òtè ùdà rõ indrũ tò. Ndirò, yà Lístrà tó kigò ò ka kótsù ró ní'ì ndì Zěwù tí kátina Pbàgìríkí tó mũngũ-ngba bhà sòmă-dzà.

¹³Ní wò ndì kàsùmì ð, Zěwù bhà atdí kùhanì náadù ìrà ìkyì-akpá nà, iwà ndì ndùkpòrò itsu-opfò tó mùkàkù ndũfõ dõya rõ rórò, ndìrà àhù nà kigò ò ka kótsù òyá tsàtsù tí. Abádhí ní'ì iwà ì nìrì ihé-yà mànà ndínì ì ubhò tí ì ìkyì-akpá perè tí kòkò óyõ uvitatále tò.

¹⁴Ní, Pólò mà Bàrnabà nà níitdègu kòkò ale rǎpàna ndínì ì onzi tí dhu ìrì, núufa ròyá orú mùdzarù-õnga, 'adù òtse ihé-yà nzínzì ò, 'àmbe ùkũ dõ, 'àti:

¹⁵«Hòkò! Ádhu wò nyí nyápàna nyõnzì dhemă? Mă'ì nyú, mă ní indrũ àdhàdhì nyí ní indrũ dhu bhěyi. Ndirò, yà fũkù mă mòvò dhu ní Kàgàwà bhà Ídzì Mākūrù, ndínì nyí nyubhà tí nyí nyarónzina ìmbă tīya nà dhu, nyàdù nyũgèrè nyõngò yà ìnzì aróvè Kàgàwà bhà ale tí. Ndi Kàgàwà ní ndì yà adzi mà òrù-akpà mà ndirò rèrù-abábá mà, òyá arí'ì kóró dhu mànà nanzì ale.

¹⁶Angyíta nyú Kàgàwà ubhà pé kóró pbìrì ð ale ròngò ùbhi afiya ozè otu ð.

¹⁷Pbétù, kũbhà nzá ndì ndì nditè abádhí tò yà ndì ndónzina ídzìnga-otu ð dhu. Obhó tí, kǎrì igye àbhũ rìkõ òrù-akpà ò rò fũkù, ndàdù inga ð dhu àbhù rò'ò fīyó kàsùmì ð. Ndirò indo màtì, kǎradù nyõngù, ndàdù afìku níra pbìndà ídzìnga tó dhèdhe nĩ.»

¹⁸Pólò mà Bàrnabà nà náatè mbă wò dhu bhěyi màtì, ní abádhí rĩ ihé-yà nísõ ìnzì ìzǎ tó perè nubhò tí fīyò dhu ní'ì obi tí.

¹⁹Wò dhu-dzidõ, Pbàyàhúdì níiwú Àtìyòkiyà tí kátina kigò ò rò, ndirò Ìkòniyò tí kátina kigò ò rò màtì, 'iwũ ùvò Lístrà. Ní abádhí níitsu dhu ihé-yà-dõ ò, ròpè 'ùbvũ Pólò mà odu nĩ, ndínì uvè tí. Wò dhu-dzidõ, abádhí adù Pólò àdhà 'ìpfo ìrì kigò ò rò, iwà òvè dhu tí ì í kàtì nídhunì.

²⁰Pbétù Yěsù ná'ù ale níitdègu 'àndũ 'àkpòrò Pólò-ngbò, ní àbadhi adù ndìvà, ndidè, ndàdù ndàdu ndì kigò ò. Ní tsútsǎ nínganí, abádhí adù òwu Bàrnabà nà Děrbè tí kátina kigò ò.

Pólò mà Bàrnabà nà rĩ 'adũ Àtìyòkiyà tó kigò ò dhu

²¹Děrbè tó kigò ò ì òwù ùvò rò, Pólò mà Bàrnabà nà náapè 'ùnò Kàgàwà bhà Ídzì Mākūrù indrũ tò. Ní, ábhõ ale nyú núugèrè ì, 'à'ù Yěsù. Wò dhu-dzidõ, abádhí náadù 'adu Děrbè rò, 'òwù Lístrà. Lístrà rò, abádhí adù 'ivà, 'òwù Ìkòniyò ndirò Àtìyòkiyà, Pisìdiyà tó pbìrì ò.

²²Kóró kòkò kigò ònǎ, abádhí owúnà Yěsù ná'ù ale-afí nópè rõ, 'adù òwu ì ale àvi rõ rìkò pòtsó fīyó a'uta ð. Abádhí adúnà òwu dhu òvò rõ ì ale tò, 'àti: «Dhu àkǎ àlě rùdà

ádrùngbǎ àpbè nyú òna nǎ, ndíní àlě kotsú tí òrù-akpà ǒ Ádrùngbǎ kamà Kàgàwà bhà idzi ò.»

²³Kórókànisá òna nǎ, Pòlò mà Bàrnabà nà náadúnà òwu ìndrǔ òvò rǒ, 'ùli ndi kànisa ǒ pbàkùrǔ tí. Ònyù t'ònyuta-tsù ì ùtsì, 'adù àmbe 'ìtsò dǒ dhu-dzidǒ, abádhí adúnà òwu yà ì óvò ale ùli rǒ yà ì á'ù Ádrùngbǎle Yēsù-fó.

²⁴Wò dhu-dzidǒ, abádhí náadà Pìsidiyà tó pbìrì ònǎ, 'adù òwu ùvò Pàfùliyà tó pbìrì ò.

²⁵Ní, Pergà tí kátina ndi pbìrì ǒ kigò ǒ bhà tò ì ùnò Kàgàwà bhà Òte dhu-dzidǒ, abádhí adù 'àsòlò, 'òwù Àtaliyà tí kátina kigò ò.

²⁶Ndi kigò ǒ rò, abádhí adù 'ìvǎ 'òwù ibhú ǒ, 'òwù ùvò Àtiyòkiyà, Siriyà tó pbìrì ò, yà abhi ì apè ònǎ rò kigò ò. Wò ndi kigò ǒ rò nga ní ndi, ka kabhu abádhí Kàgàwà ràso wò abádhí òwù ùtsànà pbìndà kasu-okú dò rò.

²⁷Ní, Àtiyòkiyà ì òwù ùvò rò, abádhí andu Yēsù ná'ù ale-tsù, 'adù Kàgàwà àbhu ì 'ònzì kóró dhu náwe fíyò. Ndirò, abádhí adù ìngbà dhu bhěyi màtí ì àpfò a'uta tó tsàtsù ìnzì ní Pbàyàhúdí tó dhu náwe átò abádhí tò.

²⁸Wò dhu-dzidǒ, Pòlò mà Bàrnabà nà náadù òko ábhǒ idhò nyú tí Yēsù ná'ù ale mànà Àtiyòkiyà tó kigò ǒ.

Kasu 15

Yēsù ná'ù ale tó unduta Yèrùsàlemà tó kigò ò

(*Opt 2.1-9*)

¹Yùdeyà tó pbìrì ò rò iwǔ Àtiyòkiyà tó kigò ò ngúfe ale, náapè 'ùdhe dhu Yēsù ná'ù ale tò, 'òwù àtina rǒ ití: «Ìnzì nyí nyapè nyàbhǔ kòbhòlò ònzikúnga yà Músà bhà Úyátá nónzì ka dhu bhěyi, ní Kàgàwà rǐ nzì nyǐgǔ fùkú nzérenga ǒ rò.»

²Ní Pòlò mà Bàrnabà nà náadù ndi dhu òdhò atdíǒ, ádrùngbǎ agòta nyú ràdù ìtsì nzínzìya ǒ ì ale mànà wò dhu-okú dò rò. Nírò ní ndi abádhí adù dhu ùtsì atdíkpá, ndíní Pòlò mà Bàrnabà nà ndirò Àtiyòkiyà ǒ ngúfe ngǔkpá ale mànà nóowu tí Yèrùsàlemà tó kigò ò, 'òwù òte ndi dhu dǒ Yēsù bhà uvitatále mà, pbàkùrǔ mànà-ònzì rò.

³Ní, Àtiyòkiyà ǒ kànisanáadù abádhí dzùnà nónzì àkákǎ dhu bhěyi ndi abhi tò. Ní Fòyìnìkè mà Sàmàriyà mànà tó pbìrì ònǎ ì úda ì nanǎ, abádhí owúnà ìngbà dhu bhěyi màtí ìnzì ní Pbàyàhúdí nùgèrè ì Kàgàwà tó dhu nóvò rǒ ìndrǔ tò, ndi dhu ràdù àrà Yēsù ná'ù ale àbhu rǒ idhěya rìka ndi atdíǒ.

⁴Ní, kǒkò ale níitdègu owu ùvò Yèrùsàlemà tó kigò ò, ní ndi kigò ǒ kànisa mà Yēsù bhà uvitatále mà ndi kànisa ǒ pbàkùrǔ mànà, náakò abádhí mběyi nyú. Abádhí náadù Kàgàwà àbhu 'ònzì dhu náwe kóró kǒkò ì nàkò ale tò.

⁵Pbétù, atdídhená ale, Yēsù ná'ù Pbàfàrisáyó tó mùtù nzínzì ǒ, náadù 'ìvǎ 'àti: «Dhu àkǎ kòbhòlò Yēsù ná'ù ìnzì ní Pbàyàhúdí-ònzìnga, kadù dhu ùya fíyò ròngò Músà bhà Úyátá nífu.»

⁶Nírò ní ndi Yēsù bhà uvitatále mà, Kànisa ǒ pbàkùrǔ mànà, náandu ì ndíní ì andá tí kǒkò ale ùnò dhu-ònga.

⁷Ní, atdíđǒ ì àgò ì dhu-dzidǒ, Péterù ivà ndì ndidè, ndàdù àtìnà: «Àbanǎnzó, nyǎ nyùnì wà dhu Kàgàwà rǒvò wà mà angyíta tí nzínziku ǒ rò, ndínǎ ma mongó tí pbìndà Ídzi Màkürù núnò ìnzǎ ní Pbàyàhúdì tǒ, ndínǎ abádhí nírì tí 'àdù dhu à'ù.

⁸Ndirò Kàgàwà, yà ìndrù-afí ò dhu mà núnǎ arí ale, nítè wà dhu iwà ndì rákò abádhí, yà abádhí ndì ndírǎ pbìndà Hǐlǎ-Alafí nǎ, àdhàdhì yà ndì ndírǎ àlě dhu bhěyi dhu-otù ǒ.

⁹Kündò nzá àlě-ǎnga abádhí mànà akèkpá màtí, kù'o abádhí-afí rìlǎ nyìkpóna ǒ, a'uta-otù ǒ nídhunǎ.

¹⁰Nírò, ádhu kòmbí nyǎ nyí Kàgàwà-afí númvù wò dhu bhěyi, nyámbe ndì nà'è ànò núgba dǒ Yèsù bhà ábhàlǐ dǒ nǐ? Nyǎ nyí ndì ànò núgbǎ abádhí dǒ àzèmbè ìnzá àlě t'ábhúna nyú mà, ndirò àlě nyú mà àlě kanzì kànò àlě kí dhu-lèmà rórò!

¹¹Ndirò, àlě kà'ù wà dhu àlě rùgu wà àlě tó nzérenga ǒ rò, Ádrùngbǎle Yèsù bhà ìdzìnga-okú dò rò, àdhàdhì abádhí núgu dhu bhěyi.»

¹²Ní, Pólò mà Bàrnabà nà rǐ Kàgàwà àbhu 'ònzì ìnzǎ ní Pbàyàhúdì nzínzì ǒ wíwí mà, yà ìnzá apèna 'ònzì angyi ìndrù-nzínzì ǒ dhu mànà dhu nǎwě rò, kǒkò ì nàndunà ale náadù ìnè bhìì, 'ámbe abádhí rǎwèna dhu nírì dǒ.

¹³Ní Pólò mà Bàrnabà nà nítdègu ìnè, ní Yàkòbhò apè ǒte ndàtì: «Àbanǎnzó, nyírì yà ma múnona fùkù dhu.

¹⁴Simiyonì náwe wà ìngbà dhu bhěyi màtí, mùhàngú ò rò, Kàgàwà arí pbìndà ale nórì ìnzǎ ní Pbàyàhúdì nzínzì ǒ rò tí dhu àlě tò.

¹⁵Wò ndì dhu náko wà ndì Kàgàwà bhà pbànábí náandí dhu nà. Ndi andítá rǎtina:

¹⁶«Ádrùngbǎle Kàgàwà rǎtina: wò dhu-dzidǒ, ma mí madù mirà wò ndì nadrù ádrùngbǎ kamà Dàwudì bhà ìdza nòsì tdítǒ. Ní ma mí ndì ìdza-dúdù nángbě, madù ìdìnà rìdè pfóna dǒ.

¹⁷Ndi dhu bhěyi ní ndì, yà ì nùbhà ale-go rǐ 'òpè 'òmè Ádrùngbǎle, ì ale ní kǎkà ǒvòdu ka kánzì dǒyá ale. Obhó nyú, kóró ìnzǎ ní Pbàyàhúdì, yà pbàkà ale nyú tí oko tí ma múnzì ale rǐ 'òpè 'òmè ma. Wórì ní ndì yà ndì dhu ǒnzì rǐ Ádrùngbǎle núunò dhu .

¹⁸Ndi Ádrùngbǎle ní ndì ì dhu nábhù ìndrù rùnì yà mùhàngú ò rò ndì napèna rò ale.»

¹⁹Tdítdǒ, Yàkòbhò adù àtìnà: «Ìma, ma màla dhu ní, dhu rǎkǎ nzá kòbhìlì kǒkò ì núgèrè Kàgàwà tò ìnzǎ ní Pbàyàhúdì-tsù.

²⁰Pbétù, abádhí tò dhu rǎkǎ kandì dhu, kati: «Nyǎ nyàkǎ nzá nyǒngò sànamù tò ka kùbho perè tí ìzǎ ná'á . Ndirò, nyǎ nyàkǎ nyǒngò nyǒdò mùnyònì rǒ rò, ìnzǎ nyǎdù dǎna-tì ka kìpbò obi nǎ ròvè ìzǎ mà, ànzùbhà mànà ná'á.»

²¹Obhó tí, angyí ndì napèna rò, ìndrù náarí'ì ìnè Músà bhà Uyatá nónò ì arí ìndrù tò kóró kigò ǒnǎ ró. Kóró sàbatù-idhò ǒ, abádhí náarí ì Uyatá nózù ìndrù tò unduta-dzà ǒ rò.»

Yèrùsàlemà ì nùndu ale rǐ bhàrùwà àbhù Àtìyòkiyà ǒ Kànìsà tò dhu

²²Wò dhu-dzidõ, Yësù bhà uvitatále mà, Kànisa õ pbàkürũ mà, Yèrùsàlemà õ kóró Kànisa màna náatè nzínziya õ. Abádhí níri ì ndíní ì ovó tí nzínziya õ ale, 'adù òvinà ròwù atdíkpá Pòlò mà Bàrnabà màna nà Àtiyòkiyà, Sìriyà tó pbìrì ò. Ní, abádhí avò Yudhà mà Sílà nà. Ngãtsi ndi Yudhà-ovò ní'ì Bàrisabà. Oðhíya pbàkrístò nzínzi õ, abádhí óyõ kóró ní'ì atdíõ ka kífú ale.

²³Ní, abádhí adù kòrí ale nóvì ròwù bhàrwà nà. Ndi bhàrwà ka kandí yà dhu bhëyi: «Mă'ì oðhíku, Yësù bhà uvitatále mà, Kànisa õ pbàkürũ màna, mă mòvì nyí atdíõ oðhíkă, inzi ní Pbàyàhúdì tírò nyí nyí'ì Àtiyòkiyà mà, Sìriyà mà, Kilikiyà màna tó pbìrì ò rò.

²⁴Mă mírì dhu, nzínzika õ rò, atdíhená ale rówù inzá mă mùfà rusà fíyò rórò, 'òwù dũku inza àwú òtëya ní, ndi dhu ràdù izu nábhu afíku ò.

²⁵Ndi dhu-okú dò rò ní ndi, mă mìrì mă mövò ìndrũ, mădù òvinà ròwù tíku ò. Abádhí ròwu atdíkpá yà atdíõ mă mózè oðhíka, Pòlò mà Bàrnabà màna nà.

²⁶Ndi Pòlò mà nádzi wà fíyó ípìrõnga ove tò àlë tó Ádrungbãle Yësù Krístò bhà kasu-okú dò rò.

²⁷Nírò, kòní mă mòvì Yudhà mà Sílà nà, ndíní yà bhàrwà õ mă màndí ote novó tí tsùya õ fũkù.

²⁸Obhó tí, Kàgàwà bhà Ìlílà-Alafí mà, mă nyú màna, mă màla dhu ní, dhu ràkă nzá mũgbã ndi nà'è vurò ànò tdítõ dũkú, ròsè yàrí uyátá dònã.

²⁹Ndi uyátá rätina: «Nyí nyàkă nzá nyõngò sànamù tò ka kùbho perè tí izã mà, ànzùbhà mà, dàna-tsi ka kìpbõ obi ní ròvè izã màna ná'á. Ndirò nyí nyàkă nyõngò nyõdò mùyòni rò rò. Kõkò dhu nyí nyífu dhu ní ndi adù ì'ì iwà nyí nyònzì ídzì dhu dhu. Mbëyi nyòko.»

³⁰Nírò ní ndi kõkò òvì ka kòvì ale níva ì 'òwù wò bhàrwà nà Àtiyòkiyà. Ní ányì ì 'òwù ùvò rò, abádhí andu Yësù ná'ù ale-tsù, 'adù ndi bhàrwà àbhu abádhí ròzù.

³¹Ní wò bhàrwà ì 'òzù rò, kòrí ale-idhè níka ndi atdíõ ndi bhàrwà õ ka kòpè afíya tí dhu-okú dò rò.

³²Kàgàwà bhà pbànábí tí ì adù 'òtù dhu-okú dò rò, Yudhà mà Sílà nà náadù òte ádzíta nyú kõkò Yësù ná'ù ale màna, ì ròpè abádhí-afí, 'adù abádhí àbhu ròtsì obi fíyó a'uta õ.

³³Ngúfe idhò ì ònzì Àtiyòkiyà dhu-dzidõ, kõkò abádhí t'ódhíya náadù abádhí ùbhà ràdu ì, 'òwù yà ì nívi ale-ti'ò.

³⁴[Pbétù Sílà adù ndòzè ndàdi Àtiyòkiyà. Ní Yudà adù àrà atdíró Yèrùsàlemà.]

³⁵Pòlò mà Bàrnabà nà adù òko Àtiyòkiyà. Ibí ngũkpà ale màna, abádhí owúnà dhu ùdhe rò, 'adù Kàgàwà bhà Ote tó Ídzì Màkürù núnò átò ìndrũ tò.

Pòlò mà Bàrnabà nà ònga rí ndùndò dhu

(Mát 13.23; 18.20; Yùw 6.44-45)

³⁶Ngúfe idho-dzidõ, Pòlò ati Bàrnabà nǎ: «Odhí, kàdu pé àlě, àlě ròwù àlě t'ódhína nándà yà angyi àlě kúnò Ádrùngbàle Kàgàwà bhà Ote òyá kigò òna nǎ kóró, ndíní àlě kala tí ìngbà dhu bhěyi màtí abádhí aróko dhu.»

³⁷Ní, Bàrnabà azè ndìdyì Yùwanì Mǎrkò, ndíní ì owu tí mànà atdíkpá.

³⁸Pbétù, Pòlò adù nzá ndì dhu òzè, Pàfùliyà tó pbìrì ò rò Yùwanì Mǎrkò adù ndì owùya ò rò, ìnzí ndònzì kasu atdíkpá ì mà nà dhu-okú dò rò.

³⁹Ní wò dhu-okú dò rò, Pòlò mà Bàrnabà nà náagò ì atdíđ, ndì dhu ràdù 'àbhu 'ùndò ì. Nírò ní ndì Bàrnabà adù Mǎrkò nídyì, 'òwù nà atdíkpá ibhú ò Kìpurò tó pbìrì ò.

⁴⁰Ndirò, Pòlò adù Sílà òvò. Ní, Yèsù ná'ù ale ìtsò ì dòyá, ndíní Ádrùngbàle Kàgàwà aso tí ì dhu-dzidõ, abádhí adù 'ivà, 'òwù ányìrò rò.

⁴¹Ní, kùdà Sìriyà tó pbìrì mà, Kìlikiyà tó pbìrì mànà òna nǎ, ndàrà kànísá-afí òpè rǒ, ndíní òbi nòtsi tí fíyó a'uta ò.

Kasu 16

Tìmòtewù rǐ ndàpbǎ Pòlò mà Bàrnabà mànà owù ò dhu

(Ròm 16.21; Gàl 4.13-15; Fìl 2.19-22)

¹Wò dhu-dzidõ, Pòlò arà àhu Děrbè. Ányìrò, kǎdù ùda Lístrà tí kátina kigò ò. Ní ányì, kǎtù Tìmòtewù tí kátina atdí ale. Ndi ale ní'ì iwà Yèsù ná'ù ale. Kà-tsánà ní'ì iwà Yèsù ná'ù Mùyàhudì-àyi, ndìrò kà t'ábanà ní'ì Mùgìrikì.

²Ní, Lístrà mà Ìkòniyò mànà tó kigò ò, Yèsù ná'ù ale owúnà ídzi dhu nyú náwe rǒ Tìmòtewù dǒ.

³Ní, Pòlò-afí adù ndòtdì, ndíní ì ongó tí ùbhi atdíkpá kà mànà. Ní, Pòlò adù kònzǐnga àbhu kòbhòlò, wò ndì màlengù ò arí ì'ì Pbàyàhúdì-okú dò rò, ì ale ní'ì kóró iwà dhu núnì Tìmòtewù t'ábanà rì'ì Mùgìrikì nídhuní.

⁴Kóró kigò, yà ì ùbhi òná ò, Pòlò mà Sílà nà nóowúnà Yèsù bhà uvitatále mà, Kànísà ò pbàkùrù mànà nùtsì Yèrùsàlemà tó kigò ò ì ùndu ì rò uyátá òvò rǒ Yèsù ná'ù ale tò, 'àdù òwu abádhí àvi rǒ rífù ndì dhu.

⁵Nírò ní ndì kànísà apè 'àmbe ìdzo dǒ fíyó a'uta ò, bvùya ràdù àmbe ndìse dǒ bìlìngà.

Ɔnyu rǐ Pòlò ònyu Mǎkèdòniyà rò ka kí ndànzi dhu-rǒ dhu

⁶Wò dhu-dzidõ, Kàgàwà bhà Ìlǎ-Àlafí náagó Pòlò mà Sílà nà, ìnzí owu tí Kàgàwà bhà Ote ùnò Àziyà tó pbìrì ò. Ní, abádhí udà Fùrùgiyà mà Galàtiyà mànà tó pbìrì ònǎ.

⁷Ní, Mìsiyà tó pbìrì ò ì ótsù nǎ ifo ò ì òwù ùvò rò, abádhí azè 'òwù Bìtiniyà tó pbìrì ò. Pbétù, Yèsù bhà Ìlǎ-Àlafí adù abádhí àgo ìnzí owu tí ányì.

⁸Ní, abádhí udà Mìsiyà tó pbìrì ònǎ, 'àdù 'àsòlò, 'òwù ùvò Tròwà tó kigò ò.

⁹Ní atdíku kúbhingá, dhu adzì Pòlò dò onyu bhëyi. Ndi onyu-bvù, Màkèdòniyà tó pbìrì ò atdí ale níidè kònzì, ndàmbe ndítsò dǒ kà-rǒ, ndàti: «Áda Màkèdòniyà tó pbìrì ò nyarà dzùnàka ònzì.»

¹⁰Ní, wò dhu Pòlò àla dhu-dzidǒ, mǎ madù mǒpè mǒbhòlò mǎ ányìrǒ rò tí, ndíní mǎ mowu tí Màkèdòniyà. Obhó tí, mǎ muni dhu Kàgàwà rànzi wà mǎ ndíní mǎ mowu tí pbìndà Ídzì Màkürù núnò ndi pbìrì ò bhà tò.

Lùdiyà rǐ Ádrùngbǎle Yèsù à'u Fìlipì tó kigò ò dhu

(Màt 13.23; 18.20; Yùw 6.44-45)

¹¹Ní mǎ muvò Tròwà rò, mǔpò ibhú ò, mǒwù túrútúrú Sàmòtirakì tí kátina sòngà dò. Òbhò nínganí, mǎ madù ùvò ányìrǒ rò, mǒwù ùvò Nèyàpolì tó kifukù ò.

¹²Ányìrǒ rò, mǎ madù òwu Fìlipì. Ndi Fìlipì ní'ì Màkèdòniyà tó pbìrì ò kigò nzínzì ò ádrùngbǎ kigò nyú, ndírò ka ní'ì Pbàróamá ónyù idzi dóná kigò. Ní, mǎ manzì ngúfe idho ányì.

¹³Sàbatù-idhò ò, mǎ muvò kigò ò rò, mǒwù atdí idha-akpà-bidò. Mǎ mirè nga ányìrǒ nga rǎrǐ ndi itsòta tó ngari. Ní ányì mǎ mǒwù ùvò rò, mǎ makò obvò, mǎdù àmbe òte dǒ ányìrǒ ì nàndu vèbhále mànà.

¹⁴Abádhí nzínzì ò, Lùdiyà tí kátina tsìbhále ní'ì inè. Ka ní'ì Tùwàterà tó kigò ò tsìbhíngba. Ní, kǒngónà ùbhi òlòlù mǎdzarù nà ndàmbe ùdzinà dǒ, ndírò kǒngónà Kàgàwà òdò ònzì. Ní, kǎdì ndàmbe mǎ múnóna dhu ìrì dǒ, Ádrùngbǎle Kàgàwà ràdù affina àngbe, ndíní kǎdù tí ndàpba Pòlò mà rǎnóna dhu rǒ.

¹⁵Wò dhu-dzidǒ, íyàdhíyà mà, pbìndà idzá-bhà mànà níitdègu bàtizò àlǔ, ní kǎdù mǎnzì, ndàdù àtìnà: «Nyi nyapè dhu ùnǐ iwà ma rà'ù Ádrùngbǎle Yèsù, ní nyiwù nyòngò òko pbàkà idzá.» Obhó tí, kǎdù mǎtu mǒwù pbìndà.

Pòlò mà Sílà nà núsò ka kí dhu

(Kas 19.23-24; Fìl 1.12; 1Te ` 2.2; 1Pe ´ 4.12-13)

¹⁶Atdíku, mǎ makò mǎmbe òwu dǒ itsòta-bhùdò. Ní kasu tó atdí tsìbhíngba níra, mǎdù mǎsò ndi mànà otu ò. Ndi tsìbhíngba ò í'ì nzére-alafí ní'ì ndònzì araya dhu itè arí angyangyi ìndrù tò alafí. Ní, kà rǒnzina dhu-otù ò, kàbhà kasu tó ádròdrǒ ale ongónà dhu òngyè abho nyú.

¹⁷Ní, kǎdì ndàmbe ìrà dǒ owùka ò Pòlò nà, ndàdù àmbe ùkù dǒ, ndàrà àtìnà rǒ: «Kǎkà ale ní yà kórò dhu dǒ arí'ì orú Kàgàwà bhà ino-akpá. Ndirò, abádhí rǐ nyǐ nyúgu ònà otu òvo fùkù.»

¹⁸Kǎnzì wò dhu ibí idho nyú tí. Nírò ní ndi atdíku, wò dhu àrà ndìngye rò, Pòlò agéré ndi, ndàti wò tsìbhíngba ò rí'ì nzére-alafí nǐ: «Ma mí dhu ùyǎ indù Yèsù Krístò-òvò rǒ, áhù wò tsìbhíngba ò rò.»

¹⁹Ní kàbhà kasu tó ádròdrǒ ale níitdègu fìyó ongyéngá-otù rǐ ndòtdì dhu òsù, ní abádhí adù Pòlò mà Sílà nà núlu, 'adù òwu nà pbanga-tsidǒ rùwugà dò, Pbàróamá tó pbìrì ò anya t'ítàtita tó ádròdrǒ ale-ònzì. Ní kǒkò anya t'ítàtita tó kòngò-ònzì ì òwù ùvò rò,

- ²⁰abádhí itè Pòlò mà Bàrnabà nà i ale tò, 'adù àtìnà: «Kàrí ale nífí wògò àlě tó pbanga ð. Abádhí ní Pbàyahúdí,
- ²¹ní abádhí arí yà àlě tò ka kúsò ìnzí àlě ka'ù tí, ndírò ìnzí àlě kongó tí ònzìnà màndu núdhě àlě tò Pbàrómá tíró.»
- ²²Ní, ányìrò ì'ì ihé-yà náadù dhu ìvà átò Pòlò mà rǒ Sílà nà. Ní kǒkò anya t'ítđíta t'ále adù Pòlò mà Sílà nà rǒ mberù àbhù kùwà, 'adù àvinà kùvi bhélébhélé asé nǐ.
- ²³Abádhí ì àbhù kùvi atdídǒ asé nǐ dhu-dzidǒ, kǒkò anya t'ítđíta t'ále náadù abádhí àbhù kusò imbi ò. Ányì abádhí adù dhu ùya Sàndírì tò, ndínǐ Pòlò mà Sílà nà-ngbò nòdò tí mběyi nyú.
- ²⁴Ní wò uyátá ndì ndírì rò, Sàndírì níitsu Pòlò mà Sílà nà átsì rí'ì kàluga nyú ò, ndàdù pfǒya núbe kòmò ò.
- ²⁵Ní mbèmbè iku-alíkpa ð, Pòlò mà Sílà nà náakò 'àmbe 'ìtsò dǒ, 'adù àmbe adyi núyù dǒ, 'ìfù Kàgàwà òná. Wò ndì kàsùmì ð, ùsò ka kúsò ngǔkpà ale adù òko 'àmbe abádhí rǒnzina dhu kèlě níri dǒ.
- ²⁶Nírò ní ndì ádrùngbǎ mùtùtì níisí, imbi-dzà-pfò rǒpè ndìvi. Wò ndì kàsùmì ð tí tsàtsù núupfo ì kóró, ùsò ka kúsò ale-pfò rǒ àdrà-mbǐ ràdù 'ítđì kóró.
- ²⁷Nírò ní ndì wò Sàndírì atdà idhò ò rò, ndàdù imbi-dzà-tsù nótù iwà ì nùpfò ró. Ní kǐdhá pbìndà ìla tó obhi-akpà, ndàdù dhu ònzì ndínǐ ndì ndodú tí ndì ndítírò nǐ, ndòvè, iwà òtsè dhu tí ndì ndì ùsò ka kúsò ale náti rò.
- ²⁸Pbétù, Pòlò adù òkù orú tǔna nyú nà, ndàti: «Pǒrà, nzǒnzi nzére dhu rùnù nyi-tírò. Ìnè mà mí'ì kóró iró.»
- ²⁹Ní wò Sàndírì anzì awáwù kitsě nà fǐndà. Nírò ní ndì kǎlì ndì idza ìvì tí ndì ndívi òdò nǐ rórò, nditsì ndìbvù Pòlò mà Sílà nà-ònzǐ.
- ³⁰Wò dhu-dzidǒ kǎdù Pòlò mà Sílà nà návi rùvò iri. Kǎdù dhu ìvu abádhí-tsǔ, ndàti: «Pbàkà ádròdrǒ alé, ma mí dhu ònzì ìngbà dhu bhěyi ndínǐ ma mǒgú tí?»
- ³¹Ní, abádhí adù dhu àdu kà tò, 'àti: «Dhu àkǎ nya'ù Ádrùngbǎle Yèsù, ndínǐ nyí nyadù tí ùgu kóró pbùkù idzá-bhà mànà.»
- ³²Wò dhu-dzidǒ, Pòlò mà Sílà nà náadù Ádrùngbǎle Yèsù bhà Òte nòvò kà tò, kóró kàbhà idzá ì'ì ale mànà.
- ³³Wò ndì kàsùmì ð tí kùbhingánǎ, Sàndírì adù Pòlò mà Sílà nà ùgù, ndù'o ròyá otú. Kǒkò ale-rǒ otú ndì ndù'o rórò tí, àbadhi mà kóró pbìndà idzá-bhà mànà náadù bàtizò àlu.
- ³⁴Nírò ní ndì kǎdù Pòlò mà Sílà nà ùgù ndàrà nà pbìndà idza, ndàdù ònyù àbhù fíyò. Ní wò ale mà, kóró pbìndà idzá-bhà mànà-idhè náadù ndìka atdídǒ Kàgàwà ì à'ù dhu-okú dò rò.
- ³⁵Ìnga níitdègu ùbhò, ní anya t'ítđíta t'ále avì ìndrǔ ròwù dhu òvò Sàndírì tò, 'àti: «Ékòlǒ kǒkò ale ròwù.»

³⁶Ní Sàndírì adù wò màkǔrù òvò Pòlò tò, ndàtì: «Ádròdrǒ ale àvi wà ima, ndíní ma mukòlò tí nyí. Nírò, kòmbí dhu àkǎ nyǔvò, nyǎdù òwu màrùngà ǒ.»

³⁷Pbétù Pòlò adù dhu àdu kǒkò ka kivi ale tò, ndàtì: «Kǒkò anya t'ítàtì t'ále àbhu kivi mà asé nǐ ibí ale nzínzì ǒ rò, inzà ì ùnò ànyàka mà rórò, 'àdù mǔso imbi ò àzèmbè mà mongó ì'ì Pbàrómá tó pbìrì ǒ ale nyú. Ní kòmbí abádhí òzè tí 'ùkòlò mà inzà kóró ale ùnì rórò? Ìnzí rákǎ akekpa màtí! Abádhí àkǎ 'iwǔ mǔkòlò ì nyú tírò.»

³⁸Ní kǒkò ìvì ka kivinà ale náadù 'àdu 'òwù wò Pòlò ùnò dhu náwe anya t'ítàtì t'ále tò. Ní ndí dhu ì ìrì rò, ǒdò nǐsì abádhí ò atdíǒ, Pòlò mà Sílà nà ní Pbàrómá tó pbìrì ǒ ale nyú dhu ì ìrì dhu-okú dò rò.

³⁹Ní kǒkò ádròdrǒ ale adù iwu, 'àdù ubàta ònzì Pòlò mà Sílà nà-fó. Wò dhu-dzidǒ, kǒkò ádròdrǒ ale náadù abádhí ùkòlò imbi ò rò, 'àdù àvinà rùvò 'òwù kigò ǒ rò.

⁴⁰Ní Pòlò mà Sílà nà nítdègu ùvò imbi ò rò, ní abádhí adù òwu Lùdiyà bhà. Ányì abádhí ala ì Yèsù ná'ù ale mànà. I ale-afí ì òpè dhu-dzidǒ, abádhí adù 'ìvà, 'òwù ànyìǒ rò.

Kasù 17

Pòlò mà Sílà nà rǒwu ùvò Tèsàlònìkà tó kigò ò dhu

(Yùw 15.19-21,25; 16.2-3; Fìl 4.16; 1Tè` 1.4-7; 2.11-16; 5.21)

¹Wò dhu-dzidǒ, Pòlò mà Sílà nà núudà Àmùfipoli mà Àpòlòniyà nà tó kigò òna nǎ, 'òwù ùvò Tèsàlònìkà tó kigò ò. Ndi kigò ǒ, Pbàyàhúdì tó atdí unduta-dzà ní'ì inè.

²Ní yà bilí ndì ndarónzina dhu bhèyi, Pòlò atsù ndì unduta-dzà ò. Ní, ìbhu-gùna mbàlìmbàlì sàbatù-idhò ǒ, abádhí owúnà 'àgò rǒ Kàgàwà bhà Andítá dǒ unduta-dzà ǒ rò anyì-idzá rí'ì ale mànà.

³Ndi agòta ǒ, kǎránà dhu àwe rǒ ìndrǔ tò, ndàdù àrà dhu itè rǒ Krístò raká wà ndàbà àpbè, ndirò kà raká wà ndìngbè ndì ǒve-bvù rò. Ndirò, kǎránà àtìna rǒ: «Yà fùkù ma mí dhu òvo okúna dò rò Yèsù ní ndì Krístò.»

⁴Ní abádhí nzínzì ǒ ngúfe ale náa'u Pòlò mà Sílà nà rǔnǒna dhu, 'àdù 'àpba abádhí-rǒ. Ndirò, Kàgàwà ǒdò ònzì arí ábhǒ Pbàgìrìkì mà, atdíǒ túya arí 'ìrì vèbhále mànà náadù dhu ònzì átò ndì dhu bhèyi tí.

⁵Pbétù, Pbàyàhúdì náadù ndì dhu-adhà nónzì ònzì tí. Ní abádhí andu ngudhà ǒ arí ùbhi ìmbà dòya nà àkyàkyè ale-tsù, 'àdù àbhunà rìvà dhu ihé-yà nzínzì ǒ, ndì dhu ràdù wògò nífì kigò ǒ. Wò dhu-dzidǒ, abádhí awù Pòlò mà Sílà nà òmè Yàsonà bhà, ndíní ì ulú tí 'iwǔ nà ihé-yà-ònzí.

⁶Pbétù ányì ì òwù ùvò rò, abádhí atù nzà kǒkò ale. Ní abádhí adù Yàsonà mà kèlě núlu Yèsù ná'ù ngúfe ale mànà, 'iwǔ nà kigò ǒ anya t'ítàtì t'ále-ònzí. Abádhí adù 'òpè 'ùkù, 'àmbe àtìna dǒ: «Yàrí adzi dǒ kóró pbìrì-tsi náva ale níwǔ wà 'ùnyà átò iró kòmbí.

⁷Ní Yàsonà ákò abádhí pbì idzá. Ndirò ì ale kóró nífù nzà kámá dǒ ádrùngbǎ kamà bhà uyátá, pbétù abádhí arádù àtìna ìnè Yèsù tí kátìna ngàtsi ádrùngbǎ kamà ràrì'ì.»

⁸Ní kǒkò ale ùnò dhu ì ìrì rò, ihé-yà mà anya t'ítàtá t'ále màná-dò nínza ndì atdíð.

⁹Nírò ní ndi anya t'ítàtá t'ále adù fùrangà itdì Yàsonà mà òdhína màná dǒ abádhí rùbho, 'àdù abádhí ùkòlò ròwù.

Pòlò mà Sílà nà rǒwu Bèrɔyà tó kigò ò dhu

¹⁰Inga níitdègu àti, ní Yèsù ná'ù ale náavi Pòlò mà Sílà nà ròwù Bèrɔyà. Ní ányì ì òwù ùvò rò, abádhí atsù Pbàyàhúdì tó unduta-dzà ò.

¹¹Ndi kigò ǒ bhà ní'ì ídzi afiyya nà ale ròsè Tèsàlònikà ǒ bhà dònǎ. Abádhí a'u Kàgàwà bhà Ɔte kòmbómbí nyú. Ndirò abádhí ongónà Kàgàwà bhà Andítá òzù bìlìnganà, ndíní ì ala tí yà Pòlò mà náarúnɔna fíyò dhu ràtí obhó dhu.

¹²Ní abádhí nzínzì ǒ ábhǒ ale nyú náa'u Kàgàwà bhà Ɔte. Ndirò Pbagìríkí nzínzì ǒ, atdíð ka kárí ifùna vèbhále mà ábhǒ kpabhále màná náa'u Kàgàwà átò.

¹³Pbétù, Tèsàlònikà ǒ Pbàyàhúdì níitdègu Pòlò rǐ Kàgàwà bhà Ɔte nóvò átò Bèrɔyà ǒ bhà tò dhu ìrì, ní abádhí adù 'ìvǎ 'òwù ányì. Ní ányì ì òwù ùvò rò, abádhí itsu dhu ihé-yà-dò ò, ràdù dhu ìvǎ Pòlò mà rǒ.

¹⁴Ní ányìrǒ rò tí, Yèsù ná'ù ale adù Pòlò àvi rǎrà ádrùngbǎ rèrù-bidò. Pbétù, Sílà mà Tímòtewù nà náadù òko Bèrɔyà.

¹⁵Kǒkò Pòlò nùndà ale náawù kà nà, 'òwù ùvò nà Àtenè tó kigò ò. Wò dhu-dzidǒ, abádhí adù 'àdu Bèrɔyà iwà Pòlò ùyǎ dhu fíyò ndíní Sílà mà Tímòtewù nà navì tí rìwù ndòtù tsàkàtsàkà nyú rǒrò.

Pòlò rǐ dhu ùdhě Àtenè tó kigò ǒ dhu

(Zàb 69.10; Kas 14.14-17; 26.17-20; 1Kò 1.18-25)

¹⁶Àtenè tó kigò ò rò ndì ndì Sílà mà Tímòtewù màná òdò òná kàsùmì ǒ, idho núuko Pòlò atdíð àlè tí ndì kigò-ǒnga nálè sànamǔ-nzo nǐ dhu-okú dǒ rò.

¹⁷Ní kǎránà dhu òvò rǒ unduta-dzà ǒ rò Pbàyàhúdì mà, Kàgàwà ùlě arí ìnzǐ ní Pbàyàhúdì màná tò. Ndirò bìlìnganà, àbadhi mà náadúnà òwu 'àgò rǒ pbanga-tsidǒ rùwugà dǒ rò tìná rǒwu 'ùtò rǒ ale màná.

¹⁸Ndirò, yà abho inga núni ale-akpá, Èpìkurò mà Sitàyikò màná tó irèta rǒ ì nípbi ale nzínzì ǒ ngúfe ale mà, nóowúnà ìwu rǒ 'àmbe òte dǒ kà màná. Atdíðhená ale abádhí nzínzì ǒ nóowúnà dhu òngù rǒ, 'àmbe àtìná dǒ: «Ádhu nyú wò tsùna arópe atdíð ale òzè ndùnò ìndrù tò?» Ndirò ngǔkpákà adúnà òwu àtìná rǒ: «Kà rǒ'ò vurò pbìrì ǒ mǔngǔ-nzo dǒ róte dhu bhěyi.» Obhó tí, abádhí owúnà òte rǒ wò dhu bhěyi yà Pòlò rǐ dhu ùdhě Yèsù dǒ dhu mà, ùvǔvè ale núungbeya ì ɔve-bvù rò dhu màná dhu dǒ dhu ì ìrì rò.

¹⁹Ní, abádhí adù Pòlò ìdyì 'òwù nà, 'òwù ùvò nà Àrèòpagò tí kátina unduta-bhùdò. Abádhí adù dhu ìvu kà-tsǔ, 'àti: «Nyì nyàmbeà tí tdǔ wò ɔwútána tí nyì nyúdhèna ìndrù tò dhu-tì àwě fǎkà?»

²⁰Obhó tí, wò nyì nyáwěna dhu rǐ'ì olo nyú tí fǎkà. Ní, mà mòzè nyawe ì dhu-tì fǎkà.»

- ²¹Wò ndi kàsùmì ǒ, Àtenè tó kigò ǒ kóró ale mà, kà-ǒ aróko iwù tí iwù ale màná, nóowúnà fíyó ábhǒ kàsùmì nyú núdà rǒ ǒte ì ǒte rǒ, ndirò àwěna ka kí màkürù ǒwútá níri ì í rǒ.
- ²²Nirò ní ndi Pólò ivà ndi ndidè Àrèòpagò-ònzǐ, ndàdù ǒte nópè, ndàti: «Àtenè ǒ bhǎ, ma màndà nyǐ, madù nyötù kóró dhu-tsí-tidò ǒ atdíǒ fíyó sòmà nífu ale tí.
- ²³Obhó tí, kóró ngari ǒ ma mùbhi fùkú kigò ǒ inanǎ rǒ, ma mǎrà fùkú mǎngǔ-nzo-wòyǒ nála rǒ. Ndirò, ma mìtdě atdí fùkú màzàbahù dǒ, yà ka kándí dhu róná, kati: «Inzá ka kùnì mǎngǔ tò.» Ní Kàgàwà, yà nyǐ nyarúlěna inzá nyǐ nyùnì rórò, ní ndi yà ma mǎrà òvònà fùkù.
- ²⁴Kàgàwà, yà adzi nanzì òná arí'ì kóró dhu-tsí màná ale, ní ndi yà adzi mà òrù-akpà màná dǒ Àdrùngbǎle. Kǎrí nzǐ àdì ìndrǔ-òtsú náasi sòmǎ-dzà ǒ.
- ²⁵Ndirò, kǎrí'ì mbǎ ìndrǔ rǎdù dzùnàna ònzì nǐ ǒtsúya nǐ ì ònzì dhu-atdyú nà. Obhó tí, Ka ní ndi kóró dhu àbhǔ arí ìndrǔ tò ale: ípìrǒnga mà, ale-ihè mà, ndirò kóró dhu-tsí màná.
- ²⁶Ndirò, kǎnzì kóró ale-tidò tó mùlǒngò rùvò atdí ale-nyutsì rǒ, ndínǐ okoya tí yà adzi dǒ. Kǔpí abádhí tó kàsùmì-bvu, ndàdù abádhí rǒngo òko òyá pbìrì-ifò núfa.
- ²⁷Kǎnzì ì dhu, ndínǐ ìndrǔ ongó tí ndòmè onzi òbè ì rǒ, ndínǐ abádhí adù tí ndùmvu ùmvù tí màtí 'òwù ndàbà, tàmanya pbánì ìnè ndi ndí'ì ìkyèrǒ kóró ale nzínzi ǒ rórò.
- ²⁸Obhó tí, kà-nyutsì ní ndi àlě kábà ípìrǒnga, àlě kárúbhi, ndirò àlě kǎrí'ì. Ndirò, fùkú andítátále nzínzi ǒ, ngúfe ale ɛno dhu ndi dhu bhěyi tí átò, 'àti: «Àlě'ì átò, àlě ní kàbhà rùgànda.»
- ²⁹Ní àzèmbè àlě'ì ní Kàgàwà bhà rùgànda rǒ, dhu àkǎ nzá àlě rìrè nga Kàgàwà bhà ófò ríli ndi ǒrò mà, ndirò ngǎtsi nǐ fùrangà tó sùma-tidò mà nǐ ka kóbhòlò mǎngǔ-ngba bhěyi. Ndirò ngǎtsi nǐ, dhu àkǎ nzá àlě rìrè nga kà ríli ndi odu nǐ màtí ìndrǔ óbhòlò ǒtsúya nǐ yà fíyó irèta nálǔ ka òná ófò ǒ dhu bhěyi.
- ³⁰Inzá ìndrǔ àpè inga ùnǐ òná kàsùmì ǒ, Kàgàwà andà nzá nga ìndrǔ arónzina nzérenga nà. Pbétù, kòzè kòmbí dhu ní kóró ale, kóró ngari òná, rǎkǎ 'ùgèrè ì 'ùbhà fíyó nzérenga.
- ³¹Obhó tí, kǐli wà atdí idho ìndrǔ-ànyǎ ndi nditdiya tí òná obhónánga dǒ, yà ndi ndópì ndi anya nitdiya tí ale-otù ǒ. Ndi otu ǒ nga ní ndi kítè pbìndà obhónánga kóró ale tò. Kǎbhù ka rìngbè ndi ǒve-bvù rǒ.»
- ³²Pbétù, kòrí ale níitdègu Pólò rǒte ìndrǔ rǐ 'ùngbě ǒve-bvù rǒ dhu dǒ dhu ìri, ní atdíthená ale náadù ndi dhu gàyà nónzi ònzì tí. Ndirò, ngǔkpàkà-tsí náadù àtìnà, tdǔ ì rǎrǐ Pólò rǎnna dhu ìri tdítǒ ngǎtsi idho ǒ.
- ³³Nirò ní ndi Pólò adù ndivà ndàhu, ndàrà abádhí nzínzi ǒ rǒ.
- ³⁴Pbétù, ngúfe ale adù 'àpba Pólò-rǒ, 'adù Yèsù ná'ù. I ale nzínzi ǒ ní'ì Dènesì, Àrèòpagò tí kátina unduta ǒ atdí ale mà, Dàmàriyà tí kátina atdí tsìbhále mà, ngǔkpà ale màná.

Kasụ 18

Pòlò rǎrà Kòritò tó kigò ò dhu

(1Kò 1.1-9; 2.1-5; 2Kò 11.5-12; 12.12-13)

- ¹Wò dhu-dzidò, Pòlò ivà ndì Àtenè tó kigò ò rò, ndàrà Kòritò tó kigò ò.
- ²Ní ányì ndì ndàrà àhu rò, abádhí atù ì Àkilà tí kátina atdí Mùyàhudì nà. Ndi Àkilà ní'ì Pòtò tí kátina pbirì ò ale. Ndirò, abádhí ní'ì kòmbí tí íwù Ìtaliyà tó pbirì ò rò pbindà tsibhále Pèrèsílà mànà, 'iwù ùvò Kòritò tó kigò ò. Obhó tí, wò ndì kàsùmì ò, kámá dǒ ádrùngbǎ kamà, Klòdiyò ní'ì iwà dhu nýyá, ndàti: Kóró Pbayàhúdì rǎkǎ 'ùvò Romà tó kigò ò rò. Ní Pòlò arà Àkilà mà, Pèrèsílà nà-tí'ò,
- ³'àdù 'irì 'òngò òko atdíkpá, 'àdù òwu kasu ònzì rǒ atdíkpá abádhí mànà. Obhó tí, abádhí ní'ì atdí kasu-tidò kèlě nónzi arí ale. Ndi abádhí-kàsù ní'ì hemè t'ódyùta.
- ⁴Ní, yà sàbatù-idhò náarírà dhu bhěyi, Pòlò ongónà àrà unduta-dzà ò, ndàrà dhu òvò rǒ Pbayàhúdì mà Pbagìrìkí mànà tò, ndíní ì nùgèrè tí 'à'ù ndì ndúnona fíyò dhu.
- ⁵Pbétù, Sílà mà Timòtewù mànà níitdègu iwu Màkèdòniyà rò, 'iwù ùvò Kòritò, ní Pòlò adù ndàpba Kàgàwà bhà Ote t'únòta rǒ tí. Kǎránà dhu òvò rǒ kpanjangba Pbayàhúdì tò, ndàti, Yèsù rǎrì ndì Krístò.
- ⁶Nírò ní ndì yà atdídǒ Pbayàhúdì rǐ 'àgò ndì nà, 'àdù àmbe dhu ùnò dǒ nzére nyú ndì nǐ rò, Pòlò a'ò róná mùdzarù-ònga ndàdù àtìnà abádhí nǐ: «Azùku àkǎ ndòdzì dùku-tsírò nyú. Ma mùtsù wà ma fùkú dhu ò rò. Ròpè ndì kòmbí, ma mí mugèrè mongò Kàgàwà bhà Ídzì Màkürù núnò ìnzì ní Pbayàhúdì tò.»
- ⁷Wò dhu-dzidò, Pòlò adù ndìvà ndàrà Titò Yèsitò tí kátina ale bhà. Ndi ale ní'ì atdídǒ arí Kàgàwà òdò ònzì ale. Ndirò ndì ale bhà idza náadù ì'ì íkyèrǒ unduta-dzà tí.
- ⁸Ní Pòlò rúnona Kàgàwà bhà Ídzì Màkürù ì irì rò, Krìsipò mà kóró pbindà idzá-bhà mànà náadù Yèsù ná'ù. Ndi Krìsipò ní'ì unduta-dzà ò ádrùngbǎle. Ndirò, Kòritò tó kigò ò ábhǒ ale nyú náadù Yèsù à'ù átò, 'àdù bàtizò àlu.
- ⁹Nírò ní ndì atdíku kúbhingá, Ádrùngbǎle Kàgàwà náavì ndì Pòlò tò onyu bhěyi ródzi kà-dò dhu tó ófò ò, ndàdù àtìnà kǎnǐ: «Àpé nyonzi odo Pòlò. Dhu àkǎ nyambe dhu kèlě òvò dǒ ìndrù tò ìnzì nyi nyínè rórò.
- ¹⁰Obhó tí, ma mí'ì ìnè atdíkpá nyi mànà. Ndirò, atdí ale mà rǐ nzì otsúna ìlǐ rúnú, ndònzì nyi nǐ nzére. Ndirò, dhu àkǎ nyuni dhu átò ìnè pbàkà ale rǎrǐ'ì ibí nyú yàrí kigò ò.»
- ¹¹Ní Pòlò adù àdì ndì kigò ò atdí ato nyú tí dóná azà àbǐ nà, ndòngò Kàgàwà bhà Ote núnò ìndrù tò.
- ¹²Gǎliyò níitdègu òngo Àkayà tó pbirì ò lǐwalì tí, ní kóró Pbayàhúdì irì ì Pòlò dǒ, 'àdù kòsò 'òwù nà dhùwanì ò lǐwalì Gǎliyò-ònzì. Ní abádhí atì kǎnǐ:
- ¹³«Yàrí ale arí ìndrù-afí ùlě rǎmbe Kàgàwà ifu dǒ, ìnzì ní yà àlě tó uyátá nónzi ka dhu bhěyi.»

¹⁴Ní yà Pòlò àmbènà ɔte ɔpè ɔnà kàsùmì ɔ ní ndi lìwalì Gǎliyò adù ndi ɔte ɔtdì ɔtdì tí, ndàtì Pɔyàhúdì nǐ: «Dhu í'íná gukyè abvo mà kòhò dhu tí, ndirò atdíđ kǎfǎ dhu mà dhu tí, ní ma màmbènà madzì àdzì mirì nyǐ nyáwěna kà-dǔ dhu tǐna dǔ.

¹⁵Pbétù, wò nyǐ nyǐ nyǎgò okúna dò rò dhu ní fùkú somà tó màndu mà, ɔvo mà, ndirò fùkú uyátá mànà. Ní ndi dhu àndà nyǐ. Inzá ma mòzè munò kǔkò dhu bhěyi dhu-tsí-ànyǎ nzínzìkù ɔ.»

¹⁶Wò dhu-dzidǔ, kǎdù abádhí ùnyà iri dhùwanǐ-dzà ɔ rò.

¹⁷Nírò ní ndi kórò kòrì ale náalú unduta-dzà ɔ ádrùngbǎle, Sòsìtèni tí kátina, 'adù ɔpènà 'òvì dhùwanì-ònzǐ rò. Pbétù, lìwalì Gǎliyò náadù nzá afína mà nátdu abádhí tó dhu nǐ.

Pòlò rǐ ndàdǔ Àtìyòkiyà dhu

(Kas 20.16; 21.23-26)

¹⁸Wò dhu-dzidǔ, Pòlò mà náadù pé òko ibí idhò nyú tí atdíkpá Kòritò tó kigò ɔ Yèsù ná'ù ale mànà. Nírò ní ndi abádhí adù 'ìvǎ 'òwù ibhú ɔ atdíkpá Pèrèsílà mà Àkilà mànà nà Sìriyà tó pɔrì ɔ. Ní anyì ì ówu rórò, abádhí itdègu ówu ùvò Kèkùreyà tí kátina kifukù ɔ, ní tdǔ ì ɔpé abhi anyìrò rò rò, kǎdù dònà-ká àbhù kakpà, angyangyi ndi ndatsò dhu Kàgàwà-ònzǐ dhu dhu-okú dò rò.

¹⁹Ní Èfesò tí kátina kigò ɔ ì òwù ùvò rò, Pòlò adù Pèrèsílà mà Àkilà nà nùbhà óyá anyìrò, ndàdù ndìvǎ ndòtsù unduta-dzà ɔ. Ní anyì-dzá abádhí adù 'òpè 'àgò ì Pɔyàhúdì mànà.

²⁰I Pɔyàhúdì adù kǎtdyú òhò ndínǐ ì oko tí mànà ibí idhò tí. Pbétù, Pòlò adù nzá ndi dhu ná'ù abádhí tò.

²¹Abhi ɔpè ndi ndí rórò, kǎdù dhu àdu abádhí tò, ndàtì: «Kàgàwà ɔzè ka nǐ, ma mí madǔ àdǔ tdítdǔ mirà nyàndà.» Wò dhu-dzidǔ, Pòlò adù ɔtsù ibhú ɔ Èfesò rò, ndàrà Kàyìsàriyà.

²²Ní Kàyìsàriyà ndi ndàrà àhù rò, kǎdù pé àrà Yèrùsàlemà tó kigò ɔ, ndàrà kànìsà àtsè angyi. Wò dhu-dzidǔ, kǎdù dònà ɔdì ndàrà Àtìyòkiyà, Sìriyà tó pɔrì ɔ.

²³Kǐtdègu ngúfe idhò ɔdhò Àtìyòkiyà tó kigò ɔ, ní kǎdù ndìvǎ ndi kigò ɔ rò, ndàdù ndòpè ndùbhi dhèdhèrò kigò ɔna nǎ, Gàlàtiyà mà Fùrùgiyà mànà tó pɔrì ɔ, ndùbhi Yèsù ná'ù ale-afí ɔpè rǔ.

Àpòlò rǎrà àhù Èfesò mà Kòritò mànà tó kigò ɔ dhu

(Kas 15.41; 16.4-6; 1Kò 3.4-8)

²⁴Wò ndi kàsùmì ɔ, Àpòlò tí kátina atdí Mùyàhudì nǐra àhù Èfesò tó kigò ɔ. Kà nǐ'ì Àlèsàndùriyà tó kigò ɔ ale. Ndirò, ka nǐ'ì atdíđ ɔte nótsì, ndàdù Kàgàwà bhà Andítà arúnɔna dhu ùni mběyi nyú ale.

²⁵Ndirò, ka nǐ'ì iwà ka kúdhe dhu fǐndà atdíđ Ádrùngbǎle Yèsù bhà otu dǔ ale. Ní, kǔngónà àdù Yèsù dǔ rǔte Ídzi Màkǔrù nóvò ìndrǔ tó fǐndá obhónánga nyú dǔ atdyúna nyú nà. Pbétù, kǔni dhu ní yà bàtizò nubhónà Yùwanì bhà bàtizò kèlě.

²⁶Ní. Èfesò ǒ unduta-dzà ò ndì ndòtsù rò, kǎpè ndòtè ìmbǎ ònǎ odó na. Ní, Pèrèsílà mà Àkilà nà nítdègu kà ráwěna dhu ìri, ní abádhí adù kìdyì 'òwù mànà atdíkpá, 'adù Kàgàwà bhà otu tó obhónánga nítè fíndà.

²⁷Wò dhu-dzidǒ, Apólò náazè ndàrà Kòritò tó kigò ò, Àkayà tó pbìrì ò. Ní, kà t'ódhína náadù ndì dhu ná'ù à'u tí kà tò, 'adù dhu àndì ndì pbìrì ǒ Yèsù ná'ù ale tò, ndíní adù tí kàkò mběyi nyú. Ní, Kòritò ndì ndàrà àhu rò, kǎnzì yà pbìndà ídzìnga-okú dò rò Kàgàwà úbà dhu fíyò rà'ù Yèsù ale ní dzèná atdíǒ.

²⁸Obhó tí, yà Pbàyàhúdì mànà ì í 'àgò kóró ale-ònzì rò rò, kǎdúnà àrà abádhí-lè mà nónzì rǒ ònzì tí. Andítá-otù ǒ, kǎránà dhu itè rǒ kpanya Yèsù rǎrì ndì Krístò.

Kasù 19

Pólò rǐ kànìsà ìdì Èfesò tó kigò ǒ dhu

(Kas 5.15-16; 8.14-17; Ròm 15.25-27)

¹Àdì Apólò àdì Kòritò tó kigò ò rórò, Pólò núubhì ndùdà Fùrùgiyà tó pbìrì ǒ pbìrì-akpá ònǎ, ndàrà àhu Èfesò tó kigò ò. Ní, ányì ndì ndàrà àhu rò, kǎtù atdídhená ábhàlǐ,

²ndàdù dhu ìvu tsùyá ndàti: «Yà Yèsù nyí nyá'ù nínganí, Kàgàwà írà tí írà nyí pbìndà Ìlǐlǎ-Alafí nǐ?» Ní kòrì ale adù dhu àdu kà tò, 'àti: «Ínzá mà màpè Kàgàwà ópè ndírǎ ìndrǔ pbìndà Ìlǐlǎ-Alafí nǐ dhu ìri.»

³Pólò adù dhu ìvu tdítǒ abádhí-tsù ndàti: «Olu, wò nyí nyálǔ bàtizò ní'ì ìngbà bàtizò-tidò?» Abádhí adù dhu àdu Pólò tò, 'àti: «Mǎ málǔ bàtizò ní Yùwanì bhà bàtizò.»

⁴Ní, Pólò adù àtìnà abádhí nǐ: «Yùwanì úbhì ùbhonà rǒ bàtizò ní'ì yà ìndrǔ ùgèrè ndì, ndùbhà pbìndà nzérenga dhu itè rí bàtizò. Ndirò kùbhì dhu òvò rǒ ìndrǔ tò, ndíní yà olù rírà fíndà ale na'u tí. Ndi ale ní Yèsù.»

⁵Ní, wò Pólò ùnò dhu ì ìrì rò, kǒkò ábhàlǐ adù bàtizò àlu Ádrùngbǎle Yèsù-òvò rǒ.

⁶Pólò adù ɔtsúna ùlì abádhí dǒ, Kàgàwà ràdù abádhí ìra pbìndà Ìlǐlǎ-Alafí nǐ. Ní ányìrǒ rò tí, kòrì ale náadù 'òpè 'òtè yà ìnzá ì àpè ùnǐna angyi aláwà-tidò, 'adù òwu dhu òvò rǒ ìndrǔ tò, àdhàdhì Kàgàwà bhà pbànábì arí dhu òvò ìndrǔ tò dhu bhěyi.

⁷Í ale ní'ì mbèmbè atdí kumì dóná óyǒ nà ale.

⁸Wò dhu-dzidǒ, Pólò anzì ìbhù àbí nyú, ndòngò àrà unduta-dzà ò. Ní ányì-dzá, kǎdúnà àrà Ídzì Màkǔrù nówò rǒ atdyúna nyú nà ìndrǔ tò, 'adù àmbe 'àgò dǒ ì ale mànà. Ndirò, kǎdúnà àrà ndòzè rǒ, ndùgèrè ìndrǔ-afí rà'ù òrù-akpá ǒ Ádrùngbǎ Kamà Kàgàwà bhà idzi dǒ ndì ndúnɔna dhu.

⁹Pbétù atdídhená ale abádhí nzínzì ǒ ní'ì odú afíya nà ale. Ní, ì ale-tsí náadúnà òwu 'ùvo rǒ ìnzì ì à'u tí Pólò rǒvɔna fíyò Ádrùngbǎ Kamà Yèsù bhà otu dǒ dhu. Abádhí adúnà òwu dhu ùnò rǒ nzére nyú ndì otu núngu ale nǐ. Ní, Pólò adù abádhí ùbhà, ndàdù ábhàlǐ kèlè nówò, 'òwù mànà. Ní, bìlìnganà kǎdù àdì ndòngò dhu ùdhe ì ábhàlǐ tò, Tìranò tí kátina atdí ale bhà dàrasǎ-dzà ǒ rò.

¹⁰Wò dhu anzì ndì rǎrà àhu mbèmbè óyǒ ato nyú tí. Ndi dhu bhěyi ní ndì, Àziyà tó pbìrì ǒ ale, Pbàyàhúdì mà, ìnzì ní Pbàyàhúdì mànà níiri Ádrùngbǎle Yèsù dǒ ɔte.

Sikewà bhà inzo rř nzéere-alafí nómvù 'òdì dhu

¹¹Èfesò tó kigò ǒ Pòlò rř'ì ònà kàsùmì ǒ, Kàgàwà anzì idhò rř ìndrù ùkǒ nř ábhǒ wíwí nyú kǒtù ǒ.

¹²Ní ìndrù owúnà Pòlò-ngbò nùpbalá lesò mà mberù mànà nùgù rǒ, 'òwù andí nà ale-ngbò nùpbala nř, i ale ràdù òwu ùgu rǒ, ndirò nzéere-alafí nà ale ò rò, i nzéere-alafí ràdù òwu ùvò rǒ.

¹³Wò ndi kàsùmì ǒ, atdíthená Pàyàhúdì níitú i 'òwù ùbhi rǒ kóró ngari ònà, ndínì i owu tí nzéere-alafí nípfò rǒ, 'òdì ìndrù ò rò Ádrùngbàle Yèsù-ǒvò rǒ. Abádhí owúnà àtìnà rǒ i nzéere-alafí nř: «Yà Pòlò arúbhi pbindà Ídzì Mākūrù ùnò rǒ Yèsù-ǒvò rǒ, nyùvò wò ale ò rò!»

¹⁴Wò ndi dhu nanzì ale ní'ì Sikewà tí kátina atdí ale bhà àrùbhù kpabhínzo. Ndi Sikewà ní'ì Pàyàhúdì tó pbàkùhání tó ádròdrǒ ale dǒ atdí kamà.

¹⁵Nirò ní ndi atdíku, yà abádhí òtè nř nzéere-alafí náadù ǒte abádhí tò, ndàti: «Yèsù ma múni wà, ndirò ma múni wà dhu Pòlò ràrř àdhi pbá ale. Ní nyí nyú, nyí ní àdhi mà?»

¹⁶Ní, wò nzéere-alafí rř'ì ònà ale náalà ndi kòrí ale dò, ndòpè ndòngbù, ndònzì lèmayà kóró. Ní kòrí ale núunya i idza rò nzínzì rò, ùlè tí ngbǒya ùlè otú nř rórò, 'òtsè.

¹⁷Ní, wò dhu-òyí níitdègu ndùgà Èfesò tó kigò ǒ, kóró Pàyàhúdì mà, ìnzì ní Pàyàhúdì mànà dhu rìrì, ní ǒdò adù isí atdíǒ abádhí ò. Ndi dhu adù abádhí nábhù rífù Ádrùngbàle Yèsù-ǒvò atdíǒ.

¹⁸Wò dhu-dzidǒ, Yèsù ná'ù ábhǒ ale nyú nóowúnà i arónzina nzéenga nóvò rǒ kpangba.

¹⁹Ndirò, abádhí nzínzì ǒ, yà òndrù òndrù rǒ arúbhi ábhǒ ale nyú náadù iwu ndi òndrù òndrù i arí nř bhùkù nà, 'ùbì kóró ale-ònzì rò. Ní, kǒkò ùbì ka kùbì bhùkù-odzi ka kùpì, náahù mbèmbè imbò kumì lufù fùrangà tí .

²⁰Wò dhu bhěyi ní ndi, Ádrùngbàle Kàgàwà bhà ǒbi náabhù kàbhà ǒte rùgà ndi kóró ngari ǒ, ràdù i'ì ǒbi nà atdíǒ.

Pòlò rřrèna ndínì ndì ndònzì tí dhu

(*ǒt 9.17; 1Kò 15.32; 16.8-9; 2Kò 1.8-10*)

²¹Kǒkò dhu ónzì i dhu-dzidǒ, Pòlò irè dhu afína ò, ndi ràkànà ndàhu Èfesò rò, ndàrà Yèrùsàlemà tó kigò ò. Ní, ányì ndi ndara tí, dhu ràkà ndùdà Mākèdòniyà mà Àkayà mànà tó pbìrì ònà. Ndirò, kǎdù àtìnà: Yèrùsàlemà ndi ndàrà àhu rò, ndi ràràdù ùda átò, ndàrà àhu Rómà tó kigò ò.

²²Nirò ní ndi kǎdù yà dzùnàna ònzì arí óyǒ ale, Timòtewù mà Rǎstò nà nóvì, ròwù angyi fìndà Mākèdòniyà tó pbìrì ò, ndi nyú, ndàdù ndùbhà ngúfe idhò tí tdítǒ Àziyà tó pbìrì ò.

Dèmetrìyò rř Èfesò tó kigò ǒ bhà àbhù rìvà dhu Pòlò rǒ dhu

²³Wò ndi kàsùmì ǒ, ádrùngbà wògò náatà ìndrù nzínzì ǒ Èfesò tó kigò ǒ, Ádrùngbàle Yèsù bhà otu ùngǔ ka kí dhu-okú dò rò.

²⁴Obhó tí, ndi kigò ǒ, Dèmètriyò tí kátina atdí àlì-ba ní'ì ìnè. Ndi ale ongónà suma nódù, ndàdù ùyǎya dhú-nzo-wòyǒ nóbhòlò nǐ. Ní, àbadhi mà, ì arí kasu ònzi atdíkpá mànà ale mànà nóongónà Àrìtemù tí kátina tsìbhá mǎngù bhà somã-dzà-wòyǒ tó sànamù nóbhòlò ndi suma nǐ, ndi dhu ràdù àrà 'àbhù rǒ, 'òngyè fùrangà abhò nyú.

²⁵Ní atdíku, kǎndu ɔdhína-tsù yà ndi kasu-tidò ònzi arí ngǔkpà ale mànà. Kǎdù dhu òvò abádhí tò, ndàti: «Àbanǎnzó, nyǐ nyùnì wà dhu, yà àlě karábàna ongyéngá raráhu yà àlě kárónzina àlě tó kasu ò rò.

²⁶Ní, nyǐ nyàla wà, ndirò nyǐ nyìrì wà Pòlò tí kátina ale rǎrà ábhǒ ale nyú-afí núle rǒ, rùgèrè ì àlě tó mǎngù-nzo rǒ rò dhu. Kà rǎrà àtìnà rǒ, ale-ɔtsú nǐ ka kóbhòlò mǎngù-nzo rǎrǐ nzǐ mǎngù. Wò ndi dhu kǒnzì nzá Èfesò tó kigò ǒ tí, pbétù, kǒnzì ndi dhu mbèmbè kóró Àziyà tó pbìrì ǒ.

²⁷Ní, wò dhu rǐ'ì ìnè ndìbhò àpbè àlě tó kasu tò. Ndirò, kà rǐ'ì ìnè átò ndàbhù Àrìtemù, àlě tó ádrùngbǎ tsìbhá-mǎngù núlě ka karí ònà rò somã-dzà ìnzǐ kòzù dhu tí. Ndirò, kà rǐ yà ndi kóró Àziyà tó pbìrì ǒ bhà mà, kóró yà adzi ǒ ale mànà dhu náarúlěna mǎngù, Àrìtemù bhà ádrùngbǎnga nábhù rìtsì.»

²⁸Ní, wòrì ɔte ì ìrì rò, kǒkò Dèmètriyò àndunà-tsùya ale náakó atdidǒ, 'àdù àmbe ùkù dǒ, 'àti: «Èfesò ǒ bhà tírò, àlě tó mǎngù Àrìtemù ní ádrùngbǎ tsìbhá-mǎngù nyú!»

²⁹Wòrì dhu tó wògò náanga ndi, ndàkǎ kóró ndi kigò ǒ. Nírò ní ndi ìndrù núulú Màkèdòniyà tó pbìrì ǒ óyǒ ale, Gǎyò mà Àstarikò nà, ì ròmè ì nà yà ádròdrǒ ikpa ikpa ka karí ònà rò idza ò. † Gǎyò mà Àstarikò nà ní'ì Pòlò mà náarúbhi mànà atdíkpá ale.

³⁰Ní, Pòlò azè ndi, ndòtsù átò ihé-yà rǐ'ì ì, pbétù Yèsù ná'ù ale náadù nzá ndi dhu ná'ù kà tò.

³¹Ndirò, Àziyà tó pbìrì ǒ àlità tó atdídhená ale ní'ì kà mànà ì nózè. Ní, ì ale adù ìndrù àvi átò ròwù kìso ìnzǐ ɔtsú tí ikpa-dzà ò.

³²Ndi kàsùmì ǒ, ányì-dzá ì nàndu ale-dò nínza ndi atdídǒ. Abádhí ambénà ùkù dǒ, atdídhená ale ràmbe ìnzá ndi nòfò ngǔkpà ale rǎnɔna dhu nà dhu ùnò dǒ. Ndirò, ábhǒ ale nyú abádhí nzínzì ǒ, núuni nzá àdhu-okú dò rò màtí ìndrù àndu tsùya ányì-dzá dhu.

³³Nírò ní ndi Pbàyàhúdì abhù Àlìsandurù tí kátina atdí ale rùdà angyinǎ rò ihé-yà tò, ihé-yà nzínzì ǒ rò atdídhená ale ràdù wòrì ndònzì dhu-tì náwe fǐndà. Ní, kǎgò ìndrù ɔtsúna nǐ, ndínǐ ndi ndòvò tí dhu fǐyò.

³⁴Ní, ihé-yà itdègu dhu ɔsù Àlìsandurù rǎrǐ Mùyàhudì, ní abádhí adù òko 'àmbe ùkù dǒ atdíkpá, rǎrà àhu mbèmbè óyǒ adyifò-sisì nyú tí. Abádhí ambénà àtìnà dǒ: «Èfesò ǒ bhà tírò, àlě tó mǎngù Àrìtemù ní ádrùngbǎ tsìbhá-mǎngù nyú!»

³⁵Ní, wò kigò ǒ atdí ndòmbè náarà ìndrù àbhù rìnè. Kǎdù ɔte ɔpè, ndàti: «Èfesò ǒ bhǎ, ádhi pbá ale ndi nzínziku ǒ ìnzá àpè dhu ùnǐ, Èfesò tó kigò rǎrǐ ndi ádrùngbǎ mǎngù Àrìtemù ùlě ka karí ònà rò idza-ngbò òdò arí, yà ɔrù-akpà ò rò ísǐ wòyǒna tó sànamù mànà?

³⁶Wò dhu àgò rí ale rǐ'ì mbǎ. Ní, dhu àkǎ pé nyìnè, nyádù inga ìrè tdǔ nyǐ nyònzì atdí dhu rò.

³⁷Kǒkò nyí nyìwù nà iró ale ní inzà atdí dhu mà nàfă àlě tó sǒmă-dzà nǐ, ndirò abádhí ùnò nzá dhu nzére àlě tó tsìbhá-mǔngù nǐ màtí.

³⁸Ní, Dèmètriyò mà yà ì arí kasu ònzi màná ale màná náapé ì'ì ì òzè 'òbhù ale nà, ní anya t'únɔta-idhò arí inè òngo ì'ì, ndirò ádròdrò ale arí'ì inè. Ní, abádhí àkă 'òwù dhu òbhù ányì.

³⁹Ndirò, nyí nyapé ì'ì nyí nyòzè kòbhòlò ngǔkpà dhu-tsí nà, ní ì-tsí òbhòlò ka kádù yà kóró ale úni unduta-dhò ǒ.

⁴⁰Àlě kí'ì inè kòbhù àlě yà indo ndì nònzì dhu-okú dò rò. Obhó tí, àlě kí'ì mbă atdí dhu nà màtí, yà iró àlě kùndu àlě okúna dò rò dhu tí àlě kádù àtìna.»

⁴¹Wò dhu bhěyi ndì ndòtè dhu-dzidǒ ní ndì, kádù kǒkò ì nàndunà ale návi rùndò ì uró rò.

Kasù 20

Pòlò rǎrà tǎítǎ Mǎkèdòniyà mà Pǎgìríkí màná tó pǐrì ǒ Yèsù ná'ù ale-afí àbhù ròtsì ɔbì dhu

(Ròm 15.25-27; 1Kò 16.1-7; 2Kò 7.5)

¹Wò wògò-íyà àrà inè dhu-dzidǒ, Pòlò andu Yèsù ná'ù ale-tsù. Ní, abádhí-afí ndì ndàbhù ròtsì ɔbì dhu-dzidǒ, kádù abádhí nóvì, ndàdù ndivà ndàrà Mǎkèdòniyà tó pǐrì ò.

²Ndì pǐrì ònǎ ndì ndúda rò, kǎránà Yèsù ná'ù ale-afí àbhù rǒ ròtsì ɔbì yà abhò-gùna ndì ndúnɔna Kàgàwà bhà ɔte nǐ. Nírò ní ndì kádù àrà Pǎgìríkí tó pǐrì ò,

³ndàdù ìbhù àbì nódhò ányì. Ní Siriyà tó pǐrì ò ndì ndara tí ìbhú ǒ ndì ndí dhu ònzi rórò, kǐrì dhu iwà Pǎyàhúdì rìrì ì dòná. Ní, kádù ndàdu tǎítǎ Mǎkèdòniyà, ndàrà àhu ndì pǐrì ǒ kígò Fìlipì tí kátina ò.

⁴Ndì abhi ǒ, ka nànda ale ní'ì Sòpàterè, Bèroyà tó kígò ǒ ale Pìrò t'ídhùnà. Ngǔkpà ale ní'ì Tèsàlònikà tó kígò ǒ ale, Àsitarikò mà Sèkundò nà. Ngǔkpà ale ní'ì Gǎyò, Děrbè tó kígò ǒ ale mà, Tímòtewù nà. Ndirò ní'ì Àziyà tó pǐrì ǒ ale Dòkíkò mà Tròfìmò nà.

⁵Ní Fìlipì rò, kòrí ale adù ùda angyi fǎkà , 'òwù mǒdò Tròwà tó kígò ò rò.

⁶Pbétù mà'í na, yà ìmbă ònǎ afí nà mùgatì tó mùhendù dzidǒ, mà madù mǐvà Fìlipì tó kígò ǒ rò, mǒpè abhi ìbhú ǒ. Ní ìmbò ìdhò-dzidǒ, mà madù òwu abádhí òtù Tròwà tó kígò ò. Ndì kígò ǒ ní ndì mà madù atdí yengè nyú nónzì.

Pòlò rǐ Ètikò tí kátina kpatsìbhíngba ìkyě dhu

(1Ká 17.17-24; 2Ká 4.32-37; Kas 9.36-42)

⁷Sàbatù-idhò ǒ pǐtìsòngǎ , mà mundu mà ndínǐ mà mùkò tí Yèsù bhà ɔve ìrè mà mí nǐ mùgatì-ǒnga, màdù ònyùnà. Ní, Pòlò adù àdì ndàmbe dhu òvò dǒ ìndrù tò. Kádù ndì ɔte àdhà ádzì nyú, rǎrà àhu azà adyifò-sisì kúbhingá nga tó ò, tsútsǎ nínganì ndì ndarana nídhunǐ.

⁸Yà ndì mà mùndu mà ònǎ ɔrùnǎ kàluga ǒ, inga àwù rí tarà ní'ì abhò nyú.

⁹Ní, Ètikò tí kátina atdí kpatsìbhíngba adì ndi kàluga tó atdí póló-bidő, ndàmbe ɔte ìrì dő. Ní, ádzíta nyú ɔte rǎrà dhu-okú dò rò, Ètikò-nyìkpó adì ndàmbe òrì dő. Ní idho ò rò kítsi obvò, wò ìbhu ka kágbǎ dòyá idza tó ɔrùnǎ idza tó póló ő rò. Ka kadù kìvǎ iwà òvè rórò.

¹⁰Ní, ɔrù rò ndi ndàwǔ rò, Pòlò itsi ndàgu kà dő, ndàdù kìvǎ ndàmbö fóná, ndàdù àtìnà: «Ìnzǐ nyitù afikù. Ìnè kà rǐ'ì ípìrǒngǎ nà.»

¹¹Wò dhu-dzidő, Pòlò adù ùpo tdítđ wò ɔrú kàluga ò, ndàdù mùgatì-ǒngǎ ùkò, ndàdù ònyùnà. Nírò ní ndi kǎdù ɔte tdítđ rǎrà àhu inga rùbho dhu ò. Wò dhu-dzidő, kǎdù ndìvǎ ndàrà fìndá dhu ñ.

¹²Ní, ka kadù wò kpatsìbhíngba ùndà fìrǎbvù ípìrǒrò, ndi dhu rǎdù ìndrù àbhu ròtù afíya atdíđ.

Pòlò rǐ ndìvǎ Tròwà rò, ndàrà Miletò Yèrùsàlemà ndúda rórò dhu

(Màt 7.15-20; 1Tè` 2.1-12; Tít 1.9-14; 1Pè` 5.1-4; 2Pè` 2.1-3)

¹³Wò ndi kàsùmì ő tí, mǎ muvò, mǒdì dòka mǒwù angyi Àsosi ìbhú ő, Pòlò rǎdù ìrà pfǒna dő olù. Ní, mǎ mudhè dhu mǐdyì Pòlò ìbhú ő Àsosi rò.

¹⁴Ní, kǐtdègu ìrà mǒtù Àsosi, kǔpò ìbhú ò, mǎdù òwu atdíkpá mǒwù ùvò Mitilenì.

¹⁵Tsútsǎ nínganí, mǎ madù mǐvǎ ányìrǒ rò, mǒwù ùvò Kiyò tí kátina sòngà-ti'ò. Ndirò ní ndi mǎ madù òwu ùvò Sàmòsì tí kátina sòngà dò. Tsútsǎ nínganí tdítđ, mǎ madù òwu ùvò Miletò tí kátina kigò ò.

¹⁶Pòlò azè ndi ndùbhi ìbhú ő tí, ìnzǐ ndòtsù Èfesò tó kigò ò, akye ndi ndadùna fìndá kàsùmì ìwi Àziyà tó pbìrì ò nídhunǐ. Obhó tí, ka ní'ì iwà dhu núdhè afína ò, ndi ràm̀bènà àrà àhu Yèrùsàlemà tó kigò ò angyinǎ rò Pèndèkòtè-idhò tò, ndi dhu rǎdù àkǎ fìndà nánǐ.

Pòlò rǐ dhu òvò Èfesò tó kigò ő kànìsà ő pbàkùrǔ tò dhu

¹⁷Miletò rò, Pòlò avì ìndrù ròwù Èfesò tó kigò ő kànìsà ő pbàkùrǔ ùnzì.

¹⁸Ní, ì pbàkùrǔ itdègu ìwu ùvò kà-tí, ní kǎvò dhu abádhí tò, ndàti: «Nyǐ nyèni wà ìngbà dhu bhèyi màtí ma mádi nzínzìkù ő dhu, ròpè ndi yà Àziyà tó fùkù pbìrì ő ma mira àhu òná idho ò rò.

¹⁹Ma mǒnzì Ádrùngbǎle Yèsù bhà kasu yòròwà nyú nà, nyidu-dha ő, ndirò yà Pbàyàhúdì rǐrèna ì ɔnzì tí rùdú nzére dhu tó àpbè ő.

²⁰Nyǐ nyèni wà dhu átò ìnzá ma rórù atdí dhu mà, yà dzànàkù ònzì rǎdù dhu nzínzì ő. Ma mǎrà kórò dhu òvò rǒ fùkù, madù ùdhenà fùkù rùwugà dő rò màtí, ndirò fùkù idza rò màtí.

²¹Ma mǎrà dhu òvò rǒ kpangba Pbàyàhúdì tò, ndirò ìnzǐ ní Pbàyàhúdì tò, ndínǐ ì nugèrè tí Kàgàwà tò, 'àdù àlě tó Ádrùngbǎle Yèsù Krìstò ná'ù.

²²Nírò, kànǐ ma mǎrà kòmbí Yèrùsàlemà tó kigò ò, àdhàdhì yà Ìlǐlǎ-Alafí nútù ima ndínǐ ma mǒnzì tí ka dhu bhèyi. Ma mùni nzá àdhu mà rǐ mabà ányì dhu.

- ²³Pbétù Ìlílà-Alafí àbhu muni yà ma múbhi òyană kóró kigò ǒ dhu ní, ima òdo rí dhu rărí usótá mà àpbè màná.
- ²⁴Ma mòzè nzá pbàkà ípìrǒnga rí'í ádrùngbă dhu tí idù. Atdí ma mòzè dhu ní, mǎnzì pbàkà kasu yà Ádrùngbăle Yēsù ibho fudú, marà ùtsànà. Ndi kasu ní munò Kàgàwà bhà izu tó Ídzi Màkürù ìndrù tò.
- ²⁵Kòmbí, ma muni wà dhu nyí rărí nzí nyìdu-kpa àlă tdítǒ, nyí yà ma múbhi nzínziku ǒ, mambe òrù-akpà ǒ Ádrùngbă kamà Kàgàwà bhà Idzi tó Màkürù núnò dǒ fùkù rò.
- ²⁶Ndi dhu-okú dò rò ní ndi indo ma mátina nyí nǐ, nzínziku ǒ rí ndàbhù ndàwí ale-azù ní'iya ndi ale-dò-tsíró nyú.
- ²⁷Obhó tí, ma múbhà nzá atdí dhu mà inzá ma mòvò fùkù rórò, yà Kàgàwà ózè kǎnzì dhu nzínzì ǒ.
- ²⁸Nírò, nyòngò nyǒdò mběyi nyí-tírò, nyǎdù Ìlílà-Alafí úli nyí nyòngò ùndànà Kàgàwà bhà Kànìsà ùndà mběyi. Ndi Kànìsà ní yà Idhùnà-azù nyú rǒ Kàgàwà adzì fǐndà Kànìsà.
- ²⁹Ma muni wà dhu yà nzínziku ǒ rò ma mí mivà marà dhu-dzidǒ, tsamangèrě bhěyi órù atdíǒ ale rărí itsù nzínziku ǒ, inzí 'àdù òwu Kàgàwà bhà tàmà-izù ònzì rǒ.
- ³⁰Ndirò, nzínziku ǒ rò màtí, atdídhená ale rǔvò ùvò, 'àmbe titò ùnò dǒ ìndrù tò, ndi titò ràdù àrà ìndrù àbhu rǒ rùgèrè ì, 'òngò fiyó ábhàlǐ tí.
- ³¹Nírò, nyàndà nga mběyi, nyǎdù àmbe yà ìbhu ato ǒ ma múdhe nyìdu-dha nyú nà nzínziku ǒ kóró ale tò, adyíbhengá nga mà kúbhingá nga màná ǒ dhu irè dǒ.
- ³²Ní, kòmbí ma mùbhà nyí Kàgàwà-fó. Ndirò, ma mùbhà nyí yà Kàgàwà ózè àlě dhu dǒ róte ɔte ongó tí nyǒdò. Ndi ɔte rǐ nyǒsì, ndàdù nyàbhu nyàbà yà pbìndà dhu tí rí'í ale kóró tò Kàgàwà akò fǐndá làká asota.
- ³³Yà àlě kí'í atdíkpá nyí màná òná kàsuni ǒ, ma móhò nzá atdí ale bhà fùrangà-atdyú mà, ɔrò-atdyú mà, ndirò mberù-atdyú mà.
- ³⁴Nyí nyú mà, nyí nyúni wà dhu yà dzùnàdu nónzì dhu mà, mà marí òko màná atdíkpá ale dzùnà nónzì dhu màná ma rónzì kākà ɔtsúdu nyú nǐ.
- ³⁵Ma marí dhu ìtè bìlǐnganà fùkù, dhu rākànà nyǒnzì kasu ndi dhu bhěyi, ndíní nyí nyadù tí òwu ìmbă rí'í ɔbi nà ale dzùnà ònzì rǒ nǐ. Dhu àkă nyírè yà Ádrùngbăle Yēsù unò dhu, ndàti: dhu nàbhu ìndrù tò ale rónzì wà hirò, ròsè yà ndi dhu ndi ndàbhu fǐndà ale dònă .»
- ³⁶Wò dhu ndi ndùnò dhu-dzidǒ, Pòlò mà pbàkürù màná núuko ì ɔtdyùya dǒ, Pòlò ràdù nditsò.
- ³⁷Nírò ní ndi kóró ale adù 'òpè 'àmbe ɔdzi dǒ, 'àdù Pòlò àmbo, ì ròvì ka nǐ.
- ³⁸Abádhí nabhù izu rùka atdíǒ dhu ní'í Pòlò àtinà abádhí rărí nzí nyìna-kpa àlă tdítǒ dhu. Wò dhu-dzidǒ ní ndi pbàkürù adù Pòlò ùndà, ràrà ɔtsù bàtó ò.

Kasɔ 21

Ɔlò rɛda Tirò mà Kàyisàriyà màná tó kigò òná Yèrùsàlemà ndì ndàrà rórò dhu

(Kas 8.5,40; 20.22-24,36-38)

¹Èfèsò Kànìsà ɔ̀ pbàkùrɛ màná mà m̀bhà mà rò, mà mawù túrútúru íbhú ɔ̀, m̀wù ùvò Kosì tí kátina sòngà d̀. Tsútsá nínganí, mà madù òwu, m̀wù ùvò Ròdò tó sòngà d̀. Ányìrò rò, mà madù òwu Pàtarà tí kátina kigò ̀.

²Ní ányì mà m̀wù ùvò rò, mà matù atdí ádr̀ngbà íbhú abhi ndì ndòpé tí, ndàrà Fòyìnìkè tó pb̀rì ̀ rí dhu ònzì ró. Ní, mà madù ùpo ndì íbhú ̀, m̀wù Fòyìnìkè.

³Mà mitdègu òwu Kìpurò tí kátina sòngà níndù, màmbè àlanà d̀ íbhú ɔ̀ rò, ní mà madù kànyì, m̀bhà ígù d̀nà rò, màdù òwu Sìriyà tó pb̀rì ̀. Ní ányì mà mówu rò, mà mawù ùvò Tirò tí kátina kigò ̀. Ányì nga ní ndì ka kubhìná íbhú ̀ ànò ìfo r̀ n̄.

⁴Ndì kigò ɔ̀, mà matù Yèsù ná'ù ale. Ní ndì dhu adù màbhu m̀nzì atdí yengè nyú ányìrò. Ní Hìlã-Alafí òvò dhu f̀yò dhu-okú d̀ rò, ì ale adù Ɔlò ìsò ìnzì ara tí Yèrùsàlemà tó kigò ̀.

⁵Pbétù wò atdí yengè itdègu ìku, ní mà madù ùvò Tirò rò, m̀wù. Ní, Yèsù ná'ù ale mà, f̀yò vèbhàle mà, f̀yò nzónzo màná kórò núunda mà m̀vò kigò ̀ rò, m̀wù ádr̀ngbà r̀r̀-tsù. Ní ányì mà m̀wù ùvò rò, mà mukò mà ɔ̀dyùka d̀ atdíkpá, màdù m̀tsò.

⁶Wò dhu-dzidò, mà madù m̀vì abádhí màná, màdù ùpo íbhú ̀, m̀wù. Pbétù k̀kò mà ǹnda ale adù 'àdu 'òngò bv̀yà nanã.

⁷Tirò rò mà mùvò rò, mà mawù íbhú ɔ̀, m̀wù ùvò Tòlèmayì tí kátina kigò ̀, m̀tsà idha-adzì-kpa d̀ abhi. Ndì kigò ɔ̀, mà matse mà Yèsù ná'ù ale màná, màdù atdí idho ònzì atdíkpá abádhí màná.

⁸Tsútsá nínganí mà m̀và mà rò, mà mawù ùvò Kàyisàriyà tí kátina kigò ̀. Ndì kigò ɔ̀, mà matsù m̀ngò òdhò Filipò tí kátina ale bhà-dzá. Ndì Filipò ní'ì Kàgàwà bhà Ídzi Màkùrù t'únòta t'ále. Ndirò ka ní'ì yà Yèrùsàlemà tó kigò ɔ̀ ka kavò ìndrù dz̀nà t'ónzita tò àr̀bhù ale nzínzì ɔ̀ atdí ale.

⁹Ndirò, ndì ale ì'ì ìnzà àpè kpabhàle ùn̄ vèbhínzo nà ìfo. Ì vèbhínzo ní'ì Kàgàwà bhà pbànábí.

¹⁰Ní, mà mitdègu íbì idho ònzì Kàyisàriyà tó kigò ɔ̀, ní Kàgàwà bhà nabì Àgabù ìra Yùdeyà tó pb̀rì ̀ rò, ndìrà àhu ndì kigò ̀.

¹¹Ní tiká ndì ndìrà àhu rò, k̀dyi Ɔlò bhà kùkyè, ndùtsì pf̀ona mà ɔ̀s̀na màná n̄. Kàdù dhu òvò k̀ngba f̀kà ndàti: «Kàn̄ Hìlã-Alafí òvò idù dhu. Kàti: «Yèrùsàlemà ̀ yà kùkyè àbadhi r̀rà àhu rò, Pbàyàhúdí r̄ k̀tsì yà dhu bhèyi, 'àdù àbhùnà ìnzì ní Pbàyàhúdí-f̀.»»

¹²Ní wò dhu mà m̀r̀ rò, mà Kàyisàriyà ɔ̀ bhà màná, mà madù Ɔlò ìsò ìnzì ara tí Yèrùsàlemà tó kigò ̀.

¹³Pbétù, Pòlò adù dhu àdu fàkà, ndàti: «Ádhu wò nyìkù-dha nyú nà nyí nyápàna nyònzì? Nyí nyòzè tí nyùkò afídu? Nyí nyàkǎ nyùni dhu ní ima, ma mà'ù wà ìnzì ní mutsi ka kí dhu kèlě, pbétù ma mà'ù wà mohò ka kí mòvè Ádrùngbǎle Yèsù-òvò-okú dò rò Yèrùsàlemà tó kigò ǒ dhu mà átò.»

¹⁴Ní, ìnzì kà rǐ mǎ múnɔna dhu à'u rò, mǎ madù ìnè tí ìnè, mǎdù àtìna: «Ádrùngbǎle Yèsù òzè dhu kèlě àkǎ ndì ndònzì ndì.»

¹⁵Ní ngúfe idhò mǎ mònzì Kàyìsàriyà tó kigò ǒ dhu-dzidǒ, mǎ madù mǒbhòlò abhi tò, mǎdù mǎva, mǒwù Yèrùsàlemà tó kigò ò.

¹⁶Kàyìsàriyà tó kigò ǒ, Yèsù ná'ù ngúfe ale adù ùvò átò 'òwù atdíkpá mǎ mànà. Ní ànyì mǎ mòwù ùvò rò, abádhí adù mǔndà, mǒwù Mùnàsonì tí kátina atdí ale yà mǎ mowuna òdhò rǒ pbì-dzá bhà. Ndì Mùnàsonì ní'ì Kìpurò tó sòngà ǒ ale. Ndirò, ka ní'ì angýíta tí Yèsù ná'ù ale.

Pòlò mà rǐ 'òtù Kànìsà ǒ pbàkùrǔ mànà Yèrùsàlemà ndì ndàrà àhù rò dhu
(1Kò 9.19-23)

¹⁷Mǎ mitdègu òwu ùvò Yèrùsàlemà tó kigò ò, ní ànyì, Yèsù ná'ù ale akò mǎ dhèdhe nyú nà.

¹⁸Tsútsǎ nínganí, mǎ madù òwu Pòlò mànà Yàkòbhò bhà, ndirò kóró pbàkùrǔ adù ìwu átò ànyìrǒ.

¹⁹Ní abádhí mànà ì àtsè ì dhu-dzidǒ, Pòlò adù ndòpè ndàwe yà ìnzì ní Pbàyàhúdì nzínzì ǒ Kàgàwà abhù ndònzì kóró pbìndà kasu tí dhu atdatdí-rà ǒ abádhí tò.

²⁰Wò Pòlò àwe dhu ì ìrì rò, abádhí ìfù Kàgàwà atdíǒ. Nírò ní ndì abádhí adù àtìna Pòlò nǐ: «Àbanǎgbá, nyí nyàla tí wà ábhǒ Pbàyàhúdì nyú nùgèrè ì à'ù Yèsù dhu? Ndirò, nyí nyàla tí wà abádhí kóró rǐ'ì ìnè afíya ì àpbǎ atdíǒ, 'àmbe Músà bhà Úyátá ìfù dǒ ró tí dhu?

²¹Ka kàwe wà dhu abádhí tò okúnù dò rò kati, nyí rǎrǐ dhu ùdhě kǎkà ìnzì ní Pbàyàhúdì nzínzì ǒ aróko Pbàyàhúdì tò ìnzì Músà bhà Úyátá nifu tí. Ka kàwe wà dhu átò, nyí rarí dhu ùdhě abádhí tò ìnzì fíyó kpabhá nzónzo-ònzǎnga nabhù tí kòbhòlò, ndirò ìnzì àlě tó ngùkpà màndu Pbàyàhúdì tíró nifu tí.

²²Nírò, ka kí dhu ònzì ìngbà dhu bhěyi? Obhó tí, abádhí rǐ iwà nyí nyìrà àhù iró dhu ìrì ìrì.

²³Ní, dhu àkǎ nyònzì yà mǎ múnɔna indù dhu: Kànǐ ìfò ale rǐ'ì ìnè iró. I ale ní iwà dhu nótsò Kàgàwà-ònzì ale .

²⁴Ní, úgu abádhí nyòwù nyù'o mànà atdíkpá, nyílǎ Kàgàwà-nyìkpó ǒ. Ndirò, adù nyubhò yà abádhí àmbènà ùbhòna ndínǐ ka kakpá tí dòya-ká dhu. Ndì dhu bhěyi ní ndì kóró ale rǎdù dhu ùni yà dùnú ka kàwe dhu rǎrǐ nzì obhó dhu, pbétù nyí rarí Músà bhà Úyátá ìfù ìfù átò.

²⁵Pbétù, Yèsù ná'ù ìnzì ní Pbàyàhúdì tò mǎ mírì wà mǎ màndì dhu màti, abádhí rǎkǎ nzá 'òngò sànamù tò ka kùbho perè tí izǎ mà, ànzùbhà mà, dàna-tsi ka kípò ɔbi nǐ

ròvè iză mànà ná'á. Ndirò, mă mándí dhu átò mǎti abádhí rǎkǎ 'òngò 'òdò m̀nyòni rǒ rò.»

²⁶Ní tsútsǎ nínganí, Pòlò adù kǒkò ale nùgù, 'òwù 'òpè 'ù'o ì mànà atdíkpá yà fíyó sòmà tó mànà nózè dhu bhěyi. Wò dhu-dzidǒ, Pòlò adù àrà, ndòtsù Kàgàwà bhà idza, ndàdù dhu òvò ányì idzá ndàti ka rǎrǐ perè ùbhò ɔvòya dǒ kóró, yà Kàgàwà-nyìkpó ǒ ka kí ale ù'ò kilǎ òná dhu tí ka kópì àrùbhù idhò rǎkǎ nínganí.

Pbàró má tó pbà nówí rǐ Pòlò ìgǔ Pbàyàhúdí-fǒ rò dhu

(Kas 20.23; 24.5-19; Ròm 15.30-31; 1Tì 2.15)

²⁷Wò ale ù'ò ka kí kilǎ Kàgàwà-nyìkpó ǒ nǐ àrùbhù idhò-tsù nítdègu ndìndù ndíní ndikù tí, ní Àziyà tó pbìrì ò rò íwù ngúfe Pbàyàhúdí ala Pòlò Kàgàwà bhà idza ǒ. Ní, abádhí adù dhu ìtsu ihé-yà-dò ǒ, ndíní dhu nìvǎ tí Pòlò-rǒ. Ní, ihé-yà adù Pòlò àlǎ.

²⁸Abádhí adù 'òpè 'ùkǔ, 'àmbe àtìna dǒ: «Pbàìsràyélí tó pbìrì ǒ bhǎ, nyìmò mă! Kànǐ yà kóró ngari ǒ arí nzére dhu ùdhě kóró ale tò àlě tó pbìrì ǒ bhà dǒ, Músà bhà Úyátá dǒ mǎtí, ndírò Kàgàwà bhà idza dǒ mǎtí ale ní yà. Ròsè kóró dhu dònǎ, kǎbhù ìnzǐ ní Pbàyàhúdí mà ròtsù Kàgàwà bhà idza, ndi dhu ràdù wò ìlǐlǎ Kàgàwà-nyìkpó ǒ ngari nábhu ròtì.»

²⁹Obhó tí, abádhí ní'ì iwà Pòlò mà nàlanà kígò ǒ atdíkpá rúbhi Tròfímò tí kátina ale mànà ró. Ndi Tròfímò ní'ì Èfèsò tó kígò ǒ ale. Ní, abádhí adù dhu àtì iwà Pòlò ìtsu Tròfímò átò Kàgàwà bhà idza dhu tí.

³⁰Ní, Yèrùsàlemà tó kígò-ǒnga-tsì náava ndi, ihé-yà ràdù ìtse ndi kígò ǒ kóró ngari òná rò, 'ìwù ùvò Pòlò mà rǐ'ì ró. Ní, abádhí alú Pòlò, 'ìdhà rǎhu iri Kàgàwà bhà idza-ngbò ka kákprò ò nǐ kǎlì ò rò, 'àdù ndi kǎlì-li'ò núpbi ányìrǒ rò tí.

³¹Ní, yà abádhí rǐ dhu ònzi ndíní ì oho tí Pòlò rò, Yèrùsàlemà tó kígò-ǒnga-tsì náva ndi kóró dhu-òyǐ náara àhu Pbàró má tó pbìrì ǒ atdí lufù pbà nówí dǒ ádrùngbǎle dò.

³²Ní, ndi dhu ndi ndírì rórò tí, wò ádrùngbǎle ugu pbà nówí mà fíyó ádròdrǒ ale mànà, 'òtsè mànà kǒkò Pòlò nǎlǎ ale rǐ'ì ì. Ní, ihé-yà nítdègu wò ádrùngbǎle àlǎ owùna ǒ pbà nówí mànà ríwu ró, ní abádhí adù Pòlò t'óvita ùbhà.

³³Nírò ní ndi wò ádrùngbǎle andri Pòlò-ti'ò, ndàlǎ ka, ndàdù àvinà kùtsì óyǒ àdrà-mbǐ nǐ. Wò dhu-dzidǒ, kǎdù dhu ìvu ihé-yà-tsǔ, ndàti: «Yàrí ale nyú ní àdhi? Ádhu kònzì?»

³⁴Pbétù, ihé-yà nzínzì ǒ atdídhéná ale rǎdùna ìkǔ ǒ dhu adúnà nzǐ àrà ndòfò rǒ ngǔkpà ale rǎnɔna dhu nà. Ní, wò dhu bhěyi ihé-yà rǔkǔ dhu adù wò ádrùngbǎle àbhù ìnzǐ ùnɔna ka kí fǐndà dhu rǎlǎ dóna. Nírò ní ndi kǎdù pbìndà pbà nówí návi rùndà Pòlò, 'òwù nà yà ì arí òko òná ádrùngbǎ kǎlì ò.

³⁵Pòlò itdègu àrà àhu ndi kǎlì ò ka kúpo kòtsù ró, ní pbà nówí adù kítù ìtdu tí ɔrórú, ihé-yà rǐ kàpà ndíní ì ɔnzi tí nzére dhu-okú dò rò.

³⁶Obhó tí, ihé-yà ambénà òwu dǒ ìkǔ nà Pòlò-owù ǒ, 'àmbe àtìna dǒ: «Wò ale àkǎ ndòvè!»

Pòlò rǐ tǐna àwě adóna Pbàyàhúdí tò dhu

³⁷Yà pbànowí rǐ ndònzì 'ltsu ndì fìyó ádrùngbǎ kàlì ò ònà kàsùmì ò ní ndì, Pòlò ivú dhu ì pbànowí tó ádrùngbǎle-tsǔ, ndàtì: «Ma màmbènà tí atdí dhu òvò òvò indù?» Ní, wò ádrùngbǎle adù dhu ìvu kà-tsǔ, ndàtì: «Nyi nyúni tí wà Pbàgíríkí t'ávàna!

³⁸Nyi tí nzí Mísrì tó pbìrì ò ale, yà tdèkuta tí ìfò lufù ale yà nzére dhu ònzì arí-dò nídzi, ndàdù dòya òdì ndàrà nà rùngù ò?»

³⁹Ní, Pòlò adù òte òpè, ndàtì: «Ìma nyú, ima ní Mùyàhudì, Társò tó kigò ò ale, Kìlìkiyà tó pbìrì ò. Ndì Társò ní yà atdídò òvòna ótò ndì kigò. Ní ádrùngbǎlé, ma mìtdè nyi ìtdè tí, ìtsè mòvò dhu yàrí ihé-yà tò.»

⁴⁰Ní, wò ádrùngbǎle nùfà rusà fíndà rò, Pòlò idè ndì kàlì ò ka kúpo, kotsù doná màngazì dǒ, ndàdù ìndrù àgo òtsúna nǐ rìnè. Ní inga ìmbè bhìi rò ní ndì, kǎpè òte Pbàyàhúdì t'ávàna ò, ndàtì:

Kasu 22

¹«Abádù ndirò àbanǐnzó, nyìri yà ma mòvòna kòmbí, mawè tǐdu ònà fùkù dhu.»

²Ní, Pbàyàhúdì t'ávàna nyú ò Pòlò rǒte dhu ì ìrì rò, ihé-yà náadù ìnè atdídò nyú ròsè, inga ràdù ìmbè bhìi.

³Nirò ní ndì kǎtì: «Ìma ní Mùyàhudì. Ìma ka kugù Társò tó kigò ò, Kìlìkiyà tó pbìrì ò. Ndirò, ma mòvì òvi tí yàrí Yèrùsàlemà tó kigò ò. Ma mábà inga t'únita màlímò Gàmàliyeli-fó. Kùdhe ndì kóró dhu idù àlè t'ábhúna tó Úyátá ìfù ka kí atdídò dhu dǒ. Ìma nǐ'ì atdídò Kàgàwà nózè ndìfu ale, yà kóró nyí nyónzina kòmbí dhu bhèyi tí.

⁴Ndirò, ma mávu ìndrù rǒ atdídò Ádrùngbǎle Yèsù bhà otu ùngǔ abádhí rǐ dhu-okú dò rò, atdídhená ale rùve ùvè màtí. Ma marána kpabhále mà vèbhále màna nábhù rǒ kusò, kudo imbi-dzà ò.

⁵Pbàkùhání tó ádròdrǒ ale dǒ kamà mà, yà ádròdrǒ anya ìtdì arí pbàkùrǔ tó mùtù màna kóró ní yà ma mùvòna dhu tó ngàm̀bì. Abádhí nǐ'ì ndì bhàruwà nibho fudú, ndínǐ ma mara tí doná Dàmàsikì tó kigò ò. Ní, ma mubhínà àrà rǒ ányì, ndínǐ ma musó tí Yèsù ná'ù ale, madù ìrà nà imbi dǒ rò Yèrùsàlemà tó kigò ò, ndínǐ ka kadù tí àbhunà ràbà àpbè.»

Pòlò rǐ ndì ndugèrè ndì, ndà'ù Yèsù tí dhu àwè dhu

(Kas 9.1-19; 26.12-18)

⁶Tdítdò, Pòlò awe dhu ndàtì: «Ma mì'ì Dàmàsikì tó kigò ò ma mǎrà ró. Ní ìkyèrǒ ma mòdì ndínǐ ma motsú tí ndì kigò ò rórò ní ndì, azà adyifò-sisì adyíbhengá nga tó ò, ádrùngbǎ awáwù nǐsì òrù-akpà ò rò, ndàtdyi ma.

⁷Ní, ma mitsi obvò, madù atdí ale-tù ìrì manzi rí ró. Ndì ale-tù ati: «Sáwúlò, Sáwúlò, ádhu nyi nyávu rùdú nǐ? »

⁸Ní, ma madù dhu ìvu kà-tsǔ, matì: «Ádrùngbǎlé, nyi nyú ní àdhi? » Ní, wò ale-tù adù dhu àdu idù, ndàtì: «Ìma ní Yèsù, Nàzàretì tó kigò ò ale, wò nyi nyávu rùdú rò.»

⁹Kàkà atdíkpá mà mì'ì màna ale náala ndì awáwù átò, pbétù abádhí adù nzá wò idù rí dhu òvò ale-tù ìrì. Ní, ma madù dhu ìvu tdítđò kà-tsǔ, matì:

¹⁰«Ádrùngbǎlé, ádhù ndì ma màkǎ mǎnzì? » Ní Ádrùngbǎlé Yēsù adù dhu àdu idù, ndàti: «Ívǎ nyí nyarà Dàmàsìkì tó kigò ò. Ányì nga ní ndì ka kí Kàgàwà àvi ndínì nyí nyɔnzì tí dhu òvò kóró indù nǎ.»

¹¹Ma mubhínà nzǎ atdì dhu mà nála rǎ, wò ádrùngbǎ awáwù nòhò nyìkpódu, nyìdú nga rùtì dhu-okú dò rò. Ní kǒkò mà mì'ì mànà ale náadù ma àlɛ ɔtsúdu-rǎ, 'òwù ma nà, marà àhɛ Dàmàsìkì tó kigò ò.

¹²Ányì, ma matù Ànàniyà tí kátina atdí ale. Ndì ale ní'ì atdí dǎ arí Kàgàwà-òdò ònzì, ndàdù àlɛ tó Úyátá ìfɛ ale. Ndirò ndì kigò ɔ, kóró Pbàyàhúdì ongónà ídzì dhu kèlɛ náwe kǒkú dò rò.

¹³Ní, ndì ale ìra àhɛ tidú, ndàdù àtìnà ìma nǎ: «Àbanǎngba Sávùlò, nyìnúnga àkǎ ndùtù ndì.» Ní ànyìrǎ rò tí, nyìdúnga núutù ndì, madù kàla.

¹⁴Kǎdù àtìnà tdítdǎ ìma nǎ: «Àlɛ t'ábhúna tó Kàgàwà nóvò wà nyí, ndínì nyí nyɔnì tí ndì ndózè kǎnzì dhu. Kǒvò wà nyí ndínì nyí nyala tí yà obhónángatále Yēsù, nyadù lina'ò ɔte nyú níri.

¹⁵Obhó tí, nyí nyí ndì àdì wò nyí nyàla dhu mà, wò nyí nyìrì dhu mànà tó ngàmbì tí kóró ale-ònzǎ.

¹⁶Nírò kòmbí, ádhù nyí nyóɔɔna? Ívǎ nyí nyalǎ bàtizò, Yēsù ràdù pbùkù nzérénga ù'ò ɔvòna-rǎ nyí nyí nyítsò rǎrò.»

Pólò rǎ Yēsù àvi ndì ndàrà ìnzǎ ní Pbàyàhúdì-bvù dhu àwɛ dhu

¹⁷Wò dhu-dzidǎ, Pólò adù dhu àwe, ndàti: «Ma mitdègu madù Yèrùsàlemà tó kigò ò, ní atdíku Kàgàwà bhà-dzá rò ma mí mítsò òná kàsùmì ɔ, dhu adzì dùdù ɔnyɛ rǎ mɔnyɛ dhu bhěyi.

¹⁸Ní ndì ɔnyɛ-bvù, ma mala Ádrùngbǎlé Yēsù. Ní kǎdù àtìnà ìma nǎ: «Ónzì dhu tsàkàtsàkà nyahɛ Yèrùsàlemà rò. Obhó tí, ndì kigò ɔ bhà nóowuna nzǎ nyí nyáwèna okúdu dò rò dhu ná'ù rǎ.»

¹⁹Ní ma madù dhu àdu kà tò, mati: «Hòkò Ádrùngbǎlé, abádhí únì wà dhu ìma rǎrǎ ndì yà unduta-dzà òna nǎ ma múbhì ùbhi rǎ mambe ìnyì ná'ù ale ùso dǎ, madù àrà àbhuna rǎ kúvì asé nǎ, kǎdù ùdɔnà imbi-dzà ò ale.

²⁰Ndirò yà pbùkù ngàmbì Stìfanù-azù ka kufɛ nínganì, ìma nyú ma mì'ì ìnè átò ànyìrǎ. Ma ma'u kòho ka kí dhu átò. Ndirò, ma madù àdì mambe kòho rí ale ùwà rǎyá rò ɔrú mùdzarù-ngbò nódo dǎ .»

²¹Ní Yēsù adù àtìnà ìma nǎ: «Ívǎ nyí nyarà, ma mòzè nyí nyarà itse nyú ìnzǎ ní Pbàyàhúdì mànà-bvù nídhunǎ.»

Pólò rǎ ndìtè Pbàrómá tó pbìrì ɔ ale nyú tí dhu

(Kas 16.22-23; 25.16)

²²Ihé-yà ìri Pólò ràwèna dhu, rǎrà àhɛ kà rǎ àtina: «Ma mí nyovì nyarà itse nyú, ìnzǎ ní Pbàyàhúdì-bvù» dhu ò. Nírò ní ndì abádhí adù 'òpè 'ùkù, 'àmbe àtìnà dǎ: «Nyòho wò ale! Inzá wò dhu bhěyi ale-tidò àkǎ kubhà ràdì nyìkpóna nà yà adzi dǎ.»

²³ Abádhí ambénà ùkũ dǒ, 'àdù àmbe ròyá orú mùdzarù òbhè dǒ, ndirò 'àdù àmbe adzi-ra mà òvò dǒ orù.

²⁴ Ní wò dhu ndi ndàla rò, Pbarómá-bvǔ atdí lufù pbànowí dǒ ádrùngbǎle adù Pòlò àvi kitsu kàlì ò. Nírò ní ndi kǎdù àtìnà pbànowí rǎkǎ 'òngù dhu kà-tsǔ, àzèmbè ì í kòvì asé nǐ rórò, ndíni ndi nduni tí wò dhu bhěyi ihé-yà rǔkũ kà-dǒ okúna dò rò dhu.

²⁵ Ní yà ndi ka kùtsì ndíni ka kǎpé tí kòvì ndi asé nǐ rò ní ndi Pòlò ivú dhu wò tiná idè pbànowí tó atdí ádrùngbǎle-tsǔ, ndàti: «Ka kávi tí wà nyí nyǒngò Pbarómá tó pbìrì ǒ ale nyú òvì asé nǐ, inzà ka kòtdì ànyàna rórò?»

²⁶ Ní wò dhu ndi ndirì rò, pbànowí tó ádrùngbǎle arà yà dóna-tsíró rí'ì ádrùngbǎle-tí'ò, ndàdù dhu òvò fǐndà, ndàti: «Nyí nyàmbènà dhu ònzi ìngbàtí? Wò ale pbání Pbarómá tó pbìrì ǒ ale!»

²⁷ Ní wò pbànowí dǒ ádrùngbǎle andri Pòlò-tí'ò, ndàdù dhu ìvu-tsùnà, ndàti: «Ádù pé dhu idù! Inyi nyú, nyi tí Pbarómá tó pbìrì ǒ ale?» Ní Pòlò adù dhu a'ù, ndàti: «Òo! Ima ní Pbarómá tó pbìrì ǒ ale nyú.»

²⁸ Wò ádrùngbǎle adù àtìnà tdítdǒ: «Ima nyú, ma madzi Pbarómá tó pbìrì ǒ ale tí ma mí mugèrè mongò dhu ábhǒ malì nyú rǒ.» Ní Pòlò adù àtìnà kànì: «Olu, imá na ní òdhi tí ka kadhì ma ndipbìrì ǒ ale nyú tí ale.»

²⁹ Ní ànyirǒ rò tí, kǒkò Pòlò-tsǔ àmbènà dhu òngù pbànowí ubhà Pòlò uró. Ndirò, odo náadù isí wò pbànowí dǒ ádrùngbǎle ò, iwà ndi ndàbhunà Pòlò kùtsì rórò ndi ndàrà dhu ùni Pbarómá tó pbìrì ǒ ale nyú rǎrǐ ka dhu-okú dò rò.

Pòlò rǐ'ì ádròdrǒ anya itdì arí ale-ònzǐ dhu

³⁰ Tsútsǎ nínganí, wò pbànowí dǒ ádrùngbǎle azè ndi ndùni Pbayàhúdì òbhù Pòlò doná dhu tó obhóna nyú. Ní, kǎbhù Pòlò rǒ imbi kunga. Wò dhu-dzidǒ, kǎdù pbàkùhání tó ádròdrǒ ale mà, Pbayàhúdì-bvǔ ádròdrǒ anya itdì arí ngǔkpà ale màná àvi ràndu ì. Ndi dhu-dzidǒ ní ndi, kǎdù Pòlò àvi kiwǔ nà, kiwǔ ùvò nà kǒkò ale-ònzǐ.

Kasù 23

¹ Kǒkò ádròdrǒ ale-ònzǐ ka kiwǔ ùvò ndi nà rò, Pòlò udí nyìkpóna abádhí rǒ ndàndà abádhí, ndàdù àtìnà: «Àbanǐnzó, rìrà àhu indo nga ò, ma marúbhi Kàgàwà bhà otu ǒ idzi afídu nyú nà, ìmbǎ nzére dhu tí ka kózùna atdí dhu mà rǐ'ì nyudutsì.»

² Ní, wò dhu Pòlò ùnò rò, pbàkùhání tó ádròdrǒ ale dǒ kamà, Ànàniyà, náavi Pòlò-tí ìkò ale ròpbì Pòlò-tsù.

³ Nírò ní ndi Pòlò adù àtìnà: «Kàgàwà rǐ ndi nyǒpbi, wò mùkǔngbà nǐ ka kùtri idza-kuti bhěyi nyi nyòwù rò! Nyi nyàdi uró nyambe ìndrǔ-ànyǎ ùnò dǒ àdhàdhì Músà bhà Úyátá òzè ka dhu bhěyi, pbétù inyi kèlě nyadù ndi Úyátá nùkò ima nyi nyàvi kǎpbi rò.»

⁴ Ní, Pòlò-tí ì'ì ale náadù kǐsò, 'àti: «Ìnzé! Nzǔno dhu wò dhu bhěyi Kàgàwà bhà pbàkùhání tó ádròdrǒ ale dǒ kamà nǐ!»

⁵Ní, Pólò adù àtìná abádhí nǐ: «Àbanǎnzó, inzá ní ma m̀̀ni pbàkùhání tó ádròdrǒ ale dǒ kamà tí kà rǐ'ì dhu. Obhó tí, Kàgàwà bhà Andítá rǎtina inzá nyí rākǎ nyunò dhu pbùkù pbirì ǒ ádr̀̀ngbǎle nǐ .»

⁶Pólò unì wà dhu, kǒkò ànyàna unò rí ale nzínzì ǒ, atdídhená ale rǎrǐ Pbàsàdùkáyó, ndirò ngǔkpà rǎrǐ Pbàfàrisáyó. Ndi dhu-okú dò rò, Pólò angbe t̀̀na k̀̀rì ale nzínzì ǒ, ndàti: «Àbanǎnzó, ima nyú ní M̀̀fàrisayò, Pbàfàrisáyó tó ingba. Ní, yà ànyàdu unò ka kí okúna dò rò dhu ní, ma má'ù dhu ɔbi nyú nà ungbě unvè kutdù ì ale rungbeyà ì ɔve-bvè rò dhu.»

⁷Wò dhu bhěyi Pólò òrì dhu adù Pbàfàrisáyó mà, Pbàsàdùkáyó màná àbhù ràmbe 'àgò dǒ atdíđ, ndi dhu ràdù ihé-yà-ǒnga àbhù r̀̀ndò ndi.

⁸Obhó tí, Pbàsàdùkáyó ongónà àtìná inzǐ unvè kutdù ì ale rungbeyà ì ɔve-bvè rò. Ndirò abádhí a'u nzá dhu inè màlàyíká mà, ndirò nzére-alafí mà rǎrǐ'ì. Pbétù, Pbàfàrisáyó nǐ'ì kóró kǒkò dhu ná'ù ale.

⁹Ní, ádr̀̀ngbǎ wògò nyú níifí ndi k̀̀rì ale nzínzì ǒ. Nírò ní ndi Pbàfàrisáyó nzínzì ǒ Músà bhà Úyátá tó ngúfe màlímó náapè 'àgò ì ɔbi nyú nà, 'àmbe àtìná dǒ: «Mǎ mabà nzá atdí afátá mà yàrí ale dǒ. Atdí alafí mà, ndirò ngǎtsi nǐ màlàyikà mà pbòvò tí nzá wà dhu kà tò!»

¹⁰Wò dhu bhěyi Músà bhà Úyátá tó màlímó unò dhu náabhù Pbàsàdùkáyó mà, Pbàfàrisáyó màná ràgò ì abhò nyú t̀̀dđ. Nírò ní ndi Pólò àpà ka kí ndínì ka kudru tí ɔná nga dhu ɔdò ɔnzi ndi ndí rò, pbànowí dǒ ádr̀̀ngbǎle avì pb̀̀ndà pbànowí r̀̀wù Pólò òdyì ihé-yà nzínzì ǒ rò, 'òwù òr̀̀nà f̀̀yò lubhà ò.

¹¹Ndi iku ǒ tí, Ádr̀̀ngbǎle Yèsù adù ndàvi Pólò tò, ndàti: «Ótù afinù! Àdhàdhì wò nyí nyidè pbàkà ngàm̀̀bí tí Yèr̀̀sàlemà tó kígò ǒ dhu bhěyi, dhu àkǎ nyonzi dhu ndi dhu bhěyi tí Ròmà tó kígò ò nyí nyàrà àhu rò.»

Pbàyàhúdì rǐ 'ìrì ndínì ì oho tí Pólò dhu

(Zàb 3.1-7; Kas 9.22-25; 2Kò 11.23,26)

¹²Tsútsǎ nínganì kútsingá, ngúfe Pbàyàhúdì ìrì ì 'òtsò dhu nyú 'àti, inzǐ ní Pólò kèlě ì òhò r̀̀vè nǐ, ì rǎrǐ nzǐ atdí dhu mà ɔnyu, inzǐ 'adù atdí dhu mà ɔmvè.

¹³Wò dhu natsò ale nǐ'ì mbèmbè ifò kumì d̀̀nǎ bvèya ròse ale.

¹⁴Ní, abádhí awù pbàkùhání tó ádròdrǒ ale mà, pbàkùrù màná-tì'ò, 'adù ìtsi dhu ɔvò f̀̀yò, 'àti: «Mǎ mòtsò wà dhu atdíđ nyú màti mà rǎrǐ nzǐ atdí dhu mà àfǒ lika ò, inzá ní Pólò kèlě mà mòhò r̀̀vè nǐ.

¹⁵Ní kòmbí, dhu àkǎ nyǐ mà, yà ádròdrǒ anya unò arí ngǔkpà ale màná, nyòwù Pbàrómá tó pbirì ǒ atdí lufù pbànowí dǒ ádr̀̀ngbǎle-tì'ò. Nyí nyówu Pólò ùtsi kà r̀̀rà nà pb̀̀ndà dhu-ònga àndà nyí nyí mběyi dhu-abhè ǒ. Pbétù wò ndi kàsùmì ǒ, mà madùna ɔbi ɔnzi mòhò ka inzá àpè àrà àhu ɔnzikú r̀̀rò.»

¹⁶Ní Pólò t'áwèná bh'ingba ní'ì inè wò dhu ɔte ka kí ró. Ní kǒkò ale ùyí Pólò tí dhu ndi ndirò, àbadhi arà lubhà ò Pólò rǐ'ì ì, ndàdù kóró dhu àwe kà tò.

¹⁷Ní wò dhu ndì ndìrì rò, Pòlò adù pbàńowí tó atdí ádrùngbǎle nánzì. Kǎdù dhu òvò kà tò, ndàtì: «Únda yàrí kpatsìbhíngba, nyarà nà dùkú ádrùngbǎle rǐ'ì i, kà rǐ'ì àbadhi tò ndì ndóvona atdí dhu nà nídhunǐ.»

¹⁸Ní wò ádrùngbǎle idyi wò kpatsìbhíngba ndùndà, ndàrà àhu nà wò ndì fíyó ádrùngbǎle-tí'ò. Kǎdù ìtsi àtìna ndì ádrùngbǎle nǐ: «Wò imbi ò ka kósò atdí ale, Pòlò tí kátina nánzì ima, ndàdù mivì munda yàrí kpatsìbhíngba tinu ò. Ní kà rǐ'ì indù ndì ndóvona atdí dhu nà.»

¹⁹Ní wò pbàńowí dǒ ádrùngbǎle alú wò kpatsìbhíngba ɔtsúna rǒ, ndìndrì ndì nà igi, ndàdù dhu ìvu tsúnà, ndàtì: «Ádhu nyú nyì nyòzè nyunò idù?»

²⁰Ní wò kpatsìbhíngba adù dhu àwe kà tò, ndàtì: «Ádrùngbǎlé, Pbàyàhúdì ìrì wà ì ndínǐ tsútsǎ ì iwúna tí Pòlò ùtsi, nyirà nà ádròdrǒ anya ìtdì arí ale-ònzǐ, pbìndà dhu-ònga àndà ka kí mběyi dhu àbhè ǒ.

²¹Ní, àpé nya'u abádhí rǎnɔna indù dhu. Wò abádhí ùpe Pòlò rǒ dhu ní àdà. Obhó tí, mbèmbè ìfò kumì dònǎ bvùya rǒse ale níri wà ì, 'òtsò dhu nyú, ì rǎrǐ nzǐ dhu ònyu, ndìrò ì rǎrǐ nzǐ dhu òmvù inzǎ ì òhò Pòlò rǒvè rórò. Ní kòmbí, abádhí ùdhe wà ì 'àmbe nyì nyú nyì nyúnɔna fíyò dhu kèlě òdò dǒ.»

²²Ní wò ádrùngbǎle adù àtìna wò kpatsìbhíngba nǐ: «Àpé nyunò dhu atdí ale tò màtì, nyatì iwà nyì rǎwe ndì dhu dzákà.» Wò dhu-dzidǒ, kǎdù wò kpatsìbhíngba návi ràrà fìndá dhu nǐ.

Pbàńowí dǒ ádrùngbǎle rǐ Pòlò bhà anya nábhǔ ràrà lǐwalì Fèlìsì dò dhu

²³Wò kpatsìbhíngba àrà dhu-dzidǒ, pbàńowí dǒ ádrùngbǎle náanzi atdátdí miyà pbàńowí dǒ ádròdrǒ ale ɔyɔ riwù tina ò. Kǎdù dhu òvò abádhí tò, ndàtì: «Nyàndà óyǒ miyà pbàńowí mà, àrùbhù kumì pbàńowí, yà mùhàgù dǒ arúbhi mà, ndìrò foyá àlǐ nà óyǒ miyà pbàńowí màna, ndínǐ nyì nyòpé tí abhi màna ìbhu adyifò-sisì kúbhingá nga tó ǒ, nyòwù nà Kàyìsàriyà tó kigò ò.

²⁴Ndirò, nyàdù nyì randá mùhàgù átò Pòlò tò, ndínǐ ka nunda tí ìnzǐ ngbǒna ràvo akekpa màtì, ràrà àhu lǐwalì Fèlìsì-ònzǐ.»

²⁵Wò dhu ndì ndùnò rò ní ndì, kǎdù bhàruwà àndi yà dhu bhěyi, ndàtì:

²⁶«Ifuta nà àkǎ atdí dǒ lǐwalì Fèlìsì, ima Klòdiyò Lisiyà, ma mòvì nyì mběyi nyú atdí dǒ.

²⁷Yàrí ale, yà ma mòvì kowù nà tinu ò, ní Pbàyàhúdì álǔ, 'àdù ònzìnà ndínǐ ì oho tí. Ní, ma mítdègu dhu ùnǐ Pbàrómá tó pbìrì ǒ ale nyú rǎrǐ ndì, ní ma múgù pbàńowí, mòwù kídha màna abádhí-fó rò.

²⁸Wò dhu-dzidǒ, ma mózè munì Pbàyàhúdì òbhù ka okúna dò rò dhu-tì. Ní, ma mádù kàbhu kowù ùvò nà yà abádhí-bvù ádròdrǒ anya ìtdì arí ale-ònzǐ.

²⁹Ní, kàbhà dhu-ònga kǒkò ale àndà rò, ma mótù dhu ní Pbàyàhúdì ròbhù ka inzǎ kǐfu fíyó Úyátá dhu-okú dò rò. Pbétù, ima nyú ma mála nzǎ atdí afátá mà, yà kàbhu rádù kòtdì ànyàna kohò, ndìrò ngàtsi nǐ kàbhu rádù kosò.

³⁰Ndirò kànǎ, ka kòvò wà dhu idù iwà Pbàyahúdí rìrì ì ndínǎ ì oho tí ka ròvè. Nírò ní ndí ma madù kòvì ányìrǒ rò tí kowù nà dùnù, madù dhu ùnò kǒkò kòbhù arí ale tò, ndínǎ adù tí òwu kòbhù funú.»

³¹Wò dhu-dzidǒ, kǒkò pbànowí anzì fíyò ádrùngbǎle àvi dhu. Ní abádhí idyi Pòlò, 'àdù ùndànà kùbhingá tí, 'òwù ùvònà Àtipatrì tí kátina kigò ò.

³²Tsútsǎ nínganí, kǒkò pfǒya dǒ ùbhi pbànowí adù 'àdu fíyó lubhà ò Yèrùsàlemà tó kigò ò, 'àdù mùhàgù dǒ rúbhi-tsí kèlě ùbhà rùndà Pòlò, 'òwù ùvò nà Kàyisàriyà tó kigò ò.

³³Ní ányì ì òwù ùvò rò, kǒkò pbànowí abhù yà fíyó ádrùngbǎle àndìna bhàruwà liwalí-fó, 'àdù Pòlò itè kà tò.

³⁴Ní, wò bhàruwà ndì ndòzè dhu-dzidǒ, liwalì Fèlìsì ivú dhu Pòlò-tsǔ, ndàti: «Inyi ní ìngbà pbìrì ǒ ale?» Ní Kìlìkiyà tó pbìrì ǒ ale tí Pòlò rǐ'ì dhu ndì ndùnì rò, kǎdù àtìna Pòlò nǐ:

³⁵«Tdǔ ma mí pbùkù dhu-ònga nándà inyi nóbhù ale rǐwu ùvò rò.» Wò dhu-dzidǒ, kǎdù Pòlò àbhù kowù nà, kowù òdòna ádrùngbǎ kamàHèròdè bhà idzá-yà-ba ò.

Kasù 24

Pbàyahúdí tó ádròdrǒ ale rǐ Pòlò òbhù liwalì Fèlìsì-fó dhu

(Màt 5.11-12; Kas 6.11-12; 21.27-36)

¹Imbò idhò-dzidǒ, pbàkùhání tó ádròdrǒ ale dǒ kamà, Ànàniyà tí kátina, níra Yèrùsàlemà rò, ndìrà àhu Kàyisàriyà tó kigò ò. Abádhí iwú atdíkpá ngúfe pbàkùrǔ mà, ndìrò Tèrtulò tí kátina atdí ale màna, ndínǎ ì òbhù tí Pòlò liwalì Fèlìsì-fó. Ndì Tèrtulò ní'ì àvùkǎ.

²Nírò ní ndì liwalì avì Pòlò kanzi. Ní Pòlò ìrà àhu tiyá rò, Tèrtulò adù kòbhù liwalì-fó, ndàti: «Ifuta nà àkǎ ádrùngbǎle Fèlìsì, mà maróko màrùngà ǒ okúnù dò rò. Ndirò pbùkù ídzì undata-okú dò rò, nyì nyàbhù wà ábhǒ dhu nyú rùwu ì, rǐ'ì mbèyi yàrì Pbàyahúdí tó pbìrì ǒ.

³Ní mà mí wò nyì nyónzina ì dhu nákkǒ ádrùngbǎ òtsò nyú nà kóró kàsùmì ǒ, ndìrò kóró ngari ònǎ.

⁴Pbétù, akye ma miwína pbùkù kàsùmì abhò nǐ, ma mìtdè nyì itdè tí pbùkù ídzìngà ǒ, ndínǎ nyì nyìrì tí indù ma máwèna ídò kàsùmì ǒ tí dhu.

⁵Obhó tí, yàrì ale ní nzére ale nyú ròsè. Ndirò, àbadhi ní yà ròká rò ì nútù Nàzàretì ǒ bhà tó ádrùngbǎle. Kǎrì kóró Pbàyahúdí-dò idzǐ ádròdrǒ ale rǒ kóró ngari ònǎ yà adzi ǒ.

⁶Ndirò, kòmù wà ndì ndìti Kàgàwà bhà idza mà Kàgàwa-nyìkpó ǒ átò. Ní, mà madù kálu mǒsò. [Mǎ mátsù mǔnò kà-ànyǎ àdhàdhì yà àlě tó Úyátá nózè ka dhu bhèyi.

⁷Pbétù, Pbàrómá tó pbànowí dǒ ádrùngbǎle, Lìsiyà tí kátina, nádù ìrà òbi nyú nà, ndìdhǎ ka fóká rò.

⁸Wò dhu-dzidõ, ndi ádrùngbàlè ádù ka nòbhù ale àvi rìwù kòbhù funá.] Nírò nyi nyí ndi dhu òngù kà-tsù nyi-tírò, ndíní nyi nyuni tí mã mòbhù ka okúna dò rò dhu.»

⁹Pbàyàhúdí adù wò Tèrtulò àwè dhu kèlè ná'ù 'àti, obhó dhu ràrĩ ndi.

Pòlò rĩ Pbàyàhúdí òbhù ndi okúna dò rò dhu àwě lìwalì Fèlìsì-ònzĩ dhu

(Luk 21.12-15; 1Pè' 3.15-16)

¹⁰Wò dhu-dzidõ, lìwalì Fèlìsì núufà rusà Pòlò tò, ndíní òtè tí. Nírò ní ndi Pòlò apè òtè, ndàti: «Ádrùngbàlè, ma m̀̀ni wà dhu nyi nyópè nyunò yàrí pbìrì ò ale-ànyá ró ato ráhu wà abhò nyú. Ndi dhu-okú dò rò ní ndi ma mí rùdú dhu àwě ònzínú, madù dhu à'ù ìrì nyi ràrĩ kírì mbèyi nyú.

¹¹Nyi nyí'ì inè nyonè yà ma múnona dhu tó obhóna nyuni. Idhò apè nzá òse atdí kumì dòná óyò ná idhò dòná màtí, yà ma márà Yèrùsàlemà tó kígò ò, marà Kàgàwà ùlè ró.

¹²Ní ányì, kàkà m̀̀bhù rí ale mà nótù nzá ima Kàgàwà bhà idzá màtí, unduta-dzà ò màtí, ndirò ngàtsi ngari ò kígò ò màtí mã mí mǎgò ìndrù ná ró, ndirò ngàtsi nĩ mã mí ihé-yà-dò mà nídzĩ ró.

¹³Ndirò kòkò ì ale mà rĩ ì òbhù ma kòmbí okúna dò rò dhu tó obhóna ìtè tí dhu mà rĩ'ì ìmbà.

¹⁴Pbétù, ùnĩ tí ma m̀̀ni ònzínú rò dhu ní, ma marí ùbhi òná otu ní Ádrùngbàlè Kàgàwà bhà otu. Ní, abádhí arádù ndi otu àtì nzére otu tí. Pbétù, ma marí ùlèna ale ní abhúka tó Kàgàwà. Ndirò, ma má'ù wà Músà bhà Úyátá mà, yà Kàgàwà bhà pbànábí andí dhu màná kóró.

¹⁵Ndirò, ma má'ù wà dhu Kàgàwà ràrĩ atdí dhu ònzì ònzì. Ndirò, abádhí mà ná'ù wà ndi dhu átò. Ndi dhu ní, atdíku Kàgàwà rĩ yà ídzìnga ònzì ì arí ró rò ùvè ale mà, nzérenga ònzì ì arí rórò ùvè ale màná nábhù rùngbè ì òvè-bvù rò dhu.

¹⁶Ní ndi dhu-okú dò rò ní ndi ima nyú ma-tírò, ma marí obi ònzì átò kóró kàsùmì ò, ìmbà nzére dhu tí ka kòzùna atdí dhu mà rĩ'ì nyudutsì Kàgàwà-ònzĩ, ndirò ìndrù-ònzĩ.»

¹⁷Tdítdõ Pòlò adù àtìna: «Ábhõ ato nyú dzidõ, ma mádu ma marà Yèrùsàlemà tó kígò ò, marà fàkà pbìrì ò bhà dzùna ònzì fudú malì nĩ, madù perè ùbho átò Kàgàwà tò.

¹⁸Nírò ní ndi abádhí ótù ma Kàgàwà bhà idzá. Wò ndi kàsùmì ò, ma mí'ì iwà ma mù'o ma mìlã Kàgàwà-nyìkpó ò ró. Ndirò tidú tsùya nàndu ale mà, ndirò tsìya àva ndi ale mà ní'ì ìmbà.

¹⁹Pbétù ngúfe Pbàyàhúdí, yà Àziyà tó pbìrì ò rò ìwù, ní'ì inè ányìrõ. Ní kòkò ì tsí ní ì àmbènà àkã 'ìwù m̀̀bhù funá, ma m̀̀nzì nzére dhu tí dhu ná ì í'ì nánĩ.

²⁰Ndirò, kàkà iró rí'ì ale nyú ìtírò nákã ndi 'ùnò yà ádròdrõ anya ìtdì arí ale-ònzì ma mì'ì nínganí ì ala dùdú afátá.

²¹Ngàtsi nĩ, pbà nzĩ yà abádhí nzínzì ò rò ma makù àrĩ nyú tí òrú ma mìdè rórò dhu ndi. Ma makù, matì: «Indo nyĩ nyí ànyádu ùnò okúna dò rò dhu ní ma má'ù dhu ùngbè ùvè ale rùngbeya ì òvè-bvù rò dhu! »»

²²Wò ndi l̄walì Fèlìsì ní'ì iwà dhu núni angyangyi Yēsù bhà otu dǒ ale. Ní ndi dhu-okú dò rò ní ndi, kǎdù anya t'únṓta-tsù nùtsì, ndòdì olùnga tò. Kǎtì: «Ma mí fùkú dhu-ònga àndà Pbarómá tó pbìrì ǒ atdí lufù pbànowí dǒ ádrùngbǎle, Lìsiyà r̄rà àhu iró nínganí.»

²³Wò dhu-dzidǒ, l̄walì adù t̄iná ì'ì pbànowí dǒ atdí ádrùngbǎle àvi r̄rà Pòlò òdò imbi-dzà ò. Kǎdù dhu ùya ndi ádrùngbǎle tò, rùbhà hēgùrà Pòlò tò, ìnzǐ ndùtsì, ndirò ìnzǐ ndàdù àrà kà dzùnà ònzi rí kà t'ódhína-tsù ùtò rǒ.

Pòlò mà rǒte l̄walì Fèlìsì mà, pbìndà tsìbhále Dùrùsìlà màna dhu

(Zàb 95.8; Ìsa 55.6-7; Kas 17.30-32)

²⁴Ngúfe idhò-dzidǒ, l̄walì Fèlìsì mà níwú pbìndà tsìbhále Dùrùsìlà màna. Íyàdhíyà ní'ì Mùyàhudì-àyi. Ní l̄walì adù Pòlò àvi kanzi imbi-dzà ò rò. Ní Pòlò irà àhu rò, wò l̄walì adù àdì, ndàmbe kà rǎwèna Yēsù Krístò ná'u ka kí dhu dǒ dhu ìrì dǒ.

²⁵Pbétù yà Pòlò r̄ dhu àwě Kàgàwà ózè ìndrù ràdì tí dhu dǒ dhu mà, ìndrù àkǎ ndòdò ndi ndit̄irò dhu dǒ dhu mà, ndirò Kàgàwà itd̄iya ìndrù-ànyǎ dhu dǒ dhu màna náadù òdò àbhu r̄isǐ Fèlìsì-afí ò. Ní Fèlìsì adù àt̄iná Pòlò n̄: «Kòmbí, nyi nyákǎ wà nyarà. Kàsùmì àbà ma mí rò ní ndi ma mí ìndrù àvì rànzi nyi.»

²⁶Fèlìsì irè nga átò àbhǔ Pòlò r̄ambènà fùrangà àbhǔ f̄indà. Ní ndi dhu-okú dò rò, kǎránà ìndrù àvi rǒ lòkòlòkò rànzi Pòlò ì ròtè nà.

²⁷Óyǒ ato-dzidǒ, Pòrkiyò Féstò náadù l̄walì Fèlìsì ùwɔ. Ní, ngari ùbha ndi ndí rò, Fèlìsì adù Pòlò ùbhà imbi-dzà ò, ndínǐ Pbàyàhúdì-idhè n̄ka tí.

Kasù 25

Pòlò r̄ pbìndà anya ònzi l̄walì Féstò-fǒ r̄rà kámá dǒ ádrùngbǎ kamà dò dhu

(Zàb 27.12; 82.5; Kas 23.12-15,30)

¹L̄walì Féstò irà àhu Kàyisàriyà tí kátina Yùdeyà tó pbìrì ǒ kigò ò rò, kíwà ndi ndi kigò ǒ rò ìbhu idhò-dzidǒ, ndàrà Yèrùsàlemà.

²Ní ànyì pbàkùhání tó ádròdrǒ ale mà, Pbàyàhúdì ǒ pbàkùrǔ màna níwú Pòlò òbhù kà-fǒ. Ní abádhí akò 'àmbe 'ìtsò dǒ Féstò rǒ,

³ndínǐ Pòlò navì tí kiwù nà Yèrùsàlemà yà ì nyú ì òzè ka dhu bhěyi. Obhó tí, abádhí núuyí Pòlò ndínǐ ì adù tí òhònà òho tí otu ǒ rò.

⁴Pbétù, Féstò adù àt̄iná kǒkò ale n̄: «Pòlò r̄'ì ìnè imbi-dzà ǒ ka kí ngbǒna òdò Kàyisàriyà tó kigò ò ró. Ndirò ima nyú ma-t̄irò, ma mí madù kòmbí tí ànyì.»

⁵Td̄itdǒ kǎdù dhu òvò kǒkò Pbàyàhúdì tò, ndàtì: «Nzínziku ǒ ádròdrǒ ale àkǎ 'iwù owùdu ǒ. Ndirò dhu apé ì'ì ndi Pòlò r̄'ì afátá nà dhu tí, ní ì ale àkǎ ìtsì kòbhù dòtsí.»

⁶Féstò anzì nzá àrù idhò mà, ndirò ngǎtsi n̄ idre dòná óyǒ nà idhò mà Pbàyàhúdì nzínzi ǒ Yèrùsàlemà tó kigò ò, ndàdù ndàdu Kàyisàriyà. Ní ànyì ndi ndàrà àhu rò, tsùtsá nínganí kǎdì anya t'únṓta tó pbìndà tombi dǒ, ndàdù Pòlò àvi kiwù nà onzíná.

⁷ Pòlò ìrà àhù rò, kǒkò Yèrùsàlemà rò ìwũ Pòlò-ngbò nákpòrò, 'ìlì átsì. Abádhí adù Pòlò òbhù, 'àwè itũ ró'ò ábhǒ afátá nyú dóná. Ndirò, abádhí rǐ kǒkò ì afátá tó obhóngà ìtè kpangba dhu ní'ì odú nyú.

⁸ Ní, Pòlò adù mùsambà ònzì, ndàtì: «Ma màfǎ nzá atdí dhu mà Pòlò-ngbò tó Uyatá nǐ màtí, Kàgàwà bhà idza nǐ màtí, ndirò Pòlò-ngbò tó kamà dǒ ádrùngbǎ kamà nǐ màtí.»

⁹ Lìwalì Féstò azè ndònzì Pòlò-ngbò-ìdhè ìkǎ rí dhu. Ní kǎdè dhu ìvu Pòlò-ngbò, ndàtì: «Nyí nyòzè tí wà nyarà Yèrùsàlemà tó kigò ò, ndínì ka kùncó tí ànyǎnu ònzidú nyú rò, wò ìnyì ka kòbhù dòyá dhu-okú dò rò?»

¹⁰ Ní Pòlò adù dhu àdu Féstò tó, ndàtì: «Yà ma nyú ma midè ònzíná ní, kámá dǒ ádrùngbǎ kamà bhà ngari ò rí'ì ale bhà anya t'ítàtá tó tombi. Ní dhu àkǎ kùncó ànyádu ànyìrǒ rò. Pòlò-ngbò nǐ ma màfǎ nzá atdí dhu mà, yà nyí nyùnì ka mbèyi nyú átò dhu bhèyi.

¹¹ Dhu apé ì'ì ma màfǎ dhu dhu tí, ndirò ma màfǎ dhu apé ì'ì òwè nà àkǎ dhu tí, ní ma mòdhò nzá ima nóho ka kí dhu. Pòlò, ìmbǎ obhóngà náapé ì'ì kǒkò ale òbhù ma dòyá dhu ò, ní atdí ale mà rǐ mbǎ ndípfo ma, ndàbhù ma abádhí-fó. Ma mònzì kámá dǒ ádrùngbǎ kamà kèlè rùnò ànyádu.»

¹² Anya ùncó ì arí mànà atdíkpá ale nà ì òtè dhu-dzidǒ, Féstò adù dhu òvò Pòlò tó, ndàtì: «Nyí nyònzì kámá dǒ ádrùngbǎ kamà rùnò ànyǎnu. Ní ma mí nyovì nyarà kà-tí'ò.»

Lìwalì Féstò rǐ Pòlò bhà dhu òvò Pòlò-ngbò tó ádrùngbǎ kamà Àgìrìpà tó dhu
(Kas 9.15)

¹³ Ngúfè idhò-dzidǒ, ádrùngbǎ kamà Àgìrìpà mà awènà Bèrènikè mànà níwú Kàyìsàriyà tó kigò ò, ìwũ lìwalì Féstò átsè.

¹⁴ Ní ànyìrǒ abádhí rǐ ábhǒ idhò nyú nónzì rò, ní ndí Féstò awè Pòlò bhà dhu ndí ádrùngbǎ kamà tó. Kǎtì: «Ádrùngbǎ kamà, àrà ndàrà rò, lìwalì Fèlìsì úbhà atdí ale imbi-dzà ò iró.

¹⁵ Ní Yèrùsàlemà ma mí'ì nínganí, pòlò-ngbò tó ádròdrǒ ale mà, Pòlò-ngbò ò pòlò-ngbò mànà nóbhù ka fudú, 'àdù ma nónzì, ndínì ma mǒtí tí anya kà-dǒ.»

¹⁶ Ní ma màdù dhu àdu abádhí tó, matì: «Pòlò-ngbò tó màndu ná'ù nzá kòtè ìndrù-ànyá, ndínì ka kòho tí ìnzá ka kàsò dòyá ndí nòbhù ale mànà rórò, ndirò ìnzá mùsambà nònzì rórò.»

¹⁷ Ní mà màdù ìvu atdíkpá ì ale mànà, mǐwũ ùvò iró. Ní ìnzá kàsùmì mà núdà rórò ní ndí tsùtsǎ nínganí ma màdì anya t'únòta tó pòlò-ngbò tó tombi dǒ, màdù ndí ale Pòlò tó kátina ònzì kiwù nà.

¹⁸ Ní yà ka nòbhù ale ìwũ ùvò rò, ì ale ádù nzá yà ma múbhi ìrèrà rǒ kǎfǎ dhu tí ádrùngbǎ afátá mà náwè.

¹⁹ Pòlò, abádhí ádù òko 'àmbe 'àgò dǒ kà mànà dóná dhu ní fìyó sòmà Pòlò-ngbò tó tó dhu kèlè. Ndirò, abádhí ádù òko 'àmbe 'àgò dǒ dóná ngàtsi dhu ní, Yèsù tí kátina atdí ale, yà ìwà avè kòtè ndí rórò ndí Pòlò arí àdù àtìnà ìnè rí'ì nyìkpóna nà dhu tí.

²⁰Ní ma múni nzá wò dhu bhëyi agòta dǒ ma mádu ònzìnà dhu. Ní ma mádu dhu ìvu Pòlò-tsǔ, mati kà ràm̀bènà tí nǔ ndòzè, ndàrà Yèrùsàlemà rò ka kadù tí ànyàna ùnò.

²¹Pbétù, kádù ndònzì kòdò ndì imbi-dzà ǒ tí, ràrà àhu kámá dǒ ádrùngbǎ kamà araya ànyàna ùnò dhu ò. Nírò ní ndì ma mádu kàvi kongò òdòná imbi-dzà ǒ, ràrà àhu ma maraya kòvì, kowù nà kámá dǒ ádrùngbǎ kamà-fò ò òná idho ò.

²²Àgìripà adù àtìnà: «Ma mòzè mìrì wò ale rǔnɔna dhu ìma nyú tíró.» Ní Féstò adù dhu àdu kà tò, ndàti: «Tsútsǎ tí nyí nyí kà rǔnɔna dhu ìrì.»

²³Ní tsútsǎ nínganí, ádrùngbǎ kamà Àgìripà mà awènà Bèrènikè màna níwú ùvò ìndrù àkǒ ka karí òná rò ádrùngbǎ kàluga-lí, atdí dǒ nyú ì ùfǒ ì rórò. Ní, abádhí atsù ányì-dza, owùya ǒ Pbàró má tó pbìrì ǒ ádròdrǒ ale mà, Kàyìsàriyà tó kigò ǒ ádròdrǒ ale màna. Kǒkò ale òtsù idza dhu-dzidǒ, lìwalì Féstò adù Pòlò àvi kiwù nà.

²⁴Ní Pòlò ìrà àhu rò, Féstò apè ɔte, ndàti: «Ádrùngbǎ kamà Àgìripǎ, ndírò nyí kóró àzú-dzá àlě kí'ì nyí màna rò, nyí nyàla tí wà yà ale? Ábadhi ní ndì yà Yèrùsàlemà tó kigò ǒ ma mí'ì rò, ndírò yàrí kigò ǒ màtí Pbàyàhúdì tó ihé-yà íwù tidu ò okúna dò rò, 'àmbe ùkù dǒ, 'àti kà rākǎ nzá kubhà ràdi nyìkpóna nà.

²⁵Ní pbàkà ǒ, ma mála dhu ní ìnzá kà ràfǎ atdí dhu mà, yà kākǎ kohò okúna dò rò. Pbétù, yà angyangyi kǒnzì ndì ndítírò ndínì kámá dǒ ádrùngbǎ kamà ɔtí tí ànyàna dhu-okú dò rò, ma mádu kàvi ndínì ka kowu tí nà ndì kámá dǒ ádrùngbǎ kamà-fò ò.

²⁶Pbétù, ma mí'ì ìmbǎ kàbhà afátá nyú tí ma mándina mabhu kámá dǒ ádrùngbǎ kamà tò atdí dhu nà màtí. Ndì dhu-okú dò rò ní ndì, ma mìbhò ka kiwù nà ɔnzìku ǒ, ròsè dòtsì ɔnzìnu ǒ nyú ádrùngbǎ kamà Àgìripǎ. Ní, óngù dhu kà-tsǔ, ndínì ma mabá tí kà-dǒ ma mádu àndìnà dhu.

²⁷Obhó tí, òsò ka kòsò ale òvì ka kí kámá dǒ ádrùngbǎ kamà-fò ò, ìnzì kadù pbìndà afátá ìtè dhu-tì rǔ'ì mbǎ!»

Kas 26

Pòlò rǔ Pbàyàhúdì arí ndòbhù okúna dò rò dhu-tì àwě ádrùngbǎ kamà Àgìripà tò dhu

(Màt 10.18-20; Kas 9.1-30; 22.1-21; 1Pè´ 2.12)

¹Wò dhu-dzidǒ, ádrùngbǎ kamà Àgìripà atí Pòlò nǔ: «Nyí nyākǎ wà nyawe pbùkù dhu kòmbì nyí-tíró.» Nírò ní ndì Pòlò ava ɔtsúna, ndìfù ádrùngbǎ kamà nǔ, ndàdù ɔte òpè, ndàti:

²«Ádrùngbǎ kamà Àgìripǎ, idhèdu níka ndì atdí dǒ indo ma màbà kàsùmì ndínì ma mawe tí yà Pbàyàhúdì arí mòbhù okúna dò rò dhu-tì ɔnzìnú nídhunǔ.

³Obhó tí, nyí nyúni wà àlě tó màndu kóró àlě'ì Pbàyàhúdì tíró, ndírò nyí nyúni àlě kárí àlě àgò tí dhu màna dhu mbëyi nyú. Ní ma mìtdè nyí itdè tí nyírì yà ma máwěna indù dhu.

⁴Kóró Pbàyàhúdí núnì wà idú ngbángba ò rò ndì nòpè rò ma móvì tí dhu. Ndirò, abádhí úni wà nzínziya ð ma mí'ì nà Yèrùsàlemà tó kigò nyú ð kóró pbàkà mùtsò, ròpè ndì dóna-kpa ò rò.

⁵Abádhí úni wà ima angyíta tí. Ní ì òzè ka rò, abádhí rí'ì inè 'hè dhu ima rí'ìMùfàrìsayò, yà òbi nyú nà arí Músà bhà Úyátá mà, somà tó ngǔkpà màndu mànà nífù fàkà somà ð ale-tidò.

⁶Ní kòmbí, ka kidi ma irò onzinú ànyádu ka kuno tí, yà àlě t'ábhúna tò Kàgàwà akò làkà ma má'ù dhu-okú dò rò.

⁷Àlě tó atdí kumì doná óyð nà rùgànda-tsù ná'ù wà ònzi ndi dhu onziya ndi dhu. Ní ndi dhu-okú dò rò ní ndi, abádhí arí Kàgàwà ùlě adyíbhengá màtí, ndirò kúbhingá màtí, ìnzí ì 'í ìngyě rórò. Ní ádrùngbã kamà Àgìripã, kòní Pbàyàhúdí òbhù ma okúna dò rò dhu ní wò.

⁸Ní ádhu nyí Pbàyàhúdí tíró, nyí nyózù Kàgàwà rí ùvùvè ale àbhù rùngbe ì òve-bvù rò dhu ìnzí rádù ndà'ù dhu tí ní?

⁹Ima nyú, yà nyí nyí màndà rò, pbàkà irèta ní'ì mongò magò òbi nyú nà Yèsù Nàzàretì tó kigò ð ale-òvò nàti ìngbàtí ìli ndì ale mà nà.

¹⁰Wòrí ní ndi ma mónzi Yèrùsàlemà tó kigò ð dhu: pbàkùhání tó ádròdrò ale rōwu movì rō dhu-okú dò rò, ima nyú ma màrà Yèsù ná'ù ábhò ale nyú ábhù rō kusò, kudo imbi-dzà ò. Ndirò, ì ale ka kòzè kòkyè rò, ma madúnà àrà ndi dhu à'ù rō à'u tí.

¹¹Ndirò, ibí-gùna nyú, ma madúnà àrà ùda rō unduta-dzà òna nã, mambe àvu dō Yèsù ná'ù ale-rō. Ma madúnà àrà abádhí ùtu rō rùnò dhu nzére nyú Yèsù ní. Ma mí'ì nàwí nà atdíð abádhí rō. Ní ndi nàwí adù mabhù, màrà àvu rō abádhí rō ìnzí ní Pbàyàhúdí tó kigò ònã màtí.

¹²Wò dhu bhèyi ní ndi, atdíku ma madì mambe àrà dō Dàmàsikì tó kigò ò. Wò ndi abhi tó rusà nufà idù, 'àdù Yèsù ná'ù ale núsò ma mí ní ádrùngbãnga tó òbi níbhò idù ní'ì pbàkùhání tó ádròdrò ale.

¹³Ní ádrùngbãlé, azà adyifò-sisì adyíbhengá nga tó ð, otu ð mã mówu rórò, ma mala òrù-akpà ò rò rírà awáwù, ràtdye tiká nga, yà munda rí ale mànà. Ndi awáwù bhà inga t'áwàta asè adyifò arí inga àwù tí dhu donã màtí.

¹⁴Ní ndi dhu mã màla rò, mã mawà mã kóró obvò. Ndirò, ma madù atdí ale-tù ìrì Pbàyàhúdí t'ávàna ð rí dhu òvò idù ró. Ndi ale-tù ati: <Sáwúlò, Sáwúlò, ádhu nyí nyávu rùdú ní? Nyí nyí tsùdu òbhi, nyambe àpbè àbhù dō indù nyí-tíró, àdhàdhì ìkyì arí ndòvì rí mùgò ní ale-tsù òbhi dhu bhèyi.>

¹⁵Ní ma madù dhu nívu kà-tsù, mati: <Ádrùngbãlé, nyí nyú ní àdhi? > Ní kàdù dhu àdu idù, ndàti: <Ima ní Yèsù, wò nyí nyávu rùdú rò.

¹⁶Pbétù, ívã nyí nyidè pǔnu dō. Yàrí ní ndi ma màvi ma indù okúna dò rò dhu: Ma mòzè nyí nyadi pbàkà kasutále tí. Ndirò, ma mòzè nyí nyí'ì yà nyí nyàla ima dhu tó ngàmì tí, ndirò nyí'ì olù ma mítèna indù dhu tó ngàmì tí.

¹⁷Ma mí ngbõnu òdo òdo fùkú pbìrì ǒ bhà mà, ìnzì ní Pbàyàhúdì mànà rǒ rò. Ní, ma mòvì nyi abádhí nzínzi ò,

¹⁸ndíní nyi nyungbe tí abádhí-nyìkpó rùvò ìnò ò rò, rùdà awáwù ò. Ndirò ma mòvì nyi ndíní abádhí uvò tí p̄fòmvo Sitanì bhà ádrùngbãnga tó obi-tsì rò, 'ùdà Kàgàwà bhà ádrùngbãnga tó obi-tsì. Ndirò, ma mòvì nyi ányì, ndíní ima abádhí à'ù rò, Kàgàwà adù tí abádhí tó nzérénga núbà abádhí tò, ràdù ngari àbà pbìndà ale mànà.»

¹⁹Ádrùngbã kamà Àgìripã, wò dhu bhěyi ní ndi ma muvó nzá ma ìnzì mifu ya Ádrùngbãle Yēsù òvò idù òrù-akpà ò rò dhu.

²⁰Ní ma mapè munò Kàgàwà bhà Ídzi Màkürù wemberè tí Dàmàsikì tó kigò ǒ rò. Wò dhu-dzidǒ, ma madù ùda kà nà Yèrùsàlemà tó kigò ò, ndirò Yùdeya tó pbìrì ǒ kóró ngari ònã. Ndirò, ma madù kòvò átò ìnzì ní Pbàyàhúdì tò. Ìndrù tò, ma maránà òvònà rǒ dhu ní, abádhí ràkã 'ùbhà fìyó nzérénga, 'adù 'ùgèrè Kàgàwà tò, ndirò abádhí tó mùtso ràkã ndìtè dhu iwà abádhí rùgèrè ì, 'ùbhà fìyó nzérénga.

²¹Kòní wò dhu-okú dò rò nga ní ndi Pbàyàhúdì álù ma Kàgàwà bhà idza-ngbò ka kákpòrò ní lubhà ǒ rò, 'adù dhu ònzì ndíní ì oho tí ma.

²²Pbétù, Kàgàwà ódò ndi ngbõdu dhu-okú dò rò ní ndi ma mí'ì nyìkpódu nà rìrà àhu indo nga ò, madù àmbe kàbhà Ídzi Màkürù òvò dǒ kpangba kóró ale, nzónzo mà, ádròdrò ale mànà tò. Músà mà, Kàgàwà bhà ngùkpà pbànábí mànà núuno ì nɔnzìya dhu. Ní wò dhu dǒ ma marì isèna atdí dhu mà rǐ'ì mbã.

²³I dhu ní: Krístò rabáya àpbè ràrà àhu pbìndà ɔve ò, ka ringbèya ndi ndi wemberè tí ùvùvè ale nzínzi ǒ rò, ì dhu ràdù awáwù àbhu Pbàyàhúdì mà, ìnzì ní Pbàyàhúdì mànà tò.»

Pólò rǐ ádrùngbã kamà Àgìripà àvǐ rà'ù Yēsù dhu

²⁴Wò dhu bhěyi Pólò àwe Pbàyàhúdì arí ndòbhu okúna dò rò dhu dhu-dzidǒ ní ndi lǐwalì Féstò akù ɔrú-tùna nyú nà, ndàti: «Pólò, tí àrǐ dùnú rǐ'ì? Wò abho nyú nyi nyòzà dhu nídò wà àrǐ dùnú!»

²⁵Ní Pólò adù dhu àdu, ndàti: «Ifuta nà àkã ádrùngbãlé, ìmbã àrǐ rǐ'ì dùdú. Pbétù ya ma múnoa dhu ní obhó dhu nyú, ndirò ndi dhu ní tǐna nà dhu nyú.

²⁶Ádrùngbã kamà Àgìripà nyú núnì wà ndi dhu. Ndi dhu-okú dò rò ní ndi ma mí dhu àwě kònzì, ìmbã ùdú ɔdó na. Ma mà'ù dhu iwà kà rùnì ì dhu kóró. Obhó tí, ì dhu ónzì nzá ì òdhǔ ò.

²⁷Ní inyi Ádrùngbã kamã, nyi nyá'ù tí wà Kàgàwà bhà pbànábí uno dhu? Ma mùni dhu iwà nyi rá'ù ka.»

²⁸Ní ádrùngbã kamà Àgìripà adù dhu ìvu Pólò-tsù, ndàti: «Nyi nyòzè tí mugèrè ma, mongò mùkrístò tí ya ákě kàsùmì ǒ tí?»

²⁹Ní Pólò adù dhu àdu kà tò, ndàti: «Ìmbã àmbènà ì'ì ákě kàsùmì màtí, ndirò ábhǒ kàsùmì màtí, ní ma mí mitsò Kàgàwà rǒ, ìnzì ní okúnu dò rò tí. Pbétù, ma mí mitsò

dùkú kóró, yà ma múṅṅona dhu ìrì nyí nyí indo rò, ndíní nyí nyugèrè tí nyí nyöngò ima bhëyi, ìnzí ní kùtsì nyí àdrà-mbí nǐ yà ima ka kùtsì dhu bhëyi.»

³⁰Nírò ní ndi ádrùngbǎ kamà Àgìripà mà, lìwalì Féstò mà, Bèrènikè mà, ndirò kòkò ànyì-dzá ì'ìnà ngǔkpà ale mànà adù ìvǎ 'ìkò orú.

³¹Ní ìrì ì ùvò rò, abádhí adù òko 'àmbe òte dǒ nzínziya ǒ, 'àmbe àtìnà dǒ: «Yàrí ale ónzì nzá atdí dhu mà yà kàkǎ kosò, ndirò ngǎtsi nǐ kàkǎ kohò okúna dǒ rò.»

³²Ní, ádrùngbǎ kamà Àgìripà adù àtìnà lìwalì Féstò nǐ: «Ìkòlò ka kàmbènà yàrí ale ìkòlò ìnzá kǒnzì ndi angyangyi ndíní kámá dǒ ádrùngbǎ kamà ɯnɔ tí ndi ànyàna nání.»

Kasu 27

Pòlò nà ka kówu Rómà tó kigò ò dhu

(Zàb 107.23-31; Ìsa 43.1-2; 2Kò 11.25-26)

¹Lìwalì Féstò níitdègu dhu ùdhě mǎ rǎkǎ mǒwù bàtò ǒ Ìtǎliyà tó pbìrì ò, ní ka kadù Pòlò mà, ùsò ka kúsò ngǔkpà ale mànà núbho Zǔlìyò tí kátìna atdí ale-fò. Ndi Zǔlìyò ní'ì kámá dǒ ádrùngbǎ kamà tò arí kasu ònzì pbànowí dǒ atdí ádrùngbǎle.

²Ní mǎ mupò Àdràmítì tó kigò ǒ atdí bàtò ò, mǒwù atdíkpá Àstarikò tí kátìna atdí ale mànà. Ndi ale ní'ì Mákèdòniyà tó pbìrì ǒ atdí kigò, Tèsàlònikà tí kátìna ǒ ale. Ndi bàtò ní'ì Àziyà tó pbìrì ǒ ibí kifukù ònǎ rúda.

³Ní tsútsǎ nínganí, mǎ mawù ùvò Sìdònà tó kifukù ò. Ní ànyì, Zǔlìyò anzì ìdzì dhu nyú Pòlò tò, ndùbhà ka rǎrà òdhína àndà, ndíní ì kà t'òdhína náadù tí kà dzùnà nónzì kà rǐ'ì atdyúya nà dhu-tsí nǐ.

⁴Sìdònà rò mǎ mùvò rò, mǎ mari Kìpurò tó sòngà-ìgì dònǎ, awe rǒpili tùm̀bà tí nyìka-kpa rǒ, ràdù àmbe bàtò-tsù àtò dǒ nídhunǐ.

⁵Ní mǎ mawù ádrùngbǎ rèrù dǒ Kìlikiyà tó pbìrì mà, Pàfùliyà mànà ìgì dònǎ, mǒwù ùvò Mirà tí kátìna kifukù ò, Lìkiyà tó pbìrì ò.

⁶Ndi kigò ǒ ní ndi, yà Pòlò mà ka kùbhonà fóná Zǔlìyò, pbànowí tó ádrùngbǎle, náatù Ìtǎliyà tó pbìrì ò rǎrà Àlèsàndùriyà tó kigò ǒ atdí bàtò. Ní wò ádrùngbǎle adù mǎvi mǐpò kà ò.

⁷Ní mǎ mawù rèrù dǒ, mǔbhi ibí idhò nyú tí, ìnzí mǎ món dri rórò. Nírò ní ndi iwà mǎ màbà ábhǒ àpbè nyú rórò, mǎ mawù mǔtò Kìnidò tó kigò-nyìkpa rǒ. Ní, ìnzí awe rǐ mǎbhǔ mǎmbe òndri dǒ ànyìnǎ rò dhu-okú dǒ rò, mǎ madù mǔnyì mǒwù Krètè tó sòngà tó mùsùngú dònǎ rò, yà ìnzí awe rǒpili òbì nà ì nǎ rò, mǔdà ndi sòngà tó adzi-rórò, Sàlmònà tí kátìna tí.

⁸Ní mǎ mari òbì nyú tí ndi pbìrì-kutì rǒ, mǎdù òwu ùvò Ìdzì kifukù tí kátìna atdí kifukù ò. Wò ndi kifukù ì'ì kyèròkyèrò Làseyà tí kátìna kigò-tí.

⁹Mǎ miwí ábhǒ kàsùmì nyú, mǎ mǒwu abhi nà tí dhu ràdù ì'ì odú nyú. Ròsè dòtsí, ònyù t'ònyuta-tsù nùtsi ka kí ònǎ kàsùmì náadù ì'ì iwà ndi ndùdà ró, ndi dhu ràdù dhu ìtè awe arópili atdí dǒ ònǎ kàsùmì rǎkǎ wà. Ní Pòlò avò dhu òdhína tò, ndàtì:

¹⁰«Àbanɔ́zò, yàrí àlě tó abhi ǒ àlě kí àp̀bè àbà àbà abho nyú. Ndirò, àlě kíwina dhu ní nzí ní yàrí bàtò kèlě ònà anò màna, àlě kí àlě tó ípìrɔ́nga nyú mà nàpà àlě rìwí átò.»

¹¹Pbétù, pbàńowí tó ádrùngbàle adù wò bàtò òdì rí ale mà, ndi bàtò tó ádrùngbàle màna-tsù dhu kèlě níri, Pòlò ùnò dhu ìri ndi ndàm̀bèna rò.

¹²Kìfukù ǒ ka kóko ádrùngbà gírì tó kàsùmì ǒ dhu ní'ì mbà mběyi. Ní ndi dhu-okú dò rò, ábhǒ ale nyú adù dhu à'ù ìndrù ròpè abhi 'òwù ányìrǒ rò. Abádhí azè dhu ní, àkàkà fíyò nǐ, 'òwù ùvò Fòyìnìkè tó kífukù ò, 'adù ádrùngbà gírì tó kàsùmì ùdà ányìrǒ. Wò ndi Fòyìnìkè ní'ì Krètè tó sòngà ǒ atdí kífukù, yà ìnzí mùsùngú mà, ngòmà nà ndirò mùlayí mà ngòmà nà tí kátina awe nóongónà òpili tùm̀bà tí nyina-kpa rǒ .

Àpùpù rǐ Pòlò nà ka kówu ònà Ròmà tó kigò ò bàtò-ǔnga nútɔyǎ dhu

¹³Wò dhu-dzidǒ, isó tí ró'ò awe náapè ndivǒ nga mùsùngú dònǎ rò. Ní, bàtò ò ì'ì ale náadù dhu àtì àkà fíyò abhi àmbènà àkà dhu tí. Nírò ní ndi abádhí ivà nàngà, bàtò ràdù abhi òpè ndàm̀be òrì dǒ Krètè tó sòngà-bidǒ.

¹⁴Pbétù kòmbómbí tí, Hèràkulò tí ka kí ɔvòna ànzi àpùpù náapè ndòpili ɔbi nyú nà Krètè tó sòngà dònǎ rò.

¹⁵Ní ndi àpùpù náap̀bì bàtò, ndàm̀be àrà dǒ nà, ndi bàtò ùlè ka kí ràrà otùna ǒ dhu ràdù ì'ì odù nyú. Nírò ní ndi mà madù bàtò ùbhà ùbhà tí ndi awe ràm̀be àrà dǒ nà.

¹⁶Kàwudà tí kátina sòngà-ngba-tí mà mùdà rò, mà mabà ɔbi ádrùngbà àp̀bè dzidǒ, màlǔ yà olùnǎ rò ka kósò bàtò rǒ ìndrù t'ígútá tò ibhú, mǐdzí bàtò ò.

¹⁷Ní ka mà mǐdzí bàtò ò dhu-dzidǒ, bàtò ǒ arí kasu ònzi ale náadù dhu dzùnà ònzi ràdù imbi nídyì, 'adù ùkpòrònà bàtò rǒ, 'isò ndi bàtò nǐ rǐdzò. Abádhí anzi Lìbiyà tó pbìrì ònǎ rò bàtò rǎtsi Sírtì tí kátina ɔsòkpó-gùgù dǒ dhu-ɔdò átò. Ní abádhí adù itsu tó nàngà nídò idha dǒ, ndíní bàtò nabhù tí ràm̀be àrà dǒ awe rǎrà dhu bhěyi. Wò dhu bhěyi ní ndi abádhí ubhà bàtò awe ràm̀be àrà dǒ nà iyò.

¹⁸Tsútsǎ nínganí, awe ambènà òká nga nútɔya dǒ atdíǒ. Ní ndi dhu-okú dò rò, bàtò ǒ arí kasu ònzi ale náadù ànò òpè 'àwà idha ò.

¹⁹Ní ìbhu ráhu idho ǒ, kòrí ale náapè 'àwà ì arí kasu ònzi nǐ dhu ì nyú tírò idha ò.

²⁰Ibí idho nyú núudà ìnzí mà ràla adyifò-nyìkpó-mbì mà, ndirò alali nyú mà. Ndi àpùpù adì ndàm̀be òpili dǒ atdíǒ nyú. Ní ndi dhu-okú dò rò, mà ma'u nzá dhu ùgǔ mà rǎrǐ adù ùgu.

²¹Mà ní'ì ìnzá mà màpè atdí dhu mà náfǒ lika ò, ràrà àhu ábhǒ idho nyú tí ró. Nírò ní ndi Pòlò ivà ndi ndidè nzínzika ǒ, ndàti: «Àbanɔ́zò, nyí nyíriyana gukyè ma múnona fùkù dhu ìnzí ale rìvà àlě Krètè tó sòngà ǒ rò, ní kǒkò ì nìnzà dhu námbènà nzí 'ìnzá. Ndirò kǒkò àlě kíwí dhu-tsí námbènà nzí ùwí.

²²Pbétù, ma mátina nyí nǐ, nyí ròtù afiku. Obhó tí, atdí ale mà nzínziku ǒ ní rǐ nzí pbìndà ípìrɔ́nga níwí. Àlě kí bàtò kèlě níwí.

²³Obhó tí, indo kùbhingá, yà pbìndà ale tí ma marí'ì, ndirò yà ma marúlèna Kàgàwà bhà màlàyikà níra àhu tidú.

²⁴Ní kàti ma nǐ: «Pòlò, nzǒnzi ɔdɔ! Dhu àkǎ wà nyarà àhu Rómà tó kigò ò, ndíní ka kuno tí ànyǎnu kámá dǔ ádrùngbǎ kamà-ònzǐ rò. Ndirò, kòní pbindà ídzìnga ǔ Kàgàwà ùbhà wà wò nyǐ nyúbhi mànà ale kóró, ròkò nyìkpóya nà.»

²⁵Ní ma mátina nyǐ nǐ, nyǐ ròtù afíku! Obhó tí, ma mà'ù wà dhu Kàgàwà rǎrǐ yà idù ndì ndòvò dhu nónzi ònzǐ.

²⁶Ndirò, idha rǎrà àlè ìvìvò atdí sòngà-igì dò.»

²⁷Atdí kumì dòná ifo nà rí iku nísě iku ǔ, àpúpú í'ì inè òkǎ nga ùtdyǎ ndì ndí Àdìriyà tí kátina ádrùngbǎ rèrù dǔ ró. Ní mbèmèè ndì iku-alìkpa ǔ, wò bàtò ǔ arí kasu ònzǐ ale náadù dhu àtì iwà mã m̀ndù idha-igì-dò dhu tí.

²⁸Ní abádhí udhè idha tó ádzìnga, 'adù kòtù ìbhu kumì dòná àrùbhù nà mètèrè tí. Bàtò itdègu òndri tditdǔ itseta, ní abádhí udhè ka tditdǔ, ràdù àhu óyǔ kumì dòná àrù nà mètèrè tí.

²⁹Wò dhu ì àla rò, abádhí adù bàtò rǎrà ndòpbi bhalabhala rǔ dhu-ɔdò ònzǐ. Ní ndì dhu-okú dò rò, abádhí adù ifo nàngà núdɔ idha ò olùnǎ rò bàtò tò, 'adù àmbè inga rùbho dhu ɔdò dǔ atdyúya nyú nà.

³⁰Wò dhu-dzidǔ, bàtò ǔ arí kasu ònzǐ ale náanzǐ dhu ndíní ì uwé tí ì, 'òtsè. Ní abádhí ifo igútá tó ibhú bàtò ò rò rèrù ò, 'adù àtìna: «Mã m̀wuwu nàngà ùdɔ idha ò angyinǎ rò bàtò tò.»

³¹Pbétù, Pòlò adù dhu òvò pbànowí tó ádrùngbǎle mã, pbindà pbànowí mànà tò, ndàti: «Ínzǐ kǔkò ale apé òko bàtò ò, ní nyǐ nyǐ nzǐ ùgu.»

³²Ní ì pbànowí adù igútá tó ibhú-mbǐ itdì, ràdù ndùbhà rèrù dǔ.

³³Inga òdɔ ì í rùbho dhu ònanǎ, Pòlò avì kǔkò ì í'ì mànà ale kóró r̀nyù dhu. Kǎvò dhu abádhí tò, ndàti: «Indo, idho àhu wà atdí kumì dòná ifo nà idho tí, yà nyǐ nyúbhi òko rǔ ìnzǐ nyǎfǔ atdí dhu mã liku ò nǐ.

³⁴Nírò, ma m̀tdè nyǐ itdè tí mati, nyǐ r̀nyu dhu. Obhó tí, ònyù àkǎnà wà nyǔnyù, ndíní nyǐ nyotsi tí obi nǐ, nyǔgu. Ndirò nzínziku ǔ, atdí ale mã rǐ nzǐ dòná rǔ atdí àyǐ-vé-ngba mã níwǐ.»

³⁵Wò dhu ndì ndòvò dhu-dzidǔ, Pòlò adù mùgatì idyì, ndàdù ndìtsò Kàgàwà-rǔ kóró ɔdhína-ònzǐ rò. Kǎdù ndì mùgatì-ǔnga ùkò, ndàdù òpènà ndònyù.

³⁶Nírò ní ndì kóró ngǔkpà ale adù obi òtsì Pòlò rǔ, 'adù ònyù ònyù átò.

³⁷Wò ndì bàtò ǔ mã mi'ì kóró óyǔ miyà àrùbhù kumì dòná azà nà ale tí rò.

³⁸Ní kóró ale ònyù dhu 'ulè nǐ àkǎkǎ dhu bhèyi rò, abádhí adù nganù ùgù bàtò ò rò, 'àwà idha ò, ndíní bàtò nabhù tí rò'ò isó.

Bàtò rǐ ndìnzǎ òná ale ràdù ùgu dhu

³⁹Inga níitdègu ùbho, ní bàtò ǔ arí kasu ònzǐ ale unì nzá wò ì òndri tina ò pbìrì. Pbétù, abádhí ala dhu ní yà rèrù òbì ndì adzi-kpa nzínzǐ ǔ r̀ngá, ɔɔkpó-gùgù ràdù ì'ì ányìrǔ. Ní abádhí adù òzènà dhu ní, àkǎkǎ fǐyò nǐ, 'àbhu bàtò ròtsù ányì.

⁴⁰Ní ndi dhu-okú dò rò, abádhí unga nàngà-mbí bàtó rǒrò, 'àdù i nàngà ùbhà ròsù idha ò. Ndirò wò ndi kàsùmì ǒ tí, abádhí unga ngayi-mbí, 'isò dólòdòlò. Wò dhu-dzidǒ, abádhí usò awe àtò arí íhù mberù-ba, ndíní awe adù tí bàtó òpbi róná, ndàrà nà ɔsɔkpó-gùgù dò.

⁴¹Pbétù, bàtó adù àrà àtsi ɔsɔkpó-gùgù dǒ. Ní abádhí adù bàtó ùbhà ányirǒ àtsi, ɔndina-kpa ràfǒ ndi, ròtsù ɔsɔkpó ò, ìnzǐ ngbǒna ràmbe ndùya dǒ ró. Ndirò, mùkura-òbì náadù ndi bàtó rǒ olunǎ nga ùgòlò rìnza ndi.

⁴²Wò ndi kàsùmì ǒ, pbànowí anzì dhu ndíní ì ɔkye tí ùsò ka kúsò ale, akye yarà nanzina 'àdù òtse nǐ.

⁴³Pbétù, ì pbànowí dǒ ádrùngbǎle azè dhu ní ndigǔ Pòlò. Ní kǎdù ì pbànowí ìsò ìnzǐ wò ì ìrèna dhu nanzì tí. Ndirò, kǎdù dhu òvò bàtó ǒ rí'ì ale tò, ndíní yarà t'ónzita núnì abádhí nzínzì ǒ ale núubé tí ì angyi idha ò, 'àdù yarà ònzì 'ùvò ndi idha ò rò.

⁴⁴Ndirò, kǎdù dhu òvò yà ìnzá yarà t'ónzita núnì ale-tsí tò rónzì yarà bhǎwù dǒ, ndirò yà ì nùgolo bàtó rǒ rò dhu àpàkálá dǒ, 'ùvò átò idha ò rò. Wò dhu bhěyi ní ndi mã muvò kóró ádrùngbǎ rèrù ò rò, ìnzǐ mǔve.

Kasù 28

Mèlità tó sòngà ǒ bhà rǐ Pòlò mà nákwǎ dhu

(Màt 8.14-16; Luk 10.19; Kas 14.11-12; È`br 13.2)

¹Wò dhu bhěyi mã mùgu idha ǒ rò dhu-dzidǒ ní ndi ka kadù dhu òvò fǎkà katì yà mã mí'ì òná sòngà-òvò rǎrǐ Mèlità.

²Wò ndi sòngà ǒ bhà nítè fǎkà ídzìnga ní yà ìnzǐ kóró ale arónzina ídzìnga. Abádhí uto ádrùngbǎ kàzú-yà-ba nyú fǎkà, igye rǒgye, ndi dhu ràdù girì ìbhò dhu-okú dò rò. Ní abádhí adù tsùka àndu kóró ndi kàzu-tsùnǎ.

³Nirò ní ndi Pòlò ivà ndi ndàrà ákǎlì-nzo àndu, ndirò nà okùna dǒ, ndipbà kàzu ò. Ní kàzu ìgbè róná ámvò tó osu náahù wò ákǎlì ò rò, ndàpbèlè ndi Pòlò-òtsú-rǒ.

⁴Wò pbanga ǒ bhà itdègu osu àlǎ Pòlò-òtsú-rǒ róbhele ró, ní abádhí adù ɔte òpè nzínzìya ǒ, 'àmbe àtìna dǒ: «Obhó nyú, yàrí ale ní ìndrǔ òkye arí ale. Ádhu nǐ? Kògù idha ǒ rò ìnzǐ ndòvè, ní Kàgàwà bhà làmí nózè nzá kà ràdì nyìkpóna nà!»

⁵Pbétù, Pòlò adù ɔtsúna-ǒnga kèlè nýà, osu ràdù ìtsì kàzu ò, ìnzǐ Pòlò ràdù atdí nzére dhu mà nínè.

⁶Ìndrǔ ambénà Pòlò òdò dǒ, ndíní ì ala tí iwà ɔtsúna òpè ró, ndirò ngǎtsi nǐ iwà ìtsì ndòvè ró. Pbétù, abádhí adò nga ádzita nyú, ìnzǐ 'àdù atdí nzére dhu mà àla Pòlò-rǒ ndi nònzì ró. Nirò ní ndi abádhí adù fíyó irèta ùgèrè, 'àmbe àtìna dǒ: «Yàrí ale ní mǔngǔ-ngba nyú!»

⁷Wò dhu rǐ ndònzì rórò, Mèlità tó sòngà ǒ ádrùngbǎle bhà pbanga ní'ì ìnè kyèròkyèrò. Ndi ale-òvò ní'ì Pùbliyò. Ní àbadhi akò mã àzè nyú nà, ndàdù màbhu mǔnzì ìbhu idho pbi idzá ɔdhina nyú bhěyi.

⁸Ndi Pùbliyò t'ábanà ní'ì andi àlǔ ndi, ndàdù àmbe àyi dǒ ara-dǒ ró. Kǎmbénà àndi dǒ, kàzù rùtò ndi atdíđǒ òna nǎ, ndírò ndàdù àmbe afali òpì dǒ. Ní Pòlò atsù ndàhù kàndà. Kǎdù ndítsò kà-dǒ ɔtsúna ndi ndùli kà-dǒ rórò, wò dhu ràdù kàbhù rògù dòtsí.

⁹Mèlità tó sòngà ǒ andi nà ngǔkpà ale níiwú átò Pòlò-tí'ò, àbadhi ràdù ì nígu.

¹⁰Ní ìndrǔ ìfù mǎ ábhǒ otu nyú ǒ. Ndirò abhi òpè mǎ mí rò, abádhí adù abhi tò mǎ mí atdyúya òho kóró dhu núbho fǎkà.

Pòlò mà rǒwu ùvò Rómà tó kigò ò dhu

(Kas 23.11; Róm 1.9-15; 15.29)

¹¹Ìbhù àbí mǎ mǒnzì Mèlità dhu-dzidǒ, mǎ madù òwu Àlèsàndùriyà tí kátina kigò ǒ bàtò ǒ. Ndi bàtò-ɔvò ní'ì: «Ozo tí ka kódhì mǔngǔ-nzo». Ní ka kalú ka rìdè Mèlità ádrùngbǎ gírì tó kàsùmì ǒ.

¹²Mèlità rò mǎ mùvò bàtò ǒ rò, mǎ mawù ùvò Sìrākusè tí kátina kigò ǒ kífukù ò, mǎdù ìbhù idho nǒnzì ànyìrǒ.

¹³Ndi kífukù ǒ rò mǎ mùvò rò, mǎ mawù idha-igì dǒnǎ, mǒwù ùvò Règiyò tí kátina kigò ǒ kífukù ò. Ní tsútsǎ nínganí mǎ mǒpè abhi rò, mùsùngú dǒnǎ rò rírà awe náapè ndòpìli. Ní óyǒ idho ǒ, mǎ madù òwu ùvò Pùtèolì tí kátina kigò ǒ kífukù ò.

¹⁴Ndi kigò ǒ, mǎ matù iwà Yèsù ná'ù ale. Ní abádhí adù mǒnzì ndínì mǎ mǒnzì tí atdí yengè ì mànà. Nírò ní ndi mǎ madù òwu Rómà tó kigò ò.

¹⁵Ndi kigò ǒ Yèsù ná'ù ale níitdègu mǎ mìwǔ dhu ìrì, ní abádhí adù ìwu mǒdò Àpiyò tí kátina kòbì ǒ rò. Ndirò ngǔkpà ale-tsí náadù ìwu mǒdò Olo tó ìbhù Idza-tí rò. Ní Pòlò níitdègu abádhí àlǎ, ní kǎdù ɔtsò àbhù Kàgàwà tò, afína ràdù ɔbì ɔtsì.

¹⁶Ní Rómà tó kigò ò mǎ mǒwù ùvò rò, ka kadù Pòlò àvi rǎrà òdhò rǒ atdíró yà ndi ndùbho dǒna idza ǒ, atdí mùnowì kèlě ràdù àmbe ngbǒna òdò dǒ.

Pòlò rǐ Kàgàwà bhà Idzi dǒ màkǔrù núnɔ Rómà tó kigò ǒ Pbàyàhúdì tò dhu

(Ìsa 49.5-6; Róm 11.1-11; È`fè 6.19-20; Kò`l 1.24-29)

¹⁷Ìbhù idho ndi ndǒnzì Rómà tó kigò ǒ dhu-dzidǒ, Pòlò unzi Pbàyàhúdì tó ádròdrǒ ale rǐwǔ tina ò. Ní abádhí àndu ì rò, Pòlò adù dhu òvò abádhí tò, ndàti: «Àbanǎnzó, ma mǒnzì nzá atdí nzére dhu mà àlě t'ále rǒ, ndírò àlě t'ábhúna tó màndu rǒ. Pbétù ka kálǔ ma Yèrùsàlemà tó kigò ǒ, kadù mabhù Pbàrómá-fó, ràdù mosò.

¹⁸Ní tsùdú ì òngù dhu dhu-dzidǒ, abádhí ózè 'ìkòlò ma inzà ì àla yà ima nóhò ka kádù dǒnà atdí afátá mà nídhunǐ.

¹⁹Pbétù, Pbàyàhúdì adù nzá kǒkò ale ùnò dhu ná'ù. Ní ma mǎdù dhu àla dhu rǎkǎ monzì kámá dǒ ádrùngbǎ kamà, ndínì ànyǎdu núnɔ tí. Ndirò, pbàkà ìrèta ní'ì nzǐ mǒbhù pbàkà pbìrì ǒ bhà.

²⁰Kòní wò dhu-okú dò rò nga ní ndi, ma mòzè mala nyǐ, madù dhu òvò fǔkù nǐ. Obhó tí, ma mí'ì yàrí imbi ò yà Pbàìsràyélì arí atdyúna òho 'àla ale-okú dò rò.»

²¹Ní, kǒkò P̀b̀ỳàh̀údí tó ádròdrǒ ale adù dhu òvò P̀òlò tó 'àti: «Yùdeyà tó p̀b̀ìrì ò rò mà mákò nzá p̀b̀ùkù dhu dǒ róte atdí bhàr̀wà mà. Ndirò, àlě t'ádóna nzínzi ǒ rò, atdí ale mà nírà nzá atdí nzére dhu mà náwe dùnú fàkà.

²²P̀b̀étù, mà mòzè m̀r̀ì nyi nyú nyi nyáwěna p̀b̀ùkù irèta. Obhó tí, mà m̀ǹni dhu ní kóró ngari ònà ìndrù r̀ì nzére dhu àwě nyi nyarí'ì ònà sòmà dǒ dhu.»

²³Wò dhu-dzidǒ, kǒkò ádròdrǒ ale adù idho òkò, ndíní ì otú tí ì ònà P̀òlò nà kǎròdhò ró. Ní ndi idho àkǎ rò, ábhǒ ale nyú náadù iwu, 'iwù P̀òlò òtù ányìrǒ. Ní P̀òlò apè ote ì ale tò, ròpè ndi kùtsingá nga ò rò, r̀àrà àhu p̀b̀ìtsònga nga ò. Àbadhi ambénà dhu àwe dǒ abádhí tò òr̀ù-akpà ǒ Ádr̀ungbǎ kamà Kàgàwà bhà Idzi dǒ. Ndirò kǎnè dhu ndíní kǒkò ale náa'u tí Yèsù, yà abádhí tò ndi ndáwěna Músà bhà Úyátá ò ka kándí ote mà, Kàgàwà bhà p̀b̀ànábí tó bhùkù ò ka kándí ote mànà-otù ǒ.

²⁴Abádhí nzínzi ǒ atdídhená ale náa'u P̀òlò r̀ǹona dhu, p̀b̀étù ngùkpà-tsí náadù nzá kà'ù.

²⁵Wò dhu bhèyi ní ndi abádhí iri nzá ì nzínziya ǒ. Ní abádhí r̀ì dhu ònzi ì adù tí ì rò, P̀òlò adù dhu òvò tdítǒ abádhí tò, ndàti: «Kàgàwà bhà Ìl̀l̀à-Alafí núuno obhó dhu nyú yà abhùku tò kǎvò dhu Kàgàwà bhà nabì Ìsayà-otù ǒ rò!

²⁶Kàti Ìsayà nǐ kà r̀àrà kǒkò ale-tí'ò, ndàdù dhu òvò f̀ỳò, ndàti: Kàgàwà r̀àtina: «Nyí nyí inga nírì iri mbèyi nyú, p̀b̀étù ìnzí yà nyí nyirì dhu r̀àdù dùku àlu akèkpá màtí. Nyí nyí inga nándà àndà mbèyi nyú, p̀b̀étù ìnzí nyàdù atdí dhu mà nála.

²⁷Obhó tí, atdí dhu mà náarí nzí k̀àr̀ì ale-afí-ngbò núbèlè. Abádhí núrì b̀ỳa, ndirò abádhí núp̀b̀ì nyìkpóya, akye ì alana nga nǐ, akye ì irina nga nǐ, ndirò akye dhu alána d̀ỳa,

'adù 'ùgèrè 'ùbhà f̀ỳó nzérenga, madù ì nígu nǐ.»

²⁸P̀òlò adù ote ùtsà, ndàti: «Dhu àkǎ nyùni dhu ní, Kàgàwà rívi wò ògù tó ote ìnzí ní P̀b̀ỳàh̀údí tò. Ní ì ìnzí ní P̀b̀ỳàh̀údí r̀ì ndi ote nírì iri.»

[²⁹P̀òlò itdègu wò dhu ùnò, ní P̀b̀ỳàh̀údí adù 'ìv̀à 'òwù atdíǒ ì 'í 'àgò nzínziya ǒ r̀òr̀ò.]

³⁰P̀òlò anzí óyǒ ato nyú wò d̀ona ndi ndubhò ndòngò òdhò ònà idza ǒ. Ndirò, kǒngónà yà ndàndà iwù kóró ale àkò ányìdzá rò.

³¹Ndirò, àbadhi aránà òr̀ù-akpà ǒ Ádr̀ungbǎ kamà Kàgàwà bhà Idzi tó màkùr̀ù núnò r̀ǒ ìndrù tò, ndàdù dhu nùdhe abádhí tò Ádr̀ungbǎle Yèsù Krístò dǒ, ìmbà ònà ǒdó na, ndirò ìmbà tsùna nútò rí dhu r̀ì'ì r̀òr̀ò.

Pbàrɔmà

Pbàrɔmà 1

Pɔlò rĭ Rɔmà tó kigò ǔ pbàkrístò nóvì dhu

(Tít 1.1-4)

¹Ima Pɔlò, Yěsù Krístò bhà inɔ-akpà ní ndi yàrí bhàruwà ma màndí. Kàgàwà ánzì ma mì'ì Yěsù bhà uvitatále tí, ndàdù mɔpì ndíní ma muno tí pbìndà Ídzì Mákürù ìndrù tò.

²Ndi Ídzì Mákürù tó làká kǎkò angyangyi pbìndà pbànábí-otù ǔ Ĩlĭlǎ-Andítá ò .

³Ndi Mákürù rǔte dòná ale ní kà t'Ídhùnà, yà ádrùngbǎ kamà Dàwudì-dhú nzínzì ǔ ka kugù ìndrù tó ófò ǔ ale.

⁴Ndirò, Ĩlĭlǎ-Alafí nítè ka ádrùngbǎnga tó ɔbi nyú nà Kàgàwà t'Ídhùnà tí, yà kǐngbè ndi ɔve-bvù rò dhu-otù ǔ. Ndi kà t'Ídhùnà ní àlě tó Ádrùngbǎle Yěsù Krístò.

⁵Ndi Krístò-otù ǔ, mǎ mábà Kàgàwà bhà ídzìnga mǐ'ì uvitatále tí, ndíní mǎ mabhù tí kǔvò kilè, yà mǎ mí kóró pbìrì ǔ ale ùnda rà'ù ka, ràdù kífù dhu-otù ǔ.

⁶Nyĭ mà átò, nyĭ ní i ale nzínzì ǔ ale, yà Kàgàwà únzì nyĭ ndíní nyĭ nyĭ'ì tí Yěsù Krístò bhà ale tí rò.

⁷Ma màndí dhu fùkù kóró yà atdíǔ Kàgàwà ózè nyĭ, nyǎdù ì'ì Rɔmà tó kigò ǔ rò. Kǎnzì nyĭ nyĭ'ì pbìndà ale tí. Ní ndi àlě t'Ábanà Kàgàwà mà, àlě tó Ádrùngbǎle Yěsù Krístò màná náká 'àsò nyĭ, 'àdù nyǎbhu nyòkò màrùngà ǔ.

Pɔlò òzè ndàrà Rɔmà ǔ pbàkrístò-ngbò àla dhu

(Rɔm 15.23-32; 1Tè` 1.1-3; 3.7-13)

⁸Wemberè tí, ma màbhu òtsò pbàkà Kàgàwà tò okúku dò rò kóró, Yěsù Krístò-ɔvò rǔ, fùkù a'uta tó màkürù núndò ndi yà adzi ǔ kóró ngari ònǎ nídhunĭ.

⁹Ndi Kàgàwà, yà ma marí kàsùna ònzì kóró afidu nà kà t'Ídhùnà bhà Ídzì Mákürù t'únɔta-otù ǔ ale, ní ndi yàrí dhu tó ngàmbì: ma marí nyĭrè bìlingànà,

¹⁰kóró kàsùmì ǔ ma mí mitsò rò. Ma mí mitsò, Kàgàwà òzè nĭ, kà ràngbe otu idù marà àhu bvùkù ìnzá òtrò idho ǔ.

¹¹Obhó tí, atdyúdu rĭ'ì atdíǔ mala ngbǔku, ndíní ma mabhù tí Ĩlĭlǎ-Alafí bhà rò rírà perè fùkù, nyǎdù ɔbi òtsì fùkù a'uta ǔ.

¹²Kà-tì ní, bvùkù ma màrà àhu rò, ma mí afiku àbhù ròtsì ɔbi pbàkà a'uta nĭ, ndíní nyĭ nyadù tí afidu àbhu ròtsì ɔbi átò fùkù a'uta nĭ.

Ídzì Mákürù ní Kàgàwà arí ìndrù ìgǔ nĭ ɔbi dhu

¹³Ábanĭnzó, ma mòzè nyĭni dhu: ibí-gùna nyú ma rúbhì dhu ùdhe rǔ marà fūrǎbvù, ndíní pbàkà kasu nóɔdhi tí itse abho nzínziku ǔ, àdhàdhi kǔdhi ka ngǔkpà ìnzĭ ní Pbàyàhúdì nzínzì ǔ dhu bhèyi. Pbétù rírà àhu kòmbì nga ò, ma màdù tsùdu ùtò rĭ dhu nábà.

¹⁴Obhó tí, dhu àkă marà kóró ale-tidò-bvù: ma màkă marà yà inga nùni ale-bvù ndirò inzà inga nùni ale-bvù, dhu nózù ale-bvù ndirò inzà dhu nózù ale-bvù.

¹⁵Ndi dhu-okú dò rò ní ndi, atdyúdu rí'ì atdídǒ munò Ídzì Mākūrù átò fūkù Rómà tó kigò ǒ nyí nyí'ì rò.

¹⁶Obhó tí, nyìdu rí nzi ìwù Ídzì Mākūrù-okú dò rò. Ka ní ndi Kàgàwà bhà ádrùngbǎnga tó ɔbi, yà Kàgàwà arí kóró ale Yēsù Krístò ná'ù nígǔ nǐ, ròpè ndi Pbàyàhúdì rǒ rò, ràrà àhu ìnzì ní Pbàyàhúdì ɔ.

¹⁷Obhó tí, wò ndi Ídzì Mākūrù ní ndi arí Kàgàwà rí ìndrǔ ɔzù obhónángatále tí nyìkpóna ǒ òná otu ìtè. Ndi obhónánga nába ka karí a'uta-otù ǒ tí. Ndirò, ka kádù kàbà òná ngǎtsi otu rí'ì mbǎ. Àdhàdhì yà Andítá náarúnɔna dhu bhèyi: «Obhónángatále tí Kàgàwà ɔzù pbìndà a'uta-otù ǒ ale rǎdù ípìrǒnga nába .»

Ìndrǔ ní nzéréngatále dhu

(Zàb 81.12-13; Ìsa 44.9-20; È fè 4.17-19; 1Pé 4.3-5)

¹⁸Òrù-akpà ɔ rò Kàgàwà rí dhu ìtè ndi rarí'ì nàwí nà ndi nódhò ale, yà nzérénga ɔnzi arí rǒ. I ale ní yà obhónga tó otu-tsù ùtò arí fíyó nzérénga nǐ ale.

¹⁹Obhó tí, Kàgàwà dǒ ka kádù ùninà dhu rí'ì kpangba abádhí tò, Kàgàwà nyú nditírò nítè ka kpangba abádhí tò dhu-okú dò rò.

²⁰Obhó tí, ìmbǎ dhu rí'ì ìnzì ka karí Kàgàwà-wòyǒ àlǎ yà adzi kǎnzìna rò dhu màtí, ní kàbhà dhòdhóhónga tó ádrùngbǎnga tó ɔbi mà, Kàgàwà tí kǎrí'ì dhu ìtè rí dhu màná, náarí 'àlǎ kpangba yà kǎnzì dhu-otù ǒ. Ní ndi dhu-okú dò rò, abádhí rǎdù 'ùgyè okúna dò rò dhu rí'ì ìmbǎ inzà ì ìfù ka rò.

²¹Obhó tí, iwà ì ùni Kàgàwà rórò, abádhí arí nzi kífù Kàgàwà ìfù ka kàmbènà dhu bhèyi, ndirò abádhí arí nzi ɔtsò nábhù kà tò ɔtsò àkànà kabhu Kàgàwà tò dhu bhèyi. Pbéù, abádhí àdù òngo àkyàkyè ale tí fíyó irèta ǒ, ndirò abádhí-afí yà ìnzì rí dhu àlǎ nádù àdi ìnò ǒ.

²²Yà ì í 'òzù dhu-ǒnga t'òvòtatále tí rò, abádhí àdù òngo ìmbǎ tǐya nà ale tí.

²³Ádrùngbǎnga tó awáwù nà arí'ì Kàgàwà, yà dhòdhóhónganà arádi ale nùlè ì àmbènà rò, abádhí arí yà ɔvè rǎdù ɔvè ale tó ɔfò ǒ ka kòbhòlò dhu mà, àrè mà, ìfífó pfǒya nà ìzǎ mà, ɔya dǒ arí 'àdha ìzǎ màná-wòyǒ nùlè.

²⁴Ndi dhu-okú dò rò ní ndi, Kàgàwà úbhà abádhí ràmbe afíya ózè nzére dhu ɔnzì dǒ, ndi dhu rǎdù àmbe ngbǒya ìti dǒ ale-nyì ríwù nǐ ɔfò ǒ.

²⁵Abádhí arí Kàgàwà bhà obhónga núwǔ títò nǐ, 'àdù àmbe Kàgàwà anzì dhu ùlè dǒ 'àdù kasu ɔnzì fíyò, ì dhu nanzì Kàgàwà ùlè ì àmbènà rò. Ilèta àkă kabhu ndi Kàgàwà tò tí dhòdhóhónganà! Àminà.

²⁶Ndi dhu-okú dò rò ní ndi, Kàgàwà úbhà abádhí rònzì yà abádhí-afí ózè 'ònzì ale-nyì ríwù nǐ dhu. Abádhí tó vèbhále mà nùgèrè fíyó kpabhále màná ì àmbènà ɔnzina dhu, 'ùwù ìnzì arí 'ònzì dhu-tidò nǐ, 'àmbe ɔdhò dǒ ì nà nzínziya ǒ vèbhále tíró.

²⁷Ndi dhu bhëyi tí, kpabhále mà nùgèrě kpatsìbhále mà tsìbhále mà nà arónzina nzínziya ǒ dhu, 'àdù àmbè atdyúya òhò dǒ nzínziya ǒ kpabhále tírò. Abádhí arí ale-nyì rǐwù nǐ dhu ònzi nzínziya ǒ, ndi dhu ràdù abádhí àbhu ràbà fǐyó uwítá nà àkǎ mùkìmbà nyuyatsì.

²⁸Ndi dhu bhëyi ní ndi, wò abádhí úvǒ ì ìnzǐ ì ifu tí Kàgàwà dhu-otù ǒ, Kàgàwà úbhà abádhí rǒngò ìmbǎ tǐya nà fǐyó ìrèta-owù ùngu, ndí nǐ abádhí ǒnzi tí ìnzǎ àkǎnà ì rǒnzi dhu.

²⁹Abádhí ùlè ùlè tí kóró nzérenga-tidò mà, nzére dhu-tidò mà, ǒdhiya-fó rǐ'ì dhu dǒ ì ì afíya ùlǐ dhu mà, òrù mà, adha mà, abvo t'ókyaeta mà, anya t'ónzita mà, utrátá mà, akye ì ì dhu ònzi dhu mà, ǔdhútá mà nà nǐ.

³⁰Abádhí ní tìtò ùnǒ arí ìndrǔ dǒ ale, Kàgàwà rǒ òmvǔ, ìnzǐ arí ìndrǔ ìfǔ ale, 'ìdzǐ arí ìtírò ale, ndirò 'òyò arí ale. Abádhí ní nyìkpóya úbho nzére dhu t'ónzita rǒ ale, ndirò ìnzǐ arí ì nódhì ale-tsǔ dhu ìrì ale.

³¹Abádhí rǐ mbǎ inga t'ìrèta tó ale-afí nà, abádhí rǐ'ì mbǎ yà ì òkò fǐndá làkǎ dhu t'ónzita tó ale-afí nà, abádhí rǐ mbǎ àzè tó ale-afí nà, ndirò abádhí rǐ mbǎ izu àbà ka kí ìndrǔ dǒ nǐ ale-afí nà.

³²Iwà màtí ì ùnì dhu, Kàgàwà bhà obhónánga tó uyátá rarátina, kǒkò dhu-tidò ònzi arí ale ràkǎ 'ùve ùvǐ tí rórò, abádhí arí ì dhu-tidò ònzi, 'àdù ì dhu-tidò ònzi rí ale rǒnzina dhu à'ù à'u tí.

Pbàrǒmà 2

Kàgàwà arí ìndrǔ-ànyǎ ùnǒ obhónánga dǒ dhu

(*Ovt 12.13-14; Mát 7.1-5; Kas 10.34-35; Rǒm 14.10-12*)

¹Ní ìnyi, yà nyi nyíli nyi nyongò kǒkò nzére dhu-tidò nǒnzi ngǔkpà ale-ànyǎ ùnǒ rò, nyi nyí mbǎ nyi nyádù nyugyè okúna dǒ rò dhu nà, ìmbǎ nyi nyí àdhi pbá ale màtí. Obhó tí, nyi nyarí ngǔkpà ale-ànyǎ ùnǒ, pbétù nyadù ì ale ònzi dhu-tidò kèlǐ nǒnzi. Ní ngǎtsi ale-ànyǎ ùnǒ nyi nyí rò, nyi nyòtdì wà ànyǎnu nyitírò.

²Àlǐ kùni wà dhu Kàgàwà rarí anya ìtdì kǒkò dhu-tidò nǒnzi ale-dǒ obhónánga dǒ.

³Ní ìnyi, wò ngǔkpà ale-dǒ nyi nyarí anya ìtdì yà átò nyi nyarónzina dhu-tidò dǒ rò, nyi nyirè tí nga obhó nyú ùwa nyi rǎrǐ nyuwa Kàgàwà rǐ anya òtdì dùnú dhu ǒ rò?

⁴Nyi nyàla tí Kàgàwà bhà ìdzìnga tó ábhǒnga mà, kǎrì dhu-dzi òndù dhu mà, ádzǐ afína nà kǎrì'ì dhu mà nà dhu ìmbǎ tǐya nà dhu tí? Nyi nyùni tí nzá dhu kàbhà ìdzìnga rǎrǐ ìnè ndàbhu nyi nyugèrè nyi, nyubhà pbùkù nzérenga?

⁵Pbétù, ìnyi ní afína aró'ò odú ale, ndirò ìnzǐ arí afína ná'u ndùgèrè ndùbhà pbìndà nzérenga ale. Ní ndi dhu-okú dǒ rò, nyi nyìdhà wà Kàgàwà bhà ábhǒ nàwí dùnú, kà rǐ ndi pbìndà nàwí mà pbìndà obhónánga tó anya t'únǒta mà nà ìtè òná idho tò.

⁶Ndi nínganí, kùbhòya ìngbàtí ìli ndi ale mà ndi ale bhà kasu-bvu nyú rǒ.

⁷Kàgàwà abhùya dhòdhódhónánga tó ìpìrǒnga yà ìdzìnga t'ónzita tó ì ádzi ì dhu-otù ǒ arí ìlèta mà, ifuta mà, dhòdhódhónánga tó ìpìrǒnga mà nà òne ale tò.

⁸Pbétù, kítèya inzà idhèna ìka ndì dhu mà pbìndà ádrùngbà nàwí mànà kàkà afíya òzè dhu kèlě ònzi arí ale tò kóró. I ale ní kàkà kàbhà obhóngà àgò arí 'àdù 'ùbhà nzérenge-òbì ròsè dòya nà ale.

⁹I ale kóró yà nzére dhu ònzi arí, náabáya àpbè mà ádrùngbà izu mànà: wemberè tí ka nabáya ní Pbàyàhúdí, ndì dhu-dzidő adùya kàbà ní ìnzí ní Pbàyàhúdí.

¹⁰Pbétù, ìdzì dhu ònzi arí ale kóró náabáya ilèta mà, ifuta mà màrùngà mànà: wemberè tí ka nabáya ní Pbàyàhúdí, ndì dhu-dzidő adùya kàbà ní ìnzí ní Pbàyàhúdí.

¹¹Obhó tí, Kàgàwà arí nzí ìndrű-ònga òvò.

¹²Kóró ìnzí ní Pbàyàhúdí, kàkà inzà ì ùni Músà bhà Úyátá rórò arí nzérenge ònzi ale, núuvèya inzà Kàgàwà ìtdì ànyàya ndì Úyátá nǐ rórò. Pbétù, kóró Pbàyàhúdí, kàkà iwà ì ùni ka rórò arí nzérenge ònzi ale, nányà Kàgàwà ìtdìya òbì nyú nà ndì Úyátá nǐ.

¹³Obhó tí, ìnzí ní Músà bhà Úyátá ìri arí ìri tí ale ì obhónángatále tí Kàgàwà arózùna nyìkpóna ő, pbétù ndì Úyátá ùnò dhu nífű arí ale ní ì obhónángatále tí kǎròzùna.

¹⁴Dhu apé 'ì ìnzí ní Pbàyàhúdí, kàkà inzà Músà bhà Úyátá núni ale, náarí ndì Úyátá àvi dhu ònzi ràhu òyà rò ìtírò rò, inzà màtí ì ùni ndì Úyátá rórò dhu tí, ní dhu ròlo ìnè abádhí rǐ'ì ndì Úyátá nà nyuyatsi dhu bhèyi.

¹⁵Ndì otu ő, abádhí ìtè dhu, Úyátá àvi kònzì dhu rùndí wà ì afíya ò. Abádhí-afí ní ndì dhu tò ngàm̀bì. Ndirò abádhí tò ìrèta ìtírò rǐ abádhí òbhu, ndirò ngàtsi nǐ kà rǐ ndùgye abádhí dő.

¹⁶Kòrí ní ndì ì nònzìya yà Kàgàwà rǐ ìndrű arí ùruna òdhű ò dhu-ànyà ùno ònà idho ő dhu. Kònzìya ndì dhu Yèsù Krístò-otù ő, àdhàdhì yà ma maròvona ìndrű tò Ídzì Mākűrű náarúnona dhu bhèyi.

Inzá Pbàyàhúdí nífu Úyátá dhu

¹⁷Inyi Mùyàhudì tírò, nyi nyípbì nyi Úyátá rő nyadù àmbe nyoyò dő pbùkà Kàgàwà-okú dò rò.

¹⁸Nyi nyùni wà kòzè kònzì dhu, ndirò nyi nyí'ì ìnè nyovò ìdzì dhu tí rí'ì dhu, iwà Úyátá ábhu ka nyuni dhu-okú dò rò.

¹⁹Nyi nyà'ù nyi nyi ràrǐ ndùmùndúmú ùnda arí ale nyú, ndirò nyi ràrǐ'ì àdhàdhì awáwù bhèyi kàkà ìnò ò rí'ì ale tò.

²⁰Nyi nyà'ù nyi nyi ràrǐ inzà nga núni ale núdhő arí rùni nga ale nyú, ndirò nzónzo tò arí dhu ùdhě màlimò, Úyátá ábhu nyi nyuni nga mbèyi nyú, nyadù obhó dhu tí rí'ì dhu ùni dhu-okú dò rò.

²¹Nirò inyi, yà ngűkpà ale tò nyi nyarí dhu ùdhě rò, ádhu ìnzí nyi nyádù dhu ùdhe ìndù nyítírò nǐ? Inyi, yà nyi nyarí dhu ùdhě inzà dhu rākà kònzì ogbo rò, ní ádhu nyi nyarí ogbo ònzi nǐ?

²²Inyi, yà nyi nyarí àtina inzá dhu ràkă kônzi m̀nyòni rò, ní ádhu nyi nyarí m̀nyòni ònzi ní? Inyi, yà nyi nyóndrò s̀anamù rò, ní ádhu nyi nyarí abádhí nùlě ka karí òyá rò sòmă-dzà ǒ dhu núwě ní ?

²³Nyi nyarí nyidzi, nyambe àtina dǒ iwà nyi r̀ni Uyatá, pbétù nyadù Kàgàwà-nyi àbhu r̀wù inzı nyi nyi ndi Uyatá ùnò dhu ifũ rò!

²⁴Obhó tí, àdhàdhì Hlǎ Andítá ò ka kándi P̀yàhúdí dǒ dhu bhëyi: «Okúku dò rò, inzı ní P̀yàhúdí rı dhu ùnò nzere nyú Kàgàwà ní .»

²⁵Obhó tí, onzinúnga òbhòlo ka kí dhu rı'ı ídzi dhu tí indù M̀yàhudì tírò , Uyatá ùnò dhu ifũ nyi nyapé rò. Pbétù, inzı nyi nyapé Uyatá ifũ, ní nyi nyi mbă iwà ka kóbhòlò onzinúnga dhu màtí, ní ka kòzù wà nyi inzı ní M̀yàhudì, yà inzá ka kóbhòlò onzinánga ale tí.

²⁶Ndirò inzá ka kóbhòlò onzinánga ale náapé Uyatá núnò dhu ifũ, ní Kàgàwà tí nzı àdù kòzù pbìndà ale nyú, yà iwà ka kóbhòlò onzinánga ale tí?

²⁷Ndi ale, yà Uyatá ùnò dhu nifu ní rı ndi ànyãnu òtdi, inyi M̀yàhudì yà inzá nyi nyifu Uyatá rò. Ndi ale òtdiya ànyãnu iwà màtí nyi nyuni Uyatá ò ka kándi dhu, ndirò iwà ka kóbhòlò onzinúnga rórò tí.

²⁸Obhó tí, obhó M̀yàhudì ní nzı yà ngbõna ònă rò tí ka kálana M̀yàhudì tí ale. Ndirò obhó nyú ka kí ale-ònzınga òbhòlo dhu ní nzı yà ale-ngbò rǒ ka kònzı r̀ala ndi kprangba dhu.

²⁹Pbétù, obhó M̀yàhudì nyú ní nyunatsină rò rı'ı M̀yàhudì tí ale. Ndirò obhó nyú ka kí ale-ònzınga òbhòlo dhu ní yà indrũ-afí ònă rò ka kí ale òbhòlo Kàgàwà-ònzı dhu. Kònzı arı ní Hlǎ-Alafí, inzı ní yà Uyatá ò ka kándi dhu ifũ ka kí dhu. Obhó M̀yàhudì r̀adù pbìndà ifuta àbà Kàgàwà-ti'ònă rò, inzı ní indrũ-ti'ònă rò.

P̀bàrɔmà 3

¹Nirò, M̀yàhudì tí ka kí'ı dhu nùdà inzı ní M̀yàhudì tí ka kí'ı dhu àdhu ní? Ndirò, ale-ònzınga òbhòlo ka kí dhu tó ídzınga t'ınè ı'ı?

²Inè M̀yàhudì tí ka kí'ı dhu rı'ı ádr̀ngbă ídzınga nyú nà kóró ófò ǒ. P̀yàhúdí-fó nga ní ndi Kàgàwà abhù àndi ka kándi pbìndà Ote angyi ní.

³Nirò, àlě kí àdhu ùnò? Dhu apé ı'ı atdídhená ale abádhí nzınzi ǒ nífu nzá yà Kàgàwà m̀anà ı ungbò ı rò ı akò làkà dhu tí, ní ndi dhu itè tí dhu Kàgàwà r̀arı ndi ndùnò dhu ùbha inzı ndifu?

⁴Inzı akεkpá màtí! İmbă dhu rı'ı kóró ale narı t̀tòtále dhu màtí, ní wò dhu rı nzı ndùvò Kàgàwà rǒ inzı rı'ı obhó dhu ùnò arı ale tí, àdhàdhì Hlǎ Andítá ò ka kándi kà-dǒ dhu bhëyi. I Andítá r̀atına: «Kóró ale rı nyunı Obhónángatále tí òtënu ǒ. Ndirò nyi ka kóbhù rò, nyi nyi dhu lèmə ònzi ònzi .»

⁵Pbétù, dhu apé ı'ı inzá àlě kifu yà àlě kakò làkà dhu-otù ǒ Kàgàwà àla ndi rı'ı Obhónángatále tí dhu dhu tí, nirò àlě tí àtina Kàgàwà r̀arı imbă obhónánga nà, àlě ndi ndàbhù àlě r̀abà àpbè pbìndà nàwí-lú rò? (Ma móte indrũ tó ófò ǒ.)

⁶ Ìnzì akekpa màtí! Obhó tí, ìmbà Kàgàwà ì'ì obhónánga nà rò, kàmbènà yà adzi ò ale-ànyà ìtdì ìngbà dhu bhèyi?

⁷ Pbéù, dhu apé ì'ì pbàkà títò, ima Mùyàhudì tírò-otù ò , Kàgàwà bhà Obhónga àla ndì, kadù Àbadhi ilè atdí dō ròsè dhu tí, nírò ádhu tdítdō ka kádù anya òtdì dùdù nzérenatále bhèyi nǐ?

⁸ Kǎpé ì'ì ndi dhu bhèyi, nírò dhu àkǎ tí àlě ràti: dhu àkǎ àlě rónzì nzére dhu, ndínǐ ídzìnga ahù tí nyunatsì rò? Obhó tí, atdíthená ale rǐ'ì ìnè mǔdhǔ arí 'àmbe àtìnà dō, mà raróte ndi dhu bhèyi. I ale àkǎ Kàgàwà rìtdì anya dōyá.

Ìmbà obhónángatále rǐ'ì Kàgàwà-ònzì dhu

⁹ Nírò, ádhu àlě kǎkǎ àlě rùnò? Àlě Pbayàhúdì tírò, àlě kùdà ìnzì ní Pbayàhúdì ádhu nǐ? Àlě kùdà nzá abádhí atdí dhu nǐ màtí! Obhó tí, ma mìtè wà dhu, Pbayàhúdì mà ìnzì ní Pbayàhúdì mànà kóró rǐ'ì nzérenga bhà obi-tsìnǎ.

¹⁰ Àdhàdhì yà Ìlǐlǎ Andítá ò ka kandí dhu bhèyi: «Ìmbà atdí ale mà rǐ'ì obhónángatále tí!

¹¹ Ìmbà pbìndà irèta rǐ dhu àlǔ atdí ale mà rǐ'ì. Ìmbà Kàgàwà òne rǐ atdí ale mà rǐ'ì.

¹² Kóró ale úbhà wà Kàgàwà bhà otu, kóró ale úwǐ wà. Ìmbà ídzì dhu ònzì arí ale rǐ'ì. Ìmbà rǐ'ì atdí màtí.

¹³ Abádhí-li'ò rò ráhu òte ní òngu róngu, àdhàdhì lina'ò ka kàngbe abvo ka kótdù ònà íbhu ò rò ráhu abvo-dzi bhèyi. Abádhí-idà-dò ní títò t'únòta tó. Abádhí-li'ò rò ráhu òte ní atdí dō rǐ'ì obi nà àdhàdhì osu-dyádyà bhèyi.

¹⁴ Abádhí-li'ò nálè àlè tí ofúngá mà ògyögyè òte mànà nǐ.

¹⁵ Abádhí-pfò rǐ'ì isó nyú òtsè azu ùfù.

¹⁶ Abádhí rǐ dhu ìnzǎ, 'àdù ìndrǔ ùbhà àpbè ò ì ùdà ònà kóró ngari ònǎ.

¹⁷ Abádhí úni nzá màrùngà ìbhò rádù otu.

¹⁸ Ndirò, abádhí arí nǐ Kàgàwà-òdò ònzì akekpa màtí .»

¹⁹ Nírò, mà múni wà dhu Úyátá ùnò dhu kóró ní kà rùnò ndi Úyátá-tsìnǎ arí'ì ale tò, ndínǐ ìngbàtí ìlì ndi ale mà-tsù nutsi tí, ndirò ndínǐ ka kuni tí yà adzi ò ale kóró afátátále tí Kàgàwà-ònzì.

²⁰ Ndi dhu-okú dò rò ní ndi, obhónángatále tí Kàgàwà rǒzùna Úyátá nífù dhu-okú dò rò ale rǐ'ì mbǎ. Obhó tí, Úyátá arí ìndrǔ dzùnà ònzì rùnì iwà ndi ndònzì nzérenga dhu kèlě.

Kàgàwà arí ìndrǔ òzù obhónángatále tí ònà ófò

²¹ Pbéù kòmbí, Kàgàwà itè wà ndi ndádù ìndrǔ òzù obhónángatále tí ìnzá ka kípbi ale Úyátá rǒ rórò ònà otu. Úyátá mà pbànábí tó andítá mànà nítè wà ndi dhu.

- ²²Kàgàwà arí ìndrù òzù obhónángatále tí Yèsù Krístò ka kà'ù dhu-otù ǎ. Ndi otu Kàgàwà ángbe kóró ale yà Yèsù ná'ù tò. Obhó tí, abádhí ùdà ì nzínziya ǎ nǐ dhu rǐ'ì mbǎ.
- ²³Obhó tí, kóró ale ónzì nzérenga, 'àdù Kàgàwà bhà Ádrùngbǎnga tó awáwù ò ì ótsù dhu-fàngǎ níwi.
- ²⁴Pbétù, pbìndà ídzìnga ǎ, Kàgàwà ózù àlě obhóngatále tí tírǒrò, yà àlě núwu nzérenga ǎ rò Yèsù Krístò-otù ǎ.
- ²⁵Krístò ní ndi Kàgàwà ípfo rǐ'ì nzérenga t'úbàta tó perè tí azùna-otù ǎ, kà'u rí ale tò. Kàgàwà ónzì dhu ndi dhu bhěyi ndíní obhónángatále tí ndi ndí'ì dhu nitè tí. Angyinǎ rò Krístò tò, Kàgàwà ùbhà ìndrù tó nzérenga-ànyǎ ìnzǐ ndòngò ìtdìnà.
- ²⁶Kǐ'ì dhu-dzi t'òndùta tó afína nà. Ní Krístò bhà ɔve-otù ǎ, Kàgàwà rǐ dhu ìtè kòmbí rǐ'ì kàsùmì ǎ átò, ndi rǎrǐ obhónángatále, ndàdù Yèsù ná'ù ale òzù obhónángatále tí.
- ²⁷Nírò, ale òyò ka kí okúna dò rò dhu t'í'ì ìnè? Ìmbǎ rǐ'ì atdí màtí! Ádhu-okú dò rò? Àkǎkǎ dhu ní nzǐ Uyatá ìfǔ ka kí dhu, pbétù Yèsù à'u ka kí dhu dhu-okú dò rò.
- ²⁸Obhó tí, àlě kàla wà dhu, Kàgàwà rǎrǐ ìndrù òzù obhónángatále tí a'uta-otù ǎ, ìnzǐ ní Uyatá ìfǔ ka kí dhu-otù ǎ.
- ²⁹Kàgàwà tí Pbàyàhúdí tó Kàgàwà kèlě? Ndirò Ka tí ìnzǐ ní Pbàyàhúdí tó Kàgàwà átò? Obhó nyú, Ka ní ìnzǐ ní Pbàyàhúdí tó Kàgàwà átò,
- ³⁰atdí tí Kàgàwà arí'ì dhu-okú dò rò. Ndirò Ka ní ndi Pbàyàhúdí mà ìnzǐ ní Pbàyàhúdí mànà nɔzúya obhónángatále tí a'uta-otù ǎ ale.
- ³¹Nírò, wò dhu-tì tí àlě ròbvù wà Uyatá a'uta-okú dò rò? Ìnzǐ ní ndi dhu bhěyi! Pbétù, ìdì tí nga ní ndi àlě kìdì Uyatá nǐ.

Pbàrɔmà 4

Àbràhamù ní Pbàyàhúdí mà ìnzǐ ní Pbàyàhúdí mànà t'ábanà dhu

(Uvt 15.5-6; Zàb 32.5-7; Gàl 3.6-9,29)

- ¹Nírò, ádhu ndi àlě kǎkǎ àlě rùnò Àbràhamù, ale-ngbò ònǎ rò àlě t'ábhunà rǒ ndi nanzì dhu dǒ?
- ²Dhu i'ina gukyè Kàgàwà azù Àbràhamù obhónángatále tí nyìkpóna nòfò dhu ònzì kà rǐ dhu-okú dò rò dhu tí, ní kǐ'ina ìnè ndìdzǐ ndi. Pbétù, Kàgàwà-ònzǐ kà rǐ'ì mbǎ ndi dhu bhěyi.
- ³Obhó tí, Ìlǐlǎ Andítá rǎtina: «Àbràhamù náa'u Kàgàwà ùnò fìndà dhu. Ní Kàgàwà adù kòzù obhónángatále tí ndi a'uta-okú dò rò .»
- ⁴Àlě kùnì wà dhu, kasu nònzì ale tò ka rǎrǐ nzǐ àdù mùkìmbà òzù tírǒrò ka kàbhu kà tò dhu tí, pbétù ka ní àkǎkǎnà kà rǎbà kàsùna-okú dò rò dhu.
- ⁵Kìrè pé atdí ale, yà ìnzá atdí dhu mà nónzì ndíní Kàgàwà níngú tí ndi, pbétù ndàdù Àbadhi kèlě ná'ù. Ní Kàgàwà, yà nzérengatále nózù arí obhónángatále tí ale, rǎdù ndi ale bhà a'uta òzù dhu tí, ndàdù ndi ale nózù obhónángatále tí.

⁶Ndi dhu bhëyi ní ndi ádrùngbã kamà Dàwudì rǐ dhu òvo yà Kàgàwà ózù obhónángatále tí, inzá ndi ndàndà nga kàsũna nà rórò ale ònzì hirò dhu dǒ.

⁷«Hirò nònzì ale ní fǐyó afátá Kàgàwà úbà ale, yà fǐyó nzérenga kíndò ale.

⁸Hirò nònzì ale ní yà inzá Ádrùngbãle Kàgàwà ózù pbìndà nzérenga ale .»

⁹Ndi hirò ònzì rí ale tí Pbàyàhúdì, yà onziyánga ka kóbhòlò ale kèlě? Ndirò tí inzì ní Pbàyàhúdì, yà inzá ka kóbhòlò onziyánga ale átò? Obhó tí, mã mòvò wà dhu màti, Kàgàwà razù Àbràhamù obhónángatále tí nyìkpóna ǒ pbìndà a'uta-otù ǒ.

¹⁰Kàgàwà azù ka obhónángatále tí ingbà kàsùmì ǒ? Tí iwà ka kóbhòlò kònzǐnga rórò, ndirò tí inzá ka kàpè kònzǐnga òbhòlò rórò? Ndi dhu anzì ndi inzá ka kàpè kònzǐnga òbhòlò rórò, inzì ní iwà ka kóbhòlò ka rórò!

¹¹Inzá ka kàpè Àbràhamù-ònzǐnga òbhòlò rórò, Kàgàwà azù ka obhónángatále tí ndi àbadhi à'ù nídhunǐ. Ndi dhu-dzidǒ nga kèlě ní ndi Kàgàwà adù kàvi ràbhu onzinánga kóbhòlò nǐ. Ndi kònzǐnga òbhòlò ka kí dhu ní'ì Kàgàwà ózù ka obhónángatále tí dhu itè rí ize. Ndi dhu bhëyi ní ndi, Àbràhamù náangò kórò inzì ní Pbàyàhúdì yà Kàgàwà ná'ù t'ábanà tí, inzá màti ka kàpè onziyánga òbhòlò rórò. Ní Kàgàwà arí inzá ka kàpè onziyánga òbhòlò rórò ndi ná'ù ale mà nózù átò obhónángatále tí.

¹²Àbadhi ní átò yà onziyánga ka kóbhòlò ngbǒya ònǎ rò rórò ádù àlě t'ábanà Àbràhamù ní'ì nà a'uta-tidò-owù núngu átò Pbàyàhúdì t'ábanà. Kǐ'ì ndi a'uta nà inzá ka kàpè onzinánga òbhòlò rórò.

A'uta-otù ǒ ka karí Kàgàwà òkò fǐndá làkà dhu àbà dhu

(Gál 3.8-18,26-28; È`br 11.8-19)

¹³Kàgàwà akò làkà Àbràhamù mà pbìndà pbàdzukuru mànà tò ndàti, ndi rǎrǐ yà adzi àbhǔ kórò abádhí tò. Ndi làkà kǎkò nzá uyátá Àbràhamù ifu dhu-okú dò rò, pbétù Kǎkò ndi làkà Àbràhamù ndi ndazù obhónángatále tí kàbhà a'uta-otù ǒ dhu-okú dò rò.

¹⁴Obhó tí, dhu i'ina gukyè uyátá ka kifù dhu rǎdù ìndrǔ àbhu rǐ'ì yà fǐndá làkà Kàgàwà òkò dhu-kàmǎ tí dhu tí, ní Kàgàwà à'u ka kí dhu ní'ina kòkórò dhu. Ndirò Kàgàwà òkò làkà ní'ina mbǎ tǐna nà.

¹⁵Obhó tí, uyátá arí Kàgàwà bhà nàwí àngbě, inzá ka kifù ka dhu-okú dò rò. Pbétù ìmbǎ uyátá rǐ'ì ró, ùkòná ka kádù uyátá tí dhu rǐ'ì mbǎ .

¹⁶Nirò, Kàgàwà òkò fǐndá làkà dhu nábà ka karí a'uta-otù ǒ. Ndirò ndi dhu ní tírǒrònga tó dhu nyú. Nirò Kàgàwà bhà làkà rǐ'ì tǐna nà fǐyò ní yà Àbràhamù ò rò úvò pbàdzukuru kórò. Kà rǐ'ì mbǎ tǐna nà Pbàyàhúdì yà uyátá nùni ale tò tí, pbétù kà rǐ'ì tǐna nà átò kórò ale yà Àbràhamù bhëyi Kàgàwà ná'ù tò.

¹⁷Obhó tí, Ìlǐlǎ Andítá rǐ ndi dhu òvo ndàti: «Ma mábhu nyi nyi'ì ábhǒ pbìrì ǒ ale t'ábhunà tí .» Àbràhamù ní àlě t'ábanà kórò yà ndi nda'u Kàgàwà-ònzǐ. Ndi Kàgàwà ní ndi ùvǔve ale tò arí ípìrònga àbhǔ, ndirò yà ìmbǎ arí'ì dhu àbhǔ arí rǐ'ì ale.

¹⁸Ìmbǎ màti ndi ndi'ì Kàgàwà akò fǐndá làkà fǐndà dhu nábà ndi ndi òná otu nà rórò, Àbràhamù náa'u Kàgàwà, ndàdù àmbè ndi kǎkò fǐndá làkà dhu òdò dǒ. Ní ndi dhu

bhëyi ní ndi kängò «ábhò pòrì ò ale t'ábhunà » tí, àdhàdhì Kàgàwà únò Ìlílà Andítá ò dhu bhëyi: «Wò dhu bhëyi ní ndi pbùkù pbàdzukuru ní'íya abho nyú .»

¹⁹Àbadhi ní'í atò nà mbèmbè atdí miyà tí, pbétù kàbhà a'uta náadù nzá ndi olù yà iwà íngyě ndi ngbòna ndi ndirè rò, ndirò yà ìngò-àyi tí rí'í pbìndà tsìbhále, Sàrà ndi ndirè rò.

²⁰Kà-afí núuguru nzá, ìmbà ndi ndi'í a'uta nà dhu bhëyi, Kàgàwà òkò fìndà làkà dǒ. Pbetù kàbhà a'uta náabhù òbi kà tò, kà ràdù àmbè Kàgàwà ilè dǒ.

²¹Kǎni dhu mbëyi nyú Kàgàwà ràrì inè òbi nà ndàbhu yà ndi ndòkò fìndà làkà dhu rākā.

²²Wò dhu-okú dò rò nga ní ndi Kàgàwà azù Àbràhamù obhónángatále tí nǎ.

²³Andítá átí: «Kàgàwà azù Àbràhamù obhónángatále tí.» Ndi dhu ka kandí nzá kòkú dò rò tí atdíró,

²⁴pbétù ka kandí ka àlě-okú dò rò átò, yà Kàgàwà àkà ndòzù àlě obhónángatále tí a'uta-otù ò rò. Obhó tí, àlě ká'ù Kàgàwà, yà àlě tó Ádrùngbàle Yèsù nabhù rìngbè ndi òvè-bvù rò ale.

²⁵Kàgàwà ipfo ndi Yèsù ròvè àlě tó nzéřnga-okú dò rò, ndàdù kàbhu rìngbè ndi, ndíńí ndòzú tí àlě obhónángatále tí.

Pbàrɔmà 5

Kàgàwà núungbò àlě ndi mànà Krístò bhà òvè-otù ò dhu

(Ròm 8.32; 1Pé' 1.3-9; 1Yù 4.9-10)

¹Iwà Kàgàwà ózù àlě obhónángatále tí yà àlě ká'ù ndi dhu-okú dò rò rò, ní àlě kí'í mārùngà nà àlě nzínzi ò kà mànà àlě tó Ádrùngbàle Yèsù Krístò-otù ò.

²Ndi Yèsù Krístò ní ndi otu nápfò àlě tò, Kàgàwà ràdù ídzìnga ònzì àlě tò yà àlě ká'ù ndi dhu-okú dò rò. Ndi ídzìnga ò àlě kíkò wà pòtsó. Ndirò àlě-idhè arí ndikà okúna dò rò dhu ní, Kàgàwà bhà Ádrùngbànga tó awáwù ò àlě kí ngari òdò àlě ràbà dhu.

³Ròsè wò dhu dònǎ, àlě-idhè arí ndikà átò àpbè àbà àlě kí òná kàsùmì ò mǎtí. Obhó tí, àlě kùni wà dhu àpbè rarí dhu-dzi àbhù àlě ròndù.

⁴Ndirò, dhu-dzi òndù àlě kí dhu náarí àlě àbhù àlě rìkò pòtsó àlě tó a'uta ò, a'uta ò àlě kíkò dhu ràdù àlě àbhu àlě ròdò Kàgàwà rǒnzina àlě tò ídzìnga.

⁵Ndi Kàgàwà rǒnzina ídzìnga òdò àlě kí àlě ràbà dhu náarí nǎ àlě ùbha àlě-òtsú-kpa nà, Kàgàwà nírá wà àlě-afí pbìndà àzè nǎ, yà àlě tò ndi ndibho pbìndà Ìlílà-Alafí-otù ò nídhuní.

⁶Obhó tí, Kàgàwà núudhé kàsùmì ò, Krístò náavè nzéřnga ònzì arí ale tó ngari ò. Ndi kàsùmì ò, àlě kí'í mbà àlě kádù àlě ìgu nǎ atdí òbi nà mǎtí.

⁷Ìndrù rǎ ndà'u ndòvè obhónángatále tó ngari ò dhu rǎ'í inè òbi tí. Ngǎtsi nǎ, ìndrù rǎ'í inè ndàbhu ndi ndòvè ídzì dhu nyú ònzì rǎ ale tó ngari ò.

⁸Pbétù, kàń Kàgàwà itè pbìndà àzè àlě tó dhu: òko àlě kòko nzérenghatále tí rórò, Krístò náavè àlě tó ngari ǒ.

⁹Ní kòmbí, Kàgàwà ózù wà àlě obhónanghátále tí nyìkpóna ǒ kázù ufu ndi dhu-otù ǒ. Ní ndi dhu itè dhu atdíǒ, ìgǔ Krístò rǎrǎ àlě ìgǔ Kàgàwà bhà nàwí ǒ rò .

¹⁰Obhó tí, yà Kàgàwà-rǒ òmvù tí àlě ki'ì rò, àbadhi ungbò àlě ndi mànà Idhùnà bhà òve-otù ǒ. Ní ndi dhu bhěyi kǔngbò àlě ndi mànà rò, àlě kúgu ùgǔ kà t'Ídhùnà rǎrǎ ìpìrǒ rò kòmbí dhu-otù ǒ.

¹¹Ròsè wò dhu dònǎ, àlě rǎrǎ dhèdhe nà Kàgàwà-okú dò rò, yà àlě núnghò kòmbí ndi mànà àlě tó Ádrùngbǎle Yèsù Krístò-otù ǒ.

**Krístò bhà òve-nyutsi rò ahù dhu nòsè wà Àdamù bhà nzérengha-nyutsi rò
ahù dhu dònǎ dhu**

(Ròm 6.23; 1Kò 15.12-22,41-49,56-57)

¹²Nzérengha níitsu yà adzi ǒ atdí ale, Àdamù-otù ǒ, ndi nzérengha ràdù òve ìbhò. Ndi dhu bhěyi ní ndi òve ìbho ndi kóró ale tò, kóró ale anzì nzérengha Àdamù-nyutsi dhu-okú dò rò.

¹³Nzérengha ì'ì inè yà adzi ǒ inzá Kàgàwà àpè Úyátá àbhù Músà-fó rò. Ndirò ìmbǎ Úyátá rǎrǎ ró ka kí nǎ àdù nzérengha ózù ìndrù dǒ.

¹⁴Pbétù, inè màtí ndi dhu rǎrǎ ndi dhu bhěyi rórò, ròpè ndi wò ndi Àdamù bhà kàsùmì ò rò rìrà àhu Músà bhà kàsùmì ò, òve náanyù idzi kóró ale dǒ, ìmbǎ rǎrǎ yà inzá fíyó nzérengha nófò ì Àdamù bhà nzérengha nà ale màtí. Ndi Àdamù ní'ì yà ka kongónà òdònà ndin ìraya tí ale, Krístò, bhà ófò ǒ ale .

¹⁵Pbétù, kàbhà nzérengha ò rò ahù dhu mà, Kàgàwà bhà tírǒrònga tó perè, Yèsù Krístò bhà òve ò rò ahù dhu mànà rǎrǎ dhèdherò nyú. Obhó tí, wò ndi atdí ale, Àdamù, bhà nzérengha-okú dò rò, kóró ale náarúve. Pbétù, Kàgàwà bhà ìdzìnga nòsè wà. Ndirò, wò ndi atdí ale, Yèsù Krístò-otù ǒ, kùndò pbìndà ìdzìnga abhàbhó nyú àbhò ale nyú tò.

¹⁶Ndirò, ndi perè-nyutsi rò aráhu dhu nófò nzá ndi Àdamù bhà nzérengha-nyutsi rò aráhu dhu nà. Obhó tí, ndi kàbhà nzérengha níibho dhu ní Kàgàwà rǎ anya ìtì ìndrù dǒ dhu. Pbétù, yà Kàgàwà níibho ndi pbìndà ìdzìnga tó perè, náabhù àbhò ale nyú yà nzérengha nanzì kà ròzù obhónanghátále tí.

¹⁷Obhó tí, wò ndi atdí ale kèlě, Àdamù bhà nzérengha-okú dò rò, òve náanyù idzi ìndrù dǒ, rìrà àhu indonga ò. Pbétù, atdí ale kèlě, Yèsù Krístò-otù ǒ, Kàgàwà abhù àbhò pbìndà ìdzìnga fíyò, ndàdù òzùnà obhónanghátále tí ale, ní'íya dhòdhóhonga tó ìpìrònga nà, 'àdù idzi ònyù atdíkpá Yèsù Krístò mànà.

¹⁸Nírò, àdhàdhi atdí ale kèlě, Àdamù bhà nzérengha náabhù Kàgàwà rìtì anya àlě-dǒ dhu bhěyi tí, atdí ale kèlě, Yèsù Krístò bhà obhónanga tó kasu, kà-tì ní kàbhà òve, rǎrǎ inè ndàbhù Kàgàwà ròzù kóró ale obhónanghátále tí, ndàdù dhòdhóhonga tó ìpìrònga àbhù fíyò.

¹⁹Atdí ale kèlě, Àdamù, nífu nzá Kàgàwà uno fíndà dhu dhu-okú dò rò, kóró ale náangò nzéreatáale tí. Ní ndi dhu bhěyi tí, atdí ale kèlě, Yèsù Krístò, nífu ka dhu-okú dò rò, Kàgàwà adù ábhò ale nyú nózù obhónangátale tí.

²⁰Uyátá náahù ndíní dhu nitè tí yà Àdamù anzì nzérenga ránga ndi kóró ale nzínzi ð. Pbétù, ìmbà dhu i'ì ndi nzérenga náanga ndi dhu màtí, ní Kàgàwà bhà ídzìnga náadù ndise atdíð nyú ròsè.

²¹Àdhàdhì nzérenga náanyù idzi àlě dǒ, ndàdù òve ìbhò àlě tò dhu bhěyi, ní kòmbí, Kàgàwà bhà ídzìnga ónyù wà idzi àlě dǒ. Ndirò, Yèsù Krístò ónzì àlě tò dhu-okú dò rò, Kàgàwà rǐ'ì inè ndòzù àlě obhónangátale tí, ndàdù dhòdhódhóngà tó ípìrǒnga níbhò àlě tò.

Pbàrómà 6

Kàgàwà bhà ídzìnga arí ìndrù ùwǔ nzérenga tó òbi-tsinǎ ka kí'ì dhu ð rò dhu

(Kò 1 2.11-13; 3.1-10; Gàl 2.19-20; 1Pé 4.1-2)

¹Nírò, ádhu ndi àlě kàkǎ àlě rùnò ndi Kàgàwà bhà ídzìnga dǒ? Àlě kàkǎ tí àlě ràmbe nzérenga kèlě ònzì dǒ ndíní ndi ídzìnga náambè tí ndise dǒ àlě tò?

²Ìnzì akekpa màtí! Àlě kúdà wà òve ònǎ, ndirò ndi òve níndà wà àlě yà angyi àlě kí'ì nà àlě-nyutsi nzérenga tó ófò rǒ rò. Ní, àlě kádù òko tdítǒ ìngbà dhu bhěyi àlě ràmbe nzérenga ònzì dǒ?

³Nyǐ nyùni wà dhu mběyi nyú, àlě kóró yà bàtizò àlě kalú Yèsù Krístò-nyutsi rò, àlě ruvè wà atdíkpá kà mànà.

⁴Obhó tí, ndi bàtizò-otù ð, yà angyi àlě kí'ì nà nzérenga tó ófò náavè, kadù òtdùnà kà mànà. Ní Àba Kàgàwà bhà ádrùngbǎnga tó awáwù tó òbi náabhù Krístò rìngbè ndi òve-bvù rò, ndíní àlě mà átò àlě kubhì tí ípìrǒnga-òwútá nónzi ka dhu bhěyi.

⁵Obhó tí, àdhàdhì àlě kúngbò àlě Krístò nà kà mànà àlě kúve atdíkpá dhu-otù ð dhu bhěyi, ní Kàgàwà abhùya àbhù àlě rùngbe àlě òve-bvù rò átò, àdhàdhì ndi ndabhù ka rìngbè ndi òve-bvù rò dhu bhěyi.

⁶Àlě kàkǎ àlě rùnì dhu, angyè àlě tó ófò ravè wà yà Krístò ka kutó mùsàlabhà dǒ rò. Ndi dhu bhěyi ní ndi, nzérenga rǐ'ì mbà òbi nà àlě dǒ, ndirò àlě ní nzǐ kàbhà ìno.

⁷Obhó tí, atdí ale mà náapé ùve atdíkpá Krístò mànà, ní ndi ale àhu wà nzérenga tó kòmò ð rò, ndi'ì dòná nditírò.

⁸Àlě kapé ì'ì Krístò mànà àlě kúve atdíkpá dhu tí, ní àlě kà'ù wà dhu àlě rǐ'ìya ípìrǒnga nà atdíkpá Àbadhi mànà átò.

⁹Obhó tí, àlě kùnì wà dhu Krístò rìngbè wà ndi òve-bvù rò, ní kà rǎrǐ nzǐ òvè tdítǒ. Òve rǐ'ì mbà òbi nà kà-dǒ akekpa màtí.

¹⁰Òvè ndi ndóvè rò, kǎvè atdí-gùna tí ndàdù nzérenga-òbì nítò. Pbétù kòmbí kà rǐ'ì ípìrǒnga nà, ndirò ndi kàbhà ípìrǒnga rǐ'ì ndíní Kàgàwà-òvò nabhù tí rìlè ndi.

¹¹Ndi dhu bhëyi tí, kòmbí nyí nyàkă nyôzù nyí iwà údà òve ònă ale tí, ndirò iwà ndi òve índà nzérenga rǒ rò ale tí. Ndirò Yësù Krístò mànà nyí nyúngbò nyí dhu-otù ǒ, nyí nyàkă nyôzù nyí kòmbí ípirǒnga nà rí'ì ndíní Kàgàwà-òvò nabhù tí rilè ndi ale tí.

¹²Nírò, àpé nyùbhà nzérenga rí'ì òbi nà wò òve tó ngbòku dǒ, nyàmbe ndi ngbòku rí atdyúya òho nzére dhu ònzì dǒ.

¹³Àpé nyìpfo ngbòku tdítǒ ràmbe nzérenga ònzì dǒ, àdhàdhì ònzì ní obhónánga tó dhu t'ònzita tó ka kíli wìtù bhëyi. Pbétù, nyí nyàkă nyàbhù nyí nyí-tírò Kàgàwà tó àdhàdhì òve-bvù rò ì núngbe ale bhëyi. Ndirò, nyí nyàkă nyàbhù ngbòku rí'ì àdhàdhì obhónánga tó kasu ònzì nyí nyí nǐ dhu bhëyi.

¹⁴Obhó tí, nzérenga rí nǐ idzi ònyu tdítǒ dükú. Nyí nyí'ì mbă Úyátá bhà ádrùngbǎnga tó òbi-tsìnă, pbétù nyí nyí'ì Kàgàwà bhà ídzìnga tó òbi-tsìnă.

¹⁵Nírò, ádhu ndi ì'ì rí'ì? Dhu òfò tí nga àlě ràmbe nzérenga ònzì dǒ ìmbă àlě kí'ì Úyátá tó òbi-tsìnă, pbétù àlě kí'ì Kàgàwà bhà ídzìnga tó òbi-tsìnă dhu-okú dò rò? Ìnzì akekpa màtí!

¹⁶Nyí nyùni tí obhó dhu, nyí rapé nyàbhù nyí-tírò nyí'ì atdí ale tó arí kasu ònzì ale tí, nyàdù ndi ale ìfu, ní nyí rǎrǎ wò ndi nyí nyí'ìna ale bhà òno? Dhu apé ì'ì nzérenga tó òno tí nyí nyí'ì dhu tí, ní nzérenga rǎdù nyùndà ònà dhu ní òve. Pbétù, nyí nyapé ì'ì Kàgàwà ìfù ka kí dhu tó òno tí, ní ndi ìfuta rǎdù nyàbhù nyòkò obhónánga ǒ.

¹⁷Òtsò nyú Kàgàwà tó! Angyi nyí ní'ì nzérenga tó òno. Pbétù kòmbí, nyí nyífu yà fùkù ka kúdhe dhu, nyàdù àkòná atdí afiku nyú nà.

¹⁸Nyí, yà Kàgàwà úkòlo nyí nzérenga ǒ rò rò, nyí nyúgèrè wà nyí nyòngò obhónánga tó òno tí.

¹⁹Ma móte òndrù tó ófò ǒ, yà ònzì dhu arí dükù àlǔ nǐ sese fùkù ivívínga-okú dò rò. Angyi nyí nyadzì nyí atdíǒ, nyùli ngbòku ròngò nzérenga mà ònzà nga nòfò dhu mànà ònzì, ndi dhu rǎdù nyàbhù ònzì nyífu Kàgàwà. Ní kòmbí, nyí nyàkă nyùli ngbòku ròngò obhónánga tó dhu ònzì, ndíní nyí nyoko tí Kàgàwà-nyíkpó ǒ ìlă ale tí.

²⁰Yà nzérenga tó òno tí nyí nyí'ì rò, ní obhónánga ònzì nyí nyí dhu ní'ì mbă òbi nà dükú.

²¹Ní, ádhu ídzìnga tí nyí nyabà yà angyi nyí nyanzì dhu ò rò? Indo, ì dhu rí nyíku àbhù ríwù, abádhí-nyutsì rò ráhù dhu ní òve nídhuní.

²²Pbétù, kòmbí Kàgàwà ìpfo wà nyí nzérenga ǒ rò, ndàdù nyúgèrè nyòngò pbìndà kasutále tí. Ndi dhu-okú dò rò, nyí nyarí Kàgàwà-nyíkpó nòfò dhu ònzì, ndi dhu rǎdù nyàbhù nyàbà dhòdhóhónga tó ípirǒnga.

²³Obhó tí, nzérenga arí àbhùna mùkìmbà tí pbìndà òno tó dhu ní òve, pbétù Kàgàwà arí àbhùna pbìndà òno tó tíròrònga tó perè ní dhòdhóhónga tó ípirǒnga, àlě tó Ádrùngbǎle Yësù Krístò mànà abádhí òngbò ì dhu-otù ǒ.

Pbàròmà 7

Ɔwútána tó ǒfò ǒ ka kí Kàgàwà-kàsù ònzì dhu

(Gàl 2.19-20)

¹Àbanǎnzó, nyí nyùni wà yà fùkù ma múnona dhu, iwà nyí nyùni Uyatá dhu-okú dò rò. Uyatá arí'ì obi nà ìndrù dǒ yà àdì ndi ale àdì nyìkpóna nà òná kàsùmì ǒ tí.

²Atdí ndi dhu tó ǒfò ní, iwà àrà amba-bvù tsìbhále ní umbátá tó Uyatá nùtsì wà pbìndà ípìrǒnga ǒ pbìndà kpatsìbhále nà yà àdì ndi kpatsìbhále àdì nyìkpóna nà òná kàsùmì ǒ. Pbétù, ndi kàbhà kpatsìbhále náapé òvè, ní íyàdhíyà rǐ'ì mbà tdítǒ wò ndi nùtsi ndi kpatsìbhále nà Uyatá-tsìnà.

³Nírò, kǎpé àrà amba-bvù ngàtsi ale bhà, àdì pbìndà kpatsìbhále àdì nyìkpóna nà òná kàsùmì ǒ, ní ka kí kòzù rǐ'ì m̀nyòni ǹnzì ale tí. Pbétù, kàbhà kpatsìbhále apé òvè, ní íyàdhíyà rǐ'ì mbà tdítǒ wò ndi nùtsi Uyatá-tsìnà. Ndirò kà rǐ mbà àrà amba-bvù ngàtsi kpatsìbhále bhà, nòzù ka kí nzì m̀nyòni ǹnzì dhu tí.

⁴Ní nyí mà àbanǎnzó, ndi dhu rǐ'ì ndi dhu bhèyi tí tikù ònà rò. Uyatá nàndà dhu nǐ, nyí nyúdà wà ɔve ònà atdíkpá Krístò mànà, ndi ɔve ràdù nyíndà Uyatá bhà ádr̀ngbǎnga tó obi rǒ rò. Ndirò kòmbí, nyí ní ngàtsi ale bhà ale. Ndi ale ní Krístò, yà ndi ningbè ɔve-bvù rò ale. Àlè ní Krístò bhà ale nídhunì, àlè kádù Kàgàwà bhà kasu ònzì rìbhò itse.

⁵Obhó tí, angyè ǒfò ǒ àlè kí'ì òná kàsùmì ǒ, Uyatá rǒzùna nzére dhu tí dhu ònzì ka kí dhu-atdyú náanzì kasu àlè-nyutsi ndàbhu àlè àlè r̀nzì i nzére dhu, yà àlè ùndà ràdù ɔve ò àlè-afí ònà rò dhu.

⁶Angyi àlè kí'ì Uyatá bhà ìno tí. Pbétù, àlè kúdà wà ɔve ònà Krístò mànà, ndi dhu ràdù àlè núwu Uyatá bhà ìno-kàsù ǒ rò. Ní kòmbí, àlè kí'ì ìnè àlè r̀nzì kasu Kàgàwà tó ɔwútána tó ǒfò ǒ, kàbhà Ìlìlǎ-Alafí bhà undata-tsìnà, ìnzì ní angyè ǒfò yà ùtù tí Uyatá arí ìndrù ùtù nǐ ǒ.

Nzérénga rǐ nd̀nǐ Uyatá-otù ǒ dhu

(Ròm 3.19-20; 5.20; Gàl 3.21-22)

⁷Nírò àlè kí àdhu ùno? Uyatá tí nzérénga? Ìnzì akèkpá m̀tí! Pbétù, nzérénga tí rǐ'ì dhu nábhu m̀ni ní Uyatá. Obhó tí, ìnzà Uyatá áti dhu r̀kǎ nzà ngàtsi ale-fó rǐ'ì dhu ràtdù afinù nánǐ, ma múnyana nzì ngàtsi ale-fó rǐ'ì dhu rǐ ale-afí àtdù dhu r̀rǐ nzérénga ònzì ka kí dhu dhu.

⁸Nzérénga abà otu ndi uyátá-otù ǒ, ndàbhu ma mongò kóró nzére dhu-tidò-atdyú òhò. Obhó tí, ìmbà Uyatá na, nzérénga rǐ'ì àdhàdhì iwà ɔvè dhu bhèyi nyudutsi.

⁹Angyi, ìnzà ma màpè Uyatá r̀nɔna dhu-tì ùnǐ mbèyi rò, ma mongónà àdì akye. Pbétù, ma mitdègu kà-tì ùnǐ, ní nzérénga adù ide pf̀na dǒ nyudutsi,

¹⁰ndàdù òngo ànyàdu nòtdì ɔve tó dhu tí. Ndi dhu bhèyi ní ndi, Uyatá, yà ìndrù àbhù àmbènà ràbà ípìrǒnga dhu, náadù ìbhònà idù dhu ní afídu ònà rò ma m̀vè dhu.

¹¹Obhó tí, nzérénga náabà otu Uyatá-otù ǒ nd̀trǎ ma, ndi dhu ràdù mabhu m̀vè afídu ònà rò.

¹²Kùtsa ma mí d̀nà rò nǐ, ma m̀tina: Uyatá ní ìlìlǎ dhu, ndirò kà r̀vina àlè r̀nzì dhu ní ìlìlǎ dhu, obhónánga tó dhu, ndirò ìdzì dhu.

¹³Nírò, wò dhu t'átina wò ndi ídzì dhu, Uyatá, rahò ndi ma? Ìnzì ní ndi dhu bhèyi! Pbéù, ima nahò ní nzérenḡa, ndidyì wò ndi ídzì dhu ndòhò ma nǎ. Ní ndi Uyatá-otù ǒ nga ní ndi nzérenḡa níitè ndi nzérenḡa nyú tí nǎ.

Nzérenḡa dhu mà ídzì dhu mà nà rǎ anya ònzì ale-nyutsì dhu

¹⁴Obhó tí, àlě kùni wà dhu Uyatá nàndà dhu nǎ, Ìlǎ-Alafí ríbhò ndi ka àlě tò. Pbéù ima na, ma ní ìndrǔ, yà iwà ka kábhù kodzì rǎ ònzì nzérenḡa tó ino tí ale.

¹⁵Obhó tí, yà ma mǎnzina dhu náarí nǎ dùdu àlǎ: yà ma mòzè mǎnzì dhu nǎnzì ma marí nǎ àdù, pbéù yà ma mǎndrò dhu ní ndi ma marádù ònzìnà.

¹⁶Ma mǎni wà dhu yà ma mǎnzina dhu rǎrǎ nzérenḡa dhu. Ní ndi dhu itè dhu iwà ma rǎ'ù Uyatá ùnò dhu ídzì dhu tí.

¹⁷Nírò kòmbí, ìnzì ní ima ndi ma mí ndi dhu ònzì, pbéù kònzì rǎ ní yà nyudutsì rǎ ònzì nzérenḡa.

¹⁸Obhó tí, ma mǎni wà dhu ídzì dhu rǎrǎ ònzì mǎ nyudutsì. Kà-tì ní, ìndrǔ tó pbàkà ófò ǒ, atdyúdu rǎ ònzì mǎnzì ídzì dhu, pbéù ndi dhu ònzì ma mí nǎ obi rǎ ònzì mǎ.

¹⁹Obhó tí, ma marí nǎ yà ma mòzè mǎnzì ídzì dhu ònzì, pbéù ma marádù ònzìnà ní nzérenḡa dhu yà inzá ma mózè mǎnzì.

²⁰Nírò, dhu apé ònzì ma marí yà inzá ma mòzè mǎnzì dhu ònzì dhu tí, ní ìnzì ní ima ndi ndi dhu ònzì ma marí, pbéù kònzì arí ní yà nyudutsì rǎ ònzì nzérenḡa.

²¹Nírò, ma mòsù wà nyudutsì arí ndònzì dhu. Ndi dhu ní: yà ma mòzè mǎnzì ídzì dhu ònà kàsù ǒ, ma marádù ònzìnà ní nzérenḡa dhu.

²²Afidu ònà rò, idhèdu nǎka ní Kàgàwà bhà Uyatá,

²³pbéù nyudutsì, ma mǎnè nzérenḡa ríbhòna ngàtsi obi ndùgye rǎ ndi afidu ò rǎ ònzì ídzì irèta tó obi nà ró. Ndi dhu ònzì ma mí ònzì yà nyudutsìnà rò rǎ kasu ònzì ndi nzérenḡa bhà obi tó imbitále tí.

²⁴Ma mí ònzì àpè ǒ! Ní ádhi pbá ale ndi migǔ rǎ yà ove ò rǎ munda ale-ngbò-fó rò?

²⁵Ilèta àkà mabhù Kàgàwà tò! Ka ní ndi migǔ rǎ àlě tó Ádrùngbàle Yèsù Krístò-otù ǒ! Nírò, pbàkà irèta ònà rò, ima ní Kàgàwà bhà Uyatá tó ino, pbéù ìndrǔ tó pbàkà ófò ǒ, ima ní nzérenḡa bhà obi tó ino.

Pbàròmà 8

Kàgàwà bhà Ìlǎ-Alafí-otù ǒ tí ka kádù kà-nyìkpó nǎfò dhu ònzì dhu

¹Nírò kòmbí, yà Yèsù Krístò nà ò nùngbò ale dǎ Kàgàwà rǎ nǎ anya òtdì akèkpá mǎtí.

²Obhó tí, Yèsù Krístò nà àlě kùngbò ale rò, àlě kí ònzì Kàgàwà bhà Ìlǎ-Alafí bhà obi tsìnà. Ndi Ìlǎ-Alafí ní ndi àlě nùkòlò nzérenḡa mà ove mà nà tó obi ǒ rò, ndàdù ìpìrǎngà-owútá níbhò àlě tò.

³Músà bhà Uyatá tò ndi dhu akána nzi, àlě tó ale-ngbò tó ófò tó ivívínga núutò kà-tsu ìnzì rònzi ndi dhu dhu-okú dò rò . Pbétù, Kàgàwà ní ndi adù kònzi. Kivi Idhùnà àlě tó ale-ngbò tó ófò ò, ndínì àlě'i nukòlò tí nzérenga ò rò. Ndi Idhùnà bhà òve-otù ò ní ndi kàtdì nzérenga-ànyà.

⁴Kànzì dhu ndi dhu bhěyi, ndínì ndabhù tí Uyatá ònzi obhónánga rākā àlě-nyutsì. Àlě'i ní nzi yà ì òzè dhu bhěyi arí 'ùnda ìtirò ale, pbétù àlě'i ní Hlǎ-Alafí arí ùdana ale.

⁵Obhó tí, wò ì òzè dhu bhěyi arí 'ùnda ìtirò ale náarí afiya itù ì í atdyúya òho dhu nǎ. Pbétù, Hlǎ-Alafí náarúdana ale, náarí afiya itù ndi Hlǎ-Alafí òzè 'ònzì dhu nǎ.

⁶Ale-ngbò rǎ atdyúya òho dhu nǎ ka kí ale-afí itù dhu náarí ìndrù ùnda òve ò. Pbétù, Hlǎ-Alafí òzè dhu nǎ ka kí ale-afí itù dhu náarí ìndrù ùnda ípìrǒnga mà màrùngà mànà ò.

⁷Obhó tí, ale-ngbò rǎ atdyúya òho dhu átdù afiya ale ní Kàgàwà-rǒ òmvù. Obhó tí, abádhí nífu nzá kàbhà Uyatá, ndirò abádhí rǎ kifù dhu rǎ'i odú nyú.

⁸Ì òzè dhu bhěyi arí 'ùnda ìtirò ale rǎ Kàgàwà-idhè níká dhu rǎ'i odú nyú.

⁹Nyǎ'i na, nyǎ ní nzi ngbǒya arúdana ale, pbétù nyùnda arí ní Kàgàwà bhà Hlǎ-Alafí, dhu apé ì'i ndi Hlǎ-Alafí rǎ'i nyukutsì dhu tí. Ndirò, ìmbà Krístò bhà ndi Hlǎ-Alafí náapé ì'i nyukutsì, ní nyǎ ní nzi kàbhà ale.

¹⁰Pbétù, dhu apé ì'i Krístò rǎ'i nyukutsì dhu tí, ní ngbǒku mà rǎ mbà òvè nzérenga-okú dò rò, ní nyǎ nyǎ ípìrǒnga àbà àbà Hlǎ-Alafí-otù ò, iwà Kàgàwà ózù nyǎ obhónángatále tí nyǎkpóna ò dhu-okú dò rò.

¹¹Yà Yèsù Krístò nabhù ringbè ndi òve-bvù rò Kàgàwà ní bhà Hlǎ-Alafí náapé ì'i nyukutsì, ní ndi Kàgàwà rǎ ípìrǒnga àbhù átò wò òve tó ngbǒku tò, yà nyukutsì rǎ'i pbìndà Hlǎ-Alafí-otù ò.

¹²Nírò àbanǎnzó, àlě kí'i wànzá nà. Pbétù ndi wànzá ní nzi ale-ngbò nàndà dhu tó, yà kòzè dhu bhěyi àlě kádù òko nǎ wànzá.

¹³Obhó tí, nyǎ nyapé òko nyǒnzì ale-ngbò ózè dhu, ní nyǎ nyádù ùve ùvè. Pbétù, nyǎ nyapé nyukutsì nzére mùtsò nókye Hlǎ Alafí bhà òbi nǎ, ní nyǎ nyádù dhòdhódhóna tó ípìrǒnga nábà àbà.

¹⁴Obhó tí, kóró ale yà Kàgàwà bhà Alafí náarí ùdana ní Kàgàwà bhà inzo.

¹⁵Yà nyǎ nyabà Hlǎ-Alafí ní nzi ino tí rí nyǎbhù nyòkò, ndirò òdò nà rí nyǎbhù nyǎ'i tdítǒ Alafí. Pbétù, nyǎ nyabà Hlǎ-Alafí ní Kàgàwà bhà inzo nyú tí rí nyǎgèrè nyǒngò Alafí. Ndi Alafí ní ndi rí àlě àbhù àlě ràfà àlě, àlě ràti: «Àba, Àbadu!»

¹⁶Ndi Alafí ndìtirò ní ndi rí dhu ìtè kpangba àlě-afí ò àlě ràrì Kàgàwà bhà inzo.

¹⁷Ndirò àlě kapé ì'i Kàgàwà bhà inzo tí, ní àlě ní'iya kàbhà dhu-kàmă. Àlě ní'iya Kàgàwà bhà dhu kàmă atdíkpá Krístò mànà. Obhó tí, dhu apé ì'i atdíkpá àlě kí àpbè àbà Krístò mànà dhu tí, ní àlě kí'iya ngari nà átò kàbhà ádrùngbànga tó awáwù ò.

Kàgàwà náabhùya p̀b̀ìndà inzo ròtsù p̀b̀ìndà ádr̀ungb̀ãnga tó awáwù ò dhu

- ¹⁸Ndirò ma màla dhu, yà kòmbí àlě kábàna àpbè ní rākă nzá kudhe yà Kàgàwà udhé àlě tò ádr̀ungb̀ãnga tó awáwù nà.
- ¹⁹Obhó tí, yà Kàgàwà anzì kóró dhu-tsí r̀d̀ona atdyúya nyú nà dhu ní Kàgàwà r̀ r̀ p̀b̀ìndà inzo tí r̀'ì ale itè ònà kàsùmì.
- ²⁰Ròpè ndì mùhàngú ò rò, yà Kàgàwà abhòlò kóró dhu-tsí-ànyă kãtdì wà ìmbă r̀'ì yà ì akána ì'ì nà òbi nà, 'ònzì ì àkãnà 'ònzì dhu . Ìnzì ní ì dhu-tsí ì ndì dhu nazè, pbétù Kàgàwà ní ndì ka nazè r̀'ì ndì dhu bhëyi. Pbétù ì dhu-tsí r̀d̀ona r̀onzì ndì dhu r̀'ì ìnè.
- ²¹Obhó tí, Kàgàwà udhé wà yà ndì ndabhòlò kóró dhu-tsí àbhÿ ndì ndì r̀v̀d̀ yà abádhí ar̀'ì tsinanã ádr̀ungb̀ãnga tó òbi yà dhu ìnzã ar̀'ì ò rò ònà kàsùmì. Ndi dhu bhëyi ní ndì ì dhu-tsí núugèrèya ì, 'òngò òwútána tí, 'adù ì'ì ngari nà Kàgàwà bhà inzo tó ádr̀ungb̀ãnga tó awáwù ò.
- ²²Obhó tí, àlě k̀nì wà dhu ì dhu-tsí rar̀í tagà ònzì kòmbí, 'adù àmbe àpbè àbà d̀ ò àdhàdhì ndùgu r̀í tsìbhále náar̀í àpbè àbà dhu bhëyi.
- ²³Pbétù, ìnzì ní Kàgàwà abhòlò k̀k̀k̀ dhu-tsí k̀l̀l̀ ì ndì tagà ònzì ar̀í. Àlě mà àlě kar̀í tagà ònzì átò àlě-nyutsì, àzembè àlě kí dhu òd̀o Kàgàwà ritè àlě p̀b̀ìndà inzo nyú tí, ndàdù àlě-ngbò ùgèrè r̀ongò òwútána tó ale-ngbò, yà ìnzì rádù òvè tí r̀órò. Ì dhu òd̀o àlě kí ònanã, àlě kábà wà Kàgàwà bhà Ìl̀l̀-Àlafí r̀'ì yà k̀k̀k̀ f̀ndá làkã àlě tò perè nzìnzì ò wemberè tó perè tí.
- ²⁴Obhó tí, Kàgàwà ígÿ wà àlě, ndirò àlě kà'ù wà dhu ìbho kà rar̀í kóró dhu yà ndì ndakò f̀ndá làkã àlě tò ìbho àlě tò. Àlě kapé yà àlě tò k̀k̀k̀ f̀ndá làkã dhu àlã, ní àlě kòdona àlě ràbà tdítđ dhu r̀'ì mbã. Àzembè àlã ka kálana ale-nyìkpó nì dhu nóđò ka tí adù òd̀o ndínì ka kabá tí?
- ²⁵Pbétù, àlě kapé ìnzã àlě kàpè àlãna dhu òd̀o àlě ràbà, ní àlě kádù ndì dhu òd̀o àlě ràbà àlě-afí àlě kòtù rò.
- ²⁶Ndi dhu bhëyi tí, Kàgàwà bhà Ìl̀l̀-Àlafí r̀ àlě dz̀nà ònzì àlě tó ivívínga ò, ìnzã àlě k̀nì itsòta àkãkã dhu bhëyi nídhunì. Pbétù, ndì Ìl̀l̀-Àlafí ndítírò r̀ ndítìsò òhÿnà Kàgàwà-r̀ òlě-okú d̀ò rò, yà ìnzì ka kádù àwenà ale-tsù ò ófò ò.
- ²⁷Ndirò Kàgàwà yà àlě-afí ò dhu àlã ar̀í ale, núni wà p̀b̀ìndà Ìl̀l̀-Àlafí òzè ndònzì foná dhu. Obhó tí, ndì Àlafí ar̀í ndítìsò Kàgàwà bhà ale d̀ Kàgàwà nyú nózè ka dhu bhëyi.
- ²⁸Ndirò, àlě k̀nì wà dhu, Kàgàwà rar̀í kóró dhu-tsí àbhÿ r̀ìbhò ìdzìnga ndì nózè ale tò. Ì ale ní yà k̀nzì yà ndì nyú ndì ndudhé ka dhu bhëyi ale.
- ²⁹Obhó tí, Kàgàwà avò ì ale angyangyi, ndàdù dhu ùdhe átò ndínì ndì ndabhùya tí abádhí ròfò ì Idhùnà nà. Ndi dhu bhëyi ní ndì, ndì kà t'Ídhùnà náadùya ì'ì sengba tí kóró adóna tò.
- ³⁰Ndirò, ì ale yà Kàgàwà avò angyangyi, ní k̀nzì átò. K̀k̀k̀ k̀nzì ale kãzù átò obhónángatále tí. Ndirò, k̀k̀k̀ ì obhónángatále tí kãzù ale tò k̀k̀k̀ wà làkã, ndì rabhùya abádhí ròtsù átò p̀b̀ìndà ádr̀ungb̀ãnga tó awáwù ò.

Kàgàwà ózè àlě nǐ àzè rǒ rò rí àlě ìndà atdí dhu mà rǐ'ì mbă dhu

- ³¹Nírò, ádhu ndi àlě kàkă àlě rùnò wò dhu-dzidǒ? Kàgàwà apé ì'ì àlě-ti'òná rò, ní ádhi ndi àlě rǒ òmvù tí rádù ì'ì?
- ³²Àbadhi níwá nzá Idhùnà nyú mà, pbétù kípfo ka rìrà òvè àlě-okú dò rò kóró. Ní kà rádù àdi ìngbà dhu bhěyi ìnzǐ ndibhò kóró dhu àlě tò ndi Idhùnà màná?
- ³³Ádhi pbá ale ndi Kàgàwà óvò fǐndà ale nóbhù rádù? Ìmbă rǐ'ì atdí màtí! Obhó tí, Kàgàwà nyú nditírò nózù wà abádhí obhónángatále tí.
- ³⁴Ádhi pbá ale ndi anya òtdi rádù abádhí dǒ? Ìmbă rǐ'ì atdí màtí! Obhó tí, Yèsù Krístò náavè abádhí-okú dò rò, ndirò ròsè ndi dhu dònă, kădù ndingbè òve-bvù rò. Ka ní ndi àdi kòmbí Kàgàwà bhà fangà dònă rò, ndàmbe nditsò dǒ àlě-dǒ.
- ³⁵Ádhu ndi àlě ìndà rádù Krístò ózè àlě nǐ àzè rǒ rò? Tí àpbè, tí izu, tí avuta, tí àwù, tí ìmbă àfǒna ka kí mberù rǐ'ì dhu, tí arita, ndirò tí òve?
- ³⁶Àdhàdhi Ìlǐlǎ Andítá rǒvona dhu bhěyi: «Okúnu dò rò, ka karí mǎpà kòkyè mǎ bìlǐnganà Kàgàwă. Ka karí mǒzù àzèna ka kówu tàrà bhěyi .»
- ³⁷Pbétù kóró kǒkò dhu ǒ, àlě kábà mùlèrà atdí dǒ wò ndi àlě nózè Krístò-otù ǒ.
- ³⁸Obhó tí, ma mà'ù wà dhu, ìnzǐ atdí dhu mà rǎràdù àlě ìndà Kàgàwà ózè àlě nǐ àzè rǒ rò: ìmbă rǐ'ì òve màtí, ìmbă rǐ'ì ípìrǒnga màtí, ìmbă rǐ'ì màlàyíká màtí, ìmbă rǐ'ì nzérealafí màtí, ìmbă rǐ'ì yà kòmbí rǐ'ì dhu màtí, ìmbă rǐ'ì ìrà rǐrà dhu màtí, ndirò ìmbă rǐ'ì ádrùngbǎnga tó ǒbi nà arí'ì ale màtí.
- ³⁹Ndi dhu bhěyi tí, ìmbă rǐ'ì òrù-akpà ǒ ǒbi nà dhu màtí, ìmbă rǐ'ì yà adzi ǒ ǒbi nà dhu màtí, ìmbă rǐ'ì Kàgàwà abhòlò kóró ngǔkpà dhu màtí, ní rǐ nzǐ àdù àlě ìndà yà Kàgàwà itè àlě tò Yèsù Krístò, àlě tó Ádrùngbǎle-otù ǒ àzè rǒ rò.

Pbàròmà 9

Pòlò rǐ'ì izu nà ábhǒ Pbàìsràyélí nyú ná'ù nzá Yèsù Krístò dhu-okú dò rò dhu

- ¹Krístò nà mǎ mùngbò mǎ dhu-okú dò rò, ma mí obhó dhu ùnò, ma mí nzǐ tìtò ùnò. Kàgàwà bhà Ìlǐlǎ-Alafí rǐ munda nídhunǐ, afídu rǐ ndi dhu itè kpangba idù.
- ²Ma mòzè múnò dhu ní, afídu rǎrǐ'ì ádrùngbǎ izu nà ndirò ìnzǐ ríku àpbè nà.
- ³Ma màmbènà òzèna dhu ní mí'ì Kàgàwà ófù ale tí ndirò Krístò-rǒ rò ndi nǐndà ale tí, àbanǐnzo, kǎkà atdí rùgànda tí mǎ mí'ì màná tó ngari ǒ, ndi dhu bhěyi ma mònzì dhu dhu rádù abádhí ìgǔ nánǐ.
- ⁴Ì àbanǐnzo ní Pbàìsràyélí, yà Kàgàwà náavò rǐ'ì pbìndà inzo tí. Kǐtè pbìndà ádrùngbǎnga tó awáwù abádhí tò, kǎnzì ungbòta tó làkà abádhí t'ábhúna màná, kǎbhù Úyátá abádhí tò Músà-otù ǒ, kǐtè ndùle abádhí rádù tí dhu abádhí tò, ndirò kǎkò ábhǒ dhu tó làkà abádhí tò.

⁵Abádhí ní àlě t'ábhúna-nzìnzì tó pbàdzukuru, ndirò Krístò ka kugu ale-ngbò tó ófò ǒ abádhí-dhú nzìnzì ǒ. Ndi Krístò ní ndi Kàgàwà yà kóró dhu dǒ arí'ì ale. Kàkă kilè dhòdhòhónganà! Àmìnà.

⁶Ma màti nzá Kàgàwà akò làkà rākă nzá. Obhó tí, ìnzì ní kóró ale yà Pbàisràyéíí ò rò úvò ndi obhóná Pbàisràyéíí,

⁷ndirò ìnzì ní Àbràhamù-dhú ò rò úvò ale kóró i obhóná Àbràhamù bhà inzo. Obhó tí, Kàgàwà akò làkà Àbràhamù tò, ndàti: «Ìsakà-otù ǒ nga ní ndi nyi nyabáya pbùkù dhu tí ka kózùna pbàdzukuru nǐ .»

⁸Kà-tì ní, ìnzì ní kǒkò ka kugu àdhàdhì ìndrù ùgu ka karí dhu bhěyi nzónzo i ka kózùna rì'ì Kàgàwà bhà inzo tí, pbétù kǒkò ka kugu Kàgàwà akò làkà-otù ǒ nzónzo ní i ka kòzù rì'ì kàbhà obhóná pbàdzukuru tí.

⁹Yàrí ní ndi Kàgàwà akò làkà, ndàti: «Yà dhu bhěyi kàsùmì ǒ, ma mírà tǎítǎ, ní Sàrà rǐ kpatsìbhá ngbángba núgu .»

¹⁰Ndirò, ì'ì rí'ì ní nzì wò dhu kèlě. Rùbhekà rǐ'ì inè átò. Íyàdhíyà núgu óyǒ ozó-nzo Èsawù mà Yàkòbhò nà, atdí àba, àlě t'ábhunà Ìsakà tò.

¹¹Pbétù, ìnzá ka kàpè i nzónzo mà núgu rórò, ndirò ìnzá i nzónzo àpè atdí ídzì dhu mà ndirò atdí nzére dhu mà nónzi rórò, ndínì Kàgàwà udhé dhu náaká tí, àdhàdhì kǎrí dhu òvò ònà ófò ǒ,

¹²ndi ófò ni ìnzá nga nàndà ìndrù-kàsù nà, pbétù kàndà nga yà ìndrù nunzi Kàgàwà-afí òzè dhu kèlě nà. Ní Kàgàwà avò dhu Rùbhekà tò ndàti: «Ádrùngbǎ-ingba nócónziya kasu olù-ingba tò .»

¹³Ìlǎ Andítá rǐ dhu òvo, ndàti: «Ma mózè Yàkòbhò, madù Èsawù nóndrò.»

Kàgàwà arí dhu ònzì ndì ndòzè dhu bhěyi pbìndà ale nǐ dhu

¹⁴Nirò, ádhu àlě kàkă àlě rùnò? Tí ìnzì Kàgàwà rarí obhónánga ònzì? Ìnzì akèkpá màtí!

¹⁵Obhó tí, kǎvò dhu Músà tò, ndàti: «Ma mí izu àbà dòná ní ma mòzè mabà izu dòná ale, ndirò ma mí ídzìnga ònzì fǐndà ní ma mòzè mǎnzì ídzìnga fǐndà ale .»

¹⁶Nirò, Kàgàwà bhà ídzìnga nándà nzá nga ìndrù òzè dhu nà ndirò ndi ale rǎnzina dhu nà, pbétù kàndà nga kà rǐ izu àbà ìndrù dǒ dhu nà.

¹⁷Ìlǎ Andítá ò, Kàgàwà rǐ dhu òvo Mísri tó pbìrì ǒ ádrùngbǎ kamà tò, ndàti: «Ma mídì nyi nyi'ì ádrùngbǎ kamà tí, ndínì ma mìtè tí pbàkà ádrùngbǎnga tó òbi otùnu ǒ, ndirò ndínì ìndrù igá tí òvòdu yà adzi ǒ kóró ngari ònǎ .»

¹⁸Nirò, Kàgàwà arí izu àbà ndì ndòzè ndàbà izu dòná ale-dǒ, ndirò kǎrí ndì ndòzè afína rò'ò odú ale-afí àbhù rò'ò odú.

¹⁹Wò dhu bhěyi Kàgàwà arí dhu ònzì rò, nyi nyínè nyati ima nǐ: «Ádhu Kàgàwà rǎrù nǐ ìndrù dǒ tǎítǎ okúna dò rò? Atdí ale mà tí'ì inè ndùwu kà-afí òzè ndònzì dhu?»

²⁰Ní kòmbí, ìnyi ní àdhi ndínì nyi nyagò tí nyi Kàgàwà nà? Adzi nǐ ka kòbhòlò wìtù tí àdù àtìna àtì ndì nóbhòlò ale nǐ: «Ádhu nyi nyòbhòlò ima wò dhu bhěyi nǐ?»

²¹Itã òru arí ale tí nzí àdù ndì ndòzè ndònzì dhu ònzì pbìndà anzi nĩ? Ndi atdí anzi-adi nĩ tí, kà tí nzí àdù ifuta nà àkã wìtù òbhòlò, ndàdù yà bìlìnganà ka karí ngbõya òko wìtù òbhòlò átò?

²²Ndi dhu bhëyi tí, Kàgàwà rĩ'ì inè ndònzì dhu ndì ndòzè dhu bhëyi pbìndà ale nĩ. Kãzè nditè pbìndà nàwí yà àkãkãndà nditdì ànyãya ale tò, ndínĩ pbìndà ádrùngbãnga tó òbi nitè tí. Pbétù kãdù i ale tó dhu-dzi òndù atdídõ.

²³Kãzè átò nditè pbìndà ádrùngbãnga tó awáwù tó ábhõnga yà izu ndì ndábà dòyá ale tò. I ale kãbhòlò angyangyi ndínĩ otsúya tí ndi pbìndà ádrùngbãnga tó awáwù ò.

²⁴I ale ní àlè'ì. Kũnzì nzá àlè Pbàyàhúdì nzínzì ò rò tí, pbétù kũnzì àlè ìnzì ní Pbàyàhúdì nzínzì ò rò átò.

²⁵Ndi dhu rĩ'ì àdhàdhì yà nabì Òseyà bhà bhükù ò Kàgàwà avò dhu bhëyi. Kãti: «Ìmbã ì'ì pbàkà ale tí ale ní ma manziya <Pbàkà Ale> tí. Yà ìnzá ma matì atdídõ ma mózè dhu tí ale, ní ma manziya <Atdídõ ma mózè Ale> tí .

²⁶Ndirò abádhí tò ka kavò dhu òná rò ngari, kati: «Nyĩ ní nzí pbàkà ale, » ní ò rò ka kanziya abádhí Kàgàwà, yà Ípirõnga nà arí'ì ale bhà Inzo tí .»

²⁷Nabì Ìsayà na náavò dhu k pangba Pbàìsràyélí-okú dò rò, ndati: «Ìmbã Pbàìsràyélí àmbènà ì'ì abho àdhàdhì ádrùngbã rèrù-bidõ osokpò bhëyi matì, ní ngúfe ale kèlè abádhí nzínzì ò rĩ ndi ùgu.

²⁸Obhó tí, Ádrùngbãle Kàgàwà rĩ yà adzi ò ale-ànyã itdì àkãkã dhu bhëyi, yà ndì nyú ndì ndunò ka dhu bhëyi, ndirò kà rĩ ndi dhu ònzì ìnzá ndì ndòdò nga ádzì rórò .»

²⁹Ndirò ndi nabì Ìsayà náavò dhu angyinã rò átò ndati: «Ìnzì Kàgàwà, yà kóró dhu dõ arí'ì òbi nà ale nígyana gukyè àlè-dhú nzínzì ò atdídhená ale àlè tò, ní àlè kúllyana àlè Sòdomò mà Gòmòrà nà tó kigò ò bhà, yà kãdì tsèya bhëyi .»

Krístò ní yà ìndrũ-pfò ùbè arí bhalabhala tó odu dhu

³⁰Nirò, ádhu ndi àlè kãkã àlè rùnò? Ìnzì ní Pbàìsràyélí yà ìnzá dhu nanè Kàgàwà ròzù ì obhónángatále tí ale, ní kòzù wà obhónángatále tí a'uta-otù ò.

³¹Pbétù Pbàìsràyélí, yà Uyátá t'ífuta-otù ò Kàgàwà rĩ 'òzù obhónángatále tí dhu ònè rõ ubhínà ale, náawù nzá ùvò ndi bhëyi ka rĩ 'òzù dhu ò.

³²Ádhu-okú dò rò? Abádhí anè nzá ndi obhónánga a'uta-otù ò, pbétù abádhí anè ka yà ì ónzina kasu-otù ò dhu-okú dò rò. Abádhí-pfò onzi abè wò ìndrũ-pfò àbhũ arí onzi ròbè odu rõ,

³³àdhàdhì Kàgàwà rñnõna Ìlĩlã Andítá ò dhu bhëyi. Kà rãtina: «Kànĩ ma mìli ìndrũ-pfò ùbè rí odu Sàyuni tó pbìrì dõ. Ka ní ìndrũ àbhũ rĩ ràwà ì bhalabhala tó odu. Pbétù, kà'u rĩ ale-nyì rĩ nzí ìwu .»

Pbàròmà 10

Pbàìsràyélí núvõ ì ìnzì 'ùngu ídzì otu dhu

¹Àbanĩnzó, ma mí atdyúna òho dhu, ndirò ma mí mitsò Kàgàwà-rǒ Pbàìsràyélí-okú dò rò nǐ dhu ní Kàgàwà ràkǎ ndìgǔ abádhí.

²Obhó tí, ima ní yà ma múnona dhu tó ngàmbì: abádhí ní atdíǎ Kàgàwà nózè 'ìfu ale, pbétù ndi ifuta náhu nzá obhóná inga t'únita ò rò.

³Abádhí-dò álǔ nzá ingbà dhu bhěyi màtí Kàgàwà arí ìndrǔ òzù obhónángatále tí dhu, 'àdù dhu ònè ìdì fíyó obhónánga ìtírò. Abádhí úvò ì ìnzǐ 'ùngu obhónángatále tí Kàgàwà rǐ 'òzù òná otu.

⁴Obhó tí, Krístò-otù ǒ, Úyátá nárà àhu ndi ndàkǎnà ndàrà àhu ró, ndínǐ Krístò nà'ù ingbatí ìli ndi ale mà nózù Kàgàwà adù tí obhónángatále tí.

Ògù rǐ'ì yà Ádrùngbǎle Yēsù ná'ù ale tò kóró dhu

⁵Yàrí ní Músà andí Úyátá ìfǔ ka kí dhu-otù ǒ Kàgàwà rǐ ìndrǔ òzù obhónángatále tí dhu dǒ dhu. Kǎtí: «Úyátá únò dhu ìfǔ rí ale, ní ràdù ìpìrǒnga àbà ndi Úyátá-otù ǒ .»

⁶Pbétù, Kàgàwà rǐ ìndrǔ òzù obhónángatále tí a'uta-otù ǒ dhu rǐ mbǎ ì'ì ǒbì tí ìndrǔ tò. Ìlǐlǎ Andítá ò ka kándì dhu ndi dhu dǒ kati, nyi ràkǎ nzá nyati afínu ò: «Ádhi ndi òrù-akpà ò rúpo?» Ndi dhu nádù ì'ì àdhàdhì Krístò àbhǔ nyi nyí rìfò ányìrò dhu bhěyi dhu.

⁷Ndirò, nyi nyàkǎ nzá nyati: «Ádhi ndi ǒve-bvù rófo?» Ndi dhu nádù ì'ì àdhàdhì Krístò àbhǔ nyi nyí rùpò ányì rò dhu bhěyi dhu.

⁸Pbétù, yàrí ní ndi Ìlǐlǎ Andítá únò Kàgàwà rǐ ìndrǔ òzù obhónángatále tí a'uta-otù ǒ dhu dǒ dhu: «Kàgàwà bhà Ote rǐ'ì ìkyèrò tinú, kà rǐ'ì linú ndirò kà rǐ'ì afínu ò.» Ndi Ote ní Krístò à'ù ka kí dhu dǒ mǎ maróvona ìndrǔ tò Ote.

⁹Nyi nyapé dhu ùnò kprangba tsùnu nyú nǐ nyati Yēsù rǎrǐ Ádrùngbǎle, nyadù dhu à'ù atdí afínu nyú nà iwà Kàgàwà rabhù ka rìngbè ndi ǒve-bvù rò, ní nyi nyádù ògù ògù.

¹⁰Obhó tí, ìndrǔ apé Yēsù Krístò ná'ù afína nyú ò rò, nózù Kàgàwà ràdù obhónángatále tí. Ndirò, kǎpé ka ndi ndà'ù dhu ùnò kprangba tsùna nyú nǐ, ní Kàgàwà ràdù kǐgu ìgǔ.

¹¹Obhó tí, Ìlǐlǎ Andítá rǎtina: «Ìngbatí ìli ndi ale mà náapé kà'u, ní ndi ale rǐ nzǐ àdù dhu òzù ndàtì, kǒkórò ndi ra'u ka .»

¹²Nirò Kàgàwà-ònzǐ, Pbàyàhúdì mà ìnzǐ ní Pbàyàhúdì mànà núdà ì nǐ dhu rǐ ìmbǎ ì'ì atdí màtí. Obhó tí, kóró ale rǐ'ì nà Ádrùngbǎle tí ale ní atdí ale kèlě, ndirò kǎrì ìdzìnga ònzì kóró ale yà fóná dhu nònzì tò.

¹³Ìlǐlǎ Andítá rǐ dhu òvò, ndàtì: «Ndi Ádrùngbǎle-rǒ ndi nìtsò ìngbatí ìli ndi ale mà ní ràdù ògù ògù .»

¹⁴Nirò, ìndrǔ ràdù 'ìtsò ingbà dhu bhěyi yà ìnzá ì à'ù Krístò-rǒ? Ndirò, abádhí ràdù kà'ù ingbà dhu bhěyi ìnzá ì àpè kàbhà màkǔrù ìrì rórò? Ndirò abádhí ràdù kàbhà màkǔrù ìrì ingbà dhu bhěyi ìmbǎ ndi dhu ùnò rí abádhí tò ale rǐ'ì rò?

¹⁵Ndirò, ka kádù dhu ùnò abádhí tò ìngbà dhu bhëyi dhu apé ì'ì inzà ka kòvì ìndrù abádhí-tí'ò dhu tí? Ìlǎ Andítá rǎ dhu òvò mbëyi nyú ndàti: «Ídzì Mākūrù nà ríwu ale ríwu dhu àlǎ ka kí dhu ní ídzì dhu .»

¹⁶Pbétù, kóró ale náa'u nzá ndi Ídzì Mākūrù. Obhó tí, nabì Ìsayà náavò dhu ndàti: «Òò Ádrùngbǎlé, ádhi ndi mǎ múnɔna Ídzì Mākūrù ná'ù? »

¹⁷Ní ndi dhu bhëyi tí, ìndrù arí dhu à'u Ídzì Mākūrù ì ìrì rò, ndirò ndi Ídzì Mākūrù ní Krístò dǎ róte Ote.

¹⁸Nírò ma mí dhu ìvǔ, mati: Pbàyàhúdì níri tí inzà ndi mākūrù? Abádhí ìri wà ka! Obhó tí, Ìlǎ Andítá rǎtina: «Mākūrù nà ríwu ale-tù níri ndi kóró yà adzi ǎ, abádhí-òtǎ àrà àhù yà adzi ǎ kóró ngari ònǎ .»

¹⁹Ma mí dhu ìvǔ tdítǎ, mati: Ndi dhu alú tí obhó Pbàìsràyélí-dò? Kǎlú wà abádhí-dò. Obhó tí, Músà ní'ì ndi wemberè t'ále, yà Kàgàwà avò dhu otùna ǎ, ndàti: «Ma mí nyǎbhǔ nyí'ì adha tó ale-afí nà yà ìmbǎ arí'ì pbàkà ale tí ale dǎ. Ma mí nyǎbhǔ nyǎkò yà inzà nga núnì dhu tí nyí nyarózuana ale rǎ .»

²⁰Nabì Ìsayà náavò Kàgàwà ùnò fǐndà ìnzǐ ní Pbàyàhúdì dǎ dhu átò ɔbi nyú nà, ndàti: «Ma mǎbà ma fǐyò ale ní kǎkà ìnzǐ úbhì mɔnè rǎ ale, ma mítè ma fǐyò ale ní kǎkà ìnzǐ úbhì dhu ònzǐ rǎ fudú ale .»

²¹Pbétù, Pbàìsràyélí-okú dò rò Kàgàwà rǎtina yà dhu bhëyi: «Bìlǐnganà ma mǎrà ɔtsúdu ìyì rǎ mambe ìnzǐ arí inga ìri, ndirò dòya ídzò ale ùnzǐ dǎ ní ndínǐ ingo tí tidu ò .»

Pbàrɔmà 11

Kàgàwà náadhò nzá pbìndà ale Pbàìsràyélí dòtsí dhu

¹Nírò, ma mí dhu ìvǔ mati: Kàgàwà náadhò tí òdho pbìndà ale? Inzá akèkpá màtí! Obhó tí, ìmá na, ìma ní Mùìsràyelì, Àbràhamù bhà mùdzukuru, Bènyàminì bhà rùgànda.

²Kàgàwà náadhò nzá pbìndà ale kǎkà angyinǎ rò ndi ndapì fǐndà. Nyí nyùnì tí nzá yà Ìlǎ Andítá náarúnɔna nabì Èliyà dǎ dhu? Pbàìsràyélí òbhù ndi ndí Kàgàwà-ònzǐ rò, kǎnò dhu ndàti:

³«Ádrùngbǎlé, abádhí ókyè pbùkù pbànábí, 'àdù pbùkù màzàbáhú nùgolo. Ní ìma, ma mòdì atdí rò, ndirò abádhí rǎ mɔne ndínǐ ì oho tí ma .»

⁴Ní, ádhu Kàgàwà adù àdunà kà tò? Kǎdù dhu kà tò, ndàti: «Ma mòdò wà àrùbhù lufù ale idù. I ale ní kǎkà ì núnvò ìnzǐ 'òkò ɔtdyùya-dò Bǎlì tí kátina mǎngǔ-ngba-ònzǐ ale .»

⁵Ndi dhu bhëyi tí, indo màtí, ì nùbhà ale-go rǐ'ì ìnè. I ale ní, yà Kàgàwà ópì fǐndà pbìndà ídzìnga ǎ àdhàdhì afína nyú nózè ka dhu bhëyi ale.

⁶Ní, dhu apé ì'ì Kàgàwà ópì abádhí pbìndà ídzìnga-otù ǎ dhu tí, ní kǔpì nzá abádhí ònzǐ dhu-okú dò rò. Ndi dhu bhëyi kì'ì rò, kàbhà ídzìnga ní nzǐ àdù ì'ì ídzìnga.

⁷Ní, ádhu olu? Pbàìsràyéí nábà tí nzá yà ì arónena Kàgàwà bhà ídzìnga? Ngúfe ale kèlě yà Kàgàwà ópì fíndà ní ì ka nabà. Pbétù ngǔkpà, kǎkǎ òdòdì, nábhu kǎdù ròngò dòya ídzò ale tí.

⁸Obhó tí, Ìlǎ Andítá ò ka kandí dhu katí: «Kàgàwà abhù abádhí-afí ròngò odú, ìnzǎ abádhí-nyǐkpó ala tí nga, ìnzǎ abádhí-bì ràdù inga ìrì. Ní abádhí náarí'ì ìnè ndi dhu bhěyi tí indo màtí.»

⁹Ádrùngbǎ kamà Dàwudì ràtina átò: «Abádhí tó mùhendù àkǎ ndùgèrè ndi abádhí rǒ, ndòngò abádhí òtsi rí àdà tí, ndínǎ abádhí awá tí ì, 'àdù fíyó nzérenga tó perè nábà.

¹⁰Abádhí-nyǐnga àkǎ ndùtì, ìnzǎ ràla nga, ndirò abádhí-adzíkpa àkǎ rùtdò ì bìlìnganà .»

Pbàìsràyéí náadhò Krístò dhu náabhù ídzìnga yà adzi ǒ ngǔkpà ale tò dhu

¹¹Nírò, ma mí dhu ìvǔ matí: Pbàìsràyéí-pfò dhu ubé tí, ràrà àhu abádhí rǎ 'àwà dòtsi dhu ò? Inzá akèkpá màtí! Pbétù, Pbàìsràyéí ódhò Krístò dhu-okú dò rò, ìnzǎ ní Pbàìsràyéí nábà ì úgu ònà otu, ndínǎ ì Pbàìsràyéí ambè tí adhàya ònzǎ dǒ.

¹²Ní, dhu apé ì'ì Pbàìsràyéí tó afátá mà abádhí tó ivívinga mànà náabhù ídzìnga yà adzi ǒ ngǔkpà ale tò dhu tí, ní yà Kàgàwà únzì Pbàìsràyéí rǎ ògù tó otu nùngǔ atdíđò rò, ndi ídzìnga náadùya tí mbǎ ì'ì abho nyú ròsè?

¹³Kòmbí ma mí dhu ùnò fǔkù ìnzǎ ní Pbàìsràyéí tírò. Ima nyú, ima ní ìnzǎ ní Pbàìsràyéí tó uvitatále. Ní ma mí mìlè ndi pbàkà kasu-okú dò rò.

¹⁴Nírò, ma mí'ì ìnè mabhù fǎkǎ pbìrì ǒ bhà nyú rònzì ngǔkpà pbìrì ǒ ale-adhà, ingó ma maraya tí abádhí nzínzì ǒ atdídhená ale mà nígu.

¹⁵Obhó tí, dhu apé ì'ì Kàgàwà ódhò Pbàìsràyéí dhu níbhò ungbòta Kàgàwà mà nzínzì ǒ yà adzi ǒ ngǔkpà ale mànà dhu tí, ní Kàgàwà à'ù Pbàìsràyéí tdítđò dhu tí mbǎ àdù ì'ì àdhàdhì abádhí, kǎkǎ iwà uvè ale bhěyi ì'ì ale, nábà ípìrǒnga tdítđò dhu bhěyi?

Pǎlò rǎ óyǒ ófò ìbho Pbàìsràyéí mà abhúya-nzínzì mànà dǒ dhu

¹⁶Òbhòlò ka kòbhòlò mùgatì-dòkpa nábhu ka kapé perè tí Kàgàwà tò, ní ndi nùbhà gòna nádù ì'ì kàbhà átò. Ndirò, Pbàìsràyéí rǎ'ì àdhàdhì òzò tí Kàgàwà azò mìzèyìtunì-kpa bhěyi. Ní, ndi mìzèyìtunì-kpa-vé náapé ì'ì kàbhà dhu tí, ní ndi mìzèyìtunì-kpa-òpí nádù ì'ì kàbhà átò.

¹⁷Ní, Kàgàwà ú'a ndi mìzèyìtunì-kpa-òpí-ròrò, ndàdù nyǎ, ìnzǎ ní Pbàìsràyéí, yà ìrì ǒ arí inga mìzèyìtunì-kpa-òpí núpba ndùtsì kǒkò ù'ǎ ndi ndù'a mìzèyìtunì-kpa-òpí tó ngari ǒ. Ní kòmbí nyǎ, ìnzǎ ní Pbàìsràyéí tírò, nyǎ nyarí Pbàìsràyéí nábà ídzìnga àbà átò, àdhàdhì ìrì ǒ mìzèyìtunì-òpí náarí yà òzò tí Kàgàwà azò mìzèyìtunì-kpa-vé ò rò ráhu idha nómuvè átò dhu bhěyi.

¹⁸Nírò, nyǎ nyàkǎ nzá nyǒnzì kǎkǎ ù'ǎ Kàgàwà ú'a mìzèyìtunì-òpí gàyà. Nyǎ nyǎ mbǎ nyǎ nyǎ nyoyò okúna dò rò dhu nà. Obhó tí, ìnzǎ ní nyǎ ndi nyǎ nyarí òbì àbhù ndi mìzèyìtunì-vé tò, pbétù kǎ-vé náarí ndi òbì àbhù fǔkù.

¹⁹Nyǎ nyǎ'ì ìnè nyǎtì ma nǎ: kòrì mìzèyìtunì-kpa-òpí ka ku'a, ndínǎ mã, mã mabá tí ngari aríya dǒ.

²⁰Ní, nyĩ nyùnò obhó dhu. Ka ku'a abádhí, abádhí uvó ì ìnzĩ ì a'u tí dhu dhu-okú dò rò. Ndirò nyĩ, nyĩ nyí'ì ìnè pòtsó nyĩ nyùpbã nyĩ ndi itsu rǒ ró, a'uta nà nyĩ nyí'ì dhu-okú dò rò. Ní kòmbí, nyĩ nyàkã nzá nyöyò nyĩ, pbétù nyĩ nyàkã nyàndà nga mběyi!

²¹Obhó tí, dhu apé ì'ì ìnzá Kàgàwà ubhà kòrì itsu-òpbí-ayí, ròngò àmbè ò'ò dǒ dhu tí, ní kǎdùya nyùbhà ìngbà dhu bhěyi?

²²Nírò, nyirè pé nga Kàgàwà bhà ìdzìnga dǒ, ndirò nyirè pé nga kàbhà nàwí dǒ átò. Àbadhi ní pbìndà nàwí ìtè arí kǎkà ì nùvò ìnzĩ 'à'ù ndi ale-okú dò rò ale. Pbétù, ka nàdù ì'ì ìdzì ale fùkù, kàbhà ìdzìnga ò nyĩ nyòkò rò. Ìmbã kí'ì ndi dhu bhěyi rò, ní nyĩ nyú mà kǔ'aya nyĩ átò.

²³Ndirò, Pbàìsràyélí na náapé 'ùgèrè, 'à'ù Kàgàwà tdítǒ, ní kà rǐ ìnè ndùpbã abádhí tdítǒ, ndùtsì yà abádhí ì'ì òyá fíyó ngari ò. Obhó tí, Kàgàwà rǐ'ì ìnè ndùpbã abádhí, ndùtsì tdítǒ.

²⁴Nyĩ, ìnzĩ ní Pbàìsràyélí tírò, nyĩ nyí'ì àdhàdhì irí ò mìzèyìtunì-òpbí, yà Kàgàwà ú'à ndàdù àpbanà, ndùtsì yà òzò tí ndi ndazò mìzèyìtunì-kpa rǒ bhěyi, ìnzĩ ní yà mùhàngù ò rò ka karí kòzò ònà ófò ò. Pbétù, Pbàìsràyélí rǐ'ì àdhàdhì wò ndi òzò tí Kàgàwà azò mìzèyìtunì-kpa bhěyi. Ní dhu rǐ ìmbã ì'ì odú Kàgàwà tò, ndùpbã yà ù'ǎ ndi ndú'a ndi mìzèyìtunì rǒ rò òpbina, ndàdù ùtsìnà kà-rǒ tdítǒ.

Kàgàwà rǐ'ì ìzù tó afína nà Pbàìsràyélí mà ìnzĩ ní Pbàìsràyélí mà nà dǒ dhu

²⁵Àbanǐnzó, ma mòzè nzá nyòkò ìnzĩ nyñni yà órù ò ongónà àdi dhu, akye nyĩ nyozúna nyĩ atdíǒ ìnga nùni ale tí nǐ. Ndi dhu yà órù ò ongónà àdi ní yàrì: atdídhénà Pbàìsràyélí nókoya afíya ròngò ò'ò odú, ràrà àhu yà Kàgàwà únzi ìnzĩ ní Pbàìsràyélí rǐ ògù-otù ùngǔ atdíǒ dhu ò.

²⁶Nírò ní ndi Ìsràyeli tó pbìrì ò ábhò ale nùugùya àdhàdhì yà Hìlǎ Andítá ò Kàgàwà rǒvona dhu bhěyi, ndàtì: «Uwutaba rǐ ndìto Sàyuni tó pbìrì dǒ. Kàrǐ nzére dhu ìto Yàkòbhò bhà pbàdzukuru nzínzi ò rò.

²⁷Wòrì ní ndi yà abádhí mà nà mà mungbòya mà nǐ ungbòta, abádhí tó nzérenga nùba ma mí abádhí tò ònà kàsùmì ò .»

²⁸Ìdzì Mǎkǔrù Pbàìsràyélí ódhò dhu ka kàndà rò, abádhí ní Kàgàwà rǒ òmvù, ndi dhu ràdù ì'ì mùgàsù tí fùkù. Pbétù, Kàgàwà avò abádhí fǐndà dhu ka kàndà rò, abádhí ní atdíǒ Kàgàwà ózè abhúya-okú dò rò ale.

²⁹Obhó tí, Kàgàwà náarí nzǐ ìndrù tò ndi ndàbhu perè àkò ndi ale-fó rò. Ndirò, kǎrì nzǐ fǐndà ndi ndòvò ale òdhò.

³⁰Angyi nyĩ, ìnzĩ ní Pbàìsràyélí tírò, nyĩ nyuvó nyĩ ìnzĩ nyñrì Kàgàwà-tsǔ dhu, pbétù kòmbí, kǔbà dhu fùkù Pbàìsràyélí úvò ì ìnzĩ 'ìrì kà-tsǔ dhu dhu-okú dò rò.

³¹Àdhàdhì abádhí úvò ì kòmbí ìnzĩ 'ìrì Kàgàwà-tsǔ dhu dhu nábhu Kàgàwà rǐ'ì ìzù tó ale-afí nà dükú dhu bhěyi, ní kí'íya ìnè ìzù tó afína nà átò abádhí dǒ, abádhí rǐ 'ùgèrè 'ìngò tina ò rò.

³²Obhó tí, Kàgàwà ábhù Pbàìsràyéíí mà ìnzí ní Pbàìsràyéíí màná rí'í ìnzí rí tsuná dhu ìri ale tí, ndíní ndí ndí'í tí izu tó afína nà abádhí dǒ kóró.

³³Ándà pé Kàgàwà bhà ídzìngà náarí'í ádrùngbá tí dhu! Kárí dhu-ǒngà òvò tí dhu mà, kàbhà inga t'únita màná rí'í abhàbhó nyú ròsè! Ádhi pbá ale ndi kàbhà irèta àwè rádù? Ádhi pbá ale ndi kùdhè ndi ndonzi tí dhu rádù dóna àlu?

³⁴Àdhàdhì yà Ìlǎ Andítá rǒvona dhu bhèyi: «Ádhi pbá ale ndi Ádrùngbàle Kàgàwà bhà irèta núnì? Ádhi pbá ale ndi kà tò rádù sedzà àbhù?»

³⁵«Ádhi pbá ale ndi dhu nábhù angyi Kàgàwà tò, ndíní kǎdù tí ndi dhu-arì ǒ dhu àdu fǐndà?»

³⁶Obhó tí, kóró dhu náaráhu kà-fó rò, kóró dhu kàbhòlò ndi, ndirò kóró dhu rí'í kà tò. Ní, kàkǎ ilèta nà dhòdhóhóngà nà! Àmìnà.

Pbàrɔmà 12

Kàgàwà bhà kasu ɔnzì ka kí atdí ale-afí nyú na dhu

¹Nírò àbanǐnzó, àdhàdhì Kàgàwà nítè pbìndà izu tó ale-afí àlè tò dhu bhèyi, ma mìtdè nyí ìtdè tí, nyùbho ngbòku kà tò, rí'í àdhàdhì Kàgàwà tò ka kùbho ípìròrò rí'í izǎ tò perè bhèyi, kà-nyìkpó ǒ ìlǎ, ndirò kà-nyìkpó nòfò perè bhèyi. Wòrí ní ndi àdù ì'í obhónánga tó ǒfò, yà Àbadhi ùle nyí nyádù nǐ.

²Nyí nyàkǎ nzá nyǒnzì nyí àdhàdhì yà kòmbí arí'í adzi ǒ ale náarí 'ònzì òná ǒfò ǒ. Pbétù, nyí nyàkǎ nyàbhù Kàgàwà rùgèrè nyí, ndàbhù fùkú irèta róngò ɔwútána tí, ndíní nyí nyuni tí Kàgàwà ózè nyǒnzì dhu. I dhu ní: ídzì dhu tí rí'í dhu mà, Kàgàwà-nyìkpó nòfò dhu mà, ndirò obhónánga tó dhu nyú tí rí'í dhu màná.

³Àdhàdhì yà Kàgàwà ɔnzìná idù ídzìngà mì'í uvitatále tí dhu-bvu rǒ, ma mátina nyí nǐ kóró: atdí ale mà nzìnzìku ǒ nǎkǎ nzá ndòzù ndi ɔrú nyú, ròsè yà ndi ndí'í òná ǒfò dónǎ. Pbétù, nyí nyàkǎ nyǒzù nyí yà nyí nyú nyí nyí'í òná ǒfò ǒ, ìnzí nyí nyí nyídzí rórò, àdhàdhì yà Kàgàwà úndò fùkú fùkú a'uta-otù ǒ perè-bvu rǒ.

⁴Atdí ale-ngbò rǒ, ale-ngbò-rǒngá-nzo náarí'í ibí, ndirò i ale-ngbò-rǒngá-nzo rǐ mbǎ ì'í kóró atdí kasu nà tí.

⁵Ní ndi dhu bhèyi tí, àlè kí mbǎ ì'í ibí rò màtí, ní àlè ní atdí ale-ngbò kèlè Krístò màná àlè kúngbò àlè dhu-otù ǒ. Ndirò àlè'í kóró, àlè kúngbò àlè àlè rí'í atdí ale-ngbò tí, ìngbàtí ìlì ndi ale mà rí'í pbìndà ngari ǒ àdhàdhì atdí ale-ngbò-rǒngà bhèyi.

⁶Pbìndà ídzìngà-bvu rǒ, Kàgàwà íbhò dhèdhèrò perè-tidò àlè tò. Ní, kàbhà nabi bhèyi ka kí dhu òvò ìndrù tò dhu tó perè nábà ale, nǎkǎ ndàrà dhu òvò rǒ ìndrù tò yà kóró àlè kǎ'ù obhónánga tó ɔte-bvu rǒ.

⁷Ngǔkpà ale dzùnà t'ónzita tó perè nábà ale, nǎkǎ ndonzi ka mbèyi. Ìndrù tò ka kí dhu ùdhè dhu tó perè nábà ale, nǎkǎ ndùdhe dhu mbèyi ìndrù tò.

⁸Ngǔkpà ale tò ka kí sedzà àbhù dhu tó perè nábà ale, nǎkǎ ndàbhù sedzà mbèyi abádhí tò. Ìndrù tò ka kí perè ùbhò dhu tó perè nábà ale, nǎkǎ ndùbho ka ìnzí ndi

ndóžùna rórò. Ìndrù òdò arí ale, náká ndòdò abádhí mběyi. Izu tó ale-afí nà ka kí'ì ngùkpà ale dō dhu tó perè nábà ale, náká ndònzì ka dhèdhe nà.

Yèsù ná'ù ale àká 'òkò tí nzínziya ǒ dhu

⁹Fùkú àzè náká ndì'ì ìmbà òná utrátá na. Nyí nyàká nyòndrò kóró dhu-tsí kākà nzére dhu tí rí'ì, nyǎdù nyǎpba ídzì dhu tí rí'ì dhu rǒ.

¹⁰Nyí nyàká nyòzè nyí nzínziku ǒ àdhàdhì atdí àba bhà ale náarí 'òzè nzínziya ǒ dhu bhěyi. Nyí nyàká nyí'ì wemberè t'ále tí nzínziku ǒ nyí nyí nyí'fù dhu ǒ.

¹¹Nyí nyàká nyònzì Ádrùngbǎle Yèsù bhà kasu atdyúku nyú nà, ìmbà itsí na, ndirò nyí nyàká nyònzì ka afíku nyú nà.

¹²Nyí nyàká nyòkò dhèdhe ǒ, yà àlè tò Kàgàwà ókò fíndá làká dhòdhódhóngà tó ípìrònga òdò nyí nyí nyí nyabá tí rò. Nyí nyàká nyòndù dhu-dzi àpè ǒ, nyǎdù ìko pòtsó itsòta ǒ.

¹³Nyí nyàká nyònzì Kàgàwà bhà ale dzùnà fíyó mùhetù ǒ, nyǎdù òwu olo tí rí'ì ale àko rǒ.

Àzè àká kitè kóró ale tò, ìmbà rí'ì òmvù tò màtí dhu

¹⁴Nyí nyàká nyáso rùkú rávu ale. Nyí nyàká nyáso abádhí, ìnzì ní nyòfù abádhí òfù tí.

¹⁵Nyí nyàká nyònzì dhèdhe atdíkpá kākà dhèdhe ǒ rí'ì ale mànà, nyǎdù òdzi atdíkpá kākà òdzi ródzi ale mànà.

¹⁶Nyí nyàká nyòkò irita nà nzínziku ǒ. Nyí nyàká nzá nyǔbhà ale ìdzì ka kí dhu ràtdù afíku, pbétù nyí nyàká nyǔbhà nyí yorowà ǒ ka kóko dhu ràtdù ndi afíku. Nyí nyàká nzá nyòzè nyí nyí-tírò dhu-ònga t'òvòta núnì ale tí.

¹⁷Nyí nyàká nzá nyádu nzére dhu ìndrù tò nzére dhu nǐ. Nyí nyàká nyí'ì ídzìnga ònzì ka kí kóró ale tò nǐ ale-afí nà.

¹⁸Àkākà nǐ, tíku ònǎ rò, nyí nyàká nyònzì òbi nyòkò màrùngà ǒ kóró ale mànà.

¹⁹Òdhídù, yà atdíðò ma mózè nyí rò, nyí nyàká nzá nyǔtsè rùkú dhu nyí-tírò, pbétù nyí nyàká nyǔbhà ngari Kàgàwà bhà nàwí tò rònzì ndi kasu. Obhó tí, ka kándí dhu Hílǎ Andítá ò, kati: «Ìndrù rǒ dhu ùtse ka kí dhu ní kàsùdu. Ima, Ádrùngbǎle Kàgàwà ní ndi ma mǔtsèya rùkú dhu .»

²⁰Pbétù, àdhàdhì yà Hílǎ Andítá náarúnona dhu bhěyi: «Rùnù arí'ì òmvù tí ale náapè ì'ì àwù nà, ní nyí nyàká nyabhu ònyè kà tò. Kǎpé ì'ì idha-atdyú nà, ní nyí nyàká nyabhu idha kà ròmù. Obhó tí, wò dhu bhěyi nyí nyònzì dhu rǎdù ì'ì àdhàdhì kàzù-li nyí nyítrò kà-dò-tsíró dhu bhěyi .»

²¹Nyí nyàká nzá nyabhu nzére dhu rònzì lèmànù, pbétù nyí nyàká nyònzì nzére dhu lèmà ídzìnga t'ònzita nǐ.

Pbàròmà 13

Àlità bhà ádròdrǒ ale àká kifù dhu

¹ Ìngbàtí ìlì ndì ale mà náká ndìfu idzi nónyù ìndrù dǒ ádròdrǒ ale. Obhó tí, inzá áhu Kàgàwà bhà rò ádrùngbǎnga náarí mbá ì'ì. Ndirò, kǎkǎ idzi nónyù ìndrù dǒ ádròdrǒ ale núlì ní Kàgàwà.

² Nírò, ádrùngbǎnga tó ɔbì nà arí'ì ale nà rí ndàgò ale ní Kàgàwà ùyá dhu nà rí ndàgò ale. Ndirò, ndi dhu bhěyi arí dhu ònzi ale ní iwà Kàgàwà rǐ anya ìtdì dòyá dhu nìdhà dòyá ì tírò ale.

³ Obhó tí, ídzì dhu ònzi arí ale náarí nzǐ ádròdrǒ ale-òdò ònzi, pbétù abádhí-òdò ònzi arí ní nzére dhu ònzi arí ale. Nyí nyóze tí wà nyongò àdì ìnzǐ nyí nyí ádrùngbǎle-òdò ònzi rórò? Nírò, nyí nyákǎ nyonzi ídzì dhu, ní kà rǎdù nyífu.

⁴ Obhó tí, ádròdrǒ ale rǒnzina ní Kàgàwà bhà kasu, ndínǐ nyí nabhù tí nyonzi ídzì dhu. Pbétù, dhu apé ì'ì nzére dhu ònzi nyí nyarí dhu tí, ní nyí nyákǎ nyonzi abádhí-òdò. Obhó tí, ìnzǐ ní kǎkórò nga ndi abádhí rǐ'ì ìndrù tò ì í mǎlipò àbhù nǐ ádrùngbǎnga tó ɔbì nà nǐ. Mǎlipò àbhù abádhí rǐ nzére dhu nònzi ale tò rò, abádhí rǒnzina ní Kàgàwà bhà kasu, ndínǐ kǎbhà nàwí nitè tí ì ale tò.

⁵ Ní ndi dhu-okú dò rò, inga nòfò dhu nyú ní kifù ádròdrǒ ale, ìnzǐ ní Kàgàwà bhà nàwí-òdò ònzi ka kí dhu-okú dò rò tí, pbétù, ale-afí rǐ dhu ìtè átò ídzì dhu rǎrǐ ndi dhu-okú dò rò.

⁶ Ndi dhu-okú dò rò ní ndi, nyí nyarí pàratà ùfǒ átò. Obhó tí, àlità bhà kasu ònzi arí ádròdrǒ ale náarónzina ní Kàgàwà bhà kasu.

⁷ Ní, nyí nyákǎ nyǎbhu ìngbàtí ìlì ndi ádrùngbǎle bhà obhónánga mà ndi ádrùngbǎle tò. Nyí nyákǎ nyǔfǒ pàratà yà pàratà àbhù arí kufǒ ndombè-fó, ndirò nyí nyákǎ nyǎtsà tákìsì yà tákìsì àtsà arí ale-fó. Nyí nyákǎ nyífu ifuta nà àkǎ ádrùngbǎle, nyǎdù ìlèta nà àkǎ-tsí nílè.

Ìndrù rǐ 'òzè nzínziya ǒ dhu ní Kàgàwà bhà Úyátá ifù ka kí dhu

⁸ Nyí nyákǎ nzá nyí'ì atdí ale bhà wànzá nà màtí. Wànzá tí nyí nyákǎ nyí'ì nà ní atdí dhu kèlě. Ndi dhu ní, nyóze nyí nyí nzínziku ǒ dhu. Obhó tí, ɔdhìnà nòzè ale nífu wà Úyátá atdí.

⁹ Kàgàwà bhà Úyátá rǐ dhu òvo, ndàti: «Dhu àkǎ nzá nyonzi mǎnyòni, dhu àkǎ nzá nyohò abvo, dhu àkǎ nzá nyonzi ogbo, ndirò dhu àkǎ nzá nyíli afinu ngǎtsi ale-fó rǐ'ì dhu dǒ .» Kǒkò ì Úyátá mà, kórò ngǔkpà-tsí mànà, ní ka kútsì yàrì atdí Úyátá ò: «Nyí nyákǎ nyóze ɔdhínu àdhàdhì yà ìnyí nyú nyí nyóze nyí nyí-tírò dhu bhěyi .»

¹⁰ ɔdhìnà nòzè ale rǐ nzǐ àdù nzére dhu ònzi kà-rǒ. Nírò, ale t'òdhìnà òzè ka kí dhu ní Úyátá ifù ka kí àkǎkǎ dhu bhěyi dhu.

Krístò rǐngò òná idho àkǎ kòdò tí dhu

¹¹ Nyí nyákǎ nyóze nyí nzínziku ǒ, nyí nyùnì wà yà àlě kí'ì òná kòmbí kàsùmì nídhunǐ. Obhó tí, Yèsù Krístò àlě ka'u òná kàsùmì ǒ, àlě kúgu dòtsí òná kàsùmì ní'ì àdì ndi ndàdì itse ró. Ní kòmbí, kìndù wà ndi ìkyèrǒ nyú àlě tí. Nírò, kànǐ idho ò rò nyí nyí nyíwà òná fùkú kàsùmì náká wà!

¹²Iku-ǒnga àlì wà ndì, ndirò inga rùbho dhu nínù wà ndì. Àlě kàkǎ àlě ràwà ínò tó mùtso igi, àlě ràdù ila ùgye àlě kí nǐ awáwù ǒ màtsùmù nùgù.

¹³Àlě kàkǎ àlě rǐ'ì adyíbhengá nga nà àkǎ ídzì mùtso nà, àlě ràdù àlě òdò kǎkǎ dhu-tsí rǒrò. I dhu ní: pìrà bhěyi ka kí dhu ònyu dhu, iwa t'órita, kóró m̀nyòni-tidò t'ónzita, anya t'ónzita, ndirò adha tó ale-afí nà ka kí'ì dhu.

¹⁴Nyǐ nyàkǎ nyǔfǒ yà Yèsù íbhò àlě tò màtsùmù. Ndirò, nyǐ nyàkǎ nzá nyǔbhà yà ngbòku rǐ atdyúya òho dhu ròvò nyǐ, nyǎmbe kòzè dhu ònzì dǒ.

Pbàrɔmà 14

Inzá ìndrù àkǎ ndòtdì ɔdhìna-ànyǎ ònyù-okú dǒ rò dhu

¹Nyǐ nyàkǎ nyàko yà ivíví a'uta nà arí'ì ale inzá nyǐ nyàgò nyǐ nà pbìndà irèta dǒ rórò.

²Atdí ǒfò ní, atdí ale rǐ'ì inè ndònyù kóró ònyù-tidò pbìndà ɔbi nà a'uta-okú dǒ rò, pbétù ngǎtsi ale ràdù ndà'ù ndònyù itò-bǐ kèlě pbìndà ivíví a'uta-okú dǒ rò.

³Ní, wò ndì kóró ònyù-tidò ònyu arí ale nákǎ nzá ndònzì yà ìnzǐ arí ìzǎ ná'a ale-itsì. Ndi dhu bhěyi tí, yà ìnzǐ arí ìzǎ ná'a ale, nákǎ nzá ndòtdì yà kóró ònyù-tidò ònyu arí ale-ànyǎ, Kàgàwà náko wà kònyu arí ale átò nídhunǐ.

⁴Inyi, inyi ní àdhi wò ngǎtsi ale bhà kasutále dǒ nyǐ nyarí anya itdì rò? Kàrǐ kóró dhu ònyu dhu mà, ndirò ìnzǐ kà rǐ kóró dhu ònyu dhu mà ní kàbhà kasu tó ádrùngbǎle-òtè. Ndirò, kàbhà Ádrùngbǎle Yèsù rǐ'ì inè ɔbi nà ndidì ka pòtsó pbìndà a'uta ǒ.

⁵Atdídhená ale náarí atdídhená idho òzù atdídǒ rǐ'ì tǐya nà ròsè ngǔkpà idho dònǎ dhu tí. Pbétù, ngǔkpà ale arádù kóró idho òzù rǐ'ì àdhàdhi. Ndi dhu bhěyi ní ndì, ngǎtsi ale náarí dhu à'u àdhàdhi ndì nyú ndì ndírèna ndítirò dhu bhěyi.

⁶Afina nitù atdí idho-okú dǒ rò ale, ní rǐ dhu ònzì ndì dhu bhěyi ndínǐ ndì ndifu tí Ádrùngbǎle Yèsù. Kóró ònyù-tidò ònyu arí ale ní rǐ dhu ònzì ndì dhu bhěyi, ndínǐ ndì ndifu tí Ádrùngbǎle Yèsù átò. Obhó tí, kà rǐ òtsò àbhǔ Kàgàwà tò pbìndà ònyù-okú dǒ rò. Ndirò, ìnzǐ arí kóró ònyù-tidò ònyu ale ní rǐ dhu ònzì ndì dhu bhěyi átò, ndínǐ ndì ndifu tí Ádrùngbǎle Yèsù, ndàdù òtsò àbhǔ Kàgàwà tò.

⁷Obhó tí, àlě karí mbǎ ípìrǒnga nà àlě kòzè àlě rǐ'ì kà nà dhu-okú dǒ rò. Ndirò, àlě karí nzǐ ùve àlě kòzè àlě rǐ'ì dhu-okú dǒ rò.

⁸Kà-tì ní, àlě kapé ì'ì ípìrǒnga nà, ní àlě kí'ì kà nà Ádrùngbǎle Yèsù òzè ka dhu-okú dǒ rò. Ndirò àlě kapé ùve, ní àlě kúve Ádrùngbǎle Yèsù òzè ka dhu-okú dǒ rò. Nírò, dhu apé ì'ì àlě kí'ì ípìrǒnga nà dhu tí, ndirò ngǎtsi nǐ dhu apé ì'ì àlě kúve dhu tí, ní àlě'ì ní Ádrùngbǎle Yèsù bhà ongyéngá.

⁹Obhó tí, Krístò avè ndàdù ndìngbè, ndínǐ ndì ndadì tí Ádrùngbǎle tí kǎkǎ iwà ùve ale mà, ípìrǒnga nà rǐ'ì ale mànà tò.

¹⁰Pbétù inyi, ádhu nyǐ nyarí anya òtdì ɔdhìnu dǒ okúna dǒ rò? Ndirò ádhu inyi, nyǐ nyarí ɔdhìnu-itsì ònzì okúna dǒ rò? Obhó tí, àlě'ì kóró àlě kikòya Kàgàwà bhà anya t'únota tó tombi-ònzǐ.

¹¹Obhó tí, ka kándí dhu ǎlǎ Andítá ò kati: «Ádrùngbǎle Kàgàwà rǎtina: «Ima, ma mí'ì ìnè nyìkpódu nà. Ní, kóró ale núukoyá otdyùya-dò ɔnzidú, ndirò kóró ale nòɔvɔya dhu kprangba 'àti: ma rǎrǎ Kàgàwà .»»

¹²Ní ndi dhu bhěyi tí, ìngbàtí ǎli ndi ale mà àlě nzínzì ǎ náaweya ndi ndanzì dhu nditírò Kàgàwà-ònzǎ.

¹³Nírò, àlě kàkǎ nzá àlě rìtdí àlě-ànyǎ àlětírò àlě nzínzì ǎ. Pbetù, kǎnǎ nyí nyàkǎ nyònzì dhu: nyí nyàkǎ nzá nyǎli ɔdhíkù-tsù ùtò rádù ìnzǎ rùngu Kàgàwà bhà otu dhu abádhi-ònzǎ, ndirò nyí nyàkǎ nzá nyònzì abádhi àbhù rádù ròtsù nzérenga ò dhu.

¹⁴Ma m̀ni wà dhu madù dhu à'ù, Ádrùngbǎle Yèsù-otù ǎ: Kàgàwà-nyìkpó ǎ ótì atdí ònyù-tidò mà rǎrǎ'ì mbǎ. Pbetù, ndi ale apé atdí ònyù-tidò mà òzù Kàgàwà-nyìkpó ǎ ótì dhu tí, ní ndi ale tò ndi ònyù òtì wà.

¹⁵Dhu apé ì'ì yà nyi nyónyuna ònyù-okú dò rò nyi nyàbhù ɔdhìnu-afí rǎ'ì izu nà dhu tí, ní nyi nyí'ì ìmbǎ àzè tó ale-afí nà. Pbukù ònyù-okú dò rò nyi nyàkǎ nzá nyabhù wò Krístò náavè okúna dò rò ale nyú rǐtsì pbìndà a'uta ǎ.

¹⁶Nírò, ìdzì dhu tí nyí nyòzù dhu ònzì nyí nyí dhu nákǎ nzá ndi'ì nzére dhu ùnò yà ìnzá Yèsù ná'ù ale rádù nyí nǎ okúna dò rò dhu tí.

¹⁷Obhó tí, ɔrù-akpà ǎ Ádrùngbǎ kamà Kàgàwà bhà Idzi ní nzǎ ònyù, ndirò ka ní nzǎ ɔmvù. Pbetù ka ní yà Kàgàwà bhà ǎlǎ-Alafí arónzina àlě-nyutsì dhu. I dhu ní: kǎrǎ àlě àbhù àlě rònzì obhónanga tó dhu, àlě ròkò màrùngà ǎ àlě nzínzì ǎ, ndirò àlě ròkò dhèdhe ǎ.

¹⁸Ní wòrǎ ófò ǎ àlě kí Krístò bhà kasu ònzì dhu rǎ ndi àlě àbhù àlě ròfò Kàgàwà-nyìkpó, ndirò ìndrù-nyìkpó.

¹⁹Ní ndi dhu-okú dò rò, àlě kàkǎ àlě rònè màrùngà ìbhò rádù àlě nzínzì ǎ dhu. Ndirò, àlě kàkǎ àlě rònzì ngǎkpà ale òsì rádù fiyó a'uta ǎ dhu.

²⁰Nyi nyàkǎ nzá nyinza Kàgàwà rónzina àlě-nyutsì kasu ònyù-okú dò rò. Obhó tí, kóró ònyù-tidò rǎ'ì ìnè konyù, pbetù ɔdhìnu àbhù rádù ìnzǎ rùngu Kàgàwà bhà otu ònyù-tidò ònyu nyi nyí dhu ní nzére dhu.

²¹Dhu rádù àkǎ mběyi nyú nyubhà ìzǎ ìnzǎ nya'à, nyubhà òvayì ìnzǎ nyɔmvù, nyadù àdì ìnzǎ nyɔnzì kóró dhu-tsí yà ɔdhìnu-tsù ùtò rádù ìnzǎ rùngu Kàgàwà bhà otu.

²²Inyi, nyi nyàkǎ nyòdò yà pbukù a'uta àbhù nyozù ìdzì dhu tí Kàgàwà-ònzǎ dhu afìnu ò. Hirò nónzì ale ní yà ìnzǎ arí ànyàna ɔtdí nditírò yà afína ùdhě dhu ndi ndònzì rò.

²³Pbetù, yà afína rǎguru ndi ndónyuna ònyù-okú dò rò ale, nányǎ Kàgàwà ótdí wà. Obhó tí, kà rǎ nzǎ ndi dhu ònzì a'uta nónzì ka òná ófò ǎ. Ndirò, ònzina ka kí kóró dhu-tsí, yà ìnzá ndi nàkò a'uta nà ní nzérenga.

Pbàrɔmà 15

Inzá dhu àkǎ ìndrù rònzì nyìkpóna nòfò nditírò dhu kèlě dhu

¹Àlě'ì yà ɔbi nà àlě kí'ì àlě tó a'uta ǒ rò, àlě kàkă àlě rònzi kàkă ìmbă rí'ì ɔbi nà fíyó a'uta ǒ ale dzùná fíyó ivívinga ǒ, ìnzì àlě rònzi àlě-nyìkpó kèlě ǒfò rí àlětírò dhu.

²Ìngbàtí ìlì ndì ale mà àlě nzínzi ǒ náká ndónzi òdhìnà-nyìkpó ǒfò rí dhu kà tò ndì ndì ídzìnga ònzi dhu-otù ǒ, ndínì ndì dhu adù tí ndì ale ɔsì pbìndà a'uta ǒ.

³Obhó tí, Krístò nyú mà náanzì nzá nyìkpóna ǒfò rí ndítírò dhu, àdhàdhì yà Ìlìlă Andítá ɔ ka kandí Màsiyà dǒ dhu bhěyi: «Yà abádhí arúnɔna ìnyi, Kàgàwà, nǐ nzere dhu tó itùtànga náarà ndà'e dùdú .»

⁴Ndirò kóró dhu yà angyí ka kandí Ìlìlă Andítá ɔ, ní ka kandí ndínì dhu nudhè tí àlě tò. I Andítá náarí àlě àbhù àlě ròndù dhu-dzi, ndàdù àlě-afí àbhù ròtsi ɔbi, ndínì àlě kabá tí yà Kàgàwà akò fíndá làká àlě tò dhu.

⁵Nírò, Kàgàwà, yà dhu-dzi t'òndùta tó ɔbi àbhù arí ìndrù tò ndàdù ale-afí ɔpè ale, náká ndàbhù nyí nyí'ì iríta nà nzínziku ǒ, Krístò Yèsù bhà ǒfò nódyì nyí nyí dhu-otù ǒ.

⁶Ndì dhu bhěyi ní ndì, nyí nyádù Kàgàwà, àlě tó Ádrùngbăle Yèsù Krístò t'ábanà, nílè atdí afíkú na ndirò atdí tükú na.

Krístò ìra Pbàyàhúdì mà ìnzì ní Pbàyàhúdì mà nà tò dhu

⁷Nírò, nyí nyákă nyǒngò nyákɔ nzínziku ǒ àdhàdhì Krístò náakò nyí dhu bhěyi, ndínì Kàgàwà-ɔvò ilè tí ndì.

⁸Obhó tí, ma mátina k pangba nyí nǐ, Krístò ìra Pbàyàhúdì tó kasutále bhěyi, ndínì ndì ndabhù tí yà abádhí t'ábhúna tò Kàgàwà akò làká rākă, ndì dhu ràdù dhu itè Kàgàwà rārì yà ùnɔ ndì ndùnò dhu ifù arí ale.

⁹Kíra átò ndínì ìnzì ní Pbàyàhúdì nílè tí Kàgàwà átò pbìndà izu tó ale-afí-okú dò rò, àdhàdhì yà Ìlìlă Andítá ɔ ka kándì ka dhu bhěyi. I Andítá rătina: «Wò dhu-okú dò rò, ma mǒngo nyilè ìnzì ní Pbàyàhúdì nzínzi ǒ, ndirò ma mǒngo adyi ùyù mifù nyí nǐ .»

¹⁰Ndirò, Andítá rătina tdítǒ: «Nyí, ìnzì ní Pbàyàhúdì tírò, nyònzì dhèdhe atdíkpá Kàgàwà bhà ale mà nà !»

¹¹Ndirò kà rătina tdítǒ yà dhu bhěyi: «Nyí ìnzì ní Pbàyàhúdì, nyilè Ádrùngbăle. Nyí kóró alé, nyilè ka !»

¹²Ndirò, nabì Ísayà rătina: «Yèsè bhà mùdzukuru nítɔya ndì. Ní, kǒnyuya idzi ìnzì ní Pbàyàhúdì dǒ, ndirò i ale adùya nyìkpóya ìlì kà-rǒ, ndínì ì nígú tí .»

¹³Nírò Kàgàwà, yà àlě àbhù arí àlě rùlì àlě-nyìkpó ndì ndónzina dhu rǒ ale, náká ndirà nyí àkākă dhèdhe nǐ, ndàdù nyàbhù nyòkò màrùngà ǒ, ka nyí nyá'ù nídhunì. Ndì dhu bhěyi ní ndì, nyí nyádù nyìkpóku ùlì atdíǒ kà rǒnzina fùkù dhu rǒ Ìlìlă-Alafí bhà ádrùngbănga tó ɔbi nǐ.

Pɔlò rǒte ìnzì ní Pbàyàhúdì nzínzi ǒ ndì ndónzina kasu dǒ dhu

¹⁴Ábanǐnzó, nyí nyú nàndà dhu nǐ, ma m̀ni wà dhu mběyi nyú, nyí rùlè ùlè tí ídzìnga t'ónzita nǐ, ndirò nyí r̀ni wà obhó dhu tí rí'ì dhu mběyi nyú, ndì dhu ràdù nyàbhù nyàmbe sedzà àbhù dǒ fùkù nzínziku ǒ.

¹⁵Yàrí bhàruwà ò ngǔkpà ngari ǒ, ma mándí dhu fǔkù ɔbi nyú nà, ndíní nyí nabhù tí nyírè yà angyi ka kúdhe fǔkù dhu. Ma mǎrà kǒnzì rǒ ndí dhu bhěyi, ma mǎbàná Kàgàwà bhà ídzìnga,

¹⁶mi'ì Yèsù Krístò bhà kasutále tí ìnzǐ ní Pbàyàhúdí tò dhu-okú dò rò. Ma marí kùhaní tò kasu ònzì, munò Kàgàwà bhà Ídzì Mǎkǔrù, ndíní ma mitè tí ìnzǐ ní Pbàyàhúdí Kàgàwà tò perè tí. Kàgàwà rǎdù ndí perè àkò iwà Ìlǐlǎ-Alafí ú'ò ka rǐlǎ nyìkpóna ǒ dhu-okú dò rò.

¹⁷Yà Yèsù Krístò mànà mǎ múngbò mǎ nidhuní, ma mí'ì ìnè milè ma Kàgàwà tò ma mǒnzina kasu-okú dò rò.

¹⁸Obhó tí, ma mí nzǐ momvù misè vurò dhu, ìnzá ní yà Krístò ɔnzì otùdu ǒ dhu kèlè ma mòvò rò. Kǒnzì ndí dhu, ndíní ìnzǐ ní Pbàyàhúdí núugèrè tí ì 'ìfu Kàgàwà. Ndirò kǒnzì ka yà ndí ndábhù munò dhu mà, ndí ndábhù mǒnzì dhu mànà-otù ǒ.

¹⁹Kǒnzì ka átò yà ndí ndábhù mǒnzì Kàgàwà bhà Ìlǐlǎ-Alafí bhà ádrùngbǎnga tò ɔbi nǐ ize mà yà ìnzá apèna 'ònzì angyi ìndrǔ-nzínzì ǒ dhu mànà tò ádrùngbǎnga tò ɔbi-otù ǒ. Ndí dhu bhěyi ní ndí, ma múnò Krístò bhà Ídzì Mǎkǔrù kóró ngari ònǎ, ròpè ndí Yèrùsàlemà tò kigò ò rò, rǎrà àhù Ìlirìkò tò mùlengù ò.

²⁰Ndirò, atdí ma mí'ì nà ìrèta ní'ì munò Krístò bhà Ídzì Mǎkǔrù yà ìnzá ndí mǎkǔrù apèna ndiri ɔyá kóró ngari ònǎ. Ma mazè mǒnzì ka ndí dhu bhěyi, ìnzǐ ma munò tí Ídzì Mǎkǔrù yà iwà ngǎtsi ale náapè ndùnò ka ɔyá ngari ǒ,

²¹àdhàdhì yà Ìlǐlǎ Andítá ò ka kǎndí ka dhu bhěyi. I Andítá rǐ dhu òvò Mǎsiyà-okú dò rò 'àti: «Kǎkǎ ìnzá ka kapèna kǎbhà mǎkǔrù òvò fǐyò ale, náalaya ka. Kǎkǎ ìnzá ka kapèna kǎwě fǐyò ale ní ì kǎdùya dòya àlu .»

Pɔlò rǒte Yèrùsàlemà mà, Ròmà mà, Spàniyà mànà ò ndí ndàrà nǐ abhi dǒ dhu

²²Ídzì Mǎkǔrù ùnò ma mí yà ìnzá apèna kǐrì ale tò dhu ní ndí tsèdu nútò ibí-gùna nyú ìnzǐ marà àhù àwú fǔrǎbvù.

²³Obhó tí ibí atò nyú ǒ, ma mí'ì dhu-atdyú nà atdíđǒ marà nyǎndà. Ní kòmbí, ma mí mbǎ ma mǒnzina tdítdǒ yàrí mùlengù ǒ kasu nà.

²⁴Ní Spàniyà tò pbìrì ò ma mǎrà rò ma múda fǔrǎbvùnǎ ònǎ kàsùmì ǒ, ma mǎnì wà dhu ma rǎrǐ ngbǒkù àla àlǎ. Ndirò, iwà ìdhèdu ìka ndí yà atdíkpá àlè kòkò nyí mànà ídò kàsùmì tí dhu-dzidǒ rórò, ma mòzè nyǒnzì dzùnàdu ányì ma mǎrà nǐ pbàkà abhi ǒ.

²⁵Pbétù kòmbí, ma mí pé àrà mùdzùnà nà angyi Yèrùsàlemà tò kigò ò rí'ì Kàgàwà bhà ale tò.

²⁶Obhó tí, dhu ɔfò Mǎkédòniyà mà Àkayà mànà tò pbìrì ǒ Kàgàwà bhà ale-nyìkpó, rùndu malì-tsù, ndíní ì ɔnzì tí Yèrùsàlemà tò kigò ǒ rí'ì ale nzínzì ǒ rí'ì nǎkùtále dzùnà nǐ.

²⁷Obhó tí, abádhí ɔnzì ndí dhu ì nyú ì òzè ka dhu bhěyi. Pbétù dhu àkǎnà wà atdíđǒ abádhí rǒnzì ì nǎkù tò Pbàyàhúdí dzùnà. Obhó tí, dhu apé ì'ì ì ìnzǐ ní Pbàyàhúdí nábà

yà Pbàyàhúdí tò Kàgàwà udhé ale-afí tó asota átò dhu tí, ní dhu àkànà wà í ìnzí ní Pbàyàhúdí ròwù Pbàyàhúdí dzùnà ònzí rǒ átò foyá rí'í dhu-tsí ní.

²⁸Ní, ndi kasu ìto ma mí, madù wò ndi tsùna ka kùndu malì àbhu abádhí-fó kóró ale-ònzí rò rò, ma múda fūrābvùnā yà Spāniyā tó pbìrì ò ma mārā nǐ pbàkà abhi ǒ.

²⁹Ima nyú ma m̀̀ni wà dhu, fūrābvù ma mārā àhu òná kàsùmì ǒ, ma rārārā ábhǒ asota nyú nà fùkù Krístò inā rò.

³⁰Àbanǐnzó, ma mìtdè nyí ìtdè tí àlě tó Ádrùngbāle Yēsù Krístò-okú dò rò, ndirò yà Kàgàwà bhà Ìlǐlǎ-Alafí náaríbhona àlě ròzè àlě nǐ àzè-okú dò rò, kùngbò àlě atdíkpá itsòta ǒ, àlě ritsò àlě atdíǒ Kàgàwà rǒ dùdú.

³¹Nyìtsò nyí dùdú, ndíní ìnzí nzére dhu náabá tí ima kākà Yùdeyà tó pbìrì ǒ arí'í inzá Yēsù ná'ù ale inā rò. Ndirò nyìtsò nyí dùdú, ndíní Kàgàwà bhà ale náakò tí yà ma mārā nà Yèrùsàlemà tó kigò ò mùdzùnà mběyi.

³²Ndirò ndi dhu bhěyi Kàgàwà òzè ka rí'í nǐ, ma mírā àhu àhù bvùkù dhèdhe ǒ, madù maso ake nzínziku ǒ.

³³Nírò Kàgàwà, yà mārùngà ìbho arí àlě tó ale, náká ndí'í atdíkpá nyí mànà kóró. Àmìnà!

Pbàròmà 16

Pòlò rǐ Ròmà tó kigò ǒ arí'í Kàgàwà bhà ale nóvì dhu

¹Ma mòzè mìtè a'uta ǒ àlě t'áwènà, Fòyibè fùkù. Íyàdhíyà arí kasu dzùnà ònzí Kèkùreyà tó kigò ǒ kànìsà ǒ.

²Ní fūrābvù kà rārā àhu rò, nyí nyākā nyākò íyàdhíyà àlě tó Ádrùngbāle-òvò rǒ, àdhàdhì Kàgàwà bhà ale àkànà ì rònzì ka dhu bhěyi. Nyí nyākā nyònzì kà dzùnà kà rǐ atdyúna òho fùkù kóró dhu nǐ. Obhó tí, íyàdhíyà ònzì ábhǒ ale nyú dzùnà. Ndirò kǒnzì dzùnàdu nyú mà átò.

³Òvì nyòvì Pèrèsílà mà pbìndà kpatsibhāle Àkilà nà . Abádhí ní yà atdíkpá mǎ marí Yēsù Krístò bhà kasu ònzì mànà ale.

⁴Abádhí átsù mbèmbè 'ùve pbàkà ípìrǒnga àpà ì í 'ìgǔ rò. Ní ma màdu òtsò abádhí tò. Ndirò, ìnzí ní ima kèlě ndi atdíró ma màdu òtsò abádhí tò, pbétù ìnzí ní Pbàyàhúdí tó pbìrì ǒ kóró kànìsà nádu òtsò átò abádhí tò.

⁵Òvì nyòvì yà abádhí mà t'ídzá arí 'ùndù kànìsà átò. Òvì nyòvì yà atdíǒ ma mózè Pàyinatò. Àbadhi ní ndi wemberè tí Krístò na'u Àziyà tó pbìrì ǒ bhà nzínzì ǒ ale.

⁶Òvì nyòvì Màriyà yà atdíǒ aránà afína ìtu rǒ fùkù dhu nǐ ale.

⁷Òvì nyòvì Àndèrènikò mà Yùniyà nà. Abádhí ní fàkà pbìrì ǒ bhà, yà atdíkpá ka kusó mǎ mànà imbi ò. Abádhí ní uvitatále yà atdíǒ ka kárí ìfùna, ndirò abádhí ní angiyinà rò Krístò ná'ù rùdú ale.

⁸Òvì nyòvì Àpùliyatò, yà atdíǒ ma mózè Ádrùngbāle-nyutsì ale.

⁹Òvì nyòvì Rùbanù, Krístò bhà kasu ònzi mà marí nà òdhìkà. Ndirò, òvì nyòvì Sìtakì, yà atdíđǎ ma mózè ale.

¹⁰Òvì nyòvì Àpelè, yà Krístò-nyutsi pbìndà a'uta tó obhónɡa nitè kpangba ale. Òvì nyòvì Àristòbulò bhà idzá aróko ale.

¹¹Òvì nyòvì Yèrèđiyò, fàkà pbìrì ǎ ale. Òvì nyòvì Ádrùngbǎle Yèsù ná'ù ale, kǎkà Nàrkisò bhà idzá aróko.

¹²Òvì nyòvì Tirifenà mà Tirifòsà mànà, yà atdíđǎ Ádrùngbǎle bhà dhu arí afíya àtdù vèbhále. Òvì nyòvì yà atdíđǎ ma mózè Persì átò, yà atdíđǎ Ádrùngbǎle bhà dhu arí afína àtdù tsìbhále.

¹³Òvì nyòvì Rufù, yà Ádrùngbǎle ópì fíndà ale. Ndirò òvì nyòvì kà-tsánà yà ma marózùna átò íyàdu bhěyi ale.

¹⁴Òvì nyòvì Àsikrìtò mà, Fùlegò mà, Hérmè mà, Pàtròbà mà, Érmà mà, yà atdíkpá abádhí arí'ì mànà òdhíya mànà.

¹⁵Òvì nyòvì Filòlògò mà Yùliyà nà, nyàdù Nèrewù mà òvì awènà mànà. Ndirò òvì nyòvì Òlipà mà yà ì arí'ì mànà atdíkpá Kàgàwà bhà kóró ale mànà.

¹⁶Òvì nyòvì nyí mběyi nzínzìkù ǎ, nyàtsè nyí àdhàdhì òdhi arónzina dhu bhěyi. Krístò bhà kànísá kóró nóvì nyí.

Kà ríku dòná rò nǎ, Pòlò rǎ sedzá àbhǎ Ròmà ǎ pbàkrístò tò dhu

¹⁷Àbanǎnzó, ma mìtdè nyí itdè tí, nyàndà nga mběyi kǎkà ìndrù-ǎnga àpà arí 'ùndò ale nà. Í ale ní kǎkà ngǔkpá ale àbhù rádù rùvò ídzì otu ǎ rò, 'àdù àmbe yà fùkù ka kúdhe dhu àgò đǎ ale. Ní nyí nyàkǎ nyùtù nyí, nyòkò itse abádhí rǎ rò.

¹⁸Obhó tí, ì dhu bhěyi ale-tidò náarí kàsùna ònzi ní nzí àlě tó Ádrùngbǎle Krístò, pbétù abádhí arí kàsùna ònzi dhu ní òya kèlě. Ndirò, abádhí arádù kǎkà isísó afíya nà ale nùtra òvòvù ndirò utrátá tó òtěya nǎ.

¹⁹Nyí nàndà dhu nǎ, kóró ale úni wà ìngbà dhu bhěyi màtí nyí nyarí Ádrùngbǎle ifù dhu. Ní ndí dhu-okú dò rò, ìdhèdu ìka ndí atdíđǎ okúku dò rò. Pbétù, ma mòzè nyí'ì dhu-ǎnga t'òvòtatále tí ídzìnga t'ònzìta-otù ǎ. Ndirò nyí nyàkǎ nyòkò ìlǎlǎ ale tí, nyíndà nyí nzére dhu rǎ rò.

²⁰Ndí dhu bhěyi nyí nyònzì dhu rò, Kàgàwà, yà màrùngà ìbho arí ale, rǎ pfòmvo Sìtanì-òbì itò, ndàbhù nyòbè dònà pfòku-tsítsíró inzá òtrò idho ǎ. Àlě tó Ádrùngbǎle Yèsù Krístò bhà ídzìnga nǎkǎ ndí'ì atdíkpá nyí mànà!

²¹Tìmòtewù, kasu tó òdhìdu nóvì nyí'ì. Ndirò fàkà pbìrì ǎ bhà: Lùkiyò, Yàsonà, Sòsipàtrò mànà nóvì nyí átò.

²²Yàrí bhàruwà Pòlò ávi rándí fùkù ní ima, Tèrtiyò. Ní ma mòvì nyí yà àlě nùngbò Ádrùngbǎle-òvò rǎ.

²³Găyò, yà ima, Pòlò nakò pbì idzá ndirò yà kànisa ò kóró ale nákö arí róngò 'ùndu pbì idzá ale, nóvì nyí'í. Àlě t'adònà Kwartò mà, Răstò yà kigò ò malì òdò arí ale mànà nóvì nyí.

[²⁴Àlě tó Ádrùngbăle Yěsù Krístò bhà ídzìnga nákö ndí'í nyí nà kóró. Àmìnà.]

Atdírò tí Kàgàwà àkă ilèta nà dhu

²⁵Kàgàwà àkă ilèta nà! Àbadhi rí'í inè ɔbì nà ndàbhu nyí nyíkò pòtsó a'uta ò yà ma maróvona ìndrù tò Yěsù Krístò bhà Ídzì Mākūrù-otù ò. Ndi Mākūrù-otù ò, Kàgàwà ábhu kuni yà mēhàngú ò rò okónà órù ò dhu.

²⁶Ní kòmbí, àdhàdhì Àbadhi, yà dhòdhóhóngà nà arádi ale núuyá dhu bhěyi, mà mónvò yà pbànábí andí Krístò-okú dò rò dhu, ndíní kóró pbìrì ò ale náa'u tí ka, 'àdù kífù.

²⁷Nírò Kàgàwà, yà atdírò tí arí'í dhu-ǒnga t'óvòtatále tí ale, nákö ilèta nà dhòdhóhóngà Yěsù Krístò-otù ò kǎnzì dhu-okú dò rò! Àmìnà.

1 Pbàkòritò

1 Pbàkòritò 1

Pòlò rǐ Kòritò tó kigò ǒ pbàkrístò nòvì dhu

(1Kò 1.1-7; Kas 18.1-11; Fìl 1.3-6; Kò 1.3-6)

¹Yàrí bhàruwà nàndí ní ima, Pòlò, yà Kàgàwà ánzì ndì nyú ndì ndózè ka dhu bhěyi rǐ'ì Yèsù Krístò bhà uvitatále tí ale. Mǎ mí'ì atdíkpá àlě t'ádònà Sòsìtèni mànà.

²Ma màndí dhu fùkù, Kòritò tó kigò ǒ rǐ'ì Kàgàwà bhà kànìsà tírò. Nyǐ ní yà nyǐ nyú'ò nyǐ nyǐlǎ Kàgàwà-nyǐkpó ǒ Yèsù Krístò nyǐ nyá'ù dhu-otù ǒ ale. Kàgàwà únzì nyǐ ndínǐ nyǐ nyoko tí pbìndà ale tí, kóró ngǔkpà ale kǎkǎ àlě tó Ádrùngbǎle Yèsù Krístò-ovò ìfǔ arí kóró ngari ǒ mànà. Ndi Yèsù Krístò ní abádhí tó Ádrùngbǎle, ndirò ka ní àlě tó Ádrùngbǎle átò.

³Àlě t'Ábanà Kàgàwà mà, ndi àlě tó Ádrùngbǎle Yèsù Krístò mànà náká 'àso nyǐ, 'àdù nyǎbhu nyòkò màrùngà ǒ.

Yèsù Krístò-otù ǒ àlě karábàna asota

⁴Ma marí òtso àbhǔ bìlìnganà pbàkà Kàgàwà tò okúku dò rò, yà Kàgàwà ábhu nyǎbà Yèsù Krístò-otù ǒ ídzìngà-okú dò rò.

⁵Obhó tí, Krístò mànà fùkú ungbòta-otù ǒ, Kàgàwà írǎ nyǐ kóró dhu nǐ, ròsè dòtsí ní yà ale-dò àlǔ rǐ òte ùno nyǐ nyárí dhu mà, ìnga nyǐ nyúni dhu mànà dhu nǐ.

⁶Krístò dǒ ka káwe dhu nába ngari òbi nyú nà afíku ò.

⁷Ndi dhu bhěyi ní ndi, yà àlě tó Ádrùngbǎle Yèsù Krístò rǐ ndìtè kpanya òná idho òdo nyǐ nyǐ ònanǎ, rùkú ndi nòtdì Ìlǐlǎ-Alafí aríbhona ìndrǔ tò perè rǐ mbǎ ì'ì atdí màtí.

⁸Ka ní ndi nyǐ nabhùya nyǐkò pòtsó, rǎrà àhu yà adzi ǒ dhu-tsù rǐ ndòdì dhu ò. Ndi dhu bhěyi ní ndi, nyòbhu rǐ atdí afátá dǒ màtí atdí ale mà ní'ìya ìmbǎ, wò ndi àlě tó Ádrùngbǎle Yèsù Krístò ríngò òná idho ǒ.

⁹Kàgàwà ní ndi ndùnò dhu ìfǔ arí ale. Àbadhi ní ndi nyǐ nunzi nyǔngbò nyǐ Idhùnà Yèsù Krístò, àlě tó Ádrùngbǎle mànà.

Ìndrǔ-ǒnga rǐ ndùndò Kànìsà ǒ dhu

¹⁰Àbanǐnzó, ma mìtdè nyǐ ìtdè tí àlě tó Ádrùngbǎle Yèsù Krístò-ovò rǒ, ndínǐ nyǐ kóró nyǐ nyowu tí òte rǒ atdí dhu dǒ, ìmbǎ ìndrǔ-ǒnga rǐ ndùndò dhu ràdù ì'ì nzínzìku ǒ. Nyǐ nyǎká nyòkò atdíngà ǒ, nyǐ'ì atdí ìnga t'únita nà, nyǎdù ì'ì atdí irèta nà.

¹¹Obhó tí, àbanǐnzó, Klǒè bhà-dzá-bhà-tsǔ, ma mírì dhu atsu rarí'ì nzínzìku ǒ.

¹²Ma mátina yà dhu bhěyi: ìngbàtí ìli ndi ale mà nzínzìku ǒ náarí vurò dhu ùno ngǎtsi ale rǔnona dhu nà. Atdí ale náarátina: «Ìma, ma ní Pòlò bhà ale, » ngǎtsi ale ràdù àtìnà: «Ìma, ma ní Apòlò bhà ale.» Ndirò ngǎtsi ale arátina: «Ìma, ma ní Kefà bhà ale, » ngǎtsi-tsí ràdù àtìnà: «Ìma, ma ní Krístò bhà ale.»

¹³Ní, Krístò-ǎnga nándò tí ùndo ndi? Tí ima Pòlò ndi ka kutó ma mùsàlabhà dǎ okúku dǎ rò? Nyí nyalú tí bàtizò, ima, Pòlò nóovò rǎ?

¹⁴Ma marí ǎtso àbhǎ Kàgàwà tò, inzà ma mábhu bàtizò nzínziku ǎ atdí ale tò màtí dhu-okú dǎ rò, pbétù, ma múbho ka fíyò ní Krìsipò mà kèlě Gàyò nà,

¹⁵akye atdí ale mà náarana àtìnà, nyí rálǎ bàtizò ovòdu rǎ nǎ.

¹⁶Mbèmbè àdzo dhu ní, ma múbho bàtizò átò Stìfanù bhà-dzá-bhà tò dhu . Ròsè kòrì ale dǎnǎ, ma m̀nì nzá iwà ma mábhu bàtizò ngǎtsi ale tò màtí dhu.

Yèsù Krístò ní Kàgàwà bhà ádrùngbǎnga tó obi mà, kàbhà dhu-ǎnga t'óvòta tó ǎfò mànà

¹⁷Krístò níivi nzá ma mirà bàtizò ùbho ìndrù tò, pbétù kivi ma ndínǎ ma m̀vò tí Ídzì M̀kǎrù ìndrù tò. Kivi ma ndínǎ ma mara tí kòvò rǎ inzà ma mìtsu ìndrù arí'ì nà dhu-ǎnga t'óvòta tó irèta ǎtǎdu ǎ rórò. Ndi dhu bhèyi ní ndi, Krístò avè mùsàlabhà dǎ dhu níwǎ nzá ndi ndí'ì nà ádrùngbǎnga tó obi.

¹⁸Obhó tí, Krístò avè mùsàlabhà dǎ dhu tó màkǎrù ǎvò ka kí ìndrù tò dhu, nózù kǎkà dhòdhòdhonganà ì uwíya tí arówu ale náarádù ìmbǎ tǎna nà dhu tí. Pbétù àlě tò, yà àlě ìgǎ kà rǎ rò, ndi màkǎrù rǎtèna ní Kàgàwà bhà ádrùngbǎnga tó obi.

¹⁹Obhó tí, Ìlǎ Andítá ǎ Kàgàwà rǎtina: «Ma minzaya dhu-ǎnga t'óvòta ǹnì ale tó dhu-ǎnga t'óvòta. Ma mabhùya yà inga t'únita nà arí'ì ale tó inga t'únita r̀wǎ .»

²⁰Nirò, ádhi pbá ale ndi dhu-ǎnga t'óvòta tó irèta nà arí'ì? Ádhi pbá ale ndi Uyátá tó màlimò tí rí'ì? Ádhi pbá ale ndi yà kòmbí arí'ì adzi ǎ ka kádù ǎzùnà ǎtè tó kòngò tí? Kàgàwà nábhu tí nzá yà adzi ǎ dhu-ǎnga t'óvòta rí'ì ìmbǎ tǎna nà dhu tí?

²¹Obhó tí, ìnzǎ ní ìndrù arí dhu-ǎnga ǎvò nǎ irèta-otù ǎ nga ndi ìndrù rǎdù Kàgàwà ùnì Kàgàwà bhà dhu-ǎnga t'óvòta tó ǎfò ǎ nǎ. Pbétù, yà àlě karóvona ìndrù tò Ídzì M̀kǎrù-otù ǎ nga ní ndi, Kàgàwà núudhé ndìgǎ ndi ná'ù ale nǎ, ìmbǎ atdídhená ale mà ràmbe ndi M̀kǎrù ǎzù dǎ ìmbǎ tǎna nà dhu tí.

²²Tdǎ ì a'u Ídzì M̀kǎrù rò, Pbàyàhúdì náarózèna dhu ní, 'àla pé idho rǎ 'ùkǎ nǎ ize angyi, ndirò ìnzǎ ní Pbàyàhúdì náarónena dhu ní, 'irì pé dhu-ǎnga t'óvòta tó irèta tó ǎtè.

²³Pbétù mà'ì, mà marí pbìndà Ídzì M̀kǎrù ùnò ale ní Krístò, yà mùsàlabhà dǎ ka kutó ale. Ní, ndi Ídzì M̀kǎrù ùnò ka kí ìndrù tò dhu náarádù Pbàyàhúdì-ǎnga iwà iwà tí, ìnzǎ ní Pbàyàhúdì rǎdù kòzù ìmbǎ tǎna nà dhu tí.

²⁴Pbétù, kǎkà Kàgàwà núunzi rí'ì pbìndà ale tí ale tò, ìmbǎ rí'ì Pbàyàhúdì màtí, ndirò ngǎtsi nǎ ìnzǎ ní Pbàyàhúdì màtí, Krístò rǎtèna dhu ní Kàgàwà bhà ádrùngbǎnga tó obi mà, kàbhà dhu-ǎnga t'óvòta tó ǎfò mànà.

²⁵Obhó tí, yà ìndrù rǎzùnà rí'ì ìmbǎ tǎna nà dhu tí Kàgàwà bhà M̀kǎrù núdà wà ìndrù tó dhu-ǎnga t'óvòta tó irèta. Ndirò yà abádhi rǎzùnà rí'ì ivíví dhu tí Kàgàwà bhà M̀kǎrù rí'ì obi nà ròsè ìndrù rí'ì nà obi dǎnǎ.

²⁶Nirò àbanǎnzó, nyirè pé nyí nyí'ì ǎnǎ ǎfò, yà Kàgàwà únzì nyí nyí'ì pbìndà ale tí rò: ìnzǎ ní ábhǎ ale ì nzínziku ǎ rí'ì dhu-ǎnga t'óvòta tó irèta nà àdhàdhi yà ìndrù rǎtèna

dhu bhěyi. Inzĩ ní ábhõ ale mà i nzinziku ð rí'ì ádrùngbǎnga tó obi nà, ndirò inzĩ ní ábhõ ale i nzinziku ð ka kádù òzùnà kámá-tidò tí.

²⁷Pbétù, Kàgàwà óvò yà adzi ð ale rǎdù òzùnà ìmbǎ tǐya nà dhu tí ale, ndínĩ dhu-õnga t'òvòta tó irèta nà ale-nyì niwu tí. Ndirò kǒvò ivíví dhu tí yà adzi ð ale rǎdù òzùnà ale, ndínĩ obi nà ale-nyì niwu tí.

²⁸Kǎvò yà adzi ð ale rǎdù òzùnà àkyǎkyè dhu tí dhu, ndirò gàyàna ònzi abádhí rǐ dhu, yà ìmbǎ tǐya nà dhu tí rí'ì ìndrũ-nyìkpó ð dhu, ndínĩ yà àkǎkǎ dhu tí ìndrũ rǒzùna dhu nugolo tí.

²⁹Kǎnzì ka ndi dhu bhěyi, akye atdí ale mà náarana ndìdzi nditírò ɔnzíná nǐ.

³⁰Kàgàwà ní ndi nyì núngbò Yèsù Krístò mànà. Kǎbhũ Krístò rí'ì àlě tò yà ndi ndarí dhu-õnga òvò nǐ irèta tí. Kà-tì ní, Krístò-otù ð kǒzù àlě obhónángatále tí, kǔ'o àlě àlě rǐlǎ nyìkpóna ð, ndirò kǔwu àlě àlě tó nzérénga ð rò.

³¹Àdhàdhì yà Ìlǐlǎ Andítá náarúnona dhu bhěyi: «Ndi nòzè ndìdzi ndi ale, náká ndìdzi ndi Ádrùngbǎle Kàgàwà-okú dò rò tí .»

1 Pbàkòritò 2

Krístò yà mùsàlabhà dǒ ka kutó dǒ màkǔrù

(2Kò 4.5-7; È`fè 3.2-11; 1Yù 2.20,27)

¹Àbanĩnzó, ima nyú mà, yà fǔrǎbvù ma mǎrà àhu, madù àrà órù ò aróko dhu yà Kàgàwà itè àlě tò nówò rǒ fǔkù òná kàsùmì ð, ma mǎrà nzá i dhu òvò rǒ fǔkù ìdzidzò ɔte-tidò ð, ndirò ma mǎrà nzá kòvò rǒ yà adzi ð dhu-õnga t'òvòta tó irèta-tidò ð.

²Obhó tí, yà atdíkpá àlě kí'ì nyì mànà òná kàsùmì ð, ma mudhé ndínĩ ma mara tí òte rǒ dóná ní atdí dhu kèlě. Ndi dhu ní Yèsù Krístò, yà mùsàlabhà dǒ kutó dǒ màkǔrù.

³Ndirò, fǔrǎbvù ma mí'ì nínganí, ma mí'ì ivívínga nà, ma mí'ì ɔdo nà, madù àmbe ivi dǒ .

⁴Ma mǎrà dhu ùdhe rǒ, madù dhu òvò fǔkù rò, ma mónzì nzá i dhu ndínĩ ma midha tí afíku nyǎ'ù dhu yà dhu-õnga t'òvòta tó irèta náaríbhona ìndrũ tò òvòvù ɔte nǐ. Pbétù ma mónzì i dhu Kàgàwà bhà Ìlǐlǎ-Alafí bhà ádrùngbǎnga tó obi nǐ,

⁵inzĩ fùkú a'uta níidè tí ìndrũ arí dhu-õnga òvò nǐ irèta dǒ, pbétù ndínĩ kídè tí Kàgàwà bhà ádrùngbǎnga tó obi dǒ.

Ìlǐlǎ-Alafí rǐ Kàgàwà arí dhu-õnga òvò tí dhu itè àlě tò dhu

⁶Ìnè màtí kà rǐ'ì ndi dhu bhěyi rò, mà mǎrí dhu-õnga t'òvòta tó irèta tó dhu nówò kǎkà iwà ó'ò afíya òná rò ale tò. I dhu ní nzĩ yà adzi ð dhu-õnga t'òvòta tó irèta-tidò, ndirò ka ní nzĩ yà adzi dǒ idzi nónyù, yà nzĩ fíyó idzi rǎdù àpère ale tó irèta-tidò.

⁷Mǎ maróvona ní Kàgàwà bhà dhu-õnga t'òvòta tó irèta yà órù ò okónà. Inzá ndi ndàpè yà adzi òbhòlò rórò, kǎvò wò ndi dhu-õnga t'òvòta tó irèta ndínĩ àlě kotsúya tí pbìndà ádrùngbǎnga tó awáwù ò otùna ð.

⁸Yà adzi dǒ idzi nónyè ale nzínzi ǒ, wò ndi dhu-ǒnga t'óvòta tó irèta dǒ dhu núni atdí ale mà ní'ì mbǎ. Dhu i'ina gukyè abádhí uní ka dhu tí, ní abádhí utóna nzǐ wò ádrùngbǎnga tó awáwù nà Ádrùngbǎle mùsàlabhà dǒ.

⁹Kàgàwà anzì dhu rǐ'ì àdhàdhì yà Ìlǐlǎ Andítá náarúnɔna dhu bhěyi: «Yà inzà atdí ale mà náapèna àlǎna, ndirò inzà atdí ale mà náapèna irina dhu, yà inzà apèna ise atdí ale-afí ò màtí dhu, ní ndi, Kàgàwà abhòlò angyangyi kǎkà ndi nózè ale tò .»

¹⁰Àlě tò ní ndi Kàgàwà itè yà órù ò ndi ndìli pbìndà dhu pbìndà Ìlǐlǎ-Alafí-otù ǒ. Obhó tí, Ìlǐlǎ-Alafí arí kóró dhu àndà, ìmbǎ rǐ'ì Kàgàwà údhě ndi ndɔnzi tí dhu, yà atdí dǒ kǎdù òrùnà màtí.

¹¹Ádhi pbá ale ndi ìndrǔ nzínzi ǒ, ngǎtsi ale-afí rǐrèna dhu uní rádù, inzà ní ndi ale-afí yà kà'ò rǐ'ì kèlě núni ka rò? Ndirò, Kàgàwà bhà irèta núni rádù atdí ale mà rǐ'ì ìmbǎ, inzà ní kàbhà Ìlǐlǎ-Alafí kèlě núni ka rò.

¹²Ndirò àlě, àlě kí'ì nà ní nzǐ yà adzi ǒ ale arí'ì nà ale-afí-tidò, pbétù àlě kí'ì nà ní Ìlǐlǎ-Alafí yà Kàgàwà bhà rò irà, ndíní àlě kuni tí àlě tò Kàgàwà íbhò kóró dhu.

¹³Ndirò, yà mǎ mí Kàgàwà bhà màkǔrù òvɔ ìndrǔ tò rò, mǎ marí nzǐ kòvɔ ìndrǔ tó dhu-ǒnga t'óvòta tó irèta ò rò àhu ɔte-tidò ǒ, pbétù mǎ marí kòvɔ Kàgàwà bhà Ìlǐlǎ-Alafí níbhò fǎkà obhóná ɔte-tidò ǒ. Ndi dhu bhěyi ní ndi, mǎ marí Ìlǐlǎ-Alafí nàndà dhu àwě ìndrǔ tò ndi Ìlǐlǎ-Alafí íbhò fǎkà ɔte-tidò ǒ.

¹⁴Pbétù, yà adzi dǒ pbìndà ófò ǒ tí arúbhi ale, ní rǐ nzǐ àdù ndi Kàgàwà bhà Ìlǐlǎ-Alafí ò rò ráhu ɔte à'ù. Obhó tí kà rǎdù kàla rǐ'ì ìmbǎ tǐna nà dhu tí fǐndà, ìnzǐ ndi dhu rǎdù dóna àlu, ndirò Ìlǐlǎ-Alafí-otù ǒ tí ndi dhu rǎdù ale-dò àlu nídhunǐ.

¹⁵Kàgàwà bhà Ìlǐlǎ-Alafí nà rǐ'ì ale rǐ'ì ìnè ìndrǔ-nyutsi rǐ'ì kóró dhu rǎlǔ dóna, pbétù ìmbǎ rǐ'ì Ìlǐlǎ-Alafí nà ale-dò nálǔ ndi Alafí nà rǐ'ì ale-nyutsi rǐ'ì dhu rǐ nzǐ.

¹⁶Ìlǐlǎ Andítá rǎtina: «Ádhi pbá ale ndi Ádrùngbǎle bhà irèta núni? Ádhi pbá ale ndi kà tò rádù sedzà àbhu?» Pbétù àlě'ì, yà Ìlǐlǎ-Alafí nà àlě kí'ì rò, àlě kí'ì nà irèta ní Krístò bhà rò irà irèta.

1 Pbàkòritò 3

Kàgàwà bhà kasutále

(1Kò 4.1-6; É`br 5.11-14)

¹Pbàkà ǒ àbanǎnzó, nzínziku ǒ ma mí'ì nínganí, ma mábà nzà fangà mǒtè nyǐ mànà àdhàdhì Kàgàwà bhà Ìlǐlǎ-Alafí nà rǐ'ì ale bhěyi. Pbétù ma mǒtè nyǐ mànà àdhàdhì yà adzi ǒ dhu átdǔ afíya ale bhěyi, ndirò òko òko ire tí fíyó a'uta ǒ Krístò-nyutsi ale bhěyi.

²Ma mábhu nyǐ nyǒmvù dhu ní'ì màkyì . Ma mábhu nzà odú ró'ɔ ònyù nyǒnyù, ìnzǐ nyǐ nyádù kà-lèmà ònzi ale tí nyǐ nyí'ì dhu-okú dò rò. Ndirò kòmbí màtí nyǐ nyí nzǐ àdù kà-lèmà ònzì,

³òko nyĩ nyòko yà adzi ǒ dhu átdũ afíkũ ró nídhunĩ. Obhó tí, yà òko adha mà anya màná nóko nzínzíkũ ǒ dhu, nítè tí nzá dhu, yà adzi ǒ dhu rátdũ afíkũ, ndírò nyĩ raróko yà inzá Kàgàwà núnì ale náaróko òná ǒfò ǒ?

⁴Wò nzínzíkũ ǒ atdí ale rătina: Ima, ima ní Pòlò bhà ale, ngătsi ale rádù àtìnà: Ima, ima ní Apòlò bhà ale rò, ní wò nyĩ nyónzina dhu tí nzĩ inzá Kàgàwà núnì ale tó ǒfò ǒ dhu?

⁵Nírò, Apòlò ní àdhi? Ndirò, Pòlò ní àdhi? Mă'ì ní Kàgàwà bhà kasutále, yà nyĩ nyá'ù Krístò otùya ǒ ale. Mă mónzì ndi kasu, ngătsi ale rònzì ka yà Ádrùngbàle abhù fìndà perè-bvũ rǒ.

⁶Mă mí'ì àdhàdhì yà inga ǒ kasu nanzì ale bhëyi: Ima, ma mazò itse, ndírò Apòlò adù idha ùdhò kà dǒ. Pbéù, Kàgàwà ní ndi adù kàbhũ ròvì.

⁷Ní, wò ndi itse nòzò ale mà, kà-dǒ idha nùdhò ale màná, kóró ní nzĩ dhu. Kàgàwà ní ndi rí'ì ngari nà, kàbhũ ndi ndi itse ròvì dhu-okú dò rò.

⁸Itse nòzò ale mà, kà-dǒ idha nùdhò ale màná kóró rí'ì àdhàdhì: ndírò, Kàgàwà núubhòya ìngbàtí ìlì ndi ale bhà mùkìmbà mà, àdhàdhì ndi ale anzì kasu-bvũ rǒ.

⁹Obhó tí, mă, mă'ì ní atdíkpá arí Kàgàwà bhà kasu ònzì ale. Nyĩ, nyĩ ní Kàgàwà bhà ònzìbvũ.

Kàgàwà udhèya pbìndà kasutále-kàsũ kàzũ nĩ dhu

Nyĩ ní átò Kàgàwà rǒsina idza.

¹⁰Ní, yà idù Kàgàwà ìbhò ìdzìnga-bvũ rǒ, ndírò àdhàdhì yà idza òsì arí nyìkpóna ótdyù ale bhëyi, ma mópè ndi mórù idza-pfò [Ídzì Mākürù t'úncta-otù ǒ.] Ndirò kòmbí, ngătsi ale nádù ndi ndi idza òsì kà-dǒ. Pbéù dhu àkă ìngbàtí ìlì ndi ale mà ràndà nga mbëyi, ìngbà dhu bhëyi màtí ndi ndòsì kà-dǒ dhu nà.

¹¹Obhó tí, ìmbă ngătsi idza-pfò òpè rádù ndòrù, yà iwà ka kórù-tsí tó ngari ǒ ale rí'ì. Ndi idza-pfò ní Yësù Krístò.

¹²Ìndrũ rí'ì ìnè ndòsì wò ndi òru ka kórù idza-pfò dǒ abhò rádù òdhò dhu-tidò nĩ: ɔrò, tsumà, ndírò ɔrú odzina nà odu-tidò mà. Ngătsi ale rí'ì ìnè ndòsì kà-dǒ ìnzì rádù òdhò abhò dhu-tidò nĩ: itsu, tsítsò, ayi mà.

¹³Kàgàwà rí ìndrũ-ànyă ìtdì nínganí rí ndònzì dhu níitèya ìngbà tí ìlì ndi ale bhà kasu tó ǒfò kpanjangba. Obhó tí ndi nínganí, Kàgàwà núudhèya ìngbàtí ìlì ndi ale bhà kasu mà kàzũ nĩ, kàzũ rádù ndi ndi ale bhà kasu tó ǒfò nítè.

¹⁴Ní, dhu ì'iyà gukyè inzá yà ndi ale asì wò ndi idza-pfò dǒ dhu nógbè kàzũ ò dhu tí, ní ndi ale náabáya mùkìmbà.

¹⁵Pbéù yà ndi ale asì dhu nóogbeya gukyè, ní ndi ale náabáya nzĩ mùkìmbà. Àbadhi nyú nditírò nóogúya ògù, pbéù ndi dhu ní'iyà àdhàdhì kàzũ ònă ndi nòtò ndàdù ògù ale bhëyi.

¹⁶Nyĩ nyúni tí obhó dhu nyĩ rărĩ Kàgàwà bhà idza, ndírò kàbhà Ìlìlă-Alafí rarádi nyukutsi?

¹⁷Obhó tí Kàgàwà bhà idza ní ìlǎ idza, ní nyí ní ndi kàbhà idza. Nírò, ndi ale apé Kàgàwà bhà idza ùgòlò, ní Kàgàwà adùya ndi ale ùgolo átò.

Kàgàwà íbhò kóró dhu fùkù fùkù ídzìnga-okú dò rò

¹⁸Atdí ale mà àkǎ nzá ndùtrǎ ndi ndítírò. Nzínzìkù ò atdí ale mà náapé ndòzù iwà ndi ndúni dhu-ǎnga t'óvòta yà adzi ò ale tó ófò ò dhu tí, ní ndi ale àkǎ ndùbhà ndi dhu-ǎnga t'óvòta-tidò. Ndi dhu bhèyi ní ndi, kà rǎdù ì'ì obhóná dhu-ǎnga t'óvòta nùni ale tí.

¹⁹Obhó tí, yà adzi ò dhu-ǎnga t'óvòta tó irèta-tidò ní ìmbǎ tǐna nà irèta Kàgàwà-ònzǐ. Ìlǎ Andítá náarátina: «Kàgàwà arí dhu-ǎnga t'óvòta ì ùni dhu tí arí 'àti ale nótisi yà itírò abádhí ùpe fìyó àdà ò .»

²⁰Ndirò Andítá rǎtina átò: «Ádrùngbǎle Kàgàwà nùni wà dhu-ǎnga t'óvòta tó irèta nà ale tí rí 'òzù ale tó irèta. Kùni wà dhu, ndi irèta rǎrǐ mbǎ tǐna nà dhu .»

²¹Nírò, atdí ale mà àkǎ nzá ndòyò ndi ngǎtsi ale-okú dò rò. Obhó tí, kóró dhu rǐ'ì fùkù ídzìnga tò.

²²Ima Pòlò, Apòlò, Péterù, Kàgàwà íbhò mà fùkù fùkù ídzìnga tò. Ndirò yà adzi, ípìrǎnga, òve, yà kòmbí rí'ì dhu, olù ríwu dhu mànà kóró Kàgàwà íbhò fùkù fùkù ídzìnga tò.

²³Ndirò nyí'ina, nyí ní Krístò bhà ale, ndirò Krístò ní Kàgàwà bhà ale.

1 Pbàkòritò 4

Inzá dhu àkǎ kònzì Krístò bhà kasutále gàyà dhu

(Ròm 14.10-12; 1Kò 3.5-9)

¹Nírò, dhu àkǎ ìndrù ròzù mà'ì Krístò bhà kasutále tí, ndirò Kàgàwà bhà obhóna ùdhè arí ìndrù tò ale tí. Rǐrà àhu kòmbí nga ò, ì obhóna náaróko órù ò.

²Nyí nyèni wà dhu, wò ndi ádrùngbǎnga-tidò ka kábhu foná ale rǎrǎdù àkǎ ndi'ì yà fǐndà ka kàvi dhu ònzì arí ale tí.

³Pbàkà ò, ìnzǐ ní àpbè ndi akekpa màtí nyǎnò ànyǎdu, ndirò ngǎtsi nǐ, ìndrù-bvǎ dhùwani rùnò ndi ànyǎdu. Ndirò ima nyú matírò ma mí nzǐ àdù ànyǎdu ùnò.

⁴Obhó tí, pbàkà irèta nyú mà nóbhù nzá ma atdí dhu-okú dò rò màtí, pbétù ndi dhu rǐ nzǐ àtina, ima rǎrǐ obhónángatále. Ádrùngbǎle ní ndi ànyǎdu ùnò rǎdù.

⁵Ní ndi dhu-okú dò rò, nyí nyàkǎ nzá nyǎnò ìndrù-ànyǎ angyinǎ rò, ìnzá àkò ka kakò kàsùmì àpè àkǎ rórò. Nyí nyàkǎ nyòdò nga, rǎrà àhu Ádrùngbǎle ríngo dhu ò. Ka ní ndi kóró dhu yà ùru ka kuru ìnò ò nitèya kpangba awáwù ò, ndàdù yà ìndrù aródonà afiyya ò dhu núpfo kpangba. Ní Kàgàwà níufuya ìngbatí ìli ndi ale mà ndi ale bhà kasu-bvu rǒ.

⁶Àbanǐnzó, ma mùnò wò dhu fùkù, midyi Apòlò bhà ófò mà pbàkà ófò nyú mànà okúku dò rò. Ma midyi ì ófò, ndínǐ ròkǎ nyí nyuni tí dhu, nyí rǎkǎ nzá nyòwù igi Andítá rǒ rò, ndirò nzínzìkù ò atdí ale mà rǎkǎ nzá ndidzǐ ndi, ndòlè ndi atdí ale ìnǎ rò, ndàdù ngǎtsi ale nídzèlè.

⁷Ádhi pbá ale ndi nyi níli nyi'ì ádrùngbàle tí ròsè ngùkpà ale dònǎ? Tí obhó Kàgàwà ndi yà nyi nyarí'ì nà kóró dhu nubhò indù? Kǎpé ì'ì wò dhu bhěyi, ní ádhu-okú dò rò nga ndi nyi nyádù àmbe nyoyò dǔ, inzà nyi nyabà i dhu Kàgàwà-fó dhu bhěyi ní?

⁸Nyí pbání iwà nyí nyábà yà nyí nyí atdyúya òho kóró dhu! Nyí pbání iwà nyí nyóngò ònzítále tí! Nyí pbání iwà nyí nyóngò ádròdrǒ kámá tí! Pbétù mǎ'í na, mǎ ní nzí ádròdrǒ kámá. Nyí nyí'íná gukyè obhóngàtí ádròdrǒ kámá tí, ní mǎ màmbènà ì'ì átò ádròdrǒ kámá tí atdíkpá nyí mànà.

⁹Obhó tí, ima ní dhu ròlo Kàgàwà úli mǎ'í, mǎ uvitatále tírò, mǐ'ì olù ale tí kóró ale rǒ dhu bhěyi. Mǎ mí'ì àdhàdhì ànyàya ka kítì ndíní ka kòkye tí ale bhěyi. Obhó tí, mǎ mí'ì àdhàdhì kóró yà adzi ǔ ale mà, màlàyíkà mànà dhu rǐ ròyá rí ndònzì dhu àndà ale bhěyi .

¹⁰Mǎ pbání ndi àkyàkyè ale Krístò-okú dò rò, nyádù ì'ì dhu-ǒnga t'òvòta tó irèta nà ale Krístò-nyutsì. Mǎ pbání ndi ivívalé ale, nyádù ì'ì obi nà ale. Ìndrù arí itsìka ònzì, pbétù, abádhí arádù nyífu!

¹¹Rìrà àhu kòmbí nga ò, mǎ mí'ì àwù nà, mǎ mí'ì òmvùna mǎ mí dhu-atdyú nà, mǎ mí'ì ìmbà mùdzarè nà ròkà. Ka karávu ròkà, mǎdù àmbe ùbhi dǔ, ìmbà mǎ móko ró nga rǐ'ì rórò.

¹²Mǎ mǎrí adyo ìvò, màmbe kasu ònzì dǔ otsúka nyú ní ònyù mǎ mabá tí. Mǎ'í ní ka kí dhu ùnò rò, mǎ mǎrí i ale àsò àsò tí. Ìndrù rǐ màbhù màbà àpbè rò, mǎ mǎrí dhu-dzi òndù òndù tí.

¹³Mǎ'í ka kùdhù rò, mǎ mǎrí òte àdù ìyònga ǔ. Kòmbí màtí ka kí mǒzù àdhàdhì yà adzi ǔ tsítsò bhěyi, ndirò kóró ale mà náarí mǒzù mǐ'ì yà adzi ǔ andrìta bhěyi.

Pòlò bhà irèta yà atdíđǔ ndì ndózè pbìndà nzónzo-okú dò rò

¹⁴Ma màndí nzá yà dhu fùkù ndíní nyíku nabhù tí rìwù, pbétù ma màndí ka ndíní nyíkópòku nabhù tí ròtdyù àdhàdhì pbàkà nzónzo yà atdíđǔ ma mózè bhěyi.

¹⁵Obhó tí, atdí kumì lufù ale mà rǐ mbà dhu ùdhè fùkù Krístò-nyutsì ka kóko tí dhu dǔ, ní abáku rǐ mbà ì'ì ibí. Obhó tí, ima ní ndi ma módhì nyí Ídzì Màkùrù ma múnò fùkù dhu-otù ǔ, ndíní nyí nyoko tí Yèsù Krístò-nyutsì.

¹⁶Nírò, ma mìtdè nyí itdè tí, nyí nyàkǎ nyòdyì pbàkà ófò.

¹⁷Wò dhu-okú dò rò ní ndi, ma mòvì Tìmòtewù tiku ò. Ka ní pbànǐngba yà atdíđǔ ma mózè, ndirò mběyi arí foná ka kàbhu Ádrùngbàle Yèsù bhà kasu ònzì. Kàrǐ ndi Krístò-nyutsì ma marádi tí dhu tó gílímá àbhù nyírè. Ndi gílímá ní ndi ma marúdhèna kóró ngari ònǎ kóró kànísá ǔ.

¹⁸Nzínzìku ǔ atdídhèná ale nópè 'àmbe inga irè dǔ ìnzì ma rǎrǎrà nyàndà, ndi dhu ràdù 'àbhu 'àmbe 'ìdzi dǔ.

¹⁹Pbétù, ma mǎrà àhu fùrǎbvù inzà òtrò idho ǔ, Ádrùngbàle òzè ka ní. Ní ányìrǒ ní ndi, ma mí nzì kòkò i 'ìdzì arí itírò ale arúnona dhu kèlě núní, pbétù ma mí abádhí ràdù ònzìnà dhu nálǎ átò!

²⁰Obhó tí, òrù-akpà ǎ Ádrùngbǎ kamà Kàgàwà bhà Idzi náarí nǎ ndìtè yà ale-tsù ǎ ka kúnṣona dhu-otù ǎ tí, pbétù kǎrí ndìtè ádrùngbǎnga tó obi-otù ǎ.

²¹Nírò, nyí nyòzè ní àdhu? Tí marà àhu fùràbvù fudú mùgò nà, ndirò ngàtsi nǎ, tí marà àhu àzè mà ìyònga màrà nǎ àlè afídu nà?

1 Pbàkòritò 5

Mùnyòni ònzi rí ale àkǎ kodì Kànìsà ǎ rò dhu

(Gàl 5.9; 1Tì 1.19-20; É`br 10.22)

¹Dhu arí ndiri kóró ngari ònǎ kambe àtinà dǎ, nzínziku ǎ atdíghená ale rarí mùnyòni ònzi. Ndi mùnyòni-tidò ní yà ìnzí arí ndònzì kǎkǎ ìnzá Kàgàwà ná`ù ale nzínzì ǎ màtí: ka karátina nzínziku ǎ atdí ale ródyì olù-íyànà ràdì pbìndà tsìbhále tí!

²Ní àzèmbè izu àmbènà nyǔkǎ, nyádù ndi dhu nònzì ale ìpfo, nyòdi nzínziku ǎ rò rò, nyí nyaràdù òko nyámbe nyòyò dǎ òyò tí!

³Ima, ma mí`ì itse rùkù rò ale-ngbò ònǎ rò, pbétù ma mí`ì ìnè atdíkpá nyí màrà ale-afí ònǎ rò. Ní, ma mòtdì wà ndi dhu nònzì ale-ànyǎ, àdhàdhì ìnè àlè kí`ì atdíkpá nyí màrà dhu bhèyi.

⁴Ma mòtdì ndi ale-ànyǎ àlè tó Ádrùngbǎle Yèsù-ṣvò rǎ. Ndirò, nyùndù nyí nyí rò, ma mí`iya ìnè átò atdíkpá nyí màrà ale-afí ònǎ rò, ndirò Ádrùngbǎle Yèsù bhà ádrùngbǎnga tó obi ní`iya ìnè nzínziku ǎ.

⁵Nyí nyàkǎ nyípfo wò ndi ale, nyǎbhu pfòmvo Sitanì tò , ndíní kà-nyutsì rí`ì nzérenga nabhù tí riku yà kà rǎbàna àpbè-otù ǎ. Ndi dhu bhèyi ní ndi kà ràdù ògù Ádrùngbǎle Yèsù ríngò ònǎ idho ǎ.

⁶Nyí nyí nyòyò nzérenga-okú dò rò dhu ní nǎ ìdzì dhu! Nyí nyúni tí obhó dhu, ákě afíngba rarí ábhǎ idyi nyú nábhǎ ràmǎ?

⁷Nírò, nyí nyàkǎ nyípfo wòrì nzérenga tó afi-ayí nyukutsì rò, ndíní nyí nyílá tí Kàgàwà-nyìkpó ǎ. Ndi dhu bhèyi ní ndi, nyí nyádù ì`ì àdhàdhì idyi-ṣwùtá, yà ìnzá ka kàngbò afi ònǎ bhèyi, yà kòmbí nyí nyí`ì ònǎ ófò bhèyi. Obhó tí, Kàgàwà ú`o wà nyí nyílǎ nyìkpóna ǎ. Kǎbhù wà Krístò perè tí àlè-okú dò rò àdhàdhì Pásìka tó mùhendù tò Pbàyàhúdì arózèna `à`à tàmǎ-ngba bhèyi .

⁸Ní ndi dhu-okú dò rò, àlè kǎkǎ àlè rònzi àlè tó Pásìka tó mùhendù ìnzí ní afi-ayí rí`ì ònǎ mùgatì nǎ. Kà-tì ní, nzérenga mà nzére dhu màrà tó afi-ayí nǎ. Pbétù, àlè kǎkǎ àlè rònzi ka ìmbǎ ònǎ afi nà mùgatì nǎ. Kà-tì ní, àlè kǎkǎ àlè ròkò ìlǎ àlè kílǎ Kàgàwà-nyìkpó ǎ rórò, ndirò obhóná dhu ònzi àlè kí rórò.

⁹Yà olù ma mándì fùkù bhàruwà ǎ, ma mándì dhu mati, nyí rǎkǎ nzá nyòwù òko rǎ atdíkpá mùnyònitále màrà.

¹⁰Ndi bhàruwà ò ma mótè nzá yà adzi ǎ mùnyònitále dǎ, ṣdhíya-fó rí`ì dhu dǎ arí afíya ùlǎ ale dǎ, ìndrù-fó dhu ùdhǎ arí obi nǎ ale dǎ, ndirò sànamù ùlǎ arí ale dǎ. Obhó tí, ndíní nyí nyìndà tí nyí abádhí rǎ rò, dhu àkǎnà nyùvò yà adzi ǎ rǎ!

¹¹Pbétù ma mándí dhu fùkù okúya dò rò ní kǎkǎ pbàkrístò tí arí 'àti ale. Ndi ale apé àtina ndi rǎrǎ mùkrístò, pbétù ndàdù ì'ì m̀nyòni ònzi arí ale tí, ndirò òdhína-fó rí'ì dhu dǒ arí afína ìlǐ ale tí, kapé ì'ì sànamù ùlě arí ale tí, ndàdù ì'ì dhu ùno arí ìndrũ nǐ ale tí, kapé ì'ì iwa òri arí ale tí, ndirò òbi nǐ arí dhu ùdhǎ ìndrũ-fó rò ale tí, ní wò dhu bhěyi ale-tidò nà nyǐ nyàkǎ nzá nyònyù ònyù mà atdíkpá!

¹²Inzá Yèsù ná'ù ale-ànyǎ t'únòta tí òtēdu? Tí obhó pbàkrístò nyú i nyǐ nyádù ànyǎya núnò?

¹³Inzá Yèsù ná'ù ale-ànyǎ núnò rǎdù ní Kàgàwà. Obhó tí, Hǐlǎ Andítá rǎtina: «Nyǐ nyàkǎ nyǐpfo nzére ale nyòdi nzínziku ò rò .»

1 Pbàkòritò 6

Mùkrístò àkǎ nzá ndòbhù òdhìnà mùkrístò inzá Yèsù ná'ù anya t'ítàtá t'ále-fó dhu

(Mbà 20.3; Mát 5.23-24; Ròm 12.17-18; È`fè 5.3-8; Yàk 4.1)

¹Nzínziku ò atdí ale mà náapé ì'ì anya nà iwà Yèsù ná'ù òdhìnà nà, ní dhu òfò tí nga kà rǎrà ndi òdhìnà òbhù inzá Yèsù ná'ù anya t'ítàtá t'ále-fó? Inga nòfò dhu ní kà rǎrà kòbhù Kàgàwà bhà ale-fó.

²Nyǐ nyúni tí nzá dhu, Kàgàwà bhà ale rǎrǎ ndi yà adzi ò ale-ànyǎ nítàdya? Nírò, yà adzi ò ale-ànyǎ nyǐ nyítàdya dhu bhěyi, ádhu ìnzǐ nyǐ nyádù kǒkò dhu bhěyi àkyàkyè dhu nùfǎ ale-ànyǎ nítàdì nǐ?

³Nyǐ nyúni tí nzá dhu àlě ritàdya màlàyíká mà-ànyǎ? Ní ndi dhu bhěyi kà rí'ì rò, àlě ní ùno àlě kádù yà adzi ò ì nònzì dhu-ànyǎ ùnò olu!

⁴Ní dhu apé ì'ì nyǐ nyí'ì anya nà nzínziku ò dhu tí, ní ádhu-okú dò rò nga ndi nyǐ nyádù òwu i anya nà kǒkò ìnzǐ arí òte pbàkrístò nzínzì ò dhu ò ale-ònzǐ nǐ?

⁵Ma mànò dhu wò dhu bhěyi ndínǐ nyíku nabhù tí rìwù. Obhó tí, nzínziku ò yà Yèsù ná'ù òdhína nzínzì ò dhu-ànyǎ ùnò rǎdù dhu-ònga t'òvòta núnì atdí ale mà t'í'ì mbǎ?

⁶Pbétù, ùkú nyǐ nyàmbènà nzínziku ò dhu-ònga àndà rò, nyǐ nyarádù òwu nyòbhù inzá Yèsù ná'ù ale-fó dhu-tì ní àdhu?

⁷Obhó tí, anya nà nyǐ nyí'ì nzínziku ò dhu nítè wà dhu kpangba, iwà dhu rónzì lèmàku atdídǒ. Ní ádhu ìnzǐ nyǐ nyádù nzére dhu-dzi òndù nǐ? Ádhu ìnzǐ nyǐ nyádù nyùbhà kudhǎ fukú ongyéngá mà nǐ?

⁸Pbétù nyǐ, nyǐ ní ndi nyǐ nyarí nzére dhu ònzi, nyòwù Yèsù ná'ù òdhíku òbhù iri ale-fó! Ndirò nyǐ ní ndi nyǐ nyarí i ale tó obhónánga ùdhǎ òbi nǐ!

⁹Nyǐ nyúni wà dhu mběyi nyú, nzére dhu ònzi arí ale ní rabáya nzǐ ngari òrù-akpà ò Ádrùngbǎ kamà Kàgàwà bhà Idzi ò. Ìnzǐ nyàbhù kutrǎ nyǐ: m̀nyòni ònzi arí ale mà, sànamù ùlě arí ale mà, kǎkǎ inzá ì úmbǎ ì nà ale nà arí m̀nyòni ònzi ale mà, ndirò m̀nyòni ònzi arí nzínzìya ò kpabhále-tírò, ndirò vèbhále-tírò ale mà, náabáya nzǐ ngari Kàgàwà bhà Idzi ò.

¹⁰Ndirò, ogbo ònzi arí ale mà, òdhiya-fó rí'ì dhu dǒ arí afíya ùlì ale mà, iwa òri arí ale mà, dhu ùnò arí ìndrũ nǐ ale mà, kǎkà ìndrũ-fó dhu ùdhǎ arí òbi nǐ ale mà, ní kòrí ale kóró, náabáya nzí ngari òrù-akpà ǒ Ádrùngbǎ kamà Kàgàwà bhà Idzi ǒ átò.

¹¹Angyi, nzínziku ǒ atdídhená ale nóongónà dhu ònzì ndi dhu bhèyi tí. Pbétù kòmbí, àlě tó Kàgàwà nú'o wà nyǐ, nyǐlǎ fùkú nzérenge ǒ rò. Kǎbhu nyǐ nyǒngò pbìndà ale tí, ndàdù nyǒzù obhónángatále tí. Kǒnzì kóró ì dhu àlě tó Ádrùngbǎle Yèsù Krístò nyǐ nyá'ù dhu-okú dò rò, ndirò Ìlǐlǎ-Alafí-otù ǒ.

Yèsù ná'ù ale ní Krístò-ngbò-rǒnga dhu

(1Té` 4.1-17; 1Pé` 1.14-19)

¹²Nyǐ nyarátina: «Kóró dhu t'ónzita tó rusà ka kúfà wà fǎkà pbàkrístò tírò.» Ndi dhu ní obhó dhu, pbétù kóró dhu ní nzí àkǎkǎ kǒnzì dhu. Ima mà átò ma mínè mati: «Kóró dhu t'ónzita tó rusà ka kúfà wà idù, » pbétù ma mí nzí àdù dhu à'ù mí'ì atdí dhu mà tó ìnò tí.

¹³Ndirò nyǐ nyarátina átò: «Kàgàwà anzì ònyù ale-ò tò, ndirò kǎnzì ale-ò ònyù tò.» Pbétù, ma mátina kà ritòya kǒkò óyǒ dhu kóró. Ale-ngbò Kàgàwà anzì nzá m̀nyòni t'ónzita tò, pbétù kǎnzì ka Ádrùngbǎle Yèsù bhà kasu t'ónzita tò. Ndirò ndi Ádrùngbǎle rǐ'ì ale-ngbò t'ùndata tò.

¹⁴Ndirò ròsè dòtsí, Kàgàwà yà Ádrùngbǎle Yèsù nabhù rìngbè ndi òve-bvù rò pbìndà ádrùngbǎnga tó òbi nǐ, náabhùya àlě-ngbò rùngbe ì átò.

¹⁵Nyǐ nỳni tí nzá dhu, ngbòku rǎrǐ Krístò-ngbò-rǒnga? Níró ma tí àdù Krístò-ngbò-rǒnga nyú idyì idyì, mugèrè r̀ngò m̀nyòni tó tsìbhále-ngbò-rǒnga tí? Ìnzí akekpa màtí!

¹⁶Ndirò, nyǐ nỳni tí nzá dhu ndi ale mà rapé '̀ngbò m̀nyòni tó tsìbhále nà, ní r̀ngò wà atdí ale-ngbò tí kà mànà? Obhó tí, Ìlǐlǎ Andítá náarátina: «Abádhí óyǒ rò rǎdù '̀gèrè '̀ngò atdí ale-ngbò tí .»

¹⁷Pbétù, Ádrùngbǎle mànà ì ǹngbò ale, ní rǎdù ndùgèrè '̀ngò atdí ale tí kà mànà, ale-afí ònǎ rò.

¹⁸Nyǐ nyàkǎ, nyòtsè m̀nyòni-tsù rò! Yà ìndrũ r̀nzina kóró ngǔkpà nzérenge rǐ'ì igi ndi ale-ngbò rǒ rò. Pbétù m̀nyòni ǹnzì ale ǹnzì wà nzérenge ngbòna nyú rǒ nditíró .

¹⁹Nyǐ nỳni tí nzá dhu ngbòku rǎrǐ yà nyukutsì arádi Ìlǐlǎ-Alafí bhà idza? Ndi Ìlǐlǎ-Alafí nábhu fùkú ní Kàgàwà. Ndirò nyǐ ní nzí kàmǎku nyǐ-tírò.

²⁰Obhó tí, Kàgàwà náadzì nyǐ òrú odzi nyú ǒ. Ní nyǐ nyàkǎ nyǐlè ka ngbòku nǐ.

1 Pbàkòritò 7

Pɔlò rǐ Pbàkòritò arí'ì nà ɔmbátá dǒ nzére ìrèta òbhòlò dhu

(Otp 2.18-25; Màt 19.3-12; Ròm 6.18-22)

¹Kòmbí, ma mí dhu òvò fùkú yà idù nyǐ nyándí dhu dǒ. Nyǐ nyátí: «Ìnga nòfò dhu ní kpatsìbhále àkǎ nzá ndòdhò pbìndà tsìbhále nà.»

²Pbétù, ndíní ìndrù oko tí ìmbà m̀nyòni rí'ì nzínziya ǒ, ma m̀tina dhu r̀kà ìngbàtí ìli ndì kpatsìbhále mà rí'ì p̀bìndà tsìbhále nyú nà, ndirò ìngbàtí ìli ndì tsìbhále mà rí'ì p̀bìndà kpatsìbhále nyú nà.

³Kpatsìbhále náká ndònzì p̀bìndà tsìbhále rí atdyúna òho dhu, ndirò tsìbhále mà náká ndònzì p̀bìndà kpatsìbhále rí atdyúna òho dhu átò.

⁴Tsìbhále-ngbò ní nzí ndì tsìbhále bhà, pbétù ka ní k̀bhà kpatsìbhále bhà. Ndirò kpatsìbhále-ngbò ní nzí ndì kpatsìbhále bhà, pbétù ka ní k̀bhà tsìbhále bhà.

⁵Ní, nyí nyàkà nzá nyùlè nyí, inzà ní itsòta tó k̀sumì ǒ tí nyí nyirì nyí nyùbhà ka ákè k̀sumì tí rò. Ndi itsòta tó k̀sumì dzidǒ, nyí nyádù ìngo nyòkò atdíkpá tdítǒ, akye pfòmvo Sitanì náarana nyùtra f̀kù ivívinga ǒ nǐ.

⁶Wò ma m̀nò f̀kù dhu ní nzí uyátá, pbétù ndi dhu bhèyi nyí nyònzì dhu dhu ní nzí nzére dhu.

⁷Obhó tí, ma m̀mbènà òzèna dhu ní k̀ró ale ròkò ìma bhèyi, ìmbà vèbhále na. Pbétù ìngbàtí ìli ndì ale mà nába p̀bìndà perè nyú atdirò K̀gàwà-fó: atdí ale r̀bà tsìbhále nà ndì ndádì dhu tó perè-tidò, ngàtsi ale r̀dù ìmbà tsìbhále na ndì ndádì dhu tó perè nába.

⁸Ndirò k̀kà ìmbà rí'ì vèbhále nà ale mà, abvo-ayí mànà tò, ma mí dhu òvo matì, dhu r̀mbènà àkà mbèyi nyú abádí tò abádí r̀ngò òko yà ma marádì dhu bhèyi, ìnzí 'òhò umbátá-atdyú.

⁹Pbétù dhu apé ì'ì ìnzí abádí r̀dù afíya òtò ìtíró dhu tí, ní abádí r̀dù àkà 'ùmbà ì. Obhó tí, dhu r̀dù àkà mbèyi nyú, ndi ale rí'ì p̀bìndà tsìbhále nyú nà, ròsè ndì ndarana àdì ndàmbe tsìbhále-atdyú òhò dǒ dhu dònà.

¹⁰K̀kà iwà ì nùmbà ale tò, ma m̀bhùna ní yàrí uyátá, yà inzà àhu fudú rò, pbétù k̀rà Ádr̀ngbàle K̀gàwà bhà rò: tsìbhále àkà nzá ndùbhà p̀bìndà kpatsìbhále.

¹¹Pbétù, tsìbhále náapé p̀bìndà kpatsìbhále ùbha, ní ndì tsìbhále àkà nzá ndàrà amba-bvù tdítǒ. Ìmbà k̀'ì ndì dhu bhèyi rò, dhu àkà abádí r̀ngbò ì tdítǒ p̀bìndà kpatsìbhále nà. Ndirò, kpatsìbhále àkà nzá ndùbhà p̀bìndà tsìbhále.

P̀lò rí sedzà àbhù inzà Yèsù ná'ù ale mànà ì nùmbà Yèsù ná'ù ale tò dhu

¹²Ndirò ngùkpà ale tò, ìma, ma mí yà dhu òvo, ndi dhu àhu nzá Ádr̀ngbàle Yèsù ò rò, pbétù k̀ahu ùdù rò. Ní ma m̀tina: iwà Yèsù ná'ù kpatsìbhále náapé ì'ì inzà Yèsù ná'ù tsìbhále nà, ndi tsìbhále r̀dù ndà'ù 'òngò òko kà mànà, ní ndì kpatsìbhále àkà nzá ndùbhà ndì tsìbhále.

¹³Ndi dhu bhèyi tí, Yèsù ná'ù tsìbhále náapé ì'ì inzà Yèsù ná'ù kpatsìbhále nà, ndi kpatsìbhále r̀dù ndà'ù 'òngò òko kà mànà, ní k̀kà nzá ndùbhà p̀bìndà kpatsìbhále.

¹⁴Obhó tí, inzà Yèsù ná'ù kpatsìbhále rí'ì ìnè ábhò onzi nà ndùgèrè ndì ndòngò K̀gàwà bhà ale tí Yèsù ná'ù p̀bìndà tsìbhále-otù ǒ. Ndi dhu bhèyi tí, inzà Yèsù ná'ù tsìbhále rí'ì ìnè ábhò onzi nà ndùgèrè ndì ndòngò K̀gàwà bhà ale tí Yèsù ná'ù p̀bìndà kpatsìbhále-otù ǒ. Ìmbà kà rí'ì ndì dhu bhèyi nání, abádí tó nzónzo nózù ka k̀dù

Kàgàwà-nyìkpó ǎ òtì ale tí. Pbéù obhónánga nyú ǎ, i nzónzo ní Kàgàwà-nyìkpó ǎ ilǎ ale.

¹⁵Pbéù dhu apé ì'ì inzá Yèsù ná'ù ale nózè ndùbhà yà ì umberá ì nà Yèsù ná'ù ale dhu tí, ní ndì ale àkǎ wà ndùbhà ì umberá ì nà ale. Kòrí dhu-tidò nàndà dhu nǎ, Yèsù ná'ù ale nùtsì ì umberá ì mánà inzá Yèsù ná'ù ale nà dhu rǎ mbǎ. Pbéù dhu òfò nga nyòkò atdíkpá, Kàgàwà núunzi nyǎ ndínǎ nyǎ nyoko tí màrùngà ǎ ngǔkpà ale mánà dhu-okú dò rò.

¹⁶Inyi Yèsù ná'ù tsìbhálé, nyi nyùni tí obhó ìgǔ nyi nyádù pbùkù kpatsìbhále nígu dhu? Ndirò ngàtsi nǎ, inyi Yèsù ná'ù kpatsìbhále, nyi nyùni tí obhó ìgǔ nyi nyádù pbùkù tsìbhále nígu dhu?

Pòlò rǎ dhu àndì inzá dhu àkǎ kokò ìndrù tó uyátá tó ino tí dhu dǎ dhu

¹⁷Ròsè yà angyi ma múnò dhu dònǎ, ìngbàtí ìli ndì ale mà nǎkǎ ndòngò àdì àdhàdhì yà Ádrùngbǎle Yèsù abhù fǐndà ófò ǎ: ndì ófò ní, yà Kàgàwà rǎ ndànzi rò kǎ'ì ònǎ ófò . Wòrí ní ndì àkǎkǎnà kifù dhu tí ma marúdhèna kóró kànísá ǎ dhu.

¹⁸Kàgàwà rǎ nyanzi ònǎ kàsùmì ǎ, nyi nyi'ì tí iwà ka kòbhòlò onzinúnga ró? Ní nyi nyàkǎ nyadi ndì ófò ǎ. Kàgàwà rǎ nyanzi ònǎ kàsùmì ǎ, nyi nyi'ì tí inzá ka kòbhòlò onzinúnga ró? Ní nyi nyàkǎ nzá nyabhu ka kòbhòlò.

¹⁹Ale-ònzǎnga òbhòlò ka kí dhu nónzì nzá atdí dhu mà. Ndirò, ìnzǎ ka kí kòbhòlò dhu nónzì nzá atdí dhu mà átò. Àkǎkǎ dhu ní kifù Kàgàwà àvi kònzì dhu.

²⁰Dhu àkǎ ìngbàtí ìli ndì ale mà ràdì yà Kàgàwà rǎ ndànzi rò ndì ndì'ì ònǎ ófò ǎ.

²¹Dhu apé ì'ì nyi nyi'ì ino tí Kàgàwà rǎ nyanzi rò dhu tí, ní nyi nyàkǎ nzá nyitù afinù. Pbéù dhu apé ì'ì inè nyi nyi'ì nyadi dùnú nyi-tírò dhu tí, ní nyi nyàkǎ nzá nyiwǎ ndì onzi.

²²Obhó tí, ino tí arí'ì ale, yà Kàgàwà ánzì rùngbò ì Ádrùngbǎle Yèsù nà, ní nzǎ ino Yèsù-nyìkpó ǎ. Ndi dhu bhèyi tí, dònǎ arí'ì ndítírò ale, yà Kàgàwà ánzì, ní Krístò bhà ino.

²³Kàgàwà náadzì nyǎ orú odzi nyú ǎ. Nírò, nyǎ nyàkǎ nzá nyi'ì tidídò ìndrù tó uyátá tó ino tí.

²⁴Àbanǎnzó, ìngbàtí ìli ndì ale mà nǎkǎ ndàdì Kàgàwà-ònzǎ yà kà rǎ ndànzi rò ndì ndì'ì ònǎ ófò ǎ.

Inzá apè 'ùmbǎ ale àkǎ 'òkò ònǎ ófò

(É`br 13.4; 1Pé` 4.7)

²⁵Kǎkǎ inzá apè vèbhále ùnǎ kpabhínzo mà, inzá apè kpabhále ùnǎ vèbhínzo mánà tò, ma múyǎna Ádrùngbǎle Yèsù òvò idù dhu tí dhu nà ma mí'ì ìmbǎ. Pbéù, tidu ònǎ rò, ma mábhùna abádhí tò dhu ní pbàkǎ irèta. Ndi irèta ní, yà Ádrùngbǎle Yèsù ónzì ídzìnga fǐndà rǎ'ì tsùnǎ dhu ìrì ka kádù dhu tí ale bhà.

²⁶Obhó tí, yà kòmbí rǎ'ì àpbè-okú dò rò, ma mìrè nga ídzì dhu rǎrǎ ìndrù ròkò yà ì í'ì ònǎ ófò ǎ.

²⁷Dhu apé ǐ'ǐ inè nyi nyarí'ǐ tsibhále nà dhu tí, ní nyi nyákă nzá nyɔnè ndi tsibhále ùbha nyi nyí dhu. Dhu apé ǐ'ǐ ìmbă nyi nyarí'ǐ tsibhále nà dhu tí, ní nyi nyákă nzá nyɔnè tsibhále.

²⁸Pbétù, dhu apé ǐ'ǐ nyǔmbă nyí nyí dhu-atdyú nà nyi nyí'ǐ dhu tí, ní nyi nyònzì nzá nzérénga. Ndirò, inzà àpè kpatsibhále ùní tsibhíngba náapè àrà amba-bvù, ní íyàdhíyà nónzì nzá nzérénga átò. Pbétù kākà iwà ì nùmbă ale ní rōngo ǐ'ǐ inè àpbè nà fíyò ípìrōnga ǒ. Ní ima, ma mòzè modò nyí ì àpbè rǒ rò.

Inzá yà adzi ǒ dhu àkă ndàtdù ìndrù-afí dhu

²⁹Àbanǐnzó, ma mòzè matí yà dhu bhěyi: kàsùmì ùbhà ndi ídò. Ní ròpè ndi kòmbí, tsibhále nà arí'ǐ kpatsibhále, nākă ndàdi ìmbă arí'ǐ tsibhále nà ale bhěyi.

³⁰Òdzi ródzi ale nākă 'òkò ìnzǐ ródzi ale bhěyi. Dhèdhe nà rí'ǐ ale nākă 'òkò ìmbă rí'ǐ dhèdhe nà ale bhěyi. Dhu òdzi rí ale nākă 'òkò ìmbă rí'ǐ dhu nà ale bhěyi.

³¹Yà adzi ǒ malí nǐ arí kasu ònzì ale, nākă 'òkò ìnzǐ arí kasu ònzì kà nǐ ale bhěyi. Obhó tí, yà ndi ndí'ǐ ònà ófò ǒ, yà adzi rǎrà tsùna rǐ ndòdì dhu ò.

³²Ma mòzè dhu ní, nyòkò ìmbă afíkù itù rí dhu rǐ'ǐ rórò. Ìmbă arí'ǐ tsibhále nà ale náarí afína itù nǐ ní Ádrùngbále Yèsù bhà dhu kèlě, ndàdù ndòzè ndònè kà-nyìkpó nòfò dhu ònzì ndi ndí dhu kèlě.

³³Pbétù tsibhále nà ale náarí afína àtdù nǐ ní yà adzi ǒ dhu, ndàdù ndòzè ndònè pbìndà tsibhále-nyìkpó nòfò dhu ònzì ndi ndí dhu,

³⁴pbìndà irèta ràdù ndùndò ùndo tí. Ndi dhu bhěyi tí, ìmbă arí'ǐ kpatsibhále nà tsibhále mà, inzà àpè kpatsibhále ùní tsibhíngba mànà náarí afíyà itù nǐ ní Ádrùngbále Yèsù bhà dhu kèlě. Abádhí ózè dhu ní 'àbhu afíyà mà ngbǒya mànà Ádrùngbále Yèsù tò. Pbétù kpatsibhále nà tsibhále náarí afína itù nǐ ní yà adzi ǒ dhu, ndàdù ndòzè ndònè pbìndà ale-nyìkpó nòfò dhu ònzì ndi ndí dhu.

³⁵Wò ma mùnò fùkù dhu ní ma mùnò ndíní ǐ'ǐ tí mùgàsù tí fùkù, ìnzǐ ní ndíní ǐ'ǐ tí àdà ma mùpe rùkú dhu tí. Ma mòzè mitè ìngbà dhu bhěyi màtí nyí nyádù òko ìnga nòfò dhu bhěyi dhu fùkù, nyádù nyǎpba Ádrùngbále Yèsù rǒ tí ìmbă fùkù irèta-ǒnga ùndo rí atdí dhu mà rǐ'ǐ rórò.

Órì nàndà dhu

³⁶Ndi ale apé dhu àlă, inzà ndi rónzì yà ndi ndòrì tsibhíngba-nyìkpó nòfò dhu, yà inzà ì ùmbă ì kà nà dhu-otù ǒ, íyàdhíyà mànà ì í 'ùmbă dhu-atdyú ràdù ndàlɔ tdítǒ, ní abádhí àkă 'ùmbă ì, yà ndi kpatsibhíngba òzè ka dhu bhěyi. Àbadhi ònzì nzá nzérénga.

³⁷Pbétù, ndi kpatsibhíngba apé dhu ùdhě afína nyú ò inzà ka kùtu ndi ùtù tí rórò, ndà'ù dhu ìnzǐ ì rǎrǐ 'ùmbă, ndirò ìnzǐ ì rǎrǐ ngbǒya ùpbă yà ndi ndòrì tsibhíngba nà, ndàdù ndi dhu ònzì yà ndi nyú ndi ndòzè ka dhu bhěyi, ní ndi ale ònzì dhu mběyi.

³⁸Ndi dhu bhěyi ní ndi, yà ndi ndòrì tsibhíngba nà ì nùmbă ale nónzì dhu mběyi, ndirò wò ndi tsibhíngba nòdhò ìnzǐ 'ùmbă ì nà ale, nónzì dhu mběyi nyú ròsè.

Abvo-ayí nàndà dhu

³⁹Iwà árà amba-bvù tsìbhále náarádi Úyátá-tsìnǎ yà ìnè pbìndà ale rǐ'ì nyìkpróna nà òná kàsúmì ǒ. Pbétù kàbhà kpatsìbhále náapé òvè, ní íyàdhiyà rǐ'ì dòná ndìtírò 'ùmbǎ ì ndì ndòzè ale nà. Pbétù, ndì kpatsìbhále àkǎ ndì'ì mùkrìstò tí.

⁴⁰Pbétù pbàkà ǒ, kà rǎdù hirò ònzì, yà ndì ndì'ì òná ófò ǒ tí ndì ndàdi rò. Wòrí ní ndì pbàkà irèta, ndirò ìma nyú ma mà'ù wà dhu átò, ma rǎrǐ'ì ìnè Kàgàwà bhà ǪǪǪ-Àlafí nà.

1 Pbàkòritò 8

Perè tí ka kùbho sànamù tò ìzǎ nàndà dhu

(Ròm 14.13-23; 1Kò 10.19-33)

¹Sànamù tò ka kùbho perè tí ìzǎ nàndà dhu nǐ, nyí nyándí dhu, nyǎti: «Mǎ'ì kóró, mǎ múni wà dhu ndì dhu dǒ.» Pbétù ma mátina: inga ùnǐ ka kí dhu náarí ale àbhù kambe ale ìdzi dǒ ale-tírò, pbétù ale òzè ka kí dhu náarí ale òsì òsì tí.

²Ndì ale apé ndòzù ndìtírò inga ndì ndúni dhu tí, ní ndì ale ní ìnzá inga núni obhóná nyú yà ndì nyú ndì ndàkǎnà ndùni ka dhu bhèyi ale.

³Pbétù ndì ale apé Kàgàwà òzè, ní Kàgàwà ùni wà ndì ale.

⁴Nírò, ka tí àdù sànamù tò ka kùbho perè tí ìzǎ ná'a à'a? Àlě'ì nyú, àlě kúni wà dhu sànamù rarí'ì mbǎ yà adzi ǒ, ndirò àlě kúni wà dhu Kàgàwà rarí'ì atdí tí.

⁵Pbétù, ngǔkpa ale arátina mǔngǔ-nzo rarí'ì ìnè òrù-akpa ò ndirò yà adzi ǒ. Ní obhó tí, abádhí tò mǔngǔ-nzo rǐ'ì ibí, ádròdrǒ ale rǎdù ì'ì ibí.

⁶Pbétù àlě tò, Kàgàwà rǐ'ì atdí tí. Ka ní àlě t'Ábanà yà kóró dhu nanzì, ndirò àlě karóko kà tò. Ndì dhu bhèyi tí, Ádrùngbǎle rǐ'ì atdí tí. Ndì Ádrùngbǎle ní Yèsù Krìstò, yà kóró dhu anzì ndì otùna ǒ. Ndirò ka ní ndì ípìrǒnga ìbho arí àlě tò.

⁷Pbétù ìnzǐ ní kóró ale ì ndì dhu núni. Rìrà àhu kòmbí nga ò, nzínziku ǒ atdídhená ale kǎkǎ iwà avù 'òngò sànamù tò ka kùbho perè tí ìzǎ ná'a, náarí'ì ìnè sànamù ì á'ù obhó dhu tí ró. Abádhí arí ndì ìzǎ ná'a, 'àdù àmbe dhu ìrè dǒ ndì ìzǎ ka rǎbhu perè tí yà ìnè rǐ'ì ádrùngbǎnga tó ǒbi nà dòyá sànamù tò. Ní olùná rò, ndì dhu arádù abádhí àbhu ròzù ì iwà ndì ìzǎ àbhu ì 'òtì Kàgàwà-nyìkpró ǒ dhu tí. Wò dhu ìtè dhu abádhí tó irèta rǎrǐ'ì ivíví.

⁸Obhó tí, ìnzǐ ní ònyù ndì àlě ìndri rǎdù àlě rǐ'ì íkyèrǒ Kàgàwà tí. Àlě kapé ònyù ùbha ìnzǐ àlě rònyù, ní àlě rǒ ndì nòtdì dhu rǐ'ì ìmbǎ. Ndirò àlě kapé ndì ònyù ònyù, ní àlě kábàna atdí dhu mà rǐ'ì ìmbǎ.

⁹Pbétù, nyàndà nga mbèyi, akye yà nyí nyí'ì dükú nyí-tírò, nyǎdù àmbe nyí nyòzè dhu ònzì dǒ dhu náarana kǎkǎ ivíví fíyó a'uta nà ale àbhu rǎwà ì nzérenga ò nǐ.

¹⁰Obhó tí, ivíví pbìndà a'uta nà ale náapé ìnyi, inga núni ale nyú nálǎ sànamù tò ka kùbho perè tí ìzǎ ná'a nyí nyí sànamù ùlě ka karí òná rò sòmǎ-dzà ǒ rò ró, ní kàbhà irèta tí nzǐ àdù kùtu rònyù sànamù tò ka kùbho perè tí ònyù?

¹¹Ndì dhu bhèyi ní ndì, pbùkù inga t'únita-okú dò rò, wò ndì ivíví a'uta nà ale, ndirò yà Krìstò nyú náavè okúna dò rò, ní rǎdù àwǐ atdídǒ.

¹²Wò dhu bhěyi ní ndi, nyí nyí dhu ùfá adóku mà awéku mànà ònzí, nyǎdù afíya ìnza dhu, ràdù ì'ì àdhàdhì iwà nyí nyǎfá dhu Krístò-ònzí nyú dhu bhěyi.

¹³Ní ndi dhu-okú dò rò, ònyù náapé Yěsù ná'ù adòdu mà ndirò ngàtsi nǐ awèdu mà nábhù rìtsì nzérenga ò, ní ma mádù àdi ìnzí mongò ìzǎ à'á kóró idhò ǒ, akye ndi dhu arana abádhí àbhù rùwí nǐ.

1 Pbàkòritò 9

Uvitatále àkǎ àbà fíyó ípìrǒnga òdò rí dhu yà ì arónzina kasu-nyutsì dhu

(Luk 10.7; Kas 20.34-35; 2Kò 11.7-12; Gàl 6.6; 1Tì 5.17-18)

¹Ima tí obhó uvitatále ngǔkpà uvitatále bhěyi? Ma mátí obhó ì'ì dùdú matírò? Ima mála tí nzá Yěsù, àlě tó Ádrùngbǎle? Nyí nyú, nyí tí obhó yà Ádrùngbǎle Yěsù tò ma mónzì kasu-nyutsì rò úvò ale?

²Ngǔkpà ale tò ma mapé ì'ì ìnzí ní uvitatále tí, ní fǔkù ima ní uvitatále nyú. Obhó tí, nyí ní yà ma mónzì uvitatále tó kasu ìtè rí ale Ádrùngbǎle-nyutsì.

³Yàrí ní ndi ìndrù rǐ mǎbhù rò, ma marí mugye dùdú tí dhu:

⁴mǎ'ì uvitatále tíró, mǎ tí nzí àdù àkǎ mǎnyù dhu, mǎdù dhu òmvù fàkǎ kasu-otù ǒ?

⁵Tsìbhále nà ma mì'ì rò, ma màkànà tí nzá ndi tsìbhále rùndà ma abhi ò ma mǎrà rò, àdhàdhì ngǔkpà uvitatále mà, Ádrùngbǎle Yěsù t'ádóna mà Péterù mànà náarónzina dhu bhěyi?

⁶Tí mǎ'ì kèlě ndi Bàrnabà nà mǎ mádù àkǎ mǎnzì kasu ọtsúka nyú nǐ ndíní mǎ mabá tí ònyù?

⁷Ádhi pbá múnòwì ndi kàsùna ùbhò arí ndítírò? Ádhi pbá ale ndi vínyò-kpa òzò arí ìnzí ndi ndi vínyò-kpò òtò rórò? Ndirò ádhi pbá ale ndi ìkyì ùnda arí ìnzí ndi ndi fíndá màkyí òmvù rórò?

⁸Yà ma múnò dhu tí obhó ìndrù arónzina dhu? Músà bhà Úyátá náatí nzí àdhàdhì dhu kèlě núnò átò?

⁹Obhó tí, ndi Úyátá ò ka kándì dhu kati: «Nyí nyàkǎ nzá nyutsì nganù-ǒnga òtsi rí, ndíní kpóna uvò tí kéléna ò rò ìkyì-akpà-tsù ìnzí ndi nganù nonyu tí .» Kàgàwà náatí afína ìtù ìkyì-akpá tó dhu nǐ?

¹⁰Ròsè dòtsí, kúnò tí ìnzá wò dhu àlě-okú dò rò? Obhó tí, wò dhu ka kandí àlě-okú dò rò. Inga òbhì rí ale nákǎ ndòbhì inga ndàdù dhu à'ù àbà ndi rǎrǐ ndi inga ǒ ró'ò dhu-ròrò nábà fíndá átò. Ndirò inga ǒ rò rí dhu ògu ale nákǎ ndà'ù dhu, àbà ndi rǎrǐ ndi inga ǒ ka kògù dhu-ròrò nábà.

¹¹Dhu apé ì'ì ale-afí tó itse mǎ mǎzò afíku ò dhu tí, ní mǎ mí ale-ngbò dzùnà ònzì rí dhu nábà fukú dhu tí nzére dhu?

¹²Dhu apé ì'ì ngǔkpà uvitatále náarí ì dhu àbà fukú dhu tí, ní ròsè dòtsí, mǎ nyú, mǎ màkǎ tí nzá mǎbà ka átò? Pbétù mǎ mónzì nzá nyí nyǒnzì dzùnàka atdí dhu nǐ matí. Mǎ mónù kóró dhu-dzi akye mǎ mowuna Krístò bhà Ídzì Mǎkǔrù-tsù ùtò nǐ.

¹³Nyí nyùni tí obhó dhu Kàgàwà bhà-dzá arí kasu ònzi ale rarí fíyó ònyù nábà ányì-dzá ì ónzina kasu ò rò? Ndirò, nyí nyùni tí obhó dhu màzàbahù dǒ arí kasu ònzi ale rarí fíyó ònyù àbà ndi màzàbahù dǒ ì úbina perè tí izǎ ò rò?

¹⁴Ní ndi dhu bhëyi tí, Ádrùngbǎle Yësù núuyá dhu kǎkà Ídzì Mǎkürù ùno arí ìndrù tò ale tò ndàti, abádhí rǎràdù fíyó ípìrǒnga òdo rí dhu-tsí àbà ndi Ídzì Mǎkürù-otu ǒ.

¹⁵Pbétù ima, ma mónzi nzá atdí dhu mà kǒnzi dzùnàdu nǎ. Ní ma mí milè ndi dhu-okú dò rò. Ndirò yà ma màndí dhu, ní ma màndí nzá, ndíní nyí nyibho tí dhu idù. Inga nǒfò idù dhu nyú ní mǎvè òvè tí, dhu ùnzi dǒ ma mambèna ìndrù-fó rò. Atdí ale mà rǎ nzǎ wò ma mí milè okúna dò rò dhu àkǒ fudú rò.

¹⁶Ídzì Mǎkürù ùno ma mí ìndrù tò dhu ní nzǎ mabhǔ rí midzǎ ma dhu. Ndi dhu ní iwà àkǎnà atdí dǒ nyú mǎnò ìndrù tò dhu. Ìnzǎ ma mí Ídzì Mǎkürù núno ìndrù tò dhu, ní rǎdù ì'ì àpbě nyú tí idù.

¹⁷Dhu í'iyána gukyè ma nyú tíró ma mǒvò yàrí kasu mongò ònzìnà dhu tí, ní ma mǎkǎna mabà pbàkà mùkimbà. Pbétù, ma mí kǒnzi Kàgàwà íbhò ndi ndi kasu mongò ònzìnà dhu-okú dò rò.

¹⁸Níró, pbàkà mùkimbà nyú ní àdhu? Pbàkà mùkimbà ní mǎvò Ídzì Mǎkürù ìndrù tò ìnzǎ ka kí mubhǒ rǒrò. Kà-tì ní mǎvò Ídzì Mǎkürù ìndrù tò ìnzǎ ma mí kǒtù ǒ àkǎnà mabà dhu ònzi rǒrò.

¹⁹Ma mí'ì dùdú matíró kóró ale-ònzǎ. Pbétù, ma mónzi ma matíró mí'ì kóró ale tó ìno tí, ndíní ma mabá tí ábhǒ ale Yësù Krístò tò.

²⁰Pbàyàhúdí nzínzi ǒ, ma marádi Mùyàhudì bhëyi, ndíní ma mabá tí Pbàyàhúdí. Músà bhà Úyátá ifǔ abádhí rǎ rò, mǎ maróko abádhí mànà ndi Úyátá ifǔ ma mí dhu bhëyi, pbétù ima nyú, ìmbǎ ma mí'ì ndi Úyátá-tsìnǎ rǒrò. Ma marí kǒnzi ndi dhu bhëyi, ndíní ma mabá tí ndi Úyátá ifǔ arí ale.

²¹Ndirò ìnzǎ arí Músà bhà Úyátá ifǔ ale nzínzi ǒ, ma marádi ìnzǎ arí ndi Úyátá ifǔ ale bhëyi, ndíní ma mabá tí abádhí Ádrùngbǎle Yësù tò. Wò dhu rǎ nzǎ atina ìnzá ma rífu Kàgàwà bhà Úyátá. Ma marí kifǔ ifǔ, Krístò bhà Úyátá ifǔ ma marí dhu-okú dò rò.

²²Ndirò kǎkà ivívi fíyó a'uta arí'ì ale nzínzi ǒ, ma marí mǒnzi matíró ivívi a'uta nà ale bhëyi, ndíní ma mabá tí ì ivívi a'uta nà ale Ádrùngbǎle Yësù tò. Ní, kóró ale tò, ma mará mǒnzi rǒ abádhí rǎ'ì ònǎ kóró ófò ǒ, ndíní ma mara tí abádhí nzínzi ǒ atdí dhená ale ìgu rǒ dhèdhèrò otu ǒ.

²³Ma marí kóró dhu ònzi Ídzì Mǎkürù-okú dò rò, ndíní ma mabá tí kà-nyutsi rí'ì ìdzìnga átò.

²⁴Nyí nyùni tí obhó dhu ikpa tó odhó dǒ, kóró ale rarí ǒngu tó kàsüsù ònzi, pbétù atdí ale kèlě rarí ndi àrà mùlèmà tó perè àbà? Níró, nyí nyàkǎ nyámbe òtse dǒ, ndíní nyí nyabá tí mùlèmà tó perè.

²⁵Kàsüsù tó ikpa nòzè 'ìkpà ale kóró náarí kóró ngǔkpà dhu ùbha, 'àdù afíya àpba ǒngu t'údheta rǒ. Abádhí arí dhu ònzi ndi dhu bhëyi, ndíní ì abá tí mùkáká, àzèmbè pbání

ndinza rádù mùkàkù kèě. Pbéù àě'i, àě káří kàsùsù ònzì ndì dhu bhěyi, ndíně àě kabá tí yà ìnzì rádù ndinza mùkàkù.

²⁶Ndì dhu-okú dò rò ní ndì ima, ma máří nž àngìli, mambe mubi dō akye. Ma mí'ì àdhàdhì ɔtsúna ndì ndàngùrù rórò rí anya ònzì, ìnzì ndòpbì mbàrátànga ale bhěyi.

²⁷Pbéù, ma marávu ngbōdu rō ma-tírò ìdzídžò ìkpa-tidò nř, madù lèmana ònzì, akye Kàgàwà araya mōdhò ìnzì mabà perè nř, ima yà ngǔkpà ale tò ma marí Ídzì Mākūrù núnò rò.

1 Pbakòritò 10

Sànamù àkǎ nzá kule dhu

(Zàb 78.13-33; 106.9-22; É`br 3.7-19)

¹Àbanžzó, ma mòzè nzá nyādzò yà Músà-owù nungu àě t'ábhúna rō ndì nanzì dhu rō rò. Abádhí kóró núubhì yà 'ùnda rí àpbù tó sísì tsìnǎ , ndírò abádhí kóró núudà pfōya dō ádrùngbǎ rèrù ònǎ ònánga ùtù ndì ɔyò rórò .

²Àpbù-tsìnǎ abádhí ubhì dhu mà ádrùngbǎ rèrù ònǎ abádhí udà dhu màna, ní'ì àdhàdhì iwà Kàgàwà ùbho bàtizò abádhí tò kóró ndíně Músà-owù nungu tí dhu bhěyi.

³Abádhí kóró náanyù Kàgàwà àbhu fīyò atdí ònyù-tidò .

⁴Abádhí kóró náamvù Kàgàwà àbhu ràhu bhalabhala tó odu ò rò fīyò idha. Wò ndì bhalabhala tó odu ní'ì Krístò yà abádhí nunda .

⁵Pbéù, ábhō ale nyú abádhí nzínzì ō náafò nzá Kàgàwà-nyìkpó. Ní ndì dhu-okú dò rò, abádhí núuvè, abvòya ròyì rùngù ō.

⁶Kōkò dhu náanzì ì ndíně i'ì tí ídzì ófò tí àě tò, ìnzì àě kadù tí nzére dhu ònzì àě kí dhu-atdyú nóhò, àdhàdhì abádhí náahò kǎtdyú dhu bhěyi .

⁷Nírò nyř nyākǎ nzá nyř'ì sànamù ùě arí ale tí, àdhàdhì abádhí nzínzì ō atdídhená ale núulénà sànamù dhu bhěyi. Àdhàdhì Ĥlǎ Andítá náarúnona dhu bhěyi: «Ìndrù náakò obvò ònyù t'ònyuta tò ndírò dhu t'ómvùta tò. Wò dhu-dzidō, abádhí adù 'ivà ɔrú, 'òbè sànamù-ònzì .»

⁸Àě kākǎ nzá àě rònzì múnnyòni, àdhàdhì atdídhená ale abádhí nzínzì ō náanzì dhu bhěyi. Ní abádhí nzínzì ō, óyō kumì dóná ìbhu nà lufù ale núuvè atdí idho ō tí .

⁹Àě kākǎ nzá àě rùmvù Krístò-afí àdhàdhì abádhí nzínzì ō atdídhená ale náanzì dhu bhěyi. Ní, osu núubhì abádhì, ràve .

¹⁰Nyř nyākǎ nzá nyònu, àdhàdhì atdídhená ale abádhí nzínzì ō náanu dhu bhěyi. Ní ìndrù-tse òtdì arí màlàyikà náatdì abádhì-tse kóró .

¹¹Kōkò dhu náanzì ì abádhì rō, ndíně i'ì tí atdí ófò tí ìndrù tò. Ndirò ka kandí ka ndíně àě-nyìkpó nitdyu tí, yà ípìrōrò àě kí'ì yà adzi ō dhu-tsù rǎrà ndíně ndì ndara tí ndòdì òná kàsùmì ō rò.

¹²Ní ndì dhu-okú dò rò, ndì nìrè iwà ndì ndídè pbìndà a'uta ō dhu tí ale, nákǎ ndòdò ndì ìnzì ndìtsì pbìndà a'uta ō rò.

¹³Wò pfòmvo Sitanì náarí afíku ùmvù nǐ umvútá ní yà kóró ngǔkpà ale-afí ùmvù kǎrì nǐ. Kàgàwà ní yà ndì ndùnò dhu ifũ arí ale, ní kà rǐ nzǐ àdù nyǎbhu pfòmvo rùmvù afíku ròsè òbìku dòná. Pfòmvo náapè afíku ùmvù, ní Kàgàwà rádù òbì àbhu fùkù nyòndù ndi dhu-dzi, nyǎdù lèmana ònzì.

¹⁴Ní ndi dhu-okú dò rò, yà atdíđò ma mózè nyǐ rò, nyǐ nyǎkǎ nyǐndà nyǐ itse sànamù t'úlétá rǒ rò.

Inzá dhu àkǎ kungbò ale pfòmvo nà dhu

¹⁵Ma mí dhu òvo fùkù àdhàdhì dhu-ǎnga t'òvòta núnì ale bhěyi. Ní nyìrè pé yà ma móvona fùkù dhu-ǎnga nyǐ-tírò.

¹⁶Yà Kàgàwà tò àlě kí òtsò àbhù nǐ kópà-tsù àlě kòmvù rò, ndi kópà-otù ǒ àlě kungbò tí nzá àlě Krístò-azù mànà? Ndirò, yà àlě kí m̀gati-ǎnga ùkǒ àlě rádù ònyùnà rò, ndi m̀gati-otù ǒ àlě kungbò tí nzá àlě Krístò-ngbò nà?

¹⁷Obhó tí, m̀gati rǐ'ì atdí tí. Ndirò, abho rò màtí àlě kí mbǎ ì'ì, ní àlě'ì kóró ní atdí ale-ngbò, àlě'ì kóró àlě kí ndi atdí m̀gati kèlě nónyu dhu-okú dò rò.

¹⁸Nyàndà pé Pbàìsràyélí tó ófò átò: perè tí ka kùbho màzàbahù dǒ Kàgàwà tò ìzǎ ná'a abádhí arí ndínì ì ungbò tí ì otùna ǒ Kàgàwà nà.

¹⁹Nírò, ádhu ndi ma mòzè munò wò ma munò dhu ǒ? Tí inè sànamù tò ka kùbho perè tí ìzǎ rǎrǐ'ì m̀gàsù nà? Ndirò tí inè sànamù rǎrǐ'ì m̀gàsù nà?

²⁰Ìnzǐ akekpa màtí! Pbétù, ma màtina yà màzàbahù dǒ inzá Yèsù ná'ù ale arí ùbhona perè tí dhu núbhò abádhí rǎrǐ pfòmvo tò, ìnzǐ ní Kàgàwà tò. Ní, ima nyú ma mòzè nzá nyungbò nyǐ pfòmvo nà.

²¹Nyǐ nyǐ nzǐ àdù Ádrungbǎle Yèsù Krístò bhà kópà-tsù òmvù, nyǎdù pfòmvo bhà kópà-tsù nóm̀vù átò. Ndi dhu bhěyi tí, nyǐ nyǐ nzǐ àdù Ádrungbǎle bhà ònyù nónyu, nyǎdù pfòmvo bhà-tsí nónyu átò.

²²Ndirò àlě kòzè tí àlě rǎngbe Ádrungbǎle bhà nàwí? Àlě tí'ì òbì nà ròsè kà dòná?

Dhu àkǎ kǎnzì kóró dhu Kàgàwà-òvò nilè tí dhu

²³Atdídhena ale arátina: «Kóró dhu tó rusà ka kúfà wà.» Ndi dhu ní obhó dhu nyú, pbétù kóró dhu ní nzǐ dhu-dzùnà ònzì rádù dhu. «Kóró dhu tó rusà ka kúfà wà», pbétù kóró dhu ní nzǐ ìndrũ òsì rádù dhu.

²⁴Atdí ale mà nákǎ nzá ndònè f̀ndà tí rí ìdzìnga àbhù dhu, pbétù kǎkǎ ndònè ngǔkpà ale tò rí ìdzìnga àbhù dhu.

²⁵Nyǐ nyǐ'ì inè nyǒnyù ingbatí ìli ndi dhu mà yà kòbǐ ǒ ka kòdzì, inzá nyǐ nyòngù dhu dòná afíku ò rí'ì ìrèta-okú dò rò rórò.

²⁶Obhó tí, yà adzi òná rí'ì kóró dhu mànà ní Ádrungbǎle bhà malì .

²⁷Dhu apé ì'ì inzá Kàgàwà ná'ù ale nzínzì ǒ atdí ale nánzì nyǐ ònyù tò dhu tí, nyǎdù nyǎ'ù nyòwù ányì, ní nyǐ nyǎkǎ nyǒnyù kóró dhu yà àbadhi àbhu fùkù inzá nyǐ nyòngù t̀na yà afíku ò rí'ì ìrèta-okú dò rò rórò.

²⁸Pbétù, ndi ale apé dhu òvò fùkù, ndàti: «Yàrí iză ní perè tí ka kàbhù sànamù tò, » ní nyí nyàkă nzá nyă'á ndi iză, wò ndi dhu nòvò fùkù ale-okú dò rò, ndirò yà ale-afí ò rí'ì irèta-okú dò rò.

²⁹Ma mòtè nzá afikù ò rí'ì irèta dǒ, pbétù ma mòtè yà ndi dhu nòvò nà fùkù ale-afí ò rí'ì irèta dǒ. Tí idzi dhu ndi, inyí mùkrístò tíró, nyí nyíde ìngbàtí ìlì ndi dhu mà ònyu nyí nyí dhu tó irèta dǒ tí, àzèmbè òdhìnu rí kòzù nzérenga tí rórò?

³⁰Tí idzi dhu ndi átò nyí nyíde pbùkù irèta dǒ tí, nyonyù yà iwà nyí nyàbhù òtsò Kàgàwà tò okúna dò rò dhu, àzèmbè òdhìnu rǒrù dùnú ndi dhu-okú dò rò rórò?

³¹Nírò, dhu apé ì'ì nyí nyí dhu ònyu dhu tí, nyí nyí dhu òmvù dhu tí, ndirò nyí nyí kórò dhu-tsí ònzi dhu tí, ní nyí nyàkă nyǒnzì kórò i dhu Kàgàwà-òvò nilè tí.

³²Nyí nyàkă nzá nyàbhù Pbàyàhúdì mà, ìnzì ní Pbàyàhúdì mà, ndirò Kàgàwà bhà Kànìsà mà ròtsù nzérenga ò nyí nyǒnzìna dhu-otù ǒ.

³³Nyí nyàkă nyǒnzì dhu yà ima nyú ma marí dhu ònzi dhu bhèyi: ma marí òbì ònzi atdíǒ, ndíni ma mǒnzìna kórò dhu nǒfó tí kórò ale-nyìkpó. Obhó tí, ma marí nzì idù rí idzìnga ìbho atdíró dhu ònè, pbétù ma marí àbhǒ ale tò rí idzìnga àbhù dhu ònè, ndíni Kàgàwà igú tí abádhí.

1 Pbàkòritò 11

¹Nyí nyàkă nyǒdyì pbàkà ófò, àdhàdhì ima nyú ma mídyì Krístò bhà ófò dhu bhèyi.

Vèbhále mà kpabhále mà nàkănà 'ì'ì nà sòmă-dzà ǒ ófò

(1Kò 14.40; È`fè 5.22-24; 1Tì 2.8-14)

²Ma mìfu nyí ìfù tí nyí nyárí mìrè kórò dhu ǒ, nyädù yà fùkù ma múdhe dhu òdò àdhàdhì yà ma nyú ma múdhe ka fùkù dhu bhèyi dhu-okú dò rò.

³Pbétù ma mòzè nyǔni yàrí dhu: Krístò ní ndi ìngbàtí ìlì ndi kpatsìbhále-dò, kpatsìbhále ní pbìndà tsìbhále-dò, ndirò Kàgàwà ní Krístò-dò.

⁴Nírò, ìngbàtí ìlì ndi kpatsìbhále mà náapé dóna àtsì Kàgàwà rǒ ndi ndí ndítsò òná kàsùmì ǒ, ndirò ngàtsi nǐ nabì bhèyi ndi ndí dhu òvò ìndrù tò òná kàsùmì ǒ, ní ndi ale ní Krístò yà dóna tí rí'ì gàyà nònzì ale.

⁵Pbétù ìngbàtí ìlì ndi tsìbhále mà náapé nzì dóna àtsì Kàgàwà rǒ ndi ndí ndítsò òná kàsùmì ǒ, ndirò ngàtsi nǐ ìndrù tò ndi ndí dhu òvò nabì bhèyi òná kàsùmì ǒ, ní ndi tsìbhále ní pbìndà kpatsìbhále yà dóna tí rí'ì gàyà nònzì . Wò dhu rädù ndàla àdhàdhì kà-dòkà ka kàkpà dhu bhèyi .

⁶Dhu apé ì'ì ìnzá tsìbhále àtsì dóna dhu tí, ní kàkănà ndàbhù dóna-ká kazè! Pbétù, tsìbhále-dòkà ka kàzè dhu, ndirò ngàtsi nǐ kà-dòkà ka kàkpà dhu rí ale-nyí àbhù rìwù dhu-okú dò rò, dhu àkă kà ràtsì dóna.

⁷Kpatsìbhále na nàkă nzá ndàtsì dóna. Ka ní Kàgàwà-wòyǒ, ndirò ka ní Kàgàwà bhà ádrùngbànga tó awáwù. Ndirò tsìbhále ní pbìndà kpatsìbhále bhà ádrùngbànga tó awáwù.

⁸Obhó tí, Kàgàwà náabhòlò nzá kpatsìbhále ràhu tsìbhále-ongò-kpa ò rò, pbétù tsìbhále ní ndi kàbhòlò ràhu kpatsìbhále-ongò-kpa ò rò.

⁹Ndirò, Kàgàwà náabhòlò nzá kpatsìbhále tsìbhále-okú dò rò, pbétù tsìbhále ní ndi kàbhòlò kpatsìbhále-okú dò rò.

¹⁰Ní, tsìbhále rí'ì pbìndà kpatsìbhále bhà ádrùngbǎnga tó awáwù tí dhu-okú dò rò, dhu àkǎ kà ràtsì dóna rí'ì pbìndà kpatsìbhále bhà ádrùngbǎnga-tsìnǎ ndi ndarí'ì dhu ìtè rí dhu tí, màlàyíkǎ-okú dò rò .

¹¹Ádrùngbǎle Kàgàwà udhé dhu-bvù rǒ, tsìbhále rí nzǐ àdù àtìnà ìmbǎ ndi rǎrǐ'ì kpatsìbhále-atdyú nà, ndirò kpatsìbhále rí nzǐ àdù àtìnà ìmbǎ ndi rǎrǐ'ì tsìbhále-atdyú nà.

¹²Obhó tí, àdhàdhì tsìbhále Kàgàwà náabhòlò ràhu kpatsìbhále-ongò-kpa ò rò dhu bhěyi tí, kpatsìbhále aráhu tsìbhále-nyutsi rò uguta-otù ǒ. Ndirò Kàgàwà ní ndi abádhí nanzì óyǒ rò kóró.

¹³Nyòtdì pé yà anya nyǐ nyú tírò: tsìbhále rí ndítsò Kàgàwà rǒ inzǎ ndi ndàtsì dóna róró dhu tí ídzì dhu?

¹⁴Yà Kàgàwà abhòlò ale-dòkǎ ònǎ ófò nítè tí nzǎ dhu, kpatsìbhále rí dóna-kǎ ìvǐ ádzàdzǐ dhu rǎrǐ kà-nyì àbhǔ rí rìwù dhu?

¹⁵Pbétù tsìbhále tò, dóna-kǎ rǒvǐ ádzàdzǐ dhu ní ifuta. Obhó tí, ádzàdzǐ aróvǐ àyǐ Kàgàwà abhù tsìbhále tò, rí'ì dóna àtsì kà rǎdù nǐ mberù bhěyi.

¹⁶Ndirò, ndi ale apé ndòzè ndàgò ndi wòrǐ ǒtè dǒ, nǎkǎ ndùni dhu àlě'ì mà, àlě rǎrǐ'ì mbǎ ngǎtsi ndi màndu nà, ndirò Kàgàwà bhà kànísǎ nyú mà rǎrǐ'ì mbǎ kà nà.

Ònzitále rí izu àbhǔ nǎkùtále-afí ò àzè nítè rí ònyù-otù ǒ dhu

¹⁷Yà kòmbí ma mǒvǒna fǔkù ǒtè ǒ, ma mí nzǐ nyǐfǔ ìfǔ tí. Obhó tí, yà nyǐ nyùndu nyǐ nǐ fǔkù unduta náarǐbhona fǔkù ní nzǐ ídzì dhu, pbétù kǎrǐbhona ní nzére dhu.

¹⁸Angyìnǎ rò ma mírǐ wà dhu yà nyǐ nyùndu nyǐ ònǎ kàsùmì ǒ, ùkúnga rarǐ ndùndo ùndo tí. Ní ma mà'ù wà ndi dhu gòna tí.

¹⁹Obhó tí, dhu àkǎnà wà ùkúnga rùndò ndi, ndínǐ ka kuni tí atdí afíya nyú nà arí Yěsù-owù ùngǔ ale.

²⁰Yà nyǐ nyùndu nyǐ rò, nyǐ nyárónyuna ní nzǐ Ádrùngbǎle Yěsù bhà ònyù.

²¹Obhó tí, ònyù ònyu nyǐ nyǐ rò, ngǎtsi ale arí ndàpà ndònyù pbìndà ònyù nyú ndítírò angyi. Ní ndi dhu bhěyi, nzínziku ǒ atdídhénǎ ale náarádù òko àwù nà, ngǔkpà ale rǎdù dhu òmvù 'òri nǐ .

²²Nírò, nyǐ nyátí mbǎ ì'ì idza nà, yà nyǐ nyádù dhu ònyù, nyádù dhu òmvù óyǎ rò? Ndirò, nyǐ nyòzè tí Kàgàwà bhà Kànísǎ àkyǎkyè dhu tí? Nyǐ nyòzè tí nyǐwu kǎkǎ ìmbǎ dhu arí'ì fǒyǎ ale-nyǐ? Ádhu nyú ndi nyǐ nyòzè munò fǔkù? Dhu àkǎ tí mífù nyǐ ìfǔ tí? Ma mí nzǐ nyǐfǔ akekpà màtí wò dhu-okú dò rò!

Ádrùngbǎle Yěsù nǎbhǔ rí kǐrè ònyù

(Màt 26.26-29; Mrk 14.22-25; Luk 22.15-20)

²³Obhó tí, yàrí ní ndi Ádrùngbàlẹ̀ Yèsù udhè idù dhu, yà ma madù àbhunà nyūni átò. Yà ndi ka kipfona kabhu ndi òmvù-fó ònà iku ǒ, Ádrùngbàlẹ̀ Yèsù idyi m̀gati ndàlǔ fóná.

²⁴Ní, òtsò ndi ndàbhu Kàgàwà tò dhu-dzidǒ, kǔkò kà-ǒnga, ndàdù àtìnà: «Yàrí ní ngbòdu, yà fùkù ma màbhu. Nyòngò dhu ònzì ndi dhu bhèyi, nyámbe mirè dǒ róná.»

²⁵Ndi dhu bhèyi tí, ònyù ì ònyù dhu-dzidǒ, kǐdyi ònyù rǐ'ì ònà kópà ndàlǔ fóná, ndàdù àtìnà: «Yàrí kópà rǐtèna ní yà Kàgàwà mànà ìndrù ùngbò ì nǐ ungbòta-òwútá, yà azùdu-otù ǒ ndi nàvi kpangba. Bilínganà kòmvù nyí nyí rò, nyòngò kònzì wò dhu bhèyi, ima nyí nyirè tí róná.

²⁶Obhó tí, yà nyí nyí yàrí m̀gati ònyu nyàdù yàrí ònyu òmvù ònà kóró kàsùmì ǒ, nyí nyí Ádrùngbàlẹ̀ Yèsù bhà òve-òyí nígǎ, ràrà àhu kàraya ìngò ònà idhò ǒ.»

²⁷Nírò, ìngbàtí ìli ndi ale mà yà Ádrùngbàlẹ̀ Yèsù bhà m̀gati ònyu rí, ndirò kàbhà kópà-tsù òmvù rí ìnzá ndi ndàkànà ndònyù ka ndirò ìnzá ndi ndàkànà ndòmvù ka rórò, ní ndi ale àfǎ wà dhu ìnzá ndi ndifù kà-ngbò mà kǎ-zù mànà dhu-otù ǒ.

²⁸Ní ìngbàtí ìli ndi ale mà nàkànà ndàndà pé nyunatsi nga nditírò angyi, tdù ndi ndònyu yàrí m̀gati ndàdù yàrí kópà-tsù nóm̀vù rò.

²⁹Obhó tí, ndi ale apé m̀gati ònyu ndàdù kópà-tsù òmvù ìnzá ndi ndùni Ádrùngbàlẹ̀-ngbò-tì rórò, ní kòtdì wà anya nditírò dóná wò m̀gati ndi ndònyù, ndàdù ndi kópà-tsù òmvù dhu-otù ǒ.

³⁰Ndi dhu-okú dò rò ní ndi, ábhǒ ale nzínziku ǒ nàrá'ì andi nà 'àdù ì'ì ivíví. Ndirò, ábhǒ ale nyú núve wà.

³¹Àlě kándàna gukyè àlě-nyutsi nga àlětírò angyangyi, ní Kàgàwà itdǐyana nzí anya àlě-dǒ.

³²Pbétù Ádrùngbàlẹ̀ Kàgàwà arí anya nít̀dì àlě-dǒ, ndínǐ ndutó tí àlě, akye ndi ndadùya àrà anya itdì àlě-dǒ atdíkpa yà adzi ǒ ale mànà nǐ.

³³Ní ndi dhu-okú dò rò, àbanǐnzó, yà nyí nyùndu nyí ònyù nyí nyonyu tí atdíkpa ònà kóró kàsùmì ǒ, dhu àkǎ wà nyòdò nyí nzínziku ǒ.

³⁴Dhu apé ì'ì ndi ale rǐ'ì àwù nà dhu tí, ní ndi ale àkànà ndònyù pé dhu angyi pbì idzá, akye nyí nyowuna nyùndu Kàgàwà ràdù anya itdì d̀kú nǐ. Nírò ngùkpa dhu yà òdòdì, nóbhòlò ma mítsi fùrábvù ma m̀rà àhu rò.

1 Pbàkòritò 12

Ìlǐlǎ-Alafí r̀ndana ale ùni ka kádù róná dhu

(É`fè 4.6; Fìl 2.1-4; 1Pè` 4.10-11)

¹Àbanǐnzó, Kàgàwà bhà Ìlǐlǎ-Alafí arábhùna ìndrù tò perè nàndà dhu nǐ, ma mòzè nzá nyòkò ìnzǐ nyūni dhu ì perè dǒ.

²Nyí nyùni wà dhu yà inzà nyí nyàpè Yèsù Krístò ná'u òná kàsùmì ǒ, nyí rubhà nyí dhu rùmbe nyíku nyòwù kàkà inzà tǔya arí 'iri sànamù i.

³Wò dhu-okú dò rò ní ndi, ma mòzè nyùni dhu: Kàgàwà bhà Ìlìlǎ-Alafí nyú rǔndana ale rarí nzí àdù àtìna: «Yèsù àkǎ ofúngá nà!» Ndirò inzà Ìlìlǎ-Alafí kèlè nùndà ndi rò, atdí ale mà rí nzí àdù àtìna: «Yèsù ní Ádrùngbǎle!»

Kàgàwà bhà Ìlìlǎ-Alafí arábhǔna ìndrǔ tò perè

⁴Ìlìlǎ-Alafí arábhǔna ìndrǔ tò perè-tidò rí'ì dhèdhèrò, pbétù kùndò arí ní atdí Ìlìlǎ-Alafí kèlè.

⁵Kànisa ǒ ka kádù ònzìna kasu-tidò rí'ì dhèdhèrò, pbétù i kasu ònzi ka kí fíndà ní atdí Ádrùngbǎle Yèsù kèlè.

⁶Kànisa ǒ kasu ònzi ka kí tí dhu rí'ì dhèdhèrò, pbétù i kasu àbhǔ arí rònzi i kóró, ní atdí Kàgàwà kèlè.

⁷Ìngbàtí ìli ndi ale mà náarí Ìlìlǎ-Alafí bhà ádrùngbǎnga tó obi itè rí perè nábà, ndíní ndi perè i'ì tí mǔgàsù tí kóró ale tò.

⁸Nírò, atdí ale tò Ìlìlǎ-Alafí ábhǔ ní dhu-ǒnga t'òvòta tó ɔte tó perè, ndirò ngǎtsi ale tò wò ndi atdí Ìlìlǎ-Alafí kèlè ábhǔ ní, inga t'únita tó ɔte tó perè.

⁹Ngǎtsi ale ábà wò ndi Ìlìlǎ-Alafí-fó tí ní obi nà a'uta tó perè, ndirò ngǎtsi ale-tsí nábà ní andi nà ale t'ígútá tó perè.

¹⁰Ngǎtsi ale ábà ní wíwí t'ónzita tó perè, ngǎtsi ale ràdù nabì bhèyi ka kí dhu òvò ìndrǔ tò nǐ perè nábà. Ndirò, ngǎtsi ale ábà ní títò tó ale-afí mà ǒnga nábhǔ rí kùndò mbèyi obhónga tó Alafí màna perè. Ngǎtsi ale ábà ní inzà ka kùni aláva-tidò ǒ ka kóte dhu tó perè, ndirò ngǎtsi ale tsí adù àbànà ní i aláva-tì nǎwě ka kí dhu tó perè.

¹¹Wò ndi atdí Ìlìlǎ-Alafí kèlè ní ndi kóró kǒkò dhu ònzi arí, ndùndò ìngbàtí ìli ndi ale mà dhèdhèrò perè-tidò nǐ àdhàdhì ndi ndòzè ka dhu bhèyi.

Yèsù ná'ù ale kóró rí'ì àdhàdhì atdí ale-ngbò-rǒngá-nzo bhèyi dhu

¹²Obhó tí, àlè kùni wà dhu ale-ngbò rarí'ì atdí tí, róná-ngá-nzo ràdù i'ì ibí nyú. Ìmbà dhu rí'ì ibí ndi ale-ngbò-rǒngá-nzo rí'ì dhu màtí, ní ka ní atdí ale-ngbò kèlè. Ní ndi dhu bhèyi tí, Krístò mà yà ndi ná'ù ale màna ní atdí ale-ngbò átò.

¹³Àlè'i kóró, ìmbà rí'ì Pbàyàhúdí màtí, inzà ní Pbàyàhúdí màtí, ino tí arí'ì ale màtí, ndirò dòyá arí'ì itirò ale màtí, àlè kalú bàtizò wò ndi atdí Ìlìlǎ-Alafí-nyutsi tí, ndíní àlè kí'ì tí atdí ale-ngbò tí. Ndirò àlè-nyutsi rí'ì ní wò ndi atdí Ìlìlǎ-Alafí kèlè.

¹⁴Ale-ngbò rǒnga rí'ì mbà atdí tí, pbétù kà rí'ì ibí nyú.

¹⁵Ale-pfò náapè àdù àtìna: «Ìnzí ní ma ale-ɔtsú dhu-okú dò rò, ima ní nzí ale-ngbò-rǒnga, » ní wò dhu rí nzí àdù kàbhǔ ràdi ìnzí ní ale-ngbò-rǒnga tí.

¹⁶Ndirò, ale-bì apé àdù àtìna: «Ìnzí ní ima ale-nyìkpó dhu-okú dò rò, ima ní nzí ale-ngbò-rǒnga, » ní wò dhu rí nzí àdù kàbhǔ ràdi ìnzí ní ale-ngbò-rǒnga tí.

¹⁷Dhu apé ì'ì ale-ngbò kóró rǐ'ì ale-nyìkpó tí dhu tí, ní ndi ale rǎdù inga ìrì ingbà dhu bhěyi? Ndirò dhu apé ì'ì ale-ngbò kóró rǐ'ì ale-bì tí dhu tí, ní ndi ale rǎdù dhu àni ingbà dhu bhěyi?

¹⁸Obhó tí, Kàgàwà núuli ìngbàtí ìli ndi ale-ngbò-rǒngá-nzo àdhàdhì ndi nyú ndi ndazè ka dhu bhěyi.

¹⁹Ale-ngbò kóró náapé àdù ì'ì atdí ale-ngbò-rǒngá-ngba kèlě tí, ní ale-ngbò rǎdù ì'ì ìmbà!

²⁰Nírò, ale-ngbò-rǒngá-nzo rǐ'ì ibí, pbétù ale-ngbò nyú rǐ'ì atdí tí.

²¹Ale-nyìkpó rǐ nǐ àdù àtìna ale-òtsú nǐ: «Ma mí'ì ìmbà atdyúnu nà!» Ndirò ale-do rǐ nǐ àdù àtìna ale-pfò nǐ: «Ma mí'ì ìmbà atdyúku nà!»

²²Pbétù, kǎkà ivíví dhu nyú tí ka karózùna ale-ngbò-rǒngá-nzo mà ní i atdíđ ka karí'ì atdyúya nà.

²³Ndirò, kǎkà ìnzá àkǎ ifuta nà dhu tí àlě karózùna ale-ngbò-rǒngá-nzo ní i atdíđ àlě karádù òbhòlòna. Ndirò kǎkà ìnzǐ ka kádù òvòya ùti dhu tí àlě karózùna ale-ngbò-rǒngá-nzo, ní i yà atdíđ àlě karádù àndàna.

²⁴Kǎkà akye ka karí òvòya ùti ale-ngbò-rǒngá-nzo, rǐ'ì mbà ngbòya òbhòlò ka kí atdíđ dhu-atdyú nà. Kàgàwà náanzì ale-ngbò, ndínì àlě kongó tí yà ìmbà rí'ì ifuta nà ale-ngbò-rǒngá-nzo nándà atdíđ.

²⁵Kǎnzì ka ndi dhu bhěyi, ìnzǐ ale-ngbò-ǒnga núundo tí ndi, pbétù ndínì kà-rǒngá-nzo kóró nóowu tí dzùnàya ònzì rǒ àdhàdhì nzínzìya ǒ.

²⁶Ale-ngbò-rǒ atdí ngarí-ngba mà náapé ì'ì àpbè ǒ, ní ale-ngbò rǒ ngǔkpà ngari kóró rǎdù ì'ì àpbè ǒ. Ale-ngbò rǒ atdí ngarí-ngba náapé ifuta nába, ní ale-ngbò-rǒ kóró ngǔkpà ngari rǎdù ì'ì dhèdhe ǒ átò.

²⁷Ní nyǐ, nyǐ ní Krístò-ngbò, ndirò ìngbàtí ìli ndi ale mà nzínzìku ǒ ní ndi Krístò-ngbò-rǒngá-ngba.

²⁸Ndi dhu bhěyi ní ndi wemberè tí, Kàgàwà núuli uvitatále Kànisa ǒ. Oyo rí kìsě nǐ, kǔli ní pbànábí. Ndirò ìbhu rí kìsě nǐ kǎdù ùlinà ní màlímó. Kòrí ale-dzidǒ rí'ì ní wiwì t'ónzita tó perè nà arí'ì ale mà, andi t'ígútá tó perè nà arí'ì ale màna. I dzidǒ rí'ì ní ngǔkpà ale dzùnà t'ónzita tó perè nà arí'ì ale mà, ngǔkpà ale t'úndata tó perè nà arí'ì ale màna. Kà rǐku dónà rò nǐ, kǔli dhèdhèrò aláva-tidò t'óteta tó perè nà arí'ì ale.

²⁹Abádhí kóró tí uvitatále? Abádhí kóró tí pbànábí? Abádhí kóró tí màlímó? Ndirò abádhí kóró tí wiwì t'ónzita tó ádrùngbǎnga tó òbi nà ale?

³⁰Abádhí kóró tí andi t'ígútá tó perè nà ale? Ndirò abádhí kóró tí dhèdhèrò aláva-tidò t'óteta tó perè nà ale? Abádhí kóró tí dhèdhèrò aláva-tidò t'úgerétá tó perè nà ale? Ìnzǐ ní ndi dhu bhěyi akekpa màtí.

³¹Nírò, nyǐ nyàkǎ nyòhò atdyúya atdíđ perè ní, kǎkà ídzi dhu nyú tí rí'ì ròsè. Pbétù kòmbí, mà mí kóró ngǔkpà otu dónà òsè otu nítè fùkù.

1 Pbàkòritò 13

Alé òzè ka kí dhu nósè kóró dhu dòná dhu

(Màt 22.36-40; Ròm 13.8-10; 1Yù 3.16-19; 4.7-21)

- ¹Ma mí mbă àdù ì'ì ìndrù arótèna kóró alávà-tidò t'óteta tó perè nà ma marí'ì dhu tí, ngătsi nǎ málàyíká t'ávàna t'óteta tó perè nà ma marí'ì dhu tí, pbétù ìnzǎ madù òdhídu nózè, ní òtèdu rǎ'ì kòkórò dhu tí àdhàdhì òngò róngò ndùrǎ alé-bì kòkórò idzi-tù mà, ngèlèngelè-tù màná bhěyi.
- ²Ma mí'ì ìnè mì'ì nabì bhěyi ma mí dhu òvò ìndrù tò nǎ perè nà. Ma mí'ì ìnè muni kóró dhu-tsí mà. Ma mí'ì ìnè muni Kàgàwà udhé kóró dhu-tsí yà órù ò ongónà òko. Ndirò ma mí'ì ìnè mì'ì ádrùngbă a'uta, yà pbìrì àbhù rádù rìngbè ndì fìndá ngari ò rò, ràrà ndòdì vurò ngari ò nà màtí. Pbétù ìnzǎ ma mapé òdhídu nózè, ní ima ní kòkórò dhu nyú.
- ³Ma mí mbă àdù kóró pbàkà ongyéngá nùndò năkùtále tò, madù ngbòdu nádzi ndínǎ ogbeya tí kàzù ò , pbétù ìnzǎ madù òdhídu nózè, ní ma mábàna mùgàsù tí dhu rǎ'ì mbă.
- ⁴Àzè arí afína òtù, ndirò àzè arí ìndrù dzùnà ònzi. Àzè arí nzǎ adha ònzi, àzè arí nzǎ ndòyò, ndirò àzè arí nzǎ ndìdzǎ.
- ⁵Àzè arí nzǎ alé-nyǎ rǎwù nǎ dhu ònzi, ndirò kǎrǎ nzǎ gàsàna ònzi rí atdíró dhu ònè. Àzè arí nzǎ àkò akye, ndirò kǎrǎ nzǎ ìndrù ònzi róná nzére dhu òdò afína ò.
- ⁶Àzè idhè arí nzǎ ndìkă nzére dhu-okú dò rò, pbétù kă-dhè náarǎ ndìkă obhóngà-okú dò rò.
- ⁷Àzè arí kóró dhu ùba, ndirò kǎrǎ a'uta òdò kóró kàsùmì ò. Àzè arí òdòna ka kí kabà kóró dhu à'u, ndàdù kóró dhu-dzi òndù.
- ⁸Àzè arí nzǎ ìku akèkpá màtí. Pbétù, ìndrù tò ka kí dhu òvò nabì bhěyi dhu rǎdù ùda ùda. Dhèdhèrò alávà-tidò ò ka kóte dhu tó perè rǎdù ìku ìkù, ndirò ìnga t'únita rǎdù ìku ìkù.
- ⁹Obhó tí, àlě karí dhu ùnǎ gòna kèlě tí, ndirò àlě karí dhu òvò ìndrù tò nabì bhěyi gòna kèlě tí.
- ¹⁰Pbétù, Kàgàwà rǎ kóró dhu òbhòlo rǎ'ì mběyi nyú rò, yà gòya kèlě tí arí'ì dhu-tsí níkùya ìkù.
- ¹¹Ngbángba tí ma mì'ì òná kàsùmì ò, ma mongónà òte ngbángba bhěyi, ma mongónà ìnga ìrè ngbángba bhěyi, ndirò ma mongónà dhu-ònga òvò ngbángba bhěyi. Pbétù ma mìtdègu òngò ádrùngbăle tí, ní ma mubhà wà ngbángba tó ófò ò ma mí dhu ònzi dhu.
- ¹²Obhó tí, yà kòmbí rǎ'ì kàsùmì ò, àlě tò kà rǎ'ì ndi dhu bhěyi tí. Àlě kí nzǎ dhu àlă mběyi, pbétù àlě kí dhu àndà ìnzǎ rí dhu-wòyò nyú nítè kiyó ò. Olù rírà kàsùmì ò, àlě kalaya dhu kpangba. Kòmbí ma muni Kàgàwà gòna kèlě tí, pbétù olù rírà kàsùmì ò, ma muniya ka àkăkă dhu bhěyi, àdhàdhì kùni ma dhu bhěyi.
- ¹³Nirò kòmbí màtí, kăkà ìbhù dhu rǎ'ì ìnè atdíkpá tí. I dhu ní: a'uta, òdòna ka kí ndínǎ ka kabá tí dhu, àzè màná. Pbétù ádrùngbă dhu nyú ròsè kòkò ìbhù dhu nzínzi ò ní àzè.

1 Pbàkòritò 14

Nabì bhěyi ka kí dhu òvò ìndrù tò dhu tó perè mà inzà ka kúni aláwà ǒ ka kóte dhu tó perè màna

(Ròm 14.19; 1Kò 12.4-7,27-31; 1Pe´ 4.10-11)

- ¹Nyí nyàkǎ nyòně òdhíku òzè nyí nyí dhu. Ndirò nyí nyàkǎ nyòhò Ìlǎ-Alafí bhà perè àbà nyí nyí dhu-atdyú atdíǒ, ròsè dòtsí ní nyí'ì yà ìndrù tò ka kí dhu òvò nabì bhěyi nǎ perè nà.
- ²Obhó tí, ndi ale apé àmbe òte dǒ Ìlǎ-Alafí ìbhò fíndà inzà ka kúni aláwà-tidò ǒ, ní ndi ale rǐ nǎ òte ìndrù tò, pbétù kà rǒte Kàgàwà tò. Kà rǎnǎna Ìlǎ-Alafí bhà ádrùngbǎnga tó òbi nǎ, yà Kàgàwà uli órù ò dhu rǐ dóna àlǔ ale rǐ'ì ìmbǎ.
- ³Pbétù, nabì bhěyi rí dhu òvò ìndrù tò ale rǎnǎna ìndrù tò dhu ní, abádhí òsì rí fíyò a'uta ǒ dhu, abádhí-afí òpè rí dhu, ndirò abádhí-afí rǐ òbi òtsi nǎ dhu.
- ⁴Yà Ìlǎ-Alafí ìbhò inzà ka kúni aláwà-tidò ǒ rǒte ale, ní rǐ ndòsì nditírò. Pbétù, nabì bhěyi rí dhu òvò ìndrù tò ale rǒsina ní Kànisa ǒ kóró ale nyú.
- ⁵Ma mòzè nyí kóró nyǒngò òte Ìlǎ-Alafí ìbhò inzà ka kúni aláwà-tidò ǒ, pbétù ròsè dòtsí ma mòzè ní, nyǒngò dhu òvò ìndrù tò pbànábí bhěyi. Obhó tí, nabì bhěyi rí dhu òvò ìndrù tò ale núdà wà yà Ìlǎ-Alafí ìbhò inzà ka kúni aláwà-tidò òte rí ale, ìmbǎ dhu apé ì'ì ka kádù wò kùnò dhu-tì àwe ndíni Kànisa ǒ kóró ale nǎsí tí dhu tí.
- ⁶Nírò àbanǎzó, dhu apé ì'ì ma mǎrà àhu fǔrǎbvù, madù òte nyí màna Ìlǎ-Alafí ìbhò yà inzà nyí nyúni aláwà-tidò ǒ dhu tí, ní ma mádù dzùnàku ònzì ìngbà dhu bhěyi? Ma mí nǎ àdù dzùnàku ònzì, inzà ní Kàgàwà íte idù dhu ma mòvò fǔkù rò, inzà ní ma múni dhu ma mòvò fǔkù rò, inzà ní nabì bhěyi ma mòvò dhu fǔkù rò, ndirò inzà ní dhu kèlě mà mùdhe fǔkù rò.
- ⁷Kàndà pé adyi ùyɔ ka karí òyá dhu tó ófò, àdhàdhì rùgě mà ndirò ngǎtsi nǎ dùmù mà bhěyi. Ìnzì kǒkò dhu tó òngò apé àdù ì'ì dhèdhèrò ófò ǒ, ní ka kádù rùgě tí dhu rǐ'ì dhu mà ndirò ngǎtsi nǎ dùmù tí dhu rǐ'ì dhu mà múni ìngbà dhu bhěyi?
- ⁸Ìnzì ka kapé leku òmi ila tó dhu bhěyi, ní ádhi pbá ale ndi ndòbhòlò rádù ila t'úgyeta tò?
- ⁹Ní, ndi dhu rǐ'ì ndi dhu bhěyi tí fǔkù átò. Dhu apé ì'ì wò nyí nyáwěna Ìlǎ-Alafí ìbhò fǔkù inzà ka kúni aláwà-tidò ǒ dhu-tì rǐ'ì ìmbǎ kprangba dhu tí, ní nyí nyúnǎna dhu rǎdù ale-dò àlu ìngbà dhu bhěyi? Obhó tí, nyí nyádù ì'ì àdhàdhì àwe ǒ rǒte ìnzì òtèna rǐ ndiri rórò ale bhěyi.
- ¹⁰Yà adzi ǒ, aláwà-tidò rǐ'ì ibí nyú. Pbétù yà ìmbǎ tǎna rǎdù ì'ì atdí aláwà-tidò mà rǐ'ì mbǎ.
- ¹¹Nírò dhu apé ì'ì inzà ma múni aláwà-tidò òte rí ale nà mǎ móte dhu tí, ní ma mádù ì'ì ile tí ndi ale tò, ndi ale rǎdù ì'ì átò ile tí idù.

¹²Ní ndi dhu bhëyi tí, nyí nyú mà átò, yà nyí nyí Ìlílǎ-Alafí bhà perè-atdyú òho atdíðò nyàbà dhu bhëyi, nyí nyàkǎ nyǒnzì òbi nyàbà dòtsí perè ní kǎkǎ Kànìsà àbhù rádù rò'ò a'uta ǒ.

¹³Ní ndi dhu-okú dò rò, dhu àkǎ wò ndi Ìlílǎ-Alafí ìbhò inzà ka kúni aláwà-tidò ǒ róte ale rònzi Kàgàwà ràbhù kà-tì t'áweta tó perè fíndà.

¹⁴Obhó tí, dhu apé ì'ì ma mí mitsò Ìlílǎ-Alafí ìbhò idù inzà ka kúni aláwà-tidò ǒ dhu tí, ní ma mí mitsò afídu ò, pbétù ìnzí pbàkǎ irèta ràdù kasu ònzì.

¹⁵Nírò, ádhu ndi ma màkǎ mǒnzì? Ma màkǎ mitsò ma yà Ìlílǎ-Alafí àbhù mitsò ma òná inzà ma múni aláwà-tidò ǒ, madù mitsò átò yà ùní ma múni aláwà-tidò ǒ. Ma màkǎ muyù adyi yà Ìlílǎ-Alafí àbhù muyù adyi òná inzà ma múni aláwà-tidò ǒ, madù kùyù átò yà ùní ma múni aláwà-tidò ǒ.

¹⁶Obhó tí, dhu apé ì'ì nyí nyí nyítsò nyambe òtsò àbhù dǒ Kàgàwà tò yà Ìlílǎ-Alafí àbhù indù inzà ka kúni aláwà-tidò ǒ dhu tí, ní inzà ndi aláwà nùni ale, yà tinú ndi nòtù unduta ǒ, ràdù dhu à'ù ìngbǎ dhu bhëyi ndàti «Àmìnà» ndi òtsò nyí nyàbhù dhu dǒ? Kà rí nzí àdù kà'ù ndi dhu bhëyi, inzà ndi ndìrì nyí nyúnona dhu dhu-okú dò rò.

¹⁷Obhó tí ìnyí, nyí nyí òtsò àdù Kàgàwà tò dhu rí'ì ìnè mbëyi, pbétù kà rí nzí ngàtsi ale nòsì.

¹⁸Ma màbhù òtsò Kàgàwà tò, ma mǎrí Ìlílǎ-Alafí ìbhò idù inzà ka kúni aláwà-tidò òte ròsè dùkunǎ kóró nídhuní.

¹⁹Pbétù, unduta ǒ ma mózè dhu ní, morì ndìrì rí òte aké tí, ndíní ma mudhè tí dhu òná ngǔkpà ale tò, ròsè Ìlílǎ-Alafí ìbhò idù inzà ka kúni aláwà ǒ ma màmbènà òte abho nyú dhu dǒnǎ.

²⁰Àbanǐnzó, nyí nyàkǎ nzá nyírè nga nzónzo bhëyi, pbétù nyí nyàkǎ nyírè nga iwà ó'ò ale bhëyi. Nzére dhu t'ónzita ǒ, nyí nyàkǎ obhó tí nyí'ì iré-nzo bhëyi, yà inzà nzére dhu t'ónzita nùni ale.

²¹Ìlílǎ Andítá ò ka kándí dhu kati: «Ádrùngbǎle rǎtina: «Ma mǒngo òte kàrí ale, Pbàìsràyélí tò vurò aláwà òte arí ale-otù ǒ, yà olo tí rí'ì ale-otù ǒ. Ní, ndi dhu bhëyi màtí, abádhí rǒngo 'ùvo ìnzí 'ìrì ma múnona dhu .»

²²Nírò, yà Ìlílǎ-Alafí ìbhò inzà ka kúni aláwà-tidò òte ka kí dhu tó perè ní Kàgàwà itdiya ìndrù-ànyǎ dhu itè rí ize kǎkǎ 'ùvǒ arí ìnzí a'u tí Kàgàwà ale tò, pbétù ìnzí ní kǎkǎ iwà ka ná'ù ale tò. Ndìrò yà ìndrù tò ka kí dhu òvo nabì bhëyi ní perè ní Kàgàwà bhà ídzìnga itè rí ize kǎkǎ iwà Kàgàwà ná'ù ale tò, pbétù ìnzí ní kǎkǎ ì nùvǒ ìnzí 'à'ù ka ale tò.

²³Dhu apé ì'ì kànìsà ǒ nyí nyàndu nyí kóró dhu tí, nyǎdù nyǒpè nyǒtè kóró Ìlílǎ-Alafí ìbhò fùkù inzà ka kúni aláwà-tidò ǒ, ndi kàsùmì ǒ, inzà ì aláwà nùni ale, ndìrò ngàtsi ní inzà Yèsù ná'ù ale ràdù ìtsù fùkù unduta ò, ní ì ale tí nzí àdù àtìnà nyí rǎrǎ àrítále?

²⁴Pbétù dhu apé ì'ì kóró ale rí dhu òvo ìndrù tò nabì bhëyi dhu tí, atdí ale yà inzà Kàgàwà ná'ù ndìrò ngàtsi ní, ìtsù tí ìtsù atdí ale ràdù ndòtù ndi unduta ǒ, ní ndi dhu

ndi ndiri dhu rãdũ kãbhũ rùni pbìndà nzérénga, kà rãdũ ndìnè kóró ale òtdì ànyãna yà ì ótena dhu-otù ǒ ale tí.

²⁵Kà-nyũtsì ì nuru kóró dhu rãdũ 'ìtè k pangba kà tò. Ndi dhu bhëyi ní ndi, kà rãdũ ndàgu ndàpbã nyina adzi nyú rǒ, ndàdũ Kàgàwà ìfu, ndàti: «Obhó tí, Kàgàwà rǐ'ì inè nzínziku ǒ!»

Kàgàwà bhà idza ǒ ìndrũ àkã 'ì'ì nà mètso

²⁶Àbanĩnzó, ádhu ndi àkãkã nyǒnzì? Yà nyǐ nyũndu nyǐ sòmà tò òná kàsũmì ǒ, atdí ale rãdũ ì'ì inè ndũyũ adyi, ngãtsi ale rãdũ dhu ùdhe ìndrũ tò. Ngãtsi ale rǐ'ì inè ndòvò Kàgàwà ìtè fĩndà dhu ìndrũ tò nabì bhëyi, ngãtsi ale rãdũ òtè Ìlĩlã-Alafí ìbhò inzà ka kúni aláwà-tidò ǒ, vurò ale rãdũ ndi òtè ùgere. Nírò kòrí dhu kóró àkã rǒnzì ì ndĩnĩ Kànísà ǒ kóró ale nòsí tí.

²⁷Dhu apé ì'ì Ìlĩlã-Alafí ìbhò inzà ka kúni aláwà-tidò òtè rí ale rǐ'ì dhu tí, ní dhu àkã óyǒ ale kèlě, ndirò òsosè nǐ, ìbhũ ale rǒtè. Abádhí àkã 'òtè, atdátdírà ǒ, ndirò dhu àkã wò ka kúnona òtè ùgèrě rí atdí ale rãdũ ì'ì.

²⁸Dhu apé ì'ì ìmbã ndi òtè ùgèrě rí ale rǐ'ì unduta ǒ dhu tí, ní ìngbàtí ìli ndi ale mà abádhí nzínzì ǒ náká ndìnè inè tí, ndàmbe òtè dǒ afína ò tí pbìndà Kàgàwà nà.

²⁹Ndirò, nabì bhëyi rí dhu òvò ìndrũ tò ale ì'ì rò, dhu àkã óyǒ ale ndirò ngãtsi nǐ ìbhũ ale kèlě rǒtè, ngũkpa ale rãdũ wò abádhí ùnò dhu-ǒnga nóvò.

³⁰Pbétù atdí ale apé ì'ì òtè ndi ndóte ró, kà-tí àdi ngãtsi ale rãdũ ì'ì Kàgàwà ìtè fĩndà, ndĩnĩ ndi ndòvò tí ìndrũ tò dhu nà, ní dhu àkã wò ndi òtè rúbhi òtè rǒ ale rìnè.

³¹Nyǐ nyǐ'ì inè kóró nyǒvò dhu ìndrũ tò pbànábí bhëyi. Ní dhu rãdũ àkã, atdí ale ròvò ka ngãtsi ale dzidǒ, ndĩnĩ kóró ale ùni tí fǐyò ka kùdhe dhu, afíya rãdũ òbi òtsì.

³²Nabì bhëyi ka kí dhu òvò ìndrũ tò nǐ perè nà arí'ì ale rǐ'ì inè ndòdò ndi ndàmbènà òvona ìndrũ tò dhu afína ò, ìnzì ndòvò.

³³Obhó tí, Kàgàwà ní nzǐ pbàdzangà tí arí dhu ònzì ale. Pbétù, Àbadhi ní màrùngà t'ále. Àdhàdhì yà Kàgàwà bhà ale tó kóró Kànísà ǒ arí ndònzì dhu bhëyi tí,

³⁴vèbhále àkã 'inè inè tí Kànísà tó unduta ǒ. Abádhí tò ka kúfà nzà rusà ròngò òtè Kànísà ǒ, pbétù abádhí àkã 'ìfu ì, àdhàdhì Úyátá núnò ka dhu bhëyi.

³⁵Dhu apé ì'ì abádhí rǐ'ì ì ívũna dhu nà dhu tí, ní abádhí àkã 'òngù ì dhu fǐyò kpabhále-tsũ fǐ-dzá rò. Tsìbhále rǒtè ìndrũ ùndu ì Kànísà ǒ ró dhu ní inzà nga nòfò dhu.

³⁶Nyǐ nyǐrè tí dhu Kàgàwà bhà Òtè ráhu fũrãbvũ rò? Ndirò nyǐ nyǐrè tí dhu kà rírá àhu fũkù víku dǒ rò tí?

³⁷Ndi ale apé dhu ìrè ndi rãrǐ nabì, ndirò ngãtsi nǐ, Ìlĩlã-Alafí rãrǐ ndũnda, ní ndi ale àkã ndũni dhu, yà mà mándí fũkù dhu rãrǐ Àdrùngbãle Yèsù bhà Úyátá.

³⁸Pbétù ìnzì kãpé ndi dhu ùnĩ, ní Kàgàwà rǐ nzǐ àdũ ndi ale ùni.

³⁹Nírò àbanĩnzó, nyǐ nyàkã nyòhò nabì tí nyǐ nyǐ'ì dhu-atdyú, ndirò nyǐ nyàkã nzà nyũtò ìndrũ-tsũ, ìnzì rǒtè Ìlĩlã-Alafí ìbhò fǐyò inzà ka kúni aláwà-tidò.

⁴⁰Pbétù kóró dhu náká ndònzì ndì yà ndì dhu nyú àkànà ndònzì ndì dhu bhěyi, ndirò nyinatì ròhù ndì mběyi.

1 Pbàkòritò 15

Krístò ìngbè ndì òve-bvù rò dhu tó Ídzì Mākūrù

¹Àbanĩnzó, ma mòzè misè yà fùkù ma mǒvò Ídzì Mākūrù, yà nyí nyáko, nyádù afiku àpba róná.

²Kòtù-ǒnga ní ndì Kàgàwà rí nyígù nǐ, yà fùkù ma mǒvò ka dhu bhěyi nyí nyòddò ka rò. Ìmbà kì'ì ndì dhu bhěyi nánǐ, fùkú a'uta nàmbènà ì'ì kòkórò dhu.

³Ádrùngbǎ dhu nyú tí ma múdà fùkù dhu ní yà idù ka kúdhe átò dhu. Ndi dhu ní: Krístò avè àlě tó nzérenga-okú dò rò, àdhàdhì yà Ìlǐǎ Andítá núnò ka dhu bhěyi .

⁴Ka katdù ka, ràdù ndìngbè òve-bvù rò ìbhu ráhu idho ǒ, àdhàdhì yà Ìlǐǎ Andítá núnò ka dhu bhěyi .

⁵Kítè ndì Péterù tò, ndì dhu-dzidǒ ndàdù nditè atdí kumì dóná óyǒ nà pbìndà uvitatále tò.

⁶Tdítdǒ, kǎdù nditè imbò miyà dóná róse ndì ná'ù ale tò atdíkpá. Ábhǒ ale nyú ì ale nzínzì ǒ, rǐ'ì ìnè nyìkpóya nà kòmbí màtí, ndirò atdídhená ale núve wà.

⁷Wò dhu-dzidǒ, kítè ndì Yàkòbhò tò , ndàdù nditè kóró uvitatále tò.

⁸Kùtsa ndì ndì dóná rò nǐ, kǎdù àrà nditè idù átò, ima kàtòrògǒ-ngba tíró .

⁹Obhó tí, ima ní ìmbà tǐna nà ale nyú ròsè kóró uvitatále nzínzì ǒ. Ndirò, ma màkànà nzá kanzì ma uvitatále mà tí, Kàgàwà bhà Kànisa rǒ ma mavù dhu-okú dò rò.

¹⁰Pbétù, Kàgàwà bhà ídzìnga-okú dò rò nga ní ndì ma mí'ì yà nyí nyí malǎ kòmbí òná ófò ǒ. Ndirò kàbhà ídzìnga idù ní'ì nǐ kòkórò nga tó. Ma mǒnzì kasu ròsè kóró ngǔkpà uvitatále dóná. Obhó tí, ìnzǐ ní ima ndì ma mǒnzì ndì kasu, pbétù ka nónzì ní yà nyudutsi rí kasu ònzì Kàgàwà bhà ídzìnga.

¹¹Nírò, dhu rǐ mbà ì'ì ima màtí, ngǎtsi nǐ abádhí màtí, ní kòñǐ mǎ'ì kóró mǎ marúnona Ídzì Mākūrù, ndirò kòñǐ ndì Ídzì Mākūrù ní ndì nyí nyá'ù.

Kàgàwà náabhùya ùvǔve ale rùngbe ì òve-bvù rò dhu

¹²Dhu apé ì'ì àlě karí dhu òvo ìndrù tò àlě ràtì Krístò rìngbè wà ndì dhu tí, ní ìngbà dhu bhěyi dhu nzínzìku ǒ ngǔkpà ale náaràdù àtìnà ìnzǐ ùvǔvè ale rùngbeya ì òve-bvù rò nǐ?

¹³Ní, dhu apé ì'ì obhó tí ìnzǐ ùvǔvè ale ràdù 'ùngbe dhu tí, ní Krístò níngbè nzá ndì átò òve-bvù rò.

¹⁴Ndirò dhu apé ì'ì ìnzá Krístò ìngbè ndì dhu tí, ní yà mǎ marúnona ìndrù tò Ídzì Mākūrù ní kòkórò dhu, ndirò fùkú a'uta ní kòkórò dhu átò.

¹⁵Ndirò ròsè dòtsí, ka kòzù wà mǎ Kàgàwà-òvò rǎ arí tìtò ùno ale tí, yà mǎ mǒvò dhu ìndrù tò mǎ ràti kà rábhù Krístò rìngbè ndì òve-bvù rò dhu-okú dò rò. Ní dhu apé ì'ì ìnzì ùvùvè ale rǎdù 'ùngbè òve-bvù rò dhu tí, ní ndì dhu rítèna dhu ní Kàgàwà rabhù nzá Krístò rìngbè ndì òve-bvù rò.

¹⁶Ma mí dhu òvò tdítǎ mati: dhu apé ì'ì ìnzì ùvùvè ale rǎdù 'ùngbè òve-bvù rò dhu tí, ní Krístò ndítírò níngbè nzá ndì.

¹⁷Ndirò, dhu apé ì'ì ìnzá Krístò ìngbè ndì dhu tí, ní fùkú a'uta ní kòkórò dhu, ndirò nyí nyòko òko fùkú nzérenga ǎ.

¹⁸Ndirò ròsè wòrí dònǎ, kǎkà ùvùvè Krístò ì á'ù rórò ale núwí wà atdíǎ.

¹⁹Dhu apé ì'ì àlě kúli àlě tó a'uta Krístò ò yà àlě kí'ì nà yà adzi dǎ ípìrǒnga-okú dò rò tí dhu tí, ní àlě'ì ní ndì izu rǎdù ùkanà ròsè kóró ale dònǎ ale.

²⁰Pbétù obhó nyú, Krístò níngbè wà ndì òve-bvù rò, ndì'ì ùvùvè ale tó ngàngayi tí.

²¹Obhó tí, àdhàdhì ìndrù rǎve dhu níibho ndì atdí ale-otù ǎ dhu bhèyi, ní ndì dhu bhèyi tí ùvùvè ale rí 'ùngbè dhu níbhò ndì atdí ale-otù ǎ.

²²Àdhàdhì kóró ale náarúve Àdamù mànà ì ungbò ì dhu-okú dò rò dhu bhèyi tí, kóró ale náabáya ípìrǒnga Krístò mànà ì úngbò ì dhu-okú dò rò.

²³Pbétù, ìngbàtí ìli ndì ale mà níngbèya ndì fíndà ka kudhé kàsùmì ǎ: Krístò níngbè wà ndì ndì'ì ngàngayi tí. Ndirò kà ríngò nínganí, kàbhà ale tí ì nòtù ale núungbèya ì átò.

²⁴Wò dhu-dzidǎ, Krístò níitòya yà ìndrù dǎ arí'ì ádrùngbǎnga tó òbi nà kóró nzére-alafí mà òyá ádròdrò ale mànà.

²⁵Obhó tí, Krístò náká wà ndònyù idzi, ràrà àhù Kàgàwà rí kóró pbìndà òmvù àbhù ndòbè dòya dhu ò. Nírò ní ndì yà adzi dǎ kóró dhu-tsù náadùya ndòdì, Krístò rǎdù Idzi àdu Àbanà Kàgàwà-fò ò.

²⁶Kà ríku dòná rò òmvù, yà Kàgàwà itòya ní òve.

²⁷Obhó tí, Ìlǎ Andítá rǎtina: «Kàgàwà ábhù wà kóró dhu kà ròbè dòya .» Pbétù, Krístò rǎtina: «Íwà ma móbè kóró dhu dǎ» rò, ní ní'íya ka kátina: Kà ròbè kóró dhu-dǎ, Kàgàwà yà kóró dhu nábhù kà ròbè dòya kèlě ròdì.

²⁸Ndirò, Kàgàwà rí kóró dhu nábhù kà ròbè dòya rò ní ndì, ndì kà t'Ídhùnà nyú ndítírò, yà Kàgàwà ábhù ròbè kóró dhu dǎ, náadùya àdì Kàgàwà bhà ádrùngbǎnga-tsìnǎ, ndíí Kàgàwà nóonyu tí idzi dòtsí kóró dhu dǎ.

²⁹Dhu apé ì'ì ìnzì ìndrù rǎdù 'ùngbè òve-bvù rò dhu tí, ní nzínzìku ǎ ale kǎkà bàtizò àlě arí ùvùvè ale-okú dò rò náarónzina dhu-tì nádù ì'ì àdhu ? Dhu apé ì'ì ìnzì ùvùvè ale náarí 'ùngbè dòtsí dhu tí, ní ádhu-okú dò rò nga ndì ìndrù arádù bàtizò àlu abádhí-okú dò rò ní?

³⁰Ndirò ádhu-okú dò rò nga ndì àlě'ì nyú àlě kádù àlě tó ípìrǒnga ìli àpbè ǎ kóró kàsùmì ǎ ní?

³¹Àbanĩnzó, bìlĩnganà ma mǎrí motù ɔve-ònzĩ. Ndi dhu ní obhó dhu. Ndirò, obhó dhu tí rǐ'ì ngǎtsi dhu ní, ma mǎrí moyò okúku dò rò àlě tó Ádrùngbǎle Yěsù Krístò mànà àlě kúngbò àlě nídhunĩ.

³²Ma mábà àpbè abho nyú yàrí Ēfesò tó kigò ǒ, tsùdú dhu àgò rǐ irí ǒ ìzǎ bhěyi órù ale-okú dò rò. Ní ádhu-okú dò rò nga ndi ma mǎdù àpbè àbà ndi dhu bhěyi, inzǎ ka kà'ù dhu ùngbě ùvǔvè ale rùngbeya ì ɔve-bvù rò nǐ? Dhu apé ì'ì inzǐ ùvǔvè ale náarí 'ùngbě dhu tí, nírò: kònyu àlě wúgúwúgú, ndirò kòmǔvù àlě bhélébhélé tsútsǎ tí àlě kúve nídhunĩ .

³³Ìnzǐ nyàbhũ nyǐ kutrǎ nyǐ wò dhu nàndà dhu nǐ: nzére ale t'ódhina náarí ìndrũ tó ìdzì mǔtsò nǐnzǎ.

³⁴Ní, nyǐ nyàkǎ nyǔgèrè fùkú irèta, nyǎdu nyǐ ìdzì ófò ɔ, nyǎdù nzérenga t'ónzita ùbhà. Obhó tí, atdídhená ale nzínziku ǒ núnì nzá Kàgàwà. Ma mí kùnò ndínĩ nyǐku nabhù tí rǐwù.

ɔve-bvù rò rǐ 'ùngbě ale ní'iyà nà ale-ngbò-tidò

³⁵Pbétù, atdí ale rǐ'ì ìnè ndivũ dhu ndàti: «Ùvǔvè ale núungbeya ì ìngbà dhu bhěyi? Ndirò, abádhí ní'iyà ìngbà dhu bhěyi ale-ngbò-tidò nà ì ì 'ùngbě rò?»

³⁶Ní ndi dhu nivũ ale ní mǔdhomà nyú! Itse nyǐ nyòzò rò, ndi itse rǐ nzǐ àdù ìnga inzǎ ndi ndòvè pé angyi rórò.

³⁷Wò nyǐ nyòzòna dhu ní nzǐ ìnga rádù ìnga itsu nyú, pbétù nyǐ nyòzòna ní ákě itséngba kèlě. Kà rádù ì'ì nghanù tó itse mǎtí, ngǎtsi nǐ vurò itse-tidò mǎtí.

³⁸Tdítdǒ, Kàgàwà rǎdù àbhunà ndi itse ɔ rò ráhu itsu tò ngbǒna ní yà ndi ndòzè. Ìngbàtí ìlì ndi itse ɔ rò rádù àhu itsu-ngbò ní ndi itse nà àkǎ tinàdo kèlě.

³⁹Kàgàwà anzì dhu-tsí náarí'ì ìmbǎ kóró àdhàdhì ale-ngbò tó ófò nà: ìndrũ-ngbò tó ófò rǐ'ì atdíró, ìzǎ-ngbò rǐ'ì atdíró, àrè-ngbò rǐ'ì atdíró, ndirò ìbhè-ngbò rǐ'ì atdíró.

⁴⁰Òrù-akpà ǒ ale-ngbò mà, yà adzi ǒ ale-ngbò mànà rǐ'ì ìnè átò. Òrù-akpà ǒ ale-ngbò tó aya mà rǐ'ì dhèdhèrò yà adzi ǒ ale-ngbò tó aya nà.

⁴¹Adyifò bhà ìnga t'áwùta rǐ'ì atdíró, àbǐ bhà tsí rǐ'ì atdíró, ndirò alalì tó rǐ'ì òyá tí. Ì alalì nzínzì ǒ mǎtí, ìnga t'áwùta núdǎ wà ì.

⁴²Ní, dhu ì'iyà yà dhu bhěyi yà ùvǔvè ale rǐ 'ùngbě rò: yà adzi ǒ àlě kí'ì nà ale-ngbò ní ndinǎ arí ale-ngbò. Pbétù, àlě ùngbě àlě kí ɔve-bvù rò rò, àlě kí'iyà nà ale-ngbò ní inzǐ rádù ndinǎ ale-ngbò.

⁴³Ka kí kòtdù itsina ònzì ka kí òná ófò ǒ kà rǐ'ì rórò, kà rádù ndìngbè ádrùngbǎnga tó awáwù ǒ. Ka kí kòtdù ivívínga ǒ kà rǐ'ì rórò, kà rádù ndìngbè ádrùngbǎnga tó obi nà.

⁴⁴Ka kí kòtdù rò, kà rǐ'ì nà ní yà adzi ǒ ale-ngbò. Pbétù kà rǐ ndìngbè rò, kà rádù ì'ì nà ní òrù-akpà ǒ ale-ngbò. Dhu apé ì'ì ìnè yà adzi ǒ ale-ngbò náarí'ì dhu tí, ní òrù-akpà ǒ ale-ngbò rǐ'ì ìnè átò.

⁴⁵Ndi dhu bhëyi ní ndi Andítá rätina: «Wemberè t'ále, Àdamù, ní'ì àbà tí ípìrõnga nábà ale .» Pbétù, olùnà rò ì'ì Àdamù, Krístò, ní'ì ípìrõnga àbhù rí ìndrù tò Hlǎ-Alafí-otù ò ale.

⁴⁶Wemberè tí àlě kabà ale-ngbò ní yà adzi ò ale-ngbò ìnzí ní òrù-akpà ò ale-ngbò. Ndi-tsí rǎrà olùnà rò.

⁴⁷Wemberè t'ále, Àdamù, ní'ì yà adzi ò ale. Kàgàwà náabhòlò ka adzi nǎ. Pbétù, oyo rí kisé Àdamù níra òrù-akpà ò rò.

⁴⁸Yà adzi ò ale nófò ì yà adzi nǎ Kàgàwà abhòlò Àdamù nà. Ndirò òrù-akpà ò owuya ì nùngbe ale, nófóya ì wò òrù-akpà ò rò ira ale nà.

⁴⁹Àdhàdhì àlě kófò àlě wò adzi nǎ Kàgàwà abhòlò ale nà dhu bhëyi, ní àlě kófóya àlě átò wò òrù-akpà ò rò ira ale nà.

⁵⁰Àbanǎnzó, kànǎ ma móvona fùkù dhu: Ìzǎ mà azu mànà nà rí'ì ale-ngbò rǎ mbǎ àdù ì'ì ngari nà òrù-akpà ò Ádrùngbǎ kamà Kàgàwà bhà Idzi ò. Ndirò òmò rádù òmò dhu mà ní rǎ nzǎ àdù òko atdíkpá ìnzǎ rádù òmò dhu mànà.

⁵¹Kànǎ ma mí òdhù ò okónà dhu òvo fùkù: àlě'i kóró àlě kuvèya nzi, pbétù àlě'i kóró àlě kuvèya àlě.

⁵²Ndi dhu onziya ndi ákě kàsúmǎ-ngba ò, àdhàdhì yà ìndrù rǎ nyìkpóna àpbǐ, ndàdù àngbenà dhu bhëyi, yà adzi ò kóró dhu-tsù rǎ ndòdì nǎ wàndà rǎngò nínganǎ. Obhó tí, ndi wàndà rǎngò rò, ùvǎvè ale nùungbeyà ì yà ìnzǎ rádù òmò ale-ngbò tó ófò nà. Ndirò àlě'i, yà àlě-nyìkpó nà àlě kòtù àlě rò, àlě kadùya àlě núwu átò.

⁵³Obhó tí, dhu àkǎ òmò rádù òmò ale-ngbò ràfǒ yà ìnzǎ rádù òmò ale-ngbò. Wò ndi òvè rádù òvè ale-ngbò náká wà ndǎfǒ yà ìnzǎ rádù òvè ale-ngbò.

⁵⁴Yà ndinza rádù ale-ngbò náafóya gukyè yà ìnzǎ rádù ndinza ale-ngbò, wò ndi òvè rádù òvè ale-ngbò ràdù ìnzǎ rádù òvè ale-ngbò náfo, níró ní ndi yà Hlǎ Andítá ò ka kandí ote náakáya. Ndi ote rätina: «Ove dhu òtò wà. Ove lè mà dhu ònzǎ wà dòtsí .

⁵⁵Inyi òvé, pbùkù mùlè mà rǎ'ì ngbòró? Inyi òvé, okpènu rǎ'ì ngbòró ?»

⁵⁶Ove-okpè ní nzérenga, ndirò nzérenga bhà ádrùngbǎnga tó obi ní Uyátá .

⁵⁷Ilèta àkǎ àlě ràbhù Kàgàwà tò. Ka ní ndi àlě àbhù arí àlě rònzi ove lè mà àlě tó Ádrùngbǎle Yèsù Krístò-otù ò!

⁵⁸Nírò àbanǎnzó, yà atdíðǎ ma mózè nyǎ rò, nyǎ nyàkǎ nyìkò pòtsó wò fùkù ma mòvò obhóngà ò, ìnzǎ nyǎbhù nyǎ kumbe nyìkù akye. Nyǎ nyàkǎ nyǎmbe òwu dǎ angyi tí àlě tó Ádrùngbǎle Yèsù bhà kasu t'ónzita nà, nyǎdù dhu ùni wò kà-nyutsi nyǎ nyǎ'ì dhu-okú dǎ rò nyǎ nyónzina kasu rǎrǎ nzǎ àwǎ kòkórò.

1 Pbàkòritò 16

Pbàkrístò rǎ fùrangà àtsà Yèrùsàlemà tó kigò ò Kànìsà dzùnà ì onzi tí nǎ dhu

¹Yèrùsàlemà tó kigò ǒ rí'ì Kàgàwà bhà ale dzùnà nɔnzi tí ka kátsàna fùrangà nàndà dhu nǎ, nyǎ nyàkǎ nyɔnzì dhu átò àdhàdhì Gálàtiyà tó pbìrì ǒ kànísá tò ma múyǎ dhu dhu bhěyi .

²Yà yengè idhò náaríku dhu bhěyi, ìngbàtí ìlì ndì ale mà nzínzìku ǒ náká ndàrà yà ndì ndòngyè fùrangà-go níli rǒ ndòdò pbìndà, tsángbátí nyǎ nyowuna bvùkù ma mǎrà àhu dhu òdò ndínǎ nyǎ nyatsá tí fùrangà nǎ.

³Ní bvùkù ma mǎrà àhu rò, ma mí nyǎ nyóvòna ale òvì bhàrɔwà nà, ròwù fùkù perè nà Yèrùsàlemà tó kigò ò.

⁴Dhu apé ì'ì iwà ma màkǎ marà átò ányì dhu tí, ní mǎ màkǎ mǒwù atdíkpá abádhí mànà.

Pɔlò rǎ abhi ò ndì ndàrà dhu ùdhě angyangyi dhu

⁵Ma mǎrà àhu bvùkù iwà ma mùdà Mǎkèdòniyà tó pbìrì ònǎ rórò. Obhó tí, ma múda ùda ányì nanǎ.

⁶Ngǎtsi nǎ ma mádi àdǐ fùrábvù ákě kàsúmì tí. Ndirò ngǎtsi nǎ, ma mádi àdǐ átò ádrùngbǎ gírì tó kàsúmì ǒ bvùkù, ndínǎ nyǎ nyibho tí dzùnàdu ònzi rí pbàkà abhi ǒ dhu-tsí idù.

⁷Obhó tí, ma mòzè nzá àlě rǎla àlě nyǎ mànà ùda ma múda ònǎ kàsúmì ǒ tí. Ma mòzè dhu ní àlě ròkò pé atdíkpá nyǎ mànà ngúfe idhò tí, Ádrùngbǎle òzè ka nǎ.

⁸Pbétù, ma mòzè mádi iró Èfesò tó kigò ǒ rǎrà àhu Pèndèkotè-idhò.

⁹Obhó tí, ádrùngbǎ kasu ònzi ma mí iró nǎ dhu tó tsátsù àpfò wà ndì idù, ndirò ima nà rí 'ùgye ale rǎ'ì inè abho nyú.

¹⁰Timòtewù apé ìrà àhu, ní nyǎ nyàkǎ nyòdò ka mběyi nzínzìku ò ìnzǎ rɔnzì ɔdò. Obhó tí, àbadhi arí Ádrùngbǎle Yèsù bhà kasu ònzi àdhàdhì ma marí kònzì dhu bhěyi.

¹¹Nírò, atdí ale mà àká nzá ndònzì kà gàyà. Pbétù nyǎ nyàkǎ nyɔnzì kà dzùnà ràdu ndì tidu ò màrùngà ǒ afína rǎ'ì rórò. Obhó tí, ma mí àbadhi mà nódo rìwù atdíkpá Yèsù ná'ù adódu mànà.

¹²Àlě t'ádòna Apòlò nàndà dhu nǎ, ma mìtdè ka atdíǒ ndínǎ owu tí fùrábvù atdíkpá ngǔkpà àlě t'ádóna mànà, pbétù kàdù nzá ndòzè ndàrà kòmbí ányì. Ní kà rǎrà ányì kàsúmì àbà ndì ndí rò.

Kà rǐku dònǎ rò sedzà mà, ovita mànà

¹³Nyǎ nyàkǎ nyòkò ípìrò rò nyìkpóku nà, nyǎdù ìko pòtsó fùkù a'uta ǒ. Nyǎ nyàkǎ nyǎ'ì mànzì tó ale-afí nà, nyǎdù ì'ì obi nà ale tí.

¹⁴Nyǎ nyàkǎ nyɔnzì kórò dhu àzè ǒ.

¹⁵Àbanǎzò, nyǎ nyúni wà Stifanà mà pbì idzá-bhà mànà kórò. Abádhí ní'ì ndì wemberè tí Yèsù na'u fùkù pbìrì Àkayà ǒ ale nzínzi ǒ. Ndirò abádhí adzì ì Kàgàwà bhà ale-kàsù t'ónzita tò. Ní ma mìtdè nyǎ ìtdè tí,

- ¹⁶nyĩ nyàkǎ nyĩrì kǎkò dhu bhěyi ale-tidò-tsǔ dhu. Ndirò, nyĩ nyàkǎ nyĩrì kǎkǎ atdyúya nyú nà arí kasu ònzi, 'ivò adyo nyú atdíkpá abádhí mànà ale-tsǔ dhu átò.
- ¹⁷Idhèdu ìka wà ndi Stifanà mà, Fòrtùnato mà Àkàyikò mànà níwũ ùvò tidú dhu dǎ. Abádhí iwũ oko fùkú ngari ǒ tidú.
- ¹⁸Ndirò abádhí nábhu afidu ràyi àdhàdhì abádhí ábhu afiku ràyi dhu bhěyi. Nírò, dhu àkǎnà wà kuni kǎkò dhu bhěyi ale tó idzìnga.
- ¹⁹Àziyà tó mùlengù ǒ Kànísá nóvì nyĩ. Ndirò Àkilà mà Pèrèsílà nà, atdíkpá kǎkǎ fĩ-dzá arí 'undù kànísà mànà, nóvì nyĩ atdíđǒ Ádrùngbǎle Yèsù-nyutsi.
- ²⁰Kǎkǎ iró rí'ì àlě t'ádóna kóró nóvì nyĩ. Ndirò nyĩ mà átò nyĩ nyàkǎ nyǒvì nyĩ nzínzìku ǒ mběyi nyú.
- ²¹Ima Pòlò, yàrí ní ndi ɔtsúdu nyú nĩ ma màndĩ fùkù dhu, movì nyĩ ònà.
- ²²Ndi ale apé nzĩ Ádrùngbǎle Yèsù nózè, ní ndi ale àkǎ ofúngá nà. Màrànatà! Kà-tì ní: Àlě tó Ádrùngbǎle Yèsù àkǎ ndìrà!
- ²³Àlě tó Ádrùngbǎle Yèsù nǎkǎ ndàso nyĩ!
- ²⁴Ma mǒzè nyĩ kóró Yèsù Krístò-nyutsi.

2 Pbàkòritò

2 Pbàkòritò 1

Pòlò rí Kòritò tó kigò ǒ Kànìsà nòvì dhu

(Gàl 1.1-5; Kòl 1.1-8)

¹Yàrí bhàruwà nàndí fùkù ní ima Pòlò, yà Kàgàwà ánzi rí'ì Yèsù Krístò bhà uvitatále tí, ndì ndòzè ka dhu bhèyi ale. Mǎ mí'ì atdíkpá àlě t'ádònà Tìmòtewù mànà. Ní ma màndí ka fùkù Kòritò tó kigò ǒ rí'ì Kàgàwà bhà kànìsà tírò, ndìrò fùkù p̀bìrì Àkayà ǒ rí'ì Kàgàwà bhà kóró ngǔkpà ale tò.

²Àlě t'Ábanà Kàgàwà mà, àlě tó Ádrùngbǎle Yèsù Krístò mànà náká 'àso nyí, 'àdù nyǎbhu nyòkò màrùngà ǒ.

Kàgàwà arí p̀bìndà ale-afí òpè fìyó àp̀bè ǒ dhu

³Plèta àká kabhu Kàgàwà, àlě tó Ádrùngbǎle Yèsù Krístò t'Ábanà tò. Ka ní ndì àlě t'Ábanà yà izu tó ale-afí nà arí'ì ndìrò kóró dhu-tsí ǒ arí ale-afí òpè ale!

⁴Kǎrì àlě-afí òpè àlě tó kóró àp̀bè-tidò ǒ, ndíní àlě kowu tí kóró àp̀bè-tidò ǒ rí'ì ale-afí òpè rǒ, yà Kàgàwà òpè àlě-afí nǐ ale-afí t'òpè-tidò nǐ.

⁵Obhó tí, àdhàdhì àlě kí Krístò abà ábhǒ àp̀bè-tidò àbà dhu bhèyi tí, Krístò rí àlě-afí òpè átò abhò.

⁶Dhu apé ì'ì mǎ mí àp̀bè àbà mǎ mónzina kasu ǒ dhu tí, ní mǎ mí kàbà ndíní ndì dhu-otù ǒ Kàgàwà opé tí afíku, ndàdù nyígu. Kǎpé afíka nyú nópè, ní ndì dhu rí afíku òpè átò, nyádù òbì àbà rònzi dzùnàku, nyòndù mǎ mǎbà àp̀bè-tidò-dzi.

⁷Ndirò, mǎ mí'ì a'uta nà atdíđǒ nyukutsì. Obhó tí, mǎ m̀nì wà dhu àdhàdhì nyí nyùngbò nyí atdíkpá mǎ mànà fàká àp̀bè ǒ dhu bhèyi, nyí rùngbò wà nyí átò mǎ mànà Krístò òpè afíka dhu-nyutsì.

⁸Àbanìnzó, mǎ mòzè nzá nyádzo Àziyà tó p̀bìrì ǒ mǎ mabà àp̀bè rǒrò. Ndi àp̀bè-òbì asè dòkaná atdíđǒ. Mǎ ma'u nzá dhu òko mǎ rǎròko nyìkpóka nà.

⁹Obhó tí, mǎ mambénà inga ìrè dǒ, ka ròtdí wà anya dòká ndíní ka kòkye tí mǎ'i. Ndi dhu ánzi ndì ndì dhu bhèyi, ìnzí mǎ mìlì tí nyìkpóka òbìka rǒ tí, p̀bètù ndíní mǎ mìlì tí nyìkpóka yà ùvùvè ale ùngbè arí òve-bvù rò Kàgàwà-rǒ tí.

¹⁰Àbadhi, yà mǎ nukòlò m̀vò wòrì òve-tidò ǒ rò ale, rí m̀kòlǒ ùkòlǒ tdítdǒ kà-ǒ rò. Obhó tí, mǎ mà'ù wà dhu atdíđǒ, kà rukòlòya mǎ ùkòlǒ.

¹¹Nyí mà átò, nyí nyí dzùnàka ònzi dòká nyí nyí nyìtsò rò. Ní, ábhǒ ale tó itsòta-bvu rǒ, Kàgàwà rí ìdzìnga àbhǔ mǎbà. Ndi dhu bhèyi ní ndì, ábhǒ ale rǎdù òtsò nádu Kàgàwà ònzi ròká dhu-okú dò rò.

Pòlò rí ndùgye fìyó kasu dǒ ndì nà rí 'àgò ale-ònzí dhu

¹²Idhèka ìka ndì okúna dò rò dhu ní yàrí: mǎ m̀nì dhu afíka ò mǎ rókò yà adzi ǒ, ndìrò ròsè dòtsí, mǎ rókò nzínziku ǒ obhóngà tó afíka nà, ndìrò ìlǎ mǎ mìlǎ Kàgàwà-nyìkpó

ǒ rórò. Mǎ'ì nùndà ní nǎ yà adzi ǒ ale tó dhu-ǒnga t'óvòta tó irèta, pbétù mǎ'ì nùndà ní Kàgàwà bhà ídzìnga.

¹³Obhó tí, fàkà bhàrwà ǒ mǎ màndí nzá vurò dhu fùkù, pbétù mǎ màndí dhu ní yà nyí nyádù òzùnà ràdù dùku àlù dhu kèlě. Ndirò, ma mà'ù wà dhu ndi dhu rǎrǎ dùku àlù àlù àkākā dhu bhěyi,

¹⁴imbǎ dhu rǎ'ì kà rǎ dùku àlù gòna kèlě tí kòmbí dhu màtí. Yàrí ní ndi wò ma mòtè dòná dhu: àlě tó Ádrùngbǎle Yēsù rǐngo òná idhò ǒ, idhèku níkaya ndi okúka dò rò àdhàdhì idhèka níkaya ndi okúku dò rò dhu bhěyi.

¹⁵Ndi a'uta-bvù rǒ, ma mazè marà bvùkù wemberè tí, ndíní nyí nyabá tí ídzìnga nyála ngbǒdu ɔyɔ-gùna.

¹⁶Obhó tí, ma múdhe dhu, mudà fǎrábvùnǎ Mākèdòniyà tó pbìrì ò ma mǎrà rò, ndi dhu-dzidǒ, madù madu Mākèdòniyà rò, mirà àhù fǎrábvù tdítǒ. Ndi dhu bhěyi ní ndi, nyí nyónzìyana dzùnàdu fukú dhu-tsí nǎ, Yùdeyà tó pbìrì ò ma mǎrà nǎ pbàkà abhi ǒ.

¹⁷Ní, wò dhu bhěyi ma mùdhě dhu ma rǎrǎ dhu ònzi rò, ma mǒngò tí nzá ìmbǎ tǎna nà dhu ònzi rí ale tí? Ndirò ngǎtsi nǎ, ma mí ma mǒnzina atdí dhu ùdhě rò, ma matí kònzì yà adzi ǒ ale arí dhu ònzi dhu bhěyi, matí atdí nyìnǎ tí: «Obhó» ndirò «ǎnzǎ» atdí dhu dǒ tí?

¹⁸Kàgàwà ní yà ma múnɔna dhu tó ngàmbì: yà fùkù mǎ múnò dhu ní'ì nǎ atdí nyìnǎ tí mǎ mǎtina: «Obhó» ndirò «ǎnzǎ».

¹⁹Obhó tí, Kàgàwà t'Ídhùnà, Yēsù Krístò, yà ima Pòlò, Silìvanù , Tìmòtewù mànà mǎ mǒvò fǐndá dhu fùkù, ní'ì nǎ pbìndà irèta ùwǔ arí ale, ndàtì atdí nyìnǎ tí: «Obhó» ndirò «ǎnzǎ». Pbétù, kà-nyutsì rǎ'ì dhu ní «Obhó» dhu kèlě.

²⁰Obhó tí, ka ní ndi yà nyunatsì Kàgàwà atí «Obhó», yà ndi ndakò fǐndá làkà kóró dhu tò. Ndi dhu bhěyi tí átò, Yēsù Krístò-otù ǒ nga ní ndi àlě kátina «Àmìnà», àlě rilè Kàgàwà nǎ.

²¹Kàgàwà nyú nditírò ní ndi màbhǔ rí mǎ ròtsì ɔbi atdíkpá nyí mànà Krístò mànà àlě kúngbò àlě dhu-nyutsì, ndirò ka ní ndi nditírò àlě nùtri pbìndà kasu tò.

²²Kíli pbìndà ale tí rí àlě itè ize àlě rǒ, ndàdù pbìndà ǎlǎ-Alafí ìli àlě-afí ò, rǎ'ì àlě tò ndi nduli kóró dhu tó tsènzèrù tí.

²³Kàgàwà ní yà ma múnɔna dhu tó ngàmbì. Ma mà'ù wà mǒvè, títò tí ma múnɔna dhu apé ì'ì rò. Ma múdhě dhu ìnzǎ madu ma tdítǒ Kòritò tó kígò ò, akye ma mabhùna izu afíkù ò òtǎdu ǒ nǎ.

²⁴Mǎ mòzè nzá akekpá màtí mǔtu nyí ùtǔ tí fùkú a'uta nàndà dhu nǎ. Mǎ mǔni wà dhu nyí ríkò wà pòtsó fùkú a'uta ǒ. Pbétù, àlě kí kasu ònzi atdíkpá nyí mànà, ndíní idhèku adù tí ndika.

2 Pbàkòritò 2

¹Nírò, ma múdhě dhu ìnzí madu ma tdítđǒ bvùkù, akye ma mabhùna izu rùka nyí tdítđǒ nǐ.

²Obhó tí, ma mapé nyābhǔ izu rùka nyí, ní ádhi ndi idhèdu àbhù rádù rìka ndi tdítđǒ? Tí nzí yà ma mábhù izu rùka ale kèlě?

³Ndi dhu-okú dò rò ní ndi ma mándí dhu fùkù wò ma mónzì ka dhu bhěyi: bvùkù ma mārà àhù rò, ma mózè nzá yà idhèdu àbhǔ àmbènà rìka ndi ale rǐ izu àbhǔ rùka ma dhu. Obhó tí, ma m̀̀ni wà dhu, idhèdu ìka ndi rò, nyí kóró idhèkù rārādù ndìka átò.

⁴Ma mándí dhu fùkù atdídǒ ma mí'ì izu nà ndirò atdídǒ afídu rǐ inga ìrè rórò. Ma mándí ka ábhǒ nyìdu-dha nyú nà, ìnzí ní izu nabhù tí fùkù, pbétù ndíní nyí nyuni tí ma mózè nyí atdídǒ tí dhu.

Dhu àkǎ kùbà dhu Pòlò nǐ dhu nǎfǎ ale tò dhu

(Luk 17.3; 2Kò 7.5-16)

⁵Atdí ale apé ì'ì ìndrǔ nábhù izu rùka dhu tí, ní kǎbhù nzá ka rùka ima kèlě, pbétù ròsè dùdunǎ, kǎbhù izu rùka nyí mbembè kóró. Pbétù, dhu àkǎ nzá kizì ndi dhu ìzì tí.

⁶Ndi dhu bhěyi dhu nónzì ale tò, nzínzìkù ǒ ábhǒ ale ábhù màlipò dhu nǎkǎ wà.

⁷Nírò kòmbí, dhu ǒfò nga nyǔbà dhu kà tò, nyādù kà-afí àbhù ròtsì obi, akye ádrùngbǎ izu ukana ka afina rádù ndòbè nǐ.

⁸Ní ndi dhu-okú dò rò, ma mìtdè nyí itdè tí nyítè fùkù àzè tó obhónánga ndi ale tò.

⁹Obhó tí, ma mándí ngǎtsi bhàruwà fùkù okúna dò rò dhu ní, ma mózè mudhe nyí, ndíní ma m̀̀ni tí dhu, nyí ràtí'ì ìnè nyí'ì tsùdú dhu kóró dhu ǒ.

¹⁰Nyí nyùbà dhu fǐndà ale tò, ma mádu dhu ùbà átò. Obhó tí, ma múbà wà dhu ndi ale tò, yà ní ndi ale tò ma múbana dhu ì'ì nǐ. Ndi dhu ma mónzì okúkù dò rò Krístò-ònzí.

¹¹Ndi dhu bhěyi ní ndi, pfòmvo Sitanì rǐ nzí àdù àlě lèma ònzì ndi ndí òná otu nábà. Obhó tí, àlě kàdzo nzá kǎbhà nzére ìrèta rǒ rò.

Pòlò rǐ Titò rǐrà nà Kòritò rò màkǔrù òdo izu nyú nà Tròwà rò dhu

¹²Ma mívǎ ma marà Tròwà tó kigò ǒ Yèsù Krístò bhà Ídzì Màkǔrù ma m̀̀no tí. Ní ányì ma mārà àhù rò, ma mótù dhu ní Ádrùngbǎle Yèsù róbhòlò wà otu idù ka ma m̀̀no tí.

¹³Ìnè màtí kà rǐ'ì ndi dhu bhěyi rórò, afídu ìrè nga atdídǒ ìnzá ma mótù adòdu Titò ányì dhu-okú dò rò. Ní ma mádu ndi kigò ǒ ale òvì, madù àrà Màkèdòniyà tó pbìrì ǒ.

¹⁴Kàgàwà àkǎ kabhù òtsò fǐndà! Krístò-otu ǒ, kǎrúbhi mǎ mànà ndi Krístò ònzì dhu lèma nǐ gārāsìsì tó obé ǒ. Kǎrì kasu ònzì nyukatsì, ndàbhù Krístò kuni kóró ngari ònǎ àdhàdhì kóró ngari ònǎ dzina òtò ndi ndrùù rǒngu akye bhěyi.

¹⁵Obhó tí, mǎ mí'ì àdhàdhì Kàgàwà tò Krístò àbhù ndrùù dzina rǒngu akye bhěyi. Ndi akye-dzi rǎrà òtsi yà Kàgàwà òzè ndìgǔ ale-òndì ǒ, ndirò ùwǐ rúwǐ itse Kàgàwà rǒ rò ale-òndì ǒ átò.

¹⁶Ùwí rúwí ale tò, ka ní òve-dzi, yà òve ìbhò rádù ìndrù tò. Ndirò yà Kàgàwà òzè ndìgù ale tò, ka ní ípìrǒnga-dzi, yà ípìrǒnga ìbhò rádù ìndrù tò. Ní, ádhi pbá ale ndi òbi nà rí'ì ndònzì wò dhu bhëyi kasu-tidò ràkǎ?

¹⁷Nírò, mã mí'ì mbǎ àdhàdhì ábhǒ ngǔkpà ale, yà Kàgàwà bhà Ɔte ùno arí ndíní ì onzí tí otùna ǒ bhëyi. Pbétù Kàgàwà ívì ndi mã dhu-okú dò rò, mã marí obhó dhu ùno Kàgàwà-ònzì Krístò-nyutsì.

2 Pbàkòritò 3

Pɔlò mà ní Ungbòta-ɔwútá tó kasutále dhu

(1Kò 9.1-3; 2Kò 5.18-21)

¹Wò dhu bhëyi ma màndì dhu àti tí iwà mã'ì ròpè mãmbè mǐtè dǒ mã-tírò? Atdídhená màlímó arí 'ìtè rí bhàruwà-atdyú òho 'ìtè fùkù, ndirò ngàtsi nǎ, 'ònzì ndi bhàruwà fùkù. Ní, mã'ì tí ì bhàruwà-atdyú òho átò?

²Nyí nyú kèlè ní ndi fàkà bhàruwà, yà Krístò ándì afíka ò. Ndi bhàruwà rí'ì inè kóró ale rùni 'àdù òzùnà.

³Dhu àla ndi k pangba Krístò rándì ndi ndi bhàruwà, ndirò kà ríbhò ka fòkà mǒwù nà. Ndi bhàruwà kǎndì nzá wínò nǎ, pbétù kǎndì ka yà Ípìrǒrò arí'ì Kàgàwà bhà Ìlǐlǎ-Alafí nǎ. Ndi bhàruwà kǎndì nzá odu-afǎ-nzo dǒ, pbétù kǎndì ka afíku ò.

⁴Wòrì ní ndi Krístò-otù ǒ mã mí'ì nà Kàgàwà-ònzì a'uta.

⁵Mǎ m̀uni wà dhu mbëyi nyú, mã'ì ràkǎ nzá mã-tírò mǒnzì wò kasu òbika nyú nǎ. Kàgàwà ní ndi òbi ìbho arí fàkà mǒnzì ka nǎ.

⁶Ka ní ndi òbi níbhò fàkà mǐ'ì pbìndà kasutále tí, ndíní mã m̀uno tí ndi ndónzì ungbòta-ɔwútá tó màkùrù ìndrù tò. Ndi ungbòta-ɔwútá rí'ì mbǎ àdhàdhì yà angyi Músà andí Ʋyátá bhëyi, pbétù kídè dòná ní Kàgàwà bhà Ìlǐlǎ-Alafí rǒnzina kasu. Yà angyi Músà andí Ʋyátá arí ìndrù ùnda òve ò, pbétù Kàgàwà bhà Ìlǐlǎ-Alafí arí obhóná ípìrǒnga ìbho ìndrù tò.

⁷Músà andí wò ndi ìndrù àbhù rí ròvè Ʋyátá odu-afǎ-nzo dǒ. Ndirò, ndi dhu ònzì kà rí rò, Kàgàwà adù pbìndà ádrùngbǎnga tó awáwù àbhu ràmbe ùmbilì dǒ. Ndi kàbhà ádrùngbǎnga tó awáwù àbhù Músà-nyì ràmbe ùmbilì dǒ átò. Ní atdídǒ kà rùmbilì nídhuní, Pbàìsràyélí nóowúnà nzì 'òmvù rǒ 'àndà Músà-nyì-kpa tùm̀bà tí. Pbétù, ndi umbilìta ní'ì nzì ní ádzì kàsùmì mà tí rádù àdì. Ní dhu rí'ì wò dhu bhëyi ìndrù ùnda rí òve ò Ʋyátá níitè wà Kàgàwà bhà ádrùngbǎnga tó awáwù ìndrù tò dhu tí,

⁸ní Kàgàwà bhà ádrùngbǎnga tó awáwù rádù nditè ìngbà dhu bvù tí ròsè àlè tò kàbhà Ìlǐlǎ-Alafí nyú rí kasu ònzì rò?

⁹Ma mátina tdítǒ, yà ìndrù-dǒ rí anya àbhù Kàgàwà ròtdì òve tò Ʋyátá kàsù ònzì ka kí dhu ní'ì ádrùngbǎnga tó awáwù nà. Ní Kàgàwà àbhù rí ròzù ìndrù obhónángatále tí ɔnzíná ungbòta-ɔwútá tí nzì àdù Kàgàwà bhà ádrùngbǎnga tó awáwù itè àlè tò abho nyú ròsè?

¹⁰Àlě kí'ì inè àlě ràti, yà Kàgàwà bhà ádrùngbǎnga tó awáwù nítè ongónà ìndrù tò Músà bhà Uyátá rarí nzí kítè kòmbí, yà atdíđ pbindà ádrùngbǎnga tó awáwù nósè ungbòta-ɔwútá nítò ndì dhu-okú dò rò.

¹¹Dhu apé ì'ì yà ídò kàsùmì kèlě tí adì tí Kàgàwà íbho ungbòta-ayí ní'ì ádrùngbǎnga tó awáwù nà dhu tí, ní yà dhòdhóhóngà nà rádi ungbòta-ɔwútá tó ádrùngbǎnga tó awáwù ní'ìya abho nyú ròsè.

¹²Ní wò dhu bhěyi àlě kí dhu ɔdo àlě ràbà rò, àlě kí'ì mbǎ ɔdo nà ìndrù tò àlě kí dhu ɔvo k pangba rò.

¹³Àlě kí nzí dhu ɔnzi àdhàdhì Músà aránà dhu ɔnzi rǒ dhu bhěyi. Kǎránà nyina àtsì rǒ běrèse nǐ, ìnzí Pbàìsràyélí nabhù tí ràla yà ídò kàsùmì kèlě tí rádi ádrùngbǎnga tó awáwù rǐku nyina-ndri rǒ rò tí dhu.

¹⁴Í Pbàìsràyélí tó irèta ní'ì itù dhu t'únita tò. Obhó tí, rǐrà àhu indo màtí, ndì dhu rǐ'ì ndì bhěyi tí abádhí tò. Abádhí apé Ungbòta-Ayí tó bhükù ɔzù, ní abádhí-do arí nzí ì ɔzù dhu àlě, àdhàdhì Músà atsi nyina nǐ běrèse nǐ ì àtsì fiyó irèta dhu bhěyi. Ndi běrèse arí àhu ale tó irèta ɔ rò Yèsù Krístò nà ka kùngbò ale rò tí.

¹⁵Obhó tí, rǐrà àhu indo nga ɔ màtí, Músà andí bhükù ɔzù abádhí rǐ rò, abádhí rǐ'ì àdhàdhì běrèse nǐ fiyó irèta nàtsì ale bhěyi.

¹⁶Pbétù, ndì ale apé ndùgèrè Ádrùngbǎle tò, ní ndì běrèse arí àhǔ tí àhu.

¹⁷Ádrùngbǎle tí kátina iró ní Hǐlǎ-Alafí. Hǐlǎ-Alafí rǐ'ì nyuyatsì ale rǐ'ì mbǎ Músà bhà Uyátá-tsina.

¹⁸Àlě'ì kóró, àlě kùtsì nzá àlě-nyì běrèse nǐ. Ní àlě-nyì rǔmbili, ndàmbe Ádrùngbǎle Yèsù bhà ádrùngbǎnga tó awáwù itè dǒ àdhàdhì kiyó arí awáwù itè dhu bhěyi. Ndi Ádrùngbǎle ní Hǐlǎ-Alafí. Ní kà rǎmbe àlě ùwu dǒ, ndàbhu àlě rǔlì àlě ndì bhěyi, ndíní pbindà ádrùngbǎnga tó awáwù ambè tí nditè dǒ dònáràdǒ àlě-nyutsì.

2 Pbàkòritò 4

Kàgàwà bhà ádrùngbǎnga tó awáwù náarí nditè kàbhà kasutále tó ivívinga ɔ dhu

(2Kò 2.14-17; 1Tè` 2.1-6)

¹Pbindà ábhǒ ídzìnga-okú dò rò, Kàgàwà íbhò wò Ungbòta-ɔwútá tó màkǔrù ɔvo mǎ mí ìndrù tò dhu tó kasu fóká. Ní afíka rǐ nzí ndìngyě ndì kasu t'ónzita rǒ rò.

²Mǎ màsà wà ɔdhǔ ɔ ka kónzina ale-nyì rǐwu nǐ dhu. Mǎ mí'ì mbǎ utrátá tó mùtsɔ nà, ndirò mǎ mùgèrě nzá Kàgàwà bhà Ɔte-ngbò. Pbétù, mǎ mí obhó dhu ɔvo k pangba ìndrù tò. Ní ndì dhu bhěyi, mǎ mòzè kóró ale rǎni dhu mǎ rǎrǐ obhóngatále Kàgàwà-ɔnzí.

³Pbétù, dhu apé ì'ì ngǔkpà ale arátina, yà mǎ múnɔna Ídzi Màkǔrù-dǒnga rófù ndì ìnzí rǎmbe dǒya àlu dǒ dhu tí, ní kǒfù ndì fiyò ale ní uwítá tó otu núngu Kàgàwà rǒ rò ale kèlě.

⁴I ale ná'ù nzá Ídzì Mākūrù, Pfòmvo, yà adzi ǒ mǎngǔ, nátsì fiyó irèta dhu-okú dò rò. Kĩti abádhí-nyĩnga ìnzì ala tí dòyá nga àtdyi rí Ídzì Mākūrù rìbhona Krístò bhà ádrùngbǎnga tó awáwù. Ndi Krístò ní ndi Kàgàwà-wòyǒ nyú.

⁵Ídzì Mākūrù òvo mǎ mí rò, mǎ marí nzì òte dòká mǎ-tírò, pbétù mǎ marí òte dòná ní Ádrùngbǎle Yèsù Krístò. Mǎ'í na, mǎ'í ní fùkú ìno Yèsù Krístò-okú dò rò.

⁶Yà adzi òbhòlo ndi ndí rò, Kàgàwà náavò dhu ndàti: «Awáwù àká ndàtdyi nga ìno ǒ.» Ní, àbadhi ní ndi afika ò nga natdyi, ndàdù mǎbhu mǎni yà Krístò-nyì rǒ rǔmbìli pbìndà ádrùngbǎnga tó awáwù.

⁷Pbétù mǎ'í, yà ndi awáwù tó ongyéngá nà mǎ mí'í nyukatsì rò, mǎ'í ní ivívi ale àdhàdhì yà anzi nǐ ka kóbhòlò wítù bhèyi. Kàgàwà ónzì dhu ndi dhu bhèyi, ndínì ìndrù ala tí dhu ádrùngbǎnga tó ǒbi yà kóró ǒbi dònǎ ósè rírà pbìndà rò, ìnzì ní bvùkà rò.

⁸Ìndrù áva tsìka kóró ngari ònǎ rò, pbétù abádhí ónzì nzá lèmakà. Abádhí arí afika àbhù ràmbe òri dǒ akye, pbétù ìnzì afika ràdù ndìngye.

⁹Ìndrù arávu ròká, pbétù ìnzì Kàgàwà ràdù mǎbhà. Abádhí arí òkángà òvì obvò, pbétù ìnzì mǎdù ùve.

¹⁰Kóró kàsùmì ǒ, ka kárì mǎne ka kǎkye tí mǎ àdhàdhì ka kanè Yèsù ndínì ka koho tí dhu bhèyi, ndínì Yèsù bhà ípìrǒnga ala tí ndi átò nyukatsì.

¹¹Obhó tí, fàká ípìrǒnga ǒ kóró, mǎ marí'ì òve tó àpbè ǒ Yèsù-okú dò rò, ndínì kàbhà ípìrǒnga itè tí ndi átò ngbǒka ò.

¹²Ní ndi dhu bhèyi tí, mǎ marí mòtù òve-ònzì kàsùka ǒ, pbétù ndi dhu ràdù nyǎbhu nyǎbà dhòdhóhóngà tó ípìrǒnga.

¹³Kàgàwà bhà Bhùkù ò ka kándì dhu kati: «Ma má'ù wà Kàgàwà, ní ndi dhu-okú dò rò ní ndi ma mótè.» Ní, wò Kàgàwà ná'ù ale bhèyi tí, mǎ mà átò, mǎ má'ù wà Kàgàwà. Ndi dhu-okú dò rò ní ndi, mǎ mà átò mǎ mótè.

¹⁴Mǎ mǎni wà dhu, Kàgàwà, yà Ádrùngbǎle Yèsù nabhù rìngbè ndi òve-bvù rò, ràrǐ àlè àbhù àbhù àlè rùngbe àlè átò, Yèsù mànà àlè kúngbò àlè dhu-okú dò rò, ndàdù mǎbhu mǎwù ùvò atdíkpá nyì mànà Yèsù-ònzì.

¹⁵Obhó tí, yà ròká rí ndònzì kóró dhu rǐ ndònzì okúku dò rò, ndínì Kàgàwà bhà ídzìnga níisè tí ndi atdíǒ àbhǒ ale tò. Ndi dhu bhèyi ní ndi, òtsò àbhù rí Kàgàwà tò kàbhà ádrùngbǎnga tó awáwù-okú dò rò ale-bvu ràdù ndìse.

¹⁶Wò dhu-okú dò rò, afika rǐ nzì ndìngyè akekpa mǎtí. Ndirò àzèmbè irinǎ ngbǒka rǎrà ndàmbe ndìngye dǒ rórò, Kàgàwà arí ǒbi ìbho bìlìnganà fàkà afika ònǎ rò.

¹⁷Obhó tí, yà mǎ mǎbàna kòmbí àpbè rǐ'ì isó tí, ndirò ka rǐ'ì ngúfe idho kèlè tí. Pbétù ndi àpbè rìbhona mǎbà ní ìtù ró'ò, ndirò dhòdhóhóngà nà rádi ádrùngbǎnga tó awáwù.

¹⁸Mǎ míli nyìkpóka ròyá dhu ní yà ìnzì arí 'àlǎ dhu, pbétù mǎ míli nzá ka yà 'àlǎ arí dhu rǒ. Obhó tí, yà k pangba rí 'àlǎ dhu náaróko ngúfe idho kèlè tí, pbétù ìnzì rí 'àlǎ dhu náaróko dhòdhóhónganà.

2 Pbàkòritò 5

Yà adzi ǝ ale-ngbò mà òrù-akpà ǝ ale-ngbò màrà

¹Obhó tí, àlě-ngbò, yà adzi ǝ àlě karóko òná hemě-dzà náapé ndùgòlò, ní àlě kùni wà dhu, àlě ràrǝ'ì inè Kàgàwà ósì àlě tò idza nà òrù-akpà ò. Ndi idza ní dhòdhódhóngà nà rádi idza, yà ìnzǝ ní ìndrǝ-òtsú ósì.

²Kòmbí àlě karí àlě ùhǝ ndi hemě-dzà tó ale-ngbò ǝ, Kàgàwà rǝbhona ndi òrù-akpà ǝ ale-ngbò òdo àlě kí àlě-atdyú nyú nà àlě rùfǝ àlě rǝ dhu-okú dò rò.

³Ndi ale-ngbò àlě kùfǝ rò, Kàgàwà adùya nzǝ àlě òtù nzìnzǝ rò, ìmbǝ àlě-ngbǝ na.

⁴Obhó tí, yà òko àlě kòko yà adzi ǝ ale-ngbò tó hemě-dzà ǝ òná kàsùmì ǝ, àlě kí àlě ùhǝ tǝ rǝ'ò ànò nàno ale bhěyi. Ndi dhu ní nzǝ àlě kòzè àlě rùvò yà adzi ǝ àlě-ngbò ò rò dhu, pbétù ka ní àlě kòzè àlě rùfǝ òrù-akpà ǝ ale-ngbò dhu, ndínǝ dhòdhódhóngà tó ípìrǝngà tó ale-ngbò nóoto tí yà òvè rádù òvè ale-ngbò.

⁵Kàgàwà nyú nditǝrò ní ndi àlě núli ndi ípìrǝngà tò. Kǝdù Hǝlǝ-Alafí ìli àlě-nyutsi rǝ'ì àlě tò ndi nduli àlě kabáya tí kóró dhu tótsènzèrù tí.

⁶Nírò, àlě kí'ì inè a'uta nà atdíǝ kóró kàsùmì ǝ, iwà màtí àlě kùni dhu, yà òko àlě kòko ale-ngbò ò tí òná kàsùmì ǝ, àlě ròko òko itse Ádrùngbǝle Yèsù rǝ rò rórò.

⁷Àlě ùnda arí dhu ní a'uta, ìnzǝ ní yà ale-nyìkpó ǝ ka kálǝna dhu.

⁸Obhó tí, àlě kí'ì inè a'uta nà tí atdíǝ, ndirò àlě kòzè àlě rùvò yà ale-ngbò ò rò, àlě rádù òwu òko Ádrùngbǝle Yèsù-tǝ'ò.

⁹Nírò, ale-ngbò tó ófò ǝ àlě kóko dhu màtí dhu ì'ì nǝ, ndirò ngǝtsi nǝ ndi ale-ngbò tó ófò ò rò àlě kùvò dhu màtí dhu ì'ì nǝ, atdíǝ àlě kòzè dhu ní àlě rònzǝ Ádrùngbǝle-nyìkpó òfò rí dhu.

¹⁰Obhó tí, àlě'ì kóró àlě kikòya Krístò bhà anya t'únòta tó tombi-ònzǝ. Ányǝrǝ rò, kóró ale abáya perè àdhàdhǝ yà òko ì òko yà adzi ǝ ngbǝya ǝ rórò ì anzǝ ídzǝ dhu mà ndirò nzère dhu mà-bvu rǝ.

Kàgàwà ózè ndùngbò kóró ale ndi màrà Krístò-nyutsi dhu

(Ròm 5.1-11; 6.2-13; È'fè 4.20-24)

¹¹Ádrùngbǝle Kàgàwà-òdo àkǝ kònzǝ dhu mà múnì dhu-okú dò rò, mà márí dhu òne ìndrǝ rà'ù yà mà múnòna dhu rǝrǝ obhó dhu. Kàgàwà ùni wà mà mběyi nyú, ndirò mà mà'ù dhu nyǝ nyú mà nyǝ rùni wà mà'ì átò mběyi nyú afíku ò.

¹²Mǝ'ì nyú, mà mòzè nzǝ màmbè mǝtè dǝ mà-tǝrò onzǝkú, pbétù mà mòzè màbhu fǝkù dhu ní ngǝkpà ale-ònzǝ nyǝ nyǝ nyìlè okúka dò rò òná otu. Ndi dhu bhěyi ní ndi, nyǝ nyǝ yà ngbǝka ùno arí ale tò nyǝ nyádùna dhu nábà. I ale náarí 'òyò yà fìyó màndu arábhǝna 'ònzǝ kpangba rí 'àlǝ dhu-okú dò rò, ìnzǝ ní afíya nyú ò rǝ'ì dhu-okú dò rò .

¹³Dhu apé ì'ì atdíǝhená ale ála mà ìmbǝ irèta nà ale tí dhu tí, ní kà rǝ'ì ndi dhu bhěyi Kàgàwà bhà kasu ònzǝ mà márí dhu-okú dò rò. Pbétù mà mapé ì'ì inè ídzǝ irèta nà, ní kà rǝ'ì ndi dhu bhěyi nzínzǝku ǝ mà márí Kàgàwà bhà kasu ònzǝ dhu-okú dò rò.

¹⁴Obhó tí, Krístò ózè àlě nǐ àzè rǐ mǐtù mǒnzì kasu, yà mǎ má'ù dhu atdídǒ, atdí ale kělě, Krístò, rǎrǐ ndi kóró ale tó ngari ǒ avè rò. Nírò, kóró ale núve wà atdíkpá kà mànà.

¹⁵Àbadhi avè kóró ale tó ngari ǒ, ndínǐ ípírǒnga-ǒwútá nába ale nóoko tí ìnzǐ nyìkpóya nǒfò ìtírò dhu bhěyi, pbétù ndínǐ abádhí oko tí yà fíyó ngari ǒ avè, ndàdù ndìngbè ǒve-bvù rò ale-nyìkpó nǒfò dhu bhěyi.

¹⁶Ndi dhu-okú dò rò ní ndi, yà obhóna mǎ múninà rò, mǎ mǎrí nzǐ atdí ale mà nózù yà adzi ǒ ndi ale rǐ'ì nà nyunatsì ǒfò ǒ. Dhu rǐ mbǎ ì'ì angyi mǎ mazù Krístò yà adzi ǒ kǐ'ì nà ǒfò ǒ dhu màtí, ní kòmbí mǎ mòzù nzá ka ndi ǒfò ǒ.

¹⁷Nírò, ìngbàtí ìlì ndi ale mà náape ndùngbò Yēsù Krístò nà, ní ndi ale òngò wà ìndrù-ǒwútá tí. Angyi kǐ'ì nà nyunatsì ǒfò núdà wà, pbétù kòmbí kà rǐ'ì nà nyunatsì ǒfò ní ǒwútána tó.

¹⁸Kǒkò dhu kóró nanzì ní Kàgàwà. Kùngbò àlě ndi mànà Krístò-otù ǒ, ndàdù ngǔkpà ale àbhù àlě kǐ rùngbò ì ndi mànà dhu tó kasu ìbhò fóká.

¹⁹Kàgàwà nívi Krístò yà adzi ǒ ndínǐ kóró ale nabhù tí rùngbò ì ndi mànà. Krístò-okú dò rò, kǎrí nzǐ ì ale tó afátá nózù. Ndirò, kǐbhò ndi ǒte t'òvota tó kasu fóká.

²⁰Nírò, mǎ'ì ní Krístò ívi ǒvona rǒ ongó tí òte ale. Ndi dhu rǐ'ì àdhàdhì Kàgàwà nyú nditírò rǐ ìndrù ùnzì otùka ǒ dhu bhěyi. Ní ndi dhu-okú dò rò, mǎ mí ìndrù ìtdè ìtdè tí Krístò-ǒvò rǒ, rùngbò ì Kàgàwà nà.

²¹Krístò nyú nditírò ní'ì mbǎ nzérenga nà. Pbétù, Kàgàwà abhù ka rànò àlě tó nzérenga tó tútánga, ndínǐ kà-nyutsì Kàgàwà ǒzú tí àlě obhónángatále tí.

2 Pbàkòritò 6

Pólò mà rǎbàna àpbè rǐ abádhí ìtè Kàgàwà bhà obhóná kasutále tí dhu

¹Nírò, mǎ'ì, yà atdíkpá mǎ mǎrí kasu ònzì Kàgàwà mànà rò, mǎ mǐtdè nyǐ ìtdè tí, màtì: àpé nyǐ rǎbhù Kàgàwà áso nyǐ nǐ asota rǐ'ì kòkórònga tó asota tí.

²Obhó tí, Kàgàwà rǐ dhu ǒvò yà dhu bhěyi Ìlǐlǎ Andítá ò, ndàtì: «Ídzìnga àkǎ mǒnzì ìndrù tò òná kàsùmì àkǎ rò, ma mǐrì tsùnù dhu. Abádhí àkǎ mìgǔ òná ìdho àkǎ rò, ma manzì dzùnànu .» Nírò àbanǐnzó, kànǐ kòmbí rǐ'ì kàsùmì ní ndi Kàgàwà òzè ndònzì ìdzìnga ìndrù tò òná. Ndirò kànǐ ìndo rǐ'ì ìdho ní ndi kà rǐ ì ale ìgǔ òná ìdho.

³Mǎ mǎrí nzǐ atdí dhu mà ònzì, yà ìndrù-tsù ùtò rádù ìnzǐ rùngu Kàgàwà bhà otu, ìnzǐ atdí ale mà náadù tí òte nzére kàsùka nǐ.

⁴Pbétù, mǎ mǎrí mǐtè kóró kàsùka ǒ mǎ rǎrǐ Kàgàwà bhà obhóná kasutále. Ní, mǎ mǎrí kóró dhu-dzi òndù atdídǒ: mǒndù àpbè-dzi mà, ìmbǎ mǎ mí'ì dhu nà fóká dhu-dzi mà, ndirò ǒdo àbhù rǐ rǐsǐ ìndrù ò dhu-dzi mànà.

⁵Ka kóvì mǎ, kúsò mǎ imbi ò, kadù màbhù ìndrù rìvà dhu ròká. Mǎ mǒnzì màbhù rǐ mǐngyě mǎ atdídǒ kasu, ìdho mà rádù mǐpe, ndirò màdù òko átò ìnzǐ mǒnyù ònyù mà.

⁶Mǎ mǐtè mǎ Kàgàwà bhà obhóná kasutále tí, Kàgàwà-nyìkpó ǒ ìlǎ ǒfò ǒ mǎ móko dhu-otù ǒ, Kàgàwà dǒ mǎ múnì dhu dhu-otù ǒ, dhu-dzi t'òndùta-otù ǒ, ìdzìnga ònzì mǎ

mí dhu-otù ǒ, Hlǎ-Alafí írǎ mã dhu-otù ǒ, ngǔkpà ale mã mózè obhóná àzè nǐ dhu-otù ǒ,

⁷obhóná ɔte ɔvo mã mí ìndrù tò dhu-otù ǒ, ndirò Kàgàwà íbhò pbìndà ádrùngbǎnga tó ɔbi fǎkà dhu-otù ǒ. Mã mídyì obhónánga t'ónzita rǐ'ì àdhàdhì fangà dònǎ ɔtsúka nǐ mã mí ròká òmvù ùgye nǐ màtsùmù bhěyi, ndirò ígù dònǎ ɔtsúka nǐ mã mí ròká òmvù-tsù ùtò nǐ màtsùmù bhěyi.

⁸Atdídhená ale náarí mǐfǔ, ngǔkpà ale ràdù itsìka ònzì. Atdídhená ale arí nzére dhu àwě dòká, ngǔkpà ale ràdù ídzì dhu àwě dòká. Ka karí mǔzù tìtòtále tí, àzèmbè mã mí obhó dhu ùno rórò.

⁹Atdídhená ale úni nzá mã marí'ì nà ádròdrǒnga, àzèmbè iwà ngǔkpà ale núnì ka mběyi nyú rórò. Mã marí mòtù bìlìnganà ɔve-kù-bhu ǒ, pbétù mãdù ì'ì nyìkpóka nà tí. Ka karávu ròká, pbétù ìnzì kadù mǔkyè.

¹⁰Ka karí izu àbhǔ rùka mã, pbétù mãdù ì'ì atdídǒ idhèka ìka ndì ró. Ka karí mǔzù nǎkùtále tí, pbétù mã marí ábhǒ ale ìnzì Kàgàwà bhà otu ǒ. Ka karí mǔzù ìmbǎ mã mí'ì dhu-tsí nà ale tí, pbétù mã mí'ì kóró dhu-tsí nà.

¹¹Nyǐ Kòritò tó kigò ǒ bhǎ, mã móvò dhu kpangba fǔkù, ndirò mã mǎpfò afíka rǐ'ì kpangba fǔkù.

¹²Mǎ'i, mã mútsì nzá afíka ìnzì mǔzè nyǐ, pbétù nyǐ ní ndì nyǐ nyútsì afíku ròká ìnzì nyòzè mã.

¹³Kòmbí ma mí dhu ɔvo fǔkù àdhàdhì pbàkà inzo bhěyi: nyǐ nyàkǎ nyǒnzì dhu mã bhěyi, nyǎpfò afíku nyòzè mã àdhàdhì mã mózè nyǐ dhu bhěyi.

Nzére dhu rǒ rò dhu àkǎ kindà ale dhu

¹⁴Nyǐ nyàkǎ nzá nyùsò idàku atdíkpá ìnzá Yèsù ná'ù ale mànà. Obhó tí, íngbà irita ndì ràdù ì'ì obhónánga mà nzínzì ǒ nzérenga mànà? Íngbà irita ndì ràdù ì'ì awáwù mà nzínzì ǒ ìnò mànà?

¹⁵Íngbà irita ndì ràdù ì'ì Krístò mà nzínzì ǒ Bèlìyalì mànà? Ndirò, íngbà irita Yèsù ná'ù ale mà nzínzì ǒ ràdù ì'ì ìnzá Yèsù ná'ù ale mànà?

¹⁶Íngbà irita ndì ràdù ì'ì Kàgàwà bhà idza mà nzínzì ǒ sànamùmànà? Obhó tí, àlě nyú, àlě ní yà Ípìròrò arí'ì Kàgàwà bhà idza, àdhàdhì àbadhi nyú ndítirò náavò dhu dhu bhěyi. Kǎtì: «Ma madíya abádhí nzínzì ǒ, mãdù ùbhi atdíkpá abádhí mànà. Íma ní'íya abádhí tó Kàgàwà, abádhí ràdù ì'ì pbàkà ale .»

¹⁷Ndì dhu-okú dò rò, Ádrùngbǎle Kàgàwà rǐ dhu ɔvo pbìndà ale tò, ndàtì: «Nyùvò ìnzá dhu ná'ù ale nzínzì ǒ rò, nyǐndà nyǐ abádhí rǒ rò. Àpé nyùpbàlǎ yà ɔtòtì dhu tí rǐ'ì nyìkpódu ǒ dhu-ngbò , nírò ní ndì ma mãdù nyǎko .»

¹⁸Ndirò, wò kóró dhu dǒ arí'ì ádrùngbǎnga tó ɔbi nà Ádrùngbǎle Kàgàwà rǐ dhu ɔvo tdítǒ ndàtì: «Ma mádi Àbaku tí, nyǎdù òko idhúdu mà ivádu mànà tí .»

2 Pbàkòritò 7

¹Ní yà atdí dǒ ma mǒzè nyí rǒ, nyùni dhu, Kàgàwà rókò kóró kǒkò dhu tó làká àlě tǒ. Dhu àkǎ àlě rù'o àlě, àlě rìlǎ yà àlě-ngbò mà àlě-afí mànà nábhu ròtì kà-nyìkpó ǒ kóró dhu ǒ rǒ. Ndirò dhu àkǎ àlě rǒnzì òbi, àlě rí'ì kà-nyìkpó ǒ ìlǎ atdí dǒ ale tí, kǒdò ònzì àlě kí rǒrò.

Pǒlò mà Kòritò tó kigò ǒ bhà mànà rí 'ùngò dhu

(Mbà 25.25; 1Te` 3.6-9; E`br 13.17)

²Nyùbhà mà màbà ngari afíkù ò, nyǒzè mà! Mà máfǎ nzá dhu atdí ale ní màtí, mà màbhu nzá atdí ale mà ràwí pbìndà a'uta ǒ, ndirò mà màtrǎ nzá atdí ale mà fóná ongyéngá mà mabá tí.

³Ma múnò nzá wò dhu ànyǎkù ma mǒtdí tí. Obhó tí, àdhàdhì yà ma múnò fùkù dhu bhěyi tí, nyí ní atdí dǒ mà mǒzè nyí ale, ìmbǎ rí'ì ípìrǒngǎ ǒ màtí ndirò òve ǒ màtí.

⁴Ma mí'ì a'uta nà atdí dǒ nyùkutsì, idhèdu ràdù ndìka atdí dǒ okúkù dò rǒ. Kóró fàkǎ àpbè ǒ, ma marádi iwà afídu òpè ndì rǒrò, ndirò iwà idhèdu ìka ndì atdí dǒ rǒrò.

⁵Màkèdòniyà mà mítdègu òwu ùvò, ní mà máso nzá ngbǒka akekpa màtí. Mà màbà àpbè kóró ngari ònǎ rǒ, ìndrǔ úgyè ì mà mànà, ndirò mà mí'ì òdò nà afíka ò.

⁶Ní, Kàgàwà yà afíya ìngyě ì ale-afí òpè arí, nópè ndì afíka Titò ìrà àhu tika ò dhu-otù ǒ.

⁷Kǒpè nzá afíka ndì dhu-otù ǒ tí, pbétù kǒpè ka Titò ìrà òvònà fàkǎ dhu-otù ǒ. Titò áwe ìngbà dhu bhěyi màtí nyí nyópè afína dhu fàkǎ. Ndirò kǎwe ìngbà dhu bhěyi màtí nyí nyí'ì dhu-atdyú nà atdí dǒ nyàla ngbǒdu dhu. Kǎwe ìngbà dhu bhěyi màtí nyí nyí'ì izu nà ndì nónzì dhu-okú dò rǒ dhu , ndirò ìngbà dhu bhěyi màtí nyí nyádzi nyí okúdu dò rǒ dhu. Ní ndì dhu ádù idhèdu àbhu rìka ndì atdí dǒ.

⁸Ma múnì wà dhu yà angyi ma mándì fùkù bhàruwà rábhu wà izu rùka nyí, pbétù ma mòzù nzá ndì dhu. Ma mǒzùyana dhu izu ma màbhu rùka nyí àkě kàsùmì tí rǒ.

⁹Ní kòmbí idhèdu ìka wà ndì. Kìka ndì ìnzì ní yà fùkù ma mándì bhàruwà ábhu izu rùka nyí dhu-okú dò rǒ, pbétù ndì izu ábhu nyí nyǔgèrè nyí, nyùbhà fùkú nzérenga dhu-okú dò rǒ. Obhó tí, izu úka nyí àdhàdhì Kàgàwà ózè ka dhu bhěyi. Nírò, mà mǒnzì nzá atdí nzére dhu mà rùkú wò fùkù ma mándì bhàruwà nǐ.

¹⁰Obhó tí, Kàgàwà-nyìkpó nǒfò dhu bhěyi rí ìndrǔ ùkǎ izu, ràdù ìndrǔ àbhǔ rùgèrè ndì ndùbhà pbìndà nzérenga, ndì dhu ràdù Kàgàwà àbhu rìgǔ ndì ale. Ní ndì dhu rí nzì àdù ìndrǔ àbhu ròzù dhu. Pbétù, yà adzi àbhu rùka ìndrǔ izu náarí ìndrǔ ùnda òve ò Kàgàwà-nyìkpó ǒ.

¹¹Nyàndà pé, yà nyí núka izu-otù ǒ Kàgàwà ónzì ìdzìnga: kòmbí, kǎbhu nyí nyǒzè atdí dǒ ìnzá nyí nyǎfǎ dhu yà ndì nónzì dhu ǒ dhu ìtè rí ale tí. Kǎbhu nyí nyí'ì nzére ka kónzì dhu-okú dò rǒ òyángǎ rí iwà ale tí, ndirò ndì dhu-okú dò rǒ ràdù ndìpè dhu òdò ònzì rí ale tí. Kǎbhu nyí nyí'ì abhò atdyúya rí'ì 'àla ngbǒdu ale tí, ma màbhu fíyò sedzà nífu ale tí, ndirò nzére ka kónzì dhu nísòmàlipò nǐ ale tí. Nyí nyítè dhu kóró otu ǒ nyí ràrǐ mbǎ afátá nà nzére ka kónzì dhu ǒ.

¹²Nirò, ma mándí nzá dhu fùkù ndi dhu náfá ale-okú dò rò, ndirò ma mándí nzá ka ndi dhu ka káfá nǎ ale-okú dò rò. Pbétù, ma mándí ka ndíní ìngbà dhu bhěyi màtí nyí nyózè mǎ'i atdíđ dhu nitè tí kpangba Kàgàwà-ònzí.

¹³Wò dhu-okú dò rò nga ní ndi, afika ótsi obi nǎ. Afika ótsi obi dhu-ògǔ dǎ, idhèka íka ndi atdíđ Titò í'ina dhèdhe-okú dò rò. Obhó tí, nyí kóró, nyí nyábhù kà-afí ròtsi obi.

¹⁴Angyinǎ rò ma mǎvò dhu kà tò mati, ma rǎrǎ dhèdhe nà okúku dò rò. Ní ma mǎyò nzá ma kòkórò. Mǎ múnò kóró dhu ní'ì obhó dhu. Ndirò, nyí'ì mǎ mílè nǎ Titò-ònzí ilèta ní'ì obhó ilèta átò. Ndi dhu ónzí ndi yà mǎ múnò ka dhu bhěyi.

¹⁵Kàbhà àzè arí ndisè atdíđ okúku dò rò, nyí nyífu ndi kóró kàsúmì ò tí dhu mà, nyí nyáko ndi ifuta nyú nà ìvì ngbòku rivi rórò tí dhu mànà dhu ndi ndirè rò.

¹⁶Ma mí'ì dhèdhe nà a'uta nà ma mí'ì ùkù kóró dhu-tsí ò dhu-okú dò rò.

2 Pbàkòritò 8

Pbàkrístò àkǎ í'ì ìndrù dzùna t'ónzita tó ale-afí nà dhu

(Mrk 12.41-44)

¹Àbanǎnzó, mǎ mòzè nyǎni Màkèdòniyà tó pbìrì ò kànísá tòKàgàwà ónzí ìdzìnga.

²Abádhí ábà àpbè abho, pbétù 'àdù òko dhèdhe ò tí atdíđ. Ìnè màtí ì í'ì nǎkù nyú tí atdíđ rórò, abádhí rǎ'ì nà ìndrù dzùna t'ónzita tó ale-afí náadù òse tí òse.

³Abádhí úbho perè yà ì nyú ì í'ì nà dhu-bvu rǎ, ndirò ròsè òse tí màtí yà ì nyú ì àmbènà ònzina dhu dònǎ. Ima ní ndi dhu tó ngàmbì. Abádhí ónzí ka ìnzá atdí ale mà àvi 'ònzí rórò.

⁴Abádhí ìtdè mǎ mǎ'ù dhu fǎyò 'ùngbò ì ngǔkpà ale mànà 'ònzí Yèrùsàlemà tó kígo ò rí'ì Kàgàwà bhà ale dzùna.

⁵Abádhí ónzí dhu ósè òse tí yà foyá mǎ múbhi òdònà rǎ mǎ mabá tí dhu dònǎ. Wemberè tí, abádhí ádzi ì ì nyú tíró Ádrùngbǎle Yèsù tò, ndi dhu-dzidǎ, 'àdù 'àdzi ì nyú tíró fǎkà átò àdhàdhì Kàgàwà ózè ka dhu bhěyi.

⁶Nyí nàndà dhu nǎ, Titò ópè wà ndòtè ìndrù nà ndíní mùdzùna ònzí ka kí nǎ dhu nitsà tí. Ní ndi dhu-okú dò rò, mǎ mìtdè ka ìtdè tí átò ràdu ndi bvùkù, ndíní wò ùkù rí'ì ìndrù dzùna t'ónzita tó ale-afí tó kasu nunda tí ndàrà ùtsàna mběyi.

⁷Obhó tí, nyí nyí'ì kóró dhu-tsí nà abhàbhó. I dhu ní: Yèsù Krístò nyí nyá'ù obi nyú nà dhu, ale-dò àlǎ rí òte ùno nyí nyárí dhu, Kàgàwà ábhù ìnga nyǎni dhu, nyí nyábhù obìku kóró Kàgàwà bhà kasu t'ónzita tò dhu, ndirò àzè mǎ mǎngbe atdíđ nyukutsi dhu. Ní ndi dhu-okú dò rò, nyí nyákǎ nyí'ì ìndrù dzùna ònzí nyí nyí dhu tó ale-afí nà atdíđ nyú átò.

⁸Ma múnò nzá wò dhu fùkù uyátá tí. Pbétù ma màwe fùkù dhu ní, ngǔkpà ale ábhù obìya kóró Kàgàwà bhà kasu t'ónzita tò dhu kèlě, ndíní fùkù àzè tó obhóna nitè tí.

⁹Nyí nyúni wà àlě tó Ádrùngbǎle Yèsù Krístò bhà ídzìngà. Àbadhi ní'ì ònzítále, pbétù kǎdù ndònzì ndí'ì nǎkùtále tí okúku dò rò, ndíní nyí nyadù tí'ì ònzítále tí pbìndà nǎkù-otù ǒ.

¹⁰Wò nyí nyítsàna dhu nàndà dhu nǎ, yà ma mǒvona fǔkù dhu ní pbàkà irèta. Ndi irèta ní àkǎkǎ fǔkù irèta. Yà inzì í'íná atò ǒ, nyí ní'íná ndi wemberè t'ále yà ndi dhu nòzè 'ítsà, ndirò nyí ní'íná ndi wemberè t'ále átò yà ndi dhu nópèná 'ítsà.

¹¹Ní kòmbí, nyí nyàkǎ nyòwù kà nà nyòwù ùtsànà. Àdhàdhì nyí nyí'ì ídzi afíkù nà nyùdhe ka nyǒnzì dhu bhěyi, nyí nyàkǎ nyí'ì ídzi afíkù nà, nyǒnzì ka àdhàdhì yà nyí nyí'ì nà ongyéngá-bvù rǒ.

¹²Obhó tí, ìndrǔ apé í'ì ídzi afína nà Kàgàwà tò ndi ndí dhu àbhǔ rò, ní Kàgàwà rǐ kǎbhù dhu à'u àdhàdhì yà kà rǐ'ì nà dhu-bvù rǒ, ìnzì ní yà ìmbǎ kà rǐ'ì nà dhu-bvù rǒ.

¹³Wò dhu rǐ nzì àtina nyí rǎkǎ nyòkò àpbè ǒ ngǔkpà ale dzùnà t'ònzita-okú dò rò, pbétù dhu àkǎ kóró ale rǐ'ì dhu-tsí nà àdhàdhì.

¹⁴Ndirò kòmbí, yà nyí nyí'ì nà abhò ròsè dhu-tsí nǎ, nyí nyínè nyǒnzì ìmbǎ rǐ'ì dhu nà ale dzùnà. Ndirò atdíku, yà abádhí rǐ'ì dhu-tsí nà abhò ròsè òná kàsùmì ǒ, abádhí í'íya ìnè 'ònzì dzùnàku átò rǔkú dhu òtdì ndi rò. Ndi dhu bhěyi ní ndi, kóró ale rǎdù í'ì àdhàdhì.

¹⁵Àdhàdhì yà Ìlǐlǎ Andítá rǔnona dhu bhěyi: «Abhò dhu nùwǎ ale ní'ì mbǎ dhu nà abhò nyú ròsè, ndirò ake ka nùwǎ ale ní rǒ dhu atdì nzá ndi .»

Titò mà rǒwu mùdzùnà ònè Kòritò tó kigò ò Yèrùsàlemà ì owu tí nà dhu

(1Kò 16.1-4; 2Kò 9.1-5)

¹⁶Titò ózè ndònzì dzùnàku abhò, àdhàdhì mǎ mǒzè mǒnzì dzùnàku átò dhu bhěyi. Kàgàwà ní ndi kà-afí nábhu rǐ'ì ndi dhu bhěyi. Ní mǎ mí òtsò àbhǔ Kàgàwà tò ndi dhu-okú dò rò.

¹⁷Kǎ'ù mǎ mǎnzì ndi ndíní ndara tí fǔrǎbvù Kòritò tó kigò ò dhu. Ndirò ròsè dòtsí, kǐ'ì iwà ndi ndùdhe dhu nditirò afína ò fǔrǎbvù ndi ndara tí ró.

¹⁸Mǎ mòvì atdíkpá kà mǎnà ní, yà atdídǒ kóró kànísá arífùna Ídzi Màkǔrù dzùnà t'ònzita ǒ àlě t'ádòná.

¹⁹Wò dhu-ògǔ dǒ, kànísá óvò ka, ndíní mǎ nunda tí mòwù yà ùbhò ka kúbho mùdzùnà ùndò mǎnà. Wò ndi ídzi kasu rǐ Ádrùngbǎle-òvò ilè, ndàdù ngǔkpà ale dzùnà mǎ mǒzè mǒnzì dhu ìtè átò.

²⁰Mǎ mòzè mǒdò mǎ róná rò dhu ní, ìndrǔ rǐ ngbǒka ùnò wò ndi ábhǒ fùrangà-tsùkǎ òdò mǎ mí tí dhu-okú dò rò dhu.

²¹Obhó tí, mǎ mòzè mǒnzì ídzi dhu, ìnzì ní ròfò Ádrùngbǎle-nyìkpó kèlě, pbétù ròfò ìndrǔ-nyìkpó átò.

²²Mǎ mòvì ngǎtsi àlě t'ádòná atdíkpá abádhí mǎnà. Mǎ múdhe wà kà kàsù ibí-gùna nyú, mǎdù kòtù ngǔkpà ale dzùnà nòzè ndònzì kóró kàsùmì ǒ ale tí. Ní, kòmbí kǎbhù ndi atdídǒ ndi kasu tò, ndàdù í'ì a'uta nà atdídǒ nyukutsi átò.

²³Titò nàndà dhu nǎ, ma mátina kà rǎř ɔdhìdu, ndirò mǎ marí kasu ònzi atdíkpá kà mànà fùkú ídzinga tò. Ndirò kǒkò àbadhi nùndà ngǔkpà àlě t'ádóna ní kànísá úvǐ ale. Abádhí rǒnzina kasu arí Krístò-ɔvò àbhǔ indrǔ rilè.

²⁴Nirò, nyǐ nyàkǎ nyǐtè dhu, iwà nyǐ rózè abádhí obhó tí, ndínǐ yà abádhí núvǐ kànísá a'u tí dhu, 'àdù dhu ùni yà okúku dò rò mǎ mí ídzi dhu àwě rò, mǎ rǎwe wà obhó dhu.

2 Pbàkòritò 9

Dhèdhe nà rí dhu àbhǔ indrǔ tò ale Kàgàwà ózè dhu

(Mbà 19.17; 1Tì 6.17-19; 1Yù 3.16-18)

¹Ma m̀ni wà dhu, Yèrùsàlemà tó kigò ò rǐ'ǐ Kàgàwà bhà ale tò ka kí tsùya ùndǔ mùdzùna-okú dò rò ma mí dhu àndǐ fùkù dhu rǎř kǒkórò dhu.

²Obhó tí, ma m̀ni wà nyǐ nyǐ'ǐ ídzi afiku nà abádhí dzùna nyǐ nyonzi tí dhu. Ní ma mìlè ma ilè tí okúku dò rò M̀kèd̀niyà tó pbìrì ǔ bhà ònzǐ, mati: nyǐ, Àkayà tó pbìrì ǔ rǐ'ǐ pbàkrístò tírò, nyǐ rǒbhòlò wà nyǐ Kàgàwà bhà ale dzùna nyǐ nyonzi tí Yèrùsàlemà tó kigò ò, rǒpè ndi inzi údàná ato ò rò. Ní nyǐ nyǐ'ǐ nà dhu dzùna t'ónzita tó afiku tó dhu ì rǐ dhu, nǎdù abádhí nzínzi ǔ àbhǔ ale-atdyú nángbe rǒnzì dhu dzùna átò.

³Ní, yà angyi ma m̀nò fùkù dhu bhěyi tí, ma mòvì kàrì ìbhu àlě t'ádóna ròwù bvùkù, ndínǐ nyǐ nyundu tí mùdzùna ònzi ka kí nǐ dhu-tsù angyangyi, yà ma m̀nò nyǐ nyónzina dhu tí dhu bhěyi. Ní okúku dò rò ma mìlè ma nǐ ilèta nǐ'ina nǐ kǒkórò dhu.

⁴Obhó tí, yà mǎ mówu mànà atdíkpá M̀kèd̀niyà ǔ bhà náape nyòtù inzà nyǐ nyundu ì dhu-tsù angyangyi ró, ní nyǐka iwuna atdíđ abádhí-ònzǐ, mǎ móvò wà dhu abádhí tò nyǐ rǎř kònzonzi angyangyi nídhunǐ. Ndirò, ma m̀ni dhu nyǐku radùna iwu átò abádhí-ònzǐ.

⁵Ndi dhu bhěyi ní ndi, ma mála àkǎkǎ dhu tí dhu ní, mòvì kǒkò ìbhu àlě t'ádóna ròwù angyi idù, 'òwù ùvò fùrǎbvù, ndínǐ undu tí wò nyǐ nyókò fǐndá làkǎ nyǐ nyúbhòna dhu tí dhu-tsí-tsù angyangyi. Ndi dhu bhěyi ní ndi, ma mǎrà àhu rò, ma mí kòtù iwà nyǐ nyundu tsùya ró, ndi dhu radù dhu ìtè, nyǐ rùbho ka ídzi afiku nà, inzǐ ní ùtǔ tí ka kùtu nyǐ dhu-okú dò rò.

⁶Nyǐrè pé yàrì ɔte: ake itse nòzò ale, náarí dhu ògu ake tí, ndirò abho itse nòzò ale náarí dhu ògu abho tí átò.

⁷Dhu àkǎ dhu àbhǔ rí ale rǎbhù ka àdhàdhì ndi nyú ndi ndùdhènà ka afina ò dhu bhěyi. Kǎkǎ nzà ndàbhù ka afina rǔguru rórò, ndirò ùtǔ tí ka kùtu ndi rórò. Obhó tí, Kàgàwà ózè ale ní dhèdhe nà rí dhu àbhǔ ale.

⁸Ndirò, Kàgàwà rǐ'ǐ inè ɔbi nà ndònzì kóró ídzinga-tìdò abho nyú fùkù, ndínǐ nyǐ nyongó tí nyǐ nyǐ atdyúna òho kóró dhu àbà kóró kàsuni ǔ. Ndi dhu bhěyi ní ndi, nyǐ nyádù ì'ǐ dhu-tsí nà abho nyú ròsè, nyádù àmbe kóró ídzi kasu ònzì đǎ nǐ.

⁹Ídzi ale-okú dò rò, Hǐlǎ Andítá rǎtina: «Kǎrì dhu àbhǔ ídzi afiná na nǎkùtále tò, kàbhà ídzinga náarí dhòdhóhóngà nà .»

¹⁰Kàgàwà ní ndi itse òzò arí ale tò arí itse àbhù, ndirò ònyù àbhù arí ìndrù tò. Ní kà rĩ itse àbhù fùkù átò, ndàdù kàbhù ròtrò atdíđ, ndíní fùkù ídzìnga òdhi tí itse abhò.

¹¹Kà rĩ nyàbhù nyòngò ònzítàlè tí kóró dhu ǎ, ndíní nyí nyongó tí dhu àbhù ngùkpà ale tò ídzi afíku nà. Ndi dhu bhěyi ní ndi àbhò ale rǒngo àdù òtsò àbhù Kàgàwà tò fùràbvà rò mà mòwùnà fíyò mùdzùnà-okú dò rò.

¹²Obhó tí, wò nyí nyónzina dhu t'átsàta tó kasu rĩ nzí Kàgàwà bhà ale rĩ atdyúna òho dhu dzùnà kèlě ònzi, pbétù kà rĩ ábhò ale àbhù ràdu òtsò átò Kàgàwà tò.

¹³Nyí nyí Krístò bhà Ídzi Màkürù nyí nyífu dhu ìtè yà ìndrù dzùnà t'ónzita tó ídzi afíku nyú nà nyí nyúbho fùkù dhu-tsí Yèrùsàlemà tó kigò ǎ pbàkrístò mà, kóró ngùkpà òdhi ku pbàkrístò mà nà tò dhu-otù ǎ. Ní ndi dhu-okú dò rò, i ale rĩ ndi kasu tó ídzìnga ùní, 'àdù Kàgàwà-òvò ilè.

¹⁴Abádhí rĩ 'ìtsò dükú, rìtè fíyò àzè fùkù, yà Kàgàwà ónzi fùkù atdíđò bvùna ósè pbìndà ídzìnga-okú dò rò.

¹⁵Ní, Kàgàwà àkà àlě ràbhù òtsò fíndà, yà àlě tò kìbhò perè tí Idhùnà, yà ìnzí pbìndà dhu rĩ ndàwě kóró okú dò rò!

2 Pbàkòritò 10

Pòlò rĩ ndùgye uvitatálè tó pbìndà kasu dǎ dhu

(Ròm 15.17-19; 1Kò 2.1-5; 2Kò 6.4-7; 13.2-4,10)

¹Ima Pòlò, ma mí atdí dhu ònzi ima nyú tírò fùkù. Ìndrù arátina mà rarí àdì ìyò nzínziku ǎ mà mí'ì rò, pbétù itse mà mí'ì rùkù rò rò, mà raràdù ngbòdu ìdzidzo tí! Ní, Krístò bhà ìyònga mà kàbhà ídzìnga mà nà-otù ǎ,

²ma mìtdè nyí ìtdè tí mati: nyí ràkà nzá nyùtu mà midzò ngbòdu ìdzo tí bvùkù mà márà àhu rò. Obhó tí, mà mùdhe dhu mǒnzi dhu ndi dhu bhěyi yà inga ìrè arí 'àti, mà rarí dhu ònzi ale-ngbò tó ófò ǎ atdídhená ale tò.

³Mǎ'ì ní yà adzi ǎ ale, pbétù mà mí nzí ìla ùgye yà adzi ǎ ale tó ófò ǎ.

⁴Mǎ mí ìla ùgye nǐ màtsùmù ní nzí yà adzi ǎ ale náarí ìla ùgye nǐ màtsùmù-tìdò, pbétù Kàgàwà arí ndi òbi àbhù i màtsùmù tò rùgolo róná òmvù arí 'ùru òyà ngari. Ndirò, i màtsùmù nǐ mà mí'ì ìnè mǔgolo abádhí rǔdhèna tìtò tó dhu,

⁵ndirò mǔgolo abádhí rĩ'ì nà ìdzítá tó ìrèta, yà ìndrù-tsù ùtò arí ìnzí rùnì Kàgàwà. Mǎ mòzè mǔgèrè kóró ale tó ìrèta, ndíní Krístò-tsù dhu nifu tí.

⁶Àkàkà dhu bhěyi nyí nyí kífù dhu mà màla rò, mà mùdhe wà dhu mà rǎràdù màlipò àbhù ìnzí rí kífù ale tò.

⁷Nyí nyarí atdí dhu àndà yà ndi dhu rĩ ndàlǎ òná ófò ǎ! Ìndrù apé dhu à'u ndi rǎrĩ Krístò bhà ale, ní ndi ale àkà ndùnì dhu, mà mà átò, mà rǎrĩ Krístò bhà ale ndi bhěyi.

⁸Ádrùngbǎlè Yèsù Krístò ìbhò ádrùngbǎnga tó òbi fǎkà, ndíní mà midì tí nyí nǐ, ìnzí ní ndíní mà mìnza tí nyí ìnzǎ tí nǐ. Ní, nyí nyí mbǎ mǒzù atdíđò mà midzì mà ndi ádrùngbǎnga tó òbi-okú dò rò dhu tí, ní nyídu rĩ nzí ìwù ndi kà nǐ mà mí kasu ònzi rò.

- ⁹Ma mòzè nzá nyǎrè dhu ma ròzè midò ɔdɔ ùkù ma múndína bhàruwà nǎ.
- ¹⁰Obhó tí, atdídená ale arátina: ima Pɔlò, ma mùndí itse rò bhàruwà raróru, 'àdù í'í ɔbi nà. Pbétù, nzínziya ɔ ma mí'í rò, ngbòdu rarí'í ivíní, ndirò ɔtɛdu ɔ rò kadù gàyàdu ɔnzì ɔnzì tí.
- ¹¹Wò dhu bhěyi rǎte ale àkǎ 'ùni dhu: yà itse rò mǎ mùndí bhàruwà fùkù ɔnǎ ɔfò mà rí'íya àdhàdhì nzínziku ɔ mǎ mówu ùvò rò mǎ mí dhu ɔnzì ɔnǎ ɔfò mànà.
- ¹²Obhó tí, í ale arí 'itè ádròdrò ale tí itírò. Ní mǎ mí nzǐ mǒmvù mǎkǎ àdhàdhì abádhí nà, ndirò mǎ mí nzǐ mǔdhě abádhí rǎ. Abádhí arí 'òzù itírò 'ùdhe í ádù itírò nǎ udheta tó dhu tí. Ndirò abádhí arí 'ùdhě nà ní í kèlě. Ní, abádhí ní pbàdhómá.
- ¹³Mǎ'í na, mǎ mí nzǐ mǐdzǐ ròsè atdíɔ. Pbétù mǎ mí mǐdzǐ okúna dò rò ní yà Kàgàwà íbhò fóká kasu kèlě. Yà Kàgàwà ábhu mǎ mǒwù ùvò wemberè tí fùrábvù rò, kíli wà kàsùka nùtsà mǎ mówu ròyá ifo. Ní, í ifo ní í mǎ mífùna.
- ¹⁴Mǎ mǎdà nzá í ifo, mǎ nyú ní ndí wemberè tí mǎ mǒwù ùvò Yèsù Krístò bhà Ídzi Màkùrù nà fùrábvù nídhunǐ.
- ¹⁵Nírò, mǎ mí nzǐ mǐdzǐ ròsè atdíɔ ngǔkpà ale ɔnzì kasu-okú dò rò. Pbétù, mǎ mí mǔdɔ fíndà dhu ní, fùkú a'uta rǐ ndisě rò, nzínziku ɔ mǎ mǒnzina kasu-bvu rǎrǐ ndisě isě, rǎrà àhu yà fákà Kàgàwà itè ifo ɔ.
- ¹⁶Wò dhu-dzidɔ, mǎ mí'íya inè mǒwù Ídzi Màkùrù ùnò fùkú mùlengù-dòtsírò rí'í mùlengù ɔ. Mǎ mòzè nzá mǒnzì kasu yà iwà ngǔkpà ale ɔnzì kasu ɔyá mùlengù ɔ, mǎdù mǐdzi abádhí ɔnzì angyangyi kasu-okú dò rò.
- ¹⁷Hǐlǎ Andítá rǎtina: «Ndi nòzè ndidzǐ ndí nditírò ale nǎkǎ ndidzǐ ndí Ádrùngbǎle Kàgàwà-okú dò rò tí .»
- ¹⁸Obhó tí, Ádrùngbǎle Kàgàwà rǎdù à'ùnà àkǎkǎ ale tí ale ní nzǐ yà nditírò rí nditè ale, pbétù yà nditírò Ádrùngbǎle Kàgàwà itè ale.

2 Pbàkòritò 11

Pɔlò rǐ Kòritò tó kigò ɔ Kànisa-nyìkpó itdyù tìtò tó uvitatále rǎ rò dhu

(Màt 7.15-20; Ròm 16.17-18; 2Kò 12.11-15; Gàl 1.6-9)

- ¹Kòmbí ma mòzè mǔtè àritále bhěyi! Ní ma mǒnzì nyǐ nyǎ'ù ma mǔtè! Dhu àkǎ nyǎ'ù ma mǔtè!
- ²Ma mǔzè nyǐ nǐ àzè ní yà Kàgàwà ózè nyǐ nǐ àzè-tidò. Ma mórì nyǐ atdí kpatsìbhále tò tí. Ndi kpatsìbhále ní Yèsù Krístò. Ní ma mòzè nzá ngǎtsi kpatsìbhále ròzè nyǐ. Ma mòzè mitè nyǐ Yèsù Krístò tò àdhàdhì yà inzà àpè kpatsìbhále ùnǐ tsìbhíngba bhěyi.
- ³Àdhàdhì osu utrá Evà pbìndà mǎgèzì nǐ dhu bhěyi, ma mí ɔdòna ɔnzì dhu ní fùkú irèta rǐ ndinzǎ, nyàdù nyǐndà Krístò-owù ùngǔ nyǐ nyǐ kà tò nyǐ nyǐ nyòdɔ ró rò dhu, ndirò ìlǎ nyǐ nyǐlǎ Kàgàwà-nyìkpó ɔ rórò dhu.
- ⁴Índrǔ apé iwu vurò Yèsù bhà màkùrù ùnò fùkù, yà fùkù mǎ múndò pbìndà màkùrù Yèsù rǎ rò, ní nyǐ nyarádù í ale ná'ù isó tí ròtè. Abádhí arí ɔte dòná fùkù ale-afí ní nzǐ

yà angyi nyí nyábà Ìlǎ-Alafí. Ndirò abádhí arúnona màkürù ní nzí yà fùkù mà múnò Ídzì Màkürù.

⁵Ma mà'ù dhu í ale, kǒkò ádròdrǒ uvitatále tí nyí nyarí àtina, rúdà nzá ma atdí dhu nǐ matí.

⁶Dhu rǐ'ì inè mi'ì inzá ɔte nótsì abádhí bhěyi ale tí, pbétù inga t'únita ǒ kà rǐ'ì mbǎ ndí dhu bhěyi akèkpá matí. Mǎ mítè ndí dhu k pangba fùkù kóró kàsuni ǒ, ndirò kóró ófò ǒ.

⁷Ma múnò Kàgàwà bhà Ídzì Màkürù fùkù inzi monzi màkimbà. Ma mífo ma mi'ì aké ale tí ndíní nyí nyí'ì tí ádròdrǒ ale tí. Nírò, wò dhu bhěyi ma mífo ma dhu ní'ì tí nzérenga ma múnzi dhu?

⁸Ma mákò ngǔkpà kánísá-fò dhu rónzi dzùnàdu màkimbà tí yà fùkù ma múbhi kasu ònzi rǒ rò.

⁹Fǔrǎbvù ma mí'ì òná kàsuni ǒ, dhu ɔtdì ndí rúdú rò, ma mákò nzá dhu nzínziku ǒ atdí ale-fò matí. Obhó tí, Màkèdòniyá tó pbìrì ɔ rò iwù àlè t'ádóna níbhò ndí ma mí atdyúya òho kóró dhu-tsí idù. Ma módò ma mběyi kóró dhu-tsí ǒ, inzi mi'ì ànò tí dükú, ndirò ma móngo modò ndí dhu bhěyi tí.

¹⁰Yà nyudutsì rǐ'ì Krístò bhà obhónga-otù ǒ, ma mí dhu ɔtsò k pangba matí: ìmbǎ tsùdu ɔtò rádù inzi ma midzi tí ma wò ma múnò dhu-okú dò rò atdí ale mà rǐ'ì Àkayà tó fùkù pbìrì ǒ kóró mùlengù ǒ.

¹¹Ádhu ma múnò wò dhu okúna dò rò? Tí inzá ma mòzè nyí dhu? Inzi akèkpá matí. Kàgàwà nyú núnì wà ma mózè nyí dhu!

¹²Ní ma móngo dhu ònzi yà kòmbí ma múnzina dhu bhěyi tí, ndíní ma mutsi tí kóró otu kǒkò 'àpà rí 'àmbe 'òyò dǒ 'àti, ì rǎrǐ kasu ònzi mǎ'ì bhěyi ale rǒ.

¹³Í ale ní tìtò tó uvitatále. Abádhí arí ìndrù ɔtrǎ kàsuya nǐ, 'àdù àmbe 'ònzi dǒ Krístò bhà obhóná uvitatále bhěyi.

¹⁴Ndí dhu àkǎ nzá idho rùkò nyí nǐ. Obhó tí, pfòmvo Sitanì ndítirò náarí ndònzì awáwù tó màlàyikà bhěyi.

¹⁵Nírò, idho àkǎ nzá ndùkò nyí kǒkò kàbhà kasutále rǐ 'ònzi 'ùlì ì Kàgàwà bhà obhónanga tó kasutále bhěyi rò. Yà adzi ǒ dhu-tsù rǐ ndòdì rò, abádhí tó ípìrǒnga níkùya àdhàdhì abádhí-kàsù-bvu rǒ.

Pɔlò rǐ ndìdzǐ ndí ndóndù àpbè-dzi dhu-okú dò rò dhu

(Kas 20.18-27; 2Kò 4.9-13; 6.3-10)

¹⁶Ma mí dhu àdù mǔvò tdítǒ fùkù, matí: atdí ale mà rǎkǎ nzá ndirè nga ma rǎrǐ àritále. Ìmbǎ kǐ'ì ndí dhu bhěyi rò, nyí nyàkǎ nyá'ù dhu ma rǎrǐ àritále, ndíní ma midzi tí ma ake átò kǒkò tìtò tó kasutále bhěyi.

¹⁷Yà ma múnona kòmbí dhu núnò ma mí nzí Ádrùngbǎle Kàgàwà òzè ka dhu bhěyi, pbétù ma mí kùnò àdhàdhì àritále bhěyi. Obhó tí, ma mà'ù dhu inè ma rǎrǐ ma mí midzi okúna dò rò dhu nà.

¹⁸Ábhǒ ale arí 'ìdzǐ ale-ngbò tó ófò ǒ. Ní ma mí midzi átò.

¹⁹Nyĩ, yà dhu-ǒnga t'òvòtatále tí nyĩ nyĩ'ì rò, nyĩ nyarí kǒkò ì àrítále rǎnǎna dhu à'u à'u tí!

²⁰Nyĩ nyarí abádhí à'u ràvu rùkú ìno bhěyi, rǎbhu nyĩ nyǒnzì kǒkórǒnga tó kasu, rùdhǎ fukú dhu mà, ròzè nyĩ àkyǎkyè ale tí, ràdù nyìkpókù-mbì mà ùwa.

²¹Nyìdu rǐwu tí ìwu yà dhu ùno ma mí rò: Nyĩ pbàla tí nzá wà mà ìvívì ale tí ìnzá mà mǒnzì dhu wò dhu bhěyi dhu okú dò rò! Ní nyùbà dhu fǎkà! Kǒkò rùkú arávu ale apé 'òmvù 'ìdzì ì ìngbàtí ìlì ndì dhu-okú dò rò màtí, ní ìma mà átò ma mí midzì ìdzì. Kòmbí ma móte àrítále bhěyi.

²²Kǒkò ì ale tí Pbàèbrànyá? Ní ìma mà átò, ìma ní Mùèbrànyà. Abádhí tí Pbàìsràyélí? Ní ìma mà átò, ìma ní Mùìsràyeli. Abádhí tí Àbràhamù bhà pbàdzukurù? Ìma mà átò, ma ní Àbràhamù bhà mùdzukurù.

²³Abádhí arátina ì rǎrǐ Krístò bhà kasutále. Ní, kòmbí ma móte àdhàdhì àrítále bhěyi: ìma ní Krístò bhà kasutále ròsè atdíǒ abádhí dǒnǎ. Ma mǒnzì kasu abho nyú ròsè abádhí dǒnǎ. Ka kúsò ma ìbí-gùna ìmbi ò ròsè abádhí dǒnǎ. Ka kóvì ma asé nǐ ròsè abádhí dǒnǎ, ndirò ma máhu ìbí-gùna nyú òve-kù-bhu ò rò.

²⁴Pbàyàhúdì tó ádròdrò ale úvì ma ìmbò-gùna, 'òwù mutì rǒ ìbhu kumì dǒnǎ àrùgyètdì nà asé nǐ .

²⁵Pbàróma tó ádròdrò ale úvì ma mùgò nǐ ìbhu-gùna, ndirò abádhí úbvù ma atdí-gùna odu nǐ ndínǐ ma mǒvé tí. Ìbhu-gùna, ma múbhi ònǎ bàtó nábi idha ò ndínza ndì, ndirò atdí-gùna ma múdà atdí ìku mà atdí adyifò mànà ádrùngbǎ rèrù ò.

²⁶Pfǒdu dǒ ma múbhi nǐ ábhǒ pbàkà abhi ò, ma mábà ìbí-gùna nyú àpbè ní idha-akpá rütü nǐ rùdú. Ma mábà àpbè ní òbi nǐ arí dhu ùdhǎ ìndrǔ-fó rò ale rǐbhòna idù àpbè. Ma mábà àpbè ní adódu Pbàyàhúdì nyú rǐbhona idù, ndirò ní ìnzì ní Pbàyàhúdì mà rǐbhona idù àpbè. Ma mí'ì àpbè ò kigò ò màtí, rùngù ò màtí, ádrùngbǎ rèrù ò màtí, ndirò tìtò tó pbàkrístò nzínzì ò màtí.

²⁷Ma mǒnzì ale ìngyě rí ododu kasu, ndirò ma mǎrà àdì rǒ idho rògù ma ìbí-gùna nyú. Ìbí-gùna àwù ma, idha-atdyú mànà nóhò ma. Ìbí-gùna ma mǎrà àdì rǒ ìnzì mǒnyù dhu, ìmbǎ ma mǒnyuna dhu rǐ'ì dhu-okú dò rò. Gírì óhò ma, ìmbǎ ma mǎfǒna rùdú mberù ràdù ì'ì.

²⁸Ndirò ìnzá ma mòvò kóró ngǔkpà dhu rórò, ma marí ìrèna atdíǒ bìlìnganà ní kóró kànísá.

²⁹Atdí ale náapè ì'ì ìvívìnga nà Kàgàwà bhà otu t'únguta ò, ní ma marí'ì ìvívìnga nà átò. Atdí ale náapè ìtsì nzérénga ò, ní afídu arándì atdíǒ ndì dhu-okú dò rò.

³⁰Dhu apé ì'ì ale ìdzì ka kí dhu tí, ní dhu àkǎ midzì ma pbàkà ìvívìnga-okú dò rò.

³¹Kàgàwà, Ádrùngbǎle Yèsù t'Ábanà, núnì wà dhu ìnzá ma rùnò tìtò. Ní, Àbadhi àkǎ ìlèta nà dhòdhóhóngà nà.

³²Dàmàsikì tó kigò ò ma mí'ì ònǎ kàsùmì ò, ádrùngbǎ kamà Àretà bhà lǐwalì núulì sàndírì ndì kigò ò ka kótsù òyá tsàtsù-lí ndínǐ ìma nalú tí.

³³Pbétù, ka kipfo ma póló ǒ, kadù mifo imbi rǒ ka kòsò sěngě-yà-ba ǒ irinǎ, mawǔ ndi kigò-ngbò ka kákpòrò nǐ kàlì-kutì rǒ, madù otu àbà mawǐ kà-rǒ rò .

2 Pbàkòritò 12

Krístò arí pbìndà ɔbi àbhǔ ivívinga nà rǐ'ì ale tò dhu

(1Kò 2.3-5; 2Kò 4.7-10)

¹Dhu ǒfò tí nga midzǐ ma? Ndi dhu rǐbhòna ídzìnga rǐ'ì mbǎ. Ìnè màtí kà rǐ'ì ndi dhu bhěyi rò, kòmbí ma móte yà Ádrùngbǎle arábhǔna mala ɔnyu bhěyi ródzì dùdù dhu tó ǒfò ǒ dhu-tsí mà, kǎrítèna idù órù ò aróko dhu mànà dhu-tsí dǒ.

²Ma m̀ni wà Yēsù Krístò nà ì núngbò atdí ale. Kàgàwà ábhù ndi ale ròdzì ɔrù, ràrà àhù ìbhù rí kìsě ɔrù-akpà ò . Ndi dhu ónzì ndi ró atɔ náhù wà atdí kumì dòná ìfò nà atɔ tí. Ndi ale ódzì tí ale-ngbò tó ǒfò ǒ? Ndirò ngǎtsi nǐ, kǒdzì tí ìnzǐ ní ale-ngbò tó ǒfò ǒ? Ma m̀ni nzá ka, pbétù ka ǹni ní Kàgàwà.

³Ma m̀ni dhu Kàgàwà rábhù ndi ale ròdzì ndàrà àhù pàràdisò ò. Ndi dhu pbí'ì tí ale-ngbò tó ǒfò ǒ dhu, ndirò ngǎtsi nǐ kà pbí'ì tí ìnzǐ ní ale-ngbò tó ǒfò ǒ dhu. Ma m̀ni nzá ka, pbétù ka ǹni ní Kàgàwà.

⁴Ányì ndi ndàrà àhù rò, ndi ale ìrì ìnzǐ rí ndàwě ale-tsù ǒ dhu, ndirò ìnzá àkànà ìndrǔ ràwe akye dhu.

⁵Ní ma mí midzǐ ìdzǐ wò ndi ale rǒ ndi nónzì dhu-okú dò rò. Pbétù ima nyú nàndà dhu-tsí nǐ, ma mí midzǐ yà mìtè rí ivívi ale tí dhu-okú dò rò tí.

⁶Ma mózěyana gukyè midzǐ ma, ní ma ní'iyana nzǐ àrítále. Ma m̀nǒyana dhu ní'iyana obhó dhu kèlě. Pbétù, ma mòdhò wà midzǐ ma mí dhu. Ma mòzè nzá ìndrǔ rǐ mɔzè ádrùngbǎle tí, midzǐ ma mí okúya dò rò dhu-okú dò rò dhu. Ma mòzè abádhí rǐfù ma ma m̀nɔna ró ì ìrì dhu mà, ma m̀nzina ró ì ála dhu mànà okú dò rò.

⁷Kàgàwà arítèna idù órù ò aróko dhu-tsí ní idhò rǐ ìndrǔ ùkǒ nǐ dhu. Pbétù, kǎdù dhu-okpè bhěyi rí mutǔ dhu ùfò zǎdu ò, ìnzǐ ma midzǐ tí ma ròsè atdí dǒ. Kǒnzì ndi dhu pfòmvo Sitanì bhà màlàyikà otù ǒ, ndàbhù ròpbì ma ndi dhu bhěyi ìnzǐ ma midzǐ tí ma.

⁸Wò dhu-okú dò rò, ma mítsò ma ìbhù-gùna Ádrùngbǎle Kàgàwà rǒ, ndínǐ ndi dhu nipfo tí zǎdu ò rò.

⁹Ní, kǎdù dhu àdu idù, ndàti: «Pbàkà ídzìnga náká wà ìndù. Pbàkà ádrùngbǎnga tó ɔbi arí kasu ɔnzì atdí dǒ ivívinga ǒ ìndrǔ rǐ'ì rò.» Nírò, ma mà'ù wà midzǐ ma atdí dǒ pbàkà ivívinga ǒ, ndínǐ Krístò bhà ádrùngbǎnga tó ɔbi nónzì tí kasu atdí dǒ nyudutsì.

¹⁰Ní idhèdu ìka wà ndi pbàkà ivívinga ǒ, ima nǐ ka kí dhu ùnɔ dhu ǒ, dhu-ɔbì ròse dùdunǎ dhu ǒ, rùdú ka kávu dhu ǒ, ndirò odú ró'ɔ rùdú dhu ǒ. Ma mí kóró kòrì dhu-dzi òndù Krístò-okú dò rò. Obhó tí, ivívinga nà ma mí'ì rò nga ní ndi, kǎrì pbìndà ɔbi ìbhò idù nǐ.

Pólò-afí rǐ inga ìrè atdí dǒ Kòritò ǒ pbàkrístò-okú dò rò dhu

¹¹Ma mòtè àrítále bhëyi, pbétù nyí nyùtu ndi ma mǎnzì dhu ndi dhu bhëyi. Nyí ní ndi nyí nyákàna nyídzí ma ngǔkpà òdhíkù-ònzí, ìnzí ní ima ma-tírò. Obhó tí, ìmbà ma mí'ì àkyákyè ale màtí, ní kǒkò fùkú àdròdrò uvitatále tí nyí nyózùna ale nùdà nzá ma atdí dhu ní màtí.

¹²Obhó tí, fǔrábvù ma mí'ì òná kàsùmì ò, ma mǎnzì kasu dhu-dzi t'òndùta nyú nà. Ndirò Kàgàwà itè ábhò ize mà, wíwí mà, ìnzá apèna 'ònzì angyi ìndrù-nzínzì ò dhu mànà otùdu ò. Ní, ì dhu ní ì rí dhu itè ma ràrì uvitatále nyú.

¹³Ádhu nyú ndi ma mǎnzì ngǔkpà kànísá tò, yà ìnzá ma mádù ònzìnà fùkù? Ìnzá ma mǎnzì fùkù ní atdí dhu kèlè: ma mǎnzì nzá nyí nyùbho kàsùdu. Ní, nyùbà ndi afátá idù!

¹⁴Yàrí ní ìbhu rí pbàkà abhi ìsè abhi yà ma mí mǎbhòlò ní ndíní ma mara tí àhu fǔrábvù . Ndirò ndi abhi ò màtí, ma mòzè nzá nyùbho kàsùdu. Obhó tí, ma mí nzí fùkú ongyéngá-atdyú òho, pbétù ma mí atdyúya òho ní nyí nyú. Ìnzí ní nzónzo-kàsù ndi, 'ùlì dhu ì nódhì ale nòdo tí. Pbétù, inzo nódhì ale ní ndi arí dhu ùlì fíyó inzo nòdo tí.

¹⁵Imá na ní ndi, ìnè ma mí'ì mubho ma mí'ì nà kóró dhu fùkù, madù pbàkà ípìrǒnga nyú nádzi okúku dò rò. Ní dhu apé ì'ì ma mózè nyí wò dhu bhëyi dhu tí, ní fùkú àzè àkànà tí ndùngù ùngu tí tidu-òná rò?

¹⁶Ma mìrè dhu, à'u nyí ràmbènà dhu à'u, ìmbà ma rí'ì ànò tí dùkú. Pbétù, ngǔkpà ale rí dhu ìrè ma ràrì ìndrù ùtrà arí ale, nírò ma ròtsì wà nyí pbàkà màgèzì ní.

¹⁷Ní, ma mákò tí àkò fùkú dhu tìtò dǒ yà fǔrábvù ma múvì ale nzínzì ò atdí ale-otù ò?

¹⁸Ma mítdè Titò ìtdè tí, movì ròwù fǔrábvù atdíkpá ngàtsi àlè t'ádòna mànà. Ní, ndi Titò ákò tí ndi fùkú dhu tìtò dǒ? Nírò, mà'ì atdíkpá àbadhi mànà, mà mí'ì tí obhó atdí ìrèta nà tí mà mǎnzina dhu ò? Ndirò mà múngu tí obhó atdí owu kèlè?

¹⁹Ròpè ndi angyíta tí, nyí nyarí inga ìrè mà rarí mǔgye mà-tírò dòká ònzìkú. Ní kà rí'ì mbà ndi dhu bhëyi. Kàgàwà-ònzí nga ní ndi mà móte Krístò-nyutsinà rò ní. Òdhídù, yà atdídǒ ma mózè nyí rò, mà mí kóró kǒkò dhu ùnò ndíní nyí nòsì tí a'uta ò.

²⁰Obhó tí, ma mí òdòna ònzì dhu ní, fǔrábvù ma mára àhu rò, ma mí nzí nyòtù àdhàdhì yà ma nyú ma mòzènà nyí'ì òná ófò ò dhu, ndirò nyí nyí nzí motù àdhàdhì yà nyí nyú nyí nyòzènà mí'ì òná ófò ò dhu. Ma mí òdòna ònzì dhu ní, ma mí nyòtù ìnzí nyí nyárí nyí'ì nzínzìkù ò ró, adha ònzì nyí nyárí nzínzìkù ò ró, nàwí nà nyí nyáróko nzínzìkù ò ró, anya ònzì nyí nyárí nzínzìkù ò ró, ìndrù-ngbò ùnò nyí nyárí ró, tìtò ùnò nyí nyárí dùkú ró, nyídzí nyí nyárí nyí-tírò ró, ndirò akye nyí nyárí dhu ònzì ró dhu.

²¹Obhó tí, ma mí òdòna ònzì wò ndi ngàtsi pbàkà abhi ò dhu ní, pbàkà Kàgàwà rí nyídu àbhù ríwù ònzìkú dhu. Ndi dhu ràdù mabhù mǎdzì yà òko òko nzérenga ònzì ì arí yà angyi ì ònzìnà dhu bhëyi ró nzínzìkù ò ábhò ale-okú dò rò. Ì ale ní kǎkà ìnzá apè 'ùgèrè 'ùbhà múnnyòni mà, kóró ngǔkpà nzére dhu-tidò mànà ale.

2 Pbàkòritò 13

Pòlò rí Kòritò ò pbàkrístò ònzì ràndà nyuyatsì nga ìtírò dhu

(2Kò 10.1-11; 12.19-21)

¹Yàrí ní ìbhù rí pbàkà abhi ìsě fūrābvù abhi yà . Ìlílà Andítá rí dhu òvò ndàti: «Ìngbàtí ìlì ndì ɔte mà náká óyǒ ale, ndirò ngàtsi nǐ ìbhù ale mà rǐ'ì fíndá ngàmbì tí .»

²Yà ɔvò pbàkà abhi nísě bvùkù abhi ǒ, ma mǒvò dhu kākà angyinǎ rò nzéřenga nónzì ale tò kóró ngǔkpà ale mànà. Ní kòmbí yà itse ma mí'ì rùkú rò òná kàsúmì ǒ, ma mí dhu òvò tdítǒ fùkù mati: fūrābvù ma mǎrà àhù tdítǒ rò, ma rǎř nǐ atdí ale mà núbha ì nzéřenga nónzì ale nzínzì ǒ ìnzì kotdì anya dóná.

³Ma mí dhu ònzì ndì dhu bhěyi, nyǐ nyòzè nyǔni dhu obhóná nyú Krístò rǎřte nyudutsinǎ rò dhu-okú dò rò. Nzínziku ǒ ndì ndí kasu ònzì otùdu ǒ rò, ka nǐ'ina nǐ ivívi ale, pbétù kà rǐ pbìndà ádrùngbǎnga tó ɔbi itè nzínziku ǒ.

⁴Obhó tí, Krístò ka kutó mùsàlabhà dǒ rò, kǐ'ì ale-ngbò tó ivívinga nà. Pbétù kòmbí kà rǐ'ì ípìřnga nà Kàgàwà bhà ádrùngbǎnga tó ɔbi nǐ. Mǎ nàndà dhu nǐ, mǎ múngbò wà mǎ kà mànà. Ní, atdídhená rò, mǎ mí'ì ivívinga nà átò, pbétù mǎ mí'iya ípìřnga nà kà mànà Kàgàwà bhà ádrùngbǎnga tó ɔbi nǐ. Ndirò ndì ɔbi nǐ ní ndì, mǎ mí kasu ònzì fūrābvù.

⁵Nyàndà pé nyukutsi nga nyǐ-tírò, ndínǐ nyǐ nyuni tí iwà nyǐ nyá'ù Yèsù dhu. Nyùdhe pé nyǐ nyǐ-tírò. Nyǐ nyùni tí obhó dhu Yèsù Krístò rǎř'ì ìnè nyukutsi, ìnzì dhu ì'ina gukyè nyukutsi nga nyǐ nyàndà rò, nyǐ nyòtù nyǐ ìmbǎ nyǐ nyǐ'ì a'uta ǒ dhu tí rò!

⁶Pbétù, ma mà'ù dhu nyǐ rǎř dhu ùnǔnǐ, mǎ'ì na, mǎ rǎř'ì ìnè obhóná nyú a'uta ǒ.

⁷Mǎ mí mǐtsò Kàgàwà rǒ, ndínǐ nyǐ nabhù tí ìnzì nyǒnzì ìngbàtí ìlì ndì nzéře dhu mà akèkpà màtí. Mǎ mí nǐ mǐtsò ndì dhu bhěyi, mǎ mòzè mǐtè dhu, mǎ rónzì uvitatále tó fāká kasu mběyi nyú nzínziku ǒ dhu-okú dò rò. Pbétù, mǎ mòzè dhu ní nyǒnzì ídzì dhu, ìmbǎ dhu rǐ ndàlǎ ìndrù tò ìnzà mǎ rónzì ndì kasu mběyi dhu màtí.

⁸Obhó tí, mǎ mí nǐ àdù obhó dhu nà rǐ ndùgye ìngbàtí ìlì ndì dhu mà nónzì. Mǎ màdè ònzìnà dhu ní obhó dhu kèlě.

⁹Mǎ mí'ì dhèdhe nà ivívinga nà mǎ mí'ì nyàdù ì'ì ɔbi nà Kàgàwà bhà otu ǒ rò. Ní, mǎ mí mǐtsò Kàgàwà rǒ, ndínǐ nyǐ nabhù tí nyǐ'ì àkākǎ atdíǒ ale tí nyǐkpóna ǒ.

¹⁰Ndì dhu-okú dò rò ní ndì, ma màndì yàrí bhàrwà fùkù àdì ma màdì itse rórò, ndínǐ bvùkù ma mǎrà àhù rò, ìnzì ma mǎrú tí òrù tí dükú. Obhó tí, Ádrùngbǎle Kàgàwà íbhò wà dükú ma mǎrù nǐ dhu tó ádrùngbǎnga tó ɔbi idù. Ndì ádrùngbǎnga kǐbhò nzà tsèku ma mǎtdí tí nǐ, pbétù kǐbhò ka ndínǐ nyǐ nidì tí Kàgàwà bhà otu ǒ.

Pɔlò rǐ Kòritò ǒ pbàkrístò nòvì dhu

¹¹Kà rǐku dóná rò nǐ, àbanǐnzó, nyòko dhèdhe ǒ. Nyǐ nyākǎ nyǒnzì ɔbi nyǐ'ì àkākǎ atdíǒ ale tí Kàgàwà-nyǐkpó ǒ. Nyòwu afiku àbhù rǒ ròtsì ɔbi nzínziku ǒ nyàdù ì'ì atdí ìrèta nà. Nyǐ nyākǎ nyòkò màrùngà ǒ. Ndì dhu bhěyi ní ndì Kàgàwà, yà ìndrù nòzè, ndirò màrùngà ǒ arí ìndrù àbhù ròkò ale, rǎdù ì'ì atdíkpà nyǐ mànà.

¹²Òvì nyòvì nyǐ nzínziku ǒ pbàkrístò bhěyi. Kàgàwà bhà ale kóró nòvì nyǐ.

¹³Ádrùngbǎle Yèsù Krístò bhà ídzìnga mà, Kàgàwà bhà àzè mà, àlě núngbò Ìlílà-Alafí mànà náká ì'ì nyǐ mànà kóró.

Gàlàtiyà

Gàlàtiyà 1

Pòlò rĩ Gàlàtiyà ǎ pbàkrístò nòvì dhu

(Ròm 1.1-2)

¹Yàrí bhàruwà nàndĩ ale ní ima Pòlò, Yèsù bhà uvitatále. Ìnzĩ ní ìndrũ ndi ma nòvò mí'ì uvitatále tí, ndirò ìnzĩ ní atdí ale-otù ǎ nga mà ndi ka kòvò ma nĩ. Pbéù, ima nòvò ní Yèsù Krístò mà Àba Kàgàwà yà ka nabhù rìngbè ndi ɔve-bvù rò mànà.

²Ndirò, yà atdíkpá mà mí'ì mànà kóró àlě t'ádóna mànà, mà màndĩ ndi bhàruwà fùkù Gàlàtiyà tó pbìrì ǎ kànísá tírò.

³Àlě t'Ábanà Kàgàwà mà, àlě tó Ádrùngbàle Yèsù Krístò mànà náká 'àso nyĩ, 'àdù nyàbhù nyòkò màrùngà ǎ afìkù ò.

⁴Ndi Ádrùngbàle Yèsù Krístò níipfo ndi ndítírò àlě tó nzérenga-okú dò rò, ndínì ndi nduwù tí àlě yà kòmbí arí'ì nzére adzi tó ɔbi ǎ rò, yà àlě t'Ábanà Kàgàwà nyú náazè ka dhu bhěyi.

⁵Ìlèta àkà àlě ràbhù Kàgàwà tò dhòdhódhóngà nà! Àmìnà.

Krístò bhà Ídzì Mākūrù arí'ì atdí tí dhu

(Gàl 3.1-5; 4.9-20; 5.1-12)

⁶Idhò ùkò ma atdídǎ, nyĩ nyúgèrè nyĩ kòmbómbí tí nyùbhà yà nyĩ nanzi Krístò bhà ídzìnga-otù ǎ Kàgàwà, nyàdù Ídzì Mākūrù tí nyĩ nyátina vurò ɔte-owù núngu dhu-okú dò rò.

⁷Obhó tí, vurò Ídzì Mākūrù rĩ mbà, pbéù dèkù nínza atdídhená ale rĩ'ì ìnè. I ale ní yà ì nózè 'ùgèrè Krístò bhà Ídzì Mākūrù ale.

⁸Pbéù, dhu apé ì'ì mà'ì mà, ndirò òrù-akpà ǎ màlàyikà mà rùnona fùkù Ídzì Mākūrù rĩ'ì ìnzá ndi nòfò yà fùkù mà múnò Ídzì Mākūrù nà dhu tí, ní ndi màkūrù nùnò fùkù ale ní iwà ndi nòfù ale!

⁹Mà mòvò wà wò dhu fùkù angyi, ní ima, ma mí kàdù mòvò tdítǎ fùkù, mati: ndi ale rapé ìnzá ndi nòfò yà tsùká nyĩ nyírì Ídzì Mākūrù nà ɔte núno fùkù, ní ndi ale ní iwà ndi nòfù ale!

¹⁰Nirò kòmbí, wò dhu bhěyi ma mòvò dhu dhu nítè tí dhu ma mónena dhu ràrì ìndrũ ròzù ma àkàkà ale tí, ndirò ngàtsi nĩ, Kàgàwà ròzù ndi ma àkàkà ale tí dhu? Ndirò ngàtsi nĩ, ma mónena dhu tí ìndrũ-idhè àbhù ma mí rìka ndi dhu? Ma mí'ìná gukyè àdì ma màdì ìndrũ-idhè àbhù ma mí rìka ndi dhu òne ma mí ró dhu tí, ní ma màmbèna mbà ì'ì Krístò bhà ìno-akpà tí.

Pòlò rĩ Kàgàwà avò ndi tí ndi'ì uvitatále tí dhu àwě dhu

¹¹Àbanìnzó, ma mòzè nyùni dhu ní, yà ma mòvò fùkù Ídzì Mākūrù rĩ'ì nzi ìndrũ ìtsò màkūrù.

¹²Ma mírì nzá ka ìndrũ-tsũ, ndirò ka núdhe idù ní nzĩ ìndrũ, pbétù Yèsù Krístò ní ndi ka navò idù.

¹³Obhó tí, nyĩ nyírì wà angyinǎ rò yà Pbàyàhúdí tó dínì ò ma mí'ì òná kàsùmì ǎ, pbàkà mütso í'ì tí dhu. Nyĩ nyùni wà Kàgàwà bhà Kànìsà rǒ ma mavù atdíđǒ tí dhu, ndirò ma manzì òbi atdíđǒ ndínĩ ma mugolo tí ka dhu.

¹⁴Ima nyú, ma mambénà àrà dǒ angyi tí mběyi mǎtí atdíđǒ Pbàyàhúdí tó dínì ǎ, ròsè kóró ábhǒ ngǔkpà ale yà tìkàdò nzínzì ǎ rǐ'ì mǔzódù tí dònǎ. Ma madzì ma atdíđǒ mongò abhúdu tó màndu ìfũ.

¹⁵Pbétù, pbìndà ídzìngà ǎ, Kàgàwà náapì ma fǐndà ìnzá ka kàpè mugu rórò, ndàdù manzì kàsũna tò.

¹⁶Ndirò, kǐtè Idhùnà idù, ndínĩ ma mǔvo tí dònǎ màkǔrù ìnzĩ ní Pbàyàhúdí tò. Ní ma manzì nzá sedzà tí rǐ'ì dhu atdí ale-fó mǎtí.

¹⁷Ndirò, ma marà nzá Yèrùsàlemà ndínĩ mǎ mala tí mǎ uvitatále tí í'ì angyinǎ rò idù ale nà mǎtí, pbétù ma madù àrà Pbààrabhù tó pbìrì ò. Wò dhu-dzidǒ ma madù madu tdítđǒ Dàmàsìkì tó kigò ò.

¹⁸Ìbhu atò níitdègu ùda wò dhu-dzidǒ, ní ma madù àrà Yèrùsàlemà tó kigò ò, ndínĩ mǎ muni tí mǎ Péterù nà. Ní ima, ma madù àdì kà-tí atdí kumì dònǎ imbò nà idhò tí.

¹⁹Ma mala nzá vurò ale mà uvitatále nzínzì ǎ, pbétù ma mala ní Yàkòbhò, Ádrùngbǎle Yèsù t'ádònǎ kèlě.

²⁰Kàgàwà-ònzì ma mǎtina, wò fùkù ma màndí dhu ò, ma múnò nzá tìtò.

²¹Wò dhu-dzidǒ, ma madù àrà Sìriyà mà Kìlikiyà mànà tó pbìrì tó mùlengù ò.

²²Ì idhò ǎ, Yùdeyà tó pbìrì ǎ Krístò bhà kànìsá ní'ì ìnzá ì 'àpè ima mà núnĩ ró,

²³pbétù abádhí í'ì yàrí ɔyì kèlě níri ì í ró: «Yà angyi úbhì àvu rǒ àlě-rǒ ale, rǐ'ì yà ndì ndúbhì ùgolonà rǒ a'uta tó màkǔrù ùnò ndì ndì kòmbí ró.»

²⁴Ní abádhí adù òko 'àmbe Kàgàwà ilè dǒ okúdu dò rò.

Gàlàtiyà 2

Pɔlò rǐ ngǔkpà uvitatále mànà ì iri ì tí dhu àwě dhu

(Kas 15.1-29)

¹Wò dhu-dzidǒ, atdí kumì dònǎ ìfo nà atò níitdègu ùda, ní mǎ madù madu tdítđǒ Yèrùsàlemà tó kigò ò atdíkpá Bàrnabà mànà. Mǎ madù Titò nídyì átò mǔwù mànà atdíkpá.

²Ma marà ányì yà Kàgàwà návi ka mǔnzì dhu bhěyi. Ní, ma mawè yà ìnzĩ ní Pbàyàhúdí tò ma múnò Ídzì Màkǔrù pbàkrístò tò. Ndirò, Kànìsà ùnda arí ádròdrò ale mànà mǎ màndu mǎ òká rò, ma madù kàwe átò abádhí tò, akye yà angyi ma mǔnzì pbàkà kasu mà, yà kòmbí ma mǔnzina mànà ní'ina kòkórò dhu tí nǐ.

³Ndirò, yà atdíkpá mǎ mòwù mànà Titò ka kutu nzá rǎbhu onzíná nga kòbhòlò, àzèmbè inè kà rǐ'ì Mùgìrikì tí rórò.

⁴Pbétù, títò tó atdídhená òdhíka náazè 'òbhòlò kònzǐnga. I ale ní'ì òdhù ò ì núngbò mǎ mànà ale. Abádhí níitsu abhábhò bhèyi nzínzika ò, ndíní ì unì tí mǎ maróko tí, mǐ'ì dóká mǎ-tírò Yēsù Krístò-nyutsi dhu. Abádhí azè 'ùli mǎ Músà bhà Uyatá tó ino tí.

⁵Pbétù, mǎ ma'u nzá mǐfu abádhí rǔnɔna dhu akεkpá mǎtí, ndíní Ídzì Mǎkǔrù tó obhóngá náadì tí fǔkù.

⁶Pbétù, Kànísà ùnda arí ale tí ka kózùna ale ní'ì inè átò. Abádhí i'ì nà ádrùngbǎnga náandà nzá nga ma nà, Kàgàwà arí nzí ìndrù-ǒnga òvò nídhuní. Kòkò ì ale núutu nzá ma mǎnzì dhu-ɔwátá.

⁷Pbétù, abádhí náala dhu, Kàgàwà ríbhò wà ìnzí ní Pbàyàhúdì tó ma mí Ídzì Mǎkǔrù núnɔ dhu tó kasu fudú, àdhàdhì yà ndì ndabhù Pbàyàhúdì tó ka kí ndì Ídzì Mǎkǔrù núnɔ dhu-kàsǔ Péterù-fó dhu bhèyi.

⁸Obhó tí, Péterù-nyutsi nǎ rò kasu nanzì rǐ'ì uvitatále tí Pbàyàhúdì tó Kàgàwà ní ndì nyudutsi nǎ rò kasu nanzì átò, mǐ'ì uvitatále tí ìnzí ní Pbàyàhúdì tó.

⁹Nírò ní ndì Yàkòbhò, Péterù ndirò Yùwanì, yà kànísà ǒ ingu tí ka kazù mà, náala Kàgàwà nitè pbìndà ídzìnga idù dhu, 'adù ɔtsúka núlu Bàrnabà mànà, ì mànà mǎ mungbò mǎ dhu nitè tí, ndíní mǎ mowu tí Ídzì Mǎkǔrù ùnò ìnzí ní Pbàyàhúdì tó, abádhí ràdù òwu kùnò Pbàyàhúdì tó.

¹⁰Pbétù, abádhí adù ònzínà fóká atdí dhu ní, Yèrùsàlemà tó kígo ǒ arí'ì pbàkrístò nzínzì ǒ nǎkùtále ìrè mǎ mí dhu kèlě. Ní ma madù ndì dhu ònzì atdí afídu nyú nà.

Pólò rǐ Péterù dǒ ndì ndórù tí Àtìyòkiyà tó kígo ǒ dhu nǎwě dhu

(Kas 9.1-20,23-30; 22.3-16; 26.9-20)

¹¹Péterù itdègu àrà àhu Àtìyòkiyà tó kígo ò, ní ma marù àbadhi-dǒ ábhò ale-ònzí rò, kǎnzì dhu ní'ì nzí ídzì dhu dhu-okú dò rò.

¹²Obhó tí, Péterù mà náavù 'òngò dhu ònyù atdíkpá ìnzí ní Pbàyàhúdì mànà. Ní Yàkòbhò avì atdídhená ale ròwù ùvò Àtìyòkiyà. Pbétù, ì ale níitdègu òwu ùvò ányì, ní Péterù adù ndìndà, ndàdù atdíkpá ì óngo ònyù ònyù ìnzí ní Pbàyàhúdì mànà dhu ùbhà, ale-ònzǐnga òbhòlò ka kí dhu ùtǔ arí ale-òdò ònzì ndì ndì dhu-okú dò rò.

¹³Ndirò, Yēsù ná'ù ngǔkpà Pbàyàhúdì náapè 'ònzì dhu ɔyɔyɔ idàya nà Péterù bhèyi. Ndirò, Bàrnabà mà náangbò ndì abádhí mànà ndì abádhí tó ɔyɔyɔ ale-idà tó ófò ǒ.

¹⁴Pbétù, ma mala dhu abádhí rǎrǐ nzí ùbhi yà Ídzì Mǎkǔrù tó obhóngá ózè kubhi dhu bhèyi. Ní ma madù dhu òvò Péterù tó kóró ale-ònzí rò, matí: «Dhu apé ì'ì inyì Mùyàhudì tírò, nyì nyarí nyɔnzì ìnzí ní Mùyàhudì bhèyi, ìnzí nyífu Pbàyàhúdì tó màndu dhu tí, ní ìngbà dhu bhèyi dhu nyì nyádù ìnzí ní Pbàyàhúdì ùtu, rífu Pbàyàhúdì tó màndu ní?»

Ìnzí ní Pbàyàhúdì rǔgu Yēsù ì à'ù dhu-otù ǒ dhu

¹⁵Mă, mă'i ní ùgu tí ka kùgù mă'i Pbàyàhúdí tí ale. Mă'i ní nǝ ìnzǝ ní Pbàyàhúdí, kǝkǝ ìnzǝ Kàgàwà bhà Úyátá nùni nzérenгатále.

¹⁶Pbétù mă mùni dhu ní, ìndrǝ òzù ka kí nǝ ìdù obhónángatále tí Kàgàwà-ònzǝ Úyátá t'ífuta-otù ò, pbétù Yèsù Krístò ka kà'ù dhu-otù ò tí. Mă'i átò mă má'ù Yèsù Krístò, ndínǝ ka kòzù tí mă obhónángatále tí Àbadhi mă má'ù dhu-otù ò, ìnzǝ ní Úyátá t'ífuta-otù ò. Obhó tí, obhónángatále tí ka kòzùna Úyátá t'ífuta-otù ò atdí ale ma rǝ'i mbǝ.

¹⁷Pbétù, àlǝ kí dhu ònǝ ndínǝ ka kòzù tí àlǝ obhónángatále tí Krístò-nyutsì. Ní dhu apé ì'i ka kàla àlǝ'i nzérenгатále tí dhu tí, ní wò dhu ìtè tí dhu Krístò rǝrǝ àlǝ nùnda nzérenга t'ònzita ò? Ìnzǝ, akekpá màtí!

¹⁸Obhó tí, dhu apé ì'i ma mósìna tdítđ dhu rǝ'i yà iwà ma múgolo dhu tí, ní ma mòngò wà ma-tírò Úyátá nùkò ale tí.

¹⁹Obhó tí, Úyátá nàndà dhu nǝ, ima, ma mòvè nǝ òvǝ ní ndi Úyátá kèlǝ ìbhò idù, ndínǝ ma mí'i tí ípìrǝnga nà Kàgàwà tò. Mă ka kutó wà mùsàlabhà đǝ atdíkpá Krístò mànà.

²⁰Ndirò kòmбі, ma mí'i ípìrǝnga nà, pbétù ìnzǝ ní ima ndi ípìrǝnga nà ma mí'i, Krístò ní ndi nyudutsì rǝ'i ípìrǝnga nà. Obhó tí, yà kòmбі ma mí'i nà ale-ngbò tó ípìrǝnga nà ma mí'i Kàgàwà t'Ídhùnà ma má'ù dhu-otù ò. Kǝzè ma, ndàdù pbìndà ípìrǝnga àdzi okúdu dò rò.

²¹Ima, ma màsà wà Kàgàwà bhà ídzìnga òdho ma mí dhu. Pbétù, dhu apé ì'i ìnè abádhí rǝ'i kòzù ì obhónángatále tí Kàgàwà-ònzǝ Úyátá t'ífuta-otù ò dhu tí, ní rò Krístò avè kòkòrò nga đǝ.

Gàlàtiyà 3

Dhu àkǝ tí kifù Úyátá, ndirò tí kí'i a'uta nà

(É`fè 1.9-10; Kò`l 1.24-29; 1Pè` 1.10-12)

¹Òo nyǝ Gàlàtiyà tó pbìrì ò bhǝ, nyǝ ní mbǝ dòya-ònga nà ale! Ádhi pbá ale ndi nyǝ nówè, ndàbhù nyǝ nyǝwǝ, àzèmbè iwà ka kitè Yèsù Krístò ka kutó mùsàlabhà đǝ dhu k pangba fùkù rórò?

²Ní, ma mòzè nyǝdu atdí dhu kèlǝ idù: Nyǝ nyáko tí Kàgàwà bhà Ìlǝlǝ-Alafí, Úyátá nyǝ nyífu dhu-okú dò rò, ndirò ngǝtsi nǝ, nyǝ nyáko tí ka Ídzì Mǝkǝrù nyǝ nyírì, nyǝdù à'unà dhu-okú dò rò?

³Íngbà dhu bhǝyi dhu, nyǝ nyí'i mbǝ dòya-ònga nà ale tí wò dhu bhǝyi nǝ? Kàgàwà bhà Ìlǝlǝ-Alafí tó òbi nǝ nyǝ nyópè dhu, ní nyǝ nyòzè tí nyǝbhù rǝkǝ kòmбі òbìkù nǝ?

⁴Nyǝ nyúda òyá dhu kórò ní'i tí kòkòrò nga tó? Obhó nyú, ka ní'i nǝ kòkòrò nga tó dhu.

⁵Kàgàwà níra tí nyǝ pbìndà Ìlǝlǝ-Alafí nǝ, ndàdù wiwì ònzì nzínzìkù ò Úyátá nyǝ nyífu dhu-okú dò rò, ndirò ngǝtsi nǝ, kíra tí nyǝ Ídzì Mǝkǝrù nyǝ nyírì, nyǝdù à'unà dhu-okú dò rò?

⁶Ní ndi dhu bhǝyi tí, Àbràhamù náa'u Kàgàwà, ndi dhu rǝdù ndàbhù Kàgàwà ròzù ndi, obhónángatále tí .

⁷Nírò, nyí nyàkă nyūni dhu ní: obhó nyú, Àbràhamù bhà pbàdzukuru tí rí'ì ale rārì Kàgàwà nà'ù ale.

⁸Ìlǎ Andítá náavò wà dhu angyangyi, ndàti: Kàgàwà rozúya ìnzǐ ní Pbàyàhúdì obhónángatále tí, fiyó a'uta-okú dò rò. Obhó tí, Kàgàwà náavò yàrí Ídzì Mākūrù wemberè tí Àbràhamù tò, ndàti: «Nyūnṣì nǎ rò Kàgàwà náasoya kóró pbìrì ǒ ale .»

⁹Ní, Kàgàwà náasoya ndì nà'ù ale kóró àdhàdhì ndì ndaso Àbràhamù, a'utatále dhu bhèyi.

¹⁰Pbétù, kǒkò ì nípbì Uyátá t'ífuta rǒ ale, nófù wà ì kóró. Obhó tí, Ìlǎ Andítá rǎtina: «Ìnzǐ rǐ yàrí Uyátá tó bhükù ǒ ka kándì kóró dhu ìfù ale nófù wà ndì .»

¹¹Ndirò, kpangba rǐ'ì dhu ní, Uyátá-otù ǒ, ka kózùna obhónángatále tí Kàgàwà-ònzǐ atdí ale mà rǐ'ì mbǎ. Obhó tí, obhónángatále náabáya ípìrǒnga pbìndà a'uta-otù ǒ .

¹²Ndirò, Uyátá náhu nzá a'uta-nyṣì rò, pbétù Uyátá ìfù rí ale bhà ípìrǒnga ní'iyà ndì Uyátá-otù ǒ .

¹³Yà ndì ndùgèrè ndì, ndòngò ofúngá tí àlě tó ngari ǒ dhu-otù ǒ, Krístò núuwù àlě'ì Uyátá bhà ofúngá ǒ rò. Obhó tí, Ìlǎ Andítá rǎtina: ìndrù òho ka kapé, kadù abvòna ùtò mùsàlabhà dǒ, ní ndì ale rǐ'ì Kàgàwà bhà ofúngá ǒ .

¹⁴Ndì dhu anzì ndì wò dhu bhèyi, ndínǐ yà Kàgàwà akò fíndá làká Àbràhamù tò asota nabhù tí rārà àhu ìnzǐ ní Pbàyàhúdì dò Yèsù Krístò-otù ǒ. Ndirò, ndì dhu anzì ndì, ndínǐ àlě'ì kóró àlě kabá tí yà Kàgàwà akò fíndá làká Ìlǎ-Alafí a'uta-otù ǒ.

Uyátá rǐ nzǐ àdù Kàgàwà òkò làká núkò dhu

(Mík 7.20; Ròm 4.13-17; 10.4-13; È`fè 3.6)

¹⁵Àbanǐnzó, ma mí yà dhu-tì àwě fükù ìndrù tó ófò ǒ: ìndrù apé afína ǒ dhu àndì angyangyi yà ka nyú àkă ndì'ì dhu bhèyi, ní ndì andítá ùkò rǐ ale rǐ'ì mbǎ, ndirò kà dǒ rí ngǎtsi dhu ìsě ale rǐ'ì mbǎ.

¹⁶Nírò, Kàgàwà náakò làká Àbràhamù mà pbìndà mùdzukuru mànà tò. Ìlǎ-Andítá àti nzá: «pbìndà pbàdzukuru tò», àdhàdhì ábhǒ ale tò Kà rǐ kònzì dhu bhèyi. Pbétù, kàti: «pbükù mùdzukuru tò». Kà-tì ní: atdí ale tò tí, ndì ale ní Krístò.

¹⁷Yàrí ní ndì ma mòzè munò dhu: Kàgàwà núuno wà afína ǒ dhu angyangyi Àbràhamù tò, yà ndì dhu àkǎnà ndì'ì dhu bhèyi, Músà bhà Uyátá ràdù ndìtò ìfò miyà dòná ìbhu kumì nà atò-dzidǒ olù nǎ rò. Ní ndì Uyátá rǐ nzǐ àdù Kàgàwà uno dhu ùkò, ndirò kà rǐ nzǐ àdù Kàgàwà bhà làká núkò.

¹⁸Obhó tí, dhu apé ì'ì Kàgàwà bhà dhu-tsí-kàmǎ tí ka kóko dhu rǎhu Músà bhà Uyátá-nyṣìnǎ rò dhu tí, ní kà rǐ nzǐ àdù àhu tdítǒ làká-nyṣìnǎ rò. Pbétù, làká-otù ǒ, Kàgàwà itè wà pbìndà ídzìnga Àbràhamù tò.

¹⁹Nírò, Uyátá-kàsù ní'ì àdhu? Ka kisé ka olù nǎ rò ndínǐ ìndrù tó afátá nitè tí, rārà àhu yà Kàgàwà akò fíndá làká Àbràhamù bhà mùdzukuru rǐrǎ àhu dhu ǒ. Mǎlàyíká náavò ndì Uyátá ìndrù tò, yà ìndrù nzínzì ǒ ìdè ì mànà Músà-otù ǒ.

²⁰Indrũ nzínzì ǒ ríde ale-atdyú nà ka ka rí'ì óyǒ rò rí'ì ale tò. Pbétù, Àbràhamù tò ndì ndí làká òkò rò, Kàgàwà ì'ì atdíró tí.

Uyátá-kàsũ tí ì'ì dhu

²¹Nírò, wò dhu tí àtina, Músà bhà Uyátá ràkò nzá ndì Kàgàwà bhà làká nà? Ìnzì, akèkpá màtí! Ípìrǒnga ìbho rí ìndrũ tò Uyátá ka kíbhòyana gukyè, ní ìndrũ ka kózàyana òzù obhónángatále tí Kàgàwà-ònzì Uyátá-otù ǒ.

²²Pbétù, Ìlǐlǎ Andítá rǎtina, kóró ale rǎrǐ'ì nzérénga bhà òbi-tsì nǎ, ndínǐ yà Kàgàwà akò làká náaká tí pbàkrístòtò, Yèsù Krístò ì ale ná'ù dhu-okú dò rò.

²³Ìnzá Yèsù à'u ka kí dhu tó kàsùmì nǎpè àkǎ rò, mà'ì ní'ì Uyátá útsì ale, màmbè ìnga òdò dǒ, rǎrà àhũ Kàgàwà rǐ ndì a'uta àbhũ mà rùnì dhu ò.

²⁴Ndì dhu bhèyi ní ndì, Uyátá ì'ì àdhàdhì dòkǎ-nga àndà rǐ ale bhèyi, rǎrà àhũ Krístò rǐrà àhũ dhu ò, ndínǐ Kàgàwà ɔzú tí mà obhónángatále tí a'uta-otù ǒ.

²⁵Pbétù, ròpè ndì a'uta ìrà àhũ dhu ò rò, mà mí'ì mbǎ tdítǒ wò ndì àlě-dǒnga àndà rǐ ale bhà òbi-tsì nǎ.

²⁶Obhó tí, nyǐ kóró nyǐ ní Kàgàwà bhà inzo, Yèsù Krístò nyǐ nyà'ù dhu-otù ǒ.

²⁷Nyǐ kóró, yà nyǐ nyúngbò nyǐ Yèsù Krístò mànà, bàtizò nyǐ nyálǔ dhu-otù ǒ rò, nyǐ nyóǒ wà nyǐ Krístò nà.

²⁸Dhèdhèrò nga rǐ mbǎ ì'ì tdítǒ Pbàyàhúdì mà nzínzì ǒ ìnzì ní Pbàyàhúdì mànà, ìno mà nzínzì ǒ dòyá arí'ì ìtírò ale mànà, kpabhále mà nzínzì ǒ vèbhále mànà. Obhó tí nyǐ kóró, nyǐ ní atdí ale Yèsù Krístò-nyutsì.

²⁹Nyǐ nyapè ì'ì Krístò bhà ale tí, ní nyǐ ní Àbràhamù bhà pbàdzukuru, ndirò nyǐ ní yà Kàgàwà akò fìndá làká Àbràhamù tò ndì ndábhũna dhu tí kóró dhu-tsí-kàmǎ.

Gàlàtiyà 4

Kàgàwà bhà inzo ní nzǐ Uyátá tó ìno

(Ròm 8.14-17)

¹Nírò, mà màtina yà dhu bhèyi: ìngba, yà àbanà bhà dhu-tsí-kàmǎ tí àkǎnà ndàdì, náapè ì'ì àdì ndì ndàdì ngbángba tí ró, ní bhà ófò mà nùdà nzá ì ìno bhà ófò nà, àzèmbè ìnè ndì ndí'ì dhu-kàmǎ tí rórò.

²Ndì kàsùmì ǒ, àbadhi rǐ'ì yà kìvì arí ndàdù kàbhà dhu-tsí òdò ale bhà ádrùngbànga-tsìnǎ, rǎrà àhũ kà t'ábanà udhè kàsùmì araya àkǎ dhu ò.

³Ní àlě'ì nyú mà átò, àlě kì'ì nzónzo bhèyi angyi, àlě ní'ì yà adzi dǒ òbi nà dhu-tsí tó ìno.

⁴Pbétù, Kàgàwà udhè kàsùmì nítǒdègu àkǎ, ní Kìvì Idhùnà: tsìbhále ugu ka, ràdù àdì ndòngò òvì Músà bhà Uyátá-tsìnǎ,

⁵ndínǐ ndì nduwù tí ndì Uyátá-tsìnǎ aróko ale, ndirò ndínǐ mà mí'ì tí Kàgàwà bhà inzo nyú tí.

⁶Nyĩ ní Kàgàwà bhà inzo nyú. Ndi dhu ìtè rí dhu ní, Kívi Idhùnà bhà Alafí rìrà àdi àlě-afí ò. Ndi Alafí ní ndi rí àlě àbhũ àlě ràti: Àba! Àbadu!

⁷Nírò, ìngbàtí ìli ndi ale mà nzínziku ð ní nzi ino tdiídò, pbétu ka ní Kàgàwà bhà ingba, ndirò Kàbhà ingba tí nyi nyí'ì dhu bhěyi, Kàbhàya pbìndà inzo tò ndi ndaródona dhu-tsí átò indù.

Pɔ̀lò bhà irèta Gàlàtiyà ð Kànísá ð bhà dš

(Gàl 3.1-4; 5.1-12)

⁸Angyinã rò nyĩ nyuni nzá Kàgàwà, ní nyi ni'ì tìtò tó mǔngũ-nzo tó ino.

⁹Pbétu, kòmbí nyĩ nyuni wà Kàgàwà, ndirò ngàtsi nĩ, Kàgàwà ùni wà nyĩ. Nírò, ìngbà dhu bhěyi dhu, nyĩ nyádù nyádu tdiídò, kòkò ìmbã arí'ì obi nà, ndirò àkyäkyè dhu-tsí-tí'ò nĩ? Nyĩ nyòzè tí nyòkò ì dhu-tsí tó ino tí tdiídò?

¹⁰Nyĩ nyòzè nyābhũ ifuta atdiídò atdiídhena idho mà, àbì mà, kàsuni mà ato màna tò.

¹¹Obhó tí, ma mí òdo ònzi, akye dhu arana ì'ì kòkòrò ma mí kasu ònzi okúku dò rò dhu tí nĩ!

¹²Àbanĩnzó, ma mìtdè nyĩ ìtdè tí, dhu àkã nyöngò dhu ònzi yà ma marí dhu ònzi dhu bhěyi, àdhàdhì ma marí dhu ònzi wò nyĩ nyarí dhu ònzi dhu bhěyi òná ófò ð. Nyĩ, nyĩ nyónzi nzá atdí nzere dhu-tidò mà rùdú.

¹³Nyĩ nyuni wà yà wemberè tí ma muno Ídzi Mākūrù fūkù òná kàsuni ð, ma mi'ì andi nà dhu.

¹⁴Nyĩ nyi'iyana ìnè nyónzi ìtsidu, ngàtsi nĩ minze rùkú, yà ma mi'ì nà andi-okú dò rò. Pbétu, nyĩ nyónzi nzá ìtsidu, ndirò ma minze nzá rùkú rò. Pbétu, nyĩ nyádù mako àdhàdhì nyĩ nyàmbènà Kàgàwà bhà màlàyikà mà nákò, ndirò ngàtsi nĩ, nyĩ nyàmbènà Yēsù Krístò nyú nditirò nákò dhu bhěyi!

¹⁵Nírò, angye fūkú dhèdhe nyú nàrà àdhà? Obhó tí, ma mà'ù wà dhu: nyĩ rózèyana gukye nyūwà nyìkpóku mà, nyádù ùbhona perè tí idù, ní nyĩ nyúwàyana ùwa!

¹⁶Ní kòmbí ma mǔgèrè tí ima, mongò fūkú òmvũ tí, yà obhó dhu ma mòvò fūkù dhu-okú dò rò?

¹⁷Kòrì ale àpbã afíya rùkú, pbétu abádhí tó irèta rí'ì mbã mběyi. Abádhí ózè dhu ní, 'ìndà nyĩ rùdú rò, ndinĩ nyĩ nyongó tí àdù afiku àpba ròyá tí.

¹⁸Ídzi dhu tí rádù ì'ì dhu ní, ale-afí àpbã ka kí idzi dhu t'ónzita rš bilinganà dhu, ìnzĩ ní yà atdíkpá àlě kí'ì nyi màna òná kàsuni ð tí.

¹⁹Pbànĩnzó, ma mí àpbè àbà okúku dò rò tdiídò, àdhàdhì ndũgu rí tsibhále náarí àpbè àbà dhu bhěyi, ràrà àhu Krístò rãrà ngari àbà afiku ò dhu ò.

²⁰Ma màmbènà òzèna dhu ní, mi'ì atdíkpá nyi màna kòmbí, madù òte nyi màna vurò tũdú na. Obhó tí, ma muni nzá àdhu mà ònzi ma mádù okúku dò rò dhu.

Hàgarì mà Sàrà nà rītèna óyš ungbòta-tidò

(Opt 21.1-12; È`br 12.18-24)

²¹Nyùnɔ pé dhu idù, nyí yà Músà bhà Uyátá-tsìnǎ nyí nyózè nyòkò rò, nyí nyírì tí inzà ndi Uyátá arúnɔna dhu?

²²Ka kándí dhu, kati: Àbràhamù í'í kpabhínzo nà ɔyɔ. Atdí ingba nugu kà tò ní'í kabhà inɔ-ayi, Hàgarì, ndirò ngàtsi ingba nugu kà tò ní'í Sàrà, yà inzi ní inɔ-ayi.

²³Wò ndi inɔ-ayi bhà ingba ka kugu àdhàdhì kóró ngùkpà ale nugu ka karí dhu bhèyi, pbétù wò inzi ní inɔ-ayi bhà-tsi ka kugu àdhàdhì yà Kàgàwà anzi làkà-otù ɔ.

²⁴Wòrí dhu-tì rí'í inè: kòkò ɔyɔ vèbhále nítè dhu ní ɔyɔ ungbòta-tidò. Wemberè tó ungbòta, yà Sìnayì tó pbìrì dɔ rò ndi nanzì, nítè ní Hàgarì. Ndi ungbòta-nyutsi rò arúvò nzónzo ní inɔ.

²⁵Ndirò Hàgarì ní Sìnayì tí kátina Pbàarabhù-bvǔ pbìrì. Ndirò, kòfò ndi yà kòmbí arí'í Yèrùsàlemà tó kigò, yà inɔ tí arí'í pbìndà inzo mànà nà.

²⁶Pbétù, yà òrù-akpà ò arí'í Yèrùsàlemà tó kigò rí'í dòná nditírò, ndirò ka ní ndi àlě tsánà.

²⁷Obhó tí, Ìlǎ Andítá rätina: «Ábhǔ idhènu rika ndi, inyi ingò-ayí, inzi nyi nyarí nyugu rò,

òvì dhèdhe tó ìkǔ, inyi, inzà nyi nyapèna uguta tó àpbè inè rò. Obhó tí, yà kpatsibhále ubhà tsibhále, ní'íya inzo nà abhò nyú, ròsè yà kpatsibhále nà arí'í tsibhále dònǎ !»

²⁸Nyí mà àbanǎzó, nyí ní yà Kàgàwà bhà làkà-otù ɔ ka kugu inzo, àdhàdhì Ìsakà ka kugu dhu bhèyi.

²⁹Pbétù angyi, yà kóró ngùkpà ale nugu ka karí dhu bhèyi ka kugu ngbángba náavù yà Kàgàwà bhà Ìlǎ-Alafí bhà ɔbi nǎ ka kugu ngbángba-rɔ. Ndirò ndi dhu rí'í inè ndi ndi ndònzì ndi dhu bhèyi tí kòmbí mǎtí ró.

³⁰Ní, Ìlǎ Andítá rí àdhu ùnɔ? Kà rätina: «Ódì wò inɔ-ayi mà idhùnà mànà. Obhó tí, inɔ-ayi t'ídhùnà mà rí nzi àdù òko àbayà bhà dhu-tsi-kàmǎ tí atdíkpá, yà inzi ní inɔ-ayi t'ídhùnà mànà .»

³¹Ní ndi dhu bhèyi tí àbanǎzó, àlě ní nzi inɔ-ayi bhà inzo, pbétù àlě ní yà inzi ní inɔ-ayi bhà inzo.

Gàlätiyà 5

Krístò-nyutsi ìndrǔ rí'í dòná nditírò dhu

(Gàl 2.3-5; 3.1-7,12)

¹Krístò núuwù àlě inɔ-kàsǔ ɔ rò, ndínǎ àlě kǐ'í tí àlě dɔ àlětírò dòtsí. Nírò, nyìkò dòtsí. Àpé nyàbhù nyí kitsu nyí tǎítǎ inɔ-kàsǔ tó kòmà ò.

²Nyírì dhu! Ima Pòlò ma mòzè munò dhu fùkù matì, nyí nyapé nyòzè kòbhòlò ɔnzìkú nga, ndínǎ Kàgàwà a'u tí nyí, ní Krístò anzi fùkù dhu rí'í mbǎ atdí mǎgàsù nà mǎtí.

³Ima, ma mí dhu ùnɔ tǎítǎ kpangba: ingbàtì ìlì ndi ale mà náapé ndòzè ndàbhù ɔnzìná nga kòbhòlò, náká ndifu Uyátá kóró.

⁴Nyĩ nyapé nyòzè kozè nyĩ obhónángatále tí Kàgàwà-ònzĩ Uyatá t'ífuta-otù ǒ, ní nyĩ nyìndà wà nyĩ itse Krístò rǒ rò, nyàdù Kàgàwà àmbènà ònzina fùkù ídzìnga ìwi.

⁵Pbétù mà'í na, mà módona atdyúka nyú nà dhu ní, Kàgàwà nóozúya mà obhónángatále tí a'uta-otù ǒ dhu. Ndi dhu ní ndi mà módona Ìlílà-Alafí bhà ádrùngbànga tó obi nǐ.

⁶Obhó tí, Yèsù Krístò mànà ì nùngbò ale tò, ale-ònzìnga òbhòlo ka kí dhu mà, ndirò ìnzì ka kí kòbhòlo dhu mànà nónzì nzá atdí dhu mà. Àkākā dhu ní, ka'ù Yèsù Krístò, kadù ndi a'uta nítè ale òzè ka kí dhu-otù ǒ.

⁷Nyĩ, nyĩ nyi'ì mběyi nyú nyĩ nyówu angyi fùkù a'uta ǒ ró! Ní, ádhi ndi tsùku nútò ìnzì nyífu obhó dhu?

⁸Wò tsùku ùtò rí dhu nírà nzá yà nyũnzi rí Kàgàwà bhà rò.

⁹Ákě afí-ngba náarí ndi ábhǒ idyi nyú nábhǔ ràmǒ.

¹⁰Pbétù, Ádrùngbàle Yèsù àbhu ma mi'ì a'uta nà ùkù: nyĩ nyí nzì vurò dhu ìrè yà ma mírèna dhu rǒ rò. Pbétù, wò nzínziku ònga òngbò arí ale dǒ Kàgàwà rǐ pé anya òtdì, ìmbà ì'ina àdhi pbá ale màtí.

¹¹Pbàkà ǒ àbanǐnzó, dhu apé ì'ì ìnè ma marí'ì dhu òvò ma marí ìndrǔ tò, ale-ònzìnga òbhòlo ka kí dhu dǒ dhu tí, ní ádhu-okú dò rò nga ndi ka kádù òko kambe àvu dǒ rùdú nǐ? Ndi dhu bhěyi kì'ì rò, atdí ale mà rǐ'ì mbà ì'ì, yà Yèsù Krístò ka kutó mùsàlabhà dǒ dhu rǎdù àbhunà ròtsù nzérenga ò.

¹²I kǒkò nzínziku ònga òngbò arí ale, nákanà 'itò kpabhále-òbì ròyá rò.

¹³Obhó tí àbanǐnzó, Kàgàwà núunzi nyĩ, ndinǐ nyĩ nyoko tí dùkú nyĩ-tírò. Nírò, nyĩ nyàkà nzá nyídyì wò dùkú nyĩ nyarí'ì nyĩ-tírò dhu, rǐ'ì rusà ùfà rí fùkù, nyònzì yà ngbòku rǐ atdyúya òho dhu dhu tí. Pbétù nyĩ nyàkà nyòwù dzànàku ònzì rǒ nzínziku ǒ àzè ǒ.

¹⁴Obhó tí, Músà bhà kóró Uyatá ka kándu yàrì atdí Uyatá ò. Ndi Uyatá rǎtina: «Nyĩ nyàkà nyozè òdhinu yà nyi nyú nyi nyózè nyi nyi-tírò dhu bhěyi.»

¹⁵Pbétù, dhu apé ì'ì nyĩ nyarí nyùkà, nyàdù àmbe nyà'à dǒ irí ǒ ìzà bhěyi dhu tí, ní nyàndà nga mběyi, ìnzì nyòtdí tí tsèku nzínziku ǒ.

Ìlílà-Alafí nákà ndi ndùndà ìndrǔ dhu

¹⁶Nírò, ma mí dhu ùnò fùkù, mati: nyĩ nyàkà nyùbhà Kàgàwà bhà Ìlílà-Alafí rùndà nyĩ. Ndi dhu bhěyi ní ndi, nyĩ nyí nzì àdù yà ngbòku rǐ atdyúya òho dhu àbhu rùndà nyĩ.

¹⁷Obhó tí, ale-ngbò rǐ atdyúya òho dhu mà náarí 'àgò Ìlílà-Alafí rǐ atdyúya òho dhu nà. Ndirò, Ìlílà-Alafí rǐ atdyúya òho dhu mà náarí 'àgò ale-ngbò rǐ atdyúya òho dhu nà. Kǒkòrì óyǒ dhu náarí 'àgò, ndi dhu rǎdù nyàbhu ìnzì nyònzì yà nyĩ nyòzè nyònzì dhu.

¹⁸Pbétù, dhu apé ì'ì Ìlílà-Alafí arí nyũnda dhu tí, ní nyĩ nyí nzì àdù òko tǎtdǒ Uyatá-tsìnà.

¹⁹Alɛ-ngbò arábhũna kɔnzì dhu núni wà ì kɔngba. I dhu ní: m̀nỳǹni, Kàgàwà-nyìkpó ð ka kótì dhu, alɛ-ngbò rĩ atdyúna òho dhu rĩ ale ùnda dhu,

²⁰s̀anam̀-̀onzi ka kí ale ùkð dhu, adhi òwè ka kí dhu, òmvũ tí ka kóko dhu, anya t'ónzita, adha tó alɛ-afí, akótá, agòta, ìndrũ-̀ngga rĩ nd̀nd̀o dhu, alɛ-tì t'áfàta,

²¹ngãtsi alɛ-fó rí'ì dhu-atdyú t'óhota, iwa òri ka kí dhu, ònyù ònyu ka kí ɔ̀bina ròsè dhu, ndirò ngũkpà dhu-tsí kòrí dhu nà ì nófò mànà. Ní, ma mí dhu òvo fũkù t̀d̀t̀d̀ ò dhàdhì yà angyi ma m̀v̀ò ka dhu bhèyi mati, kòrí dhu ònzi arí ale, náabáya nzì ngari òr̀-akpà ð Ádr̀ngbã kamà Kàgàwà bhà Idzi ð.

²²Pbétù, Ìlìlã-Alafí arí ì'̀ona itse ní: àzè, dhèdhe, màr̀ngà, dhu-dzi t'òndùta, ídzìnga, ìndrũ dz̀nà t'ónzita, ìndrũ rí'ì a'uta nà ale ò dhu,

²³iỳngga, ìnzì ka kí ale itsũ akye atdí dhu ò dhu. Músà bhà Uyatá násà nzá kòkò dhu!

²⁴Ní, Krístò Yèsù bhà ale nútò wà fiyó alɛ-ngbò tó ófò mà, yà ì nutsi kóró nzére dhu-atdyú t'óhota tó imbi mànà mùsàlabhà dð.

²⁵Ní, dhu apé ì'ì Ìlìlã-Alafí bhà ɔ̀bi nĩ àlè karóko dhu tí, ní àlè kàkã àlè r̀bhi átò Ìlìlã-Alafí rĩ àlè ùnda ònà otu ð.

²⁶Àlè kàkã nzá àlè ròyò àlè, àlè kàkã nzá àlè r̀nzì àlè r̀sã, ndirò àlè kàkã nzá àlè r̀nzì àlè-adhà.

Gàl̀tiyà 6

Ìndrũ àkã '̀nzì dz̀nàya nzìnzìya ð dhu

(Ròm 12.1-11; 2Kò 9.6; È`br 6.10-12)

¹Àbanĩzó, dhu apé ì'ì atdí ale nába ndì atdí afátá nà dhu tí, ní nyĩ, yà Kàgàwà bhà Ìlìlã-Alafí arí nyũnda rò, nyĩ nyàkã nyàdu ndì ale ídzi otu ð yorowà tó afiku nà. Ndirò, nyĩ nyàkã nyòdò nyĩ nyĩ-tírò, akye nyĩ nyad̀na òtsù átò pfòmvò rĩ afiku ùmvũ dhu ò ní.

²Nyòngò dz̀nàkũ ònzì nzìnzìkũ ð, nyànò fũkú ànò. Ndi dhu bhèyi ní ndi, nyĩ nyádũ Krístò bhà Uyatá nífu.

³Atdí ale mà náapé ndòzè nditírò dhu tí, àzèmbè mbã ndì ndí'ì dhu tí rórò, ní ndi ale ní nditírò rí ndùtrã ale.

⁴Ìngbàtí ìli ndì ale mà nákã ndàndà kàsũna nditírò. Ndirò, kápé ì'ì idhèna rĩ ndikã okúna dò rò dhu nà, ní kã-dhè àkã ndika ndì kàsũna-bvũ nyú rð, ìnzì ní ndùdhe ndì ngãtsi ale rð.

⁵Obhó tí, ìngbàtí ìli ndì ale mà náanóya pbìndà ànò nditírò.

⁶Ídzi Màkũr̀ ka kùdhe fĩndà ale nákã ndàrà ndì ndòngyè kóró pbìndà ongyéngá-̀ngga ùndò rð yà ndi dhu nùdhe fĩndà ale mànà.

⁷Ìnzì nyùtrã nyĩ nyĩ-tírò: Ìnzì Kàgàwà arí ndùbha kikipà ndì nà! Yà ndì ndòzòna dhu-tidò ní ndi ndi ale ad̀ya ògùnà inga ð rò.

⁸Ngbõna ózè dhu tó ófò ǒ rí dhu òzò ale nóoguya ní ndi ale-ngbò tó ófò ǒ ndi ndí'ǒ itse: ndi itse ní ɔve. Pbétù, Ìlǎ-Alafí ózè ka dhu bhěyi rí dhu òzò ale nóoguya ní ndi Ìlǎ-Alafí rí'ǒna itse: ndi itse ní dhòdhódhóngá tó ípìrǒnga.

⁹Àpé kìngyě àlě ídzìnga t'ónzita nǐ. Obhó tí, kàsùmì rākā nínganí, àlě koguya àlě tó itse inzà àlǎfí ìngyě ndi kasu rǒrò nǐ.

¹⁰Nírò, òko àlě kòko kàsùmì nà ró, dhu àkǎ àlě rònzì ídzìnga kóró ale tò. Ròsè dòtsí, àlě kākǎ àlě rònzì ka a'uta ǒ arí'ì àlě t'ádóna tò.

Bhàruwà rǐku dòná rò dhu t'óvota mà, ovita mànà

(Fíl 3.2-11)

¹¹Nyàndà pé ìngbà dhu bhěyi màtí ma màndí bhàruwà ɔtsúdu nyú nǐ fǔkù, ádròdrò nyìkpóya nà andítá nyú nǐ dhu!

¹²Kóró kòrí ale, kǒkò nyǔtǔ arí kòbhòlò ɔnzìkú nga ale, ní ì ì nózè 'ìtè ì ale-ngbò tó ófò ǒ rí ndònzì dhu ǒ ale. Pbétù, abádhí arí dhu ònzì ndi dhu bhěyi tí, ndínǐ ìnzì ka kavù tí ròyá Krístò bhà mùsàlabhà-okú dò rò.

¹³Ì ale, kǒkò ɔnzìyá nga ka kòbhòlò ale, náarí nzǐ Músà bhà Úyátá nífǔ ì nyú tírò. Pbétù abádhí ózè dhu ní, kòbhòlò ɔnzìkú nga, ndínǐ ì ambè tí 'òyò dǒ, ì rǎrǐ ndi ì útá nyǐ nyǐ'ì wò ndi ize nà rùkú.

¹⁴Ní, imá na ní ndi, ma mòzè nzá midzǐ ma, inzà ní àlě tó Ádrùngbǎle Yèsù Krístò bhà mùsàlabhà-okú dò rò tí ma midzǐ ma rò. Obhó tí, wò ndi mùsàlabhà-otù ǒ ní ndi, ma mòzè yà adzi àdhàdhì iwà òvè dhu tí, ndirò yà adzi ràdè mòzè átò iwà ma mòvè dhu tí.

¹⁵Ìndrù-ònzìnga òbhòlò ka kí dhu mà, ìnzì ka kí kòbhòlò dhu mànà, nónzì nzá atdí dhu mà. Àkākǎ atdíǒ dhu ní Kàgàwà rìbhò ípìrǒnga-ɔwútá àlě tò.

¹⁶Ndirò kóró ale, yà ma múdhèna dhu ìfǔ arí fìyó ípìrǒnga ǒ, ndirò Pbàìsràyélí Kàgàwà bhà ale mànà tò ma mátina, Kàgàwà bhà màrùngà mà, Kàbhà ídzìnga mànà rākǎ ì'ì abádhí dǒ kóró.

¹⁷Nírò kòmbí, atdí ale mà náká nzá ndàva tsìdu tdítǒ. Obhó tí, yà ma mí'ì nà rùdú otú-bhu ní, Yèsù-okú dò rò ma mábà.

¹⁸Àbanǐnzó, àlě tó Ádrùngbǎle Yèsù Krístò bhà ídzìnga àkǎ ndi'ì nyǐ nà. Àmìnà.

Ěfesò

Ěfesò 1

Polò rĭ Ěfesò tó kigò ǒ pbàkrístò nóvì dhu

(Kas 18.19-21; 19.1-7; 20.17)

¹Yàrí bhàruwà nàndí ní ima Polò, yà Kàgàwà nyú azè rĭ'ì Yèsù Krístò bhà uvitatále tí ale. Ma màndí dhu yà Ěfesò tó kigò ǒ aróko Kàgàwà bhà ale, yà Yèsù Krístò mànà ì úngbò ì nĭ fĭyó ungbòta ǒ ìkò pòtsó ale tò.

²Àlě t'Ábanà Kàgàwà mà, àlě tó Ádrùngbàle Yèsù Krístò mànà nákă 'àso nyĭ, 'àdù nyàbhu nyòkò màrùngà ǒ afĭku ò.

Krístò-otù ǒ Kàgàwà rǒnzina pbìndà ale tò ìdzìnga

(Ròm 8.15-17,28-30; 2Tè` 2.13-14; 2Tì 1.9-10)

³Dhu àkă àlě rilè Kàgàwà, àlě tó Ádrùngbàle Yèsù Krístò t'Ábanà! Ka ní ndí àlě'ì náso òrù-akpà ò rò ìrà ale-afí tó kóró asota-tidò nĭ, Krístò mànà àlě kúngbò àlě dhu-otù ǒ.

⁴Inzá ndì ndàpè yà adzi ònzi rórò, Kàgàwà náavò àlě, àlě rĭ'ì pbìndà ale tí Krístò-nyutsì. Kǎnzì ndì dhu ndínĭ àlě koko tí ìlĭlă ale tí ònzíná, ndirò ìmbă nzére dhu tí ka kózùna ònzíná dhu rĭ'ì nyuyatsì ale tí, ndì ndóze àlě dhu-okú dò rò.

⁵Kàgàwà náapì àlě mùhàngú ò rò, àlě rĭ'ì pbìndà inzo tí Yèsù Krístò-otù ǒ. Kǎnzì dhu ndì dhu bhěyi àdhàdhì ndì nyú ndì ndóze ka dhu bhěyi.

⁶Nírò, àlě kākă àlě rilè Kàgàwà yà àlě tò kĭbho pbìndà ìdzìnga tó ádrùngbànga-okú dò rò. Kĭbho ka tíròrò, yà atdíđò ndì ndazè Idhùnà-otù ǒ.

⁷Krístò-azù-otù ǒ, Kàgàwà núukòlo àlě'ì nzére dhu ǒ rò, ndàdù àlě tó nzérenga núbà àlě tò. Ndi dhu bhěyi ní ndì, Kàgàwà nítè pbìndà ìdzìnga tó ábhǒnga àlě tò,

⁸ndìbhò dhu-ǒnga t'òvòta mà, àkākă inga t'únita mànà àlě tò.

⁹Kǎbhù àlě rùnì òdhǔ ò ndì ndudhé dhu. Ndi dhu kǔdhé angyangyi pbìndà ìdzìnga ǒ ndì ndònzĭya tí Krístò-otù ǒ.

¹⁰Ndi Kàgàwà udhé dhu ní, yà ndì ndakò kàsùmì ǒ, ndì rārĭ yà ndì ndabhòlò kóró dhu-tsí, kākă òrù-akpà ò arĭ'ì mà, yà adzi ǒ arĭ'ì mànà-tsù núndǔ, Krístò rònyè idzi dòyá.

¹¹Ndirò Krístò-nyutsì, Kàgàwà níibho wà yà ndì ndudhé mà moko tí kàmăna tí dhu fākă, ndòvò mà angyangyi yà ndì nyú ndì ndudhé ka dhu bhěyi. Kǎnzì kóró ì dhu, àdhàdhì ndì ndudhé ka ndirò ndì ndazè ka dhu bhěyi.

¹²Nírò, yà wemberè t'ále tí mà mi'ì Krístò dǒ atdyúya níli ale tí rò, mà màkă mìlè Kàgàwà bhà ádrùngbànga tó awáwù.

¹³Nyĭ mà átò, nyĭ nyitdègu obhǒnga tó màkǔrù ìri, ní nyĭ nyadù Krístò ná'ù. Ndi màkǔrù ní Kàgàwà bhà Ídzì Màkǔrù yà ògù nibho fǔkù. Ndirò, Kàgàwà adù ìlĭlă-Alafí yà ndì ndakò fĭndá làkă níbhò fǔkù, rĭ'ì pbìndà ale tí nyĭ nyĭ'ì dòtsí dhu ìtè rĭ pbìndà ìze tí.

¹⁴Wò ndi Ìlilá-Alafí ní ndi rí dhu ìtè àlě rabáya ongyéngá , yà pbìndà ale tò Kàgàwà akò fìndá làkà ongyéngá nzínzì ǒ. Àlě kabáya ka Kàgàwà rí àlě'ì núwũ dòtsí nzérenga ǒ rò nínganí. Nírò, àlě kàkà àlě rilè Kàgàwà bhà ádrùngbǎnga tó awáwù.

Pɔ̀lò rí ndìtsò Èfèsò tó kígò ǒ pbàkrístò dǒ dhu

(Fìl 2.9-11; Kò l 1.3-6,9-13,18-19; 1Pé' 1.3-4)

¹⁵Kàgàwà ónzì dhu-okú dò rò ní ndi, yà ma mírìná nyí nyá'ù Ádrùngbǎle Yèsù tí dhu mà, nyí nyózè Kàgàwà bhà ale kóró tí dhu mànà rò,

¹⁶ma mǎrí nyírè pbàkà itsòta ǒ, ndirò ma mǎrí nzí mingyě òtsò àbhũ ma mí Kàgàwà tò okúku dò rò rò.

¹⁷Ma mí mitsò yà ádrùngbǎnga tó awáwù nà arí'ì àlě t'Ábanà, àlě tó Ádrùngbǎle Yèsù Krístò bhà Kàgàwà rǒ, ndíní dhu-ǒnga t'óvòta tó pbìndà Alafí nabhù tí fùkù. Ndi Alafí rí Kàgàwà ìtè fùkù, ndàdù àbhunà nyùni mbèyi nyú.

¹⁸Ma mí mitsò Kàgàwà rǒ, ndíní fùkú irèta-nyìkpó nungbe tí. Ndi dhu bhèyi ní ndi kúnzì nyí ndíní nyí nyuni tí yà nyí nyúli atdyúku dòyá dhu, nyàdù yà pbìndà ale tò kíli dhu-tsí tó ùyǎya ongyéngá núní.

¹⁹Ndirò, nyí nyí ìngbà dhu bhèyi màtí kàbhà ádrùngbǎnga tó ɔ̀bi náarí'ì ádrùngbǎ nyú àlě tò dhu núní, yà ka àlě ká'ù rò. Ndi pbìndà ádrùngbǎnga tó ɔ̀bi Kàgàwà ìtè ɔ̀bi nyú nà,

²⁰yà Krístò ndi ndabhù rìngbè ndi ɔ̀ve-bvù rò, ndàdù àbhunà ràdi pbìndà fangà dònǎ rò òrù-akpà ò ònǎ kàsùmì ǒ.

²¹Ányì nga ní ndi, Kàgàwà ìli Krístò kóró màlàyíká mà fìyó kámá mànà dǒ, yà ádrùngbǎnga tó ɔ̀bi nà arí'ì kóró ale dǒ, ndirò kóró ádròdrǒ pbàkámá dǒ. Ndirò Kàgàwà ìli ka kóró ɔ̀vo, yà ɔ̀vo ka kádù ɔ̀vòná kòmbí màtí, ndirò olù màtí ka kòvɔya dǒ.

²²Kàgàwà ábhũ wà Krístò ròbè kóró dhu-tsí-dò, ndàdù kíli rí'ì Kànìsà-dòtsirò tí.

²³Kànìsà ní Krístò-ngbò. Krístò arádi ngbùlùna nyú nà Kà-nyutsì, Kàgàwà ràdù àdi ngbùlùna nyú nà Krístò-nyutsì.

Èfèsò 2

Kàgàwà bhà ídzìnga-okú dò rò àlě kugù dhu

(Kò l 2.12-13; 3.1-3; Tít 3.3-8)

¹Angyi, nyí ní'ì iwà úve ale Kàgàwà-nyìkpó ǒ, fùkú afátá mà fùkú nzérenga mànà-okú dò rò.

²Nyí nyongónà òko ònǎ ófò náafò ndi yà adzi ǒ ale náaróko ònǎ ófò nà. Nyí nyifù awe ǒ aróko nzére-alafí ǒ ádrùngbǎle, yà kòmbí idzi nónyù kǎkà ìnzí arí Kàgàwà-tsù dhu ìri ale dǒ.

³Angyí, àlě'ì kóró, àlě kí'ì átò abádhí bhèyi. Àlě kongónà òko àdhàdhì yà àlě kí'ì nà ìndrù tó ófò rí atdyúya òho dhu bhèyi, àlě ràdù àmbe dhu ónzì dǒ àdhàdhì àlě-afí mà

àlě-ngbò mànà nózè ka dhu bhěyi. Ndi ófò ǒ àlě karóko dhu-okú dò rò, àlě'ì ní'ì iwà dhu ípfo ngùkpà ale bhěyi tí, ndíní Kàgàwà itdi tí àlě-ànyà pbìndà nàwí ǒ ale.

⁴Pbétù, Kàgàwà bhà izu náarí'ì ádrùngbà nyú ìndrù tò. Kòzè àlě atdíǒ.

⁵Yà àlě ki'ì iwà àlě kúve Kàgàwà-nyìkpó ǒ àlě tó afátá-okú dò rò ale rórò, kàbhù àlě, àlě rì'ì ípìrǒnga nà atdíkpá Krístò mànà. Ní Kàgàwà nígú nyí pbìndà ídzìnga ǒ.

⁶Yèsù Krístò mànà àlě kúngbò àlě dhu-otù ǒ, Kàgàwà ábhu àlě rùngbe àlě ɔve-bvù rò atdíkpá Krístò mànà, ndíní àlě konyuya tí idzi atdíkpá kà mànà òrù-akpà ǒ.

⁷Ndi àlě tò ndi ndanzì Yèsù Krístò-nyutsì ídzìnga-otù ǒ, kǎzè nditè idho rì ìndrù ùkǒ ní pbìndà ídzìnga tó ádrùngbànga olùnà rò rírà kóró ató ǒ.

⁸Obhó tí, nyí nyúgu Kàgàwà bhà ídzìnga-okú dò rò a'uta-otù ǒ. Wò ndi ògù náhu nzá nyí nyónzì dhu-okú dò rò, pbétù ka ní Kàgàwà bhà perè.

⁹Ínzì ní kàsùku-okú dò rò dhu ndi, akye atdí ale mà náarana àdi ndàmbe ndòyò dǒ ní.

¹⁰Obhó tí, àlě'ì ní Kàgàwà-òtsú-tsíró kasu, ndirò Yèsù Krístò mànà àlě kúngbò àlě dhu-otù ǒ, Kàgàwà anzi àlě ndíní àlě kongó tí ídzi dhu ònzì. Í idzi dhu ní yà angyangyi Kàhù nyià-tì, ndíní àlě kongó tí ònzìnà dhu.

Krístò-nyutsì ìndrù rǐ'ì atdí ale tí dhu

(Kò l 1.20-22; È`br 10.19-22; 1Pé` 2.4-7)

¹¹Nírò, nyirè pé ìngbà dhu bhěyi ale-tidò màtí nyí nyi'ì angyi dhu. Ɔnzìyànga ka kóbhòlò dhu-okú dò rò, Pbàyàhúdí arí nyàti inzá ka kóbhòlò ɔnzìyànga ale tí. Pbétù, abádhí aróte yà irinà rò ìndrù arónzina ròyá ize dǒ tí.

¹²Wò ndi kàsùmì ǒ, nyí nyuni nzá Krístò. Nyí nyi'ì olo tí Kàgàwà bhà ale, Pbàisràyélí nzínzì ǒ. Kàgàwà mà núungbò ì pbìndà ale mànà, ndàdù ndi ndonziya dhu tó làká nókò abádhí tò ndi ungbòta-nyutsì. Pbétù nyí nyi'ì olo tí ndi ungbòta ǒ. Nyí nyi'ì mbà yà adzi ǒ nyí nyádù òdòná nyí nyabá tí dhu nà, ndirò nyí nyuni nzá Kàgàwà.

¹³Pbétù kòmbí, yà Yèsù Krístò mànà nyí nyúngbò nyí dhu-otù ǒ, nyí, yà itse nyí nyi'ì angyi Kàgàwà ró rò rò, nyí nyí'ì ìkyèrò Kàgàwà-tí, yà ndi nufu okúku dò rò Krístò-azù-otù ǒ.

¹⁴Obhó tí, Krístò nyú nditírò ní ndi màrùngà nibho àlě tò. Kàbhù Pbàyàhúdí mà ìnzì ní Pbàyàhúdí mànà ròngò atdí pbìrì ǒ ale tí. Yà ndi ndabhù ndi nditírò ɔve tò dhu-otù ǒ, kùgolo wà abádhí nzínzì-ǒnga nutu, ndàbhù rì'ì òmvù tí imvù.

¹⁵Àbadhi núgolo Músà bhà Ɔyátá mà, ì Ɔyátá arávina ka kónzi tí dhu mà, kàròzèna kifù dhu mànà, ndíní ndi ndabhù tí kǒkò Pbàyàhúdí mà ìnzì ní Pbàyàhúdí mànà ròngò atdí pbìrì ǒ ale-ɔwútá tí, ndi mànà abádhí ungbò ì dhu-otù ǒ. Ndi dhu bhěyi ní ndi, Kìbho màrùngà abádhí nzínzì ǒ.

¹⁶Mùsàlabhà dǒ ndi ndòvè dhu-otù ǒ, Krístò náandu abádhí-tsù ròngò atdí ale-ngbò tí, ndàdù abádhí ungbò Kàgàwà nà. Ndi mùsàlabhà-otù ǒ, Kìtò abádhí nzínzì ǒ ì'ì òmvù.

¹⁷Krístò ira màrùngà tó Ídzì Mākūrù núnò, nyí ìnzì ní Pbàyàhúdì, yà itse nyí nyí'ì Kàgàwà rǒ rò tò, ndirò Pbàyàhúdì, yà íkyèrǒ i'ì Kà-tí tò.

¹⁸Obhó tí, Krístò-otù ǒ nga ní ndi, àlě'ì Pbàyàhúdì mà ìnzì ní Pbàyàhúdì mànà, àlě kádù òwu ùvò àlě t'Ábanà-ònzì yà atdí tí arí'ì Ìlìlǎ-Alafí-otù ǒ.

¹⁹Nirò kòmbí, nyí, ìnzì ní Pbàyàhúdì tírò, nyí ní nzì olo tdítǒ ndirò nyí ní nzì ìwǔ tí ìwǔ vurò ngari ǒ rò ale. Pbétù kòmbí, nyí nyóngò wà pbìrì ǒ ale nyú tí, atdíkpá Kàgàwà bhà ale mànà, ndirò nyí nyóngò wà atdí idza ǒ bhà tí Kàgàwà bhà ale mànà.

²⁰Àdhàdhì odu nǐ ka kòsì idza bhěyi, nyí mà átò, nyí ní idza ka kórù nǐ odu. Uvitatále mà pbànábí mànà ní ndi idza-pfò ka kórù nǐ odu, ndirò Yèsù Krístò nyú nditírò ní ndi idza-pbidò òdò rí ádrùngbǎ odu.

²¹Ndi Krístò ní ndi, idza ka kòsì nǐ odu nábhǔ arí rùpbǎ ì atdíkpá, ndi idza ràdù òtrò, rǎrà àhu Kàgàwà-nyìkpó ǒ ìlǎ Kàbhà idza, yà Kǎrádi ònà tí.

²²Krístò mànà nyí nyúngbò nyí dhu-otù ǒ, nyí, nyí nyúngbò wà nyí átò atdíkpá kórò ngǔkpá ale mànà, nyí'ì Kàgàwà arádi ònà ngari tí, Kàbhà Ìlìlǎ-Alafí-otù ǒ.

Èfèsò 3

Polò anzì ìnzì ní Pbàyàhúdì nzínzì ǒ kasu

(É`fè 1.9-10; Kò`l 1.24-29; 1Pé` 1.10-12)

¹Wò dhu-okú dò rò ní ndi, ima Polò, ma márì mitsò Kàgàwà rǒ dükú. Ma marí'ì imbi ǒ Yèsù Krístò tò ma márì kasu ònzì, mambe Ídzì Mākūrù núnò dǒ fǔkù nyí ìnzì ní Pbàyàhúdì tò dhu-okú dò rò.

²Obhó tí, nyí nyí'ì wà dhu mběyi nyú, pbìndà ídzìngà ǒ, Kàgàwà ríbhò wà fǔkù ma mádù ònzìnà kasu fudú.

³Kàgàwà itè ndi idù, ndínǐ ma muni tí yà òdhǔ ǒ arádi ndi ndudhé ndínǐ ndi ndonziya tí dhu. Ní ma mándì wà dhu ake tí fǔkù ndi dhu dǒ.

⁴Nyí nyapé ì andítá nózù, ní nyí nyádù ìngbà dhu bhěyi màtí ma muni Krístò dǒ dhu yà òdhǔ ǒ arádi nuni ùnǐ.

⁵Angyí, Kàgàwà níitè nzá wò ndi òdhǔ ǒ arádi dhu ìndrǔ tò. Pbétù kòmbí, kítè ka pbìndà ìlìlǎ uvitatále mà, pbìndà ìlìlǎ pbànábí mànà tò, pbìndà Ìlìlǎ-Alafí-otù ǒ.

⁶Ndirò, wò ndi òdhǔ ǒ arádi dhu-tì ní: Ídzì Mākūrù-otù ǒ, ìnzì ní Pbàyàhúdì mà rabáya Kàgàwà apì pbìndà ale tò asota atdíkpá Pbàyàhúdì mànà. Abádhí nóngò wà atdí ale-ngbò-rǒnga tí, ndirò abádhí nába wà yà Kàgàwà akò fìndá làká Yèsù Krístò-otù ǒ dhu-tsí átò.

⁷Kàgàwà ìli ma mi'ì Ídzì Mākūrù-kàsǔ t'ále tí, yà pbìndà ádrùngbǎnga tó ǒbi nǐ ndi ndíbhò idù pbìndà ídzìngà tó perè-otù ǒ.

⁸Ima ní ìmbǎ tǐna nà ale nyú Kàgàwà bhà ale nzínzì ǒ kórò. Pbétù, Kàgàwà bhà ídzìngà ní ndi ma nábhǔ mongò Krístò bhà asota nówò ìnzì ní Pbàyàhúdì tò. Ndi asota ní yà ìnzì fìndá ádrùngbǎnga rǐ ndùnǐ.

⁹Kìbhò ma mí ndì ndarí òdhw ò arádi dhu àbhũ rākă tí dhu òvò ma mí awáwù ǒ kóró ale tò nǐ ídzíngà átò idù. Ndi Kàgàwà, yà kóró dhu nanzì ale, náarù wò ndì ndì ndudhé dhu róngò àdì òdhw ò nyunatsì dhòdhóhonganà,

¹⁰ndíní kòmbí Kànìsà-otù ǒ, kóró màlàyíkà mà fiyó kámá mànà núuni tí dhu Kàgàwà rarí dhu-ǒngà òvò dhèdhèrò ǒfò ǒ.

¹¹Kàgàwà ábhũ ndì dhu rākă àlě tó Ádrùngbǎle Yèsù Krístò-otù ǒ, yà ròpè ndì mùhàngú ò rò ndì ndudhé ka dhu bhěyi.

¹²Yà Yèsù Krístò mànà àlě kúngbò àlě dhu-otù ǒ, ndirò ka àlě ká'ù dhu-otù ǒ, àlě kábà wà ìmbǎ àlě-tsù ùtò rí dhu rǐ'ì rórò àlě kádù òwu ùvò Kàgàwà-ònzí a'uta nyú nà ònà otu.

¹³Nírò, ma mìtdè nyí ìtdè tí, àpé nyàbhũ afíku ríngyě ndì, yà okúku dò rò ma mábàna àpbè nǐ, ndì àpbè ní ndì ádrùngbǎngà tó awáwù nábhũ rí fùkù nídhuní.

Pòlò rǐ ndìtsò Èfesò tó kígò ǒ pbàkrístò dǒ dhu

¹⁴Wò dhu-okú dò rò ní ndì, ma mòkò ma ɔtdyèdu dǒ Àba Kàgàwà-ònzí.

¹⁵Àbadhi ní ndì kóró rùgànda-tsù yà òrù-akpà ò arí'ì mà, yà adzi dǒ arí'ì mànà t'Ábanà, yà abádhí dǒ arí ɔvò ùvǒ ale.

¹⁶Ma mí mìtsò Kàgàwà rǒ, ndíní nyí nirá tí nyukutsì nǎ rò pbìndà Hìlǎ-Alafí tó ádrùngbǎngà tó ɔbi nǐ, pbìndà ádrùngbǎngà tó awáwù tó ábhǒngà-bvu rǒ.

¹⁷Ma mí mìtsò, ndíní Krístò ongó tí àdì afíku ò a'uta-otù ǒ. Ma mí mìtsò átò, ndíní nyí nyí'ì tí ivéya ódì ì, 'àdù ìko àzè dǒ ale tí.

¹⁸Ndi dhu bhěyi ní ndì, nyí, yà atdíkpá nyí nyí'ì mànà Kàgàwà bhà ngǔkpà ale mànà, nyí nyádù Krístò bhà àzè tó íhǔngà mà, kà tó ádzíngà mà, kà tó ádzíngà ràrà ɔrù mà, kà tó ádzíngà ròfò obvò mà núni.

¹⁹Ma mí mìtsò, ndíní nyǔni tí Krístò bhà àzè, yà kóró ale tó inga t'únita dònǎ ósè àzè. Ndirò ma mí mìtsò ndíní Kàgàwà bhà dhu tí arí'ì kóró dhu ní'ì tí fùkú dhu tí átò.

²⁰Kàgàwà arí kasu ònzì àlě-nyutsì pbìndà ádrùngbǎngà tó ɔbi nǐ. Ndirò Kà-fó àlě kònzì dhu rò, Kà rǐ'ì ìnè ndònzì ka abhò nyú ròsè. Obhó tí, Kàbhà ádrùngbǎngà tó ɔbi nòsè wà àlě kádù ìrènà kóró dhu dònǎ.

²¹Dhu àkă àlě rìlè Kàgàwà Kànìsà ǒ, ndirò Yèsù Krístò-nyutsì, kóró rùgànda ǒ, ndirò dhòdhóhonganà. Àminà.

Èfesò 4

Atdí ale-ngbò tí ka kí'ì Krístò-nyutsì dhu

(Ròm 12.4-8; 1Kò 12.4-31; Kò Ì 3.12-14)

¹Nírò ima, yà imbitále tí ma mí'ì, Ádrùngbǎle-kàsù ònzì ma mǎrì dhu-okú dò rò rò, ma mìtdè nyí ìtdè tí, nyí, yà Kàgàwà únzì nyí rò, nyí nyàkă nyòkò ndì anzita nà àkă ǒfò ǒ.

- ²Nyĩ nyākă nyĩ'ì yorowà t'ále tí atdíđ, ìyò aróko ale tí, ndirò dhu-dzi òndù arí ale tí. Nyĩ nyākă nyòndù dziku nzínziku ǒ àzè ǒ.
- ³Nyĩ nyākă nyònzì obi atdíđ, nyòdò yà Ìlǎ-Alafí ábhu fùkù màrùngà-otù ǒ atdíngà.
- ⁴Obhó tí, ale-ngbò rǐ'ì atdí tí, ndirò Ìlǎ-Alafí rǐ'ì atdí tí. Ndi dhu bhěyi tí, Kàgàwà únzì nyĩ fíndà ndínì nyĩ nyabá tí dhu rǐ'ì atdí tí.
- ⁵Ádrùngbàle rǐ'ì atdí tí, a'uta rǐ'ì atdí tí, bàtizò rǐ'ì atdí tí,
- ⁶Kàgàwà rǐ'ì atdí tí. Ka ní kóró ale t'Ábanà. Kǒnyù idzi kóró ale dǒ, Kǎrí kasu ònzì kóró ale-otù ǒ, ndirò Kǎrádi kóró ale-nyutsì.
- ⁷Pbétù ìngbàtí ìli ndì ale mà àlě nzínzì ǒ náabà àkākă perè, àdhàdhì yà Krístò náabhù ka fíndà òná mùgèrè ǒ.
- ⁸Ìlǎ Andítá rătina: «Kĩtdègu ùpo orù, ní kǔgu imbi ò ka kúsò ale ndàrà nà fóná, ndirò kǔbhò perè ìndrù tò .»
- ⁹Nírò, yàrí ɔte: «kǔpò orù-tì» ní àdhu? Kà-tì ní, kà rifo pé angyi yà adzi dǒ, ndàdù òtsù kà-tsi nyú.
- ¹⁰Wò ndi ìfífo ale ní ndi wò ùpǔpò orù nyú, ròsè orù-akpà dònǎ, ndínì ndi ndonyu tí idzi yà adzi mà orù-akpà mànà dǒ.
- ¹¹Àbadhi ní ndi àkākă perè nubhò ìndrù tò. Atdídhená ale tò kǎbhù ní uvitatále tí i ale rǐ'ì nǐ perè, ngǔkpà ale tò kǎbhù ní pbànábí tí i ale rǐ'ì nǐ perè. Ngǔkpà ale-tsi tò kǎbhù ní Ídzi Màkǔrù t'únɔtatále tí i ale rǐ'ì nǐ perè, ndirò ngǔkpà ale tò kǎbhù ní Kàgàwà bhà ale t'úndatatále mà màlímó mànà tí abádhí rǐ'ì nǐ perè.
- ¹²Àbadhi náanzì dhu ndi dhu bhěyi, ndínì Kàgàwà bhà ale-nyitì nohú tí angyangyi Kàgàwà bhà kasu tò. Kǎnzì ndi dhu, ndínì Krístò-ngbò nɔsí tí.
- ¹³Ndi dhu bhěyi ní ndi, àlě'ì kóró àlě kádù àlě òtù atdíngà ǒ àlě tó a'uta-otù ǒ, àlě ràdù Kàgàwà t'Ídhùnà ùni atdíđ. Ndirò, àlě kádù ò'ò a'uta ǒ, àlě ròwù ùvò Krístò bhà àkākă ófò tó mùgèrè nyú ǒ.
- ¹⁴Ní, àlě kí nzì òko tdítđ nzónzo tó ófò ǒ, yà ìndrù ùtrǎ rí fiyó utrátá tó màgèzì nǐ rùwí atdídhená ale rǔdhèna dhu ràmbe àlě ùmbà dǒ akye.
- ¹⁵Pbétù, àlě kapé àmbe obhó dhu núnò dǒ ìndrù tò àzè ǒ, ní àlě kádù ò'ò kóró dhu ǒ, ràrà àhu yà àlě-do tí arí'ì Krístò bhà ófò ò àlě kówu ùvò dhu ò.
- ¹⁶Kòtù ǒ nga ní ndi, ale-ngbò-rǒngá-nzo kóró nǔpbǎ ì 'òkò atdíkpá 'ìdzò, yà ì únzì ì dhu bhěyi. Ní, ìngbàtí ìli ndì ale-ngbò-rǒngá-ngba mà náapé kàsùna ònzì àkākă dhu bhěyi, ní ale-ngbò kóró ràdù òvi, ndàdù àmbe ndòsì dǒ nditirò àzè ǒ.

Ípìrǒngà-ɔwútá nà pbàkrístò rǐ'ì Krístò-nyutsì dhu

(Gál 5.16-25; Kò l 3.1-13; 1Yù 3.16-18; 4.7-11)

- ¹⁷Nírò, ma mí dhu òvò fùkù atdyúdu nyú nà àlě tó Ádrùngbàle-ɔvò rǒ: nyĩ nyākă nzá nyòkò tdítđ ìnzá Kàgàwà núnì ale bhěyi. I ale ní kākà kòkórònga tó fiyó irèta dǒ tí aríko ale,

¹⁸ndirò, abádhí tó irèta náarí nzǐ dhu àlǔ. I ale rǐ'ì mbǎ yà Kàgàwà aríbhona ípìrǒnga nà nyuyatsì, abádhí ùni nzá atdí dhu mà, ndirò abádhí ní dòya ídzò ale dhu-okú dò rò.

¹⁹Abádhí-nyì náarí nzǐ iwu akekpa màtí, ndirò abádhí ádzi wà ì 'àmbe nzére dhu ònzì dǒ, 'àdù àmbe Kàgàwà-nyìkpó ǒ ótí dhu ònzì dǒ, ìmbǎ tsùya ùtò rí atdí dhu mà rǐ'ì rórò.

²⁰Pbétù, ìnzǐ ní wò dhu bhèyi nga ndì ka kúdhe dhu fùkù Krístò-okú dò rò nǐ!

²¹Obhó tí, nyǐ nyǐrì wà kà dǒ màkùrù. Ní ka kúdhe wà Yèsù-nyutsì arí'ì obhónga fùkù.

²²Nírò, nyǐ nyàkǎ nyǎwà wò angyi nyǐ nyǐ'ì nà fùkù ófò itse nyú, wò angyi nyǐ nyǐ'ì nà ófò-ayí, wò nyǎnda arí nyǒwù igi, ndàdù nyǐtsu ìndrù àbhǔ rí rìnza ì utrátá tó dhu-atdyú ò.

²³Dhu àkǎ nyǔgèrè nyǐ dòtsí, nyǒngò ìndrù-òwútá tí afíku ònǎ rò, ndirò fùkù irèta ònǎ rò.

²⁴Nyǐ nyàkǎ nyǐ'ì ɔwútána tó ófò nà. Ndi ófò ní yà Kàgàwà bhà woyò rǒ ka kanzì ófò. Obhónga ní ndì ófò-òwútá ùnda rí, ritè obhónanga tó ípìrǒnga, ndirò Kàgàwà-nyìkpó ǒ ìlǎ ípìrǒnga.

²⁵Ní ndì dhu-okú dò rò, nyǔbhà tìtò t'únɔta! Ìngbàtí ìli ndì ale mà nákǎ ndùnò obhó dhu ɔdhinà tò, àlǔ'ì kóró, àlǔ ní atdí ale-ngbò-rǒnga dhu-okú dò rò.

²⁶Dhu apé ì'ì nyǐ nyàkǒ dhu tí, ní nyǐ nyàkǎ nzá nyǒtsù nzérenga ò. Adyifò àkǎnà nzá ndàrà òtsù ngòmà ò, ìnzá afíku ò nàwí nàpè ìku rórò.

²⁷Nyǐ nyàkǎ nzá nyǔbhà ngari Pfòmvo Sitanì tò.

²⁸Ogbo ònzì rǒ úbhì ale, nákǎ nzá ndònzì ogbo tdítdǒ, pbétù, kàkǎ ndònzì kasu ɔtsúna nyú nǐ, ndínǐ ndì ndabá tí dhu ɔtdì ndì rǒyá ale-dzùná ònzì ndì ndádù nǐ dhu.

²⁹Nzére ɔte àkǎ nzá ndàhu liku ò rò, pbétù, nyǐ nyàkǎ nyǒwù ùnònà rǒ ní ídzì ɔte kèlǔ, yà ìndrù-dzùná ònzì rádù ndòsì ngǔkpà ale, ndàdù ídzìnga ìbhò yà ndì ɔte ìrì rí ale tò.

³⁰Nyǐ nyàkǎ nzá nyǎbhu izu rùka Kàgàwà bhà Ìlǐlǎ-Alafí. Obhó tí, Ìlǐlǎ-Alafí ní ize, yà nyukutsì Kàgàwà ìli, ndínǐ ongó tí dhu ìtè kprangba nyǐ rǎrǐ pbìndà ale, ràrà àhu Kàgàwà rǐ nyǔwǔ dòtsí nzére dhu ǒ rò ònǎ idho ò.

³¹Nyǐ nyàkǎ nzá nyǒdò rùkù ka kònzì nzére dhu afíku ò. Nyǐ nyàkǎ nzá ùkù nga rìwà ndì, ndirò nyǐ nyàkǎ nzá nyǒnzì nàwí. Nyǐ nyàkǎ nzá nyǎngburu nzínzìku ǒ, nyǐ nyàkǎ nzá nyǎnò dhu ìndrù nǐ, ndirò nyǐ nyàkǎ nyǒdò nyǐ kóró nzére dhu-tidò rǒ rò.

³²Nyǐ nyàkǎ nyǒnzì ídzìnga fùkù, nyǎdù ì'ì àzè nà nzínzìku ǒ. Nyǐ nyàkǎ nyǔbà dhu fùkù, àdhàdhì Kàgàwà núbà dhu fùkù Krístò-nyutsì dhu bhèyi.

Èfèsò 5

Awáwù ǒ ka kóko dhu

¹Nyǐ ní Kàgàwà bhà nzónzo, yà atdídǒ kǒzè ale. Ní, nyǐ nyàkǎ nyǒkò kàbhà ófò ǒ.

- ²Nyĩ nyàkã nyòzè nyĩ nzínzìkũ ǒ, àdhàdhì Krístò náazè àlě dhu bhěyi: Kǎzè àlě, ndàdù pbìndà ípìrǒngã àdzi ɔve tò àlě-okú dò rò, rĩ'ì perè tí ndirò rĩ'ì kázũ ǒ ka kòbì ìzǎ tó perè yà mběyi rǒngũ ndrùù, ràdù Kàgàwà-nyìkpó ǒfò tí.
- ³Nyĩ ní Kàgàwà bhà ale. Ní m̀nyòni t'ónzita mà, Kàgàwà-nyìkpó ǒ óti kóró dhu mà, ngǎtsi ale-fó rĩ'ì dhu-atdyú òho ka kí dhu mànà nákã nzá ndirò ndi nzínzìkũ ǒ.
- ⁴Ndirò, nzére ɔte nóte ka kí ìndrũ nĩ dhu mà, ìmbã t̃ya nà ɔte nóte ka kí dhu mà, ndirò nzére zèze mà, nákã nzá ndirò ndi nzínzìkũ ǒ. Pbétù àkákã dhu ní kadu ɔtsò Kàgàwà tò.
- ⁵Obhó tí, nyĩ nyàkã nyũni dhu ní: m̀nyòni ònzi arí ale mà, Kàgàwà-nyìkpó ǒ rí ìndrũ àbhũ ròti ngũkpà dhu ònzi arí ale mà, ndirò kóró dhu-atdyú òho arí rĩ'ì f̃indà tí ale mà ní rokoya n̄ atdí dhu-kàmã màtí Kàgàwà bhà, ndirò Krístò bhà Idzi ǒ. Obhó tí, kóró dhu-atdyú òho arí rĩ'ì f̃indà tí ale rĩ'ì àdhàdhì sànamù-ònzĩ arí ndùkũ ale bhěyi.
- ⁶Atdí ale mà nákã nzá ndùtrã nyĩ ìmbã t̃ya nà ɔte nĩ. Kòrí nzérenga-tidò-okú dò rò ní ndi, Kàgàwà arí kákã ìnzĩ arí tsùnã dhu ìri ale-ànyã n̄tdi pbìndà nàwí-lú nĩ.
- ⁷Nirò, nyĩ nyàkã nzá nyòwù nyĩrì r̃ò kòrí dhu bhěyi ale mànà.
- ⁸Angyi, nyĩ nyongónà òko ìnò ǒ, pbétù kòmbí, yà Ádrùngbãle mànà nyĩ nyúngbò nyĩ dhu-otù ǒ, nyĩ nyáróko awáwù ǒ. Ní nyĩ nyàkã nyòkò àdhàdhì awáwù ǒ nzónzo bhěyi.
- ⁹Obhó tí, awáwù aródhina itse ní dhèdhèrò ìdzìngã-tidò mà, obhónãnga mà, obhóngã mànà.
- ¹⁰Nyĩ nyàkã nyòwù obi ònzi r̃ò nyũni Ádrùngbãle-nyìkpó nófò ràdù dhu.
- ¹¹Nyĩ nyàkã nzá nyĩtsu nyĩ yà ìnzã nga nòfò ìnò tó m̀tsɔ ǒ, pbétù nyĩ nyàkã nyũpfò kà-dǒngã kpangba.
- ¹²Obhó tí, wò òdhũ ǒ ìndrũ r̃onzina dhu d̃ò ka kóte dhu náarí ale-nyĩ àbhũ rìwà.
- ¹³Pbétù, dòyã nga ka kũpfò kpangba kóró dhu ràdù 'àla yà i dhu nyú r̃'ì dhu bhěyi.
- ¹⁴Obhó tí, kóró dhu, yà awáwù ǒ rĩ'ì ní ràdù òngò awáwù tí. Ndi dhu-okú dò rò ní ndi, ka kátina yà dhu bhěyi: «Ívã nyi idho ǒ rò, wò òdhò nyi nyódhò rò!
Íngbè nyi, nyahu ɔve-bvù rò, ní, Krístò ràdù nyinú nga àwù.»
- ¹⁵Nyĩ nyàkã nyǎndà fùkú m̀tsɔ mběyi. Nyĩ nyàkã nzá nyòkò pbàdhómã bhěyi, pbétù nyĩ nyàkã nyòkò àdhàdhì dhu-òngã t'òvòta núnì ale bhěyi.
- ¹⁶Nyĩ nyàkã nyònzì kasũ mběyi yà nyĩ nyĩ'ì nà kòmbì kàsùmì ǒ, kàrí idho ní nzére idho nídhunĩ.
- ¹⁷Ndi dhu-okú dò rò, nyĩ nyàkã nzá nyĩ'ì pbàdhómã tí, pbétù nyĩ nyàkã nyũni Ádrùngbãle-afí òzè nyònzì dhu.
- ¹⁸Nyĩ nyàkã nzá nyòrì iwa nĩ, iwa òmvù ka kí korì nĩ dhu náarí ìndrũ bhà ípìrǒngã ìnzã nídhunĩ. Pbétù, nyĩ nyàkã nyábhu f̃lilã-Alafí rirã nyĩ.

¹⁹Nzínziku ǒ nyí nyóte rò, nyí nyàkǎ nyǔnò dhu ní Zàburì ò rò ráhu dhu, ndirò nyí nyàkǎ nyǔyù yà Hìlǎ-Alafí àbhu nyámbe ùyùnà dǒ adyi. Nyí nyàkǎ nyǔyù adyi mà Zàburì màna nyámbe Ádrùngbǎle nílè dǒ nǐ atdí afíkù nà.

²⁰Nyí nyàkǎ nyǒngò òtsò àbhu bìlìnganà Àba Kàgàwà tò kóró dhu-tsí dǒ, àlě tò Ádrùngbǎle Yēsù Krístò-ǒvò rǒ.

Vèbhále mà fìyó kpabhále màna àkǎ 'òkò nzínziya ǒ tí dhu

(Opt 2.21-24; Kò l 3.18-19; 1Pè 3.1-7)

²¹Nyí nyàkǎ nyǒngò tsàkú dhu ìrì nzínziku ǒ, Krístò nyí nyífu dhu-okú dò rò.

²²Nyí vèbhále, nyí nyàkǎ nyíri fùkú kpabhále-tsù dhu, Ádrùngbǎle Yēsù ózè dhu nyí nyònzì dhu tí.

²³Obhó tí, kpatsìbhále ní pbìndà tsìbhále-dò, àdhàdhì Krístò narí Kànìsà-dò dhu bhěyi. Ndirò Krístò nyú ndítirò ní Kànìsà tò Ògùba, ndi Kànìsà ràdù ì'ì kà-ngbò.

²⁴Vèbhále àkǎ 'ìrì fìyó kpabhále-tsù dhu kóró dhu ǒ màtí, àdhàdhì Kànìsà náarí Krístò-tsù dhu ìri dhu bhěyi.

²⁵Ndirò nyí kpabhále, nyí nyàkǎ nyòzè fùkú vèbhále àdhàdhì Krístò ózè Kànìsà, ndàdù pbìndà ípìrǒnga nyú àbhu ndítirò kà tò dhu bhěyi,

²⁶ndínì ndi ndu'ò tí ka idha nǐ ndirò òtēna nǐ rìlǎ Kàgàwà tò.

²⁷Kǎzè ka ndínì Kànìsà náara tí àhu Yēsù nyú ndítirò-ònzì ádrùngbǎnga tò awáwà ǒ, ìmbǎ atdí andrita nà màtí, ìmbǎ nyina rǒ mùsìngírì nà màtí, ndirò ìmbǎ atdí otsu nà màtí. Kǎzè ka rì'ì Kàgàwà-nyìkpó ǒ ìlǎ, ndirò ìmbǎ nzére dhu tí ka kózùna dhu rǐ'ì nyunatsì dhu tí.

²⁸Ndi dhu bhěyi tí, kpabhále àkǎ 'òzè fìyó vèbhále àdhàdhì ì ózè ngbǒya nyú ìtirò dhu bhěyi. Pbìndà tsìbhále nòzè ale nòzè wà ndi ndi nyú tírò.

²⁹Obhó tí, ngbǒna nyú òndrò rí ndítirò atdí ale mà rǐ'ì mbǎ. Pbétù kà rǐ kòngù, ndàdù òdòna mběyi, àdhàdhì Krístò náarónzina ngbǒna, Kànìsà rǒ dhu bhěyi,

³⁰àlě'ì ní kà-ngbò-rǒngá-nzo nídhunì.

³¹Hìlǎ Andítá ò ka kándì dhu kati: «Wò dhu-okú dò rò ní ndi, kpatsìbhále rǒngo àbanà mà íyànà màna núbhà, 'àdù 'ùngbò pbìndà tsìbhále nà, abádhí óyǒ rò kóró ràdù òngo atdí ale-ngbò tí .»

³²Wò ndi Andítá-nyutsì ndi nórù obhó dhu ní ádrùngbǎ dhu nyú. Pbétù ma mòtè doná dhu ní Krístò mà Kànìsà nà nàndà dhu.

³³Ní ndi dhu bhěyi tí, tíkù ònǎ rò átò, ìngbàtí ìli ndi kpatsìbhále mà nákǎ ndòzè pbìndà tsìbhále àdhàdhì yà ndi nyú ndi ndòzè ndi ndítirò dhu bhěyi. Ndirò, ìngbàtí ìli ndi tsìbhále mà, nákǎ ndífu pbìndà kpatsìbhále.

Èfèsò 6

Nzónzo mà ì nódhì ale màna nákǎ ì'ì nà nzínziya ǒ ìrita

(Uvt 27.16; Mbà 6.20; Kò l 3.20-21)

¹Nyí nzónzò, nyí nyàkă nyírì nyí nódhì ale-tsù dhu Ádrùngbăle Yësù nózè ka dhu bhëyi. Obhó tí, wòrí ní ndi inga nõfò dhu.

²«Dhu àkă nyifu àbanu mà íyànu màná.» Wòrí ní ndi idrè Uyátá nzínzi ò wemberè tò uyátá, yà Kàgàwà ísè yàrí làkà dòná, ndàti:

³«ndínì nyi nyonziya tí hirò, nyadù ábhò idho nyú nódhò yà adzi dõ .»

⁴Ndirò nyí nzónzo t'ábáná, nyí nyàkă nzá nyòwù fùkú nzónzo àbhu rǒ rākò. Pbétù, nyí nyàkă nyívi abádhí, nyámbe nzére dhu òsò dõ fíyò, nyadù òwu Ádrùngbăle Yësù ózè dhu nówò rǒ fíyò.

Ino tí arí'ì ale mà fíyò ádròdrò ale màná nákă ì'ì ná nzínziya ò írìta

⁵Nyí ino tí arí'ì alé, nyí nyàkă nyírì yà adzi ò fùkú ádròdrò ale-tsù dhu ádrùngbă ifuta nyú ná, obhóna tò afíku ná, àdhàdhì Krístò tò nyí nyí ndi kasu ònzi dhu bhëyi.

⁶Nyí nyàkă nzá nyámbe kasu ònzi dõ yà dükú nga àndà fùkú ádròdrò ale rǐ òná kàsùmì ò tí, ndínì abádhí-nyìkpó kèlè nõfó tí. Àdhàdhì nyí ní Krístò bhà ino dhu bhëyi, nyí nyàkă nyònzi Kàgàwà-afí òzè dhu atdí afíku nyú ná.

⁷Nyí nyàkă nyònzi fùkú ino-kàsù idzi afíku ná, àdhàdhì Ádrùngbăle Yësù tò nyí nyí kasu ònzi dhu bhëyi, inzi ní ìndrù tò nyí nyí kònzi dhu bhëyi.

⁸Nyí nyàkă nyùni dhu ní, Ádrùngbăle rubhòya perè ingbatí ìli ndi ale mà tò, àdhàdhì ndi ale bhà idzi kasu-bvu rǒ, ìmbà rǐ'ì dòná arí'ì ndítirò ale màtí, ndirò ngàtsi nǐ ino tí arí'ì ale màtí.

⁹Ndirò nyí ino ná arí'ì ádròdrò alé, nyí nyàkă nyònzi dhu ndi dhu bhëyi tí fùkú ino rǒ. Nyí nyàkă nzá nyámbe àvu dõ abádhí-rǒ. Ndirò nyí nyàkă nyùni dhu, nyí nyú mà fùkú ino màná, nyí rarí'ì inè fùkú Ádrùngbăle ná atdí tí òrù-akpà ò. Ndi Ádrùngbăle ní inzi arí ìndrù-ònga òvò ale.

Kàgàwà bhà màtsùmù

(Ròm 13.12; 1Tè` 5.8; 1Pè` 5.8-9)

¹⁰Kà rǐku dòná rò nǐ, nyí nyàkă nyábà fùkú obi Ádrùngbăle Yësù màná nyí nyúngbò nyí dhu-nyutsi. Nyí nyàkă nyí'ì obi ná kàbhà ádrùngbănga tò obi-nyutsi.

¹¹Nyí nyàkă nyǔfò yà Kàgàwà úbho fùkù màtsùmù kóró rùkú, ndínì nyí nyodí tí pfòku Pfòmvo bhà nzére màgèzì-ònzì.

¹²Obhó tí, àlè kárí nzi ìla ùgye yà adzi ò ale màná. Pbétù, àlè kárí kùgye ná ní òrù-akpà-nyí rǒ aróko nzére-alafí mà, nzére-alafí tò ádròdrò ale mà, abádhí nzínzi ò ádròdrònga tò obi ná arí'ì nzére-alafí mà, ndirò yà inò tò adzi ò arí'ì ádròdrò ale tí nzére-alafí màná.

¹³Ní ndi dhu-okú dò rò kòmbí, nyí nyàkă nyùgù Kàgàwà bhà kóró màtsùmù. Ndi otu ò ní ndi, nyí nyí pfòku òdì fùkú òmvù-ònzì yà rǐrà nzére idho ò, nyadù ìko pòtsó, ìla nyí nyùgyè nyòwù ùtsànà dhu-dzidò.

¹⁴Nírò, nyìkò dòtsí nyòdì pfòku: nyìsò mvaku'ò obhónga nǐ kùkyě tí, nyàdù obhónánga ùfò odrùku dǎ látú tí.

¹⁵Ndirò, nyǐ nyàkǎ nyǔfǒ màrùngà tó Ídzì Mākūrù t'únɔta tó ɔbi, kàyitò tí pfòku rǒ.

¹⁶Ndirò kóró kàsùmì ɔ, nyǐ nyàkǎ nyòdò fùkú a'uta, rǐ'ì àdhàdhì iva nyǐ nyàlǔ fukú dhu bhěyi, ndínǐ nyǐ nyivé tí wò pfòmvo bhà kàzu tó mbàra nǐ kóró.

¹⁷Nyǐ nyàkǎ nyàko fùkú Ògù rǐ'ì àdhàdhì tsumà tó kòpìlò nyǐ nyǔfǒ dùku rǒ dhu bhěyi. Ndirò nyǐ nyàkǎ nyàko Kàgàwà bhà ɔte rǐ'ì àdhàdhì yà Ìlǎ-Alafí ábhu fùkù pangà bhěyi.

¹⁸Nyǐ nyàkǎ nyǐtsò nyǐ Kàgàwà rǒ kóró kàsùmì ɔ, Ìlǎ-Alafí rǐ nyǔnda rórò. Nyǐ nyàkǎ nyǐtsò nyǐ Kà-rǒ, nyàdù kítde kóró ófò ɔ. Ní ndi dhu-okú dò rò, nyǐ nyàkǎ nyábhu nyìkpòku ròtdyù, nyàdù àmbe nyǐtsò dǎ Kàgàwà bhà ale dǎ kóró.

¹⁹Nyǐ nyàkǎ nyǐtsò nyǐ dùdú átò, ndínǐ Kàgàwà ili tí ùnɔ àkǎ munò ɔte lidú. Ndi dhu bhěyi ní ndi, ma mádù àrà Ídzì Mākūrù-nyutsi ndi narù dhu nóvò rǒ ìndrù tò ìmbǎ ùdú ɔdó na.

²⁰Ima ní Yèsù Krístò ívi ɔvòna rǒ ale, ìmbǎ dhu rǐ'ì imbi-dzà ò ma mí'ì kòmbí dhu màtí. Nírò, nyǐtsò nyǐ dùdú, ndínǐ ma mabá tí ɔbi, motè ìmbǎ ùdú ɔdó na, àdhàdhì ma màkǎnà motè dhu bhěyi.

Bhàrɔwà rǐku dòná rò ovita

(Kò l 4.7-9)

²¹Dòkíkò, yà atdíđǎ ma mózè adòdu, àkǎkǎ dhu bhěyi arí àlě tó Ádrùngbǎle Yèsù bhà kasu ɔnzi kóró kàsùmì ɔ kasutále, ní rǐ ndi pbàkà màkūrù ɔvo fùkù, ndínǐ nyǐ nyuni tí ìngbà ófò ɔ màtí ma mí'ì dhu mà, ìngbà dhu bhěyi màtí ma mí dhu ɔnzi dhu mànà.

²²Ndi dhu-okú dò rò ní ndi, ma mòvì ka tikù ò, ndínǐ mà múda ɔnà dhu nɔvo tí fùkù, ndàdù afiku àbhu ròtsi ɔbi.

²³Àlě t'Ábanà Kàgàwà mà àlě tó Ádrùngbǎle Yèsù Krístò mànà nǎkǎ 'àbhu nyǐ, kóró adódu tírò, nyòkò màrùngà ɔ, àzè ɔ, ndirò a'uta mànà dhu ɔ.

²⁴Kàgàwà bhà ídzìngà nǎkǎ ndi'ì yà àlě tó Ádrùngbǎle Yèsù Krístò nózè ìnzǐ rádù ìku àzè nǐ ale nà kóró.

Fìlipì

Fìlipì 1

Pɔlò rǐ Fìlipì ǎ pbàkrístò nóvì dhu

¹Ima Pɔlò, Tìmòtewù mànà, mǎ'ì ní Yěsù Krístò bhà inɔ. Ma màndí yàrí bhàruwà fùkù, nyǐ kóró, yà Fìlipì tó kígò ǎ nyǐ nyáróko, ndirò yà Yěsù Krístò-nyutsì nyǐ nyarí'ì Kàgàwà bhà ale tí rò. Ndirò, ma màndí ka átò fùkù ádròdrò ale mà diyákónó mànà tò.

²Àlě t'Ábanà Kàgàwà mà, àlě tó Ádrùngbǎle Yěsù Krístò mànà náká 'àso nyǐ, 'àdù nyǎbhu nyòkò màrùngà ǎ.

Pɔlò rǐ ndìtsò Fìlipì tó kígò ǎ pbàkrístò dǎ dhu

(Kò 1.3-11)

³Ma marí òtsò àbhù bilínganà pbàkà Kàgàwà tò nyǐ ma mìrè rò.

⁴Kóró kàsùmì ǎ ma mí mitsò dùkú kóró rò, ma marí mitsò dhèdhe nà.

⁵Obhó tí, ròpè ndì yà nyǐ nyakò Ídzì Mǎkürù òná idho ò rò, rìrà àhu kòmbí nga ò, àlě kúngbò àlě nyǐ mànà ndì Ídzì Mǎkürù t'únɔta-kàsù ǎ.

⁶Obhó dhu tí ma mà'ù dhu ní: Kàgàwà, a'uta tó yàrí ídzì kasu nópè nyukutsì ale, rǎrǐ kònzì ònzì, ndàrà ìtònà Yěsù Krístò ríngò òná idho ǎ.

⁷Dhu àká obhónánga dǎ mí'ì wòrí irèta nà okúku dò rò nyǐ kóró, ma marí nyǐrè afídu ò bilínganà dhu-okú dò rò. Obhó tí, nyǐ nyúngbò nyǐ atdíkpá ima mànà yà Kàgàwà íbhò idù ídzìnga ǎ, yà ìnè ma mí'ì kòmbí imbi-dzà ò òná kàsùmì ǎ màtí, yà ma múbhì mugyè rǎ Ídzì Mǎkürù-okú dò rò, mambe kùnò dǎ ìndrù tò obi nyú nà òná kàsùmì ǎ màtí.

⁸Obhó tí, Kàgàwà nyú mà núnì wà dhu ma róze nyǐ atdíǎ, nyǐ kóró yà Yěsù Krístò óze nyǐ nǐ ádrùngbǎ àzè-tidò nǐ.

⁹Ndirò yàrí ní ndì Kàgàwà-fó ma mónzina pbàkà itsòta ǎ dhu: kà rākǎ ndàbhu fùkù àzè rìsè ndì atdíǎ nzínzìku ǎ, inga t'únita ǎ ndirò dhu-ònga t'òvòta ǎ,

¹⁰ndínì nyǐ nyadù tí ídzì dhu tí nyǐ nyākǎ nyǒnzì dhu nóvò. Ndi dhu bhèyi ní ndì, Krístò ríngò yà adzi ǎ nínganí, nyǐ nyiláya kà-nyìkpó ǎ, nyǐ'ì mbǎ nzére dhu tí ka kózùna dhu nà nyukutsì.

¹¹Fùkù ípìrǒnga ǎ, nyǐ nyádù ì'ì obhónánga tó mùtso nà abhàbhó nyú, Yěsù Krístò rǐ kasu ònzì nyukutsì nídhunì. Ndirò ndì dhu ì àla rò, ìndrù rǎdù Kàgàwà ilè, 'àdù ìfunà.

Ídzì Mǎkürù rǎrà angyi tí àzèmbè Pɔlò rǐ'ì imbi ò rórò dhu

(Mrk 9.38-40; Ròm 14.7-8; 2Kò 5.1-9)

¹²Àba Kàgàwà-nǎnzó, ma mòzè nyǐnì dhu ní, yà rùdú ndì nónzì dhu rónzì Ídzì Mǎkürù dzùna obhó nyú rǎrà angyi.

¹³Obhó tí, liwali bhà idzá ale kóró, kóró ngǔkpà ale mànà, núnì wà dhu ma rǎrǐ'ì imbi-dzà ò Krístò tò ma márì kasu ònzì dhu-okú dò rò.

¹⁴Ima ka kósò dhu-okú dò rò, ábhǒ pbàkrístò nyú nápbǎ afíya Ádrùngbǎle Yèsù rǒ, 'àdù ì'ì obi nà atdíđǒ, 'ùnò Kàgàwà bhà Ote ìmbǎ òyá odónà.

¹⁵Obhó tí, abádhí nzínzì ǒ atdíđhená ale rǐ Krístò dǒ Ídzì Mǎkǔrù ùnò adha tó afíya nà, ndirò agòta tó afíya nà. Pbétù, ngǔkpà ale rǐ kùnò ídzì afíya nà.

¹⁶I ale rǐ kùnò ì ózè ma nǐ àzè-okú dò rò, abádhí núnì wà dhu, ma rǎrǐ'ì imbi ò ndínì ma mugye tí ima Ídzì Mǎkǔrù dǒ dhu-okú dò rò.

¹⁷Pbétù, kǒkò ngǔkpà ale rǐ Krístò dǒ Ídzì Mǎkǔrù ùnò agòta tó afíya nà, ndirò abádhí tó irèta rǐ'ì nzére. Abádhí rǐ inga irè ì rǎrǐ àpè ìtrǒ dùdú imbi-dzà ǒ.

¹⁸Nírò, ndi dhu mà rǎnzina dhu rǐ'ì mbǎ! Dhu apé ì'ì abádhí tó irèta rǐ'ì nzére dhu tí, ndirò ngǎtsi nǐ obhó dhu tí, ní Krístò dǒ mǎkǔrù ka kòvò wà. Ní ndi dhu-okú dò rò idhèdu ìka wà ndi. Ndirò idhèdu rǎmbe ndika dǒ ìkǎ tí tí.

Pǎlò òzè ndilè Krístò nyìkpóna nà ndi ndí'ì rò, ndirò òve màtí dhu rǐ'ì rò dhu

¹⁹Obhó tí, ma m̀nì wà dhu fùkú itsòta-okú dò rò, ndirò Yèsù Krístò bhà Alafí tó mùdzùnà-okú dò rò, ma rǎrǐ ògù ògù.

²⁰Yà ma mí dhu òdò, ndirò yà ma mí dhu-atdyú òho atdíđǒ dhu bhèyi tí, nyìdu àbhǔ rǐ rìwà atdí dhu mà rǐ'ì mbǎ. Pbétù yà kóró idho ǒ ma marí Krístò ilè dhu bhèyi tí, ma móngo kilè kóró pbàkà obi nà, dhu apé ì'ì ma mádi nyìkpòdu nà ndirò ngǎtsi nǐ ma m̀vè dhu màtí.

²¹Obhó tí, idù, pbàkà ípìrǒnga ní Krístò, ndirò òvè ma m̀vè dhu ní ídzì dhu nyú ròsè.

²²Pbétù dhu apé ì'ì ípìrǒnga nà ma mí'ì dhu rǐ'ì atdíđǒ àkǎ pbàkà kasu-okú dò rò dhu tí, ní ma m̀nì nzá ma mádu òvònà dhu.

²³Obhó tí ma mí'ì óyǒ dhu nzínzì ǒ: ma mí atdyúna òho dhu ní mahu yàrí ípìrǒnga ǒ rò, mòwù òko atdíkpá Krístò mànà. Ndi nàmbènà ndi ì'ì ídzì dhu nyú ròsè atdíđǒ.

²⁴Pbétù àkǎkǎ dhu nyú ròsè atdíđǒ ní, mádi ípìrǒrò okúku dò rò.

²⁵Nírò inè ma mí'ì a'uta nà wò dhu dǒ nídhunǐ, ma m̀nì dhu àdǐ ma rǎrǐ àdǐ. Mǎ móko atdíkpá nyǐ mànà dzùnàku t'ónzita tò, ndínì nyǐ nyabá tí otu nyòwù angyi, nyǎdù ì'ì dhèdhe nà fùkú a'uta ǒ.

²⁶Ndi dhu bhèyi ní ndi, idhèku rǐ ndikǎ atdíđǒ Yèsù Krístò-nyutsì, nyǐ nyǐ kàdu ma tdíđǒ tiku ò dhu àlǎ rò.

Pótsó ka kíkò a'uta ǒ dhu

²⁷Nyǐ nyǎkǎ nyǐ'ì Krístò bhà Ídzì Mǎkǔrù rǐdhèna dhu nà ndi nàkò mùtsò nà. Ndi dhu bhèyi ní ndi, ìmbǎ ma mírǎ nyǎndà ndirò ngǎtsi nǐ, ìmbǎ ma mádi ìnzǐ mírǎ nyǎndà, ní ma mòzè dòtsí mírǐ dhu ní, nyǐ ríkò wà pótsó fùkú atdí irèta ǒ, ndirò nyǐ kóró atdíkpá, nyǐ rǎrǐ ìla ùgye atdyúku nyú nà, yà àlǎ ká'ù Ídzì Mǎkǔrù-okú dò rò.

²⁸Àpé nyàbhu fùkú òmvù-òdò rǐsǐ ùkù akekpá màtí. Ní fùkú mànzì rǎdù dhu ìtè abádhí tò iwà abádhí rùwǐ, pbétù fùkù kà rǐtèna dhu ní iwà nyǐ rùgu. Ndirò ndi dhu náhu Kàgàwà bhà rò.

²⁹Obhó tí, Krístò nàndà dhu nǎ Kàgàwà ábhù ídzìngà fùkù. Ndi ídzìngà ní nǎ kà'u nyǎ nyǎ dhu kèlè, pbétù kòkú dò rò nyǎ nyǎ àpbè àbà dhu mà átò.

³⁰Kòmbí nyǎ nyùngbò wà nyǎ atdíkpá ima màná ìla t'úgyeta-otù ǎ. Ndi ìla ní yà iwà nyǎ nyála ma múgyena ró, ndirò yà inè ma mí'ì ma múgyena ró kòmbí màtí ìla.

Filipì 2

Krístò bhà yorowà mà, kàbhà ádrùngbànga màná

(Rom 15.1-7; 2Kò 8.9; Kò 1.15-20; É`br 1.1-4)

¹Àbanǎnzó, nyǎ nyapè ì'ì Krístò-nyutsi nyǎ nyóko dhu nábhù nyǎ nyòtsi obi dhu tí, nyǎ nyapè ì'ì kàbhà àzè nábhù afìkù ròtsi obi dhu tí, nyǎ nyapè ì'ì Ìlìlǎ-Alafí màná nyǎ nyùngbò nyǎ dhu tí, nyǎ nyapè ì'ì izu àbà ka kí ìndrù dǎ dhu tó ale-afí nà nyǎ nyí'ì dhu tí,

²nírò, nyàbhù idhèdu rìka ndi atdíǎ, atdí irèta ǎ nyǎ nyóko dhu-otù ǎ. Nyòzè nyǎ nzínzìkù ǎ Krístò náazè nyǎ dhu bhèyi, atdyúku ràdù ì'ì atdí dhu dǎ tí.

³Àpè nyòngò atdí dhu mà nónzì agòta tó ale-afí nà, ndirò ìmbà tina nà ivita tó ale-afí nà. Nyòngò òko yorowà nà nzínzìkù ǎ, ìngbàtí ìli ndi ale mà nzínzìkù ǎ ròzù odhìna ádrùngbàle tí ròsè dóna nǎ nditírò.

⁴Ìngbàtí ìli ndi ale mà nzínzìkù ǎ náká nzá ndòné ídzìngà fìndà tí nditírò, pbétù kàká ndòné ka ngǎkpà ale tò átò.

⁵Nyǎ nyàká nyǎ'ì nà nzínzìkù ǎ ófò ní, Yèsù Krístò ì'ì nà nyunatsi ófò.

⁶Ròpè ndi dóna-kpa ò rò, Àbadhi ní'ì Kàgàwà nyú bhèyi, pbétù kǎzù nzá Kàgàwà bhèyi ndi ndí'ì dhu, rì'ì ndi ndi ndádù ndìpbì róná dhu tí.

⁷Kàbhà pbìndà ádrùngbànga kóró, kugù ndi ìndrù bhèyi, ndádù ndùgèrè ndòngò ino tí.

⁸Kífo ndi obvò nditírò ndifù Kàgàwà, ràrà àhù ndi ndóvè dhu ò. Ndi kàbhà ove ní'ì mùsàlabhà dǎ ove .

⁹Ní ndi dhu-okú dò rò, Kàgàwà nyú nditírò níidzì ka orú nyú atdíǎ, ndàbhù kóró ovo dónà ósè ovo kà tò.

¹⁰Kàgàwà avò ndi ovo kà-dǎ, ndíní ndi ovo rǎ, yà ndi ndabhòlò kóró dhu-tsí: yà òrù-akpà ò arí'ì ípìrǎnga nà ale mà, yà adzi dǎ arí'ì ale mà, kà-tsi arí'ì ale màná kóró núuko tí otidyùya-dò kònzì.

¹¹Ndirò kǎnzì ka, ndíní kóró ale nóovo tí dhu, 'àti: Yèsù Krístò rǎrǎ ndi Ádrùngbàle. Ndi dhu bhèyi ní ndi, kóró ale ràdù Kàgàwà Àba nílè.

Krístò bhà yorowà tó ófò ìdyi ka kí dhu

¹²Nírò odhídù, yà atdíǎ ma mózè nyǎ rò, nyǎ nyí'ì ifuta nà yà tikú ma mí'ì òná kóró kàsùmì ǎ. Ní, nyǎ nyàká nyǎnzì ka atdíǎ ròsè kòmbí, yà ìmbà ma mí'ì atdíkpá nyǎ màná rò. Nyǎ nyàká nyòngò iwà nyǎ nyábà ògù dhu itè kàsùku tó ídzì itse-otù ǎ. Nyǎ nyàká nyǎnzì kasu fùkú a'uta nǎ kóró ifuta nà Kàgàwà-ònzì.

¹³Obhó tí, Kàgàwà ní ndi rí kasu ònzì nyukutsì, ndàbhu nyí nyòzè dhu nyádù dhu ònzì àdhàdhì ndì nyú ndì ndùdhe ka dhu bhěyi.

¹⁴Nyí nyàkǎ nyǒnzì ìngbàtí ìlì ndì dhu mà ìmbǎ onungonungǎ na, ndirò ìmbǎ agòtá na.

¹⁵Ndi dhu bhěyi ní ndi nyí nyádù ì'ì ìmbǎ nzére dhu tí ka kózùna dhu rí'ì nyuyatsì ale tí, ndirò Kàgàwà-nyìkpó ǒ ìlǎ ale tí. Nyí nyádù ì'ì Kàgàwà bhà nzónzo nyú, yà ìmbǎ arí'ì otsu nà yà adzi ǒ nzérenгатále, ndirò iwà úwì Kàgàwà rǒ rò ale nzínzì ǒ ale tí. I ale nzínzì ǒ, nyí nyí'ì àdhàdhì awáwù bhěyi yà adzi ǒ,

¹⁶nyǎmbe ípìrǒnga àbhù rí Ote nóvò dǒ abádhí tò. Ndi dhu bhěyi ní ndi, Krístò ríngo nínganí, ma madùya milè okúku dǒ rò, inzǎ nzínzìku ǒ ma mǒnzì kasu mà, ǒbìdu mànà núwì kǎkǎkǎ nídhunǎ.

¹⁷Ka kí mbǎ ima mà òho, ní azùdu ní'ina àdhàdhì yà perè tí ka kúbina Kàgàwà tò ìzǎ dǒ ka karúdhǒna òvayì bhěyi. Ndi perè ní yà Kàgàwà nyí nyá'ù nǎ fùkú a'uta mà, Kà tò nyí nyarónzina kasu mànà. Ní idhèdu níka wà ndì, ndirò àlě-idhè níka wà ndì atdíkpá nyí mànà kóró.

¹⁸Nyí mà átò idhèku náká ndìka ndì, ndirò ndì idhèku àká ndìka ndì atdíkpá ima mànà.

Polò rǐ Tìmòtewù mà Èpàfròditò mànà-kàsù ìfù dhu

(1Te` 3.1-11; 1Kò 16.15-18)

¹⁹Ádrùngbǎle Yèsù òzè nǎ, ma mòhò dhu-atdyú movì Tìmòtewù ngúfe idho dzidǒ tiku ò, ndínǎ afídu abá tí ǒbì dükú ma mábàna màkǎrù nǎ.

²⁰Obhó tí, ma mí mbǎ í'ì ngǎtsi ale yà fáká irèta rǎdù ndàkò mànà nà, ndirò yà nyí nàndà dhu dǒ rǎdù atdyúna ìlì obhó nyú ale.

²¹Ngǎkpà ale kóró náarónena dhu ní gàsàya ònzì rǎdù ìtírò dhu, pbétù abádhí arí nzǐ ìnga irè Yèsù Krístò bhà dhu dǒ.

²²Nyí nyú, nyí nyùnì wà ìngbà dhu bhěyi màtí Tìmòtewù nyú ndítírò nítè ndì, iwà àká ale tí dhu. Obhó tí, kǒnzì Ídzì Màkǎrù t'únòta tó kasu atdíkpá ma mànà, àdhàdhì ngbángba arí kasu ònzì àbanà mànà dhu bhěyi.

²³Nírò, ma mòzè dhu ní, movì ka tiku ò, rùdú rǐ ndònzì yà ima ka kósò rò dhu dǒ ma mí awáwù àbà rórò tí.

²⁴Ima, ma mà'ù wà dhu atdíǒ, Ádrùngbǎle Yèsù òzè nǎ, ima nyú ma-tírò ma rǎrǐ àrà àrà nyǎndà átò ngúfe idho dzidǒ.

²⁵Pbétù, ma mála àkǎkǎ dhu tí dhu ní'ì madu àlě t'ádòná Èpàfròditò tiku ò. Ka ní ndì kasu tó òdhìdu, yà atdíkpá mà marí Ídzì Màkǎrù tó ìla ùgye mànà ale. Ka ní ndì nyí nyívì kàsùdu nǒnzì tí mùdzùnà-atdyú nà ma mí'ì rò ale.

²⁶Kí'ì dhu-atdyú nà atdíǒ ndàla nyí kóró tǎtǎdǒ, ndirò kà-afí úbhì ìnga irè rǒ atdíǒ iwà nyí nyírì ndì ndì'ì andì nà dhu dhu-okú dǒ rò.

²⁷Obhó tí, kí'ì andì nà mbèmbè ndòvè, pbétù Kàgàwà nábà ìzu kà-dǒ, ndirò ìnzǐ ní kà-dǒ tí atdíró, pbétù, dùdú màtí átò, ndínǎ ìmbǎ ma mí'ì tí ìzu nà ngǎtsi ìzu dǒ.

²⁸Nírò ma móví ka tiku ò tsàkàtsàkà, ndíní idhèku ika tí ndì kàlǎ nyí nyí tdítđò rò, ndírò ndíní pbàkà izu adù tí òngo ake olù.

²⁹Nírò, dhu àkǎ nyǎkò àbadhi ádrùngbǎ dhèdhe nà atdíđò Ádrùngbǎle Yèsù-nyutsì. Nyí nyǎkǎ wà nyǎbhu ifuta wò dhu bhèyi ale-tidò tò.

³⁰Obhó tí, Krístò bhà kasu-okú dò rò nga ní ndì kǎtsù ndòvè nǎ. Kǎtsù ndìwí pbìndà ípìrǒnga yà ìnzí nyí nyàmbènà ìwu nà nyí-tírò idù mùdzùnà tó dhu nà ndì ndàrà ìrà rǒ idù rò.

Filipì 3

Kàgàwà arí ìndrù òzù obhónángatále tí nǎ ídzì ǒfò

¹Ní kòmbí àbanǎnzó, idhèku àkǎ ndìka ndì Ádrùngbǎle Yèsù-nyutsì. Mabhù rí ìnzí mandí dhu fùkù tdítđò, yà iwà ma mándí angyi fùkù dhu dǒ dhu rí'ì mbǎ. Ndirò fùkù, ndì dhu ní nyòdò rádù dhu.

²Nyàndà nga mbèyi nzére dhu ònzi arí ale nà, kǒkò ìtsè, yà ale-ònzínga òbholo ka kí dhu tó màndu dǒ tí ikò ale.

³Àlè ní ndì obhóná ale-ònzínga t'òbholota nǎ ka kóbhòlò onzìyángá ale. Obhó tí, àlè kǎrí Kàgàwà ùlè kàbhà Alafí bhà undata nǎ, ndírò àlè-idhè náarí ndikǎ Yèsù Krístò-nyutsì. Àlè nyú, àlè kíli nzá àlè-atdyú ale-ngbò tó dhu dǒ tí ndíní àlè kabá tí ògù otùna ò.

⁴Pbétù ima mà átò, ma mí'ì inè mìli atdyúdu ale-ngbò tó dhu dǒ. Ní ngǎtsi ale mà náapé atdyúna ìlì ale-ngbò tó dhu dǒ, ní atdyúdu nósè wà kàbhà-tsí dònǎ.

⁵Onzìdú nga ka kabhòlò àrù rí idhòdu ìsè idho ò. Ima ní Mùìsràyelì, Bènyàminì-dhù bvù ale. Ndirò ima ní Mùèbràniyá nyú, Pbàèbràniyá tó mùdzukuru. Ndirò Pbàyàhúdì tó Úyátá nàndà dhu ò, ima ní'ì Mùfàrisayò.

⁶Fàkǎ Úyátá Pbàyàhúdì tíró ma mífu atdíđò dhu-okú dò rò, ma mí'ì nà obi ní Kànìsà rǒ ma mávu atdíđò nǎ. Ndi Úyátá ávi kongò ifunà obhónángá tó dhu nàndà dhu nǎ, nzére dhu tí ka kádù òzùnà dhu ní'ì ìmbǎ nyudutsì.

⁷Pbétù kóró kòrí dhu ní'ì ídzì dhu idù. Ní kòmbí, Krístò-okú dò rò ma mòzù ì dhu rí'ì ìmbǎ tǎya nà dhu tí.

⁸Obhó tí, ìnzí afídu rǔguru rórò, ma mòzù kóró dhu rí'ì ìmbǎ tǎya nà dhu tí, yà Yèsù Krístò pbàkà Ádrùngbǎle ma muni dhu tó ádrùngbǎnga-okú dò rò. Kòkú dò rò, ma ma'u wà midzò mà kóró dhu rǒ rò, madù òzùnà rí'ì àdhàdhì izi bhèyi, ndíní ma mabá tí Krístò,

⁹madù motù nyunatsì. Kàgàwà arí mòzù obhónángatále tí, ìnzí ní Úyátá ifù ma marí dhu-okú dò rò. Pbétù kǎrí mòzù obhónángatále tí Krístò-okú dò rò. Kàgàwà ní ndì obhónángá tó perè undò arí ìndrù tò ale. Ndirò, Kǎrí kùndò fíyò ale ní Krístò ná'ù ale.

¹⁰Ma mòzè dhu ní, muni Krístò, Kà ràdù kasu ònzì nyudutsì ádrùngbǎnga tó obi nà àdhàdhì Kàgàwà anzi kasu ádrùngbǎnga tó obi nà, ndàbhu Krístò rìngbè ndì òve-bvù

rò dhu bhëyi. Ngätsi dhu ma mòzè ní, mabà àpbè Krístò-okú dò rò àdhàdhì Kǎbà àpbè okúdu dò rò dhu bhëyi, madù ma'ù mòvè Kòkú dò rò àdhàdhì Kǎvè okúdu dò rò dhu bhëyi.

¹¹Ndi dhu bhëyi ní ndi, ma mí'ì a'uta nà ìngbè ma ringbèya ma átò òvè-bvù rò.

Dhu àkǎ kadzi ale òngu nà tí, rǎrà àhu kùtsà ka kówu dhu ò

¹²Ma mòzè nzá mati iwà ma rǎrà àhu Krístò ùnǐ ma mí àkǎ àkǎ dhu bhëyi dhu ò, ndirò ngätsi nǐ, iwà ma ròngò àkǎkǎ ale tí. Pbéù ma màdзи wà ma òngu nà tí, ndínǐ ma mìli tí ma Krístò bhëyi. Obhó tí, Yèsù Krístò nópì wà ma mí'ì pbìndà ale tí.

¹³Àbanǎnzó, ma mòzè nzá ma ma-tírò iwà ma màrà àhu ndi ófò ò dhu tí, pbéù ma mònzì atdí dhu kèlè: ma màdzo dzidu dò ma màbhà dhu rǒ rò, madù àmbe òbi ònzì dǒ ndínǐ ma mabá tí yà angyinǎ rò rǐ'ì idù dhu.

¹⁴Ní, ma màdзи wà ma òngu nà tí, ndínǐ ma mabá tí idú perè ndi òngu ùtsà ma màrà i. Kàgàwà rǐ àlè ùnzì òrù-akpà ò rò ndínǐ àlè kabá tí ndi perè Yèsù Krístò-otù ò.

¹⁵Nirò àlè'ì kóró, yà iwà àlè k'ò àlè-afí ònǎ rò rò, àlè kǎkǎ àlè rǐ'ì wò atdí irèta nà tí. Ndirò dhu apé ì'ì ìnè nyǐ nyǐ'ì vurò irèta nà dhu tí, ní Kàgàwà rǐ awáwù itè itè fùkù ndi dhu dǒ.

¹⁶Ìnè màtí i dhu rǐ'ì rò, dhu àkǎ àlè ràmbe òtse dǒ angyi tí yà iwà àlè kópè òngu nà.

¹⁷Àbanǎnzó, nyùngu pbàkà ófò. Ndirò, nyùdǐ nyìkpókù yà mà mìtè fùkù ófò ò arúbhi ale-rǒ.

¹⁸Obhó tí, ábhǒ ale nyú rǐ ìnè yà Krístò bhà mùsàlabhà dǒ rǒte Ídзи Mǎkǔrù násà. Ní, ma mǒvò wà dhu fùkù ibí-gùna, ndirò kǎnǐ ma mí kòvò kòmbí fùkù tdítǒ nyìdu-dha nyú nà,

¹⁹abádhí rǐ fiyó ípìrǒnga ìwǐ yà ìnzǐ aráve dhòdhódhóngà nà kàzu ò. Abádhí tó mǔngù ní òya. Abádhí rǐ 'ilè nǐ ilèta ní nyíya àbhǔ rí rìwù. Ndirò, abádhí tó irèta rǐ'ì yà adzi ò dhu dǒ tí.

²⁰Àlè'ì na, àlè ní òrù-akpà ò bhà. Ndirò, yà àlè karódona àlè tó Ògùba, Ádrùngbǎle Yèsù Krístò níraya ányirò.

²¹Kǔwùya yà ivívinga tó àlè-ngbò, ndùgèrè rǒfò ndi ádrùngbǎ awáwù tó ngbòna nà. Kònzìya ndi dhu nǐ òbi ní yà kóró dhu dǒ ndi ndarí'ì ádrùngbǎnga nà nǐ òbi.

Filipì 4

Pǎlò rǐ sedzà àbhǔ Filipì ò bhà tò dhu

(Fìl 2.1-3; Kò l 4.2; 1Te` 5.16; Yàk 3.17-18; 1Pe` 5.7)

¹Ní wò dhu-okú dò rò, yà atdí dǒ ma mòzè nyǐ rò àbanǎnzó, ma mònzì nyǐ nyìkò pòtsó Ádrùngbǎle Yèsù-nyutsì. Nyǐ ní ndi nyǐ nyǐ'ì pbàkà dhèdhe tí, ndirò ma mabáya mùlè mà tó perè tí.

²Ma mìtè nyi Èòdiyǎ, ndirò ma mìtè nyi Sènètùkǎ, nyǐ nyàkǎ nyòkò irita ò Ádrùngbǎle-nyutsì.

³Ndirò inyi átò, yà atdíđđ ndi nífu kasu tó ɔdhidú, ma m̀onzi nyi nyonzi k̀k̀k̀k̀ vèbhále dzunà, r̀ungbò ì f̀iyó irèta ɔ. Obhó tí, abádhí ádzi ì atdíđđ atdíkpá ima mànà Ídzi M̀ak̀ur̀ù t̀únòta tò. Abádhí nzínzi ɔ r̀í'ì átò ní K̀èl̀èmeti mà, kasu tó ng̀uk̀pa ɔdhidu mànà. Abádhí k̀óró ǹóovò r̀í'ì inè ípìr̀onga tó bh̀uk̀ù ò.

⁴Idhèku àk̀à r̀ika ndi k̀óró idho ɔ Ádr̀ungb̀ale Ỳes̀ù-nyutsi. Tdíđđ ma mátina: Idhèku r̀ak̀à r̀ika ndi!

⁵F̀uk̀ù iỳonga nák̀à k̀óró ale r̀uni. Ádr̀ungb̀ale r̀ingo dhu r̀í'ì íkyèr̀.

⁶Nyì nyàk̀à nzá nyitù afiku atdí dhu n̄ matí. Pbétù k̀óró dhu ɔ, nyì nyàk̀à nyonzi nyì nyì atdyúna òho dhu K̀ag̀aẁà-fó itsòta ɔ ndirò k̀itdè nyì nyì ró rò, nyádù òwu ̀òtsò àbhù r̀ò k̀à tò.

⁷Nirò ní ndi K̀ag̀aẁà bhà màr̀ungà, yà k̀óró ale tó irèta dònà ̀osè, ní r̀adù afiku mà f̀uk̀ù irèta mànà nòdò Ỳes̀ù Kr̀istò-nyutsi.

⁸K̀à r̀iku dònà rò n̄ àban̄nzó, nyòngò f̀uk̀ù irèta ùli obhóná dhu tí r̀í'ì k̀óró dhu đđ, ifuta tó k̀óró dhu đđ, obhónánga tó k̀óró dhu đđ, K̀ag̀aẁà-nyik̀pó ɔ ilà k̀óró dhu đđ, ale-nyik̀pó ǹòfò k̀óró dhu đđ, àk̀ak̀à kunò idzi k̀óró dhu đđ, ndirò k̀óró dhu ilèta nà àk̀à mà, m̀utsemerè nà àk̀à mànà đđ.

⁹Ní, nyì nyàk̀à nyòngò ̀onzinà dhu ní yà f̀uk̀ù ma múdhe dhu, yà fudú rò nyì nyàko dhu, yà nyì nyir̀i tsudú dhu, ndirò ma m̀onzina ró nyì nyála dhu. Ní màr̀ungà ìbho arí K̀ag̀aẁà r̀adù ì'ì atdíkpá nyì mànà.

P̀òlò r̀í ̀òtsò àbh̀ù F̀ilipì ɔ bhà tò dhu

(2Kò 9.6-15; Fìl 1.7; È`br 13.5,16)

¹⁰Ma m̀abà dhèdhe abho Ádr̀ungb̀ale Ỳes̀ù-nyutsi, ma màla nyì nyir̀è ma, nyonzi dzunàdu tdíđđ rò. Obhó tí, ma m̀ozè nzá matí, nyì r̀adzo r̀udú rò, pbétù nyì nyábà nzá ndi fanga, nyitè inè nyì nyì'ì mirè nyì nyì ró dhu idù.

¹¹Ndirò, ma m̀unò nzá dhu wò dhu bhèyi, dhu ̀òtdì ndi r̀udú dhu-okú dò rò. Obhó tí, ma m̀uni wà ma ìnzì yà ma mí'ì ̀onà ̀òfò r̀í m̀onzi nzére dhu nà.

¹²Ma m̀uni wà ma ìmbà dhu r̀í'ì fudú r̀órò ma mádi dhu nà, ndirò ma m̀uni wà ma ̀onzi ɔ ma mádi dhu nà. K̀óró ngari ɔ, ndirò k̀óró ̀òfò ɔ, ngbòdu ̀òfò wà ndi àle ma mále, ndirò àwù nà ma mádi dhu nà, ̀onzi ɔ ma mádi, ndirò ngàtsi n̄ dhu ̀òtdì ndi r̀udú dhu nà.

¹³Ádr̀ungb̀ale arí ndi obi ìbho idù m̀onzi k̀óró k̀k̀k̀k̀ dhu n̄.

¹⁴Pbétù, nyì nyonzi dhu mbèyi nyàpbò nyì atdíkpá ima mànà pbàk̀à àpbè ɔ.

¹⁵Nyì, F̀ilipì ɔ bhà, nyì nyuni wà yà dhu mbèyi nyú: ma ráhu f̀uk̀ù pbir̀i M̀ak̀èd̀oniyà ɔ rò yà ma m̀opè m̀unò Ídzi M̀ak̀ur̀ù f̀uk̀ù dhu-dzidđ. Ndi k̀asumi ɔ rò ndi ǹopè rò, nyì'ì k̀èl̀è ní ndi k̀óró k̀aǹísánzínzi ɔ nyì nyonzi dzunàdu nyì nyìbhona ndirò ma m̀abàna fukù rò dhu-otù ɔ.

¹⁶T̀es̀al̀onikà tó k̀igò ɔ ma mí'ì rò matí, nyì nyivì m̀udzunà idù ìbì-g̀una nyú, ma mí atdyúna òho dhu-okú dò rò.

¹⁷Ma mòzè nzá mati, ma mónena dhu rărĩ makò perè kèlě, pbétù ma mòzè dhu ní Kàgàwà raso nyĩ atdíđǎ yà idù nyĩ nyónzì ídzìnga-okú dò rò.

¹⁸Obhó tí, ma mí'ì ìnè kóró dhu nà, ndirò ma mí'ì kà nà atdíđǎ ròsè. Kòmbí, iwà Èpàfròditò níbhò fùkú perè kóró idù dhu-okú dò rò, ma màkǎ wà ma mí atdyúna òho dhu nĩ. I perè rĩ'ì àdhàdhì yà mběyi róngu akye bhěyi, ndirò yà iwà Kàgàwà à'ù, ràdù nyìkpóna òfò kàzù ò ka kùbì ìzǎ tó perè bhěyi.

¹⁹Ní, pbàkà Kàgàwà rĩ nyĩ nyí atdyúna òho kóró dhu nítrǒ fùkù, Yèsù Krístò-otù ǎ, pbìndà ònzì tó ádrùngbǎnga tó awáwù ka kàndà rò.

²⁰Kàgàwà, àlě t'Ábanà náká ilèta nà dhòdhódhóngà nà. Àmìnà.

Bhàrɔwà rĩku dòná rò ovita

²¹Òvì nyòvì Kàgàwà bhà ale kóró, Yèsù Krístò-òvò rǎ. Mǎ mí'ì mànà atdíkpá adódu nóvì nyĩ.

²²Ndirò, Kàgàwà bhà ale kóró, ròsè dòtsí ní kǒkò kámá đǎ ádrùngbǎ kamà, Kàyìsarà bhà idzá rĩ'ì ale nóvì nyĩ átò.

²³Ádrùngbǎle Yèsù Krístò àkǎ ndàso nyĩ.

Kòlòsayì

Kòlòsayì 1

Pòlò rí Kòlòsayì tó kíḡò ǒ p̀b̀àkrístò nóvì dhu

¹Yàrí bhàruwà nàndí ní ima Pòlò, yà Kàgàwà náanzi ma ndì nyú ndì ndózè ka dhu bhèyi mí'ì Yèsù Krístò bhà uvitatále tí rò. Mă mí'ì atdíkpá àlě t'ádònà Timòtewù mànà.

²Ní, ma màndí dhu fùkù Kàgàwà bhà ale tíró yà Kòlòsayì tó kíḡò ǒ nyí nyaróko rò. Nyí ní àbanĩnzo, yà Krístò mànà ì núnḡbò 'àdù kòwù ùngũ atdí afiya nyú nà ale. Àlě t'Ábanà Kàgàwà àkã ndàso nyí, ndàdù nyàbhu nyòkò màrùḡà ǒ.

Pòlò rí òtsò àdù Kàgàwà tò Kòlòsayì tó kíḡò ǒ p̀b̀àkrístò-okú d̀ò rò dhu

(*E`fē 1.15-19; Fìl 1.3-6; 1Te` 1.2-4; 3.5-11*)

³Mă m̀arí òtsò àdù bìlìnganà Kàgàwà àlě tó Ádrùḡbãle Yèsù Krístò t'Ábanà tò d̀ùkú mă mí m̀tsò rò.

⁴Mă m̀arí òtsò àdù kà tò, mă mírì ìḡbà dhu bhèyi màtí nyí nyá'ù Yèsù Krístò, ndìrò ìḡbà dhu bhèyi màtí nyí nyóze Kàgàwà bhà ale kóró dhu dhu-okú d̀ò rò.

⁵Nyí nábhu nyá'ù ndì Yèsù Krístò, nyádù Kàgàwà bhà ale òzè wò dhu bhèyi dhu ní, nyí nyíli atdyúku Kàgàwà ìli fùkù òrù-akpà ò dhu d̀ò dhu. Ndi atdyúku rí'ì dòná dhu ka kóvò fùkù yà obhóngà tó Ote, Kàgàwà bhà Ídzì M̀àkürù-otù ǒ.

⁶Ndi Ídzì M̀àkürù ódhì itse, ndàdù àkã yà adzi ǒ kóró ngari ǒ. Fùrábvù ndì dhu ónzì ndì ndì dhu bhèyi tí, ròpè ndì yà nyí nyíri Kàgàwà bhà ídzìḡngà d̀ò ka káwěna dhu, nyádù f̀ndá obhóngà núnì ònà idho ò rò.

⁷Èpafrà, kasu tó òdhìkà, yà atdíđò mă mózè ale, ní ndì wò ndì m̀àkürù núdhe fùkù. Àbadhi ní Krístò bhà kasutále, atdíđò ndì nífu, yà f̀aká ngari ǒ arí kasu ònzi nyí mànà ale.

⁸Àbadhi ní ndì yà Ìlìlã-Alafí írà nyí nì f̀ukú àzè tó m̀àkürù nóvò f̀akà.

⁹Wò dhu-okú d̀ò rò ní ndì, yà f̀ukú m̀àkürù mă mírìná rò, mă mà átò mă m̀arí nzí m̀ḡḡyě m̀tsò mă mí d̀ùkú rò. Ní mă mí m̀tsò Kàgàwà r̀ò, ndíní nyí nabhù tí nyñni ndì nyú ndì ndózè kònzì dhu, ndàdù nyíra dhu-ǒḡngà t'óvòta mà, ìḡngà t'únita mànà nì, p̀b̀ìndà Ìlìlã-Alafí-otù ǒ.

¹⁰Ndi dhu bhèyi ní ndì, nyí nyádù òko àdhàdhì Ádrùḡbãle ózè ka dhu bhèyi, nyádù kóró dhu ònzì kà-nyìkpó nòfò dhu bhèyi. Wòrí otu ǒ ní ndì, nyí nyádù kóró ídzì dhu-tidò nónzì, nyádù àmbe Kàgàwà ùni d̀ò mbèyi nyú.

¹¹Kàgàwà r̀adù obi àbhu fùkù p̀b̀ìndà ádrùḡbãḡngà tó awáwù tó obi nì, ndíní nyí nyongó tí kóró dhu-dzi òndù, ìnzí nyí nyí nyḡḡyě r̀órò. Níró dhèdhe ǒ,

¹²nyí nyàkã nyàbhu òtsò Àba Kàgàwà tò. Àbadhi ní ndì nyí nábhu nyí'ì iwà nyí nyàkã nyàbà yà p̀b̀ìndà ale tò k̀lì p̀b̀ìndà awáwù tó idzi ǒ ongyéḡá ale tí.

¹³Obhó tí kǔkɔlɔ àlě, àlě rùvò p̄fòmvo Sitànì arí'ì ádrùngbǎnga tó obi nà ònà ínò ǒ rò, ndàdù àlě itsu Idhùná, yà atdíđǒ ndì ndazè ale bhà idzi ò.

¹⁴Ndi Idhùná bhà ɔve-nyutsinǎ nga ní ndi, kǔkɔlɔ àlě'ì, ndàdù àlě tó nzérenga núbà àlě tò nǎ.

Krístò ní kóró dhu-tsí dǎ Ádrùngbǎle dhu

¹⁵Krístò ní Kàgàwà, yà ìnzǐ arí ndalǎ ale bhà ɔfò nyú. Ábadhi ní ndi yà Kàgàwà anzi kóró dhu-tsí tó sengba .

¹⁶Obhó tí, kǔtù ǒ, Kàgàwà anzi ɔrù-akpà ò ndirò yà adzi ǒ arí'ì kóró dhu, yà ì àlǎ rí dhu mà, ìnzǐ arí ì àlǎ dhu mànà: ìmbǎ rí'ì ádròdrǒ kámá tó Tombi màtí, Ádròdrǒnga màtí, ndirò ìmbǎ rí'ì kóró màlàyíká mà ɔyá kámá mànà màtí. Kàgàwà anzi kóró dhu kǔtù ǒ, ndirò kǔkú dò rò.

¹⁷Krístò ní'ì inè angyi ìnzá kóró dhu àpè ì'ì rórò, ndirò yà ì'ì arí'ì kóró dhu-tsí náarí'ì kǔtù ǒ.

¹⁸Ka ní Kànìsà-dɔ, ndi Kànìsà ràdù ì'ì kà-ngbò. Ndirò ka ní ndi wò ndi ngbǒna tò ìpìrǒnga nabhù. Ndirò ka ní ndi wemberè tí ndi ìngbè ɔve-bvù rò, ndínǎ ndi ndi'ì tí kóró dhu-tsí dò-tsíró wemberè t'ále tí.

¹⁹Obhó tí, Kàgàwà nyú ndirò náazè kóró p̄bìndà ɔfò rì'ì ndi Idhùná-nyutsi.

²⁰Idhùná-otù ǒ, Kàgàwà azè ndùngbò kóró dhu-tsí ndi mànà. Ndi Idhùná azù yà mùsàlabhà dǎ ndi nufu-otù ǒ, Kàgàwà níibho màrùngà yà adzi ǒ ndirò ɔrù-akpà ò.

²¹Ndirò nyǐ mà átò, angyi nyǐ nyǐ'ì itse Kàgàwà rǒ rò, ndirò nyǐ ní'ì kàbhà òmvù, fùkú nzére irèta yà nyǎbhù rí nyǎmbe nzére dhu ònzǐ dǎ nóokú dò rò.

²²Pbétù kòmbí, Kàgàwà nùngbò wà nyǐ ndi mànà, Idhùná bhà ɔve-otù ǒ, ndínǎ nyǐ nabhù tí nyòtù nyǐ kònzǐ ìlǐlǎ ale tí, ìmbǎ nzére dhu tí ka kózùna dhu rǐ'ì nyuyatsi, ndirò ìmbǎ rí'ì atdí afátá nà màtí ale tí.

²³Pbétù, nyǐ nyàkǎ nyǒdì p̄fǒku, nyǎdù ìko pòtsó fùkú a'uta ǒ. Ndirò, nyǐ nyàkǎ nzá nyǐndà nyǐ ndi Ídzì Mākūrù rǒ rò. Ka ní ndi àlě tó a'uta ídè dóná dhu. Ndi Ídzì Mākūrù ka kuno yà ɔrù-akpà-tsinǎ arí'ì kóró ale tò. Ní ima Pòlò, Kàgàwà ìli ma mì'ì kuno rí ìndrǔ tò ale tí.

Pòlò rǐ kasu ònzǐ, ndàmbe ndùgyè dǎ Kànìsà tó ídzìnga-okú dò rò dhu

(1Kò 2.7-13; É`fè 3.1-13)

²⁴Kòmbí idhèdu ìka wà ndi yà fùkú ma mí Ídzì Mākūrù ùno dhu rǎbhùna mabà àpbè-okú dò rò. Ndi ngbǒdu ònǎ rò ma mábàna àpbè-otù ǒ, ma mí Krístò abà àpbè-tsù ìndrǔ. Ma mí ndi àpbè abà kà-ngbò tò ídzìnga nabhù tí. Ndi kà-ngbò ní Kànìsà.

²⁵Ima, ma mǒngò wà Kànìsà-kàsù t'ònzitatále tí, àdhàdhì yà Kàgàwà udhè ka mǒnzǐ ndínǎ ídzìnga nabhù tí fùkú dhu bhèyi. Kǐdì ma ndínǎ ma muno tí p̄bìndà Ɔte kóró fùkú.

²⁶Ndi Ɔte ní ndi yà ròpè ndi angyí màhàngú ò rò kǎrù ràdi órù ò kóró ale tó rùgànda rǒ Ɔte. Pbetù kòmbí, kítè wà ka kpangba pbìndà ale tò.

²⁷Obhó tí, Kàgàwà náazè ndìtè yà ndi ndudhé òdhù ò ndíní ndi ndonzi tí dhu tó ábhõnga mà, kà tó aya màná ìnzí ní Pàyàhúdí tò. Yàrí ní ndi ndi òdhù ò kǎrù dhu: Krístò rǐ'ì afíkù ò, ndirò ndi dhu àbhu nyí nyǎ'ù dhu ìnè nyí rǎrǐ'ì ngari nà Kàgàwà bhà Ádrùngbǎnga tó awáwù ò.

²⁸Ndi dhu-okú dò rò ní ndi mà mǎrí Krístò dǒ Ɔte òvo kóró ale tò. Mà mǎrí dhu òvo ìngbàtí ìli ndi ale mà tò mìtdyu nyìkpóna, màdù dhu ùdhe fíndà dhu-õnga t'òvòta tó kóró ófò ò, ndíní mà mǎnzi tí kóró ale dzùná, rò'ò Krístò-nyutsi.

²⁹Ndi dhu-okú dò rò ní ndi ma mǎrí kasu ònzi, màdù àmbe mugyè dǒ Krístò íbhò idù ɔbi, yà nyudutsi rí kasu ònzi ádrùngbǎnga tó ɔbi nyú nà nǐ.

Kòlòsayi 2

¹Ma mòzè nyǎni dhu ma rarí kasu ònzi ɔbi nyú nà okúku dò rò, nyí Kòlòsayi ò pbàkrístò mà, Làwòdikiyà ò Yèsù ná'ù ale mà, ndirò kóró ngǔkpà ale kǎkà ìnzá apèna nyidu-kpa mà nálǎ màná.

²Ma mòzè dhu ní afíkù ròtsi ɔbi, ndirò nyí rùngbò nyí atdí dǒ àzè ò. Ma mòzè dhu ní nyùlè Kàgàwà bhà Ɔte t'únita nǐ abho nyú. Ndi dhu bhèyi ní ndi, nyí nyádù Kàgàwà ùdhe ndonzi dhu yà órù ò ongónà àdi núnì . Ndi órù ò ongónà àdi dhu ní Krístò nyú nditírò.

³Kà-nyutsi tí ní ndi, àlè kádù àbàná dhu-õnga t'òvòta mà, ìnga t'únita màná tó kóró ongyéngá núrù ì.

⁴Ma mí ndi dhu òvo fùkù, ìnzí atdí ale mà núutrá tí nyí pbìndà òvòvù Ɔte nǐ.

⁵Ìmbà dhu rǐ'ì itse ma mí'ì rùkú rò ale-ngbò òná rò dhu màtí, ní ma mí'ì ìnè atdíkpá nyí màná ale-afí òná rò. Ndirò idhèdu ìka ndi atdí dǒ, nyí nyáróko mbèyi àkǎkǎ ófò ò, nyádù ìko pòtsó Krístò nyí nyá'ù nǐ a'uta ò dhu ma màla rò.

Krístò dǒ tí dhu àkǎ kòsì ale bhà ípìrõnga dhu

⁶Nírò, yà nyí nyá'ù Yèsù Krístò rǐ'ì fùkù Ádrùngbǎle tí dhu bhèyi, nyí nyàkǎ nyõngò òko àbadhi ózè nyõngò òko dhu bhèyi.

⁷Nyí nyàkǎ nyòdì ivéku kà-nyutsi, nyádù fùkù ípìrõnga òsì kà dǒ. Nyí nyàkǎ nyìkò pòtsó a'uta ò, yà fùkù ka kúdhe ka dhu bhèyi. Ndirò nyí nyàkǎ nyí'ì òtsò àdù arí atdí dǒ Kàgàwà tò ale tí.

⁸Nyí nyàkǎ nyàndà nga mbèyi, akye atdí ale mà núutràna nyí yà ìndrù arí'ì nà ìmbà tǐna nà dhu-õnga t'òvòta-tidò nǐ nǐ. Ndi dhu-õnga t'òvòta-tidò ní yà ìndrù tó màndu mà, yà adzi dǒ ɔbi nà dhu-tsí màná rǒ ndi nípbì, pbétù ìnzí ndàdù ndìpbì Krístò rǒ.

⁹Obhó tí, Kàgàwà bhà ófò rǐ'ì kóró nyú Krístò-nyutsi, kà-tì ní, kà-ngbò ò.

¹⁰Ka ní ndi òrù-akpà ò arí'ì kóró màlàyíkà mà, òyá kámá màná dǒ arí'ì ádrùngbǎnga tó ɔbi ná. Ndirò, kà màná nyí nyúngbò nyí dhu-otù ǒ, ka kózù wà nyí àkākǎ obhó nyú ale tí.

¹¹Krístò màná nyí nyúngbò dhu-otù ǒ, Kàgàwà íli wà pbìndà ale tí rí nyítè ìndrù tò ize afìku ò. Angyí kítè Pbàyàhúdí tò ize tí dhu ní'ì ɔnzìyánga òbhòlò abádhí rǒngo dhu. Pbétù, rùkú kílì ize ní nzí ìndrù-ɔtsú íli, ka níli ní Krístò. Ní ndi dhu-otù ǒ, kípfo wà yà angyi nyí nyí'ì ná nzére ófò nyukutsi rò.

¹²Obhó tí, bàtizò nyí nyálǎ dhu-otù ǒ, nyí nyúve, kadù nyǔtdù atdíkpá Krístò màná. Ndirò nyí nyádù nyǔngbe átò atdíkpá kà màná, yà ka nabhù rìngbè ndi ɔve-bvù rò Kàgàwà bhà ádrùngbǎnga tó ɔbi nyí nyá'ù dhu-okú dò rò.

¹³Angyi nyí, ìnzí ní Pbàyàhúdí tíró, nyí ní'ì iwà nyí nyúve fùkú afátá-okú dò rò, ndirò ìmbǎ nyí nyí'ì Kàgàwà bhà ale tó ize ná rùkú dhu-okú dò rò ale. Pbétù kòmbí, Kàgàwà nábhu wà ípìrǒnga fùkú atdíkpá Krístò màná, ndàdù fùkú nzérenga mà fàkà nzérenga màná núbà kóró.

¹⁴Àlě ní'ì afátá ná ale, ìnzá àlě kifù kàbhà Úyátá dhu-okú dò rò. Pbétù, kǎkyè yà àlě òbhu ka karí okúya dò rò ì afátá ka kundí òná bhàruwà. Kǎkyè ka dòtsí, Krístò ndi ndàbhu kutǒ mùsàlabhà dǒ dhu-otù ǒ.

¹⁵Ndi dhu-otù ǒ, Kàgàwà núudhá òrù-akpà ǒ màlàyíkà mà òyá kámá màná tó ɔbi, ndàdù abádhí nùte kpangba kóró ale-ònzí, àdrà-mbí-akpà dǒ ka kùsò rórò, ndíni Idhùna ònzí dhu-lè mà dhu nitè tí.

Ìnzá dhu àkǎ kifù ìndrù rǔdhèna tètò tó dhu dhu

¹⁶Nirò, dhu àkǎ nzá atdí ale mà ròtdì-ànyǎku nyí nyónyuna dhu-okú dò rò, ndirò nyí nyómuvùna dhu-okú dò rò. Ndirò, atdí ale mà àkǎ nzá ndòtdì ànyǎku ìnzá nyí nyífu Pbàyàhúdí tó atdí mùhendù-ìdhò mà, àbí-kudò tó mùhendù mà, ndirò sàbatù-ìdhò mà dhu-okú dò rò.

¹⁷Kòrí dhu kóró ní'ì ìrà rírà dhu-sisì kèlě. Pbétù, kóró ì dhu-tsí tó obhóngà ní Krístò ndi nyú tíró.

¹⁸Àpé nyàbhu nyí ìngbàtí íli ndi ale mà, yà irinǎ rò rí nditè yorowà t'ále tí ràmbe ànyǎku ìtdì dǒ. Ndirò, àpé nyàbhu nyí màlàyíkà ùlě arí ale mà ràmbe ànyǎku ìtdì dǒ. Wò dhu bhěyi ale-tidò ní, yà ndi ndálǎna ɔnyu òdzì dònà dhu bhěyi dhu rǒ tí arí afína àpbǎ ale, ndàdù àmbe ndòyò dǒ kòkórò pbìndà ìndrù tó ófò ǒ ndi ndí'ì ná ìrèta-okú dò rò.

¹⁹Í ale nùpbǎ nzá ì Krístò rǒ. Krístò ní ndi Kànìsà-dò, ndirò kànìsà ní kà-ngbò. Ka ní ndi arí pbìndà ale nóngù, ndàdù abádhí-tsù àndu ròkò atdíkpá, àdhàdhì ale-ngbò-rǒngá-nzo náarí 'ùnzi ngìngò ǒ rò, ndi ale-ngbò ràdù àmbe òvi dǒ Kàgàwà-afí ózè dhu bhěyi.

²⁰Nyí, nyí nyuvè wà atdíkpá Krístò màná, nyádù ùvò yà adzi dǒ ɔbi ná dhu-tsí tó ádrùngbǎnga tó ɔbi ǒ rò. Ní ádhu nyí nyarádù nyònzì yà adzi ǒ ale bhěyi fùkú okota ǒ, nyádù nyòzè nyífu kǎkà dhu bhěyi uyátá-tidò ní?

- ²¹I ɥyátá rätina: «Àpé nyonyu yà dhu! Àpé nyinè yà dhu! Àpé nyalá yà dhu-ngbò!»
- ²²Kòrì dhu kóró nípbì ì ròyá dhu ní 'ìnza rádù atdí-gùna tí ka kònzì kasu ì nǐ rò dhu. Ndirò ì dhu kóró ní ìndrù tó ɥyátá mà, ìndrù rùdhèna dhu màná kèlě.
- ²³Obhó tí, kǒkò ì ɥyátá rǐ 'àlǎ dhu-ǒnga t'òvòta tó ófò bhěyi. I ɥyátá rǐ ìndrù àvǐ rùlě ndì ndòzè dhu-tsí kèlě, ràdi yorowà tó ófò bhěyi rí ndàlǎ ófò ǒ, ndirò ràbhù ngbǒna ràbà àpè Kàgàwà-okú dò rò. Pbéù, kǒkò ì ɥyátá rǐ'ì mbǎ tǐya nà, abádhí ràbhùna ìndrù rònzì ní ì ì atdyúya òho dhu-tsí kèlě nídhunǐ.

Kòlòsayì 3

Krístò, òrù-akpà ò arí'ì ale, náafí nózè dhu ònzì ka kí dhu

- ¹Nyǐ nyapè ì'ì iwà nyǐ nyungbe nyǐ atdíkpá Krístò màná dhu tí, ní nyǐ nyàkǎ nyǒmè òrù-akpà ò arí'ì dhu, yà Krístò arádi Kàgàwà bhà fangà dònǎ rò ì.
- ²Nyǐ nyàkǎ nyǐlì afiku atdíǒ òrù-akpà ò dhu dǒ, ìnzì ní nyǐlì afiku yà adzi ǒ dhu dǒ.
- ³Obhó tí, nyǐ nyúve wà, Kàgàwà rádù nyǎbhù nyǔngbe nyǐ ɔve-bvù rò. Ní kòmbí, nyǐ nyórù wà fùkú ìpìrǒnga atdíkpá Krístò màná Kàgàwà-nyutsì.
- ⁴Krístò ní ndì fùkú obhóná ìpìrǒnga. Ndirò kà rǐ ndàvǐ kpanjangba tdítǒ nínganí, nyǐ mà átò nyǐ nyavìya nyǐ atdíkpá kà màná, kàbhà ádrùngbǎnga tó awáwù ǒ.
- ⁵Nírò, nyǐ nyàkǎ nyǒkyè yà adzi ǒ kóró dhu-tsí kǎkà nyukutsì arí'ì: múnnyòni t'ónzita mà, Kàgàwà-nyǐkpó ǒ ka kótì dhu mà, ale-nyǐ rǐwù nǐ nzére dhu-atdyú t'óhota mà, ndirò ongyéngá-atdyú t'óhota màná. Ndi ongyéngá-atdyú t'óhota rǐ'ì àdhàdhì yà sànamù ùlě ka kí dhu bhěyi.
- ⁶Kǒkò nzérénga-okú dò rò ní ndì Kàgàwà bhà nàwí nísisíya yà ìnzì arí tsuná dhu ìrì ale dǒ.
- ⁷Angyi, nyǐ nyongónà dhu ònzì ndì dhu bhěyi, yà ì nzérénga-òbì náasè dèkunǎ nínganí.
- ⁸Pbéù kòmbí, nyǐ nyàkǎ nyǐpfo kǎkà dhu-tsí kóró nyukutsì rò. I dhu ní: nàwí ònzì nyǐ nyí dhu, ùkúnga rǐ ndìwa dhu, nzére dhu ònzì nyǐ nyí dhu, ìndrù ùdhǔ nyǐ nyí dhu, ndirò ìndrù nǐ nyǐ nyí dhu ùnò nǐ ɔte-tidò ràhù liku ò rò dhu.
- ⁹Nyǐ nyàkǎ nzá nyǔnò tìtò fùkù nzínziku ǒ. Obhó tí, nyǐ nyǐpfo wà yà angyi nyǐ nyǐ'ì nà fùkú ìndrù-ayí tó ófò nyukutsì rò, pbindà mùtsò màná,
- ¹⁰nyǎdù ìndrù-ɔwútá tó ófò núfò rùkú. Obhó tí, nyǐ ní ìndrù-ɔwútá. Kàgàwà, yà àlě nabhòlò ale, náarí nyǎbhǔ nyǒngò ìndrù-ɔwútá tí bìlìnganà. Ndi dhu bhěyi ní ndì, nyǐ nyǎdù àmbe nyǔlì dǒ kà bhěyi atdíǒ, nyǎdù kùni mběyi nyú.
- ¹¹Ní wò dhu-okú dò rò, ìnzì ní Pbayàhúdì mà, Pbayàhúdì màná ǒnga ùndò ka kí dhu-tì rǐ'ì ìmbǎ. Kà rǐ'ì ndì dhu bhěyi tí ɔnzìyànga ka kóbhòlò ale mà nzínzì ǒ, ìnzá ka kóbhòlò ɔnzìyànga ale màná, iwà inga núni ake ale mà nzínzì ǒ, ìnzá inga núni akekpá màtí ale màná, ndirò ìno tí arí'ì ale mà nzínzì ǒ, ìtírò arí'ì dòyá ale màná. Obhó tí,

Krístò ní ndi kóró dhu dǒ idzi nónyù ale, ndirò kà rǐ'ì ìngbàtí ìli ndi ale mà yà ndi ná'ù nyutsi.

Kànìsà ǒ pbàkrístò àkǎ 'òkò tí nzínziya ǒ dhu

¹²Nírò nyǐ yà Kàgàwà óvò fǐndà ale tí rò, nyǐ ní kàbhà ale, yà atdíǒ kǒzè ale. Ní ndi dhu-okú dǒ rò, nyǐ nyàkǎ nyǐ'ì nà ní izu àbà nyǐ nyí ìndrù dǒ nǐ afiku, ídzìnga ònzi nyǐ nyí ìndrù tò nǐ afiku, yorowà nà nyǐ nyóko nǐ afiku, iyònga ǒ nyǐ nyóko nǐ afiku, ndirò dhu-dzi òndù nyǐ nyí nǐ afiku.

¹³Nyǐ nyàkǎ nyǒndù dziku nzínziku ǒ. Ndirò ǒdhiku òbhu nyǐ nyí okúna dǒ rò dhu nà nyǐ nyǐ'ì rò, nyǐ nyàkǎ nyǒwù dhu ùbà rǒ fùkù nzínziku ǒ, àdhàdhì Ádrùngbǎle Yèsù núbà dhu fùkù dhu bhěyi.

¹⁴Ròsè kóró kòrí dhu dǒnǎ, nyǐ nyàkǎ nyǐ'ì àzè nà. Obhó tí, àzè náarí ndi kóró ale ùngbò rǐ'ì atdí ale nyú tí.

¹⁵Nyǐ nyàkǎ nyǐ'ì Krístò bhà màrùngà nà afiku ò. Obhó tí, Kàgàwà únzi nyǐ nyǐ'ì ndi màrùngà nà, ndínǐ nyǐ nyǐ'ì tí atdí ale-ngbò tí. Ndirò, nyǐ nyàkǎ nyǐ'ì òtsò àdù arí Kàgàwà tò ale tí.

¹⁶Krístò bhà Ote àkǎ ndàdi abho nyú nzínziku ǒ. Nyǐ nyàkǎ nyǒwù dhu ùdhe rǒ fùkù, nyǎdù sedzà ùbho fùkù nzínziku ǒ dhu-ǒnga t'óvòta tó irèta nyú nà. Nyǐ nyàkǎ nyǒwù adyi ùyù rǒ Kàgàwà tò atdí afiku nyú nà, nyǎdù òwu òtsò àdu rǒ kà tò Zàburì mà, ilèta tó adyi mà, Ìlǐlǎ Alafí rǐ nyǎbhù nyǔyù ngùkpà adyi mànà ǒ.

¹⁷Ìngbàtí ìli ndi dhu mà nyǐ nyónzina, òtǐ-ku ǒ màtí, ndirò mùtsòku ǒ màtí, nákǎ nyǒnzi kóró Ádrùngbǎle Yèsù-ǒvò rǒ, nyǎdù òwu òtsò àdu rǒ Àba Kàgàwà tò kǒtù ǒ.

Fǐ-dzá pbàkrístò àkǎ 'òkò tí dhu

(*E`fe 5.22-33; 6.1-9; 1Tì 6.1-2; Tìt 2.9-10; 1Pe´ 2.18-25; 3.1-7*)

¹⁸Nyǐ vèbhálé, nyǐ nyàkǎ nyǐ'ì fùkù kpabhále-tsù dhu àkǎkǎ dhu bhěyi, Ádrùngbǎle Yèsù-ònzǐ.

¹⁹Nyǐ kpabhálé, nyǐ nyàkǎ nyǒzè fùkù vèbhále, ìnzǐ nyǎdù òwu òko rǒ abádhí mànà ìdzo tí nyǐ nyǐdò ngbòku rórò.

²⁰Nyǐ nzónzò, nyǐ nyàkǎ nyǐ'ì nyǐ nódhì ale kóró dhu ǒ. Obhó tí, wòrí ní ndi Ádrùngbǎle-nyǐkpò nófò dhu.

²¹Nyǐ nzónzo t'ábánǎ, nyǐ nyàkǎ nzá nyǒwù fùkù nzónzo àbhu rǒ rǎkò, akye nyǐ nyabhùna abádhí-afí rìngyě ì nǐ.

²²Nyǐ ìno tí arí'ì alé, nyǐ nyàkǎ nyǐ'ì yà adzi ǒ fùkù ádròdrò ale kóró dhu ǒ. Nyǐ nyàkǎ nzá nyǐ'ì abádhí yà abádhí rǐ nyǎlǎ nyǐkpóya ǒ òná kàsùmì ǒ tí, àdhàdhì abádhí-nyǐkpò ǒ tí nyǐ nyí nyǐ'ì dhu bhěyi. Pbétù nyǐ nyàkǎ nyǐ'ì abádhí ídzi afiku nyú nà, Ádrùngbǎle ìfù nyǐ nyarí dhu-okú dǒ rò.

²³Ndirò nyǐ nyónzina ìngbàtí ìli ndi dhu mà, nákǎ nyǒnzi atdí afiku nyú nà, àdhàdhì Ádrùngbǎle tò nyǐ nyí kasu ònzi dhu bhěyi, ìnzǐ ní ìndrù tò nyǐ nyí kasu ònzi dhu bhěyi.

²⁴Nyĩ nyàkã nyĩrè dhu ní, Ádrùngbãle rubhòya yà pbìndà ale tò ndì ndulì perè tí dhu fùkù. Obhó tí Krístò, yà nyĩ nyarí kàsuna ònzi ale ní ndì obhónánga tó Ádrùngbãle.

²⁵Pbétù, nzéere dhu ònzi arí ale bhà perè Kàgàwà ubhòya àdhàdhi yà kãnzì nzéere dhu-bvu rǒ, kãrí nzĩ dhu òlè ìndrũ tò nídhunĩ.

Kòlòsayì 4

¹Nyĩ ádròdrǒ alé, nyĩ nyàkã nyǒnzì dhu fùkù ìno tò obhónánga dǒ, ndirò àkãkã mùgèrè ǒ, nyàdù dhu ùni nyĩ mà átò nyĩ rãrĩ'ì ìnè dükú Ádrùngbãle nà òrù-akpà ò.

Pbàkrístò àkã 'òkò ìnzá àpè Yèsù à'u ale nzínzì ǒ tí dhu

(É`fè 5.14-17; 6.18-20)

²Nyĩ nyàkã nyòkò pòtsó itsòta ǒ. Ndirò nyĩtsò nyĩ nyí rò, nyĩ nyàkã nyǒdò Kàgàwà rãdùna fùkù dhu òtsò àdũ nyĩ nyí kà tò rórò.

³Nyĩ nyàkã nyĩtsò nyĩ dóká átò, ndínĩ Kàgàwà angbe tí pbìndà Ote òvo mã mí ìndrũ tò nĩ otu fãkà. Ndi Ote ní Krístò nàndà Ote, yà òdhũ ò ongónà àdi. Wò ndi Ote-okú dò rò ní ndi ma mí'ì kòmbí imbi ò.

⁴Nírò, nyĩtsò nyĩ dùdú, ndínĩ ma mara tí kòvò rǒ kpanjangba, àdhàdhi kàkànà mòvò dhu bhěyi.

⁵Nyĩ nyàkã nyĩ'ì dhu-ǒnga t'òvòta tó mùtso nà ìnzá àpè Yèsù à'u ale-ònzì, nyòwù ìdzìnga ònzì rǒ abádhí tò nyĩ nyàbà kóró kàsuni ǒ.

⁶Òtėku àkànà ndi'ì ìnga nòfò ote tí bìlìnganà, ndàdù òvù iko nĩ ka kòsì dhu bhěyi. Nyĩ nyàkã nyòwù ote àdu rǒ ìngbàtì ìli ndi ale mà tò àkãkã dhu bhěyi.

Bhàrwà rĩku dòná rò ovita

(É`fè 6.21-22)

⁷Ìma nàndà kóró dhu nóvo rí fùkù ní àlě t'ádònà Dòkíkò. Àbadhi ní atdíđǒ ma mózè ale, atdíđǒ pbìndà kasu nífu kasutále, ndirò atdíkpá mã mári Ádrùngbãle Yèsù bhà kasu ònzi mànà ale.

⁸Ndi dhu-okú dò rò ní ndi ma mòvì ka tiku ò, ndínĩ mã múda òná dhu nóvo tí fùkù, ndàdù afiku àbhu ròtsì obi.

⁹Ma mòvì abádhí atdíkpá atdíđǒ ma mózè, ndirò atdíđǒ ndi nífu àlě t'ádònà Ònèsimò mànà. Ndi Ònèsimò ní àwú fũrãbvũ ale. Abádhí ní ì rí iró ì nónzì kóró dhu àwě fùkù.

¹⁰Òdhidu Àsitarikò, yà atdíkpá ka kúsò mã mànà ale, nóvì nyĩ. Ndirò Mǎrkò, Bàrnabà t'ádònà nóvì nyĩ átò. Nyĩ nyàbà wà Mǎrkò-okú dò rò ma múnò fùkù dhu. Ní fũrãbvũ kà rãrà àhu rò, nyàkò ka mběyi.

¹¹Ndirò Yèsù, yà Yèsitò tí kátina ale, nóvì nyĩ átò. Kãkã Yèsù ná'ù Pbàyàhúdì nzínzì ǒ, kǒkò ìbhu ale kèlě ní ì atdíkpá arí kasu ònzi ìma mànà òrù-akpà ǒ Ádrùngbã kamà Kàgàwà bhà Idzi-okú dò rò. Ndirò abádhí ní ì afidu nópè.

¹²Fūrābvǔ ale Ępafrà nòvì nyǎ átò. Ka ní Yěsù Krístò bhà kasutále. Kǎrì nzǎ ndìngyě ndìtsò ndì ndí dǔkú bìlìnganà rò, ndínǎ nyǎ nyikò tí pòtsó fùkú a'uta ǎ, ndínǎ nyǎ nyo'ó tí afíku ònǎ rò, nyǎdù àmbè Kàgàwà-afí òzè kóró dhu ònzì dǎ.

¹³Ma mí dhu òvò kpanjangba kǒkú dò rò matì, kà rarí ndùgye atdíđǎ okúku dò rò. Ndirò kǎrì ndùgye Làwòdikiyà mà Hiyèrāpolì mànà tó kigò ǎ arí'ì pbàkrístò-okú dò rò.

¹⁴Lukà, yà atdíđǎ àlě kózè àlě tó mǔngangà mà, Dǎmà mànà nòvì nyǎ.

¹⁵Òvì nyòvì Làwòdikiyà tó kigò ǎ rí'ì àlě t'ádóna pbàkrístò, atdíkpá Nifà mà, yà pbì idzá arí 'ùndǔ pbàkrístò mànà.

¹⁶Yàrí bhàruwà ka kòzúna gukyè nzínzìku ǎ, ní nyònzì kóró òbi, kòzù ka átò Làwòdikiyà ǎ kànìsà ǎ. Ndirò nyǎ, tìku ònǎ rò, nyǎ nyàkǎ nyǎzù wò ndí kànìsà ǎ bhà tó ma mǎndí bhàruwà átò.

¹⁷Òvò nyòvò dhu Àrkipò tó nyǎtì: kà rǎkǎ ndàndà nga mběyi yà fóná Ádrùngbǎle Yěsù ábhu kasu nà, ndínǎ ndadù tí kònzì mběyi.

¹⁸Ima Pòlò, ma mǎndí dhu ɔtsúdu nyǎ nǎ, movì nyǎ nǎ. Àpé nyàdzo àdì ma mǎdì imbi ò dhu rǎ rò. Kàgàwà àkǎ ndàso nyǎ!

1 Tèsàlònìkà

1 Tèsàlònìkà 1

Pòlò mà rǐ Tèsàlònìkà ǎ Kànìsà nòvì dhu

¹Ima Pòlò, Silìvanù, Tìmòtewù mànà, mà màndí yàrí bhàruwà fùkù, Tèsàlònìkà tó kígò ǎ kànìsà tírò. Nyǐ ní Àba Kàgàwà bhà ale, ndírò nyǐ ní Ádrùngbǎle Yèsù Krístò bhà ale. Ní, Kàgàwà àkǎ ndàso nyǐ, ndàdù nyǎbhu nyòkò màrùngà ǎ.

²Mǎ mǎrí òtsò nábhù bilínganà Kàgàwà tò okúku dò rò, màdù àmbe nyǐrè dǎ fàkǎ itsòta ǎ.

³Ndirò, mǐtsò mà mí àlě t'Ábanà Kàgàwà-ònzǐ rò, mà mǎróngo ìrènà ìnzǐ mà múbhana rórò dhu ní, fùkú a'uta-kàsǔ mà, fùkú àzè arí nyǎbhu nyònzǐ kasu tí dhu mà, ndírò ní, nyǐ nyá'ù dhu ɔbi nyú nà ìngo àlě tó Ádrùngbǎle Yèsù Krístò ringoya dhu.

⁴Adódǔ, yà atdídǎ ma mózè nyǐ rò, mà mǎni dhu Kàgàwà rózè wà nyǐ, ndírò kà rówò wà nyǐ, nyǐ'ì pbindà ale tí.

⁵Obhó tí, yà fùkù mà mǎmóvò fàkǎ Ídzì Mǎkǔrù ní mà mǎmóvò nzá ɔte ǎ tí. Pbéù, mà mǎmóvò ka Ìlǐlǎ-Alafí bhà ádrùngbǎnga tó ɔbi mà, kàbhà mùdzùnà mànà nǐ, màdù dhu à'ù wò mà mǎmóvò fùkù dhu rǎrǐ obhó dhu nyú. Ndirò, nyǐ nyùnì wà ìngbà dhu bhěyi màtí nzínzìku ǎ mà mókò dhu nábhu ìdzìnga fùkù dhu.

⁶Ndi dhu bhěyi ní ndi, fùkú okota nófò ndi fàkǎ okota nà, ndàdù ndòfò Ádrùngbǎle Yèsù bhà adíta nà. Ndirò, ábhǎ àpbe nyú ǎ rò, nyǐ nyádù Kàgàwà bhà ɔte náko, Ìlǐlǎ-Alafí nǐrà nyǐ nǐ dhèdhe nyú nà.

⁷Ndi dhu bhěyi ní ndi, yà nyǐ nyónzina dhu nádi wà ìdzì ófò tí Mǎkèdòniyà mà Àkayà mànà tó pbirì ǎ Yèsù ná'ù ale tò.

⁸Obhó tí, fǔrǎbvǔ rò nga ní ndi, Ádrùngbǎle Yèsù dǎ rǎte Ídzì Mǎkǔrù nùndò ndi nǐ. Kùndò nzá ndi Mǎkèdòniyà mà Àkayà mànà ǎ tí, pbéù, nyǐ nyá'ù Kàgàwà tí dhu-òyǐ nákǎ ábhǎ ngari nyú ǎ. Ní, wò dhu dǎ mà múnɔna tdítǎ dhu rǐ'ì mbǎ.

⁹Ndirò, ìndrǔ rǒwu àwenà rǎ dhu ní, fǔrǎbvǔ mà mǎwù ùvò tí dhu. Ndirò, abádhí rǒwu àwenà rǎ dhu ní, nyǐ nyúgèrè nyǐ nyá'ù Kàgàwà, nyádù sànamù núbhà dhu. Ndi dhu bhěyi ní ndi, nyǐ nyá'í ípìrǒnga mà obhóna mànà tó Kàgàwà-kàsǔ nónzi.

¹⁰Ndirò, nyǐ nyá'í Kàgàwà t'Ídhùnà, Yèsù rǐngo òrù-akpà ò rò dhu nódò. Ndi Yèsù ní ndi Kàgàwà ábhu rǐngbè ndi ibhu ò rò, ndínǐ àlě nɔwù tí yà rǐrà ìndrǔ-ànyǎ t'ítǎtǎ tó pbindà nàwí ǎ rò.

1 Tèsàlònìkà 2

Pòlò rǐ Kàgàwà bhà Ídzì Mǎkǔrù núnɔ Tèsàlònìkà ǎ dhu

¹Adódǔ, nyǐ nyú mà nyǐ nyùnì wà dhu ìnzá mà rówù ùvò kǎkórò fǔrǎbvù.

²Nyí nyùni wà dhu átò, tdě mǎ mowu ùvò fǔrǎbvè rò, mǎ rǎbà àpbè, kadù dhu ùnò mǎ nǐ Filipì tó kigò ǒ. Pbéù, ábhǒ àpbè nzínzì ǒ rò tí, Kàgàwà ábhu afika ròtsì ǒbi, mǎnò pbindà Ídzì Mǎkǔrù fǔkù.

³Obhó tí, yà fǔkù mǎ múyǎ dhu ní'ì nzǐ afátá, ka ní'ì nzǐ nzére irèta mà, ndirò ka ní'ì nzǐ utrátá mà.

⁴Pbéù, Kàgàwà ózù ndi mǎ iwà mǎ màkǎ mǎnò pbindà Ídzì Mǎkǔrù ìndrù tò ale tí. Ní mǎ mí nzǐ àdù kùnò ìndrù-nyìkpó nǒfó tí, pbéù mǎ mǎdù kùnò Kàgàwà-nyìkpó nǒfó tí. Ka ní ndi ale-afí-tsì dhu mà núnǐ arí ale.

⁵Obhó tí, nyí nyùni wà dhu inzà mǎ rúhà ìndrù akekpa màtí òtǐka ǒ. Ndirò òtǐka ǒ, mǎ mónè nzá ìndrù-fó mǎ mí dhu òngyè dhu. Kàgàwà nyú nditírò ní ndi yà mǎ múnona dhu tó ngàmbì.

⁶Ndirò mǎ manè nzá ìndrù rǐ mǐfǔ dhu, ìmbǎ rǐ'ì nyí nyú màtí, ìmbǎ rǐ'ì ngǔkpà ale màtí. Mǎ mí'iyana ìnè mǎ'è mǎ dǔkú àzèmbè Krístò bhà uvitatále nyú ní mǎ rò.

⁷Pbéù mǎ mǎdù òko nzínziku ǒ yorowà nyú nà. Àdhàdhì ndi ndaróngùna inzo nózè ingba-tsánà bhěyi,

⁸mǎ mózè nyí atdíǒ. Ní, mǎ mazè nzá mǎnò Kàgàwà bhà Ídzì Mǎkǔrù kèlě fǔkù, pbéù atdyúka nadù ì'ì átò mǎdzi fàkǎ ípìrǒnga nyú okúku dò rò, fàkǎ àzè nítrǒ ndi abho nyú fǔkù nídhunǐ.

⁹Adódǔ, nyí nyìrè wà mǎ mónzì kasu tí dhu mà, yà mǎ mǎbà àpbè mànà. Mǎ mówù Kàgàwà bhà Ídzì Mǎkǔrù núnò rǒ fǔkù àzèmbè mǎ mí kasu ònzi adyìbhengá, ndirò kúbhingá màtí rórò, akye mǎ mowuna ì'ì ànò tí nzínziku ǒ atdí ale dǒ màtí nǐ.

¹⁰Nyí, Yèsù ná'ù ale tírò, mǎ mókò nzínziku ǒ ìlǐlǎ ófò ǒ, àkǎkǎ ófò ǒ ndirò ìmbǎ nzére dhu tí ka kózùna dhu rǐ'ì ònà ófò ǒ. Nyí ní ndi dhu tó ngàmbì, ndirò Kàgàwà ní átò ndi dhu tó ngàmbì.

¹¹Nyí nyùni wà dhu átò mǎ rókò kórò nzínziku ǒ ale mànà àdhàdhì inzo t'ábanà mà náaróko pbì inzo mànà dhu bhěyi.

¹²Mǎ mówù dhu ùyǎ rǒ fǔkù, mǎdù òwu afiku òpè rǒ. Ndirò, mǎ mówù nyǒnzì rǒ ǒbi nyú nà, ndínǐ nyí nyubhì tí Kàgàwà ózè dhu bhěyi. Ndi Kàgàwà ní ndi nyí núnzì ndínǐ nyí nyotsú tí pbindà ádrùngbǎnga tó idzi ò, nyǎdù pbindà ádrùngbǎnga tó awáwù nála.

¹³Ndirò, yàrí ní ndi yà ìnzǐ mǎ mí mǎngyě rórò mǎ mǎrí òtsò nábhǔ nǐ Kàgàwà tò okúna dò rò dhu: Nyí nyìrè yà fǔkù mǎ múnò Kàgàwà bhà Ídzì Mǎkǔrù. Ní, nyí nyǎdù kàko ìnzǐ ní ìndrù-li'ò rò àhu òte bhěyi, pbéù nyí nyáko ka Kàgàwà-li'ò rò àhu òte bhěyi. Ní, ndi òte ní Kàgàwà bhà Ɔte. Ndi òte ní ndi nyukutsì rí kasu ònzi nyí Yèsù ná'ù ale tírò.

¹⁴Adódǔ, ndi dhu nìtè dhu ní, yà Yùdeyà tó pbìrì ǒ, Kàgàwà bhà kànìsà ǒ Yèsù Krístò ná'ù ale rǒ ndi nanzì dhu, nónzì wà ndi átò rùkú dhu. Nyí nyábà àpbè fùkú pbìrì ǒ bhà nyú fó, àdhàdhì abádhí náabà àpbè inzà Yèsù ná'ù Pbàyahúdì-fó dhu bhěyi tí.

¹⁵I Pɔ̀yàhúdí ní ndi Ádràngbàlè Yèsù nabhù kohò, ì ràdù pɔ̀nábí nábhu kòkyè. Abádhí ní ndi ròká ávu. Abádhí rǒnzina dhu arí nzi Kàgàwà-nyìpkó nófò, ndirò abádhí nǒngò kóró ale tó òmvù tí.

¹⁶Abádhí arí tsùka àpà 'ùtò ìnzì mǎ mǎvò tí ògù tó ɔ̀tè ìnzì ní pɔ̀yàhúdí tó, akye abádhí adùna ùgu nǐ. Ndi dhu bhèyi ní ndi, abádhí nísè yà angyangyi ì arǒnzina fíyò nzérénga-bvu. Pɔ̀tù, Kàgàwà bhà nàwí rǐsǐ ìsǐ abádhí dǒ.

Pɔ̀lò rǐ Tèsàlònikà ǒ bhà nózè ndàla dhu

¹⁷Adódù, ka kùtu mǎ mǔbhǎ mǎ nyǐ mànà ale-ngbò ò rò ídǒ kàsùmì kèlè tí. Pɔ̀tù ale-afí ònǎ rò, àlè kí'ì ìnè atdíkpá. Atdyúka nyú ní'ì àlè ràla àlè nyǐ mànà. Ní mǎ mǒnzì kóró ɔ̀bi ndínǐ ndi dhu náaká tí fǎkà.

¹⁸Ndi dhu ìtè rí dhu ní, mǎ mómuvù mǎ mǒwù fǔrǎbvù. Ndirò ima nyú Pɔ̀lò, ma mómuvù wà dhu ibí-gùna nyú, ndínǐ ma mara tí fǔrǎbvù. Ní, pǔmvo Sitanì adù ndi otu nùtò ròká.

¹⁹Nirò, ádhi mà nyú ndi fáká a'uta rǐ'ì dòyá? Ádhi mà nyú ndi idhèka rǐ ndika okúya dò rò? Ndirò, fáká mùlè mà tó mùkimbà ní ádhi mà? Ní'íya tí obhó nyǐ ndi, yà àlè tó Ádràngbàlè Yèsù rǐngo nínganǐ?

²⁰Obhó nyú, okúku dò rò nga ní ndi mǎ mǎrí mǐlè, idhèka ràdù ndika nǐ.

1 Tèsàlònikà 3

Pɔ̀lò rǐ Tìmòtewù òvì rǎrà Tèsàlònikà ǒ bhà-afí nópè dhu

¹Ádzì mǎ mí inga òdo dhu níngyè mǎ rò, mǎ mála dhu mǎ rǎkǎ mǒkò víka dǒ rò Àtenè tó kígò ò.

²Ní, mǎ mǎdù adòkà Tìmòtewù nòvì rǎrà fǔrǎbvù. Àbadhi ní ndi Kàgàwà bhà ìno, yà atdíkpá mǎ mǎrí Krístò dǒ róte Ídzi Mǎkǔrù núnò mànà ìndrù tó ale. Ní mǎ mǒvì ka fǔrǎbvù, ndínǐ afíku nabhù tí ròtsì ɔ̀bi ndàdù nyǐdì fùkú a'uta ǒ,

³ndirò, ìnzì yà kòmbí nyǐ nyábàna àpbè adù tí atdí ale mà nábhu rùbhà pɔ̀ndà a'uta. Obhó tí, nyǐ nyùnì wà dhu, àlè rǎrǐ ndi àpbè-tidò nábà àbà.

⁴Ndirò, fǔrǎbvù mǎ mí'ì ònǎ kàsùmì ǒ, mǎ mǒvò wà dhu fùkù mǎti: àlè rǎrǐ àpbè nábà. Ní, nyǐ nyùnì wà dhu ì dhu rǎrǐ kǒkò rí 'ònzì.

⁵Wò dhu-okú dò rò ní ndi, ima nyú mà átò ma mítdègu míngyè inga t'ódota nǐ, ní ma mǒvì Tìmòtewù rǎrà fǔrǎbvù. Ma mǒvì ka ndínǐ adù tí ìngo nyǐ nyáróko tí fùkú a'uta ǒ dhu tó mǎkǔrù nà idù. Obhó tí, ma mǒnzì ɔ̀dòna dhu ní, akye ɔ̀trátába Sitanì ràdù àrà nyǐtra, ɔ̀bika ràdù àwí kòkórò dhu.

Tìmòtewù àdu ndì nà mǎkǔrù rǐ Pɔ̀lò-idhè nábhù rǐka ndì dhu

⁶Pɔ̀tù, kòmbí Tìmòtewù níra wà àhu fǔrǎbvù rò. Ní, kàwe wà ídzi dhu nyú fùkú a'uta mà, fùkú àzè mànà dǒ. Kàti, atdídǒ nyǐ rǎrǐ mǐrè bílìnganà, ndirò atdyúku nyú rǐ'ì nyàla mǎ tdítǒ, àdhàdhì mǎ mòzè mǎ ràla nyǐ átò tdítǒ dhu bhèyi tí.

⁷Ní ndi dhu bhëyi tí adódù, yà mǎ mí'ì òná àpè mà, avuta màná nzínzì ò, fùkú a'uta ò nyí nyíkò tí dhu níbhò ndi òbi afika tò.

⁸Kòmbí, mǎ mí mínè mbëyi nyú, nyí nyíkò pòtsó Ádrùngbǎle Yësù ò nídhuní.

⁹Íngbà òtsò-tidò ndi mǎ mǎdù àdunà Kàgàwà tò okúku dò rò, yà nyí nyú nyí nyàbhu idhèka rika ndi tí Kàgàwà-ònzì okúku dò rò dhu dǒ?

¹⁰Kúbhingánǎ ndirò adyíbhengá màtí, mǎ mǎrí mǐtsò atdyúka nyú nà Kàgàwà rǒ, ndíní mǎ nabhù tí mǎla ngbǒku tǐtǐdǒ, mǎdù fùkú a'uta dǒ òdì dhu níse fùkù.

¹¹Kàgàwà àlě t'Ábanà nyú nditírò, àlě tó Ádrùngbǎle Yësù màná, náká ì rǎngbe otu fǎkà ndíní mǎ mowu tí ùvò fùrǎbvà.

¹²Ádrùngbǎle Yësù àká nditrǒ nyí nyóze nyí nǐ nzínziku ò àzè, ndàdù kóró ngǔkpà ale nyí nyóze nǐ àzè nítrò átò, àdhàdhì mǎ móze nyí dhu bhëyi.

¹³Kàká ndàbhu afiku ròtsi òbi, ndíní adùya tí ì'ì ìlǐlǎ ró, ndirò ìmbǎ afátá na àlě t'Ábanà Kàgàwà-ònzì, àlě tó Ádrùngbǎle Yësù rǐngo, ì rìwù atdíkpá róná ale màná nínganí.

1 Tèsàlònìkà 4

Pòlò rǐ Yësù ná'ù ale ònzì ròkò Kàgàwà-nyìkpó nǒfò dhu bhëyi dhu

¹Adódù, ngǎtsi dhu ní, mǎ móvò wà nyí nyàkǎnà nyùbhi Kàgàwà-nyìkpó nǒfò rádù dhu bhëyi dhu fùkù. Obhó tí, nyí nyáí ndi dhu ònzì ònzì. Ní, kòmbí mǎ mǒnzì fùkú, mǎdù ùyanà fùkù Ádrùngbǎle Yësù-òvò rǒ dhu ní yàrí: Nyí nyàká nyǒnzì ka mbëyi nyú ròsè.

²Obhó tí, nyí nyùnì wà yà fùkù mǎ múyǎ ìngbǎ dhu bhëyi dhu-tidò mà rǐrà Ádrùngbǎle Yësù bhà rò.

³Kàgàwà óze dhu ní, nyílǎ nyìkpóna ò, ndirò ní nyǒdò nyí mǎnyòni rǒ rò.

⁴Ndirò kǒze dhu ní, ngǎtsi ale ròdò ngbǒna ìlátá ò Kàgàwà-nyìkpó ò, ndirò ifuta màná dhu ò,

⁵ìnzì ndàbhu ndi mǎnyòni ràtdù afina yà ìnzá Kàgàwà núnì ale náarónzina dhu bhëyi.

⁶Wò ndi mǐtsò-tidò ò, dhu àká nzá atdí ale mà rǒnzì nzérénga òdhìná rǒ, ndùpò pbìndà ara dò. Obhó tí, Ádrùngbǎle Yësù nítdi ya kóró ì dhu bhëyi dhu-ànyǎ yà angyinǎ rò mǎ múnò fùkù, mǎdù ùyanà mbëyi nyú fùkù dhu bhëyi.

⁷Obhó tí, Kàgàwà núnzì nzá àlě mǎnyòni t'ónzita tò. Pbétù, kúnzì àlě ndíní àlě koko tí ìlǐlǎ ale tí nyìkpóna ò.

⁸Ndi dhu bhëyi ní ndi, yàrí uyátá nòdhò ale, nòdhò nzá ìndrù-tsù dhu, pbétù kòdhò dhu ní Kàgàwà bhà uyátá. Ka ní ndi pbìndà Ìlǐlǎ-Alafí níbho arí fùkù.

⁹Yësù ná'ù ale rǐ 'òze nzínziya ò dhu dǒ, nyí nyí'ì mbǎ fùkù ka kí dhu àndì dhu-atdyú nà. Obhó tí, nyí nyú nyí-tírò, nyí nyùnì wà nyí nyádù nyóze nzínziku ò tí dhu Kàgàwà-rǒ.

¹⁰Kònrí ndi dhu kèlě ní ndi nyí nyarónzina Màkèdòniyà tó p̀b̀ir̀i ǒ arí'ì Yèsù ná'ù ale-rò kóró. Ní, mà m̀onzi nyí nyòngò k̀onzi mběyi nyú t̀d̀it̀d̀ǒ.

¹¹Nỳonzi ɔbi nyòkò màr̀ungà ǒ: nyàndà nyí nyóko tí dhu nyí-tírò, nyàdù kasu ̀onzi ɔtsúku nyú nì dz̀unàku ǹonzi tí yà ma múyà f̀ùkù dhu bhěyi.

¹²Ndi dhu bhěyi ní ndi, nyí nyónzina dhu r̀adù nyàbhu iri ale r̀if̀u nyí, ìmbà nyàdù ì'ì ìndr̀u r̀í dz̀unàku ̀onzi dhu-atdyú nà.

P̀olò r̀í dhu àndí Yèsù ì a'u r̀órò uvè ale ǹungbeya ì dhu d̀ǒ dhu

¹³Adódu, mà m̀ozè nzá nyòkò ìnzì nỳni iwà ì a'u Yèsù r̀órò uvè ale d̀ǒ dhu, akye nyí nyowuya òko izu ǒ, yà ìmbà arí'ì a'uta nà ng̀kpà ale bhěyi nì.

¹⁴Obhó tí, àlě ká'ù wà dhu Yèsù ravè ndàdù ndingbè. Ní ndi dhu bhěyi tí, Kàgàwà abhùya kàkà iwà ì a'u Yèsù r̀órò uvè ale, r̀ungbe ì átò, 'àdù '̀ungbò Yèsù mànà.

¹⁵Kànì Ádr̀ungbàle Yèsù unɔ dhu-bvu r̀ǒ mà m̀ovona f̀ùkù dhu. Yèsù r̀ingo dhu r̀otuna nyìkpóya nà àlě nzínzì ǒ ale tírò, àlě kokoya nzì angyi uv̀vè ale tò ̀r̀u-akpà-otù ǒ.

¹⁶Obhó tí, màlàyíkà d̀ǒ atdí ádr̀ungbàle-tù mà, Kàgàwà bhà wàndà-tù mànà r̀í '̀iri rò, Ádr̀ungbàle Yèsù nyú ndítírò nífoya ̀r̀u-akpà ò rò. Ndirò kàkà Yèsù Krístò ì a'u r̀órò uvè ale náadùya '̀ungbe angyi.

¹⁷Ndi dhu-dzidò ní ndi, yà àlě-nyìkpó nà àlě kòtù àlě ndi kàsùmì ǒ rò, àlě kadùya ̀dzì atdíkpà abádhí mànà àp̀b̀ù ǒ, àlě r̀adù àlě otù Ádr̀ungbàle Yèsù mànà awe ǒ. Ndi dhu bhěyi ní ndi, àlě kóró àlě kadùya òko bìlìnganà Ádr̀ungbàle mànà ̀r̀u-akpà ò.

¹⁸Ní, nyòngò afiku nópè nzínziku ǒ ẁr̀í ɔte nì.

1 Tèsàlònikà 5

Ádr̀ungbàle Yèsù r̀ingo ̀oná idho

¹Adódu, Ádr̀ungbàle Yèsù níngoya ̀oná idho mà, ndi kàsùmì mànà d̀ǒ, nyí nyí ìmbà dhu-atdyú nà màndí dhu f̀ùkù.

²Obhó tí, nyí nyú, nyí nỳni wà dhu mběyi nyú, Ádr̀ungbàle Yèsù r̀ingo ̀oná idho risíya ìnzá ka k̀ni angyangyi r̀órò, ogbotále náarótsù idza k̀bhingánà dhu bhěyi.

³Yà ìndr̀u r̀atina màr̀ungà r̀arí'ì k̀mbí, ndirò ɔdona ̀onzi ka kí dhu r̀arí'ì ìmbà rò ní ndi, dhu ìnzá r̀í dhu adùya ìsì abádhí d̀ǒ. Abádhí r̀abàna àp̀b̀è náapíríya ndi ndìsì àdhàdhì ari nà tsìbhàle-ò náarí ndàpìrì uguta tò dhu bhěyi. Ní, atdí ale mà ǹogùya nzì abádhí nzínzì ǒ.

⁴P̀b̀ètù nyí adódu, nyí nyí'ì ìmbà ìnò ǒ, ndínì ẁr̀í idho adùya tí nyòtdì ogbotále bhěyi.

⁵Obhó tí, nyí kóró nyí ní awáwù ǒ ale, adyíbhengá nga ǒ ale. Àlě ní nzì k̀bhingá nga ǒ ale, ìnò ǒ ale.

⁶Ní, dhu àkà nzá àlě ròdhò ng̀kpà ale-tsí bhěyi. P̀b̀ètù dhu àkà àlě ròkò àlě-nyìkpó nà, àlě r̀adù àmbe àlě ̀d̀ò d̀ǒ mběyi.

- ⁷Obhó tí, òdhò aródhò ale náaródhò kúbhingá, ndirò, òri aróri ale náaróri kúbhingá.
- ⁸Pbétù àlě, adyíbhengá nga ǒ ale tírò, dhu àkǎ àlě ròdò àlě mběyi. Dhu àkǎ àlě rùfǒ a'uta mà àzè màná làtú tí àlě-odrù dǒ, àlě ràdù ògù àlě ká'ù dhu náfò sàbù tí àlě-dò rǒ.
- ⁹Obhó tí, Kàgàwà núutri nzá àlě ndíní ìndrù-ànyǎ nítdì ndì ndí nǐ pbìndà nàwí nísíya tí àlě-dǒ. Pbétù, kùtri àlě ndíní àlě kabáya tí ògù àlě tó Ádrùngbǎle Yèsù Krístò-otù ǒ.
- ¹⁰Yèsù avè àlě-okú dò rò ndíní ndì ndíngò dhu nótù àlě àlě-nyìkpó nà màtí rò, ndirò kòtù àlě iwà àlě kùve ró màtí rò, àlě kadùya tí òko ípìrǒnga ǒ atdíkpá ndì màná.
- ¹¹Nírò, dhu àkǎ nyǒwù afìkù òpè rǒ nzínzìkù ǒ, nyǎdù òwu nyídì rǒ átò a'uta ǒ nzínzìkù ǒ yà nyí nyárí kònzì dhu bhěyi tí.

Yèsù ná'ù ale àkǎ 'òkò tí dhu

- ¹²Adódù, mà mònzi fukú ngǎtsi dhu ní, nyǒngò kǒkò nzínzìkù ǒ arí kasu ònzì ale nífu. F ale ní kǒkò nyǔnda arí Ádrùngbǎle Yèsù-òvò rǒ, 'àdù àmbe nyìkpókù itdyu dǒ nzérenga rǒ rò ale.
- ¹³Nyí nyàkǎ nyífù abádhí atdídǒ ròsè, nyǎdù abádhí nózè yà abádhí arónzina kasu-okú dò rò. Nyí nyàkǎ nyòkò màrùngà ǒ nzínzìkù ǒ.
- ¹⁴Ndirò adódù, mà mònzi nyí nyǒvò dhu ìnzá ìnga nǒfò dhu bhěyi aróko ale tò, nyǎdù afíya níngyě ì ale-afí nópè. Mà mònzi nyí nyǒnzì ivivi ngbǒya nà ale dzùnà, nyǎdù kóró ale-dzi nóndù.
- ¹⁵Mà mònzi nyí átò nyǒdò nyí, ìnzí atdí ale mà ràdu nzérenga nzérenga nǐ. Pbétù dhu àkǎ nyǒnè ídzìnga ònzì nyí nyí bìlìngànzà nzínzìkù ǒ màtí ndirò kóró ale nzínzì ǒ màtí dhu kèlě.
- ¹⁶Nyǒngò òko bìlìngànzà dhèdhe ǒ tí.
- ¹⁷Nyǒngò nyítsò ìnzí nyí nyúbhana rórò.
- ¹⁸Rùkú ndì nònzì kóró dhu ǒ, nyǒngò òtsò kèlě nádu Kàgàwà tò. Obhó tí, kǒkòrí ní ndì Kàgàwà ózè nyǒnzì Yèsù Krístò-òvò rǒ dhu.
- ¹⁹Ìlǎ-Alafí rǒnzina kasu àkǎ nzá nyùtò tsùna.
- ²⁰Kàgàwà bhà pbànábí núunò dhu àkǎ nzá nyǒnzì gàyàna.
- ²¹Pbétù, kóró dhu-ǒnga àkǎ nyǒvò, nyǎdù ídzì dhu tí rí'ì dhu ònzì.
- ²²Ndirò, nyòdò nyí kóró nzére dhu-tidò rǒ rò.

Polò rí Kàgàwà ònzì ràso Tèsàlònikà ǒ Kànìsà dhu

- ²³Màrùngà ìbho arí ìndrù tò Kàgàwà nyú ndítírò nǎkǎ ndàbhu nyí nyòkò pbìndà ale nyú tí. Kàkǎ ndòdò fukú ípìrǒnga, afìkù, atdyúkù, ndirò ngbǒkù màná, ròkò ìmbà nzére dhu tí ka kózùna dhu rí'ì òyà, àlě tó Ádrùngbǎle Yèsù Krístò ríngò òná idho tò.
- ²⁴Nyí nunzi Kàgàwà ní ìnzí arí pbìndà irèta núwù ale. Ní ka ní ndì rí ì dhu nónzì.
- ²⁵Adódù, nyǒngò nyítsò dòkǎ átò.

²⁶Nyòvì Yěsù ná'ù ale kóró atdyúkẹ nyá nà.

²⁷Ma mìtdè nyí ìtdè tí Ádrùngbǎle Yěsù-òvò rǒ ndíní nyí nyozú tí yàrí bhàrùwà Yěsù ná'ù ale tò kóró.

²⁸Àlě tó Ádrùngbǎle Yěsù Krístò àkǎ ndàso nyí.

2 Tèsàlònìkà

2 Tèsàlònìkà 1

Pòlò rĩ Tèsàlònìkà tó kigò ǒ Kànìsà nòvì dhu

¹Ima Pòlò, atdíkpá Silìvanù mà Tìmòtewù mànà, mà màndì yàrí bhàruwà fùkù Tèsàlònìkà tó kigò ǒ Kànìsà tírò. Nyĩ ní àlě t'Ábanà Kàgàwà mà, àlě tó Ádrùngbàlẹ Yèsù Krístò mànà bhà ale.

²Ndi àlě t'Ábanà Kàgàwà mà, àlě tó Ádrùngbàlẹ Yèsù Krístò mànà nákă 'àso nyĩ, 'àdù nyăbhù nyòkò màrùngà ǒ.

Pòlò rĩ Tèsàlònìkà ǒ kànìsà nílẹ̀ fìyó a'uta-okú dò rò dhu

(Mát 13.40-43; 25.31-45; Fìl 1.3-6,27-30; 1Tẹ̀ 1.3-7)

³Adódù, mà màkă mǒngò òtsò àdu bilìnganà Kàgàwà tó okúku dò rò. Ní, dhu àkă àlě rònzì ka ndi dhu bhěyi tí, fùkú a'uta rĩ ndisẹ, nyĩ nyózá nyĩ nĩ nzínzìku ǒ àzè ràdù àmbe ndise dǒ nídhunĩ.

⁴Ndi dhu-okú dò rò ní ndi mà mǎrì mǐlẹ̀ okúku dò rò Kàgàwà bhà kànìsà ǒ. Mǎ mǎrì mǐlẹ̀ átò, nyĩ nyíkò pòtsó, nyămbe fùkú a'uta nódò dǒ, àpbe mà avuta mànà-dzi t'òndùta ǒ nídhunĩ.

⁵Wò dhu bhěyi nyĩ nyónzina dhu ní ndi rí dhu àvì, Kàgàwà rítđiya kóró ale-ànyă obhónánga dǒ, ndàdù nyǒzè iwà nyĩ nyàkànà nyòtsù yà nyĩ nyárí àpbe àbà okúna dò rò pòndà ádrùngbǎnga tó idzi ò ale tí.

⁶Obhó tí, Kàgàwà ní obhónánga dǒ arí indrù-ànyă nítdì ale. Ní, kǎvùya átò yà rùkú arávu ale-rǒ.

⁷Ndirò nyĩ, yà rùkú ka karávu rò, àlě kadùya àbànà nyĩ mànà atdíkpá ní àpbe ǒ rò àlě kí àlě àsò dhu, yà Ádrùngbàlẹ Yèsù rĩ nditè òrù-akpà ò rò ì íwu pòndà ádrùngbǎnga tó òbi tó màlàyíkà mànà nínganí.

⁸Kíraya ádrùngbǎ kàzu ǒ, ndàdù yà inzà Kàgàwà núnì ale-ànyă nítdì. Ndirò kítđiya yà inzà Ádrùngbàlẹ Yèsù bhà Ídzì Mákùrù nífù ale-ànyă átò.

⁹Fìyó nzérenga tó perè tí, abádhí núuwíya dhòdhódhónganà, ì ròkò itse nyú Ádrùngbàlẹ Yèsù rǒ rò, ndirò kàbhà òbi tó ádrùngbǎnga tó awáwù rǒ rò màtí.

¹⁰Ndi dhu onziya ndi Yèsù ríngò ndínì pòndà ale-tsí nílẹ̀ tí ndi, ndi ná'ù ale kóró ràdù ndifù nínganí. Nyĩ nyí'íya ì ale nzínzì ǒ átò, iwà nyĩ nya'u fùkù mà munò òte nídhunĩ.

¹¹Ndi dhu-okú dò rò ní ndi, mà mǎrì mǐtsò bilìnganà okúku dò rò, ndínì àlě tó Kàgàwà nóozú tí nyĩ pòndà anzita nà àkă ale tí. Ndirò mà mǎrì mǐtsò ndínì pòndà ádrùngbǎnga tó òbi nĩ kàbhù tí nyĩ nyárí atdyúna òho kóró ídzìnga mà, fùkú a'uta-kàsù mànà rākă.

¹²Ndi dhu bhěyi ní ndi, àlě tó Ádrùngbàlẹ Yèsù-òvò rĩ ndilẹ̀ okúku dò rò, òvòku ràdù ndilẹ̀ átò kókú dò rò. Ndi dhu ràdù ndònzì àlě tó Kàgàwà bhà ídzìnga mà, Ádrùngbàlẹ Yèsù Krístò bhà ídzìnga mànà nókú dò rò.

2 Tèsàlònìkà 2

Pfòmvo ìvì nzéere ale nǒnziya tdǔ Ádrùngbǎle Yèsù ingo rò dhu

(Màt 24.23-44; 1Yù 2.18; 4.1-3)

- ¹ Adódù, àlě tó Ádrùngbǎle Yèsù Krístò rǐngo, ndàdù àlě-tsù nándu tina ò òná idho dǒ, mà mìtdè nyǐ ìtdè tí:
- ² Àpé nyàbhù dǔku rǐnza ndì isó tí nyàmbe ɔdò ònzì dǒ yà ìndrǔ rǎtina iwà Ádrùngbǎle Yèsù rǐngo òná idho rǎkǎ rò. Àpé nyà' u ka, ìmbǎ ka kátina pbànábí núnò dhu rǎrǐ ndì, ndirò mà màndì dhu rǎrǐ ndì, ndirò ngǎtsi nǐ, mà màndì bhàrùwà rǎrǐ ndì ka núnò rò.
- ³ Àpé nyàbhù atdí ale mà rùtrǎ nyǐ ingbǎ ófò ǒ màtí. Obhó tí, dhu àkǎ pé ìndrǔ rǐvǎ dhu ì ròdhò Kàgàwà angyinǎ rò tdǔ ndì idho náaká rò, pfòmvo ìvì nzéere ale nyú rǎdù nditè. Ndi ale ní iwà Kàgàwà utri angyangyi dhòdhódhóngà tó ɔve tò ale.
- ⁴ Ka ní òmvǔ, yà Kàgàwà tí ka karózùna, kadù ùlenà kóró dhu-tsí dǒ arí ndidzǐ ɔrú ale. Kǎraya àhu ndì ndádì Kàgàwà bhà idza nyú ǒ, ndàdù ndàtì nditírò Kàgàwà nyú tí dhu ò.
- ⁵ Nyǐ nyirè tí obhó yà fǔkù ma mongónà òvòná àdì ma màdì nzínziku ǒ rórò dhu?
- ⁶ Ndirò kòmbí nyǐ nyùni wà kà-tsù nútò arí ìnzǐ rònzì ndì dhu. Ní kǎraya nditè pbìndà kàsùmì rǎkǎ rò tí.
- ⁷ Obhó tí, nzéere ale bhà ɔbi rǐ'ì inè kasu ònzì ndì ndí ìnzá ka kùni rórò ró. Pbétù dhu àkǎ yà kà-tsù nútò rí kòmbí ale rǐndrǐ pé ndì ànyirò rò.
- ⁸ Nírò ní ndì ndì nzéere ale nítèya ndì kprangba. Ndirò, Ádrùngbǎle Yèsù náadùya kòhò ihèna nǐ, nditò kàsùna pbìndà ingota tó awáwù nǐ.
- ⁹ Wò ndì nzéere ale níraya pfòmvo Sìtanì bhà ádrùngbǎnga tó ɔbi nǐ. Kǒnziya kóró wíwí-tidò, dhu itè rí ize mà, ìnzá apèna 'ònzì angyi ìndrǔ-nzínzì ǒ dhu-tidò màná, ndùtrǎ ìndrǔ nǐ.
- ¹⁰ Ndirò kǒnziya kóró nzérenga-tidò, ndùtrǎ ùwǐ rúwǐ ale nǐ. I ale núuwíya ìnzá ì azè 'àkò, ndirò ìnzá ì òzè yà 'ìgu rǎdù obhóngà dhu-okú dò rò.
- ¹¹ Ndi dhu-okú dò rò ní ndì, Kàgàwà arí abádhí rǔwǐ nǐ ádrùngbǎnga tó ɔbi nívi, ndínǐ abádhí náa' u tí tìtò.
- ¹² Ndi dhu bhèyi ní ndì, Kàgàwà adùya anya nítìdì yà ìnzá obhóngà ná'ù, pbétù 'àdù nzérenga kèlě nózè ale dǒ.

Pɔlò rǐ Kànìsà nónzi rìkò fiyó a'uta ǒ dhu

(1Pé' 1.3-9; 5.10-11)

- ¹³ Pbétù mà'í na adódù, mà màkǎ mǒngò òtsò nádu bilínganà Kàgàwà tò okúku dò rò, yà atdí dǒ Ádrùngbǎle Yèsù ózè nyǐ rò. Obhó tí, mùhàngú ò rò Kàgàwà náapì wà nyǐ ògù tò, yà nyǔ'ò rí nyǐlǎ nyǐkpóna ǒ pbìndà Ìlǐlǎ-Alafí-otù ǒ. Ndirò kǎpì nyǐ ògù tò obhóngà nyǐ nyá'ù dhu-otù ǒ.

¹⁴Kònǎ ì dhu tò nga ní ndi Kàgàwà únzi nyí yà fùkù mà múnò Ídzì Màkürù-otù ǎ nǎ, ndínǎ nyí nyí'iya tí ngari nà àlě tó Ádrùngbǎle Yěsù Krístò bhà ádrùngbǎnga tó awáwù ò.

¹⁵Nírò adódù, nyìkò pòtsó fùkù a'uta ǎ. Ndirò nyàlǎ yà fùkù mà múyǎ tsùka ǎ màtí, ndirò andítá ǎ màtí dhu mběyi dũku ò.

¹⁶Àlě t'Ábanà Kàgàwà náazè àlě atdíǎ. Ndirò pbìndà ídzìnga-otù ǎ, kǐbhò dhòdhòdhóngà tó ale-afí t'ópèta mà, ídzì a'uta mànà àlě tò. Ní, àlě tó Ádrùngbǎle Yěsù Krístò nyú ndítírò, àlě t'Ábanà Kàgàwà mànà,

¹⁷nákǎ ì ròpè afíku, 'àdù nyíǎ kóró kàsũku mà ídzì òtũku mànà ǎ.

2 Tèsàlònikà 3

Pɔlò rǐ itsòta nónzi Kànìsà-fó dhu

(Ròm 15.30-32; 1Tì 2.9-10; 4.11-12)

¹Kùbha mà mí dóná rò nǎ adódù, nyòngò nyítsò dòká, ndínǎ Ádrùngbǎle Yěsù bhà ɔte núundo tí ndi tsàkàtsàkà, kadù ifunà kóró ngari ǎ yà fùrǎbvũ kǎrí ndònzì dhu bhěyi.

²Ndirò dhu àkǎ nyítsò nyí dòká, ndínǎ Kàgàwà igú tí mà'ì òrǒrù ndirò nzére-ale-fó rò. Obhó tí, ìnzǐ ní kóró ale ndi Yěsù ná'ù.

³Pbétù, Ádrùngbǎle Yěsù ní ìnzǐ arí ùnò ndi ndùnò dhu núbha ìnzá ndi ndònzì rórò ale. Ní kà rǐ nyíǎ, ndàdù nyòdò Nzére ale rǎ rò.

⁴Ádrùngbǎle Yěsù-okú dò rò, mà mà'ù dhu nyí rarí fùkù mà múyǎ dhu ònzì ònzì, ndirò nyí rǎròngo kònzì ònzì.

⁵Ádrùngbǎle Yěsù àkǎ ndàbhu nyí nyǎni ìngbǎ dhu bvũ màtí Kàgàwà ózè nyí dhu, ndàdù nyǎbhu nyòndù àpbè-dzi àdhàdhì ndi ndandù ka dhu bhěyi.

Pɔlò rǐ dhu ùyǎ Tèsàlònikà ǎ Kànìsà tò kasu dǎ dhu

⁶Adódù, mà mí dhu ùyǎ fùkù àlě tó Ádrùngbǎle Yěsù Krístò-ɔvò rǎ: nyìndà nyí yà ngbòya úyí, ìnzǐ 'àdù yà fùkù mà múyǎ dhu nífu kóró ɔdhíku rǎ rò.

⁷Nyí nyǎni wà dhu, nyí rǎkǎnà nyòkò mà mǎrí òko dhu bhěyi. Obhó tí, nzínzìku ǎ mà mí'ì rò, mà mókò nzá itsi nà.

⁸Mǎ mónyù nzá atdí ale bhà ònyù mà tírǒrò. Pbétù, mà mónzì kasu ɔbi nyú nà ndirò ingyétá mànà, kùbhingá màtí, ndirò adyíbhengá màtí, akye mà mowuna ì'ì ànò tí nzínzìku ǎ atdí ale dǎ màtí nǎ.

⁹Mǎ mónzì wòrí dhu àzèmbè iwà nyí nyàkǎnà nyònzì dzùnàka rórò tí. Pbétù, mà mazè dhu ní mǐtè nyí nyàkǎ nyòngò ònzìnà dhu yà mà mónzìna dhu-nyutsì.

¹⁰Obhó tí, fùrǎbvù mà mí'ì ònà kàsùmì ǎ, mà múyǎ dhu fùkù màtí: «Ìnzǐ arí kasu ònzì ale ní rǎkǎnà nzá ndònyù dhu.»

¹¹Mǎ mírì dhu, nzínzìku ǎ atdíǎhená ale-ngbò rúyí, ìnzǐ 'àmbe kasu ònzì dǎ. Ndirò kasu ònzì ì àmbènà rò, abádhí rarádù 'ìtsu ngũkpà ale rǎnzìna kóró dhu ò.

¹²Ní, mã m̀nzi i ale-tsí, mãdù dhu ùya f̀yò Ádr̀ngbãle Ỳsù Krístò-òvò r̀, ròwù kasu ònzì r̀ ìỳngà ̀, 'àdù f̀yò ònyù nyù ǹnyù.

¹³Pbétù, nyí adódù, nyí nyàkã nzá nyíngyè nyí idzìngà t'ònzita nĩ.

¹⁴Ìnzì rí yà mã m̀nò yàrí bhàruwà ̀ dhu nífù ale, nákã nyűwè d̀nánaga, ìnzì nyàdù nyíri mànà, ndínĩ nyina adù tí iwu.

¹⁵Àpé nyàdù nyòzù ka òmvù tí. Pbétù, nyí nyàdù dhu òvò kà tò òdhiku bhèyi tí.

Pòlò rĩ ndìtsò Tèsàlònìkà ̀ bhà d̄ ndàdù abádí nòvì dhu

¹⁶Màr̀ngà ìbho arí ìndr̀ tò Ádr̀ngbãle Ỳsù nákã ndàbhu màr̀ngà ndìtìrò f̀kù kóró kàsùmì ̀ ndìrò kóró òfò ̀. Ádr̀ngbãle Ỳsù àkã ndì'ì nyí mànà kóró.

¹⁷Ima Pòlò, yàrí ní ndì òtsúdu nyù nĩ ma m̀ndina f̀kù dhu, movì nyí òná. Ma marí òtsúdu ìlĩ ndì dhu bhèyi kóró bhàruwà ò. Kànĩ òtsúdu-dò nyù.

¹⁸Àlè tó Ádr̀ngbãle Ỳsù Krístò àkã ndàso nyí kóró.

1 Tìmòtewù

1 Tìmòtewù 1

Pɔlò rǎ Tìmòtewù nóvì dhu

¹Ima Pɔlò, ima ní Yèsù Krístò bhà uvitatále. Ima nóvò ní Kàgàwà àlě tó Ògùba mà, Yèsù Krístò, yà àlě kílì àlě-nyìkpó ròná ale màna.

²Tìmòtewù, ma mí yàrí bhàrwà àndí indù. Inyi ní idhùdu nyú a'uta-otù ǎ. Kàgàwà àlě t'Ábanà mà, Yèsù Krístò àlě tó Ádrùngbàle màna náká ìtè fìyó ídzìnga indù, àbà izu dùnú, àdù nyabhu nyadi màrùngà ǎ.

Pɔlò rǎ Tìmòtewù àvì ròsò tìtò tó màlímó dhu

³Yà Màkèdòniyà tó p̀bìrì ò ma m̀arà r̀òrò ma m̀avi nỳonzi dhu bh̀eyi tí, ma mòzè nyadi Èfesò tó kigò ò, ndíni nyi nyosó tí atdídhena ale, ìnzì r̀ambe tìtò tó dhu nùdhe d̀ ̀indrù tò.

⁴Nyi nyàkà nyosò abádhí átò ìnzì r̀umbè ì tìtò tó imbe t'áweta mà, fìyó r̀ugànda-tsu náalè ndì tí dhu màna dhu nàwè ì ì ìnzì r̀iku r̀òrò dhu r̀ò. Ì dhu àwè ka kí dhu náarí agòta ìbho ìindrù nzìnzì ǎ, àzèmbè a'uta-otù ǎ ka kùni Kàgàwà ózè dhu nónzì ka kàmbènà rò.

⁵Ma mí wò dhu ùyà okúna d̀ò rò dhu ní, ndíni ìindrù nóozé tí ì nzìnzìya ǎ. Ndi àzè r̀ahu ìlìlè ale-afí mà, ídzi irèta mà, obhónánga tó a'uta màna ò rò.

⁶Atdídhena ale nìndà ì k̀òkò ì dhu r̀ò rò, ndì dhu r̀adù 'àbhu 'àmbe ìmbà t̀ya nà dhu nùnò d̀ ̀indrù tò.

⁷Abádhí ózè ì'ì Kàgàwà bhà Úyátá tó màlímó tí. P̀bètù, abádhí únì nzá wò ì únona dhu-tì mà, ndìrò abádhí únì nzá wò ì údhèna òbi nyú nà dhu mà.

⁸Àlě kùni wà dhu Úyátá r̀arí ídzi dhu, Kàgàwà ózè dhu bh̀eyi ka kùdhe ka ìindrù tò rò.

⁹Àlě kàkà àlě r̀uni dhu átò, Kàgàwà ranzi nzá p̀bindà Úyátá obhónánga ònzi arí ale tò. P̀bètù k̀anzi ka fìyò ale ní ìnzì arí Úyátá nífù ale, ìnzì arí Kàgàwà ùnò dhu ìfù ale, ìnzì arí Kàgàwà ná'u ale, ndìrò nzéreatále. K̀anzi ka átò ìnzì arí Kàgàwà ìfù ale tò, yà adzi ǎ dhu nátdù afíya ale tò, abáya mà ayíya màna nókye arí ale mà ngùkpà ale òkye arí ale màna tò.

¹⁰Kàgàwà anzi Úyátá átò okúya d̀ò rò ale ní m̀nyònitále mà, kpabhále tírò arí m̀nyòni ònzi nzìnzìya ǎ ale mà, ndìrò vèbhále tírò arí m̀nyòni ònzi nzìnzìya ǎ ale màna. K̀anzi ka átò ìindrù ùdzi arí ìno tí ale mà, tìtò ùno arí ale mà, tìtò d̀ arí dhu nùtsò ale mà, ndìrò Kàgàwà bhà obhónánga tó òte nà rí 'àgò ngùkpà dhu-tsí nónzì arí ale màna-okú d̀ò rò.

¹¹Ndi obhónánga tó òte náko ndì yà hirò nónzì Kàgàwà ìbhò fudú, ndíni ma mongó tí ùnòna ìindrù tò p̀bindà ádrùngbànga tó awáwù tó Ídzi Màkùrù nà.

Pɔlò rǎ òtsò àbhù Yèsù Krístò tò, kàbhà ídzìnga-okú d̀ò rò dhu

¹²Ma màbhũ òtsò yà ɔbi níbhò idù àlě tó Ádrùngbǎle Yěsù Krístò tò, kǒzù ma àkǎkǎ ale tí, ndìdì ma p̀b̀ndà kasu ǒ dhu-okú dò rò.

¹³Angyi ima ni'ì Yěsù nǐ arí dhu ùnɔ ale, Yěsù ná'ù ale rǒ arávu ale, ndirò àrì dò arí dhu ònzì ale. P̀b̀tù Kàgàwà ábà izu dùdú, inzà ma má'ù Yěsù dhu nábhũ ma mongò inzà ma m̀ǹni dhu ònzì dhu-okú dò rò.

¹⁴Ndi àlě tó Ádrùngbǎle Kàgàwà nítè p̀b̀ndà ídzìnga abhò nyú idù. Ní, kǎdù dzùnàdu ònzì ma'ù ndì, madù ngǔkpà ale nózè, Yěsù Krístò mànà mǎ múngbò mǎ dhu-okú dò rò.

¹⁵Yàrí ní ndì àkǎkǎ ka'ù, ndirò kóró ale àkǎ ì rǎkɔ ɔte. Ndi ɔte ní: Yěsù Krístò írà yà adzi ǒ ndíni ndì ndigú tí nzérenatále, yà ima nyú ma mí'ì nzére ale nyú tí ròsè nzínziya ǒ ale.

¹⁶P̀b̀tù, ndì dhu-okú dò rò ní ndì Kàgàwà ábà izu dùdú. Kǒnzì ka ndì dhu bhěyi, ndíni otùdu ǒ, ima, nzére ale nyú nzérenatále nzínzi ǒ tírò, Yěsù Krístò nítè tí kóró p̀b̀ndà dhu-dzi t'òndùta. Kǒnzì dhu ndì dhu bhěyi, ndíni ndì ndítè tí dhu ngǔkpà ale tò abádhí rǎrì'ì inè 'à'ù ndì, 'àdù dhòdhódhóngà tó ípìrǒnga nába.

¹⁷Kàgàwà dhòdhódhóngà tó Ádrùngbǎ Kamà, yà inzǐ aróvè, yà inzǐ atdí ale mà arálàna, ndirò yà atdíró tí arí'ì Kàgàwà náká ifuta nà ilèta mànà dhòdhódhóngà nà. Àminà!

¹⁸Timòtewũ p̀b̀anngbá, ma mí yàrí dhu àvì nyɔnzì, àdhàdhì yà angyangyi p̀b̀anábí avò okúnu dò rò dhu bhěyi, ndíni ndì ɔte-otù ǒ nyi nyugye tí ale-afí tó ídzi ila.

¹⁹Nyi nyákǎ nyòdò p̀b̀ukù a'uta mà p̀b̀ukù ídzi irèta mànà mběyi. Atdídhena ale nódhò fiyó ídzi irèta, ndì dhu ràdù 'àbhũ 'ùwí fiyó a'uta ǒ rò.

²⁰Kò ì ùwũwí ale nzínzi ǒ ní, Himèneyò mà Àlìsandurù mànà. Ma mípfo wà abádhí mabhũ p̀fòmvo Sitanì tò, ndíni fiyó mùtsɔ nugèrè tí, ndirò inzǐ 'ongó tí dhu ùnò Kàgàwà nǐ tdítǒ.

1 Timòtewù 2

Yěsù ná'ù ale àkǎ òngò ìtsò kóró ale dǒ dhu

¹Nírò, angyinǎ rò nyú ma m̀nzì fakú dhu ní, nyòngò nyítsò kóró ale dǒ. Nyítsò nyí nyí rò, nyòngò dhu ònzì Kàgàwà-fó, nyǎdù nyítsò Kàgàwà rǒ abádhí-okú dò rò. Nyòngò Kàgàwà ònzì r̀nzì kóró ale rǒ m̀hetù dzùnà, nyǎdù òtsò àdu Kàgàwà tò abádhí-okú dò rò.

²Nyòngò nyítsò ndì dhu bhěyi átò ádròdrǒ kámá mà, ìndrũ ùnda arí kóró ngǔkpà ale mànà dǒ, ndíni àlě nabhù tí àlě ròkò ìyònga ǒ, ndirò màrùngà ǒ, àzèmbè àlě kí Kàgàwà ózè dhu ònzì, àlě ràdù ifùna ka kí dhu ònzì ngǔkpà ale-rǒ rórò.

³Wò dhu bhěyi ní ndì, nyí nyí àyàya dhu, ndirò Kàgàwà àlě tó Ògùba-nyìkpó nòfò dhu nónzi.

⁴Kòzè dhu ní kóró ale ràbà ògù, 'àdù obhóngà ùni.

⁵Obhó tí, Kàgàwà arí'ì atdí tí, ndirò kà mànà rí ìndrù ùngbò ale rí'ì atdí tí. Ndi ale ní ìndrù, Yèsù Krístò.

⁶Kàbhu pbìndà ípìrõnga ndítírò òve tò, kóró ale ndi nduwù tí nǐ. Wòrí ní ndi, Kàgàwà apì kàsùmì àkǎ rò, Yèsù itè yà adzi ò ale tò dhu.

⁷Ndi dhu-okú dò rò ní ndi, Kàgàwà íli ma uvitatále tí, ndirò ndi Ídzi Màkürù t'únótatále tí. Kǐli ma átò ndíńí ma mudhè tí dhu ìnzǐ ní Pbàyàhúdì tò, rà'ù Kàgàwà, 'adù obhóngà ùni. Yà ma múnóna dhu ní obhó dhu nyú, ìnzǐ ní tìtò.

Kpabhále mà vèbhále mànà àkǎ ì'ì nà Kànìsà ò ófò

⁸Nírò, ma mòzè kóró ngari ò kpabhále róngò ìtsò Kàgàwà-nyìkpó ò ìlǎ afíya nà, òtsúya ì ùva òrù rórò, ìmbǎ nàwí na, ndirò ìmbǎ agòtá na.

⁹Ndi dhu bhèyi tí, ma mòzè vèbhále róngò 'ùfò inga nòfò dhu bhèyi, ndirò isísó ófò ò. Abádhí àkǎ nzá 'ìdhà ìndrù-afí dòyà, dòya-ká t'ókyèta mà, òrò nǐ ka kóbhòlò dhu t'úfótá mà, òrú odziya nà yòkpó mà, òrú odziya nà mberù mànà t'úfótá-otù ò.

¹⁰Pbétù, abádhí àkǎ 'itè fíyó aya ídzi kasu ònzì ì í dhu-otù ò, àdhàdhì Kàgàwà-òdò ònzì ì arí dhu tí arí 'àti vèbhále náarónzina dhu bhèyi.

¹¹Vèbhále àkǎ ìnè ìnè tí kpabhále rí dhu ùdhè fíyò rò, 'adù fíyò rí dhu ùdhè ale rúnóna dhu nífà.

¹²Ma màvi nzá vèbhále rùdhe dhu kpabhále tò, ndirò ngàtsi nǐ rí'ì ádròdrò ale tí kpabhále dǒ. Pbétù abádhí àkǎ 'ìnè ìnè tí.

¹³Obhó tí, Àdamù ní ndi wemberè tí Kàgàwà abhòlò, ndàdù Èvǎ òbhòlò dzina dǒ.

¹⁴Ndirò, ìnzǐ ní Àdamù ndi pfòmvo Sitanì utrá, pbétù tsìbhále ní ndi kùtrá, ndirò tsìbhále ní ndi ndi ka kùtrá dhu abhù rùkò Kàgàwà bhà Úyátá.

¹⁵Pbétù Kàgàwà igúya vèbhále uguta-otù ò, fíyó a'uta mà àzè mànà abádhí òdò, 'adù ùbhi Kàgàwà-nyìkpó ò ìlǎ, ndirò inga nòfò dhu bhèyi rò.

1 Tìmòtewù 3

Kànìsà ò ádròdrò ale àkǎ ì'ì nà ófò

¹Kànǐ obhó dhu ùno rí òte: Kànìsà dõnga àndà arí ádrùngbǎle tí ndi nòzè ndòngò ale nòzè ní ídzi kasu nyú.

²Ndi ádrùngbǎle nákǎ ìmbǎ nzére dhu tí ka kózùna dhu rí'ì nyùnatsì. Kàkǎ ndi'ì atdí tsìbhále kèlè nà ale tí. Kàkǎ ndi'ì afína òtò rí ale tí, ìnzǐ arí dhu òmò òmò tí ale tí, ndirò ifuta nà àkǎ ale tí. Kàkǎ ndi'ì mbèyi arí olo àkǎ ale tí, ndirò mbèyi arí Kàgàwà bhà Òte ùdhè ìndrù tò ale tí.

³Kàkǎ nzá ndi'ì iwa óvò ale tí, ndirò ngàtsi nǐ anya ònzì arí ìndrù nà ale tí. Pbétù, kàkǎ ndi'ì ìyò arádi ale tí, màrùngà nòzè ale tí, ndirò ìnzá fùrangà átdù afína ale tí.

⁴Kàkǎ ndi'ì mbèyi arí pbì idzá-bhà òdò, ndàdù pbì inzo àbhu rí'ì tsùnà dhu ifuta nyú nà ale tí.

⁵Obhó tí, ìnzí arí p̀b̀i idzá-bhà nyú nódò mběyi ale rǎdù Kàgàwà bhà kànisà nódò ìngbà dhu bhěyi?

⁶Kànisà dǎ ádr̀ungbǎle àkǎ nzá ndì'ì owútána tí Yèsù ná'ù ale tí, akye kǎrana ndìd̀zi, Kàgàwà rǎdù anya òtdì dòná yà Pfòmvo dǎ ndì ndatdì anya dhu bhěyi nǐ.

⁷Kàkǎ ndì'ì ìnzá Yèsù ná'ù ale mà rǎdù ídzì dhu ùnò dòná átò ale tí, akye ì ale owuna òko ìnzí ìfu ka nǐ, ndirò akye kǎrana àtsi Pfòmvo bhà àdà ò nǐ.

Diyàkónó àkǎ ì'ì nà ǒfò

⁸Ndì dhu bhěyi tí, diyàkónó àkǎ ì'ì ifuta nà àkǎ ale tí, ndirò ìnzí ní oyoyò idàya nà ale tí. Abádhí àkǎ nzá ì'ì iwa óvò ale tí, ndirò titò tó otu ǎ ka kóngyèna malì átdù afíya ale tí.

⁹Abádhí àkǎ 'òdò yà Kàgàwà itè àlě tó a'uta tó obhónánga ìlìlǎ afíya nyú nà.

¹⁰Abádhí àkǎ pé kandà mùtsǒya angyi, ndì dhu-dzidǎ, ìnzá ka kàbà nzére dhu abádhí-nyutsi rò, kadù ndì kasu àbhù abádhí r̀onzì.

¹¹Ndì dhu bhěyi tí, abádhí tó vèbhále nákǎ ì'ì ifuta nà àkǎ ale tí, ndirò ìnzí arí ìndr̀-ngbò ùnò ale tí. Abádhí àkǎ ì'ì afíya òtò rí ale tí, ndirò fíyò ka kàvi kóró kasu ònzì arí mběyi ale tí.

¹²Diyàkónó àkǎ ì'ì atdátdí tí arí'ì vèbhále nà ale tí, ndirò mběyi arí fíyó inzo mà, fí-dzá arí'ì ngùkpà ale mànà dhu òdò ale tí.

¹³Mběyi arí fíyó kasu ònzì diyàkónó, nífù kóró ale arí. Abádhí rǎdù òwu dhu àwe rǎ ìndr̀ tó ìmbǎ òyá òdóna, Yèsù Krístò ì á'ù dhu dǎ.

Àlě tó a'uta ídè dòná ádr̀ungbǎ ǒte

¹⁴Ma màndí yàrí bhàruwà ìndù iwà mà'ù dhu òtò mà r̀arí m̀otò tinu ò ìnzá òtrò idho ǎ r̀órò.

¹⁵Pbétù, ìnzá mà màrà àhù sese rò, yàrí bhàruwà rí ndì ìngbà dhu bhěyi màtí dhu àkǎ kokò Kàgàwà bhà ale nzínzì ǎ dhu nítè ìndù. I ale ní Kàgàwà, yà ípìr̀õnga nà arí'ì dhòdhódhóngà nà ale bhà Kànisà, yà obhóngà ídè dòná átsùta.

¹⁶Obhó dhu nyú ní yà. Kàgàwà itè àlě tó ní ádr̀ungbǎ ǒte nyú. Àlě tó a'uta ídè ndì ǒte dǎ: Yèsù Krístò itè ndì ìndr̀ tó ǒfò ǎ, ndirò ka ní ndì Ìlìlǎ-Alafí itè Kàgàwà ózù ìmbǎ afátá nà nyunatsi ale tí. Kǎvi ndì màlàyíká-ònzí, ndirò kàbhà Ídzì Màkürù ní ndì ka kuno ìnzí ní Pbàyàhúdì nzínzì ǎ. Ka ní ndì yà adzi ǎ ale a'u, ndirò Kàgàwà adù àbhùnà r̀òdzì òr̀ù-akpà ò, ádr̀ungbǎnga tó awáwù ò.

1 Tìmòtewù 4

Tìtò tó dhu ùdhě rí ale rǎ rò ka kí ale òdò dhu

¹Ìlìlǎ-Alafí rí dhu òvo kpangba ndàti, yà adzi ǎ dhu-tsù rí ndòdì ònà kàsùmì ǎ, atdídhená ale rubhàya fíyó a'uta. Abádhí apbáya ì ìndr̀ ùtrǎ rí ale-afí mà, pfòmvo údhe dhu fíyò ale r̀ùdhěna dhu mànà rǎ.

²I ale núubhàya fíyó ídzì otu, 'àdù títò tó ndirò ɔyɔyɔ idàya nà màlímó-owù núngu. I títò tó màlímó ní iwà fíyó irèta nínza ndì àdhàdhì kàzɔ ò ka kòbì rilù suma nǐ ka kòbì dhu bhěyi.

³Abádhí nńisóya ìndrũ ìnzǐ ongó tí 'ùmba, ndirò ìnzǐ ongó tí atdídhena ònyù-tidò nónyù. Pbéù Kàgàwà ónzì kóró ònyù-tidò. Ní a'uta nà ale, ndirò obhóna núnì ale rǎdù kònyù òtsò nà.

⁴Kóró dhu-tsí yà Kàgàwà ónzì ní ídzì dhu. Ní i dhu nzínzì ǎ, òdhona ka kǐ dhu rǐ'ì ìmbǎ atdí màtí, Kàgàwà tò ka kǐ òtsò àbhũ rórò ka kònzì ka rò.

⁵Obhó tí Kàgàwà bhà ɔte mà, itsòta mànà nú'o wà yà kǒnzì kóró dhu-tsí rilǎ kà-nyìkpó ǎ.

Mběyi arí kasu ònzì Yěsù Krístò tò ale

⁶Tímòtewũ, nyi nyapé wò ma múnò indù dhu núdhě Yěsù ná'ù ale tò, ní nyi nǐ'ina mběyi arí kasu ònzì Yěsù Krístò tò ale. Ndì dhu itèna dhu, iwà nyi ró'ò a'uta tó ɔte ǎ, ndirò iwà nyi rífù indù ka kúdhe obhónánga.

⁷Nyi nyàkǎ nzá nyirì ìmbǎ tǐya nà imbe, yà ìnzǐ rí 'àkǎ a'uta nà imbe. Pbéù, nyi nyàkǎ nyonzi obi nyifu Kàgàwà ózè dhu.

⁸Ale-ngbò àbhũ rí rǐdzò dhu ònzì ka kǐ dhu ní ídzì dhu ngúfe otu ǎ, pbéù Kàgàwà ózè dhu ònzì ka kǐ dhu ní ídzì dhu nyú ròsè kóró otu ǎ. Obhó tí, ndì dhu ònzì rí ale tò Kàgàwà ókò wà ípìrǒnga tó làkǎ yà kòmbì rí'ì kàsùmì ǎ, ndirò olù iraya kàsùmì ǎ.

⁹Yà ma mòvò indù ɔte ní obhó ɔte nyú, ndirò kóró ale àkǎ 'à'ù ɔte.

¹⁰Àlě kǎrí adyɔ ìvò, ndirò àlě kǎrí àlě ùgye Kàgàwà, yà ípìrǒnga nà arí'ì dhòdhódhóna nà ale ò àlě kǐlì àlě tó a'uta dhu-okú dò rò. Ndì Kàgàwà ní kóró ale tó Ògùba, ròsè ní Yěsù ná'ù ale tó Ògùba.

¹¹Kǒkò dhu àkǎ nyuyǎ, nyadù ùdhenà ìndrũ tò.

¹²Atdí ale mà nǎkǎ nzá ndònzì gàyànɔ zàdhà tí nyi nyí'ì dhu-okú dò rò. Pbéù, nyi nyàkǎ nyí'ì ídzì ófò tí Yěsù ná'ù ale tò, òtǎnu ǎ, mǔtsǒnu ǎ, pbùkù àzè ǎ, Kàgàwà nyi nyá'ù nǐ pbùkù a'uta ǎ, ndirò kà-nyìkpó ǎ pbùkù ípìrǒnga ílǎ tí dhu ǎ.

¹³Nyi nyàkǎ nyadzi nyi nyongò Andítá òzù ìndrũ tò, nyongò abádhí-afí àbhũ ròtsì obi, ndirò nyongò dhu ùdhe abádhí tò, rǎrà àhɔ ma mǎrà àhɔ dhu ò.

¹⁴Apé nyubhà nyunutsì rí'ì Ìlǐlǎ-Alafí ábhũ indù perè ìnzǐ nyonzi kasu nǐ. Ndì perè nyi nyábà yà pbànábí avò dhu okúnɔ dò rò, Kànìsà ǎ pbàkùrũ tó mùtù rǎdù ɔtsúya ùlì dùnú rò.

¹⁵Nyi nyàkǎ nyapbǎ afínɔ kǒkò dhu rǎ, nyadù nyadzi atdíðò kasu tò, ndínǐ kóró ale ala tí angyi tí kàsùnɔ rǎrà mběyi dhu.

¹⁶Nyi nyàkǎ nyòdò nyi mběyi nyi-tírò, nyandà ìnga mběyi nyi nyúdhěna ìndrũ tò dhu nà, nyadù nyapba atdíðò i dhu t'ónzita rǎ. Wò dhu bhěyi nyi nyònzì dhu rò nyi nyí nyigũ nyi-tírò, nyadù nyi nyúnɔna dhu ìrì rí ale ìgu átò.

1 Tìmòtewù 5

Yèsù ná'ù ale àkǎ ndì'ì nà mùtsɔ

- ¹Mùlà-akpà tò nyi nyí dhu òvò rò, nyi nyàkǎ nzá nyɔrù òrù tí kà dǒ, pbétù nyi nyàkǎ nyɔvò dhu kà tò àbanu bhěyi. Ndirò ìndrũ-ɔwú tò nyi nyàkǎ nyarà dhu òvò rǒ adónu bhěyi.
- ²Kǎkǎ iwà atòya ówù angyi vèbhále tò, nyi nyàkǎ nyarà dhu òvò rǒ ayínu bhěyi, vèbhále-ɔwú tò nyadù dhu òvò awénu bhěyi Kàgàwà-nyìkpó ǒ ìlǎ ófò ǒ.
- ³Nyi nyàkǎ nyandà kǎkǎ ìmbǎ arí'ì dzùnàya ònzì rádù ale nà abvo-ayí mběyi.
- ⁴Atdí abvo-àyi apé ì'ì ìnè inzo nà, ndàdù ì'ì pbì inzo tó inzo nà, ní i inzo àkǎ 'ònzì yà Kàgàwà ózè kɔnzì ìdzìnga angyi fĩ-dzá-bhà nyú rǒ. Abádhí àkǎ 'òdò fìyó ale mběyi, yà ròyá i fìyó ale anzi ka dhu bhěyi. Obhó tí, wòrí ní ndi Kàgàwà-nyìkpó nófò dhu.
- ⁵Abvo-àyi nyú tí rí'ì ale ní, yà atdíró tí arí'ì, yà Kàgàwà ò arí pbìndà a'uta ìlǎ ale. Ndirò, ndi ale ní Kàgàwà-fó tí arí ndi ndí atdyúna òho dhu ònzi, ndàdù àrà ndítsò rǒ adyìbhengá nga mà kúbhingá nga mànà ǒ Kàgàwà rǒ.
- ⁶Pbétù, ndàbhũ rí yà adzi ǒ dhèdhe ràtdù afína abvo-àyi ní iwà óvè angyangyi àdì ndàdì nyìkpóna nà rórò abvo-àyi.
- ⁷Kòní nyi nyàkǎ nyuyǎ abvo-ayí tò dhu ní wò, ìnzì kambè tí nzére dhu àwe dǒ dòyá.
- ⁸Ìnzì ndi ale apé fìndá ale òdò mběyi, ròsè ìnzì ndòdò pbì idzá-bhà nyú mběyi, ní ndi ale ùbhà wà pbìndà a'uta, ndàdù ì'ì nzére ale nyú tí ròsè ìnzá àpè Yèsù à'u ale dònǎ màtí.
- ⁹Ndínì ka kandí tí atdí abvo-àyi-ɔvò Kànìsà arí dzùnàya ònzì abvo-ayí nzínzì ò, kǎkǎ ndì'ì iwà pbìndà atò ìsè azà kumì atò abvo-àyi tí. Kǎkǎ ndì'ì átò atdí tí ì'ì kpatsìbhále nà abvo-àyi tí.
- ¹⁰Kǎkǎ ndì'ì iwà ka kúni mběyi arí dhu ònzì ale tí: ndòdò pbì inzo mběyi, ndàdù pbì idzá iwù olo àkǒ mběyi. Kǎkǎ ndì'ì átò idha ìsè arí ndù'o Yèsù ná'ù ale-pfò nǐ ale tí, àpbè ǒ rí'ì ale dzùnà ònzì arí ale tí, ndirò kóró ngũkpà ìdzì dhu-tidò ònzì arí ale tí.
- ¹¹Pbétù, abvo-ayí-ɔwú nǎkǎ nzá nyandí ɔvòya Kànìsà arí dzùnàya ònzì abvo-ayí nzínzì ò. Obhó tí amba-bvù ì ówu dhu-atdyú àlǎ ì tdítǒ rò, abádhí ràdù òwu Yèsù bhà kasu ìvò foyá rò.
- ¹²Wò dhu bhěyi ì ònzì dhu rǐ abádhí àbhũ Kàgàwà ròtdì anya dòyá, ìnzá abádhí ìfũ Yèsù tò ì ókò wemberè tí làkǎ dhu-okú dò rò.
- ¹³Ndirò ngǎtsi dhu ní, Kànìsà náapè àmbe abádhí dzùnà nónzì dǒ, ní ìnzì ì í kasu ònzì rórò ì óko dhu rǐ abádhí àbhũ ràmbe ùbhi dǒ idza-tsù rǒ. Ndirò, ròsè wò dhu dònǎ, abádhí ràmbe ìndrũ-ngbò ùnò dǒ ìnzì ì í tsùya òdò rórò, 'àdù àmbe ìnzá àkǎnà kúnò dhu mà núnò dǒ.
- ¹⁴Nírò, ma mòzè abvo-ayí-ɔwú ròwù amba-bvù tdítǒ. Dhu àkǎ abádhí ràbà nzónzo, 'àdù fìyó idza òdò mběyi, ìnzì 'ùbhà tí otu àlǎ tó òmvù tò rùnò nzére dhu àlǎ dǒ.

- ¹⁵Obhó tí, atdídhená abvo-ayí úbhà wà ídzi otu, 'àdù pfòmvo Sitàni-owù nángu.
- ¹⁶Yèsù ná'ù atdí tsìbhále náapé ì'ì abvo-ayí nà fí-dzá-bhà nzínzi ǒ, nákă ndònzì ì abvo-ayí dzùnà. Kákă nzá ndùbhà abádhí kànìsà-fó, ndíní kànìsà ara tí kákă ìmbă rí'ì dzùnàya ònzì rí ale nà abvo-ayí-tsí kèlě nándà rǒ.
- ¹⁷Mbèyi arí kànìsà òdo pbàkùrǔ nákă kabhu ifuta fíyò ɔyɔ-rà dǒ. Ròsè dòtsí ní, kákă ì nàdzi 'òngò Kàgàwà bhà Ɔte núnò, 'àdù ndi Ɔte núdhe ìndrǔ tò pbàkùrǔ.
- ¹⁸Obhó tí, Andítá átí: «Nyi nyákă nzá nyutsì dzùnànu ònzì rí ndòtsì nganù-ǒnga kpǒna rùvò kéléna ò rò ìkyì-akpà-tsù. Nyi nyákă nyubhà ka rònnyè nganù.» Ndirò kǎtí: «Kasu ònzì arí ale nákă kubho pbìndà mùkimbà.»
- ¹⁹Nyi nyákă nzá nya'ù Kànìsà ǒ mùkùrǔ nòbhù ale-tsù dhu, inzà óyǒ ale, ngǎtsi nǐ ìbhu ale mà ní'ì ndi dhu tó ngàmbì tí rò.
- ²⁰Dhu nàfă ale dǒ, nyi nyákă nyorù kóró ale-ònzì rò, ndíní ngǔkpà ale adù tí nzérenga-òdò nónzì átò.
- ²¹Ma mí dhu ùyă ìndù Kàgàwà-ònzì rò, Yèsù Krístò-ònzì rò, ndirò Kàgàwà avò màlàyíkă-ònzì rò, nyi nyákă nyifu kákàrí uyátá ìmbă angyină vurò irètá na, ndirò ìnzì nyi nyí dhu òlè atdí ale tò màtí rórò.
- ²²Nyi nyákă nzá nyilì ɔtsúnù kòmbómbí ìndrǔ dǒ kasu nɔnzì tí Kànìsà ǒ. Nyi nyákă nzá nyotsù akye ngǎtsi ale bhà afátá ò. Ndirò, nyi nyákă nyòdò nyi nyi-tírò nyilă Kàgàwà-nyìkpó ǒ.
- ²³Nyi nyákă nzá nyarà idha-ví kèlě nómuvè rǒ, pbétù nyi nyákă nyarà òvayì òmvù rǒ ake, yà kòmbómbí ivívínga aróngo àrà ìngo rǒ nyunutsi nǐ finu-tsù dzùnà nɔnzì tí.
- ²⁴Atdídhená ale tó nzérenga náarí ndàlă kpanya inzà ka kàpè anya mà ìtdì dòyá rórò. Pbétù, ngǔkpà ale-tsí tó nzérenga náaràrà ndàvi ànyăya ka kùnò dhu-dzidǒ tí.
- ²⁵Ndi dhu bhèyi tí, ídzi kasu náarí 'ìtè kpanya kóró ale tò, ndirò kákă ìnzì rí 'àvì kóró ale tò tsí, ní rǐ nzì àdù òko òdhǔ ò bìlìnganà.

1 Tìmòtewù 6

Ìno àkă ìfu fíyó ádròdrǒ ale

- ¹Ìno tí rí'ì kóró ale, yà Yèsù ná'ù, nákă ìfu fíyó ádròdrǒ ale atdídǒ, ìnzì ìndrǔ adù tí dhu ùnò nzére Kàgàwà nǐ, ndirò yà àlě karúdhèna ìndrǔ tò dhu nǐ.
- ²Ndirò, kákă Yèsù ná'ù ale rí'ì fíyó ádròdrǒ ale tí ìno, nákă nzá 'ònzì abádhí gàyà, adóya tí abádhí rí'ì a'uta-otù ǒ dhu-okú dò rò. Pbétù, abádhí àkă 'ònzì fíyó ádròdrǒ ale-kàsù mbèyi nyú ròsè, abádhí tó ídzi kasu tó ídzìngà àbà rí ní iwà Yèsù ná'ù ale, ndirò atdídǒ Kàgàwà ózè ale dhu-okú dò rò.

Títò tó màlímó náarúdhèna dhu dǒ dhu mà ònzì dǒ dhu mànà dhu

Wòrí ní ndi nyi nyákă nyudhe nyadù ùyanà ìndrǔ tò dhu.

³Atdí ale náapé vurò dhu ùdhě ìndrũ tò, ìnzĩ ndàdù ndòzè ndùbhi yà àlě tó Ádrùngbàle Yěsù Krístò bhà obhónánga tó ɔte nózè dhu bhěyi, ndirò ìnzĩ ndàdù ndòzè ndùbhi Kàgàwà ózè àlě rònzì dhu nà rí ndàkǒ dhu t'údheta bhěyi,

⁴ní, ndi ale ní ndìdzĩ rí ndìtírò, ndirò ìnzá atdí dhu mà nùni. Ndirò kà rí'ì agòta mà, ɔte-tì dǒ ka kónzina anya mànà tó andi nà. Ndi dhu aríbhona dhu ní ale-afí ìlě ka kí atdí dhu dǒ dhu mà, agòta mà, ìndrũ nĩ ka kí dhu ùnɔ dhu mà, nzére dhu ìrè ka kí ìndrũ dǒ dhu mànà.

⁵Ndirò, kà ò rò aráhu átò dhu ní, yà fíyó irèta ínza ì, ndirò iwà ádzò obhónga rǒ rò ale rí 'àgò ìnzĩ ríku rórò dhu. I ale ózù Kàgàwà ózè dhu ònzi ka kí dhu ònzi àbà ka kí ònà dhu tí.

⁶Obhó tí, Kàgàwà ózè dhu ònzi ka kí dhu ní ádrùngbà ongyéngá nyú, ale-fó rí'ì dhu nĩ tí ale-idhè ìka ndi rò.

⁷Obhó tí, àlě kíwũ nzá atdí dhu nà màtí yà adzi ǒ, ndirò àlě kùve rò, àlě kádù òwunà kà ǒ rò atdí dhu mà rí'ì ìmbà.

⁸Nirò, àlě kapé ì'ì àlě kónyuna dhu mà, àlě rǒ àlě kúfǒna dhu mànà, ní i dhu àkǎ wà àlě tò.

⁹Pbétù, ì nózè 'ònzì ale nútrǎ pfòmvo arí, ràdù àtsi ibí ìmbà tǐya nà dhu mà, ndirò nzére dhu mànà-atdyú tó àdà ò. I dhu-atdyú arí àpbè ìbho ìndrũ tò, ndirò kǎrì ìndrũ àbhǔ rùve.

¹⁰Obhó tí, fùrangà nózè ka kí dhu ní ndi kóró nzére dhu náaráhu ònà rò. Kà tò ì nábhu atdídená ale núbhà fíyó a'uta itse nyú, 'àdù ábhǒ àpbè àbhu fíyò.

Kàgàwà bhà ale àkǎ ndònzì dhu

¹¹Pbétù ìnyi Timòtewǎ, Kàgàwà bhà ale tírò, nyi nyàkǎ nyindrĩ nyi itse kòrì nzére dhu rǒ rò. Nyi nyàkǎ nyɔnè obhónánga ònzi nyí dhu, nyɔnzì Kàgàwà ózè dhu, ndirò pbùkù a'uta ǒ nyi nyádi dhu. Nyi nyàkǎ nyɔnè ìndrũ ózè nyi nyí dhu, dhu-dzi òndù nyi nyí dhu, ndirò ìyònga ǒ nyi nyádi dhu.

¹²Nyi nyàkǎ nyugyè a'uta tó ídzi ìla. Nyi nyàkǎ nyɔdò dhòdhóhónga tó ípìrǒnga yà Kàgàwà anzi nyi fíndà, ndirò yà nyi nyítè pbùkù ídzi a'uta kpangba ibí ngàmbi-ònzì okúna dò rò.

¹³Ma mí yàrì dhu ùyǎ ìndù yà kóró dhu tò arí ípìrǒnga àbhǔ Kàgàwà-ònzì rò, ndirò yà Pòtiyò Pilatò-ònzì pbìndà a'uta nitè mběyi kpangba Yěsù Krístò-ònzì rò:

¹⁴nyi nyàkǎ nyifu Kàgàwà bhà Uyátá ìnzì ròtì, ndirò ìnzì kala nzére dhu nyunutsi, ràrà àhu àlě tó Ádrùngbàle Yěsù Krístò rǐngo dhu ò.

¹⁵Kàgàwà abhùya ka ritè ndi yà ndi ndakò kà tò kàsùmì ǒ. Ka ní kóró dhu dǒ arí'ì Kàgàwà, yà atdídǒ hirò nónzì, ndirò atdíró tí arí'ì ale. Ka ní kámá dǒ Ádrùngbà Kamà, ndirò kóró ádròdrǒ ale dǒ Ádrùngbàle.

¹⁶Ka ní atdíró tí ìnzí ɔvéya ale, ndirò yà ìnzí atdí ale mà rǎdù àrà àhù ònà awáwù ǒ arádi ale. Ka ní ìnzá atdí ale mà àpè àlǎna ale, ndirò yà ìnzí atdí ale mà rǎdù àlanà ale. Kàkǎ ifuta nà, ndirò dhòdhóhóngà tó ádrùngbǎngà tó obi nà! Àmìnà!

Ònzítále àkǎ ì'ì nà ǒfò

¹⁷Nyi nyàkǎ nyuyǎ dhu yà indo arí'ì adzi ǒ ònzítále tò, ìnzá abádhí rǎkǎ àmbe 'ìdzi dǒ ì tíró, ndirò ìnzá abádhí rǎkǎ 'ìli fíyó a'uta ònzi ò, ìkǔ ndi ònzi rǎdù ìku dhu-okú dò rò. Pbéù abádhí àkǎ ìli fíyó a'uta Kàgàwà ò. Kǎri ndi kóró dhu ìbho abho nyú àlě tò, ndíni àlě-idhè ìka tí ndi nǐ.

¹⁸Abádhí àkǎ 'ònzi ìdzi dhu, 'àdù ì'ì ònzítále tí ìdzi kasu ònzi ì'í dhu ǒ. Abádhí àkǎ 'ònzi m̀hetù ǒ rí'ì ale dzunà, 'àdù òwu ì'ì rǒ isó 'ùndò foyá ndi nòtù dhu ngǔkpà ale tò.

¹⁹Ndi dhu bhèyi ní ndi, abádhí rǎdù ìdzi, ndirò yà ìnzí ríku ongyéngá-tsù núndu fíyò olù iraya idho tò, ndíni 'abáya tí obhóngà tó ípìrǒngà.

²⁰Ǫ Timòtewǔ, nyi nyàkǎ nyòdò yà funú Kàgàwà ábhu dhu mbèyi afínu ò. Nyi nyàkǎ nyindrí nyi itse yà ìmbǎ tǐya nà ndirò ìnzí rí Kàgàwà-ɔvò ifù agòta rǒ rò. Nyi nyàkǎ nyindrí nyi itse títò tó inga t'únitátale rǐ 'àgò dhu rǒ rò.

²¹Atdídhená ale, yà i dhu bhèyi inga t'únita-tidò tò ì nádzi, núbhà wà fíyó a'uta itse nyú. Kàgàwà àkǎ nditè pbìndà ìdzìngà fùkù.

2 Tìmòtewù

2 Tìmòtewù 1

Pɔ̀lò rǐ Tìmòtewù nóvì dhu

¹Ima Pɔ̀lò, ima ní Yèsù Krístò bhà uvitatále, Kàgàwà óvò ima ndi kasu tò nìdhuñ. Kìvì ima ndíñ ma mɔ̀vɔ́ tí Yèsù Krístò ka kà'ù rò ka kábàna ípìrɔ̀nga tó làkà ìndrù tò.

²Tìmòtewù, ma mí yàrí bhàruwà àndí indù. Inyi ní idhùdu a'uta-otù ɔ̀, atdíđɔ̀ ma mózè ale. Àlě t'Ábanà Kàgàwà mà, àlě tó Ádrùngbàlè Yèsù Krístò mànà náká 'itè fìyó ídzìnga indù, 'àbà izu dònú, 'àdù nyabhu nyadi màrùngà ɔ̀.

Pɔ̀lò rǐ Tìmòtewù-afí àbhù ròtsì obi Kàgàwà bhà kasu tò dhu

(Kas 16.1-3; È`fè 1.3-7; 2Tè` 2.13-15; 2Tì 2.1-12)

³Ma màbhu ɔ̀tsò Kàgàwà tò okúnu dò rò. Ma marí kà-kàsù ɔ̀nzi ìlìlǎ afídu nà, abhúdu náanzì ka dhu bhèyi. Bìlìnganà, adyíbhengá màtí ndirò kùbhingá màtí ma mí mitsò rò, ma marí nzǐ àdi inzà ma màtì ɔ̀vònu rórò.

⁴Àlě kí àlě ùbhǎ rò nyi nyadzì tí dhu ma mìrè rò, atdyúdu rǐ'ì atdíđɔ̀, àlě ràla àlě-ngbò tdítđɔ̀, ndíñ idhèdu ika tí ndi atdíđɔ̀.

⁵Ma mìrè kóró afínu nyú nà nyi nyá'ù Ádrùngbàlè Kàgàwà tí dhu. Ndi a'uta ní yà angyinǎ rò íyànù-tsánà Lòyisì mà, íyànù Èwùnìkè mànà ní'ì nà a'uta-tìdò. Ní, ma mà'ù dhu nyi nyú mà, nyi rǎrǐ'ì inè ndi a'uta nà átò.

Ídzì Mākūrù-okú dò rò ka kí àpbè àbà dhu

⁶Wò dhu-okú dò rò ní ndi, ma mònzi nyi nyigbè nyunutsi arí'ì Kàgàwà bhà perè-ngbò. Ndi perè nyi nyabà yà ɔ̀tsúdu ma muli dònú nínganí. Nyi nyàká nyigbè kà-ngbò dhu ní,

⁷Kàgàwà íbhò àlě tò Ìlìlǎ-Alafí ní nzǐ ìndrù àbhù rí rònzi ɔ̀do Alafí. Pbetù kǐbhò ní ádrùngbǎnga tó obi tó, àzè tó, ndirò inga nòfò dhu bhèyi àlě kóko nǐ Alafí.

⁸Nirò, nyi nyàká nzá nyinu riwù àlě tó Ádrùngbàlè Yèsù dǎ nyi nyí dhu àwě ìndrù tò rò, ndirò nyinu àká nzá ndiwù okúdu dò rò, yà kókú dò rò ka kósò ma rò. Pbetù, nyi nyàká nyabà àpbè Yèsù Krístò bhà Ídzì Mākūrù-okú dò rò, àdhàdhì ma mí kàbà dhu bhèyi. Nyi nyí i àpbè-dzi òndù Kàgàwà rǎbhùna indù ádrùngbǎnga tó obi nǐ.

⁹Ka ní ndi àlě nígǔ, ndàdù àlě ùnzi ndíñ àlě koko tí pbìndà ìlìlǎ ale tí. Kǔnzì ndi dhu, ìnzǐ ní ídzì dhu àlě kónzi dhu-okú dò rò. Pbetù kǔnzì ka angyangyi ndi ndudhé ka, ndirò yà inzà ndi ndàpè yà adzi ɔ̀nzi rórò ndi ndazè nditè pbìndà ídzìnga àlě tò Yèsù Krístò-otù ɔ̀ dhu-okú dò rò.

¹⁰Ndi ídzìnga Kàgàwà nítè wà àlě tò kòmbí, yà àlě tó Ògùba Yèsù Krístò nírà àhu yà adzi ɔ̀ rò. Kǐtò ɔ̀ve-ɔ̀bì, ndàdù dhòdhòdhònga tó ípìrɔ̀nga tó otu nítè ìndrù tò, Ídzì Mākūrù-otù ɔ̀.

¹¹Ní, Kàgàwà ìli ima ndi Ídzì Mākūrù t'únɔ̀tatále tí, uvitatále tí, ndirò màlimò tí.

¹²Ndi dhu-okú dò rò ní ndi ma mí kākàrí àpè nábà. Pbétù nyidu rĩ nzi ìwụ ndi dhu-okú dò rò, iwà ma m̀ni ma má'ù ale nídhunĩ. Ndirò, ma mà'ù wà dhu kà r̀rĩ'ì inè obi nà ndòdò yà fudú ndi ndíbhò Ídzì M̀k̀r̀r̀ tó kasu, r̀rà àhu yà adzi ǒ ale-ànyà ndi ndit̀iya ònà idho ò.

¹³Nyi nyàkà nyalũ yà indù ma múdhe obhónánga tó ste, ndínĩ i'ì tí ídzì ǒfò tí indù. Nyi nyàkà nyodò ndi ste, yà Yèsù Krístò-nyutsi àlè kí'ì nà a'uta nà, ndirò àzè nà.

¹⁴Nyi nyàkà nyodò yà indù ka kúdhe ídzì dhu, yà àlè-afí ò r̀r̀'ì H̀l̀l̀-Àlafí bhà obi nĩ.

¹⁵Nyi nỳni wà dhu, Àziyà tó pb̀r̀ ǒ Yèsù ná'ù ale r̀bhà wà ma kóró. I ale nzínzi ǒ ale ní Fìgelò mà Hèrmògenè mànà.

¹⁶Ádr̀ngb̀le Yèsù àkà nditè pb̀ndà ídzìnga Ònèsfòrò bhà idzá-bhà tò, k̀rà ndi afídu òpè r̀, ndirò kà-nyi àrà nzi ìwụ r̀ imbi ò ndi ndi malá rò nídhunĩ.

¹⁷Pbétù, Romà tó kigò ò ndi ndirà àhu rò, k̀mè ima atdyúna nyú nà, ndàdù ma nála.

¹⁸Ní, Ádr̀ngb̀le Yèsù àkà ndàbhu àbadhi r̀bà Kàgàwà bhà ídzìnga, yà adzi ǒ ale-ànyà it̀i ndi ndi ònà idho ǒ. Ndirò inyi Tìmòtewũ, nyi nỳni Èfesò tó kigò ǒ k̀nzi idù kóró dhu mbèyi nyú.

2 Tìmòtewũ 2

Yèsù Krístò bhà ídzì m̀nowì bhà ǒfò

(M̀t 10.32-33; 1Kò 9.24-25)

¹Nirò inyi, idhùdu Tìmòtewũ, nyi nyàkà nyi'ì obi nà afinu ò, yà Yèsù Krístò mànà nyi nyúngbò nyi rò Kàgàwà arítèna indù ídzìnga-otù ǒ.

²Ndirò, nyi nỳri wà ibí ngàm̀-ònzĩ rò ma múdhe dhu. Ní nyi nyàkà nyudhe ka átò kóró yà nyi nyà'ù kifũ r̀ dhu tí, 'àdù inè 'ùdhe ka átò ng̀kpà ale tò dhu tí ale tò.

³Yèsù Krístò bhà ídzì m̀nowì bhèyi, nyi nyàkà nyondù àpè-dzi átò, yà ma mí k̀ndù dhu bhèyi.

⁴M̀nowì-kàsũ ònzi r̀ ale nákà nzà ndàbhu yà inzi r̀ m̀nowì-kàsũ ònzi ale tó dhu ràtdũ afina, ndi ndòzè kàsũna r̀ka pb̀ndà ádr̀ngb̀le-idhè rò.

⁵Ndi dhu bhèyi tí, mùlè mà tó ikpa ikpa r̀ ale tò ka kí nzi àdù dhu lè mà k̀nzi nĩ perè nábhu, inzá kifú ndi ikpa-tidò tó uyátá rò.

⁶Ndirò, inga òbhì ndi ndi rò àpè nábà ale, nákà ndi ndàbà ndi inga ǒ 'ò'ò dhu angyi.

⁷Tìmòtewũ, nyi nyàkà nyirè nga mbèyi wò indù ma m̀nò dhu dũ, Ádr̀ngb̀le Kàgàwà r̀ nyabhũ nyuni i dhu kóró nídhunĩ.

⁸Nyi nyàkà nyirè yà ndi ningbè ibhu ò rò Yèsù Krístò, Dàwudì-dhú bvũ ale, àdhàdhì yà ma marúnona inr̀ tó Kàgàwà bhà Ídzì M̀k̀r̀r̀ aróvona dhu bhèyi.

⁹Ndi Ídzì M̀k̀r̀r̀-okú dò rò ní ndi ma mí àpè àbà, r̀rà àhu ka kí mosò nzere dhu ònzi arí ale bhèyi dhu ò. Pbétù, ka kí nzi àdù Kàgàwà bhà Ote nòsò.

¹⁰Wò dhu-okú dò rò ní ndi ma mí kóró dhu-dzi òndù, Kàgàwà óvò fíndà ale-okú dò rò. Ndi dhu bhèyi ní ndi abádhí átò rǎdù ògù nábà Yèsù Krístò-otù ǒ, 'àdù kàbhà dhòdhòdhóngà tó ádrùngbǎngà tó awáwù nábà.

¹¹Yàrí ní ndi àkàkǎ ka'ù ɔte: Àlě kapé i'ì atdíkpá àlě kúve kà mànà dhu tí, ní àlě kokoya átò atdíkpá ípìrǒngà ǒ kà mànà.

¹²Àlě kapé àpbè-dzi òndù atdíkpá kà mànà, ní àlě konyuya idzi átò atdíkpá kà mànà. Àlě kapé àtina inzà àlě rúni ka, ní kǎdùya àtìnà átò, inzà ndi rúni àlě.

¹³Ínzǐ àlě kapé Kàgàwà ùnò àlě tò dhu ònzǐ, ní àbadhi ní yà ndi ndùnò dhu ifù arí ale. Obhó tí, àbadhi ní ínzǐ rǎdù vurò dhu ònzǐ ndi ndùnò dhu rǒ rò ale.

Kàgàwà-nyìkpó nǒfò dhu ònzǐ arí kasutále

(1Tì 1.3-7,18-20; Yàk 5.19-20)

¹⁴Nyi nyàkǎ nyisè kǒkò indù ma múnò dhu ìndrǔ tò. Nyi nyàkǎ nyòvò dhu abádhí tó Kàgàwà-ònzǐ rò nyati, abádhí rǎkǎ nzà 'ònzǐ anya ɔte-tì t'óngùtà dǒ. Obhó tí, i agòta ò ka kábàna ídzìngà rǐ'ì ìmbǎ. Pbéù, kǎrǐ i dhu níri rí ale tó a'uta àbhù rùgolo ndi.

¹⁵Nyi nyàkǎ nyònzǐ ɔbi nyitè nyi Kàgàwà-ònzǐ iwà kùdhe, ndàdù à'ùnà àkàkǎ dhu tí ale tí, ndirò ínzǐ nyina rǐwu kàbhà kasu-okú dò rò ale tí. Nyi nyàkǎ nyitè nyi átò Kàgàwà bhà obhóná ɔte ùnò rí otùna ǒ ìndrǔ tò ale tí.

¹⁶Nyi nyàkǎ nyindrǐ nyi itse nyú ìmbǎ tǐya nà, ndirò ínzǐ rí Kàgàwà-òvò ifù agòta rǒ rò. Obhó tí, i dhu ònzǐ arí ale rǒngò òwu angyi tí inzà Kàgàwà ózè dhu t'ònzǐta ǒ.

¹⁷Abádhí-òtǔ rǒngò ìndrǔ ìnza, àdhàdhì ìtritrè otú náarí ale-ngbò ìnzǎ dhu bhèyi. I ale nzínzǐ ǒ ale ní Hìmèneyò mà Fìletò nà.

¹⁸Abádhí ìndrǐ wà i itse obhóna rǒ rò, 'àmbe àtìnà dǒ iwà Kàgàwà rúngbe àlě ibhu ò rò. Ndi dhu bhèyi ní ndi abádhí arí atdídhená ale tó a'uta ìnzǎ.

¹⁹Pbéù, Kàgàwà ódì tsùkpòna idza náaríde pòtsó pǒna dǒ. Ndirò, yàrí ní ndi kà-rǒ ka kándì ize tí dhu: «Ádrùngbǎle Kàgàwà ùni wà pbìndà ale tí arí'ì ale.» Ndirò ngàtsi andítá ní: «Ádrùngbǎle Kàgàwà-òvò ilè rí ale, nákǎ ndìndà ndi nzérenga rǒ rò.»

²⁰Ádrùngbǎ idza ǒ ka kí nzǐ àdù ɔrò mà, ɔrú odziya nà ngùkpà suma-tidò mànà nǐ ka kóbhòlò wìtù kèlě nótù. Pbéù, ka kádù òtùnà átò ní, itsu nǐ màtí, ndirò anzi nǐ màtí ka kóbhòlò dhu. Angyinǎ rò rǐ'ì tsí nǐ ka karí kasu ònzǐ ifuta nà àkǎ idho ǒ, ndirò olùnǎ rò rǐ'ì tsí nǐ, ka karí kasu ònzǐ kóró ngùkpà idho ǒ.

²¹Nirò, ndi ale apé ndù'ò ndìlǎ Kàgàwà-nyìkpó ǒ kóró kǒkò ma múnò dhu ǒ rò, ní rǎdù ndìli ifuta nà àkǎ idho ǒ ka karí kasu ònzǐ nǐ wìtù bhèyi. Ndi wìtù ní yà idza-àbadhi ópì fíndà ndìli igi, kà dzùnà ònzǐ rǎdù, ndirò kà rǎdù idyìnà ndònzǐ kóró ídzi kasu nǐ wìtù.

²²Nyi nyàkǎ nyòkù yà zàdhà-atdyú arí'ì dòyá nzére dhu-tsù rò, nyadù obhónánga ònzǐ nyi nyí dhu nónè. Nyi nyàkǎ nyi'ì a'uta nà, àzè nà, nyadù àdi màrùngà ǒ kǎkǎ ìlǐlǎ afíya nà arí 'ìtsò Ádrùngbǎle Kàgàwà rǒ ale mànà.

²³Nyi nyàkǎ nyòdhò ìmbǎ tǐya nà ndirò ìmbǎ ídzi dhu mà arí'ì òyà agòta. Nyi nyùnì wà dhu, kà rarí anya ìbho.

²⁴Obhó tí, Ádrùngbǎle Kàgàwà bhà ino rǐ nzi àdù anya ònzi. Pbéù kàkǎ ndí'ì ìyò arádi kóró ale màná ale tí, ndirò dhu ùdhe rádù ìndrù tò, ndàdù ìndrù tò dhu-dzi òndù ale tí.

²⁵Kà rádù àrà dhu òvò rǐ ìyònga ò ndí ndúnona dhu àgò rí ale tò. Obhó tí, ngátsi nǐ Kàgàwà rádù abádhí àbhù rùgèrè ì 'ùbhà fìyó nzérenga, ndíní abádhí uní tí obhóna.

²⁶Ndí dhu bhèyi ní ndí abádhí rǐ 'àdù fìyó ìdzì irèta ò, 'àdù ùvò yà ì átsi òná Pfòmvo bhà àdà ò rò. Kǒtsi abádhí ndíní ongó tí ndí ndòzè dhu ònzi.

2 Tìmòtewù 3

Ìndrù rǎbàna tdǔ Yēsù ingo rò àpbè

(Tìt 1.10-16; 2Pé' 2.1-22; Yud 1-3)

¹Tìmòtewù, nyi nyàkǎ nyuni dhu, tdǔ Yēsù ingo yà adzi ò rò, ìndrù rǎda òyá ìdho rǎrǐ àpbè tò.

²Obhó tí, ndí kàsuni ò, ìndrù rǒngo a'itále tí, ndirò fùrangà nózè ale tí. Abádhí rǒngo ì tírò arí 'ifù ale tí, ndirò 'ìdzì arí ale tí. Abádhí rǒngo átò Kàgàwà nǐ arí dhu unò ale tí, ndirò ìnzì arí ì nódhì ale-tsù dhu ìri ale tí. Abádhí rǒngo ìnzì arí òtsò àbhù ale tí, ndirò ìnzì arí Kàgàwà ifù ale tí.

³Abádhí rǒngo ìmbǎ arí'ì àzè nà atdí ale nà màtí ale tí, ndirò ìnzì arí dhu ùba ìndrù tò ale tí. Abádhí rǒngo ìndrù ùdhù arí, ndirò ìmbǎ itsina arí nzére dhu ònzi ale tí. Abádhí rǒngo òròrù ale, ndirò ìdzì dhu nóndrò ale tí.

⁴Abádhí rǒngo òdhíya ìpfò arí 'àbhù òmvù tò ale tí, ndirò ìnzà 'irè nga rórò arí dhu ònzi ale tí. Abádhí rǒngo 'ìdzì arí ale tí, ndirò yà adzi ò arí ìndrù-ìdhè ìkǎ nzére dhu-tidò nózè Kàgàwà òzè 'àmbènà rò ale tí.

⁵Abádhí rǐ 'ùlǐ Kàgàwà ózè dhu ònzi arí ale bhèyi, pbéù ìnzì 'àdù Kàgàwà ózè dhu tò ádrùngbǎnga tò òbí ná'ù. Ní nyi nyàkǎ nyindà nyi ì ale rǐ rò.

⁶Obhó tí, abádhí nzínzì ò atdídhená ale rǒwu ùtsù rǐ ìndrù-ìdzà ò, 'àdù ìvíví fìyó irèta nà vèbhále nótsi fìyó àdà ò. I vèbhále ní kàkǎ atdídǒ fìyó nzérenga-òbí ósè, ndirò yà adzi dǒ kóró dhu-tidò-atdyú òho arí.

⁷Abádhí òzè kudhe dhu fìyò bìlinganà, pbéù ìnzì 'àdù òwu ùvò obhóna núní ì 'í akèkpá màtí dhu ò.

⁸Kǒkò ìndrù-dzà ò rǒwu ùtsù rǐ màlímó rǒwu 'àgò rǐ obhóna nà àdhàdhì Yǎnì mà Yàmburè màná náagò ì Músà nà dhu bhèyi. Abádhí ní iwà fìyó irèta ìnza ì, ndirò iwà fìyó a'uta óngò ìvíví ale.

⁹Pbéù abádhí rǐ nzi òndri angyi tdítdǒ, kóró ale rǐ abádhí rǒnzina àrǐ núní, àdhàdhì ka kuni Yǎnì mà Yàmburè màná rǒnzina àrǐ dhu bhèyi nídhuní.

Pòlò rǐ Tìmòtewù àvǐ rǎpbǎ afina fǐndà ka kúdhè dhu rǐ dhu

¹⁰Pbéù ìnyi Tìmòtewù, nyi nyírǐ wà ìndrù tò ma múdhèna dhu, ndirò nyi nyála wà ma mí'ì nà mùtsò. Nyi nyúni wà ma múdhe ndíní ma mǒnzi tí dhu, nyadù pbàkà a'uta àla.

Nyi nyála wà ma mónù dhu-dzi tí dhu, ma mí'ì àzè nà tí dhu, ndirò ma mápà afídu pbàkà kasu t'ónzita rǒ tí dhu.

¹¹Nyi nyúni wà rùdú ka kávu tí, ndirò ma mábà àpbè tí Àtìyòkiyà mà, Ìkòniyò mà, Lístrà mà nà tó kigò ǒ dhu. Ma mábà ì àpbè, pbétù Ádrùngbàle Yèsù ràdù migu òyá rò kóró.

¹²Obhó tí, yà Kàgàwà ózè dhu bhèyi ì nózè 'òkò Yèsù Krístò nà ì úngbò ì dhu-otù ǒ kóró ale-rǒ ka kávu àvǔ.

¹³Pbétù, nzére dhu ònzi arí ale mà, ìndrǔ ùtrǎ arí ale mà nà rǒko 'àmbe òwu dǒ angyi tí ì nzére dhu t'ónzita ǒ. Abádhí rǐ ìndrǔ ùtrǎ, ìndrǔ ràdù 'ùtra átò.

¹⁴Pbétù inyi, nyi nyàkǎ nyapbǎ nyi yà indù ka kúdhe, ndirò yà nyi nyá'ù obhó dhu tí dhu rǒ. Obhó tí, nyi nyúni wà ì dhu núdhe indù ale.

¹⁵Ndirò, ròpè ndi indú ngbángba ò rò, nyi nyúni wà Kàgàwà bhà Ìlǐlǎ Andítá. I Andítá rǐ nyabhǔ nyuni dhu-ǒnga t'òvòta, ndíni nyadù tí ògù Yèsù Krístò nyi nyá'ù dhu-otù ǒ.

¹⁶Kàgàwà unda ndi kóró pbìndà Andítá nandí ale. Ndirò, ndi Andítá tó ídzìnga ní: ndùdhe obhó dhu ìndrǔ tò, ndàdù ìndrǔ bhà afátá nítè ndi ale tò. Kà rǐ nzére dhu òsò ìndrǔ tò, ndàdù Kàgàwà ózè dhu bhèyi ka kóko dhu ùdhe ìndrǔ tò átò.

¹⁷Ndi dhu bhèyi ní ndi, Kàgàwà rǐ pbìndà dhu tí rǐ'ì ale ònzi, rǐ'ì dòtsí ndi nóbhòlò kóró ídzi kasu t'ónzita tò ale tí.

2 Tìmòtewù 4

Kàgàwà bhà Ɔte t'únòta dǒ uyátá

¹Ma mí dhu ùyǎ indù Kàgàwà-ònzǐ rò, ndirò Yèsù Krístò-ònzǐ rò. Ndi Yèsù Krístò ní ndi ípìrǒ rò rǐ 'òtù ale mà, ùvǔvè ale mà nà ànyǎ nitdìya, yà adzi ǒ ndi ndírà, ndàdù pbìndà Ádrùngbànga tó idzi ìdì rò.

²Ma múyàna dhu ní: Nyi ràkǎ nyongò Kàgàwà bhà Ɔte ùnò ìndrǔ tò. Nyi nyàkǎ nyongò kùnò bìlìnganà, àkǎkǎ kàsùmì ǒ, ndirò inzá àkǎ kàsùmì ǒ màtí. Ìndrǔ tò nyi nyí dhu ùdhè rò, nyi nyàkǎ nyongò ìndrǔ bhà afátá nítè ndi ale tò, nyadù òrù nzére dhu nònzì ale dǒ. Nyi nyàkǎ nyongò dhu òvò ìndrǔ tò rònzi ìdzi dhu. Ndirò, nyi nyàkǎ nyongò ì dhu ònzì ìndrǔ tó dhu-dzi òndù nyi nyí rórò.

³Obhó tí, kàsùmì ì'íya inè yà ìndrǔ rǐ 'ùvǒ ìnzǐ 'ìrǐ fǐyò ka kúdhèna obhónánga tó Ɔte òná. Pbétù abádhí owuya ì 'í atdyúna òho dhu ònzi rǒ, 'àdù bǐya nòfò dhu ùdhè rǐ fǐyò màlímó-tsù nándu.

⁴Abádhí owuya 'ùvo rǒ ìnzǐ ìrǐ obhónga tó Ɔte, 'àdù 'òzè 'ìrǐ tìtò tó imbe kèlè.

⁵Pbétù inyi, nyi nyàkǎ nyotò afínu kóró dhu ǒ, nyadù àpbè-dzi nóndù. Nyi nyàkǎ nyunò Yèsù Krístò bhà Ídzi Màkǔrù, nyadù funú Kàgàwà ábhu ngǔkpà kasu ònzì mbèyi kóró.

Pǎlò rǐ ndi ndóvè dhu nóvò dhu

⁶Ima nàndà dhu nǎ, ma mà'ù wà mabhū pbàkà ípìrǒnga Kàgàwà tò kà-nyìkpó nòfò perè tí. Ndirò, ma mǒvè òná kàsùmì nínù wà ndì.

⁷Ma mùgyè ídzi ìla. Ma mùtsà wà pbàkà ɔngu. Ma módò pbàkà a'uta.

⁸Ròpè ndì kòmbí, ka kili wà mùlèma tò mùkàkú idù. Ndi mùkàkú ní obhónánga ònzi arí ale tó, yà obhónánga dǒ arí ìndrǔ-ànyǎ ìtdì Ádrùngbǎle níbhoya idù, yà adzi ǒ ale-ànyǎ ìtdì ndì ndí nínganí. Ndirò, kǐbhoya nzǐ ka idù tí, pbétù kǔbhòya ka átò kóró ale tò. I ale ní kǎkà kà rǐngo dhu nózè 'àla ale.

Pɔlò òzè Tìmòtewù rìrà tina ò dhu

⁹Tìmòtewù, ònzi obi nyirà tsàkàtsàkà tidu ò.

¹⁰Obhó tí, Dèma núbhà wà ima atdirò, yà kòmbí arí adzi ǒ dhu ndì ndózè dhu-okú dò rò. Ní, kàrà wà Tèsàlònikà tò kigò ò. Ndirò, Krèskè àrà wà Gálàtiyà tò pbìrì ò, Titò ràdù àrà Dàlmàtiyà tò pbìrì ò.

¹¹Ní, Lukà rǐ'ì atdirò tí tidú. Nírò, ídyì Mǎrkò nyíwù mànà àzú, kà rǐ dzùnàdu ònzi ònzi abhò Kàgàwà bhà kasu ǒ nídhunǐ.

¹²Ma mǒvì Dòkíkò ràrà Èfesò tò kigò ò.

¹³Ní, àzú nyi nyirà rò, ìdyì nyídyì yà Kárpò bhà ma múbhà Tròwà tò kigò ò rùdú ɔrú mùdzarù nyirà nà. Ìrà nyirà pbàkà bhùkù nà átò, ròsè dòtsí ní yà ìzǎ-ndì nǎ ka kóbhòlò, kadù ùkpòrònà bhùkù.

¹⁴Àlisandurù, kyèkyè-àba, nónzi nzére dhu abhò nyú rùdú. Ní Ádrùngbǎle Yèsù rǐ ndi àbadhi ùbhò rùdú kónzi dhu-bvu rǒ.

¹⁵Nyi nyàkǎ nyòdò nyi kà rǒrò átò, kǎgò àlě kúdhe dhu obi nyú nà nídhunǐ.

¹⁶Wemberè tí ma mǎrà anya ùnò nínganí, atdí ale mà nídè nzá dzidu dǒ. Pbétù, kóró ale úbhà ma. Ní, Kàgàwà àkǎ nzá ndòzè ndì dhu afátá tí abádhí dǒ.

¹⁷Pbétù, Ádrùngbǎle Yèsù ònzi ndi dzùnàdu ndìbhò obi idù, ndínǐ ma munò tí pbìndà Ídzi Mǎkùrù marà ùtsànà, kóró ìnzǐ ní Pbàyàhúdì mà ràdù ìrìnà. Ndirò, kípfo ima àrì-li'ò rò.

¹⁸Ádrùngbǎle Yèsù rǐ mipfò kóró nzére dhu ǒ rò, ndàdù mìgu ndàbhū ma motsù pbìndà Ádrùngbǎnga tò idzi ò ɔrù-akpà ò. Kǎkǎ ilèta nà dhòdhódhóngà nà! Àmìnà.

Bhàrɔwà rǐku dòná rò ovita

¹⁹Òvì nyóvì Pèrèsílà mà Àkilà nà, ndirò Ònèsfòrò bhà idzá-bhà mànà.

²⁰Rǎstò òdì wà Kòritò tò kigò ò. Ndirò, ma mùbhà Tròfìmò Miletò tò kigò ò, andi nà kà rǐ'ì dhu-okú dò rò.

²¹Nyi nyàkǎ nyònzì obi, nyirà àhu àzú angyinǎ rò ádrùngbǎ gírì tò kàsùmì tò. Èyùbulò mà, Pudè mà, Linò mà, Klòdiyà mà, Yèsù ná'ù àlě t'ádóna mànà kóró, nóvì nyi atdí dǒ.

²²Ádrùngbǎle àkǎ ndì'ì nyi nà! Kǎkǎ ndìtè pbìndà ídzìnga fùkù!

Titò

Titò 1

Pɔlò rě Titò nóvì dhu

¹Ima Pɔlò, Kàgàwà bhà ino, ndirò Yèsù Krístò bhà uvitatále, ma màndì ndi yàri bhàrɔwà. Kàgàwà ívì ma ndínì ma mɔnzi tí yà ndi ndòvò fíndà ale dzùná rà'ù ndi, madù abádhí àbhu rùni Kàgàwà-nyìkpó nòfò okota-tidò dǎ obhóna.

²Ndi dhu bhěyi ní ndi, abádhí rě dhu à'u àbà ì ràrě dhòdhòdhóna tó ípìrǒnga àbà, àdhàdhì yà inzi arí tìtò ùnò Kàgàwà náakò ndi ípìrǒnga tó làká àlě tó mùhàngú ò rò dhu bhěyi.

³Ndi ndàla àkākà dhu tí kàsùmì ǎ, Kàgàwà ábhu ìndrù rùni p̀bìndà ɔte yà ma múnɔna ìndrù tó p̀bìndà màkùrù-otù ǎ. Ndi kasu ní yà Kàgàwà àlě tó Ògùba níbhò fudú ndínì ma mongó tí ònzìnà.

⁴Ní ma màndì yàri bhàrɔwà indù Titò. Nyi ní idhùdu nyú, óyǎ rò kóró àlě ká'ù Yèsù Krístò dhu-okú dò rò. Àlě t'Ábanà Kàgàwà, àlě tó Ògùba Yèsù Krístò màná náká 'àso nyi, 'àdù nyabhu nyadi màrùngà ǎ.

Kànìsà ǎ àkà ndì'ì mùkùrǔ tí ale-tidò

(Tit 3.7; 1Pe' 5.1-5)

⁵Ma múbhà nyi Krětè tó sòngà dò, ndínì nyi nyohú tí ányì Kànìsà ònǎ ì nùbhà dhu-nyitì, ndirò ndínì nyi nyovó tí p̀bàkùrǔ nyuli Kànìsà ǎ kóró kigò ònǎ, àdhàdhì yà ima nyú ma mòvò indù dhu bhěyi.

⁶Mùkùrǔ tí nyi nyóvòna ale àkà ndì'ì ìmbà nzére dhu tí ka kózùna dhu rì'ì nyunatsì ale tí. Kàkà ndì'ì atdí tí arí'ì tsìbhále ná ale tí. Kàbhà inzo àkà ì'ì Yèsù ná'ù ale tí, inzi ì'ì nzére mùtsò dǎ, ndirò ngàtsi nǎ mùgàyì dǎ ka karóbhuna ale tí.

⁷Kànìsà dǒnga àndà arí ádrùngbàle náká nzá nzére dhu tí ka kózùna dhu rì'ì nyunatsì, ka ní Kàgàwà nyú ìlì p̀bìndà kasu dǎ ádrùngbàle nídhunì. Kàkà nzá ndì'ì òtèna kèlě nózè kirì ale tí, ndirò kàkà nzá ndì'ì akye arákò ale tí. Kàkà nzá ndì'ì iwa óvò ale tí, ndirò kàkà nzá ndì'ì àrì dò arí dhu ònzi ale tí. Kàkà nzá ndì'ì inzá ákà otu ǎ ka kóngyèna malì átdù afina ale tí.

⁸Pbétù kàkà ndì'ì olo àkǎ arí mběyi ale tí, ndirò ídzìnga nózè ndònzì ìndrù tó ale tí. Kàkà ndì'ì mběyi arí inga ìrè ale tí, ndirò obhónánga dǎ arí dhu ònzi ale tí. Kàkà ndì'ì Kàgàwà-nyìkpó ǎ ìlǎ ale tí, ndirò afina òtò rádù ale tí.

⁹Kànìsà ùnda arí ádrùngbàle náká ndà'ù obhónánga tó ɔte atdyúna nyú ná yà fíndà ka kúdhe ka dhu bhěyi. Ndi dhu bhěyi ní ndi, kà rádù ìndrù dzùná ònzi mběyi nyú, rífù obhónánga tó ɔte, ndàdù 'àgò rí ndi ná ale nábhù rùni ì ka kútrǎ ró nga.

Pɔlò rě dhu ùdhě tìtò tó màlímó dǎ dhu

¹⁰Obhó tí, Yěsù ná'ù Pbàyàhúdí nzínzì ð, ìnzì arí Kànisà tó ádròdrò ale rùdhèna dhu ìfũ ale rí'ì ìnè ibí nyú. Abádhí rí ìnzá àkă dhu ùdhè ìndrũ tò, 'adè ìndrũ àbhũ rà'ù títò tó òtè.

¹¹Ní, dhu àkă nyabhũ abádhí rìnè, abádhí ròwu idzá ale nùgere rò kóró ìnzá àkă kudhe ìndrũ tò dhu-otù ð, ndínì 'ongyé tí malì ìnzá àkă otu ð nídhunì.

¹²Abádhí nzínzì ð atdí ale, abádhí tó atdí nabì nyú nówò dhu ndàti: «Krětè ð bhà narí títò ùnò arí ale. Abádhí arí 'ònzì òròrè ìzà bhèyi. Abádhí ózè nzá 'ònzì atdí kasũ mà, pbétù abádhí ózè ní ònyù ònyu ì'ì dhu kèlè.»

¹³Ní wò ale ùnò dhu ní obhó dhu nyú. Ndi dhu-okú dò rò ní ndi, dhu àkă nyorè òbì nyú nà ì ale dð, ndínì fìyó a'uta ì'ì tí otùna ð,

¹⁴ìnzì ì numbè tí Pbàyàhúdí aráwèna angyinà rò údà dhu t'írìta rò, ndirò ìnzì 'adè tí obhóngà ròrò úwì ale tó uyátá nífũ.

¹⁵Kàgàwà-nyìkpo ð ìlă ale tò, kóró dhu ìlă wà. Pbétù Kàgàwà-nyìkpo ð ótì ale mà, yà ìnzá ka ná'ù ale mànà tò, kóró dhu rí'ì ìndrũ ìtí rí dhu tí, abádhí tó ìnga t'únita mà, abádhí tó ìnga t'irèta mànà nótì wà Kàgàwà-nyìkpo ð nídhunì.

¹⁶Abádhí arí 'àtì iwà ì úni Kàgàwà dhu tí, pbétù abádhí-kàsũ nítè wà dhu kpangba ìnzá abádhí rúnì Kàgàwà. Abádhí ní kóró ale óndrò ale. Abádhí arí nzì Kàgàwà ìfũ, ndirò abádhí rónzina atdí idzì dhu mà rí'ì mbă.

Titò 2

Yěsù ná'ù ale àkă 'òkò tí dhu (Éfè 6.5-8; 1Tì 2.9-15; 1Pè' 2.18-20; 3.1-6)

¹Pbétù inyi Titò, nyi nyàkă nyudhe obhónánga tó òtè ìndrũ tò.

²Mùlà-akpá tò nyi nyúdhèna dhu ní, abádhí ràkă ì'ì afíya òtù rádù ale tí, ifũta nà àkă ale tí, ndirò idzì irèta nà ale tí. Abádhí ràkă ì'ì iwà ó'ò a'uta ð, àzè ð, ndirò dhu-dzi t'òndùta ð ale tí.

³Iwà atòya ówù angyi vèbhále tò nyi nyúdhèna dhu ní, abádhí ràkă átò ì'ì Kàgàwà-nyìkpo nòfò dhu bhèyi aróko ale tí. Abádhí ràkă nzá ì'ì ale-ngbò t'únótatále tí, abádhí ràkă nzá ì'ì iwà òmvù arí 'òrì nì ale tí, pbétù abádhí ràkă ì'ì ale-afí rí òbì òtsi nì idzì òtè ònò rí ìndrũ tò ale tí.

⁴Ndi dhu bhèyi ní ndi, abádhí rí dhu ùdhè vèbhále-òwú tò, ròzè fìyó kpabhále mà fìyó nzónzo mànà.

⁵Abádhí rí dhu ùdhè vèbhále-òwú tò rí'ì idzì irèta nà, ròdò ì fìyó kpabhále tò tí, ròdò fìyó idza mbèyi, rí'ì idzì mùtso nà, ngàtsi ale rífũ pbìndà kpatsìbhále. Wò dhu ní ndi rí dhu àbhũ ìnzì kunò nzére dhu Kàgàwà bhà Òtè nì.

⁶Ndi dhu bhèyi tí, ìndrũ-òwú tò àkă nyudhe dhu ní: abádhí ràkă ì'ì idzì irèta nà

⁷kóró dhu-tsí ǎ. Ndirò nyi nyú nyi-tírò, nyi nyàkă nyi'ì ídzì ǎfò tí, ngǔkpà ale tò ka kí ídzìngà ònzi dhu ǎ. Ndirò abádhí tò nyi nyúdhèna dhu àkă rì'ì obhó dhu nyú tí, ndirò inga nòfò dhu tí.

⁸Ndirò, nyi nyúnona dhu àkănà rì'ì obhó dhu nyú, yà inzì ka kí ale àgò dòná tí, ndíní 'àgò rí inyì nà ale-nyì níwù tí, ìmbă àdù ì'ì nzéere dhu tí ì únona àlě dǎ dhu nà.

⁹Dhu àkă ino rifu fíyó ádròdrǎ ale kóró dhu ǎ, 'àdù abádhí-nyìkpó ǎfò rí dhu nónzì. Abádhí àkă nzá 'àgò ì fíyó ádròdrǎ ale nà.

¹⁰Ndirò dhu àkă nzá abádhí rùwě fíyó ádròdrǎ ale tó dhu. Pbétù kóró kàsùmì ǎ, dhu àkă abádhí rìtè ì ídzì ale tí, 'àdù fíyó ádròdrǎ ale ùnò fíyò kóró dhu nónzì, ndíní kóró dhu ǎ abádhí rónzina dhu abhù tí kirì yà mǎ marúdhèna Kàgàwà àlě tó Ògùba dǎ dhu.

Kàgàwà arí indrǔ ìgǔ nzéenga ǎ rò dhu

¹¹Obhó tí, Kàgàwà itè yà kóró ale ìgu rádù pbìndà ídzìngà.

¹²Ndi ídzìngà rǐ àlě àbhǔ, àlě rùbhà nzéere mùtso mà, ale-afí àtdu rádù yà adzi ǎ dhu mànà, ndíní àlě kadù tí òko dhu-ǎnga t'òvòta nà, obhónanga ǎ, ndirò Kàgàwà t'ífuta ǎ, yà kòmbí rì'ì adzi ǎ.

¹³Ndi dhu bhèyi ní ndi, àlě kádù àmbe yà àlě ká'ù idho, yà àlě tó Ádrùngbă Kàgàwà, Ògùba Yèsù Krístò bhà ádrùngbănga tó awáwù rǐrà òná nódò dǎ.

¹⁴Ndi Yèsù Krístò ní ndi ndi nabhù ndítírò nyú, ndòvè àlě-okú dò rò, ndíní nduwù tí àlě kóró nzéenga ǎ rò, ndàdù àlě ùgèrè àlě ròngò pbìndà ale nyú tí, yà ndi ndú'o rǐlă nyìkpóna ǎ, ndirò ídzì kasu ònzi rí obi nyú nà ale tí.

¹⁵Wò dhu bhèyi ní ndi nyi nyàkă nyudhe yà indù ma mávi dhu Yèsù ná'ù ale tò. Nyúyă dhu abádhí tò, nyadù dhu ǎsò obi nyú nà abádhí tò. Atdí ale mà nákă nzá inzì ndifu nyi.

Titò 3

Yèsù ná'ù ale àkă 'òkò tí dhu

(Ròm 16.17-18; È`fè 2.1-10; 1Pè´ 2.13-16)

¹Titò, nyi nyàkă nyarà dhu isè rǎ bilínganà Yèsù ná'ù ale tò, abádhí rākă ifu pbìrì ǎ ádròdrǎ ale mà, pbanga ǎ ádròdrǎ ale mànà. Abádhí àkă 'ifu ádròdrǎ ale rǔyăna fíyò dhu, 'àdù 'òzè 'ònzì ídzìngà ngǔkpà ale tò.

²Abádhí àkă nzá 'ùnò dhu atdí ale ní màtí. Abádhí àkă 'òkò màrùngà ǎ odhíya mànà, 'àdù ídzìngà ònzi. Abádhí àkă 'òkò yorowà ǎ kóró ale mànà.

³Obhó tí, angyină rò àlě nyú mà átò, àlě ní'ì ìmbă dòya nà ale, inzà Kàgàwà nífu ale, ndirò nzéere otu ǎ arúbhi ale. Àlě ní'ì dhèdhèrò nzéere dhu-atdyú mà, ale-dhè ìkă arí dhu-atdyú mànà dhu tó ino. Àlě kongónà òko nzéere ǎfò ǎ, àlě ràmbe ngǔkpà ale-adhà ònzi dǎ. Àlě ongónà òko tí dhu náabhù ngǔkpà ale ròndrò àlě, àlě rádù àlě òndrò àlě nzínzì ǎ màtí.

⁴Pbétù Kàgàwà, àlě tó Ògùba, nítdègu pbìndà ídzìnga mà, pbìndà àzè màná nítè ìndrù tò,

⁵ní kǐgú àlě, ìnzí ní ídzìnga àlě kónzì dhu-okú dò rò, pbétù izu ndí ndábà àlě dǒ dhu-okú dò rò. Kǐgú àlě, ndìbhò Ìlǐlǎ-Alafí rù'o àlě tó nzérenga, ndàdù ípìrǒnga-ɔwútá mà, ɔwútána tó okota màná níbhò àlě tò.

⁶Kàgàwà írá àlě atdíǒ nyú ndí Ìlǐlǎ-Alafí nǐ, àlě tó Ògùba Yèsù Krístò-otù ǒ.

⁷Kǒnzì ndí dhu ndíní pbìndà izu-okú dò rò ndí ndòzù àlě ìmbǎ nzére dhu tí ka kózùna dhu rǐ'ì nyuyatsì ale tí rò, àlě kadù tí yà àlě karódona àlě ràbà dhòdhóhóngà tó ípìrǒnga nábà.

⁸Wǒrí ní ndí obhónánga tó ɔte nyú. Ndirò, ma mòzè nyarà kòvò rǒ ɔbì nyú nà ìndrù tò, ndíní Kàgàwà ná'ù ale náapbá tí ì ídzì kasu t'ónzita rǒ. Kòrí ní ì àkǎkǎ kudhe ìndrù tò dhu, ndirò kóró ale dzùná ònzì rádù dhu.

⁹Pbétù, nyi nyàkǎ nzá nyitsu nyi ìmbǎ tǐna nà agòta ò, rùgànda-tsù dǒ agòta ò, anya ò, ndirò Músà bhà Uyátá dǒ ka kǐ ale agò dhu ò. Obhó tí ì dhu ní ìnzí ka kǐ ídzìnga àbà ɔyà dhu, ndirò ìmbǎ tǐya nà dhu.

¹⁰Nyi nyàkǎ nyisǒ dhu atdí-gùna ìndrù-ǒnga àpà rí ndùndò ale tò. Ndirò ɔyɔ-gùna nyi nyisǒ ka ìnzí kà ràdù nyirì rò, nyadù kípfo nyodì Yèsù ná'ù ale nzínzì ǒ rò.

¹¹Nyi nyùni wà dhu, wò dhu bhěyi rí ndònzì ale rúbhà wà ídzì otu. Ndirò wò kǎrúfàna dhu-okú dò rò, kà rǒtdì wà ànyàna ndítírò.

Bhàrɔwà rǐku dòná rò uyátá mà ovita màná

(1Kò 16.20-24)

¹²Ma mí Àrtemà ndirò ngǎtsi nǐ Dòkíkò nóvì tinu ò. Ní tinú kà rǎrà àhu rò, nyi nyàkǎ nyɔnzì kóró ɔbì, nyirà motù Nìkòpolì tí kátina kigò ò, ányì ma mòzè mudà ádrùngbǎ gírì tó kàsùmì nídhunǐ.

¹³Uyátá tó atdí màlimò Zènà tí kátina mà, Apolò màná rǐ abhi ɔpè Krětè rò rò, nyi nyàkǎ nyɔnzì abádhí dzùná fǐyó abhi tò abádhí rǐ'ì atdyúna nà dhu nǐ, akye atdí dhu mà arana ndòtdì abádhí rǒ nǐ.

¹⁴Àlě tó ale nyú átò nákǎ 'ùni ídzì kasu t'ónzita atdíǒ, ndíní 'adù tí òwu dhu ɔtdì ì rǒyá ale dzùná nónzì rǒ nǐ, akye ì okona ìnzí 'ònzì ìndrù dzùná, ìmbǎ itsu-kpǒ nà dòyá itsu bhěyi nǐ.

¹⁵Kǎkǎ atdíkpá mà mí'ì màná Yèsù ná'ù ale kóró nóvì nyi. Òvì nyóvì mà nózè a'uta ǒ arí'ì ale. Kàgàwà àkǎ ndàso nyǐ kóró.

Fìlìmonì

Fìlìmonì 1

Pɔ̀lò mà rǐ Fìlìmonì mà òvì dhu

(2Tì 1.3-5; 3Yù 2,6)

¹Yàrí bhàruwà nàndí ní ima Pɔ̀lò, yà òsò ka kósò ma Yèsù Krístò-okú dò rò ale, ndirò ní àlě t'ádònà Tìmòtewù. Mǎ màndí ka indù adòkà Fìlìmonì, yà atdíđǎ mǎ móze nyi, ndirò kasu tó òdhìkà tíró.

²Ndirò mǎ màndí ka àlě tó dadánà Àpiyà mà, Àrkipò, yà ila ùgye arí atdíkpá àlě mànà ale mà, ndirò kǒkò pbùkù idzá ì nùndu kànìsà ǎ bhà mànà tò.

³Àlě t'Ábanà Kàgàwà mà, àlě tó Ádrùngbǎle Yèsù Krístò mànà náká 'àso nyí, 'àdù nyábhu nyòkò màrùngà ǎ.

Pɔ̀lò rǐ òtsò àbhǔ Kàgàwà tò Fìlìmonì bhà àzè mà, kàbhà a'uta mànà-okú dò rò dhu

⁴Adò Fìlìmonì, ma marí òtsò àbhǔ bìlìnganà pbàkà Kàgàwà tò, pbàkà itsòta ǎ ma mí nyirè rò.

⁵Obhó tí, ma mìrì wà ìndrǔ rǐ dhu àwě Ádrùngbǎle Yèsù nyi nyá'ù nǐ a'uta dǎ dhu, ndirò nyi nyóze Kàgàwà bhà ale kóró dhu dǎ dhu.

⁶Ní, ma mí mìtsò Kàgàwà rǎ, ndíní yà atdíkpá àlě kí'ì nà a'uta ní'ì tí àkǎkǎ itse òdhì rádù a'uta tí, nyadù kóró ídzìnga, yà àlě karí'ì nà, Krístò mànà àlě tó ungbòta-otù ǎ nùni.

⁷Adòdú, pbùkù àzè níka idhèdu atdíđǎ, ndàdù afídu òpè, nyi nyábhu Kàgàwà bhà ale-afí ròtsì òbi nídhuní.

Pɔ̀lò rǐ ndìtsò Fìlìmonì rǎ ndíní Ònèsímò nakò tí dhu

(1Kò 13.4-7; Kò 14.7-9)

⁸Nírò, Yèsù Krístò-nyutsì, ma mí'ì ìmbǎ tsùdu ùtò rádù ìnzí muyǎ dhu indù nyi nyàkànà nyonzi dhu dǎ atdí dhu nà màtí.

⁹Pbétù, ma mòze monzi atdí dhu funú àlě tó àzè-okú dò rò. Ima nyú Pɔ̀lò, ima ní mùlà-akpà, ndirò, kòmbí ma mí'ì Yèsù Krístò-okú dò rò ka kósò ma ró.

¹⁰Ní, ma mìtdè nyi ìtdè tí pbàńgba Ònèsímò-okú dò rò, yà Yèsù Krístò ndì ndá'ù fudú dhu-otù ǎ óngò idhùdu tí, ìnè ma mí'ì imbi-dzà ǎ rórò.

¹¹Angyi, àbadhi nyú ní'ì mbǎ indù ndì ndónzina atdí dhu nà màtí, pbétù kòmbí kà rǐ dhu ònzi ònzi indù, ndirò idù màtí átò.

¹²Kòmbí, ma màdu wà ka tinu ò, ndirò àbadhi ní afídu-mbi nyú.

¹³Ma màmbènà òzèna dhu ní Ònèsímò ràdì tidú, ndíní ara tí dzùnàdu ònzi rǎ indú ngari ǎ, yà àdì ma màdì imbi-dzà ò Ídzì Màkǔrù-okú dò rò òná kàsùmì ǎ.

¹⁴Pbétù, ma mòzèná nzá mǎnzì atdí dhu mà, inzà nyi nyà'ù rórò, akye dhu arana ì'ì ùtù tí ma mí nyutù nyonzi ídzìnga idù dhu tí nǎ. Ma màmbènà òzèna dhu ní, nyonzi ka afinu nyú ò rò àhù rórò.

¹⁵Ngätsi nǎ, pbǎní nzi ndi dhu-okú dò rò nga ndi, Ònèsimò mà úbhà ì inyi màná ákě kàsùmì tí nǎ, ndínǎ nyi nyongó tí òko tdítǎ atdíkpá ndi màná bìlìnganà.

¹⁶Obhó tí, kòmbí ka ní nzi ino kèlě, pbétù ròsè ino dònǎ, kǒngò wà yà atdíǎ òlě kózè òlě t'ádònà tí. Ima, ma mǎzè ka atdíǎ. Ní inyi, nyi nyí kòzè atdíǎ ròsè, ka ní ìndrù nyú, ndirò ka ní Ádrùngbǎle Yèsù bhà ale átò òlě'ì bhěyi nídhunǎ.

¹⁷Nírò, àdhàdhì nyi nyarí mǎzù odhìnu tí dhu bhěyi, nyi nyákǎ nyako ka átò, àdhàdhì nyi nyàmbènà makǎ, ima nyú tíró dhu bhěyi.

¹⁸Dhu apé ì'ì kǎfǎ dhu onzinú dhu tí, ndirò ngätsi nǎ, dhu apé ì'ì kǎrí'ì pbùkù wànzá nà màtì dhu tí, ní àndí ndi pbùkù wànzá dùdú.

¹⁹Ima Pòlò, ma màndí yàrí dhu ɔtsúdu nyú nǎ: ma mí ndi kùbhò indù. Ma mòzè nzá misè dhu dùnú matì, nyi rǎrǎ'ì átò pbàkà wànzá nà. Ndi wànzá ní pbùkù ípìrǒnga.

²⁰Obhó tí, adòdú, ónzi dzùnàdu wòrí otu ǎ Ádrùngbǎle-okú dò rò, nyabhu afidu ròtsi ɔbi.

²¹Indù ma mí dhu àndí rò, ma mà'ù wà dhu, ìri nyi rǎrǎ ma múnona dhu ìri, ndirò nyi rǎrǎ ndi dhu ònzonzi ròsè wò mà mànò dhu dònǎ màtì.

²²Ndirò, atdíkpá wòrí dhu màná, ɔbhòlo nyóbhòlo idho tó ngari idù. Obhó tí, mà mà'ù wà dhu, ka rǎrǎ madù àdù tdítǎ fùrǎbvù, fùkú itsòta-okú dò rò.

Bhàrwà rǐku dònǎ rò ovita

²³Èpafrà nóvì nyi. Ka ní odhìdu yà atdíkpá ka kúsò mǎ màná, Yèsù Krístò-okú dò rò.

²⁴Ndirò odhìdu, yà atdíkpá mǎ marí kasu onzi màná Mǎrkò mà, Àsitarikò mà, Dēmà mà, Lukà màná, nóvì nyi.

²⁵Òlě tó Ádrùngbǎle Yèsù Krístò àkǎ ndàsò nyi.

Pbàèbràniyà

Pbàèbràniyà 1

Kàgàwà avò dhu ìndrũ tò Idhùnà-otù ǎ dhu

(Yùw 1.1-14; Fìl 2.6-11; Kò`l 1.15-17; È`br 10.12-14)

¹Angyi, Kàgàwà nóongónà dhu òvò àlě t'ábhúna tò pbànábí-otù ǎ. Kǒngónà i dhu òvò ibí-gùna ndirò ibí ófò ǎ.

²Kòmbí, yà yà adzi ǎ dhu-tsù rĩ ndòdì òná idho ǎ, kǎvò dhu àlě tò Idhùnà-otù ǎ. Ndi Idhùnà-otù ǎ ní ndi kǎbhòlò yà adzi, ndirò ka ní ndi kǎdù idìnà rǒnyù idzi kóró dhu dǎ.

³Àbadhi ní ndi Kàgàwà bhà ádrùngbǎnga tó awáwù arí nditè kpanjangba nyunatsi ale. Ndirò, àbadhi ní ndi Kàgàwà nyú arí'ì tí dhu nìtè. Kǎrì yà adzi ǎ kóró dhu òdò Òtèna, yà ádrùngbǎnga tó obi nà arí'ì nǎ. Ndirò, àbadhi níndègu ìndrũ nú'ò rìlǎ Kàgàwà-nyikpó ǎ fiyó nzérenga ǎ rò, ní kǎdù òdzì òrù-akpà ò, ndàdù àdi Kàgàwà yà kóró dhu dǎ arí'ì ádrùngbǎnga nà ale bhà fangà dònǎ rò.

⁴Ndi dhu bhèyi ní ndi, Kàgàwà t'ídhùnà náangò Ádrùngbǎle tí ròsè màlàyíká dònǎ. Obhó tí, Kàgàwà abhù kà tò ɔvɔ ní abádhí-ɔvò dònǎ fíndá ádrùngbǎnga ròse ɔvɔ.

Kàgàwà t'ídhùnà ní Ádrùngbǎle ròsè màlàyíká dònǎ dhu

(Zàb 2.6-12; Ìsa 9.5)

⁵Obhó tí, Kàgàwà náavò nzá dhu atdíku màtí pbìndà màlàyíká nzínzì ǎ atdí màlàyikà tò, ndàtì: «Inyi, inyi ní Idhùdu. Ndirò indo ndi nòpè rò, ima ní Àbanu .» Ndirò kǎvò nzá dhu atdí màlàyikà mà nàndà dhu nǎ, ndàtì: «Ima, ima ní'iyà kà t'Ábanà, ndirò àbadhi ní'iyà Idhùdu .»

⁶Ndirò, yà ndi ndivi Idhùnà pbìndà sengba yà adzi dǎ òná kàsùmì ǎ, kǎvò dhu tdítǎdǎ ka nàndà dhu nǎ, ndàtì: «Pbàkà màlàyíká kóró náká wà 'ùlě ka .»

⁷Màlàyíká nàndà dhu nǎ, kǎvò dhu ndàtì: «Ma mónzì i pbàkà màlàyíká, pbàkà kasutále, rì'ì awe bhèyi ndirò, rì'ì ùla rúla kàzu-idà-dò bhèyi .»

⁸Pbétù, Idhùnà tò Kàgàwà náavò dhu ndàtì: «Òo inyi Kàgàwǎ, Ádrùngbǎ kamà tó pbùkù tombi rǒngò àdi dhòdhódhónganà. Nyi nyarí pbùkù Ádrùngbǎ kamà tó idzi ùnda obhónánga tó mùgǒ nǎ.

⁹Nyi nyóze obhónánga tó dhu, nyadù nzére dhu nóndrò. Ndi dhu-okú dò rò ní ndi, òo Kàgàwǎ, ima pbùkù Kàgàwǎ, ma mútri nyi nyi'ì ádrùngbǎ kamà tí, modhò dhèdhe àbhù rí indù akye dùnu-tsíró, madù nyidzi ɔrú, nyosè kóró ɔdhínu dònǎ .»

¹⁰Kàgàwà náavò dhu átò, ndàtì: «Inyi Ádrùngbǎlé, òpè tí kóró dhu rĩ 'òpè rò nyi nyabhòlò ndi yà adzi, ndirò nyi nyabhòlò ndi òrù-akpà ɔtsúnù nǎ.

¹¹Kóró kǎkò dhu ríku ìkù, pbétù inyi, nyi nyádi sékú. Ndirò abádhí rĩ 'ìngyě ìngyě àdhàdhì ale-rǎ mùdzarù arí 'ìngyě dhu bhèyi.

¹²Nyi nyí abádhí-ǝnga nákpɔrɔ àdhàdhì ka karí òbvùna ka kí ndì nìngyě mùdzarù àkpɔrɔ dhu bhěyi. Nyi nyí abádhí ùwũ àdhàdhì ka karí ale-rǝ mùdzarù ùwũ dhu bhěyi. Pbéù inyi, nyi nyádi inyi kèlě tí, ndirò pbùkù ípìrǝnga rǝ nzǝ ìku .»

¹³Kàgàwà náavò nzá dhu atdíku màtí pbìndà màlàyíká nzínzì ǝ atdí màlàyíkà tò, ndàti: «Ádǝ idú fangà dònǝ rò, ràrà àhu ma mí pbùkù òmvù nábhũ nyǝbè dòya dhu ò .»

¹⁴Nírò, màlàyíká ní àdhi mà? Abádhí kóró ní Kàgàwà bhà mùkèngyè kèlě, kǝkà ìnzǝ ka karí àlàna ale-nyìkpó nǝ ale. Kǝrí abádhí ùvǝ ròwù ndì ndàkǝ ndìgũ ale dzùnà nónzǝ.

Pbàèbràniyà 2

Inzá dhu àkǝ kǝnzǝ Ádrùngbǝle Yèsù íbhò ǝgù tò ǝte gàyà dhu

(É`br 4.1; 12.25)

¹Ndi dhu-okú dò rò ní ndi , àlě kǝkǝ àlě ràpbǝ àlě-afí atdíđǝ yà àlě kíri màkǝrù rǝ, akye àlě kuwína nǝ.

²Yà Kàgàwà avò àlě t'ábhúna tò màlàyíká-otù ǝ ǝte náavi ndì àkǝkǝ kifú ǝte tí . Ní, ìnzǝ ka niri, ìnzǝ 'àdù kùnò dhu ifu ale tò Kàgàwà abhù màlipò àkǝkǝnà abádhí ràbà dhu bhěyi.

³Nírò àlě nyú, àlě kugùya ìngbà dhu bhěyi ndì màlipò ǝ rò, wò dhu bhěyi ádrùngbǝ ǝgù nyú gàyà àlě kǝnzǝ rò? Ádrùngbǝle Yèsù nyú ndítírò ní ndì wemberè tí ndì ǝgù tò màkǝrù napè ndòvò ìndrũ tò. Ndirò kǝvò dhu niri ale náavò dhu kpangba àlě tò 'àti, ndì ǝte rǝrí àkǝkǝ kifú ǝte.

⁴Kàgàwà nyú ndítírò níitè dhu kpangba átò abádhí ùnò dhu rǝrí obhó dhu. Ndi dhu kítè ize-otù ǝ, yà ìnzǝ apèna 'ònzǝ angyi ìndrũ-nzínzì ǝ dhu-otù ǝ, ndirò dhèdhèrò wiwì-tidò-otù ǝ. Kítè ka átò yà ndì ndòzè dhu bhěyi ndì ndì Hǝlǝ-Alafí bhà perè ùndo ìndrũ tò dhu-otù ǝ.

Yèsù avè yà adzi ǝ ale ndì ndìgù tí dhu

(Gàl 4.4-5; Fìl 2.6-11; É`br 4.15-16; 5.7-10)

⁵Obhó tí, ìnzǝ ní màlàyíká i Kàgàwà uli ndínǝ okoya tí kámá tí yà àlě kóte dònǝ ìrǝraya dhu tí adzi ǝ.

⁶Hǝlǝ Andítá ò, atdí ale nóvò wà dhu kpangba atdí ngari ǝ, ndàti: «Kàgàwǝ, ìndrũ ní àdhu ndínǝ nyi nyirè tí? Yà adzi ǝ ale ní àdhu ndínǝ pbìndà dhu ava tí tsinu?»

⁷Nyi nyábhu ka rǝ'ì obvòbvonǝ rò ake màlàyíká tò ákě kàsùmì tí, ndirò, nyi nyábhu ka rǝ'ì ádrùngbǝnga mà ifuta mànà nà.

⁸Nyi nyíli ka rǝnyù idzi yà nyi nyabhòlò kóró dhu-tsí dǝ .» Ní, Kàgàwà abhù ka rǝnyù idzi yà ndì ndabhòlò kóró dhu-tsí dǝ dhu rǝtina, ìmbǝ ìnzǝ kǝbhũ kà rǝnyù idzi dònǝ atdí dhu mà rǝrí'ì. Pbéù, kòmbí màtí àlě kàla nzá dhu iwà Kàgàwà rábhũ kóró dhu kà rǝnyù idzi dòyá.

⁹Àlě kàla dhu ní, Kàgàwà rabhù wà Yèsù rǝ'ì obvòbvonǝ rò ake màlàyíká tò ákě kàsùmì tí, ndínǝ pbìndà ìdzìngà-otù ǝ, ndì ndabhù tí ka rìnè ǝve-dzi kóró ale-okú dò rò. Wò ndì kǝbhà ǝve-otù ǝ, kǝbhũ wà ka rǝ'ì ádrùngbǝnga mà ifuta mànà nà.

¹⁰Kàgàwà abhòlò ndi kóró dhu-tsí, ndirò i kóró dhu-tsí náarí'ì kà tò tí. Ní, dhu afò nga kà ràbhù Yèsù rí'ì àkākā ale tí yà ndi Yèsù abà àpbè-otù ǒ, ndíní ábhǒ ale nabhù tí rí'ì pbìndà inzo tí, ràdù òtsù pbìndà ádrùngbānga tó awáwù ò. Obhó tí, Yèsù ní ndi ìndrù ùnda arí ndíní Kàgàwà igú tí ale.

¹¹Kàrí ìndrù ù'ò rìlā Kàgàwà-nyìkpó ǒ fìyó nzérenga ǒ rò. Ndi dhu bhèyi ní ndi, Yèsù, ìndrù nù'o ale mà, kākà ù'ò ndi ndù'o rìlā ale mànà kóró ní atdí Àba bhà ale. Ní ndi dhu-okú dò rò, Yèsù-nyì rí nzi ìwù abádhí ànzi ndi ndi àbanà bhà inzo tí rò.

¹²Obhó tí, kà rätina: «Ǫo Àba Kàgàwà, ma mí ǒvònu nígǎ adódu nzínzi ǒ. Ma mí nyì nífù pbùkù ale nzínzi ǒ .»

¹³Tdítdǒ Yèsù rätina: «Ìma, ma mí atdyúdu ìlì dóná ní Kàgàwà.» Ndirò kà rätina: «Mǎ mí'ì iró atdíkpá yà idù Kàgàwà íbhò nzónzo mànà .»

¹⁴I nzónzo ní ìndrù nyú kākà ìnè rí'ì ngbùlùya nà ndirò azu mànà nyuyatsì ale. Ní Yèsù idyi ndi ìndrù tó ófò átò. Kǎnzì dhu ndi dhu bhèyi ndíní pbìndà ǒve-otù ǒ, ndi nditò tí yà ǒve t'íbhòta tó ǒbi nà i'ì Pfòmvo-ǒbì atdítdǒ,

¹⁵ndirò ndíní ndi ndukòlò tí yà ǒve-ǒdò ònzi ì í dhu náabhù róngò òko ino bhèyi kóró fìyó ipìrǒnga ǒ ale.

¹⁶Obhó tí, dòtsí nyú kǐra nzá màlàyíká-dzùná ndi ndonzi tí, pbétù kǐra yà adzi ǒ ale, Àbràhamù bhà pbàdzukuru dzùná ndi ndonzi tí .

¹⁷Ní ndi dhu-okú dò rò, dhu aká àbadhi mà ròfò ì àbanà bhà inzo mànà kóró dhu ǒ. Ndi dhu bhèyi ní ndi, kǎdùna òngo Kàgàwà tò arí kasu ònzi pbàkùhání tó ádròdrǒ ale dǒ Kamà tí, ndíní ndi ndu'o tí ìndrù tó nzérenga. Ndi ádrùngbǎ kùhanì ní yà pbìndà kasu ifù arí, ndàdù ì'ì ìndrù dǒ ka kí izu abà nǐ ale-afì nà ale.

¹⁸Ndirò, àpbè kǎbà ndàdù ùda umvútá ònǎ dhu-okú dò rò, kà rí'ì ìnè ndonzi umvútá ǒ ì nòtù ale dzùná.

Pbàèbrànyà 3

Yèsù ní àbanà Kàgàwà bhà idza-kàmǎ, ndirò ndi idza ní àlě'ì dhu

(Ǫzt 12.7; Mát 21.33-38)

¹Àbanǐnzó, nyǐ ní yà nyǐ nunzi òrù-akpà ò rò Kàgàwà bhà ale. Ní, nyǐ nyākǎ nyǐlì fùkú irèta Yèsù dǒ tí. Kà ní ndi Kàgàwà bhà uvitatále, ndirò yà àlě karóvona ìndrù tò a'uta tó pbàkùhání tó ádròdrǒ ale dǒ kamà.

²Ka nidì ndi kasu t'ónzita tò ní Kàgàwà. Ní kifù ndi kasu ònzi ndi ndi òná ófò, àdhàdhì Músà níifu kóró ale tò ndi ndónzina Kàgàwà bhà idzá kasu dhu bhèyi .

³Ní, Yèsù àkǎ kifù atdítdǒ ròsè Músà dónǎ. Obhó tí, ka karí idza nòsì ale nífù atdítdǒ ròsè ndi idza nyú dónǎ.

⁴Ìngbàtí ìlì ndi idza mà nòsì arí ní ìndrù, pbétù kóró dhu nanzì ale ní Kàgàwà.

⁵Músà níifu Kàgàwà bhà idzá ndi ndónzina kóró ale tò kasu, ndíní ndi kàsùna ní'ìya tí Kàgàwà rùnona ìndrù tò olùnǎ rò dhu tó ngàm̀bì tí. Ka ní'ì kasutále kèlě.

⁶Pbétù, Krístò ífù ndì ndónzina kasu àdhàdhì àbanà Kàgàwà bhà idza-kàmă tí rí'ì ingba tírò. Ndirò àlě'ì ní ndi ndi idza, àlě kapé ìko pòtsó mànzì tó ale-afí nà, àlě ràdù àmbè yà àlě kòdona ndínì àlě kabá tí dhu òdò dǒ dhèdhe nyú nà rò.

Ìnzá dhu àkă kabhu ale-afí rò'ò odú, ìnzì kifu Kàgàwà ùnò dhu dhu

(1Kò 10.1-12)

⁷Ndi dhu-okú dò rò ní ndi, àdhàdhì Ìlǎ-Àlafí náavò angyí dhu bhěyi: «Indo nyí nyapé Kàgàwà-tù ìri,

⁸ní nyí nyàkă nzá nyăbhu afiku rò'ò odú, àdhàdhì abhúku náamvù Kàgàwà-afí rùngù ǒ dhu bhěyi. Abádhí náanzì kùnò dhu gàyà ìnzì 'ífù.»

⁹Ndirò kǎvò dhu ndàti: «Rùngù ǒ abhúku náamvù afidu, àzèmbè iwà ì ala ìfò kumì ato ǒ ma manzì fíyò dhu rórò tí.

¹⁰Ndi dhu-okú dò rò ní ndi, ma mi'ì nàwí nà abádhí rǒ, mati: «Kàrí ale-afí arúwí bìlǎngà. Ndirò abádhí arí nzì pbàkà otu ùngǔ.»

¹¹Ndirò, ma matsò dhu nàwí-okú dò rò, mati: abádhí rotsúya nzì fíyò ma mabhòlò asota tò ngari ò !»

¹²Nírò àbanǎnzó, nyàndà nga mběyi! Nzínziku ǒ atdí ale mà nákă nzá ndi'ì nzére afina nà, yà ndàbhu rádù ndùbhà pbìndà a'uta, ndàdù ndìndà itse Kàgàwà, yà ípìrǒnga nà arí'ì dhòdhóhónganà ale rǒ rò.

¹³Pbétù, nyí nyàkă nyǒngò afiku àbhu ròtsì ǒbì bìlǎngà nzínziku ǒ, yà àdì «indonga» tí Ìlǎ Andítá rătina idho àdì àlě tò màtí átò rò. Ndi dhu bhěyi ní ndi, nyí nyí nzì àdù nyăbhà nzérenga rùtrǎ nyí, ndàbhu afiku rò'ò odú, ìnzì nyí Kàgàwà-tsǔ dhu.

¹⁴Obhó tí, dhu apé ì'ì ìnè àlě karí'ì yà dóna-kpa ò rò àlě kǐ'ì nà a'uta òdò àlě karí pòtsó, rǎrà àhu àlě tó ípìrǒnga-tsù rǐ ndòdì dhu ò dhu tí, ní àlě kádù òko atdíkpá arí'ì Krístò mànà ale tí.

¹⁵Ìlǎ Andítá rǐ dhu òvò ndàti: «Indo nyí nyapé Kàgàwà-tù ìri, ní nyí nyàkă nzá nyăbhu afiku rò'ò odú, àdhàdhì abhúku náanzì kùnò dhu gàyà ìnzì 'ífù dhu bhěyi.

¹⁶Ádhi mà ì Kàgàwà ùnò dhu niri 'àdù gàyàna ònzì ìnzì ífù? Tí nzì yà Músà unda rùvò Mísri tó pbìrì ò rò ale kóró?

¹⁷Ndirò, ádhi mà ì Kàgàwà nabhù rǎkò ìfò kumì ato ǒ? Tí nzì yà nzérenga nanzì, ndi dhu ràdù 'àbhu 'ùve rùngù ǒ ale kóró?

¹⁸Ádhi mà ì Kàgàwà atsò dhu okúya dò rò ndàti, ìnzì abádhí rotsúya yà fíyò ndi ndabhòlò asota tò ngari ò? Tí nzì yà ì nuvó ìnzì 'ìrì kà-tsǔ dhu ale ?»

¹⁹Nírò àbanǎnzó, mà màla dhu ní, abádhí ratsù nzá ndi asota tó ngari ò ìnzá ì à'ù Kàgàwà dhu-okú dòrò.

Pbàèbràniyà 4

Kàgàwà ǒbhòlò asota tó ngari pbìndà ale tò dhu

- ¹Kàgàwà akò wà ndi asota tó ngari ò àlě kótsù nǐ dhu tó làkà àlě tò. Ní dhu àkǎ nyǎndà nga mběyi, ndíní ìmbǎ ìnzǐ ròtsù ányì atdí ale mà ní'ì tí nzínziku ǒ.
- ²Obhó tí, ka kúnò Kàgàwà bhà Ɔte àlě tò àdhàdhì àlě t'ábhúna tò ka kuno ka dhu bhěyi. Abádhí ìrì ndi Ɔte, pbétù ìnzǐ ràdù atdí dhu mà nónzì fǐyò. Obhó tí, ka ì ìrì rò, abádhí adù nzá kà'ù.
- ³Pbétù kòmbí àlě, yà àlě ká'ù ka rò, àlě kótsù òtsù ndi asota tó ngari ò. Ndi asota tó ngari nàndà dhu nǐ, Kàgàwà avò dhu àlě t'ábhúna tò, ndàti: ndi ròtsò wà dhu nàwí-okú dò rò, ìnzǐ abádhí ròtsúya akekpá màtí yà fǐyò ndi ndabhòlò asota tò ngari ò . Kǎvò dhu ndi dhu bhěyi, àzèmbè iwà ndi nditò yà adzi ndi ndabhòlò nǐ pbìndà kasu rórò.
- ⁴Obhó tí, ǪlǪ Andítá rǐ dhu òvò atdí ngari ǒ àrùbhù rǐ idho isě idho nàndà dhu nǐ, ndàti: «Àrùbhù rǐ idho isě idho ǒ, Kàgàwà náaso ndi, iwà ndi nditò pbìndà kasu kórò rórò.»
- ⁵Ndirò, Kàgàwà rǎtina átò ndi Andítá ò: «Abádhí rǐ nzǐ òtsù akekpá màtí fǐyò ma mabhòlò asota tò ngari ò.»
- ⁶Angyinǎ rò ka kuno Kàgàwà bhà Ɔte fǐyò ale náatsù nzá ndi asota tó ngari ò, abádhí uvó ì ìnzǐ 'ìrì Kàgàwà-tsù dhu dhu-okú dò rò. Ìnè màtí kà rǐ'ì ndi dhu bhěyi rórò, ngǔkpà ale rǐ'ì ìnè 'òtsù ndi asota tó ngari ò.
- ⁷Ndi dhu-okú dò rò ní ndi, Kàgàwà ìlì «Indonga» tí kátina ngǎtsi idho tdítǔ. Àbadhi náavò dhu ndi idho nàndà dhu nǐ angyinǎ rò, ádrùngbǎ kamà Dàwudì-otù ǒ, yà iwà ka kòvò angyinǎ rò dhu bhěyi. Kǎti: Indo nyǐ nyapé Kàgàwà-tù ìrì, ní nyǐ nyàkǎ nzá nyǎbhu afǐku rò'ò odú.
- ⁸Obhó tí, dhu í'ìyana gukyè iwà Yèsuwà arà àhu ìndrù nà asota tó ngari ò dhu tí, ní Kàgàwà óvòyana nzǐ dhu tdítǔ ndi dhu-dzidǔ asota tó ngǎtsi idho dǔ .
- ⁹Nírò, Kàgàwà aròdona pbìndà ale tò sàbatù nyú rǐ'ì ìnè. Ndi idho rǐ'ì àdhàdhì yà kǎso ndi òná àrùbhù rǐ idho isě idho bhěyi.
- ¹⁰Obhó tí, wò Kàgàwà óbhòlò asota tó ngari ò òtsù ale, náso wà ndi pbìndà kasu ǒ rò, àdhàdhì Kàgàwà náaso ndi pbìndà kasu ndi nditò dhu-dzidǔ dhu bhěyi.
- ¹¹Nírò, dhu àkǎ àlě rónzì òbì, àlě ròtsù ndi asota tó ngari ò, ìnzǐ àlě nzínzì ǒ atdí ale mà rónzì dhu àlě t'ábhúna náanzì dhu bhěyi.
- ¹²Obhó tí, Kàgàwà bhà Ɔte ní ípìrǒnga ìbho arí ìndrù tò Ɔte. Ndirò kà rǐ'ì òbì nà, ndàdè ndàkà ròsè yà ɔyɔyɔ kunàdò nǐ rǐ dhu ù'á ìla tó obhi-akpà dònǎ. Kǎrótsù bhélébhélé ale-nyutsì, ndàrà òtsi ale-afí nyú rǔ. Ndirò, kǎrí ale-kpa únzì ì ró nga mà ǒnga núndò, ndàdè arà òtsi ale-kpa ò tètè mà rǔ. Kǎrí ìndrù rǐrèna afína ò ndíní ndi ndonzi tí dhu nábhù rùnì ndi kpangba.
- ¹³Ìmbǎ Kàgàwà rǔ rò arí ndòru atdí dhu mà rǐ'ì. Kórò dhu arí'ì kpangba kà tò. Kà-nyìkpó arí kórò dhu àlǎ. Ndirò Àbadhi ní ndi àlě kòvòya àlě kanzì kórò dhu ɔnzíná ale.

Yèsù ní pbàkùhání tó ádròdrǔ ale dǔ Kamà nyú ròsè dhu

¹⁴Àlě kǐ'ì inè atdíđǒ ósè pbàkùhání tó ádròdrǒ ale dǒ kamà, yà òrù-akpà ò atsù ndàrà àhu Kàgàwà-tí'ò nà. Ndi pbàkùhání tó ádròdrǒ ale dǒ Kamà ní Yěsù, Kàgàwà t'ídhùnà. Ní, dhu àkǎ àlě rikò pòtsó yà ka àlě kǎ'ù nǐ àlě tó a'uta ǒ.

¹⁵Obhó tí, ndi àlě kǐ'ì nà pbàkùhání tó ádròdrǒ ale dǒ Kamà ní yà ànò rádù àlě tó ivívínga nánò átò ale. Pǎmvo Sitanì umvú àbadhi-afí kóró otu ǒ, àdhàdhì ndì ndarí àlě-afí ùmvù dhu bhěyi. Pbetù kǎnzì nzá nzérenga.

¹⁶Ní, dhu àkǎ àlě ròndrì a'uta nyú nà Kàgàwà bhà Ádrùngbǎ kamà tó tombi-tí'ò. Ka ní ndi ídzinga ònzì arí ìndrù tó ale. Ndi dhu bhěyi ní ndi, kà rǎdù ì'ì izu tó afína nà àlě dǒ, ndàdù àrà ídzinga ònzì rǒ àlě tó àkǎkǎ kàsùmì ǒ.

Pbàèbràniyà 5

Yěsù ní Ádrùngbǎ Kùhanì Mèlkisèdekì bhà ǒfò ǒ dhu

¹Íngbàtí ìli ndi pbàkùhání tó ádròdrǒ ale dǒ kamà mà nówò ka karí ìndrù nzínzì ǒ rò, ndíní ongó tí kasu ònzì ìndrù-òvò rǒ Kàgàwà-ònzì. Ndi kùhanì bhà kasu ní ndùbho ìnzì ka kùbina ùbi tí perè mà, ùbi tí ka kùbina izǎ tó perè mà nà Kàgàwà tó ìndrù ònzì nzérenga-okú dò rò.

²Ndi nyú tírò ka ní ivivi ale afína ònǎ rò. Ní ndi dhu-okú dò rò, kà rǐ'ì inè yà inzà ì òzè rórò úwí ídzì otu rǒ rò ale tó dhu rǎlǔ dóna.

³Ndirò wò ndi nyú tírò kà rǐ'ì ivíví dhu-okú dò rò, kǎkǎ nzá ndùbho izǎ tó perè ngǔkpà ale tó nzérenga-okú dò rò rò tí, pbetù kǎkǎ ndùbho ka pbindà nzérenga-okú dò rò màtí átò.

⁴Ímbǎ ndítírò arí ádrùngbǎ kùhanì tó ifuta àbhù fǐndà atdí ale mà náarí'ì. Pbetù, Kàgàwà arí ndi ìndrù ànzì, ndìli ádrùngbǎ kùhanì tí, àdhàdhì kǎnzì Àrǒnì, ndìli ádrùngbǎ kùhanì tí dhu bhěyi.

⁵Ndi dhu bhěyi tí átò, Krístò náabhù nzá pbàkùhání tó ádròdrǒ ale dǒ Kamà tó ádrùngbǎnga tó awáwù ndítírò fǐndà. Pbetù, Kàgàwà ní ndi ka nabhù kà tó. Kǎtí kà nǐ: «Inyi, inyi ní Idhùdu. Ndirò, indo ndi nòpè rò, ima ní Àbanu .»

⁶Ndi dhu bhěyi tí, kǎvò dhu átò Yěsù nàndà dhu nǐ ngǎtsi ngari ǒ Hǐlǎ Andítá ò, ndàtí: «Inyi ní kùhanì dhòdhóhónganà àdhàdhì Mèlkisèdekì ì'ì ònǎ ǒfò ǒ .»

⁷Yà adzi ǒ Yěsù ì'ì ònǎ kàsùmì ǒ, kǐtsò ndi Kàgàwà, yà inè ì'ì ndìgǔ ndi ove ǒ rò ale-rǒ, ndàdù kítde ǒrù-tùna nyú nà ndirò nyina-dha nà. Ní Kàgàwà ìri kàbhà itsòta, tsùnà dhu kǐfù dhu-okú dò rò.

⁸Ìnè màtí ndi ndí'ì Kàgàwà t'ídhùnà nyú tí rórò, kǔdhè Kàgàwà-tsǔ dhu ìri arí ale tí ndi ndí'ì dhu yà ndi ndabà àpbè-otù ǒ.

⁹Kàgàwà itdègu kà-nyutsi ndi ndudhé kóró dhu nábhù rǎkǎ, ní kǎdù òngo kóró ale yà tsùnà dhu ìri rí nígǔ rí, ndàbhù rǎbà dhòdhóhónganà tó ípìrǒnga ale tí.

¹⁰Ndi dhu bhěyi ní ndi, Kàgàwà idì ka rǐ'ì pbàkùhání tó ádròdrǒ ale dǒ Kamà tí, Mèlkisèdekì bhà ǒfò ǒ.

Inzá dhu àkǎ kokò nzónzo tí a'uta ǎ dhu

(1Kò 3.1-3)

¹¹Mèlkisèdekì nàndà dhu nǎ, mǎ mí'ì ábhǒ dhu nà fǔkù mǎ múnona. Pbétù, mǎ mí i dhu-tí àwě tí fǔkù dhu rǐ'ì odú, ìnzǐ bǐku arí ìnga ìri dhu-okú dò rò.

¹²Obhó tí, yà nyǐ nyúdà kóró kàsúmì ǎ, nyǐ nyǐ'ì ìnè nyǒngò Kàgàwà bhà Ɔte ùdhě arí ìndrǔ tò màlímó tí. Pbétù kòmbí, nyǐ nyòko òko yà dònà-kpa ò rò ka kapè kudhe fǔkù dhu-atdyú òho nyǐ nyarí kudhe tdítǎ fǔkù ró. Nyǐ nyùgèrè nyǐ nyǒngò màkyǐ nózè 'òmvù ìré-nzo bhěyi ale tí, àzèmbè ododu ònyù ònyu nyǐ nyàmbènà rò.

¹³Obhó tí, ìngbàtí ìli ndì ale mà, yà màkyǐ kèlě nózè ndòm̀vù ní àdì àdì ìré-ngba tí obhónánga tó Ɔte ǎ ale. Ka ní ìnzá únì ìd̀zì dhu t'ónzita mà, nzére dhu t'ónzita màná ònga t'òvòta ale.

¹⁴Pbétù, ododu ònyù ònyu arí ale ní iwà ó'ò ale. I ale ní kǎkà ì ónzina kóró dhu ǎ, iwà únì ìd̀zì dhu mà, nzére dhu màná ònga t'òvòta ale.

Pbàèbràniyà 6

¹Ní ndì dhu bhěyi kà rǐ'ì rò, dhu àkǎ àlě rùdà yà dònà-kpa ò rò ka kudhè àlě tò Krístò dǎ ìsísó dhu-dònǎ, àlě ràdù àmbe òwu dǎ angyi yà iwà ó'ò ale tò àkǎnà kudhe dhu-tidò ùnǐ àlě kí dhu ǎ. Dhu àkǎ nzá àlě ràpǎ àlě tdítǎ yà dònà-kpa ò rò ka kudhè àlě tò dhu t'únita rò. I dhu ní: yà Ɔve ò ràdù ìndrǔ ùndà mùtsò-tidò ò rò ka kí ale ùgèrè kùbhà dhu mà, Kàgàwà à'ù ka kí dhu màná.

²Ndirò ní bàtizò dǎ ka kí dhu ùdhě ìndrǔ tò dhu mà, ale-òtsú ùlǐ ka kí ìndrǔ dǎ dhu màná . Ngǎkpà dhu ní ìndrǔ rǐ 'ùngbě Ɔve-bvù rò dhu dǎ ka kí dhu ùdhě ìndrǔ tò dhu mà, Kàgàwà itdiya ìndrǔ-ànyà dhu dǎ ka kí dhu ùdhě dhu màná.

³Àlě kǎkǎ àlě ràmbe òwu dǎ angyi tí yà iwà ó'ò ale tò àkǎnà kudhe dhu-tidò t'únita ǎ, Kàgàwà òzè ka nǐ.

A'uta ùbha ka kí dhu tó nzérenga

⁴Kìdyi pé yà iwà ì á'ù Kàgàwà rórò ì nádu angyè fiyó mùtsò ò ale tó ófò. Abádhí ála wà Kàgàwà bhà awáwù, abádhí ábà wà yà pbìndà ale tò Kàgàwà arí àbhùna perè átò, ndirò Kàgàwà ábhu wà abádhí ràbà pbìndà Ìlǐlǎ-Alafí.

⁵Abádhí nínè wà Kàgàwà bhà Ɔte tó ìdzìnga, 'àdù yà ìrà rírà adzi tó ádrùngbǎnga tó obi ìnè.

⁶Pbétù, abádhí ádù 'àdu fiyó angyè mùtsò ò. Ní i dhu bhěyi ale-tidò àbhù ka kí rùgèrè ì tdítǎ rùbhà fiyó nzérenga dhu rǐ'ì odú nyú. Obhó tí, abádhí rǐ'ì àdhàdhì Kàgàwà t'ìdhùnà àbhù rí kutǎ tdítǎ mùsàlabhà dǎ ale bhěyi, ndirò ìndrǔ àbhù rí ràmbe dhu ùnò dǎ nzére nyú Yèsù nǐ ale bhěyi.

⁷Ìnga tí ka kòbhì adzi náapè àmbe dòná rárà ìkǎ rǎ igye-dha òmvù dǎ, ndàdù dòná ka kòzò ònyù ì'ò ndì nabhì ale tò, ní ndì dhu ìtè dhu Kàgàwà ràso wà ndì adzi.

⁸Pbétù, kápé okpèna nà itsukpó-nzo mà nzére irí-tidò mànà ní'ò, ní ndi dhu itè dhu ndi adzi rārī mbā tina nà, ndirò Kàgàwà rī kòfù òná idho rindù wà ndi. Ndirò Kàgàwà rārà dhu ùtsà kùbi ndi ndi kàzu nī dhu rō.

⁹Òdhídù, yà atdídò mǎ mǒzè nyī rò, mǎ mí mbā òte wò dhu bhěyi mǎtí, mǎ m̀ni wà dhu mběyi nyú nyī rārī'ì ìnè ídzì otu ǒ. Ndi otu ní ògù tó otu.

¹⁰Kàgàwà ní obhónánga tó dhu ònzi arí ìndrū tò ale. Ní kà rī nzī àdzo nyī nyònzì kasu rō rò. Obhó tí, nyī nyònzì kàbhà ale dzùnà, ndirò nyī nyòko òko abádhí dzùnà ònzi nyī nyarí ró tí. Ní ndi dhu itè dhu iwà nyī rózè Kàgàwà.

¹¹Ndirò, mǎ mí atdyúna òho dhu ní, ìngbàtí ìli ndi ale mà nzínziku ǒ rākǎ ndámbe Kàgàwà bhà ale dzùnà ònzi dǒ wò dhu bhěyi tí, rārà àhu yà adzi ǒ dhu-tsù rī ndòdì dhu ò. Nírò ní ndi nyī nyádù yà nyī nyódona Kàgàwà rònzi fǔkù dhu àbà nī.

¹²Nírò, nyī nyākǎ nzá nyī'ì ngbǒya úyí ale tí, pbétù nyī nyākǎ nyòkò Kàgàwà ná'ù ale bhěyi, ndirò dhu-dzi òndù arí ale bhěyi. Ndi dhu bhěyi aróko ale ní ndi Kàgàwà òkò fǐndá làkǎ fǐyò dhu àbà arí.

Kàgàwà arí nzī ndi ndòkò làkǎ ùwǔ dhu

(É`br 10.23-24,32-36)

¹³Kàgàwà rī làkǎ òkò Àbràhamù tò rò, kǎtsò dhu òvòna rō nditírò. Kǎnzì dhu ndi dhu bhěyi ìmbā òvòna rō ndi ndádù dhu òtsò ngǎtsi dóna nǎ òsè ádrùngbǎle ní'ì nídhunī.

¹⁴Kǎtí: «Ma mòtsò wà dhu obhó nyú, ma mí nyasò àsò atdídò, madù pbùkù pbàdzukuru-bvu níse atdídò átò .»

¹⁵Ní, ìnzī ndi ndi ndìngyě rórò ndi ndòdò Kàgàwà ùnò fǐndá dhu rò, Àbràhamù adù yà Kàgàwà akò fǐndá làkǎ fǐndá dhu àbà.

¹⁶Obhó tí, ìndrū apé dhu òtsò, ní abádhí arí ndi dhu òtsò yà ádrùngbǎle tí rí'ì ròsè dòyanǎ ale-òvò rō. Ndirò, òtsò abádhí òtsò dhu náarí kóró agòta ito abádhí nzínzi ǒ rò.

¹⁷Ndirò ndi ófò ǒ tí, Kàgàwà azè nditè dhu kpangba yà ndi ndòkò fǐndá làkǎ dhu àbà rī ale tò, ìnzī ndi rārādù pbìndá òte ùwu akekpa mǎtí. Ní kǐtè ndi làkǎ tó obhónga dhu ndi ndòtsò ndisè ka nī dhu-otù ǒ.

¹⁸Nírò, ìnzī arí 'ùwǔ dhu yà ìnzī Kàgàwà rǎdù tìtò ùnò óyá rī'ì oyo. I dhu ní làkǎ t'ókòta mà dhu t'òtsòta mànà. Ní, yà kà-nyutsi àlě kúrù àlě rò, kǒkò óyò dhu-okú dò rò, àlě-afí nótsi wà òbi atdídò, ndíní àlě kòdò tí àlě rǎbà yà kǒkò fǐndá làkǎ àlě tò dhu àlě-atdyú nyú nà.

¹⁹Ndi àlě kódona àlě rǎbà dhu rī àlě àbhǔ àlě rìkò pòtsó Kàgàwà-ònzì àlě-afí ònǎ rò, àdhàdhì nàngà náarí bàtò àbhǔ rìdè pòtsó atdí ngari ǒ idha dǒ dhu bhěyi. Kǎbhù àlě àlě rùdà àlě-afí ònǎ rò pàziyà ònǎ, àlě ròtsù atdídò ìlǎ ngari ò, yà Kàgàwà arádi òrù-akpa ò ì.

²⁰Yèsù atsù ndi angyi ányì àlě tò, ndàdù òngo pbàkùhání tó ádròdrò ale dǒ Kamà tí dhòdhòdhónanà, Mèlkìsèdekì bhà ófò ǒ.

Pbàèbràniyà 7

Mèlkisèdekì ní ádrùngbǎ kamà ndírò ádrùngbǎ kùhanì dhu

¹Mèlkisèdekì ní'ì Sàlemù tó kigò ǒ ádrùngbǎ kamà. Ndirò ka ní'ì Kàgàwà yà kóró dhu dǒ arí'ì orú ale bhà kùhanì. Ní atdíku, Àbràhamù rǐ ndàdù ádròdrǒ kámá mànà ndì ndúgyè ila, ndàdù abádhí lè mà ònzì dhu-dzidǒ rò, Mèlkisèdekì arà, 'òwù 'ùsò kà mànà otu ǒ rò, ndàdù kàso.

²Ní Àbràhamù adù ndì ndàkò ila ǒ dhu kóró tó atdínga idre dǒ nábhù kà tò. Mèlkisèdekì tí kátina ɔvo-tì ní obhónánga tó ádrùngbǎ kamà. Ndirò ka ní Sàlemù tó kigò ǒ ádrùngbǎ kamà . Sàlemù-tì ní màrùngà.

³Ka kúni nzá Mèlkisèdekì t'ábanà mà, kà-tsánà mà ndírò atdí kà t'ábhunà mà. Ndirò, ka kúni nzá ìngbàngá ka kugù ka dhu mà, ndírò ìngbàngá kǎdù òvè dhu mà. Kòfò ndì Kàgàwà t'ídhunà nà ka ní kùhanì dhòdhódhóngà nà nídhunǐ.

⁴Nírò, nyàndà pé wò ale i'ì ádrùngbǎle nyú tí òná ǒfò! Àbràhamù, àlě t'ábhunà-nzínzì nyú mà, náabhù ila ǒ ndì ndakò kóró dhu-tidò tó atdínga idre dǒ kà tò.

⁵Pbàyàhúdì-bvǔ pbàkùhání ní'ì Lawì bhà pbàdzukuru, ndì Lawì ràdù i'ì Àbràhamù bhà mùdzukuru. Ní Músà bhà Úyátá núuyá dhu pbàkùhání tò ròngò adóya, Pbàìsràyélí, nónzì rùbho ì àbà kóró dhu-tidò tó atdínga idre dǒ fǐyò .

⁶Ndirò, Mèlkisèdekì ní'ì nzǐ Lawì bhà pbàdzukuru nzínzì ǒ ale. Pbétù, Àbràhamù abhù ndì ndàbà kóró dhu-tidò tó atdínga idre dǒ kà tò. Ndirò kǎdù ndì Àbràhamù, yà Kàgàwà akò làkà fǐndà ale náso.

⁷Inzá ka kàgò ale dòná rórò, ákě ale àsò arí narí ádrùngbǎle.

⁸Lawì bhà pbàdzukuru nzínzì ǒ i'ì pbàkùhání tí ale, yà kóró dhu-tidò tó atdínga idre dǒ tó perè nùbho ka kongónà fǐyò ale, ní'ì ùvǔ ràdù ùve atdíku ale. Pbétù Mèlkisèdekì, yà Àbràhamù abhù ndì ndàbà kóró dhu tó atdínga idre dǒ fǐndà ale, ní dhòdhódhóngà nà arí'ì ìpìrǒngà nà ale, àdhàdhì Ìlǐlǎ Andítá rǔnɔna dhu bhěyi.

⁹Nírò, àlě kìnè àlě ràtì, Lawì, yà pbìndà pbàdzukuru tò adóya Pbàìsràyélí nóongónà kóró dhu-tidò tó atdínga idre dǒ nùbho perè tí fǐyò ale, ní rabhù wà kóró dhu-tidò tó atdínga idre dǒ átò perè tí Mèlkisèdekì tò Àbràhamù-nyutsì.

¹⁰Obhó tí, inzá màtí ka kàpè ndùgu rórò, Lawì i'ì inè abhunà-nzínzì Àbràhamù-nyutsì, Mèlkisèdekì mànà ndì abhunà-nzínzì mà rǐ 'ùsò, ràdù perè àbhù fǐndà òná kàsùmì ǒ.

Kàgàwà rǐ Mèlkisèdekì bhěyi ngǎtsi ádrùngbǎ kùhanì, Yèsù, ìlǐ dhu

¹¹Pbàìsràyélí tó Úyátá ò, ka kongónà pbàkùhání òvò Lawì bhà pbàdzukuru nzínzì ǒ. Abádhí ní'ì pbàkùhání Àrǒnì bhà ǒfò ǒ. Pbétù pbàkùhání tí abádhí i'ì òná ǒfò ní'ì inzá àkǎ ǒfò. Àkǎ àkǎ dhu tí kǐ'ì nánǐ, ka kahòna nzǐ Mèlkisèdekì bhà ǒfò ǒ rí kasu ònzì kùhanì-atdyú tǐtǐdǒ. Ndi dhu i'ìna mbǎ tǐna nà.

¹²Obhó tí, kùhanì tó kasu ùwù ndì rò, Úyátá àkǎ wà ndùwù ndì átò.

¹³Ndirò, wò ka kòtè pbìndà dhu dǒ àlě tó Ádrùngbǎle Yèsù ní'ì vurò ale-dhú-tidò. Ndirò kà mà tó dhu-dhú nzínzì ǒ, màzàbahù dǒ kùhanì tó kasu nanzì atdí ale mà ní'ì ìmbǎ.

¹⁴Obhó tí, dhu ùni wà ndi kpangba àlě tó Ádrùngbàle rahù Yudhà-dhú nzínzi ǒ rò. Ndirò ndi ale-dhú nàndà dhu nǐ, Músà náavò nzá kùhanì tó kasu tó dhu nàndà atdí ɔte mà.

¹⁵Ndirò, yàrí ní ndi ndi dhu nìtè kpangba tdítǎ dhu: Mèlkisèdekì nà ndi nòfò ngàtsi kùhanì nítò wà ndi.

¹⁶Ndi kùhanì-tsí ka kili nzá rì'ì kùhanì tí ìndrù tó màndu nónzi ka dhu-okú dò rò. Pbétù, ka kili ka rì'ì kùhanì tí dhòdhóhonganà arádi ípìrǒnga bhà ádrùngbànga tó ɔbi nǐ.

¹⁷Obhó tí, Ìlǐlǎ Andítá rǐ dhu itè kpangba, ndàti: «Inyi ní dhòdhóhonganà arádi kùhanì Mèlkisèdekì bhà ɔfò ǒ ale.»

¹⁸Ndi dhu bhèyi ní ndi, Kàgàwà ahò angyè uyátá, ndi uyátá i'ì ivívinga nà ndirò kǎnzì nzá ìndrù-dzùnà dhu dhu-okú dò rò.

¹⁹Obhó tí, wò ndi Músà bhà Uyátá náabhù nzá ìndrù Kàgàwà ròzù àkākā ale tí nyìkpóna ǒ. Pbétù kòmbí, Kàgàwà íbhò wà àlě kádù ɔdòná àlě kabá tí atdíǎ àkà dhu. Ndi dhu-otù ǒ nga ní ndi àlě kí'ì inè àlě ròndrì Kàgàwà-tí'ò nǐ.

²⁰Ròsè wò dhu dònǎ, Yèsù ìlǐ ndi ndi ràdi Ádrùngbà Kùhanì tí rò, Kàgàwà atsò pé dhu angyi. Pbétù, Lawì bhà pbàdzuru nzínzi ǒ ale ùlǐ ka kí kùhanì tó kasu ǒ rò, ka katsò nzá dhu ndi dhu bhèyi.

²¹Pbétù, Kàgàwà ìli Yèsù rì'ì Kùhanì tí yà ndi ndòtsò dhu dhu-otù ǒ. Kàti kà nǐ: «Ima Ádrùngbàle Kàgàwà, ma mòtsò wà dhu, ndirò ma mí nǐ madù tdítǎ ndi dhu dǎ: nyi nyádi Kùhanì tí dhòdhóhonganà .»

²²Ndi dhu bhèyi Kàgàwà ɔtsò dhu dhu-otù ǒ, Yèsù ní ndi àlě àbhù rí àlě rà'ù dhu inè àlě rǎrǐ'ì Kàgàwà màná àlě núngbò atdíǎ àkà ungbòta ɔwútá nà ale.

²³Ndirò ngàtsi dhu rǐ'ì inè átò: ngǔkpà pbàkùhání ní'ì abho rò. Ní abádhí owúnà ùve rǒ, kadù 'ùwu pbàkùhání-ɔwútá nǐ. Ní ndi dhu arána abádhí àbhù rǒ ìnzǐ rònzǐ kùhanì tó fiyó kasu dhòdhóhonganà.

²⁴Pbétù, Yèsù tò ndi dhu rǐ'ì ìmbǎ ndi dhu bhèyi: Kà rǐ'ì ípìrǒnga nà dhòdhóhonganà, ndirò kùwǔ rí kùhanì tó kàbhà kasu ǒ rò atdí ale mà rǐ'ì ìmbǎ.

²⁵Ndi dhu-okú dò rò ní ndi, kà rǐ'ì inè ndigǔ Kàgàwà-tí'ò iwǔ otùna ǒ ale atdíǎ. Obhó tí, kà rǐ'ì ípìrǒnga nà dhòdhóhonganà, ndirò kǎrí ndìtsò Kàgàwà rǒ abádhí-okú dò rò.

²⁶Nirò, Yèsù ní ndi àkākā àlě tó pbàkùhání tó ádròdrǒ ale dǎ Kamà. Ka ní Ìlǐlǎ ale Kàgàwà-nyìkpó ǒ, ìmbǎ afátá nà ale, ndirò ìmbǎ nzére dhu tí ka kózùna atdí dhu mà rǐ'ì nyunatsi ale. Kàgàwà ìndà ka nzérenatále rǒ rò, ndàdù kìdzi, ndìli ɔrú ngari nyú ǒ ɔrù-akpà ɔ.

²⁷Kà rǐ nǐ bìlǐnganà ndi ndi perè ùbhò Kàgàwà tó dhu-atdyú òho, àdhàdhì pbàkùhání tó ádròdrǒ ale dǎ ngǔkpà kámá nòɔnzínà ka bhèyi. Abádhí ubhónà pé perè fiyó nzérenga nyú-okú dò rò itírò, ndirò ndi dhu-dzidǎ 'àdù kùbho ngǔkpà ale tó nzérenga-

okú dò rò. Obhó tí, Yèsù anzì dhu ndi dhu bhëyi atdí-gùna kèlě tí, yà ndi ndipfo ndi nditírò ɔve tò dhu-otù ǒ.

²⁸Músà bhà Ʋyátá náabhù kulì inè nzére dhu tí ka kózàna dhu rǐ'ì nyuyatsì ale mà rǐ'ì ádròdrǒ pbàkùhání tí. Pbétù, Kàgàwà atsò dhu núuwù ndi Músà bhà Ʋyátá. Wò ndi kàtsò dhu nǐ, kǐdì Idhùnà ràdì pbàkùhání tó ádròdrǒ ale dǒ Kamà tí. Ndi kà t'ídhùnà ní ndi àkàkà dhu bhëyi rí pbàkùhání tó ádròdrǒ ale dǒ Kamà tó pbìndà kasu ònzi dhòdhóhonganà ale.

Pbàèbràniyà 8

Yèsù ní àlě tó obhóná pbàkùhání tó ádròdrǒ ale dǒ Kamà Ungbòta-Ɖwútá ǒ dhu

(Ìsa 55.3; Ɖ`br 9.6-12; 12.24)

¹Yàrí ní ndi wò mà mòzè mǎnò fǔkù dhu nzínzi ǒ ádrùngbǎ dhu: àlě kǐ'ì nà pbàkùhání tó ádròdrǒ ale dǒ Kamà tí ní ndi Yèsù nyú. Ɖrù-akpà ò, kǎdì Kàgàwà bhà ifuta tó ádrùngbǎ kamà tó tombi tó fangà dònǎ rò.

²Kǎrí Ádrùngbǎ Kùhanì tó pbìndà kasu ònzi atdídǒ ìlǎ ngari ò Kàgàwà arádì i, kà-tì ní, kà rarì ndi kasu ònzi obhóná hemě-dzà ǒ. Ndi hemě-dzà ní wò ndi Ádrùngbǎle Kàgàwà úpe, ìnzǐ ní ìndrǔ úpe.

³Ìngbatí ìlì ndi ádrùngbǎ kùhanì mà ka kilínà ndínǐ ongó tí yà ùbì tí ka kúbina ìzǎ tó perè mà ngǔkpà perè-tidò mànà núbho Kàgàwà tò. Ní ndi perè nàndà dhu nǐ, dhu akána Yèsù, àlě tó pbàkùhání tó ádròdrǒ ale dǒ Kamà, rǐ'ì perè tí ndi ndábhùna ìndrǔ-ɔvò rǒ dhu nà.

⁴Yà adzi ǒ ndi ndi'ì nánǐ, kǐ'iyana mbǎ kùhanì tí, inè Músà bhà Ʋyátá ávi dhu bhëyi rí perè ùbhò Kàgàwà tò ngǔkpà pbàkùhání rǐ'ì nídhunǐ.

⁵I pbàkùhání rǒnzina Ìlǎ ngari ò kasu ní'ì yà òrù-akpà ò arí 'ònzi obhóná dhu tó ǒfò kèlě. Obhó tí, yà íkyèrǒ Músà rǐ'ì ndínǐ ndi ndòsǐ tí hemě-dzà ònà kàsùmì ǒ, Kàgàwà avò dhu kà tò ndàtì: «Ándà yàrí dhu mbëyi. Nyì nyí hemě-dzà ùpè yà pbìrì dǒ rò ma mìtè ìndù idza tó ǒfò ǒ .»

⁶Ní kòmbí, Yèsù tò Kàgàwà ábhu kasu ní idzi kasu nyú ròsè ngǔkpà pbàkùhání tó kasu dònǎ. Obhó tí, kǐdè ìndrǔ nzínzi ǒ Kàgàwà mànà, ndínǐ ndi ndungbò tí ìndrǔ fǐndá idzìnga ósè angyè ungbòta tó idzìnga dònǎ ungbòta nǐ. Ndi ungbòta ní yà Kàgàwà akò fǐndá làkà ìndrǔ tò àkà àkà ungbòta.

⁷Wemberè tó ungbòta ní'iyana gukyè iwà ìndrǔ nabhù rǐ'ì àkà àkà ale tí Kàgàwà-nyìkpó ǒ dhu tí, ní Kàgàwà ahòna nzǐ ngàtsi ungbòta-atdyú ndònzì pbìndà ale mànà.

⁸Pbétù, yàrí ní ndi Kàgàwà arù pbìndà ale dǒ tí dhu. Kǎtì: «Kànǐ idho ìrà wà. Ndi idho ní yà mà mí mǔngbò ɔwútána tí Ìsràyeli tó pbìrì ǒ bhà mà, Yùdeyà tó pbìrì ǒ bhà mànà ònà idho.

⁹Ndi ungbòta rǐ mbǎ ì'ì àdhàdhì yà abádhí t'ábhúya mànà ma manzi ungbòta bhëyi, yà ma mulú abádhí ɔsúya rǒ, mipfo Mísri tó pbìrì ò rò ònà idho ǒ dhu bhëyi. Ìnzá abádhí

akò 'òngò ndi ungbòta ifu bilínganà dhu-okú dò rò, ima mà átò, ma madù abádhí ùbhà.»

¹⁰Ndirò káti: «Ndi idho dzidõ, yàrí ní ndi Ìsràyeli tó pbìrì ð bhà màná mà mungbòya mà nǐ ungbòta-tidò. Ma mabhùya abádhí rùni pbàkà Úyátá, madù àndinà átò abádhí-afí ò. Ma ní'íya abádhí tó Kàgàwà, ndirò abádhí ní'íya pbàkà ale.

¹¹Atdí ale mà náaraya nzǐ dhu ùdhe rǒ atdí òdhinà tò màtí, ndirò adòná tò màtí, ndàti: «Nyi nyàkǎ nyuni Ádrùngbǎle Kàgàwà! » Obhó tí, kóró ale núuniya ma, ròpè ndi ákèkpá ngbángba ò rò, ràrà àhu abádhí nzínzi ð ádrùngbǎle ò.

¹²Ma mubàya abádhí tó afátá, inzǐ madù abádhí tó nzérenge ìrè .»

¹³Kàgàwà rǒte Ungbòta Ówútá dǒ dhu náadù wemberè tó Ungbòta àbhu ròngò ayína tí. Ndirò ayína tí òngò dhu, yà iwà ndi níngyè dhu, ní íkyèrǒ òdì ndínǐ ndi ndawí tí dhu.

Pbàèbràniyà 9

Ungbòta-òwútá tó ídzìnga nùdà wà Ungbòta-ayí tó ídzìnga dhu

(Uvt 24.3-8; 25; 26; 40.17-33; È`br 12.24)

¹Wemberè tó ungbòta ð, Kàgàwà rǒ ìndrù arí 'ítsò yà adzi dǒ òná rò ngari mà, abádhí àkǎ 'ònzì sòmà tí dhu màná dǒ uyátá ní'í ìnè.

²Ndi dhu bhèyi ní ndi, abádhí upe hemě-dzà. Ányì-dzá, wemberè tó kàluga-òvò ní'í «Ìlǎ Ngari». Ndi kàluga ð ka kulí dhu ní àrùbhù òpbína nà ádrùngbǎ tarà-ba mà, Kàgàwà tò ka kùbhòna perè tí mùgatì ka kulínà dòná mizà màná .

³Ndirò, ndi wemberè tó kàluga mà òyo rí kisé kàluga màná-ònga ka kundo ádrùngbǎ mberù-ba ní. Wò ndi òyo rí kisé kàluga-òvò ní'í «Atdídǒ Ìlǎ Ngari.»

⁴Ndi kàluga ò ì'í dhu ní òrò nǐ ka kóbhòlò màzàbahù-tidò, yà mbèyi aróngu kàzu ò ka kòbì ndi rò alíndra-tidò tó perè ka kòbínà dòná rò màzàbahù. Ngàtsi dhu ní'í òrò nǐ ka kútri kóró ngbòna sàndukù, yà «Ungbòta tó Sàndukù» tí ka kátina sàndukù. Ndi sàndukù ò ì'í dhu ní, òrò nǐ ka kóbhòlò kópà, yà màná tí kátina mùgatì-tidò rǐ'í òná mà, Àròni bhà mùgò, yà òpbína atà, ndàdù ìpfò màná . Ndirò, kà'ò ì'í ngùkpà dhu ní òyǒ odu-afǎ-nzo, yà ndi màná ìndrù nùngbò Úyátá Kàgàwà andí dǒyá .

⁵Ndi sàndukù dǒ ka kulí dhu ní Kàgàwà bhà ádrùngbǎnga tó awáwù ìtè rí àtsà ka kátsà màkèrubì tí kátina màlàyíká tó òyǒ woyò. Í màkèrubì núungbe pékéléya, sisíya ràdù ndibvu yà perè tí ka kùbho Kàgàwà tò, ndínǐ kùbà tí ìndrù tó nzérenge ìzǎ-azù nífù ka kongónà òná ngari dǒ. Pbétù kòmbí rí'í kàsùmì ní nzǐ yà kóró kǒkò dhu àwě ka kí òná atdátírà ð kàsùmì.

⁶Wò dhu bhèyi ní ndi ka kahù kǒkò dhu-nyitì kóró. Ní, pbàkùhání nóongónà òtsù bilínganà wò wemberè tó kàluga ò, fíyó kasu ònzi ì í rò.

⁷Pbétù, pbàkùhání tó ádròdrǒ ale dǒ Kamà kèlě atdíró ní ndi ongónà òtsù wò òyo rí kisé kàluga ò atdí-gùna kèlě tí, yà ato náarí ìrà dhu bhèyi. Àbadhi ongónà òtsù nà fóná ànyí dhu ní, yà perè tí ndi ndìpfò ndi nyú tírò pbìndà nzérenge-okú dò rò ìzǎ-azù mà, yà ngùkpà ale ìpfò perè tí fíyó nzérenge-okú dò rò ìzǎ-azù màná .

⁸Wò dhu-otù ǒ, Ìlǎ-Alafí azè nditè dhu ní, «Atdídǒ Ìlǎ Ngari» ò ìndrǔ rǒtsù Kàgàwà-tí'ò òná otu rǐ'ì ìnzá ndì ndàpè ndàngbě ró dhu. Ndì dhu ní'ì àdì yà adzi dǒ hemě-dzà àdì kasu ònzì ndì ndí ró òná kàsùmì ǒ dhu.

⁹Wòrì ní ndì yà kòmbí arí 'ònzì dhu nitè ófò. Ndì dhu ní'ì, Kàgàwà tò ka kubhónà ngǔkpà perè-tidò mà, ùbì tí ka kubínà iza tó perè mànà rongónà nzǐ àdù Kàgàwà ùlě arí ale àbhù rǐ'ì àkǎkǎ atdídǒ afína òná rò kònzǐ ale tí.

¹⁰Kǒkò uyátá ní ì ìndrǔ ongónà ìfunà ì ónyuna dhu mà, ì ómvùna dhu mà, ndirò fíyó somà tó màndu nózè dhu bhěyi ì ì 'ù'ò 'ìlǎ Kàgàwà-nyìkpó ǒ dhu mànà nàndà dhu nǐ. Ì uyátá ì'ì ngari nà ràrà àhù Kàgàwà rǐ kóró dhu ùwǔ, ròngò owútána tí òná kàsùmì ò.

¹¹Pbétù, Krístò ira pbàkùhání tó ádròdrǒ ale dǒ Kamà tí, ndínǐ ndì ndibho tí yà ìnè àlě kí'ì nà kòmbí màtí ídzìngà àlě tò. Kǎtsù ádrùngbǎ, ndirò atdídǒ àkǎ hemě-dzà ò. Ndì hemě-dzà ní nzǐ yà ìndrǔ nyú núpe. Kà-tì ní, ka ní nzǐ yà adzi dǒ hemě-dzà.

¹²Kǎtsù atdí-gùna kèlě tí ndì idza ǒ Atdídǒ Ìlǎ Ngari ò. Kǎtsù nzá ányì ùbì tí ka kúbina perè tí ìndrǐ-akpá-azù nà ndirò ìkyì-akpá-nzo-azù nà, pbétù kǎtsù ányì azùna nyú otù ǒ ndítírò. Ndirò, ndì otu ǒ ní ndì, kǔwù àlě dhòdhóhónganà àlě tó nzéréngà ǒ rò.

¹³Angyi ka kongónà perè tí ka kùbho Kàgàwà tò ìndrǐ-akpá-azù mà, ìkyì-akpá-nzo-azù mà, kàzu ò ka kùbì ìkyì-ivá-nzo-ohù mànà núvo Kàgàwà-nyìkpó ǒ òtì ale dò, ndínǐ abádhí nu'ò tí rǐlǎ ngbǒya òná rò kà-nyìkpó ǒ.

¹⁴Ní, dhu apé ì'ì ndì dhu bhěyi kǒkò iza-azù nóongónà dhu ònzì dhu tí, ní Krístò-azù nyú tí mbǎ àdù ì'ì òbì nà atdídǒ ròsè, ndù'ò àlě, àlě rǐlǎ Kàgàwà-nyìkpó ǒ? Obhó tí, Kàgàwà, yà dhòdhóhónganà arí'ì ale bhà Ìlǎ Alafí-otù ǒ, Krístò níipfo ndì ndítírò perè tí Kàgàwà tò. Ndirò, kǎzù núu'ò àlě tó irèta rǐlǎ Kàgàwà-nyìkpó ǒ ìnzá àkǎ mùtso ǒ rò, ndínǐ àlě kònzì tí Kàgàwà, yà ípìrǒngà nà arí'ì dhòdhóhónganà ale bhà kasu.

¹⁵Ndì dhu-okú dò rò ní ndì, Krístò ní ìndrǔ nzínzì ǒ arí ìde Kàgàwà mànà ale, ndì Kàgàwà ònzì ìndrǔ mànà owútána tó ungbòta ǒ. Ndì dhu otù ǒ ní ndì, kǒkò Kàgàwà únzì ale rǐ'ì ìnè 'àbà dhòdhóhóngà nà rádi dhu, yà kǎkò fǐndá làkǎ fíyò dhu. Kóró ì dhu rǎdù àkǎ Krístò náavè ndínǐ ndì nduwù tí kǎkǎ wemberè tó ungbòta tó kàsùmì ǒ dhu nufá ale mà fíyó afátá ǒ rò dhu-okú dò rò.

¹⁶Òvè ndì ndóvè rórò ìndrǔ avò dhu náape ì'ì ìnè, ní dhu àkǎ wà kitè dhu wò ndì dhu navò ale róvè wà, tdǔ ka kònzì ndì ale unò dhu rò.

¹⁷Obhó tí, òvè ndì ndóvè rórò ìndrǔ òvò dhu rǐ'ì tǐna nà ndì ale òvè dhu-dzidǒ. Pbétù, kà rǐ mbǎ kà nà àdì ndì ale àdì ípìrǒngà nà òná kàsùmì ǒ.

¹⁸Ní ndì dhu bhěyi tí, wemberè tó Ungbòta mà Kàgàwà ìlì nzá ìnzá azu àpè ndùfu rórò.

¹⁹Obhó tí, wemberè tí Músà náavò yà Kàgàwà abhù fóná Uyátá kóró kóró ale tò. Wò dhu-dzidǒ, kǐdyi ìkyì-akpá-nzo-azù mà ìndrǐ-akpá-azù mànà, ndàngbò atdíkpá idha nà. Ndirò, kǐdyi hìsòpò tí kátina itsu-dòká, ndisò àlǎlǎ tàrà-iká nǐ ka kóbhòlò imbi nǐ, ndàdù ndì azu ùvo nǐ Uyátá tó bhǔkù-dǒ ndirò kóró ale dò.

²⁰Ndirò kǎdù àtìna: «Yàrì ní ndì Kàgàwà uyá ndínǐ nyǐ nyongó tí ìfunà Ungbòta ìtè rí azu .»

- ²¹Músà núwɔ ndi azu átò Hemě-dzà dǒ ndirò kǔwɔ ka sɔmà tó dhu-tsí dǒ kóró.
- ²²Ndirò, Uyátá ka kàndà rò, mbèmbè kóró dhu ù'ò arí rilă Kàgàwà-nyìkpó ǒ dhu ní perè tí ka kàbhɔ ìzǎ-azù ùfù ndi dhu. Ndirò, inzá azu ùfù ndi rò, Kàgàwà rǐ nzǐ àdù ìndrǔ tó nzérenga núbà.
- ²³Nirò, ndi nàla dhu ní yà òrù-akpà ò arí'ì dhu tó ófò ìtè arí dhu nú'ò ka rarí azu nǐ rilă Kàgàwà-nyìkpó ǒ. Pbétù, obhónɡa dǒ ka kí Kàgàwà ùlě dhu rǒnzina ní yà atdíđǒ fíndá ídzíngá ósè ìzǎ-azù tó perè dǒnǎ perè.
- ²⁴Obhó tí, Krístò atsù ònà Atdíđǒ Ǫlă Ngari ní nzǐ yà ìndrǔ-òtsù ósì ngari. Yà ìndrǔ-òtsù ósì ngari nǐ'ì yà obhóná Atdíđǒ Ǫlă Ngari nyú tó ófò kèlě nítè rí ngari. Pbétù, kǎtsù òrù-akpà ò yà Kàgàwà aráđi i, ndòngò àmbè ndìtsò dǒ Kàgàwà-rǒ àlě-okú dò rò.
- ²⁵Yà atò náarírà dhu bhěyi, Pbàyàhúdí tó pbàkùhání tó ádròdrǒ ale dǒ Kamà nóongónà òtsù atdí-gùna tí Atdíđǒ Ǫlă Ngari ò. Kǒngónà òtsù ányì perè tí ndi ndàbhùna Kàgàwà tò ìzǎ-azù nà fóná. Pbétù, Krístò náatsù nzá Atdíđǒ Ǫlă Ngari ò òrù-akpà ò, ndínǐ ndi ndongó tí ndàbhɔ ndítírò perè tí Kàgàwà tò ibí-gùna.
- ²⁶Kǐ'ina gukyè ndi dhu bhěyi, ní kǎkána ndàbà àpbè ibí-gùna ròpè ndi yà adzi Kàgàwà anzina dhu ò rò. Pbétù, yà adzi ǒ dhu-tsù rǐ ndàpà ndòđi ndi ònà kàsùmì ǒ, Krístò nítè ndi atdí-gùna kèlě tí, ndínǐ ndi ndubà tí ìndrǔ tó nzérenga, yà ndi nyú tírò ndi ndi ndípǒ, ndàbhɔ ndi perè tí Kàgàwà tò dhu-otù ǒ.
- ²⁷Ǫngbátí Ǫli ndi ale mà rǒdona dhu ní, ndi ndòvè atdí-gùna kèlě tí dhu, ndi ɔve-dzidǒ, Kàgàwà ràdù ànyàna òtdì.
- ²⁸Ndi dhu bhěyi tí átò, Krístò nípfò ndi ndòvè atdí-gùna kèlě tí, ndínǐ ndi ndubà tí ábhǒ ale tó nzérenga. Ndirò kǐngoya ìngo tdítdǒ. Ní, kǐngoya nzǐ ndínǐ ndi ndubà tí ìndrǔ tó nzérenga, pbétù kǐngoya ndínǐ ndi ndígú tí ndòdò arí ale.

Pbàèbràniyà 10

Krístò abhù ndi ndítírò perè tí Kàgàwà tò dhu

(É`br 9.7-15,23-28)

- ¹Músà bhà Uyátá nǐ'ì ìrà rírà ídzì dhu tó ófò ìtè rí àlě tò dhu, pbétù ka nǐ'ì nzǐ i dhu nyú ìtírò. Ndi Uyátá náazè ní kongò atdí perè-tíđò kèlě núbho Kàgàwà tò yà atò náarí ìrà dhu bhěyi. Ní ndi dhu-okú dò rò, kǎránà nzǐ Kàgàwà-tí'ò ríwu ale nábhɔ rǒ rǐ'ì àkǎkǎ ale tí.
- ²Dhu i'ina gukyè wò dhu bhěyi rí Kàgàwà ùlě ale ràdù 'ù'o 'ìlă dòtsí Kàgàwà-nyìkpó ǒ atdí-gùna tí dhu tí, ní i ale náawùna nzǐ 'òzù rǒ tdítdǒ nzérengatále tí. Ndirò abáđhí ubhàna ìzǎ tó perè ùbhǒ ì í Kàgàwà tò dhu atdíđǒ.
- ³Pbétù, ndi ìzǎ tó perè-otù ǒ, ìndrǔ owúnà fíyó nzérenga nísè rǒ yà atò náarírà rǒ.
- ⁴Obhó tí, ìkyì-akpá-azù mà ìndrǐ-akpá-azù mànà rǐ nzǐ àdù ìndrǔ tó nzérenga ìndò akekpa màtí.

⁵Ní ndi dhu-okú dò rò, Krístò ıra yà adzi ǒ òná kàsùmì ǒ, kǎvò dhu Kàgàwà tò, ndàti: «Nyi, nyi nyazè nzá ùbi tí ka kúbina ìzǎ tó perè mà, ngǔkpà perè-tidò mànà kubho indù. Pbétù, nyi nyabhòlò ní ngbòdu ndíní ma mabhù tí perè tí indù.

⁶Kàzù ò ka kúbina ìzǎ tó perè mà, nzérennga t'úbàta tó perè mànà náafò nzá nyìkpónu.

⁷Ní, ma madù àtìna ìnyi nǐ: «Kàgàwǎ, kànǐ ma mìrà ma-tírò, ndíní ma mǎnzi tí nyi nyòzè dhu, àdhàdhì okúdu dò rò ka kandí pbùkù bhùkù ò dhu bhèyi .»

⁸Àlě kàla wà dhu, Krístò ravò dhu, ndàti: «Nyi nyazè nzá, ìzǎ tó perè mà, ngǔkpà perè-tidò mànà. Ndirò nyi nyazè nzá ùbi tí ka kúbina ìzǎ tó perè mà nzérennga t'úbàta tó perè mànà. Kóró kòrí dhu náafò nzá nyìkpónu.» Kǎvò dhu ndi dhu bhèyi àzèmbè kóró kòkò perè núbhò ka karí àdhàdhì Úyátá nónzi ka dhu bhèyi rórò tí.

⁹Wò dhu-dzidǒ kǎdù àtìna: «Kàgàwǎ, kànǐ ma mìrà, ndíní ma mǎnzi tí nyi nyòzè dhu.» Ní ndi dhu-okú dò rò, Kàgàwà ìpfo kòkò ìzǎ t'úbhota tó angyè perè kóró, ndàdù ùwunà Krístò nyú nǐ.

¹⁰Ndi Krístò anzì Kàgàwà òzè dhu dhu-okú dò rò, àlě'ì, àlě kú'o wà àlě, àlě rìlǎ nzérennga ǒ rò, yà kípfo ngbòna ndàbhù perè tí Kàgàwà tò atdí-gùna kèlě tí dhu-otù ǒ.

¹¹Pbàyàhúdì-bvǎ, ìngbàtí ìlì ndi kùhani mà nóongónà ìde bìlìnganà Kàgàwà-ònzǐ pbìndà kasu ònzi ndi ndí rò. Kǒngónà atdí perè-tidò kèlě núbho ibì-gùna Kàgàwà tò, ìnzǐ ì perè ràdù ìndrù tó nzérennga itò akekpá màtí.

¹²Pbétù, Krístò náabhù perè atdí tí Kàgàwà tò. Ndi perè nǐ'ì yà ádrùngbǎnga tó òbi nà rǐ'ì, nditò ìndrù tó nzérennga perè. Ndirò, kǎrádi pòtsó ìfuta tó ngari ǒ Kàgàwà bhà fanga dònǎ rò.

¹³Ányì, kà rǒdona kòmbí dhu ní, Kàgàwà rǐ kóró kàbhà òmvù àbhù kà ròbè dòya dhu.

¹⁴Obhó tí, yà ndi ndabhù Kàgàwà tò atdí tí perè-otù ǒ, kàbhù kòkò ndi ndú'o rìlǎ fíyò nzérennga ǒ rò ale, rǐ'ì àkǎkǎ atdídǒ Kàgàwà-nyìkpò ǒ dhòdhòdhónganà ale tí.

¹⁵Ndirò, Ìlǐlǎ-Alafí rǐ ndi dhu òvò àlě tò átò. Wemberè tí, kà rǐ dhu òvò ndàti:

¹⁶«Ádrùngbǎle Kàgàwà rǐ dhu òvò ndàti: «Kǒkòrí ìdho dzidǒ, yàrí ní ndi mà mí mǔngbò abádhí mànà nǐ ungbòta. Ma mí pbàkà Úyátá nándí abádhí-afí ò, madù àbhunà abádhí rùnì.»

¹⁷Ima, ma mí nzǐ abádhí tó nzérennga mà, abádhí tó afátá mànà nírè tdítǒ akekpá màtí .»

¹⁸Kàgàwà ùbà ìndrù tó nzérennga rò, ka kí mbǎ perè t'úbhota-atdyú nà ndíní kùbà tí nzérennga.

Àlě kàkǎ àlě ròwù Kàgàwà-tǐ'ò atdí àlě-afí nà dhu

(É`fè 2.13,18; É`br 4.4-16; 6.4-20; 12.25-29)

¹⁹Nirò àbanǐnzó, àlě kà'ù wà dhu, Yèsù-azù-otù ǒ, àlě rǎrǐ òtsù òtsù Atdídǒ Ìlǎ Ngari ò.

- ²⁰Àbadhi ángbe ípìrõnga-owútá tó otu àlě tò, ndi ngari-tsù ka kútò nǐ mberù-ba-õnga ndi ndábhũ rùfà ndi dhu-otù ǔ. Kà-tì ní, ndi dhu rónzì ndi yà kábhũ ngbõna nyú ndítírò kutò mùsàlabhà dǔ dhu-otù ǔ.
- ²¹Obhó tí, àlě kí'ì Kàgàwà bhà idzá kóró dhu dǔ rí'ì ádrùngbǎle tí wò ndi Ádrùngbǎ Kùhanì nà.
- ²²Ní, dhu àkǎ àlě ròwù Kàgàwà-tí'ò atdí àlě-afí nà, ndirò àkákǎ atdí dǔ a'uta nà. Yèsù núu'ò àlě-afí azùna nǐ, rìlǎ atdí dǔ nzére ireta ǔ rò, ndàdù àlě-ngbò ù'ò ìlǐlǎ idha nǐ .
- ²³Kàgàwà akò àlě tò ndi ndónzina dhu tó làkǎ àlě tò. Ndirò ka ní ndi ndùnò dhu ìfũ arí ale. Ní dhu àkǎ àlě ròvò wò ndi àlě kódonà ndínì àlě kabá tí dhu kpangba ìnzì àlě kí àlě ìngyě rórò.
- ²⁴Ndirò, dhu àkǎ àlě rándà àlě dò nga mběyi àlě nzínzì ǔ, ndínì ndi dhu abhù tí àlě àlě ròzè àlě àlě nzínzì ǔ, àlě ràdù àmbe idzi dhu ònzì dǔ.
- ²⁵Dhu àkǎ nzá àlě rùbhà atdíkpá àlě kí àlě-tsù ùndù dhu, àdhàdhì atdí dhená ale arónzina dhu bhěyi. Ndirò, dhu àkǎ àlě ròngò àlě-afí àbhũ ròtsi obi àlě nzínzì ǔ. Àlě kákǎ àlě rónzì dhu ndi dhu bhěyi, nyí nyàla wà Ádrùngbǎle Yèsù rìngò òná idhò rí ndìndù dhu dhu-okú dò rò.
- ²⁶Obhó tí, àlě kapé àmbe nzérenga ònzì dǔ kìsì tí, iwà àlě kùni obhóngà rórò, ní Kàgàwà tò àlě kádù ùbhonà àlě tó nzérenga kùbà tí ngàtsi perè rí mbǎ tdítdǔ.
- ²⁷Pbétù, ndùbhà rádù àlě tó dhu ní, àlě ǔ odóna, àlě kí Kàgàwà rí anya òtdì àlě dǔ, ndòtdì àlě'ì, róná òmvũ-tsè atdí dǔ órù kàzũ nǐ dhu òdò dhu.
- ²⁸Angyi ka kongónà Músà bhà Úyátá nùkò ìngbàtí ìli ndi ale mà, nóhò ìmbǎ izu tó ale-afí na, óyǔ ale mà, ndirò ngàtsi nǐ ìbhũ ale mà níkò kònzì dhu tó ngàm̀bì tí rò .
- ²⁹Nirò, Kàgàwà t'ídhùnà gàyà nònzì ale tí nzì àdù ododu màlìpò nyú nábà? Obhó tí, ndi ale nífũ nzá yà ndi nú'ò ndìlǎ nzérenga ǔ rò Kàgàwà t'ídhùnà-azù, yà ìndrũ nábhu rùngbò ì Kàgàwà mànà azu. Ndirò ndi ale ùnò dhu nzére yà ìndrũ àbhũ arí rùni Kàgàwà bhà idzìnga kàbhà ìlǐlǎ Alafí nǐ.
- ³⁰Obhó tí, àlě kùni wà yàrí dhu navò ìndrũ tó ale. Kǎti: «Nzére dhu ùbhò ka kí nzére dhu nǐ dhu ní pbàkà kasu. Ndirò ima, ma mubhòya ìngbàtí ìli ndi ale mà ndi ale ònzì dhu-bvũ rǔ. Ima Ádrùngbǎle Kàgàwà, ma mìtdi ya ndi pbàkà ale-ànyǎ .»
- ³¹Kàgàwà, yà ípìrõnga nà arí'ì dhòdhòdhóngànà ale-fó ìndrũ rìsì dhu ní odóna àkǎ kònzì atdí dǔ dhu!
- ³²Nyirè pé yà angyi ndi nanzì rùkú dhu, yà Kàgàwà awù nyìkú nga òná kàsùmì ǔ. Nyí nyabà àpbè abhò nyú ìndrũ-fó, pbétù nyí nyandù ì àpbè-dzi kóró.
- ³³Atdí dhená kàsùmì ǔ, ka kowúnà dhu ùnò rǔ nzére nyí nǐ, kadù àvù rùkú ábhò ale-ònzì rò. Ndirò ngǔkpà kàsùmì ǔ, nyí nyowúnà nyǎpbò rǔ atdíkpá kǔkò ròyá ka kávu ale mànà.

³⁴Nyĩ nyabà izu kǒkò imbi-dzà ò i'ì ale dǒ, nyǎdù fukú dhu-tsí ùdhǎ ka kí dhu ná'ù dhèdhe nyú nà, nyĩ nyuni dhu ìnè nyĩ rǎrǎ'ì ídzi dhu-tsí, yà mběyi nyú rí'ì ndirò dhòdhòhóngà nà rádi nà dhu-okú dò rò.

³⁵Nírò, nyĩ nyākǎ nzá nyǔbhà fukú a'uta, ndi a'uta rǎ ádrùngbǎ perè nyú nábhǔ nyābà nídhunǐ.

³⁶Nyĩ nyākǎ nyǐdò afiku obvò, ndínǐ nyĩ nyonzi tí Kàgàwà ózè dhu, kà ràdù yà ndi ndakò fǐndá làká fukú dhu nábhǔ fukú.

³⁷Obhó tí, Hǐlǎ Andítá ò Kàgàwà rǎtina: «Kàsuni ùbhà ndi akekpa nyú! Ndi kàsuni ní yà àkǎkǎ ndirà ale rǐrà òná. Kà rǐ nzi àdi ádzi inzà ndi ndirà rórò .

³⁸Obhónángatále tí rí'ì nyìkpódu ǒ ale, rǎdù i'ì ípìrǒngà nà ima ndi ndà'ù dhu-otù ǒ. Pbétù, kǎpè ndàdù olù pbìndà a'uta ǒ, ní afidu rǐ mbǎ àdù i'ì dhèdhe nà kà dǒ .»

³⁹Pbétù, àlě'í na, àlě ní nzi olù rádù 'adu, 'adù ùwǐ ale. Àlě ní iwà Kàgàwà ná'ù ale, ndínǐ ndi a'uta nódo tí àlě tó ípìrǒngà.

Pbàèbrànyà 11

Pbàìsràyélí t'ábhúya nzínzi ǒ Kàgàwà na'u ale

(Zǎb 33.6,9; Yùw 8.56; 1Pé' 1.8)

¹Kàgàwà à'u ìndrǔ rǐ dhu-tí ní, ndi ale rà'ù dhu, àbà ndi rǎrǐ yà ndi ndódona Kàgàwà abhù tí fǐndà dhu nábà. Ndirò kà-tí ní, ìnè rí'ì dhu tí ka kí inzà ka kǎpè àlǎna dhu à'u dhu.

²Ndi a'uta-tidò nà àlě t'ábhúna i'ì dhu-okú dò rò, Kàgàwà awe ídzi dhu abádhí dǒ.

³Kàgàwà àlě ká'ù dhu-otù ǒ, àlě kùni dhu, Kàgàwà ranzi òrù-akpa mà yà adzi mànà òtèna ní tí. Kà-tí ní, yà adzi ǒ àlě karálǎna kóró dhu-tsí Kàgàwà rabhòlo i òtèna, yà ìnzǐ rí 'alǎ dhu nǐ.

⁴Àbèli náa'u Kàgàwà dhu-okú dò rò, kǎbhù ídzi perè nyú Kàgàwà tò, ròsè Kàyinà àbhǔ perè dónǎ. Ní kǎbhà a'uta-okú dò rò, Kàgàwà azù ka obhónángatále tí, ndi nyú tírò ndi nda'u kǎbhà perè ídzi dhu tí nídhunǐ. Ndirò ndi a'uta-bvu rǒ, iwà mǎtí ndi ndavè rórò Àbèli arí'ì ìnè àlě tò ndi ndarí dhu òvo indo mǎtí ró .

⁵Ènòkà náa'u Kàgàwà dhu-okú dò rò, Kàgàwà adyi ka yà adzi ǒ rò, ròdzi òrù-akpa ò inzà òve-dzi nìnè rórò. Ka kala nzá ka tdítǒ, Kàgàwà adyi ka, ròdzi òrù-akpa ò dhu-okú dò rò. Obhó tí, Hǐlǎ Andítá rǐ dhu òvo ndàti, tdǔ Kàgàwà odyí ka, ròdzi òrù-akpa ò rò, Kàgàwà razù ka nyìkpóna nòfò dhu ònzi arí ale tí .

⁶Nírò, ìmbǎ a'utá na, ìndrǔ rǐ nzi àdù Kàgàwà-nyìkpó nòfò dhu ònzi. Obhó tí, Kàgàwà-tí'ò ndi nòzè ndòndri ale náká ndà'ù dhu, ìnè kà rarí'ì, ndirò kà rarí ídzi dhu ònzi ndòne rí ndínǐ i ala tí ndi ale tò.

⁷Nuwà náa'u Kàgàwà dhu-okú dò rò, Kàgàwà avò dhu kà tò yà inzà ka kǎpè àlǎna angyi dhu dǒ. Ní kǎ'u Kàgàwà òvo fǐndà dhu obhó dhu tí, ndàdù i úgu ònà atdíkpá pbì idzá-bhà mànà sàfinà nòsì. Ndi dhu-otù ǒ, ndi Nuwà abhù Kàgàwà ròtdì anya yà adzi ǒ kóró ngǔkpà ale dǒ, ndi Kàgàwà ràdù kòzù obhónángatále tí kǎbhà a'uta-okú dò rò.

⁸Àbràhamù náa'u Kàgàwà dhu-okú dò rò, kǐfù Kàgàwà ànzì ndì dhu, ndìvà ndì ndàrà yà Kàgàwà òkò fǐndá làká fǐndà, ndíní ndì ndadì tí kàmàna tí pbìrì ò. Kǔbhà pbìndà pbìrì nyú, ndàdù àrà inzà ndì ndùni ndì ndàrà i nga mà rórò.

⁹Pbìndà a'uta-okú dò rò, kǒngónà àdi wò fǐndá làká Kàgàwà akò fǐndà pbìrì ǒ àdhàdhì olo bhěyi. Ányì kǒngónà àdi hemě-dzà ǒ, àdhàdhì Ìsakà mà Yàkòbhò màna náadù òko átò hemě-dzà ǒ dhu bhěyi. Abádhí tò Kàgàwà akò ndì làká átò.

¹⁰Obhó tí, Àbràhamù ambénà òdòna dǒ ndàla dhu ní'ì, Kàgàwà nyú ndìtírò udhé, ndàdù òsìnà pbanga, yà atdíđ kǒrù pfǒna rìdzò pbanga .

¹¹Sàrà nyú mà átò náa'u Kàgàwà. Ní, ìnè kà rǐ'ì ìngò-àyi tí, ndìrò mùlàyí-ngba nyú tí rórò, Kàgàwà abhù ka ràbà pbàdzukuru àbà kà rǐ nǐ onzi. Kǎbà ndì onzi, kǎ'u dhu àbhù Kàgàwà rǎrǐ yà ndì ndakò làká àbhù rǎkǎ dhu-okú dò rò.

¹²Ndì dhu-okú dò rò ní ndì, Àbràhamù, àzembè ɔve kèlě òdò rí ale bhà pbàdzukuru ní'ì abho nyú àdhàdhì yà ìnzǐ rí 'òzù òrù-akpà-nyì rǒ alalì, ndìrò ádrùngbǎ rèrù-bidǒ ɔɔkpó-bvù tí.

¹³Kǒkò ale kóró núuvè fǐyó a'uta ǒ, inzà ì àbà yà Kàgàwà akò fǐndá làká fǐyò dhu rórò. Pbétù, abádhí ala ka itse rò, idhèya ràdù ndìka nǐ. Abádhí avò dhu kpangba 'àti, yà adzi ǒ ì rǎrǐ'ì àdhàdhì olo bhěyi, ndìrò abhi ǒ rǐ'ì ale bhěyi.

¹⁴Obhó tí, wò dhu bhěyi róte ale rǐtèna kpangba dhu ní, ì rǎrǐ fǐyó pbìrì nyú nóne.

¹⁵Abádhí ìrèna gukyè angyíta tí ì uvò 'òwù fǐyó pbìrì ǒ rò dhu, ní abádhí ábàyana àbà ányì ì ì 'àdù òná kàsùmì.

¹⁶Pbétù, abádhí-atdyú nyú ní'ì yà mběyi nyú rǐ'ì atdíđ ròsè pbìrì dǒ. Ndì pbìrì ní òrù-akpà ò nga. Ní ndì dhu-okú dò rò, Kàgàwà-nyì rǐ nǐ ìwu abádhí tó Kàgàwà tí ka kí ndànzi rò, iwà ndì ndabhòlò pbanga abádhí tò nídhunǐ.

¹⁷Pbìndà a'uta-okú dò rò, Àbràhamù níipfo idhùnà Ìsakà, ndàbhù perè tí Kàgàwà tò yà Kàgàwà amvù kàbhà a'uta òná kàsùmì ǒ. Kǎ'u, ndìpfo ndì atdí tí rǐ'ì idhùnà, ndàbhù perè tí, àzembè iwà Kàgàwà akò làká fǐndà rórò.

¹⁸Kàgàwà avò dhu kà tò ndàti: «Ìsakà-otù ǒ nga ní ndì nyì nyì pbùkù dhu tí ka kátina pbàdzukuru àbà nǐ .»

¹⁹Àbràhamù náa'u dhu Kàgàwà rǎrǐ'ì ìnè ndàbhù Ìsakà rìngbè ndì ɔve-bvù rò. Ndì dhu bhěyi ní ndì Kàgàwà adù Ìsakà àdu tdíđ kà-fò ò, àdhàdhì ɔve-bvù rò ndì nìngbè ale bhěyi.

²⁰Ìsakà náa'u Kàgàwà dhu-okú dò rò, kǎso idhùna Yàkòbhò mà Èsawù màna, ndòvò olùnǎ rò ì nǒnziya abádhí rǒ dhu abádhí tò.

²¹Yàkòbhò náa'u Kàgàwà. Ní, ìkyèrǒ ndì ndòdì ndíní ndì ndòvé tí rórò, kǎso idhùnà Yòzefù bhà inzo atdíđírà ǒ, pbìndà mùgǒ-tsùdǒ ndì ndàgǔ ndì, ndámbe Kàgàwà ùle dǒ rórò.

²²Yòzefù náa'u Kàgàwà. Ní, ìkyèrǒ ndì ndòdì ndíní ndì ndòvé tí rórò, kǎvò dhu Mísrì tò pbìrì ò rò Pbàisràyélí rǔvò òná kàsùmì dǒ. Ndìrò, kǔyá dhu kpàna ka kǒnziya tí dhu dǒ.

²³Músà t'ábanà mà kà-tsánà mànà náa'u Kàgàwà. Ní Músà tó ngbángba íyànà ùgù rò, abádhí anzì nzá Mísri tó pbìrì ǒ ádrùngbã kamà bhà uyátá ùkò ì í dhu-ǒdò. Ní, abádhí arù ndì ngbángba ràrà àhù ìbhù àbí tí. Obhó tí, abádhí ala dhu ka ràrì atdíđǒ áya ngbángba.

²⁴Músà náa'u Kàgàwà. Ní kítdègu òvi ndàhù ádrùngbã, ní kùvó ndì dòtsí ìnzì kanzì ndì Mísri tó pbìrì ǒ ádrùngbã kamà t'ívànà bhà ìngba tí.

²⁵Kǎzè dhu ní 'òngò àpbè àbà atdíkpá Kàgàwà bhà ale mànà, ròsè Mísri tó pbìrì ǒ bhà tó nzérénga ǒ idhèna rì ndìkǎ ídǒ kàsùmì ǒ tí dhu dònǎ.

²⁶Ndirò, Músà tò, ndì nǐ ka kí dhu ùnò nzére àdhàdhì Màsiyà nǐ ka kùnɔya dhu nzére dhu bhèyi dhu nǐ'ì ídzì dhu, ròsè Mísri tó pbìrì ǒ ònzì àbà ndì ndí dhu dònǎ. Obhó tí, kǎmbénà òdònà dǒ dhu ní, Kàgàwà ubhòya ndì nǐ perè.

²⁷Pbìndà a'uta-okú dò rò, kǎhù Mísri tó pbìrì ò rò, ìnzì ndònzì ádrùngbã kamà bhà nàwí-ǒdò. Ndirò kǎdù nzá ndì olù yà ndì ndùdhè ndì ndònzì tí dhu ǒ, àdhàdhì àlǎ rí Kàgàwà, yà ìnzì ka karí àlǎna ale àlǎ ale bhèyi.

²⁸Ndì pbìndà a'uta-okú dò rò, kǎpè Pásìka tó mùhendù. Kǎyá dhu Pbàìsràyélí tò, rùvǒ ìzǎ-azù fìyó tsàtsù rǒ, ndínì yà ìndrù-tsè òtdì rí màlàyìkà nòɔkye tí nzì abádhí tó senzo tó kpabhá nzónzo.

²⁹I Pbàìsràyélí náa'u Kàgàwà. Ní abádhí udà Òlòlù ádrùngbã rèrù ònǎ àdhàdhì adzi-kpa dǒ ì úda dhu bhèyi. Pbétù, Mísri ǒ bhà níitdègu dhu àpà 'ònzì ndì dhu bhèyi, ní idha agbù ndì abádhí dǒ, tsèya ròtdì ndì.

³⁰Pbàìsràyélí tó a'uta-okú dò rò, Yèrikò tó kígò-ngbò ka kákpòrò nǐ odu tó kǎlì núugòlò ndì, nditsì obvò, àrùbhù idhò tí abádhí àkpòrò ngbǒna rò.

³¹Mùnyòni tó atdí tsìbhále, Ràhabà tí kátina náa'u Kàgàwà. Ní, íyàdhíyà mà ka kakyè nzá atdíkpá fìyó kígò ǒ bhà kǎkà ì nuvó ìnzì 'òngò Kàgàwà-tsù dhu nífu ale mànà, íyàdhíyà akò abhábhò màrùngà ǒ dhu-okú dò rò.

³²Nírò, ma mí àdhu ùnò tdítđǒ? Obhó tí, kàsùmì àbhù nzá ma mawè dhu Gidiyonì mà, Bàràkà mà, Sàmusonì mà, Yèfutà mà, Dàwudì mà, Sàmòlè mà pbànábí mànà nàndà dhu dǒ.

³³Kàgàwà ì a'u dhu-okú dò rò, kǒkò ale nzínzì ǒ atdídhená ale náanzì ádròdrǒ kámá tó pbìrì ǒ ale lè mà, ngǔkpà ale ràdù obhónánga tó dhu ònzì. Ngǔkpà ale abà Kàgàwà akò fíndá làkà fìyò dhu, ngǔkpà ale utsi àrì-tsù,

³⁴ngǔkpà ale ivé atdíđǒ rórù kàzù, ngǔkpà ale ùgu ì àpà ka kí kòkyè ìla tó ìla tó obhi-akpá nǐ dhu ǒ rò, ngǔkpà ale ì'ì mbǎ ɔbi nà, pbétù Kàgàwà adù ì-tsí àbhù ròtsì ɔbi. Ha t'úgyeta ǒ, ngǔkpà ale itè ì ɔbitále tí, 'adù ìnzì ní fìyó pbìrì ǒ pbànowí lè mà ònzì, 'òdì ròtsè.

³⁵Atdídhená vèbhále náa'u Kàgàwà. Ní abádhí ala ì tdítđǒ nzínzìyà ǒ rò uvè ale mànà, iwà Kàgàwà àbhù rùngbe ì ɔve-bvù rò rórò. Ngǔkpà ale-tsí rǒ ka kavù atdíđǒ ràla ɔve-ngbò nyú. Pbétù, abádhí uvó ì ìnzì kùkòlò ì àpbè ǒ rò, ndínì ì uvè dhu-dzidǒ Kàgàwà abhùya tí 'ùngbe ì ɔve-bvù rò, 'adù ídzì ípìrǒnga nyú nábà.

³⁶Ngũkpà ale-tsí ka kingò, kadù ùvinà asé nǐ. Ndirò ngũkpà ale ka kusó àdrà-mbì dǒ, kadù ùdɔnà imbi-dzà ò.

³⁷Ngũkpà ale-tsí ka kakyè, kubvũ odu nǐ, ngũkpà ale-ɔnga àzè kadù isí nǐ. Ndirò ngũkpà ale ka kakyè ɪla tó obhi-akpá nǐ. Ngũkpà ubhì 'àmbɛ òri dǒ akyɛ, tàrà-ndì mà, ndirò ìndrì-ndì mà ì ùfǒ ròyá rórò. Abádhí rǒ kóró dhu atdì ndì. Ndirò ka kavù abádhí rǒ, kɔnzì nzére dhu nyú ròyá.

³⁸Kǒkò dhu bhèyi ale-tidò náaká nzá 'òkò yà nzére adzi ɔ. Abádhí arì akyɛ rùngù ɔ ndirò pbìrì dòná. Ndirò abádhí ongónà òko odu ò rǐ'ì ibhu ònǎ ndirò adzi ò rǐ'ì ibhu ònǎ.

³⁹Kǒkò ale kóró náa'u Kàgàwà. Ní ndì dhu-okú dò rò, kǎwe ídzì dhu abádhí dǒ. Pbéù, ì ale náabà nzá yà kǎkò fǐndá làkà fǐyò dhu.

⁴⁰Kàgàwà ì'ì iwà ndì ndùdhe ídzì dhu nyú àlě tò ró. Ndi dhu-okú dò rò ní ndì, kǎzè nzá ndì dhu rǎkǎ abádhí tò vǐya dǒ rò ìmbǎ àlě'í na.

Pbàèbràniyà 12

Kàgàwà arí nzére dhu ìsǒ àlě tò màlipò nǐ ndì nǐ ídzìngà nibho tí àlě tò dhu

(1Kò 9.24-27; Fìl 3.11-14; 1Pè' 2.21-24)

¹Àlě nàndà dhu nǐ, kǒkò fǐyó a'uta nitè kpangba ale tó ádrùngbǎ ihé nyú nákpòrò àlě-ngbò átò. Ndirò dhu àkǎ àlě ràwà yà àlě-tsù ùtò rádù ìnzǐ àlě ràmbe òwu dǒ angyi a'uta ɔ kóró dhu-tsí. Ndirò, dhu àkǎ àlě ràwà nzérenga yà isó tí arí ndàpbǎ àlě-rǒ dhu, àlě ràdù àmbɛ òtse dǒ yà Kàgàwà ávi àlě ròtsè ònǎ ɔngu ɔ, ìnzǐ àlě kí àlě ìngyè rórò.

²Dhu àkǎ àlě rùdǐ àlě-nyǐkpó Yèsù-rǒ tí. Ka ní ndì àlě tó a'uta apè ndì dòná rò ale, ndirò kàbhù rádù rǐ'ì àkǎkǎ a'uta tí ale. Obhó tí, kǎndù mùsàlabhà dǒ ka kí ndùtò ndòvè dhu-dzi, ìnzǐ ndàbhù nyina rìwù ndì ɔvɛ-tidò nǐ. Kǎnzì ndì dhu iwà ndì ndùni olùnǎ rò ndì ndábàna dhèdhe nǐdhunǐ. Ní kòmbí, kà rǐ'ì òrù-akpà ò ndì ndàdì Kàgàwà bhà Ádrùngbǎ kamà tó tombi tó fangà dònǎ rò ró.

³Dhu àkǎ nyǐrè ka, yà nzérengatále náandrò ndì atdídǒ dhu-dzi nandù ale. Ndi dhu bhèyi ní ndì afikù rǐ nzǐ àdù ndǐngyɛ, ndì dhu ràdù nyǎdu olù.

⁴Obhó tí, wò nzérenga lè mà nyǐ nyɔnzì tí nyǐ nyúgyena ɪla ɔ, nyǐ nyàpè nzá nyúgye ràrà àhù nyǐ nyúve dhu ò.

⁵Ndirò, nyǐ nyàdzo tí nzá wà yà pbìndà inzo bhèyi Kàgàwà rǐ afikù àbhù ròtsì ɔbi nǐ ɔvɛ rǒ rò? Kà ràtina: «Pbànǐngbá, àpé nyala Ádrùngbǎle Kàgàwà rǐ nyǐsǒ màlipò nǐ dhu nzére dhu tí. Ndirò, àpé nyabhù afinù rǐngyè ndì dùnú kà rǒrù rò.

⁶Obhó tí, Ádrùngbǎle Kàgàwà arísóna màlipò nǐ ale ní òzè ndì ndózè ale. Ndirò, àbadhi arí ìtina ale ní pbìndà inzo tí ndì ndùni kóró ale.»

⁷Nyǐ nyǎkǎ nyòndù Kàgàwà rǐ nyǐsǒ màlipò nǐ dhu-dzi òndù tí, kǎrì dhu ònzì rùkú pbìndà inzo bhèyi nǐdhunǐ. Ádhi pbá ingba ndì ìnzǐ àbanà arí nzére dhu ìsǒ fǐndà màlipò nǐ?

⁸ Ìnzì Kàgàwà apé àdù nzére dhu ìsò fùkù màlìpò nǐ kóró p̀bìndà inzo ìsò ndì ndarí dhu bhèyi, ní nyí ní nzì kàbhà obhóná nzónzo, pbétù nyí ní iri nzónzo.

⁹ Ndirò yà adzi dǒ àlě t'ábáyà náarí nzére dhu ìsò àlě tò màlìpò nǐ àlě ràdù 'ìfù. Nírò dhu òfò tí nzá nga àlě rìfù àlě t'Ábanà Kàgàwà, ndínì àlě nabhù tí àlě ràbà dhòdhòdhónga tó ípìrǒnga?

¹⁰ Obhó tí, àlě t'ábáyà náarí nzére dhu ìsò àlě tò màlìpò nǐ ákě kàsùmì kèlě tí, nyìkpóyà nòfò dhu bhèyi. Pbetù Kàgàwà arí kìsò àlě tò ndínì ídzinga nibho tí àlě tò, ndàdù àlě àbhù àlě rì'ì ìlìlǎ ale tí ndì bhèyi.

¹¹ Àlě ìsò ka kí màlìpò nǐ ònà kàsùmì ǒ, àlě karí nzì ndì dhu àlǎ dhèdhe tí àlě tò, pbétù àlě karí kàlǎ izu ìbho rí àlě tò dhu tí. Pbetù olùnǎ rò, ídzi dhu nàla ndì malìpò-nyutsì ale náarí àbàna itse tí dhu ní màrùngà ǒ afíyà rǒko dhu mà, obhónánga tó dhu ònzì ì ì Kàgàwà-ònzì dhu mànà.

¹² Nírò, dhu àkǎ nyǎbhù kǒkò ì nìngyě okùku mà, kǒkò ìvì rívi ɔdyùku mànà rìdzò.

¹³ Dhu àkǎ nyǒbhòlò tǎrútǎrú ìkò otu p̀fòku tò, ìnzì òtsòtsù ale-p̀fò nabhù tí ràvo, pbétù ndínì abádhí nabhù tí rùgu ùgǔ tí.

Ìnzá dhu àkǎ ìndrǔ ròkò ìnzì ìfù Kàgàwà-tsǔ dhu dhu

¹⁴ Dhu àkǎ nyǒnè màrùngà ǒ nyí nyóko kóró ale mànà dhu, ndirò Kàgàwà-nyìkpó ǒ nyí nyóko ìlǎ nyí nyìlǎ rórò dhu. Ìmbǎ kí'ì ndì dhu bhèyi rò, Ádrùngbǎle Kàgàwà-nyìkpa àlǎ rí ale rì'ì ìmbǎ atdí màtí nzínzìku ǒ.

¹⁵ Dhu àkǎ nyǎndà nga mbèyi ìnzì nzínzìku ǒ atdí ale mà ràsà Kàgàwà rǐ ndàsò nǐ asota. Ndirò dhu àkǎ nyǎndà nga mbèyi átò, ìnzì nzínzìku ǒ atdí ale mà ní'ì tí ábhǒ ale ìnzǎ rí ale tí, àdhàdhì ògyògyè atdídhéná itsu-vé náarí dhu ìnzǎ dhu bhèyi.

¹⁶ Nzínzìku ǒ atdí ale mà nákǎ nzá ndì'ì m̀nyònitále tí, ndirò ìnzì arí Kàgàwà bhà dhu-tsì ìfù ale tí. Nyí nyàkǎ nzá nyǒnzì dhu Èsawù náanzì dhu bhèyi: kàbhù sengba tí ndì ndì'ì dhu tó p̀bìndà obhónánga kodzì ákě ònyǔ-ngba rǒ dhu bhèyi.

¹⁷ Àdhàdhì nyí nyúni dhu bhèyi, olùnǎ rò, kǎzè àbanà ràso ndì, pbétù ndì kà t'ábanà adù ndì dhu àsà àsa tí. Kǎmvù mbǎ ndòdzì ndínì àbanà ugèrè tí p̀bìndà irèta, ní ndì dhu aká nzá kà tò.

¹⁸ Obhó tí, nyí nyówù nzá ùvò yà ngbǒna àpbala ka kádù yà adzi ǒ p̀bìrì-tì'ò, àdhàdhì P̀bàìsràyélí náawù ùvò Sìnayì tí kátina p̀bìrì-p̀fò rǒ dhu bhèyi. Abádhí ala ndì p̀bìrì dǒ rórù atdídǒ kǎzù, ndì p̀bìrì dǒ ndì nìbvù mbì ùtì ìnò-ìyà, ndirò kà dǒ rópili àpùpù.

¹⁹ Abádhí iri wàndà-tù mà, Kàgàwà-tù mànà. Ní kǒkò dhu ì ìrì rò, abádhí itsò ì Kàgàwà rǒ ìnzì ɔte tí f̀yò t̀dítdǒ.

²⁰ Abádhí andù nzá f̀yò ka kùyǎ dhu-dzi. Ndì Uyátá ní'ì: «Yàrí p̀bìrì-ngbò àpbàlǎ rí dhu kóró ní'ina mbǎ izǎ màtí, nákǎ kubvù odu nǐ ròvè .»

²¹ Ndirò, abádhí ala ndònzì rí ró dhu ní'ì ɔdò àbhù rí rìsǐ atdídǒ ìndrǔ ò dhu. Ní Músà adù àtànà: «Ma mí'ì ɔdò nà ndirò ma mívi ìvì tí.»

²²Pbétù, nyí nyówù ùvò íkyèrǒ tiná ní Sàyunì tí kátina pbìrì, yà Kàgàwà, dhòdhòdhònganà arí'ì ípìrǒnga nà ale bhà pbanga náarí'ì dóná pbìrì. Ndi pbanga ní òrù-akpà ǒ Yèrùsàlemà tó kigò, yà màlàyíká tó lufù-tsù náarí 'ùndù, 'ònyè mùhendù ònà pbanga.

²³Nyí nyòwù wà ùvò íkyèrǒ Kàgàwà bhà senzo, yà iwà kùndí ɔvòya òrù-akpà ò ale tó mùtù-tí. Nyí nyòwù wà ùvò átò íkyèrǒ Kàgàwà, yà kóró ale-ànyà nítìyà ale-tí. Ndirò nyí nyòwù wà ùvò kàkà atdíǒ àkà obhónángatále-tí.

²⁴Nyí nyòwù wà ùvò íkyèrǒ Yèsù, yà àlě nungbò Kàgàwà mànà ɔwútána tó ungbòta nǐ ale-tí. Ndirò nyí nyòwù wà ùvò íkyèrǒ yà ndì nufu kǎzù-tí. Ndi kǎzù rítèna àlě tó dhu ní atdíǒ ósè Àbèlì-azù rítèna àlě tó dhu dóná dhu .

²⁵Nírò, nyàndà nga mběyi. Dhu àkà nzá nyǔvǒ nyí, ìnzí nyírì wò fùkù rí dhu ɔvo Kàgàwà-tsù dhu. Obhó tí, angyi ìndrǔ núuvó ì, ìnzí 'ìrì fíyò rí kàbhà ɔte ɔvo yà adzi dǒ ale-tsù dhu. Ní ì ale núugù nzá Kàgàwà ràbhùna fíyò màlìpò ǒ rò. Ní àlě'ì, yà àlě karí òrù-akpà ò rò rí dhu ɔvo àlě tó ndì Kàgàwà-tù ìrì rò, àlě kádù ùgu ìngbà dhu bhěyi ìnzí àlě ràbà kàbhà màlìpò?

²⁶Angyi kà-tù náabhù yà adzi rivi. Pbétù kòmbí, kǒkò làkà àlě tó ndàti: «Ma mabhùya yà adzi rivi atdí-gùna tí tdítǒ, ndirò ma mabhùya òrù-akpà rivi átò .»

²⁷«Atdí-gùna tí tdítǒ» tí kà ràtina dhu-tì ní, Kàgàwà abhòlò kóró dhu-tsí rivìya, 'àdù ùwí, ndíní kàkà ìnzí rádù ìvi dhu-tsí náadù tí ndì òko.

²⁸Nírò, àlě kàkà àlě ràbhu ɔtsò Kàgàwà tò, kíbhò yà ìnzí ònángà rádù ìvi ádrùngbǎnga tó idzi àlě tó dhu-okú dò rò. Ní àlě kàkà àlě rùlě ka kà-nyìkpó nǒfǒ ulétá nǐ, ífuta nà, ndirò kǒdò ònzi àlě kí rórò.

²⁹Obhó tí, àlě tó Kàgàwà ní kàzù arí dhu ùbì dhu bhěyi arí dhu ùbì ale.

Pbàèbràniyà 13

Dhu àkà kǎnzì Kàgàwà-nyìkpó nǒfǒ dhu ìndrǔ nzínzì ǒ

(Mát 19.4-6; Ròm 12.10,15; 1Tè` 4.3-7; 1Tì 6.6-10)

¹Dhu àkà nyòzè nyí nzínziku ǒ atdí àba bhà inzo bhěyi.

²Dhu àkà nzá nyǎdzo olo t'ákota rǒ rò. Ndi dhu bhěyi ì í dhu ònzì dhu náabhù atdídhená ale ràkò màlàyíká ìnzá ì ùnì rórò.

³Dhu àkà nyírè imbi-dzà ò ka kúsò ale, àdhàdhì atdíkpá ka kúsò nyí mànà ale bhěyi. Ndirò, dhu àkà nyírè ròyá ka kávu ale, ìnè nyí nyí'ì átò ròyá ka kádù àvu ale-ngbò nà dhu-okú dò rò.

⁴Dhu àkà kóró ale rífù yà Kàgàwà uno umbátá-okú dò rò dhu. Kpatsìbhále mà pbìndà tsìbhále mànà nákà 'òdò ì fíyò tí. Obhó tí, Kàgàwà nítìyà m̀nyònì ònzi arí ale-ànyà, ìmbà rì'ì yà iwà ì nùmbà ale mà ndirò ìnzá ì nùmbà ale màtí.

⁵Dhu àkà nzá nyòzè fùrangà atdíǒ. Dhu àkà idhèku rika ndì yà nyí nyí'ì nà fukú dhu nǐ tí. Obhó tí, Kàgàwà nyú ndítirò rǐ dhu ɔvo ndàti: «Ma mí nzí àdzo rùnù rò, ndirò ma mí nzí nyubha akèkpá màtí .»

⁶Ndi dhu-okú dò rò, àlě kí'ì inè àlě ràti obi nyú nà: «Ádrùngbàle ní ndi pbàkà Mùdzùnàba, ní ma mí nzi atdí dhu-odò mà ònzi. Yà adzi ǒ ale rádù àdhu ònzi rùdú ?»

Dhu àkǎ àlě rùbhà Pbàyàhúdì tó màndu-owù t'únguta dhu

⁷Dhu àkǎ nyǎrè yà angyi nyǎ nunda fùkú ádròdrǒ ale, kǎkǎ Kàgàwà bhà Ɔte navò fùkù ale. Dhu àkǎ nyǎndà ingbà dhu bhěyi màtí abádhí awù fiyó ípìrǒnga ùtsà dhu, nyǎdù ì'ì abádhí ì'ì nà a'uta-tidò nà.

⁸Yèsù Krístò ní inzi arí ndùwù ale. Kà rǐ'ì indo àdhàdhi yà inzi ndi ndi'ina dhu bhěyi, ndirò kǐ'iyà ndi dhu bhěyi tí dhòdhòdhonganà.

⁹Àpé nyàbhu nyǎ kutrǎ nyǎ yà olo tí rǐ'ì fùkù dhèdhèrò dhu t'údheta-tidò nǎ. Obhó tí, afiku àkǎ ròtsi obi Kàgàwà bhà ídzìnga-otù ǒ, inzi ní ònyù-okú dò rò ka kùyǎ dhu ifù ka kí dhu-otù ǒ. I uyátá ifù arí ale dzùnà ònzi ndi dhu rǐ nzi àdù akekpa màtí.

¹⁰Hemě-dzà ǒ rí kasu ònzi Pbàyàhúdì tó pbàkùhání náká nzá 'ònyù àlě tó màzàbahù dǒ ka kùbho perè tí Kàgàwà tò dhu .

¹¹Obhó tí, ndi hemě-dzà ò, pbàkùhání tó ádròdrǒ ale dǒ kamà ongónà òtsù ìzǎ-azù nà Atdídǒ Ílǎ Ngari tí kátina ngari ò, ndíní ndi ndabhù tí Kàgàwà tò, rǐ'ì kà rǐ nzérenga ùba nǎ perè tí. Pbétù, ìzǎ-ngbǒna núbì ka kongónà àdù òwu kàzù nǎ kóró, igi pbanga rǒ rò.

¹²Ndi dhu-okú dò rò ní ndi ka kahò Yèsù átò igi kigò rǒ rò, ndíní pbìndà ale nu'ò tí azùna nyú nǎ, rǐlǎ Kàgàwà-nyìkpó ǒ.

¹³Nírò, dhu àkǎ nzá àlě rùngu Pbàyàhúdì tó màndu-owù. Dhu àkǎ àlě ròwù àlě ùsò Yèsù mànà, àzèmbè àlě kí àlě-itsì ònzi ka kí dhu-dzi òndù yà kǎndù itsina ònzi ka kí dhu-dzi dhu bhěyi rórò.

¹⁴Obhó tí, yà adzi ǒ àlě kí'ì mbǎ ádzì rádù àdi pbanga nà, pbétù àlě kí ònena pbanga ní yà ìrà rǐrà-tsí.

¹⁵Nírò, Yèsù-otù ǒ, dhu àkǎ àlě rùbho perè tí Kàgàwà tò dhu ní, kǒvò ìlè àlě kí bìlìnganà dhu. Kà-tì ní, dhu rǎkǎ àlě ròngò kǒvò ìlè k pangba.

¹⁶Ndirò, dhu àkǎ nzá nyǎdzo ídzìnga t'ónzita mà dzùnàku ònzi nyǎ nyí nzínziku ǒ dhu mànà rǒ rò. Obhó tí, wò dhu bhěyi perè-tidò nùbhò nyǎ nyí dhu ní ndi rádù Kàgàwà-ìdhè àbhu rǐka ndi.

¹⁷Dhu àkǎ nyǒngò nyǎnda arí ale-tsù dhu ìrì, nyǎdù abádhí ifù. Abádhí arí ndi nyǒdò, ì ùni dhu ì rǒvoya ndi okúku dò rò ì anzì kasu tó màkùrù Kàgàwà-ònzì dhu-okú dò rò. Wò dhu bhěyi nyǎ nyònzì dhu dhu ní ndi rádù abádhí àbhu rònzì fiyó kasu dhèdhe nà, inzi ì ì 'ùhù rórò. Obhó tí, 'ùhù ì ì rórò abádhí rǐ fiyó kasu ònzi dhu-nyutsi nyǎ nyábàna ídzì dhu tí dhu rǐ'ì mbǎ.

¹⁸Dhu àkǎ nyítsò nyǎ dǒká. Mǎ mà'ù wà dhu mǎ rǎrǐ'ì inè ídzì ìrèta nà, mǎ mǒzè mǐ'ì ídzì mùtsò nà kóró dhu-tsí ǒ nídhunǐ.

¹⁹Ma mìtdè nyǎ atdídǒ, dhu rǎkǎ nyítsò nyǎ Kàgàwà-rǒ, ndíní kǎbhù tí ima madu mà tiku ò tsàkàtsàkà.

Itsòta

(Rom 15.30-32; Kòl 1.9-11; 1Pé 5.10-11)

²⁰Kàgàwà arí ndi màrùngà ìbho àlě tò. Kǎbhù àlě tó Ádrùngbǎle Yěsù rìngbè ndi òvè-bvù rò. Ndi Yěsù ní ndi àlě tó ádrùngbǎ undataba, àlě'ì p̀b̀indà tàrà tírò. Yà ndi nufu kǎzù-otù ǎ, Kàgàwà abhù àlě rùngbò àlě ndi màrà dhòdhóhóngà tó ungbòta nǐ.

²¹Kàgàwà àkǎ ndàbhù nyǐ nyǒngò ídzì dhu ònzì bìlìnganà, ndínǐ nyǐ nyǒnzì tí kǒzè dhu. Kǎkǎ ndàbhù nyǐkpóna nòfò dhu rǎkǎ àlě-nyutsì Yěsù Krístò-otù ǎ. Ndi Yěsù àkǎ ilèta nà dhòdhóhónganà. Àmìnà.

Bhàruwà rǐku dòná rò andítá mà ovita màrà

²²Àbanǐnzó, ma mìtdè nyǐ ìtdè tí, dhu àkǎ nyǒndù kǒkò fǔkù ma màndì afíkù otsi tí òbì nǐ òte-dzi òndù tí, ma màndì ka ídò tí fǔkù nídhunǐ.

²³Ma mòzè mǒvò fǔkù dhu ní, àlě t'ádònà Tìmòtewù ka kǐkòlò wà imbi ò rò dhu. Ní kǎpé ìrà àhù tídu ò tsàkàtsàkà, ní mà mǎdù òwu atdíkpá àbadhi màrà, mǒwù ngbǒku àla.

²⁴Òvì nyòvì nyǔnda arí ádròdrò ale kóró, Kàgàwà bhà kóró ngǔkpà ale màrà. Itàliyà tó p̀b̀irì ǎ àlě t'ádóna nóvì nyǐ átò.

²⁵Kàgàwà àkǎ ndàso nyǐ kóró!

Yàkɔbhò

Yàkɔbhò 1

Yàkɔbhò rǐ ìndrǔ nòvì dhu

¹Yàrí bhàruwà nàndí fùkù ní ima Yàkɔbhò, Kàgàwà bhà, ndirò Ádrùngbàle Yèsù Krístò bhà inɔ-akpà. Ma mòvì nyǐ kóró, yà atdí kumì dòná óyǒ nà rùgànda-tsù tíró nyǐ nyífàlà nyǐ yà adzi ǒ rò .

Umvúta-ònzǐ dhu àkǎ kikò pòtsó a'uta ǒ dhu

(Opt 3.6; 4.7; Zèk 7.19; Mát 7.7-11)

²Àbanǐnzó, nyǐ nyàkǎ nyǒzè yà nyǐ nyǐ dhèdhèrò umvúta-tidò nábà dhu rǐ'ì dhèdhe tí atdíǒ fùkù.

³Obhó tí, nyǐ nyàkǎ nyǔni dhu nyǐ rapé ìko pòtsó fùkù a'uta ǒ umvúta-ònzǐ, ní ndi dhu rǎrǐ dhu-dzi t'òndùta tó ɔbi nábhǔ fùkù.

⁴Dhu àkǎ wà fùkù dhu-dzi t'òndùta ritè ndi kpangba, ndínǐ nyǐ nyǐ'ì tí àkǎkǎ ale nyú tí, ndirò ìmbǎ rǒyá ndi nùbhà ndínǐ ì onzi tí atdí dhu mà rǐ'ì ale tí.

⁵Pbétù, dhu apé ì'ì nzínziku ǒ atdí ale mà nótù ndi ìmbǎ ndi'ì dhu-ǒnga t'òvòta tó irèta nà dhu tí, ní ndi ale àkǎ ndònzì ka Kàgàwà-fó. Ní kà rǎdù kàbhù àbhǔ kà tò. Obhó tí, kǎrǐ dhu ùbhǒ kóró ale tò, ìnzǐ ndi ndi ìndrǔ-ǒnga òvò rórò, ndirò ìnzǐ ndi ndi ndingyè rórò.

⁶Ndirò, kàkǎ ndònzì ka a'uta nà, ìnzǐ afína rǔguru rórò. Obhó tí, afína rǔguru ale, níli ndi yà rèrù dǒ rópili àpùpù rǎbhǔna ràmbe ndàwà dǒ mùkurà tó idha bhèyi.

⁷Ndi dhu bhèyi ale-tidò nákǎ nzá ndirè nga ndi rǎrǎdù atdí dhu mà nábà Ádrùngbàle Kàgàwà-fó,

⁸ndi ale-tidò ní pbìndà irèta-ǒnga úndò ndi ale, ndirò ùgèrè tí arí ndùgèrè pbìndà mùtso ǒ ale nídhunǐ.

Nǎkùtále mà ònzítále mà nà nàndà dhu

⁹Nǎkù tí ndi nòtù àlè t'ádònà mùkrístò nákǎ ndi'ì dhèdhe nà, Kàgàwà ìdzǐ ndi ɔrú nídhunǐ.

¹⁰Ndirò, ònzítále tí ndi nòtù àlè t'ádònà mùkrístò nákǎ ndi'ì dhèdhe nà, Kàgàwà ìfo ndi obvò nídhunǐ. Obhó tí, ònzítále rǎdù ùda akye tí àdhàdhì irí ǒ itsu-opfò náarúda akye tí dhu bhèyi.

¹¹Adyifò náarí ndiɔ, ndàdù itsu ìtdyu, ndi itsu-opfò rǎdù 'àwà obvò, fiyó aya rǎdù ìku. Ndi dhu bhèyi tí ní ndi, ònzítále rǎdù àrà òvè yà bìlìnganà ndi ndarónzina pbìndà kasu ùmbè ndi rórò.

¹²Hirò nónzì ale ní, umvúta-dzi òndù arí pbìndà a'uta ǒ ale. Obhó tí, ndi umvúta lè mà ndi ndònzì dhu-dzidǒ, ndi ale abáya yà Kàgàwà akò fǐndá làkǎ ndi nózè ale tò dhòdhóhónga tó ìpìrǒnga tó mùkàkù.

Ìnzì Kàgàwà arí atdí ale mà nábhǔ rǒnzì nzére dhu dhu

(Yo' b 29.12-13; Màt 7.21-27; Gàl 6.7-10; 1Pe' 2.1-2)

¹³Nzére dhu-atdyú òho rí ndòzì ale náká nzá ndàtì: Kàgàwà rǎrǎ ndì ndì nábhǔ ndònzì nzére dhu. Obhó tí, Kàgàwà arí nzǐ nzére dhu ònzì. Ndirò, kǎrǐ nzǐ atdí ale mà nábhǔ rǒnzì nzére dhu.

¹⁴Ìngbàtí ìlì ndì ale mà nábhǔ arí rǒnzì nzére dhu dhu ní, yà ndì ale nyú rǐ atdyúna òho ndònzì nzére dhu. Ndì nzére dhu náarí kǐdha, ndàdù òtsìnà.

¹⁵Ní, ndì nzére dhu-atdyú òho ka kǐ dhu náapé ndisě, náaródhina dhu ní nzérenga. Ndirò, nzérenga náapé òtrò, náaródhina dhu ní òve.

¹⁶Yà atdí dǒ ma mǒzè nyǐ rò àbanǐnzó, nyǐ nyàká nzá nyǎbhǔ nyǐ kutrǎ nyǐ!

¹⁷Àlě rǒ arí ndònzì ídzì dhu kóró, àlě arí àbàna àkǎká atdí dǒ kóró perè-tidò màna náaríwu òrù-akpà ò rò. I dhu náaríwu yà òrù-akpà-nyǐ rǒ arí inga náwù kóró dhu nanzì Àba Kàgàwà bhà rò. Ndì Kàgàwà ní ìnzǐ arí ndùwǔ, ndirò ìnzǐ arí ndùgèrě ndùbhà nyǐ ìnò ǒ i dhu-tsí bhěyi ale.

¹⁸Ndì nyú ndì ndòzè ka dhu bhěyi, kǐbho ípìrǒnga-òwátá àlě tò, pbìndà obhóngà tó Ote-otù ǒ, ndínǐ àlě koko tí wemberè tó ngari ǒ yà ndì ndanzì kóró dhu-tsí nzínzì ǒ.

Kàgàwà bhà Ote àká kǐrǐ, kadù kùnò dhu ònzì dhu

(Yùw 3.27)

¹⁹Yà atdí dǒ ma mǒzè nyǐ rò àbanǐnzó, nyǐrè yàrǐ ote: ìngbàtí ìlì ndì ale mà náká ndì'ì isó rádù dhu ìrǐ ale tí, ìnzǐ rádù ote òrì isó tí ale tí, ndirò ìnzǐ arákò akye ale tí.

²⁰Obhó tí, akye arákò ale náarí nzǐ obhónánga tó dhu ònzì Kàgàwà-ònzǐ.

²¹Wò dhu-okú dò rò ní ndì, nyǐ nyàká nyǎwà òtǒtì dhu kóró itse nyukutsì rò, fùkú nzére mùtsò, yà isě tí arí ndisě nyukutsì màna. Nyǐ nyàká nyǎkò yà nyukutsì ka kózò Ote yorowà ǒ. Ndì Ote ní yà nyǐgu rádù Ote.

²²Nyǐ nyàká nzá nyǐ'ì bǐya nǐ tí arí Kàgàwà bhà Ote ìrǐ ale tí, pbétù nyǐ nyàká nyǐ'ì ndì Ote ùnò dhu ònzì arí ale tí, ìnzǐ dhu i'ì tí nyǐ nyǐtrǎ nyǐ-tírò dhu tí.

²³Obhó tí, fǐndà ka kúnona Kàgàwà bhà Ote kèlě ìrǐ arí, ìnzǐ ndì ndì ndì Ote ùnò dhu ònzì rórò ale, nǐlì ndì yà ndì ka kadhìnà nyǐna-wòyǒ àndà rí ndítírò kiyó ǒ ale bhěyi.

²⁴Nyǐna-wòyǒ ndì ndàndà ndàdù àrà dhu-dzidǒ, kà rádù àdzo ányǐrǒ rò tí nyǐna-wòyǒ ì'ìnà tí dhu rǒ rò.

²⁵Pbétù, atdyúna nyú nà arí Kàgàwà bhà uyátá-ònga àndà ndínǐ ndì ndùnì tí ale náso Kàgàwà rádù kà rǒnzina kóró dhu ǒ. Ndì uyátá ní àkǎká atdí dǒ uyátá, ndirò ìndrǔ àbhǔ rǐ rǐfù Kàgàwà ìnzá ka kùtu ndì ùtù tí rórò uyátá. Kàká ndàpbǎ ndì ndì uyátá t'ífuta rǒ, ndàrà kùnò dhu ònzì rǒ mběyi ndítò. Kàká nzá ndàrà kǐrǐ rǒ ìrǐ tí, rádù àdzo òna nǎ rò.

²⁶Ndì ale apé ndòzè àkǎká dhu bhěyi ndì ndarí Kàgàwà ùlě dhu tí, pbétù ìnzǐ ndàdù tsùna òdò, ní ndì ale ní ndítírò rǐ ndùtrǎ, ndirò kǎrǐ Kàgàwà ùlě nǐ ulétá ní kòkórò dhu.

²⁷Àba Kàgàwà ràdù òzùnà àkākā dhu bhěyi ndirò ìmbā afátá na arí ndùlě dhu tí ale ní, yà ìzǔ-nzo mà abvo-ayí mànà dzùnà ònzi arí fíyó àpè ǒ, ndàdù ndòdò kà-nyìkpó ǒ ótì yà adzi ǒ kóró dhu rǒ rò ale.

Yàkòbhò 2

Ìnzá dhu àkǎ kí'ì ìndrǔ-ǒnga t'òvòta tó ale-afí nà dhu

(Law 19.15; Zàb 82.1-4)

¹Àbanǐnzó, àdhàdhì yà nyí nyá'ù ilèta nà àkǎ àlě tó Ádrùngbàle Yěsù Krístò dhu bhěyi, nyí nyàkǎ nzá nyí'ì ìndrǔ-ǒnga t'òvòta tó ale-afí nà.

²Atdí ófò ní yàrí: Nyìrè pé dhu, ònzi tó atdí ale, yà orò tó petè mà ídzi mùdzarù mànà nùfǒ róná rìtsù wà nyí nyùndu nyí òná idza ò, wò dhu-dzidǒ, ndì nùfa mberù-fí nùfǒ róná nàkùtále ràdù ìtsù átò ànyì-dza.

³Ní, nyí nyárí ifuta àbhǔ atdíǒ wò mběyi ndì nùfǒ ale tò, nyìtè àyàya ngari fíndà nyàti: «Ádǐ iró yà ídzi ngari ǒ.» Pbéù, nyí nyaràdù àtìnà wò nàkùtále nǐ: «Ìnyi! Ídè uró, ndirò ngàtsi nǐ, ádǐ iró obvò màtí, yà pfǒdu ma mùli ró.»

⁴Ní, wò dhu ìtè tí nzá dhu nyí rarí ìndrǔ-ǒnga òvò, ndirò ndì dhu bhěyi nyí nyónzina dhu ǒ, nyùnda arí dhu ràrǐ fùkú nzére irèta?

⁵Yà atdíǒ ma mózè nyí rò àbanǐnzó, nyìri dhu! Kàgàwà náavò tí nzá nàkùtále yà adzi ǒ, ndíni okoya tí ònzítale tí a'uta ǒ, 'àdù òko yà ndì nózè ale tò Kàgàwà akò fíndá làkà Idzi-kàmá tí?

⁶Pbéù nyí, nyí nyárí nàkùtále-itsì ònzi, nyàdù àmbe ònzítale ifu dǒ! Ní tí obhó ì ònzítale ì rùkú arávu, 'àdù àmbe nyòbhù dǒ dhùwanì ǒ?

⁷Ndirò, tí obhó abádhí ì yà pbàkrístò tí ka karí nyùnzi nǐ dùkú arí'ì ídzi ɔvɔ nǐ arí dhu ùnɔ nzére?

⁸Ìlǐlǎ Andítá rǐ dhu ɔvɔ ndàti: «Nyí nyàkǎ nyozè ɔdhìnu àdhàdhì nyí nyú nyí nyóze nyí nyí-tírò dhu bhěyi .» Wòrí ní ndì òrù-akpà ǒ Idzi tó Uyátá. Ní, nyí nyapé ndì Uyátá ifǔ, ní nyí nyònzì wà ídzi dhu.

⁹Pbéù, nyí nyapé dhu ònzi ìndrǔ-ǒnga t'òvòta nà, ní nyí nyònzì wà nzérenga Uyátá nyí nyùkò dhu-okú dò rò. Ní ndì Uyátá ràdù anya òtdì dùkú.

¹⁰Obhó tí, ndì ale apé kóró Uyátá ifǔ, pbéù ndàdù atdí Uyátá kèlě nùkò ì Uyátá nzínzi ǒ, ní ndì ale ùkò wà kóró Uyátá.

¹¹Obhó tí, Kàgàwà ràtina: «Dhu àkǎ nzá nyònzì mùnyòni.» Ní kàti wà átò: «Dhu àkǎ nzá nyohò abvo.» Nírò, dhu apé ì'ì ìnzá nyí nyònzì mùnyòni dhu tí, pbéù nyadù abvo òhò, ní nyí nyùkò wà Uyátá.

¹²Nírò, nyí nyàkǎ nyòwù òte rǒ, nyàdù dhu ònzi àdhàdhì ànyàya Kàgàwà unɔya ale bhěyi. Ndi anya kùnɔya ròfò ndì yà ìndrǔ àbhǔ rí rifu ndì ìnzá ka kùtu ndì ùtǔ tí rórò uyátá nónzi ka dhu bhěyi.

¹³Obhó tí, izu àbà arí ngǔkpà ale dǒ ale rǐ nǐ àdù ànyàna ùnɔ Kàgàwà rǐ dhu-otù ònzì. Pbéù, Kàgàwà náabáya nǐ izu yà ìnzǐ arí izu àbà ngǔkpà ale dǒ ale dǒ.

A'uta mà kàsǔna màna

(Yo`b 31.16-22; Gàl 5.6; E`br 11.17,19,31)

¹⁴Àbanǐnzó, atdí ale rǐ'ì inè ndàti: «Ma má'ù wà Kàgàwà, » pbéù, ìnzǐ ndàdù ndí a'uta itè pbìndà ídzì dhu ònzì ndí ndí ìndrǔ tò dhu-otù ǒ. Ní ndí dhu tó mùgàsù ní àdhu? A'uta tí àdù ndí ale ìgu ìgǔ wòrí ófò ǒ?

¹⁵Nyìrè pé dhu atdí adòku mà, ndirò ngàtsi nǐ, atdí awèku mà rǐrǐ'ì mbǎ mùdzarù nà, ndirò ngàtsi nǐ, kà rǐrǐ'ì mbǎ bìlìnganà ndí ndóngo ònyùnà ònyù nà.

¹⁶Ní, atdí nzínziku ǒ ale apé àdù àtìna kà nǐ: «Árà mbèyi, óvɔ kàzu, nyadù dhu ònyù nyalè nǐ, » pbéù ìnzǐ ndàdù ka dzùnà nónzì atdí dhu nǐ màtí, ní ndí dhu tó mùgàsù nàdù ì'ì àdhu?

¹⁷Ní a'uta tò, kà rǐ'ì ndí dhu bhèyi tí átò. A'uta kèlě nà ka kí'ì vǐna dǒ rò, ìnzǐ kadù àmbe ídzì dhu ònzì dǒ ìndrǔ tò dhu ní iwà óvè atdí dǒ a'uta nà ka kí'ì dhu.

¹⁸Pbéù, ìndrǔ rǐ'ì inè ndàti: «Inyi, nyi nyi'ì a'uta nà, ndirò ima, ma mǎrí ídzì dhu ònzì ìndrǔ tò.» Ní, ma mǎdù dhu àdu kà tò, matí: «Ítè pé yà ìnzǐ nyi nyarí ídzì dhu ònzì nǐ ìndrǔ tò pbùkù a'uta idù. Ní ima, ma mí dhu itè indù yà ma marónzina ìndrǔ tò ídzì dhu-otù ǒ, inè ma rǐrǐ'ì a'uta nà.»

¹⁹Nyi nyá'ù tí nzá dhu, Kàgàwà rarí'ì atdí tí? Ní wòrí ní ídzì dhu! Pbéù, nyi nyàkǎ nyuni dhu pǒmvo nyú mà rá'ù wà ka átò, ngbǔya ràdù àmbe ìvǐ nyú ìvǐ dǒ odò nǐ.

²⁰Inyi ní mùdhómà! Nyi nyòzè tí wà nyuni dhu ìnzǐ ka kí Kàgàwà ózè ídzì dhu ònzì rórò ka kí'ì a'uta nà dhu rǐrǐ kòkórò dhu?

²¹Kàgàwà azù tí nzá àlě t'ábhunà Àbràhamù obhónángatále tí, yà kídyi idhùnà Ísakà ndàbhù ràyi màzàbahù dǒ, ndínǐ ndubì tí perè tí Kàgàwà tò dhu-okú dò rò?

²²Nírò, nyi nyàla wà dhu kàbhà a'uta mà ranzì kasu atdíkpá kǎnzì ídzì dhu màna. Ndirò, ndí kǎnzì ídzì dhu abhù kàbhà a'uta rǐ'ì àkǎkǎ a'uta tí.

²³Ndí dhu bhèyi ní ndí, yà Andítá rǒvɔna dhu náadù àkǎ. Ndí Andítá ràtina: «Àbràhamù náa'u Kàgàwà, Kàgàwà ràdù ndòzù obhónángatále tí.» Ndirò, Kàgàwà adù kǎnzì pbìndà olo tí.

²⁴Nírò, nyǐ nyàla wà dhu Kàgàwà rarí ìndrǔ òzù obhónángatále tí ndí ndòzè ídzì dhu ònzì ndí ale rǐ dhu-otù ǒ, ìnzǐ ní ndí ale bhà a'uta-otù ǒ tí.

²⁵Ndí dhu ì'ì ndí dhu bhèyi tí átò Ràhabà tí kátina mùnyòni-àyi tò. Kàgàwà azù ka obhónángatále tí yà kǎnzì ídzì dhu ndàkò abhábho pbì idzá, ndàdù àbhunà ròtsè vurò otu ònǎ dhu-okú dò rò .

²⁶Obhó tí, àdhàdhì yà ìmbǎ ale-ihè rǐ'ì ònà ale-ngbò narí iwà óvè ale-ngbò dhu bhèyi, yà ìnzǐ ka karí ídzì dhu ònzì nǐ ìndrǔ tò a'uta ní iwà óvè a'uta.

Yàkòbhò 3

Ale-idà-dɔ àkǎ kɔdò mběyi dhu

(Mbà 10.10; Mát 12.33-37; 13.3; Ròm 3.13-14)

¹Àbanɔnzó, nyí nyàkǎ nzá nyí'ì ibí rò kànísà ǒ màlímó tí. Obhó tí, nyí nyúni wà dhu mběyi nyú, mà màlímó tíró, Kàgàwà runɔya ànyǎka ɔrù nà atdíǒ ròsè ngǔkpà ale ònǎ òtǎka-okú dò rò.

²Àlě'ì kóró, àlě karí dhu ùfǎ abho nyú àlě-òtǎ ǒ. Ìnzí arí dhu àfǎ òtǎna ǒ ale ní ndí àkǎkǎ ale tí ka kádù ɔzúnà ale. Ndirò ndí ale ní ìnè rí'ì ndòdò kóró ngbǎna ìnzí ròtsù nzérenga ɔ ale.

³Kídyi pé mǔhàgù tó ɔfò. Àlě kapé suma-dyí-ngba ùsò imbi nǎ kà-tsù rǒ ndíní àlě kòzè dhu nɔnzi tí, ní ndí dhu arí kóró kà-ngbùlù nábhǔ àlě rùndà átò.

⁴Nyàndà pé idha dǒ arúbhi bàtò átò. Ndi bàtò rǐ ìmbǎ ì'ì ìnè ádrùngbǎ màtí, ɔpili rópili ɔbi nyú nà awe rádù àmbe idzìna dǒ, ní kà-rǒ ka kósò idha-tsì ákǎ itsu-afǎ-ngba kèlě rádù kǎbhù ùndana rí ale ràrà ònǎ àtɔya rǒ ràrà ndí ndòzè ì.

⁵Ní ndí dhu bhěyi tí, ale-idà ní ale-ngbò rǒ ákǎ dhú-ngba nyú, pbétù, kǎradù ndòyò ndí ndònzì ádròdrǒ dhu nyú-okú dò rò. Nyàndà pé, ákǎ kàzú-ngba rádù ádrùngbǎ ìrì-yà-ba nyú nóbì!

⁶Ndirò, dhu rǐ'ì ndí dhu bhěyi tí yà àlě-idà-dɔ rǒrina ɔte tò. Ndi ɔte rǐ'ì ìnè ndùbì nga àdhàdhì kàzù arí nga ùbi dhu bhěyi. Obhó tí, àlě-idà-dɔ rǐ'ì ìnè ndònzì kóró nzére dhu-tidò ròsè àlě-ngbò rǒ ngǔkpà ngarí-nzo ònǎ. Ní àlě-idà-dɔ rǒrina nzére ɔte náarírà pfòmvo Sitanì bhà rò, ndirò kǎrì àlě tó ípìrǒnga ìnzǎ.

⁷Ìndrǔ rǐ'ì ìnè ndivǔ kóró ìzǎ-tidò rǒngò dhu ɔnzì ndí ndòzè dhu bhěyi. Obhó tí kǎrì ìrì ǒ ìzǎ-tidò mà, àrè-tidò mà, ɔya dǒ arí 'àdha ìzǎ-tidò mà, ndirò idha ǒ aróko ìzǎ-tidò mà nà kóró nívǔ ìvǔ.

⁸Pbétù, idàna ìvu rádù atdí ale mà rǐ'ì mbǎ. Obhó tí, ale-idà ní ìnzí arí ndìngyě nzére dhu t'únɔta nǎ dhu, ndirò àlè tí àlè ìndrǔ òhò rádù itsu nǎ dhu.

⁹Àlě-idà nǎ àlě karí Ádrùngbǎle àlě t'Ábanà Kàgàwà nílè, ndirò àlě-idà nǎ tí, àlě karádù yà wòyǒna nyú rǒ kǎbhòlò ale nófù.

¹⁰Asota tó ɔte mà ofúngá tó ɔte mà nà náarúvò atdí ale-li'ò rò tí. Àbanɔnzó, wòrì dhu àkǎnà nzá ndí'ì wò dhu bhěyi.

¹¹Òvǒvù idha mà, ìnzá óvù idha mà nà tí àdù ùvò ùvò atdí idha-bhu ɔ rò tí? Ìnzí akekpa màtí!

¹²Àbanɔnzó, mùtinì-kpǒ ì'ǒ arí itsu tí àdù mìzèyìtunì-kpǒ ì'ɔ ì'ǒ? Ndirò ngǎtsi nǎ vinyò-kpa tí àdù mùtinì-kpǒ ì'ɔ ì'ǒ? Ìnzí akekpa màtí! Ndi dhu bhěyi tí, ìnzá óvù idha náaràhu ɔnà rò idha-dòtì ní rǐ nzi àdù òvǒvù idha nípfò.

Dhu àkǎ kǐ'ì ɔrù-akpa ɔ rò írà dhu-ǒnga t'òvòta tó ìrèta nà dhu

(Ròm 14.19; 1Kò 3.3; Èfè 4.1-3; Fìl 2.3; 1Pè 3.4)

¹³Dhu-ǎnga t'óvòta tó irèta mà, inga t'únita màna nà arí'ì atdí ale mà tí'ì inè nzínziku ǎ? Ndi ale-tidò ní'ì rò, dhu àkǎ kà rìtè ndi dhu-ǎnga t'óvòta tó pbìndà irèta pbìndà ídzì mùtsò mà, pbìndà ìyònga màna-otù ǎ.

¹⁴Pbétù, nyí nyapé ì'ì atdíǎ ógyè adha tó afíku nà, ndirò anya tó afíku nà nzínziku ǎ, ní nyí nyàkǎ nzá nyǎdzí nyí, nyǎzù nyí dhu-ǎnga t'óvòta núnì ale tí. Ndi dhu bhéyi nyí nyí dhu ònzi dhu rádù nyǎbhu nyí'ì titótále tí.

¹⁵Wòrí dhu-ǎnga t'óvòta tó irèta-tidò ní nzí òrù-akpà ò rò írà irèta-tidò, pbétù ka ní yà adzi ǎ irèta-tidò. Ka ní ìndrù tó ófò tó irèta, ndirò ka ní nzére-alafí bhà ófò tó irèta.

¹⁶Obhó tí, adha tó ale-afí mà anya tó ale-afí màna rí'ì ró rádù ì'ì dhu ní pbàdzangà tí ka kí dhu ònzi dhu mà, kóró nzére dhu-tidò màna.

¹⁷Pbétù, òrù-akpà ò rò írà dhu-ǎnga t'óvòta tó irèta-tidò nà arí'ì ale ní dóna-kpa ò rò Kàgàwà-nyìkpó ǎ ìlǎ ale. Ndi ale ní màrùngà ìbho arí ìndrù nzínzì ǎ ale, ìyònga t'ále, ndirò, ngǎkpa ale rǎnna dhu nózè ndífu ale. Ndi ale ní àlè tí àlè izu àbà ka kí ìndrù dǎ nǎ ale-afí mà, ídzì dhu ònzi ka kí abádhí tò nǎ ale-afí màna nǎ ale. Ndirò ka ní ìnzí arí ìndrù-ǎnga òvò, ìnzí ndàdù ìndrù ùtra ale.

¹⁸Í aróko atdíkpá màna ale àbhù arí ròkò màrùngà ǎ ale, náarózòna dhu ní màrùngà. Ní itse tí abádhí arádù ògùnà dhu ní obhónánga tó dhu ònzi ì ale rí dhu.

Yàkòbhò 4

Ínzá dhu àkǎ kozè yà adzi ǎ dhu-tsí dhu

(Law 19.16; Zàb 66.18; Luk 18.13-14; 1Tì 2.8; 1Yù 2.15-17)

¹Yà nzínziku ǎ arí'ì angburuta mà anya màna náarúvò àdhà rò? Abádhí náatí nzí ùvò yà nyí nyí atdyúya òho dhu-tsí, yà nyukutsinǎ rò arí anya ònzi nzínziya ǎ ò rò?

²Nyí nyarí dhu-atdyú òho nyǎbà, pbétù ìnzí nyǎdù ì dhu nábà. Nyí nyarí'ì adha tó ale-afí na nyǎdù nyǎpà nyǎkyè abvo, pbétù ìnzí nyǎdù atdí dhu mà nábà. Nyí nyarí anya ònzi nzínziku ǎ, nyǎdù àmbe àngburu dǎ. Nyí nyarí nzí nyí nyí atdyúna òho dhu àbà, ìnzí nyí nyarí ndi dhu ònzi Kàgàwà-fó dhu-okú dò rò.

³Dhu nyí nyònzì Kàgàwà-fó rò, nyí nyarí nzí àdù ndi dhu àbà, nzére nyí nyarí ndi dhu ònzi dhu-okú dò rò. Kà-tì ní, nyí nyarí dhu ònzi ndíní nyí nyabá tí idhèku ìkǎ rí nyí-tírò nzére dhu kèlǎ.

⁴Nyí, nyí ní ìnzí arí 'òdò Kàgàwà tò ale! Nyí nyúni tí nzá dhu, yà adzi ǎ dhu-tsí òzè ka kí dhu rǎrǎ Kàgàwà òndrò ka kí dhu? Nírò, yà adzi ǎ dhu-tsí ná'u rí ndòzè ale ní iwà ndi nùgèrè ndítírò ndòngò Kàgàwà rǎ òmvù tí ale.

⁵Nyí nyirè tí nga kòkórò Ìlǎ Andítá rarátina: Kàgàwà ózè dhu rǎrǎ àlǎ rùbho àlǎ fíndà tí atdíró, yà àlǎ-nyutsi ongó tí àdi ndi ndili pbìndà Ìlǎ-Alafí-okú dò rò ?

⁶Kàgàwà arí ìbhona àlǎ tò ní ádrùngbǎ ídzìnga nyú. Ndi dhu okú dò rò nga ní ndi Ìlǎ Andítá arátina: «Kàgàwà arí ndùgye yà 'ídzí arí itírò ale nà, pbétù kǎradù pbìndà ídzìnga itè yòròwà nà aróko ale tò .»

⁷Nírò, nyí nyàkă nyírì Kàgàwà-tsù dhu. Ndirò, nyí nyàkă nyòdì pfòku Pfòmvo-ònzí, ní kà rǎdù òku tí òku tsùkú rò.

⁸Nyí nyàkă nyíngò Kàgàwà-tí'ò, ní kà rǎdù ingo tiku ò. Nyí nzéřengatálě, yà fiyó irèta-ònga úndò ndì ale tíró, nyí nyàkă nyú'ò ɔtsúku mà afíku màná rílǎ!

⁹Nyí nyàkă nyùni nyí nyí'ì òná fùkú nzéřenga-okú dò rò àpè! Nyí nyàkă nyòkò izùku ò, nyǎdù òko nyíku-dha ò! Fùkú ugbótá nákă ndùgèrè ndì ndòngò ɔdzi tí, fùkú dhèdhe rǎdù ndùgèrè ndòngò izu tí!

¹⁰Nyí nyàkă nyífo nyí nyí-tíró obvò Ádrùngbǎle Kàgàwà-ònzí, ní kà rǎdù nyídzi ɔrú.

Inzá dhu àkă katì ale t'òdhìnà nzéře ale tí dhu

(Mbà 27.1; Luk 12.16-20)

¹¹Àbanǎnzó, nyí nyàkă nzá nyòtè nzéře nyí nǎ nzínziku ò. Ɔdhìnà nǎ róte nzéře ale, ndirò ngǎtsi nǎ ɔdhìnà àti rí nzéře ale tí ale, nótè wà nzéře yà àzè dǒ róte uyátá nǎ, ndirò kàti wà ndì uyátá nzéře uyátá tí. Ní ndì dhu bhěyi nyí nyònzì dhu rò, inyi ní nǎ uyátá ifù arí ale, pbétù inyi ní ndì uyátá àti arí nzéře uyátá tí ale.

¹²Kàgàwà kèlě atdíró ní ndì Uyátá idì arí ale, ndirò ka atdíró ní ndì ìndrù àti rǎdù idzi ale tí ndirò nzéře ale tí. Ndirò ka kèlě atdíró ní ndì ìndrù igu rǎdù, ndirò ìndrù òhò rǎdù ale. Nírò inyi, yà ɔdhìnu àti nyí nyarí nzéře ale tí ró, nyí nyarí nyòzè àdhi tí?

Inzá dhu àkă kidzì ale ale-tíró ka kòzè kònzì dhu ùdhě ka kí rò dhu

¹³Nyírì yà ma múnona dhu kòmbí, nyí yà nyí nyarátina: «Índo, ndirò ngǎtsi nǎ tsútsǎ, mà mowuna atdí kigò ò. Ní mà móko ányì rǎrà àhu atdí ato nyú tí. Mà mí mùtùruzì ònzì, màdù màgòwè àbà òná rò.»

¹⁴Nyí, nyí nyùni nzá ìngbà dhu bhěyi màti fùkú ípìrǒnga ní'ina tsútsǎ dhu! Obhó tí, nyí nyí'ì àdhàdhi òtò rǒtò idha-ihè bhěyi, yà ákě kàsùmì kèlě tí arí ndàlǎ, ndàdù àwí ale-nyìkpó ò rò.

¹⁵Nyí nyàkǎnà nyàti: «Ádrùngbǎle òzè ka nǎ, mà mí'ina ìnè ípìrǒrò nga nà. Ní mà mǎnzina yàrí dhu, màdù ndǎgà-tsí nónzì.»

¹⁶Pbétù, nyí nyáróko nyǎmbe nyídzi dǒ idzì tí, nyí nyòzè nyònzì dhu ùdhě nyí nyí rò. Ní kóró kòrí idzítá-tidò ní nzéře.

¹⁷Nyí nyàkă nyùni dhu ní, idzìnga t'ònzìta nùni ale rapé nǎ ndì idzìnga ònzì, ní ndì ale rònzì wà nzéřenga.

Yàkòbhò 5

Ònzítále-nyìkpó itdyù ka kí dhu

(Yo' b 20.5; Àmò 5.11-12; Màl 3.5)

¹Nyí ònzítálě, nyírì yà ma múnona kòmbí fùkú dhu! Nyí nyàkă nyòdzì, nyǎmbe nyùhu dǒ izu nǎ, dùkú rírà àpè-okú dò rò.

²Fùkú ongyéngá nómò wà, ndirò rùkú mùdzarù kereze nónyù wà.

³Fùkú ɔ̀rò mà fùkú fùrangà mà̀nà kéngezé ònyù wà. Ndi kéngezé ní ndi nyí nòbhuya, wò nyí nyarí kóró dhu-tsí-tsù ùndù fùkù tí rò. Nyí nyúndu i ongyéngá-tsù kòkórò. Ní àdhàdhì kéngezé mà kàzù mà̀nà náarí dhu ìnzà dhu bhěyi, Kàgàwà nítidiya ànyàku ɔ̀bi nyú nà yà adzi ɔ̀ kóró dhu-tsù rí ndòdì nínɡaní.

⁴Kòní, nyí nyúvò nyí ìnzí nyùbho yà fùkú ɔ̀nzí-bvù-abábá ɔ̀ kasu nónzì kasutále tó mùkìmbà. Ní, abádhí rí 'ùhù dhu mà, abádhí rùkù dhu mà̀nà nàrà wà ɔ̀tsi yà kóró dhu dɔ̀ arí'ì ádrùngbǎnga tó ɔ̀bi nà Ádrùngbǎle Kàgàwà-bì ɔ̀!

⁵Yà adzi ɔ̀, nyí nyávu nyǒngò òko ònzì ɔ̀, ndírò nyí nyábhu yà adzi ɔ̀ dhèdhe ràtdù afíku. Nyí nyóngù nyí, nyǔyo ìnzá nyí nyùni Kàgàwà rɔ̀tdíya ɔ̀tdì ànyàku atdíku dhu rórò, àdhàdhì yà ìnzá ùni ì àze ka kí atdíku dhu rórò róko ìzà bhěyi.

⁶Nyí nyábhu obhónánga ɔ̀nzì arí ale-ànyà kítidì, nyádù àbhunà kòkyè. I ale í'ì mbà nyí mà̀nà ì í àgò ní ɔ̀bi nà.

Dhu àkǎ kondù dhu-dzi ràrà àhu Ádrùngbǎle Yèsù ríngo dhu ɔ̀ dhu

(Màt 5.33-37; È`br 6.12; 10.35-37; Yàk 1.12)

⁷Nírò àbanǎnzó, nyí nyàkǎ nyòndù dhu-dzi, ràrà àhu Ádrùngbǎle Yèsù ríngo dhu ɔ̀. Nyàndà pé ìngbà dhu bhěyi màtí ìnga ɔ̀bhì rí ale náarí ìnga ɔ̀ dhu náaraya ɔ̀'ò dhu ɔ̀dò dhu. Ndi dhu ɔ̀'ò dhu rǎdù ì'ì ádrùngbǎ mùgàsù tí kà tò. Kà rí dhu-dzi ɔ̀ndù ràrà àhu wemberè tó igye mà, kà ríku dóná rò igye mà̀nà nóowuya ìkò dhu ɔ̀.

⁸Ní nyí mà átò, nyòndù dhu-dzi nyábhu afíku rí'ì ɔ̀bi nà, Ádrùngbǎle Yèsù ríngo dhu rí'ì ìkyèrò dhu-okú dò rò.

⁹Àbanǎnzó, nyí nyàkǎ nzá nyǎmbe nyùhu dɔ̀ nyí ní nzínzìku ɔ̀, akye Ádrùngbǎle Yèsù arana ànyàku ìtdì ní. Nyàndà pé, kòní kìdè wà tsàtsùnǎ ànyàku ndi ndítidì tí!

¹⁰Àbanǎnzó, nyirè pé kǎkǎ Ádrùngbǎle Kàgàwà-ɔ̀vò rǎ owúnà dhu ɔ̀vò rǎ ìndrù tò pbànábí náanzì dhu. Abádhí andù dhu-dzi àpbè ɔ̀. Ní, nyí nyàkǎ nyòdyì abádhí tó ɔ̀fò.

¹¹Àlě kárí ì ale ànzì hirò nónzì ale tí, abádhí andù dhu-dzi dhu-okú dò rò. Nyí nyírì wà Yòbù tí kátina ale andù àpbè-dzi tí dhu tó màkùrù. Ndirò nyí nyírì wà ìngbà dhu bhěyi màtí Ádrùngbǎle Kàgàwà adù àrà dhu ɔ̀nzì kà tò olùnǎ rò dhu. Obhó tí, ndi Ádrùngbǎle ní àlè tí àlè ìzu tó afína mà, ìdzìnga mà̀nà ní ale.

¹²Pbétù àbanǎnzó, ádrùngbǎ dhu tí nyí nyàkǎ nzá nyòtsò dhu ɔ̀rù-akpà-ɔ̀vò rǎ màtí, yà adzi-ɔ̀vò rǎ màtí, ndírò ìngbàtí ìli ndi dhu t'òtsota tó ngàtsi ɔ̀fò ɔ̀ màtí. Obhó dhu tí rí'ì dhu nákǎ nyàtì obhó dhu tí. Ndirò, ìnzí ní obhó dhu tí rí'ì dhu nákǎ nyàtì ìnzí ní obhó dhu tí, akye Kàgàwà arana ànyàku ìtdì ní.

Andi nà ale dɔ̀ dhu àkǎ kítsò ale dhu

¹³Àpbè ɔ̀ rí'ì atdì ale mà t'í'ì ìnè nzínzìku ɔ̀? Ndi ale àkǎ ndìtsò ndi Kàgàwà rǎ. Ndirò ngàtsi ní, dhèdhe ɔ̀ rí'ì atdì ale mà t'í'ì ìnè nzínzìku ɔ̀? Ndi ale àkǎ ndùyù ifuta tó adyi.

¹⁴Andi nà rí'ì atdì ale mà tí ì'ì ìnè nzínzìku ɔ̀? Ndi ale àkǎ ndùnzì kànìsà ɔ̀ pbàkùrù, ndíní adù tí 'ìtsò dóná, 'àdù ndùtri akye ní Ádrùngbǎle Yèsù-ɔ̀vò rǎ.

¹⁵Abádhí itsò ì a'uta nyú nà dhu rǎdù ndi ale nábhũ rògù, ndi Ádrùngbǎle rǎdù kà dzùná ònzì rìvǎ ndi tdítǎ. Ndirò, dhu apé ì'ì ndi ale ónzì nzérenga dhu tí, ní Ádrùngbǎle rǎdù ndi nzérenga núbà ùbà kà tò.

¹⁶Nírò, nyǐ nyàkǎ nyǒwù fùkú nzérenga òvò rǒ kpanyba fùkù nzínziku ǒ, nyǎdù òwu nyǐtsò rǒ dùkú, ndínǐ nyǐ nyadù tí ùgu. Obhónángatále bhà itsòta náarí kasu ònzì ádrùngbǎ obi nyú nà.

¹⁷Nabi Èliyà ni'ì àlě'ì bhěyi ale kèlě. Ní, kǐtsò ndi atdyúna nyú nà ìnzǐ igye níikó tí. Ní, igye agyè nzá yà adzi ǒ, rǎrà àhũ ìbhũ atò dóná azà àbǐ nà tí.

¹⁸Wò dhu-dzidǒ, kǎdù nditsò tdítǎ. Ní, igye adù ikǒ òrù-akpà ò rò, yà adzi rǎdù ònyù ì'ò.

Àwǎwǐ ndàrà itse obhónga rǒ rò ale nádǔ ka kǐ obhónga tó otu ò dhu

¹⁹Àbanǐnzó, atdí nzínziku ǒ ale rǐ'ì ìnè ndàwǐ, ndàrà itse obhónga rǒ rò, ngǎtsi ale rǎdù kǎbhũ rǎdu ndi obhónga tó otu ò.

²⁰Ní nyǐ nyàkǎ nyǔni dhu, wò ndi nzérengatále dzùná nònzì rǎdu ndi awítá tó otu ò rò ale, rǐgǔ wà ndi ale bhà ípìrǒnga òve ǒ rò, ndirò Kàgàwà rùbà wà ndi ale bhà ábhǒ nzérenga-íyà.

1 Péterù

1 Péterù 1

Péterù rǐ ìndrù nòvì dhu

(Ròm 8.17-18; 16.25-26; 2Kò 4.17-18; É`fe 2.4-8)

¹Yàrí bhàruwà nàndí ní ima Péterù, Yèsù Krístò bhà uvitatále. Ma màndí ndi bhàruwà fùkù, nyí yà Kàgàwà óvò nyí nyí'ì p̀bìndà ale tí rò. Nyí nyífalà nyí yà adzi ǒ olo tírò, nyǒngò òko Pòtò mà, Gàlàtiyà mà, Kàpàdòkiyà mà, Àziyà mà, Bìtìniyà mà nà tó p̀bìrì ò.

²Àba Kàgàwà náavò nyí ròpè ndi angyinà rò àdhàdhì ndi nyú ndi ndudhé ka dhu bhèyi. Kàbhù nyí nyí'ì p̀bìndà ale tí p̀bìndà Hìlǎ-Alafí-otù ǒ, ndíní nyí nyíri tí Yèsù Krístò-tsù dhu, ndirò ndíní Yèsù-azù yà ndi nufu náadù tí nyú'ò nyílǎ. Kàgàwà àkà ndàso nyí, ndàdù nyàbhù nyòkò màrùngà ǒ atdíǒ.

Kàgàwà ungbeya àlě ɔve-bvù rò dhu náká àlě ròdò dhèdhe nà dhu

(1Kò 2.6; É`fe 5.1; 1Tè` 5.8-9; Tít 2.11-14)

³Dhu àkà àlě rilè Kàgàwà, àlě tó Ádrùngbǎle Yèsù Krístò t'Ábanà! P̀bìndà ádrùngbǎ izu tó ale-afí-okú dò rò, kíbhò ípìrǒnga-ɔwútá àlě tó, yà ndi ndábhu ndi Yèsù Krístò rìngbè ndi ɔve-bvù rò dhu-otù ǒ. Ndi dhu-okú dò rò ní ndi, àlě kí dhu òdò a'uta nyú nà ùngbè àlě rungbeya àlě átò ɔve-bvù rò,

⁴ndíní àlě kabá tí yà Kàgàwà uli angyangyi ndíní àlě kokoya tí kàmàna tí dhu . I dhu ní yà ìnzǐ rádù 'inza dhu, ìnzǐ rádù ɔtì dhu, ndirò ìnzǐ fiyó aya rádù ìku dhu. Ndirò, Kàgàwà arí i dhu òdò fùkù òrù-akpà ò.

⁵Nyí yà Kàgàwà nyí nyá'ù rò, kǎrí ngbòku òdò p̀bìndà ádrùngbǎnga tó ɔbi nǐ, ndíní ndi nditèya tí ndi ndígù nyí dhu kpangba yà adzi ǒ dhu-tsù rǐ ndòdì ònà idho ǒ.

⁶Ndi dhu-okú dò rò ní ndi nyí nyí'ì dhèdhe nà, ìmbǎ dhu rǐ'ì kòmbí nyí nyóko izu ǒ yà àkè kàsùmì ǒ yà nyí nyábàna dhèdhèrò umvútá-tidò-okú dò rò dhu màtí.

⁷Wò i umvútá rǐ'ì rùkú, ndíní fùkú a'uta-ɔbì nomvú tí. Orò ní ndinza rádù dhu, p̀bètù ka karí kùda kàzu òna nǎ, ndíní ka kuni tí orò nyú tí kà rǐ'ì dhu. Ní fùkú a'uta tó kà rǐ'ì ndi dhu bhèyi tí. Ndi fùkú a'uta, yà atdíǒ fìndá ídzìnga ósè orò bhà ídzìnga dònǎ màtí, ní rádù àkà komvù ɔbìna, ndíní ka kuni tí obhóngà tó a'uta tí kà rǐ'ì dhu. Ndirò, fùkú a'uta ǒ nyí nyìkò pòtsó dhu-okú dò rò ní ndi, Kàgàwà ifuya nyí, kǒnziya siràku ndàdù nyílè Yèsù Krístò rǐtsi ìngo nínganí.

⁸Nyí nyózè wà Yèsù, ìmbǎ dhu rǐ'ì ìnzǎ nyí nyàpè kàlǎ dhu màtí. Ndirò, nyí nyá'ù wà ka, ìmbǎ dhu rǐ'ì ìnzǎ nyí nyí kàlǎ kòmbí dhu màtí. Ní, nyí nyí'ì dhèdhe nà atdíǒ. Ndi dhèdhe ní ìnzǎ rádù ndàwe ale-tsù ǒ dhèdhe-tidò.

⁹Nyí nyí'ì ndi dhèdhe nà Kàgàwà ígù nyí dhu-okú dò rò. Wòrí ní ndi Yèsù nyí nyá'ù dhu tó perè.

¹⁰Wò ndi Kàgàwà rǐ ìndrù ígù dhu dǒ, p̀bànábí nánè dhu abho nyú 'ùni, 'àdù dhu òvò angyangyi nyí nyakána nyàbà ídzìnga dǒ.

¹¹Krístò bhà ìlìlǎ Alafí ní'ì abádhí-nyutsi. Ní ndi ìlìlǎ-Alafí náabhù abádhí rǒvò dhu angyangyi Krístò náabáya àpbè mà, kǎdùya àbànà olùnǎ rò ádrùngbǎnga tó awáwù màná dǒ. Ndirò ì pbànábí náadzi ì, ndíní ì ùni tí ìngbà kàsùmì ǒ màtí ndirò ìngbà dhu bhèyi màtí kòrì dhu nǒonziya ì dhu.

¹²Ní Kàgàwà níitè dhu abádhí tò rùnì dhu, wò abádhí avò ìndrù tò Ídzì Mǎkǔrù ní abádhí ravò nzá fíyò ìtírò, pbétù abádhí ravò ka fùkù. Ndirò, yà kòmbí arí kòvò fùkù ale náarí kòvò yà òrù-akpà ò rò Kàgàwà ivi ìlìlǎ-Alafí bhà òbi nyú nǐ. Ní màlàyíká nyú mà nózè 'ùni wò ndi dhu átò.

Dhu àkǎ kokò Kàgàwà-nyìkpó ǒ ìlǎ ǒfò ǒ dhu

(1Kò 6.20)

¹³Wò Kàgàwà ónzì fùkù dhu kóró nókú dò rò, nyí nyàkǎ nyí'ì ónzì nyí nyádù kasu ónzì fùkù irèta nǐ ale tí. Nyí nyàkǎ nyòkò ípìrò rò nyìkpóku nà, nyádù kóró atdyúku ìlì yà Yèsù ríngò nínganí nyí nyabáya ídzìngà dǒ.

¹⁴Àdhàdhì àbayà ùnò dhu ìfù arí nzónzo bhèyi, nyí nyàkǎ nzá nyǎbhu nyí yà ìnzá nyí nyàpè Kàgàwà bhà Ídzì Mǎkǔrù núní rò nyí nyongónà atdyúya òhò nzére dhu ràmbe nyùndà dǒ.

¹⁵Ndirò, àdhàdhì Kàgàwà yà nyí nunzi nyí'ì pbìndà ale tí ale ní ìlìlǎ ale dhu bhèyi, nyí mà átò nyí nyàkǎ nyí'ì ìlìlǎ Kàgàwà-nyìkpó ǒ ale tí kóró fùkù mùtsò ǒ.

¹⁶Obhó tí, ìlìlǎ Andítá ò Kàgàwà rǐ dhu òvò, ndàtì: «Nyí nyàkǎ nyí'ì ìlìlǎ ale tí, ima ní ìlìlǎ ale nídhuní .»

¹⁷Ndirò, nyítsò nyí nyí rò, nyí nyarí Kàgàwà ànzi Àbaku tí. Ní ndi dhu bhèyi kà rǐ'ì rò, nyí nyàkǎ nyòngò kífù atdí dǒ yà òko nyí nyòko olo tí yà adzi ǒ òná kàsùmì ǒ. Obhó tí, kǎrì ìndrù-ànyà ìtdì ndi ale nyú ónzì dhu-bvù rǒ, ìnzì ndi ndi ìndrù-ǒngà òvò rórò.

¹⁸Obhó tí, nyí nyúni wà ìngbà dhu bhèyi màtí Kàgàwà uvù nyí, nyùvò yà abhúku-nyutsi rò nyí nyabà àkyákyè mùtsò ǒ rò dhu. Kǔwù nzá nyí kǎkǎ 'ìnza rádù fùrangà tí kátina suma-tidò mà, orò màná dhu bhèyi dhu nǐ.

¹⁹Pbétù, kǔwù nyí nǐ ní Krístò-azù, yà atdí dǒ fìndá ídzìngà ósè azu. Ndi Krístò ní'ì àdhàdhì Kàgàwà tò ka kǎbhu perè tí tàmbà-ngba bhèyi, yà ìmbǎ rǐ'ì atdí otsu nà màtí, ndirò ìmbǎ rǐ'ì ngàtsi nzére dhu nà màtí tàmbà-ngba.

²⁰Kàgàwà náapì ka angyinǎ rò, ìnzá ndi ndàpè yà adzi ónzì rórò. Ndirò kòmbí kǎdù kìtè kprangba fùkù yà adzi ǒ dhu-tsù rǐ ndàpà ndíní ndi ndara tí ndòdì òyá idho ǒ. Kǒnzì ndi dhu ndíní ídzìngà nabhù tí fùkù.

²¹Krístò-otù ǒ, nyí nyá'ù Kàgàwà yà ka nabhù rìngbè ndi óvè-bvù rò, ndàdù ádrùngbǎnga tó awáwù àbhu kà tò ale. Ndirò, wò dhu-okú dò rò ní ndi, nyí nyá'ù Kàgàwà nyádù kóró atdyúku ìlì kà-fó nyí nyódona nyàbà dhu dǒ.

²²Obhóngà tó Ote nyí nyífu dhu-otù ǒ, nyí nyóngò wà Kàgàwà-nyìkpó ǒ ìlǎ ale tí, nyádù adóku òzè ìmbǎ òná utrátá nà àzè nǐ. Nírò nyí nyàkǎ nyòzè nyí atdí afíku nyú nà nzínzìku ǒ.

²³Obhó tí, Kàgàwà ábhu ípìrǒnga-ǒwútá fùkù p̀bìndà Ɔte-otù ǒ. Ndi Ɔte rí'ì mbà àdhàdhì òmò rádù òmò itse bhěyi, p̀bétù ka ní ìnzì arómò itse. Ndi Ɔte ní ípìrǒnga àbhù arí ìndrù tò Ɔte, ndirò ka ní dhòdhóhóngà nà arádi Ɔte.

²⁴Obhó tí, ndi Ɔte rätina: «Kóró ale rí'ì àdhàdhì irí-bí bhěyi. Ndirò abádhí tó aya rí'ì àdhàdhì itsu-opfò tó aya bhěyi. Irí-bí rádù òtdyù, itsu-opfò rádù ndip̀bà obvò.

²⁵Pbétù, Ádrùngbàle Kàgàwà bhà Ɔte arádi dhòdhóhóngà nà.» Ndirò, ndi Ɔte ní Ídzì Mākürù yà fùkù ka kuno.

1 Péterù 2

Dhu àkã kongù ale Kàgàwà bhà Ɔte n̄ dhu

(Màt 21.42-44; Kas 4.11-12; Róm 9.24-26; É`fè 2.20-22)

¹Kàgàwà ábhu ípìrǒnga-ǒwútá fùkù dhu-okú dò rò, nyí nyàkã nyàwà kóró òrù-tidò mà, ìndrù t'útrátá mà, ɔɔɔɔ ale-idà-dò nà ka kí'ì dhu mà, ngätsi ale-fó dhu dõ ka kí ale-afí ìli dhu mà, ìndrù t'údhútá tó irèta màna.

²Àdhàdhì iré-nzo náarí màkyí-atdyú òho dhu bhěyi, nyí nyàkã nyòhò yà ìnzá ndi nàngbò ngätsi dhu nà màkyí-atdyú, kà-tì ní, nyí ràkã nyòhò Kàgàwà bhà Ɔte-atdyú. Ndi dhu bhěyi ní ndi, nyí nyádù àmbè òvi dõ ní fùkù a'uta ǒ, r̀ràrà àhu Kàgàwà ígù nyí dhu tó dhèdhe ràkã dòtsí òná idho ò.

³Àdhàdhì Ìlìlã Andítá r̀n̄ona dhu bhěyi: «Nyí nyínè wà Ádrùngbàle bhà ídzìnga-dzi .»

Yèsù mà ndi ná'ù ale màna narí ípìrǒnga nà arí'ì nyuyatsi odu bhěyi ale dhu

⁴Ní nyí nyàkã nyíndrì íkyèrò Ádrùngbàle Yèsù-ti'ò. Àbadhi ní ípìrǒnga ìbho arí ìndrù tò odu, yà ìndrù adù òbvùnà igi odu. Pbétù Kàgàwà adù kòvò, ndàdù òzùnà atdídõ f̀ndá ídzìnga ósè nyìkpóna ǒ odu tí.

⁵Ní nyí mà átò, àdhàdhì ípìrǒnga nà rí'ì nyuyatsi odu bhěyi, nyí nyàkã nyàbà ngari Kàgàwà rí p̀bìndà Ìlìlã Alafí r̀adi òná idza òsì nyí n̄ odu nzínzì ǒ. Ní ányì-dzá, nyí nádù ì'ì kàbhà p̀bàkùhání, ndin̄ nyí nyongó tí perè ùbho kà tò Ìlìlã Alafí òzè dhu bhěyi. Ní Kàgàwà rádù ì perè à'ù Yèsù Krístò-otù ǒ.

⁶Obhó tí, Ìlìlã Andítá ò Kàgàwà rätina: «Kàn̄ ma mòpì atdídõ f̀ndá ídzìnga ósè odu. Ní ma mí kilí Sàyunì tó p̀bìrì dõ rí'ì idza-p̀bidò òdò rí odu tí. Ndirò, ndi odu dõ rí p̀bìndà a'uta nòsì ale-nyí rí nzì iwu .»

⁷Nirò, fùkù Yèsù ná'ù ale tírò, ndi odu ní Kàgàwà àbhù rí rífù nyí odu. Pbétù, kàkã ìnzá ka ná'ù ale tò, «yà idza òsì arí ale náabvù igi odu nádù òngo kòmbí idza-p̀bidò òdò rí ádrùngbà odu tí .»

⁸Ndirò, ka kándi dhu átò ì ale-okú dò rò kati: «Ndi odu ní ìndrù-pfò-dò núbě rí odu, yà abádhí àbhù rí r̀awà ì bhalabhala tó odu .» Dhu úbě abádhí-pfò-dò, ìnzá abádhí á'ù Kàgàwà bhà Ɔte dhu-okú dò rò. Wòrí ní ndi Kàgàwà udhé abádhí tò mùhàngú ò rò dhu.

⁹Pbétù nyí, nyí ní yà Kàgàwà apì f̀ndà r̀ugànda ǒ ale, ndirò nyí ní kamà-idza ǒ p̀bàkùhání tó mùtù. Nyí ní Kàgàwà ónyù idzi dòyá ale, kà-nyìkpó ǒ ìlã ale, ndirò kùwu

rì'ì pbìndà ale nyú tí ale. Kǔnzì nyí nyǔvò atdíđ ùtì mbìi ìnò ò rò, ndàdù nyítsu idhò rǐ ìndrǔ ùkǒ nǐ húwé ráwù awáwù ò, ndíní nyí nyowò tí yà ndi ndanzì idhò rǐ ìndrǔ ùkǒ nǐ kasu ìndrǔ tò .

¹⁰Angyi nyí nì'ì ìnzì Kàgàwà bhà ale, pbétù kòmbí nyí nyóngò wà kàbhà ale tí. Angyi Kàgàwà ì'ì mbà izu tó afína nà òkú, pbétù kòmbí kà rǐ'ì ìnè izu tó afína nà òkú .

Kàgàwà bhà ale àkànà 'òkò yà ìnzá ka ná'ù ale nzínzì ò tí dhu

(Ròm 13.1-8; È'fe 6.5-8; Tít 2.9-10; 1Pé' 3.14-18)

¹¹Òdhídhǔ, yà atdíđ ma mózè nyí rò, ma mìtdè nyí ìtdè tí àdhàdhì olo tí arí'ì, ndirò abhi ò arí'ì yà adzi ò ale bhèyi. Nyí nyàkǎ nyíndà nyí itse yà ale-ngbò ózè kònzì nzére dhu rǒ rò. I dhu ní yà ale-afí ózè kònzì Kàgàwà-nyìkpó nófò dhu nà arí 'ùgye dhu.

¹²Nyí nyàkǎ nyí'ì ìdzi mùtso nà yà ìnzá Kàgàwà núnì ale-nzínzì ò, ndíní nyí mà abádhí ùdhǔ nzére dhu ònzì nyí nyárí dhu tí rò, abádhí adù tí nyí nyónzina ìdzi dhu nála, 'àdù Kàgàwà nílè yà kà rǐrà ònà idhò ò.

¹³Àlè tó Ádrùngbǎle Yèsù Krístò-okú dò rò, nyí nyàkǎ nyí'ì ádròdrǒnga ò arí'ì kóró ale-tsǔ dhu: nyí nyàkǎ nyí'ì ádrùngbǎ kamà-tsǔ dhu, kóró ale ò kà rǐ'ì kamà tí nìdhuní.

¹⁴Ndirò, nyí nyàkǎ nyí'ì pbàlìwálì-tsǔ dhu, ádrùngbǎ kamà úlì ndi abádhí, ndíní ongó tí anya òtdì nzére dhu nònzì ale ò, 'àdù ìdzi dhu nònzì ale tsemèrà nónzì nìdhuní.

¹⁵Obhó tí, Kàgàwà ózè dhu ní: mbèyi nyí nyónzina dhu-otù ò nyòwù pbàdhómá, yà ìnzá nga núnì ale-tsù nùtsì rǒ ìnzì ròtè.

¹⁶Nyí nyàkǎ nyòkò àdhàdhì dòyá arí'ì ìtìrò ale bhèyi. Pbétù, nyí nyàkǎ nzá nyídyì wò òkú nyí nyarí'ì nyí-tìrò dhu rǐ'ì fùkú nzére dhu-dǒnga òfù rí dhu tí. Pbétù nyí nyàkǎ nyòkò àdhàdhì Kàgàwà bhà ìnò tí arí'ì ale bhèyi.

¹⁷Nyí nyàkǎ nyí'ìfù kóró ale. Nyí nyàkǎ nyòzè a'uta nà òdhíkù. Nyí nyàkǎ nyónzì Kàgàwà-òdò. Ndirò nyí nyàkǎ nyí'ìfù ádrùngbǎ kamà.

Yèsù Krístò bhà àpbè tó ófò

¹⁸Nyí kasutále tìrò, nyí nyàkǎ nyí'ì fùkú kasu tó ádròdrǒ ale-tsǔ dhu, nyádù kóró ifuta nábhu fíyò, ìnzì ní nyí'ì kǎkà ìdzi ale tí ndirò yowà t'ále tí arí'ì-tsí-tsǔ dhu kèlè. Pbétù, nyí nyàkǎ nyí'ì kǎkà òrù aròrù-tsí-tsǔ dhu mà átò.

¹⁹Obhó tí, nyí nyapé ìnzá nyí nyàkànà nyàbà àpbè-dzi nòndù Kàgàwà nyí nyí'ìfù dhu-okú dò rò, ní nyí nyónzì wà kà-nyìkpó nófò dhu.

²⁰Nzére dhu nyí nyónzì dhu-okú dò rò ka kí nyòvì dhu-dzi nyí nyòndù rò, ìngbà ifuta ndi nyí nyádù àbànà? Pbétù, nyí nyapé àpbè-dzi òndù ìdzìnga nyí nyónzì dhu-okú dò rò, ní ndi dhu rǎdù Kàgàwà-nyìkpó nófò.

²¹Ndi dhu tò nga ní ndi Kàgàwà núnzì nyí nǐ. Obhó tí, Krístò náabà àpbè átò okúku dò rò, rǐ'ì ìdzi ófò tí fùkù, ndíní nyí nyàngu tí owùna.

²²Àbadhi náanzì nzá nzérenga, ndirò utrátá tó òte mà náahù nzá kà-li'ò rò.

²³Ìndrũ ùnò dhu ndì nǐ rò, kũno nzá dhu i ale nǐ. Àpbè àbà ndì ndí ìndrũ-fó rò, kǐvà nzá dhu i ale rǒ. Pbéù, kũbhà ndì Kàgàwà, yà obhónánga dǒ arí ìndrũ-ànyǎ ìtdì ale-fó.

²⁴Krístò nyú ndítirò náanò àlě tó nzérenga tó tũtánga ngbǒna rǒ, àpbè ndì ndabà mùsàlabhà dǒ rò, ndínǐ nzérenga tó àlě kí'ì tí iwà úve ale bhěyi, àlě ràdù òko àlě rǒngò obhónánga tó dhu nónzì àlě tó ípìrǒnga ǒ. Kǎbà otú dhu náabhù ndì nyǐ Kàgàwà rǐgǔ nyǐ.

²⁵Obhó tí, angyi nyǐ nyǐ'ì àdhàdhì ùwũwǐ tàrà bhěyi, pbéù kòmbí nyǐ nyíngò wà nyǒdò arí ndàdù dũkú-nga àndà ale-tǐ'ò .

1 Péterù 3

Vèbhále mà fǐyó kpabhále màrà náká 'òkò tí dhu

(É`fè 5.22-23; Kò`l 3.18-19; 1Tì 2.9-11)

¹Nyǐ mà átò vèbhále, nyǐ nyàkǎ nyǐrì fùkú kpabhále-tsũ dhu. Ní, inzà màtí abádhí nzínzì ǒ atdíthená ale ná'ù Kàgàwà bhà Ote rò, fùkú ídzì mùtso nǐ, nyǐ nyádù abádhí ìdhà, nyǎbhù rà'ù ndì Ote, inzà màtí nyǐ nyòvò dhu fǐyò rórò.

²Abádhí ìdhà ràdù rà'ù ndì Ote dhu ní, fùkú ídzì ndirò ifuta tó mùtso nálǎ ì í dhu.

³Fùkú izo náká nzá ndì'ì ale-ngbò rǒ tí ka kálǎna dhu tí, àdhàdhì ale-dòká òkyè ka kí dhu mà, orò tó lèngètũ mà petè màrà ùfǒ ka kí dhu mà, ndirò ngǎtsi nǐ, orú odzina nà mùdzarù ùfǒ ka kí dhu màrà bhěyi.

⁴Pbéù, fùkú izo náká rǐ'ì ale-afí-òná rò ka kí ale tǒrò nónzì nǐ izo, yà ìnzǐ ràdù ndìnza tí. Ndi izo àká rǐ'ì màrùngà tó ndirò yorowà tó ale-afí òná rò àhu izo tí. Wò dhu bhěyi izo-tidò nózù Kàgàwà arí orú odzina nà izo tí.

⁵Angyi, Kàgàwà nà'ù vèbhále, 'àdù kóró atdyúya ìlì dóná, nóongónà tǒròya ònzì, 'àdù òko ifuta ǒ fǐyó kpabhále-ònzǐ wò dhu bhěyi.

⁶Atdí ófò ní, Sàrà ongónà pbìndà kpatsìbhále Àbràhamù-tsũ dhu ìrì, ndòngò ànzìnà ádrùngbǎle tí . Ní, nyǐ nyádù ì'ì àdhàdhì kàbhà vèbhínzo bhěyi, nyǐ nyapé ídzìnga ònzì ìnzǐ nyǐ nyǐ ǒdò ìdò rí ìndrũ ò atdí dhu mà-òdò ònzì rórò.

⁷Ndirò nyǐ kpabhále, nyǐ nyàkǎ nyòkò fùkú vèbhále màrà ìrita ǒ, nyádù dhu ùnì abádhí ràrǐ ivivi ale, ròsè dũku nǎ. Nyǐ nyàkǎ átò nyǎbhù ifuta abádhí tò, abádhí nába wà ípìrǒnga tó ídzìnga atdíkpá nyǐ màrà nídhunǐ. Nyǐ nyàkǎ nyònzì dhu wò dhu bhěyi, akye dhu arana fùkú itsòta-tsù nútò nǐ.

Obhónánga ònzì ka kí dhu-okú dò rò ka kí àpbè àbà dhu

(Màt 10.24-31; Ròm 6.3-4; 12.14-21; É`br 11.7; 1Pé` 2.12,19-20,21-24)

⁸Kùtsa ma mí dóná rò nǐ, nyǐ kóró nyǐ nyàkǎ nyǐrì nyǐ atdí dhu dǒ, ndirò nyǐ nyàkǎ nyǐ'ì ǒdhiya rǐ'ì òná izu ùndò arí atdíkpá abádhí màrà ale tí. Nyǐ nyàkǎ nyòzè nyǐ atdí àba bhà ale bhěyi, nyǐ nyàkǎ nyǐ'ì izu tó afiya nà ale tí, ndirò nyǐ nyàkǎ nyǐ'ì yorowà t'ále tí nzínzìku ǒ.

⁹Nyǐ nyàkǎ nzá nyũbho nzére dhu nzére dhu nǐ nzínzìku ǒ, ndirò nyǐ nyàkǎ nzá nyũnò dhu nyǐ nǐ dhu nùnò ale nǐ. Pbéù nyǐ nyàkǎ nyòwù Kàgàwà ònzì rǒ ràso ì dhu nònzì

rùkú ale. Obhó tí, yà ndì ndunzi nyí owùna nyí nyungu tí rò, Kàgàwà náakò làkà fùkù ndàti, ndì rārì nyāsò.

¹⁰Obhó tí, ǼlǼ Andítá rǽtina: «Ndì nózè ndì'ì ípìrǒnga nà ndàdù hirò ònzì kóró pbìndà idhò ǽ ale, náká ndòdò idàna nzére ǽte ǽte ndì ndí dhu rǽ rò, ndirò tìtò ùnò ndì ndí dhu rǽ rò.

¹¹Kàkà ndìndà ndì nzére dhu ònzì ndì ndí dhu rǽ rò, ndàdù ídzì dhu ònzì. Kàkà ndònè màrùngà, ndàdù owùna ùngu atdíǽ.

¹²Obhó tí, Ádrùngbǽle-nyìkpó rǽ'ì obhónánga ònzì arí ale dǽ. Ndirò, kà-bì rǽ'ì abádhí tó itsòta ìrì ndì ndí ró. Pbétù, kǽrì dzinà-dò nùgèrè nzérenga ònzì arí ale tò .»

¹³Ádhi pbá ale ndì nzére dhu ònzì rádù rùkú ídzì dhu ònzì arí atdyúya nyú nà ale tí nyí nyí'ì rò?

¹⁴Nyí nyònzì wà hirò dhu apé ì'ì obhónánga nyí nyònzì dhu-okú dò rò nyí nyí àpbè àbà dhu tí. Nyí nyàkà nzá nyònzì ìndrù-ǽdò, ndirò nyí nyàkà nzá nyàbhu dükù rìnza ndì.

¹⁵Pbétù, nyí nyàkà nyífu Krístò afìkù ò Ádrùngbǽle tí. Tsùkú ka kìvù dhu kà-rǽ nyí nyápba afìkù okúna dò rò dhu dǽ rò, nyí nyàkà nyí'ì ndì ale tò nyí nyádùna ndì dhu dǽ dhu nà.

¹⁶Pbétù, nyí nyàkà nyònzì ndì dhu ìyònga ǽ, ndirò ifuta ǽ, ídzì afìkù nà nyí nyí'ì rórò. Ndì dhu bhèyi ní ndì, kàkà nyùdhù rí 'àdù àmbe dhu ùnò dǽ nyí nǽ pbàkrístò tí nyí nyí'ì nyàdù ì'ì ídzì mùtsò nà dhu-okú dò rò ale-nyí rádù iwu.

¹⁷Obhó tí, ídzì dhu ònzì ka kí dhu-okú dò rò ka kí àpbè àbà, ndì dhu ràdù ì'ì, Kàgàwà-nyìkpó nòfò dhu tí dhu ní ídzì dhu nyú, ròsè nzére dhu ka kònzì dhu-okú dò rò ka kí àpbè àbà dhu dònà.

Krístò ónyù idzi òrù-akpà ǽ kóró dhu-tsí dǽ dhu

¹⁸Krístò nyú náabà àpbè atdí-gùna tí ìndrù anzì nzérenga-okú dò rò. Ka ní'ì obhónángatále. Ní kǽvè nzére ale-okú dò rò, ndínì ndì ndabhù tí nyí nyòwù ùvò Kàgàwà-tí'ò. Ka kahò ka, ròvè ngbòna ònà rò, pbétù Kàgàwà bhà ǼlǼ-Alafí adù ípìrǒnga àbhu kà tò tdítdǽ.

¹⁹Nirò ní ndì kǽdù àrà dhu òvò ǽve-bvù ka kúsò ró ì nòtù ùvùvè ale tò .

²⁰Ǽ ale ní'ì kàkà angyinà rò ì nuvó ìnzì 'ìrì Kàgàwà-tsù dhu ale, yà Kàgàwà andù fìyó dhu-dzi Nuwà rǽ ádrùngbǽ bàtò-íyà-ba nóbhòlò ònà kàsùmì ǽ. Ní, ngúfe ale kèlè, kà-tì ní àrù ale náatsù ndìbàtò-íyà-ba ò, 'àdù ùgu idha rǽ tsèya òtdì dhu ǽ rò .

²¹Wò ndì kàsùmì ǽ ndì nanzì dhu rǽtèna ní bàtizò tó ófò, yà kòmbí arí nyìgù fùkù nzérenga ǽ rò ófò. Ndì bàtizò-tì ní nzì ale-ngbò rǽ andrita nú'ò ka kí idha nǽ dhu, pbétù ka ní ale àbhù ka kí Kàgàwà tò ídzì ale-afí na dhu. Ndirò, Kàgàwà rádù nyìgu ndì bàtizò-otù ǽ, Yèsù Krístò ingbè ndì ǽve-bvù rò dhu-okú dò rò.

²²Kùpò wà òrù-akpà ò, ndirò kǽràdì ádrùngbǽnga tó ngari ǽ Kàgàwà bhà fangà dònà rò. Ndirò kǽnyù idzi màlàyíkà mà, òrù-akpà ò arí'ì ádrùngbǽnga mà, ádrùngbǽnga tó òbì mànà nà dhu-tsí dǽ.

1 Péterù 4

Krístò ná'ù ale náabáya dhòdhóhóngá tó ípìrǒngá fíyó àpbè dzidǒ dhu

(Ròm 6.6-13; È`fè 4.17-24)

¹Krístò náabà àpbè ngbǒna ònǎ rò. Nírò nyí mà átò nyí nyàkǎ nyũdhě nyí mběyi nyí nyábàna àpbè-dzi t'òndùta tò. Obhó tí, ngbǒna ònǎ rò rí àpbè-dzi nóndù ale rítèna dhu ní ndí ròzè ndùbhà nzérenga t'ónzita.

²Ní kòmbí, yà onzikú ndí nùbhà ndíní nyí nyoko tí yà adzi dǒ òná kàsùmì ǒ, nyí nyàkǎ nzá nyòkò tǒtǒdǒ yà nyí nyádù atdyúya òhò nzére dhu ràmbe nyũndà dǒ. Pbéù, nyí nyàkǎ nyòkò àdhàdhì Kàgàwà-afí ózè dhu bhěyi.

³Obhó tí, angyinǎ rò nyí nyúdà ábhǒ idho nyú nyǒngò dhu ònzì àdhàdhì inzà Kàgàwà ná'ù ale náarónzina dhu bhěyi. Nyí nyávu nyǒngò òko mànyòni tó ófò mà, nzére dhu-atdyú t'òhota mà, iwa t'órìta mà, ònyù ònyu nyí nyí wúgúwúgú dhu mà, iwa òmvù nyí nyí bhélébhélé dhu mà, sànamù ùlě nyí nyí dhu màna dhu tó ófò ǒ.

⁴Pbéù kòmbí, idho rǎrà kǒkò inzà Kàgàwà ná'ù ale ùkò rǒ ùkǒ tí, ònzì nyí nyí nyũngbò atdíkpá ì màna tǒtǒdǒ ì nzére dhu t'ónzita ǒ rò. Ndirò, abádhí rǒwu dhu ùnò rǒ ùnò tí nyí nǐ.

⁵Kǒkò ì ale náaweya ì anzi dhu ìtírò Kàgàwà-ònzì. Ndi Kàgàwà rǒdona ní ùvǔvè ale mà ípìrǒ rò rí'ì ale màna-ànyǎ nítì ndí ndí dhu.

⁶Wò dhu-okú dò rò ní ndí, ka kuno Ídzi Màkǔrù ùvǔvè ale tò átò . Ìmbǎ dhu rí'ì abádhí vè kóró ale-ànyǎ ka kitdì rǒngò ùve dhu-okú dò rò dhu màtí, ní abádhí rí ípìrǒngá àbà àbà dhòdhóhóngànà Ìlǐlǎ Alafí-otù ǒ Kàgàwà arí'ì nà dhu bhěyi.

Kàgàwà arí dhèdhèrò perè-tidò ùbhǒ ìndrù tò kóró ale tò ídzìngá nabhù tí dhu

(Luk 21.34-36; Ròm 12.5-11; Gàl 6.10)

⁷Kóró dhu-tsù rí ndòdì òná kàsùmì nínù wà ndí. Ní ndí dhu-okú dò rò nyí nyàkǎ nyí'ì dhu-ǒngá t'òvòta núnì ale tí. Ndirò nyí nyàkǎ nyòkò nyìkpókù nà, ndíní nyǎmbè tí nyítsò dǒ.

⁸Ndirò ròsè kóró dhu dǒnǎ, nyí nyàkǎ nyòzè nyí atdíǒ nzínzìkù ǒ, àzè náarí ábhǒ nzérenga-dǒngá nófù nídhuní.

⁹Nyí nyàkǎ nyòwù nyàkò rǒ nzínzìkù ǒ, ònzì nyí nyónu nyí nǐ rórò.

¹⁰Nzínzìkù ǒ ìngbàtí ìlì ndí ale mà nákǎ ndònzì kasu yà pbìndà ídzìngá-otù ǒ Kàgàwà ábhù fóná perè nǐ, ndíní kóró ale tò ídzìngá nabhù tí. Ndi dhu bhěyi ní ndí, nyí nádù ì'ì mběyi arí kasu ònzì foyá Kàgàwà úbho ábhǒ dhèdhèrò perè-tidò nǐ kasutále.

¹¹Ɔte òvo ka kí ìndrù tò nǐ perè nà rí'ì ale, nákǎ ndòvò ìndrù tò ní Kàgàwà bhà Ɔte. Ndirò ìndrù tò ka kí kasu ònzì nǐ perè nà rí'ì ale, nákǎ ndònzì ka yà Kàgàwà ábhù fìndà ɔbi nǐ, ndíní ìndrù ìlè tí Kàgàwà-ɔvò kóró dhu ǒ Yèsù Krístò-nyutsì. Ilèta nákǎ kabhu kà tò tí, ndirò kǎrì'ì ádrùngbǎngá tó ɔbi nà dhòdhóhóngá nà. Àmìnà.

Àpbè àbà arí Krístò-okú dò rò ale nóonziya hirò dhu

(Màt 5.10-12; Kas 5.41; 14.22; 2Tè` 1.4-12)

¹²Adódù, yà atdíđ ò ma mózè nyí rò, nyí nyàkǎ nzá idhò rùkò nyí yà ododu àpè tò umvútá rí nyàbà rò. Nyí nyàkǎ nzá nyòzù ndí dhu rí'ì olo tí fùkù.

¹³Pbétù, idhèku àkǎ ndíka ndí Krístò mànà nyí nyúngbò nyí kàbhà àpè-otù ò dhu-okú dò rò. Ní, kàbhà ádrùngbǎnga tó awáwù rí ndítè kóró ale tò nínganí, idhèku níkaya ndí atdíđ nyú ròsè.

¹⁴Nyí nyàkǎ nyòzù nyí hirò nónzì ale tí yà ìndrù rí dhu ùnò nyí nì Krístò-okú dò rò rò. Obhó tí, ndí dhu rítèna dhu ní Kàgàwà bhà Ìlǎ-Alafí, yà ádrùngbǎnga tó awáwù nà arí'ì ale rarí àdi nyukùtsì.

¹⁵Nzínziku ò atdí ale mà nǎkǎ nzá ndàbà àpè abvo òkye ndí ndarí dhu-okú dò rò, ogbo ònzi ndí ndarí dhu-okú dò rò, nzére dhu ònzi ndí ndarí dhu-okú dò rò, ndirò ngàtsi nì, ngǎkpà ale tó dhu ò ndí ndarí ndítsù dhu-okú dò rò.

¹⁶Pbétù, ndí ale apé àpè àbà mùkrístò tí ndí ndí'ì dhu-okú dò rò, nǎkǎ nzá nyína ríwù. Pbétù kǎkǎ ndilè Kàgàwà, Krístò-òvò rí'ì dóná nídhuní.

¹⁷Kàgàwà rí ìndrù-ànyǎ ìtdì ònǎ kàsùmì níndù wà ndí. Ndirò kà rí ndí anya t'ítàta nópè àlě'ì pbìndà ale nyú rǒ rò. Ní dhu apé ì'ì àlě-rǒ rò ndí anya t'ítàta rí ndòpè dhu tí, ní yà ì nùvò ìnzí 'à'ù Kàgàwà bhà Ídzi Mǎkùrù ale-rǒ dhu ròlo ìngbǎ dhu bhěyi?

¹⁸Ìlǎ Andítá rí dhu òvò ndàti: «Dhu apé ì'ì obhónángatále nyú náarógù ádrùngbǎ àpè ò ndí ndùdà rórò dhu tí, ní nzérenngatále, yà ìnzá Kàgàwà ná'ù ale-rǒ dhu nóloya ìngbǎ dhu bhěyi?»

¹⁹Nírò, yà àpè àbà arí Kàgàwà ózè dhu ònzi ì arí dhu-okú dò rò ale, nǎkǎ 'ùbho ì Kàgàwà yà ì nanzì ale tò ídzi dhu ònzi ì ì rórò. Ndí Kàgàwà ní yà ndí ndùnò dhu ìfù arí ale.

1 Péterù 5

Kànìsà ò pbàkùrù mà kóró ngǎkpà pbàkrístò mànà tò Péterù rí sedzà àbhù dhu

(Kas 20.28; Èfè 6.10,18; 1Tè 5.6-8; 1Tì 3.1-7; Yàk 4.6,10)

¹Ma mí dhu òvò kǎkǎ nzínziku ò rí'ì kànìsà ò pbàkùrù tò matí: ima mà átò ma rarí mùkùrù-akpà. Ima ní Krístò bhà àpè tò ngàmbì, ndirò ròsè wòrí dónǎ, ma mì'íya ìnè ngari nà átò wò ríra ádrùngbǎnga tó awáwù ò.

²Ní nyí pbàkùrù tírò, nyí nyàkǎ nyòdò wò Kàgàwà ábhù fukú pbìndà ale mběyi, àdhàdhì tàrà t'úndatátale náarí pbìndà tàrà tò màhò òdò dhu bhěyi. Nyí nyàkǎ nyònzì ka ìnzí ní ùtù tí ka kí nyùtù dhu-okú dò rò, pbétù nyí nyàkǎ nyònzì ka ídzi afíkú na, Kàgàwà nózè ka dhu bhěyi. Nyí nyàkǎ nzá nyònzì ndí kasu ongyéngá nyí nyabá tí ònà, pbétù nyí nyàkǎ nyònzì ka nyí nyúbho nyí ndí kasu t'ònzita tò dhu-okú dò rò.

³Nyí nyàkǎ nzá nyònyù idzi òbi nà kǒkò ì Kàgàwà ábhù fukú ale dǒ, pbétù nyí nyàkǎ nyí'ì ídzi ófò tí abádhí tò.

⁴Nírò ní ndí nyí nyabáya ádrùngbǎnga tó awáwù tò mùkàkú, yà ìnzí findá aya rǎdù ìku, Ádrùngbǎ Ùndataba Yèsù Krístò ríra nínganí.

⁵Nyĩ mà átò ìndrũ-ɔwá tírò, nyĩ nyàkă nyĩfu kòrí pbàkùrũ. Nyĩ'ì abádhí mànà kóró, nyĩ nyàkă nyòkò yɔrɔwà nà nzínziku ǎ. Obhó tí, Ĩlĩlă Andítá náarátina: «Kàgàwà arí ndũgye yà 'ídzi arí itírò ale nà, pbétù kàradù pbìndà ídzìnga itè yɔrɔwà nà aróko ale tò .»

⁶Nírò, nyĩ nyàkă nyòkò yɔrɔwà nà Kàgàwà, yà ádrùngbǎnga tó ɔbi nà arí'ì ale-ònzĩ, ndínĩ kádùya tí nyĩdzi ɔrú àkăkă kàsùmì ǎ.

⁷Nyĩ nyàkă nyǎbhu kóró fùkú m̀hetù kà-fó, Àbadhi rĩ'ì inè nyòdɔ ndì ndí ró nídhunĩ.

⁸Nyĩ nyàkă nyĩ'ì afíya òtò rádù ale tí, nyǎdù nga àndà mbèyi. Obhó tí, fùkú òmvù Pfòmvo rĩ'ì inè ngbòku òrì ndì ndí ró, ndámbe òndru dǎ òhònà ndì ndarana ndà'á ale òme rí àrì bhèyi.

⁹Ní, nyĩ nyàkă nyòdì pfòku kònzĩ, nyíkò pòtsó fùkú a'uta ǎ. Nyĩ nyùnì wà dhu kóró ngari ònǎ yà adzi ǎ, Yèsù ná'ù ɔdhíku rarí wòrì àpbè-tidò nábà átò.

¹⁰Nyĩ nyí àpbè àbà àbà ákě kàsùmì tí. Pbétù, Kàgàwà yà kóró ídzìnga-tidò ìbho arí ìndrũ tò ale, núnzì nyĩ ndínĩ nyĩ nyabá tí ngari pbìndà dhòdhódhóngà nà arádi ádrùngbǎnga tó awáwù ò, Krístò mànà nyĩ nyúngbò nyĩ dhu-otù ǎ. Ndi àpbè àbà nyĩ nyí ònǎ kàsùmì ǎ, kà rĩ nyǎbhũ nyĩ'ì àkăkă ale tí, ndàdù fùkú a'uta nábhu ròtsì ɔbi. Ndirò kà rĩ nyǎbhũ nyòtsì ɔbi, ndàdù nyǎbhu nyíkò pòtsó ìnzĩ ùkúnga rivi rórò.

¹¹Àbadhi ní ndì ádrùngbǎnga tó ɔbi nà àkă ndì'ì dhòdhódhóngà nà ale. Àmìnà.

Bhàrɔwà rĩku dòná rò ovita

(1Tè` 5.23-28)

¹²Ma màbhu rándì yà ídǎ bhàrɔwǎ-ngba fùkú ní Sílà . Ma márì àbadhi òzè adòdu yà ifuta nà àkă ale nyú tí. Ma màndì ka ndínĩ nyĩ nabhù tí nyòtsì ɔbi afíku ònǎ rò, nyǎdù dhu ùnì Kàgàwà bhà ídzìnga nyú rǎrĩ ndì wò nyĩ nyùpbǎ nyĩ ròná.

¹³Bàbelì tó kigò ǎ arí'ì Kànìsà, yà Kàgàwà ópì fìndà àdhàdhì ndì ndapì nyĩ átò dhu bhèyi, nóvì nyĩ. Ndirò Mǎrkò, pbànǎngba a'uta ǎ, nóvì nyĩ .

¹⁴Àtse nyàtse nyĩ nzínziku ǎ àzè tó dhèdhe nyú nà atdí àba bhà ale bhèyi. Ndirò nyĩ Krístò bhà ale tírò kóró, Kàgàwà àkă ndàbhu nyĩ nyòkò màrùngà ǎ.

2 Péterù

2 Péterù 1

Péterù rǐ ìndrǔ nòvì dhu

¹Yàrí bhàruwà nàndí fùkù ní ima Simiyoni Péterù. Ima ní Yèsù Krístò bhà kasutále, ndirò ima ní kàbhà uvitatále. Nyǐ nyá'ù Yèsù Krístò àdhàdhì mǎ má'ù ka átò dhu bhěyi. Ndi a'uta rǐ'ì ábhǒ ìdzìnga nyú nà fùkù, àdhàdhì kà rǐ'ì ábhǒ ìdzìnga nà fàkà átò dhu bhěyi. Yèsù Krístò ábhù àlě rǐ'ì ndi a'uta nà, obhónángatále tí ndi ndí'ì dhu-okú dò rò. Àbadhi ní Kàgàwà ndirò ka ní àlě tó Ògùba.

²Ní, Kàgàwà àkǎ ndàso nyǐ ndàdù nyǎbhù nyòkò màrùngà ǒ atdíǒ, ndi mà, àlě tó Ádrùngbǎle Yèsù Krístò mànà nyǐ nyúni atdíǒ dhu-otù ǒ.

Kàgàwà rǐ ìndrǔ ùnzi dhu mà a'uta ǒ dhu àkǎ kǒ'ò dhu mànà dhu

(Yùw 17.2-3; 2Tì 3.16; Tìt 2.11-14; Fìl 1.9-11; 3.8-14; É`br 6.11-12; 1Pé' 1.10-12)

³Kàgàwà tó pbìndà ádrùngbǎnga tó obi nǐ, Ádrùngbǎle Yèsù íbhò kóró dhu-tsí yà àlě kí atdyúya òho àlě tò, ndíní àlě koko tí Kàgàwà-rǒ àlě kàpbǎ àlě-afí rórò. Obhó tí, kàbhù àlě'ì àlě rùni ndi Kàgàwà, yà àlě nunzi ndíní àlě kabá tí pbìndà ádrùngbǎnga tó awáwà mà pbìndà ìdzìnga mànà ale.

⁴Ndi dhu bhěyi ní ndi, Kàgàwà íbhò yà ndi ndakò fìndá làkǎ ǒrú odziya nà ádròdrǒ dhu àlě tò. Ndi làkǎ nyǐ nyábà nídhuní, nyǐ nyí'ì inè nyòtsè yà adzi ǒ nzére dhu-atdyú òho nyǐ nyí dhu-tsù rò, nyǎdù yà Kàgàwà bhà ale tí rí nyítè ófò nódýì.

⁵Ní ndi dhu-okú dò rò, nyǐ nyàkǎ nyǒnzì obi nyísè fùkú a'uta dǒ dhu ní ìdzìnga t'ónzita. Ìdzìnga t'ónzita dǒ, nyǐ nyàkǎ nyísè dhu ní Kàgàwà ùnǐ nyǐ nyí mběyi nyú dhu.

⁶Kàgàwà ùnǐ nyǐ nyí mběyi nyú dhu dǒ, nyǐ nyàkǎ nyísè dhu ní ìnzǐ nyǐ nyí nyítsù akye atdí dhu ò dhu. Ìnzǐ nyǐ nyí nyítsù akye atdí dhu ò dhu dǒ, nyǐ nyàkǎ nyísè dhu ní dhu-dzi t'òndùta. Dhu-dzi t'òndùta dǒ nyǐ nyàkǎ nyísè ní Kàgàwà ózè dhu ònzi nyǐ nyí dhu.

⁷Kàgàwà ózè dhu ònzi nyǐ nyí dhu dǒ nyǐ nyàkǎ nyísè dhu ní atdí àba bhà ale bhěyi nyǐ nyí nyòzè dhu. Ndirò, atdí àba bhà ale bhěyi nyǐ nyí nyòzè dhu dǒ, nyǐ nyàkǎ nyísè dhu ní kóró ale òzè nyǐ nyí dhu.

⁸Obhó tí, nyǐ nyapè ì'ì kòrí mùtsò nà abho nyú, ní nyǐ nyónzina kasu rǎdù ábhǒ itse nyú nódhì, nyǎdù àmbe àlě tó Ádrùngbǎle Yèsù Krístò nùni dǒ mběyi nyú.

⁹Pbétù, ìmbǎ arí'ì kǒkò mùtsò-tidò nà ale ní ndùmùndúmú, yà ìnzǐ rádù inga àla ale. Ndi ale ònǎ rò, iwà ndi ndú'ò ndi ndilǎ yà angyi ì'ì pbìndà nzérenga ǒ rò dhu nádzo wà.

¹⁰Ní ndi dhu-okú dò rò àbanǐnzó, àdhàdhì yà Kàgàwà óvò nyǐ, ndàdù nyùnzi dhu bhěyi, nyǐ nyàkǎ nyǒnzì obi atdíǒ ndíní nyǐ nyoko tí àkǎkǎ ale tí wò ndi otu ǒ. Nyǐ nyapè kòrí dhu ònzi, ní nyǐ nyí nzi àdù nyǎwà akekpa màtí nzére dhu ò.

¹¹Obhó tí, ndi dhu bhëyi nyí nyònzì dhu rò ní ndi nyí nyádù rusà àbà atdíđ, nyòtsù nǐ àlě tó Ádrùngbǎle, Ògùba Yësù Krístò bhà dhòdhódhóngà tó Idzi ò.

¹²Wò dhu-okú dò rò ní ndi, ma mádi mongò àmbe i dhu isè dǒ fùkù bìlìnganà, iwà màtí nyí nyùni i dhu, nyádù iko pòtsó yà nyí nyábà obhóngà ǒ rórò.

¹³Ní, ma màla dhu mbëyi nyú marà fùkú irèta nángbe rǒ, misè i dhu fùkù yà àdì ma màdì nyìkpódu nà òná kàsùmì ǒ.

¹⁴Obhó tí, ma m̀ni wà dhu, ma m̀vè òná idho rindù wà ndi, àdhàdhì àlě tó Ádrùngbǎle Yësù Krístò itè ka k pangba idù dhu bhëyi.

¹⁵Ní, ma mí obi ònzi atdíđ mitè nyí nyóngo i dhu irè bìlìnganà iwà ma m̀vè rórò màtí òná otu fùkù.

Kàgàwà bhà Ɔte rǒ dhu àkǎ kapbǎ ale-afí dhu

¹⁶Obhó tí, yà mǎ m̀vè àlě tó Ádrùngbǎle Yësù Krístò iraya ádrùngbǎnga tó obi nà dhu tó màkǔrù fùkù rò, mǎ m̀vè nzá ka yà ìndrù itsǒ tìtò tó imbe ǒ. Pbétù, mǎ màla wà kàbhà ádrùngbǎnga tó obi nyìkpókà nyú nǐ.

¹⁷Obhó tí, kǎbà ifuta mà, ádrùngbǎnga tó awáwù mànà Àbanà Kàgàwà-fó, yà ndi ádrùngbǎnga tó obi nà arí'ì Kàgàwà-tù níri ndi nínganí. Ndi ale-tù atí: «Yàrí ní Idhùdu, atdíđ ma m̀zè ale. Kǎrí nyìkpódu nòfò dhu ònzi .»

¹⁸Mǎ'ì nyú mǎ-tírò, mǎ miri wòrí ale-tù òrù-akpà ò rò ríra ró, yà atdíkpá mǎ mi'ì kà mànà ìlǐlǎ pbìrì dǒ rò.

¹⁹Ndirò, mǎ má'ù wà yà pbànábí núunò angyangyi Ɔte atdíđ. Ní nyí, nyí nyònzì dhu mbëyi nyǎpbǎ afíku ndi Ɔte rǒ. Wò ndi abádhí avò dhu rǐ'ì àdhàdhì tarà bhëyi, yà ìnò ǒ rádù inga àwù, rǎrà àhu inga rùbho dhu ò, rádù àrà àhu kútsingá nga tó alali rǐ afíku-ònga àtdye òná kàsùmì ò.

²⁰Nyí nyàkǎ nyùni angyi kórò dhu tò dhu ní, pbànábí avò ìndrù tò angyangyi Ìlǐlǎ Andítá ò rǐ'ì dhu, ní abádhí ravò nzá rǎhu dɔya ò rò itírò.

²¹Obhó tí, i pbànábí avò ìndrù tò dhu náahù nzá ìndrù ò rò. Pbétù, Kàgàwà bhà Ìlǐlǎ Alafí ní ndi abádhí àbhu ongónà ròvò Kàgàwà itè fíyò dhu ìndrù tò.

2 Péterù 2

Ínzá dhu àkǎ kirì tìtò tó màlímó rùdhena dhu dhu

(Kas 20.29-30; 2Tì 3.1-9; Yud 3-16; Upf 2.14,15)

¹Angyí, tìtò tó pbànábí núunya i Pbàisràyélí nzínzì ǒ. Ní ndi dhu bhëyi tí, tìtò tó màlímó núunya yà i ùnya nzínzìku ǒ átò. I ale níitsuya tìtò tó nzére dhu t'údheta-tidò nà nzínzìku ǒ inzá nyí nyùni rórò, 'àdù yà i nɔwù Ádrùngbǎle Yësù nyú mà nódhò. Ndi dhu bhëyi ní ndi, abádhí nídhaya Kàgàwà rǐ tsëya ɔtdì kòmbómbí dhu itírò dɔyà.

²Ábhǒ ale núunguya abádhí-owù fíyó nzére mùtsò ǒ. Ndirò abádhí-okú dò rò, ka kowuya dhu ùnò rǒ nzére Kàgàwà bhà obhóná otu nǐ.

³Ndirò, atdíđǒ ì í ongyéngá-atdyú nóho 'àbà dhu-okú dò rò, abádhí nóowuya nyǔtra rǒ ìtsǒ ì ìtsǒ títò tó ɔte nǐ. Pbé̀tù rǒpè ndì m̀hàngú ò rò, Kàgàwà rǐ abádhí-ànyǎ ìtdì, ndàdù abádhí-tse òtdì ònà idho rǐ'ì ìkyèrǒ.

⁴Obhó tí, Kàgàwà náabà nzá izu kǎkà nzérenga nanzì m̀làyíká dǒ màtí . Pbé̀tù, kǎwà abádhí ìnzǐ aráve dhòdhódhóngà nà kàzù ò. Kǎrǐ abádhí òdò atdíđǒ ùtì mb̀i ìnǒ-yà-ba ǒ, iwà ka kusó àdrà-mb̀i dǒ rǒrò, rǒngò àmbe ànyǎya ìtdì ndì ndaraya ònà idho òdò dǒ.

⁵Kàgàwà náabà nzá izu yà angyinǎ rò nzérenga nanzì yà adzi ǒ ale dǒ màtí átò. Pbé̀tù, yà ndì ndàbhu idha rǒtù, ràwìlì nzére ale tó yàrí adzi ònà kàsùmì ǒ, kǎdò Nwà mà ngbò àrùbhù ngǔkpà ale mànà. Ndì Nwà nǐ'ì yà obhónánga tó Ídzì M̀kǔrù ǹnónà ale .

⁶Ndirò Kàgàwà náatdì Sòdòmò mà Gòmòrà nà tó kǐgò ǒ ale-ànyǎ, ndòtdì tséya kàzù nǐ . Kǎnzì ndì dhu ndínǐ ì'ì tí atdí ófò tí kóró ale yà adzi ǒ arí nzérenga ònzi tò.

⁷Pbé̀tù kǐgú obhónángatále, Lotì, yà atdíđǒ akó kǒkò nzére ale tó nzére mùtso-okú dò rò ale.

⁸Obhó tí, wò ndì obhónángatále nóongónà àdì ì nzére ale nzínzì ǒ, ndàmbe abádhí rǒnzina nzére dhu àndà dǒ, ndàdù àmbe abádhí r̀nɔna nzére dhu ìrì dǒ bìlìnganà. Ní ndì dhu ongónà àdù kà-afí ìnza atdíđǒ.

⁹Ní wò dhu rǐtèna dhu ní, Ádrùngbǎle Kàgàwà ràrǐ'ì ìnè ndìgǔ yà ndì ndóze dhu ònzi arí ale umvútá ǒ rò. Pbé̀tù, kà rǐ'ì ìnè ndòdò nzére dhu ònzi arí ale, ndínǐ ndì ndabhùya tí ràbà àpbe yà adzi ǒ ale-ànyǎ ìtdì ndì ndì ònà idho ǒ.

¹⁰Ndirò, kǐtdiya ànyǎya atdíđǒ ròsè ale ní kǎkà ngbǒya rǐ atdyúya òho nzére dhu ǒ tí aróko, 'àdù àmbe Kàgàwà bhà ádrùngbǎnga gàyà ònzi dǒ ale. Kǒkò ì títò tó m̀límó ní 'ìdzǐ arí ìtírò ale, 'òyò arí ale, ndirò ìnzǐ arí ɔdò ònzi ádrùngbǎnga tó awáwù nà arí'ì òrù-akpà ǒ ìpìrǒnga nà dhu-tsí nǐ ì í dhu ùnò nzére rò ale.

¹¹Yà abádhí nyú núdà ɔbi nǐ, 'àdù ì'ì ádrùngbǎnga tó ɔbi nà m̀làyíká mà náarí nzǐ abádhí òbhu, 'àmbe dhu ùnò dǒ nǐ nzére Ádrùngbǎle-ònzǐ.

¹²Ì títò tó m̀límó arí dhu ònzi àdhàdhì ìrì ǒ ìzǎ arí dhu ònzi ìmbǎ ìrètá na dhu bhèyi, 'àmbe dhu ùnò dǒ ìnzá ì ùnì dhu nǐ màtí. Ìrì ǒ ìzǎ núpè ka karí ràtsi àzèmbè ì álàna àdà ò, kadù òkyèna. Ní ndì dhu bhèyi tí, ì títò tó m̀límó-tse nóɔtdiya ndì tsèkè f̀iyò nzérenga nyú-okú dò rò ì ìrì ǒ ìzǎ bhèyi.

¹³Kàgàwà abhùya abádhí ràbà àpbe àdhàdhì abádhí arí ngǔkpà ale àbhù ràbà àpbe f̀oyá dhu bhèyi. Abádhí-idhè náarí ndìkǎ ìkǎ tí yà ngbǒya ònǎ rò ì í atdyúna òho nzére dhu ònzi ì í adyi-panga rò. M̀hèndù ǒ nyǐ nyí'ì atdíkpá abádhí mànà rò, abádhí-idhè arí ndìkǎ ìkǎ tí nyǔtrǎ ì í rò. Ní m̀hèndù ǒ abádhí rǐ'ì dhu náaràdù ìnze ìnzè tí r̀kú, ndì dhu ràdù nyìku àbhu r̀wù.

¹⁴Abádhí-nyìkpó arónena ale ní m̀nyòni ònzi ì í nà vèbhále kèlè, ndirò abádhí náarí nzǐ 'ìngyè nzérenga t'ónzita nǐ. Abádhí náarí kǎkà ìvìvì a'uta nà ale nídha ròtsù nzérenga t'ónzita ò. Abádhí àbhu ongyéngá òne ì í dhu ràdù af̀iya atdíđǒ. Ì ale ní iwà Kàgàwà ófù ale!

¹⁵ Abádhí úbhà obhóna tó otu, 'àdù òwu igi Balamà, Bèorì t'ídhùnà núubhì ònà otu ǎ. Ndi Balamà azè dhu ní ndòngyè malì nzére dhu ònzi ndì ndí dhu-otù ǎ.

¹⁶ Ní Kàgàwà arù kà dǎ ndì kàbhà nzérenga-okú dò rò: kàbhù kayinò, yà ìnzì aróte ìzǎ nyú ròtè ìndrù bhèyi kà tò, rìsǎ wò kà rǎpàna ndònzì ìnzà nga nǒfò dhu.

¹⁷ Kǒkò ì tìtò tó màlímó rǐ'ì àdhàdhì yà ìmbà idha arí'ì òyà idha-bhu bhèyi. Abádhí rǐ'ì àdhàdhì yà àpùpù rǒpilina àpù bhèyi. Kàgàwà óbhòlò wà ngari abádhí tò atdíđǎ úti mbìi ìnò ò.

¹⁸ Abádhí arí 'ìdzì 'àmbe ìmbà tǐya nà òte òvò dǎ ìndrù tò ǎrú tǐya nyú nà. Ndi dhu bhèyi ní ndì, abádhí arí yà iwà ì nútù nzére dhu ònzi arí ale rǎ rò ale nídha tǐya ò, ndíni ì nadù tí tdítđǎ 'àmbe yà ngbǒya rǐ atdyúya òho nzére dhu ònzi dǎ.

¹⁹ Abádhí arí làkà òkò ngǔkpà ale tò 'àti, ì ale rǎròko dǒyá ìtírò, tàmànyà pbánì ì nyú ìtírò ní ìndrù àbhǔ arí rìnza ì dhu tó ìnò rórò. Obhó tí, atdí dhu náapè ìndrù àgye, ní ndì ale ní wò ndì ndì nágyè dhu bhà ìnò.

²⁰ Obhó tí, atdídená ale núbhà wà yà adzi ǎ nzére dhu t'ónzita, Yèsù Krístò ì úni fǐyò Ádrùngbǎle tí ndirò Ògùba tí dhu-otù ǎ. Pbétù, abádhí apé 'àdù ì nzére dhu ò tdítđǎ, ì dhu ràdù 'àgyè, ní abádhí tó ófò ràdù ì'ì nzére nyú ròsè angyi abádhí arí'ì nà ófò dònà.

²¹ Abádhí úni wà obhónánga tó otu, pbétù abádhí ádù yà fǐyò ka kavò Kàgàwà bhà ìlǐlǎ Úyátá núbhà ìnzì 'ìfu. Ní ndì dhu bhèyi kí'ina rò, dhu akána ìnzì abádhí rùnì ndì obhónánga tó otu.

²² Wò ndì abádhí tó ófò náko wà ndì kǎkà mbàyi ǎ ka kòvò dhu nà kpanya. Ì mbàyi ràtina: «Ìtsè nádu wà ndì, ndònyù yà ndì ndàdyò ònà rò dhu tdítđǎ .» Ndirò: «Ìwà ndì nù'ò mbèyi àdù-íyà-ba nángbò wà ndì tdítđǎ, ndàmbe ndàhà dǎ ǎtdǎ ǎ.»

2 Péterù 3

Ìngo Ádrùngbǎle Yèsù níngoya dhu

(Ìsa 51.6; 65.17; Màt 24.37-38; Luk 21.34-36; 1Te` 5.1-10; 2Te` 1.7-10; Yud 17-19; Upf 20.11; 21.1)

¹ Yà atdíđǎ ma mǒzè nyǐ rò ǎdhídù, yàrì ní ǎyò rí kìsè bhàrwà yà ma màndì fǔkù. Kǒkò ǎyò ma màndì fǔkù bhàrwà ǎ, ma mǒzè misè fǔkù dhu ní iwà nyǐ nyúni dhu, ndíni nyǐ nabhù tí nyǐrè ì dhu tdítđǎ àkǎkǎ dhu bhèyi.

² Ma mòzè nyǐrè yà angyangyi ìlǐlǎ pbànábì núuno òte mà, Ádrùngbǎle, Ògùba Yèsù Krístò bhà Úyátá, yà kàbhà uvitatále núudhè fǔkù mànà.

³ Ròsè kórò dhu dònà, nyǐ nyàkǎ nyúni dhu ní, kàrí idhò, yà yà adzi ǎ dhu-tsù rǐ ndàpà ndòdì ndì òyá ǎ rǐ'ì ale rǎrǐ afíya òzè dhu bhèyi tí ì nòzè 'òkò ale. Abádhí nóowuna nyǐgbò rǎ,

⁴ 'àmbe àtìnà dǎ: «Yèsù akò làkà ndàti, ìngo ndì rǎrǐ ìngo! Ní kòmbì kà rǐ'ì ngbòró? Obhó tí, ròpè ndì yà àlè t'ábhúna núuvèna rò , kórò dhu náarí'ì ìnè àdhàdhì yà Kàgàwà abhòlòna yà adzi rò ì ì'ì dhu bhèyi tí!»

⁵Wò dhu ùno ì í rò, abádhí ònă rò arana àdzo rǒ dhu ní: mùhàngú ò rò, Kàgàwà rabhòlò òrù-akpà mà yà adzi mànà òtēna nǐ, ndirò kà rabhòlò yà adzi ràhu idha ò rò, ndàdù adzi-kpa mà-ǎnga núnđò idha mànà.

⁶Ndirò ndi ɔte-ɔbi nǐ tí, yà angyi i'ì adzi nínza ní òtòtù, rùpìlì ndi idha .

⁷Ní, wò ndi ɔte-ɔbi nǐ tí, Kàgàwà úli wà yà kòmbí rí'ì òrù-akpà mà adzi mànà tsēna tí, ndínǐ ndi ndubìya tí kàzu ò. Kǎrí abádhí òdo wò ndi ìndrù-ànyă ndi ndunoyà, ndàdù nzérenatále-tsè òtdì ònà idho tò.

⁸Pbétù, yà atdíđǒ ma mǒzè nyǐ rò ɔdhídù, atdí dhu rǐ'ì inè yà inzà àkă ndàdzo ùkună rò. Ndi dhu ní: Ádrùngbăle Kàgàwà-nyìkpó ǒ, atdí idho rǐ'ì àdhàdhì atdí lufù ato bhëyi, ndirò atdí lufù ato rǐ'ì àdhàdhì atdí idho bhëyi .

⁹Ádrùngbăle nàdzo nzà yà ndi ndakò pbìndà làkà nábhù ndi ndi rākă dhu rǒ rò, àdhàdhì yà atdídhena ale náarírēna dhu bhëyi. Obhó tí, kǎrí dziku òndù, inzà ndi ndózè atdí ale mà ràwǐ, pbétù ndi ndózè kóró ale rùgèrè ì 'ùbhà fíyó nzérenga nídhunǐ.

¹⁰Ádrùngbăle bhà idho nísiya àdhàdhì ogbotále rǐrà ònà idho náarí ìsǐ inzà ka kùnì rórò dhu bhëyi. Ndi nínganí, òrù-akpà náawíya gírítina rǐva rórò. Ndirò, yà Kàgàwà abhòlò kóró dhu-tsí, yà inga àwù arí òrù-akpà-nyì-rǒ dhu-tsí, nídhoya ì kóró kàzu-fó. Yà adzi, ònà arí'ì kóró dhu-tsí mànà núuwíya kóró átò.

¹¹Nírò, wò dhu bhëyi kóró dhu níinzaya ì rò, nyǐ nyākă nyòkò ìlǐlă ófò ǒ Kàgàwà-nyìkpó ǒ, nyădù afiku àpba kǒzè dhu ònzi nyǐ nyí dhu rǒ.

¹²Nyǐ nyākă nyòkò ndi dhu bhëyi yà Kàgàwà bhà idho òdo nyǐ nyí atdyúku nyú nà rākă tsākàtsākà ònà kàsùmì ǒ. Ndi idho ǒ, Kàgàwà ubìya òrù-akpà kàzu nǐ, yà òrù-akpà-nyì rǒ arí inga àwù dhu ràdù 'ìdhò ndi kàzu bhà igbétá nǐ.

¹³Àdhàdhì yà Kàgàwà akò làkà-bvu rǒ, àlě kódoona dhu ní òrù-akpà-ɔwútá mà, adzi-ɔwútá mànà rǐvò dhu. Ndi òrù-akpà-ɔwútá mà adzi-ɔwútá mànà ǒ róko ale rǒngo ònzìnà dhu ní obhónánga tó dhu kèlě.

¹⁴Yà atdíđǒ ma mǒzè nyǐ rò ɔdhídù, wò ndi idho òdo nyǐ nyí ònană, nyǐ nyākă nyòkò màrùngà ǒ Kàgàwà nà. Nyǐ nyākă nyònzì ɔbi nyòkò ìlă nyǐ nyǐlă kà-nyìkpó ǒ rórò, ndirò ìmbă nzére dhu tí ka kádù òzùnà atdí dhu mà rǐ'ì nyukutsì rórò.

¹⁵Nyǐ nyākă nyǐni dhu ní, yà àlě tó Ádrùngbăle rǎdi ìnzǐ ndàmbe ingo dǒ dhu rǎrǐ ndi otu nùbhà fùkú ndínǐ nyǐ nyugù tí. Ndi dhu rǐ'ì àdhàdhì yà àlě t'ádònà ndirò àlě t'òdhìnà Pòlò ándí fùkù yà Kàgàwà ábhu fǐndà dhu-ǎnga t'òvòta tó irèta-bvu rǒ dhu bhëyi.

¹⁶Kóró pbìndà bhàruwà ùndí ndi ndi rò, kǎrí ɔte ì dhu dǒ. Pbétù ì bhàruwà ò, ngǔkpà dhu rǐ ale-do àlǔ dhu náarí'ì ɔbi tí. Ní kākà inzà nga núni, ndirò ìnzǐ 'àdù ò'ò afíya ònă rò ale, náarádù ì dhu-tì ùle ávaya dò, àdhàdhì ì arí Ìlǐlă Andítá ò ngǔkpà dhu-tì ùlě dhu bhëyi. Wò dhu bhëyi ì í dhu ònzi rò, abádhí arí 'ìnză ìtírò.

¹⁷Nírò nyǐ, yà atdíđǒ ma mǒzè nyǐ rò ɔdhídù, kònzǐ ma mòvò wà dhu angyangyi fùkù. Ní nyǐ nyākă nyòdò nyǐ mbëyi, akye nyǐ nyowuna kòkò nzére ale tó nzérenga àbhu rùwǐ nyǐ, ìnzǐ nyădù ìko pòtsó fùkù a'uta ǒ nǐ.

¹⁸Pbétù nyǐ nyàkǎ nyǎmbe ò'ò dǎ ídzìngǎ ǎ, ndirò àlě tó Ádrùngbǎle, Ògùba Yěsù Krístò ùnǐ nyǐ nyí mběyi nyú dhu màná dhu ǎ. Ilèta àkǎ àlě ràbhù kà tò ròpè ndì kòmbí, ndirò dhòdhóhónganà! Àmìnà.

1 Yùwanì

1 Yùwanì 1

Ípìrǒngà tó Ɖte

(Yùw 1.1-14; 1Yù 5.11-13)

¹Ma mí yà dhu náandí fùkù, Ípìrǒngà tó Ɖte-okú dò rò. Ndi Ɖte ní'ì inè kóró dhu-tsí rǐ 'òpè rò. Ndi Ɖte mã miri ngǔkpà ɔdhídu uvitatále mànà, mǎdù àlanà nyìkpóka nyú nǐ. Ndirò mã mandà ka, mǎdù ngbǒna ùlu ɔtsúka nyú nǐ.

²Obhó tí, ndi Ípìrǒngà náavì ndi ìndrù tò, mǎdù àlanà. Ní ndi dhu-okú dò rò, mã ní ndi dhu tó ngàmbì, ndirò mã mí dhòdhódhóngà tó Ípìrǒngà, yà Àba Kàgàwà-tí'ò i'ì òvo fùkù. Ndi Ípìrǒngà ní ndi yà ndi nitè fàkà.

³Ní wò mã mala, mǎdù ìrinà dhu òvo mã mí átò fùkù, ndíní àlě kungbò tí àlě atdíkpá nyí mànà. Wò ndi àlě tó ungbòta rǐ àlě àbhù àlě rǐ'ì atdíkpá Àba Kàgàwà mà Idhùna Yèsù Krístò mànà.

⁴Ní, mã mí wò dhu àndí fùkù ndíní àlě tó dhèdhe náaká tí bhùna ǒ.

Kàgàwà ní Awáwù dhu

(Zàb 32.1-5; Mbà 28.13; É`fè 5.8-14; Tit 2.14)

⁵Kàní yà Yèsù Krístò-tsù mã miri dhu. Ndi dhu ní ndi yà mã móvona fùkù. Kǎti: «Kàgàwà ní awáwù. Ní inò arí'ì mbǎ akekpa mǎtí kà-nyutsi.»

⁶Àlě kapé àtina iwà àlě rùngbò àlě Kàgàwà mànà, àlě ràdù i'ì inè inò ǒ àlě kúbhi ró, ní àlě ní tìtòtále, ndirò àlě kónzina dhu ní nzi obhóngà.

⁷Pbétù, àlě kapé àmbe ùbhi dǒ awáwù ǒ, àdhàdhi Kàgàwà narí awáwù ǒ arádi ale dhu bhèyi, ní àlě kùngbò wà àlě àlě nzínzi ǒ. Ndirò ndi Kàgàwà t'Ídhùna, Yèsù-azù nú'ò wà àlě kóró àlě tó nzérenga ǒ rò, àlě rilǎ Kàgàwà-nyìkpó ǒ.

⁸Àlě kapé àtina ìmbǎ àlě ràrǐ'ì nzérenga nà, ní àlě kùtrǎ wà àlě àlětírò, ndirò obhóngà rǐ'ì mbǎ àlě-nyutsi.

⁹Àlě kapé àlě tó nzérenga òvo kpangba Kàgàwà-ònzí, ní kà ràdù àlě tó nzérenga núbà, ndàdù àlě ù'ò àlě rilǎ nyìkpóna ǒ. Obhó tí, àbadhi ní yà ndi ndùnò dhu nífù arí ale, ndirò ka ní Obhónángatále.

¹⁰Àlě kapé àtina inzà àlě rònzi nzérenga, ní àlě kòzù wà Kàgàwà tìtò-ba tí, ndirò kàbhà ɔte rǐ'ì ìmbǎ àlě-afí ò.

1 Yùwanì 2

Yèsù ní ndi àlě dǒ arí ndùgye àvùkǎ dhu

(Yùw 13.34-35; 14.21-24; 15.12-14)

¹Pbànǐnzó, ma màndí yà dhu fùkù ìnzí nyí nyonzi tí nzérenga. Pbétù, atdí ale mã náapè nzérenga ònzí, ní àlě kí'ì inè àlě dǒ rí ndùgye àvùkǎ nà, Àba Kàgàwà-tí'ò. Ndi ale ní Yèsù Krístò, Obhónángatále.

²Ndirò, àbadhi abhù ndì ndìtírò, ndòvè perè tí, ndínì Kàgàwà ubà tí àlě tó nzérennga. Kävè nzá àlě tó nzérennga-okú dò rò tí, pbétù kävè yà adzi ǒ kóró ale tó nzérennga-okú dò rò átò.

³Àlě kapé Kàgàwà bhà Uyátá nífũ, ní àlě kùni wà Kàgàwà.

⁴Atdí ale náapè àtina: «Iwà ma múni Kàgàwà», pbétù ìnzì ndàdù kàbhà Uyátá nífu, ní ndi ale ní tìtò-ba. Ndirò obhóngà rǐ'ì mbă kà-nyutsì.

⁵Pbétù, Kàgàwà bhà Ote nódò arí mběyi afína ò ale ní ndi Kàgàwà nózè àkākă dhu bhěyi ale. Wòrí ní ndi àlě kádù Kàgàwà mànà àlě kùngbò àlě dhu ùni róná dhu.

⁶Ndi ale náapè àtina iwà ì rúngbò ì Kàgàwà nà, ní ndi ale àkă ndùbhi yà Yèsù ubhì dhu bhěyi.

Uyátá ɔwútá

(Màt 6.24; Ròm 12.2; Yàk 4.4)

⁷Odhídù, yà atdídǒ ma mózè nyǐ rò, yà ma mándina fùkù uyátá ní nzǐ uyátá-ɔwútá. Pbétù, ma mándina fùkù dhu ní uyátá-ayí. Ka ní yà dóna-kpa ò rò nyǐ nyabà, ndirò yà iwà nyǐ nyiri Kàgàwà bhà ote.

⁸Ngătsi otu ǒ, yà ma mándina uyátá rǐ'ì àdhàdhi uyátá-ɔwútá bhěyi. Ndi uyátá tó obhóngà návi ndi Yèsù Krístò-nyutsì, ndirò nyukutsì mâtí átò. Obhó tí, kòmbí ìnò rǐ'ì ùda ndi ndúda ró, awáwù nyú ràdù ndòpè ndàwù nga.

⁹Atdí ale náapè ndàti awáwù ǒ ndi ndi'ì dhu tí, pbétù ndàdù ì'ì ìnè ɔdhìnà ndi ndóndrò ró, ní ndi ale rǐ'ì ìnè ìnò ǒ kòmbí mâtí.

¹⁰Odhìnà nòzè ale rǐ'ì awáwù ǒ, ndirò ìndrù àbhù rí ròtsù nzérennga ò dhu rǐ'ì ìmbă kà-nyutsì.

¹¹Pbétù, ɔdhìnà nòndrò ale rǐ'ì ìnò ǒ. Kărúbhi ìnò ǒ, ndirò kùni nzá àdhà mâtí ndi ndàrà dhu, ìnò ìti kà-nyingà dhu-okú dò rò.

¹²Pbànǐnzó, ma mí dhu àndí fùkù, Kàgàwà ubà wà fùkú nzérennga Yèsù-ɔvò-okú dò rò nídhunǐ.

¹³Abádù, ma mí dhu àndí fùkù, iwà nyǐ nyúni yà ìnè ì'ì dóna-kpa ò rò kóró dhu-tsí rǐ 'òpè rò ale dhu-okú dò rò. Zàdhă, ma mí dhu àndí fùkù, iwà nyǐ nyónzì wò Nzére-ale-akpà lèmə nídhunǐ.

¹⁴Pbànǐnzó, ma mí dhu àndí fùkù, iwà nyǐ nyúni Àba Kàgàwà dhu-okú dò rò. Abádù, ma mí dhu àndí fùkù, iwà nyǐ nyúni yà ìnè ì'ì dóna-kpa ò rò kóró dhu rǐ 'òpè rò ale dhu-okú dò rò. Zàdhă, ma mí dhu àndí fùkù, ɔbi nà nyǐ nyí'ì dhu-okú dò rò: Kàgàwà bhà ote rǐ'ì afiku ò, nyădù Nzére-ale-akpà lèmə nónzì.

¹⁵Nírò, àpé nyòzè yà adzi, ndirò àpé nyòzè kà ǒ rí'ì dhu-tsí. Ndi ale náapè yà adzi òzè, ní ndi ale nózè nzá Àba Kàgàwà.

¹⁶Obhó tí, yà adzi ǒ rí'ì kóró dhu-tsí núvò nzá Àba Kàgàwà bhà rò, pbétù ì dhu-tsí núvò yà adzi ǒ rò. I dhu-tsí ní, ale-ngbò òzè dhu-atdyú òho ka kí atdíǒ dhu, àlě ka kàla dhu-atdyú òho ka kí kabà dhu, ndirò ongyéngá-okú dò rò ka kí ale òyò dhu.

¹⁷Yà adzi mà, ònà kóró dhu-tsí yà ìndrù arí atdyúya òho mànà rǔda ùda. Pbétù, Kàgàwà òzè dhu ònzi arí ale náarádi dhòdhóhónganà.

Nyòdo nyí Krístò bhà òmvù rǒ rò

(Yùw 1.12-13; 16.13-15; Ròm 8.14-19; 1Yù 4.1-6; 5.18)

¹⁸Pbànǎnzó, yà adzi ǒ dhu-tsù rǐ ndòdì ònà idhò níndù wà ndì. Nyí nyiri wà dhu, Krístò bhà òmvù rǎrǐ'ì ìrà ndì ndírà ró. Ní kòní Krístò bhà òmvù núnyà wà ì abhò nyú kòmbí. Ní àlě kùni wà dhu, kàrí idhò rǎrǐ yà adzi ǒ dhu-tsù nyú rǐ ndòdì òyá idhò.

¹⁹Kǒkò ì ale núvò àlě nzínzi ǒ rò tí, pbétù abádhí ní'ì nzǐ àlě t'ódhína nyú. Obhó tí, abádhí ní'iyana gukyè àlě t'ódhína nyú tí, ní abádhí ókòyana atdíkpá àlě mànà. Abádhí úbhà àlě, ndíní dhu nitè tí kpanjanga ìnzǐ rǎrǐ ì àlě nzínzi ǒ ale.

²⁰Pbétù nyí, nyí nyábà wà Krístò ábhù fǔkù Kàgàwà bhà Ìlǎ-Alafí. Ní nyí kóró, nyí nyèni wà obhónga.

²¹Ma màndí nzá dhu fǔkù ìnzá nyí nyèni obhónga dhu-okú dò rò. Pbétù ma màndí dhu fǔkù, iwà nyí nyèni obhónga dhu-okú dò rò. Ndirò nyí nyèni wà dhu, ìnzǐ tìtò tó atdí dhu mà rǎràdù àhu obhónga ò rò.

²²Tìtò-ba ní àdhi? Tìtò-ba ní yà Yèsù àgò arí ndàtì ìnzǐ ní Krístò tí ale. Kòní ndì ale ní ndì Krístò bhà òmvù. Kǎrí Àba Kàgàwà mà, Idhùnà Yèsù mànà nágò.

²³Obhó tí, Kàgàwà t'Ídhùnà nása rí ìngbàtí ìli ndì ale mà, nása wà Àba Kàgàwà átò. Ndirò, ndì Kàgàwà t'Ídhùnà nà'ù ale, ná'ù wà Àba Kàgàwà átò.

²⁴Nírò, yà dóna-kpa ò rò nyí nyiri òte náká ndàdì afíkù ò. Wò ndì dóna-kpa ò rò nyí nyiri òte náapé àdì afíkù ò, ní nyí átò nyí nyóko òko Àba Kàgàwà mà, Idhùnà Yèsù mànà ò.

²⁵Ndirò, kǎní àlě tò Krístò akò làká: ndì làká ní dhòdhóhóngà tó ípìrǒngà.

²⁶Ma màndí wò dhu fǔkù kǒkò nyí nózè 'ùtrá ale-okú dò rò.

²⁷Pbétù nyí, yà Krístò irá nyí nǐ Ìlǎ-Alafí rǐ'ì ìnè ùkù. Ní ndì dhu-okú dò rò, nyí nyí'ì mbá ùdhě tí ka kí dhu ùdhě fǔkù dhu-atdyú nà. Obhó tí, Kàgàwà bhà Ìlǎ-Alafí arí kóró dhu ùdhě fǔkù. Ní wò kǎrúdhěna fǔkù dhu ní obhó dhu, ìnzǐ ní tìtò. Ní, dhu àkǎ nyòkò Krístò mànà nyí nyúngbò nyí rórò, àdhàdhì Ìlǎ-Alafí núdhe ka fǔkù dhu bhěyi.

²⁸Ní kòmbí pbànǎnzó, dhu àkǎ nyòkò Krístò mànà nyí nyúngbò nyí rórò, ndíní Kà rǐtsi ìngo nínganí, àlě kí'iya tí mànzì nà, ndirò ìnzǐ àlě-nyí adùya tí iwu Kǒnzì-tsu ǒ.

²⁹Nyí nyapé dhu ùní Krístò rǎrǐ obhónángatále, ní nyí nyákǎ nyèni dhu ní, obhónanga ònzi arí ìngbàtí ìli ndì ale mà ní rǎrǐ Kàgàwà bhà ìngba.

1 Yùwanì 3

Kàgàwà bhà inzo

¹Ìgyò! Nyàndà pé ìngbà dhu bvùtí àzè nǐ mǎtí Àba Kàgàwà náazè àlě dhu. Kàrǐ àlě ànzì pbìndà inzo tí. Nǐ àlě nǐ obhó tí, kà bhà inzo. Wò dhu-okú dò rò, yàrǐ adzì núnì nzá àlě, inzà kǔnì Kàgàwà nǐdhunǐ.

²Ɔdhídù, yà atdí dǒ ma mózè nyǐ rò, kòmbí àlě nǐ Kàgàwà bhà inzo. Ndirò olùnǎ rò àlě kǐ'iyà tí dhu nǎpè nzá ndàvǐ kpangba. Pbetù, àlě kúnì dhu nǐ, Krístò rǐtsi ìngo nínganǐ, àlě kuliya àlě kà bhěyi, àlě kalaya ka yà ka nyú arǐ'ì dhu bhěyi nǐdhunǐ.

³Nǐ, Krístò ndì ndalaya dhu nà'ù ale, nǎkǎ ndù'o ndì nditírò ndìlǎ Kàgàwà-nyìkpó ǒ, àdhàdhì Krístò ìlǎ kà-nyìkpó ǒ dhu bhěyi.

⁴Ìndrǔ náapè nzérenge ònzì, nǐ ndì ale nífu nzá Kàgàwà bhà Ɔyátá. Obhó tí, nzérenge nǐ inzǐ ka kǐ Kàgàwà bhà Ɔyátá nífǔ dhu.

⁵Nǐ nyǐ nyùnì wà dhu, Yèsù Krístò rira ndínǐ ndì ndu'o tí ìndrǔ tó nzérenge. Ndirò, kà-nyutsì nzérenge rǐ'ì mbǎ akèkpá mǎtí.

⁶Yèsù ò rádi ìngbàtí ìlǐ ndì ale mà, náarǐ nzǐ nzérenge ònzì. Pbetù ìngbàtí ìlǐ ndì ale mà náapè àmbe nzérenge ònzì dǒ, nǐ ndì dhu ìtè dhu nǐ, ndì ale rǎla nzá Yèsù, ndirò kà rúnì nzá ka.

⁷Pbànǐnzó, àpè nyàbhu atdí ale mà rùtrǎ nyǐ. Obhónánga ònzì arǐ ale nǐ ndì nyú tíró obhónángatále, àdhàdhì Yèsù Krístò nǐ obhónángatále dhu bhěyi.

⁸Nzérenge ònzì arǐ ale nǐ Pfòmvo bhà ale, ndì Pfòmvo náapè ndònzì nzérenge dóna-kpa ò rò kóró dhu-tsí rǐ 'òpè òná kàsùmì ǒ dhu-okú dò rò. Nǐ Kàgàwà t'Ídhùnà níira ndínǐ ndì ndugolo tí pfòmvo bhà kasu.

⁹Ìngbàtí ìlǐ ndì ale mà Kàgàwà bhà ìngba tí rǐ'ì, nǐ rǐ nzǐ nzérenge ònzì, Kàgàwà bhà ɔte rǐ'ì kà-afí ò itse bhěyi nǐdhunǐ. Ndirò, ndì ale rǐ nzǐ àdù àmbe nzérenge ònzì dǒ, Kàgàwà bhà ìngba tí ndì ndí'ì nǐdhunǐ.

¹⁰Yà dhu bhěyi nǐ ndì ka kádù Kàgàwà bhà inzo mà Pfòmvo bhà inzo mànà núnì: ìngbàtí ìlǐ ndì ale mà, inzǐ arǐ obhónánga ònzì, ndirò ngǎtsi nǐ inzà ɔdhìná nózè, nǐ nzǐ Kàgàwà bhà ìngba.

Dhu àkǎ ìndrǔ ròzè ì nzínzìya ǒ dhu

(Yùw 15.12-21; 1Yù 4.7-8,16-21)

¹¹Obhó tí, kònzǐ yà dóna-kpa ò rò nyǐ nyírì ɔte: dhu àkǎ àlě ròzè àlě àlě nzínzì ǒ.

¹²Dhu àkǎ nzá àlě rònzì dhu Kàyinà bhěyi, ka nǐ'ì Nzére-ale-akpá bhà ale, ndirò kǎhò adòná. Ádhu kǎhò ka okúna dò rò? Kǎhò ka okúna dò rò dhu nǐ, kàbhà kasu ní'ì nzére, pbetù kà t'ádòná bhà tsí ràdù ì'ì mběyi.

¹³Adódù, àpè nyàbhu idho rùko nyǐ yà adzì ǒ ale rǐ nyǒndrò rò.

¹⁴Àlě nyú àlě kúnì wà dhu iwà àlě rùvò ɔve ò rò, àlě rùdà ípìrǒnga ò, àlě t'ádóna àlě kózè nǐdhunǐ. Obhó tí, inzà ɔdhìna nózè ale nádì àdì ɔve ǒ.

¹⁵ Adònà nóndrò ìngbàtí ílì ndì ale mà ní abvo òkye arí ale. Ndirò nyí nyàni wà dhu, abvo òkye arí ìngbàtí ílì ndì ale mà, ní ràr'ì mbà dhòdhódhóngà tó ípìrǒngà nà nyunatsi.

¹⁶ Yàrí ní ndì àlě kùni àzè róná otu: Yèsù Krístò adzi pbìndà ípìrǒngà àlě-okú dò rò. Ní àlě mà átò, àlě kàkǎ àlě ràdzi àlě tó ípìrǒngà àlě t'ádóna-okú dò rò.

¹⁷ Ìngbàtí ílì ndì ale mà náapè ì'ì yà adzi ò ongyéngá nà, ndàdù adònà nála mùhetù ò rí'ì ró, pbétù ndàdù òtsúna ùtsì ìnzì ndònzì ndì òdhìna dzùna, ní ndì ale ràdù àtìna ìngbà dhu bhèyi, iwà ndì rózè Kàgàwà?

¹⁸ Pban'inzó, àpé kí'ì àzè nà àlě-òtè ò tí, ndirò àlě-idà dǒ tí. Pbétù, àlě kàkǎ àlě rìtè àzè àlě kàsù ò, ndirò obhóngà dǒ.

Kàgàwà-nyutsi ka kóko dhu nùni ka kádù róná dhu

¹⁹ Wò dhu-otù ò ní ndì, àlě kádù obhóngatále tí àlě kí'ì dhu nùni, ndirò àlě-afí ràdù ndòpè Kàgàwà-ònzì.

²⁰ Obhó tí, àlě-afí apé àlě òbhù, ní àlě kùni wà dhu Kàgàwà bhà Ádrùngbànga ròsè wà àlě-afí tó ádrùngbànga dónǎ, ndirò kà rùni wà kóró dhu.

²¹ Òdhídù, yà atdíðǒ ma mózè nyí rò, ìnzì àlě-afí náapè àlě òbhù, ní àlě kí mbà àdù ì'ì òdo nà Kàgàwà-ònzì.

²² Ndirò, ìngbàtí ílì ndì dhu mà kà-fó àlě kònzì, nábà àlě kádù àbà, kàbhà uyátá àlě kífù, àlě ràdù kà-nyìkpó nòfò dhu ònzì dhu-okú dò rò.

²³ Ndirò, kànì kàbhà uyátá: Dhu àkǎ àlě rà'ù kà t'Ídhùnà Yèsù Krístò-òvò, àlě ràdù àlě òzè àlě nzínzì ò, àdhàdhì ndì Krístò nùuyá ka àlě tó dhu bhèyi.

²⁴ Kàgàwà bhà Uyátá nífù rí ale ní r'ì Kàgàwà-nyutsi, ndirò Kàgàwà r'ì ndì ale-nyutsi átò. Ndirò, kànì àlě kádù Kàgàwà r'ì àlě-nyutsi dhu ùni róná dhu: kìbho pbìndà Ìlǎ-Alafí àlě tó.

1 Yùwanì 4

Kàgàwà bhà Alafí mà Krístò bhà òmvù bhà ale-afí mà nà nùni ka kádù róná dhu

(Tò `r 13.1-4; Yùw 2.18-25; 2Yù 7-11)

¹ Òdhídù, yà atdíðǒ ma mózè nyí rò, nyí nyàkǎ nzá nyá'ù Kàgàwà bhà Alafí r'ì nyunatsi dhu tí rí ndàtì ìngbàtí ílì ndì ale mà rùnona dhu. Pbétù, dhu àkǎ pé nyàndà ì ale rùnona dhu-òngà mbèyi, ndínì nyí nyuni tí ìnè Kàgàwà bhà Alafí r'ì abádhí-nyutsi dhu. Obhó tí, tìtò tó pbanábí nùnyà wà ì ibí nyú yà adzi ò.

² Ní, kànì nyí nyádù Kàgàwà bhà Ìlǎ-Alafí nùni róná dhu: Ìngbàtí ílì ndì ale yà kprangba rí dhu òvo, ndàtì Yèsù Krístò rírá yà adzi ò ale-ngbò tó ófò ò, ní Kàgàwà bhà Alafí r'ì nyunatsi ale.

³ Ìngbàtí ìlì ndì ale mà yà inzà Yèsù núnì, rí'ì mbà Kàgàwà bhà Alafí nà nyunatsì, pbétù kà-nyutsì rí'ì ní Krístò bhà òmvù bhà ale-afí. Nyí nyírì dhu Krístò bhà òmvù ràrì ìrà. Ní kòní, kòmbí kìrà wà àhù yà adzi dǒ.

⁴ Pbanínzó, nyí ní Kàgàwà bhà ale, ndirò nyí nyónzì wà tìtò tó pbanábí lè mà. Obhó tí, nyukutsì rí'ì Kàgàwà bhà Alafí bhà ádrùngbànga tó òbì nòsè wà yà adzi ǒ rí'ì Krístò bhà òmvù bhà ádrùngbànga tó òbì dònǎ.

⁵ Tìtò tó pbanábí ní yà adzi ǒ ale. Abádhí náaróte yà adzi ǒ ale bhěyi, yà adzi ǒ ale ràdù tsùyá dhu ìrì.

⁶ Pbetù àlě nyú, àlě ní Kàgàwà bhà ale. Ní, iwà Kàgàwà núnì ale rí àlě-tsù dhu ìrì ìrì. Ndirò, ìnzì ní Kàgàwà bhà ale rí nzì àlě-tsù dhu ìrì. Wò dhu rǒ ní ndì, àlě kádù obhóngà tó Alafí mà, tìtò tó ale-afí mà núnì nǎ.

Kàgàwà itè pbindà àzè ìndrù tò tí dhu

(Yùw 3.16-17; Róm 5.5-8; 1Yù 3.11-24)

⁷ Odhídù, yà atdí dǒ ma mózè nyí rò, kòzè àlě àlě nzínzì ǒ, àzè ní Kàgàwà bhà dhu nídhunì. Ndirò, ìngbàtí ìlì ndì ale mà, yà ìndrù nózè ní Kàgàwà bhà ìngba, ndirò kùnì wà Kàgàwà.

⁸ Inzá ìndrù nózè ale núnì nzà Kàgàwà, Kàgàwà ní àzètále nídhunì.

⁹ Kànì Kàgàwà nítè pbindà àzè àlě tò tí dhu: kivi atdí tí arí'ì Idhùnà rìrà yà adzi ǒ, ndínì àlě kabá tí ípìrǒngà otùna ǒ.

¹⁰ Yàrí ní ndì àzè tí ka kátina dhu: ìnzì ní àlě'ì ndì àlě kazè Kàgàwà wemberè tí, pbétù, ka ní ndì àlě nazè. Kivi Idhùnà rìrà òvè perè tí àlě-okú dò rò, ndínì ndì ndubà tí àlě tó nzérenga otùna ǒ.

¹¹ Odhídù yà atdí dǒ ma mózè nyí rò, dhu apé ì'ì wò dhu bhěyi Kàgàwà náazè àlě dhu tí, ní dhu àkǎ àlě ròzè àlě átò àlě nzínzì ǒ.

¹² Atdí ale mà nápè nzà Kàgàwà-nyìkpa àlǎ. Pbetù, àlě kapé àlě òzè àlě nzínzì ǒ, ní Kàgàwà rí'ì ìnè àlě-nyutsì, ndirò àlě Kòzè nǎ àzè návi wà ndì àkákǎ dhu bhěyi àlě-nyutsì.

¹³ Kànì àlě kádù Kàgàwà-nyutsì àlě kòkò dhu, ndirò Kàgàwà rí'ì àlě-nyutsì dhu núnì róná dhu: Kìbhò pbindà Hìlǎ-Alafí àlě tò.

¹⁴ Ndirò àlě nyú àlě kála wà dhu, àlě ràdù ì'ì fìndá ngàmbì tí: Àba Kàgàwà ívì Idhùnà rìrà yà adzi ǒ ale tó Ògùba tí.

¹⁵ Ndi ale apé Yèsù ùnì Kàgàwà t'Ìdhùnà tí, ní Kàgàwà rí'ì ìnè ndì ale-nyutsì, ndirò ndì ale rí'ì ìnè Kàgàwà-nyutsì.

¹⁶ Ndirò, àlě nyú àlě kùnì wà, ndirò àlě kà'ù wà Kàgàwà ózè àlě dhu. Kàgàwà ní àzètále. Àzè nà arí'ì ale rí'ì Kàgàwà-nyutsì, ndirò Kàgàwà rí'ì ndì ale-nyutsì.

¹⁷Kàgàwà àlě kózè atdíđ dhu ìtè rí dhu ní, Kàgàwà rí ìndrũ-ànyă ìtdì nínganí, àlě kí'iyá ìmbă ɔdɔ nà, àlě tó ípìrǒngá yà adzi ǒ nófò ndì Yěsù í'ì nà yà adzi dǒ ípìrǒngá nà nídhunǐ.

¹⁸Àzè nà ale ò ɔdɔ arí'ì ìmbă. Ndirò, àkăkă àzè náarí ɔdɔ ìtɔ ale-afí ò rò. Obhó tí, anya ɔdɔ rí dóná ka kɔtdí tí ale, náarí ɔdɔ ònzi. Ndirò, ɔdɔ ònzi rí ale-afí ò àzè nápè nzá àkă bhùnà ǒ.

¹⁹Ní, àlě nyú àlě kí'ì àzè nà Kàgàwà náazè àlě'ì wemberè tí dhu-okú dò rò.

²⁰Atdí ale mà náapé àtina: «Ma mózè Kàgàwà», ndàdù adòná nónđrò, ní ndì ale ní tìtò-ba. Obhó tí, ìnzá yà nyìkpóna nyú ǒ ndì ndálàna adòná nózè ale rí nzí àdù yà ìnzí ndì ndálàna Kàgàwà nózè.

²¹Ndirò, yàrí ní ndì Krístò ubhà àlě tò uyátá: «Kàgàwà nòzè ale náká wà ndòzè adòná átò.»

1 Yùwanì 5

A'uta ní ndì yà adzi lè mà ònzì ka kádù òná otu

(Yùw 1.29-34; 3.36; 20.31; 2Yù 5-6)

¹Ìngbàtí ìlì ndì ale mà, Yěsù ná'ù Krístò tí, ní Kàgàwà bhà ìngba. Ndirò, ìngbàtí ìlì ndì ale mà, inzo t'ábanà nózè, nózè wà kà bhà inzo átò.

²Kànǐ àlě kádù Kàgàwà bhà inzo àlě kózè dhu núnì róná dhu. I dhu ní: Kàgàwà òzè àlě kí dhu mà, Kàbhà Uyátá nífũ àlě kí dhu mà.

³Obhó tí, kànǐ Kàgàwà ka kòzè dhu ìtè rí dhu. Ndi dhu ní: Kàbhà Uyátá ifũ ka kí dhu. Ndirò, i Kàbhà Uyátá rí'ì mbă ìtũ,

⁴Kàgàwà bhà inzo kóró nónzì wà yà adzi lè mà dhu-okú dò rò. Ndirò, kànǐ àlě kádù yà adzi lè mà nónzì òná otu. Ndi otu ní àlě tó a'uta.

⁵Ádhi pbá ale yà adzi lè mà nónzì rádù? Ndi ale ní Yěsù ná'ù Kàgàwà t'Ídhùnà tí ale kèlě.

Yěsù Krístò ìtè rí Kàgàwà t'Ídhùnà tí dhu

⁶Yěsù Krístò ní ndì idha mà azu mà nà ìra ale. Kíra nzá idha-ví kèlě nà, pbétù kíra idha nà azu mà nà. Kàgàwà bhà Ìlǐlǎ-Alafí ní ndì dhu tó ngàmbì, ndì Ìlǐlǎ-Alafí ní obhóna dhu-okú dò rò.

⁷Yěsù ìtè rí Kàgàwà t'Ídhùnà tí dhu rí'ì ìbhũ. I dhu ní:

⁸Kàgàwà bhà Ìlǐlǎ-Alafí mà, idha mà, azu mà nà. Ní, kóró i dhu rí atdí dhu kèlě núnò.

⁹Ìndrũ òkò fíndá ngàmbì tí atdí dhu ná'u àlě karí à'u tí. Pbétù, Kàgàwà rǎdi atdí dhu tó ngàmbì tí dhu rí'ì ɔbì nà atdíđ. Obhó tí, kànǐ Kàgàwà núnò dhu. Ndi dhu ní Idhùnà-okú dò rò kúnò dhu.

¹⁰Ndi Kàgàwà t'Ídhùnà nà'ù ale, núnì wà Kàgàwà ɔ̀nɔ dhu obhó dhu tí afína ò. Pbétù, inzà ka ná'ù ale nábhu wà Kàgàwà róngò tìtò-ba tí, inzà kǎ'ù Kàgàwà ɔ̀nɔ Idhùnà-okú dò rò dhu nídhunǎ.

¹¹Ndirò, yàrí ní ndi Kàgàwà rǎ'ì fíndá ngàmbì tí dhu: kǐbho dhòdhódhóngà tó ípìrǒngà àlě tò, ndirò àlě kábà ndi ípìrǒngà kà t'Ídhùnà-otù ǎ.

¹²Kàgàwà t'Ídhùnà nà rǎ'ì afína ò ale, nábà wà ípìrǒngà. Ndirò, ìmbǎ rǎ'ì Kà nà afína ò ale, ní rǎ'ì mbǎ ípìrǒngà nà.

Dhòdhódhóngà tó ípìrǒngà

(Mrk 11.24; Yùw 15.7; 1Yù 3.6-9)

¹³Nyǎ, yà Kàgàwà t'Ídhùnà nyǎ nyá'ù rò, ma màndǐ yàrí bhàruwà fǔkù ndínǐ nyǎ nyuni tí dhu ìnè nyǎ rǎrǎ'ì dhòdhódhóngà tó ípìrǒngà nà.

¹⁴Ndirò, kǎnǐ Kàgàwà-nyutsi àlě kǐ'ì nà a'uta: àlě kapé dhu ònzi kà-fó Àbadhi-afí nyú nózè dhu bhěyi, ní kà rǎdù àlě-tsǔ dhu níri ìri.

¹⁵Àlě kùni dhu kà rǎrǎ'ì àlě-tsǔ dhu níri dhu-okú dò rò, àlě kùni wà dhu átò, kà-fó àlě kònzì dhu rò, àlě ràbà wà ndi dhu.

¹⁶Atdí ale náapé ɔ̀dhìnà àlǎ nzérengà ònzi rǎ'ì ró, ndi nzérengà rǎdù ì'ì ìnzǎ rí ìndrǔ ùnda ɔ̀ve ò, ní ndi ale àkǎ ndítsò ndi ndi ɔ̀dhìnà dǎ. Ní, Kàgàwà rǎdù ípìrǒngà nábhu wò ìnzǎ rí ìndrǔ ùnda ɔ̀ve ò nzérengà ònzi rí ale tò. Pbétù, ɔ̀ve ìbho rí nzérengà-tidò rǎ'ì ìnè, ní ma màti nzá ka rítsò ale ndi tìnàdò ònzi rí ale dǎ.

¹⁷Nzére ka kónzina kóró dhu ní nzérengà. Pbétù, ìnzǎ rí ìndrǔ ùnda ɔ̀ve ò nzérengà rǎ'ì ìnè.

¹⁸Àlě kùni wà dhu, Kàgàwà bhà inzo rarí nzǎ nzérengà ònzi. Pbétù, Kàgàwà t'Ídhùnà náarí ndi abádhí-ngbò òdò, ìnzǎ Nzére ale rǎdù ngbǒya ùpbala.

¹⁹Àlě kùni wà dhu, àlě rǎrǎ'ì Kàgàwà bhà ale, ndirò yà adzi ǎ kóró ngari ní rǎ'ì Nzére ale bhà ɔ̀bi-tsìnǎ.

²⁰Pbétù, àlě kùni wà dhu, iwà Kàgàwà t'Ídhùnà rǎrǎ, ndàdù inga t'únita níbhò àlě tò, ndínǐ àlě kùni tí Kàgàwà nyú. Ní, àlě kùngbò wà àlě ndi Kàgàwà nyú nà kà t'Ídhùnà Yèsù Krístò-otù ǎ. Ndi Yèsù ní Kàgàwà nyú, ndirò Ka ní dhòdhódhóngà tó ípìrǒngà.

²¹Nírò pbànǎnzó, nyòdò nyǎ mběyi nyǎ-tírò sànamù rǎ rò.

2 Yùwanì

2 Yùwanì 1

Yùwanì rǐ ìndrǔ nóvì dhu

¹Ima, Mùkürǔ-akpà tíró, ma màndí dhu fǔkù Iyá, yà Kàgàwà óvò nyǐ rò, pbùkù inzo yà obhóngà dǔ ma mózè mànà. Ìnzǐ ní ima kèlě ndí nyǐ ma mózè, pbétù, obhóngà núnì ale kóró nózè nyǐ átò.

²Ma mózè nyǐ yà àlě-afí ò arí'ì obhóngà-okú dò rò. Ndirò, ndí obhóngà rǒngò àdì àlě-afí ò bìlìnganà.

³Àba Kàgàwà mà, Idhùnà Yēsù Krístò mànà, náká 'àso àlě'ì, 'àbà izu àlě dǔ, 'àdù àlě àbhu àlě ròkò màrùngà ǔ, obhóngà mà àzè mànà ǔ.

Obhóngà mà àzè mànà

(Yùw 13.34-35; 1Yù 2.18-23; 4.1-16; 5.1-3)

⁴Idhèdu íka ndí atdíđ atdídhená pbùkù inzo ma mótù obhóngà ǔ aróko, àdhàdhì yà àlě t'Ábanà Kàgàwà núyá ka àlě tò dhu bhěyi rò.

⁵Nírò íyàdú, kòmbí ma mònzi dhu ní àlě ròzè àlě àlě nzínzi ǔ. Yà ma màndí indù dhu ní nǐ Uyatá-owátá. Pbétù, ndí Uyatá ní yà dònà-kpa ò rò àlě kabà.

⁶Ndirò, kànǐ àzè tí ka kátina dhu: ndí dhu ní, kubhi Kàgàwà bhà Uyatá nónzi ka dhu bhěyi. Ndirò wò ndí dònà-kpa ò rò nyǐ nyabà Uyatá ní, nyǐ rākā nyòkò àzè ǔ.

⁷Obhó tí, utrátá tó ábhǔ ale nyú nápfòlò wà ì yà adzi ǔ. Abádhí á'ù nzá dhu, Yēsù Krístò rírà yà adzi ǔ ale-ngbò tó ófò ǔ. Wò ndí dhu ònzi arí ale ní utrátába, ndirò ka ní «Krístò bhà òmvǔ» tí kátina ale.

⁸Nírò, nyòdo nyǐ mběyi nyǐ nyú tíró, akye nyǐ nyowuna yà àlě kanzi kasu tó itse níwi nǐ. Pbétù, nyòdo nyǐ mběyi, ndínǐ nyǐ nyadùya tí àkākā mùkimbà nábà.

⁹Ndí ale náapé dònà ò dhu nísě yà Krístò udhè dhu dǔ, ní Kàgàwà rǐ'ì mbǎ ndí ale-afí ò. Pbétù, ndí ale apé Krístò udhè dhu ifǔ, ní Àba Kàgàwà mà, Idhùnà mànà rǐ'ì inè ndí ale-afí ò.

¹⁰Atdí ale náapé irà àhu tikù ò, ndàdù ngàtsi dhu yà ìnzǐ rí ndàkǔ Yēsù údhe fǔkù dhu nà núdhe fǔkù, ní nyǐ nyākā nzá nyākò ndí ale fǔ-dzá, ndirò, nyǐ nyākā nzá nyǐvǔ mùlèmbè mà kà-tsǔ.

¹¹Obhó tí, mùlèmbè nǐvǔ kà-tsǔ ale nádù ì'ì iwà kārónzina nzérenga nònzi átò.

Bhàrǔwà rǐku dòná rò ovita

¹²Ma mí'ì fǔkù ma màndina ábhǔ dhu nyú nà. Pbétù, ma mòzè nzá màndí ì dhu bhàrǔwà ǔ fǔkù. Nírò, ma mòzè dhu ní, marà àhu fǔrǎbvù, madù dhu óvò fǔkù tsàdu-kpò nyú nǐ, ndínǐ àlě-idhè náadù tí ndíka atdíđ.

¹³Yà Kàgàwà óvò awènu bhà inzo nóvì nyǐ átò.

3 Yùwanì

3 Yùwanì 1

Yùwanì rǐ Gǎyò nòvì dhu

(Màt 10.40-42)

¹Ima, Mùkùrǔ-akpà tírò, ma mí dhu àndǐ indù Gǎyò, inyi òdhìdu, yà atdíđǒ ma mózè, ndírò obhóngà dǒ ma mózè.

²Òdhídú, yà atdíđǒ ma mózè nyí rò, dhu àkǎ kóró pbùkù dhu-tsí rùbhi mběyi. Dhu àkǎ ngbõnũ rǐ'ì mběyi àdhàdhì nyí nyí'ì mběyi afinũ ònǎ rò dhu bhěyi.

Yùwanì rǐ Gǎyò ìfǔ kàsũna-okú dò rò dhu

³Idhèdu ìka ndì atdíđǒ, àlě t'ádóna níwũ ùvò iró, 'adù dhu àwè nyunutsì rǐ'ì obhóngà dǒ, ndírò nyí nyarúbhi obhóngà ǒ tí dhu dǒ rò.

⁴Idhèdu nìka ròsè dhu ní pbàkà inzo rùbhi obhóngà ǒ dhu ma mìrì dhu.

⁵Yà atdíđǒ ma mózè nyí rò Gǎyò, nyí nyítè a'uta nà nyí nyí'ì dhu kpangba yà àlě t'ódhìna pbàkrístò dzùnà nyí nyónzì dhu-otù ǒ, ìmbǎ í'ì inzà nyí nyúni ale màtí.

⁶Abádhí íwũ fǐyò nyí nyítè àzè nónòkànìsà-ònzǐ. Ní ma mònzì nyí, nyonzi abádhí dzùnà fǐyò abhi ǒ, àdhàdhì Kàgàwà-nyìkpó òfò rí dhu bhěyi.

⁷Obhó tí, abádhí ópè abhi Yēsù Krístò-òvò-okú dò rò, ìnzǐ ì rònzi atdí dhu mà inzà Kàgàwà núnì ale-fó.

⁸Nírò àlě nyú, dhu àkǎ àlě rònzi kǒkò àlě t'ádóna-tidò dzùnà, ndínǐ àlě kí'ì tí iwà àlě kònzi obhóngà tó ɔtè t'úndɔta tó kasu atdíkpá abádhí mànà dhu tí.

Diyòtrǐfè mà Dèmètriyò mànà tó mùtsò

(Mbà 22.1; Luk 20.46-47; 1Kò 4.18-21; 1Pé' 2.12)

⁹Ma mándǐ dhú-ngba kànìsà tò. Pbétù, Diyòtrǐfè, yà ndì kànìsà ǒ kóró dhu dǒ ndì nózè ndì'ì ádrùngbǎle tí ale, nádù nzà fǐyò ma mùyá dhu à'ù.

¹⁰Ní, ndì dhu-okú dò rò ní ndì, ma mǎrà àhu nínganí, ma mítsi yà kǎrónzina nzére dhu nùte kóró. Kǎrì nzére dhu nǎwě dòkǎ ìndrũ-ònzǐ. Ròsè tdítđǒ, kǎrì ndùvò ìnzǐ ndàkò abhi ǒ rǐ'ì ngǔkpà pbàkrístò. Ndirò, ì pbàkrístò nòzè 'àkò ale-tsù nútò kǎrì ìnzǐ ràkò abádhí, ndàdù àrà òdìnà rǒ kànìsà ǒ rò.

¹¹Òdhídú, yà atdíđǒ ma mózè nyí rò, dhu àkǎ nzà nyungu nzére dhu ònzi arí ale-owù. Pbétù dhu àkǎ nyungu ìdzi dhu ònzi arí ale-owù. Ídzi dhu ònzi arí ale ní Kàgàwà bhà ale. Pbétù, nzére dhu ònzi arí ale núnì nzà Kàgàwà.

¹²Dèmètriyò-okú dò rò, kóró ale rǐ ìdzi dhu àwě. Ndirò, kàbhà obhóngà rǐ kàbhà ìdzìnga nítè ndítùrò. Ndirò mǎ'ì mà, mǎ mí kàbhà ìdzìnga nítè átò. Ndirò nyí nyùnì wà dhu, yà ma maráwěna kà dǒ dhu rǎrǐ obhó dhu.

Bhàrɔwà rǐku dòná rò ovità

¹³Ma mí'ì indù ma mándina ábhò dhu nyú nà. Pbé̀tù, ma mòzè nzá mandí i dhu bhàrùwà ò indù.

¹⁴Nírò, atdyúdu ní mala nyi inzá òtrò idho ò, àlě rādù òte àlě-tsù nyú ò.

¹⁵Dhu àkǎ nyadi màrùngà ò. Odhínu òvì nyi mběyi. Ndirò, òvì nyóvì odhídu kóró, nyovì ngǎtsi ale òvòna nyú rǒ.

Yudhà

Yudhà 1

Yudhà rǐ pbàkrístò nóvì dhu

¹Ima Yudhà, Yěsù Krístò bhà ino-akpà, ndirò Yàkòbhò t'ádònà, ma màndì dhu fùkù yà Àba Kàgàwà únzì nyǐ, kǒzè nyǐ, ndàdù àmbè nyǒdò dǒ Yěsù Krístò tò rò.

²Dhu àkǎ Kàgàwà bhà izu mà, Kà bhà màrùngà mà, Kà bhà àzè mànà rǐ'ì abho nyú fùkù.

Tìtò tó màlímó

(2Pè' 2.1-17)

³Odhídù, yà atdídǒ ma mǒzè nyǐ rò, ma múbhì dhu-atdyú òhò rǒ atdídǒ, ndínǐ ma mandí tí dhu fùkù yà atdíkpá àlě kí'ì nà nyǐ mànà ògù-okú dò rò. Ní, ma mála dhu kà rǎkǎ wà mandí, ndínǐ nyǐ nyabá tí ɔbi, nyámbe nyũgyè dǒ nǐ, nyǒdò yà atdí-gùna tí Kàgàwà íbhò pbìndà dhu tí arǐ'ì ale tò a'uta mběyi.

⁴Obhó tí, atdídhená nzére ale nítsù wà nzínziku ò inzà nyǐ nyùni rǒrò. I ale ní iwà Kàgàwà náatdì ànyàya angyangyi nyú ale. Abádhí úgèrè Kàgàwà bhà izu tó ɔte rǐ'ì yà ì ózè 'ònzì nzére dhu ònzì ì í òná otu tí. Ndirò, abádhí ódhò wà Yěsù Krístò, yà atdí tí arǐ'ì àlě tó Màlímò, ndirò àlě tó Ádrùngbǎle.

⁵Ìmbǎ dhu ì'ì iwà nyǐ nyùni yà ma mǒvona fùkù dhu angyangyi dhu màtí, ní ma mòzè misè fùkù dhu ní, Ádrùngbǎle Kàgàwà nígu pbìndà ale Mísri tó pbìrì ǒ rò dhu. Tdítǒ, kǎdù abádhí nzínzì ǒ ì nùvò, ìnzǐ 'à'ù ndì ale-tsè nábhu ròtdì ndì.

⁶Ndirò, nyǐ nyàkǎ nyǐrè atdídhená màlàyíká náanzì dhu: abádhí náadò nzá fiyó ádrùngbǎnga, pbétù abádhí núubhà yà ì aróko òná ngari nyú. Ní Kàgàwà arǐ abádhí òdò ìnò ǒ ùsò ndì ndúsò dhòdhódhóngà tó imbi ò rǒrò, rǒngò àmbè ìndrù-ànyǎ ìtdì ndì ndaraya òná ádrùngbǎ idho nóddò dǒ.

⁷Ndirò, dhu àkǎ nyǐrè átò ní Sòdomò mà Gòmòrà mànà tó kigò, tiyá arǐ'ì kyèròkyèrò kigò mànà. I kigò ǒ bhà náanzì nzérenga ndì dhu bhěyi tí. Abádhí níipfo ì m̀nyòni tò, 'àdù àmbè ìnzǐ ìndrù nyú àmbènà ònzina nzérenga-tidò ònè dǒ 'ònzì. Ní, ndì dhu-okú dò rò, Kàgàwà atdì wà abádhí-ànyǎ rǒngò àpbè àbà ìnzǐ aráve dhòdhódhóngà nà kàzu ò, ndínǐ ì'ì tí ìndrù-nyǐkpó ìtdyu rádù atdí ófò tí.

⁸Ní ndì dhu bhěyi tí, kǒkò nzínziku ǒ rǐ'ì nzére ale náarí dhu ònzì ì kigò ǒ bhà nóongónà dhu ònzì dhu bhěyi tí: abádhí rǐrèna nzére dhu náarí abádhí àbhǔ rǐtì ngbǒya, 'àdù àmbè Kàgàwà bhà ádrùngbǎnga gàyà nónzì dǒ. Ndirò, abádhí arǐ dhu ùno nzére nyú òrù-akpà ò aróko ádrùngbǎnga tó awáwù ǒ màlàyíká nǐ.

⁹Pbétù, yà Músà-abvò dǒ ì í 'àtò, 'àmbè 'àgò dǒ Pfòmvo nà rò, Mùkǎli, Kàgàwà bhà màlàyíká ǒ ádrùngbǎle, náamvù nzá ndòtdì anya kà-dǒ, ndùnò dhu kà nǐ òná. Pbétù, kǎdù dhu òvò kà tò, ndàti: «Ádrùngbǎle Kàgàwà àkǎ ndàbhu nyi nyabà àpbè.»

¹⁰Pbétù, kǒkò ì nzére ale náarí dhu ùno inzà ì ùni dhu nǐ màtí. Ndirò ìzǎ, yà ìmbǎ arǐ'ì ìnga t'únita nà, ní bhà ìrèta tó ófò ǒ abádhí ùni dhu náarádù abádhí àbhu rùwǐ ùwǐ tí.

¹¹Ní, abádhí rǐ'ì àp̀bè ǒ! Abádhí ótsù Kàyinà náatsù ònà otu ǒ. Abádhí unò tìtò Bàlamà bhěyi fùrangà-okú dò rò. Ndirò, abádhí unè, Korà bhěyi ì ívà dhu dhu-okú dò rò.

¹²Ndirò, abádhí mànà nyǐ nyóko, nyámbe dhu ònyù dǒ atdíkpá atdí ǒdhi bhěyi dhu náarádù nyǐ itǐ itǐ tí. Obhó tí, abádhí arí dhu ònyu 'ùlè nǐ abho nyú ìnzǐ nyíya rǐwu rórò, 'àdù àmbe ì kèlě nírè dǒ itírò. Abádhí úli ì awe rǐrà nà àp̀bù, yà ìnzǐ rí igye àbhǔ rǐkǒ bhěyi. Ndirò abádhí úli ì átò yà ìnzǐ arádù itsu-kpǒ ì'ò, yà ì àkànà 'ò'ò ònà kàsùmì ǒ itsu bhěyi. Tdítdǒ, abádhí úli ì yà ívéna ka kangbè, ràdù òtdyù dòtsí itsu bhěyi.

¹³Abádhí úli ì ádrùngbǎ rèrù dǒ rí 'ùpbi ǒbi nyú nà mùkùrà bhěyi, ale-nyí rǐwu nǐ fíyó mùtso ràdù 'ùli yà idha rǔdzǐlǐna idha-gì dò mùselele bhěyi. Abádhí úli ì átò, yà dhòdhódhóngà nà ì óngo òko ònà atdí dǒ útì ìnò-íyà tó ngari Kàgàwà ópì fíyò akye rúbhi alali bhěyi.

¹⁴Ènòkà náavò dhu angyangyi abádhí-okú dò rò. Ndi Ènòkà nǐ'ì àrùbhù rí rùgànda ìsè Àdamù rǒ rò ndì nòpè rùgànda ǒ atdí ale. Ní kǎti: «Kànǐ Ádrùngbǎle Kàgàwà rǐrà pbìndà pbǎfe lufù-tsù ìlǐlǎ màlàyíkà nà.

¹⁵Kà rǐrà ndínǐ ndì ndunò tí yà adzi ǒ kóró ale-ànyà. Kà rǐ yà nzére dhu ònzǐ arí kóró ale-ànyà itdì, rónà abádhí anzǐ kóró nzére dhu-okú dò rò. Kà rǐ ì nzérenatále-ànyà nítidì yà abádhí unò ndì nǐ ododu ǒte-abábá-okú dò rò.»

¹⁶ǐ ale-idhè náarí nzǐ ndikǎ akèkpá màtí, 'àdù àmbe ònu dǒ kóró kàsùmì ǒ. Ndirò abádhí arúbhi yà afíya nyú nózè itírò dhu bhěyi, 'àdù àmbe idzítá tó ǒte-abábá òtè dǒ. Ndirò, abádhí arífùna ale ní dhu àbà ì ádù foyá ale.

Yèsù ná'ù ale tò ka kí sedzà àbhǔ dhu

(Kò`l 2.6-7; 2Tè` 3.3-5; Yàk 5.19-20; 2Pè` 3.17-18)

¹⁷Nyǐ'ina ǒdhídù, yà atdí dǒ ma mózè nyǐ rò, nyǐ nyàkǎ nyǐrè Ádrùngbǎle Yèsù Krístò bhà uvitatále núunò angyí fùkù ǒte.

¹⁸Abádhí ati nyǐ nǐ: «Yà adzi ǒ dhu-tsù rǐ 'òdì ònà kàsùmì rǐ 'indù rò, nyǐngò rí atdí dhená ale ní'íya ìnè, 'àdù àmbe ùbhi dǒ afíya nyú ózè dhu bhěyi, itse nyú Kàgàwà rǒ rò.»

¹⁹Abádhí ní ndì indrǔ-ǒngà àbhǔ arí rùndò ì ale. Abádhí arí yà adzi ǒ dhu kèlě nírè. Ndirò, Kàgàwà bhà Ìlǐlǎ-Alafí rǐ'ì mbǎ abádhí-nyutsì.

²⁰Pbétù nyǐ ǒdhídù, yà atdí dǒ ma mózè nyǐ rò, nyǐ nyàkǎ nyǐsì nyǐ nzínziku ǒ, wò nyǐ nyǐ'ì nà atdí dǒ ìlǎ a'uta dǒ, nyádù nyǐtsò Kàgàwà bhà Ìlǐlǎ-Alafí bhà ǒbi nǐ.

²¹Dhu àkǎ nyòkò Kàgàwà ózè nyǐ nǐ àzè ǒ, nyámbe àlě tó Ádrùngbǎle Yèsù Krístò rǐbhona fùkù pbìndà ìdzìngà ǒ dhòdhódhóngà tó ìpìrǒngà nó dǒ dǒ.

²²Ndirò, nyǐ nyàkǎ nyǐnzǐ kǒkò afíya arúguru Yèsù ì á'ù dhu dǒ atdí dhená ale-izù.

²³Nyǐ nyàkǎ nyǐgǔ ngǔkpá ale, nyǐdhǎ kàzu ò rò. Nyǐ nyàkǎ nyǐnzǐ ìdzìngà ngǔkpá ale tò ǒdò ònzǐ nyǐ nyǐ rórò, nyádù abádhí rǒnzina nzére dhu àbhù ròtì mberù mà nódhò.

Kàgàwà bhà ádrùngbǎngà ìlè ka kí dhu

²⁴Kàgàwà ní nyǒdò rádù ìnzǐ nyǎwà nyǐ nzéřęga ò, ndàdù nyǎbhu nyǐkò ìmbǎ nzéřę dhú na nyukutsì, ndirò ábhǒ dhèdhe nyú nà pbìndà ádrùngbǎnga tó awáwù-ònzǐ ale.

²⁵Ndi Kàgàwà, yà atdíró tí arí'ì àlě tó Ògùba tí, Yěsù Krístò, àlě tó Ádrùngbǎle-otù ò ale, náká ifuta nà, ádrùngbǎnga nà, òbì nà, ndirò dhu ùyǎ ka kí ìndrù tò nǐ òbì nà, ròpè ndì mùhàngú ò rò, rìrà àhu kòmbí nga ò màtí, ndirò dhòdhódhónga nà! Àmìnà.

Upfòta

Upfòta 1

Bhùkù-dòkpa

(Àmò 3.7; Upf 22.6-10)

¹Yàrí bhùkù ò rí'ì dhu ní Yèsù Krístò abhù kuni inzá òtrò idho ǒ rí 'ònzì dhu. Kàgàwà abhù Yèsù rùni i dhu, ndíní kítè tí pbìndà ale tò. Ní Yèsù Krístò avì pbìndà màlàyìkà rìrà i dhu òvò idù, ima Yùwanì kàbhà ino-akpà.

²Ní ma mavò ma mala dhu ìndrù tò kóró. Ma matì i dhu ràrì Kàgàwà bhà Ote nyú ndirò Yèsù ràrì i dhu tó ngàmbì.

³Hirò nónzi rí ale ní wò ndi pbànábí tó ófò ǒ ka kandí ote nózù rí ìndrù tò ale, ndirò ní i ote ìrì rí 'àdù òdònà afíya ò ale. Obhó tí, i ì nandí ote rākā òná kàsùmì ìndù wà ndi.

Yùwanì rí Àziyà tó mùlengù ǒ àrùbhù kànísá ǒ bhà nóvì dhu

(Màt 24.30-31; Upf 5.8-13)

⁴Ima ní Yùwanì yà ma mí dhu àndí fùkù Àziyà tó mùlengù ǒ rí'ì àrùbhù kànísá ǒ bhà tírò rò. Kàgàwà, yà ì'ì ì'ì, yà ì'ì arí'ì, ndirò yà ìrà iraya ale náká ndàso nyí, ndàdù nyābhù nyòkò màrùngà ǒ. Ndirò yà Ádrùngbā kamà tó kàbhà tombi-ònzì arí'ì kàbhà àrùbhù alafínákā 'àso nyí, 'àdù nyābhù nyòkò màrùngà ǒ.

⁵Ndirò, Yèsù Krístò náká ndàso nyí, ndàdù nyābhù nyòkò màrùngà ǒ átò. Ka ní obhó dhu kèlě ùno arí ngàmbì, wemberè tí ndi ñingbè oye-bvù rò ale, ndirò yà adzi dǒ ádròdrǒ kámá dǒ kamà . Kòzè àlě, ndàdù àlě ùwu azuna nǐ àlě tó nzérenga bhà obi-tsinà rò.

⁶Kābhù àlě àlě rí'ì òrù-akpà ǒ Ádrùngbā Kamà Kàgàwà bhà idzi ǒ bhà tí, ndirò ndi Àbanà tò arí kasu ònzì pbākùhání tí . Ní ilèta mà ádrùngbānga tó obi màná náká kà nà tí dhòdhòdhonganà! Àmìnà.

⁷Ándà, kòní kà rìrà àpbù ǒ ! Ní kóró ale rí kàlā, ìmbā rí'ì kǒngò-kpa mà nadù àlǐ nǐ ale matì. Ndirò yà adzi ǒ kóró ale-tidò rí 'ùhǔ izu nǐ kòkú dò rò . Obhó tí, kà rí'ì ndi dhu bhěyi! Àmìnà.

⁸Yà kóró dhu dǒ arí'ì ádrùngbānga tó obi nà Ádrùngbāle Kàgàwà rātina: «Ima, Ima ní Álúfā ndirò Ómégà .» Ka ní yà ì'ì ì'ì, yà ì'ì arí'ì, ndirò yà ìrà iraya ale.

Yùwanì rí Yèsù Krístò àlǎ onyu bhěyi rǒdzì dònà dhu tó ófǒ ǒ dhu

(Dàn 10.5-12)

⁹Ima ní adòkù Yùwanì. Yèsù nà àlě kúngbò àlě dhu-otù ǒ, àlě kí'ì atdíkpá kàbhà ádrùngbānga tó idzi ǒ, àlě kí àpbè àbà atdíkpá, ndirò àlě kí dhu-dzi òndù atdíkpá. Ima, ma mí'ì òsò ka kósò ma kowù mubhà Pàtemù tí kátina sòngà dò ró, Kàgàwà bhà Ote ùno ma márì ìndrù tò dhu-okú dò rò, ndirò Yèsù bhà ngàmbì tí ma mí'ì dhu-okú dò rò.

¹⁰Ádrùngbāle Kàgàwà ùlě ka kí òná atdí yengè-idhò ǒ, kàbhà Hìlǎ-Alafí nírá ma, madù wàndà rǒngò dhu bhěyi rí ndiri obi nyú nà ale-tù ìrì dzidu dònà rò rìrà ró.

¹¹Ndi ale-tù ambénà àtìnà dǒ: «Nyi nyálǎna dhu àkǎ nyandǐ bhǔkù ò, nyadù òvìnà àrùbhù kígò ǒ rí'ì kànísá tò. I kígò ní: Èfesò, Sìmurunà, Pèrgamù, Tùwàterà, Sardì, Filàdèlifiyà, ndirò Làwòdikiyà.»

¹²Ní ma magéré ma ndíní ma mala tí wò idù rí dhu òvò ale. Nírò ní ndi ma mala orò nǐ ka kóbhòlò dhu, yà àrùbhù ɔpbína dǒ ka karí tarà ùlǐ dhu.

¹³Ndirò, i àrùbhù dhu-ɔpbí nzínzì ǒ, ma mala Ìndrǔ t'Ídhùnà bhěyi rólo ale. Ndi ale náafó pǔfona ò nyú rará àhu ádzí kanzù-akpà róná, ndàdù ìsonà orò nǐ ka kóbhòlò kùkyè nǐ odrùna dǒ rò.

¹⁴Kà-dòkǎ náawù tdyé òwǒwù tàrà-ká bhěyi, ndirò mbìlìkàkù bhěyi. Ndirò kà-nyìkpó náambénà ùmbìlì dǒ kàzu-idà-dò bhěyi.

¹⁵Kà-pfò núumbìlì áli tò kàzu ò ka kòbì rilǎ péé mùlingà tò suma bhěyi. Ndirò kà-tù ambénà ndirò dǒ àdhàdhì ábhǒ idha ráwa dhu rǐ ndirò dhu bhěyi.

¹⁶Kí'ì àrùbhù alali ndi ndùlǔ fangà tò ɔtsúna nǐ ró. Kà-li'ò rò ambénà àhu dǒ ní óyǒ kóró kunàdò rǐ ndàkà obhi-akpà. Ndirò, kà-nyì ambénà ùmbìlì dǒ atdíđǒ, àdhàdhì atdíđǒ nyú ríka ádrùngbǎnga tò ɔbi nyú nà adyifò bhěyi.

¹⁷Ma mitdègu kǎlǎ, ní ma mitsi obvò kònzǐ àdhàdhì iwà òvè ale bhěyi. Pbétù, kǎdù fanga tò ɔtsúna ìli dùdú ndàdù àtìnà: «Nzǒnzi ɔdò! Ima, ima ní kóró dhu apè ndi róná rò ale ndirò kóró dhu araya ìku dóná rò ale.

¹⁸Ima ní ípìrǒnga t'ále. Ma mavè wà, pbétù kòmbí, ma mí'ì ípìrǒ rò nyìkpódu nà dhòdhódhonganà. Ma mí'ì ádrùngbǎnga tò ɔbi nà ɔve dǒ ndirò òyìò nga dǒ.

¹⁹Nírò, dhu àkǎ nyandǐ nyi nyálǎna dhu. I dhu ní i'ì rí'ì kòmbí dhu mà, olù rówu 'ùnya dhu màrà.

²⁰Yàrí ní ndi yà fanga tò ɔtsúdu-tsíró nyi nyala àrùbhù alali mà, wò orò nǐ ka kóbhòlò dhu, yà àrùbhù ɔpbína dǒ ka karí tarà ùlǐ màrà-ti: kǒkò àrùbhù alali rǐtèna ní àrùbhù kànísá tò màlàyíká, ndirò tarà ùlǐ ka karí dòyá àrùbhù dhu-ɔpbí rǐtèna ní i àrùbhù kànísá.»

Upfòta 2

Yèsù rǐ Yùwanì àvǐ rǎndǐ bhàrùwà Èfesò tò kígò ǒ rí'ì kànísà tò dhu

(Kas 20.17,28-31; È`fè 1.15-16; 5.2; È`br 6.10-12)

¹Tdíđǒ, yà idù rúbhi dhu òvò rǒ ale náati: «Ándǐ dhu Èfesò tò kígò ǒ rí'ì kànísà tò màlàyíkà tò, nyati yàrí màkǔrù ràhu kǒkò àrùbhù alali nùlǔ fangà tò ɔtsúna nǐ ale, ndirò yà orò nǐ ka kóbhòlò àrùbhù tarà nzínzì ǒ rúbhi ale-li'ò rò.

²Kà rǎtina: «Ma mùni wà pbùkù mùtsò, nyi nyarí adyò ìvò owùdu ùngǔ nyi nyí rò tí dhu, ndirò nyi nyarí dhu-dzi òndù tí dhu mà. Ma mùni wà dhu nyi rarí nzǐ nzére dhu ònzǐ rí ale tò dhu-dzi òndù. Nyi nyómvù wà uvitatále tí arí 'àti ale-afí, tàrànyà pbání ìnzǐ ní i uvitatále rórò, nyadù dhu òsù abádhí rǎrǐ tìtò t'únɔta t'ále.

³Inyi ní dhu-dzi t'òndùta t'ále, ndirò nyi nyábà àpbè ɔvòdu-okú dò rò, pbétù ìnzǐ afínu ràdù ndingye rùdú rò.

⁴Pbétù, ma mí'ì inè okúnu dò rò ma múnona atdí dhu nà. Ndi dhu ní: inyi, nyi nyári mbã àzè nà idù kòmbí àdhàdhì nyi nyi'ì kà nà angyi dhu bhëyi.

⁵Nírò, írè pé nyi nyitsi ró nga, nyadù nyugèrè nyubhà pbùkù nzérenge, nyadu nyi wemberè tó pbùkù mùtso ò. Ìnzí nyi nyapé nyugèrè nyubhà pbùkù nzérenge, ní ma mírà tinu ò, madù pbùkù tarà ipfo fíndá ngari ò rò.

⁶Pbétù, nyi nyi'ì inè yàrí idzi dhu nà nyunutsi: nyi nyóndrò Pbànikòláyí tó mùtso àdhàdhì ma móndrò ka átò dhu bhëyi tí.

⁷Inga t'íríta tó bñna nà arí'ì ale náká ndiri wò Ìlílà Alafí rövona kànísá tó dhu mbëyi! Dhu lè mà ònzi rí ale tó ma mabhùya yà Kàgàwà bhà inga ò rí'ì ípìrònga tó itsu-kpò, ndi ale ròtò.»»

Yèsù rí Yùwanì àvì rándí bhàrwà Sìmurunà tó kigò ò rí'ì kànísà tó dhu

(Màt 5.10-12; Yàk 1.12)

⁸Tdítdò ndi ale ati ma nì: «Ándí dhu Sìmurunà tó kigò ò rí'ì kànísà tó màlàyikà tó, nyati yàrí màkürù ràhu yà kóró dhu apè ndi róná rò ale, ndirò kóró dhu ikùya dóná rò ale-li'ò rò. Ndi ale náavè wà, pbétù kòmbí kà rí'ì ípìrò rò nyìkpóna nà.

⁹Kà rätina: «Ma mùni wà pbùkù àpbè mà pbùkù nákù màná. Pbétùngàtí, inyi ní ònzitále! Ndirò ma mùni ingbà dhu bhëyi màtí Pbàyàhúdí tí arí 'àti ale náarí dhu ùno nyi nì dhu átò, tàmanyà pbání ònzí ní ì Kàgàwà bhà obhóná ale rórò. Abádhí ní pfòmvo Sìtanì ùlè arí ale tó mùtù!

¹⁰Ní, nyi nyáká nzá nyonzi nyi nyábàna àpbè odò. Nyi nyáká nyuni dhu ní, Pfòmvo ràrì afiku ùmvù ùmvù, imbi-dzà ò ndi ndi nzínziku ò atdíthená ale àbhù kusò dhu-otù ò. Ní nyi nyí àpbè àbà ràrà àhu idrè idho tí. Pbétù, nyi nyáká nyondù dhu-dzi, ìmbã rí'ì nyi nyóvè dhu màtí. Ní ma madùya ípìrònga tó mùkàkù àbhu nyafò.

¹¹Inga t'íríta tó bñna nà arí'ì ale náká ndiri wò Ìlílà Alafí rövona kànísá tó dhu mbëyi! Dhu lè mà ònzi rí ale nóvèya nzi oyo-gùna ove nì .»»

Yèsù rí Yùwanì àvì rándí bhàrwà Pèrgamù tó kigò ò rí'ì kànísà tó dhu

(Ìsa 11.4; Yud 3-4,11)

¹²Tdítdò ndi ale ati ma nì: «Ándí dhu Pèrgamù tó kigò ò rí'ì kànísà tó màlàyikà tó, nyati yàrí màkürù ràhu yà óyò kóró kunadó rí ndàkà obhi-akpà nà rí'ì ale-li'ò rò.

¹³Kà rätina: «Ma mùni wà nyi nyarádi òná ngari. Ndi ngari ní pfòmvo Sìtanì ónyè idzi òná ngari. Pbétùngàtí, nyi nyínè ovòdu rò nyi nyápbã nyi ró tí. Ma mùni wà Àtìpasì yà pòtsò idè pbàkà ngàm̀bì tí ìndrù-ònzí ale-rò ndi nónzi dhu átò. Ìmbã dhu rí'ì ka kóhò ka fùrábvù, yà pfòmvo Sìtanì arádi òná pbanga ò dhu màtí, ní nyi nyúbhà nzá ima nyi nyá'ù nì pbùkù a'uta.

¹⁴Pbétù, ma mí'ì inè okúnu dò rò ma múnona dhu nà. Ndi dhu ní: nyi nyi'ì nà ale nzínzi ò atdíthená ale rí'ì inè, yà Bàlamà tí kätina ale udhè dhu nífü arí. Ndi Bàlamà ní ndi dhu nudhè Bàlakà tó, ndíní Pbàìsràyélí nabhù tí ròtsù nzérenge ò, rà'á sànamù tó ka kùbì perè tí ìzã, 'àdù mùnyòni nónzi .

¹⁵Ndirò ròsè wò dhu dònǎ, wò nyi nyi'ìnà ale nzínzi ǒ, Pbànikòláyí rǔdhèna dhu nífǔ arí ale rǐ'ì inè átò.

¹⁶Nírò, nyi nyákǎ nyugèrè nyi nyubhà pbùkù nzérenga. Obhó tí, ìmbǎ kǎpé ì'ì ndi dhu bhèyi, ní ma mírà àhu tinu ò inzǎ òtrò idho ǒ, madù ìla ùgyè kǒkò i ale nà lidu ò rò ráhu obhi-akpà nǐ.

¹⁷Inga t'íríta tó bǐna nà rǐ'ì ale, náǎ ndírì yà Ìlǎ Alafí rǒvona kànísá tò dhu mbèyi! Dhu lèma ònzi rí ale tò ma mabhùya yà òru ka kórù mànà . Ndirò, ma mabhùya òwǒwà odú-ngba kà tò. Ndi odú-ngba ní, yà ɔvɔ-ɔwútá ka kándí dóná odu. Ndirò, ndi ɔvɔ-ɔwútá ní yà inzǎ atdí ale mà núnì ɔvɔ, inzǎ ní ndi odu ka kǎbhu fǐndà ale kèlè núnì ka rò.»

Yèsù rǐ Yùwanì àvǐ ràndí bhàrɔwà Tùwàterà tó kigò ǒ rǐ'ì kànísà tò dhu

(Kas 15.28-29; 1Kò 10.8,19-22; 1Tè` 1.2-3)

¹⁸Tdítdǒ ndi ale atí ma nǐ: «Ándí dhu Tùwàterà tó kigò ǒ rǐ'ì kànísà tò màlàyikà tò, nyati yàrí màkǔrù ráhu Kàgàwà t'ídhùnà-lí'ò rò. Ndi kà t'ídhùnà ní yà nyìkpóna arí ùmbìli kàzu-idà-dò bhèyi, pǔona ràdù ùmbìli átò álì tó kàzu ò ka kòbì rǐlǎ péé mùlingà tó suma bhèyi ale.

¹⁹Kà ràtina: «Ma mùni wà nyi nyarí ònzina kasu, nyi nyóze ngǔkpà ale dhu, nyi nyá'ù ma dhu, nyi nyarí ngǔkpà ale-dzùnà ònzi dhu, ndirò nyi nyarí dhu-dzi òndù dhu. Ndirò ma mùni wà dhu, nyi rarí kasu ònzi kòmbí ròsè yà angyi nyi nyongónà kònzì tí dhu dònǎ.

²⁰Pbétù, ma mí'ì inè okúnu dò rò ma múnona dhu nà. Ndi dhu ní: nyi nyúbhà Yèzèbelì bhèyi rí dhu ònzi atdí tsìbhále, yà Kàgàwà bhà nabì tí arí ndàti tsìbhále, róngò àmbe pbàkà ale ùtra dǒ. Kǎbhu abádhí rùwǐ, ndámbe mùnyòni t'ónzita mà sànamù tò ka kùbì perè tí ìzǎ mànà dhu t'á'ata ùdhe dǒ fǐyò.

²¹Ní, ma mùbhà wà kàsùmì kà tò ndínì ndi nùgèrè tí ndùbhà pbìndà nzérenga. Pbétù, kòzè nzá ndùbhà pbìndà mùnyòni t'ónzita.

²²Ní àndà nga mbèyi! Ma mí kà-ǒnga ìbvǔ àpbè tó ara dǒ, madù ádrùngbǎ àpbè àbhu átò kǒkò kà mànà arí mùnyòni ònzi ale ràbà, yà ní inzǎ abádhí ùgèrè ì'ùbhà ndi fǐyò nzére mùtsɔ nǐ.

²³Ndi dhu-ògǔ dǒ, ma mí kǒwù núngu ale òkye òkye tí. Ndi dhu bhèyi ní ndi kóró kànísá rǐ dhu ùnǐ ima rǎrǐ ndi ìndrǔ-afí mà, ìndrǔ tó ìrèta mànà ò rǐ'ì dhu àndà arí ale. Ndirò ma mí nzínziku ǒ ìngbàtí ìlì ndi ale mà bhà perè núbhò ndi ale bhà kasu-bvu rǒ.

²⁴Pbétù nyǐ Tùwàterà tó kànísà ǒ ngǔkpà pbàkristò, nyǐ nyarí ìnzǐ Yèzèbelì rǔdhèna dhu-owù ùngǔ, ndirò nyǐ nyùnì nzá pǔmvo Sitanì bhà Órù ò dhu tí ka kátina dhu. Ní ma mátina nyǐ nǐ, ma rǎrǐ nzǐ ngàtsi ànò à'è dǔkú.

²⁵Pbétù, ma mùnzì fukú dhu ní, nyǐ rǎkǎ nyòdò wò nyǐ nyi'ì nà ìdzì ófò mbèyi, rǎrà àhu ma mingoya ònà idho ò.

²⁶Ndirò dhu lèma ònzi rí ale, yà ma mózè dhu ònzi rí rǎrà àhu ma mingoya ònà idho ò ale, ní tò ma mabhùya ádrùngbǎnga tó ɔbì, rònyù idzi kóró pbìrì ǒ ale dǒ.

²⁷Këndaya i ale tsumà tó mùgö nǎ, ndirò kǔkɔya abádhí-ǒnga yà anzi nǎ ka kórù wìtù-ǒnga ùkǒ ka karí dhu bhěyi .

²⁸Kà-tì ní, ma rabhùya àbhǔ Àbadu ibho idù ádrùngbǎnga tó ɔbi-tidò dhu lè mà ɔnzi rí ale tò. Ndirò ròsè wò dhu-dónǎ, ma rabhùya àbhǔ kútsingá nga tó alali ndi ale tò, kònzì mùlè mà dhu nitè tí.

²⁹Inga t'írìta tó bǎna nà rí'ì ale náká ndirì wò Ìlǎ Alafí rǒvɔna kànísá tò dhu mběyi! »»

Upfòta 3

Yèsù rí Yùwanì àvì rándì bhàrɔwà Sardì tó kigò ǒ rí'ì kànísà tò dhu

(Màt 7.21-23; 24.42-51; Yàk 2.14)

¹Tdítdǒ ndi ale atí ma nǎ: «Ándì dhu Sardì tó kigò ǒ rí'ì kànísà tó màlàyikà tò, nyati yàrí màkǔrù ràhu Kàgàwà-ɔnzì aróko àrùbhù alafí nà rí'ì, ndàdù ì'ì àrùbhù alali nà fóná átò ale-li'ò rò. Kà rǎtina: «Ma mùni wà pbùkù mùtsɔ. Obhó tí, ìndrù arí nyalǎ inè rí'ì ìpìrǒnga nà ale bhěyi, pbétù nyadù ì'ì iwà ɔvè ale.

²Ní, íkye! Ábhǔ ɔbi wò íkyèrò ɔdì ndínì ndi ndóvé tí nyunutsi rò dhu tò, ma màla wà dhu pbùkù mùtsɔ rǎrì'ì mbǎ àkǎkǎ dhu tí pbàkà Kàgàwà-nyìkpó ǒ nídhunǎ.

³Nírò, írè indù ka kúdhe dhu mà, nyi nyírì ndi dhu tí dhu mànà. Nyi nyàkǎ nyifù ka, nyadù nyugèrè nyubhà pbùkù nzérénga. Ìnzì nyi nyapé inga àndà mběyi, ní ma mírà àhu tinú inzà nyi nyèni kàsùmì ǒ àdhàdhì ogbotále náarìrà dhu bhěyi.

⁴Pbétù, nyi nyàdì àdì ngúfe ale nà Sardì tó kigò ǒ, yà inzà àpè ròyá mberù itǎ ale. I ale ní i atdíkpá mà mubhìya mànà ɔwǒwù mberù nǔfò ròyá rórò, abádhí ní i àkǎkǎ ale nídhunǎ.

⁵Ndi dhu bhěyi ní ndi, dhu lè mà ɔnzi rí ale ka kufóya ɔwǒwù mberù nǎ. Ndirò, ma mohoya nzì ndi ale-ɔvò ìpìrǒnga tó bhùkù ɔ rò. Ma mɔvɔya dhu kɔngba Àbadu mà pbìndà màlàyiká mànà-ɔnzì, matì ndi ale rǎrì pbàkà ale nyú.

⁶Inga t'írìta tó bǎna nà rí ale, náká ndirì Ìlǎ Alafí rǒvɔna kànísá tò dhu mběyi! »»

Yèsù rí Yùwanì àvì rándì bhàrɔwà Filàdèlìfiyà tó kigò ǒ rí'ì kànísà tò dhu

(2Pè 1.10-11; 2.9)

⁷Tdítdǒ ndi ale atí ma nǎ: «Ándì dhu Filàdèlìfiyà tó kigò ǒ kànísà tó màlàyikà tò, nyati yàrí màkǔrù ràhu Ìlǎ ale, ndàdù ì'ì Obhóngatále tí ale-li'ò rò. Ndi ale rí'ì ádrùngbǎ kamà Dàwudì bhà idzi ɔ rí ìndrù àbhǔ ròtsù fùngulà nà fóná. Kǎpé tsǎtsù àpfo, ní kǎpbì rí ale arí mbǎ, ndirò kǎpé tsǎtsù àpbì, ní kǎpfo rí ale arí mbǎ.

⁸Kà rǎtina: «Ma mùni wà pbùkù mùtsɔ. Nírò kànì ma màpfò wà tsǎtsù indù, yà ìnzì atdí ale mà rǎdù àpbinà tsǎtsù. Ma mùni wà dhu, nyi rarì'ì mbǎ ádrùngbǎnga tó ɔbi nà abho, pbétù nyi rífù wà pbàkà ɔte, ndirò nyi rásà nzà ɔvòdu.

⁹Ní, kànì ma mí pfòmɔvò Sìtanì ùlě arí ale tó mùtù ɔnzi tí dhu. I ale ní tìtò t'únɔta t'ále, ndirò abádhí arí 'àti Pbàyàhúdì tí, ìmbǎ i ì'ì Kàgàwà bhà ale nyú tí rórò. Ní ma mí abádhí ùtǎ ròwù 'ùko ɔtdyùya dǒ ɔnzìnú, ràdù dhu ùni iwà ma ròzè nyi.

¹⁰Àdhàdhì nyi nyódò nyi, nyongò dhu-dzi òndù yà indù ma múyà ka dhu bhěyi, ní ima mà átò, ma mí nyòdò yà adzi ǒ kóró ngari ǒ rírà àpbè tó kàsúmì ǒ. Ndi àpbè rírà ndíní ndi ndomvú tí yà adzi ǒ arí'ì ale-afí.

¹¹Ma mírà inzà òtrò idho ǒ. Ní dhu àkǎ nyòdò wò nyi nyí'ì nà ídzì ófò mběyi, ndíní ìngbàtí ìlì ndi ale mà nídhá tí nzí mùlè mà tó pbùkù mùkàkù.

¹²Dhu lè mà ònzi rí ale ma mabhùya rí'ì pbàkà Kàgàwà bhà-dzá átsùta tí. Ndi ale ahùya nzí ànyì-dza rò akekpá màtí. Ndirò ròsè wò dhu-dòná, ma mandíya pbàkà Kàgàwà-òvò mà, ndi pbàkà Kàgàwà bhà kigò-òvò mà nà ndi ale-rǒ. Ndi kigò ní Yèrùsàlemà-òwútá, yà òrù-akpà ò rò rífo, pbàkà Kàgàwà-ti'ò rò kigò. Ma mandíya òvòdu-òwútá átò ndi ale-rǒ.

¹³Inga t'írìta tó bína nà rí'ì ale, nákǎ ndirò wò Ìlìlì Alafí rǒvona kànísá tò dhu mběyi!
>>>

Yèsù rí Yùwanì àvì rándì bhàrùwà Làwòdìkiyà tó kigò ǒ rí'ì kànísà tò dhu

(Luk 14.34-35)

¹⁴Kà ríku dòná rò nǐ, ndi ale ati ma nǐ: «Ándì dhu Làwòdìkiyà tó kigò ǒ kànísà tó màlàyìkà tò, nyati yàrí màkùrù ràhu Àmìnà tí kátina ale-li'ò rò. Ndi ale ní ndi Kàgàwà ònzi dhu tó obhóná ngàm̀bì, obhó dhu kèlè únò arí ale, ndirò Kàgàwà abhòlò kóró dhu apè ì dòná rò ale.

¹⁵Kà ràtina: «Ma mùni wà pbùkù mùtsò: nyi nyíre nzá ndirò nyi nyígbě nzá. Àkǎ àmbènà àkǎ dhu ní nyire ìrè tí, ndirò ngàtsi nǐ, nyigbè ìgbè tí .

¹⁶Pbétù kòmbí, nyi nyó'ò lílílì: nyi nyíre nzá ìrè tí, ndirò nyi nyígbě nzá ìgbè tí. Ní ndi dhu-okú dò rò, ma mí nyadyǒ àdyǒ tí.

¹⁷Nyi nyarí nyati ònzítale tí, kóró dhu nà arí'ì ale tí, ndirò ìmbǎ arí'ì atdí dhu-atdyú nà màtí ale tí. Pbétù, nyi nyùnì nzá dhu, nyi ràrǐ ìmbǎ dhu arí'ì fóná ale, izùna aró'ò ale, nǎkùtále, ndùmùndúmú, ndirò nzìnzí rò arí'ì ale.

¹⁸Ní ndi dhu-okú dò rò, ma m̀onzi nyi nyodzi kàzu nǐ ka kú'ò rìlǎ òrò fudú, ndíní nyi nyi'ì tí ònzítale tí. Ndi dhu bhěyi tí átò, nyi nyàkǎ nyodzi òwòwù mberù, ndíní nyi nyafó tí rùnù, akye ka kalana wò ale-nyì ríwu nǐ pbùkù nzìnzínga nǐ. Ndirò, nyi nyàkǎ nyodzi nyìkpónu ò nyi nyútdèna pbabǐ, ndíní nyi nyala tí nga tdítǒ .

¹⁹Ima, ma marí kóró ale yà ma mózè tó afátá ìtè ì ale tò, madù ì dhu òsò fíyò. Nírò, nyi nyàkǎ nyònzì òbì, nyùgèrè nyi nyubhà pbùkù nzérenga.

²⁰Kànǐ, ma midè tsàtsùnǎ mambe hǒdhi òpbì dǒ. Ní, ndi ale apé tǔdu ìrì, ndàdù tsàtsù àpfò idù, ní ma màdù òtsù kàbhà idza, màdù dhu ònyù atdíkpá kà mànà.

²¹Dhu lè mà ònzi rí ale ní ndi, ma miliya ràdi ìkyèrǒ tidú ádrùngbǎ kamà tó pbàkà tombi dǒ, àdhàdhì ima, ma manzi dhu lè mà madù àdi ìkyèrǒ Àbadu-tí ádrùngbǎ kamà tó kàbhà tombi dǒ dhu bhěyi.

²²Inga t'írìta tó bína nà rí'ì ale, nákǎ ndirò wò Ìlìlì Alafí rǒvona kànísá tò dhu mběyi.»

Upfòta 4

Kàgàwà ùlě ka kí adyi nǐ pbìndà tombi dǎ àdì rórò dhu

(Ìsa 6.1-4; Zèk 1)

¹Wò dhu-dzidǎ, ima Yùwanì, ma mala ɔnyu bhěyi ródzì dùdù ngàtsi dhu. Ní ndi ɔnyu ǎ, ma mala atdí tsàtsù kpangba ndi nàpfò ɔrù-akpà ɔ ró. Ní yà iwà ma mírì angyi, ràmbe ɔ'ɔ dǎ wàndà rǎngò dhu bhěyi ale-tù, náavò dhu idù, ndàti: «Úpò àzú! Ní, ma mí olunǎ rò rí 'ònzì tdítǎ dhu itè indù.»

²Ní ányirǎ rò tí, Kàgàwà bhà Ìlǎ-Alafí irá ma. Ní ma mala ádrùngbǎ kamà tó tombi ɔrù-akpà ɔ ka kílì ràdì ró, atdí ale ràdù ì'ì ndi tombi dǎ ndi ndàdì ró.

³Ndi ale ambénà ùmbìli dǎ atdí dǎ àdhàdhì ɔrú odzìya nà odu, yǎspì mà sardì mànà tí kátina náarúmbìli dhu bhěyi. Ndi tombi ní'ì zùmàridì tí kátina odu bhěyi rúmbìli angò àkpòrò ngbǎna ró .

⁴Ndirò, kí'ì ádròdrǎ kámá tó ɔyǎ kumì dóná ìfò nà ngǔkpà tombi àkpòrò ngbǎna ró. Ndirò, i tombi dǎ ì òkò ró ì'ì ale ní, ɔyǎ kumì dóná ìfò nà pbàkùrǎ . Abádhí ì'ì ɔwǒwù mberù ì ùfǎ rǒyá ró, ndirò abádhí-dǎ rǎ ì'ì ní ɔrò nǐ ka kóbhòlò mùkàkú.

⁵Ádrùngbǎ kamà tó tombi dǎ rò, inga umbìli, wògò iri ndi, ɔvɔ ràdù ùtǎ. Ndi tombi-ònzì ì'ì dhu ní kàzu rǒrù rǒyá àrùbhù mùle. I mùle ní'ì Kàgàwà-ònzì aróko àrùbhù alafí .

⁶Ndirò, ndi tombi-ɔnzì-tsǔ nga náala ndi ádrùngbǎ rèrù bhěyi. Kà-ò nga náambénà àwù dǎ atdí dǎ àdhàdhì kìràwulì-ǎ nga náarì àwù dhu bhěyi. Ípìrǒnga nà ìfò dhu-tsí náakpòrò ndi ádrùngbǎ kamà tó tombi-ngbò, 'ìli átsì. Ndirò abádhí-nyìkpó ì'ì angyinǎ rò màtí ndirò abádhí-dzidòná rò màtí.

⁷Wemberè tó dhu níli ndi àrì bhěyi, ɔyo rí kìsě dhu ràdù ndìli ìkyi-akpǎ-ngba bhěyi. Ìbhu rí kìsě-tsí-nyì níli ndi ìndrǔ-nyì bhěyi, ìfò rí kìsě ràdù ndìli yà ɔrú arángìli sàmbà bhěyi.

⁸Ndirò, ì ìfò dhu ní'ì pékéléya nà azàzá, nyìkpóya ràdù ùle ngbǎya-rǎ màtí ndirò pékéléya-tsìnǎ màtí. Abádhí owúnà adyi ùyù rǎ adyìbhengá ndirò kùbhingá màtí ìnzì ì ì ìngyě rórò, 'àmbe àtìnà dǎ: «Ìlǎ ale, Ìlǎ ale, Ìlǎ ale ní àlě tó Ádrùngbǎle, yà ádrùngbǎnga tó ɔbì nà arí'ì kóró dhu dǎ ale, Kàgàwà ! Ka ní ì'ì ì'ì, ì'ì arí'ì, ndirò irà iraya ale.»

⁹Ndirò, abádhí owúnà adyi ùyù rǎ, 'ilè pbìndà ádrùngbǎ kamà tó tombi dǎ àdì Kàgàwà, yà dhòdhóhonganà arí'ì ípìrǒnga nà ale nǐ. Abádhí owúnà kífù rǎ, 'àdù àmbe ɔtsò àbhu dǎ fìndà.

¹⁰Abádhí rǐ dhu ɔnzì wò dhu bhěyi ɔnǎ kóró kàsùmì ǎ, kǒkò ɔyǎ kumì dóná ìfò nà pbàkùrǎ nóowúnà 'ùkò rǎ ɔtdyùya dǎ wò pbìndà tombi dǎ àdì Kàgàwà, yà dhòdhóhonganà arí'ì ípìrǒnga nà ale-ònzì. I ale owúnà kùle rǎ, 'ùwà dòya-rǎ mùkàkú, 'ùli obvò kàbhà tombi-ònzì, 'àdù àtìnà:

¹¹«Fàkà Ádrùngbǎle, fàkà Kàgàwǎ, nyi nyàkǎ ilèta nà, ifuta nà, ndirò ádrùngbǎnga tó ɔbì nà. Obhó tí, nyi nyabhòlò ndi kóró dhu. Nyi nyabhòlò ì dhu, nyi nyazè ndi abádhí rí'ì dhu-okú dò rò.»

Upfòta 5

Àkākā ndùngbe Kàgàwà bhà kàràtasī-yà-ba-tsù rǒ ando ale

(Rom 11.33-34; Fìl 2.5-11; Upf 1.5-6; 7.9-12)

¹Wò dhu-dzidǒ, ma mala dhu ní àkpòrò ka kàkpòrò kàràtasī-yà-ba ádrùngbǎ kamà tó tombi dǒ àdi ale tó fanga tó kǒtsú-tsíró. Ndi kàràtasì ní'ì ɔyɔyɔ kóró ka kándí dòná nga kàràtasì, kadù tsùna núpba àrùbhù ngari ǒ rò ando ní kàsé tí, ìnzǐ atdí ale mà náanga tí.

²Ní, ma mala ádrùngbǎnga tó ɔbi nà arí'ì màlàyikà, ràmbe dhu òvò dǒ ɔrú tǔna nyú nà, ndàti: «Ádhi pbá ale ndi àkākā ndùngbe wò kàràtasī-yà-ba-tsù rǒ ka kùpbǎ ando, ndàdù ndi kàràtasì nánga?»

³Pbétù, àkākā ndànga ndi kàràtasì, ndàdù ònà nga àndà ale ní'ì mbǎ atdí màtí ɔrù-akpà ò, yà adzi dǒ, ndirò ùvǔvè ale nzínzì ǒ màtí.

⁴Ní, ma madzì atdí dǒ, àkākā ndàngbe ndi kàràtasī-yà-ba-tsù, ndàndà ònà dhu, ndàdù òzùnà ale rǐ mbǎ atdí màtí dhu-okú dò rò.

⁵Nirò ní ndi pbàkùrǔ nzínzì ǒ atdí ale náavò dhu idù, ndàti: «Nzǒdzi! Ándà, kànǐ, Yudhà-dhú-bvǔ àrì , ádrùngbǎ kamà Dàwudì bhà mùdzukuru, nónzì wà dhu lèmà. Kà ní ndi àkà àkà ndùngbe kǒkò àrùbhù ngari ǒ ka kùpbǎ kàràtasì-tsù rǒ ando, ndànga ka, ndàdù ònà dhu òzù ale.»

⁶Ní, ma mala Tàmǎ-ngba tí kátina ale ádrùngbǎ kamà tó tombi mà, ípìrǒnga nà ìfò dhu-tsí mà kǒkò pbàkùrǔ mànà nzínzì ǒ ìdè ró. Kǐlì ndi òho ka kòhò dhu bhěyi. Kǒtdyú i'ì àrùbhù, kà-nyìkpó ràdù i'ì àrùbhù átò. I àrùbhù kà-nyìkpó rǐtèna ní Kàgàwà-ònzǐ aróko àrùbhù alafí , yà adzi ǒ kóró ngari ònǎ kǔvì.

⁷Ní, ndi Tàmǎ-ngba indrì ndi ádrùngbǎ kamà tó tombi dǒ àdi ale tí-ò, ndàkò wò àkpòrò ka kàkpòrò kàràtasī-yà-ba fangà tó kǒtsú-tsíró rò.

⁸Kìtdègu ndi kàràtasì àkǒ, ní kǒkò ípìrǒnga nà ìfò dhu-tsí mà, kǒkò óyǒ kumì dòná ìfò nà pbàkùrǔ mànà núuko ì ɔtdyùya dǒ kònzǐ. Ìngbàtí ìlì ndi ale mà abádhí nzínzì ǒ ní'ì dùmù mà ndrùù róngu màrasì àlè ònà ɔrò tó kópà mànà fóná. I màrasì rǐtèna dhu ní Kàgàwà bhà ale tó itsòta.

⁹Abádhí ambénà yàrí adyi-ɔwútá núyè dǒ, 'àmbe àtìnà dǒ: «Nyì nyākǎ ndi nyakò yàrí kàràtasì, nyadù kà-tsù ka kùpbǎ ní ando ùngbe. Obhó tí, ka kahò nyi. Ní wò azùnù ufù ndi dhu-otù ǒ, nyi nyadzi kóró rùgànda-tidò nzínzì ǒ ale mà, kóró alávà-tidò nzínzì ǒ ale mà, kóró ale-tidò nzínzì ǒ ale mà, kóró pbirì ǒ ale nzínzì ǒ ale mànà Kàgàwà tò.

¹⁰Nyi nyúli abádhí rǐ'ì pbàkùhání tí, ndínǐ kasu nònzì tí àlè tó Kàgàwà tò. Ndirò, nyi nyábhù abádhí rǐ'ì kàbhà idzi ǒ bhà tí, ndínǐ abádhí ɔnyu tí idzi yà adzi ǒ ale dǒ. Ndirò, abádhí ɔnyuya idzi ɔnyu yà adzi ǒ ale dǒ .»

¹¹Wò dhu-dzidǒ, ma màndà nga tdít dǒ, ní ma miri ádrùngbǎ kamà tó tombi-ngbò nàkpòrò ábhǒ màlàyíkà-tù mà, ípìrǒnga nà dhu-tsí-tù mà, pbàkùrǔ-tù mànà. Abádhí-bvù ní'ì mìlìyonì-tsù, ndirò mìlìyonì-tsù, lufù-tsù, ndirò lufù-tsù.

¹²Abádhí ambénà ùkù dǒ ɔrú tǔya nyú nà, 'àmbe àtìnà dǒ: «Àho ka kahò Tàmă-ngba náká ndi ndàbà ádrùngbǎnga tó ɔbi mà, ònzì mà, dhu-ɔnga t'òvòta tó irèta mà, ɔbi mà, ifuta mà, ádrùngbǎnga tó awáwù mà, ilèta mà!»

¹³Ndirò ma miri Kàgàwà abhòlò ɔrù-akpà ò, yà adzi dǒ, yà adzi-tsi, ndirò ádrùngbǎ rèrè ò kóró dhu-tù. Abádhí kóró náambénà adyi ùyù dǒ, 'àmbe àtìnà dǒ: «Ádrùngbǎnga tó awáwù, ifuta, ilèta, ɔbi mà nà náká dhòdhòdhonganà, ádrùngbǎ kamà tó tombi dǒ àdi ale, Kàgàwà tò, ndirò Tàmă-ngba tò!»

¹⁴Ní, kǒkò ípìrǒnga nà ìfò dhu-tsí náadúnà òwu dhu àdu rǒ, 'àti: «Àmìnà.» Ndirò ndi kàsùmì ǒ tí, kǒkò pbàkùrù adù 'ùkò ɔtdyùya dǒ, 'ùlě wò tombi dǒ àdi ale mà, Tàmă-ngba mà nà.

Upfòta 6

Tàmă-ngba tí kátina ale rǐ kàràtasǐ-yà-ba-tsù rǒ ando nángbě dhu

(Zèk 14.21; Zàk 1.8-10; 6.1-7; Mát 24.6-8; Luk 18.7-8; Upf 7.13-14)

¹Wò dhu-dzidǒ, ma mala dhu ní: Tàmă-ngba angbe wemberè tó ando yà kàràtasǐ-yà-ba-tsù rǒ ka kùpbǎ àrùbhù ando nzínzì ǒ dhu. Ní, ma miri kǒkò ípìrǒnga nà ìfò dhu-tsí nzínzì ǒ atdí dhu, dhu ɔvò rí àdhàdhì ɔvò àtà dhu bhěyi rí ndiri tǔna nǐ, ndàti: «Áhǔ!»

²Ní ma mandà nga, madù òwǒwù atdí mùhàgù àla ndi nìtò ró. Ndirò, ndi mùhàgù dǒ ùpò ndàdi ale i'ì ɔsu nà fóná, kadù mùkàkù àbhu fìndà. Kǎdù àbhu mùlèmatále tírò, ndínǐ ndi ndara tí dhu lè mà ònzì tdítǒ.

³Wò dhu-dzidǒ, Tàmă-ngba angbe ɔvò rí kìsě ando. Ní ma miri ípìrǒnga nà ɔvò rí kìsě dhu, ràti: «Áhǔ!»

⁴Ní kàzù bhěyi ngbǒna ilù ngàtsi mùhàgù níto ndi. Ní kà-dǒ ndi ndùpò ndàdi ró i'ì ale-fó ka kabhù ádzì obhi-akpà. Ka kadù yà adzi ǒ rò kà rǐ màrùngà ìto nǐ ádrùngbǎnga tó ɔbi àbhu kà tò átò. Kà-tì ní, kà rabhùya ìndrù ròkyè ì nzínziya ǒ.

⁵Tàmă-ngba itdègu ìbhu rí kìsě ando nángbě, ní ma miri ípìrǒnga nà ìbhu rí kìsě dhu, ràti: «Áhǔ!» Ní ma mùbè nga mandà rò, ma mala ɔtǒtì mùhàgù rìtò ndi. Ndi mùhàgù dǒ ndi ndùpò ndàdi ró i'ì ale ní'ì kilo nà fóná.

⁶Ní ma miri ale-tù bhěyi rí ndiri dhu ípìrǒnga nà ìfò dhu-tsí nzínzì ǒ rò rí dhu ɔvò ró, ndàti: «Nganù-ra tó atdí kilo-odzi ní atdíku idho tó kasu tó mùkimbà nyú, ndirò sàyirì-ra tó ìbhu kilo-odzi ní atdíku idho tó kasu tó mùkimbà nyú átò! Pbétù, akye mà òvayì mà nà nàndà dhu nǐ, nyi nyàkǎ nzá nyidzǐ ì-tsí-odzi.»

⁷Tàmă-ngba nítdègu ìfò rí kìsě ando nángbě, ní ma miri ípìrǒnga nà ìfò rí kìsě dhu, ràti: «Áhǔ!»

⁸Ní, ma mandà nga, madù irìbìta tó ikána nà mùhàgù àla rìtò ndi. Kà-dǒ ndi ndùpò ndàdi ró i'ì ale-ɔvò ní'ì ɔve. Ndirò, kǒwù ǒ i'ì ní Òyí ò nga tí kátina ale. Abádhí tò ka kabhù ádrùngbǎnga tó ɔbi, ndínǐ yà adzi tó atdí nga ìfò dǒ ǒ ale nòkye tí obhi-akpà nǐ, àwù nǐ, kóró andi-tidò nǐ, ndirò irì ǒ ìzǎ nǐ.

⁹Tàmă-ngba itdègu imbo rí kîsě ando nángbě, ní màzàbahù-tsină, ma mala Kàgàwà bhà Ɔte t'únɔta-okú dò rò, ndirò ndi Ɔte tó idzi ngàmbi tí ì í'ì dhu-okú dò rò ka kókyè ale.

¹⁰Ní, i ale ambénà ùkù dǒ ɔrú tǔya nyú nà, 'ámbe àtìná dǒ: «Ádrùngbǎle Kàgàwǎ, nyi ní ìlǎle ale ndirò Obhóngatále. Nyi nyádi, nyambe inga òdò dǒ rǎrà àhu ìngbà kàsùmì ò, ndíní nyi nyitdì tí anya yà adzi ǒ ale dǒ, nyutsè ròká dhu, yà azùka nùfù abádhí nzínzi ǒ ale-okú dò rò?»

¹¹Ìngbàtí ìli ndi ale mà kǒkò ka kókyè ale nzínzi ǒ tò, ka kabhù òwǒwù kanzù. Ndirò ka kati abádhí nǐ: «Nyí nyákǎ nyǒdò adókù, yà Kàgàwà-owù ùngǔ arí ale. Ka kí abádhí nzínzi ǒ atdídená ale òkye yà nyí ka kókyè dhu bhěyi. I òkye ka kókyena ale-bvu rǎká rò nga ní ndi Kàgàwà adùya rùkù dhu ùtsè nǐ.»

¹²Wò dhu-dzidǒ ma mala dhu ní, Tàmă-ngba rǐ aza rí kîsě ando nángbě dhu. Ní, yà adzi níivì atdídǒ, adyifò ugèrè ndi ndòtì inyi tó mberù bhěyi, àbì rǎdù ndùgèrè ndòlù azu bhěyi.

¹³Ɔrù-akpà-nyì rǒ alali náawà ì yà adzikpa dǒ, àdhàdhì itsu-kpǒ náarí 'àwà kázurǒ rò, ɔbi nà rópili àpùpù rǐ kpàna-ǒnga ùyǎ òná kàsùmì ǒ dhu bhěyi.

¹⁴Ɔrù-akpà níidhá ndi, ndámbe ndàduru dǒ, àkpɔɔ ka kákɔɔna kàràtasǐ-yà-ba náarí ndàdùrù dhu bhěyi. Kóró pbìrì mà, kóró sòngà màná nùungbe ì fiyó ngari ǒ rò, 'òwù.

¹⁵Yà adzi ǒ ádròdrǒ kámá mà, ádròdrǒ ale mà, pbànowí tó ádròdrǒ ale mà, ònzitále mà, ɔbitále mà, ndirò kóró ngǔkpà ale mà, yà inɔ tí arí'ì mà, dòyá arí'ì ìtírò ale màná náatsè, 'òwù 'ùrù odu-tsì arí'ì ibhu òná màtí, ndirò pbìrì-rǒ arí'ì odu nzínzi ǒ màtí.

¹⁶Abádhí ambénà dhu òvò dǒ pbìrì mà odu màná tò, 'ámbe àtìná dǒ: «Nyàwà nyí dòká, nyǎdù mǔrù itse wò ádrùngbǎ kamà tó tombi dǒ àdi ale-rǒ rò, ndirò Tàmă-ngba bhà nàwí rǒ rò.

¹⁷Obhó tí, abádhí tó nàwí tó ádrùngbǎ idho irà wà. Ní ádhi pbá ale ndi inè rí'ì ndàdi pbìndà ípìrǒnga nà tdítǒ?»

Upfòta 7

Kàgàwà bhà ale-nyèndri rǒ ka kí kàsé ùpbi ndíní abádhí nɔɔo tí kàbhà nàwí rǒrò dhu

(Yùw 10.16; Ròm 11.25-26; Upf 14.1-5; 21.3-4)

¹Wò dhu-dzidǒ, ma mala ìfò màlàyíká, ìkìkò ìfò yà adzi-pbidò òná ró. Abádhí utò awɛ-tsù ì adzi pbidò òná, ìnzì opili tí yà adzi dǒ màtí, ádrùngbǎ rèrù dǒ màtí, ndirò kóró itsu-tidò dǒ màtí.

²Ndirò, ka kabhù ádrùngbǎnga tó ɔbi abádhí tò, ndíní abádhí inza tí yà adzi mà, ádrùngbǎ rèrù màná nǐ. Ní, ma mala ngǎtsi màlàyìkà adyifò arí ndito inǎ rò rúpo ró, ndàdù ì'ì Kàgàwà, yà ípìrǒnga nà arí'ì ale bhàkàsé nà fóná. Kǎdù òkù ɔrú tǔna nyú nà kǒkò ìfò màlàyíká tò, ndàti:

³«Ìnzí nyìnza yà adzi mà, ádrùngbǎ rèrù mà, itsu màná, ràrà àhu kàsé ùdu àlě kí àlě tó Kàgàwà bhà ale-nyìndri-rǒ dhu ò.»

⁴Ní, ma mìri Kàgàwà bhà kàsé ka kùdù nyìya-ndri rǒ ale-bvu. Abádhí-bvu ní'ì, atdí miyà dòná ìfò kumì dòná ìfò nà lufù ale , yà kàsé ka kùdù ròyá. I ale ní'ì yà Pbàìsràyélí tó atdí kumì dòná óyǒ nà rùgànda kóró nzínzì ǒ rò ùvò ale.

⁵Yudhà bhà rùgànda ǒ ale, yà kàsé ka kudu nyìya-ndri rǒ ní'ì atdí kumì dòná óyǒ nà lufù ale. Rùbenì bhà rùgànda ǒ ní'ì atdí kumì dòná óyǒ nà lufù ale. Gǎdì bhà rùgànda ǒ ní'ì atdí kumì dòná óyǒ nà lufù ale.

⁶Àserì bhà rùgànda ǒ ní'ì atdí kumì dòná óyǒ nà lufù ale. Nàfùtalì bhà rùgànda ǒ ní'ì atdí kumì dòná óyǒ nà lufù ale. Mànasì bhà rùgànda ǒ ní'ì atdí kumì dòná óyǒ nà lufù ale.

⁷Sìmiyonì bhà rùgànda ǒ ní'ì atdí kumì dòná óyǒ nà lufù ale. Lawì bhà rùgànda ǒ ní'ì atdí kumì dòná óyǒ nà lufù ale. Isàkàrà bhà rùgànda ǒ ní'ì atdí kumì dòná óyǒ nà lufù ale.

⁸Zàbùlònà bhà rùgànda ǒ ní'ì atdí kumì dòná óyǒ nà lufù ale. Yòzefù bhà rùgànda ǒ ní'ì atdí kumì dòná óyǒ nà lufù ale. Ndirò, Bènyàminì bhà rùgànda ǒ ní'ì atdí kumì dòná óyǒ nà lufù ale.

Kóró pbìrì ǒ ale tó ádrùngbǎ anduta

⁹Wò dhu-dzidǒ, ma mandà nga, ní ma mala ìnzì òná ale-bvu rǐ ndòzè ádrùngbǎ mùtù-ba. Ndi mùtù ǒ i'ì ale ní'ì: kóró pbìrì ǒ ale, kóró rùgànda-tidò, kóró ale-tidò, ndirò kóró aláwà-tidò t'ále màná. Abádhí i'ì ádrùngbǎ kamà tó tombi-ònzì ndirò Tàmǎ-ngba-ònzì ì ikò ró, 'àdù òwǒwù kanzù ùfǒ ròyá, ndirò 'àdù ngazì-kpa-dòkà ùlu fòyá.

¹⁰Ndirò, abádhí ambénà ùkù dǒ orú tǔya nyú nà 'àmbe àtìna dǒ: «Àlě tó ògù ìrà wà àlě tó Kàgàwà, yà ádrùngbǎ kamà tó tombi dǒ àdì ale bhà rò, ndirò Tàmǎ-ngba bhà rò!»

¹¹Ndirò, kóró màlàyíká ní'ì ádrùngbǎ kamà tó tombi mà, pbàkùrù mà, ípìrǒnga nà ìfò dhu-tsí màná-ngbò ì àkpòrò ró. Ní abádhí kóró núugú-nyìya ràpbǎ adzikpa-ngbò nyú ádrùngbǎ kamà tó tombi-ònzì, 'àdù àmbe Kàgàwà ùle dǒ.

¹²Abádhí ambénà àtìna dǒ: «Àmìnà! Ilèta mà, ádrùngbǎnga tó awáwù mà, dhu-ǒnga t'òvòta mà, òtsò t'ábhuta mà, ifuta mà, ádrùngbǎnga tó obi mà, obi màná nákà kabhu àlě tó Kàgàwà tò dhòdhóhonganà! Àmìnà!»

¹³Ní, pbàkùrù nzínzì ǒ atdí ale ivú dhu tsùdú, ndàti: «Kǒkò òwǒwù kanzù nùfǒ ale ní àdhi mà? Ndirò, abádhí iwù àdhà rò?»

¹⁴Ní ma madù dhu àdu kà tò, matì: «Pbàkà Ádrùngbǎlé, inyi ní ndi nyi nyèni ka.» Níró ní ndi kǎdù dhu òvò idù, ndàti: «Kǒkò ale ní ábhò àpbè ǒ rò ùvò ale. Abádhí ù'o ròyá kanzù ròwù tdyé Tàmǎ-ngba-azù nǐ.

¹⁵Ndi dhu-okú dò rò nga ní ndi, abádhí ikò Kàgàwà bhà ádrùngbǎ kamà tó tombi-ònzì, ndirò abádhí rǐ kasu ònzì kà tò kàbhà idza ǒ adyìbhengá nga mà kùbhingá nga màná ǒ.

Ndirò wò ndi pbìndà ádrùngbă kamà tó tombi-dǒ àdi Kàgàwà rǐ pbìndà hemè-idzà ùpě abádhí dǒ, ndínǐ ongó tí abádhí òdò.

¹⁶Àwù rǐ nzǐ abádhí òho tdítǒ, idha-atdyú mà rǐ nzǐ abádhí òho tdítǒ, adyifò mà rǐ nzǐ abádhí òbi tdítǒ, ndirò abádhí rǐ nzǐ igbétá ìnè tdítǒ.

¹⁷Obhó tí, Tàmă-ngba, yà ádrùngbă kamà tó tombi nzínzì ǒ rǐ'ì ale, rǐ abádhí ùnda pbìndà tàrà bhěyi, ndàdù àrà abádhí nà ípìrǒnga tó idha-dòti ò. Ndirò, Kàgàwà rǐ abádhí-nyìdha ùndǒ kóró.»

Upfòta 8

Tàmă-ngba tí kátina ale rǐ kàràtasǐ-yà-ba-tsù rǒ àrùbhù rǐ kìsě ando nángbě dhu

(Upf 5.8)

¹Tàmă-ngba nítdègu àrùbhù rǐ kìsě ando nángbě, ní òrù-akpà ò nga níimbè bhì ràrà àhu mbèmbè atdí adyifò-sisì-go tí.

²Wò dhu-dzidǒ, ma mala Kàgàwà-ònzǐ arí ikò àrùbhù màlàyíká, kadù àrùbhù wàndà àbhu foyá.

³Ndirò, ngătsi màlàyikà ira, ndidè íkyèrǒ màzàbahù-tí. Kǐ'ì ndrùù rǒngu alindra bhěyi sǒbǐ ùbi ka karí dóná ǒrò nǐ ka kóbhòlò wítù nà foná. Kà-fó ka kabhù ndi sǒbǐ abho nyú, ndínǐ kăbhù tí perè tí atdíkpá Kàgàwà bhà ale kóró tó itsòta màrà ǒrò tó ndi màzàbahù dǒ. Ndi màzàbahù i'ì Kàgàwà bhà ádrùngbă kamà tó tombi-ònzǐ.

⁴Ndi sǒbǐ-ikò núupò ndi màlàyikà-fó rò Kàgàwà-ònzǐ atdíkpá ndi Kàgàwà bhà ale tó itsòta màrà.

⁵Wò dhu-dzidǒ, ndi màlàyikà idyi wò ndrùù rǒngu sǒbǐ ùbi ka karí dóná dhu, ndirǎ màzàbahù-dǒ rò ndi ndidyì kàzu nǐ, ndàdù ìbvùnà yà adzi dǒ. Nírò, ɔɔ utá, wògò iri ndi, inga umbilì, yà adzi ràdù ìvi.

Àrùbhù màlàyíká rǐ yà adzi ǒ rǐrà àpbè ìtè rǐ wàndà ùmi dhu

(Uvt 7.19-21; 9.22-25; 10.21-23)

⁶Kǒkò àrùbhù màlàyíká, foyá àrùbhù wàndà nà náabhòlò ì ndínǐ ì ùmi tí ì wàndà.

⁷Ní, wemberè tó màlàyikà náamì pbìndà wàndà, kadù azu nà ì nàngbò ifo mà kàzu màrà níbvù yà adzi dǒ. Yà adzi tó atdínga ìbhu dǒ náagbè, itsu tó atdí nga ìbhu dǒ ràdù ògbe átò. Ndirò irí agbè kóró.

⁸Wò dhu-dzidǒ, ɔɔ rǐ kìsě màlàyikà náamì pbìndà wàndà. Ní, kàzu rǒgbe róná ádrùngbă pbìrì nà ndi nòfò atdí dhu ka kibvu ádrùngbă rèrù ò, ndi rèrù tó atdí nga ìbhu dǒ ràdù ndùgèrè ndòngò azu tí.

⁹Ádrùngbă rèrù ò aróko Kàgàwà abhòlò dhu-tsí tó atdí nga ìbhu dǒ núuvè, bàtó tó atdí nga ìbhu dǒ ràdù 'inza.

¹⁰Ìbhu rǐ kìsě màlàyikà-tsí náamì pbìndà wàndà. Ní, mùle-rǒ kàzu bhěyi rǒrù ádrùngbă alali-ba nítsi òrù-akpà ò rò, idha-apká tó atdí nga ìbhu dǒ ní dǒ, ndirò idha-dòti dǒ.

¹¹Ndi alali-ovò ní'ì «Ogú». Ní wò dhu ìtsì dòyá idha-apká tó atdí nga ìbhu dǒ náadù ògyè tí ògyè. Ndirò ì idha nùmvù ábhǒ ale nyú náadù ùve, ògyè tí ì idha ògyè nídhuní.

¹²Wò dhu-dzidǒ, ìfò rí kisé màlàyikà amì pbindà wàndà. Ní adyifò mà, àbì mà, alali mànà tó awáwù-kudò tó atdí nga ìbhu dǒ náavè, ndòngò ìnò tí. Ndi dhu bhěyi ní ndi, atdíku ùbho nga ǒ, awáwù-kudò tó atdí nga ìbhu dǒ náavè, kúbhingá nga tó ràdù àve ndi dhu bhěyi tí átò.

¹³Ndirò, ma mandà nga tdítǒ, ní ma mala atdí sàmbà ǒrú nyú rángìlì awe ǒ ró. Ní kàmbénà dhu òvò dǒ ǒrú tǔna nyú nà, ndàtì: «Nyǐ nyí'ì àpbè ǒ! Nyǐ nyí'ì àpbè ǒ! Nyǐ nyí'ì àpbè ǒ yà adzi óvò nyǐ rò, yà ìbhu ì nùbhà ngǔkpà màlàyíkà rǔmìna tdítǒ wàndà-tù ìri nyǐ nyí rò!»

Upfòta 9

(Zèk 5.5-11; Yò`w 2.1-11; Upf 16.10-16)

¹Wò dhu-dzidǒ, imbo rí kisé màlàyikà náamì pbindà wàndà. Ní ma mala ǒrù-akpà ò rò ìtsì atdí alali yà adzi dǒ. Kà-fò ka kabhù òyí tí kátina ádzì ìbhu-akpà-tsù t'ápfota tó fùngulà.

²Ní, ndi alali náapfo ndi ìbhu-akpà-tsù, ádrùngbǎ furù ò rò ráhu ìko bhěyi ndi nìlì ìko ràdù ùpo ndi ìbhu ò rò. Ndi ìko náabhù adyifò-nyìkpó dǒ nga mà ǒrù-akpà-nyì rǒ nga mànà rùtì.

³Ní ìfè núuvò ndi ìko ò rò, 'àdù 'ìfàlà yà adzi dǒ. Ní ka kabhù yà áwìna nǐ arí ìndrù ùbǐ àwù-tidò bhà òbì-tidò abádhí tò.

⁴Ka kadù dhu òvò abádhí tò ìnzì abádhí rìnza ìngbàtì ìlì ndi ìrì-bǐ-tidò mà, ìtsu-tidò mà, ndirò ìnga tí arí ìnga dhu-tidò mànà, pbétù abádhí ràvu ìmbǎ rí Kàgàwà bhà kàsé nà nyìya-ndrìnǎ ale rǒ tí.

⁵Ì ìfè tò ka kuyá dhu ní, àpé abádhí ròkye ì ale òkye tí, pbétù abádhí ràkǎ 'àvu àvù tí ì ale rǒ, rǎrà àhu ìmbò àbì tí. Ndirò, abádhí rǎbhùna ìndrù rìnè ròyá rándì dhu, náaraya ì'ì rǒ àdhàdhì áwìna nǐ arí ìndrù ùbǐ àwù-tidò nóbì ale arí ìnèna róná rándì ró dhu bhěyi.

⁶Ndirò ndi idho ǒ, ìndrù owuya ǒve ònè rǒ fǐyò, pbétù ìnzì 'àdù àbànà. Abádhí owuya 'òzè rǒ 'ùve, pbétù ǒve ràdù òku tí òku tsùyá rò.

⁷Ì ìfè tó ófò ní'ì àdhàdhì ìla t'úgyeta tò ka kònzì toròna mùhàgùbhěyi. Abádhí dò-tsírò ì'ì dhu ní ǒrò tó mùkàkù nà ndi nòfò dhu, ndirò abádhí-nyì afò ndi ìndrù-nyì nà.

⁸Abádhí-dòkǎ ì'ì vèbhále-dòkǎ bhěyi, kùya ràdù ì'ì àrì-kù bhěyi.

⁹Ndirò, abádhí-odrùdò dǒ ì'ì làtù ní sùma tó làtù. Ndirò, abádhí-pékélé rǎnzina wògò ní'ì àdhàdhì ìla ùgyè ka kótse nà ábhǒ mùhàgù rǎdhana gèrègèrè-tidò tó wògò bhěyi.

¹⁰Abádhí-áwì ní'ì àdhàdhì yà áwìna nǐ arí ìndrù ùbǐ àwù-tidò-áwì bhěyi. Abádhí tó òbì, yà abádhí ràvu nǐ ìndrù-rǒ ìmbò àbì tí, ní'ì ì abádhí-áwì ò.

¹¹Ndirò, abádhí tó ádrùngbă kamà ni'ì òyí ð màlàyikà. Pbàèbràniyà t'ávàna ð, kǒvò ni'ì Àbàdonì. Ndirò Pbàgìríkí t'ávàna ð, ka ni'ì Àpòliyonì .

¹²Wò wemberè tó àpbè ùdà wà. Ndirò olù rí 'ìpe tǎtǎ ò ní óyǒ ngǔkpà àpbè.

¹³Ní, aza rí kǐsě màlàyikà náamì pbìndà wàndà, madù atdí ale-tù ìrì, rìtò ndì yà Kàgàwà-ònzǐ rí'ì orò tó màzàbahù tó ìfò pbinàdò ònǎ rò.

¹⁴Ndi ale-tù avò dhu wò aza rí kǐsě màlàyikà, ndàdù ì'ì wàndà nà fóná tò, ndàti: «Úkòlǒ Fùratì tó idha-akpà-bidǒ ka kúsò ìfò màlàyíkà.»

¹⁵Ní kǎdù ì màlàyíkà ùkòlò, ndíní yà adzi óvò ale tó atdí nga ìbhu dǒ nǒkye tí. Kàgàwà uli abádhí angyangyi ndi òkyeta tó adyifò-sisì tò, idho tò, àbì tò ndirò ato tò.

¹⁶Ma miri mǔhàgù dǒ arúbhi abádhí tó pbànowí tó mùtù-bvù. Abádhí-bvù ni'ì óyǒ miyà mìliyonì ale.

¹⁷Ndirò, wò onyù bhěyi ródzì dùdù dhu ò, ma mala ì mǔhàgù mà dòyá ùpò 'òkò pbànowí mànà. Ì pbànowí tó làtù ni'ì kàzù bhěyi ìlù làtù. Ndirò, ngǔkpà tó làtù ni'ì kenekè tó ndirò áwùse tó. Ì mǔhàgù-dò núuli ì àrì-dò bhěyi. Ndirò, abádhí-li'ò rò ambénà àhu dǒ dhu ní kàzù mà, ìkò mà, atdí dǒ arúla ògbe ndógbe rò áwùse tó dhu-ra mànà.

¹⁸Ndirò, kǒkò ìbhu àpbè, kǒkò mǔhàgù-li'ò rò rúvò kàzù mà, ìkò mà, atdí dǒ arúla ògbe ndógbe rò áwùse tó dhu-ra mànà náakye yà adzi óvò ale tó atdí nga ìbhu dǒ.

¹⁹Obhó tí, kǒkò ì mǔhàgù tó ádrùngbǎnga tó òbi ní'ì abádhí-li'ò ndirò abádhí-áwì ò. Abádhí-áwì ní'ì àdhàdhì osu-dò bhěyi, 'àdù òwu nzére dhu ònzǐ rǒ ìndrù rǒ ì áwìya nǐ.

²⁰Ì nubhà ìnzǐ 'ùve kǒkò àpbè nǐ ale núugèrè nzá ì 'ùbhà yà òtsúya nyú nǐ ì óbhòlò sànamù t'úlétá. Abádhí akò 'òngò àmbe nzére-alafí mà ì sànamù mànà ùle dǒ. Ì sànamù abádhí abhòlò orò mà, fùrangà tí kátina suma-tidò mà, mùlingà mà, odu mà, ndirò itsu mà nǐ. Ì dhu-tsí ni'ì ìnzǐ rí inga mà àlà, ìnzǐ rí inga mà ìrì, ndirò ìnzǐ rí ùbhì tí màtí ùbhi dhu.

²¹Ndirò, abádhí ugèrè nzá ì 'ùbhà ìndrù t'ókyeta mà, òndrù t'òndrùta mà, mǔnyòni t'ònzita mà, ogbo t'ònzita mànà tó fìyó nzére mùtso.

Upfòta 10

Yùwanì rǐ kàràtasǐ-ngba ákǒ màlàyikà-fó rò ndàdù ùkanà, ndòtò dhu

(Zèk 2.8–3.3)

¹Wò dhu-dzidǒ, ma mala ádrùngbǎnga tó òbi nà ngǎtsi màlàyikà òrù-akpà ò rò rífo ró. Kǐ'ì àpbù ìbvù ndì dóná, angò-sisì ràdù ndàkpòrò dóna rǒ ró. Kà-nyì ambénà ùmbìli dǒ adyifò-nyìkpa náarùmbìli dhu bhěyi. Ndirò, kà-pfò níli ndì kàzù tó átsùta bhěyi.

²Kǐ'ì àngǎ ka kànga ònángà kàràtasǐ-ngba nà fóná. Ní, kǐdè ndìli fangà tó pfóna ádrùngbǎ rèrè dǒ, ndàdù ìgù tó pfóna ìli adzi-kpa dǒ.

³Kǎdù òkù orú tǔna nyú nà àdhàdhì àrì rǐ tǔna-ònga ìdho dhu bhěyi. Ndirò, kòkù rò, ma miri àrùbhù òvò àtà dhu nádu kà tò dhu.

⁴Ndirò, i àrùbhù ɔvɔ àtà dhu níitdègu ndiri, ní ma madù mɔbhòlò abádhí ùnò dhu t'ándítá tò. Pbéù, ma miri atdí ale-tù òrù-akpà ò rò rí dhu ɔvɔ idù ró, ndàti: «Ódò kǒkò àrùbhù ɔvɔ núnò indù dhu òdhù ò. Àpé nyandí ka.»

⁵Ní, wò ma màlanà ádrùngbǎ rèrù mà, adzi-kpa màná dǒ idè ró màlàyikà náava fangà tó ɔtsúna òrù-akpà ò.

⁶Kǎdù dhu ɔtsò Kàgàwà, yà dhòdhódhonganà arí'ì ale, yà òrù-akpà mà, adzi mà, ádrùngbǎ rèrù mà, òyá arí'ì kóró dhu-tsí màná nanzì ale-ɔvò rǒ, ndàti: «Ìmbǎ ndì nùbhà kàsùmì rǐ'ì tǎítǎ!

⁷Àrùbhù rí kǐsě màlàyikà rǐ wàndà òmì òná kàsùmì ǒ, Kàgàwà rǐ yà ndì ndarù ròngò òko órù ò dhu àbhù rǎkǎ, àdhàdhì pbìndà inɔ-akpá, pbànábí-otù ǒ ndì ndavò Ídzi Màkùrù-bvù rǒ.»

⁸Wò dhu-dzidǒ, ma miri yà òrù-akpà ò rò dhu nòvòná idù ale-tù, ròvò dhu tǎítǎ idù, ndàti: «Árà nyakò wò àngbě ka kàngbe rórò rǐ'ì kàràtasǐ-ngba yà ka nàlǔ fóná màlàyikà-fó rò. Ka ní yà ididè ndìli atdí pfǒna ádrùngbǎ rèrù dǒ, ndàdù ngǎtsi pfǒna ìli adzi-kpa dǒ màlàyikà.»

⁹Ní, ma madù àrà ndì màlàyikà-tí'ò, madù kònzì rìbhò ndì kàràtasǐ-ngba fudu ò. Ní, kǎdù dhu ɔvò idù, ndàti: «Ákǒ ka, nyadù ùkanà, nyɔtò. Kà rǒgyè ògyè fínu-tsù ò, pbéù linú kà rǒkye ìti-dha bhěyi.»

¹⁰Ní, ma makò wòrǐ kàràtasǐ-ngba ndì màlàyikà-fó rò, madù ùka nà. Ní, kǎkyè lidú, rò'ò ìti-dha bhěyi. Pbéù, ma mitdègu kòtò, ní kǎdù ògyè tí ògyè fǐdu-tsù ò.

¹¹Ní, ka kavò dhu idù, kati: «Dhu àkǎ nyɔvò dhu tǎítǎ nabì bhěyi ábhǒ ale-tidò mà, ábhǒ pbìrì ǒ ale mà, dhèdhèrò aláwà-tidò tó ábhǒ ale mà, ndirò ábhǒ ádròdrò kámá màná-okú dò rò.»

Upfòta 11

Kàgàwà arí pbìkì ngàm̀bì àbhù rùvò àpbè ò rò tí dhu

(Uvt 7–10; 1Ká 17.1; Luk 21.24)

¹Wò dhu-dzidǒ, ka kibho dhu ùdhě ka karí nǐ itsukpó bhěyi ndì nìli ízò fudú, kadù àtìná ìma nǐ: «Ívǎ nyi, nyudhe Kàgàwà bhà idza mà màzàbahù màná, nyadù ányì-dzá rò arí Kàgàwà ùlě ale-bvù nózù.

²Pbéù, wò irinǎ rò rǐ'ì kà tò odhó náká nyùbhà ìnzǐ nyudhe. Obhó tí, wò ndì-tsí ka kàbhù wà yà ìnzá àpè Kàgàwà ùnǐ ale, kǎkà ìfò kumì dòná óyǒ nà àbì tí rí ìlǐlǎ kǐgò-tsidò òbè ale tò.

³Ndirò, ma mí óyǒ pbàkà ngàm̀bì òvì ròwù dhu ɔvò ìndrù tò, gòníyà ì ùfǒ ròyá ìnyì tó mberù tí rórò. Ní, abádhí rǐ dhu ɔvɔ ìndrù tò pbànábí bhěyi ràrà àhu atdí lufù, dòná óyǒ mǐyà, dòná azà kumì nà idhótí.»

⁴Kǒkò ì óyǒ ngàm̀bì ní ì kǒkò óyǒ mìzèyìtunì-tsù-kpa , ndirò abádhí ní ì tarà ùlǐ ka karí dòyá m̀nàrà , kǎkà yà adzi ǒ Ádrùngbǎle-ònzǐ ariko ale.

⁵Ndirò, ndi ale apé ndòzè ndònzì abádhí nzére, ní kàzu rǎdù àhu abádhí-li'ò rò, rǎdù ì abádhí tó òmvù núbì. Ndi dhu bhëyi tí ní ndi, ìngbàtí ìli ndi ale mà yà abádhí nòzè ndònzì nzére ní rǎdù òvè.

⁶Ndirò, abádhí rǐ'ì ìnè ádrùngbǎnga tó òbi nà, 'ùtsì òrù-akpà-tsù , ìnzǐ igye níikó tí yà ìndrù tó abádhí rǐ dhu òvo pbànábí bhëyi òná kàsùmì ð. Abádhí rǐ'ì ìnè ádrùngbǎnga tó òbi nà átò, 'ùgèrè idha ròngò azu tí , 'àdù ìngbàtí ìli ndi àpbè-tidò mà nábhu yà adzi ð ale ràbà, ì òzè ka dhu bhëyi.

⁷Abádhí rǐ wò ìndrù tó ì aróvona pbànábí bhëyi dhu t'òvota ìto rò, òyì ò rò ráhu ìzǎ núugyeya ìla abádhí nà. Kǒnziya abádhí-lèmà, ndàdù abádhí òkyè.

⁸Ní, abádhí-abvò nókoya ádrùngbǎ kigò, yà abádhí tó Ádrùngbǎle ka kutó mùsàlabhà dǒ òná kigò tó ngudhà ð. Ndi kigò ní ndi ka karí ìpbèna kanzi Sòdòmò tí, ndirò ngàtsi ní Mísri tí.

⁹Ní, ìngbàtí ìli ndi ale-tidò nzínzi ð ale mà, ìngbàtí ìli ndi rùgànda-tidò nzínzi ð ale mà, ìngbàtí ìli ndi aláva-tidò t'ále nzínzi ð ale mà, ìngbàtí ìli ndi pbìrì ð ale nzínzi ð ale mà nà náandáya kòrí abvo ìbhu idho dóná gòna nà tí , ndirò abádhí a'uya nzǐ kutdù ì abvo.

¹⁰Kǒkò ì yà adzi óvò ale-idhè níikaya ndi ìkǎ tí abádhí ùve dhu-okú dò rò. Ì ale-idhè níikaya ndi, 'àdù àmbe perè mà núbho dǒ fǐyò nzínziya ð, atdíð ò nyú kòrí óyð pbànábí náabhù ì 'àbà àpbè nídhunǐ.

¹¹Kòrí ìbhu idho dóná gòna nà dzidð, Kàgàwà bhà rò ìrà ìpìrǒnga tó ale-ihè náatsù abádhí-abvò ò, abádhí rǎdù 'ìvǎ, 'ìkò pfǒya dǒ. Nírò ní ndi ádrùngbǎ òdo níisì abádhí àndà rǒ rúbhi ale ò.

¹²Ndirò, kǒkò ì óyð pbànábí níiri òrù-tùna nà rí dhu òvo fǐyò òrù-akpà ò rò ale-tù, ndàti: «Nyùpò àzú!» Ní abádhí upò òrù-akpà ò àpbù ð, àzèmbè kǒkò ì abádhí tó òmvù rǎndàna rórò.

¹³Wò ndi kàsùmì ð tí, ádrùngbǎ mùtiti níisì, kigò tó atdínga idrè dǒ rǎdù ndùgòlò. Àrùbhù lufù ale náadù ùve wò ndi mùtiti ð. Ní ádrùngbǎ òdo nyú níisì òdòdì ale-go ò, rǎdù Kàgàwà, yà òrù-akpà ò arí'ì ale nílè.

¹⁴Dhu ìnzǎ rí òyo rí kìsè dhu núdà wà, ndirò ìbhu rí kìsè rǐ nzǐ àperè, ìnzǎ ndi nditò ndi rórò!

Àrùbhù rí kìsè wàndà rǒngò dhu

(Zàb 98; Upf 12.10; 19.6)

¹⁵Wò dhu-dzidð, àrùbhù rí kìsè màlàyikà náamì pbìndà wàndà. Ní ábhǒ ale náavò dhu òrù tǔya nyú nà òrù-akpà ò rò, 'àti: «Kòmbí yà adzi ð idzi núdà wà atdíð ò àlè tó Ádrùngbǎle Kàgàwà mà-fò ò, yà kùtri fǐndà ale, Krístò màna. Ní, ndi idzi rǎdì dhòdhòdhónganà!»

¹⁶Ndirò óyð kumì dóná ìfò nà pbàkùrù, yà fǐyó kámá tó tombi dǒ aróko Kàgàwà-ònzǐ, núugú ì, nyìya ràpbǎ adzikpa-ngbò nyú, 'ùlè Kàgàwà.

¹⁷Abádhí ambénà àtìnà dǒ: «Mǎ mǎbhū òtsò indù, fàkǎ Ádrùngbǎle Kàgàwà, yà ádrùngbǎnga tó ɔbì nà arí'ì kóró dhu dǒ alé! Nyi nyarí'ì inè, ndirò nyi nyi'ì inè. Obhó tí, nyi nyónzì kasu pbùkù ádrùngbǎnga tó ɔbì nǐ, nyidì pbùkù Idzi.

¹⁸Ìnzì arí nyifù ale ní'ì nàwí nà rùnù, pbétù kòmbí, pbùkù nàwí nítè ndi ndi abádhí-rǒ. Ndi kàsùmì ní, yà ùvǔvè ale-ànyǎ ìtdì nyi nyi ònǎ kàsùmì. Ndirò ka ní, yà indù kasu nanzì ale, pbùkù pbànábí mà, kóró ngǔkpà ale kǎkǎ ɔvònu ifù arí mànà tò nyi nyi mùkìmbà ùbhò ònǎ kàsùmì, ìmbǎ rì'ì indrù arí ifùna ale màtí, ndirò ìnzì indrù arí ifùna ale màtí. Ndi kàsùmì ní kǎkǎ yà adzi ìnzǎ arí ale-tsè òtdì nyi nyi ònǎ kàsùmì!»

¹⁹Wò dhu-dzidǒ, yà òrù-akpà ò arí'ì Kàgàwà bhà idza-li'ò náapfo ndi, Kàgàwà mànà indrù ùngbò ì dhu ìtè rí Sàndukù ràdù ndàla ònǎ. Ní inga núumbìlì, ale-tù mà, ɔvò rǔtǎ dhu mànà ràdù 'ìrì. Ndirò, yà adzi níivì, ifò ràdù ìkǒ atdíǒ.

Upfòta 12

Kàgàwà rǐ ònǎ nà tsìbhále òdò ádrùngbǎ osu-akpà-ba rǒ rò dhu

(*ɔpt 3.15; Dàn 12.1; Luk 10.18; 1Pè 5.8; Upf 2.26-27*)

¹Wò dhu-dzidǒ, ádrùngbǎ ize náavì ndi òrù-akpà ò. Ndi ize ní'ì adyifò nǎfǒ rónǎ mberù bhèyi atdí tsìbhále, àbì ràdù ì'ì pfǒna-tsinǎ. Ndirò kà-dò rǒ ì'ì mùkàkù ní atdí kumì dónǎ óyǒ nà alali rǐ'ì rónǎ mùkàkù .

²Wò ndi tsìbhále ní'ì ari nà. Ní, kǎmbénà ùkù dǒ, ndùgu ndi ndí rò, ndi ndí àpbè àbà dhu-okú dò rò.

³Wò dhu-dzidǒ, ngǎtsi ize náavì ndi òrù-akpà ò. Ndi dhu ní'ì kàzu bhèyi ìlù ádrùngbǎ osu-akpà-ba. Ndi osu-akpà-ba-dò ì'ì àrùbhù, ɔtdyúna ràdù ì'ì idre. I àrùbhù kà-dò rǒ, mùkàkù ní'ì atdátí.

⁴Ní, kǐdhá òrù-akpà rǒ alali tó atdínga ìbhū dǒ áwina nǐ, ndivò yà adzi dǒ. Ní wò osu níidè, wò ìkyèrǒ òdì ndínǐ ndi ndugù tí ndi tsìbhále-ònzì, ndínǐ ndi ndòtǒna tí kà rǔguna ngbángba ányìrǒ rò tí.

⁵Ní wò ndi tsìbhále núugu kpatsìbhá ngbángba, yà kóró pbìrì ǒ ale ùndàróngo tsùmà tó mùgǒ nǐ ngbángba. Pbétù, ka kadù ndi kàbhà ingba òdyì, kowù nà Kàgàwà-tì'ò, yà ndi Kàgàwà bhà ádrùngbǎ kamà tó tombi-tì'ò.

⁶Ndirò, wò ndi tsìbhále adù òku rùngù ò, yà Kàgàwà óbhòlò angyangyi fǐndà ngari ò, ndínǐ ka kòdò tí ndi mbèyi ányì, rǎrà àhū atdí lufù, óyǒ miyà dónǎ azà kumì nà idho tí .

⁷Ní, ìla níitsi òrù-akpà ò, ádrùngbǎ màlàyikà Mùkǎlì mà pbìndà màlàyíkà mànà rùgyè ì wò ndi osu-akpà-ba mà pbìndà màlàyíkàmànà nà. Ní wò ndi osu mà pbìndà màlàyíkà mànà núugye ì átò abádhí mànà.

⁸Pbétù kǎnzì nzá dhu lèmà, ndirò ngari adù ì'ì mbǎ abádhí tò tdítdǒ òrù-akpà ò, pbìndà màlàyíkà mànà.

⁹Ní, ka kibvu wò ndi ádrùngbǎ osu-akpà-ba obvò. Àbadhi ní ndi yà mùhàngù ò rò ì'ì osu , yà Nzére Ale tí, ndirò ngǎtsi nǐ Pfòmvo tí ka karánzina, yà adzi ǒ kóró ale ùtrǎ arí Ale. Ní ka kibvu ka yà adzi ǒ pbìndà màlàyíkà mànà.

¹⁰Wò dhu-dzidõ, ma miri ɔrú tũna nyú nà rí dhu ɔvo ɔrù-akpà ɔ rò ale-tù, ràmbe àtìnà dõ: «Kòmbí ɔgù mà, ádrùngbãnga tó ɔbi mà, àlě tó ádrùngbã kamà Kàgàwà bhà idzi mà, yà kũtri fĩndà ale, Krístò bhà ádrùngbãnga mà nà níwũ wà ùvò! Obhó tí, wò àlě t'ádóna ɔbhù rõ arúbhi kúbhingá màtí ndirò adyíbhengá màtí àlě tó Kàgàwà-ònzĩ ale, ka kìbvù wà ɔrù-akpà ɔ rò.

¹¹I àlě t'ádóna ɔnzĩ kà lèmà Tàmã-ngba-azù-ɔbì nĩ, ndirò, abádhí ɔnzĩ kà lèmà, yà ì aróvona indrù tò Kàgàwà bhà Ɔte nĩ. Abádhí náadzi fỳó ípìrõnga, ràrà àhu ì úve dhu ɔ màtí.

¹²Wò dhu-okú dò rò ní ndi inyi ɔrù-akpã, yà ùnú aróko ale mà nà kóró, nyĩ nyàkã nyílè nyĩ! Pbétù nyĩ yà adzi ɔ ndirò rèrù ɔ nyĩ nyáróko rò, nyĩ nyí'ì àpbè ɔ, wò ndi Pfòmvo nófò wà dũkù nídhunĩ. Ndirò, kàlè àlè tí nàwí nĩ, kùni dhu yà fĩndà ndi nùbhà kàsúmĩ-ngba ràrĩ'ì akekpa nídhunĩ.»

¹³Wò ndi osu-akpà-ba níitdègu ndi ka kìbvù yà adzi ɔ dhu àlã, ní kãdù ndòpè, ndònè yà kpatsìbhá ngbángba nugu tsìbhále, ndínĩ ndi ndonzi tí nzéɛ.

¹⁴Pbétù, ka kadù sàmà-pékélé nà ndi nófò ɔyõ pékéléna àbhu wò ndi tsìbhále tò, ndínĩ kãdù tí ndòbè nĩ, ndàrà rùngù ɔ yà fĩndà ka kabhòlò itse wò ndi osu-akpà-ba rõ rò ngari ɔ. Ányì ka kadò ka mbèyi nyú, ràrà àhu ìbhu ato dóná gòna nà nà tí.

¹⁵Ní, wò ndi osu-akpà-ba náadyo idha abho nyú lina ɔ rò, rìli ndi bhùna ɔ rókũ idha-akpà bhèyi ndi tsìbhále-owù ɔ, ndínĩ íyàdhíyà natdú tí ndàrà nà.

¹⁶Pbétù, adzi-kpa adù ndi wò tsìbhále dzùnà ɔnzì: kãngbe lina'ò, ndòtò wò ndi osu-akpà-ba àdyo lina ɔ rò idha-akpà.

¹⁷Ní, wò osu-akpà-ba náakó atdídõ wò tsìbhále rõ, ndàdù àrà ìla ɔnzì kàbhà ngũkpà inzo mà nà. I ale ní kãkà Kàgàwà bhà Ɔyátá ìfũ arí ale, 'àdù yà Yèsù unò fỳò dhu nífu ale.

¹⁸Nirò ní ndi wò ndi osu-akpà-ba naadù àrà ìde ádrùngbã rèrù-bidõ ɔsokpó dõ.

Upfòta 13

Osu-akpà-ba tò rí kasu ɔnzì nzéɛ ɔyõ ìzã

(Dàn 7.19-25; Upf 14.9-11; 17.3,7-17; 19.20)

¹Wò dhu-dzidõ ma mala atdí ìzã, ádrùngbã rèrù ɔ rò ráhu ró. Kà-dò ì'ì àrùbhù, ɔtdyúna ràdù ì'ì idre. Ndirò kóró ì kòtdyú rõ mùkàkú ní'ì ìnè, ndirò ì àrùbhù kà-dò rõ, ka kundí ɔvo ní'ì Kàgàwà nĩ ka kí dhu ùno nzéɛ ɔnà ɔvo.

²Wò ndi ma mala ìzã níli ndi atdáta bhèyi. Kà-pfò mà, kà-pfò-ɔdzèkélé mà nà ní'ì tsamangèrè bhà bhèyi. Ndirò kà-tsù náadù ndìli àrì-tsù bhèyi. Ní osu-akpà-ba náabhù pbìndà ádrùngbãnga tó ɔbi mà, pbìndà ádrùngbã kamà tó tombi mà, pbìndà ádrùngbãnga mà nà-ròrò kà tò.

³Wò ndi ìzã-dò nzínzi ɔ, atdí ale-dò náambénà òlo dõ ɔve-ngbò rõ otú nàbà dhu bhèyi, pbétù ndi otú náadù ɔgù ɔgù tí. Ní idho núuko yà adzi óvò ale atdídõ kóró ndi ìzã-okú dò rò, 'àdù kòwù núngu.

⁴Ní abádhí ɔko ì ɔtdyùya dǒ, 'ùlě wò osu-akpà-ba, pbìndà ádrùngbǎnga tó ɔbi-rɔrò kabhu wò ndi ìzǎ tó dhu-okú dǒ rò. Abádhí núuko ì 'ùlě ka, 'àmbe àtìnà dǒ: «Ádhi pbá ale ndi yàrí ìzǎ bhěyi pbìndà ɔbi rǐ'ì? Ádhi pbá ale ndi ndùgyè rádù kà nà, ndàdù kà lèmà ònzì?»

⁵Ní, wò ìzǎ tó ka kabhù ale-tsù ní ale ìdzǐ ka kí nǐ ɔte t'óteta mà, Kàgàwà nǐ ka kí dhu ùno nǐ mànà tó ale-tsù. Ndirò kǎdù ifo kumi dóná óyǒ nà àbí tí ndi ndí wò kasu ònzì nǐ ádrùngbǎnga tó ɔbi nábà.

⁶Ní wòrí ìzǎ náapè ndùnò dhu Kàgàwà nǐ: ndùnò dhu kǒvò nǐ, ndùnò dhu kǎrádi róngà nǐ, ndàdù dhu ùnò òrù-akpà ò aróko ngǔkpà ale nǐ átò.

⁷Ka kufà rusà kà tó ndínǐ ìla nugye tí Kàgàwà bhà ale mànà, ndònzì lèmàya. Ndirò, ka kabhù ka rǐ'ì ádrùngbǎnga tó ɔbi nà ìngbàtí ìli ndi rùgànda-tidò dǒ, ìngbàtí ìli ndi ale-tidò dǒ, ìngbàtí ìli ndi aláwà-tidò dǒ, ndirò ìngbàtí ìli ndi pbìrì dǒ.

⁸Yà adzi óvò ale kóró núuléya ka. I ale ní, kóró ale kǎkà, yà adzi ka kanzìna rò, ìnzà ka kandí ɔvòya yà àho ka kahò Tàmǎ-ngba tí kátina ale bhà ípìrǒnga tó bhùkù ò ale.

⁹Inga t'írìta tó bǐna nà arí'ì ale, nǎkǎ ndirò nga mběyi!

¹⁰Nyǐ Kàgàwà bhà alé, nyǐ nyǎkǎ nyǐ'ì dhu-dzi òndù arí ale tí, ndirò fíyó a'uta òdo arí ale tí. Kàgàwà ì'íya gukyè imbi ò ka kosóya tí atdí ale nudhé dhu tí, ní ka kosóya ndi ale imbi ò. Ndirò, kí'íya gukyè ìla t'úgyeta tó obhi-akpà nǐ ka kohoya tí atdí ale nudhé dhu tí, ní ka kohoya ndi ale obhi-akpà nǐ.

¹¹Wò dhu-dzidǒ, ma mala ɔyo rí kìsě ìzǎ, adzi ò rò ráhu ró. Kǒtdyú ì'ì ɔyo, ì ɔtdyúna rádù 'ùli tàmǎ-ngba-ɔtdyú bhěyi. Ndirò kǎránà òte rǒ osu-akpà-ba bhěyi.

¹²Kǎránà kasu ònzì rǒ yà angyinǎ rò ì'ì fǐndà ìzǎ-fó ndi ndábà ádrùngbǎnga tó ɔbi nǐ kóró ndi ìzǎ-ònzǐ. Kǎránà yà adzi mà òná aróko ndi ndóvò ale mànà nábhu rǒ rùlě wò ndi wemberè tó ìzǎ, yà ndi natsú ndòhò otú-bhu rǐ'ì dóna rǒ ìzǎ.

¹³Wò ndi ɔyo rí kìsě ìzǎ, náanzì ádròdrǒ wíwì. Obhó tí, kǎránà kàzu mà nábhu rǒ rìfò òrù-akpà ò rò, rìrà àhu yà adzi dǒ kóró ale-nyìkpó ǒ rò.

¹⁴Kǎbà wò wemberè tó ìzǎ-ònzǐ ndi ndí wíwì ònzì nǐ ádrùngbǎnga tó ɔbi. Ní, kǎránà yà adzi óvò ale àbhu rǒ rùwǐ ndi wíwì-otù ǒ, ndòvò dhu abádhí tó, ndàtì abádhí rǎkǎ 'òbhòlò ndi ìzǎ-wòyǒ. Ndi ìzǎ ní ndi ìla t'úgyeta tó obhi-akpà nǐ ka kalú ngbǒna ɔve-ngbò rǒ, pbétù rádù ìkye.

¹⁵Ndi ɔyo rí kìsě ìzǎ náabà ádrùngbǎnga tó ɔbi ní, wò wemberè tó ìzǎ-wòyǒ tó ndi ndí ípìrǒnga àbhù nǐ, ndínǐ ɔpé tí ndòtè, ndàdù kǎkà 'ùvò rí ìnzǐ 'ùko ì, 'ùlě ndi ale nókyè.

¹⁶Ndirò wò ndi ìzǎ náadù kóró ale ùtu, ìndrù arí ìfùna ale mà, ìnzǐ ìndrù arí ìfùna ale mànà, ònzítàle mà nǎkùtále mànà, dòyá arí'ì ìtírò ale mà ìno tí arí'ì ale mànà, ndínǐ ka kulì tí ize fangà tó ɔtsúya rǒ màtí, ndirò ngǎtsi nǐ nyíya-ndri rǒ màtí.

¹⁷Dhu òdzi ka kí, ndirò dhu ùdzǐ ka kí dhu tó otu ní'ì mbǎ atdí ale tó màtí, ìmbǎ ndi ale ì'ì ndi ize nà rò. Ndi ize ní'ì wò ndi ìzǎ-òvò, ndirò ndi ɔvo nà ndi nàko ɔzú-bvu .

¹⁸ Iró dhu àkǎnà kí'ì dhu-ǎnga t'óvòta tó irèta nà. Ní, inga t'únita tó irèta nà arí'ì ale, náká ndùpí wò ndi iza bhà lìmòrò. Obhó tí, ndi lìmòrò ní atdí ale-òvò nà ndi náko lìmòrò. Ndirò ka ní azà miyà, azà kumì, dòná azà nà .

Upfòta 14

Tàmǎ-ngba úwɔ ale rǐ adyi-ɔwútá núyɔ dhu

(É`br 12.22-24; Upf 7.3)

¹ Wò dhu-dzidǒ ma mandà nga, ní ma mala Tàmǎ-ngba tí kátina aleSàyuni tó pbìri dǒ idè ró. Kǐ'ì atdíkpá atdí miyà, ifo kumì, dòná ifo nà lufù ale mànà, ndirò, i ale-nyìndri rǒ ka kundí ɔvɔ ní'ì kǒvò mà kà t'Ábanà-òvò mànà.

² Ní, ma miri atdí ale-tù òrù-akpà ò rò rírà, ràmbe àwa dǒ àdhàdhì ábhǒ idhá-yà-ba rǐ ndisòlo dhu bhèyi, ndirò, atdí dǒ rúta ɔvɔ-tù bhèyi. Ndi ale-tù níri ndi átò ràmbe ò'ò dǒ dùmù òti rí ale rǐ fiyó dùmù òti dhu bhèyi.

³ Ní kǒkò atdí miyà, ifo kumì, dòná ifo nà lufù ale náambénà adyi-ɔwútá úyɔ dǒ Kàgàwà bhà ádrùngbǎ kamà tó tombi mà, ípìrǒnga nà ifo dhu-tsí mà, pbàkùrǔ mànà-ònzǐ. Atdí ale mà wò ndi adyi ùdhe rádù ndùni ní'ì ìmbǎ, inzà ní kǒkò atdí miyà, ifo kumì dòná ifo nà lufù ale, kǎkà yà adzi ǒ rò Tàmǎ-ngba úwɔ kèlě núdhe ka 'ùni rò.

⁴ I ale ní ì nódò atdí dǒ, 'òkò ilátá ǒ Kàgàwà-nyìkpó ǒ ale, yà inzà ì níti vèbhále nà ì úbhi dhu-otù ǒ ale. Ndirò abádhí arúbhi Tàmǎ-ngba-owù ǒ, yà kà rǔbhi òná kóró ngari ǒ. Obhó tí, abádhí ní i ka kùwù ngǔkpá ale nzínzi ǒ rò, rǐ'ì àdhàdhì wemberè tí ka kúbhòna Kàgàwà tò, ndirò Tàmǎ-ngba tò perè bhèyi.

⁵ Abádhí ní inzà àpè títò ùnɔ atdí-gùna màtí ale, ndirò ìmbǎ nzére dhu tí ka kózùna dhu rǐ'ì nyuyatsi ale.

Ìbhu màlàyíká rǐ Kàgàwà rǐ anya ìtdì yà adzi óvò ale dǒ dhu òvɔ dhu

(Kas 17.30-31; Upf 18; 19.19-20)

⁶ Wò dhu-dzidǒ, ma mala atdí màlàyíkà ɔrú nyú róku awe ǒ ró, ndàdù ì'ì yà adzi óvò ale tò ndi ndóvɔna dhòdhódhóngà tó Ídzì Mǎkǔrù nà. I ale ní ìngbàtí ìli ndi pbìri ǒ ale mà, ìngbàtí ìli ndi rùgànda-tidò mà, ìngbàtí ìli ndi aláwà-tidò t'ále mà, ndirò ìngbàtí ìli ndi ale-tidò mànà.

⁷ Ní kǎmbénà dhu òvɔ dǒ ɔrú tǔna nyú nà, ndàmbe àtìna dǒ: «Nyǐ nyàkǎ nyǒnzǐ Kàgàwà ɔdò, nyǎdù ilènà! Obhó tí, kàbhà kàsùmì yà ìndrǔ-ànyǎ ìtdì kà rǐ òná náká wà. Nyǐ nyàkǎ nyǔlě wò ndi òrù-akpà mà, adzi mà, ádrùngbǎ rèrù mà, idha-dòtí-nzo mànà nanzì ale!»

⁸ ɔyɔ rí kìsě màlàyíkà náadù ìrà wò ndi wemberè tó-tsí dzidǒ, ndàdù òkù, ndàti: «Íyàdhíyà ìtsì wà! Bàbelì tó ádrùngbǎ kigò ìtsì wà! Kǎbhu kóró pbìri ǒ ale ròmvù Kàgàwà bhà ádrùngbǎ nàwí tó dǐvayì, yà abádhí ndi ndábhu ròtsù pbìndà mùnyòni ò dhu-otù ǒ.»

⁹ Ìbhu rí kìsě màlàyíkà níra kǒkò angyi ìwǔ óyǒ màlàyíká dzidǒ. Ní, kǎvò dhu ɔrú tǔna nyú nà, ndàti: «Ìngbàtí ìli ndi ale yà wòyòna ka kóbhòlò iza mà ndi kà-wòyǒ mà ùlě rí, kadù ndi iza bhà ize àpba nyìna-ndri rǒ màtí ndirò ngǎtsi ní ɔtsùna rǒ màtí ale,

¹⁰ ní rĩ Kàgàwà bhà ádrùngbà nàwí tó òwà yì nómuvè átò. Obhó tí, ndi òwà yì ka kabhòlò ìnzì kisì idha ònà, kadù òdhòná kàbhà nàwí tó kópà ò! Kòkò dhu bhèyi ale náabáya àpbè kàzù ò, ndirò abádhí abáya ka yà atdíđò arúla ògbe ndógbe rò áwùse tó dhu-ra ò, ìlílà màlàyíkà mà, Tàmă-ngba màná-ònzì.

¹¹ Ndirò, wò ndi abádhí tó àpbè tó kàzù-ìkò náarúpo òrù dhòdhòdhóngà nà. Kòkò ndi ìzà mà, wòyòna màná núle ongónà ale, yà kòvò tó ize ka kùpbá ròyá ale kóró, náarí nzì 'àsò atdíku màtí kùbhingá, ndirò adyíbhengá màtí àpbè ò rò.»

¹² Wò dhu-okú dò rò ní ndi, Kàgàwà bhà ale, kàkà Kàgàwà bhà Úyátá ìfù arí, 'adù Yèsù à'ù ale, nákà ì'ì dhu-dzi òndù arí ale tí.

¹³ Ndirò, ma miri ale-tù òrù-akpà ò rò rí dhu òvò ró, ndàti: «Ándí yàrí dhu: <Hirò nònzì ní yà kòmbí ndi nòpè rò rúve Ádrùngbàle Yèsù ì á'ù rórò ale! > Ìlílà-Alafí rätina: <Obhó dhu ní ndi! Ì ale rĩ 'àsò fiyó ododu kasu ò rò, abádhí anzì ídzì dhu nódhò wà ì, 'òwù abádhí-owù ò nídhunì.»

Yà adzi ò ale-ànyà ìtdì ka kí dhu

(Ìsa 63.1-8; Yò `w 4.12-14; Mát 13.37)

¹⁴ Ma màndà nga tdítdò, ní, ma mala òwòwù àpbù, ndirò ndi àpbù dō ndi ndàdi ró ì'ì ale ní Ìndrù t'Ídhùnà nà ndi nòfò ale . Kà-dò rō ì'ì ní òrò tó mùkàkù, ndirò kà-fò ì'ì dhu ní inga ò dhu òtse ka karí nì atdíđò ndi nákà obhi-tidò.

¹⁵ Ní, atdí màlàyíkà náahù òrù-akpà ò arí'ì Kàgàwà bhà idza ò rò, ndòkù òrú tūna nyú nà ndàti wò ndi àpbù dō àdi ale nì: «Ídyì pbùkù obhi, nyòpè nyogù inga ò dhu nì. Obhó tí, yà adzi àdi wà tumbà tí, òná dhu ka kogu tí, ndirò ndi ònzi-bvù dhu ògu ka kí òná kàsùmì àkà wà!»

¹⁶ Ní, wò ndi àpbù dō àdi ale núudà pbìndà obhi yà adzi ò, ndòtsè kà ò dhu nì.

¹⁷ Ngàtsi màlàyíkà náadù àhu òrù-akpà ò arí'ì Kàgàwà bhà idza ò rò, ndi mà átò ndàdù ì'ì inga ò dhu ògu ka karí nì ndi nakàní obhi nà fóná.

¹⁸ Ngàtsi màlàyíkà ní'ì ádrùngbànga tó òbi nà màzàbahù-dō arí'ì kàzù dō . Ní ndi-tsí náahù ndi màzàbahù dō rò, ndàdù òkù òrú tūna nyú nà wò atdíđò ndi nàkà obhi rĩ'ì fóná màlàyíkà tò. Kàti: «Ídyì wò atdíđò ndi nàkà pbùkù obhi, nyazè yà adzi ò rí'ì vinyò-kpò nì, iwà ndi vinyò-kpò nó'ò nídhunì.»

¹⁹ Ní, wò màlàyíkà núudà pbìndà obhi yà adzi dō, ndàzè yà adzi ò vinyò-kpò nì, ndàdù ndi vinyò-kpò àwà kùzù ka karí òná ádrùngbà ibhu-ba ò. Kòkò dhu kóró rītèna dhu ní Kàgàwà bhà nàwí.

²⁰ Ka kaha ndi vinyò-kpò bhùna ò, irinà rò kígò tò. Ní, azu isòlò ndi abhò nyú ndi kà-bhu ò rò, gùgùna rùpò, ndàrà àhu mùhàgù-tsu rō nyú. Ndirò, ndi azu adù òkù, ndàrà àhu mbèmbè ìbhu miyà kilòmètèrè tí .

Upfòta 15

Músà bhà adyi mà, Tàmă-ngba bhà adyi màná núyù ka kí dhu

(Upf 11.19; 16.1; 19.1-4)

¹Wò dhu-dzidõ, ma mala ngätsi ádrùngbã ndirò idho rĩ ìndrũ mà ùkõ atdíidõ nĩ ize òrù-akpà-nyì-rõ. Ndi dhu ni'ì àrùbhù màlàyíká àrùbhù dhèdhèrò àpbè-tidò nùlũ foyá. Kõkò ì àpbè ni'ì ndi kà rĩku dòyá rò àpbè, abádhí rõ rò Kàgàwà rĩ pbìndà nàwí ìto nídhuní.

²Tdíidõ, ma mala kìràwulì bhèyi òná nga rãwù, ndàdù ì'ì kàzu nà òná átò ádrùngbã rèrù. Ndirò, ma mala ìzã lè mà nónzì ale, yà ìnzá kà-wòyõ nùlẽ, ndirò ì nùvõ ìnzì kùpbì kòvò nà ndi nàko òzù-bvu nyìya-ndrìnã ale. Abádhí ikò ndi ádrùngbã rèrù dõ, 'àdù Kàgàwà bhà dùmù ùlu foyá.

³Ní, abádhí ambénà Músà, Kàgàwà bhà kasutále bhà adyi mà, Tàmã-ngba bhà adyi mà, nùyù dõ . Abádhí ambénà àtìnà dõ: «Ádrùngbãle Kàgàwà yà kóró dhu dõ arí'ì ádrùngbãnga tó òbi nà alé, kàsũnu ní ádrùngbã, ndirò idho rĩ ìndrũ ùkõ nĩ kasu! Inyi, kóró pbìrì ò ale tó Ádrùngbã kamã, pbùkù kasu ní obhónánga tó, ndirò ka ní obhóna tó kasu!

⁴Inyi Ádrùngbãlé, ádhi pbá ale ndi ìnzì rádù òdònu ònzì? Ndirò, ádhi pbá ale ndi ìnzì rádù òvònu ilè? Obhó tí, inyi atdíidò ní ndi ìlílá ale! Ndirò, kóró pbìrì ò ale róngo ìwu 'ùko ònzìnú, 'ùlẽ nyi, pbùkù obhónánga tó kasu nála wà ndi kpingba abádhí tò nídhuní!»

Kàgàwà bhà nàwí rĩ'ì òyà àrùbhù kópà

⁵Ndirò wò dhu-dzidõ, ma mala Kàgàwà bhà idza-li'ò ndàngbè rí òrù-akpà ò ró. Kà-ò ì'ì ní Kàgàwà bhà Úyátá rĩ'ì òná sàndukù rĩ'ì òná hemě-dza. Ányì ì'ì dhu ní, yà Kàgàwà arí nditè ìndrũ tò òná rò hemě-dza.

⁶Ndirò àrùbhù dhèdhèrò àpbè-tidò nùlũ foyá àrùbhù màlàyíká nùuvò wò ndi Kàgàwà bhà idza ò rò. Abádhí ufó mberù ni'ì òwòwù tdyé mberù, 'àdù odrùya-dò ìso òrò tó kùkyè nĩ.

⁷Ndirò, ìpìrõnga nà ìfò dhu-tsí nzínzì ò atdí dhu nùubhò òrò nĩ ka kóbhòlò àrùbhù kópà, kòkò àrùbhù màlàyíká-fó. I kópà nùulè ùlè tí Kàgàwà, yà dhòdhòdhóna nà arádi ale bhà nàwí nĩ.

⁸Ní, wò ndi Kàgàwà bhà idza náalè Kàgàwà bhà ádrùngbãnga tó awáwù mà, kàbhà ádrùngbãnga tó òbi màná ò rò ráhu ìko nĩ. Ndirò, ányì rótsù atdí ale mà ní'ì ìmbã, ràrà àhu kòkò àrùbhù màlàyíká rìbhona àrùbhù àpbè ròwu ìku dhu ò.

Upfòta 16

Àrùbhù màlàyíká rĩ àrùbhù kópà ò rĩ'ì Kàgàwà bhà nàwí ùdhõ yà adzi dõ dhu

(Uvt 7-10; Upf 8.6-9.21)

¹Wò dhu-dzidõ, ma miri òrú ale-tù nyú nà ka kí dhu òvo Kàgàwà bhà idzá rò àrùbhù màlàyíká tò dhu. Ka kati: «Nyòwu nyùdho kòkò àrùbhù kópà ò rĩ'ì Kàgàwà bhà nàwí yà adzi dõ!»

²Ní wemberè tó màlàyikà náadhò pbìndà kópà ò nàwí yà adzi dõ. Ní nzére otú-tidò, yà atdíidõ rándi otú, náahù kòkò ìzã tó kàsé nà rĩ'ì ròyá, 'àdù ambe kà-wòyõ nùle dõ ale rõ .

³Ɔyo rí kìsě màlàyìkà náadhò p̀b̀ìndà kópà ò rí'ì nàwí ádr̀ungbǎ r̀èr̀ù ò. Ní idha ug̀èr̀è ndì ndòngò òvè òvè ale ò rò ráhu azu bhěyi, ndì r̀èr̀ù ò ì nòtù ípìr̀õnga nà arí'ì idha ǒ dhu-tsí ràdù ùvè kóró.

⁴Ìbhu rí kìsě màlàyìkà náadhò p̀b̀ìndà kópà ò rí'ì Kàgàwà bhà nàwí idha-akpá mà, idha-dòtí-nzo mànà ò, òyá idha ràdù 'ùg̀èr̀è, 'òngò azu tí átò.

⁵Ní ma miri yà idha dõnga àndà arí màlàyìkà r̀ř̀ dhu òvò dhu, ndàtì: «Ìnyi Ìl̀l̀á alé, nyi nyarí'ì inè ndirò nyi nyi'ì inè. Nyi nyòtdì kòrí anya obhónánga dǒ.

⁶Obhó tí, ìndr̀ù núufu p̀b̀ùkù p̀b̀ànábí mà ngǔkpà p̀b̀ùkù ale mànà-azù. Ní ndì dhu-okú dò rò, kòmbí nyi nyàbhu wà abádhí ròmvù azu átò. Wòrí ní ndì abádhí àkànà 'àbà dhu!»

⁷Wò dhu-dzidǒ, ma miri ale-tù màzàbahù dò rò rí dhu òvò ró, ndàtì: «Obhóngàtì, ìnyi fàkà Ádr̀ungbǎle Kàgàwà, yà ádr̀ungbǎnga tó ɔbi nà arí'ì kóró dhu dǒ alé, nyi nyòtdì wò anya obhónánga dǒ ndirò obhónánga dǒ!»

⁸Ìfò rí kìsě màlàyìkà náadhò p̀b̀ìndà kópà ò rí'ì nàwí adyifò dǒ. Ní ndì adyifò náabà ìndr̀ù ùbi ndì ndí ònà rò ráhu kàzù nǐ nǐ ádr̀ungbǎnga tó ɔbi.

⁹Ní, ìndr̀ù náagbè wò ndì atdídǒ ìgbě kàzù nǐ, r̀àrà àhu ì í dhu ùvò wò ndì àp̀b̀è t'ìbhòta tó ádr̀ungbǎnga tó ɔbi nà arí'ì ale, Kàgàwà-òvò nǐ dhu ò. Abádhí uvó ì ìnzǐ 'ùg̀èr̀è ì 'ùbhà f̀ỳó nzérenga, ndirò abádhí adù 'ùvo átò ìnzǐ 'ilè ka.

¹⁰Imbo rí kìsě màlàyìkà náadhò p̀b̀ìndà kópà ò rí'ì nàwí ìzǎ bhà ádr̀ungbǎ kamà tó tombi dǒ. Ní, ìnò níibvù ndì kǒnyù idzi dòná p̀b̀ìr̀ì dǒ. Ní, ìndr̀ù apè 'à'á idàya ì ábàna àp̀b̀è-okú dò rò.

¹¹Abádhí núuno dhu Kàgàwà, yà òr̀ù-akpà ò arí'ì ale nǐ, ròyá rí otu r̀àndì dhu-okú dò rò. P̀b̀ètù, abádhí ug̀èr̀è nzá ì, ùbhà f̀ỳó nzére m̀t̀s̀o.

¹²Aza rí kìsě màlàyìkà náadhò p̀b̀ìndà kópà ò rí'ì Kàgàwà bhà nàwí F̀uràtì tí kátina ádr̀ungbǎ idha-akpà ò. Ní ndì idha-bhù ǒ idha atdyù ndíní otu nùbhà tí adyifò arí ndìto ìnǎ rò arí ìwu ádr̀òdr̀ǒ kámá tò.

¹³Nirò ní ndì ma mala àngbè bhěyi ì nùlì ìbhu nzére-alafí: atdí náahù ádr̀ungbǎ osu-akpà-ba-lí'ò rò, ngǎtsi náahù ìzǎ-lí'ò rò, ndirò ngǎtsi ràdù àhu ɔyo rí kìsě ìzǎ, yà t̀t̀ò tó nabì tí kátina-lí'ò rò.

¹⁴Abádhí ní'ì idho r̀ř̀ ìndr̀ù ùkǒ nǐ dhu ònzì rí nzére-alafí. Ndirò, abádhí ní ì yà adzi ǒ kóró ádr̀òdr̀ǒ kámá d̀òyanǎ ubhìya, 'ùndu abádhí-tsù alafí, ndíní Kàgàwà, yà kóró dhu dǒ arí'ì ádr̀ungbǎnga tó ɔbi nà ale, nugye tí kàbhà Ádr̀ungbǎ Idho ǒ.

¹⁵Ádr̀ungbǎle r̀ř̀ dhu òvò, ndàtì: «Kànǐ ma mírà ogbotále náaríà dhu bhěyi, yà ìnzá nyí nyùnì kàsùmì ǒ. Hirò ònzì rí ale ní nyìkpóna nà rádi ndàdù p̀b̀ìndà mberù òdò mběyi r̀òná ìnzǐ ndùwà ale, akye ndì ndarana ìla ò nzínzì rò, nyina ràdù àmbè ìwu dǒ ìndr̀ù nzínzì ǒ nǐ.»

¹⁶Nirò ní ndì kǒkò ìbhu nzére-alafí núundu kǒkò ádr̀òdr̀ǒ kámá-tsù yà H̀àrmàgèdonì tí ka kátina P̀b̀àèbr̀àniyà t'ávàna ǒ atdí ngari ǒ.

¹⁷Àrùbhù rí kîsě màlàyíkà náadhò pbindà kópà ò rí'ì Kàgàwà bhà nàwí awe ǝ. Nírò ní ndí atdí ǝrú ale-tù nyú níri ndí Kàgàwà bhà idza, yà ádrùngbǎ kamà tó tombi rí'ì ì rò, ndàti: «Kòmbí kóró dhu ònzì wà ndí!»

¹⁸Ní, inga umbìlì, ǝvǝ utá, wògò iri ndí, yà inzà apèna isǝ angyi yà ìndrù apèna 'òngò òko yà adzi dǝ rò ádrùngbǎ mùtìtì ràdù isǝ. Obhó tí, ndí mùtìtì ní'ì ádrùngbǎ mùtìtì nyú!

¹⁹Ní, kǝgolo ádrùngbǎ kigò Babelì , ndàbhù ònánga rùndò ndí ìbhù, kóró ngǝkpà pbirì ǝ kigò ràdù 'ùgolo átò. Ndi dhu bhěyi ní ndí ndí ádrùngbǎ kigò náadzò nzà Kàgàwà ònǎ rò, kǎbhù ka ròmuvè atdíđǝ ǝrú pbindà nàwí tó òvayì átò nídhunǝ.

²⁰Kóró sòngà núuwí, ìnzǝ pbirì ràdù 'àla tǝtǝđǝ.

²¹Wò dhu-dzidǝ, ádròdrǝ kpǝna nà ifǝ nà igye níikó ìndrù dǝ. I ifǝkpǝ ì'ì ádròdrǝ nyú, fǝyǝ mùgèrè ròsè ifǝ kumì kilo ònǎ. Ní ìndrù núuǝ dhu Kàgàwà ní wò ndí ifǝ nà igye rǎbhǝna fǝyǝ àpbè-okú dǝ rò. Obhó tí, wò ndí ifǝ nà igye níinza dhu abhǝ nyú atdíđǝ.

Upfòta 17

Atdíđǝ arí m̀nyòni ònzì atdí tsìbhále tó mbóli

(Upf 16.19; 18)

¹Nírò ní ndí yà Kàgàwà bhà nàwí tó kópà nà ì'ina foyá àrùbhù màlàyíkà nzínzì ǝ atdí màlàyíkà níra dhu òvò idù. Kǎti: «Írà ndínǝ ma mìtè tí ìngbà dhu bhěyi màtì Kàgàwà rí anya òtdí yà atdíđǝ arí m̀nyòni ònzì tsìbhále dǝ dhu indù. Ndi tsìbhále ní yà ádròdrǝ idha-bidǝ ka kasì ádrùngbǎ kigò.

²Yà adzi ǝ ádròdrǝ kámá nóongónà m̀nyòni ònzì kà mànà, yà adzi ǝ ngǝkpà ale ràdù òri kǎbhà m̀nyòni tó òvayì ní.»

³Ní, Kàgàwà bhà Ìlǎ-Alafí nírá ma, màlàyíkà ràdù modyì, ndàrà ma nà rùngù ò. Ní ányì, ma mala atdí tsìbhále òlòlù atdí ìzǎ dǝ àdi ró. Ndi ìzǎ rǝ ka kadù ùndinà ǝvǝ ní Kàgàwà ní ka kí dhu ùnǝ ní ǝvǝ. Ndirò, ndí ìzǎ-dǝ ì'ì àrùbhù, ǝtdyúna ràdù ì'ì idre.

⁴Wò ndí tsìbhále ufǝ ní'ì itǝtì òlòlùnga mà ngbó ólù mberù mànà, ndàdù ngbǝna náyò ùmbìlì rùmbìlì ǝrò tó dhu-tsí mà, ǝrú odzìna nà odu-tidò mà yòkpǝ mànà ní. Ndirò kǎlù fǝnǎ dhu ní'ì ǝrò ní ka kóbhòlò yà àlè tí àlè íyàdhíyà bhà m̀nyòni tó òndrò ka kóndrò atdíđǝ mùtǝ, yà inzà ìlǎ Kàgàwà-nyǝkpǝ ǝ dhu ní kópà.

⁵Kà-nyì rǝ ka kandí ǝvǝ ní'ì, òru tí ka kórù tǝna ǝvǝ. Ndi ǝvǝ ní'ì: Babelì , Ádrùngbǎ kigò, m̀nyòni ònzì arí vèbhále-tsánà ndirò yà adzi ǝ arí 'ònzì òndrò ka kóndrò atdíđǝ dhu-tsánà.

⁶Ndirò, ma mala dhu ní wò ndí tsìbhále òri Kàgàwà bhà ale, yà Yèsù bhà ngàm̀bì tí ì akò dhu-okú dǝ rò ka kakyè ale-azù ní dhu. Ní, íyàdhíyà ma màla rò, idhǝ núukǝ ma atdíđǝ.

⁷Nírò ní ndí màlàyíkà náavò dhu idù, ndàti: «Ádhu idhǝ ùkǝ nyi ní? Ima, ma mí wò tsìbhále-nyutsì ndí nòrù dhu-tì àwě indù. Ndirò, ma mí wò ka nàndò àrùbhù ònǎ nà, ǝtdyúna ràdù ì'ì idre ìzǎ-nyutsì ndí nòrù dhu-tì àwě átò indù.

⁸Wò nyi nyàla iza ní'ì inè angyi, pbétù kòmbí kà rí mbà ì'ì. Ní, kà rùpo ùpo, òyí ò rò, ndíní òtèna ikù tí atdíđ. Ndirò yà adzi ǒ aróko ale, kákà inzà ka kundí ɔvòya ípìrǒnga tó bhùkù ò, ròpè ndí yà adzi Kàgàwà anzàna rò ale, ní idhò ukoyà wò ndí iza àlà ì í rò. Obhó tí, ndí iza ní'ì inè angyi, pbétù kàrí'ì mbà kòmbí, ndirò kàraya ndìtò ìtò tdítđ!

⁹Irò dhu àkànà kí'ì dhu-ǒnga t'òvòta tó irèta nà ndíní ì dhu alú tí ale-dò mběyi! Kòrí àrùbhù ndí iza-dò ní àrùbhù pbìrì-akpá, yà wò ndí tsìbhále náaradi dòyá. Kòrí ì kà-dò ní átò àrùbhù ádròdrǒ kámá.

¹⁰Abádhí nzínzì ǒ imbò ale tó idzi-tsù òdì wà ì. Atdí-tsí nádì àdì idzi ndí ndónyù ró, yà inzà àrùbhù rí kìsè-tsí nápè irà àhù ònaná. Ní, kà ríra àhù rò, kádiya ídǒ kàsùmì kèlě tí.

¹¹Wò ndí inè ì'ì angyi iza, pbétù yà imbà arí'ì tdítđ kòmbí, nyú ndítírò ní àrù rí kìsè ádrùngbà kamà. Ka ní atdí ale kǒkò àrùbhù ale nzínzì ǒ, ndirò kà ràrà ndíní òtèna ikù tí atdíđ.

¹²Kǒkò nyi nyàla idrè ndí iza-ɔtdyú ní idrè ádròdrǒ kámá, yà inzà àpè idzi òpè 'ònyù. Pbétù, abádhí rí ádrùngbànga tó ɔbi àbà, 'ònyù idzi atdíkpá wòrí ndí iza mànà ídǒ kàsùmì kèlě tí.

¹³Ì idrè kámá kóró rí'ì nà dhu ní atdí irèta kèlě, 'àngbò fìyó ádrùngbànga tó ɔbi mà, fìyó ádrùngbànga mànà wò ndí iza dzùnà ì ɔnzì tí nǐ.

¹⁴Abádhí rí Tàmá-ngba tí kátina ale ùgye atdíkpá, pbétù ndí Tàmá-ngba náadùya abádhí lèmà ònzì ònzì tí ádròdrǒ ale dǒ Ádrùngbále tí kà rí'ì, ndirò ádròdrǒ kámá dǒ Ádrùngbà Kamà tí kà rí'ì dhu-okú dò rò. Kàgàwà únzì ndàdù òvòna fíndà ale, kákà atdí afíya nà arí kòwù ùngǔ ale, náadùya dhu-lèmà ònzì atdíkpá ndí Tàmá-ngba mànà.»

¹⁵Wò ndí màlàyikà náadù àtìnà ima nǐ tdítđ: «Wò nyi nyàla yà múnnyòni tó tsìbhále àdì biya dǒ idha ní dhèdhèrò ale-tidò mà, dhèdhèrò ihé yà mà, dhèdhèrò pbìrì ǒ ale mà, ndirò dhèdhèrò alávà-tidò t'ále mànà.

¹⁶Kǒkò nyi nyàla idrè ndí iza-ɔtdyú, ndí iza nyú mànà, rí wò múnnyòni tó tsìbhále nónrò òndrò tí. Abádhí rí kàrí'ì nà dhu ùdhà kóró kà-fó rò, 'àdù kùbhà tírǒrò. Ndirò abádhí rí kà-zá à'a, 'àdù ndí nùbhà ka-go ùbì kàzà ò.

¹⁷Obhó tí, Kàgàwà níli wà abádhí ìtù rí rònzì ndí ndùdhè dhu kèlě irèta abádhí-afí ò. Abádhí rí 'ìrì atdí ɔte dǒ, 'àdù fìyó ádròdrǒ kámá tó ádrùngbànga àngbò atdíkpá ndí iza dzùnà t'ònzita tò, ràrà àhù Kàgàwà unò ɔte rākà dhu ò.

¹⁸Wò nyi nyàla ndí tsìbhále ní ádrùngbà kigò, yà yàrí adzi ǒ ádròdrǒ kámá dǒ idzi nónyù ádrùngbà kigò.»

Upfòta 18

Màlàyikà rí Bàbelì tó kigò rí ndùkǒ dhu òvò dhu

(Ìsa 13; 47; Ye`r 50-51)

¹Kòrí dhu-dzidõ, ma mala ngãtsi màlàyikà òrù-akpà ò rò rífo ró. Àbadhi i'ì ádrùngbã ádrùngbãnga tó òbi nà, ndirò yà adzi-õnga kóró náawù kàbhà ádrùngbãnga tó awáwù nǎ.

²Nírò ní ndi kákù òrù tūna nyú nà, ndàti: «Íyàdhíyà ìtsì wà, Bàbelì tó ádrùngbã kígõ ìtsì wà! Kòmbí kòngò wà pfòmvo aróko ró nga tí, ndirò kóró nzére-alafí-tidò aróko ró nga tí. Kòngò wà yà ìndrù óndrò Kàgàwà-nyìkpó ò òtì àrè-tidò mà ìzã-tidò mà nà náaróko ró nga tí.

³Obhó tí, kóró pbìrì ò ale nómvù Kàgàwà bhà ádrùngbã nàwí tó òvayì, yà kàbhà abádhí ròtsù pbìndà m̀nyòni ò dhu-otù ò. Yà adzi ò ádròdrõ kámá nónzi m̀nyòni íyàdhíyà nà, ndirò yà adzi ò mùtùruzitále nónzi kàbhà ábhõ ònzi-okú dò rò.»

⁴Wò dhu-dzidõ ma mìri ngãtsi ale-tù òrù-akpà ò rò rí dhu òvo ró, ndàti: «Pbàkà alé, nyùvò wòrí kígò ò rò, akye nyí nyowuna òtsù kàbhà nzérenge ò, nyádù kà rãbàna àpbè àbà átò nǎ.

⁵Obhó tí, kàbhà nzérenge núpò wà atdíidõ, ràrà àhu òrù-akpà nyú ò, ndirò ndi atdíidõ kǎfã dhu tó dhu nàrà wà ìse Kàgàwà ò.

⁶Dhu àkã kónzi dhu kà-rõ àdhàdhì yà ngùkpà ale-rõ kãnzì dhu dhu bhèyi. Dhu àkã kubho ngùkpà ale-rõ kãnzì dhu òyo-gùna ròsè. Ndirò yà ngùkpà ale tó kãrí òvayì ùngbõ ònã kópà ò, dhu àkã kungbõ òvayì kà tó fìndá ògyè ròsè òyo-gùna.

⁷Ndirò àdhàdhì kóngónà ndòzè ndàdi ádrùngbã ilèta mà ònzi mà nà ò dhu bhèyi, ní dhu àkã kàbhà ka ràdi àpbè mà òve tó ìzu mà nà ò. Obhó tí, afína ò kãrátina: «Ìma, ma marádi ádrùngbã kamà tó tombi dõ tsìbhá ádrùngbã kamà bhèyi, ma ní nzì abvo-àyi, ndirò ma mí nzì adi òve tó ìzu ò akèkpá màtí! »

⁸Wò dhu-okú dò rò ní ndi, atdí idho ò tí kà rǎ pé kóró andi-tidò mà, òve tó ìzu mà àwù mà nà tó àpbè nábà. Ndirò, kàzu rǎ kùbi rògbè atdíidõ, kà-dõ anya nòtdì ale, Ádrùngbãle Kàgàwà ní ádrùngbãnga tó òbi nà ale nídhunǎ.»

⁹Yà íyàdhíyà mà nà m̀nyòni nanzì yà adzi ò ádròdrõ kámá, 'àdù òko ònzi ò kà mà nà, náambèya òdzi dõ, 'àdù òtsúya ùlì ngàngàya-rõ, íyàdhíyà rògbe nǎ kàzu-ìkò àlã ì í rò.

¹⁰Abádhí níikòya itse wò ndi àpbè-òdò ònzi ì í rò, 'àdù àmbe àtina dõ: «Nyí nyí'ì àpbè ò! Nyí nyí'ì àpbè ò, ìnyi Bàbelì tó ádrùngbã kígõ, ndirò ádrùngbãnga tó òbi nà arí'ì kígõ! Obhó tí, Kàgàwà òtdì wà anya dùnú atdí adyifò-sisì ò tí!»

¹¹Yà adzi ò mùtùruzitále ròdzi, 'àdù òko ìzu ò íyàdhíyà-okú dò rò, ìmbã odzi rǎ ì ìwù nà dhu òdzi rí atdí ale mà rǎ'ì nídhunǎ.

¹²Ì dhu-tsí ní: òrò mà, fùrangà tó suma-tidò mà, òrù odziya nà atdíidõ úya odu-tidò mà, yòkpó mà nà. Ndirò ní ùyùya uzì nǎ ka kódyù mberù mà, ìtì òlòlùnga tó mberù mà, sùwá tó mberù mà, òlòlù ngbó mberù mà nà. Ngùkpà dhu ní mbèyi aróngu kóró itsukpó-tidò mà, òyu-kù nǎ ka kóbhòlò kóró dhu-tsí mà, àtsà tí ka kátsà òrù odziya nà itsukpó nǎ ka kóbhòlò kóró dhu-tsí mà, ndirò mùlingà tó suma-tidò nǎ màtí, tsùmà nǎ màtí, àtsà ka kátsà odu nǎ màtí ka kóbhòlò dhu mà nà.

¹³Ngũkpà dhu ní ndrùù ikòya aróngu ùbì ka kùbì rò itsu-ndì-tidò mà sòbì mànà, màrasì mà, mànèmanè mà alindra-tidò mànà. Ndirò ní òvayì mà, akye mà, awílí ró'ò idyi-ra mà nganù-kpò mànà, ìkyì-akpá mà tàrà mànà, m̀hàgù mà abádhí arádhana gèrègèrè-tidò mànà, ìno tí arí'ì ale mà ndirò ùsò ka kúsò ale mànà.

¹⁴Ndirò ka kátina ndi kigò n̄: «Yà nyi nyazè atdíđò nyabà kòkò ídzì dhu-tidò kóró núwí wà funú rò! Ndirò, ònzì tó kóró pbùkù dhu-tsí mà, nyabhu ongónà nyaya atdíđò pbùkù dhu-tsí mànà kóró núwí wà! Nyi nyi ìnzì i dhu-tsí àlă tdítđò akekpá màtí!»

¹⁵Wò ndi kigò ìnzì mùtùruzitále níikòya itse wò ndi kigò rǎbàna àpbè òdò ònzì i í rò. Abádhí ambèya òdzi d̄, 'àdù òko izu ǒ,

¹⁶'àmbe àtìnà d̄: «Íyàdhíyà r̄'ì àpbè ǒ! Kà r̄'ì àpbè ǒ, ka ádrùngbǎ kigò! Kǔf̄ò ndi atdíđò úya mberù n̄, f̄indá òlù ítì ìtì tí mberù n̄, ndirò òlòlù ngbó mberù n̄. Kǔyò ngbóna orò tó dhu-tsí mà, orú odziya nà odu-tidò mà, yòkpó mànà n̄!

¹⁷Ní atdí adyifò-sisì ǒ tí wò dhu bhèyi ábhò ònzì-íyà nínza wà ì!» Bátó-dò ùtdyǎ arí ale mà, i bátó ǒ arúbhi ale mànà, bátó ǒ arí kasu ònzì ale mà, kóró ale kǎkà yà ádrùngbǎ rèrù ǒ i arónzina kasu náarí f̄iyó ípìrõnga òdò mànà níikò itse.

¹⁸Ní, wò kigò nùbì kàzu-ikò àlă i í rò, abádhí ambénà ùkù d̄, 'àti: «Íngbà kigò ndi yàri ádrùngbǎ kigò nà ndi nòfò?»

¹⁹Ní abádhí ambénà àhù ùtrò d̄ d̄yà ò izu-okú dò rò, 'àdù àambe òdzi d̄ atdíđò. Ndirò abádhí ambénà ùkù d̄, 'àmbe àtìnà d̄: «Íyàdhíyà r̄'ì àpbè ǒ! Kà r̄'ì àpbè ǒ, ka ádrùngbǎ kigò! Yà bátó nà arí'ì ádrùngbǎ rèrù d̄ ale kóró nínzì ní kà-ò rò aráhu ònzì. Pbétù, atdí adyifò-sisì ǒ tí, kòdì wà mùtáyángá.»

²⁰Ìnyi òrù-akpǎ, ábhù idhènu rika ndi ndi kigò núgolo ndi dhu-okú dò rò! Ndirò nyí Kàgàwà bhà alé, nyí uvitatálé, ndirò nyí Kàgàwà bhà pbànábí, idhèku àkǎ rika ndi átò! Obhó tí, Kàgàwà òtdì wà anya kà-d̄ rùkú kǎnzì dhu-okú dò rò.

²¹Wò dhu-dzid̄, atdíđò r̄'ì òbì nà atdí màlàyikà níitdu dhu ò'ù ka karí dòná odu bhèyi rólo ádrùngbǎ odu-ba, ndidò ádrùngbǎ rèrù ò. Kǎdù àtìnà: «Wò dhu bhèyi ní ndi ka kí Babeli, ádrùngbǎ kigò nídò òbì nyú nà ádrùngbǎ rèrù ò, ìnzì ràdù ndàla akekpá màtí tdítđò.

²²Dùmù-tù mà, adyi ùyu rí ale-tù mà, rùgě-tù mà, wàndà-tù mànà, r̄ ìnzì 'ìri ùnú akekpá màtí tdítđò. Dhèdhèrò kasu-tidò ònzì arí ale r̄ ìnzì 'àlă ùnú tdítđò akekpá màtí. Ndirò dhu t'ò'ùta tó odu-gìritì mà r̄ ìnzì ndiri ùnú akekpá màtí tdítđò.

²³Tarà tó awáwù r̄ ìnzì inga àwù ùnú akekpá màtí tdítđò. Ndirò àdhìngbǎ-òwútá mà pbìndà kpatsìbhále mànà-tù r̄ n̄zì 'ìri ùnú akekpá màtí tdítđò. Kóró kòkò dhu r̄ 'ònzì ùnú mùtùruzitále náarí 'òzù yà adzi ǒ kóró ngũkpà ale tó ònzì-dòná f̄iyó ònzì ósè ale tí dhu-okú dò rò. Ndirò, nyi nyarí kóró pbìrì ǒ ale ùtrǎ pbùkù òndrù n̄.

²⁴Ùnú nga ní ndi ka kótù pbànábí-azù, Kàgàwà bhà ale-azù, yà adzi ǒ ka kakyè kóró ngũkpà ale-azù mànà n̄.»

Upfòta 19

Kàgàwà ònzì mùlè mà dhu tó adyi ùyũ ka kí dhu

¹Tdítdǒ, ma miri ádrùngbǎ ihé-yà-tù bhěyi ró'ɔ ɔrú tũna nyú ǒ rí dhu òvɔ òrù-akpà ò rò ale-tù, ndàti: «Kàgàwà àkǎ ilèta nà! Kǎrí ndi àlě ìgũ! Ádrùngbǎnga tó awáwù mà, ádrùngbǎnga tó ɔbi mànà ní kàbhà dhu!

²Obhó tí, kǎrí ìndrũ-ànyǎ ìtdì obhón ga dǒ ndirò obhónánga dǒ. Kòtdì wà anya wò m̀nyònì tó ndirò ádrùngbǎnga tó ɔbi nà tsibhále dǒ, yà adzi ǒ ale níti ongónà pbìndà m̀nyònì tó nzére mùtsɔ nǐ tsibhále. Kàgàwà nútse wà yà kũfu pbìkì ale-azù íyàdhiyà rǒ!»

³Ɔyɔ rí kǐsě nǐ ndi ale-tù náavò dhu ɔbi nyú nà, ndàti: «Kàgàwà àkǎ ilèta nà! Wòrí ádrùngbǎ kigò ùbi rí kàzũ-ìkò rǒngò ambe ùpo dǒ wò dhu bhěyi tí dhòdhóhón ga nà!»

⁴Ɔyǒ kumì dòná ifò nà pbàkùrũ-akpá mà, yà ípìrǒnga nà ifò dhu-tsí mànà náadù 'ùkò ɔtdùya dǒ, ì rùlě fíndá ádrùngbǎ kamà tó tombi dǒ àdì ale Kàgàwà, 'àmbe àtìnà dǒ: «Àmìnà! Kàgàwà àkǎ ilèta nà!»

⁵Ndirò, ndi ádrùngbǎ kamà tó tombi dǒ rò atdí ale-tù náavò dhu, ndàti: «Dhu àkǎ nyífu àlě tó Kàgàwà, nyí kóró kàbhà alé, yà kǒdò ònzì nyí nyarí rò, ìndrũ arí ifũna, ndirò ìnzì ìndrũ arí ifũna alé!»

Tàmǎ-ngba tí kátina ale bhà nduwà tó dhu òvɔ ka kí dhu

⁶Wò dhu-dzidǒ, ma miri ádrùngbǎ ihé-yà-tù bhěyi ró'ɔ atdí ale-tù. Kǎmbénà ndirò dǒ átò ábhǒ idha rǐ ndòbvù dhu bhěyi ndirò atdí dǒ rúta ɔvɔ bhěyi. Ndi ale-tù ambénà àwa dǒ atdí dǒ, ndàti: «Kàgàwà àkǎ ilèta nà! Obhó tí, àlě tó Ádrùngbǎle Kàgàwà, yà kóró dhu dǒ arí'ì ádrùngbǎnga tó ɔbi nà ale, nídi wà pbìndà idzi!

⁷Ní, kàbhũ àlě-idhè rǐka ndi, àlě ràmbe ùkũ dǒ dhèdhe nà, ndirò àlě ràdù àmbe kilè dǒ. Obhó tí, Tàmǎ-ngba bhà nduwà tó kàsùmì àkǎ wà, ndirò kàbhà tsibhále nóbhòlò wà ndi.

⁸Ndi tsibhále tò ka kàbhũ ùyũya uzì nǐ ka kódyù mberù ndínǐ kǎfó tí. Ndi mberù ní átò ùmbìlì rùmbìlì, ndàdù ìlǎ mberù.» Ndi ùyũya uzì nǐ ka kódyù mberù rǐtèna ní Kàgàwà bhà ale tó obhónánga tó mùtsɔ.

⁹Nirò ní ndi màlàyikà náadù àtìnà ima nǐ: «Ándí yàrí ɔte: Hirò nònzì ale ní yà Tàmǎ-ngba bhà nduwà tó mùhendù ò ka kùnzi rìwũ ale!» Ndirò, kǎdù àtìnà tdítdǒ: «Kǒkò fũkù ma mòvò ɔte ní Kàgàwà bhà ɔte nyú.»

¹⁰Ní, ma mibvú ma kònzǐ ɔtdyèdu dǒ, ndínǐ ma mulé tí ka. Pbétù, kǎdù àtìnà ima nǐ: «Ìnzě! Nzǒnzì dhu wò dhu bhěyi! Ima ní kasutále kèlě inyì bhěyi, ndirò adónu bhěyi. Kàgàwà ní ndi nyí nyákǎ nyukò nyí ɔtdyènu dǒ ɔnzínà nyulě ale!» Àlě'ì kóró àlě kábà yà Yèsù ira nà obhón ga tó ɔte. Obhó tí, atdí Ìlǐlǎ Alafí kèlě rǐ ndɔte yà Yèsù unò ɔte-nyutsinǎrò ndirò wò pbànábí tó ófò ǒ rí'ì yàrí bhũkù ò ɔte-nyutsinǎrò.

Ɔwǒwù mùhàgù dǒ ùpò ndàdì ale, Yèsù rǐ mùlè mà ònzì dhu

(Zǎb 45.4-8; Ìsa 11.4; 63.1-6; 2Tè 2.8; Yud 1-15)

¹¹Wò dhu-dzidõ, ma mala òrù-akpà-li'ò ndi nàngbe ró, òwòwù m̀hàgù ràdù nditò ònà rò. Wò ndi m̀hàgù dõ ùpò ndàdi ró i'ì ale-òvò ní'ì atdí dõ ka kí'ì a'uta nà ònà ale, ndirò obhó dhu kèlè únò arí ale. Obhó tí, káí ìndrù-ànyà únò, ndàdù ìla ùgyè obhónánga dõ.

¹²Kà-nyìkpó náambénà ùmbìli dõ àdhàdhì kàzu-idà-do bhèyi, ndirò kà-do rõ mùkàkù ní'ì abhò nyú. Kí'ì róná ka kándi atdí òvò, yà inzà atdí ale mà ùni òvò nà, pbétù yà ka kèlè ùni atdí rò òvò.

¹³Kí'ì azu òwì ndi róná mùdzarù ndi ndàfõ róná ró. Ndirò kòvò ní'ì «Kàgàwà bhà Ɔte.»

¹⁴Òrù-akpà ò pbànowí tó pìkò náambénà òwu dõ kòwù ò òwòwù m̀hàgù dõ 'ì 'òkò rórò. Ndirò, abádhí ufó òwòwù atdí dõ úya 'àdù ìlã mberù.

¹⁵Atdí dõ ndi nàkà ìla tó obhi-akpà náadù àhu kà-li'ò rò, ndíni kònzì tí kóró pbìrì ò ale lè mà nì. Ndirò, kà rí idzi ònyu, ndùndà ìndrù tsumà tó mùgò nì. Ndirò, kà rí i ale-ònga òbè Kàgàwà, yà kóró dhu dõ arí'ì ádrùngbã tó òbi nà ale bhà ádrùngbã nàwí tó òvayì náha ka karí ònà ibhu ò.

¹⁶Kà-dzo ònà rò, ka kándi kabhà mberù-rõ òvò ní: «Ádròdrõ kámá dõ Ádrùngbã Kamà, ndirò, ádròdrõ ale dõ Ádrùngbãle.»

¹⁷Wò dhu-dzidõ, ma mala atdí màlàyikà adyifò ò ìdè ró. Kákù òrú tũna nyú nà òrù-akpà-nyì rõ rángìli kóró àrè tò, ndàti: «Nyìwũ nyàndu nyí atdíkpá Kàgàwà bhà ádrùngbã m̀hendù tò.

¹⁸Nyìwũ ndíni nyí nya'a tí ádròdrõ kámá-abvò mà, pbànowí tó ádròdrõ ale-abvò mà, òbi nà arí'ì ale-abvò mà, m̀hàgù-abvò mà, kákà abádhí-dõ ùpò 'òkò ale-abvò mànà. Nyìwũ ndíni nyí nya'a tí kóró ale-abvò: kákà dòyá arí'ì ìtírò ale-abvò, ìno tí arí'ì ale-abvò, ìndrù arí ìfũna ale-abvò, ndirò ìnzì ìndrù arí ìfũna ale-abvò.»

¹⁹Tdítdõ, ma mala ìzã mà atdíkpá yà adzi ò ádròdrõ kámá mà, fìyó pbànowí tó pìkò mànà iwà ì nùndu atdíkpá, ndíni ì ugye tí ì m̀hàgù dõ àdi ale mà, pbìndà pbànowí tó pìkò mànà nà.

²⁰Ní ka kulú ndi ìzã mà yà kònzì arúbhi wiwì ònzì rõ títò tó nabì mànà. Ndi wiwì-otù ò, ndi nabì aránà wò ndi ìzã bhà kàsè ka kùpbì ròyá ale, yà kà-wòyõ ùlè arí ale núwi rõ. Wò ndi ìzã mà atdíkpá ndi títò tó nabì mànà ka kawà ìpìròrò áwùse tó dhu-ra tó ádrùngbã kàzu yà atdí dõ arúla ògbe ndógbe rò ò.

²¹Ndirò, kòkò òdòdì ale-go nakyè ní wò ndi m̀hàgù dõ àdi ale-li'ò rò ráhu ìla tó obhi-akpà, kóró àrè ràdù abvòya ná'à 'ùlè nì.

Upfòta 20

Osu-akpà-ba nósò màlàyikà rí atdí lufù ato tí dhu

(Dàn 7.22,27; Upf 5.9-10)

¹Wò dhu-dzidõ, ma mala atdí màlàyikà òrù-akpà ò rò rífo ró. Kí'ì òyì-tsù tó fùngulà mà, ádrùngbã àdrà-mbì-ba mànà nà fóná.

²Ní, kálú wò ndi ádrùngbã osu-akpà-ba, yà m̀hàngú ò rò i'ì osu, Pfòmvo, ndàdù òsònà atdí lufù ato tí.

³Obhó tí, wò ndi màlàyikà náabvù ka ndi òyí ò, ndàdù ndi ibhu-akpà-li'ò nàpbi. Wò dhu-dzidõ, kädù kàsèidù kà-tsù rõ. Känzi ka ndi dhu bhëyi tséngbá wò ndi osu-akpà-ba náahùna, ndùtrá kóró p̀bìrì ò ale rùwí nĩ, ràrà àhù wò atdí lufù ato rĩku dhu ò. Wò dhu-dzidõ, dhu akáya kikòlò ka ákě kàsùmì tí.

⁴Ndirò, ma mala pbàkámá tó tombi, i tombi dõ òkò ale tò Kàgàwà ràdù ìndrũ-ànyã itdì abádhí rõngo nĩ ádrùngbãnga tó òbì àbhù. Ma mala átò dhu ní'ì yà Yèsù bhà ngàm̀bì tí i'ì dhu mà, Kàgàwà bhà Ɔte i unò ìndrũ tò dhu mànà dhu-okú dò rò ka kakyè ale. I ale ní kákà inzà i nukò izã-ònzì màtí, ndirò kà-wòyõ-ònzì màtí, 'ùlě ka ale. Ndirò, ka kupbi nzá ndi izã bhà kàsé abádhí-nỳndri rõ màtí, ndirò abádhí-òtsú rõ màtí. Ní, abádhí núungbe i òve-bvù rò, 'àdù idzi ònyù atdíkpá Krístò mànà atdí lufù ato tí.

⁵Wòrí ní ndi wemberè tó ungbeta. Yà òdòdì ùvùvè ngũkpà ale-go náadù nzá 'ùngbe, ràrà àhù wò atdí lufù ato rákã dhu ò.

⁶Hirò ònzì rí ale ní kákà ndi wemberè tó ungbeta ò rí 'ùngbè ale! Abádhí ní Kàgàwà bhà ale, ndirò ɔyɔ rí kìsě ɔve rĩ mbã ádrùngbãnga tó òbì nà abádhí-dõ. Abádhí ní'ìya Kàgàwà bhà ndirò Krístò bhà pbàkùhání. Ndirò abádhí nóonyuya idzi atdíkpá Krístò mànà atdí lufù ato tí.

Pfòmvo òtě rĩku atdíidõ dhu

(Zèk 38–39)

⁷Wò ndi atdí lufù ato rĩku rò, ka kikòlòya pfòmvo Sìtanì ràhù p̀bìndà imbi-dzà ò rò.

⁸Ní kädùya àrà ifò yà adzi-pbidò ònã arí'ì p̀bìrì ò kóró ale-tidò ùtra rùwí. I p̀bìrì ní Gõgì mà Mägõgì mànà. Känduya abádhí-tsù, ndínĩ 'ì nugye tí Kàgàwà bhà ale mànà. Ndirò, abádhí ní'ìya abhò nyù àdhàdhì ádrùngbã rèrù-bidõ ɔɔkpò bvùtí.

⁹Abádhí náadùya 'ìfàlà yà adzi ò kóró ngari ònã, 'àdù Kàgàwà bhà ale tó pbanga, yà atdíidõ kòzè kigò-ngbò nákpòrò. P̀bètù, kàzu nísiya òrù-akpà ò rò, ndùbì abádhí.

¹⁰Ní Pfòmvo, yà abádhí nutrá ale, ní ka kobvúya yà atdíidõ rórù ádrùngbã kàzu ò, yà izã mà, tìtò tó nabì mànà rí'ì i. Ní abádhí abáya àpbè adyìbhengá màtí ndirò kùbhingá màtí, dhòdhódhóngà nà.

Kà rĩku dòná rò anya t'ítà

(Yùw 5.26-29; Kas 17.30-31; 2Pe' 3.7-12)

¹¹Wò dhu-dzidõ, ma mala ádrùngbã kamà tó òwòwù tombi-ba atdíkpá kà-dõ àdì ale mànà. Yà adzi mà òrù-akpà mànà náatsè itse nyù àbadhi-ònzì rò, ìnzì 'àdù 'àla tdíidõ.

¹²Ndirò, ma mala ùvùvè ale, ìndrũ arí ifùna ale mà ìnzì ìndrũ arí ifùna ale mànà wò ndi ádrùngbã kamà tó tombi-ònzì ìkò ró. Ní ka kungbe ibí bhükù, ndirò ka kangbe ngàtsi bhükù átò. Wò ndi-tsí ní'ì ípìrõnga tó bhükù. Ní ka kitdì kòkò ùvùvè ale-ànyã àdhàdhì i ibí bhükù ò ka kundí yà abádhí anzì dhu-bvu rõ.

¹³Obhó tí, ádrùngbã rèrù níipfo yà ònà uvè ale. Ndirò ɔve mà ɔve-bvùnga mànà níipfo òyà i'ì ùvùvè ale átò. Ìngbàtí ìlì ndi ale mà-ànyã ka kitdì àdhàdhì ndi ale anzì dhu-bvu rõ.

¹⁴Wò dhu-dzidõ, ka kawà ɔve mà ɔve-bvùnga màná yà ìnzí aráve ádrùngbã kàzù ò. Wò ndi kàzù ò ka kí ìndrũ òbvù dhu ní ndi ɔyɔ rí kìsě ɔve nǐ ka kóvè dhu.

¹⁵Ndirò, ìnzá ka kòtù iwà ka kándí ɔvòna ípìrõnga tó bhũkù ò ró ale, ní ka kabvù wò ndi kàzù-yà-ba ò.

Upfòta 21

Òrù-akpà-ɔwútá mà adzi-ɔwútá màná

(Rom 8.17-18; 2Pe 3.13-14)

¹Wò dhu-dzidõ, ma mala òrù-akpà-ɔwútá mà adzi ɔwútá màná. Obhó tí, wemberè tó òrù-akpà mà wemberè tó adzi màná ní'ì iwà ì úwí ró, ndirò ádrùngbã rèrè náadù ì'ì ìmbã tdítđõ.

²Ndirò, ma mala Kàgàwà bhà ìlǐlǎ kigò, Yèrùsàlemà-ɔwútá òrù-akpà ò rò rífo, ndi Kàgàwà bhà rò ró. Kí'ì iwà ka kòbhòlò àdhàdhì tɔròna ka kònzì ndíní owu tí 'òtù pbìndà kpatsìbhále nà àdhìngbã bhèyi ró.

³Ní ma miri ɔrú tũna nyú nà rí dhu ɔvɔ ádrùngbã kamà tó tombi-ti'ò rò atdí ale-tù, ràmbe àtìná dǔ: «Kòmbí, Kàgàwà arádi ró nga rǐ'ì ìndrũ nzínzì ǒ! Kà rǐngò àdi atdíkpá abádhí màná, ndirò abádhí ní'ìya kàbhà ale. Kàgàwà nyú ndítírò ní'ìya atdíkpá abádhí màná, ndirò ka ní'ìya abádhí tó Kàgàwà.

⁴Kùndoya abádhí-nyìdha kóró. ɔve ní'ìya ìmbã tdítđõ, ndirò ɔve tó izu mà, uhútá mà, àpbè màná ní'ìya ìmbã tdítđõ. Obhó tí, yà angyi ì'ì dhu-tsí ní'ìya iwà ì úwí ró.»

⁵Ndirò, wò ndi ádrùngbã kamà tó tombi dǔ ndi ndàdi ró ì'ì ale náavò dhu átò ndàti: «Kànǐ ma mí kóró dhu-tsí ònzì rǐngò ɔwútána tí.» Wò dhu-dzidõ, kǎdù àtìná ima nǐ: «Ándí yàrí ɔte. Obhó tí, ndi ɔte ní obhóná ɔte, yà ìmbã tìtò rǐ'ì òná ɔte.»

⁶Kǎdù àtìná tdítđõ: «Kòmbí kóró dhu àkǎ wà! Ima ní Álúfà ndirò Ómégà, kà-tì ní kóró dhu apè ndi róná rò ale ndirò kóró dhu rǐku dóná rò ale. Idha-atdyú nà rǐ'ì ale tò, ima, ma mí ípìrõnga tó idha-dòti ò rò ráhu idha àbhũ kà ròmvù tíròrò.

⁷Dhu lè mà ònzì rí ale, náabáya fudú rò ní kǒkò rí dhu. Ndirò, ima ní'ìya kàbhà Kàgàwà ndirò kà ní'ìya pbàkà ìngba.

⁸Pbétù ɔdotále mà, ìnzá Kàgàwà ná'ù ale mà, nzére dhu ònzì arí ale mà, ìndrũ òkye arí ale mà, mùnyòni ònzì arí ale mà, òndrù òndrù arí ale mà, sànamù ùlě arí ale mà, kóró ale, tìtò ùnɔ arí màná, ní tó ngari ní'ìya áwùse tó dhu-ra tó ádrùngbã kàzù yà atdíđõ arúla ògbe ndógbe rò ò. Wòrí ní ndi ɔyɔ rí kìsě ɔve.»

Yèrùsàlemà-ɔwútá, Tàmǎ-ngba bhà tsìbhále

(Ìsa 60; Zèk 48.30-35; É`br 11.10,16)

⁹Wò dhu-dzidõ, atdí màlàyikà níndri tidu ò. Ndi màlàyikà ní'ì yà Kàgàwà bhà nàwí rǐku dǔyá rò àpbè nùlè ɔyá àrùbhù kópà nùlǎnà foyá àrùbhù màlàyíkà nzínzì ǒ atdí màlàyikà . Ní kǎti ma nǐ: «Írà kòwu atdíkpá, ndíní ma mìtè tí àdhìngbã, Tàmǎ-ngba tí kátina ale bhà tsìbhále indù.»

¹⁰Ní, Ìlílǎ-Alafí nírá ma, ndi màlàyìkà ràdù modyì ndàrà ma nà ádrùngbǎ ndirò ádzí atdí p̀bìrì-akpà d̀. Ní kítè Kàgàwà bhà ìlílǎ kigò, Yèrùsàlemà idù. Ndi kigò ambénà ìfo d̀ òrù-akpà ò r̀, ndàmbe ìrà d̀ ndi Kàgàwà bhà r̀.

¹¹Ndi kigò ambénà ùmbìlì d̀ Kàgàwà bhà ádrùngbǎnga tó awáwù-okú d̀ r̀. Kàbhà awáwù ní'ì àdhàdhì yà kiyó bhèyi arùmbìlì yǎspì tí kátina ɔrú odzina nà odu bhà awáwù bhèyi.

¹²Kà-ngbò ka kákpòrò nǐ lubhà ní'ì odu nǐ ka kórù, mbèmbèna nà ndirò ádzí kunatì nà lubhà. Ndi lubhà tó tsàtsù í'ì atdí kumì dòná óyò nà, atdí kumì dòná óyò nà màlàyíkà ràdù àmbe ngbòya òdò d̀. Ndirò í tsàtsù r̀ ka kundí ɔvò ní'ì atdí kumì dòná óyò nà P̀bàìsràyélì tó rùgànda-tsù-ɔvò.

¹³Adyifò arí ndìto inǎ r̀, kà-r̀ tsàtsù í'ì ìbhù, adyifò arótsù inǎ r̀, tsàtsù í'ì ìbhù. Múlayí dònǎ r̀, tsàtsù í'ì ìbhù, ndirò mùsùngú-dò nǎ r̀, tsàtsù í'ì ìbhù.

¹⁴Ndirò wò ndi kigò-ngbò nákpòrò lubhà ní'ì atdí kumì dòná óyò nà ádròdrò odu ka kúli tsinà, ndíní ka nabhù tí rìdzò lubhà. Ndirò, kóró í odu r̀ ka kundí ɔvò ní'ì Tǎmǎ-ngba bhà atdí kumì dòná óyò nà uvitatále-ɔvò.

¹⁵Wò ndi idù ubhínà dhu àwè r̀ màlàyìkà ní'ì dhu ùdhè ka karí nǐ dhu nà fóná: ndi dhu ní'ì ɔrò nǐ ka kóbhòlò-ngbòna ízò. Kálú ndi dhu ndíní ndi ndudhè tí ndi kigò nǐ kóró, kóró kà tó tsàtsù mà, kà-ngbò ka kákpòrò nǐ lubhà-ɔngò-kpa mànà.

¹⁶Wò ndi kigò ka kasì iginadó rì'ì ìfo àdhàdhì: kà tó ádzínga mà kà tó íhùnga mànà ní'ì àdhàdhì. Ní, màlàyìkà núudhè kóró ndi kigò-ɔngò-kpa wòrì ízò nǐ. Í kǔngò-kpa tó ádzínga, íhùnga, kívé mànà ní'ì àdhàdhì mbèmbè óyò lufù kílòmètèrè tí .

¹⁷Màlàyìkà núudhè lubhà átò ìndrù arí dhu ùdhè dhu bhèyi. Ní, kǔngò-kpa-ìvé nóowúnà í'ì r̀ mbèmbè àrùbhù kumì kílòmètèrè tí .

¹⁸Kǔngò-kpa ní'ì yǎspì tí kátina ɔrú odzina nà odu nǐ ka kòsì. Ndirò, ndi kigò ní'ì vìnà d̀ r̀ rì'ì ɔrò nǐ ka kòsì, kadù àmbe ale-sisì àla d̀ ònà kiyó ɔ dhu bhèyi kigò.

¹⁹Ndi kigò-ngbò nákpòrò lubhà-pfò-ngbò tórò ka kanzi nǐ ní'ì ɔrú odziya nà dhèdhèrò odu-tidò. Kà-pfò ka karù nǐ wemberè tó odu ní'ì yǎspì tí kátina odu, ɔvò rì kìsè ní'ì sàfilò, ìbhù rì kìsè ní'ì kàlèdonì, ìfo rì kìsè ní'ì zùmàridì,

²⁰imbo rì kìsè ní'ì sàdònìkì, azà rì kìsè ní'ì àkìkì, àrùbhù rì kìsè ní'ì krìsòlitè, àrù rì kìsè ní'ì bèlulò, arùgyètdí rì kìsè ní'ì tòpazò, idre rì kìsè ní'ì krìsòparazò, atdí kumì dòná atdí na rì kìsè ní'ì hàyìkitò, ndirò atdí kumì dòná óyò nà rì kìsè ní'ì àmàzìsitò .

²¹Ndirò, kǔkò í atdí kumì dòná óyò nà tsàtsù ní'ì atdí kumì dòná óyò nà yòkpó tó odu. Ìngbàtì ìlì ndi tsàtsù mà ka kabhòlò nǐ ní'ì atdí yòkpó. Ndi kigò ɔ ádrùngbǎ ngudhà ní'ì vìnà d̀ r̀ rì'ì ɔrò nǐ ka kóbhòlò, ràdù àmbe ale-sisì àbhù d̀ r̀ r̀ ndi kiyó ɔ dhu bhèyi ngudhà.

²²Ma mala nzá Kàgàwà bhà idza wò ndi kigò ɔ. Obhó tí, àlè tó Ádrùngbǎle Kàgàwà, yà kóró dhu d̀ arí'ì ádrùngbǎnga tó ɔbì nà ale mà, Tǎmǎ-ngba mànà ní ndi kàbhà idza.

²³Wò ndi kigò arí'ì ìmbă adyifò mà àbì mànà atdyú nà ndínì ònánɡa nawù tí. Obhó tí, Kàgàwà bhà ádrùngbănga tó awáwù náarí ndi kà-ǒnga àwù, ndirò Tàmă-ngba ní ndi kà-ǒ tarà.

²⁴Ndi dhu bhëyi ní ndi, kóró pbìrì ǒ ale nókoya kabhà awáwù ǒ, ndirò yà adzi ǒ ádròdrǒ kámá níwúya fìyó ònzì nà kà ò.

²⁵Wò ndi kigò tó tsätsù ní ka kupbíya nǐ atdí idho ǒ màtí, ìmbă kúbhingá nga ní'íya ányì nídhunǐ.

²⁶Kóró pbìrì ǒ ale nóowuya fìyó ifuta mà fìyó ònzì mànà nà ndi kigò ò.

²⁷Ányì, Kàgàwà-nyìkpó ǒ ótì atdí dhu mà nóotsúya nǐ. Ndirò yà òndrò ka kóndrò atdí dhu ònzì arí ale mà, tìtò ùno arí ale mànà nóotsúya nǐ ányì átò. Pbétù, kà-ò otsúya ale ní yà Tàmă-ngba bhà ípìrǒnga tó bhükù ò ka kándì ɔvòya ale kèlě.

Upfòta 22

(Zèk 47.1-12)

¹Wò dhu-dzidǒ, màlàyikà níitè ípìrǒnga tó idha-akpà idù. Ndi idha ní'ì kiràwulì ǒ nga bhëyi ale-nyìkpó rǐ ndòto òna nă, ràdù àmbe àhu dǒ Kàgàwà bhà ndirò Tàmă-ngba tí kátina ale bhà ádrùngbă kamà tó tombi ò rò.

²Wò ndi idha náambénà òku dǒ átsì Kàgàwà bhà kigò ǒ ngudhà ǒ. Ndirò, ɔyɔyɔ ndi idha-bidǒ í'ì dhu ní ípìrǒnga àbhǔ rí ìndrǔ tò itsu. Ndi itsu arána ò'ò rǒ atdí kumì dóná óyǒnà-gùna, atdí ato rǒ, kà-tì ní, kà rarána ò'ò rǒ atdí-gùna atdí àbì rǒ. Ndi itsu-bǐ nónzì rǒ ka kowúnà pbabǐ tí, kigǔ kóró pbìrì ǒ ale nǐ.

³Kàgàwà ófù dhu tí ka kózùna atdí dhu mà ní'íya ìmbă tdítǒ. Kàgàwà mà Tàmă-ngba mànà tó ádrùngbă kamà tó tombi ní'íya wò ndi kigò ǒ. Ndirò, Kàgàwà bhà ale núuléya ka.

⁴Abádhí náalaya Kàgàwà-nyìkpa, ndirò ka kandíya kǒvò abádhí-nyìndri rǒ.

⁵Kúbhingá nga ní'íya ìmbă tdítǒ, ndirò ka kí'íya ìmbă tarà mà adyifò mànà tó awáwù-atdyú nà. Obhó tí, Ádrùngbăle Kàgàwà náawùya ndi abádhí-dǒnga, ndirò abádhí ɔnyuya idzi dhòdhóhónɡa nà.

(Màt 16.27; Gàl 6.7-8; Upf 1.1-3,7-8)

⁶Wò dhu-dzidǒ, wòrí màlàyikà náadù àtìna ima nǐ: «Yàrí bhükù ò rí'ì ɔte ní obhóná ɔte, yà ìmbă tìtò rǐ'ì ònà ɔte. Ndirò, Ádrùngbăle Kàgàwà, yà pbànábí ùnda arí pbìndà Ìlǐlǎ-Alafí-otù ǒ ale, nívi ima, pbìndà màlàyikà ndínì inzà òtrò kàsùmì ǒ rí 'ònzì dhu mìtè tí pbìndà kasutále tò.»

Yèsù rǐngo dhu

⁷Yèsù ràtina: «Kànǐ ma mírà inzà òtrò kàsùmì ǒ! Hirò ònzì rí ale ní yà pbànábí ùno ɔte tó ófò ǒ rí'ì yàrí bhükù ò ɔte nífǔ rí ale!»

⁸Ima Yùwanì ní ndi ma mìrì ndi dhu, madù àlanà. Ní, i dhu ma mìrì, madù àlanà rò, ma mìtsi wò i dhu nìtè idù màlàyikà-ònzǐ, mùlě ka.

⁹Pbétù kǎdù àtìná ma nǐ: «Ìnzě! Nzǒnzi dhu wò dhu bhěyi! Ima ní kasutále kèlě inyì bhěyi, adónu pbànábí bhěyi, ndirò yàrí bhükù ò rí'ì ɔte nífũ arí ale bhěyi! Kàgàwà ní ndi nyi nyádù àkǎ nyuko nyi ɔnzíná ale!»

¹⁰Tdítdǒ, kǎdù àtìná ima nǐ: «Àpé nyodo yà pbànábí unɔ ɔte tó ɔfò ǒ rí'ì yàrí bhükù ò ɔte òdhũ ò, i dhu rǎkǎ òná kàsùmì nìndù wà ndi nìdhunǐ.

¹¹Nzére dhu ɔnzi arí ale náká ndòngò nzére dhu kèlě ɔnzi. Ndirò, Kàgàwà-nyìkpó ǒ ɔtì ale náká ndòngò ndìtì ndi dhu bhěyi tí. Ídzi dhu ɔnzi arí ale náká ndòngò ídzi dhu kèlě ɔnzi. Ndirò, Kàgàwà-nyìkpó ǒ ílǎ ale náká ndòngò ndi kèlě ù'o ndilǎ Kàgàwà-nyìkpó ǒ.»

¹²Yèsù rǎtina: «Kànǐ ma mǐrà inzǎ òtrò kàsùmì ǒ! Ní, ma mǐrà mùkimbà nà fudú, ndínǐ ma mubhò tí ìngbàtí ìlì ndi ale mà ndi ale anzì kasu-bvu rǒ.

¹³Ima ní Álúfà ndirò Ómégà, kà-tì ní kóró dhu apè ndi róná rò ale ndirò kóró dhu rǐku dóná rò ale.»

¹⁴Hirò nonziya ale ní kǎkǎ ròyá mberù ù'ò rí rìlǎ ale. Abádhí ní ndi kigò ò otsúya ndi kigò tó tsátsù ǒ, 'àdù ípìrǒnga ìbho arí ìndrũ tò itsu-kpǒ òtò.

¹⁵Pbétù, irinǎ rò okoya ale ní itsě, yà inzǎ nga nòfò dhu ɔnzi arí ale mà, òndrù òndrù arí ale mà, m̀nyònì ɔnzi arí ale mà, ìndrũ òkye arí ale mà, sànamù ùlě arí ale mà, titò nózè 'àdù kùnò ale mànà.

¹⁶Yèsù rǎtina: «Ima, ma mòvì pbàkǎ màlàyikà ndínǐ adì tí kóró kòrí dhu tó ngàmbì tí kànísá ǒ. Ima ní Ádrùngbǎ kamà Dàwudì-dhú tó mùdzukuru, yà kútsingánǎ arúmbìlì alalì.»

¹⁷Ndirò Ìlǐlǎ-Alafí mà Àdhìngbǎ mànà rǎtina: «Írà!» Ndirò, yà dhu ìrì rí ale náká ndàtì átò: «Írà!» Idha-atdyú nà rí'ì ale náká ndìrà, ndirò ípìrǒnga tó idha nòzè ale àkǎ ndìrà kàkò tírǒrò.

Dhu rǐku dóná rò ɔte

¹⁸Ima Yùwanì, ma mí yàrí dhu ɔvo kpangba yà pbànábí unɔ ɔte tó ɔfò ǒ rí'ì yàrí bhükù ò ɔte ìrì rí ale tò kóró: ndi ale apé dhu isě yàrí bhükù ò ka kándì dhu dǒ, ní ndi ale rǎbàna àpbè dǒ, Kàgàwà iséya yà yàrí bhükù ò ka kándì àpbè isě tí.

¹⁹Ndirò, ndi ale apé atdí dhu mà nípfò wò ndi pbànábí unɔ ɔte tó ɔfò ǒ ka kándì yàrí bhükù ò ɔte ò rò, ní Kàgàwà níipfoya ndi ale àmbènà àbàna yà ndi bhükù ò ndi ndókò fíndá làkǎ ndi ale tò dhu-dǒngadhu-dǒnga. Ndi ale otsúya nzi Kàgàwà bhà ìlǐlǎ kigò ò, ndirò kǒtɔya nzi yà ípìrǒnga àbhũ arí ìndrũ tò itsu-kpǒ.

²⁰Wòrí dhu tó obhónɡa itè rí ale rǎtina: «Kànǐ ma mǐrà inzǎ òtrò kàsùmì ǒ!» Àmìnà! Írà, Ádrùngbǎle Yèsù!

²¹Ádrùngbǎle Yèsù àkǎ ndàso nyí kóró!

Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira
2021, Vitória/ES - Brasil